

MISSALE ROMANUM

EX DECRETO CONCILII TRIDENTINI RESTITUTUM PONTIFICUM CURA RECOGNITUM NOVAM EDITIONEM TYPICAM

(typica et cum ed. sexta vaticana post typicam,
recentioribus decretis S. R. C. 17 JAN. 1957.)

In ubique Psalmorum pristina versio, scilicet :

Ad Praeparationem ad Missam, Ps. 83-84-85-115-129 ;
ad Gratiarum actionem post Missam, Cant. tr. p. et Ps. 150 ;
ad Distributionem ramorum in Dom. II Passionis, Ps. 23 ;
ad Distributionem ramorum in Dom. II Passionis, Ps. 46 ;
ad Processionem cum ramis in Dom. II Passionis, Ps. 147 ;
ad Missam Chrismatis, V/ Introitus Ps. 88, 2 ;
ad Missam Chrismatis, Graduale Ps. 27, 7-8 ;
ad Missam Chrismatis, Offertorium Ps. 44, 7 ;
ad Missam vespertinam in Cena Domini, rubr. 31, mentio Ps. 22 et 150 ;
ad Altarium denudationem in Cena Domini, Ant. et Ps. 21 ;
ad Communionem in Feria VI in Passione et morte Domini, mentio Ps. 21 ;
ad Laudes Sabbati Sancti Ps. 150 et Cant. Zachariae ;
ad Versum Introitus S. Joseph Opificis, die 1 Maji, Ps. 126, 1 ;
ad Tractum S. Joseph Opificis, die 1 Maji, Ps. 111, 1-3 ;
ad Versum Introitus BMV Reginae, die 31 Maji, Ps. 44, 2 ;
ad Versum Gradualis BMV Reginae, die 31 Maji, Ps. 44, 10 ;
ad Graduale Assumptionis BMV, die 15 Augusti, Ps. 44, 11-12 et 14 ;
ad Introitum S. Pii X, die 3 Septembris, Ps. 88, 20-22 et 2 ;
ad Graduale S. Pii X, die 3 Septembris, Ps. 39, 10-11 ;
ad Alleluja S. Pii X, die 3 Septembris, Ps. 22, 5-6 ;
ad Tractum S. Pii X, die 3 Septembris, Ps. 131, 16-18 ;
ad Alleluja Paschale S. Pii X, die 3 Septembris, Ps. 22, 5-6 et 25, 8)

PIUS
EPISCOPUS

SERVUS
SERVORUM
DEI

AD
PERPETUAM
REI
MEMORIAM

QUO primum tempore ad Apostolatus apicem assumpti fuimus, ad ea libenter animam, viresque nostras intendimus, et cogitationes omnes direximus, quae ad Ecclesiasticum purum retinendum cultum pertinerent, eaque parare, et, Deo ipso adjuvante, omni adhibito studio efficere contendimus. Cumque inter alia sacri Tridentini Concilii decreta, Nobis statuendum esset de sacris Libris, Catechismo, Missali et Breviario edendis atque emendandis: edito jam, Deo ipso annuente, ad populi eruditionem Catechismo, et ad debitas Deo persolvendas laudes Breviario castigato, omnino, ut Breviario Missale responderet, ut congruum est et conveniens (cum unum in Ecclesia Dei psallendi modum, unum Missae celebrandae ritum esse maxime deceat), necesse jam videbatur, ut, quod reliquum in hac parte esset, de ipso nempe Missali edendo, quam primum cogitaremus. Quare eruditissimos viros onus hoc demandandum duximus: qui quidem, diligenter collatis omnibus cum vetustis nostrae Vaticanae Bibliothecae, aliisque undique conquisitis, emendatis,

atque incorruptis codicibus ; necnon veterum consultis ac probatorum auctorum scriptis, qui de sacro eorumdem ritu um instituto monumenta nobis reliquerunt, ad pristinam Missale ipsum sanctorum Patrum normam ac ritum restituerunt. Quod cognitum jam et castigatum, matura adhibita consideratione, ut ex hoc instituto, coeptoque labore, fructus omnes percipiant, Romae quam primum imprimi, atque impressum edi mandavimus: nempe ut sacerdotes intelligant, quibus precibus uti, quos ritus, quasve caeremonias in Missarum celebratione retinere posthac debeant. Ut autem a sacrosancta Romana Ecclesia, ceterarum Ecclesiarum matre et magistra, tradita ubique amplectantur omnes et observent, ne in posterum perpetuis futuris temporibus in omnibus Christiani orbis Provinciarum Patriarchalibus, Cathedralibus, Collegiatis et Parochialibus, saecularibus, et quorumvis Ordinum, monasteriorum, tam virorum, quam mulierum, etiam militiarum regularibus, ac sine cura Ecclesiis vel Capellis, in quibus Missa Conventualis alta voce cum Choro, aut demissa, celebrari juxta Romanae Ecclesiae ritum consuevit vel debet, alias quam juxta Missalis a Nobis editi formulam decantetur, aut recitetur, etiamsi eaedem Ecclesiae quovis modo exemptae, Apostolicae Sedis indulto, consuetudine, privilegio, etiam juramento, confirmatione Apostolica, vel aliis quibusvis facultatibus munitae sint ; nisi ab ipsa prima institutione a Sede Apostolica approbata, vel consuetudine, quae, vel ipsa institutio super ducentos annos Missarum celebrandarum in eisdem Ecclesiis assidue observata sit: a quibus, ut praefatam celebrandi constitutionem, vel consuetudinem nequaquam auferimus ; sic si Missale hoc, quod nunc in lucem edi curavimus, iisdem magis placeret, de Episcopi, vel Praelati, Capituli universi consensu, ut, quibusvis non obstantibus, juxta illud Missas celebrare possint, permittimus ; ex aliis vero omnibus Ecclesiis praefatis eorumdem Missalium usum tollendo, illaque penitus et omnino rejiciendo, ac huic Missali nostro nuper edito, nihil umquam addendum, detrahendum, aut immutandum esse decernendo, sub indignationis nostrae poena, hac nostra perpetuo valitura constitutione statuimus et ordinamus. Mandantes ac districte omnibus et singulis Ecclesiarum praedictarum Patriarchis, Administratoribus, aliisque personis quacumque Ecclesiastica dignitate fulgentibus, etiamsi S. R. E. Cardinales, aut cujusvis alterius gradus et praeeminentiae fuerint, illis in virtute sanctae obedientiae praecipientes, ut ceteris omnibus rationibus et ritibus ex aliis Missalibus quantumvis vetustis hactenus observari consuetis, in posterum penitus omissis, ac plane rejectis, Missam juxta ritum, modum, ac normam, quae per Missale hoc a Nobis nunc traditur, decantent ac legant ; neque in Missae celebratione alias caeremonias, vel preces, quam quae hoc Missali continentur, addere vel recitare praesumant. Atque ut hoc ipsum Missale in Missa decantanda, aut recitanda in quibusvis Ecclesiis absque ullo conscientiae scrupulo, aut aliquarum poenarum, sententiarum et censurarum incurso, posthac omnino sequantur, eoque libere et licite uti possint et valeant, auctoritate Apostolica, tenore praesentium, etiam perpetuo concedimus et indulgemus. Neve Praesules, Administratores, Canonici, Capellani et alii quocumque nomine nuncupati Presbyteri saeculares, aut cujusvis Ordinis regulares, ad Missam aliter quam a Nobis statutum est, celebrandam teneantur: neque ad Missale hoc immutandum a quolibet c ogi et compelli, praesentesve litterae ullo umquam tempore revocari, aut moderari possint, sed firmae semper et validae in suo existant robore, similiter statuimus et declaramus. Non obstantibus praemissis, ac constitutionibus, et ordinationibus Apostolicis, ac in Provincialibus et Synodalibus Conciliis editis generalibus vel specialibus constitutionibus, et ordinationibus, nec non Ecclesiarum praedictarum usu, longissima et immemorabili praescriptione, non tamen supra ducentos annos, roborato, statutis et consuetudinibus contrariis quibuscumque. Volumus autem et eadem auctoritate decernimus, ut post hujus nostrae constitutionis, ac Missalis editionem, qui in Romana adsunt Curia Presbyteri, post mensem ; qui vero intra montes, post tres ; et qui ultra montes incolunt, post sex menses, aut cum primum illis Missale hoc venale propositum fuerit, juxta illud Missam decantare, vel legere teneantur. Quod ut ubique terrarum incorruptum, ac mendis et erroribus purgatum praeservetur, omnibus in nostro et S. R. E. dominio mediate, vel immediate subjecto commorantibus impressoribus, sub amissionis librorum, ac centum ducatorum auri Camerae Apostolicae ipso facto applicandorum: aliis vero in quacumque orbis parte consistentibus, sub excommunicationis latae sententiae, et aliis arbitrii nostri poenis, ne sine nostra vel speciali ad id Apostolici Commissarii in eisdem partibus a Nobis constituendi, licentia, ac nisi per eundem Commissarium eidem impressori Missalis exemplum, ex quo aliorum imprimendorum ab ipso impressore erit accipiend a norma, cum Missali in Urbe secundum magnam impressionem impresso collatum fuisse, et concordare, nec in ullo penitus discrepare prius plena fides facta fuerit, imprimere, vel proponere, vel recipere ullo modo audeant, vel praesumant, auctoritate Apostolica et tenore praesentium similibus inhibemus. Verum, quia difficile esset praesentes litteras ad quaeque Christiani orbis loca deferri, ac primo quoque tempore in omnium notitiam perferri, illas ad Basilicae Principis Apostolorum, ac Cancellariae Apostolicae, et in acie Campi Florae de more publicari et affigi, ac earumdem litterarum exemplis etiam impressis, ac manu alicujus publici tabellionis subscriptis, nec non sigillo personae in dignitate ecclesiastica constitutae munitis, eamdem prorsus indubitam fidem ubique gentium et locorum, haberi praecipimus, quae praesentibus haberetur, si ostenderentur vel exhiberentur. Nulli ergo omnino hominum liceat hanc paginam nostrae permissionis, statuti, ordinationis, mandati, praecepti, concessionis, indulti, declarationis, voluntatis, decreti et inhibitionis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli Apostolorum ejus se noverit incursum.

Datum Romae apud S. Petrum, anno Incarnationis Dominicae millesimo quingentesimo septuagesimo, pridie Idus Julii, Pontificatus nostri anno quinto.

CAESAR GLORIERIUS.
H. CUMIN.

Anno a Nativitate Domini 1570, Indict. 13, die vero 19 mensis Julii, Pontificatus sanctissimi in Christo Patris et D. N. Pii divina providentia Papae V anno ejus quinto, retrospectae litterae publicatae et affixae fuerunt ad valvas Basilicae Principis Apostolorum, ac Cancellariae Apostolicae, et in acie Campi Florae, ut moris est, per nos Joannem Andream Rogerium et Philibertum Cappuis Cursores.

SCIPIO DE OCTAVIANIS, *Magister Cursorum.*

CLEMENS PAPA VIII
AD PERPETUAM REI MEMORIAM

CUM sanctissimum Eucharistiae Sacramentum, quo nos Christus Dominus sacri sui corporis participes effecit, atque apud nos usque ad consummationem saeculi permanere decrevit, maximum sit omnium Sacramentorum, illudque in sacra Missa conficiatur, ac pro peccatis totius populi Deo Patri offeratur; sane omnino conveniens est, ut qui omnes unum sumus in uno corpore, quod est Ecclesia, et de uno corpore Christi participamus, una et eadem celebrandi ratione, uniusque officii et ritus observatione in hoc ineffabili et tremendo sacrificio utamur. Quod cum Romani Pontifices praedecessores nostri semper optarint, atque in hoc diu multumque desudarint, tum in primis fel. rec. Pius Papa V Missale Romanum ex Decreto sacri Concilii Tridentini ad veterem et emendatiorem normam restitui, Romaeque imprimi curavit. Qui etsi multis propositis poenis severissime caverit, ne quid illi vel adderetur, vel ulla ratione demeretur; tamen, progressu temporis, sive typographorum, sive aliorum temeritas et audacia effecit, ut multi in ea quae proximis annis excusa sunt Missalia, errores irrepserint, quibus vetustissima illa sacrorum Bibliorum versio, quae etiam ante S. Hieronymi tempora celebris habita est in Ecclesia, et ex qua omnes fere Missarum Introitus, et quae dicuntur Gradualia et Offertoria accepta sunt, omnino sublata est: Epistolarum et Evangeliorum textus, qui hucusque in Missae solemnibus praelectus est, multis in locis perturbatus; ipsis Evangelii diversa, ac prorsus insolita praefixa initia; plurima denique passim pro arbitrio immutata sint: cujus rei praetextus fuisse videtur, ut omnia ad praescriptum sacrorum Bibliorum Vulgatae editionis revocarentur, quasi id alicui propria auctoritate, atque Apostolica Sede inconsulta, facere licitum sit. Quod Nos animadvertentes, pro nostra Pastoralis sollicitudine, qua omnibus in rebus, ac praecipue in sacris Ecclesiae ritibus, optimam, eamque veterem normam studemus tueri et conservare, primum praedicta Missalia impressa sic depravata prohiberi et abrogari, eorumque usum in celebratione Missarum interdicti jussimus, nisi ad praescriptum exemplaris sub ipso Pio V editi integre in omnibus emendarentur: deinde mandavimus nonnullis venerabilibus fratribus nostris S. R. E. Cardinalibus in sacris Litteris versatis, et ecclesiasticae antiquitatis peritis, ut curam Missale ad pristinam et quam maxime emendatam formam restituendi susciperent; qui pro sua erga Nos fide et in Romanam Ecclesiam pietate et studio, adhibitis etiam aliis rerum ecclesiasticarum peritis et eruditis viris, et veteribus Missalibus, aliisque praeterea libris, qui ad eam rem opportuni videbantur, accurate perquisitis et diligenter inspectis, Missale Romanum suae integritati res tituere, ac ipsius Pii V et eorum qui ab eo delecti fuerant, laborem et diligentiam confirmare et comprobare curarunt. Verum in eo munere peragendo factum est, ut nonnulla ex diligenti librorum antiquorum collatione in meliorem formam redacta, et in regulis et rubricis aliqua uberius et clarius expressa sint, quae tamen ex illorum principiis et fundamentis quasi deducta, illorum sensum imitari potius, et supplere, quam aliquid novi afferre videantur. Missale itaque quod idem Pius V ediderat, sic recognitum, in nostra Typographia Vaticana quam emendatissime imprimi, et ad communem utilitatem publicari jussimus. Ut autem illius usus in omnibus christiani orbis partibus, perpetuis futuris temporibus conservetur, ipsum Missale in alma Urbe nostra in eadem Typographia tantum, et non alibi imprimi posse decernimus: extra Urbem vero juxta exemplar in dicta Typographia nunc editum, et non aliter, hac lege imprimi posse permittimus, ut nimirum typographis quibuscumque illud imprimere volentibus, id facere liceat, requiritam tamen prius, et in scriptis obtenta, dilectorum filiorum Inquisitorum haereticae pravitatis in iis locis in quibus fuerint, ubi vero non fuerint, Ordinariorum locorum licentia; alioquin, si absque hujusmodi licentia dictum Missale sub quacumque forma de cetero ipsi imprimere, aut bibliopolae vendere praesumpserint, typographi et bibliopolae extra Statum nostrum Ecclesiasticum existentes, excommunicationis latae sententiae, a qua, nisi a Romano Pontifice, praeterquam in mortis articulo constituti, absolvi nequeant; in alma vero Urbe ac reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Camerae praedictae applicandorum, poenas absque alia declaratione irremissibiliter incurrant eo ipso. Et nihilominus eorumdem Missalium per eos de cetero absque hujusmodi licentia imprimendorum aut vendendorum usum ubique locorum et gentium sub eisdem poenis perpetuo interdiximus et prohibemus. Ipsi autem Inquisitores, seu Ordinarii locorum, antequam hujusmodi licentiam concedant, Missalia ab ipsis typographis imprimenda, et postquam impressa fuerint, cum hoc Missali auctoritate nostra recognito et nunc impresso, diligentissime conferant, nec in illis aliquid addi vel detrahi permittant, nec in praemissis, praetextu incuriae typographorum, aut non factae per correctores vel alios ab ipsis forsitan deputandos diligentiae, se aliquo modo excusare, quodque in infrascriptas poenas non incurrerint, allegare valeant, et in ipsa licentia originali de collatione facta, et quod omnino concordent,

manu propria attestentur: cujus licentiae copia initio, vel in calce cujusque Missalis semper imprimatur. Quod si secus fecerint, Inquisitores videlicet privationis suorum officiorum, ac inhabilitatis ad illa et alia in posterum obtinenda ; Antistites autem et Ordinarii locorum suspensionis a divinis, ac interdicti ab ingressu Ecclesiae ; eorum vero Vicarii, privationis similiter officiorum et beneficiorum suorum, et inhabilitatis ad illa et alia in posterum obtinenda, ac praeterea excommunicationis absque alia declaratione, ut praefertur, poenas incurrant eo ipso. Ceterum pauperum ecclesiarum, clericorum, et personarum ecclesiasticarum, ac typographorum et bibliopolarum quorumcumque indemnitate ex benignitate Apostolica rationem habentes, eis dem Missalia hactenus impressa penes se habentibus (iis dumtaxat exceptis quae auctoritate nostra, ut supra dictum est, interdicta et abrogata fuerunt) , ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis, et privilegiis quibuscumque typographis hactenus per Nos seu Romanos Pontifices praedecessores nostros, Missale praedictum Pii V imprimendi concessis, quae per praesentes expresse revocamus, et revocata esse volumus: necnon constitutionibus et ordinationibus Apostolicis, generalibus vel specialibus, in contrarium praemissorum quomodocumque concessis, confirmatis et approbatis. Quibus omnibus, etiamsi de illis eorumque totis tenoribus, specialis, specifica et expressa mentio habenda esset, tenores hujusmodi praesentibus pro expressis habentes, hac vice dumtaxat specialiter et expresse derogamus, ceterisque contrariis quibuscumque. Volumus autem, ut praesentium transumptis, etiam impressis vel manu alicujus Notarii publici subscriptis, et sigillo alicujus personae in dignitate ecclesiastica constitutae munitis, eadem prorsus fides habeatur, quae ipsis praesentibus haberetur, si essent exhibitae vel ostensae.

Datum Romae apud sanctum Marcum sub annulo Piscatoris, die vij Julii MDCIV, Pontificatus nostri anno xij.

M. VESTRIUS BARBIANUS.

URBANUS PAPA VIII

AD PERPETUAM REI MEMORIAM

SI quid est in rebus humanis plane divinum, quod nobis superni cives (si in eos invidia caderet) invidere possent, id certe est sacrosanctum Missae Sacrificium, cujus beneficio fit, ut homines quadam anticipatione possideant in terris caelum, dum ante oculos habent et manibus contrectant ipsum caeli terraeque Conditorum. Quo magis est mortalibus laborandum, ut hoc tantum privilegium cultu atque honore debito tueantur, caveantque Angelos negligentiae osores, qui sunt aemuli venerationis. Hinc factum est, ut hujus sacri mysterii celebrandi rationem, ac preces, quas Summi Pontifices praedecessores nostri Pius V et Clemens VIII diligentissime recognosci atque instaurari curaverunt ; Nos quoque eorum vestigiis inhaerentes, iterum examinari, et si quid forte in iis assiduus (quod plerumque contingit) temporis cursus corruperit, restitui jusserimus. Quamobrem, sicuti nuper ad divini Officii nitorem reformari Breviarium, ita demum hujus exemplo ad divini Sacrificii ornamentum corrigi Missale mandavimus. Et quoniam hasce quasi alas, quas Sacerdos instar Cherubim prisci mystici Tabernaculi quotidie pandit ad verum mundi Propitiatorium, decet esse plane geminas, atque uniformes, hujus rei curam commisimus viris eruditis ac piis, quorum diligentia ita opus perfectum est, ut nihil desiderari amplius possit. Nam rubricae, quae sensim ab usu ritumque veteri degeneraverant, in pristinum restitutae ; quae vero non ita captui legentium accommodatae videbantur, clarius explicatae: praeterea collata omnia cum codice sacrae Scripturae Vulgatae editionis, quaeque diversa irrepererant, ad ejus unius exemplum normamque correctae sunt. Verumtamen parum prodesse consuevit solertia correctorum, nisi ad eam par typographorum accedat industria ; propterea dilecto filio Andreae Brugiotto Typographiae nostrae Apostolicae Praefecto mandavimus, ut Missale ita expurgatum in lucem emittat: sed, quae in posterum extra Urbem imprimi contigerit, ea non aliter quam ad exemplar in dicta Typographia nunc editum imprimi posse permittimus, requisita tamen prius, et in scriptis obtenta, dilectorum filiorum Inquisitorum haereticae pravitatis, in iis locis in quibus fuerint, ubi vero non fuerint, Ordinariorum locorum facultate ; alioquin, si absque ea dictum Missale ipsi posthac imprimere, aut bibliopolae vendere praesumpserint, typographi et bibliopolae extra Statum nostrum Ecclesiasticum existentes, excommunicationis latae sententiae, a qua, nisi a Romano Pontifice, praeterquam in mortis articulo constituti, absolvi nequeant ; in alma vero Urbe et reliquo Statu Ecclesiastico commorantes, quingentorum ducatorum auri de Camera, ac amissionis librorum et typorum omnium, Camerae praedictae applicandorum, poenas absque alia declaratione irremissibiliter incurrant eo ipso: et nihilominus eorumdem Missalium per eos de cetero absque hujusmodi licentia imprimendorum, aut vendendorum usum, ubique locorum et gentium, sub eisdem poenis interdicimus et prohibemus. Ipsi autem Inquisitores, seu Ordinarii locorum , antequam hujusmodi licentiam et facultatem concedant, Missalia ab ipsis typographis imprimenda, et postquam impressa fuerint, cum hoc Missali auctoritate nostra recognito, diligentissime conferant, nec in illis aliquid addi, vel minui permittant. In ipsa vero licentia originali obtinenda, de collatione facta, et quod omnino concordent, manu propria attestentur: cujus licentiae copia initio, vel in fine cujusque Missalis semper imprimatur. Quod si secus fecerint, Inquisitores privationis suorum officiorum, ac inhabilitatis ad illa, et alia in posterum obtinenda ; Ordinarii autem locorum suspensionis a divinis, ac interdicti ab ingressu Ecclesiae, eorum vero Vicarii privationis similiter officiorum, et beneficiorum suorum, et inhabilitatis ad illa, et alia in posterum obtinenda, ac insuper excommunicationis absque alia declaratione

poenas incurrant eo ipso. Ceterum pauperum ecclesiarum, clericorum, et personarum ecclesiasticarum, ac typographorum, et bibliopolarum quorumcumque indemnitate ex benignitate Apostolica rationem habentes, eisdem Missalia hactenus impressa penes se habentibus, ut ea retinere, et illis uti, eaque vendere respective possint, similiter permittimus et indulgemus. Non obstantibus licentiis, indultis et privilegiis quibuscumque typographis, per Nos seu Romanos Pontifices praedecessores nostros, Missale imprimendi concessis, quae per praesentes expresse revocamus et revocata esse volumus, nec non constitutionibus et ordinationibus Apostolicis, generalibus, vel specialibus, in contrarium praemissorum quomodocumque concessis, approbatis et confirmatis. Quibus omnibus, etiamsi de illis, eorumque totis tenoribus specialis, specifica et expressa mentio habenda esset; tenores hujusmodi praesentibus pro expressis habentes, hac vice dumtaxat specialiter, et expresse derogamus. Volumus autem, ut praesentium transumptis, etiam impressis, manu alicujus Notarii publici subscriptis, et sigillo alicujus personae in dignitate ecclesiastica constitutae munitis, eadem prorsus fides adhibeatur, quae ipsis praesentibus adhiberetur, si essent exhibitae vel ostensae.

Datum Romae apud sanctam Mariam Majorem sub annulo Piscatoris, die secunda Septembris MDCXXXIV, Pontificatus nostri anno duodecimo.

M. A. MARALDUS.

J. SAVENIER.

PIUS EPISCOPUS

SERVUS SERVORUM DEI

AD PERPETUAM REI MEMORIAM

DIVINO afflatu compositos Psalmos, quorum est in sacris litteris collectio, inde ab Ecclesiae exordiis non modo mirifice valuisse constat ad fovendam fidelium pietatem, qui offerebant *hostiam laudis semper Deo, id est, fructum labiorum confitentium nomini ejus*^{Hebr. 13, 15.}; verum etiam ex more jam in vetere Lege recepto in ipsa sacra Liturgia divinoque Officio conspicuam habuisse partem. Hinc illa, quam dicit Basilius, nata *Ecclesiae vox*^{Homil. in Ps. 1, n. 2.}, atque psalmodia, ejus *hymnodiae filia*, ut a decessore nostro Urbano VIII appellatur^{Bulla Divinam psalmodiam.}, *quae canitur assidue ante sedem Dei et Agni*, quaeque homines, in primis divino cultui addictos docet, ex Athanasii sententia, *qua ratione Deum laudare oporteat quibusque verbis decenter confiteantur*^{Epist. ad Marcellinum in interpret. Psalmor., n. 10.}. Pulchre ad rem Augustinus: *Ut bene ab homine laudetur Deus, laudavit se ipse Deus; et quia dignatus est laudare se, ideo invenit homo, quemadmodum laudet eum*^{In Psalm. 144, n. 1.}.

Accedit quod in Psalmis mirabilis quaedam vis inest ad excitanda in animis omnium studia virtutum. Etsi enim *omnis nostra Scriptura, cum vetus tum nova, divinitus inspirata utilisque ad doctrinam est, ut scriptum habetur;... at Psalmorum liber, quasi paradisi omnium reliquorum (librorum) fructus in se continens, cantus edit, et proprios insuper cum ipsis inter psallendum exhibet*. Haec iterum Athanasius^{Epist. ad Marcell. cit., n. 2.}, qui recte ibidem addit: *Mihi quidem videtur, psallenti Psalmos esse instar speculi, ut et seipsum et proprii animi motus in ipsis contempletur, atque ita affectus eos recitet*^{Op. cit., n. 12.}. Itaque Augustinus in Confessionibus: *Quantum, inquit, flevi in hymnis et canticis tuis suave sonantis Ecclesiae tuae vocibus commotus acriter! Voces illae influebant auribus meis et eliquabatur veritas in cor meum et exaestuabat inde affectus pietatis et currebant lacrimae et bene mihi erat cum eis*^{Lib. IX, cap. 6.}. Etenim, que non moveant frequentes illi Psalmorum loci, in quibus de immensa majestate Dei, de omnipotentia, de inenarrabili justitia aut bonitate aut clementia de ceterisque infinitis laudibus ejus tam alte praedicatur? Cui non similes sensus inspirent illae pro acceptis a Deo beneficiis gratiarum actiones, aut pro exspectatis humiles fidentesque preces, aut illi de peccatis clamores poenitentis animae? Quem non admiratione psaltes perfundat, cum divinae benignitatis munera in populum Israël atque in omne hominum genus profecta narrat, cumque caelestis sapientiae dogmata tradit? Quem denique non amore inflammet adumbrata studiose imago Christi Redemptoris, cujus quidem Augustinus^{In Psalm. 42, n. 1.} *vocem in omnibus Psalmis vel psallentem, vel gementem, vel laetantem in spe, vel suspirantem in re* audiebat?

Jure igitur optimo provisum est antiquitus, et per decreta Romanorum Pontificum, et per canones Conciliorum, et per monasticas leges, ut homines ex utroque clero integrum Psalterium per singulas hebdomadas concinerent vel recitarent. Atque e hanc quidem legem a patribus traditam decessores nostri S. Pius V, Clemens VIII, Urbanus VIII in recognoscendo Breviario Romano sancte servarunt. Unde etiam nunc Psalterium intra unius hebdomadae spatium recitandum foret integrum, nisi mutata rerum condicione talis recitatio frequenter impediretur.

Etenim procedente tempore continenter crevit inter fideles eorum hominum numerus, quos Ecclesia, mortali vita defunctos, caelicolis accensere et populo christiano patronos et vivendi duces consuevit proponere. In ipsorum vero honorem Officia de Sanctis sensim propagari coeperunt, unde fere factum est, ut de Dominicis diebus deque Feriis Officia silerent, ideoque non pauci negligerentur Psalmi, qui sunt tamen, non secus ac ceteri, ut Ambrosius ait^{Enarrat. in Psalm. 1, n. 9.}, *benedictio populi, Dei laus, plebis laudatio, plausus omnium, sermo universorum, vox Ecclesiae, fidei canora confessio, auctoritatis plena devotio, libertatis laetitia, clamor jucunditatis, laetitiae resultatio*. De hujusmodi autem omissione non semel graves

fuerunt prudentum piorumque virorum querimoniae, quod non modo hominibus sacri ordinis tot subtraherent praesidia ad laudandum Dominum et ad intimos animi sensus ei significandos aptissima ; sed etiam quod optabilis illa in orando varietas desideraretur, ad digne, attente, devote precandum imbecillitati nostrae quam maxime opportuna. Nam, ut Basilius habet, *in aequalitate torpescit saepe, nescio quomodo, animus, atque praesens absens est: mutatis vero et variatis psalmodia et cantu per singulas horas, renovatur ejus desiderium et attentio instauratur*^{Regulae fusius tractatae, interrog. 37, n. 5.}

Minime igitur mirum, quod complures e diversis orbis partibus Sacrorum Antistites sua in hanc rem vota ad Apostolicam Sedem detulerunt, maximeque in Concilio Vaticano, cum hoc inter cetera postularunt, ut, quoad posset, revocaretur consuetudo vetus recitandi per hebdomadam totum Psalterium, ita tamen ut clero, in sacri ministerii vinea ob imminutum operariorum numerum jam gravius laboranti, non majus imponeretur onus. Hisce vero postulationibus et votis, quae Nostra quoque ante susceptum Pontificatum fuerant, itemque precibus, quae deinceps ab aliis Venerabilibus Fratribus piisque viris admotae sunt, Nos equidem concedendum duximus, cauto tamen, ne recitatione integri Psalterii hebdomadae spatio conclusa, ex una parte quicquam de Sanctorum cultu decederet, neve ex altera molestius divini Officii onus clericis, immo temperatius evaderet. Quapropter, implorato suppliciter *Patre luminum*, corrogatisque in id ipsum suffragiis sanctarum precum, Nos, vestigiis insistentes decessorum nostrorum, aliquot viros delegimus doctos et industrios, quibus commisimus, ut consiliis studiisque collatis, certam aliquam reperirent rei efficiendae rationem, quae nostris optatis responderet. Illi autem commissum sibi munus e sententia exsequentes novam Psalterii dispositionem elaborarunt ; quam cum S. R. E. Cardinales sacris ritibus cognoscendis praepositi diligenter consideratam probassent, Nos, utpote cum mente nostra admodum congruentem, ratam habuimus in rebus omnibus, id est, quod ad ordinem ac partitionem Psalmorum, ad Antiphonas, ad Versiculos, ad Hymnos attinet cum suis Rubricis et Regulis, ejusque editionem authenticam in nostra typographia Vaticana adornari et indidem evulgari jussimus.

Quoniam vero Psalterii dispositio intimam quamdam habet cum omni Divino Officio et Liturgia conjunctionem, nemo non videt per ea, quae hic a Nobis decreta sunt, primum Nos fecisse gradum ad Romani Breviarii et Missalis emendationem: sed super tali causa proprium mox Consilium seu Commissionem, ut ajunt, eruditorum constituemus. Interim, opportunitatem hanc nacti, nonnulla jam in praesenti instauranda censuimus, prout in appositis Rubricis praescribitur: atque imprimis quidem ut in recitando Divino Officio Lectionibus statutis sacrae Scripturae cum Responsoriis de tempore occurrentibus debitus honor frequentiore usu restitueretur ; dein vero ut in sacra Liturgia Missae antiquissimae de Dominicis infra annum et de Feriis, praesertim quadragesimalibus, locum suum recuperarent.

Itaque, harum auctoritate litterarum, ante omnia Psalterii ordinem, qualis in Breviario Romano hodie est, aboleamus ejusque usum, inde a Kalendis Januariis anni millesimi nongentesimi decimi tertii, omnino interdiciamus. Ex illo autem die in omnibus ecclesiis cleri saecularis et regularis, in monasteriis, ordinibus, congregationibus, institutisque religiosorum ab omnibus et singulis, qui ex officio aut ex consuetudine Horas canonicas juxta Breviarium Romanum, a S. Pio V editum et a Clemente VIII, Urbano VIII, Leone XIII recognitum, persolvunt, novum Psalterii ordinem, qualem Nos cum suis Regulis et Rubricis approbavimus typisque Vaticanis vulgandum decrevimus, religiose observari jubemus. Simul vero poenas in jure statutas iis denuntiamus, qui suo officio persolvendi quotidie Horas canonicas defuerint ; qui quidem sciant se tam gravi non satisfacturos officio, nisi nostrum hunc Psalterii ordinem adhibeant.

Omnibus igitur Patriarchis, Archiepiscopis, Episcopis, Abbatibus ceterisque ecclesiarum Praelatis, ne Cardinalibus quidem Archipresbyteris patriarchalium Urbis basilicarum exceptis, mandamus, ut in sua quisque dioecesi, ecclesia vel coenobio Psalterium cum Regulis et Rubricis, quemadmodum a Nobis dispositum est, constituto tempore inducendum curent: quod Psalterium quasque Regulas et Rubricas etiam a ceteris omnibus, quoscumque obligatio tenet recitandi vel concinendi Horas canonicas, inviolate adhiberi ac servari praecipimus. Interim autem cuilibet et capitulis ipsis, modo id major capituli pars sibi placere ostenderit, novum Psalterii ordinem, statim post ejus editionem, rite usurpare licebit.

Haec vero edicimus, declaramus, sancimus, decernentes has Nostras litteras validas et efficaces semper esse ac fore ; non obstantibus constitutionibus et ordinationibus apostolicis, generalibus et specialibus, ceterisque quibusvis in contrarium facientibus. Nulli ergo hominum liceat hanc paginam nostrae abolitionis, revocationis, permissionis, jussionis, praecepti, statuti, indulti, mandati et voluntatis infringere, vel ei ausu temerario contraire. Si quis autem hoc attentare praesumpserit, indignationem omnipotentis Dei, ac beatorum Petri et Pauli, Apostolorum ejus, se noverit incursurum.

Datum Romae apud S. Petrum, anno Incarnationis Dominicae millesimo nongentesimo undecimo, Kalendis Novembribus, in festo Sanctorum omnium, Pontificatus nos tri anno nono.

A. CARDINALIS AGLIARDI,

S. R. E. Cancellarius

FR. SEB. CARD. MARTINELLI

S. R. C. Praefectus

Loco + Plumbi

Visa

Reg. in Canc. Ap. N. 571.

DE ANNO ET EJUS PARTIBUS

ANNUS menses habet duodecim, hebdomadas duas et quinquaginta, et diem unum: dies vero trecentos sexaginta quinque, et fere sex horas ; tanto enim temporis intervallo sol Zodiacum perlustrat. Quater autem sex horae singulis quaternis annis diem constituunt ; hinc annus ille intercalaris, Bissexus vel Bissextilis dicitur.

De anni correctione, ejusque necessitate, ac Calendario Gregoriano

QUOD dictum est, annum continere trecentos et sexaginta quinque dies, et fere sex horas, intelligendum est, sex horas non esse integras, cum ad earum complementum aliqua minuta deficiant.

Ex quorum minorum neglectu progressum est, ac si annus ultra dies 365 contineret integras sex horas: et factum est, ut minuta, quae ultra debitam quantitatem annis singulis tribuebantur, tractu temporis ita excreverint, ut invicem juncta constituerint dies decem ; qui causam dederunt ut AEquinoctium vernum sedem suam mutaverit.

Cui malo occurrens Gregorius XIII, non solum AEquinoctium vernum restituit in pristinam sedem, a qua jam a Concilio Nicaeno, decem circiter diebus in anno correctionis 1582 praecedendo recesserat, quod a Concilio ad xij Kalendas Aprilis fuerat constitutum, et xiv Lunam Paschalem suo in loco reposuit ; sed viam quoque tradidit et rationem, qua caveretur ut in posterum et AEquinoctium vernum et xiv Luna Paschalis a propriis sedibus numquam removerentur.

Ut enim AEquinoctium vernum ad xij Kalendas Aprilis restitueretur, statuit, ut dicti decem dies in mense Octobris ipsius anni 1582 eximerentur, ut post quartam diem Octobris sancto Francisco sacram, sequens dies non esset quinta, sed decima quinta Octobris. Et ita error, qui in praeteritum tot annorum circulis irrepererat, in momento temporis fuit correctus.

Ut autem in posterum idem error vitaretur, ne a xij Kalendas Aprilis AEquinoctium vernum recederet, statuit idem Gregorius, Bissexum quarto quoque anno (uti mos est) continuari debere, praeterquam in centesimis annis: qui quamvis Bissextilis antea semper fuerint, qualem etiam esse voluit annum 1600, anno correctionis proximum, post eum tamen qui deinceps consequentur centesimi, non omnes Bissextilis essent, sed in quadringentis quibusque annis primi quique tres centesimi sine Bissexto transigerentur ; quartus vero quisque centesimus esset Bissextilis, ita ut anni 1700, 1800, 1900 Bissextilis non sint, anno vero 2000 more consueto dies Bissexus intercaletur, Febuario dies 29 continente ; idemque ordo intermittendi intercalandique Bissexum diem in quadringentis quibusque annis perpetuo conservaretur.

Quatuor Tempora

QUATUOR Tempora celebrantur quarta et sexta Feria ac Sabbato post tertiam Dominicam Adventus, post primam Dominicam Quadragesimae, post Dominicam Pentecostes, post Festum Exaltationis sanctae Crucis.

De Nuptiarum celebratione

MATRIMONIUM quolibet anni tempore contrahi potest. 2 Solemnis tantum Nuptiarum benedictio vetatur a Dominica I Adventus usque ad diem Nativitatis Domini inclusive, et a Feria IV Cinerum usque ad Dominicam Paschatis inclusive. 3 Ordinarii tamen locorum possunt, salvis legibus liturgicis, etiam praedictis temporibus, eam permittere ex justa causa, monitis sponsis ut a nimia pompa abstineant.

De cyclo decennoventali Aurei numeri

CYCLUS decennoventalis Aurei numeri est revolutio numeri 19 annorum ab 1 usque ad 19, qua revolutione peracta, iterum ad unitatem reditur. Verbi gratia: Anno 1577 numerus cycli decennoventalis, qui dicitur Aureus, est 1 ; anno sequenti 1578 est 2 ; et ita deinceps in sequentibus annis, uno semper amplius usque ad 19, qui Aureus numerus cadet in annum 1595, post quem iterum ad unitatem redeundum est, ita ut anno 1596 Aureus numerus sit rursus 1, et anno 1597 sit 2, etc.

Igitur ut Aureus numerus quolibet anno proposito inveniatur, composita est sequens tabella Aureorum numerorum, cujus usus incipit ab anno correctionis 1582 inclusive, duratque in perpetuum. Ex ea enim Aureus numerus cujuslibet anni post annum 1582 reperi etur hoc modo:

6 7 8 9 10 11 12 13 14
15 16 17 18 19 1 2 3 4 5

Anno 1582 tribuatur primus numerus tabellae, qui est 6, secundus autem, qui est 7, sequenti anno 1583, et

ita deinceps in infinitum, donec ad annum, cuius Aureum numerum quaeris, perveniatur, redeundo ad principium tabellae, quotiescumque eam percurreris. Nam numerus, in quem annus propositus cadit, dabit Aureum numerum quaesitum.

**Modus brevis cognoscendi
Aureum numerum cuiusque anni**

NUMERO anni de quo quaeris, adde unicam unitatem 1. Exempli gratia: 1833 adde 1: summam inde conflata divide per 19 ; quod superest, erit Aureus numerus ipsius anni ; si nihil superest, erit Aureus numerus 19.

De Epactis et Noviluniis

EPACTA nihil aliud est quam numerus dierum quibus annus solaris communis dierum 365 annum communem lunarem dierum 354 superat: ita ut Epacta primi anni sit 11, cum hoc numero annus solaris communis lunarem annum communem excedat ; atque adeo sequenti anno Novilunia contingant 11 diebus prius quam anno primo. Ex quo fit, Epacta s econdi anni esse 22, cum eo anno rursum annus solaris lunarem annum superet 11 diebus, qui additi ad 11 dies primi anni, efficiunt 22: ac proinde, finito hoc anno, Novilunia contingere 22 diebus prius quam primo anno: Epactam autem tertii anni esse 3, quia si rursus 11 dies ad 22 adjiciantur, efficietur numerus 33 ; a quo si rejiciantur 30 dies, qui unam lunationem embolismalem constituunt, relinquentur 3, atque ita deinceps. Progrediuntur enim Epactae omnes per continuum augmentum 11 dierum, abjectis tamen 30, quando rejici possunt. Solum quando perventum erit ad ultimam Epactam Aureo numero 19 respondentem, quae est 29, adduntur 12, ut abjectis 30, ex composito numero 41, habeatur rursus Epacta 11, ut in principio. Quod ideo fit, ut ultima lunatio embolismica, currente Aureo numero 19, sit tantum 29 dierum. Si enim 30 dies contineret, ut aliae sex lunationes embolismicae, non redirent Novilunia post 19 annos solares ad eosdem dies, sed versus calcem mensium prolaberentur, contingerentque uno die tardius quam ante 19 annos. De qua re plura invenies in libro novae rationis restituendi Calendarii Romani. Sunt autem novemdecim Epactae, quot et Aurei numeri, respondebantque ipsis Aureis numeris ante Calendarii correctionem eo modo, quo in hac tabella dispositae sunt.

Tabella Epactarum respondentium Aureis numeris
ante Calendarii correctionem

Aur. num. 1 2 3 4 5 6 7 8 9
Epactae xj xxij iij xiv xxv vj xvij xxviii ix
10 11 12 13 14 15 16 17 18 19
xx j xij xxiiij iv xv xxvj vij xviii xxix

Quia vero cyclus decennovennalis Aurei numeri imperfectus est, cum Novilunia post 19 annos solares non praecise ad eadem loca redeant, ut dictum est, imperfectus etiam erit hic cyclus 19 Epactarum. Quamobrem ita emendatus est, ut in posterum loco Aurei numeri, et dictarum 19 Epactarum , utamur 30 numeris Epactalibus ab 1 usque ad 30 ordine progredientibus, quamvis ultima Epacta, sive quae ordine est trigesima, notata numero non sit, sed signo hoc *, propterea quod nulla Epacta esse possit 30. Variis autem temporibus ex his 30 Epactis respondent decem et novem Aureis numeris variae decem et novem Epactae, prout solaris anni ac lunaris aequatio exposcit ; quae quidem decem et novem Epactae progrediuntur, ut olim, per eundem numerum 11, addunturque semper 12 illi Epactae, quae respondet Aureo numero 19, ut habeatur sequens Epacta respondens Aureo numero 1, ob rationem paulo ante dictam. Id quod sequens tabella perspicuum faciet, quae continet Aureos numeros, et Epactas inter se respondentes ab anno correctionis 1582, post deductionem decem dierum, usque ad annum 1700 exclusive. Quamvis autem vulgares Epactae mutantur in Martio, reipsa tamen in principio anni mutandae sunt, una cum Aureo numero, in cuius locum hae nostrae Epactae succedunt.

Tabella Epactarum respondentium Aureis numeris
ab Idibus Octobris anni correctionis 1582
(detractis prius decem diebus) inclusive,
usque ad annum 1700 exclusive

Aur. num. 6 7 8 9 10 11 12 13 14
Epactae xxvj vij xviii xxix x xxj ij xiiij xxiv
15 16 17 18 19 1 2 3 4 5
v xvj xxvij viij xix j xij xxiiij iv xv

Itaque si Epacta quocumque anno proposito invenienda sit, quaerendus est Aureus numerus illius anni in superiori ordine illius tabellae, quae illi tempori, in quo propositus annus continetur, congruit. Mox enim sub Aureo numero in inferiori ordine tabellae reperietur Epacta anni propositi, vel certe hoc signum *. Ubi ergo illa Epacta vel signum * in Calendario inventum fuerit, eo die Novilunium fiet. Invenietur autem Aureus numerus vel ex antecedente canone, vel ex tabella Epactarum proposito tempori congruent e,tribuendo

primum Aureum numerum illius tabellae illi anno, a quo usus tabellae incipit, et secundum Aureum numerum sequenti anno, etc. Eodem modo reperietur Epacta sine Aureo numero, si prima Epacta tabellae tribuatur illi anno, a quo ejus usus incipit, et secunda Epacta sequenti anno, etc.

Exemplum: Anno correctionis 1582 Aureus numerus est 6, nempe primus primae tabellae, cujus usus incipit ab Idibus Octobris dicti anni 1582, deductis prius decem diebus. Erit ergo tunc Epacta xxvj, quae sub Aureo numero 6 collocatur, fietque Novilunium die 27 Octobris et 26 Novembris et 25 Decembris. Item anno 1583 jam correcto Aureus numerus est 7, cui in eadem tabella supposita est Epacta vij, quae toto eo anno in Calendario Novilunia indicabit: ut in Januario die 24, in Februario die 22, in Martio die 24, etc.

Alia Tabella Epactarum respondentium Aureis numeris
ab anno 1700 inclusive, usque ad annum 1900 exclusive

Aur. num. 10 11 12 13 14 15 16 17 18

Epactae ix xx j xij xxij iv xv xxvj vij

19 1 2 3 4 5 6 7 8 9

xvij * xj xxij iij xiv xxv vj xvij xxviii

Alia Tabella Epactarum respondentium Aureis numeris
ab anno 1900 inclusive, usque ad annum 2200 exclusive

Aur. num. 1 2 3 4 5 6 7 8 9

Epactae xxix x xxj ij xij xxiv v xvj xxvij

10 11 12 13 14 15 16 17 18 19

vij xix * xj xxij iij xiv 25 vj xvij

Ad tollendam dubitationem de usu hujus novae Tabulae Epactarum, ostendemus rem exemplis. Anno 1901 tribuatur Epacta x, quae sub Aureo numero 2 collocatur: fietque Novilunium 21 Januarii, 19 Februarii, 21 Martii. Item anno 1902 tribuatur Epacta xxj sub Aureo numero 3 collocata, quae toto eo anno in Calendario Novilunia monstrabit: ut in Januario die 10, in Februario die 8, in Martio die 10. Et sic deinceps per ordinem annis progredientibus, redeundo ad principium tabellae quot iescumque eam percurrens. Rursus anno 1911 Epacta non signatur numero, sed hoc signo *, quod collocatur sub Aureo numero 12, et in Calendario toto eo anno Novilunia indicabit, nimirum in Januario die 1 et 31, in Martio (nam in Februario nullum tunc Novilunium, cum in eo signum hoc * non reperiatur) die 1 et 31, in Aprili die 29, etc.

Postremo: Anno 1916 Aureus numerus est 17, sub quo in ordine Epactarum quartae tabellae, quae proposito anno congruit, reperitur Epacta 25 non antiquo numero, ut aliae Epactae, sed vulgari numero scripta. Ubicumque ergo anno 1916 in Calendario Epacta 25 vulgari numero scripta reperitur, ibi Novilunium fit, ut in Januario die 6, in Februario die 4, in Martio die 6, in Aprili die 4, etc. Quotiescumque enim Epacta 25 respondet Aureis numeris majoribus quam 11, quales sunt posteriores octo a 12 usque ad 19, sumenda est in Calendario Epacta 25 vulgari numero scripta; quando vero eadem Epacta respondet minoribus numeris quam 12, quales sunt priores undecim ab 1 ad 11 inclusive, accipienda est in Calendario Epacta xxv antiquo numero scripta: atque hoc solum contingit in Epacta 25, in aliis numquam; quod ideo fit, ut anni lunares solaribus annis perfectius respondeant. Ob quam etiam causam in sex locis Calendarii duae Epactae, scilicet xxv et xxiv sunt adscriptae.

Tabella litterarum Dominicalium
ab Idibus Octobris anni correctionis 1582
(deductis prius decem diebus)
usque ad annum 1700 exclusive

c b A f e d c A g f e c b A

g b d

g e d c b g f e d b A g f d

f A c e

Usus hujus tabellae hic est. Anno correctionis 1582 post Idus Octobris (deductis prius decem diebus) tribuatur littera c primae cellulae, et sequenti anno 1583 littera b secundae, et anno 1584 dentur litterae A g tertiae cellulae, et sic deinceps aliis annis ordine aliae cellulae tribuantur, donec ad annum propositum perventum sit, redeundo ad principium tabellae, quotiescumque eam percurrens. Nam cellula, in quam annus propositus cadit, dummodo minor sit quam annus 1700, dabit litteram Dominicalem propositi anni. Quae si unica occurrerit, annus erit communis; si vero duplex, Bissextilis: et tunc superior littera Dominicam diem ostendet in Calendario a principio anni usque ad festum S. Matthiae Apostoli, inferior autem ab hoc festo usque ad finem anni.

Exempli gratia: Sit invenienda littera Dominicalis anni 1587. Numera ab anno 1582, quem tribue primae litterae c, usque ad annum 1587, tribuendo singulis cellulis singulos annos (computando geminas litteras quascumque, superiorem et inferiorem, pro una cellula), cadetque annus 1587 in litteram d, quae sextum locum in tabella occupat. Est ergo toto eo anno littera Dominicalis d, annusque communis est, cum littera simplex occurrat. Rursus sit investiganda littera Dominicalis anni 1616. Numera ab anno 1582, ut dictum

est, us que ad annum 1616, redeundo ad principium tabellae, postquam eam percurrens, perveniesque ad duas hasce litteras c b, septimo loco positas. Est ergo annus ille Bissextilis, cum duplex littera occurrat, superiorque littera c Dominicam diem indicabit a principio anni illius usque ad festum S. Matthiae, inferior autem b in reliqua parte anni.

Alia Tabella litterarum Dominicalium
ab anno 1901 inclusive, usque ad annum 2100 exclusive

```
f e d c A g f e c b A g e d
  b d f
c b g f e d b A g f d c b A
A c e g
```

Usus autem hujus tabellae hic est. Anno 1901 tribuatur littera f primae cellulae, et sequenti anno 1902 littera e, et sic deinceps ceteris annis ordine aliae cellulae tribuantur, donec ad annum propositum perventum sit, redeundo ad principium tabellae quotiescumque eam percurrens ; nam cellula, in quam annus propositus cadit, dabit litteram Dominicalem propositi anni: quae si unica occurrerit, annus erit communis ; si vero duplex, Bissextilis: et tunc superior littera Dominicam diem ostendet in Calendario a principio anni usque ad festum S. Matthiae Apostoli, inferior autem ab hoc festo usque ad finem anni.

De Indictione

IN DICTIO est revolutio 15 annorum ab 1 usque ad 15, qua revolutione peracta, iterum reditur ad unitatem, initiumque sumit quilibet annus hujus cycli a Januario in Bullis Pontificiis. Et quoniam Indictionum frequens usus est in Diplomatum et Scripturis publicis, facile annum Indictionis currentem quolibet anno proposito inveniemus ex sequenti tabella, cujus usus perpetuus est: initium tamen sumit ab anno correctionis 1582.

Tabella Indictionis ab anno correctionis 1582

10 11 12 13 14 15 1
2 3 4 5 6 7 8 9

Nam si anno 1582 tribuas primum numerum, qui est 10, et sequenti anno 1583 secundum numerum, qui est 11, et sic deinceps usque ad annum propositum, redeundo ad principium tabellae, quotiescumque eam percurrens, cadet annus propositus in Indictionem quae quaeritur.

De Festis Mobilibus

QUONIAM ex decreto sacri Concilii Nicaeni Pascha, ex quo reliqua Festa mobilia pendent, celebrari debet die Dominico, qui proxime succedit xiv Lunae primi mensis (is vero apud Hebraeos vocatur primus mensis, cujus xiv Luna vel cadit in diem verni AEquinoctii, quod die 21 mensis Martii contingit, vel propius ipsum sequitur) , efficitur, ut si Epacta cujusvis anni inveniatur, et ab ea in Calendario notata inter diem octavum Martii inclusive, et quintum Aprilis inclusive (hujus enim Epactae xiv Luna cadit vel in diem AEquinoctii verni, id est, in diem 21 Martii, vel eum propius sequitur) , numerentur inclusive deorsum versus dies quatuordecim ; proximus dies Dominicus diem hunc xiv sequens (ne cum Judaeis conveniamus, si forte dies xiv Lunae caderet in diem Dominicum) sit dies Paschae.

Exemplum: Anno 1605 Epacta est x et littera Dominicalis b. Et quoniam invenimus Epactam x inter diem 8 Martii et 5 Aprilis inclusive positam esse e regione diei 21 Martii, a quo inclusive, si deorsum versus numerentur 14 dies, inveniemus xiv Lunam die 3 Aprilis, quae est Dominica, cum e regione illius sit littera Dominicalis b. Ne igitur cum Judaeis conveniamus, qui Pascha celebrant die xiv Lunae, sumenda est littera Dominicalis b, quae sequitur xiv Lunam, nempe ea quae e regione diei 10 Aprilis collocatur: atque eo anno Pascha celebrandum erit die 10 Aprilis. Item anno 1604 Epacta est xxix et duplex littera Dominicalis d c, cum annus ille sit Bissextilis. Si igitur ab Epacta xxix, quae e regione diei 1 Aprilis ponitur inter diem 8 Martii et 5 Aprilis inclusive, numerentur dies 14, cadet xiv Luna in diem 14 Aprilis. Et quia tunc currit posterior littera Dominicalis, nempe c, quae post diem 14 Aprilis, id est, post xiv Lunam collocata est e regione diei 18 Aprilis, celebrabitur eo anno Pascha die 18 Aprilis.

Ceterum ut facilius omnia Festa mobilia inveniuntur, compositae sunt duae sequentes tabulae Paschales, una antiqua, et nova altera. Ex antiqua ita Festa mobilia reperientur: In latere sinistro tabulae accipiatur Epacta currens, et in linea litterarum Dominicalium sumatur littera Dominicalis currens, infra tamen Epactam currentem, ita ut si littera Dominicalis currens reperiat e regione Epactae currentis, assumenda sit eadem littera Dominicalis proxime inferior. Nam e regione hujus litterae Dominicalis omnia Festa mobilia continentur.

Exemplum: Anno 1606 Epacta est xxj, et littera Dominicalis A. Si igitur in tabula antiqua sumatur littera Dominicalis A, quae primo infra Epactam xxj occurrit, reperietur e regione hujus litterae Dominica Septuagesimae die 22 Januarii, dies Cinerum 8 Februarii, Pascha 26 Martii, Ascensio Domini 4 Maji, Pentecostes 14 Maji, et Festum Corporis Christi 25 Maji. Dominicae autem inter Pentecosten et Adventum eo anno erunt 28, et Adventus celebrabitur die 3 Decembris ; et sic de ceteris. Item anno 1605 Epacta est x, et littera Dominicalis b, quae in tabula reperitur e regione Epactae x. Quare sumenda est alia littera b, quae

proxime infra Epactam invenitur, e regione cuius invenies Septuagesimam die 6 Februarii, diem Cinerum 23 Februarii, Pascha 10 Aprilis, etc.

Notandum autem est, quod quemadmodum in anno communi, cadente littera Dominicali e regione Epactae in tabula antiqua, sumitur eadem littera proxima infra Epactam, ut diximus; ita quoque in anno Bis sextili, si alterutra duarum litterarum Dominicalium tunc currentium e regione Epactae reperiatur, assumendae sunt aliae duae similes litterae proxime inferiores, ut Festa mobilia inveniantur.

Ex tabula vero Paschali nova ita eadem Festa mobilia reperientur: In cellula litterae Dominicalis currentis quaeratur Epacta currens. Nam e directo omnia Festa mobilia deprehenduntur. Ut anno 1609 in cellula litterae Dominicalis d, tunc currentis, e regione Epactae xxiv, quae eodem anno currit, habetur Septuagesima die 15 Februarii, dies Cinerum 4 Martii, Pascha 19 Aprilis, etc.

Sed sive antiqua, sive nova tabula Paschali utamur, invenienda sunt omnia Festa mobilia in annis Bissextilibus per litteram Dominicalem posteriorem, quae nimirum currit post festum sancti Matthiae Apostoli, ne scilicet ambigamus, utra duarum litterarum pro hoc, aut illo festo indagando accipienda sit; ita tamen, ut Septuagesimae et diei Cinerum inventae in Januario aut Februario addatur unus dies. Quod ideo fit, quia ante diem S. Matthiae currit prior littera Dominicalis, quae in Calendario posteriorem semper sequitur; post festum autem S. Matthiae, in Februario, licet posterior littera currat, additur tamen tunc dies intercalaris, ita ut dies 24 Februarii dicatur 25, et dies 25 dicatur 26, etc. Quod si dies Cinerum cadat in Martium, nihil addendum est, quia tunc et littera posterior currit, et dies mensis propriis numeris respondet, cum dies intercalaris Februario sit additus. Imo nisi per posteriorem litteram investigarentur, non inveniretur recte Septuagesima in anno Bissextili, currente Epacta xxiv vel xxv et littera Dominicali d c, ut in secundo ac tertio exemplo perspicuum fiet pro annis 4088 et 3784. Exempli gratia: Anno 2096 Bissextili Epacta erit v et litterae Dominicales A g. Si igitur per posteriorem litteram, quae est g, Festa mobilia investigentur, reperiatur Septuagesima die 11 Februarii et dies Cinerum 28 Februarii. Si autem addatur unus dies, cadet Septuagesima in diem 12 Februarii, quae est Dominica, et dies Cinerum in diem 29 Februarii, quae est Feria iv; Pascha autem et reliqua Festa in eos dies cadent qui in tabula expressi sunt. Item anno 4088 Bissextili Epacta erit xxiv et litterae Dominicales d c. Si igitur per litteram c, quae posterior est, inquirantur Festa mobilia, invenietur Septuagesima die 21 Februarii, et si addatur unus dies, cadet in diem 22 Februarii, quae est Dominica. Dies autem Cinerum cadet in diem 10 Martii: quare nihil additur, etc. Rursus anno 3784 Bissextili, Epacta erit xxv et litterae Dominicales d c. Ergo iterum per posteriorem litteram c reperiatur Septuagesima die 21 Februarii, hoc est, addita 1 die, 22. Quod si per anteriorem litteram d in utroque horum duorum annorum agendum esset, nihil efficeretur, cum infra Epactas xxiv et xxv littera d indicet Septuagesimam die 15 Februarii, quo d falsum esset, cum eo anno posterior littera c Pascha offerat die 25 Aprilis, ac proinde Septuagesima die 22 Februarii celebranda sit, ut liquido constat, si a die Paschae Dominicae retro numerentur usque ad Septuagesimam.

In priori porro tabula Paschali antiqua reformata, Epactis ad sinistram praeposuimus Aureos numeros eodem ordine, quo ante emendationem Calendarii collocari solebant, ut ex iis Festa mobilia invenirentur. Hoc autem idcirco a nobis factum est, ut Pascha ceteraque Festa mobilia a Concilio Nicaeno usque ad annum 1582 quilibet indagare possit. Eodem autem prorsus artificio ex Aureis numeris ita distributis Festa mobilia eruuntur, quo ex Epactis. Sit enim explorandum, exempli causa, quando Festa haec celebrata fuerint anno 1450. Quoniam eo anno Aureus numerus fuit 7, et littera Dominicalis d, si Aureus numerus 7 in sinistro latere accipiatur, et prima littera d infra eum occurrens, reperiatur e regione hujus litterae d, Septuagesima die 1 Februarii, dies Cinerum 18 Februarii, Pascha die 5 Aprilis, etc.

Adventus Domini celebratur semper die Dominico, qui propinquior est festo S. Andreae Apostoli, nempe a die 27 Novembris inclusive usque ad diem 3 Decembris inclusive; ita ut littera Dominicalis currens, quae reperiatur in Calendario a die 27 Novembris usque ad diem 3 Decembris, indicet Dominicam Adventus. Ut verbi gratia, si littera Dominicalis est g, Dominica Adventus cadet in diem 2 Decembris: quia ibi est littera g in Calendario, etc.

Ad finem tandem tabellarum Paschalium apposita est tabula temporaria multorum annorum, e regione quorum omnia Festa mobilia inveniantur; quae quidem tabula ex tabulis Paschalibus excerpta est, ex quibus infinitae aliae erui possunt pro quibuscumque annis.

KALENDARIVM

JANUARIUS

C. E. L. D. D. M.

* **A Kal. 1** C IRCUMCISIO D OMINI ET O CTAVA N ATIVITATIS, Duplex II classis.

Dominica inter Circumcisionem et Epiphaniam - S SIMI N OMINIS J ESU, Duplex II classis.

29 b iv 2 Octava S. Stephani Protomart., Simplex.

28 c iij 3 Octava S. Joannis Ap. et Ev., Simplex.

27 d Prid. 4 Octava Ss. Innocentium Mm., Simplex.

26 e Non. 5 Vigilia Epiphaniae, Semiduplex. Com. S. Telesphori Papae et Mart.

25.25 f viij 6 EPIPHANIA DOMINI, Duplex I classis cum Octava privilegiata II ordinis.

Dominica infra Octavam Epiphaniae - Sanctae Familiae Jesu, Mariae, Joseph, Duplex majus. Com. Dominicae et Octavae.

24 g vij 7 De II die infra Octavam Epiphaniae, Semiduplex.

23 A vj 8 De III die infra Octavam, Semiduplex.

22 b v 9 De IV die infra Octavam, Semiduplex.

21 c iv 10 De V die infra Octavam, Semiduplex.

20 d iij 11 De VI die infra Octavam, Semiduplex. Com. S. Hygini Papae et Mart.

19 e Prid. 12 De VII die infra Octavam, Semiduplex.

18 f Idib. 13 Octava Epiphaniae, Duplex majus.

17 g xix 14 S. Hilarii Ep., Conf. et Eccl. Doct., Duplex. Com. S. Felicis Presbyteri et Mart.

16 A xvij 15 S. Pauli primi Eremitae, Conf., Duplex. Com. S. Mauri Abb.

15 b xvij 16 S. Marcelli I Papae et Mart., Semiduplex.

14 c xvj 17 S. Antonii Abb., Duplex.

13 d xv 18 Cathedra S. Petri Ap. Romae, Duplex majus. Com. S. Pauli Ap. ac S. Priscae Virg. et Mart.

12 e xiv 19 Ss. Marii, Marthae, Audifacis et Abachum Mm., Simplex. Com. S. Canuti Regis, Mart.

11 f xij 20 Ss. Fabiani Papae et Sebastiani Mm., Duplex.

10 g xij 21 S. Agnetis Virg. et Mart., Duplex.

9 A xj 22 Ss. Vincentii et Anastasii Mm., Semiduplex.

8 b x 23 S. Raymundi de Peñafort Conf., Semiduplex. Com. S. Emerentianae Virg. et Mart.

7 c ix 24 S. Timothei Ep. et Mart., Duplex.

6 d viij 25 Conversio S. Pauli Ap., Duplex majus. Com. S. Petri Ap.

5 e vij 26 S. Polycarpi Ep. et Mart., Duplex.

4 f vj 27 S. Joannis Chrysostomi Ep., Conf. et Eccl. Doct., Duplex.

3 g v 28 S. Petri Nolasci Conf., Duplex. Com. S. Agnetis Virg. et Mart. secundo.

2 A iv 29 S. Francisci Salesii Ep., Conf. et Eccl. Doct., Duplex.

1 b iij 30 S. Martinae Virg. et Mart., Semiduplex.

* c Prid. 31 S. Joannis Bosco Conf., Duplex.

FEBRUARIUS

C. E. L. D. D. M.

29 d Kal. 1 S. Ignatii Ep. et Mart., Duplex.

28 e iv 2 PURIFICATIO B. MARIAE VIRG., Duplex II classis.

27 f iij 3 S. Blasii Ep. et Mart., Simplex.

25.26 g Prid. 4 S. Andreae Corsini Ep. et Conf., Duplex.

25.24 A Non. 5 S. Agathae Virg. et Mart., Duplex.

23 b viij 6 S. Titi Ep. et Conf., Duplex. Com. S. Dorotheae Virg. et Mart.

22 c vij 7 S. Romualdi Abb., Duplex.

21 d vj 8 S. Joannis de Matha Conf., Duplex.

20 e v 9 S. Cyrilli Ep. Alexandrini, Conf. et Eccl. Doct., Duplex. Com. S. Apolloniae Virg. et Mart.

19 f iv 10 S. Scholasticae Virg., Duplex.

18 g iij 11 Apparitio B. Mariae Virg. Immaculatae, Duplex majus.

17 A Prid. 12 Ss. septem Fundatorum Ordinis Servorum B. M. V., Cc., Duplex.

16 b Idib. 13

15 c xvj 14 S. Valentini Presbyteri et Mart., Simplex.

14 d xv 15 Ss. Faustini et Jovitae Mm., Simplex.

13 e xiv 16

12 f xij 17

11 g xij 18 S. Simeonis Ep. et Mart., Simplex.

10 A xj 19

9 b x 20

8 c ix 21

7 d viij 22 Cathedra S. Petri Ap. Antiochiae, Duplex majus. Com. S. Pauli Ap.

6 e vij 23 S. Petri Damiani Ep., Conf. et Eccl. Doct., Duplex. Com. Vigiliae.

5 f vj 24 S. MATTHIAE Ap., Duplex II classis.

4 g v 25

3 A iv 26

2 b iij 27 S. Gabrielis a Virgine Perdolente Conf., Duplex

1 c Prid. 28

In anno bissextili mensis Februarius est dierum 29, et Festum S. Matthiae celebratur die 25 Februarii ac Festum S. Gabrielis a Virg. Perdolente, die 28 Februarii, et bis dicitur Sexto Kalendas, id est die 24 et die 25; et littera Dominicalis, quae assumpta fuit in mense Januario, mutatur in praecedentem; ut, si in Januario littera Dominica 1^{is} fuerit A, mutetur in praecedentem, quae est g, etc.; et littera f bis servit, 24 et

25.

MARTIUS**C. E. L.D. D.M.**

- * d Kal. 1
 29 e vj 2
 28 f v 3
 27 g iv 4 S. Casimiri Conf., Semiduplex. Com. S. Lucii I Papae et Mart.
 26 A iij 5
 25.25 b Prid. 6 Ss. Perpetuae et Felicitatis Mm., Duplex.
 24 c Non. 7 S. Thomae de Aquino Conf. et Eccl. Doct., Duplex.
 23 d viij 8 S. Joannis de Deo Conf., Duplex.
 22 e vij 9 S. Franciscae Romanae Vid., Duplex.
 21 f vj 10 Ss. Quadraginta Martyrum, Semiduplex.
 20 g v 11
 19 A iv 12 S. Gregorii I Papae, Conf. et Eccl. Doct., Duplex.
 18 b iij 13
 17 c Prid. 14
 16 d Idib. 15
 15 e xvij 16
 14 f xvj 17 S. Patricii Ep. et Conf., Duplex.
 13 g xv 18 S. Cyrilli Ep. Hierosolymitani, Conf. et Eccl. Doct., Duplex.
 12 A xiv 19 S. JOSEPH, SPONSI B. M. V., Conf., Duplex I classis.
 11 b xiiij 20
 10 c xij 21 S. Benedicti Abb., Duplex majus.
 9 d xj 22
 8 e x 23
 7 f ix 24 S. Gabrielis Archangeli, Duplex majus.
 6 g viij 25 ANNUNTIATIO B. MARIAE VIRG., Duplex I classis.
 5 A vij 26
 4 b vj 27 S. Joannis Damasceni Conf. et Eccl. Doct., Duplex.
 3 c v 28 S. Joannis a Capistrano Conf., Semiduplex.
 2 d iv 29
 1 e iij 30
 * f Prid. 31
Feria VI post Dom. Passionis - Septem Dolorum B. M. V., Duplex majus. Com. Feriae.

APRILIS**C. E. L.D. D.M.**

- 29 g Kal. 1
 28 A iv 2 S. Francisci de Paula Conf., Duplex.
 27 b iij 3
 25.26 c Prid. 4 S. Isidori Ep., Conf. et Eccl. Doct., Duplex.
 25.24 d Non. 5 S. Vincentii Ferrerii Conf., Duplex.
 23 e viij 6
 22 f vij 7
 21 g vj 8
 20 A v 9
 19 b iv 10
 18 c iij 11 S. Leonis I Papae, Conf. et Eccl. Doct., Duplex.
 17 d Prid. 12
 16 e Idib. 13 S. Hermenegildi Mart., Semiduplex.
 15 f xvij 14 S. Justini Mart., Duplex. Com. Ss. Tiburtii, Valeriani et Maximi Mm.
 14 g xvij 15
 13 A xvj 16
 12 b xv 17 S. Aniceti Papae et Mart., Simplex.
 11 c xiv 18
 10 d xiiij 19
 9 e xij 20
 8 f xj 21 S. Anselmi Ep., Conf. et Eccl. Doct., Duplex.
 7 g x 22 Ss. Soteris et Caji Pp. et Mm., Semiduplex.
 6 A ix 23 S. Georgii Mart., Semiduplex.
 5 b viij 24 S. Fidelis a Sigmaringa Mart., Duplex.

- 4 c vij 25 S. MARCI Ev., Duplex II classis.
 3 d vj 26 S. Cleti et Marcellini Pp. et Mm., Semiduplex.
 2 e v 27 S. Petri Canisii Conf. et Eccl. Doct., Duplex.
 1 f iv 28 S. Pauli a Cruce Conf., Duplex. Com. S. Vitalis Mart.
 * g iij 29 S. Petri Mart., Duplex.
 29 A Prid. 30 S. Catharinae Senensis Virg., Duplex.

MAJUS

C. E. L. D. D. M.

- 28 b Kal. 1 S. JOSEPH Conf., Sponsi B. M. V., Opificis, Duplex I classis.
 27 c vj 2 S. Athanasii Ep., Conf. et Eccl. Doct., Duplex.
 26 d v 3 ^{INVENTIO} S. CRUCIS, Duplex II classis. Com. Ss. Alexandri I Papae, et Sociorum Mm., ac Juvenalis Ep. et Conf.
 25.25 e iv 4 S. Monicae Vid., Duplex.
 24 f iij 5 S. Pii V Papae et Conf., Duplex.
 23 g Prid. 6 S. Joannis Ap. et Ev. ante Portam Latinam, Duplex majus.
 22 A Non. 7 S. Stanislai Ep. et Mart., Duplex.
 21 b viij 8 Apparitio S. Michaelis Archangeli, Duplex majus.
 20 c vij 9 S. Gregorii Nazianzeni Ep., Conf. et Eccl. Doct., Duplex.
 19 d vj 10 S. Antonini Ep. et Conf., Duplex. Com. Ss. Gordiani et Epimachi Mm.
 18 e v 11 Ss. P HILIPPI ET JACOBI App., Duplex II classis.
 17 f iv 12 Ss. Nerei, Achillei et Domitillae Virg. ac Pancratii Mm., Semiduplex.
 16 g iij 13 S. Roberti Bellarmino Ep., Conf. et Eccl. Doct., Duplex.
 15 A Prid. 14 S. Bonifatii Mart., Simplex.
 14 b Idib. 15 S. Joannis Baptistae de la Salle Conf., Duplex.
 13 c xvij 16 S. Ubaldi Ep. et Conf., Semiduplex.
 12 d xvj 17 S. Paschalis Baylon Conf., Duplex.
 11 e xv 18 S. Venantii Mart., Duplex.
 10 f xiv 19 S. Petri Caelestini Papae et Conf., Duplex. Com. S. Pudentianae Virg.
 9 g xij 20 S. Bernardini Senensis Conf., Semiduplex.
 8 A xij 21
 7 b xj 22
 6 c x 23
 5 d ix 24
 4 e viij 25 S. Gregorii VII Papae et Conf., Duplex. Com. S. Urbani I Papae et Mart.
 3 f vij 26 S. Philippi Neri Conf., Duplex. Com. S. Eleutherii Papae et Mart.
 2 g vj 27 S. Bedae Venerabilis Conf. et Eccl. Doct., Duplex. Com. S. Joannis I Papae et Mart.
 1 A v 28 S. Augustini Ep. et Conf., Duplex.
 * b iv 29 S. Mariae Magdalenae de Pazzis Virg., Semiduplex.
 29 c iij 30 S. Felicis I Papae et Mart., Simplex.
 28 d Prid. 31 B. MARIAE VIRG. REGINAE, Duplex II classis. Com. S. Petronillae Virg.

JUNIUS

C. E. L. D. D. M.

- 27 e Kal. 1 S. Angelae Mericiae Virg., Duplex.
 25.26 f iv 2 Ss. Marcellini, Petri atque Erasmi Ep., Mm., Simplex.
 25.24 g iij 3
 23 A Prid. 4 S. Francisci Caracciolo Conf., Duplex.
 22 b Non. 5 S. Bonifatii Ep. et Mart., Duplex.
 21 c viij 6 S. Norberti Ep. et Conf., Duplex.
 20 d vij 7
 19 e vj 8
 18 f v 9 Ss. Primi et Feliciani Mm., Simplex.
 17 g iv 10 S. Margaritae Reginae Vid., Semiduplex.
 16 A iij 11 S. Barnabae Ap. Duplex majus.
 15 b Prid. 12 S. Joannis a S. Facundo Conf., Duplex. Com. Ss. Basilidis, Cyrini, Naboris et Nazarii Mm.
 14 c Idib. 13 S. Antonii de Padua Conf. et Eccl. Doct., Duplex.
 13 d xvij 14 S. Basilii Magni Ep., Conf. et Eccl. Doct., Duplex.
 12 e xvij 15 Ss. Viti, Modesti atque Crescentiae Mm., Simplex.
 11 f xvj 16
 10 g xv 17
 9 A xiv 18 S. Ephraem Syri Diaconi, Conf. et Eccl. Doct., Duplex. Com. Ss. Marci et Marcelliani Mm.
 8 b xij 19 S. Julianae de Falconeriis Virg., Duplex. Com. Ss. Gervasii et Protasii Mm.

7 c xij 20 S. Silverii Papae et Mart., Simplex.

6 d xj 21 S. Aloisii Gonzagae Conf., Duplex.

5 e x 22 S. Paulini Ep. et Conf., Duplex.

4 f ix 23 Vigilia.

3 g viij 24 NATIVITAS S. JOANNIS BAPTISTAE, Duplex I classis cum Octava communi.

2 A vij 25 S. Gulielmi Abb., Duplex. Com. Octavae.

1 b vj 26 Ss. Joannis et Pauli Mm., Duplex. Com. Octavae.

* c v 27 De IV die infra Octavam S. Joannis Baptistae, Semiduplex.

29 d iv 28 S. Irenaei Ep. et Mart., Duplex. Com. Octavae et Vigiliae.

28 e iij 29 SS. PETRI ET PAULI APP. Duplex I classis cum Octava communi.

27 f Prid. 30 Commemoratio S. Pauli Ap., Duplex majus. Com. S. Petri Ap. et Octavae S. Joannis Baptistae.

JULIUS

C. E. L. D. D. M.

26 g Kal. 1 PRETIOSISSIMI SANGUINIS D. N. J. C., Duplex I classis. Com. diei Octavae S. Joannis Baptistae.

25 25 A vj 2 VISITATIO B. MARIAE VIRG., Duplex II classis. Com. Ss., Processi et Martiniani Mm.

24 b v 3 S. Leonis II Papae et Conf., Semiduplex. Com. Octavae Ss. Petri et Pauli App.

23 c iv 4 De VI die infra Octavam, Semiduplex.

22 d iij 5 S. Antonii Mariae Zaccaria Conf., Duplex. Com. Octavae.

21 e Prid. 6 Octava Ss. Petri et Pauli App., Duplex majus.

20 f Non. 7 Ss. Cyrilli et Methodii Epp. et Cc., Duplex.

19 g viij 8 S. Elisabeth Reginae, Vid., Semiduplex.

18 A vij 9

17 b vj 10 Ss. septem Fratrum Mm. ac Ss. Rufinae et Secundae Vv. et Mm., Semiduplex.

16 c v 11 S. Pii I Papae et Mart., Simplex.

15 d iv 12 S. Joannis Gualberti Abb., Duplex. Com. Ss. Naboris et Felicis Mm.

14 e iij 13 S. Anacleti Papae et Mart., Semiduplex.

13 f Prid. 14 S. Bonaventurae Ep., Conf. et Eccl. Doct., Duplex.

12 g Idib. 15 S. Henrici Imperatoris Conf., Semiduplex.

11 A xvij 16 Commemoratio B. Mariae Virg. de Monte Carmelo, Duplex majus.

10 b xvj 17 S. Alexii Conf., Semiduplex.

9 c xv 18 S. Camilli de Lellis Conf., Duplex. Com. Ss. Symphorosae et septem Filiorum ejus Mm.

8 d xiv 19 S. Vincentii a Paulo Conf., Duplex.

7 e xij 20 S. Hieronymi AEmiliani Conf., Duplex. Com. S. Margaritae Virg. et Mart.

6 f xij 21 S. Praxedis Virg., Simplex.

5 g xj 22 S. Mariae Magdalenae Poenitentis, Duplex.

4 A x 23 S. Apollinaris Ep. et Mart., Duplex. Com. S. Liborii Ep. et Conf.

3 b ix 24 Vigilia. Com. S. Christinae Virg. et Mart.

2 c viij 25 S. JACOBI AP., Duplex II classis. Com. S. Christophori Mart.

1 d vij 26 S. ANNAE MATRIS B. M. V., Duplex II classis.

* e vj 27 S. Pantaleonis Mart., Simplex.

29 f v 28 Ss. Nazarii et Celsi Mm., Victoris I Papae et Mart. ac Innocentii I Papae et Conf., Semiduplex.

28 g iv 29 S. Marthae Virg., Semiduplex. Com. Ss. Felicis II Papae, Simplicii, Faustini et Beatricis Mm.

27 A iij 30 Ss. Abdon et Sennen Mm., Simplex.

25.26 b Prid. 31 S. Ignatii Conf., Duplex majus.

AUGUSTUS

C. E. L. D. D. M.

25.24 c Kal. 1 S. Petri Ap. ad Vincula, Duplex majus. Com. S. Pauli Ap. ac Ss. Machabaeorum Mm.

23 d iv 2 S. Alfonsi Mariae de Ligorio Ep., Conf. et Eccl. Doct., Duplex. Com. S. Stephani I Papae et Mart.

22 e iij 3 Inventio S. Stephani Protomart., Semiduplex.

21 f Prid. 4 S. Dominici Conf., Duplex majus.

20 g Non. 5 Dedicatio S. Mariae ad Nives. Duplex majus.

19 A viij 6 TRANSFIGURATIO D. N. J. C., Duplex II classis. Com. Ss. Xysti II Papae, Felicissimi et Agapiti

Mm.

18 b vij 7 S. Cajetani Conf., Duplex. Com. S. Donati Ep. et Mart.

17 c vj 8 Ss. Cyriaci, Largi et Smaragdi Mm., Semiduplex.

16 d v 9 S. Joannis Mariae Vianney Conf., Duplex. Com. Vigiliae et S. Romani Mart.

15 e iv 10 S. LAURENTII Mart., Duplex II classis cum Octava simplici.

14 f iij 11 Ss. Tiburtii et Susannae Virg., Mm., Simplex.

13 g Prid. 12 S. Clarae Virg., Duplex.

12 A Idib. 13 Ss. Hippolyti et Cassiani Mm., Simplex.

11 b xix 14 Vigilia. Com. S. Eusebii Conf.

- 10 c xvij 15 ASSUMPTIO B. MARIAE VIRG., Duplex I classis cum Octava communi.
 9 d xvij 16 S. JOACHIM, P. ATRIS B. M. V., Conf., Duplex II classis.
 8 e xvj 17 S. Hyacinthi Conf., Duplex. Com. Octavae Assumptionis ac diei Octavae S. Laurentii Mart.
 7 f xv 18 De IV die infra Octavam Assumptionis, Semiduplex. Com. S. Agapiti Mart.
 6 g xiv 19 S. Joannis Eudes Conf., Duplex. Com. Octavae.
 5 A xij 20 S. Bernardi Abb., Conf. et Eccl. Doct., Duplex. Com. Octavae.
 4 b xij 21 S. Joannae Franciscae Frémot de Chantal Vid., Duplex. Com. Octavae.
 3 c xj 22 I MMACULATI C ORDIS B. M. V. Duplex II classis. Com. Ss. Timothei et Sociorum Mm.
 2 d x 23 S. Philippi Benitii Conf., Duplex. Com. Vigiliae.
 1 e ix 24 S. B ARTHOLOMAEI Ap., Duplex II classis.
 * f viij 25 S. Ludovici Regis, Conf., Semiduplex.
 29 g vij 26 S. Zephyrini Papae et Mart., Simplex.
 28 A vj 27 S. Josephi Calasanctii Conf., Duplex.
 27 b v 28 S. Augustini Ep., Conf. et Eccl. Doct., Duplex. Com. S. Hermetis Mart.
 26 c iv 29 Decollatio S. Joannis Baptistae, Duplex majus. Com. S. Sabinae Mart.
 25.25 d iij 30 S. Rosae Limanae Virg., Duplex. Com. Ss. Felicis et Adaucti Mm.
 24 e Prid. 31 S. Raymundi Nonnati Conf., Duplex.

SEPTEMBER

C. E. L. D. D. M.

- 23 f Kal. 1 S. Aegidii Abb., Simplex. Com. Ss. duodecim Fratrum Mm.
 22 g iv 2 S. Stephani Regis Conf., Semiduplex.
 21 A iij 3 S. Pii X Papae et Conf., Duplex.
 20 b Prid. 4
 19 c Non. 5 S. Laurentii Justiniani Ep. et Conf., Semiduplex.
 18 d viij 6
 17 e vij 7
 16 f vj 8 N ATIVITAS B. M ARIAE V IRG ., Duplex II classis cum Octava simplici. Com. S. Hadriani Mart.
 15 g v 9 S. Gorgonii Mart., Simplex.
 14 A iv 10 S. Nicolai a Tolentino Conf., Duplex.
 13 b iij 11 Ss. Proti et Hyacinthi Mm., Simplex.
 12 c Prid. 12 SsmiNominis Mariae, Duplex majus.
 11 d Idib. 13
 10 e xvij 14 Exaltatio S. Crucis, Duplex majus.
 9 f xvij 15 S EPTEM D OLORUM B. M ARIAE V IRG ., Duplex II classis. Com. S. Nicomedis Mart.
 8 g xvj 16 Ss. Cornelii Papae et Cypriani Ep., Mm., Semiduplex. Com. Ss. Euphemiae et Sociorum Mm.
 7 A xv 17 Impressio sacrorum Stigmatum S. Francisci Conf., Duplex.
 6 b xiv 18 S. Josephi a Cupertino Conf., Duplex.
 5 c xiiij 19 Ss. Januarii Ep. et Sociorum Mm., Duplex.
 4 d xij 20 Ss. Eustachii et Sociorum Mm., Duplex. Com. Vigiliae.
 3 e xj 21 S. M ATTHAEI AP . ET EV ., Duplex II classis.
 2 f x 22 S. Thomae de Villanova Ep. et Conf., Duplex. Com. Ss. Mauritii et Sociorum Mm.
 1 g ix 23 S. Lini Papae et Mart., Semiduplex. Com. S. Theclae Virg. et Mart.
 * A viij 24 B. Marae Virg. de Mercede, Duplex majus.
 29 b vij 25
 28 c vj 26 Ss. Cypriani et Justinae Virg., Mm., Simplex.
 27 d v 27 Ss. Cosmae et Damiani Mm., Semiduplex.
 25.26 e iv 28 S. Wenceslai Ducis, Mart., Semiduplex.
 25.24 f iij 29 DEDICATIO S. MICHAELIS ARCHANGELI, Duplex I classis.
 23 g Prid. 30 S. Hieronymi Presb., Conf. et Eccl. Doct., Duplex.

OCTOBER

C. E. L. D. D. M.

- 22 A Kal. 1 S. Remigii Ep. et Conf., Simplex.
 21 b vj 2 Ss. Ange1orum Custodum, Duplex majus.
 20 c v 3 S. Teresiae a Jesu Infante Virg., Duplex.
 19 d iv 4 S. Francisci Conf., Duplex majus.
 18 e iij 5 Ss. Placidi et Sociorum Mm., Simplex.
 17 f Prid. 6 S. Brunonis Conf., Duplex.
 16 g Non. 7 S ACRATISSIMI R OSARII B. M ARIAE V IRG ., Duplex II classis. Com. S. Marci Papae et Conf., ac Ss. Sergii et Sociorum Mm.
 15 A viij 8 S. Birgittae Vid., Duplex.
 14 b vij 9 S Joannis Leonardi Conf., Duplex. Com. Ss. Dionysii Ep., Rustici et Eleutherii Mm.

13 c vj 10 S. Francisci Borgiae Conf., Semiduplex.
 12 d v 11 M ATERNITATIS B. M ARIAE V IRG ., Duplex II classis.
 11 e iv 12
 10 f iij 13 S. Eduardi Regis, Conf., Semiduplex.
 9 g Prid. 14 S. Callisti I Papae et Mart., Duplex.
 8 A Idib. 15 S. Teresiae Virg., Duplex.
 7 b xvij 16 S. Hedwigis Vid., Semiduplex.
 6 c xvj 17 S. Margaritae Mariae Alacoque Virg., Duplex.
 5 d xv 18 S. L UCAE Ev., Duplex II classis.
 4 e xiv 19 S. Petri de Alcantara Conf., Duplex.
 3 f xiij 20 S. Joannis Cantii Conf., Duplex.
 2 g xij 21 S. Hilarionis Abb., Simplex. Com. Ss. Ursulae ac Sociarum Vv. et Mm.
 1 A xj 22
 * b x 23
 29 c ix 24 S. Raphaëlis Archangeli, Duplex majus.
Dominica ultima Octobris. - FESTUM D. N. JESU CHRISTI REGIS, Duplex I classis.
 28 d viij 25 Ss. Chrysanthi et Dariae Mm., Simplex.
 27 e vij 26 S. Evaristi Papae et Mart., Simplex.
 26 f vj 27 Vigilia.
 25.25 g v 28 Ss. S IMONIS ET J UDAE A PP ., Duplex II classis.
 24 A iv 29
 23 b iij 30
 22 c Prid. 31 Vigilia.

NOVEMBER

C. E. L. D. D. M.

21 d Kal. 1 OMNIUM SANCTORUM, Duplex I classis cum Octava communi.
 20 e iv 2 Commemoratio Omnium Fidelium Defunctorum, Duplex.
 19 f iij 3 De III die infra Octavam Omnium Sanctorum, Semiduplex.
 18 g Prid. 4 S. Caroli Ep. et Conf., Duplex. Com. Octavae ac Ss. Vitalis et Agricolae Mm.
 17 A Non. 5 De V die infra Octavam, Semiduplex.
 16 b viij 6 De VI die infra Octavam, Semiduplex.
 15 c vij 7 De VII die infra Octavam, Semiduplex.
 14 d vj 8 Octava Omnium Sanctorum, Duplex majus. Com. Ss. Quatuor Coronatorum Mm.
 13 e v 9 D EDICATIO A RCHIBASILICAE S SMI S ALVATORIS , Duplex II classis. Com. S. Theodori Mart.
 12 f iv 10 S. Andreae Avellini Conf., Duplex. Com. Ss. Tryphonis et Sociorum Mm.
 11 g iij 11 S. Martini Ep. et Conf., Duplex. Com. S. Mennae Mart.
 10 A Prid. 12 S. Martini I Papae et Mart., Semiduplex.
 9 b Idib. 13 S. Didaci Conf., Semiduplex.
 8 c xvij 14 S. Josaphat Ep. et Mart., Duplex.
 7 d xvij 15 S. Alberti Magni Ep., Conf. et Eccl. Doct., Duplex.
 6 e xvj 16 S. Gertrudis Virg., Duplex.
 5 f xv 17 S. Gregorii Thaumaturgi Ep. et Conf., Semiduplex.
 4 g xiv 18 Dedicatio Basilicarum Ss. Petri et Pauli App., Duplex majus.
 3 A xiij 19 S. Elisabeth Vid., Duplex. Com. S. Pontiani Papae et Mart.
 2 b xij 20 S. Felicis de Valois Conf., Duplex.
 1 c xj 21 Praesentatio B. Mariae Virg., Duplex majus.
 * d x 22 S. Caeciliae Virg. et Mart., Duplex.
 29 e ix 23 S. Clementis I Papae et Mart., Duplex. Com. S. Felicitatis Mart.
 28 f viij 24 S. Joannis a Cruce Conf. et Eccl. Doct., Duplex. Com. S. Chrysogoni Mart.
 27 g vij 25 S. Catharinae Virg. et Mart., Duplex.
 25.26 A vj 26 S. Silvestri Abb., Duplex. Com. S. Petri Alexandrini Ep. et Mart.
 25.24 b v 27
 23 c iv 28
 22 d iij 29 Vigilia. Com. S. Saturnini Mart.
 21 e Prid. 30 S. A NDREAE AP ., Duplex II classis.

DECEMBER

C. E. L. D. D. M.

20 f Kal. 1
 19 g iv 2 S. Bibianae Virg. et Mart., Semiduplex.
 18 A iij 3 S. Francisci Xaverii Conf., Duplex majus.

17 b Prid. 4 S. Petri Chrysologi Ep., Conf. et Eccl. Doct., Duplex. Com. S. Barbarae Virg. et Mart.
 16 c Non. 5 Com. S. Sabbae Abb.
 15 d viij 6 S. Nicolai Ep. et Conf., Duplex.
 14 e vij 7 S. Ambrosii Ep., Conf. et Eccl. Doct., Duplex. Com. Vigiliae.
 13 f vj 8 CONCEPTIO IMMACULATA B. MARIAE VIRGINIS, Duplex I classis cum Octava communi.
 12 g v 9 De II die infra Octavam Conceptionis, Semiduplex.
 11 A iv 10 De III die infra Octavam, Semiduplex. Com. S. Melchiadis Papae et Mart.
 10 b iij 11 S. Damasi I Papae et Conf., Semiduplex. Com. Octavae.
 9 c Prid. 12 De V die infra Octavam, Semiduplex.
 8 d Idib. 13 S. Luciae Virg. et Mart., Duplex. Com. Octavae.
 7 e xix 14 De VII die infra Octavam, Semiduplex.
 6 f xvij 15 Octava Conceptionis immaculatae B. Mariae Virg., Duplex majus.
 5 g xvij 16 S. Eusebii Ep. et Mart., Semiduplex.
 4 A xvj 17
 3 b xv 18
 2 c xiv 19
 1 d xij 20 Vigilia.
 * e xij 21 S. T HOMAE AP ., Duplex II classis.
 29 f xj 22
 28 g x 23
 27 A ix 24 Vigilia.
 26 b viij 25 NATIVITATIS D. N. J. C., Duplex I classis cum Octava privilegiata III ordinis. Com. S. Anastasiae Mart. in secunda Missa.
 25.25 c vij 26 S. S TEPHANI P ROTOMART ., Duplex II classis cum Octava simplici. Com. Octavae Nativitatis.
 24 d vj 27 S. J OANNIS AP . ET EV ., Duplex II classis cum Octava simplici. Com. Octavae Nativitatis.
 23 e v 28 Ss. I NNOCENTIUM MM ., Duplex II classis cum Octava simplici. Com. Octavae Nativitatis.
 22 f iv 29 S. Thomae Ep. et Mart., Duplex. Com. Octavae Nativitatis.
 21 g iij 30 De VI die infra Octavam Nativitatis, Semiduplex.
 19.20 A Prid. 31 Silvestri I Papae et Conf., Duplex. Com. Octavae Nativitatis.

Haec Epacta 19 nigra numquam est in usu, nisi quando eodem anno concurrat cum Aureo numero xix.

RUBRICAE GENERALES

MISSALIS

MISSA quotidie dicitur secundum Ordinem Officii: de Festo Duplici, vel Semiduplici, vel Simplici: de Dominica, vel Feria, vel Vigilia, vel Octava: et extra Ordinem Officii, Votiva, vel pro Defunctis.

I - De Duplici

MISSA dicitur de Duplici illis diebus, quibus in Calendario ponitur haec nota *Duplex*, et in Festis mobilibus, quandocumque Officium est Duplex. In Duplicibus dicitur una tantum Oratio, nisi aliqua Commemoratio fieri debeat. Alia omnia dicuntur, ut in propriis Missis assignatum est. Quando dici debeat *Glória in excelsis Deo* et *Credo*, inferius ponitur in propriis Rubricis.

II - De Semiduplici et Simplici

MISSA de Semiduplici dicitur, quando in Calendario ponitur haec vox *Semiduplex*. Praeterea in Dominicis, et diebus infra Octavas. In Semiduplicibus tam Festis, quam Dominicis, et infra Octavas, dicuntur plures Orationes, ut infra dicitur in Rubrica de Orationibus. Infra Octavam dicitur Missa sicut in die Festi, nisi propriam Missam habuerit: in Dominicis vero, sicut in propriis locis assignatur. De Simplici dicitur Missa sicut de Semiduplici, ut suis locis ponitur.

III - De Feria et Vigilia

MISSA de Feria dicitur, quando non occurrit Festum, vel Octava, vel Sabbatum, in quo fiat Officium beatae Mariae. In Feriis tamen Quadragesimae, Quatuor Temporum, Rogationum et Vigiliarum, etiamsi Duplex vel Semiduplex Festum, vel Octava occurrat, in Ecclesiis Cathedralibus et Collegiatis cantantur duae Missae: una de Festo post Tertiam, alia de Feria post Nonam. Missae autem Feriarum majorum concurrentium celebrari possunt etiam in Festis Semiduplicibus.

2 In Vigiliis autem et Feriis Quatuor Temporum, vel Feria II Rogationum, quae veniunt infra Octavam, Missa dicitur de Vigilia, vel Feriis supradictis, cum Commemoratione Octavae: praeterquam infra Octavam Corporis Christi, in qua in Ecclesiis Cathedralibus et Collegiatis cantantur duae Missae: una de Octava post Tertiam, alia de Vigilia post Nonam; in Missis autem privatis dicitur Missa de Octava cum Commemoratione

Vigiliae. Si autem in die Vigiliae vel praedictis Feriis fiat Officium de aliquo Festo, tunc dicitur Missa de Festo cum Commemoratione Octavae et Vigiliae, vel Feriarum praedictarum. Quod si Vigilia occurrat in die alicujus Festi ex majoribus primae classis, in Missa non fit Commemoratio de ea, sicut nec in Officio.

3 Si Festum habens Vigiliam celebretur Feria secunda, Missa Vigiliae dicitur in Sabbato, sicut etiam de ea fit Officium, excepta Vigilia Nativitatis Domini, et Epiphaniae.

4 Missa Vigiliae in Adventu occurrentis dicitur cum Commemoratione Feriae Adventus, licet de ea non sit factum Officium, Vigilia Nativitatis excepta.

5 Si in Quadragesima et Quatuor Temporibus occurrat Vigilia, dicatur Missa de Feria, cum Commemoratione Vigiliae.

6 Tempore Paschali non dicitur Missa de Vigilia, nisi in Vigilia Ascensionis, quae tamen non jejunatur, sicut nec Vigilia Epiphaniae.

IV - De Missis votivis S. Mariae et aliis

IN Sabbatis non impeditis Festo Duplici vel Semiduplici, Octava, Vigilia, Feria Quadragesimae vel Quatuor Temporum, vel Officio alicujus Dominicae, quae supersit, in praecedens Sabbatum translato, dicitur Missa de sancta Maria secundum varietatem temporum, ut in fine Missalis ponitur.

2 In Adventu autem, licet Officium non fiat de sancta Maria in Sabbato, dicitur tamen Missa principalis de ea, cum Commemoratione de Adventu, nisi fuerint Quatuor Tempora, vel Vigilia, ut supra.

3 Aliis diebus infra Hebdomadam, quando Officium fit de Feria et non est resumenda Missa Dominicae praecedentis, quae fuerit impedita (exceptis Feriis Adventus, Quadragesimae, Quatuor Temporum, Rogationum et Vigiliarum), dici potest aliqua ex Missis Votivis, etiam in principali Missa, quae vocatur Conventualis, secundum ordinem dierum in fine Missalis assignatum, cum Commemoratione Feriae, de qua factum est Officium. Quae tamen Missae et omnes aliae Votivae, in Missis privatis dici possunt pro arbitrio Sacerdotum, quocumque die Officium non est Duplex aut Dominica, cum Commemoratione ejus de quo factum est Officium, et Commemoratione item festi Simplicis, si de aliquo occurrat eo die fieri Commemorationem in Officio. Id vero passim non fiat, nisi rationabili de causa. Et quoad fieri potest, Missa cum Officio conveniat.

V - De Missis Defunctorum

PRIMA die cujusque mensis (extra Adventum, Quadragesimam et Tempus Paschale) non impedita Officio Duplici vel Semiduplici, dicitur Missa principalis generaliter pro Defunctis Sacerdotibus, Benefactoribus et aliis. Si vero in ea fuerit Festum Simplex, vel Feria quae propriam habeat Missam, aut resumenda sit Missa Dominicae praecedentis, quae fuit impedita, et infra Hebdomadam non occurrat alius dies in quo resumere possit: in Ecclesiis Cathedralibus et Collegiatis dicantur duae Missae: una pro Defunctis, alia de Festo Simplici vel Feria praedicta. Sed in Ecclesiis non Cathedralibus nec Collegiatis dicatur Missa de die cum Commemoratione generaliter pro Defunctis.

2 Praeterea Feria secunda cujusque Hebdomadae, in qua Officium fit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominicae praecedentis, ut supra, in Missa de die fiat Commemoratio (ut dictum est) pro Defunctis. Excipitur tamen Quadragesima, et totum Tempus Paschale, et quando per annum Officium est Duplex vel Semiduplex, quibus temporibus non dicitur Missa Conventualis pro Defunctis (nisi in die Depositionis Defuncti, et in Anniversario pro Defunctis), neque pro eis fit Commemoratio. Missae autem privatae pro Defunctis quocumque die dici possunt, praeterquam in Festis Duplicibus et Dominicis diebus. Missae privatae pro Defunctis ut in die Obitus seu Depositionis etiam in Duplicibus celebrari possunt praesente, insepulto, vel etiam sepulto non ultra biduum cadavere; exceptis Duplicibus primae classis, diebus Duplicia primae classis excludentibus, et Festis de praecepto.

3 Una tantum Oratio dicenda est in Missis omnibus quae celebrantur in die Commemorationis Omnium Fidelium Defunctorum, die et pro die Obitus seu Depositionis, atque etiam in Missis cantatis vel lectis, permittente ritu, diebus Tertio, Septimo, Trigesimo et die Anniversario alicujus Defuncti necnon quandocumque pro Defunctis Missa solemniter celebratur, nempe sub ritu qui Duplici respondeat, uti in Officio quod recitatur post acceptum nuntium de alicujus obitu, et in Anniversariis late sumptis.

4 In Missis quotidianis quibuscumque sive lectis, sive cum cantu, plures sunt dicendae Orationes, quarum prima est pro Defuncto vel Defunctis certo designatis, pro quibus sacrificium offertur, ex iis quae infra in Missali habentur, secunda ad libitum, ultima pro omnibus Defunctis. Si vero pro Defunctis in genere Missa celebretur, Orationes sunt dicendae, quae pro Missis quotidianis in hoc Missali prostant, eodemque ordine quo sunt inscriptae. Quod si in iisdem quotidianis Missis plures Orationes Celebranti placuerit recitare, ut de Feriis et Simplicibus dicetur infra in Rubrica de Orationibus, id fieri potest tantum in Missis lectis, impari cum aliis praescriptis servato numero, et Orationi pro omnibus Defunctis postremo loco assignato.

5 Sequentia pro Defunctis dicitur in die Commemorationis Omnium Fidelium Defunctorum et Depositionis Defuncti, in quibusvis cantatis Missis, uti etiam in lectis quae diebus ut supra privilegiatis fiunt: in reliquis autem Missis vel recitari vel omitti potest ad libitum Celebrantis.

VI - De Translatione Festorum

VI - De Translatione Festorum

IN dicendis Missis servetur Ordo Breviarii de Translatione Festorum Duplicium, quando majori aliquo Festo, seu Dominica impediuntur. In Ecclesiis autem ubi Titulus est Ecclesiae, vel concursus populi ad celebrandum Festum quod transferri debet, possunt cantari duae Missae, una de die, alia de Festo: excepta Dominica, I Adventus, FERIA IV Cinerum, Dominica I Quadragesimae, Dominica Passionis, Dominica Palmarum cum tota Hebdomada majori, Dominica Resurrectionis cum sequenti biduo, Dominica in Albis, Dominica Pentecostes cum duabus sequentibus Feriis, Dominica Sanctissimae Trinitatis, die Nativitatis Domini, Epiphaniae, Ascensionis et Festo Corporis Christi.

VII - De Commemorationibus

COMMÉMORATIONES in Missis fiunt sicut in Officio. De Festo Duplici aut Semiduplici, cujus facta est Commemoratio per modum Simplicis in Officio, etiam in Missa fit Commemoratio, non excepta Missa solemniter in Festis Duplicibus II classis, sed excepta Dominica Palmarum ac Vigilia Pentecostes. De Festo Simplici fit Commemoratio in Missa, quando de eo in Officio facta est Commemoratio in primis Vesperis. Quando autem de eo fit Commemoratio tantum ad Laudes, in Missa solemniter non fit Commemoratio de eo, sed in Missis tantum privatis. Excipitur pariter Dominica Palmarum et Vigilia Pentecostes, in quibus nulla fit Commemoratio etiam in Missis privatis de Festo Simplici occurrente, licet facta sit in Officio. De Dominica fit Commemoratio quando in ea agitur de Festo Duplici. De Octava fit Commemoratio quando infra Octavam celebratur aliquod Festum, nisi illud Festum fuerit de exceptuatis in Rubrica Breviarii de Commemorationibus. Item quando infra Octavam fit de Dominica.

2 De FERIA fit Commemoratio in Adventu, Quadragesima, Quatuor Temporibus, Rogationibus et Vigiliis, quando Missa dicenda est de Festo illis temporibus occurrente. Sed in Ecclesiis Cathedralibus et Collegiatis, ubi plures sacerdotes quotidie celebrant, in Feriis, Rogationibus et Vigiliis praedictis, quae habent Missas proprias, dicuntur duae Missae, una de Festo, alia de FERIA, Rogationibus et Vigilia, absque ulla utrorumque Commemoratione; in Festis tamen majoribus I classis nihil fit de Vigilia occurrente, ut dictum est supra.

3 Quando infra Hebdomadam dicuntur Missae Votivae, post primam Orationem semper dicatur Oratio ejus, de quo fit Officium, ut supra explicatum est in propria Rubrica.

4 Quando fit Commemoratio de FERIA Quatuor Temporum, pro FERIA Commemoratione dicitur prima Oratio, quae concordat cum Officio.

5 In faciendis Commemorationibus servetur ordo ut in Breviario. Primo loco illae Commemorationes praeponuntur quae ad Officium cujuscumque ritus pertinent; exceptis illis, quae ab Officio, de quo agitur, numquam separantur. Deinde: 1 de Dominica privilegiata, 2 de die Octava, 3 de Duplici majori, 4 de Duplici minori ad instar Simplicium redacto, 5 de Dominica communi, 6 de die infra Octavam Corporis Christi, 7 de Semiduplici, 8 de die infra Octavam communem ad simplicem ritum pariter redacto, 9 de FERIA majori vel Vigilia, 10 de Simplici: de Festo Simplici fiat Commemoratio ante Orationes quae secundo vel tertio loco dicendae assignantur; et haec dicantur ante Orationes votivas; in quibus votivis servetur deinde dignitas Orationum, ut de SS. Trinitate, de Spiritu Sancto, de SS. Sacramento, de S. Cruce ante votivam de B. Maria, et de Angelis, de S. Joanne Baptista et S. Joseph ante Apostolos, et similiter in aliis.

6 Si facienda sit Commemoratio pro Defunctis, semper ponitur penultimo loco. In Missis autem Defunctorum nulla fit Commemoratio pro vivis, etiam si Oratio esset communis pro vivis et defunctis.

7 Quando dicuntur plures Orationes, prima tantum et ultima cum sua conclusione terminantur: et ante primam et secundam Orationem tantum dicitur *Orémus*, ante primam dicitur etiam *Dóminus vobíscum*.

8 Cum vero dicuntur plures Orationes et una Oratio eadem sit cum alia ibidem dicenda, Oratio hujusmodi, illa scilicet quae eadem est, non aliae, commutetur cum alia de Communi, vel proprio, quae sit diversa. Idem servetur in Secretis, et Orationibus post Communionem.

VIII - De Introitu,**Kýrie eléison, et Glória in excélsis**

INTROITUS semper eodem modo dicitur cum *Glória Patri*, ut in Ordinario, praeterquam Tempore Passionis et in Missis Defunctorum, ut etiam ibi adnotatum est.

2 *Kýrie, eléison* dicitur novies post Introitum, alternatim cum ministro, id est, ter *Kýrie, eléison*, ter *Christe, eléison*, ter *Kýrie, eléison*.

3 *Glória in excélsis* dicitur quaecumque in Matutino dictus est Hymnus *Te Deum*, praeterquam in Missa FERIA V in Cena Domini et Sabbati Sancti, in quibus *Glória in excélsis* dicitur, quamvis in Officio non sit dictus Hymnus *Te Deum*.

4 In Missis Votivis *Glória in excélsis* non dicitur, etiam Tempore Paschali vel infra Octavam, nisi in Missa beatae Mariae in Sabbato, et Angelorum: et nisi Missa Votiva solemniter dicenda sit pro re gravi, vel pro publica Ecclesiae causa, dummodo non dicatur Missa cum paramentis violaceis. Neque dicitur in Missis Defunctorum.

IX - De Orationibus

IN Festis Duplicibus dicitur una tantum Oratio, nisi facienda sit aliqua Commemoratio, ut dictum est supra.

2 In Festis Semiduplicibus occurrentibus ab Octava Pentecostes usque ad Adventum, et a Purificatione usque ad Quadragesimam, dicitur secunda Oratio *A cunctis*, tertia ad libitum.

3 In Festis Semiduplicibus occurrentibus ab Octava Epiphaniae usque ad Purificationem, dicitur secunda Oratio *Deus, qui salútis*, tertia *Ecclésiæ tuæ*, vel pro Papa *Deus, ómnium fidélium*.

4 In Festis Semiduplicibus a Feria IV Cinerum usque ad Dominicam Passionis, secunda Oratio de Feria, tertia *A cunctis*.

5 In Semiduplicibus a Dominica Passionis usque ad Dominicam Palmarum, secunda Oratio de Feria, tertia *Ecclésiæ tuæ*, vel pro Papa.

6 In Festis Semiduplicibus ab Octava Paschae usque ad Ascensionem, secunda Oratio de sancta Maria *Concéde nos*, tertia *Ecclésiæ tuæ*, vel pro Papa.

7 In Festis Semiduplicibus infra Octavas occurrentibus, secunda Oratio dicitur de Octava, tertia, quae secundo loco infra Octavam ponitur.

8 Infra Octavas Paschae et Pentecostes in Missa de Octava dicuntur duae tantum Orationes, una de die; alia *Ecclésiæ tuæ*, vel pro Papa.

9 Infra alias Octavas, et in Vigiliis quae jejunantur (excepta Vigilia Nativitatis Domini et Pentecostes), dicuntur tres Orationes, una de die, secunda de sancta Maria, tertia *Ecclésiæ tuæ*, vel pro Papa. Sed infra Octavas sanctae Mariae, et in Vigilia et infra Octavam Omnium Sanctorum, secunda Oratio dicitur de Spiritu Sancto *Deus, qui corda*, tertia *Ecclésiæ tuæ*, vel pro Papa.

10 In Dominicis infra Octavas occurrentibus dicuntur duae Orationes, una de Dominica, secunda de Octava: et in die Octava dicitur una tantum Oratio, nisi facienda sit aliqua Commemoratio.

11 In Dominicis dicuntur tres, ut in Ordinario assignantur, quibusdam exceptis, ut suis etiam locis notatur.

12 In Festis Simplicibus et Feriis per annum, nisi aliter in propriis locis notetur, dicuntur tres, ut in Semiduplicibus, aut quinque: possunt etiam dici septem ad libitum.

13 In Feriis Quatuor Temporum, et ubi plures leguntur Lectiones, hujusmodi plures Orationes dicuntur post ultimam Orationem ante Epistolam, ut suis locis in Proprio Missarum de Tempore.

14 In Missis Votivis, quando solemniter dicuntur pro re gravi, vel pro publica Ecclesiae causa, dicitur una tantum Oratio: sed in Missa pro g ratiarum actione additur alia Oratio, ut in proprio loco notatur. In aliis autem dicuntur plures, ut in Festis Simplicibus.

15 In Votivis beatae Mariae secunda Oratio dicitur de Officio illius diei, et tertia de Spiritu Sancto: sed in Sabbato, quando de ea factum est Officium, secunda Oratio erit de Spiritu Sancto, tertia *Ecclésiæ tuæ*, vel pro Papa. In Votivis de Apostolis, quando ponitur Oratio *A cunctis*, ejus loco dicitur Oratio de sancta Maria *Concéde nos*.

16 Si, cum plures dicuntur Orationes, occurrat fieri Commemorationem alicujus Sancti, ea ponitur secundo loco, et tertia Oratio dicitur, quae alias secundo loco dicenda erat.

17 In conclusione Orationum hic modus servatur. Si Oratio dirigatur ad Patrem, concluditur *Per Dóminum nostrum, etc.* Si ad Filium, *Qui vivis et regnas cum Deo Patre, etc.* Si in principio Orationis fiat mentio Filii, concluditur *Per eúmdem Dóminum nostrum, etc.* Si in fine Orationis ejus fiat mentio, *Qui tecum vivit, etc.* Si facta sit mentio Spiritus Sancti, in conclusione dicitur: *In unitáte ejúsdem Spíritus Sancti, etc.* Alia quoque in dicendis Orationibus serventur, quae superius in Rubrica de Commemorationibus dicta sunt.

X - De Epistola, Graduali, Allelu ja, et Tractu, ac de Evangelio

POST ultimam Orationem dicitur Epistola: qua finita a Ministris respondetur *Deo grátias*. Et similiter quando leguntur plures Lectiones, post singulas dicitur *Deo grátias*, praeterquam in fine quintae Lectionis Danielis in Sabbatis Quatuor Temporum, et in fine Lectionum Feriae sextae in Parasceve et Sabbati Sancti.

2 Post Epistolam dicitur Graduale, quod semper dicitur, praeterquam Tempore Paschali, cujus loco tunc dicuntur duo Versus, ut habetur in Rubrica in Sabbato in Albis.

3 Post Graduale dicuntur duo *Allelúja*, deinde Versus, et post Versum unum *Allelúja*. Tempore Paschali, quando non dicitur Graduale, dicitur aliud *Allelúja*, post secundum Versum: et quando dicitur Sequentia, non dicitur post ultimum Versum, sed post Sequentiam.

4 A Septuagesima usque ad Sabbatum Sanctum non dicitur *Allelúja*, neque dicitur in Missa de Feria in Adventu, Quatuor Temporibus, et Vigiliis quae jejunantur, exceptis Vigilia Nativitatis Domini si venerit in Dominica, et Vigilia Paschae et Pentecostes, ac Quatuor Temporibus Pentecostes. Nec dicitur in Festo sanctorum Innocentium, nisi venerit in Dominica.

5 A Septuagesima usque ad Pascha, ejus loco dicitur Tractus: qui Tractus praedicto tempore in aliquibus Feriis non dicitur, ut suis locis ponitur, nec dicitur in Feriis a Septuagesima usque ad Quadragesimam, quando repetitur Missa Dominicae.

6 Dicto Graduali, seu *Allelúja*, seu Tractu, dicitur Evangelium. Et in principio Evangelii dicitur: *Dóminus vobíscum. R/. Et cum spíritu tuo.* Deinde: *Sequéntia sancti Evangélii secúndum N. R/. Glória tibi, Dómine.* In fine Evangelii a Ministro respondetur: *Laus tibi, Chríste*, quod etiam dicitur in fine illius partis Passionis, quae legitur in tono Evangelii, praeterquam in Parasceve. Postea, si dicendum est, dicitur *Credo*.

XI - De Symbolo

SYMBOLUM dicitur post Evangelium in omnibus Dominicis per annum, etiamsi in illis fiat de Festo, in quo alias non diceretur, vel Dominica vacet. In tribus Missis de Nativitate Domini, et deinceps usque ad Octavam S. Joannis Apostoli inclusive. In Festo Ssmi Nominis Jesu. In Epiphania, et per Octavam. Feria V in Cena Domini. In Paschate Resurrectionis, et per Octavam. In Ascensione Domini, et per Octavam. In Pentecoste, et per Octavam. In Festis Corporis Christi ac Cordis Jesu et per Octavas. In omnibus Festis beatae Mariae, et per Octavas. In Festis duodecim Apostolorum, et Evangelistarum, et per Octavas. In utraque Cathedra S. Petri, et in Festo S. Petri ad Vincula. In Festis Conversionis et Commemorationis S. Pauli Apostoli. In Festo S. Joannis ante Portam Latinam. In Festo S. Barnabae Apostoli. In Festis Inventionis et Exaltationis S. Crucis. In Festo Pretiosissimi Sanguinis, et in Transfiguratione Domini. In Festis Angelorum. In Festis S. Joseph Sponsi B. M. V. In Festo S. Mariae Magdaleneae. In Festis Quatuor Doctorum, videlicet, Gregorii, Ambrosii, Augustini et Hieronymi: additis Festis S. Hilarii, S. Francisci Salesii, S. Petri Damiani, S. Thomae de Aquino, S. Isidori, S. Leonis I papae, S. Anselmi, S. Petri i Canisii, S. Roberti Bellarmino, S. Bedae Venerabilis, S. Alberti Magni, S. Antonii de Padua, S. Bonaventurae, S. Alfonsi Mariae de Liguorio, S. Bernardi, S. Joannis a Cruce et S. Petri Chrysologi. Item in Festis Ss. Doctorum Athanasii, Basilii, Cyrilli Alexandrini, Cyrilli Hierosolymitani, Ephraem, Gregorii Nazianzeni, Joannis Chrysostomi et Joannis Damasceni. In die Octava S. Joannis Baptistae et S. Laurentii. In Festo Omnium Sanctorum et per Octavam. In Dedicatione Archibasilicae Ssmi Salvatoris, et Ss. Apostolorum Petri et Pauli. In Anniversario Dedicationis propriae Ecclesiae, et per Octavam. In die Consecrationis Ecclesiae, vel Altaris. In Festis Sanctorum quibus dedicata est Ecclesia, et ubi habetur Corpus, vel insignis Reliquia Sancti, de quo agitur. In die Consecrationis, et Coronationis Summi Pontificis, et in Anniversario ejusdem diei. In die, et in Anniversario Electionis et Consecrationis Episcopi. Item in omnibus Festis, quae in Dominicis, et infra Octavas celebrantur: in quibus ratione Dominicae et Octavae dici debet. Item in Festo Patroni alicujus loci, vel Tituli Ecclesiae (non autem alicujus Capellae, vel Altaris) , et in Festis principalibus Ordinum et per eorum Octavas, in Ecclesiis tantum illius Ordinis.

Item dicitur *Credo* in Missis Votivis, quae solemniter pro re gravi, vel pro publica Ecclesiae causa celebrantur, etiamsi dicantur in paramentis violaceis in Dominica.

XII - De Offertorio, Secretis, Praefationibus et Canone

POST Symbolum, vel, si non sit dicendum, post Evangelium, dicitur: *Dóminus vobíscum. Orémus* ; deinde Offertorium ; postea fit oblatio cum Orationibus, ut in Ordine Missae. Qua oblatione facta, dicuntur Orationes secretae, secundum numerum Orationum, quae clara voce in principio dictae sunt ; sed ante primam Orationem non dicitur *Dóminus vobíscum*, nec aliquid aliud, sed dicto *Suscípiat Dóminus sacrificium*, absolute dicuntur: neque etiam ante secundam Orationem dicitur *Orémus*. Terminantur autem prima et ultima Oratio, ut dictum est supra in Rubrica de Orationibus: et secreto dicuntur usque ad illa verba in conclusione: *Per ómnia saécula saeculórum*, quae clara voce proferuntur, et incipitur Praefatio.

2 Praefationes autem dicuntur, ut in Ordine Missae adnotatum est: et quae in Quadragesima, Tempore Passionis, et Paschali, et infra Octavas propriae assignantur, dicuntur etiam in Dominicis, et Festis, quae illis temporibus celebrantur: nisi illa Festa propriam Praefationem habeant.

3 Si infra Octavam alicujus Festi, quod habet Praefationem propriam, occurrat Festum ex majoribus non habens propriam Praefationem, dicitur Praefatio de Octava, quamvis de ea nulla fiat Commemoratio in Missa.

4 In Missis Votivis dicitur etiam Praefatio propria, si propriam habeant: si vero non habuerint, dicitur Praefatio de Tempore, vel Octava, infra quam contigerit hujusmodi Missas celebrari: alioquin, Praefatio communis. Et quando aliqua Missa Votiva pro causa publica solemniter celebratur, dicitur in cantu solemniter, ut in Duplicibus. In Missis Defunctorum quocumque tempore semper dicitur Praefatio Defunctorum.

5 In Dominicis per annum, quando non habeatur Praefatio propria, dicitur Praefatio de Trinitate, ut adnotatum jam est in Ordine Missae.

6 Post Praefationem incipitur Canon Missae secreto: in quo servantur omnia, ut in Ordine Missae. Ubi vero infra actionem *Communicántes*, et *Hanc ígitur*, vel alia variari contingit, suo loco in propriis Missis adnotatur.

XIII - De Communionem, Orationibus post Communionem, Ite, Missa est, vel Benedicamus Dómino, de Benedictione, et Evangelio S. Joannis

EXPLETO Canone, et aliis omnibus usque ad Communionem, ea peracta, dicitur Communio, et Orationes post Communionem eodem modo et ordine, ut in principio Missae: et repetito *Dóminus vobíscum*, dicitur: *Ite, Missa est*, vel *Benedicámus Dómino*, pro Temporibus ratione. *Ite, Missa est*, dicitur quandocumque dictum est *Glória in excélsis*. Cum non dicitur, ejus loco dicitur *Benedicámus Dómino. R/. Deo grátias*. In Missis Defunctorum dicitur: *Requiescant in pace. R/. Amen*.

2 Dicto *Pláceat*, datur Benedictio: quae a Celebrante semper datur in Missa, praeterquam in Missis Defunctorum. Deinde legitur Evangelium S. Joannis *In princípío*, praemisso *Dóminus vobíscum*, et *Inítium*, ut moris est: quod Evangelium numquam praetermittitur in Missa, nisi quando fit de Festo in aliqua Dominica, vel Feria, quae habet Evangelium proprium, quod legitur ejus loco. Excipitur Dominica IV Adventus, cujus Evangelium non legitur in fine Missae, quando in ea occurrit Vigilia Nativitatis Domini, quia

nec in Officio lectum est. In tertia Missa de die Nativitatis Domini legitur in fine Evangelium de Epiphania *Cum natus esset Jesus*. Et in Dominica Palmarum in Missis privatis legitur Evangelium, quod ponitur in benedictione Palmarum, quod etiam lectum est in Officio. In Vigiliis, quae occurrunt in Quadragesima vel Quatuor Temporibus, non legitur Evangelium Vigiliae in fine Missae. Et similiter in Missis Votivis numquam legitur in fine aliud Evangelium, nisi S. Joannis.

XIV - De ordinanda

Missa ex supradictis Rubricis

SUPRADICTIS Rubricis cognitis, si quis velit ordinare Missam diei, recurrat ad Ordinarium Missarum de Tempore, vel de Sanctis, secundum qualitatem Officii. Si proprium non habeat, recurrat ad Commune Sanctorum. Si de Feria agendum sit, et propria Missa non fuerit de Feria, dicatur Missa praecedentis Dominicae, omissis *Glória in excelsis*, et Symbolo: praeterquam Tempore Paschali, in quo semper dicitur *Glória in excelsis*, ut supra, excepta Missa Rogationum; et in Adventu praetermittitur *Allelúja* post Graduale, cum suo Versu. Si dicenda sit Missa Votiva, requiratur post Commune Sanctorum suo loco. Si plures Orationes dicendae sint, requirantur post Missas Votivas suo loco de singulis rebus singulae. Si pro Defunctis dicenda sit Missa, habetur post Missas Votivas, cum collectis diversis circa finem Missalis. Ordo totius Missae, cum Praefationibus, Canone, et aliis dicendis, habetur suo loco, cum Proprio Missarum de Tempore.

XV - De Hora celebrandi Missam

MISSA privata saltem post Matutinum et Laudes ab una hora ante auroram usque ad unam horam post meridiem dici potest.

2 Missa autem Conventualis et solemnns sequenti ordine dici debet. In Festis Duplicibus et Semiduplicibus, in Dominicis, et infra Octavas, dicta in Choro Hora Tertia. In Festis Simplicibus et in Feriis per annum, dicta Sexta. In Adventu, Quadragesima et Quatuor Temporibus, etiam infra Octavam Pentecostes, et Vigiliis quae jejunantur, quamvis sint dies solemnes, Missa de Tempore debet cantari post Nonam.

3 Missa autem Defunctorum dici debet post Primam diei: ubi vero dicuntur eorum Vigiliae mane post Matutinum diei, dictis hujusmodi Vigiliis cum Laudibus, immediate dici potest Missa pro Defunctis. Sed in die Commemorationis Omnium Fidelium Defunctorum Missa Conventualis dicitur post Nonam, quia eo die est principalis. In die autem Depositionis Defuncti, vel Tertio, Septimo, Trigesimo aut Anniversario solemnns, in quo fit concursus populi, poterit similiter dici ultimo loco post Nonam.

4 Excipiuntur ab hoc ordine dicendi Missam Conventualem, Missae in Nativitate Domini, quarum prima dicitur post mediam noctem, finito Te Deum laudamus in Matutino: secunda in aurora, dictis Laudibus et Prima: tertia vero in die post Tertiam, vel ubi aliter ex dispensatione Apostolica disponatur.

5 Missae Votivae, quia non correspondent Officio, si solemniter celebrentur pro re gravi, vel publica Ecclesiae causa, cum populi frequentia, dicantur post Nonam.

XVI - De his quae clara voce, aut secreto dicenda sunt in Missa

IN Missa privata, clara voce dicuntur Antiphona et Psalmus ad Introitum, Confessio et quae sequuntur, excepta Oratione *Aufer a nobis*, et *Oramus te, Dómine, per mérita Sanctórum tuórum*, etc. Item Introitus, *Kýrie, eléison, Glória in excelsis, Dóminus vobiscum, Orémus, Flectámus génuá, Leváte*, Orationes, Prophetiae, Epistola, Graduale, Versus, Tractus, Sequentia, Evangelium, *Credo*, Offertorium, *Oráte, fratres*, solum haec duo verba, Praefatio, *Nobis quoque peccatóribus*, solum haec tria verba. Item, *Per ómnia saécula saeculórum*, etc. cum *Pater noster*, *Per ómnia saécula saeculórum*, cum *Pax Dómini, Agnus Dei, Dómine, non sum dignus*, haec quatuor verba tantum, Communio, Oratio vel Orationes post Communionem, *Humiliáte cápita vestra Deo, Ite, Missa est*, vel *Benedicámus Dómino*, vel *Requiescant in pace*, Benedictio et Evangelium *In princípío*, vel aliud Evangelium. Alia omnia dicuntur secreto.

2 Sacerdos autem maxime curare debet, ut ea quae clara voce dicenda sunt, distincte et apposite proferat, non admodum festinanter, ut advertere possit quae legit, nec nimis morose, ne audientes taedio afficiat; neque etiam voce nimis elata, ne perturbet alios, qui fortasse in eadem ecclesia tunc temporis celebrant; neque tam submissa, ut a circumstantibus audiri non possit, sed mediocri et gravi: quae et devotionem moveat, et audientibus ita sit accommodata, ut quae leguntur intelligant. Quae vero secreto dicenda sunt, ita pronuntiet, ut et ipse se audiat, et a circumstantibus non audiatur.

3 In Missa solemnns, quando dici debent, a Celebrante *Glória in excelsis* et *Credo intonantur*; et cantantur *Dóminus vobiscum* et *Orationes ante Epistolam, Dóminus vobiscum, Orémus ante Orationes, et ante Offertorium, Praefatio, Per ómnia saécula saeculórum cum Pater noster, Per ómnia saécula saeculórum cum Pax Dómini, et Orationes post Communionem. Alia quae in Missa privata dicuntur clara voce, in Missa solemnns a Celebrante dicuntur submissa voce.*

XVII - De Ordine genuflectendi, sedendi, et standi in Missa privata et solemnns

IN Missa privata Sacerdos genuflectit, quando legit Evangelium S. Joannis *In princípío*, ad illa verba: *Et*

Verbum caro factum est, et in Evangelio Epiphaniae *Cum natus esset Jesus*, ad illa verba: *Et procedentes adoraverunt eum*. Item in Evangelio Feriae IV post Dominicam IV Quadragesimae, ad illa verba in fine: *Et procedens adoravit eum*. Item genuflectit in Dominica Palmarum, et in Missis de Cruce ad illa verba in Epistola: *In nomine Jesu omne genu flectatur, etc.*; et quando legitur Passio ad illa verba: *Exspiravit, vel Emisit spiritum*, ut suis locis notatur. Item genuflectit, cum dicit: *Flectamus genua*. Item quando in Quadragesima dicit in Tractu VI. *Adjuva nos, Deus, etc.* et in omnibus Missis de Spiritu Sancto, cum dicit VI. *Veni, Sancte Spiritus, reple tuorum, etc.* Item quando Sacramentum in Altari discoopertum apparet, genuflectit quoties ante illud transit in medio Altaris, et quodcumque in Ordine Missae et in ritu servando in celebratione Missae notatur quod debeat genuflectere.

2 Circumstantes autem in Missis privatis semper genua flectunt, etiam Tempore Paschali, praeterquam dum legitur Evangelium.

3 In Missa solemni *Celebrans genuflectit ad omnia supradicta, praeterquam ad Flectamus genua, et tunc ipse solus stat, Diaconus vero et Subdiaconus et omnes alii genuflectunt. Ad Versum vero Adjuva nos, Deus, etc. et ad Versum: Veni, Sancte Spiritus, etc. genuflectit usque ad finem. Item genuflectit in die Annuntiationis B. Mariae et in tribus Missis Nativitatis Domini, quando cantatur in Choro VI. Et incarnatus est, etc. Aliis diebus, si sedeat cum cantantur ea verba, non genuflectit, sed caput tantum profunde inclinat apertum; si non sedet, genuflectit.*

4 *Ministri semper genuflectunt cum Celebrante, praeterquam Subdiaconus tenens librum ad Evangelium, et Acolythy tenentes candelabra, qui tunc non genuflectunt. Et cum Diaconus cantat illa verba ad quae est genuflectendum, ipse versus librum, Celebrans et omnes alii versus Altare genuflectunt.*

5 *In Choro semper genuflectitur ab iis, qui non sunt Praelati, ad Confessionem cum suo Psalmo. In Missis autem Feriarum Adventus, Quadragesimae, Quatuor Temporum et Vigiliarum quae jejuntur, ac in Missis Defunctorum, genuflectunt omnes etiam ad Orationes, et dicto per Celebrantem Sanctus usque ad Pax Domini, et ad Orationes post Communionem et Super populum, excepta Vigilia Paschae et Pentecostes ac Nativitatis Domini, et Quatuor Temporibus Pentecostes. Et similiter ab omnibus genuflectitur, quando elevatur Sacramentum.*

6 *In Missa item solemni Celebrans medius inter Diaconum et Subdiaconum sedere potest a cornu Epistolae juxta Altare, cum cantantur Kyrie, eléison, Glória in excélsis et Credo: alio tempore stat ad Altare, vel genuflectit, ut supra.*

7 *In Choro non sedent qui actu cantant, reliqui autem possunt sedere quando Celebrans sedet, et praeterea dum cantantur Epistola et Prophetiae, Graduale, Tractus vel Allelúja cum Versu ac Sequentia; et ab Offertorio usque ad incensationem Chori, et, si non incensatur, usque ad Praefationem, et ad Antiphonam quae dicitur Communio. Ad alia stant vel genuflectunt, ut supra.*

XVIII - De Coloribus Paramentorum

PARAMENTA Altaris, Celebrantis et Ministrorum debent esse coloris convenientis Officio et Missae diei, secundum usum Romanae Ecclesiae: quae quinque coloribus uti consuevit, Albo, Rubro, Viridi, Violaceo et Nigro.

2 Albo colore utitur a Vesperis Vigiliae Nativitatis Domini usque ad Octavam Epiphaniae inclusive, exceptis Festis Martyrum quae infra eam veniunt. In Festo Ssmi Nominis Jesu, Feria V in Cena Domini et Sabbato Sancto in Officio Missae, et ab illo die usque ad Sabbatum in Vigilia Pentecostes ad Nonam in Officio de Tempore, praeterquam in Missa Litaniarum et Rogationum. In Festo Smae Trinitatis. In Festo Corporis Christi. In Festo Cordis Jesu. In Festo D. N. Jesu Christi Regis. In Festo Transfigurationis Domini. In Festis beatae Mariae Virginis, praeterquam in benedictione Candelarum et Processione, quae fit in Festo Purificationis ejusdem. In Festis Angelorum. In Nativitate S. Joannis Baptistae. In principali Festo S. Joannis Evangelistae, quod celebratur infra Octavam Nativitatis Domini. In utraque Cathedra S. Petri. In Festo S. Petri ad Vincula. In Conversione S. Pauli. In Festo Omnium Sanctorum. In Festis Confessorum Pontificum, et non Pontificum, et Doctorum. In Festis Ss. Virginum non Martyrum, et nec Virginum nec Martyrum. In Dedicacione et Consecratione Ecclesiae vel Altaris, ac in Consecratione Summi Pontificis, et in Anniversario Creationis et Coronationis ejusdem, et Electionis et Consecrationis Episcopi. Item per Octavas praedictorum Festorum, quae Octavas habent, quando dicitur Missa de Octava, et in Dominicis infra eas occurrentibus, quando in eis fit Officium de Dominica; praeterquam in illis Dominicis, quibus tributus est color violaceus. In Missis Vo tivis supradictorum Festorum, quocumque tempore dicantur: et in Missa D. N. Jesu Christi Summi et Aeterni Sacerdotis, et in Missa pro Sponso et Sponsa.

3 Rubro colore utitur a Vigilia Pentecostes in Missa usque ad Sabbatum sequens finita Nona et Missa. In Festis S. Crucis et Pretiosissimi Sanguinis Domini. In Decollatione S. Joannis Baptistae. In Natali Ss. Apostolorum Petri et Pauli, et in Festis aliorum Apostolorum (exceptis Festo principali S. Joannis Evangelistae post Nativitatem Domini, et Festis Conversionis S. Pauli, et Cathedrae S. Petri, et ejus Vinculorum). In Festo S. Joannis ante Portam Latinam. In Commemoratione S. Pauli Apostoli. In Festis Martyrum, excepto Festo Ss. Innocentium, quando non venerit in Dominica; si autem in Dominica venerit, utitur rubro, in ejus vero die Octava semper utitur rubro, quocumque die occurrat. In Festis Ss. Virginum Martyrum, et Martyrum non Virginum. Item per Octavas praedictorum Festorum, quae Octavas habent, quando fit de Octava, et in Dominicis infra eas Octavas occurrentibus, eodem modo, ut dictum est supra de

colore albo. Item in Missis votivis supradictorum Festorum, et in Missa pro eligendo Summo Pontifice.

4 Viridi colore utitur ab Octava Epiphaniae usque ad Septuagesimam, et ab Octava Pentecostes usque ad Adventum exclusive, in Officio de Tempore, excepta Dominica Trinitatis, ut supra, ac exceptis Dominicis infra Octavas occurrentibus, in quibus color Octavarum servatur ; exceptis etiam Vigiliis et Quatuor Temporibus, ut infra.

5 Violaceo colore utitur a prima Dominica Adventus in primis Vesperis usque ad Missam Vigiliae Nativitatis Domini inclusive: et a Septuagesima usque ad Sabbatum Sanctum ante Missam inclusive, in Officio de Tempore, excepta Feria V in Cena Domini, in qua utitur albo: et Feria VI in Parasceve, in qua utitur nigro, ut infra: et benedictione Cerei in Sabbato Sancto, in qua Diaconus, illius Praefationem dicens, solus utitur albo: ea autem finita, violaceo, ut prius. Item in Vigilia Pentecostes ante Missam a prima Prophetia usque ad benedictionem Fontis inclusive. In Quatuor Temporibus, et Vigiliis quae jejunantur, exceptis Vigilia et Quatuor Temporibus Pentecostes. In Missa Litaniarum in die S. Marci Evangelistae, et Rogationum, et in Processionibus, quae his diebus fiunt. In Festo Ss. Innocentium, quando non venerit in Dominica. In benedictione Candelarum in die Purificationis B. Mariae, et in benedictione Cinerum, ac Palmarum, et in ipsa Dominica in Palmis, et in earumdem, ac generaliter in omnibus Processionibus: exceptis Processionibus sanctissimi Sacramenti, et quae fiunt in diebus solemnibus, vel pro gratiarum actione. In Missis de Passione Domini, pro quacumque necessitate, pro remissione peccatorum, ad postulandam gratiam bene moriendi, ad tollendum schisma, contra paganos, tempore belli, pro pace, pro vitanda mortalitate, pro iter agentibus, et pro infirmis.

6 Nigro colore utitur Feria VI in Parasceve, et in omnibus Officiis et in Missis Defunctorum.

XIX - De Qualitate Paramentorum

IN Officio Missae, Celebrans semper utitur Planeta super Albam.

2 Si autem, sit Episcopus, sive Abbas habens usum Mitrae et Baculi ac ceterorum Pontificalium, et solemniter celebret, super Dalmaticam et Tunicellam.

3 Pluviali utitur in Processionibus, et Benedictionibus quae fiunt in Altari. Item in Officio Laudum et Vesperarum, quando solemniter dicuntur. Eodem utitur Assistens Celebranti in Missa Pontificali. Item quando Celebrans post Missam Defunctorum facit in fine Absolutionem.

4 Cum Celebrans utitur Pluviali, semper deponit Manipulum, et ubi Pluviale haberi non potest, in Benedictionibus quae fiunt in Altari, Celebrans stat sine Planeta cum Alba et Stola.

5 Dalmatica et Tunicella utuntur Diaconus et Subdiaconus in Missa solemnibus, et Processionibus, et Benedictionibus, quando Sacerdoti ministrant.

6 In diebus vero jejuniorum (praeterquam in Vigiliis Sanctorum), et in Dominicis et Feriis Adventus et Quadragesimae, ac in Vigilia Pentecostes ante Missam (exceptis Dominica Gaudete, et tiam si ejus Missa infra Hebdomadam repetatur, et Dominica Laetare, Vigilia Nativitatis Domini, Sabbato Sancto in benedictione Cerei et in Missa, ac in Quatuor Temporibus Pentecostes), item in benedictione Candelarum et Processione in die Purificationis B. Mariae, et in benedictione Cinerum, ac benedictione Palmarum et Processione: in Cathedralibus et praecipuis Ecclesiis utuntur Planetis plicatis ante pectus: quam Planetam Diaconus dimittit cum lecturus est Evangelium, eaque tunc super sinistrum humerum super Stolam complicatur: aut ponitur aliud genus Stolae latioris in modum Planetae plicatae; et facta Communionem resumat Planetam, ut prius. Similiter Subdiaconus dimittit eam cum lecturus est Epistolam, quam legit in Alba, et ea finita, osculataque Celebrantis manu, Planetam resumat, ut prius.

7 In minoribus autem Ecclesiis, praedictis diebus jejuniorum Alba tantum amicti ministrant: Subdiaconus cum Manipulo, Diaconus etiam cum Stola ab humero sinistro pendente sub dexterum.

XX - De Praeparatione Altaris, et Ornamentum ejus

ALTARE, in quo sacrosanctum Missae sacrificium celebrandum est, debet esse lapideum, et ab Episcopo, sive ab Abbate facultatem a Sede Apostolica habente, consecratum; vel saltem ara lapidea, similiter ab Episcopo, vel Abbate, ut supra, consecrata, in eo inserta, quae tam ampla sit, ut Hostiam et majorem partem Calicis capiat. Hoc Altare operiatur tribus mappis seu tobaleis mundis, ab Episcopo vel alio habente potestatem benedictis, superiori saltem oblonga, quae usque ad terram pertingat, duabus aliis brevioribus, vel una duplicata. Pallio quoque ornetur coloris, quoad fieri potest, diei Festo vel Officio convenientis. Super Altare collocetur Crux in medio, et Candelabra saltem duo cum candelis accensis hinc et inde in utroque ejus latere. Ad Crucis pedem ponatur Tabella Secretarum appellata. In cornu Epistolae cussinus supponendus Missali: et ab eadem parte Epistolae paretur cereus ad elevationem Sacramenti accendendus, parva campanula, ampullae vitreae vini et aquae cum pellicula et manutergio mundo, in fenestella seu in parva mensa ad haec praeparata. Super Altare nihil omnino ponatur, quod ad Missae sacrificium vel ipsius Altaris ornatum non pertineat.

ADDITIONES ET

VARIATIONES IN RUBRICIS MISSALIS

AD NORMAM BULLAE « DIVINO AFFLATU » ET SUBSEQUENTIUM S. R. C. DECRETORUM

I - De Feria et de Vigilia

IN omnibus Feriis Quadragesimae post diem Cinerum, ac Passionis ante Dominicam Palmarum, in Feriis Quatuor Temporum extra Octavam Pentecostes, et in Vigiliis communibus, si occurrat Officium Duplex aut Semiduplex, in Ecclesiis in quibus adest obligatio Chori, duae dicuntur Missae conventuales: una de Officio diei, sine Commemoratione Feriae aut Vigiliae, sed cum aliis Commemorationibus forte occurrentibus ; altera de Feria aut Vigilia, sine Commemoratione Officii diei. Harum tamen una tantum dicitur in Choro, cum assistentia Choralium ; altera vero, sine hujusmodi assistentia, legitur extra Chorum. Missa porro in Choro dicenda cum assistentia Choralium, in Duplicibus I et II classis et per Octavas privilegiatas II ordinis, est Missa de Officio currenti ; in reliquis Duplicibus et Semiduplicibus, Missa de Feria aut Vigilia. In Duplicibus tamen I classis nihil umquam fit de Vigilia non privilegiata, juxta Rubricas. De die item infra Octavam privilegiatam III ordinis aut de die infra Octavam communem, si in Feriis aut Vigiliis supra recensitis occurrat, non dicitur Missa conventualis, sed fit tantum Commemoratio in Missa de Feria vel Vigilia. Missae autem privatae omnibus his diebus ad libitum Celebrantium dici possunt aut de Feria vel Vigilia, cum Commemoratione Officii diei ; aut de Officio diei, cum Commemoratione Feriae vel Vigiliae. Si tamen Officium occurrens sit Duplex I aut II classis, aut Octava privilegiata II ordinis, Missa privata de Feria vel Vigilia non permittitur.

2 Si qua ex dictis Feriis et Vigilia simul occurrant, Missa conventualis dicitur de Feria, cum Commemoratione Vigiliae ; et Missae privatae dici possunt aut de Feria aut de Vigilia, cum Commemoratione alterius. At, si fiat Officium Duplex vel Octavae privilegiatae, vel Festi Semiduplicis, duae dicuntur Missae conventuales, ut supra: una de Officio diei, sine Commemoratione Feriae et Vigiliae, sed cum aliis Commemorationibus forte occurrentibus, altera de Feria, cum Commemoratione Vigiliae ; et Missae privatae dici possunt aut de Feria, aut de Vigilia, aut de Officio diei, cum Commemoratione de eis de quibus non dicitur Missa.

3 Item in Feria II Rogationum, si occurrat Officium Duplex, vel Octavae privilegiatae, vel Festi Semiduplicis, duae dicuntur Missae conventuales, ut supra, num. 1 ; sed, ubi fiat Processio, occurrente Duplici I aut II classis, in Choro dicitur tum Missa de Officio diei, tum Missa de Rogationibus, ut supra. In reliquis vero diebus Litaniarum, tam majorum quam minorum, in quibus occurrat Officium Duplex, aut Semiduplex, aut diei Octavae vel Festi Simplicis, aut Vigiliae Ascensionis: 1) Si non fiat Processio, dicitur unica Missa conventualis de eodem Officio, cum Commemoratione Rogationum. Dicitur etiam unica Missa conventualis de Rogationibus in Feria III Rogationum, si Officium fuerit de Feria currenti ; et una pariter Missa conventualis, de Vigilia Ascensionis, cum Commemoratione Octavae ac Rogationum, si ipsa Vigilia in Officio diei infra Octavam communem commemorata fuerit. At, si eadem Vigilia ab Officio vel Duplici, quod non sit I classis, vel Octavae privilegiatae, vel Festi Semiduplicis fuerit impedita, duae dicuntur Missae conventuales, ut supra, num. 1, cum Commemoratione Rogationum in Missa Vigiliae. 2) Si vero fiat Processio, in Choro dicitur Missa de Rogationibus, et extra Chorum, praeter Missam de Vigilia commemorata Ascensionis in Feria IV Rogationum, etiam Missa de Officio diei, ut supra, num. 1 ; nisi Officium fuerit Duplex I vel II classis, aut de Octava Paschatis, quo in casu Missa conventualis tam de Officio diei quam de Rogationibus dicitur in Choro, ut supra. Attamen non dicitur Missa conventualis, sed fit tantum Commemoratio, in Feria quidem III Rogationum, de Officio diei infra Octavam communem, ac diei Octavae Simplicis vel Festi Simplicis, in Missa Rogationum ; in Feria autem IV Rogationum, de Officio ipsius diei infra Octavam, in Missa Vigiliae Ascensionis. Missae porro privatae de Rogationibus, permittuntur tantum in Feria II Rogationum, si Duplex I vel II classis non occurrerit ; et in Feria III Rogationum, si Officium fuerit de Feria currenti. In omnibus autem Litaniarum diebus, fit Commemoratio Rogationum in omnibus Missis privatis, quae non sint Defunctorum ; et etiam in Missis cantatis et conventualibus, nisi celebretur Missa in cantu vel conventualis de Rogationibus.

4 In Ecclesiis autem in quibus una tantum habeatur Missa conventualis, quoties occurrat aliqua ex Feriis vel Vigiliis is num. 1 et 2 recensitis, et, si non fiat Processio, in Feria II Rogationum, ipsa Missa conventualis, in Duplicibus I et II classis et per Octavas privilegiatas II ordinis, dicitur de Officio diei, cum Commemoratione Feriae, et, extra Duplicia I classis, Vigiliae. In Duplicibus vero majoribus vel minoribus, et in Semiduplicibus, eadem Missa dicitur de Feria aut Vigilia, cum Commemoratione Officii diei ; et, si Feria ac Vigilia simul occurrant, de Feria, cum Commemoratione Officii diei ac Vigiliae, et aliis Commemorationibus forte occurrentibus. Item in diebus Litaniarum, tam majorum quam minorum, si fiat Processio, et in Ecclesia habeatur unica Missa, ea dicitur de Rogationibus, cum Commemoratione Officii diei ; nisi hoc fuerit Duplex I classis, quo in casu dicitur Missa de Festo, cum Commemoratione Rogationum.

5 In Sabbatis Quatuor Temporum et in Sabbato infra Hebdomadam IV Quadragesimae, Missa, in qua Ordines conferantur, semper dicitur de Sabbato ; et in ea, si alia ibi non habeatur Missa cantata vel

conventu alis, fit Commemoratio de Officio currenti, etiam Duplici I aut II classis, cum aliis Orationibus quae occurrant.

6 Si Missa alicujus Dominicae (non tamen Dominicae in die 5 Januarii repositae, nec Dominicae post Epiphaniam aut Pentecosten in Sabbato anticipatae) sua die ab Officio nobiliori impediatur, et nulla infra Hebdomadam subsequentem occurrat dies, in qua fieri valeat Officium de Feria Missam propriam non habenti ; tunc ipsa Dominicae Missa (inclusa etiam Missa Dominicae tum infra Octavam Nativitatis, tum infra Octavam Epiphaniae Domini, si juxta peculiare Rubricas intra respectivam Octavam celebrari nequeat) resumitur prima infra Hebdomadam die, in qua unum e sequentibus persolvatur Officiis, selecto quidem Officio, si suppetat, juxta hunc ordinem minus nobili, scilicet: 1) de Festo Simplicis ; 2) de sancta Maria in Sabbato ; 3) de die Octava Simplicis ; 4) de die infra Octavam communem, vel, hac deficiente, de die infra Octavam privilegiatam pro particulari tantummodo Ecclesia concessam ; excepta tamen die in quam simul inciderit Feria Missam propriam habens, aut quaelibet Vigilia ; 5) denique de die infra Octavam in universali Ecclesia privilegiatam, dummodo agatur de Dominica infra respectivam Octavam currenti, et non de alia Dominica ante eam Octavam impe dita, et nulla item occurrat Vigilia. In hujusmodi porro resumptionis die dicitur unica Missa conventualis de ipsa Dominica, et in eadem Missa fit Commemoratio de Officio diei, cum aliis Orationibus quae occurrant. Missae autem privatae dici possunt aut de Officio diei, cum Commemoratione Dominicae, aut de ipsa Dominica, cum Commemoratione Officii diei ; additis in utraque Missa aliis Commemorationibus, ut supra.

II - De Missis Votivis

IN omnibus Officiis Duplicibus, in Dominicis, licet anticipatis, vel, etiam quoad Officium, repositis, per Octavas privilegiatas, in Feriis Quatuor Temporum, in Feriis Adventus a die 17 ad 23 Decembris inclusive currentibus, in Feriis Quadragesimae a die Cinerum, et Passionis ad Feriam IV Majoris Hebdomadae inclusive, in Feria II Rogationum, in Vigiliis, et in diebus Octavis Simplicibus, etiam si de eis Commemoratio tantum facta fuerit in Officio, necnon diebus in quibus primo resumen da sit Missa Dominicae impedita, prohibentur Missae votivae privatae sine cantu ; quae proinde legi tantum possunt, ex rationabili tamen causa, in Festis Semiduplicibus, diebus infra Octavas communes, Feria VI post Octavam Ascensionis, et in omnibus Officiis ritus Simplicis superius non exceptis.

2 Missa votiva pro Sponsis, cum propria benedictione, permittitur quotidie per annum extra tempus clausum ; et etiam tempore clauso, quoties Ordinarius loci ex justa causa benedictionem nuptialem permiserit. Excipiuntur Dominicae, Festa de praecepto, licet suppressa, Duplicia I et II classis, Octavae privilegiatae I et II ordinis, Ferae ac Vigiliae privilegiatae. In his autem casibus exceptis dicitur Missa de die, in eaque additur Oratio pro Sponsis, sub unica conclusione cum prima, atque datur benedictio pro eis propria. Attamen in die Commemorationis Omnium Fidelium Defunctorum prohibentur et Missa et Oratio, necnon benedictio. Item haec benedictio numquam dari potest extra Missam, si tum Missa pro Sponsis, tum ejus Commemoratio, ideoque benedictio locum habere nequeat, si Sponsi non sint praesentes, vel si uterque aut alteruter alias benedictionem acceperit ; servata nihilominus, sicubi vigeat, consuetudine benedictionis, ut supra impertiendae, si hanc vir tantum obtinuerit. Quod si nuptiae tempore clauso contractae fue rint, non concessa a loci Ordinario venia benedictionis Nuptiarum, Missa cum propria benedictione differtur ad diem in qua, extra tempus clausum, Missa pro Sponsis vel ejus Commemoratio permittitur.

3. Singulis diebus, extra Dominicas I classis, Vigiliis Nativitatis Domini et Pentecostes, Ferias privilegiatas, Duplicia I classis, et Commemorationem Omnium Fidelium Defunctorum, permittitur pro re gravi et publica simul causa Missa votiva solemnitas, quae scilicet de mandato vel consensu Ordinarii loci, pro qualibet vice obtinendo, in cantu celebratur cum concursu populi. Haec tamen Missa cani nequit die in qua fiat Officium aut Commemoratio, vel occurrat Vigilia aut dies infra Octavam, quamvis Simplicem, de identico Domini Mysterio, vel de eadem Sancti Persona, de qua esset canenda Missa ; tunc enim, loco Missae votivae, canitur Missa Officio vel Commemorationi, Vigiliae aut Octavae conveniens, cum Commemorationibus, quae in ipsa Missa votiva faciendae essent, ut infra, tit. V, nu m. 3, habetur. Aliis vero diebus in quibus hujusmodi Missa ut supra, vel ut infra, num. 11, impediatur, sed ejus Commemoratio, juxta eundem tit. V, num. 3, non vetetur, in Missa cantata diei currentis, etsi conventuali, sub unica conclusione additur Oratio de Missa votiva impedita, et fiunt tantummodo Commemorationes quae huic Missae convenient.

4 In Anniversariis Electionis et Coronationis Summi Pontificis, in omnibus Missis, juxta normas numero proxime sequenti statuendas, additur Oratio pro Papa. Missa vero votiva, quae pro iisdem Anniversariis in Missali assignatur, modo privato celebrari nequit.

5 In Anniversariis autem Electionis, vel, si Episcopus ex alia Sede translatus fuerit, Translationis, et Consecrationis Episcopi, in Ecclesiis Cathedralibus et Collegiatis Dioecesis, praeter Missam de die vel aliam, ut supra, accedente quidem Episcopi mandato, in Choro canitur etiam Missa de ipso Anniversario ; dummodo non occurrat Officium Missas votivas pro re gravi impediens, quo in casu de Anniversario fit tantum Commemoratio, ut supra, num. 3, dictum est. Haec Missa modo privato celebrari nequit. At in omnibus Ecclesiis, etiam Regularium, dummodo saltem Commemoratio Missae votivae, juxta tit. V, num. 3, non prohibeatur, ad omnes Missas cantatas et conventuales, si Missa de ipso Anniversario non canatur, et ad omnes Missas privatas, praeter quam Defunctorum, ultimo loco post Orationes a Rubricis praescriptas additur Oratio pro Episcopo.

6 Quod si hujusmodi Anniversaria Summi Pontificis pro tota Ecclesia, vel Episcopi pro tota Dioecesi respective, in perpetuum a Duplici I classis, aut a Vigilia Nativitatis Domini, aut a Commemoratione Omnium Fidelium Defunctorum impediuntur, fixe reponuntur in proximiori sequenti die, in Calendario universali vel dioecesano respective libera a Festo Duplici I classis. Et similiter in proximiori sequenti die libera fixe reponitur Anniversarium Episcopi, si eadem die occurrat cum alterutro Anniversario Summi Pontificis.

7 In ipsa die Dedicationis Ecclesiae, etsi ejus Officium ab Officio nobiliori impeditum fuerit, celebratur Missa de Dedicatione, ad modum votivae solemnis pro re gravi, ut num. 3 disponitur ; et in ea, sub unica conclusione cum prima Oratione, additur Commemoratio Mysteriorum vel Sancti, in cujus honorem Ecclesia dedicatur. Haec tamen Missa prohibetur in Duplicibus I classis Domini primariis universalis Ecclesiae, et in Dominica Palmarum ; quibus diebus Commemoratio tantum Dedicationis et Titularis additur in Missa diei, ut supra, num. 3.

8 Similiter in ipsa die consecrationis Altaris dicitur Missa de Dedicatione, et fit Commemoratio Mysteriorum vel Sancti, in cujus honorem Altare dedicatur ; sed, si occurrat Officium Missas votivas pro re gravi excludens, dicitur Missa diei, cum Commemoratione Dedicationis ac Titularis, ut supra, num. 3 et 7.

9 In benedictione primarii lapidis et in benedictione solemni alicujus Ecclesiae, dicitur Missa de Mysterio vel Sancto, in cujus honorem Ecclesia fundatur vel benedicatur ; dummodo pariter non occurrat dies Missas votivas pro re gravi excludens, quo in casu in Missa diei additur Commemoratio Titularis, ut supra, num. 3.

10 Singulis diebus liberis ab Officio Duplici, a Dominica quavis, licet anticipata, vel, etiam quoad Officium, reposita, et ab aliqua ex Feriis, Vigiliis aut Octavis privilegiatis, permittuntur Missae votivae in cantu, quamvis non sint pro re gravi et publica simul causa.

11 Attamen Missae omnes superius indicatae, exceptis Missis num. 7-9 comprehensis, sicut et Missae inferius, tit. IV, num. 1-5, recensendae, quamvis eas ritus diei currentis ali oquin permetteret, prohibentur in Ecclesiis ubi cujuslibet Missae conventualis onus urgeat, cui per alios Sacerdotes satisfieri nequeat ; et, in Ecclesiis unam tantum Missam habentibus, prohibentur etiam die 2 Februarii, si fiat benedictio Candelarum, et in Litanis majoribus et minoribus, si fiat Processio.

III - De Missis Defunctorum

IN Commemoratione Omnium Fidelium Defunctorum tres Missae pro Defunctis permissae sunt.

2 Prima die cujusque mensis, extra Adventum, Quadragesimam et Tempus Paschale, in qua Officium fiat de Feria, in Choro, loco Missae de Officio diei, dicitur Missa conventualis de Requie pro defunctis Sacerdotibus, Benefactoribus et aliis ; et in omnibus Missis privatis, quae non sint Defunctorum, etiam in iis Ecclesiis aut Oratoriis in quibus non adsit obligatio Chori, per ultimo loco inter omnes Orationes, comprehensis iis quae ad Celebrantis libitum sint dicendae, additur Oratio *Fidelium*, non omissa ob eam ulla ex Orationibus pro diversitate Temporum assignatis. Haec autem Missa omittitur mense Novembri, in quo Omnium Fidelium Defunctorum Commemorationem universa celebrat Ecclesia. Quod si prima die libera mensis, ut supra, occurrat Feria Quatuor Temporum, aut aliqua Vigilia, aut primo resumenda sit Missa Dominicae praecedentis impedita, eadem Missa conventualis pro Defunctis et Oratio *Fidelium* dicantur in proximiori sequenti die similiter non impedita.

3 Praeterea Feria II cujusque Hebdomadae, extra Quadragesimam et Tempus Paschale, in qua Officium fiat de Feria, dummodo aliqua Vigilia non occurrat, aut primo resumenda non sit Missa Dominicae praecedentis impedita, in Choro, loco Missae conventualis de die, dici potest Missa pro Defunctis. Si vero Missa conventualis celebretur de Feria currenti vel votiva de Sma Trinitate, penultimo loco, ut supra, num. 2, additur Oratio *Fidelium* pro Defunctis. Quae item Oratio, etiam in iis Ecclesiis aut Oratoriis in quibus non adsit obligatio Chori, additur insuper in omnibus Missis privatis, quae non sint Defunctorum.

4 In Ecclesia in qua agitur exsequiale funus alicujus Defuncti, etiam absente rationabilem ob causam vel jam sepulto cadavere, permittitur unica Missa cantata, vel etiam, pro pauperibus, lecta pro die obitus. Haec vero prohibetur in Duplicibus I classis primariis universalis Ecclesiae, exceptis Feriis II et III post Pascha et Pentecosten in quibus permittitur, in Festis Dedicationis ac Tituli Ecclesiae ipsius in qua funus agi deberet, necnon Patroni principalis loci, et, pro Religiosis Institutis, in Festis Tituli aut Sancti Fundatoris Ordinis seu Congregationis ; dummodo haec Festa non fuerint eo anno quoad solemnitatem translata, quo in casu prohibetur in Dominicis in quibus agitur solemnitatem externa Festorum hujusmodi. Quoties autem a Rubricis, ut supra, haec Missa impediatur, transferri potest in proximiorum sequentem diem, similiter non impeditam. Quod si in die Commemorationis Omnium Fidelium Defunctorum agatur funus alicujus Defuncti, sumatur prima Missa, et in Ecclesiis et Oratoriis ubi prima Missa solemniter celebrata fuerit, aut pro Officio diei distincte sit deinceps celebranda, dicatur secunda, aut demum tertia Missa ; addita tamen in ipsa Missa exsequiali, sub unica conclusione, Oratione pro eodem Defuncto, ut pro die obitus.

5 Item in Ecclesia, aut Oratorio publico, ubi funus Defuncti solemniter agitur, dummodo sacrificium pro ipso Defuncto applicetur, ipsa die dici possunt Missae privatae de Requie pro die obitus, ut supra, nisi occurrat Officium Missas Defunctorum sequenti numero indicatas impediens. Missae hujusmodi privatae pariter celebrari possunt unica die ad libitum, ab obitu usque ad depositionem Defuncti, in Oratoriis semipublicis, quae, deficiente Ecclesia vel Oratorio publico, horum locum teneant ; necnon quotidie per idem tempus in Oratoriis semipublicis, quae locum non teneant Ecclesiae aut Oratorii publici, et in Oratoriis stricte privatis domus Defuncti, dummodo cadaver sit physice praesens in domo, ubi erecta sunt ipsa Oratoria, et dies

impedita non occurrat.

6 In die autem III, VII, XXX et anniversaria ab obitu vel depositione Defunctorum, et opportuniori die post acceptum mortis nuntium, in qualibet Ecclesia permittitur unica Missa pro Defuncto, cantata vel etiam lecta ; dummodo non occurrat Dominica, aut Festum de praecepto, licet suppressum, Commemoratio Omnium Fidelium Defunctorum, Duplex I vel II classis, etiam translatum, aut aliqua ex Feriis, Vigiliis vel Octavis privilegiatis, quo in casu, hujusmodi Missa in proximiorum diem, pariter non impeditam anticipari, si anticipari valeat, aut transferri potest, dummodo in cantu celebretur.

7 Idem servatur pro unica Missa cantata in anniversariis quae extra diem obitus ex foundatione celebrantur, vel quae pro omnibus Defunctis alicujus coetus semel quolibet anno habentur. Idem quoque servatur pro Missis quae per octiduum, a Commemoratione Omnium Fidelium Defunctorum inclusive computandum, pro fidelium pietate pariter in cantu peraguntur ; quae tamen Missae extra octiduum ipsum anticipari et transferri nequeunt.

8 Item, in Ecclesia vel Oratorio publico ac principali sepulcreti, immo et in quolibet Sacello sepulcreti rite erecto vel erigendo, Missae quae inibi celebrari permittuntur, possunt esse de Requie ; dummodo non occurrat Dominica, aut Festum de praecepto, licet suppressum, Duplex I vel II classis, etiam translatum, aut aliqua ex Feriis, Vigiliis vel Octavis privilegiatis. Hoc tamen privilegium non favet aliis Ecclesiis vel Capellis extra coemeterium, subter quas, licet ad legitimam distantiam, alicujus Defuncti cadaver quiescit ; neque Ecclesiis, Oratoriis publicis et Sacellis sepulcreti, in quo olim cadavera sepeliebantur, quod sepulcretum tamen qualibet ex causa derelictum est, ita ut Defuncti sepeliri in eo non amplius soleant ; neque Ecclesiis, quae, licet circumjacens habeant coemeterium, tamen adjunctum chorale onus, aut curam animarum adnexam habent.

9 Missae quotidianae Defunctorum quae celebrentur in cantu, permittuntur singulis diebus in quibus non fiat Officium Duplex, neque occurrat Dominica, licet anticipata, vel, etiam quoad Officium, reposita, aut aliqua ex Feriis, Vigiliis vel Octavis privilegiatis. Missae vero quotidianae Defunctorum sine cantu, iis tantum permittuntur diebus in quibus fiat Festum Semiduplex, Officium de die infra Octavam communem, de Feria VI post Octavam Ascensionis, de Feria majori Adventus, de sancta Maria in Sabbato, de Festo Simplicis et de Feria minori per annum ; dummodo Octavae privilegiatae, Feriae Quatuor Temporum, Feria II Rogationum, Feriae Antiphonarum majorum a die 17 ad 23 Decembris inclusive, aliqua Vigilia, aut dies Octava Simplex non occurrant, nec primo resumenda sit Missa alicujus Dominicae impedita. In Quadragesima, Missae quotidianae Defunctorum sine cantu permittuntur prima tantum die cujusque Hebdomadae libera, in qua nempe, extra Quatuor Tempora et Vigiliis, fiat de Festo Semiduplici aut de Feria non privilegiata, juxta Calendarium Ecclesiae in qua Missa celebratur.

10 In omnibus Missis quae num. 4-7 recensentur, et in Missis quae respondent Officio Defunctorum celebrato sub ritu Duplici, una tantum dicitur Oratio ; in reliquis tres dicuntur. Si Missa applicetur pro Defunctis in genere, dicuntur Orationes quae in Missa quotidiana Defunctorum prostant ; si vero applicetur pro Defunctis certo designatis, prima dicitur pro iisdem Defunctis (deficiente vel ignorata designatione, Oratio *Deus, véniae largitor*), secunda ad libitum, tertia *Fidélium* pro omnibus Defunctis. In omnibus tamen quotidianis Missis lectis addere licet ad libitum Sacerdotis alias Orationes, juxta Rubr. gen. Missalis, tit. V, num. 4, ac tit. IX, num. 12, dummodo ultimo loco ponatur semper Oratio *Fidélium*.

11 Item in omnibus Missis cum unica Oratione, et in Missis quotidianis in cantu et conventualibus, addenda est Sequentia pro Defunctis ; in aliis Missis quotidianis lectis dici vel omitti potest ad libitum Celebrantis.

12 Quaelibet tamen Missa Defunctorum, etiam in die aut pro die obitus, in Ecclesiis ubi habeatur expositio Ssmi Sacramenti, prohibetur toto expositionis tempore, praeter quam Missae de Commemoratione Omnium Fidelium Defunctorum. Prohibetur insuper quoties urgeat obligatio Missae cujuslibet conventualis vel parochialis, cui per alios Sacerdotes satisfieri nequeat ; item in Ecclesiis unam tantum Missam habentibus prohibetur die 2 Februarii, Feria IV Cinerum, Dominica Palmarum et in Vigilia Pentecostes, si respective fiat benedictio Candelarum, Cinerum, Palmarum, aut Fontis baptismalis, et in Litaniis majoribus et minoribus, si fiat Processio.

IV - De Occurrentia et de Translatione Festorum

SI Festum Patroni principalis, aut Tituli vel Dedicacionis propriae Ecclesiae, aut etiam Tituli vel Sancti Fundatoris Ordinis seu Congregationis, per accidens impediatur, de eo in sua die permittitur una Missa in cantu, vel Commemoratio in Missa cantata diei currentis, quamvis conventuali, juxta ea quae de Missis votivis solemnibus tit. II, num. 3, habentur.

2 Idem etiam servatur in Ecclesiis, ubi cum magno populi concursu, cujus rei iudex est loci Ordinarius, celebretur Festum quod transferri aut commemorari vel accidentaliter omitti debeat, aut de Mysterio, Sancto vel Beato, cujus mentio illa die fiat in Martyrologio, vel in ejus appendice pro respectivis Ecclesiis approbata. Hujusmodi tamen Missa dicenda est cum Commemorationibus, quae respondeant ritui Duplici I vel II classis, si sub hoc ritu Festum in proprio Calendario fuerit inscriptum ; secus cum omnibus Commemorationibus ritui Duplici majori et minori congruentibus, juxta Rubricas.

3 In Dominicis minoribus per annum, in Ecclesiis et Oratoriis publicis aut semipublicis, ubi reponatur solemnitas externa Festi Patroni principalis, aut Tituli vel Dedicacionis propriae Ecclesiae, aut etiam Tituli vel Sancti Fundatoris Ordinis seu Congregationis, quod infra praecedentem Hebdomadam occurrerit, cani potest Missa de solemnitate translata, et de ea pariter legi potest unica Missa, nisi occurrat Duplex I classis.

Quod si solemnitas externa transferenda sit in Dominicam majorem, aut in Dominicam, ut supra, impeditam, Missae de solemnitate externa prohibentur ; sed in Missa cantata diei currentis, etsi conventuali, et in altera lecta fit Commemoratio de solemnitate externa, juxta normas pro Missis votivis solemnibus traditas tit. II, num. 3.

4 De Festis Duplicibus majoribus vel minoribus aut Semiduplicibus, quae perpetuo vel accidentaliter impediuntur, dici possunt Missae etiam privatae ad libitum Sacerdotis ; dummodo Officium impediens non fuerit Duplex I vel II classis, Dominica quaevis, licet anticipata, vel, etiam quoad Officium, reposita, Octava privilegiata I et II ordinis, dies Octava privilegiata III ordinis, vel aliqua ex Feriis aut Vigiliis privilegiatis.

5 Singulis diebus, in quibus non occurrat Officium Duplex, Dominica quaevis, etiam anticipata, vel, licet quoad solam Missam, primo reposita, Octava privilegiata, Feria Quadragesimae a die Cinerum, Passionis, Quatuor Temporum et II Rogationum, aut quaelibet Vigilia, dici possunt, ritu festivo, Missae etiam privatae de quovis Officio ad Laudes commemorato, aut de Mysterio, Sancto vel Beato, cujus mentio illa die fiat in Martyrologio, vel in ejus appendice pro respectivis Ecclesiis approbata ; salvis amplioribus privilegiis, quae in praesenti tit. IV, num. 1-4, ac tit. II, num. 10, sunt indicata.

6 Omnes et singuli Sacerdotes, tam saeculares quam regulares, Missas, etsi Regularium omnino proprias, celebrent juxta Kalendarium Ecclesiae, vel Oratorii publici, in quo celebrant ; exclusis tamen peculiaribus ritibus Ordinum et Ecclesiarum propriis. Idem servetur in Oratorio semipublico, sive in Capella principali Seminariorum, Collegiorum, piarum Communitatum, Hospitalium, Carcerum et similium. Si vero, juxta Kalendarium Ecclesiae aut Oratoriorum praefatorum, Missae votivae vel aliae permittantur, eadem celebrare valeant, servatis tamen Rubricis et Decretis.

V - De Commemorationibus

IN Missa diei fiunt omnes Commemorationes quae praescribuntur ad Laudes, juxta Kalendarium Ecclesiae, aut Oratorii publici vel semipublici (ut supra, tit. IV, num. 6) , in quo Missa celebratur ; excluso tamen Suffragio de omnibus Sanctis, nisi Oratio *A cunctis*, pro diversitate Temporum assignata, dicenda sit, et exclusa pariter Commemoratione de Cruce infra Tempus Paschale. Excipiuntur etiam Vigiliae communes in Feriis Adventus, extra Quatuor Tempora, occurrentes ; de quibus, quamvis non sit factum Officium neque Commemoratio, dicitur Missa, cum Commemoratione Feriae. Item excipiuntur Vigiliae communes in Feriis Quadragesimae et Quatuor Temporum (vel in Dominica quoad Officium in Sabbato anticipata, aut in Vigilia digniori) occurrentes, et Dominicae, quoad Missam, juxta tit. I, num. 6, repositae ; de quibus ad Missam fit Commemoratio, quamvis facta non sit in Officio. Item excipiuntur dies Litaniarum, tam majorum quam minorum ; de quibus fit Commemoratio ad Missam, quamvis, ex tra Feriam II Rogationum, nihil factum sit ad Laudes. E contra in Vigilia Pentecostes, et in Dominica Palmarum, nihil fit de quolibet Officio ad Laudes commemorato. Excipiuntur etiam dies Octava communis, et Festum aliquod Duplex aut Semiduplex, in Duplicibus I classis ad Laudes commemorata, sicut et dies Octava Simplex vel Festum Simplex, in Duplicibus II classis pariter commemorata ; de quibus Commemoratio fit tantum in Missis privatis, non vero in Missis cantatis vel conventualibus. De Festis autem Domini in quavis Dominica minore vel in Vigilia Epiphaniae occurrentibus fit Commemoratio etiam in Missis cantatis vel conventualibus Duplicium I classis, si facta fuerit in Officio.

2 Idem servatur pro Missis votivis privatis, et pro Missis quae celebrentur juxta tit. IV, num. 4-5 ; omnia tamen ea Commemoratione, de qua dicitur Missa, et cauto ut, post Orationem Missae propriam, de eo prima dicatur Oratio de quo celebratum fuerit Officium, nisi huic Orationi praemittenda sit Commemoratio a Missa inseparabilis, ut S. Pauli Ap. in Missa S. Petri Ap., et vicissim.

3 In Missis autem votivis solemnibus pro re gravi et publica simul causa aliisque Missis tit. II, num. 3-9, ac tit. IV, num. 1, recensitis, in Missis de Duplici I classis impedito quod cum magno populi concursu, juxta eundem tit. IV, num. 2, celebretur, et in Missis de solemnitate externa Duplicis item I classis in Dominicam, juxta ipsum tit. IV, num. 3, translata, fit tantum Commemoratio de Duplici II classis, et, in ipsa die Dedicationis Ecclesiae, etiam de Duplici I classis occurrenti, de Dominica quavis, etiam anticipata, et, ante Commemorationem Dominicae minoris vel Vigiliae Epiphaniae, de quolibet Festo Domini occurrente, de Feria majori, de Rogationibus, et de aliqua ex Vigiliis aut Octavis privilegiatis ; de aliis vero Officiis nihil fit. In Missa autem de Duplici II classis impedito, quod cum magno populi concursu, juxta tit. IV, num. 2, celebretur, et in Missis de solemnitate externa Duplicis item II classis in Dominicam translata, fiunt omnes Commemorationes ea die occurrentes, praeter quam de die infra Octavam communem, et, extra Missas privatas, de Festo vel die Octava Simplici. Quoties tamen aliqua ex Missis, hujusmodi juxta superiores Rubricas impediatur, in Missa diei currentis, quamvis cantata vel conventuali, fieri potest Commemoratio Missae secus dicendae, sub unica conclusione cum prima Oratione ; nisi occurrat Commemoratio Omnium Fidelium Defunctorum, aut, pro Missis tit. II, num. 7-9 non comprehensis, Duplex I classis Domini primarium universalis Ecclesiae, praeter quam Feriae II et III Paschatis vel Pentecostes, in quibus id permittitur ; aut nisi Officium vel Commemoratio sit de identico Domini Mysterio, vel de eadem Sancti Persona.

4 Attamen, si plures habeantur Missae cantatae aut conventuales, vel etiam aliae habeantur Missae in cantu praeter conventualem, in quaelibet ex eis, ad tramitem Rubr. gen. Missalis tit. VII, num. 2, nulla fit Commemoratio de aliis, neque dicuntur Praefatio aut aliae partes quae vel propriae sint alterius Missae, vel propriae item alicujus Commemorationis in altera Missa factae vel faciendae. Commemorationes nempe,

quae aliqua die occurrant, si plures Missae in cantu vel conventualiter dicantur, fiunt in Missa cujus indolem seu rationem participant. Itaque, si una tantum, vel nulla ex his Missis sit de currenti die, in Missa diei currentis, aut secus in prima ex Missis ea die in cantu vel conventualiter celebratis, omnes fiant Commemorationes occurrentes ; et in aliis Missis dicantur Orationes quae Missis votivis conveniant. Si vero plures ita celebrentur Missae ea die occurrentes, juxta Rubricas, Commemoratio de Vigilia fiat in Missa Feriae, et de Octava in Missa Festi, et vicissim. Orationes autem pro diversitate Temporum assignatae, si juxta Missae et Commemorationis in ea faciendae ritum admittantur, sicut et Collectae ab Ordinario imperatae, in qualibet Missa dicuntur ; ita tamen, ut Orationes quae infra Octavam vel in Vigilia aliter quam pro Tempore occurrenti fuerint praescriptae, dicantur in Missis tantum de Octava aut de Vigilia, vel cum earum Commemoratione celebratis, in ceteris vero Missis dicantur Orationes Tempori assignatae.

5 Idem servatur quoad Praefationem de Octava communi, ac de Feria VI post Octavam Ascensionis, etiam non commemoratis in Officio, necnon quoad Praefationem de Nativitate Domini a die 2 ad 4 Januarii inclusive, ac Praefationem de Tempore Paschali in Feriis communibus ejusdem Temporis ; quae pariter in una tantum ex Missis cantatis vel conventualibus adhibentur, nempe in Missa propria, si dicatur, secus in Missa de Officio di ei, et, ea deficiente, in prima ex Missis ea die, ut supra, in cantu vel conventualiter celebratis.

VI - De Orationibus

IN Missis de Officio Semiduplici aut Simplici, extra Tempus Passionis atque Octavas Paschatis et Pentecostes, post Orationem diei, duae dicuntur Orationes pro diversitate Temporum assignatae, ut infra. Altera tamen ex eis omittitur, si qua Commemoratio fiat ; et utraque, si duae jam Commemorationes occurrerint. Idem servatur in Missis votivis, quae in die ritus Semiduplicis aut Simplicis, pro re non gravi vel pro privata causa, juxta tit. II, num. 1 et 10, celebrentur ; in quibus, addita semper secundo loco Commemoratione Officii diei, nisi huic praeposenda sit Commemoratio a Missa inseparabilis, ut supra, tit. V, num. 2, dicitur tertio loco prima ex Orationibus pro diversitate Temporum assignatis, quoties alia Commemoratio non occurrerit. A Dominica autem Passionis usque ad Sabbatum in Albis inclusive, et per Octavam Pentecostes, unica additur Oratio pro diversitate Temporum assignata ; quae pariter omittitur, si qua fiat Commemoratio. Orationi tamen ad libitum pro diversitate Temporum assignatae substitui potest Collecta, si quae exstet, ab Ordinario imperata. Si autem Oratio ad libitum praeferatur, in Missis cantatis et conventualibus eligatur ad libitum Praefecti Capituli vel Superioris Communitatis ; in Missis privatis vero, et, ubi Capitulum et Communitas desit, etiam in cantatis, ad libitum Celebrantis. Orationes tamen hujusmodi omittuntur in Dominica Palmarum et in Vigilia Pentecostes ; in quavis insuper Dominica, si fiat Commemoratio alicujus Octavae ; et in omnibus Missis in quibus pariter agatur Commemoratio Duplicis, aut Missae votivae pro re gravi et publica simul causa celebratae, aut alicujus ex Missis tit. II, num. 4-9, ac tit. IV, num. 1-3 recensitis.

Hujusmodi autem Orationes, pro diversitate Temporum assignatae, sunt sequentes:

- 1) Per Adventum, exceptis Missis de beata Maria Virgine, et iis in quibus de eadem fit Commemoratio, et excepta pariter Missa votiva de Omnibus Sanctis, 2a Oratio de sancta Maria, *Deus, qui de beatae*, 3a contra persecutores Ecclesiae vel pro Papa.
- 2) A Nativitate Domini usque ad diem 2 Februarii inclusive, exceptis Missis de beata Maria Virgine, et iis in quibus de eadem fit Commemoratio, et excepta pariter Missa votiva de Omnibus Sanctis, 2a Oratio de sancta Maria, *Deus, qui salutis*, 3a contra persecutores Ecclesiae vel pro Papa.
- 3) A die 3 Februarii usque ad Feriam III post Dominicam Quinquagesimae, et a Dominica I post Pentecosten usque ad Sabbatum ante Dominicam I Adventus inclusive, exceptis tamen omnibus Octavis et Vigiliis, si de eis fiat saltem Commemoratio ; ite m exceptis Missis de beata Maria Virgine, et iis in quibus de eadem fit Commemoratio, et excepta pariter Missa votiva de Omnibus Sanctis, 2a Oratio ad poscenda suffragia Sanctorum, *A cunctis*, 3a ad libitum.
- 4) Per omnes Octavas, tam privilegiatas quam communes, et in diebus Octavis Simplicibus, quae infra Tempus num. 3) descriptum incidant, et in Vigiliis, quae infra idem Tempus vel in Quadragesima usque ad Sabbatum post Dominicam IV inclusive occurrant, si de Octava vel Vigilia fiat saltem Commemoratio, et dummodo Octava ipsa vel Vigilia non sit de beata Maria Virgine aut de Omnibus Sanctis, 2a Oratio de sancta Maria, *Concede*, 3a contra persecutores Ecclesiae vel pro Papa.
- 5) A Feria IV Cinerum usque ad Sabbatum post Dominicam IV Quadragesimae inclusive, exceptis Missis de beata Maria Virgine, et iis in quibus de eadem fit Commemoratio, et exceptis pariter Vigiliis ac Missa votiva de Omnibus Sanctis, ut num. 4) dictum est, 2a Oratio ad poscenda suffragia Sanctorum, *A cunctis*, 3a pro vivis et defunctis, *Omnipotens*.
- 6) A Dominica Passionis usque ad Sabbatum in Albis inclusive, et per Octavam Pentecostes, 2a tantum Oratio contra persecutores Ecclesiae vel pro Papa.
- 7) A Dominica in Albis usque ad Feriam VI post Octavam Ascensionis inclusive, exceptis Missis de beata Maria Virgine, et iis in quibus de eadem fit Commemoratio, et excepta pariter Missa votiva de Omnibus Sanctis, 2a Oratio de sancta Maria, *Concede*, 3a contra persecutores Ecclesiae vel pro Papa.
- 8) In omnibus Missis de beata Maria Virgine (ad quam refertur etiam Missa tum de Festo Circumcisionis Domini, tum de Festo Sanctae Familiae Jesu, Mariae, Joseph, et utriusque Festi Octava, sicubi haec

celebrari debeat) , necnon in Vigilia et per Octavam atque in Missa votiva Omnium Sanctorum, extra Tempus num. 6) descriptum, 2a Oratio de Spiritu Sancto, 3a contra persecutores Ecclesiae vel pro Papa. Quod si de beata Maria Virgine, vel de Omnibus Sanctis, in horum Vigilia et per Octavam, fiat tantum Commemoratio, 3a Oratio dicitur de Spiritu Sancto, si tertia Oratio de Tempore addenda sit.

2 In consecratione Episcopi et in collatione Ordinum, in Missa de die dicitur, sub unica conclusione cum prima, Oratio propria quae habetur inter Missas votivas.

3 In anniversario propriae ordinationis sacerdotalis, a die fixa mensis computand o, si Vigilia Nativitatis vel Pentecostes, Dominica Palmarum aut Duplex I classis non occurrerit, secus autem in proximiori sequenti die similiter non impedita, cuivis Sacerdoti licet, extra Missas Defunctorum, et post Orationes a Rubricis praescriptas, addere Orationem pro seipso Sacerdote, ut inter Orationes diversas.

4 Orationes seu Collectae ab Ordinario imperatae numquam plures sint quam duae ; eaeque ponuntur, et numquam sub unica conclusione cum Oratione Missae, ultimo loco post Orationes a Rubricis praescriptas, vel loco Orationis ad libitum pro diversitate Temporum assignatae, quoties nempe tertia Oratio ad libitum sit eligenda. Omitti tamen debent, propter respectivam Missam vel Commemorationem, in omnibus Duplicibus I et II classis, in Dominicis majoribus , nisi loco Orationis ad libitum prima ex iis eligatur, in Feriis, Vigiliis et Octavis privilegiatis, in Missis votivis pro re gravi et publica simul causa vel ad instar solemnum, ut supra, celebratis, et quoties in Missa, juxta Rubricas, jam quatuor dic tae sint Orationes ; quinimmo Collectae pro Defunctis (quae, secus atque aliae Collectae, in Missis etiam de Requite tres admittentibus Orationes, quovis anni Tempore, locum habent) omitti insuper debent Tempore Paschali, et in omnibus Missis quae de Officio Duplici vel Semiduplici aut cum alterutrius Commemoratione celebrentur. Et, si jussa fuerit Oratio contra persecutores Ecclesiae vel pro Papa, in diebus in quibus alterutra a Rubricis praescribitur, unica Oratione utrumque adimpletur praeceptum. Si tamen, jubente Ordinario, hujusmodi Collectae fuerint dicendae pro re gravi, omittuntur tantum in Vigiliis Nativitatis et Pentecostes, in Dominica Palmarum, et in omnibus Duplicibus I classis. Quod si expresse eae ordinentur dicendae etiam in Duplicibus I classis, tunc omittuntur tantum in Nativitate Domini, Epiphania Domini, Feria V in Cena Domini, Sabbato sancto, Dominica Resurrectionis, Ascensione Domini, Pentecoste, atque in Festis Ssmae Trinitatis, Ssmi Corporis Christi, Sacratissimi Cordis Jesu et Domini nostri Jesu Christi Regis.

5 Ordo autem in dicendis hujusmodi Collectis, praeter Collectam pro Defunctis, penultimo semper loco inter Orationes etiam ad Celebrantis libitum permissas collocandam, est sequens: Prius ponitur Collecta dicenda pro re gravi, si habeatur. Si vero ambae Collectae sint jussae pro re gravi aut non gravi, prius ponitur, juxta ordinem Litaniarum, Collecta de aliquo Mystero vel Sancto, quae praecepta fuerit ; postea quae desumenda sit ex Missis votivis diversis vel ex Orationibus quae in fine Missalis habentur, servato, si ambae sint hujusmodi, eodem ordine quo in Missali prostant.

6 In omnibus Missis lectis, Missa quidem conventuali excepta, quae in die ritus Simplicis, extra Ferias majores privilegiatas, vel de occurrenti Officio celebrentur, vel ex votivis pro re non gravi nec publica simul causa eligantur, plures, ut in Rubr. gen. Missalis, tit. IX, num. 12, dici possunt ad Celebrantis libitum Orationes, et in iis, extra Tempus Paschale, etiam Oratio pro Defunctis apponi ; cauto tamen semper ut Orationes hujusmodi: 1) Post Orationes a Rubricis praescriptas et Collectas ab Ordinario imperatas locum habeant ; et cum eis septenarium numerum non excedant, atque imparem praeterea numerum retineant vel inducant. 2) Inter se illum ordinem servent qui supra, num. 5, pro duabus Collectis, cum ambae sint pro re gravi aut non gravi, est praefinitus ; et Oratio pro Defunctis penultimum semper locum inter alias occupet.

VII - De Hymno Angelico, de Sequentia et de Symbolo

IN Missis Dominicae anticipatae, vel, etiam quoad Officium, repositae, semper dicitur *Glória in excélsis* ; non vero in Missis de Dominica infra Hebdomadam resumendis, nisi sit infra Octavas in universali Ecclesia privilegiatas aut Tempus Paschale, vel nisi agatur de Missa tum Dominicae infra Octavam Nativitatis, tum Dominicae infra Octavam Epiphaniae respective post diem 1 et 13 Januarii resumenda. Item *Glória in excélsis* dicitur in Missis de quolibet Festo quae infra ipsius Octavam simplicem dicuntur ; et in aliis Missis quae ritu festivo, juxta tit. II, num. 3-9, ac tit. IV, num. 1-5, celebrantur, dummodo colorem violaceum non requirant.

2 Sequentia, quae aliquibus assignatur Festis, addenda est etiam in Missis in cantu et conventualibus, quae de Octava eorundem Festorum dicantur ; in Missis autem privatis lectis de die infra Octavam, non autem de die Octava, dici vel omitti potest ad libitum Celebrantis. Excipiuntur tamen Octavae Paschatis et Pentecostes, in quibus Sequentia semper dicitur.

3 In Missis festivis ritus Duplicis vel Semiduplicis *Credo* dicitur quoties conveniat aut Missae quae celebratur, aut alicui ex Commemorationibus occurrentibus. Itaque dicitur in Dominicis, licet anticipatis, vel, etiam quoad Officium , repositis, et in Vigilia Epiphaniae, etsi tantum commemoratis ; in omnibus Missis votivis quae pro re gravi et publica simul causa solemniter celebrantur, et in aliis Missis quae tit. II, num. 4-9, ac tit. IV, num. 1-3, recensentur ; atque in Festis etiam secundariis Doctorum Ecclesiae, principalium Patronorum loci, Titularium Ecclesiae, ac Tituli et Sancti Fundatoris Ordinis seu Congregationis, si haec Festa sub ritu saltem Duplici celebrentur. Numquam autem dicitur in Missis Dominicae infra Hebdomadam resumendis, nisi agatur de Missis Dominicae infra Octavas in universali Ecclesia privilegiatas occurrentis, quae intra respectivae Octavae ambitum sint resumendae ; neque additur in aliis Missis ritus Simplicis,

etiamsi *Credo* alicui ex Commemorationibus occurrentibus conveniret.

VIII - De Praefatione

IN qualibet Missa dicitur semper ejus Praefatio propria, si habeatur ; secus propria Missae sive Officii primo loco inter cetera, quae Praefationem propriam habeant, commemorati ; aut, ea deficiente, salvisque semper normis ut supra, tit. V, num. 4-5, de Praefatione in Missis cantatis et conventualibus adhibenda, Praefatio de Octava communi, vel de Tempore ; aut demum Praefatio communis. Pro Dominicis infra Octavas Nativitatis, Epiphaniae et Ascensionis censetur propria Praefatio Octavae: item pro Dominica infra Octavam tam Corporis Christi quam Cordis Jesu, nisi Commemoratio Octavae omittenda sit ; in ceteris Dominicis Praefatio de Tempore, si habeatur ; secus, etiam in Dominicis anticipatis, et, si Commemoratio Octavae Corporis Christi vel Cordis Jesu sit omittenda, in Dominica II et III post Pentecosten, Praefatio de Trinitate. Pro Missa denique Rogationum, etiam in Litaniis majoribus infra Octavam Paschatis (nisi addenda sit Commemoratio Octavae, quo in casu dicitur: *in hac potissimum die*), et pro Missa Vigiliae Ascensionis, censetur propria Praefatio de Tempore Paschali *in hoc potissimum*.

2 Excipiuntur ab hac regula Praefatio de Nativitate Domini, quae infra Octavam ejusdem Nativitatis dicitur in omnibus Missis, etiam in iis quae secus Praefationem propriam haberent, dummodo in his et de ipsa Octava vel de Dominica infra Octavam fiat Commemoratio, et ipsa Missa, aut Commemoratio prius habita, aliam de divinis Mysteriis vel Personis non exigant Praefationem ; Praefatio Missae sive Officii commemorati vel Octavae, quae non sint de aliquo Mysterio Domini, et Praefatio de Tempore Quadragesimae, quae numquam adhibentur in Missis de Dedicatione Ecclesiae, vel de alio Festo Domini alicubi celebrato, quod propria Praefatione careat ; et Praefatio de beata Maria Virgine, quae numquam adhibetur in Missis de Tempore Adventus.

IX - De Evangelio in fine Missae

IN qualibet Missa in qua facta fuerit Commemoratio de Dominica, licet anticipata, vel, etiam quoad Officium, reposita, de Feria Quadragesimae a die Cinerum inclusive, Temporis Passionis, Quatuor Temporum, et II Rogationum, de Vigilia qualibet, de die Octava Epiphaniae, aut de die infra Octavam privilegiatam I ordinis, semper legitur Evangelium Dominicae, Feriae, Vigiliae, aut Octavae in fine, dummodo hoc (etsi tantum a principio) non sit idem Evangelium quod lectum fuerit in Missa.

2 Si autem Feria et Vigilia, vel duae Vigiliae simul occurrant, de ea dicitur Evangelium de qua primo facta est Commemoratio. In Vigilia tamen Nativitatis Domini, si ipsa in Dominicam incidat, et in Dominica quae a die 2 ad 4 Januarii inclusive occurrat, non legitur Evangelium Dominicae in fine ; quod pariter non legitur cum fit Commemoratio de Missa Dominicae primo infra Hebdomadam resumenda, ut supra, tit. I, num. 6.

3 Denique, si nullum Dominicae, Feriae, Vigiliae, aut alicujus ex Octavis supra, num. 1, recensitis, Evangelium in fine Missae fuerit legendum, dicitur ultimum pariter Evangelium Missae sive Officii primo loco inter cetera, quae Evangelium stricte proprium (et non appropriatum, vel ex aliquo Communi assignatum, vel per Octavam e Festo repetitum) habeant, commemorati.

X - De Colore Paramentorum et de Cantu in Missa

MISSA quaelibet semper retinet colorem proprium, praeter Missas de Commemoratione Omnium Fidelium Defunctorum, tempore expositionis Ssmi Sacramenti celebratas, quae dicuntur in colore violaceo ; ac praeter Missam de Dominica infra Octavam tam Corporis Christi quam Cordis Jesu, in qua, nisi omittenda sit Commemoratio de Octava, adhibetur color albus.

2 In qualibet Missa cantus servatur qui suo ritui conveniat. In Missis autem votivis pro re gravi et publica simul causa celebratis, sicuti et in Missis tit. II, num. 4-9, ac tit. IV, num. 1-4, recensitis, adhibetur cantus festivus ; et in aliis votivis cantus ferialis.

RITUS SERVANDUS

IN CELEBRATIONE MISSAE

I - De Praeparatione Sacerdotis celebraturi

SACERDOS celebraturus Missam, praevia Confessione sacramentali, quando opus est, et saltem Matutino cum Laudibus absoluto, orationi aliquantulum vacet ; et Orationes inferius positas pro temporis opportunitate dicat. Deinde accedit ad locum in Sacristia vel alibi praeparatum, ubi paramenta, aliaque ad celebrationem necessaria habentur, accipit Missale, perquirat Missam, perlegit, et signacula ordinat ad ea quae dicturus est. Postea lavat manus, dicens Orationem inferius positam. Deinde praeparat Calicem (qui debet esse vel aureus vel argenteus, aut saltem habere cuppam argenteam intus inauratam, et simul cum Patena itidem inaurata, ab Episcopo consecratus) , super ejus os ponit Purificatorium mundum, et super illud Patenam cum Hostia integra, quam leviter extergit, si opus est, a fragmentis, et eam tegit parva Palla lineae, tum Velo serico ; super Velo ponit Bursam coloris paramentorum intus habentem Corporale plicatum,

quod ex lino tantum esse debet, nec serico, vel auro in medio intextum, sed totum album, et ab Episcopo, vel alio habente facultatem, simul cum Palla benedictum.

2 Quibus ita dispositis, accedit ad paramenta, quae non debent esse lacera, aut scissa, sed integra, et decenter munda, ac pulchra, et ab Episcopo itidem, vel alio facultatem habente, benedicta; ubi calceatus pedibus, et indutus vestibus sibi convenientibus, quarum exterior saltem talum pedis attingat, induit se, si sit Praelatus saecularis, supra Rochettum, si sit Praelatus regularis vel alios Sacerdos saecularis, supra Superpelliceum, si commode haberi possit, alioquin sine eo supra vestes communes, dicens ad singula singulas Orationes inferius positas.

3 Ac primum accipiens Amictum circa extremitates et chordulas, osculatur illud in medio, ubi est crux, et ponit super caput, et mox declinat ad collum, et eo vestium collaria circumtegens, ducit chordulas sub brachiis, et circumducens per dorsum, ante pectus reducit, et ligat. Tum Alba induitur, caput submittens, deinde manicam dexteram brachio dextero, et sinistram sinistro imponens. Albam ipsam corpori adaptat, elevat ante, et a lateribus hinc inde, et Cingulo, per ministerium a tergo sibi porrecto, se cingit. Minister elevat Albam super Cingulum circumcirca, ut honeste dependeat, et tegat vestes; ac ejus fimbrias diligenter aptat, ut ad latitudinem digiti, vel circiter, super terram aequaliter fluat. Sacerdos accipit Manipulum, osculatur Crucem in medio, et imponit brachio sinistro. Deinde ambabus manibus accipiens Stolum, simili modo deosculatur, et imponit medium ejus collo, ac transversando eam ante pectus in modum crucis, ducit partem a sinistro humero pendentem, ad dexteram, et partem a dextero humero pendentem, ad sinistram. Sicque utramque partem Stolae extremitatibus Cinguli hinc inde ipsi Cingulo conjungit.

4 *Si Celebrans sit Episcopus, vel Abbas, ut supra, non ducit Stolum ante pectus in modum crucis, sed sinistram hinc inde utrasque extremitates pendere; et antequam accipiat Stolum, accipit parvam Crucem pectoralem, quam osculatur, et collo impositam sinistram ante pectus chordulis pendere. Manipulum quoque non accipit ante Stolum, nisi in Missis Defunctorum, sed accipit ad Altare, cum in Confessione dicit Indulgentiam illumque prius osculatur.* Postremo Sacerdos accipit Planetam.

5 *Si sit Episcopus, vel Abbas, ut supra, habens usum Pontificalium, et solemniter celebret, accipit paramenta et alia, ut in Pontificali et Caeremoniali.*

II - De Ingressu Sacerdotis ad Altare

SACERDOS, omnibus paramentis indutus, accipit manu sinistra Calicem, ut supra praeparatum, quem portat elevatum ante pectus, Bursam manu dextera super Calicem tenens, et facta reverentia Cruci, vel imagini illi, quae in Sacristia erit, capite cooperto accedit ad Altare, ministro cum Missali et aliis ad celebrandum necessariis (nisi ante fuerint praeparata) praecedente, superpelliceum induto. Procedit autem oculis demissis, incessu gravi, erecto corpore. Si vero contigerit eum transire ante Altare majus, capite cooperto faciat ad illud reverentiam. Si ante locum Sacramenti, genuflectat. Si ante Altare ubi celebretur Missa, in qua elevatur, vel tunc ministratur Sacramentum, similiter genuflectat, et detecto capite illud adoret, nec ante surgat quam Celebrans deposuerit Calicem super Corporale.

2 Cum pervenerit ad Altare, stans ante illius infimum gradum, caput detegit, biretum ministro porrigit, et Altari, seu imagini Crucifixi desuper positae, profunde se inclinat. Si autem in eo sit Tabernaculum sanctissimi Sacramenti, genuflectens debitam facit reverentiam. Tunc ascendit ad medium Altaris, ubi ad cornu Evangelii sistit Calicem, extrahit Corporale de Bursa, quod extendit in medio Altaris, et super illud Calicem Velo coopertum collocat, Bursam autem ad cornu Evangelii. Si in Altari paramenta accipit, hoc idem facit antequam descendat ab Altari, ut Missam inchoet.

3 Si est consecraturus plures Hostias pro Communione facienda, quae ob quantitatem super Patenam manere non possint, locat eas super Corporale ante Calicem, aut in aliquo Calice consecrato, vel vase mundo benedicto, ponit eas retro post Calicem, et alia Patena seu Palla cooperit.

4 Collocato Calice in Altari, accedit ad cornu Epistolae, Missale super cussino aperit, reperit Missam, et signacula suis locis accommodat. Deinde rediens ad medium Altaris, facta primum Cruci reverentia, vertens se ad cornu Epistolae, descendit post infimum gradum Altaris, ut ibi faciat Confessionem.

5 *In Missa solemniori Missale apertum super Altare, Calix vero, et alia necessaria praeparantur in Credentia cooperta linteo, antequam Sacerdos veniat ad Altare. Ipse autem procedit cum Diacono et Subdiacono, qui capite cooperto simul cum eo tenent manus junctas ante pectus; Acolythy vero ante eos deferunt candelabra cum candelis accensis, quae deinde collocantur super Credentia: et cum pervenerit ante infimum gradum Altaris, ibi medius inter Diaconum a dexteris et Subdiaconum a sinistris, antequam ascendat ad Altare, facit cum ipsis (ut infra) Confessionem.*

6 *In Missa Pontificali omnia servantur, ut in Pontificali et Caeremoniali Romano ordinantur: cujus Pontificalis ordinem Episcopus, sive Abbas, ut supra, numquam praetermittat, quandocumque cum Diacono et Subdiacono paratis celebrat.*

III - De Principio Missae, et Confessione facienda

SACERDOS cum primum descenderit sub infimum gradum Altaris, convertit se ad ipsum Altare, ubi stans in medio, junctis manibus ante pectus, extensis et junctis pariter digitis, et pollice dextero super sinistrum posito in modum crucis (quod semper servatur quando junguntur manus, praeterquam post

consecrationem) , detecto capite, facta prius Cruci vel Altari profunda reverentia, vel si in eo sit Tabernaculum sanctissimi Sacramenti, facta genuflexione, erectus incipit Missam.

2 Si celebraturus sit coram Summo Pontifice, sistit se ante infimum gradum Altaris a cornu Evangelii ante ipsum Pontificem, ubi genuflexus expectat: accepta benedictione, erigit se, et stans aliquantulum versus ad Altare, incipit Missam. Si autem sit coram Cardinali, Legato Sedis Apostolicae, aut Patriarcha, Archiepiscopo, et Episcopo in eorum residentiis, vel loco jurisdictionis, stans ante infimum gradum a cornu Evangelii ut supra, expectat: dato signo, facit profundam reverentiam Praelato, et versus ad Altare incipit Missam.

3 Si autem solemniter celebrat coram Summo Pontifice aut alio ex Praelatis praedictis in Ecclesiis eorum jurisdictionis, stans a sinistris Praelati, facit cum eo Confessionem, et alia servat ut in Pontificali et Caeremoniali Romano ordinatur.

4 Stans igitur Celebrans ante infimum gradum Altaris, ut supra, producens manu dextera a fronte ad pectus signum Crucis, dicit intelligibili voce: *In nómine Patris, et Fílii, et Spíritus Sancti. Amen.* Et postquam id dixerit, non debet advertere quemcumque in alio Altari celebrantem, etiamsi Sacramentum elevet, sed continuate prosequi Missam suam usque ad finem. *Quod item observatur in Missa solemní, et simul etiam a Ministris.*

5 Cum seipsum signat, semper sinistram ponit infra pectus: in aliis benedictionibus cum est ad Altare, et benedicit Oblata, vel aliquid aliud, ponit eam super Altare, nisi aliter notetur. Seipsum benedicens, vertit ad se palmam manus dexterae, et omnibus illius digitis junctis et extensis, a fronte ad pectus, et ab humero sinistro ad dexterum, signum Crucis format. Si vero alios, vel rem aliquam benedicit, parvum digitum vertit ei cui benedicit, ac benedicens totam manum dexteram extendit, omnibus illius digitis pariter junctis et extensis: quod in omni benedictione observatur.

6 Postquam dixerit: *In nómine Patris, etc.* ut supra, jungens iterum manus ante pectus, pronuntiat clara voce Antiphonam: *Introíbo ad altáre Dei.* Minister retro post eum ad sinistram genuflexus, et in Missa solemní *Ministri hinc inde stantes* prosequuntur: *Ad Deum, qui laetíficat juventútem meam.* Deinde Sacerdos eodem modo stans incipit, et prosequitur cum ministro, vel Ministris alternatim Psalmum: *Júdica me, Deus,* usque ad finem, cum *Glória Patri.* Quo finito, repetit Antiphonam *Introíbo* cum Ministris, ut supra. Qui Psalmus nunquam praetermittitur, nisi in Missis Defunctorum, et in Missis de Tempore a Dominica Passionis inclusive usque ad Sabbatum sanctum exclusive, in quibus semel tantum dicta Antiphona *Introíbo*, cum Ministris, ut supra, Sacerdos statim subjungit *Vl. Adjutórium nostrum, etc.* ut infra. Cum in fine Psalmi dicit *Glória Patri, etc.* caput Cruci inclinat.

7 Repetita Antiphona *Introíbo*, dextera manu producens signum Crucis a fronte ad pectus, dicit *Vl. Adjutórium nostrum in nómine Dómini. Rl. Qui fecit caelum et terram.* Deinde Altari se profunde inclinans, junctis manibus dicit: *Confíteor Deo,* ut in Ordine Missae: et prosequitur eodem modo stans inclinatus, donec a ministro, vel Ministris dictum sit *Misereátur.* Cum incipitur a Ministris *Confíteor*, se erigit. Cum dicit: *mea culpa,* ter pectus dextera manu percutit, sinistra infra pectus posita.

8 Si est coram Pontifice, Cardinali, Legato Sedis Apostolicae, vel Patriarcha, Archiepiscopo et Episcopo in eorum Provincia, Civitate vel Dioecesi constitutis, ubi dicit: vobis, fratres, dicat: tibi, Pater ; similiter in fine ubi dicit: vos, fratres, dicat: te, Pater ; quod dicens Summo Pontifici genuflectit, aliis Praelatis profunde se inclinat.

9 Cum minister, et qui intersunt (etiamsi ibi fuerit Summus Pontifex) , respondent *Confíteor*, dicunt tibi, Pater, et te, Pater, aliquantulum conversi ad Celebrantem.

10 Facta a circumstantibus Confessione, Celebrans stans respondet: *Misereátur vestri, etc.* Deinde producens manu dextera a fronte ad pectus signum Crucis, dicit: *Indulgéntiam, etc. ; et si est Episcopus, vel Abbas, ut supra, accipit Manipulum, osculando illum in medio.* Et stans inclinatus junctis manibus prosequitur: *Deus, tu convérsus,* et quae sequuntur in Ordine Missae, clara voce usque ad Orationem *Aufer a nobis, etc. ;* et cum dicit: *Orémus,* extendit et jungit manus.

11 *Et tunc si coram Summo Pontifice, aut aliis Praelatis, ut supra, celebret, facta Summo Pontifici genuflexione, aliis Praelatis profunda reverentia, accedit ad medium Altaris ante infimum gradum, et ibi incipit secreto: Aufer a nobis, ut in Ordine Missae.*

IV - De Introitu, Kýrie eléison, et Glória in excélsis

DUM dicit: *Aufer a nobis, etc.,* Celebrans junctis manibus ascendit ad medium Altaris, et ibi inclinatus, manibusque item junctis super eo positus, ita ut digiti parvi dumtaxat frontem, seu medium anterioris partis tabulae, seu mensae Altaris tangant, residuo manuum inter Altare et se retento, pollice dextero super sinistrum in modum Crucis posito (quae omnia semper observantur, cum manus junctae super Altare ponuntur) , secreto dicit: *Orámus te, Dómine, etc.,* et cum dicit: *Quorum relíquiae hic sunt,* osculatur Altare in medio, manibus extensis aequaliter hinc inde super eo positus: quod semper servatur, quando osculatur Altare, sed post Consecrationem pollices ab indicibus non disjunguntur. In omni etiam deoscultatione sive Altaris, sive libri, sive alterius rei, non producitur signum Crucis pollice, vel manu super id quod osculandum est.

2 Osculato Altari, accedit ad cornu ejus sinistrum, id est Epistolae: ubi stans versus Altare, et producens a fronte ad pectus signum Crucis, incipit intelligibili voce Introitum Missae et prosequitur junctis manibus. Cum dicit: *Glória Patri,* tenens junctas manus, caput inclinat versus Crucem. Cum repetit Introitum, non signat se,

ut prius, et eo repetito, junctis manibus ante pectus accedit ad medium Altaris, ubi stans versus illud similiter manibus junctis, dicit eadem voce ter *Kýrie, eléison*, ter *Christe, eléison*, et iterum ter *Kýrie, eléison* alternatim cum ministro. Si minister, vel qui intersunt, Celebranti non respondeant, ipse solus novies dicit.

3 Dicto ultimo *Kýrie, eléison*, Sacerdos stans in medio Altaris et manus extendens, elevansque usque ad humeros (quod in omni manuum elevatione observatur), voce praedicta incipit, si dicendum sit, *Glória in excélsis*. Cum dicit *Deo*, jungens manus, caput Cruci inclinatur: quo erecto, stans junctis manibus ante pectus, prosequitur usque ad finem. Cum dicit *Adorámus te, Grátias ágimus tibi, et Jesu Christe, Súscipe deprecationem nostram*, et iterum *Jesu Christe*, caput Cruci inclinatur. Cum dicit in fine *Cum Sancto Spíritu*, seipsum a fronte ad pectus signat, interim absolvens: *in glória Dei Patris. Amen.*

4 In Missa solemni Sacerdos facta Confessione ascendit cum Ministris ad medium Altaris: ubi dicto *Orámus te, Dómine, et osculato Altari, ponit incensum in thuribulum, ministrante Diacono naviculam, et Thuriferario thuribulum; Diaconus, parum inclinatus versus Celebrantem, dicit: Benedícite, Pater reverénde, et osculatur cochlear, et manum Celebrantis ante et post. Celebrans ter incensum ponit in thuribulum, dicens interim Ab illo benedicáris, etc., et deposito cochleari producens manu dextera signum Crucis super thus in thuribulo, illud benedicit. Postea Diaconus dimissa navicula accipit thuribulum, et dat Celebranti, osculata prius catenularum summitate, et manu illius dextera: qui, facta Cruci profunda reverentia, eam ter incensat, nihil dicens: et, facta iterum Cruci reverentia, incensat Altare, ter ducens thuribulum aequali distantia, prout distribuuntur candelabra, a medio ejus usque ad cornu Epistolae: ubi demissa manu, thurificat illius postremam partem inferiorem, mox superiorem, bis ducto thuribulo: et conversus ad Altare, elevans manum incensat ejus planitiem, seu mensam in parte anteriori, ter ducens thuribulum usque ad medium: ubi facta Cruci reverentia, procedendo thurificat aliud latus Altaris triplici ductu usque ad cornu Evangelii: et pariter incensata inferiori et superiori parte ipsius cornu Evangelii duplici ductu, adhuc stans ibidem, elevat thuribulum, et ter incensat superiorem tabulae partem versus medium Altaris, ut fecit in cornu Epistolae: deinde manu aliquantulum demissa, incensat anteriorem ejus partem, seu frontem, ter ducens thuribulum, dum procedit a cornu Evangelii usque ad medium Altaris, et, facta Cruci reverentia, incensat similiter triplici ductu reliquam partem anteriorem usque ad cornu Epistolae: ubi reddito thuribulo ipsi Diacono, ab eo ipse solus incensatur.*

5 Si vero in Altari fuerint Reliquiae, seu Imagines Sanctorum, incensata Cruce, et facta ei reverentia, antequam discedat a medio Altaris, primum incensat eas quae a dexteris sunt; id est a parte Evangelii prope Crucem, bis ducens thuribulum, et iterum facta Cruci reverentia, similiter incensat bis alias, quae sunt a sinistris, hoc est a parte Epistolae: deinde prosequitur incensationem Altaris ut supra, ter ducens thuribulum in unoquoque latere, etiamsi in eo essent plures Reliquiae, vel Imagines, seu etiam plura, vel pauciora candelabra.

6 Si in Altari fuerit tabernaculum sanctissimi Sacramenti, accepto Thuribulo, antequam incipiat incensationem, genuflectit, quod item facit quotiescumque transit ante medium Altaris.

7 Diaconus et Subdiaconus hinc inde assistunt Celebranti cum incensat, et cum transeunt ante Crucem, semper genuflectunt. Deinde Celebrans, Diacono a dexteris ejus, Subdiacono a dexteris Diaconi stantibus in cornu Epistolae, legit Introitum et *Kýrie, eléison*. Cum vero intonat Hymnum *Glória in excélsis Deo*, Diaconus et Subdiaconus, unus post alium, stant a tergo Celebrantis: postea ascendunt ad Altare, et hinc inde, Diaconus a dexteris, Subdiaconus a sinistris, cum Celebrante Hymnum submissa voce prosequuntur usque ad finem. Quod etiam servatur cum dicitur *Credo*; et cum dicitur *Dóminus vobíscum, Oratio, Praefatio, et Pater noster, Diaconus et Subdiaconus similiter stant unus post alterum a tergo Celebrantis.*

V - De Oratione

DICTO Hymno *Glória in excélsis*, vel, si non sit dicendus, eo omisso, Celebrans osculatur Altare in medio, manibus hinc inde super eo, ut supra, extensis: tum illis ante pectus junctis, et demissis ad terram oculis, vertit se a sinistro latere ad dexterum versus populum, hoc est, per eam partem quae respicit cornu Epistolae, et extendens, ac jungens manus ante pectus, ut prius, dicit voce praedicta: *Dóminus vobíscum, vel si sit Episcopus: Pax vobis (quod dicitur tantum hoc loco, quando dictus est Hymnus Glória in excélsis).* *R/. Et cum spíritu tuo*, et junctis, ut prius, manibus, revertitur per eandem viam ad librum, ubi eas extendens, et jungens ante pectus, caputque Cruci inclinans, dicit: *Orémus*: tum extendit manus ante pectus, ita ut palma unius manus respiciat alteram, et digitis simul junctis, quorum summitas humerorum altitudinem distantiamque non excedat, quod in omni extensione manuum ante pectus servatur. Stans autem, ut supra, extensis manibus, dicit Orationem. Cum dicit: *Per Dóminum nostrum*, jungit manus, easque junctas tenet usque ad finem. Si aliter concluditur Oratio, *Qui tecum* vel *Qui vivis*, cum dicit: *in unitate*, jungit manus.

2 Cum nominatur nomen JESUS, caput versus Crucem inclinatur: quod etiam facit cum nominatur in Epistola. Et similiter ubicumque nominatur nomen B. Mariae, vel Sanctorum de quibus dicitur Missa, vel fit Commemoratio: item in Oratione pro Papa, quando nominatur, semper caput inclinatur, non tamen versus Crucem; nisi in loco principali Altaris habeatur simul acrum vel imago B. M. V. aut Sancti, ad quam caput inclinatur. Si plures Orationes sint dicendae, idem in eis, in voce, extensione manuum, et capitis inclinatione, quod supra dictum est, observatur.

3 Si Altare sit ad Orientem, versus populum, Celebrans versa facie ad populum, non vertit humeros ad

Altare, cum dicturus est *Dóminus vobíscum*, *Oráte, fratres, Ite, Missa est*, vel daturus benedictionem ; sed, osculato Altari in medio, ibi expansis et junctis manibus, ut supra, salutat populum, et dat benedictionem.

4 In Quatuor Temporibus, vel alias, quando dicendae sunt plures Orationes cum Prophetiis, dicto *Kýrie, eléison*, in medio Altaris, revertitur ad cornu Epistolae, ubi stans ante librum, extensis et junctis ante pectus manibus, caput Cruci inclinans, dicit: *Orémus, Flectámus génua* ; et illico, manibus super Altare extensis, ut se ipsum ad Altare sustineat, genuflectit, et sine mora surgens, eadem voce ministro respondente: *Leváte*, manibus extensis dicit Orationem, ut supra, et in conclusione eas jungit. Dum autem legit Prophetias, tenet manus super librum, vel Altare positas, ut mox dicetur de Epistola.

5 In Missa solemni cum dicitur *Dóminus vobíscum* et *Oratio, Diaconus et Subdiaconus stant retro post Celebrantem*. *Flectámus génua dicitur a Diacono, a Subdiacono vero Leváte, illo primum genuflectente, hoc primum surgente ; Celebrans vero non genuflectit.*

VI - De Epistola, Graduali, et aliis usque ad Offertorium

DICTIS Orationibus, Celebrans positus super librum, vel super Altare manibus, ita ut palmae librum tangant, vel (ut placuerit) librum tenens, legit Epistolam intelligibili voce, et respondetur a ministro: *Deo grátias*, et similiter, stans eodem modo, prosequitur Graduale, *Allelúja*, et Tractum, ac Sequentiam, si dicenda sint.

Quibus dictis, Sacerdos, si privatim celebret, ipsemet, seu minister portat librum Missalis ad alteram partem Altaris in cornu Evangelii, et dum transit ante medium Altaris, caput Cruci inclinatur, et Missale sic locat, ut posterior pars libri respiciat ipsum cornu Altaris, et non ad parietem, sive ad partem ejus contra se directam.

2 Locato Missali in Altari, Celebrans redit ad medium Altaris, ibique stans junctis manibus ante pectus, levatisque ad Deum oculis, et statim demissis, tum profunde inclinatus, dicit secreto: *Munda cor meum*, et *Jube, Dómine, benedícere. Dóminus sit in corde meo*, ut in Ordinario. Quibus dictis, vadit ad librum Missalis, ubi stans versus illum, junctis manibus ante pectus, dicit intelligibili voce: *Dóminus vobíscum. R/. Et cum spírítu tuo*.

Deinde pollice dexteræ manus signo Crucis signat primo librum super principio Evangelii, quod est lecturus, postea seipsum in fronte, ore, et pectore, dicens: *Sequéntia, vel Inítium sancti Evangélii, etc.*, R/. *Glória tibi, Dómine*. Tunc junctis iterum manibus ante pectus, stans, ut supra, prosequitur Evangelium usque ad finem. Quo finito, minister stans in cornu Epistolae post infimum gradum Altaris, respondet: *Laus tibi, Christe*, et Sacerdos, elevans parumper librum, osculatur principium Evangelii, dicens : *Per Evangélica dicta, etc.* praeterquam in Missis Defunctorum, et nisi celebret coram Summo Pontifice, Cardinali et Legato Sedis Apostolicae, vel Patriarcha, Archiepiscopo et Episcopo in eorum residentiis, quo casu defertur cuilibet praedictorum osculandus liber, et Celebrans tunc non osculatur illum, nec dicit: *Per Evangélica dicta*. Cum autem nominatur JESUS, caput versus librum inclinatur ; et eodem modo versus librum genuflectit, cum in Evangelio est genuflectendum.

3 Dicto Evangelio, stans in medio Altaris versus Crucem, elevans et extendens manus, incipit (si dicendum sit) *Credo* ; cum dicit: *in unum Deum*, jungit manus, et caput Cruci inclinatur ; quo erecto stans ibidem junctis ante pectus manibus, ut prius, prosequitur usque ad finem. Cum dicit: *Jesum Christum*, caput Cruci inclinatur. Cum dicit: *Et incarnátus est*, usque ad *et homo factus est* inclusive, genuflectit. Cum dicit: *simul adorátur*, caput Cruci inclinatur. Cum dicit: *Et vitam ventúri saéculi. Amen*, producit sibi manu dextera signum Crucis a fronte ad pectus.

4 In Missa solemni Subdiaconus circa finem ultimæ Orationis accipit ambabus manibus librum Epistolarum, deferens illum supra pectus, et facta Altari genuflexione in medio, vadit ad partem Epistolae contra Altare, et cantat Epistolam, quam etiam Celebrans interim submissa voce legit, assistente sibi Diacono a dextris, et item Graduale, Tractum, etc. usque ad *Munda cor meum*. Epistola cantata, Subdiaconus facit iterum genuflexionem Altari in medio, ac redit ad Celebrantem, et genuflectens osculatur ejus manum, et ab eo benedicitur, praeterquam in Missis Defunctorum.

5 Postea idem Subdiaconus accipit Missale Celebrantis, defert ad cornu Evangelii in Altari, et ibi ministrat Celebranti, qui in medio Altaris submissa voce dicto *Munda cor meum, etc.*, et deinde lecto Evangelio, quod in fine non osculatur, delato etiam per Diaconum libro Evangeliorum ad Altare, imponit incensum in thuribulum. Postea Diaconus genuflexus ante Altare dicit: *Munda cor meum, et accipiens librum Evangeliorum de Altari, petit benedictionem a Celebrante similiter genuflexus in superiori gradu Altaris ; et osculata illius manu, praecedentibus Thuriferario, et duobus Acolythis cum candelabris accensis de Credentia sumptis, vadit cum Subdiacono a sinistris ad locum Evangelii contra Altare versus populum, ubi Subdiacono librum tenente medio inter duos Acolythis tenentes candelabra accensa, dicit: Dóminus vobíscum, junctis manibus. Cum dicit: Sequéntia, etc. signat librum in principio Evangelii, frontem, os et pectus: postea ter librum incensat, hoc est, in medio, a dextris, et a sinistris, et prosequitur Evangelium, junctis manibus. Interim Celebrans post datam Diacono benedictionem retrahens se ad cornu Epistolae, ibi stat, junctis manibus. Et cum Diaconus dicit: Sequéntia sancti Evangélii, Sacerdos etiam signat se: et cum nominatur JESUS, caput inclinatur versus Altare. Finito Evangelio Sacerdos osculatur librum a Subdiacono sibi delatum, dicens: *Per Evangélica dicta, etc.*, et a Diacono ter incensatur. Si sit coram Praelato in sua residentia, liber defertur ad Praelatum, ut supra, et ille incensatur, ut in Caeremoniali. Postea stans in medio Altaris versus ad Crucem, incipit, si dicendum sit, *Credo*, stantibus post eum Diacono et Subdiacono, deinde ad Altare accedentibus et cum eo prosequentibus, ut dictum est ad *Glória in excélsis*.*

6 Si autem sit praedicandum, Concionator, finito Evangelio, praedicet, et sermone, sive concione expleta, dicatur Credo, vel, si non sit dicendum, cantetur Offertorium.

7 Cum vero in Symbolo cantatum fuerit: Et incarnatus est, Diaconus accepta Bursa de Credentia, ambabus manibus eam defert elevatam cum solitis reverentiis ad medium Altaris, in quo explicat Corporale, et revertitur ad Celebrantem. Cum non dicitur Credo, Subdiaconus defert Bursam simul cum Calice, ut infra dicitur.

8 Si quandoque Celebrans cantat Missam sine Diacono et Subdiacono, Epistolam cantet in loco consueto aliquis Lector Superpelliceo indutus, qui in fine non osculatur manum Celebrantis; Evangelium autem cantat ipse Celebrans ad cornu Evangelii, qui et in fine Missae cantet Ite, Missa est, vel Benedicamus Dómino, aut Requiéscant in pace, pro temporis diversitate.

VI I - De Offertorio, et aliis usque ad Canonem

DICTO Symbolo, vel, si non sit dicendum, post Evangelium Celebrans osculatur Altare in medio, et junctis manibus ante pectus ibidem a manu sinistra ad dexteram (ut dictum est supra), vertit se ad populum, et extendens ac jungens manus dicit: *Dóminus vobíscum*, et junctis manibus revertitur per eandem viam ad medium Altaris, ubi extendens et jungens manus, caputque Cruci inclinans, dicit *Orémus*: tum junctis, ut prius, manibus, dicit Offertorium, et omnia quae usque ad finem Missae in medio Altaris dicenda sunt, dicit ibidem stans versus ad Altare, nisi ubi aliter ordinatur.

2 Dicto Offertorio, discooperit Calicem et ad cornu Epistolae sistit, et manu dextera amovet parvam Pallam desuper Hostiam, accipit Patenam cum Hostia, et ambabus manibus usque ad pectus eam elevatam tenens, oculis ad Deum elevatis, et statim demissis, dicit: *Súscipe, sancte Pater, etc.*

3 Si fuerint aliae Hostiae non super Patenam, sed super Corporale, vel in alio Calice, seu vase pro Communionem populi consecrandae, Calicem illum, seu vas dextera discooperit, et intentionem suam etiam ad illas offerendas et consecrandas dirigens, dicit ut supra: *Súscipe, etc.* ut in Ordine Missae. Quo dicto, Patenam utraque manu tenens, cum ea facit signum Crucis super Corporale, et deponit Hostiam circa medium anterioris partis Corporalis ante se, et Patenam ad manum dexteram aliquantulum subtus Corporale; quam, exterso Calice, ut dicitur, cooperit Purificatorio. Si autem adsit vas seu Calix cum aliis Hostiis, ipsum cooperit alia Patena, vel Palla.

4 Deinde in cornu Epistolae accipit Calicem, Purificatorio extergit, et sinistra tenens illius nodum, accipit ampullam vini de manu ministri (qui osculatur ipsam ampullam, non autem manum Celebrantis) et ponit vinum in Calice. Deinde eodem modo tenens Calicem, producit signum Crucis super ampullam aquae, et dicit: *Deus, qui humanae substantiae, et infundens parum aquae in Calicem prosequitur: Da nobis per hujus aquae et vini mysterium, etc.* Si vero celebrat pro Defunctis, non facit signum Crucis super aquam, sed imponit absque benedictione, dicens Orationem ut supra.

5 Imposita aqua in Calice et finita Oratione praedicta, accipit manu dextera Calicem discooperitum; et stans ante medium Altaris, ipsum ambabus manibus elevatum tenens, videlicet cum sinistra pedem, cum dextera autem nodum infra cuppam, intentis ad Deum oculis offert, dicens: *Offérimus tibi, Dómine, etc.* Qua Oratione dicta, facit signum Crucis cum Calice super Corporale, et ipsum in medio post Hostiam collocat, et Palla cooperit. Deinde junctis manibus super Altare positis, aliquantulum inclinatus dicit secreto: *In spírítu humilitátis, etc.* Postea erectus, elevans oculos, manusque expandens easque in altum porrectas, statim jungens ante pectus (quod semper facit quando aliquid est benedicturus) dicit: *Veni, sanctificátor, etc.* Cum dicit: *et benedic*, signat manu dextera communiter super Hostiam et Calicem, sinistra posita super Altare.

6 Tum junctis ante pectus manibus, accedit ad cornu Epistolae, ubi stans, ministro aquam fundente, lavat manus, id est, extremitates digitorum pollicis et indicis, dicens Psalmum: *Lavábo inter innocéntes, cum Glória Patri, etc.*; qui versus *Glória Patri* praetermittitur in Missis Defunctorum, et in Missis de Tempore a Dominica de Passione usque ad Sabbatum sanctum exclusive.

7 Celebrans, lotis manibus, eas tergit, et, illis ante pectus junctis, revertitur ad medium Altaris, ubi stans, oculosque ad Deum elevans, et statim demittens, manibus junctis super Altare, aliquantulum inclinatus, dicit secreto Orationem: *Súscipe, sancta Trínitas, etc.* Qua dicta, manibus hinc inde extensis et super Altare positis, osculatur illud in medio; tum, junctis manibus ante pectus, demissisque oculis ad terram, a sinistra manu ad dexteram vertit se ad populum, et versus eum extendens et jungens manus, dicit voce aliquantulum elata: *Oráte, fratres*, et secreto prosequens: *ut meum ac vestrum sacrificium, etc.* perficit circulum, revertens, junctis manibus ante pectus, a manu dextera ad medium Altaris. Et responso a ministro, vel a circumstantibus: *Suscipiat Dóminus sacrificium de manibus tuis, etc.* (alioquin per seipsum, dicens: *Sacrificium de manibus meis*), ipse Celebrans submissa voce dicit: *Amen*. Et manibus ante pectus extensis, ut fit ad Orationem, stans in medio Altaris versus librum, dicit absolute sine *Orémus* et sine alia interpositione Orationem, vel Orationes secretas. Cum dicit *Per Dóminum*, jungit manus: cum dicit *Jesum Christum*, caput inclinatur: quod facit in prima Oratione, et in ultima, si plures sint dicendae.

8 Pervento autem in conclusione ultimae Secretae ad verba illa: *Per ómnia saécula saeculórum exclusive*, Sacerdos stans in medio Altaris, depositis super eo manibus hinc inde extensis, dicit convenienti et intelligibili voce Praefationem. Cum dicit: *Sursum corda*, elevat manus hinc inde extensas usque ad pectus; ita ut palma unius manus respiciat alteram. Cum dicit: *Grátias agámus Dómino*, jungit manus; cum dicit: *Deo nostro*, oculos elevat, et statim Cruci caput inclinatur. Responso: *Dignum et justum est*, elevatis et extensis ut prius manibus, prosequitur Praefationem propriam, vel communem, ut tempus requirit. Cum

dicit: *Sanctus*, junctis ante pectus manibus, et inclinatus voce mediocri prosequitur, ministro interim parvam campanulam pulsante. Cum dicit: *Benedíctus qui venit in nómine Dómini*, etc. erigit se, et signum Crucis sibi pr oducit a fronte ad pectus.

9 *In Missa solemní dicto Orémus, Diaconus et Subdiaconus accedunt ad Altare in cornu Epistolae ; Diaconus amovet Calicem, si est in Altari, vel, si est in Credentia, ut magis decet, accipit eum de manu Subdiaconi, qui illum cum Patena et Hostia, coopertum Palla et Velo a collo sibi pendente manu sinistra tenens, et alteram manum superponens Velo, ne aliquid decidat, de Credentia detulit, comitatus ab Acolythis ampullas vini et aquae portante ; ipse Diaconus Calicem detegit, et dat Patenam cum Hostia Celebranti, osculando ejus manum: Subdiaconus extergit Calicem Purificatorio ; Diaconus, accepta ampulla vini de manu Subdiaconi, imponit vinum in Calice: Subdiaconus interim ampullam aquae ostendens Celebranti, dicit: Benedicite, Pater reverénde ; qui facto versus eam signo Crucis, dicit Orationem: Deus, qui humanae, etc., interim Subdiaconus infundit paululum aquae in Calicem ; Diaconus illum Celebranti dat, et pedem Calicis tangens, seu brachium dexterum Celebrantis sustentans, cum eo dicit: Offérimus tibi, Dómine, etc., quem postea positum in Altari, ut supra, Palla cooperit. Subdiacono deinde stanti in cornu Epistolae ponit in dextera manu Patenam, quam cooperit extremitate Veli ab ejus humero pendens: qui vadit post Celebrantem ante medium Altaris, et, facta genuflexione, ibi stat, sustinens eam elevatam usque ad finem Orationis Dominicae, ut dicitur. In Missis autem Defunctorum et in Feria VI Parasceve, Patena non tenetur a Subdiacono.*

10 *Dicto Veni, sanctificátor, ut supra, Celebrans, ministrante Diacono naviculam, et dicente: Benedicite, Pater reverénde, ponit incensum in thuribulum, dicens: Per intercessiónem, etc. ut in Ordine Missae. Deinde accepto thuribulo per manum Diaconi, nullam tunc faciens Cruci reverentiam, incensat oblata, ter ducens thuribulum super Calicem et Hostiam simul in modum crucis, et ter circum Calicem et Hostiam, scilicet bis a dextera ad sinistram, et semel a sinistra ad dexteram (Diacono interim pedem Calicis tenente manu dextera), dispensans verba in qua libet incensatione hoc modo. In prima incensatione: Incensum istud. In secunda: a te benedíctum. In tertia: ascéndat ad te, Dómine. In quarta: et descéndat super nos. In quinta et sexta: misericórdia tua. Deinde facta reverentia, incensat Crucem et Altare, ut dictum est supra, assistente eodem Diacono, interim dicens: Dirigátur, Dómine, orátio mea, etc. ; et cum incensatur Crux, Diaconus amovet Calicem ad partem Epistolae, et, incensata Cruce, reponit in loco suo. Cum reddidit thuribulum Diacono, dicit: Ascéndat in nobis, etc. Et incensatur ab eo: deinde Diaconus incensat Chorum, et postremo Subdiaconum tenentem Patenam, et ipse Diaconus incensatur a Thuriferario, et Thuriferarius postea incensat Acolythis et populum. Celebrans, postquam incensatus fuerit, lavat manus, ministrantibus Acolythis ampullam aquae, cum pellicula et manutergio.*

11 *Cum dicitur Praefatio, Diaconus et Subdiaconus stant retro post Celebrantem: et paulo antequam dicatur Sanctus, accedunt ad Altare, ubi cum Celebrante hinc inde dicunt Sanctus, et quae sequuntur usque ad Canonem. Deinde Diaconus accedit ad sinistram Celebrantis, ei assistens dum dicitur Canon, nisi alius Sacerdos assistat, quia tunc ipse staret ad dexteram aliquantulum post Celebrantem. Subdiaconus vero tunc stat post Celebrantem.*

VII I - De Canone Missae usque ad Consecrationem

FINITA Praefatione, ut supra, Sacerdos stans ante medium Altaris versus ad illud, extendit et aliquantulum elevat manus, oculisque elevatis ad Deum, et sine mora devote demissis, ac manibus junctis et super Altare positis, profunde inclinatus incipit Canonem, secreto dicens: *Te igitur*, etc. ut in Ordine Missae. Cum dicit: *Uti accépta hábeas et benedícas*, etc., prius osculatur Altare in medio, deinde erigit se, et stat junctis manibus ante pectus. Cum dicit: *Haec + dona, haec + múnera, haec sancta + sacrificia*, dextera manu signat ter communiter super Hostiam et Calicem. Deinde, extensis manibus ante pectus, prosequitur: *In primis quae tibi offérimus*, etc.

2 Ubi dicit: *una cum fámulo tuo Papa nostro N.*, exprimit nomen Papae: Sede autem vacante verba praedicta omittuntur. Ubi dicitur: *et Antístite nostro N.*, specificatur nomen Patriarchae, Archiepiscopi, vel Episcopi ordinarii in propria Dioecesi, et non alterius Superioris, etiamsi Celebrans sit omnino exemptus, vel sub alterius Episcopi jurisdictione. Si vero Episcopus ordinarius illius loci, in quo Missa celebratur, sit vita functus, praedicta verba omittuntur, quae etiam omittuntur ab iis qui Romae celebrant. Si Celebrans est Episcopus, Archiepiscopus vel Patriarcha, omissis praedictis verbis, eorum loco dicit: *et me indígnó servo tuo*. Summus autem Pontifex cum celebrat, omissis verbis: *una cum fámulo tuo Papa nostro N. et Antístite nostro N.*, dicit: *una cum me indígnó fámulo tuo, quem gregi tuo praeéssé voluísti*. Et continuant omnes, ut sequitur: *et ómnibus orthodoxis*, etc.

3 Cum dicit: *Meménto, Dómine*, elevans et jungens manus usque ad faciem vel pectus, sic junctis manibus stat paulisper in quiete, demisso aliquantulum capite, faciens commemorationem vivorum Christi et fidelium ad suam voluntatem, quorum nomina, si vult, secreto commemorat: non tamen necesse est ea exprimere, sed mente tantum eorum memoriam habeat. Potest etiam Celebrans, si pro pluribus orare intendit, ne circumstantibus sit morosus, ante Missam in a nimo proponere sibi omnes illos, tam vivos quam defunctos, pro quibus in ipsa Missa orare intendit, et hoc loco generaliter unico contextu ipsorum vivorum commemorationem agere, pro quibus ante Missam orare proposuit in Missa.

4 Commemoratione vivorum facta, demissis et extensis, ut prius, manibus, continuat: *Et ómnium circumstántium, etc.* Similiter stans prosequitur: *Communicántes.* Cum dicit: *Jesu Christi,* caput Cruci inclinat: in conclusione, quando dicit: *Per eúmdem,* jungit manus. Cum dicit: *Hanc igitur oblatiónem,* expandit manus simul super oblata, ita ut palmae sint apertae versus ac supra Calicem et Hostiam, quas sic tenet usque ad illa verba: *Per Christum Dóminum nostrum.* Tunc enim jungit manus, et sic prosequitur: *Quam oblatiónem tu, Deus, in ómnibus, quaésumus,* et cum dicit: *bene + díctam, adscríp + tam, ra + tam,* communiter signat ter super Hostiam et Calicem simul: deinde cum dicit: *ut nobis Corpus,* separatim signat semel super Hostiam tantum ; et cum dicit: *et Sanguis,* semel super Calicem tantum: deinde elevans et jungens manus ante pectus, prosequitur: *fiat dilectíssimi Fílii tui Dómini nostri Jesu Christi,* et inclinans caput Cruci, extergit, si opus fuerit, pollices et indices super Corporale, et dicit secreto, ut prius: *Qui pridie quam paterétur:* et accipiens pollice et indice dexteræ manus Hostiam, et eam cum illis ac indice et pollice sinistrae manus tenens, stans erectus ante medium Altaris, dicit: *accépit panem in sanctas ac venerábiles manus suas,* elevansque ad caelum oculos et statim demittens, dicit: *et elevátis óculis in caelum ad te Deum Patrem suum omnipoténtem,* caputque aliquantulum inclinans, dicit: *tibi grátias agens,* et tenens Hostiam inter pollicem et indicem sinistrae manus, dextera producit signum Crucis super eam, dicens: *bene + díxit, fregit, dedítque discípulis suis, dicens: Accípite et manducáte ex hoc omnes.*

5 Si adsit vas cum aliis Hostiis consecrandis, antequam accipiat Hostiam, discooperit manu dextera Calicem, seu vas aliarum Hostiarum. Cum autem finierit supra dicta verba, cubitis super Altare positus, stans capite inclinato, distincte, reverenter et secreto profert verba consecrationis super Hostiam et simul super omnes, si plures sint consecrandae ; et Hostiam suam pollicibus et indicibus tantum tenens dicit: *Hoc est enim Corpus meum.* Quibus prolatis, Celebrans tenens Hostiam inter pollices et indices praedictos super Altare, reliquis manuum digitis extensis, et simul junctis (et Hostiis, si plures sint consecratae, in loco, in quo a principio Missae positae sunt, super Corporale vel in alio vase aut Calice demissis) genuflexus eam adorat. Tunc se erigens, quantum commode potest, elevat in altum Hostiam, et intentis in eam oculis (quod et in elevatione Calicis facit) populo reverenter ostendit adorandam ; et mox sola manu dextera ipsam reverenter reponit super Corporale in eodem loco unde eam levavit, et deinceps pollices et indices non disjungit, nisi quando Hostiam consecratam tangere vel tractare debet, usque ad ablutionem digitorum post Communionem.

6 Reposita Hostia consecrata super Corporale, genuflexus ipsam veneratur ; si adsit vas aliarum Hostiarum, Patena vel Palla cooperit, ut supra. Interim dum Celebrans elevat Hostiam, accenso prius intorticio (quod non exstinguitur, nisi postquam Sacerdos Sanguinem sumserit, vel alios communicaverit, si qui erunt communicandi in Missa), minister manu sinistra elevat fimbrias posteriores Planetæ, ne ipsum Celebrantem impediatur in elevatione brachiorum ; quod et facit in elevatione Calicis ; et manu dextera pulsat campanulam ter ad unamquamque elevationem, vel continue quousque Sacerdos deponat Hostiam super Corporale, et similiter postmodum ad elevationem Calicis.

7 Celebrans, adorato Sacramento, surgit, et discooperit Calicem, in quem, si opus sit, extergit digitos, quod semper faciat si aliquod fragmentum digitis adhaereat ; et stans erectus dicit: *Símili modo postquam caenátum est,* et ambabus manibus accipiens Calicem juxta nodum infra cuppam, et aliquantulum illum elevans, ac statim deponens, dicit: *accípiens et hunc praeclárum Cálicem in sanctas ac venerábiles manus suas, etc.* Cum dicit: *item tibi grátias agens,* caput inclinat ; cum dicit: *benedíxit,* sinistra Calicem infra cuppam tenens, dextera signat super eum ; et prosequens: *dedítque discípulis suis, etc.,* et ambabus manibus tenens Calicem, videlicet sinistra pedem, dextera nodum infra cuppam, cubitis super Altare positus, et capite inclinato, profert attente, continue et secreto, ut supra, verba consecrationis Sanguinis: *Hic est enim Calix, etc.* Quibus dictis, reponit Calicem super Corporale, dicens secreto: *Haec quotiescúmque fecerítis, etc.,* genuflexus Sanguinem reverenter adorat. Tum se erigit, et accipiens Calicem discooperit cum Sanguine, ambabus manibus, ut prius, elevat eum, et erectum quantum commode potest, ostendit populo adorandum: mox ipsum reverenter reponit super Corporale in locum pristinum, et manu dextera Palla cooperit, ac genuflexus Sacramentum veneratur.

8 In Missa solemni ad finem Praefationis accenduntur duo saltem intorticia ab Acotythis, quae exstinguuntur post elevationem Calicis, nisi aliqui sint communicandi, et tunc exstinguuntur post Communionem. In diebus etiam jejuniorum et in Missis pro Defunctis tenentur accensa usque ad Communionem. Cum autem Celebrans dicit: *Quam oblatiónem, etc.,* Diaconus accedit ad ejus dexteram, et ibi in superiori gradu Altaris genuflexus, cum Sacramentum elevatur, fimbrias Planetæ elevat, et quando opus est, se erigens, Calicem discooperit et cooperit, et cum Celebrante genuflectit. Subdiaconus genuflectit in loco suo. Thuriferarius genuflexus in cornu Epistolæ ter incensat Hostiam, cum elevatur, et similiter Calicem,posito incenso in thuribulo absque benedictione. Reposito Calice, Diaconus redit ad librum, nisi alius assistat. Ceteri surgunt, et stant in locis suis.

IX - De Canone post Consecrationem usque ad Orationem Dominicam

REPOSITO Calice et adorato, Sacerdos stans ante Altare, extensis manibus ante pectus, dicit secreto: *Unde et mémoires, etc.* Cum dicit: *de tuis donis ac datis,* jungit manus ante pectus: et cum dicit: *Hóstiam + puram, Hóstiam + sanctam, Hóstiam + immaculátam,* manu sinistra posita super Altare intra Corporale, dextera signat ter communiter super Hostiam et Calicem, et semel super Hostiam tantum, et semel super

Calicem tantum, dicens: *Panem + sanctum vitae aeternae, et Cálicem + salutis perpétuae* ; deinde stans ut prius extensis manibus, prosequitur: *Supra quae propítio, etc.* Cum dicit: *Súpplices te rogámus, etc.* inclinat se ante medium Altaris, manibus junctis super illo positus. Cum dicit: *ex hac Altáris participatióne*, osculatur Altare, manibus hinc inde super Corporale positus. Cum dicit: *sacrosánctum Fílii tui*, jungit manus ; et dextera signans semel super Hostiam tantum, et semel super Calicem, sinistra super Corporale posita, dicit: *Cor + pus, et Sán + guinem sumpsérimus*, et cum dicit: *omni benedictióne + caelésti*, seipsum signat a fronte ad pectus signo Crucis, sinistra posita infra pectus, et prosequitur: *et grátia repleámur*. Cum dicit: *Per eúmdem*, jungit manus.

2 Cum dicit: *Meménto, Dómine, famulórum famularúmque tuárum, etc.*, extensis et junctis manibus ante pectus, et usque ad faciem elevatis, et intentis oculis ad Sacramentum super Altare, facit commemorationem Fidelium defunctorum, de quibus sibi videtur, eodem modo ut dictum est de commemoratione vivorum. Qua commemoratione facta, stans ut prius extensis manibus, prosequitur: *Ipsis, Dómine, et ómnibus in Christo, etc.* et in fine ad: *Per eúmdem*, jungit manus, et caput inclinat.

3 Cum dicit: *Nobis quoque peccatóribus*, vocem aliquantulum elevat et dextera manu pectus sibi percutit, sinistra posita super Corporale, et prosequitur secreto: *fámulis tuis, etc.* stans manibus extensis, ut prius. Cum dicit: *Per Christum Dóminum nostrum. Per quem haec ómnia, Dómine, semper bona creas*, jungit manus ante pectus: deinde manu dextera ter signans communiter super Hostiam et Calicem, dicit: *sanctí + fícas, viví + fícas, bene + dícis, et praestas nobis*. Postea discooperit manu dextera Calicem, et genuflexus Sacramentum adorat: tum se erigit, et reverenter accipit Hostiam inter pollicem et indicem dexterae manus, et cum ea super Calicem, quem manu sinistra tenet circa nodum infra cuppam, signat ter a labio ad labium, dicens: *Per + ipsum, et cum + ipso, et in + ipso*. Et similiter cum Hostia signat bis inter Calicem et pectus, incipiens a labio Calicis, et dicit: *est tibi Deo Pa + tri omnipoténti, in unitáte Spíritus + Sancti*. Deinde tenens manu dextera Hostiam super Calicem, sinistra Calicem, elevat eum aliquantulum simul cum Hostia, dicens: *omnis honor et glória*, et statim utrumque deponens, Hostiam collocat super Corporale, et si opus sit, digitos extergit, ut supra ; ac pollices et indices ut prius jungens, Calicem Palla cooperit, et genuflexus Sacramentum adorat.

4 In Missa Solemni cum Celebrans dicit: *Per quem haec ómnia, etc., Diaconus, facta Sacramento genuflexione, accedit ad dexteram Celebrantis, et quando opus est discooperit Calicem, et cum Celebrante adorat, similiter cooperit, et iterum genuflectit. Cum incipit: Pater noster, idem vadi t retro post Celebrantem, facta prius Sacramento genuflexione, ubi stat, dum dicitur Oratio Dominica.*

X - De Oratione Dominica, et aliis usque ad factam Communionem

CELEBRANS, cooperto Calice adoratoque Sacramento, erigit se, et manibus extensis hinc inde super Altare intra Corporale positus, dicit intelligibili voce: *Per ómnia saécula saeculórum*, et cum dicit: *Orémus*, jungit manus, caput Sacramento inclinans. Cum incipit: *Pater noster*, extendit manus, et stans oculis ad Sacramentum intentis, prosequitur usque ad finem. Responso a ministro: *Sed líbera nos a malo*, et a Celebrante, submissa voce: *Amen*, manu dextera, pollice et indice non disjunctis, Patenam aliquantulum Purificatorio extergens, eam accipit inter indicem et medium digitos ; quam tenens super Altare erectam, sinistra super Corporale posita, dicit secreto: *Líbera nos, quaésumus, etc.*

2 Antequam Celebrans dicat: *Da propítius pacem*, elevat manu dextera Patenam de Altari, et seipsum cum ea signat signo Crucis, dicens: *Da propítius pacem in diébus nostris*. Cum signat se, manum sinistram ponit infra pectus ; deinde Patenam ipsam osculatur, et prosequens: *ut ope misericórdiae tuae, etc.*, submittit Patenam Hostiae, quam indice sinistro accommodat super Patenam, discooperit Calicem, et genuflexus Sacramentum adorat ; tum se erigens, accipit Hostiam inter pollicem et indicem dexterae manus, et cum illis ac pollice et indice sinistrae manus eam super Calicem tenens, reverenter frangit per medium, dicens: *Per eúmdem Dóminum nostrum Jesum Christum Fílium tuum*, et mediam partem, quam inter pollicem et indicem dexterae manus tenet, ponit super Patenam ; de alia media, quam sinistra manu tenet, frangit cum pollice et indice dexterae manus particulam, prosequens: *Qui tecum vivit et regnat*, et eam inter ipsos dexterae manus pollicem et indicem retinens, partem majorem, quam sinistra tenet, adjungit mediae super Patenam positae, interim dicens: *in unitáte Spíritus Sancti Deus* ; et particulam Hostiae, quam in dextera manu retinuit, tenens super Calicem, quem sinistra per nodum infra cuppam retinet, intelligibili voce dicit: *Per ómnia saécula saeculórum. R/. Amen*, et cum ipsa particula signans ter a labio ad labium Calicis, dicit: *Pax + Dómini sit + semper vobis + cum*. Responso per ministrum: *Et cum spíritu tuo*, particulam quam dextera manu tenet, immittit in Calicem, dicens secreto: *Haec commíxtio, et consecrátió Córporis, etc.* Deinde pollices et indices super Calicem aliquantulum tergit et jungit, Calicem Palla cooperit, et genuflexus Sacramentum adorat, surgit, et stans junctis manibus ante pectus, capite inclinato versus Sacramentum, dicit intelligibili voce: *Agnus Dei, qui tollis peccáta mundi* ; et dextera percutiens sibi pectus, sinistra super Corporale posita, dicit: *miserére nobis*, et deinde non jungit manus, sed iterum percutit sibi pectus, cum dicit secundo: *miserére nobis*, quod et tertio facit, cum dicit: *dona nobis pacem*.

3 Tunc manibus junctis supra Altare positus, oculisque ad Sacramentum intentis, inclinatus dicit secreto: *Dómine Jesu Christe, etc.* Qua Oratione finita, si est daturus pacem, osculatur Altare in medio et instrumentum pacis ei porrectum a ministro juxta ipsum ad dexteram, hoc est, in cornu Epistolae, genuflexo,

et dicit: *Pax tecum*. Minister respondet: *Et cum spiritu tuo*. Si non adsit qui hujusmodi instrumento pacem recipiat a Celebrante, pax non datur, etiamsi illius datio Missae conveniat; nec osculatur Altare, sed, dicta praemissa Oratione, statim subjungit alias Orationes ut in Ordine Missae.

4 Si vero celebret pro Defunctis, non percutit pectus ad *Agnus Dei*, quia dicit: *Dona eis requiem*, nec dicit primam Orationem: *Dómine Jesu Christe, qui dixísti Apóstolis tuis, etc.*, non dat pacem, sed dicit alias duas sequentes Orationes: *Dómine Jesu Christe, Fili Dei vivi, etc.* et *Percéptio Corporis tui, etc.* Quibus Orationibus dictis, genuflectens Sacramentum adorat, et se erigens dicit secreto: *Panem caeléstem accípiam, etc.*; quo dicto, dextera manu accipit de Patena reverenter ambas partes Hostiae, et collocat inter pollicem et indicem sinistrae manus, quibus Patenam inter eundem indicem et medium digitos supponit, et eadem manu sinistra tenens partes hujusmodi super Patenam inter pectus et Calicem, parum inclinatus, dextera tribus vicibus percutit pectus suum, interim etiam tribus vicibus dicens voce aliquantum elevata: *Dómine, non sum dignus*: et secreto prosequitur: *ut intres, etc.* Quibus tertio dictis, ex sinistra accipit ambas partes praedictas Hostiae inter pollicem et indicem dexterae manus, et cum illa supra Patenam signat seipsum signo Crucis, ita tamen ut Hostia non egrediatur limites Patenae, dicens: *Corpus Dómini nostri Jesu Christi custódiat ánimam meam in vitam aetérnam. Amen*: et se inclinans, cubitis super Altare positus, reverenter easdem ambas partes sumit: quibus sumptis, deponit Patenam super Corporale, et erigens se, junctis indicibus et pollicibus, ambas quoque manus ante faciem jungit, et aliquantum quiescens in meditatione sanctissimi Sacramenti. Deinde depositis manibus dicit secreto: *Quid retríbuam Dómino pro ómnibus quae retríbuit mihi?* et interim discooperit Calicem, genuflectit, surgit, accipit Patenam, inspicit Corporale, colligit fragmenta cum Patena, si qua sint in eo, Patenam quoque diligenter cum pollice et indice dexterae manus super Calicem extergit et ipsos digitos, ne quid fragmentorum in eis remaneat.

5 Si vero adsint Hostiae consecratae super Corporale positae pro alio tempore conservandae, facta prius genuflexione, reponit eas in vas ad hoc ordinatum, et diligenter advertit ne aliquod fragmentum, quantumcumque minimum, remaneat super Corporale: quod si fuerit, accurate reponit in Calicem. Post extersionem Patenae, junctis pollicibus et indicibus, Calicem dextera manu infra nodum cuppae accipit, sinistra Patenam, dicens: *Cálicem salutáris, etc.*, et signans se signo Crucis cum Calice, dicit: *Sanguis Dómini nostri, etc.* et manu sinistra supponens Patenam Calici, stans reverenter, sumit totum Sanguinem cum particula in Calice posita. Quibus sumptis, dicit secreto: *Quod ore sumpsimus, etc.*, et super Altare porrigit Calicem ministro in cornu Epistolae, quo vinum fundente, se purificat: deinde vino et aqua abluit pollices et indices super Calicem, quos abstergit Purificatorio, interim dicens: *Corpus tuum, Dómine, quod sumpsi, etc.* Ablutionem sumit, et extergit os et Calicem Purificatorio: quo facto Purificatorium extendit super Calicem et desuper Patenam ac super Patenam parvam Pallam; et, plicato Corporali, quod reponit in Bursam, cooperit Calicem Velo, et Bursam desuper ponit, et collocat in medio Altaris, ut in principio Missae.

6 Si qui sunt communicandi in Missa, Sacerdos post sumptionem Sanguinis, antequam se purificet, facta genuflexione, ponat particulas consecratas in Pyxide, vel, si pauci sint communicandi, super Patenam, nisi a principio positae fuerint in Pyxide seu alio Calice. Interim minister ante eos extendit linteum seu velum album, et pro eis facit Confessionem, dicens: *Confíteor Deo, etc.* Tum Sacerdos iterum genuflectit, et manibus junctis vertens se ad populum in cornu Evangelii, dicit: *Misereátur vestri, et Indulgéntiam, absolutiónem, et remissiónem peccatórum vestrórum, etc.*, et manu dextera facit signum Crucis super eos. Postea genuflectens, accipit manu sinistra Pyxidem seu Patenam cum Sacramento, dextera vero sumit unam particulam, quam inter pollicem et indicem tenet aliquantum elevatam super Pyxidem seu Patenam, et conversus ad communicandos in medio Altaris, dicit: *Ecce Agnus Dei, ecce qui tollit peccáta mundi*. Deinde dicit: *Dómine, non sum dignus, ut intres sub tectum meum, sed tantum dic verbo, et sanábitur ánima mea*. Quibus verbis tertio repetitis, accedit ad eorum dexteram, hoc est, ad latus Epistolae, et unicuique porrigit Sacramentum faciens cum eo signum Crucis super Pyxidem vel Patenam, et simul dicens: *Corpus Dómini nostri Jesu Christi custódiat ánimam tuam in vitam aetérnam. Amen*. Omnibus communicatis, revertitur ad Altare, nihil dicens: et non dat eis benedictionem, quia illam daturus est in fine Missae. Si particulae positae erant super Corporale, extergit illud cum Patena, et si qua in eo fuerint fragmenta, in Calicem immittit. Deinde dicit secreto: *Quod ore sumpsimus, Dómine, etc.*, et se purificat, dicens: *Corpus tuum, Dómine, quod sumpsi, etc.*, et alia facit ut supra. Minister autem dextera manu tenens vas cum vino et aqua, sinistra vero mappulam, aliquanto post Sacerdotem eis porrigit purificationem, et mappulam ad os abstergendum.

7 Si in Altari remaneant particulae in Calice, seu in alio vase usque ad finem Missae, servantur ea, quae in Feria V Cenae Domini praescribuntur circa finem Missae.

8 In Missa solemni Diaconus stans retro post Celebrantem cum in Oratione Dominica dicitur: Et dimitte nobis debita nostra, facta ibidem genuflexione, vadit ad dexteram Celebrantis, et Subdiaconus circa finem Orationis Dominicae, facta itidem genuflexione, revertitur ad Altare, et stans in cornu Epistolae porrigit Patenam Diacono, qui eam discooperit, et Purificatorio abstergens dat Celebranti, illius manum osculando, et quando opus est, discooperit et cooperit Calicem, et cum Celebrante adorat. Subdiaconus, reddita Patena et deposito Velo, quod ab humeris ejus pendebat, genuflectit, et descendit retro post Celebrantem, et cum dicitur: Pax Dómini, iterum genuflectens, accedit ad sinistram Celebrantis, et simul dicunt: Agnus Dei. Deinde facta ibidem Sacramento genuflexione, redit post Celebrantem. Diaconus vero a dextris genuflexus exspectat pacem: et cum Celebrans osculatur Altare, ipse se erigens simul osculatur illud extra

Corporale, et a Celebrante dicente: Pax tecum, *complexus accipit pacem sinistris genis sibi invicem appropinquantibus, et ei respondet: Et cum spiritu tuo. Postea iterum Sacramento in Altari adorato, vertit se ad Subdiaconum retro post Celebrantem, et similiter dat ei pacem. Subdiaconus accepta pace a Diacono et facta Altari genuflexione, comitatus ab Acolythis vadit ad Chorum, et dat pacem primo cuius usque ordinis, dignioribus prius, deinde minus dignis; et reversus ad Altare, facta genuflexione, dat pacem Acolythis qui ipsum comitaverat, qui et aliis Acolythis circa Altare dat pacem: deinde Subdiaconus vadit ad dexteram Celebrantis, et quando opus est, discooperit Calicem, accipit ampullam vini, et infundit, quando Celebrans vult purificare. Diaconus post datam pacem Subdiacono vadit ad librum: et, dum Celebrans se communicat, stant ipse et Subdiaconus profunde inclinati versus Altare.*

9 In Missa Pontificali, Assistens accipit et defert pacem, ut in Caeremoniali habetur. Si in Missa solemnifiat Communio, omnia servantur, ut supra, sed prius communicet Diaconum et Subdiaconum, deinde alios per ordinem: et Diaconus purificationem eis ministret. Interim a Choro cantatur Antiphona quae dicitur Communio.

XI - De Communione, et Orationibus post Communionem dicendis

CELEBRANTE purificato, dum Calicem collocat in Altari, liber Missalis defertur per ministrum ad cornu Epistolae, et collocatur ut in Introitu. Ipse autem minister genuflectit iuxta cornu Evangelii, ut in principio Missae. Deinde Celebrans, stans junctis manibus, legit Antiphonam quae dicitur Communio; qua lecta, junctis itidem manibus ante pectus, vadit ad medium Altaris, et eo osculato, vertit se ad populum a manu sinistra ad dexteram, et dicit: *Dóminus vobíscum*, et per eandem viam redit ad librum, dicit Orationes post Communionem, eisdem modo, numero et ordine, ut supra dictae sunt Collectae. Quibus finitis, claudit librum, et jungens manus ante pectus, revertitur ad medium Altaris, ubi eo osculato, vertit se ad populum, et dicit, ut supra: *Dóminus vobíscum*, quo dicto, stans junctis manibus ante pectus versus populum, dicit, si dicendum est: *Ite, Missa est*, et per eandem viam revertitur ad Altare. Si vero non sit dicendum, dicto *Dóminus vobíscum*, revertitur eodem modo per eandem viam ad medium Altaris, ubi stans versus ad illud, junctis ante pectus manibus, dicit: *Benedicámus Dómino*. In Missis autem Defunctorum eodem modo stans versus Altare, dicit: *Requiescant in pace*.

2 In Quadragesima autem a Feria IV Cinerum usque ad Feriam IV Majoris Hebdomadae in feriali Officio, postquam Celebrans dixit Orationes post Communionem cum suis solitis conclusionibus, antequam dicat: *Dóminus vobíscum*, stans in eodem loco ante librum dicit: *Orémus. Humiliáte cápita vestra Deo*, caput inclinans, et extensis manibus, subjungit eadem voce Orationem super populum, ibidem positam, qua finita, osculatur Altare, et vertens se ad populum dicit: *Dóminus vobíscum*, et alia ut supra.

3 In Missa solemnifiat Diaconus defert librum Missalis ad cornu Epistolae, deinde vadit retro post Celebrantem, Subdiaconus vero vadit ad cornu Evangelii, ubi Calicem mundat, aptat cum Purificatorio, Patena et Palla cooperit, plicat Corporale, reponit in Bursam, et illam ponit super Calicem coopertum. *Ve lo, quem collocat in Altari, vel super Credentia ut prius: postea redit ad locum suum retro post Diaconum: qui cum dicit: Ite, Missa est, cum Celebrante vertit se ad populum: et in Quadragesima, dicto per Celebrantem Orémus, Diaconus in cornu Epistolae vertens se ad populum, junctis manibus dicit ut supra: Humiliáte, etc.; quo dicto vertit se versus Altare a tergo Celebrantis, et Celebrans dicit Orationem super populum.*

XII - De Benedictione in fine Missae, et Evangelio sancti Joannis

DICTO *Ite, Missa est*, vel *Benedicámus Dómino*, ut supra, Celebrans ante medium Altaris stans junctis manibus super eo, et capite inclinato, dicit secreto: *Pláceat tibi, sancta Trínitas, etc.* Quo dicto, extensis manibus hinc inde super Altare positus, ipsum in medio osculatur: tum erigens se, adhuc stans versus illud, elevat ad caelum oculos et manus, quas extendit et jungit, caputque Cruci inclinans, dicit voce intelligibili: *Benedícat vos omnípotens Deus*, et junctis manibus, ac demissis ad terram oculis, vertens se ad populum a sinistro latere ad dexterum, extensa manu dextera, junctisque digitis, et manu sinistra infra pectus posita, semel benedicit populo dicens: *Pater, et Fílius, + et Spíritus Sanctus. R/. Amen*; et circulum perficiens accedit ad cornu Evangelii, ubi dicto *Dóminus vobíscum*, et *R/. Et cum spiritu tuo*, pollice dextero signans primum signo Crucis Altare, seu librum in principio Evangelii, deinde frontem, os et pectus, dicit: *Inítium sancti Evangéllii secundum Joánnem*, vel *Sequéntia sancti Evangéllii*, ut dictum est in Rubricis generalibus, et *R/. Glória tibi, Dómine*, junctis manibus legit Evangelium: *In princípío*, vel aliud ut convenit. Cum dicit: *Et Verbum caro factum est*, genuflectit versus cornu Evangelii, et surgens prosequitur ut prius: quo finito, minister stans a parte Epistolae respondet: *Deo grátias*.

2 Si Celebrans in Altari vertit faciem ad populum, non vertit se, sed stans ut erat, benedicit populo, ut supra, in medio Altaris; deinde accedit ad cornu Evangelii, et dicit Evangelium S Joannis.

3 Si celebravit coram Summo Pontifice, Cardinale et Legato Sedis Apostolicae, vel Patriarcha, Archiepiscopo et Episcopo in Provincia, Civitate, vel Dioecesi sua existente, Celebrans dicto *Pláceat tibi, sancta Trínitas, etc.*, dicit: *Benedícat vos omnípotens Deus*, et convertens se ad Summum Pontificem genuflexus, ad Cardinalem vero, et Legatum, vel alium ex supradictis Praelatis, capite inclinato, quasi licentiam benedicendi petens, prosequitur: *Pater, et Fílius, + et Spíritus Sanctus*, benedicens adstantes a parte ubi non adest Pontifex, Cardinalis, Legatus aut Praelatus praedicti. Si autem celebravit coram

Patriarcha, Archiepiscopo, et Episcopo extra eorum Provinciam, Civitatem, vel Dioecesim constitutis, eis absque alio respectu, ut ceteris qui intersunt, more consueto benedicit.

4 Si autem celebravit pro Defunctis, dicto *Pláceat tibi, sancta Trínitas*, ut supra, et osculato Altari, accedit ad cornu Evangelii, et dicit Evangelium S. Joannis, praetermissa benedictione, quae in Missis Defunctorum non datur.

5 Finito Evangelio in fine Missae, si celebravit coram Summo Pontifice, Cardinale, et Legato Sedis Apostolicae, vel Patriarcha, Archiepiscopo et Episcopo, convertit se ad illum coram quo ex praedictis celebravit, et facit reverentiam convenientem. Si non celebravit coram aliquo praedictorum, hujusmodi reverentiam praetermittit.

6 Quibus omnibus absolutis, extinguuntur per ministrum candelae: interim Sacerdos accipit sinistra Calicem, dexteram ponens super Bursam, ne aliquid cadat, descendit ante infimum gradum Altaris, e t, ibi in medio vertens se ad illud, se profunde inclinat (vel, si in eo est Tabernaculum sanctissimi Sacramenti, genuflectit) ; et, facta reverentia, accipit Biretum a ministro, caput cooperit, ac praecedente eodem ministro, eo modo quo venerat, redit ad Sacristiam, interim dicens Antiphonam *Trium puerórum* et Canticum *Benedícite*. Si vero sit dimissurus paramenta apud Altare ubi celebravit, finito Evangelio praedicto, ibidem illis se exuit, et dicit Antiphonam *Trium puerórum* cum Cantico et aliis Orationibus, ut suo loco ponuntur.

7 In Missa solemni *Celebrans*, eadem voce et modo quo in Missis privatis, semel tantum benedicit populo, nisi sit Episcopus, vel Abbas, ut infra: et dicto Evangelio secundum Joannem, vel alio, ut supra, ministrante Subdiacono librum, si opus est, discedit cum ministris ordine et modo quo venerat.

8 Episcopus autem, vel Abbas, ter benedicit populo, etiam in Missis privatis, ut in Caeremoniali habetur.

XII I - De his quae omittuntur in Missa pro Defunctis

IN Missa pro Defunctis ante Confessionem non dicitur Psalmus *Júdica me, Deus*, sed, pronuntiata Antiphona: *Introibo ad altáre Dei*, et responso a ministro: *Ad Deum, qui laetíficat, etc.*, dicitur VI. *Adjutórium nostrum*, et Confessio, cum reliquis ut supra. Cum *Celebrans* ad Altare incipit Introitum, non signat se, sed, manu dextera extensa, facit signum Crucis super librum, quasi aliquem benedicens. Non dicitur: *Glória Patri*, sed post Psalmum repetitur: *Réquiem aetérnam* ; nec dicitur *Glória in excélsis*, nec *Allelúja*, nec *Jube, Dómine, benedícere*, nec *Dóminus sit in corde meo* ; nec osculatur librum in fine. Non dicitur *Credo*, non benedicitur aqua in Calicem fundenda ; dicitur tamen Oratio: *Deus, qui humánae substántiae, etc.*, Cum lavat manus, in fine Psalmi *Lavábo inter innocéntes*, non dicitur *Glória Patri*. Ad *Agnus Dei* non dicitur: *miserére nobis*, cujus loco dicitur: *dona eis réquiem* ; nec tertio: *dona nobis pacem*, cujus loco dicitur: *dona eis réquiem sempitérnam* ; neque percutitur pectus. Non dicitur prima Oratio ante Communionem, scilicet: *Dómine Jesu Christe, qui dixísti Apóstolis tuis, etc.*, nec datur pax. In fine non dicitur: *Ite, Missa est*, nec *Benedicámus Dómino*, sed: *Requíescant in pace*. Et non dat ur Benedictio: sed dicto *Pláceat*, et osculato Altari, dicitur, ut supra: *In princípío erat Verbum, etc.* Alia omnia ut in aliis Missis.

2 In Missa solemni non incensatur Altare ad Introitum, et Subdiaconus, finita Epistola, non osculatur manum Celebrantis, nec benedicitur: *Diaconus non petit benedictionem, nec osculatur Celebrantis manum: non tenentur luminaria ad Evangelium, nec portatur incensum, sed duo tantum Acolythis sine candelabris stant unus a dextris et alter a sinistris Subdiaconi tenentis librum Evangeliorum. Non incensatur liber, nec in fine Celebrans: nec defertur liber Evangeliorum osculandus. Oblata et Altare incensantur ut supra: incensatur solus Celebrans, et non incensantur alii. Subdiaconus non tenet Patenam post Celebrantem ; sed tempore elevationis Sacramenti genuflexus in cornu Epistolae, illud incensat. Ministri cum aliquid porrigunt Celebranti, in hac Missa non osculantur ejus manum, neque rem quae porrigitur.*

3 Si distribuendae sunt candelae, distribuantur post Epistolam, et accendantur ad Evangelium, ad elevationem Sacramenti, et post Missam, dum fit Absolutio. Si habendus est sermo, habeatur, finita Missa, ante Absolutionem.

4 Finita Missa, si facienda est Absolutio, Celebrans retrahit se ad cornu Epistolae, ubi exuitur Casula, et, d eposito Manipulo, accipit Pluviale nigrum. Subdiaconus medius inter duos Acolythis cum candelabris accensis defert Crucem, sicut in Processionibus, praecedentibus duobus aliis Acolythis, uno cum thuribulo et navicula incensi, alio cum vase aquae benedictae et aspensorio: sequitur Celebrans, facta prius Altari reverentia, et Diaconus a sinistris ejus. Subdiaconus cum Cruce sistit se ad pedes tumuli, seu lecticae mortuorum contra Altare, medius inter dictos Acolythis tenentes luminaria: Celebrans vero ex alia parte in capite loci inter Altare et tumulum, aliquantulum versus cornu Epistolae, ita ut Crucem Subdiaconi respiciat: a sinistris ejus Diaconus, et prope eum alii duo Acolythis deferentes thuribulum et vas aquae benedictae. Tunc, Acolythis seu Clerico tenente librum, absolute dicit Orationem Non intres, ut infra suo loco post Missas Defunctorum notatur, quae tamen Oratio omittitur si non sit praesens Defuncti cadaver. Deinde cantatur R/. Libera me, Dómine, et circa illius finem Celebrans ponit incensum in thuribulum, benedicens illud more solito, ministrante Diacono naviculam: et finito Kýrie, eléison, incipit intelligibili voce: Pater noster, et secreto proseguendo reliqua, accipit aspensorium de manu Diaconi, et facta Altari reverentia, comitante eodem Diacono a dextris, et tenente fimbriam anteriorem Pluvialis, circuiens tumulum, aspergit illum aqua benedicta, ter a parte dextera, et ter a sinistra. Cum transit ante Crucem, profunde se inclinat, Diaconus vero genuflectit: postea de manu ejusdem Diaconi accipit thuribulum, et eodem modo quo asperserat,

incensat. Et rediens ad pristinum locum, Diacono tenente librum, junctis manibus dicit Versus et Orationem, ut eodem loco notatur. Post Orationem autem, faciens Crucem manu dextera supra tumulum, dicit Versum Réquiem aeternam et, dicto per Cantores Requiéscat in pace et R/. Amen, subjungit Versum Anima ejus, ut ibidem notatur. Tunc inchoat Antiphonam Si iniquitátes, et cum clero recitans Psalmum De profúndis, praecedente Cruce, redit cum aliis ad Sacristiam. Ibi, a b omnibus repetita Antiphona, Sacerdos, antequam paramentis exuatur, dicit Preces, quae item post Missas Defunctorum infra habentur. Antiphona tamen Si iniquitátes et Psalmus cum Precibus non dicuntur, si absolutio facta fuerit pro omnibus Defunctis.

DE DEFECTIBUS

IN CELEBRATIONE MISSARUM OCCURRENTIBUS

!

SACERDOS celebraturus omnem adhibeat diligentiam, ne desit aliquid ex requisitis ad Sacramentum Eucharistiae conficiendum. Potest autem defectus contingere ex parte materiae consecrandae, et ex parte formae adhibendae, et ex parte Ministri conficientis. Quidquid enim horum deficit, scilicet materia debita, forma cum intentione, et Ordo Sacerdotalis in conficiente, non conficitur Sacramentum. Et his existentibus, quibuscumque aliis deficientibus, verita s adest Sacramenti. Alii vero sunt defectus, qui in Missae celebratione occurrentes, etsi veritatem Sacramenti non impediunt, possunt tamen aut cum peccato, aut cum scandalo contingere.

II - De defectibus Materiae

DEFECTUS ex parte materiae possunt contingere, si aliquid desit ex iis quae ad ipsam requiruntur. Requiritur enim, ut sit panis triticeus et vinum de vite: et ut hujusmodi materia consecranda, in actu consecrationis, sit coram Sacerdote.

III - De defectu Panis

SI panis non sit triticeus, vel, si triticeus, admixtus sit granis alterius generis in tanta quantitate ut non maneat panis triticeus, vel sit alioqui corruptus, non conficitur Sacramentum.

2 Si sit confectus de aqua rosacea, vel alterius distillationis, dubium est an conficiatur.

3 Si coeperit corrumpi, sed non sit corruptus; similiter si non sit azymus, secundum morem Ecclesiae Latinae, conficitur, sed conficiens graviter peccat.

4 Si Celebrans ante consecrationem advertit Hostiam esse corruptam, aut non esse triticeam; remota illa Hostia, aliam ponat, et facta oblatione, saltem mente concepta, prosequatur ab eo loco ubi desivit.

5 Si id adverterit post consecrationem, etiam post illius Hostiae sumptionem, posita alia, faciat oblationem, ut supra, et a consecratione incipiat, scilicet ab illis verbis: *Qui pridie quam pateretur*; et illam priorem si non sumpsit, sumat post sumptionem Corporis et Sanguinis, vel alii sumendam tradat, vel alicubi reverenter conservet. Si autem sumpserit, nihilominus sumat eam, quam consecravit: quia praeceptum de perfectione Sacramenti, majoris est ponderis, quam quod a jejunis sumatur.

6 Quod si hoc contingat post sumptionem Sanguinis, apponi debet rursus novus panis et vinum cum aqua; et, facta prius oblatione, ut supra, Sacerdos consecret, incipiendo ab illis verbis: *Qui pridie*; ac statim sumat utrumque, et prosequatur Missam, ne Sacramentum remaneat imperfectum, et ut debitus servetur ordo.

7 Si Hostia consecrata dispereat, vel casu aliquo, ut vento aut miraculo, vel ab aliquo animali accepta, et nequeat reperiri; tunc altera consecratur ab eo loco incipiendo: *Qui pridie quam pateretur*, facta ejus prius oblatione, ut supra.

IV - De defectu Vini

SI vinum sit factum penitus acetum, vel penitus putridum, vel de uvis acerbis seu non maturis expressum, vel ei admixtum tantum aquae, ut vinum sit corruptum; non conficitur Sacramentum.

2 Si vinum coeperit acescere, vel corrumpi, vel fuerit aliquantulum acre, vel mustum de uvis tunc expressum, vel non fuerit admixta aqua, vel fuerit admixta aqua rosacea seu alterius distillationis, conficitur Sacramentum, sed conficiens graviter peccat.

3 Si Celebrans ante consecrationem Sanguinis, quamvis post consecrationem Corporis, advertat aut vinum, aut aquam, aut utrumque non esse in Calice; debet statim apponere vinum cum aqua, et facta oblatione, ut supra, consecrare: incipiendo ab illis verbis: *Símili modo, etc.*

4 Si post verba consecrationis advertat vinum non fuisse positum, sed aquam; deposita aqua in aliquod vas, iterum vinum cum aqua ponat in Calice, et consecret, resumendo a verbis praedictis: *Símili modo, etc.*

5 Si hoc advertat post sumptionem Corporis, vel hujusmodi aquae, apponat aliam Hostiam iterum consecrandam, et vinum cum aqua in Calice, offerat utrumque, et consecret, et sumat, quamvis non sit jejunos. Vel, si Missa celebretur in loco publico, ubi plures adsint, ad evitandum scandalum poterit apponere vinum cum aqua, et facta oblatione ut supra, consecrare, ac statim sumere, et prosequi cetera.

6 Si quis percipiat ante consecrationem, vel post consecrationem, totum vinum esse acetum, vel alias corruptum: idem servetur quod supra, ac si deprehenderet non esse positum vinum, vel solam aquam fuisse appositam in Calice.

7 Si autem Celebrans ante consecrationem Calicis advertat, non fuisse appositam aquam: statim ponat eam, et proferat verba consecrationis. Si id advertat post consecrationem Calicis: nullo modo apponat, quia non est de necessitate Sacramenti.

8 Si materia quae esset apponenda, ratione defectus vel panis vel vini, non posset ullo modo haberi: si id sit ante consecrationem Corporis, ulterius procedi non debet: si post consecrationem Corporis, aut etiam vini, deprehenditur defectus alterius speciei, altera jam consecrata: tunc, si nullo modo haberi possit, procedendum erit, et Missa absolvenda, ita tamen, ut praetermittantur verba et signa, quae pertinent ad speciem deficientem. Quod si exspectando aliquamdiu haberi possit: exspectandum erit, ne sacrificium remaneat imperfectum.

V - De defectibus Formae

DEFECTUS ex parte formae possunt contingere, si aliquid desit ex iis quae ad integritatem verborum in ipsa consecratione requiruntur. Verba autem consecrationis, quae sunt forma hujus Sacramenti, sunt haec: *Hoc est enim Corpus meum. Et: Hic est enim Calix Sanguinis mei, novi et aeterni testamenti: mysterium fidei: qui pro vobis et pro multis effundetur in remissionem peccatorum.* Si quis autem aliquid diminueret, vel immutaret de forma consecrationis Corporis et Sanguinis, et in ipsa verborum immutatione verba idem non significarent, non conficeret Sacramentum. Si vero aliquid adderet, quod significationem non mutaret, conficeret quidem, sed gravissime peccaret.

2 Si Celebrans non recordetur se dixisse ea quae in consecratione communiter dicuntur, non debet propterea turbari. Si tamen certo ei constet, se omississe aliquid eorum quae sunt de necessitate Sacramenti, id est, formam consecrationis, seu partem: resumat ipsam formam, et cetera prosequatur per ordinem. Si vero valde probabiliter dubitet, se aliquid essentielle omisisse: iteret formam saltem sub tacita conditione. Si autem non sunt de necessitate Sacramenti, non resumat, sed procedat ulterius.

VI - De defectibus Ministri

DEFECTUS ex parte Ministri possunt contingere quoad ea quae in ipso requiruntur. Haec autem sunt: In primis intentio, deinde dispositio animae, dispositio corporalis, dispositio vestimentorum, dispositio in ministerio ipso quoad ea quae in ipso possunt occurrere.

VII - De defectu Intentionis

Si quis non intendit conficere, sed delusorie aliquid agere: item si aliquae Hostiae ex oblivione remaneant in Altari, vel aliqua pars vini, vel aliqua Hostia lateat, cum non intendat consecrare nisi quae videt: item si quis habeat coram se undecim Hostias, et intendat consecrare solum decem, non determinans quas decem intendit: in his casibus non consecrat, quia requiritur intentio. Secus, si putans quidem esse decem, tamen omnes voluit consecrare quas coram se habebat: nam tunc omnes erunt consecratae: atque ideo quilibet Sacerdos talem semper intentionem habere deberet, scilicet consecrandi eas omnes quas ante se ad consecrandum positas habet.

2 Si Sacerdos putans se tenere unam Hostiam, post consecrationem invenerit fuisse duas simul junctas, in sumptione sumat simul utramque. Quod si deprehendat post sumptionem Corporis et Sanguinis aut etiam post ablutioem, reliquias aliquas relictas consecratas, eas sumat, sive parvae sint sive magnae, quia ad idem sacrificium spectant.

3 Si vero relictas sit Hostia integra consecrata, eam in Tabernaculo cum aliis reponat: si hoc fieri nequit, sequenti Sacerdoti ibi celebraturo, in Altari supra Corporale decenter opertam, sumendam una cum altera quam est consecraturus, relinquat: vel, si neutrum horum fieri possit, in ipso Calice seu Patena decenter conservet, quousque vel in Tabernaculo reponatur, vel ab altero sumatur; quod si non habeat quomodo honeste conservetur, potest eam ipsemet sumere.

4 Si intentio non sit actualis in ipsa consecratione propter evagationem mentis, sed virtualis, cum accedens ad Altare intendat facere quod facit Ecclesia, conficitur Sacramentum, etsi curare debet Sacerdos, ut etiam actualem intentionem adhibeat.

VIII - De defectibus Dispositionis Animae

Si quis suspensus, excommunicatus, degradatus, irregularis, vel alias canonice impeditus celebret, conficit quidem Sacramentum, sed gravissime peccat, tam propter Communionem, quam indigne sumit, quam propter executionem Ordinum, quae sibi erat interdicta.

2 Si quis habens copiam Confessoris celebret in peccato mortali, graviter peccat.

3 Si quis autem in casu necessitatis, non habens copiam Confessoris, in peccato mortali absque contritione celebret, graviter peccat. Secus, si conteratur: debet tamen, cum primum poterit, confiteri.

4 Si in ipsa celebratione Missae Sacerdos recordetur, se esse in peccato mortali, conteratur cum proposito confitendi, et satisfaciendi.

5 Si recordetur, se esse excommunicatum, vel suspensum, aut locum esse interdictum, similiter conteratur

cum proposito petendi absolutionem. Ante consecrationem autem in supradictis casibus, si non timetur scandalum, debet Missam incoeptam deserere.

IX - De defectus Dispositionis Corporis

1 Si quis non est jejunus post mediam noctem, non potest communicare nec celebrare, salvis casibus a jure admissis, juxta Constitutionem Apostolicam « Christus Dominus », die 6 Januarii 1953.

2 Si autem ante mediam noctem cibum aut potum sumpserit, etiamsi postmodum non dormierit, nec sit digestus, non peccat: sed ob perturbationem mentis, ex qua devotio tollitur, consulitur aliquando abstinendum.

3 Si reliquiae cibi remanentes in ore transglutiantur, non impediunt Communionem, cum non transglutiantur per modum cibi, sed per modum salivae.

4 Si plures Missas in una die continuo celebret, in unaquaque Missa abluat digitos in aliquo vase mundo, et in ultimo tantum percipiat purificationem. Si plures Missas in una die cum intermissione celebret, potest in prioribus Missis, duas ablutiones a rubricis praescriptas sumere, sed tantum adhibita aqua.

Si vero Sacerdos, qui bis vel ter Missam celebrare debet, per inadvertentiam vinum quoque in ablutione sumat, non vetatur quominus secundam et tertiam Missam celebret.

5 Si praecesserit pollutio nocturna, quae causata fuerit ex praecedenti cogitatione, quae sit peccatum mortale, vel evenerit propter nimiam crapulam, abstinendum est a Communionem et celebrationem, nisi alius Confessario videatur. Si dubium est, an in praecedenti cogitatione fuerit peccatum mortale, consulitur abstinendum, extra tamen casus necessitatis. Si autem certum est, non fuisse in illa cogitatione peccatum mortale, vel nullam fuisse cogitationem, sed evenisse ex naturali causa aut ex diabolica illusionem, potest communicare et celebrare, nisi ex illa corporis commotione tanta evenerit perturbatio mentis, ut abstinendum videatur.

X - De defectibus in Ministerio ipso occurrentibus

POSSUNT etiam defectus occurrere in ministerio ipso, si aliquid ex requisitis ad illud desit: ut, si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto; si non adsint luminaria cerea; si non sit tempus debitum celebrandi, quod est ab una hora ante auroram ad unam horam post meridiem communiter; si Celebrans saltem Matutinum cum Laudibus non dixerit; si omittat aliquid ex vestibus sacerdotalibus; si vestes sacerdotales et mappae non sint ab Episcopo, vel ab alio hanc habente potestatem benedictae; si non adsit Clericus, vel alius deserviens in Missa, vel adsit qui deservire non debet, ut mulier; si non adsit Calix cum Patena conveniens, cujus cuppa debet esse aurea vel argentea vel stannea, non aerea vel vitrea; si Corporalia non sint munda, quae debent esse ex lino, nec serico in medio ornata, et ab Episcopo vel ab alio hanc habente potestatem benedicta, ut etiam superius dictum est: si celebret capite cooperto sine dispensatione: si non adsit Missale, licet memoriter sciret Missam, quam intendit dicere.

2 Si, Sacerdote celebrante, violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur Missa; post consecrationem vero Sacerdos accelerare poterit sumptionem Sacramenti, omissis omnibus aliis.

3 Si Sacerdos ante consecrationem graviter infirmetur, vel in syncopen inciderit aut moriatur, praetermittitur Missa. Si post consecrationem Corporis tantum, ante consecrationem Sanguinis, vel utroque consecrato id accidit, Missa per alium Sacerdotem expleatur ab eo loco ubi ille desiit, et in casu necessitatis etiam per non jejunum. Si autem non obierit, sed fuerit infirmus, adeo tamen ut possit communicare, et non adsit alia Hostia consecrata, Sacerdos qui Missam supplet, dividat Hostiam, et unam partem praebeat infirmo, aliam ipse sumat. Si autem semiprolata forma Corporis obiit Sacerdos, quia non est facta consecratio, non est necesse ut Missa per alium suppleatur. Si vero obierit semiprolata forma Sanguinis, tunc alter prosequatur Missam, et super eundem Calicem repetat integram formam ab eo loco: *Símili modo, postquam cenátum est*; vel posset super alium Calicem praeparatum integram formam proferre, et Hostiam primi Sacerdotis, et Sanguinem a se consecratum sumere, ac deinde Calicem relictum semiconsecratum.

4 Si quis extra hujusmodi casus necessitatis integra Sacramenta non sumpserit, gravissime peccat.

5 Si musca, vel aranea, vel aliquid aliud ceciderit in Calicem ante consecrationem, projiciat vinum in locum decentem, et aliud ponat in Calicem, misceat parum aquae, offerat, ut supra, et prosequatur Missam: si post consecrationem ceciderit musca aut aliquid ejusmodi, et fiat nausea Sacerdoti, extrahat eam, et lavet cum vino, finita Missa comburat, et combustio ac lotio hujusmodi in sacrarium projiciatur. Si autem non fuerit ei nausea nec ullum periculum timeat, sumat cum Sanguine.

6 Si aliquid venenosum ceciderit in Calicem, vel quod provocaret vomitum, vinum consecratum reponendum est in alio Calice, et aliud vinum cum aqua apponendum denuo consecrandum; et, finita Missa, Sanguis repositus in panno lineo, vel stipula tamdiu servetur, donec species vini fuerint desiccatae, et tunc stipula comburatur, et combustio in sacrarium projiciatur.

7 Si aliquid venenatum contigerit Hostiam consecratam, tunc alteram consecret, et sumat eo modo quo dictum est, et illa servetur in Tabernaculo, loco separato, donec species corrumpantur, et corruptae deinde

mittantur in sacrarium.

8 Si sumendo Sanguinem, particula remanserit in Calice, digito ad labium Calicis eam adducat, et sumat ante purificationem, vel infundat vinum, et sumat.

9 Si Hostia ante consecrationem inveniatur fracta, nisi populo evidenter appareat, talis Hostia consecratur: si autem scandalum populo esse possit, alia accipiatur et offeratur: quod si illius Hostiae jam erat facta oblatio, eam post ablutionem sumat. Quod si ante oblationem Hostia appareat confracta, accipiatur altera integra, si citra scandalum aut longam moram fieri poterit.

10 Si propter frigus, vel negligentiam Hostia consecrata dilabatur in Calicem, propterea nihil est reiterandum; sed Sacerdos Missam prosequatur, faciendo caeremonias et signa consueta cum residua parte Hostiae quae non est madefacta Sanguine, si commode potest. Si vero tota fuerit madefacta, non extrahat eam, sed omnia dicat, omittendo signa, et sumat pariter Corpus et Sanguinem, signans se cum Calice, et dicens: *Corpus et Sanguis Dómini nostri, etc.*

11 Si in hieme Sanguis congeletur in Calice, involvatur Calix pannis calefactis: si id non proficeret, ponatur in ferventi aqua prope Altare, dummodo in Calicem non intret, donec liquefiat.

12 Si per negligentiam aliquid de Sanguine Christi ceciderit, si quidem super terram seu super tabulam, lingua lambatur, et locus ipse radatur quantum satis est, et abrasio comburatur; cinis vero in sacrarium recondatur. Si vero super lapidem Altaris ceciderit, sorbeat Sacerdos stillam, et locus bene abluatur, et ablutio in sacrarium projiciatur. Si super linteum Altaris et ad aliud linteum stilla pervenerit; si usque ad tertium: linteamina ter abluantur ubi stilla ceciderit, Calice supposito, et aqua ablutionis in sacrarium projiciatur. Quod si in ipso solum Corporali, aut si in vestibus ipsis Sacerdotalibus ceciderit, debet similiter abluere, et ablutio in sacrarium projici. Si in substrato pedibus panno, vel tapeto, bene abluatur, ut supra.

13 At si contingat totum Sanguinem post consecrationem effundi, si quidem aliquid vel parum remansit, illud sumatur, et de effuso reliquo Sanguine fiat, ut dictum est. Si vero nihil omnino remansit, ponat iterum vinum et aquam, et consecret ab eo loco: Símilis modo, postquam cenatum est, etc. facta prius tamen Calicis oblatione, ut supra.

14 Si Sacerdos evomat Eucharistiam, si species integrae appareant, reverenter sumantur, nisi nausea fiat: tunc enim species consecratae caute separentur, et in aliquo loco sacro reponantur, donec corrumpantur, et postea in sacrarium projiciantur. Quod si species non appareant, comburatur vomitus, et cineres in sacrarium mittantur.

15 Si Hostia consecrata, vel aliqua ejus particula dilabatur in terram, reverenter accipiatur, et locus ubi cecidit, mundetur et aliquantulum abradatur, et pulvis seu abrasio hujusmodi in sacrarium immittatur. Si ceciderit extra Corporale in mappam, seu alio quovis modo in aliquod linteum, mappa vel linteum hujusmodi diligenter lavetur, et lotio ipsa in sacrarium effundatur.

16 Possunt etiam defectus in ministerio ipso occurrere, si Sacerdos ignoret ritus et caeremonias ipsas in eo servandas, de quibus omnibus in superioribus Rubricis copiose dictum est.

PRAEPARATIO AD MISSAM

PRO OPPORTUNITATE SACERDOTIS FACIENDA

Quilibet Sacerdos, ex concessione Pii Pp. XI sub die 3 Octobris 1936, lucrari potest: Indulgentiam quinque annorum, si ante Missae celebrationem recitet Psalmos 83, 84, 85, 115 et 129 cum adnexa Antiphona, Versiculis et Orémus, ut infra; plenariam, si per integrum mensem praedictas preces quotidie recitaverit, additis confessione sacramentali et oratione ad Summi Pontificis mentem.

Ant. Ne reminiscáris, * Dómine, delícta nostra vel paréntum nostrórum, neque vindíctam sumas de peccáteis nostris. (T. P. Allelúja.)

Quae Antiphona in Duplicibus tantum duplicatur.

Psalmus 83

QUAM dilécta tabernácula tua, Dómine virtútem: * concupíscit, et déficit ánima mea in átria Dómini. Cor meum, et caro mea * exsultavérunt in Deum vivum.

Etenim passer invénit sibi domum: * et turtur nidum sibi, ubi ponat pullos suos.

Altária tua, Dómine virtútem: * Rex meus, et Deus meus.

Beáti, qui hábitant in domo tua, Dómine: * in saécula saeculórum laudábunt te.

Beátus vir, cujus est auxiliúm abs te: * ascensiónes in corde suo dispósuit, in valle lacrimárum in loco, quem pósuit.

Etenim benedictiónem dabit legislátor, ibunt de virtúte in virtútem: * vidébitur Deus deórum in Sion.

Dómine, Deus virtútem, exáudi oratióem meam: * áuribus pércipe, Deus Jacob.

Protéctor noster, aspice, Deus: * et réspice in fáciem Christi tui:

Quia mélior est dies una in átriis tuis, * super míllia.

Elégi abjéctus esse in domo Dei mei: * magis quam habitáre in tabernáculis peccatórum.

Quia misericórdiam, et veritátem díligit Deus: * grátiam et glóriam dabit Dóminus.

Non privábit bonis eos, qui ámbulant in innocéntia: * Dómine virtútum, beátus homo, qui sperat in te.
Glória Patri.

Psalmus 84

BENEDIXÍSTI, Dómine, terram tuam: * avertísti captivitátem Jacob.
Remisísti iniquitátem plebis tuae: * operuísti ómnia peccáta eórum.
Mitigásti omnem iram tuam: * avertísti ab ira indignatiónis tuae.
Convérte nos, Deus, salutáris noster: * et avérte iram tuam a nobis.
Numquid in aetérnum irascéris nobis ? * aut exténdes iram tuam a generatióne in generatióne ?
Deus, tu convérsus vivificábis nos: * et plebs tua laetábitur in te.
Osténde nobis, Dómine, misericórdiam tuam: * et salutáre tuum da nobis.
Audiam quid loquátur in me Dóminus Deus: * quóniam loquétur pacem in plebem suam.
Et super sanctos suos: * et in eos qui convertúntur ad cor.
Verúmtamen prope timéntes eum salutáre ipsíus: * ut inhábitet glória in terra nostra.
Misericórdia, et véritas obviavérunt sibi: * justítia et pax osculátae sunt.
Véritas de terra orta est: * et justítia de caelo prospéxit.
Etenim Dóminus dabit benignitátem: * et terra nostra dabit fructum suum.
Justítia ante eum ambulábit: * et ponet in via gressus suos.
Glória Patri.

Psalmus 85

INCLÍNA, Dómine, aurem tuam, et exáudi me: * quóniam inops, et pauper sum ego.
Custódi ánimam meam, quóniam sanctus sum: * salvum fac servum tuum, Deus meus, sperántem in te.
Miserére mei, Dómine, quóniam ad te clamávi tota die: * laetífica ánimam servi tui, quóniam ad te, Dómine, ánimam meam levávi.
Quóniam tu, Dómine, suávis, et mitis: * et multae misericórdiae ómnibus invocántibus te.
Auribus pércipe, Dómine, oratióne meam: * et inténde voci deprecatiónis meae.
In die tribulatiónis meae clamávi ad te: * quia exaudísti me.
Non est símilis tui in diis, Dómine: * et non est secúndum ópera tua.
Omnes Gentes quascúmque fecísti, vénient, et adorábunt coram te, Dómine: * et glorificábunt nomen tuum.
Quóniam magnus es tu, et fáciens mirabília: * tu es Deus solus.
Deduc me, Dómine, in via tua, et ingrédia in veritate tua: * laetétur cor meum ut tímeat nomen tuum.
Confitébor tibi, Dómine, Deus meus, in toto corde meo, * et glorificábo nomen tuum in aetérnum:
Quia misericórdia tua magna est super me: * et eruísti ánimam meam ex inférno inferióri.
Deus, iníqui insurrexérunt super me, et synagóga poténtium quaesiérunt ánimam meam: * et non proposuérunt te in conspéctu suo.
Et tu, Dómine, Deus miserátor et miséricors, * pátiens, et multae misericórdiae, et verax.
Réspice in me, et miserére mei, * da impérium tuum púero tuo: et salvum fac fílium ancillae tuae.
Fac mecum signum in bónum, ut vídeant qui odérunt me, et confundántur: * quóniam tu, Dómine, adjuvísti me, et consolátus es me.
Glória Patri.

Psalmus 115

CRÉDIDI, propter quod locútus sum: * ego autem humiliátus sum nimis.
Ego dixi in excéssu meo: * Omnis homo mendax.
Quid retribuam Dómino, * pro ómnibus, quae retribuit mihi ?
Cálicem salutáris accípiam: * et nomen Dómini invocábo.
Vota mea Dómino reddam coram omni pópulo ejus: * pretiósá in conspéctu Dómini mors sanctórum ejus:
O Dómine, quia ego servus tuus: * ego servus tuus, et fílius ancillae tuae.
Dirupísti víncula mea: * tibi sacrificábo hóstiam laudis, et nomen Dómini invocábo.
Vota mea Dómino reddam in conspéctu omnis pópuli ejus: * in átriis domus Dómini, in médio tui, Jerúsalem.
Glória Patri.

Psalmus 129

DE profúndis clamávi ad te, Dómine: * Dómine, exáudi vocem meam:
Fiant aures tuae intendéntes, * in vocem deprecatiónis meae.
Si iniquitátes observáveris, Dómine: * Dómine, quis sustinébit ?
Quia apud te propitiatio est: * et propter legem tuam sustínui te, Dómine.
Sustínuit ánima mea in verbo ejus: * sperávit ánima mea in Dómino.
A custódia matutína usque ad noctem: * speret Israél in Dómino.
Quia apud Dóminum misericórdia: * et copiósá apud eum redéemptio.
Et ipse rédimet Israél, * ex ómnibus iniquitátibus ejus.
Glória Patri.

Deinde repetitur:

Ant. Ne reminiscáris, Dómine, delícta nostra vel paréntum nostrórum, neque vindíctam sumas de peccátis nostris. (T. P. Allelúja.)

Postea Sacerdos dicit:

Kýrie, eléison. Christe, eléison. Kýrie, eléison.
Pater noster.

V/. Et ne nos indúcas in tentatiónem.

R/. Sed líbera nos a malo.

V/. Ego dixi: Dómine, miserére mei.

R/. Sana ánimam meam, quia peccávi tibi.

V/. Convértere, Dómine, aliquántulum.

R/. Et deprecáre super servos tuos.

V/. Fiat misericórdia tua, Dómine, super nos.

R/. Quemádmodum sperávimus in te.

V/. Sacerdótes tui induántur justítiam.

R/. Et Sancti tui exsúltent.

V/. Ab occúltis meis munda me, Dómine.

R/. Et ab aliénis parce servo tuo.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus.

AURES tuae pietátis, mitíssime Deus, inclína précibus nostris, et grátia Sancti Spíritus illúmina cor nostrum: ut tuis mystériis digne ministráre, teque aetérna caritáte dilígere mereámur.

DEUS, cui omne cor patet et omnis volúntas lóquitur, et quem nullum latet secrétum: purífica per infusiónem Sancti Spíritus cogitatiónes cordis nostri ; ut te perfécte dilígere, et digne laudáre mereámur.

URE igne Sancti Spíritus renes nostros et cor nostrum, Dómine: ut tibi casto córpore serviámus, et mundo corde placeámus.

MENTES nostras, quaésumus, Dómine, Paráclitus, qui a te procedit, illúminet: et indúcat in omnem, sicut tuus promísit Fílius, veritátem.

ADSIT nobis, quaésumus, Dómine, virtus Spíritus Sancti: quae et corda nostra cleménter expúrget, et ab ómnibus tueátur advérsis.

DEUS, qui corda fidélium Sancti Spíritus illustratióne docuísti: da nobis in eódem Spírítu recta sápere ; et de ejus semper consolatióne gaudére.

CONSCIÉNTIAS nostras, quaésumus, Dómine, visitádo purífica: ut véniens Dóminus noster Jesus Christus, Fílius tuus, parátam sibi in nobis invéniat mansiónem: Qui tecum vivit et regnat in unitáte Spíritus Sancti, Deus, per ómnia saécula saeculórum. Amen.

Oratio Sacerdotis ante Missam

Indulgentia trium annorum pro qualibet ex sequentibus orationibus, si in die assignata recitetur. Pius Pp. XI, 3 Octobris 1936.

Die Dominica

SUMME Sacérdos et vere Póntifex, qui te obtulísti Deo Patri hóstiam puram et immaculátam in ara crucis pro nobis míseris peccatóribus, qui dedísti nobis carnem tuam ad manducándum et sánguinem tuum ad bibéndum, et posuísti mystérium istud in virtúte Spíritus Sancti tui, dicens: Haec quotiescúmque fecéritis in mei memóriam faciétis, rogo per sánguinem tuum pretiósum, magnum salútis nostrae prétium, rogo per hanc miram et inenarrábilem caritátem, qua nos míseros et indígnos sic amáre dignátus es, ut laváres nos a peccátis nostris in ságuine tuo. Doce me indígnum servum tuum, quem inter cétera dona tua étiam ad offíciú sacerdotále vocáre dignátus es, nullis meis méritis, sed sola dignatióne misericórdiae tuae ; doce me, quaeso, per Spírítum Sanctum tuum tantum tractáre mystérium ea reveréntia et honóre, ea devotióne et timóre, quibus opórtet et decet. Fac me per grátiam tuam semper illud de tanto mystério crédere et intellígere, sentíre et fírmiter retinére, dícere et cogitáre quod tibi placet et expedit ánimae meae. Intret Spírítus tuus bonus in cor meum, qui sonet ibi sine sono et sine strépitu verbórum ; loquátur omnem

veritatem tantorum mysteriorum. Profunda quippe sunt nimis et sacro tecta velamine. Propter magnam clementiam tuam concede mihi Missarum solennia puro corde et munda mente celebrare. Libera cor meum ab immundis et nefandis, vanis et noxiis cogitationibus. Muni me beatorum Angelorum pia et fida custodia atque fortissima tutela, ut hostes omnium bonorum confusi discendant. Per virtutem tanti mysterii, et per manum sancti Angeli tui, repelle a me et a cunctis servis tuis durissimum spiritum superbiae et cenodoxiae, invidiae et blasphemiae, fornicationis et immunditiae, dubietatis et diffidentiae. Confundantur qui nos persequuntur, pereant illi qui qui perdere cuncta festinant.

Feria Secunda

REX virginum, amator castitatis et integritatis, Deus, caelesti rore benedictionis tuae exstingue in corpore meo totum fontem ardentis libidinis, ut maneat in me tenor totius castitatis corporis et animae. Mortifica in membris meis carnis stimulos omnesque libidinosas commotiones, et da mihi veram et perpetuam castitatem, cum ceteris bonis tuis, quae tibi placent in veritate; ut sacrificium laudis casto corpore et mundo corde quotidie valeam tibi offerre. Quanta enim cordis contritione et lacrimarum fonte, quanta reverentia et tremore, quanta corporis castitate et animae puritate istud divinum et caeleste sacrificium est celebrandum, Domine, ubi caro tua in veritate sumitur, ubi sanguis tuus in veritate bibit, ubi ima summis junguntur, ubi adest sanctorum praesentia Angelorum, ubi tu es sacerdos et sacrificium mirabiliter et ineffabiliter constitutus.

Feria Tertia

QUIS digne hoc sacrificium celebrare potest, nisi tu, omnipotens Deus, offerentem feceris, dignum? Scio, Domine, et vere scio, et id ipsum bonitati tuae confiteor quod non sum dignus accedere ad tantum mysterium propter nimia peccata et infinitas negligentias meas. Sed scio, et veraciter credo, ex toto corde meo credo, ore confiteor, quia tu potes me facere dignum, qui solus potes facere mundum de immundo conceptum semine, et de peccatoribus justos facis et sanctos. Per hanc omnipotentiam tuam, te rogo, concede mihi peccatori hoc caeleste sacrificium celebrare cum timore et tremore, cum cordis puritate et lacrimarum fonte, cum laetitia spiritali et caelesti gaudio. Sentiat mens mea dulcedinem beatissimae praesentiae tuae, et excubias sanctorum Angelorum tuorum in circuitu meo.

Feria Quarta

EGO enim, Domine, memor venerandae passionis tuae, accedo ad altare tuum, licet peccator, ut offeram tibi sacrificium, quod tu instituisti et offerri praecepisti in commemoratione tua pro salute nostra. Suscipe ego illud, quaeso, summe Deus, pro Ecclesia tua sancta, pro populo tuo quem acquisisti sanguine tuo. Et quoniam me peccatorem inter te et eundem populum tuum, medium esse voluisti, licet in me boni operis testimonium non agnoscas, officium saltem dispensationis creditae non recuses; nec, per me indignum, eorum salutis pereat pretium, pro quibus victima factus salutaris dignatus es esse redemptio. Profero ergo, Domine, si digneris propitius intueri, tribulationes plebium, pericula populorum, captivorum gemitus, miserias orphanorum, necessitates peregrinorum, inopiam debilium, desperationes languentium, defectus senum, suspiria juvenum, vota virginum, lamenta viduarum.

Feria Quinta

TU enim misereris omnium, Domine, et nihil odisti eorum quae fecisti. Memorare quae sit nostra substantia, quia tu Pater noster es, quia tu Deus noster es, ne irascaris satis, neque multitudinem viscerum tuorum super nos contineas. Non enim in justificationibus nostris prosternimus preces ante faciem tuam, sed in miserationibus tuis multis. Aufer a nobis, Domine, iniquitates nostras et ignem Sancti Spiritus in nobis clementer accende. Aufer cor lapideum de carne nostra et da nobis cor carneum, quod te timeat, te amet, te diligat, te delectetur, te sequatur, te perfruatur. Oramus, Domine, clementiam tuam, ut sereno familiam tuam, sacri tui nominis officia praestolantem, aspicere digneris vultu; et, ut nullius sit irritum votum, nullius vacua supplicatio, tu nobis preces suggere, quas ipse audire propitius et exaudire delecteris.

Feria Sexta

ROGAMUS te etiam, Pater sancte, et pro spiritibus fidelium defunctorum, ut sit illis salus, sanitas, gaudium et refrigerium hoc magnum pietatis sacramentum. Deus meus, sit illis hodie magnum et plenum convivium de te pane vivo, qui de caelo descendisti et das vitam mundo, de tua carne sancta et benedicta, Agni videlicet immaculati, qui tollit peccata mundi, quae de sancto et glorioso beatae Virginis Mariae utero est assumpta et de Spiritu Sancto concepta; de illo, inquam, pietatis fonte, qui per lanceam militis ex tuo sanctissimo latere emanavit: ut exinde satiati, refrigerati, refecti et consolati, exultent in laude et gloria tua. Peto clementiam tuam, ut descendat super panem et calicem plenitudo tuae benedictionis, et sanctificatio tuae divinitatis. Descendat etiam, Domine, illa Sancti Spiritus tui invisibilis incomprehensibilisque majestas, sicut quondam in patrum hostias descendebat; qui et oblationes nostras corpus et sanguinem tuum efficiat, et me indignum sacerdotem tuum doceat tantum tractare mysterium cum cordis puritate et lacrimarum fonte, cum reverentia et tremore, ita ut placide et benigne suscipias sacrificium de manibus meis, ad salutem omnium tam vivorum quam et defunctorum.

Sabbato

ROGO te, Dómine, per ipsum sacrosánctum mystérium córporis et sánguinis tui, quo quotidie in Ecclésia tua páscimur et potámur, ablúimur et sanctificámur, atque unius summae divinitátis partícipes effícimur. Da mihi virtútes tuas sanctas, quibus replétus bona consciéntia ad altáre tuum accédam, ita ut haec caeléstia sacraménta efficiántur mihi salus et vita. Tu enim dixísti ore tuo sancto et benedícto: Panis quem ego dabo, caro mea est pro mundi vita. Qui mandúcat me vivit propter me. Ipse manet in me et ego in eo. Ego sum panis vivus, qui de caelo descéndi. Si quis manducáverit ex hoc pane, vivet in aetérnum. Panis dulcíssime, sana palátum cordis mei, ut séntiam suavitétem amóris tui. Sana eum ab omni languóre, ut nullam praeter te séntiam dulcédinem, nullum praeter te quaeram amórem, nullam praeter te amem pulchritúdinem. Panis candidíssime, habens omne delectaméntum et omnem sapórem, qui nos semper réficis et in te numquam déficis, cómedat te cor meum, et dulcédine sapóris tui repleántur víscera ánimae meae. Mandúcat te Angelus pleno ore: mandúcet te peregrínus homo pro módulo suo, ne defícere possit in via, tali recreátus viático. Panis sancte, panis vive, panis pulcher, panis munde, qui descendísti de caelo et das vitam mundo, veni in cor meum, et munda me ab omni inquinaménto carnis et spíritus. Intra in ánimam meam. Sana et sanctífica me intérius et extérius. Esto tutámen et contínua salus ánimae et córporis mei. Repélle a me insidiántes mihi hostes. Recédant procul a poténtia praeséntiae tuae, ut, foris et intus munítus per te recto trámite ad regnum tuum pervéniam, ubi non in mystériis, sicut in hoc témpore ágitur, sed fácie ad fáciem te vidébimus, cum tradideris regnum Deo et Patri, et Deus eris ómnia in ómnibus. Tunc enim me de te satiábis satietáte mirífica, ita ut neque esúriam, neque sítiam in aetérnum. Amen.

Oratio S. Ambrosii ante Missam

Indulgentia trium annorum. Pius Pp. XI, 3 Octobris 1936.

AD mensam dulcíssimi convívii tui, pie Dómine Jesu Christe, ego peccátor de própriis meis méritis nihil praesúmens, sed de tua confídens misericórdia et bonitáte, accédere véreor et contremísco. Nam cor et corpus hábeo multis crimínibus maculátum, mentem et linguam non caute custodítam. Ergo, o pia Déitas, o treménda majéstas, ego miser, inter angústias deprehénsus, ad te fontem misericórdiae recúrro, ad te festíno sanándus, sub tuam protectiónem fúgio ; et, quem júdicem sustinére néqueo, salvatórem habére suspíro. Tibi, Dómine, plagas meas osténdo, tibi verecúndiam meam détego. Scio peccáta mea multa et magna, pro quibus tímeo: spero in misericórdias tuas, quarum non est número. Réspice ergo in me óculis misericórdiae tuae, Dómine Jesu Christe, Rex aetérne, Deus et homo, crucifíxus propter hóminem. Exáudi me sperántem in te: miserére mei pleni misériis et peccátis, tu qui fontem miseratiónis numquam manáre cessábis. Salve, salutáris víctima, pro me et omni humáno gènere in patíbulo crucis obláta. Salve, nóbilis et pretióse sanguis, de vulnéribus crucifíxi Dómini mei Jesu Christi prófluens, et peccáta totíus mundi ábluens. Recordáre, Dómine, creatúrae tuae, quam tuo sáanguine redemísti. Paénitet me peccásse, cúpío emendáre quod feci. Aufer ergo a me, clementíssime Pater, omnes iniquitátes et peccáta mea ; ut, purificátus mente et córpore, digne degustáre mérear Sancta sanctorum. Et concéde, ut haec sancta praelibátio córporis et sánguinis tui, quam ego indígnus súmere inténdo, sit peccatórum meórum remíssio, sit delictórum perfécta purgátio, sit túrpium cogitatiónum effugátio ac bonórum sénsuum regenerátio, operúmque tibi placéntium salúbris effícícia, ánimae quoque et córporis contra inimicórum meórum insídias firmíssima tuítio. Amen.

Oratio S. Thomae Aquinatis

Indulgentia trium annorum ; plenaria, dummodo quotidiana orationis recitatio in integrum mensem producta fuerit, et praeterea sacramentalis confessio, alicujus ecclesiae vel publici oratorii visitatio et ad mentem Summi Pontificis preces additae fuerint. Pius Pp. XI, 10 Decembris 1936.

OMNÍPOTENS sempitérne Deus, ecce accédo ad sacraméntum unigéniti Fílii tui, Dómini nostri Jesu Christi ; accédo tamquam infirmus ad médicum vitae, immúndus ad fontem misericórdiae, caecus ad lumen claritátis aetérnae, pauper et egénus ad Dóminum caeli et terrae. Rogo ergo imménsae largitátis tuae abundántiam, quátenus meam curáre dignéris infirmitátem, laváre foeditátem, illumináre caecitátem, ditáre paupertátem, vestíre nuditátem ; ut panem Angelórum, Regem regum et Dóminum dominántium, tanta suscípam reveréntia et humilitáte, tanta contritióne et devotióne, tanta puritáte et fide, tali propósito et intentiáne, sicut éxpedit salutí ánimae meae. Da mihi, quaeso, Dóminici córporis et sánguinis non solum suscípere sacraméntum, sed étiam rem et virtútem sacraménti. O mitíssime Deus, da mihi corpus unigéniti Fílii tui, Dómini nostri, Jesu Christi, quod traxit de Vírgine María, sic suscípere, ut córpori suo mystico mérear incorporári, et inter ejus membra connumerári. O amantíssime Pater, concéde mihi diléctum Fílium tuum, quem nunc velátum in via suscípere propóno, reveláta tandem fácie perpétuo contemplári: Qui tecum vivit et regnat in unitáte Spíritus Sancti Deus, per ómnia saécula saeculórum. Amen.

Oratio ad B. Mariam Virg. ante Missam

Indulgentia trium annorum. Pius Pp. XI, 3 Octobris 1936.

O MATER pietátis et misericórdiae, beatíssima Virgo María, ego miser et indignus peccátor ad te confúgio toto corde et afféctu ; et precor pietátem tuam, ut, sicut dulcíssimo Fílio tuo in cruce pendénti astitísti, ita et mihi, mísero peccatóri, et sacerdotibus ómnibus, hic et in tota sancta Ecclésia hódie offeréntibus, cleménte assístere dignéris, ut, tua grátia adjúti, dignam et acceptábilem hóstiam in conspéctu summae et indivíduae Trinitátis offerre valeámus. Amen.

Preces ad S. Joseph

Indulgentia trium annorum. Pius Pp. XI, 3 Octobris 1936.

O FELÍCEM virum, beátum Joseph, cui datum est Deum, quem multi reges voluerunt vidére et non vidérunt, audíre et non audíerunt, non solum vidére et audíre, sed portáre, deosculári, vestíre et custodíre !
V/. Ora pro nobis, beáte Joseph.
R/. Ut digni efficiámur promissionibus Christi.

Orémus

DEUS, qui dedísti nobis regále sacerdotium: praesta, quaesumus ; ut, sicut beátus Joseph unigénitum Fílium tuum, natum ex María Vírgine, suis mánibus reverénte tractáre méruit et portáre, ita nos fácias cum cordis mundítia et óperis innocéntia tuis sanctis altáribus deservíre, ut sacrosánctum Fílii tui corpus et ságuinem hódie digne sumámus, et in futúro saéculo praémium habére mereámur aetérnum. Per eúdem Christum Dóminum nostrum. Amen.

Oratio ad omnes Angelos et Sanctos

Indulgentia trium annorum. Pius Pp. XI, 3 Octobris 1936.

ANGELI, Archángeli, Throni, Dominatiónes, Principátus, Potestátes, Virtútes caelórum, Chérubim atque Séraphim, omnes Sancti et Sanctae Dei, praesértim Patróni mei, intercédere dignémini pro me, ut hoc sacrificium Deo omnipoténti digne váleam offerre, ad laudem et glóriam nóminis sui et ad utilitátem meam totiúsque Ecclésiae suae sanctae. Amen.

Oratio ad Sanctum in cujus honorem Missa celebratur

Indulgentia trium annorum. Pius Pp. XI, 3 Octobris 1936.

O SANCTE N., ecce ego miser peccátor, de tuis méritis confísus, offero nunc sacratíssimum sacraméntum córporis et ságuinis Dómini nostri Jesu Christi pro tuo honóre et glória. Precor te humíliter et devóte, ut pro me hódie intercédere dignéris, ut tantum sacrificium digne et acceptábiliter offerre váleam, ut eum tecum et cum ómnibus eléctis ejus aeternáliter laudáre, atque cum eo regnáre váleam: Qui vivit et regnat in saécula saeculórum. Amen.

Formula intentionis ante Missam

Indulgentia quingentorum dierum. Pius Pp. XI, 12 Julii 1935.

EGO volo celebráre Missam, et confícere corpus et ságuinem Dómini nostri Jesu Christi, juxta ritum sanctae Románae Ecclésiae, ad laudem omnipoténtis Dei totiúsque Cúriae triumphántis, ad utilitátem meam totiúsque Cúriae militántis, pro ómnibus qui se commendavérunt orationibus meis, in génere et in spécie, et pro felíci statu sanctae Románae Ecclésiae. Amen.

GÁUDIUM cum pace, ememdatiónem vitae, spátium verae paeniténtiae, grátiam et consolatióem Sancti Spíritus, perseverántiam in bonis opéribus, tríbuat nobis omnípotens et miséricors Dóminus. Amen.

ORATIONES DICENDAE CUM SACERDOS INDUITUR SACERDOTALIBUS PARAMENTIS

Indulgentia centum dierum pro singulis orationibus. Pius Pp. XII, 14 Januarii 1940.

Cum lavat manus, dicat:

DA, Dómine, virtútem mánibus meis ad abstergéndam omnem máculam ; ut sine pollutióne mentis et córporis váleam tibi servíre.

Ad Amictum, dum ponitur super caput, dicat:

IMPÓNE, Dómine, cápiti meo gáleam salútis, ad expugnándos diabólicos incúrsus.

Ad Albam, cum ea induitur:

DEÁLBA me, Dómine, et munda cor meum ; ut, in ságuine Agni dealbátus, gáudiis pérfruar sempitérnis.

Ad Cingulum, dum se cingit:

PRAECÍNGE me, Dómine, cingulo puritátis, et exstíngue in lumbis meis humórem libídinis ; ut máneat in me virtus continéntiae et castitátis.

Ad Manipulum, dum imponitur brachio sinistro:

MÉREAR, Dómine, portáre manípulum fletus et dolóris ; ut cum exsultatióne recípiam mercédem labóris.

Ad Stolum, dum imponitur collo:

REDDE mihi, Dómine, stolam immortalitátis quam pérdidi in praevaricatióne primi paréntis: et, quamvis indignus accédo ad tuum sacrum mystérium, mérear tamen gáudium sempitérnium.

Ad Casulam, cum assumitur:

DÓMINE, qui dixísti: Jugum meum suáve est et onus meum leve: fac, ut istud portáre sic váleam, quod cónsequar tuam grátiam. Amen.

ORATIONES
DICENDAE AB EPISCOPO
QUANDO IN PONTIFICALIBUS CELEBRAT

Indulgentia centum dierum pro singulis orationibus. Pius Pp. XII, 14 Januarii 1940.

Ad Caligas:

CÁLCEA, Dómine, pedes meos in praeparatiónem evangéllii pacis, et prótege me in velaménto alárum tuárum.

Cum exuitur Cappa:

EXUE me, Dómine, véterem hóminem cum móribus et áctibus suis: et índue me novum hóminem, qui secúndum Deum creátus est in justítia, et sanctitáte veritátis.

Cum lavat manus:

DA, Dómine, virtútem mánibus meis ad abstergéndam omnem máculam immúndam ; ut sine pollutióne mentis et córporis váleam tibi servíre.

Ad Amictum:

IMPÓNE, Dómine, gáleam salútis in cápite meo ad expugnándas omnes diabólicas fraudes, inimicórum ómnium versútias superándo.

Ad Albam:

DEÁLBA me, Dómine, et a delícto meo munda me: ut cum his, qui stolas suas dealbavérunt in ságuine Agni, gáudiis pérfruar sempitérnis.

Ad Cingulum:

PRAECÍNGE me, Dómine, cingulo fidei et virtúte castitátis lumbos meos, et exstíngue in eis humórem libídinis ; ut júgiter máneat in me vigor totíus castitátis.

Cum accipit Crucem pectoralem:

MUNÍRE dignéris me, Dómine Jesu Christe, ab ómnibus insídiis inimicórum ómnium, signo sanctíssimae Crucis tuae: ac concédere dignéris mihi indigno servo tuo, ut sicut hanc Crucem, Sanctórum tuórum reliquiis refértam, ante pectus meum téneo, sic semper mente retíneam et memóriam passiónis, et sanctórum victórias Mártýrum.

Ad Stolum:

REDDE mihi, Dómine, óbsecro, stolam immortalitátis, quam pérdidi in praevaricatióne primi paréntis: et, quamvis indignus accédere praesúmo ad tuum sacrum mystérium cum hoc ornaménto, praesta, ut in eódem in perpétuum mérear laetári.

Ad Tunicellam:

TÚNICA jucunditátis et induménto laetítiae índuat me Dóminus.

Ad Dalmaticam:

INDUE me, Dómine, induménto salútis et vestiménto laetítiae ; et dalmática justítiae circúmda me semper.

Ad Chirothecas:

CIRCÚMDA, Dómine, manus meas mundítia novi hómínis, qui de caelo descéndit: ut, quemádmódu Jacob diléctus tuus, pellículis hoedórum opértis mánibus, patérnam benedictiónem, obláto patri cibo potúque gratíssimo, impetrávit ; sic et obláta per manus nostras salutáris hóstia, grátiae tuae benedictiónem mérear. Per Dóminum nostrum Jesum Christum Fílium tuum, qui in similitúdinem carnis peccáti pro nobis obtulit semetípsum.

Ad Planetam:

DÓMINE, qui dixísti: Jugum meum suáve est et onus meum leve: praesta, ut illud portáre sic váleam, quod possim cónsequi tuam grátiam.

Ad Mitram:

MITRAM, Dómine, et salútis gáleam impóne cápiti meo ; ut contra antíqui hostis omniúmque inimicórum meórum insídias inoffénsus evádam.

Ad Anulum:

CORDIS et córporis mei, Dómine, dígitos virtúte decóra, et septifórmis Spíritus sanctificatióne circúmda.

Ad Manipulum:

MÉREAR, precor, Dómine, manípulum portáre mente flébili ; ut cum exsultatióne portióne accípiam cum justis.

ORATIONES
DICENDAE AB EPISCOPO
QUANDO PRIVATE CELEBRAT

Indulgentia centum dierum pro singulis orationibus. Pius Pp. XII, 14 Januarii 1940.

Cum exuitur Cappa:

EXUE me, Dómine, véterem hómínem cum móribus et áctibus suis: et índue me novum hómínem, qui secúndum Deum créatus est in justítia, et sanctitáte veritátis.

Cum manus lavat:

DA, Dómine, virtútem mánibus meis ad abstergéndam omnem máculam immúdam ; ut sine pollutióne mentis et córporis váleam tibi servíre.

Ad Amictum:

IMPÓNE, Dómine, cápiti meo gáleam salútis ad expugnándos diabólicos incúrsus.

Ad Albam:

DEÁLBA me, Dómine, et munda cor meum ; ut in ságuine Agni dealbátus, gáudiis pérfruar sempitérnis.

Ad Cingulum:

PRAECÍNGE me, Dómine, cíngulo puritátis, et exstíngue in lumbis meis humórem libídinis ; ut máneat in me virtus continéntiae et castitátis.

Cum accipit Crucem pectoralem:

MUNÍRE dignéris me, Dómine Jesu Christe, ab ómnibus insídiis inimicórum ómnium, signo sanctíssimae Crucis tuae: ac concédere dignéris mihi indigno servo tuo, ut sicut hanc Crucem, Sanctórum tuórum reliquiis refértam, ante pectus meum téneo, sic semper mente retíneam et memóriam passiónis, et sanctórum victóriás Mártýrum.

Ad Stolum:

REDDE mihi, Dómine, óbsecro, stolam immortalitátis, quam pérdidi in praevaricatióne primi paréntis ; et, quamvis indignus accédere praesúmo ad tuum sacrum mystérium cum hoc ornamento, praesta, ut in eódem in perpétuum mérear laetári.

Ad Planetam:

DÓMINE, qui dixisti: Jugum meum suáve est, et onus meum leve: praesta, ut illud portáre sic váleam, quod possim cónsequi tuam grátiam.

Ad Manipulum:

MÉREAR, precor, Dómine, manípulum portáre mente flébili ; ut cum exsultatióne portiónem accípiam cum justis.

GRATIARUM ACTIO POST MISSAM

Quilibet Sacerdos, ex concessione Pii Pp. XI sub die 3 Octobris 1936, lucrari potest: Indulgentiam quinque annorum, si, post Missam celebratam, recitet Canticum Trium puerorum et Psalmum 150 cum adnexa Antiphona, Versiculis et Orémus, ut infra ; plenariam, si per integrum mensem praedictas preces quotidie recitaverit, accedente sacramentali confessione et oratione ad mentem Summi Pontificis.

Ant. Trium puerórum * cantémus hymnum, quem cantábant sancti in camíno ignis, benedicétes Dóminum. (T. P. Allelúja.)

Quae Antiphona in Duplicibus tantum duplicatur.

Canticum trium Puerorum Dan. 3, 57-88 et 56

BENEDÍCITE, ómnia ópera Dómini, Dómino: * laudáte et superexaltáte eum in saécula.

Benedícite, Angeli Dómini, Dómino: * benedícite, caeli, Dómino.

Benedícite, aquae omnes, quae super caelos sunt, Dómino: * benedícite, omnes virtútes Dómini, Dómino.

Benedícite, sol et luna, Dómino: * benedícite, stellae caeli, Dómino.

Benedícite, omnis imber et ros, Dómino: * benedícite, omnes spíritus Dei, Dómino.

Benedícite, ignis et aestus, Dómino: * benedícite, frigus et aestus, Dómino.

Benedícite, rores et pruína, Dómino: * benedícite, gelu et frigus, Dómino.

Benedícite, glácies et nives, Dómino: * benedícite, noctes et dies, Dómino.

Benedícite, lux et ténebrae, Dómino: * benedícite, fúlgura et nubes, Dómino.

Benedícat terra Dóminum: * laudet et superexáltet eum in saécula.

Benedícite, montes et colles, Dómino: * benedícite, univérsa germinántia in terra, Dómino.

Benedícite, fontes, Dómino: * benedícite, mária et flúmina, Dómino.

Benedícite, cete, et ómnia, quae movéntur in aquis, Dómino: * benedícite, omnes vólucres caeli, Dómino.

Benedícite, omnes béstiae et pécora, Dómino: * benedícite, filii hóminum, Dómino.

Benedícat Israël Dóminum: * laudet et superexáltet eum in saécula.

Benedícite, sacerdótes Dómini, Dómino: * benedícite, servi Dómini, Dómino.

Benedícite, spíritus et ánimae justórum, Dómino: * benedícite, sancti et húmiles corde, Dómino.

Benedícite, Ananía, Azaría, Mísaël, Dómino: * laudáte et superexaltáte eum in saécula.

Benedicámus, Patrem et Fílium cum Sancto Spíritu: * laudémus et superexaltémus eum in saécula.

Benedíctus es, Dómine, in firmaménto caeli, * et laudábilis, et gloriósus, et superexaltátus in saécula.

* Hic non dicitur Glória Patri, neque Amen.

Psalmus 150

LAUDÁTE Dóminum in sanctis ejus: * laudáte eum in firmaménto virtútis ejus.

Laudáte eum in virtútibus ejus: * laudáte eum secúndum multitudínem magnitúdinis ejus.

Laudáte eum in sono tubae: * laudáte eum in psaltério, et cíthara.

Laudáte eum in týmpano, et choro: * laudáte eum in chordis, et órgano.

Laudáte eum in cýmbalis benesonántibus: laudáte eum in cýmbalis jubilatiónis: * omnis spíritus laudet Dóminum.
Glória Patri.

Ant. Trium puerórum cantémus hymnum, quem cantábant sancti in camíno ignis, benedicétes Dóminum. (T. P. Allelúja.)

Postea Sacerdos dicit:

Kýrie, eléison. Christe, eléison. Kýrie, eléison.

Pater noster.

V/. Et ne nos indúcas in tentatiónem.

R/. Sed libera nos a malo.
V/. Confiteántur tibi, Dómine, ómnia ópera tua.
R/. Et sancti tui benedicánt tibi.
V/. Exsultábunt sancti in glória.
R/. Laetabúntur in cubílibus suis.
V/. Non nobis, Dómine, non nobis.
R/. Sed nómini tuo da glóriam.
V/. Dómine, exáudi oratiónem meam.
R/. Et clamor meus ad te véniat.
V/. Dóminus vobíscum.
R/. Et cum spírítu tuo.

Orémus.

DEUS, qui tribus púeris mitigásti flammam ígnium: concéde propítius ; ut nos fámulos tuos non exúrat flamma vitiorum.

ACTIÓNES nostras, quaesumus, Dómine, aspirándo praéveni, et adjuvándo proséquere: ut cuncta nostra orátio et operátio a te semper incípiat, et per te coepta finiátur.

DA nobis, quae sumus, Dómine, vitiorum nostrorum flammam exstinguere: qui beáto Lauréntio tribuísti tormentorum suorum incéndia superáre. Per Christum Dóminum nostrum. R/. Amen.

ORATIONES

PRO OPPORTUNITATE SACERDOTIS DICENDAE

Oratio S. Thomae Aquinatis

Indulgentia trium annorum ; plenaria, oratione quotidie in integrum mensem pie reiterata et additis sacramentali confessione, alicujus ecclesiae vel publici oratorii visitatione et precibus ad Summi Pontificis mentem. Pius Pp. XI, 22 Novembris 1934.

GRÁTIAS tibi ago, Dómine sancte, Pater omnípotens, aetérne Deus, qui me peccatórem, indígnum fámulum tuum, nullis meis méritis, sed sola dignatióne misericórdiae tuae satiáre dignátus es pretiósó corpore et sanguíne Filii tui, Dómini nostri, Jesu Christi. Et precor, ut haec sancta commúnio non sit mihi reátus ad poenam, sed intercésio salutáris ad véniam. Sit mihi armátura fidei, et scutum bonae voluntátis. Sit vitiorum meórum evacuátio, concupiscéntiae et libídinis exterminátio, caritátis et paciéntiae, humilitátis et obediéntiae, omniúmque virtutum augmentátio: contra insídias inimicórum ómnium, tam visibílium quam invisibílium, firma defénsio: mótuum meórum, tam carnálium quam spirituálium, perfécta quietátio: in te uno ac vero Deo firma adhaésio ; atque finis mei felix consummátio. Et precor te ut ad illud ineffábile convívium me peccatórem perdúcere dignéris, ubi tu, cum Filio tuo et Spírítu Sancto, sanctis tuis es lux vera, satiétas plena, gáudium sempitérnum, jucúnditas consummáta et felicitas perfécta. Per eúmdem Christum Dóminum nostrum. Amen.

Alia Oratio

Indulgentia trium annorum. Pius Pp. XI, 3 Octobris 1936.

TRANSFÍGE, dulcíssime Dómine Jesu, medúllas et víscera ánima meae suavíssimo ac salubérrimo amóris tui vúlnerem, vera serenáque et apostólica sanctíssima caritáte, ut lángueat et liquefiat ánima mea solo semper amóre et desidério tui ; te concupíscat et deficiat in átria tua, cúpiat dissólvi et esse tecum. Da ut ánima mea te esúriat, panem Angelórum, refectiÓNem animárum sanctárum ; panem nostrum quotidiánum, supersubstantiálem, habéntem omnem dulcédinem et sapórem et omne delectaméntum suavitátis. Te, in quem desidérant Angeli prospícere, semper esúriat et cómedat cor meum, et dulcédine sapóris tui repléántur víscera ánima meae ; te semper sítiat fontem vitae, fontem sapiéntiae et sciéntiae, fontem aetérni lúminis, torréntem voluptátis, ubertátem domus Dei. Te semper ámbiat, te quaerat, te invéniat, ad te tendat, ad te pervéniat, te meditétur, te loquátur, et ómnia operétur in laudem et glóriam nóminis tui, cum humilitáte et discretiÓne, cum dilectiÓne, et delectatiÓne, cum facilitáte et afféctu, cum perseverántia usque in finem ; ut tu sis solus semper spes mea, tota fidúcia mea, divítiae meae, delectatiÓne mea, jucúnditas mea, gáudium meum, quies et tranquillitas mea, pax mea, suavitas mea, odor meus, dulcédine mea, cibus meus, refectio mea, refúgium meum, auxiliúm meum, sapiéntia mea, pórtio mea, posséssio mea, thesáurus meus, in quo fixa et firma et immobiliter semper sit radicáta mens mea et cor meum. Amen.

Rhythmus Sancti Thomae Aquinatis

Indulgentia quinque annorum toties quoties ; septem annorum, si rhythmus vel ejusdem postrema tantum stropham coram Ssmo Eucharistiae Sacramento recitatus fuerit ; plenaria suetis conditionibus, quotidiana

rhythmi recitatione in integrum mensem producta. Pius Pp. XI, 12 Martii 1936 et Pius Pp. XII, 12 Julii 1941.

ADÓRO te devóte, latens Déitas,
Quae sub his figúris vere látitas:
Tibi se cor meum totum súbjicit,
Quia, te contémpans, totum déficit.

Visus, tactus, gustus in te fállitur,
Sed audítu solo tuto créditur:
Credo quidquid dixit Dei Fílius,
Nil hoc verbo Veritátis vérius.

In cruce latébat sola Déitas,
At hic latet simul et humánitas ;
Ambo tamen credens atque cónfitens,
Peto quod petívit latro poenitens.

Plagas, sicut Thomas, non intúeor,
Deum tamen meum te confíteor:
Fac me tibi semper magis crédere,
In te spem habére, te dilígere.

O memoriále mortis Dómini,
Panis vivus, vitam praestans hómini,
Praesta meae menti de te vívere
Et te illi semper dulce sápere.

Pie pellicáne, Jesu Dómine,
Me immúndum munda tuo ságuine,
Cujus una stilla salvum fácere
Totum mundum quit ab omni scélere.

Jesu, quem velátum nunc aspício,
Oro, fiat illud quod tam sítio ;
Ut, te reveláta cernens fácie,
Visu sim beátus tuae glóriæ. Amen.

Aspirationes ad Ssmum Redemptorem

Indulgentia septem annorum, si Sacerdos post Missam invocationes pie recitaverit ; trecentorum dierum toties quoties ; plenaria suetis conditionibus, dummodo quotidie per integrum mensem invocationum recitatio devote peracta fuerit. Pius Pp. IX, 9 Januarii 1854.

ANIMA Christi, sanctífica me. Corpus Christi, salve me. Sanguis Christi, inébria me. Aqua láteris Christi, lava me. Pássio Christi, confórta me. O bone Jesu, exáudi me. Intra tua vúlnera abscónde me. Ne permíttas me separári a te. Ab hoste maligno defénde me. In hora mortis meae voca me. Et jube me veníre ad te, ut cum sanctis tuis laudem te in saécula saeculórum. Amen.

Oblatio sui

Indulgentia trium annorum ; plenaria suetis conditionibus, si quotidie per integrum mensem actus oblationis devote recitatus fuerit. Pius Pp. XI, 4 Decembris 1932.

SÚSCIPE, Dómine, univérsam meam libertátem. Accipe memóriam, intelléctum atque voluntátem omnem. Quidquid hábeo vel possídeo, mihi largítus es: id tibi totum restítuo, ac tuae prorsus voluntáti trado gubernándum. Amórem tui solum cum grátia tua mihi dones, et dives sum satis, nec áliud quidquam ultra posco.

Oratio ad D. N. J. C. Crucifixum

Indulgentia decem annorum ; plenaria recitantibus post Missam coram Jesu Christi Crucifixi imagine et orantibus ad mentem Summi Pontificis. Pius Pp. XI, 2 Februarii 1934.

EN EGO, o bone et dulcíssime Jesu, ante conspéctum tuum génibus me provólvo, ac máximo ánimi ardóre te oro atque obtéstor, ut meum in cor vívidos fidei, spei et caritátis sensus, atque veram peccatórum meórum paeniténtiam, éaque emendándi firmíssimam voluntátem velis imprímere ; dum magno ánimi afféctu et dolóre tua quinque vúlnera mecum ipse consídero ac mente contémplo, illud prae óculis habens, quod jam in ore ponébat tuo David Prophéta de te, o bone Jesu: Fodérunt manus meas et pedes meos: dinumeravérunt ómnia ossa mea. Ps. 21, 17-18.

Alia Oratio

Indulgentia trium annorum. Pius Pp. IX, 11 Decembris 1846. Insuper hanc Orationem recitanti flexis genibus, nisi impediatur, conceditur remissio defectuum et culparum in celebratione Missae ex humana fragilitate contractarum. Pius Pp. X, 29 Augusti 1912.

OBSECRO te, dulcissime Dómine Jesu Christe, ut pássio tua sit mihi virtus, qua múniar, prótegar atque deféndar ; vúlnera tua sint mihi cibus potúsque, quibus pascar, inébrier atque delécter ; aspérsio sánguinis tui sit mihi ablútio ómnium delictórum meórum ; mors tua sit mihi vita indeficiens, crux tua sit mihi glória sempitérna. In his sit mihi reféctio, exsultátio, sánitas et dulcédo cordis mei: Qui vivis et regnas in saécula saeculórum. Amen.

Oratio ad B. Mariam Virginem

Indulgentia trium annorum. Pius Pp. XI, 3 Octobris 1936.

O MARÍA, Virgo et Mater sanctíssima, ecce suscépi dilectíssimum Fílium tuum, quem immaculáto útero tuo concepísti, genuísti, lactásti, atque suavíssimis ampléxibus strinxísti. Ecce, cujus aspéctu laetabáris et ómnibus delíciis replebáris, illum ipsum tibi humíliter et amánter repraesénto et óffero, tuis bráchiis constringéndum, tuo corde amándum, sanctíssimaéque Trinitáti in suprérum latríae cultum, pro tui ipsíus honóre et glória et pro meis totiúsque mundi necessitatibus, offeréndum. Rogo ergo te, piíssima Mater, ímpetra mihi véniam ómnium peccatórum meórum, uberémque grátiam ipsi deinceps fidélius serviéndo, ac dénique grátiam finálem, ut eum tecum laudáre possim per ómnia saécula saeculórum. Amen.

Oratio ad S. Joseph

Indulgentia trium annorum toties quoties ; septem annorum singulis mensis Martii diebus necnon qualibet anni feria quarta ; plenaria suetis conditionibus, oratione quotidie per integrum mensem pia mente iterata. Pius Pp. XI, 18 Maji 1936 et Pius Pp. XII, 10 Martii 1941.

VÍRGINUM custos et pater, sancte Joseph, cujus fidéli custódiæ ipsa Innocéntia Christus Jesus et Virgo vírginum María commíssa fuit ; te per hoc utrúmque caríssimum pignus Jesum et Mariám óbsecro et obtéstor, ut me, ab omni immundítia praeservátum, mente incontamináta, puro corde et casto córpore Jesu et Maríae semper fácias castíssime famulári. Amen.

Oratio ad Sanctum in cujus honorem Missa celebrata est

Indulgentia trium annorum. Pius Pp. XI, 3 Octobris 1936.

SANCTE N., in cujus honórem incruéntum córporis et sánguinis Christi sacrificium óbtuli, fac, tua poténti apud Deum intercessióne, ut, usu hujus mystérii, passiónis et mortis ejúsdem Christi Salvatóris nostri mérita cónsequar, ac, cum illús frequentatióne, contínuo crescat meae salútis efféctus. Amen.

PROPRIUM DE TEMPORE

DOMINICA I ADVENTUS

I classis Semiduplex

Statio ad S. Mariam majorem

Introitus Ps. 24, 1-3

AD te levávi ánimam meam: Deus meus, in te confido, non erubéscam: neque irrídeant me inimíci mei: étenim univérsi, qui te expéctant, non confundéntur. Ps. *ibid.*, 4 Vias tuas, Dómine, demónstra mihi: et sémitas tuas édoce me. *Vl.* Glória Patri, et Fílio, et Spirítui Sancto. Sicut erat in princípío, et nunc, et semper, et in saécula saeculórum. Amen.

Quo finito, repetitur Ad te levávi usque ad Psalmum.

* Hic modus repetendi Introitum servatur per totum annum.

* Non dicitur Glória in excélsis in Missis de Tempore ab hac Dominica usque ad Vigiliam Nativitatis Domini inclusive.

Orémus. Oratio

EXCITA, quaesumus, Domine, potentiam tuam, et veni: ut ab imminētibus peccatorum nostrorum periculis, te mereamur protegēte ēripi, te liberāte salvāri: Qui vivis et regnas cum Deo Patre in unitate Spīritus Sancti, Deus: per omnia saecula saeculorum. *R/.* Amen.

Orationes pro diversitate Temporum assignatae Tabula Orationum.

Lectio Epistolae beāti Pauli Apóstoli ad Romānos.
Rom. 13, 11-14

FRATRES: Sciētes, quia hora est jam nos de somno sūrgere. Nunc enim prōpior est nostra salus, quam cum credidimus. Nox praecessit, dies autem appropinquāvit. Abjiciāmus ergo ōpera tenebrarum, et induāmur arma lucis. Sicut in die honeste ambulēmus: non in comessationibus, et ebrietatibus, non in cubilibus, et impudicitis, non in contentione et aemulatione: sed induimini Dōminum Jesum Christum.

Graduale Ps. 24, 3 et 4 Univērsi, qui te expēctant, non confundentur, Domine. *V/.* Vias tuas, Domine, notas fac mihi: et sēmitas tuas edoce me.

Allelūja, allelūja. *V/.* *Ps. 84, 8* Ostēde nobis, Domine, misericordiam tuam: et salutāre tuum da nobis. Allelūja.

* *In Feriis Adventus, quando per hebdomadam resumitur Missa de Dominica, non dicitur Allelūja nec Versus sequens, sed tantum Graduale.*

+ Sequētia sancti Evangēlii secūndum Lucam.
Luc. 21, 25-33

IN illo tēpore: Dixit Jesus discipulis suis: Erunt signa in sole, et luna, et stellis, et in terris pressūra gēntium prae confusione sōnitus maris, et flūctuum: arescētibus hominibus prae timōre et expectatiōne, quae supervēnient univēso orbi: nam virtūtes caelorum movebūntur. Et tunc vidēbunt Fīlium hōminis veniētem in nube cum potestate magna, et majestate. His autem fieri incipiētibz, respicite, et levāte cāpita vestra: quōniam appropinquat redēptio vestra. Et dixit illis similitūdinem: Vidēte ficūlneam, et omnes ārbores: cum producunt jam ex se fructum, scitis quōniam prope est aestas. Ita et vos, cum vidēritis haec fieri, scitōte quōniam prope est regnum Dei. Amen dico vobis, quia non praeteribit generatio haec, donec ōmnia fiant. Caelum et terra transibunt: verba autem mea non transibunt.

Credo, quod dicitur in omnibus Dominicis per totum annum, tam occurrentibus quam anticipatis, vel, etiam quoad Officium, repositis ; non dicitur autem in diebus ferialibus, quando resumitur Missa Dominicae praecedentis.

Offertorium Ps. 24, 1-3 Ad te levāvi ānimam meam: Deus meus, in te confido, non erubescam: neque irrideant me inimici mei: etenim univērsi, qui te expēctant, non confundentur.

Secreta

HAEC sacra nos, Domine, potēti virtute mundātos, ad suum faciānt puriores venīre principium. Per Dōminum nostrum Jesum Christum Fīlium tuum: Qui tecum vivit et regnat in unitate Spīritus Sancti, Deus: per ōmnia saecula saeculorum. *R/.* Amen.

* *Praefatio de Sanctissima Trinitate: quae dicitur in Dominicis, etiam Sabbato anticipatis, Praefationem propriam vel de Tempore assignatam non habentibus, juxta Rubricas ; non vero in diebus ferialibus, quando resumitur Missa Dominicae, sed tunc dicitur Praefatio communis, nisi faciēda sit aliqua Commemoratio, quae Praefationem propriam exigat, juxta Rubricas.*

In Missis tamen de Tempore Adventus numquam dicitur Praefatio de beata Maria Virgine.

Communio Ps. 84, 13 Dōminus dabit benignitatem: et terra nostra dabit fructum suum.

Postcommunio

SUSCIPIAMUS, Domine, misericordiam tuam in medio templi tui: ut reparatiōnis nostrae ventūra solēmnia cōgruis honōribz praecedāmus. Per Dōminum nostrum Jesum Christum Fīlium tuum: Qui tecum vivit et regnat in unitate Spīritus Sancti, Deus: per ōmnia saecula saeculorum. *R/.* Amen.

* *Dicitur Benedicāmus Dōmino. Et sic servatur, quoties omissum fuerit Glōria in excelsis ; secus autem dicitur Ite, Missa est.*

* *Per totum annum, si dicēda sit infra hebdomadam Missa de Feria, resumitur Missa Dominicae*

praecedentis, nisi propria Missa assignetur ; et similiter sumuntur Orationes de Dominica, quando de Feria, quae Missam propriam non habeat, facienda sit Commemoratio juxta Rubricas.

* Quum Tempore Adventus, Quadragesimae a die Cinerum inclusive, et Passionis, in Quatuor Temporibus et in Litanis tam majoribus quam minoribus dicitur Missa de quolibet Festo, aut aliqua ex Missis votivis extra Missam conventualem vel cantatam, semper fit Commemoratio de Feria ; quae etiam fit in Missa conventuali et in Missis cantatis, nisi alia dicatur Missa pariter conventualis vel cantata de Feria. Idem servatur in omnibus Vigiliis ; excepto casu, quo in Vigilia communi vel Duplex I classis agatur vel aliqua ex Missis votivis pro re gravi et publica simul causa, aut juxta earumdem normas celebretur, quia tunc fit Commemoratio de eadem Vigilia.

* Ab hac die usque ad diem 23 Decembris inclusive, quando dicendae sint, juxta Rubricas, Orationes pro diversitate Temporum assignatae, etiam in Vigiliis et infra Octavas, erunt 2a de S. Maria Deus, qui de beatae, 3a contra persecutores Ecclesiae vel pro Papa ; excepta tamen 2a Oratione, quae, in Missis de beata Maria Virgine, et in iis in quibus de eadem fit Commemoratio, necnon in Missa votiva de Omnibus Sanctis, dicitur de Spiritu Sancto.

DOMINICA II ADVENTUS

II classis Semiduplex

Statio ad S. Crucem in Jerusalem

Introitus **Isai. 30, 30**

PÓPULUS Sion, ecce Dóminus véniet ad salvandas gentes: et audítam fáciat Dóminus glóriam vocis suae in laetítia cordis vestri. **Ps. 79, 2** Qui regis Israëli, inténde: qui dedúcis, velut ovem, Joseph. **Vl.** Glória Patri.

Oratio

EXCITA, Dómine, corda nostra ad praeparandas Unigéniti tui vias: ut, per ejus advéntum, purificátis tibi méntibus servíre mereámur: Qui tecum vivit.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 15, 4-13

FRATRES: Quaecúmque scripta sunt, ad nostram doctrínam scripta sunt: ut per paciéntiam, et consolatióem Scripturárum, spem habeámus. Deus autem paciéntiae, et solátii, det vobis idípsum sápere in altéruum secúndum Jesum Christum: ut unánimes, uno ore honorificétis Deum et Patrem Dómini nostri Jesu Christi. Propter quod suscipite íncicem, sicut et Christus suscepit vos, in honórem Dei. Dico enim Christum Jesum mínistrum fuisse circumcisiónis propter veritátem Dei, ad confirmandas promissióes patrum: gentes autem super misericórdia honoráre Deum, sicut scriptum est: Propterea confitébor tibi in géntibus, Dómine, et nómini tuo cantábo. Et íterum dicit: Laetámini, gentes, cum plebe ejus. Et íterum: Laudáte, omnes gentes, Dóminum: et magnificáte eum, omnes pópuli. Et rursus Isaiás ait: Erit radix Jesse, et qui exsúrget régere gentes, in eum gentes sperábunt. Deus autem spei répleat vos omni gáudio et pace in credéndo: ut abundétis in spe, et virtúte Spíritus Sáncti.

Graduale Ps. 49, 2-3 et 5 Ex Sion spécies decóris ejus: Deus maniféste véniet. **Vl.** Congregáte illi sanctos ejus, qui ordinavérunt testaméntum ejus super sacrificia. Allelúja, allelúja. **Vl. Ps. 121, 1** Laetátus sum in his, quae dicta sunt mihi: in domum Dómini íbimus. Allelúja.

+ Sequéntia sancti Evangélii secúndum Matthaéum.

Matth. 11, 2-10

IN illo témpore: Cum audisset Joánes in vínculis ópera Christi, mittens duos de discipulis suis, ait illi: Tu es, qui ventúrus es, an álium exspectámus ? Et respóndens Jesus, ait illis: Eúntes renuntiáte Joánni, quae audístis, et vidístis. Caeci vident, claudi ámbulant, leprósi mundántur, surdi ádiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, coepit Jesus dícere ad turbas de Joáanne: Quid exístis in desértum vidére ? arúndinem vento agitátam ? Sed quid exístis vidére ? hóminem móllibus vestítum ? Ecce qui móllibus vestiúntur, in dómibus regum sunt. Sed quid exístis vidére ? prophétam ? Etiam dico vobis, et plus quam prophétam. Hic est enim, de quo scriptum est: Ecce ego mitto Angelum meum ante fáciem tuam, qui praeparábit viam tuam ante te.

Credo.

Offertorium Ps. 84, 7-8 Deus, tu convérsus vivificábis nos, et plebs tua laetábitur in te: osténde nobis, Dómine, misericórdiam tuam, et salutáre tuum da nobis.

Secreta

PLACÁRE, quaésumus, Dómine, humilitátis nostrae précibus et hóstiis: et ubi nulla súppetunt suffrágia meritórum, tuis nobis succúrre praesídiis. Per Dóminum.

Praefatio de Ssma Trinitate.

Communio Bar. 5, 5 ; 4, 36 Jerúsalem, surge, et sta in excélsis, et vide jucunditátem, quae véniet tibi a Deo tuo.

Postcommunio

REPLÉTI cibo spirituális alimóniae, súpplices te, Dómine, deprecámur: ut hujus participatióne mystérii, dóceas nos terréna despícere et amáre caeléstia. Per Dóminum.

DOMINICA III ADVENTUS

II classis Semiduplex

Statio ad S. Petrum

Introitus **Philipp. 4, 4-6**

GAUDÉTE in Dómino semper: íterum dico, gaudéte. Modéstia vestra nota sit ómnibus homínibus: Dóminus enim prope est. Nihil sollíciti sitis: sed in omni oratióne petitiónes vestrae innotéscant apud Deum. **Ps. 84, 2** Benedixísti, Dómine, terram tuam: avertísti captivitátem Jacob. **Vl.** Glória Patri.

Oratio

AUREM tuam, quaésumus, Dómine, précibus nostris accómmoda: et mentis nostrae ténebras, grátia tuae visitatiónis illústra: Qui vivis.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Philippénses.

Phil. 4, 4-7

FRATRES: Gaudéte in Dómino semper: íterum dico, gaudéte. Modéstia vestra nota sit ómnibus homínibus: Dóminus prope est. Nihil sollíciti sitis: sed in omni oratióne, et obsecratióne, cum gratiárum actióne, petitiónes vestrae innotéscant apud Deum. Et pax Dei, quae exsúperat omnem sensum, custódiat corda vestra, et intellegéntias vestras, in Christo Jesu Dómino nostro.

Graduale Ps. 79, 2, 3 et 2 Qui sedes, Dómine, super Chérubim, éxcita poténtiam tuam, et veni. **Vl.** Qui regis Israél, inténde: qui dedúcis, velut ovem, Joseph.

Allelúja, allelúja. **Vl.** Excita, Dómine, poténtiam tuam, et veni, ut salvos fácias nos. Allelúja.

+ Sequéntia sancti Evangélii secúndum Joánnem.

Joann. 1, 19-28

IN illo témpore: Misérunt Judaéi ab Jerosólymis sacerdótes et levítas ad Joánnem, ut interrogárent eum: Tu quis es? Et conféssus est, et non negávit: et conféssus est: Quia non sum ego Christus. Et interrogavérunt eum: Quid ergo? Elías es tu? Et dixit: Non sum. Prophéta es tu? Et respóndit: Non. Dixérunt ergo ei: Quis es, ut respónsum demus his, qui misérunt nos? Quid dicis de te ipso? Ait: Ego vox clamántis in desérto: Dirígite viam Dómini, sicut dixit Isaías prophéta. Et qui missi fúerant, erant ex pharisaéis. Et interrogavérunt eum, et dixerunt ei: Quid ergo baptizas, si tu non es Christus, neque Elías, neque prophéta? Respóndit eis Joánnes, dicens: Ego baptízo in aqua: médius autem vestrum stetit, quem vos nescítis. Ipse est, qui post me ventúrus est, qui ante me factus est: cujus ego non sum dignus ut solvam ejus corrígiam calceaménti. Haec in Bethánia facta sunt trans Jordánem, ubi erat Joánnes baptízans.

Credo.

Offertorium Ps. 84, 2 Benedixisti, Dómine, terram tuam: avertisti captivitátem Jacob: remisisti iniquitátem plebis tuae.

Secreta

DEVOTIÓNIS nostrae tibi, quaesumus, Dómine, hóstia júgiter immolétur: quae et sacri péragat institúta mystérii, et salutáre tuum in nobis mirabíliter operétur. Per Dóminum.

Praefatio de Ssma Trinitate.

Communio Isai. 35, 4 Dícite: Pusillánimes, confortámini, et nolíte timére: ecce Deus noster véniet, et salvábit nos.

Postcommunio

IMPLORÁMUS, Dómine, cleméntiam tuam: ut haec divína subsídia, a vítiis expiátos, ad festa ventúra nos praéparent. Per Dóminum.

FERIA QUARTA QUATUOR TEMPORUM ADVENTUS

Simplex

Statio ad S. Mariam majorem

Introitus **Isai. 45, 8**

RORÁTE, caeli, désuper, et nubes pluant justum: aperiátur terra, et gérmínet Salvatórem. **Ps. 18, 2** Caeli enárrant glóriam Dei: et ópera mánuum ejus annúntiat firmaméntum. **V/.** Glória Patri.

Post Kýrie, eléison, immediate dicitur: Orémus. Flectámus génuá.

R/. Leváte.

Oratio

PRAESTA, quaesumus, omnípotens Deus: ut redemptiónis nostrae ventúra solémnitas, et praeséntis nobis vitae subsídia cónferat, et aetérnae beatitúdinis praémia largiátur. Per Dóminum.

Léctio Isaíae Prophétae.

Isai. 2, 2-5

IN diébus illis: Dixit Isaías prophéta: Erit in novíssimis diébus praeparátus mons domus Dómini in vértice móntium, et elevábitur super colles, et fluent ad eum omnes gentes. Et ibunt pópuli multi, et dicent: Veníte et ascendámus ad montem Dómini, et ad domum Dei Jacob, et docébit nos vias suas, et ambulábimus in sémitis ejus: quia de Sion exíbit lex, et verbum Dómini de Jerúsalem. Et judicábit gentes, et árguet pópulos multos: et conflábunt gládios suos in vómeres, et lanceas suas in falces. Non levábit gens contra gentem gládium: nec exercebúntur ultra ad praélium. Domus Jacob veníte et ambulémus in lúmine Dómini Dei nostri.

Graduale Ps. 23, 7, 3 et 4 Tóllite portas, príncipes, vestras: et elevámini, portae aeternáles: et introíbit Rex glóriae. **V/.** Quis ascéndet in montem Dómini ? aut quis stabit in loco sancto ejus ? Innocens mánibus et mundo corde.

Hic dicitur V/. Dóminus vobíscum, **sine** Flectámus génuá.

Orémus **Oratio**

FESTÍNA, quaesumus, Dómine, ne tardáveris, et auxiliúm nobis supérnae virtútis impénde: ut advéntus tui consolatióibus sublevéntur, qui in tua pietáte confídunt: Qui vivis.

Orationes pro diversitate Temporum assignatae Tabula Orationum.

Léctio Isaíae Prophétae.

Isai. 7, 10-15

IN diébus illis: Locútus est Dóminus ad Achaz, dicens: Pete tibi signum a Dómino Deo tuo, in profúndum inférni, sive in excélsam supra. Et dixit Achaz: Non petam, et non tentábo Dóminum. Et dixit: Audíte ergo,

domus David: Numquid parum vobis est, moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce Virgo concípiet, et páriet fílium, et vocábitur nomen ejus Emmánuel. Butýrum et mel cómedet, ut sciat reprobáre malum, et elígere bonum.

Graduale Ps. 144, 18 et 21 Prope est Dóminus ómnibus invocántibus eum: ómnibus qui ívocant eum in veritaté. *V.* Laudem Dómini loquétur os meum: et benedícat omnis caro nomen sanctum ejus.

+ Sequéntia sancti Evangélii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitatém Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognósko ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quae vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Offertorium Isai. 35, 4 Confortámini, et jam nolíte timére: ecce enim Deus noster retríbuet judícium: ipse véniet, et salvos nos fáciat.

Secreta

ACCÉPTA tibi sint, quaésumus, Dómine, nostra jejúnia: quae et expiándo nos tua grátia dignos effíciat, et ad sempitérna promíssa perdúcant. Per Dóminum.

Communio Isai. 7, 14 Ecce virgo concípiet, et páriet fílium: et vocábitur nomen ejus Emmánuel.

Postcommunio

SALUTÁRIS tui, Dómine, múnere satiáti, súplices deprecámur: ut, cujus laetámur gustu, renovémur efféctu. Per Dóminum.

FERIA SEXTA **QUATUOR TEMPORUM ADVENTUS**

Simplex

Statio ad Ss. duodecim Apostolos

Introitus **Ps. 118, 151-152**

PROPE es tu, Dómine, et omnes viae tuae véritas: inítio cognóvi de testimóniis tuis, quia in aetérnum tu es. **Ps. ibid., 1** Beáti immaculáti in via: qui ámbulant in lege Dómini. *V.* Glória Patri.

Oratio

EXCITA, quaésumus, Dómine, poténtiam tuam, et veni: ut hi, qui in tua pietáte confídunt, ab omni cítius adversitaté liberéntur: Qui vivis.

Orationes pro diversitate Temporum assignatae Tabula Orationum.

Léctio Isaíae Prophétae.

Isai. 11, 1-5

HAEC dicit Dóminus Deus: Egrediétur virga de radíce Jesse, et flos de radíce ejus ascéndet. Et requiescet super eum spíritus Dómini: spíritus sapiéntiae et intelléctus, spíritus consílii et fortitúdinis, spíritus sciéntiae et pietátis ; et replébit eum spíritus timóris Dómini. Non secúndum visiónem oculórum judicábit: neque secúndum audítum áurium árguet: sed judicábit in justítia páuperes, et árguet in aequitaté pro mansuétis terrae: et percútiét terram virga oris sui, et spírítu labiórum suórum interfíciet ímpium. Et erit justítia cíngulum lumbórum ejus: et fides cíntórium renum ejus.

Graduale Ps. 84, 8 et 2 Osténde nobis, Dómine, misericórdiam tuam: et salutáre tuum da nobis. *V/*.
Benedixisti, Dómine, terram tuam: avertísti captivitátem Jacob.

+ Sequéntia sancti Evangélii secúndum Lucam.

Luc. 1, 39-47

IN illo témpore: Exsúrgens María ábiit in montána cum festinatióne in civitátem Juda: et intrávit in domum Zacharíaes, et salutávit Elísabeth. Et factum est, ut audívit salutatióne Mariáe Elísabeth, exsultávit infans in útero ejus: et repléta est Spíritu Sancto Elísabeth: et exclamávit voce magna, et dixit: Benedícta tu inter mulieres, et benedíctus fructus ventris tui. Et unde hoc mihi, ut véniat mater Dómini mei ad me ? Ecce enim, ut facta est vox salutatiónis tuae in áuribus meis, exsultávit in gáudio infans in útero meo. Et beáta, quae credidísti, quóniam perficiéntur ea, quae dicta sunt tibi a Dómino. Et ait María: Magnificat ánima mea Dóminum: et exsultávit spíritus meus in Deo salutári meo.

Offertorium Ps. 84, 7-8 Deus, tu convérsus vivificábis nos, et plebs tua laetábitur in te: osténde nobis, Dómine, misericórdiam tuam, et salutáre tuum da nobis.

Secreta

MUNÉRIBUS nostris, quaesumus, Dómine, precibusque susceptis: et caeléstibus nos munda mystériis, et cleménter exáudi. Per Dóminum.

Communio Zach. 14, 5-6 Ecce Dóminus véniat, et omnes sancti ejus cum eo: et erit in die illa lux magna.

Postcommunio

TUI nos, Dómine, sacraménti libátio sancta restáuret: et a vetustáte purgátos, in mystérii salutáris fáciat transíre consórtium. Per Dóminum.

SABBATO **QUATUOR TEMPORUM ADVENTUS**

Simplex

Statio ad S. Petrum

Introitus **Ps. 79, 4 et 2**

VENI, et osténde nobis fáciem tuam, Dómine, qui sedes super Chérubim: et sálvi érimus. **Ps. ibid., 2** Qui regis Israëel, inténde: qui dedúcis, velut ovem, Joseph. *V/*. Glória Patri.

Post Kýrie, eléison, **dicitur**: Orémus. Flectámus génua.

R/. Leváte.

Oratio

DEUS, qui cónspicis, quia ex nostra pravitate affligimur: concéde propítius ; ut ex tua visitatióne consolémur: Qui vivis.

Léctio Isaíae Prophétae.

Isai. 19, 20-22

IN diébus illis: Clamábunt ad Dóminum a fácie tribulántis, et mittet eis salvatórem, et propugnatórem, qui liberet eos. Et cognoscétur Dóminus ab AEGýpto, et cognóscent AEGýptii Dóminum in die illa: et colent eum in hóstiis, et in munéribus: et vota vovébunt Dómino, et solvent. Et percútiét Dóminus AEGýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 18, 7 et 2 A summo caelo egréssio ejus: et occúrsus ejus usque ad summum ejus. *V/*. Caeli enárrant glóriam Dei: et ópera mánuum ejus annúnciat firmaméntum.

Orémus. Flectámus génua.

R/. Leváte.

Oratio

CONCÉDE, quaesumus, omnipotens Deus: ut, qui sub peccati jugo ex vetusta servitute deprímimur: exspectata unigéniti Filii tui nova nativitate liberémur: Qui tecum vivit.

Léctio Isaíae Prophétae.

Isai. 35, 1-7

HAEC dicit Dóminus: Laetábitur desérta et ínvia, et exsultábit solitúdo, et florébit quasi lílium. Gérminans germinábit, et exsultábit laetabúnda et laudans: glória Líbani data est ei: decor Carméli, et Saron, ipsi vidébunt glóriam Dómini, et decórem Dei nostri. Confortáte manus dissolútas, et génua debília roboráte. Dícite pusillánimis: Confortámini, et nolíte timére: ecce Deus vester ultiónem addúcet retributiónis: Deus ipse véniet, et salvábit vos. Tunc aperiéntur óculi caecórum, et aures surdórum patébunt. Tunc sáliet sicut cervus claudus, et apérta erit lingua mutórum: quia scissae sunt in desérto aquae, et torréntes in solitúdine. Et quae erat árida, erit in stagnum, et sítiens in fontes aquárum: ait Dóminus omnipotens.

Graduale Ps. 18, 6 et 7 In sole pósuit tabernáculum suum: et ipse tamquam sponsus procedens de thálamo suo. **V/.** A summo caelo egréssio ejus: et occúrsus ejus usque ad summum ejus.

Orémus. Flectámus génua.

R/. Leváte.

Oratio

INDÍGNOS nos, quaesumus, Dómine, fámulos tuos, quos actiúnis própriae culpa contrístat, unigéniti Filii tui advéntu laetífica: Qui tecum vivit.

Léctio Isaíae Prophétae.

Isai. 40, 9-11

HAEC dicit Dóminus: Super montem excélsu ascénde tu, qui evangelízas Sion: exálta in fortitúdine vocem tuam, qui evangelízas Jerúsalem: exálta, noli timére. Dic civitatibus Juda: Ecce Deus vester: ecce Dóminus Deus in fortitúdine véniet, et bráchium ejus dominábitur: ecce merces ejus cum eo, et opus illius coram illo. Sicut pastor gregem suum pascet: in bráchio suo congregábit agnos, et in sinu suo levábit, Dóminus Deus noster.

Graduale Ps. 79, 20 et 3 Dómine Deus virtútu, convérte nos: et osténde fáciem tuam, et salvi érimus. **V/.** Excita, Dómine, poténtiam tuam, et veni, ut salvos fácias nos.

Orémus. Flectámus génua.

R/. Leváte.

Oratio

PRAESTA, quaesumus, omnipotens Deus: ut, Filii tui ventúra solémnitas, et praeséntis nobis vitae remédia cónferat, et praemia aetérna concédatur: Per eúmdem Dóminum.

Léctio Isaíae Prophétae.

Isai. 45, 1-8

HAEC dicit Dóminus christo meo Cyro, cujus apprehénderi dexteram, ut subjíciam ante fáciem ejus gentes, et dorsa regum vertam, et apériam coram eo jánuas, et portae non claudéntur. Ego ante te ibo: et gloriósa terrae humiliábo: portas aéreas cónteram, et vectes férreos confríngam. Et dabo tibi thesáuros absconditos, et arcána secretórum: ut scias quia ego Dóminus, qui voco nomen tuum, Deus Israél. Propter servum meum Jacob, et Israél eléctum meum, et vocávi te nómine tuo: assimilávi te, et non cognovísti me. Ego Dóminus, et non est ámplius: extra me non est Deus: accínxi te, et non cognovísti me: ut sciant hi, qui ab ortu solis, et qui ab occidénte, quóniam absque me non est. Ego Dóminus, et non est alter, formans lucem, et creans ténebras, fáciens pacem, et creans malum: ego Dóminus fáciens ómnia haec. Roráte, caeli, désuper, et nubes pluant justum: aperiátur terra, et géminet Salvatórem: et justítia oriátur simul: ego Dóminus creávi eum.

Graduale Ps. 79, 3, 2 et 3 Excita, Dómine, poténtiam tuam, et veni, ut salvos fácias nos. **V/.** Qui regis Israél, inténde: qui dedúcis, velut ovem, Joseph: qui sedes super Chérubim, appáre coram Ephraím, Bénjamin et Manásse.

Orémus. Flectámus génua.

Oratio

PRECES pópuli tui, quaesumus, Dómine, cleménter exáudi: ut, qui juste pro peccátis nostris affligimur, pietátis tuae visitatióne consolémur: Qui vivis.

Léctio Daniélis Prophétae.
Dan. 3, 47-51

IN diébus illis: Angelus Dómini descéndit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldaéis minístros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus Dan. *ibid.*, 52-56

BENEDÍCTUS es, Dómine Deus patrum nostrórum. Et laudábilis et gloriósus in saécula.
Et benedíctum nomen glóriæ tuæ, quod est sanctum. Et laudábile et gloriósum in saécula.
Benedíctus es in templo sancto glóriæ tuæ. Et laudábilis et gloriósus in saécula.
Benedíctus es super thronum sanctum regni tui. Et laudábilis et gloriósus in saécula.
Benedíctus es super sceptrum divinitátis tuæ. Et laudábilis et gloriósus in saécula.
Benedíctus es, qui sedes super Chérubim, íntuens abyssos. Et laudábilis et gloriósus in saécula.
Benedíctus es, qui ámbulas super pennas ventórum et super undas maris. Et laudábilis et gloriósus in saécula.
Benedícant te omnes Angeli et Sancti tui. Et laudent te et gloríficent in saécula.
Benedícant te caeli, terra, mare et ómnia quæ in eis sunt. Et laudent te et gloríficent in saécula.
Glória Patri, et Fílio, et Spirítui Sancto. Et laudábili et glorióso in saécula.
Sicut erat in princípío, et nunc, et semper: et in saécula saeculórum. Amen. Et laudábili et glorióso in saécula.
Benedíctus es, Dómine Deus patrum nostrórum. Et laudábilis et gloriósus in saécula.

Hic dicitur V/. Dóminus vobíscum, sine Flectámus génua.

Orémus Oratio

DEUS, qui tribus púeris mitigásti flammam ignium: concéde propítius ; ut nos fámulos tuos non exúrat flamma vitiórum. Per Dóminum.

Orationes pro diversitate Temporum assignatae Tabula Orationum.

Léctio Epístolæ beáti Pauli Apóstoli ad Thessalonicénses.
2 Thess. 2, 1-8

FRATRES: Rogámus vos, per advéntum Dómini nostri Jesu Christi, et nostræ congregatiónis in ipsum: ut non cito moveámini a vestro sensu, neque terreámini, neque per spíritum, neque per sermónem, neque per epístolam tamquam per nos missam, quasi instet dies Dómini. Ne quis vos sedúcat ullo modo: quóniam nisi vénerit discéssio primum, et revelátus fúerit homo peccáti, fílius perditionis, qui adversátur, et extóllitur supra omne quod dicitur Deus, aut quod cólitur, ita ut in templo Dei sédeat osténdens se tamquam sit Deus. Non retinétis, quod cum adhuc essem apud vos, hæc dicebam vobis ? Et nunc quid detíneat scitis, ut revelétur in suo témpore. Nam mystérium jam operátur iniquitátis: tantum ut qui tenet nunc, téneat, donec de médio fiat. Et tunc revelábitur ille iníquus, quem Dóminus Jesus interfíciat spíritu oris sui, et déstruet illustratióne advéntus sui.

Tractus Ps. 79, 2-3 Qui regis Israél, inténde: qui dedúcis, velut ovem, Joseph. V/. Qui sedes super Chérubim, appáre coram Ephraïm, Bénjamin et Manásse. V/. Excita, Dómine, poténtiam tuam, et veni: ut salvos fácias nos.

+ Sequéntia sancti Evangélii secúndum Lucam.
Luc. 3, 1-6

ANNO quintodécimo impérii Tibérii Caésaris, procuránte Póntio Piláto Judaéam, tetrárcha autem Galilaéæ Heróde, Philíppo autem fratre ejus tetrárcha Ituraéæ et Trachonítidis regiónis, et Lysánia Abilínae tetrárcha, sub princípibus sacerdotum Anna et Cáípha: factum est verbum Dómini super Joánnem, Zacharíaie fílium, in desérto. Et venit in omnem regiónem Jordánis, praédicans baptísmum poeniténtiæ in

remissionem peccatorum, sicut scriptum est in libro sermonum Isaiae prophetae: Vox clamantis in deserto: Parate viam Domini: rectas facite semitas ejus: omnis vallis implebitur: et omnis mons, et collis humiliabitur: et erunt prava in directa, et aspera in vias planas: et videbit omnis caro salutare Dei.

Offertorium Zach. 9, 9 Exsulta satis, filia Sion, praedica, filia Jerusalem: ecce rex tuus venit tibi, sanctus et salvator.

Secreta

SACRIFICIIS praesentibus, quaesumus, Domine, placatus intende: ut et devotioni nostrae proficiant, et salutem. Per Dominum.

Communio Ps. 18, 6-7 Exsultavit ut gigas ad currendam viam: a summo caelo egressio ejus, et occursum ejus usque ad summum ejus.

Postcommunio

QUESUMUS, Domine, Deus noster: ut sacrosancta mysteria, quae pro reparationis nostrae munimine contulisti; et praesens nobis remedium esse facias, et futurum. Per Dominum.

DOMINICA IV ADVENTUS

II classis Semiduplex

Statio ad Ss. duodecim Apostolos

Introitus **Isai. 45, 8**

RORATE, caeli, desuper, et nubes pluant justum: aperiatur terra, et germinet Salvatorem. **Ps. 18, 2** Caeli enarrant gloriam Dei: et opera manuum ejus annuntiat firmamentum. **V.** Gloria Patri.

Oratio

EXCITA, quaesumus, Domine, potentiam tuam, et veni: et magna nobis virtute succurre; ut per auxilium gratiae tuae, quod nostra peccata praepediunt, indulgentia tuae propitiationis acceleret: Qui vivis et regnas.

Orationes pro diversitate Temporum assignatae Tabula Orationum.

Lectio Epistolae beati Pauli Apostoli ad Corinthios.

1 Cor. 4, 1-5

FRATRES: Sic nos existimet homo ut ministros Christi, et dispensatores mysteriorum Dei. Hic jam quaeritur inter dispensatores, ut fidelis quis inveniatur. Mihi autem pro minimo est, ut a vobis iudicer, aut ab humano die: sed neque meipsum iudico. Nihil enim mihi conscius sum: sed non in hoc justificatus sum: qui autem iudicat me, Dominus est. Itaque nolite ante tempus iudicare, quoad usque veniat Dominus: qui et illuminabit abscondita tenebrarum, et manifestabit consilia cordium: et tunc laus erit unicuique a Deo.

Graduale Ps. 144, 18 et 21 Prope est Dominus omnibus invocantibus eum: omnibus qui invocant eum in veritate. **V.** Laudem Domini loquetur os meum: et benedicat omnis caro nomen sanctum ejus. Alleluja, alleluja. **V.** Veni, Domine, et noli tardare: relaxa facinora plebis tuae Israel. Alleluja.

+ Sequentia sancti Evangelii secundum Lucam.

Luc. 3, 1-6

ANNO quintodécimo imperii Tiberii Caesaris, procurante Pontio Pilato Judaeam, tetrarcha autem Galilaeae Herode, Philippo autem fratre ejus tetrarcha Ituraeae et Trachonitidis regionis, et Lysania Abilinae tetrarcha, sub principibus sacerdotum Anna et Caiapha: factum est verbum Domini super Joannem, Zachariae filium, in deserto. Et venit in omnem regionem Jordaniae, praedicans baptismum poenitentiae in remissionem peccatorum, sicut scriptum est in libro sermonum Isaiae prophetae: Vox clamantis in deserto: Parate viam Domini: rectas facite semitas ejus: omnis vallis implebitur: et omnis mons, et collis humiliabitur: et erunt prava in directa, et aspera in vias planas: et videbit omnis caro salutare Dei.

Credo.

Offertorium Luc. 1, 28 Ave, Maria, gratia plena: Dominus tecum: benedicta tu in mulieribus, et benedictus fructus ventris tui.

Secreta

SACRIFÍCIIS praeséntibus, quaesumus, Dómine, placátus inténde: ut et devotióni nostrae proficiant, et salúti. Per Dóminum.

Praefatio de Ssma Trinitate.

Communio Isai. 7, 14 Ecce virgo concípíet, et páriet fílium: et vocábitur nomen ejus Emmánuel.

Postcommunio

SUMPTIS munéribus, quaesumus, Dómine: ut cum frequentatióne mystérii, crescat nostrae salútis efféctus. Per Dóminum.

* **Si Vigilia Nativitatis Domini venerit in Dominica, totum Officium Missae fit de Vigilia, cum Commemoratione Dominicae, sed non legitur ejus Evangelium in fine.**

Die 24 Decembris**IN VIGILIA NATIVITATIS DOMINI**

I classis Duplex

Statio ad S. Mariam majorem

Introitus **Exodi 16, 6 et 7**

HÓDIE sciétis, quia véniet Dóminus, et salvábit nos: et mane vidébitis glóriam ejus. **Ps. 23, 1** Dómini est terra, et plenitúdo ejus: orbis terrárum, et univérsi, qui hábitant in eo. **V/.** Glória Patri.

Oratio

DEUS, qui nos redemptiόνis nostrae ánnua expectatióne laetíficas: praesta ; ut Unigénitum tuum, quem Redemptórem laeti suscipimus, veniéntem quoque júdicem secúri videámus, Dóminum nostrum Jesum Christum Fílium tuum: Qui tecum vivit.

Si venerit in Dominica, Commemoratio Dominicae.

Oratio

EXCITA, quaesumus, Dómine, poténtiam tuam, et veni: et magna nobis virtúte succúrre ; ut per auxiliúm grátiae tuae, quod nostra peccáta praepédiunt, indulgéntia tuae propitiatiónis accéleret: Qui vivis et regnas.

Et non dicuntur Orationes pro diversitate Temporum assignatae.

Léctio Epístolae beáti Pauli Apóstoli ad Romános.

Rom. 1, 1-6

PAULUS, servus Jesu Christi, vocátus Apóstolus, segregátus in Evangélium Dei, quod ante promiserat per prophétas suos in Scriptúris sanctis de Fílio suo, qui factus est ei ex sémine David secúndum carnem: qui praedestinátus est Fílius Dei in virtúte, secúndum spíritum sanctificatiónis ex resurrectione mortuórum Jesu Christi Dómini nostri: per quem accépimus grátiam et apostolátum, ad obediéndum fidei in ómnibus géntibus pro nómine ejus, in quibus estis et vos vocáti Jesu Christi Dómini nostri.

Graduale Exodi 16, 6 et 7 Hódie sciétis, quia véniet Dóminus, et salvábit nos: et mane vidébitis glóriam ejus. **V/.** **Ps. 79, 2-3** Qui regis Israél, inténde: qui dedúcis, velut ovem, Joseph: qui sedes super Chérubim, appáre coram Ephraím, Bénjamin et Manásse.

Non dicuntur Allelúja cum sequenti Versu, nisi haec Vigilia venerit in Dominica.

Allelúja, allelúja. **V/.** Crástina die delébitur iníquitas terrae: et regnábit super nos Salvátor mundi. Allelúja.

+ Sequéntia sancti Evangélii secúndum Matthaéum.

Matth. 1, 18-21

CUM esset desponsáta mater Jesu María Joseph, ántequam convenírent, invénta est in útero habens de Spíritu Sancto. Joseph autem vir ejus, cum esset justus, et nollet eam tradúcere, vóluit occúlte dimíttre eam. Haec autem eo cogitánte, ecce Angelus Dómini appáruit in somnis ei, dicens: Joseph, fili David, noli timére accípere Mariám cónjugem tuam: quod enim in ea natum est, de Spíritu Sancto est. Páriet autem filium, et vocábis nomen ejus Jesum: ipse enim salvum fáciét pópulum suum a peccátiis eórum.

Si venerit in Dominica, dicitur Credo.

Offertorium Ps. 23, 7 Tóllite portas, príncipes, vestras: et elevámini, portae aeternáles, et introíbit Rex glóriæ.

Secreta

DA nobis, quaésumus, omnípotens Deus: ut, sicut adoránda Fílii tui natalítia praevenímus, sic ejus múnere capiámus sempitérna gaudéntes: Qui tecum vivit.

Si venerit in Dominica, Commemoratio Dominicae.

Secreta

SACRIFÍCIIS praeséntibus, quaésumus, Dómine, placátus inténde: ut et devotióni nostrae proficiant, et salúti. Per Dóminum.

Praefatio communis ; sed si venerit in Dominica, dicuntur de Ssma Trinitate.

Communio Isai. 40, 5 Revelábitur glória Dómini: et vidébit omnis caro salutáre Dei nostri.

Postcommunio

DA nobis, quaésumus, Dómine: unigéniti Fílii tui recensíta nativítate respiráre ; cujus caelésti mystério páscimur et potámur. Per eúmdem Dóminum.

Si venerit in Dominica, Commemoratio Dominicae.

Postcommunio

SUMPTIS munéribus, quaésumus, Dómine: ut cum frequentatióne mystérii, crescat nostrae salútis efféctus. Per Dóminum.

Die 25 Decembris

IN NATIVITATE DOMINI

Duplex I classis cum Octava privilegiata III Ordinis

AD PRIMAM MISSAM

IN NOCTE

Statio ad S. Mariam majorem ad Praesepe

Introitus Ps. 2, 7

DÓMINUS dixit ad me: Fílius meus es tu, ego hódie génui te. Ps. *ibid.*, 1 Quare fremuérunt gentes: et pópuli meditáti sunt inánia ? V/. Glória Patri.

Oratio

DEUS, qui hanc sacratíssimam noctem veri lúminis fecísti illustratióne claréscere: da, quaésumus ; ut, cujus lucis mystéria in terra cognóvimus, ejus quoque gáudiis in caelo perfruámur: Qui tecum.

Léctio Epístolae beáti Pauli Apóstoli ad Titum.

Tit. 2, 11-15

CARÍSSIME: Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et saeculária desidéria, sóbrie, et juste, et pie vivámus in hoc saéculo, exspectántes beátam spem, et advéntum glóriæ magni Dei et Salvatóris nostri Jesu Christi: qui dedit semetípsum pro nobis: ut nos redímeret ab omni iniquitáte, et mundáret sibi pópulum acceptábilem, sectatórem bonórum óperum. Haec lóquere, et exhortáre: in Christo Jesu Dómino nostro.

Graduale Ps. 109, 3 et 1 Tecum princípium in die virtútis tuæ: in splendóribus sanctórum, ex útero ante lucíferum génui te. *Vl.* Dixit Dóminus Dómino meo: Sede a dextris meis: donec ponam inimícos tuos, scabéllum pedum tuórum.

Allelúja, allelúja. *Vl. Ps. 2, 7* Dóminus dixit ad me: Fílius meus es tu, ego hódie génui te. Allelúja.

+ Sequéntia sancti Evangélii secúndum Lucam.

Luc. 2, 1-14

IN illo témpore: Exiit edíctum a Caésare Augústo, ut describerétur univérsus orbis. Haec descriptio prima facta est praéside Sýriæ Cyríno: et ibant omnes ut profiteréntur sínguli in suam civitátem. Ascéndit autem et Joseph a Galilaéa de civitáte Náza-reth, in Judaéam civitátem David, quæ vocátur Béthlehem: eo quod esset de domo et familia David, ut profiterétur cum María desponsáta sibi uxóre prægnánte. Factum est autem, cum essent ibi, impléti sunt dies ut páreret. Et péperit fílium suum primogénitum, et pannis eum involvit et reclinávit eum in praesépio: quia non erat eis locus in diversório. Et pastóres erant in regione eádem vigilántes, et custodiéntes vigílias noctis super gregem suum. Et ecce Angelus Dómini stetit iuxta illos, et cláritas Dei circumfúlsit illos, et timuérunt timóre magno. Et dixit illis Angelus: Nolíte timére: ecce enim evangelízo vobis gáudium magnum, quod erit omni pópulo: quia natus est vobis hódie Salvátor, qui est Christus Dóminus, in civitáte David. Et hoc vobis signum: Inveniétis infántem pannis involútum, et pósitum in praesépio. Et súbito facta est cum Angelo multitúdo milítiae caeléstis, laudántium Deum, et dicéntium: Glória in altíssimis Deo, et in terra pax in homínibus bonæ voluntátis.

Credo per totam Octavam.

Offertorium Ps. 95, 11 et 13 Laeténtur caeli, et exsúltet terra ante fáciem Dómini: quóniam venit.

Secreta

ACCÉPTA tibi sit, Dómine, quaésumus, hodiérnae festivitátis oblátio: ut, tua grátia largiénte, per haec sacrosáncta commércia, in illíus inveniámur forma, in quo tecum est nostra substántia: Qui tecum vivit.

* **Praefatio de Nativitate:** quæ dicitur per Octavam in omnibus Missis, etiam in iis quæ secus Praefationem propriam haberent, dummodo in his et de Octava vel de Dominica infra Octavam fiat Commemoratio, et ipsa Missa, aut Commemoratio prius habita, aliam de divinis Mysteriis vel Personis non exigant Praefationem. Item dicitur, juxta Rubricas, usque ad Vigiliam Epiphaniae inclusive.

* **Infra Actionem:** Communicántes et noctem sacratíssimam celebrántes. Et dicitur quotidie usque ad Octavam Nativitatis inclusive: sed in hac Missa tantum dicitur noctem, deinceps vero diem sacratíssimum.

* **In prima et secunda Missa, si Sacerdos aliam Missam sit celebraturus, sumpto divino Sanguine, non purificat neque abstergit Calicem, sed eum ponit super Corporale et Palla tegit ; dein, junctis manibus, dicit in medio altaris:** Quod ore sumpsimus, etc., et subinde in vase cum aqua parato digitos abluit, dicens: Corpus tuum, Dómine, etc., et abstergit. Hisce peractis, Calicem super Corporale adhuc manentem, deducta Palla, iterum disponit et cooperit, uti mos est, scilicet primum Purificatorio linteo, deinde Patena cum Hostia consecranda et Palla, ac demum velo. Si vero praedictas Missas cum intermissione sit celebraturus, potest in prioribus Missis duas ablutiones a rubricis praescriptas sumere, sed tantum adhibita aqua.

Communio Ps. 109, 3 In splendóribus sanctórum, ex útero ante lucíferum génui te.

Postcommunio

DA nobis, quaésumus, Dómine Deus noster: ut, qui Nativitátem Dómini nostri Jesu Christi mystériis nos frequentáre gaudémus ; dignis conversatió nibus ad ejus mereámur perveníre consórtium: Qui tecum vivit.

* **Debet Sacerdos, etiam ante sequentes Missas, Confessio nem dicere et in fine cujuslibet populo benedicere. In fine autem hujus Missae et sequentis legit, more solito, Evangelium S. Joannis In princípio.**

AD SECUNDAM MISSAMIN AURORA

Statio ad S. Anastasiam

Introitus **Isai. 9, 2 et 6**

LUX fulgēbit hódie super nos: quia natus est nobis Dóminus: et vocábitur Admirábilis, Deus, Princeps pacis, Pater futúri saéculi: cujus regni non erit finis. **Ps. 92, 1** Dóminus regnávít, decórem indútus est: indútus est Dóminus fortitúdinem, et praecínxit se. *V/.* Glória Patri.

Oratio

DA nobis, quaésumus, omnipotens Deus: ut, qui nova incarnáti Verbi tui luce perfúndimur ; hoc in nostro respléndeat ópere, quod per fidem fulget in mente. Per eúmdem Dóminum.

Et fit **Commemoratio S. Anastasiae Martyris.**

Oratio

DA, quaésumus, omnipotens Deus: ut, qui beátae Anastásiae Máryris tuae solémnia cólimus ; ejus apud te patrocínia sentiámus. Per Dóminum.

Léctio Epístolae beáti Pauli Apóstoli ad Titum.

Tit. 3, 4-7

CARÍSSIME: Appáruit benignitas et humánitas Salvatóris nostri Dei: non ex opéribus justítiae, quae fécimur nos, sed secúndum suam misericórdiam salvos nos fecit, per lavácrum regeneratiónis et renovatiónis Spíritus Sáncti, quem effúdit in nos abúnde per Jesum Christum Salvatórem nostrum: ut justificáti grátia ipsíus, herédes simus secúndum spem vitae aetérnae: in Christo Jesu Dómino nostro.

Graduale Ps. 117, 26, 27 et 23 Benedíctus qui venit in nómine Dómini: Deus Dóminus, et illúxit nobis. *V/.* A Dómino factum est istud: et est mirábile in óculis nostris.

Allelúja, allelúja. *V/.* **Ps. 92, 1** Dóminus regnávít, decórem índuit: índuit Dóminus fortitúdinem, et praecínxit se virtúte. Allelúja.

+ Sequéntia sancti Evangélíi secúndum Lucam.

Luc. 2, 15-20

IN illo témpore: Pastóres loquebántur ad ínvicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Mariám, et Joseph, et infántem pósitum in praesépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quae dicta erant a pastóribus ad ipsos. María autem conservábat ómnia verba haec, cónferens in corde suo. Et revérsi sunt pastóres, glorificántes et laudántes Deum in ómnibus, quae audierant, et víderant, sicut dictum est ad illos.

Credo.

Offertorium Ps. 92, 1-2 Deus firmávit orbem terrae, qui non commovébitur: paráta sedes tua, Deus, ex tunc, a saéculo tu es.

* In secunda et tertia Missa Sacerdos, si primam Missam celebraverit, ad Offertorium deveniens, ablato velo de Calice, h unc parumper versus cornu Epistolae collocat, sed non extra Corporale ; factaque Hostiae oblatione, non abstergit Calicem Purificatorio, sed eum intra Corporale reliquens leviter elevat, vinumque et aquam eidem caute infundit, ipsumque Calicem, nullatenus ab intus abstersum, more solito offert.

Secreta

MÚNERA nostra, quaésumus, Dómine, Nativitátis hodiérnae mystériis apta provéniant, et pacem nobis semper infúndant: ut, sicut homo génitus idem refúlsit et Deus, sic nobis haec terréna substántia cónferat, quod divínium est. Per eúmdem Dóminum.

Pro S. Anastasia
Secreta

ACCIPE, quaésumus, Dómine, múnera dignánter obláta: et beátae Anastásiae Máryris tuae suffragántibus

méritis, ad nostrae salutis auxiliū provenire concēde. Per Dóminum.

Praefatio et Communicantes, ut supra in prima Missa.

Communio Zach. 9, 9 Exsulta, filia Sion, lauda, filia Jerúsalem: ecce rex tuus venit, sanctus, et salvátor mundi.

Postcommunio

HUJUS nos, Dómine, sacramenti semper nóvitas natális instáuret: cujus Natívitatis singuláris humánam répulit vetustátem. Per eúndem Dóminum.

**Pro S. Anastasia
Postcommunio**

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum nostrum Jesum Christum Fílium tuum: Qui tecum.

AD TERTIAM MISSAM

IN DIE NATIVITATIS DOMINI

Statio ad S. Mariam majorem

Introitus **Isai. 9, 6**

PUER natus est nobis, et fílius datus est nobis: cujus impérium super húmerum ejus: et vocábitur nomen ejus, magni consílii Angelus. **Ps. 97, 1** Cantáte Dómino cánticum novum: quia mirabília fecit. **Vl.** Glória Patri.

Oratio

CONCÉDE, quaesumus, omnípotens Deus: ut nos Unigéniti tui nova per carnem Natívitatis líberet ; quos sub peccáti jugo vetústa sérvitus tenet. Per eúndem Dóminum nostrum.

Lectio Epístolae beáti Pauli Apóstoli ad Hebraeos.

Hebr. 1, 1-12

MULTIFÁRIAM, multisque modis olim Deus loquens pátribus in prophétis: novíssime diébus istis locútus est nobis in Fílio, quem constítuit herédem universórum per quem fecit et saécula: qui cum sit splendor glóriæ, et figúra substántiæ ejus, portánsque ómnia verbo virtútis suæ, purgatióne peccatórum fáciens, sedet ad dexteram majestátis in excélsis: tanto mélior Angelis efféctus, quanto differéntius prae illis nomen hereditávit. Cui enim dixit aliquándo Angelórum: Fílius meus es tu, ego hódie génuí te ? Et rursum: Ego ero illi in patrem, et ipse erit mihi in fílium ? Et cum íterum introdúcit primogénitum in orbem terræ, dicit: Et adórent eum omnes Angeli Dei. Et ad Angelos quidem dicit: Qui facit Angelos suos spíritus, et ministros suos flammam ignis. Ad Fílium autem: Thronus tuus, Deus, in saéculum saéculi: virga aequitátis, virga regni tui. Dilexísti justítiam, et odísti iniquitátem: propterea unxit te Deus, Deus tuus, óleo exsultatiónis prae participibus tuis. Et: Tu in princípío, Dómine, terram fundásti: et ópera mánuum tuárum sunt caeli. Ipsi períbunt, tu autem permanébis ; et omnes ut vestiméntum veteráscent: et velut amíctum mutábis eos, et mutabúntur: tu autem idem ipse es, et anni tui non deficiunt.

Graduale Ps. 97, 3-4 et 2 Vidérunt omnes fines terræ salutáre Dei nostri: jubiláte Deo, omnis terra. **Vl.**

Notum fecit Dóminus salutáre suum: ante conspéctum géntium revelávit justítiam suam.

Allelúja, allelúja. **Vl.** Dies sanctificátus illúxit nobis: veníte, gentes, et adoráte Dóminum: quia hódie descéndit lux magna super terram. Allelúja.

+ Inítium sancti Evangélii secúndum Joánnem.

Joann. 1, 1-14

IN princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt: et sine ipso factum est nihil, quod factum est: in ipso vita erat, et vita erat lux hóminum: et lux in ténebris lucet, et ténebrae eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quae illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. **(Hic genuflectitur)** Et Verbum caro factum est, et habitávit in nobis: et

vídimus glóriam ejus, glóriam quasi Unigéniti a Patre, plenum grátiae et veritátis.

Credo.

Offertorium Ps. 88, 12 et 15 Tui sunt caeli, et tua est terra: orbem terrárum et plenitúdinem ejus tu fundásti: justítia et júdicium praeparátio sedis tuae.

Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicátes, ut supra in prima Missa.

Communio Ps. 97, 3 Vidérunt omnes fines terrae salutáre Dei nostri.

Postcommunio

PRAESTA, quaésumus, omnípotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum vivit.

* **In fine hujus Missae legitur sequens Evangelium Epiphaniae**

+ Sequéntia sancti Evangélii secúndum Matthaéum.

Matth. 2, 1-12

CUM natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est rex Judaeórum ? Vídimus enim stellam ejus in Oriénte, et vénimus adoráre eum. Audiens autem Heródes rex, turbátus est, et omnis Jerosólýma cum illo. Et cóngregans omnes príncipes sacerdotum, et scribas pópuli, sciscitabátur ab eis, ubi Christus nascerétur. At illi dixérunt ei: In Béthlehem Judae: sic enim scriptum est per Prophétam: Et tu Béthlehem terra Juda, nequáquam mínima es in princípibus Juda: ex te enim éxiet dux, qui regat pópulum meum Israël. Tunc Heródes, clam vocátis Magis, diligénter dídicit ab eis tempus stellae, quae appáruit eis: et mittens illos in Béthlehem, dixit: Ite, et interrogáte diligénter de púero: et cum invenéritis, renuntiáte mihi, ut et ego véniens adórem eum. Qui cum audíssent regem, abiérunt. Et ecce stella, quam víderant in Oriénte, antecedébat eos, usque dum véniens, staret supra, ubi erat puer. Vidéntes autem stellam, gavísi sunt gáudio magno valde. Et intrántes domum, invenérunt púerum cum María matre ejus, (**hic genuflectitur**) et procidéntes adoravérunt eum. Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis, ne redírent ad Heródem, per áliam viam revérsi sunt in regiónem suam.

* **Si qua, infra Octavam Nativitatis, ac deinceps a die 2 usque ad diem 4 Januarii inclusive, dicenda sit Missa votiva solemnis de Christo Domino, quae versetur circa identicum Octavae Mysterium aut circa Mysterium pro quo Missa votiva nullatenus concessa reperitur, sumitur Missa Puer natus est nobis, quae habetur infra, die 30 Decembris.**

Die 26 Decembris

S. STEPHANI

Protomartyris

Duplex II classis cum Octava simplici

Statio ad S. Stephanum in Caelio monte

Introitus **Ps. 118, 23, 86 et 23**

SEDÉRUNT príncipes et advérsum me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur i n tuis justificatióibus. **Ps. ibid., 1** Beáti immaculáti in via, qui ámbulant in lege Dómini. **Vl.** Glória Patri.

Oratio

DA nobis, quaésumus, Dómine, imitári quod cólimus: ut discámus et inimícos dilígere ; quia ejus natalítia celebrámus, qui novit étiam pro persecutóribus exoráre Dóminum nostrum Jesum Christum Fílium tuum: Qui tecum vivit.

Et fit Commemoratio Octavae Nativitatis.

Oratio

CONCÉDE, quaesumus, omnipotens Deus: ut nos Unigéniti tui nova per carnem Nativitas líberet ; quos sub peccáti jugo vetústa sérvitus tenet. Per eúmdem Dóminum nostrum.

Lectio Actuum Apostolorum.

Act. 6, 8-10 ; 7, 54-59

IN diébus illis: Stéphanus, plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quae appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphanó: et non póterant resistere sapiéntiae et Spíritui, qui loquebátur. Audiéntes autem haec, dissecabántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in caelum, vidit glóriam Dei, et Jesum stantem a dextris Dei. Et ait: Ecce vídeo caelos apértos, et Fílium hóminis stantem a dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiéntes eum extra civitátem, lapidábant: et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem: Dómine Jesu, súscipe spíritum meum. Pósitis autem génibus clamávit voce magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale Ps. 118, 23 et 86 ; 6, 5 Sedérunt príncipes, et advérsus me loquebántur: et iníqui persecúti sunt me. **Vl.** Adjuva me, Dómine Deus meus: salvum me fac propter misericórdiam tuam. Allelúja, allelúja. **Vl. Act. 7, 56** Vídeo caelos apértos, et Jesum stantem a dextris virtútis Dei. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 20, 3-4 Desidérium ánimaе ejus tribuísti ei: et voluntáte labiórum ejus non fraudásti eum. **Vl.** Quóniam praevenísti eum in benedictiónibus dulcedínis. **Vl.** Posuísti in cápite ejus corónam de lápide pretiósó.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Act. 7, 56** Vídeo caelos apértos, et Jesum stantem a dextris virtútis Dei. Allelúja. **Vl. Ps. 20, 4** Posuísti, Dómine, super caput ejus corónam de lápide pretiósó. Allelúja.

+ Sequéntia sancti Evangéllii secúndum Matthaéum.

Math. 23, 34-39

IN illo témpore: Dicébat Jesus scribis et pharisaéis: Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persecuémini de civitáte in civitátem: ut véniat super vos omnis sanguis justus, qui effúsus est super terram, a sángine Abel justí usque ad ságuinem Zacharíaе, filii Barachíaе, quem occidístis inter templum et altáre. Amen dico vobis, vénient haec ómnia super generatiónem istam. Jerúsalem, Jerúsalem, quae occidís prophétas, et lápidas eos, qui ad te missi sunt, quóties vólui congregáre filios tuos, quemádmódu gallína cóngregat pullos suos sub alas, et nolúisti ? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedictus, qui venit in nómine Dómini.

Credo, ratione Octavae.

Offertorium Act. 6, 5 et 7, 59 Elegérunt Apóstoli Stéphanum Levítam, plenum fide et Spíritu Sancto: quem lapidavérunt Judaéi orántem, et dicéntem: Dómine Jesu, áccipe spíritum meum, allelúja.

Secreta

SÚSCIPE, Dómine, múnera pro tuórum commemoratióne Sanctórum: ut, sicut illos pássio gloriósos effécit ; ita nos devótió reddat innócuos. Per Dóminum.

Pro Octava Nativitatis

Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicantes de Nativitate, ratione Octavae.

Communio Act. 7, 56, 59, et 60 Vídeo caelos apertos, et Jesum stantem a dextris virtutis Dei: Dómine Jesu, áccipe spírítum meum, et ne státuas illis hoc peccátum.

Postcommunio

AUXILIÉNTUR nobis, Dómine, sumpta mystéria: et intercedénte beáto Stéphano Mártire tuo, sempitérna protectióne confírment. Per Dóminum nostrum Jesum Christum Fílium tuum: Qui tecum vivit et regnat.

**Pro Octava Nativitatis
Postcommunio**

PRAESTA, quaesumus, omnipotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum.

* **Infra Octavam S. Stephani nihil fit de ea.**

Die 27 Decembris

S. JOANNIS

Apostoli et Evangelistae

Duplex II classis cum Octava simplici

Statio ad S. Mariam majorem

Introitus Eccli. 15, 5

IN médio Ecclésiae apéruit os ejus: et implévit eum Dóminus spírítu sapiéntiae, et intelléctus: stolam glóriæ índuit eum. Ps. 91, 2 Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

ECCLÉSIAM tuam, Dómine, benígnus illústra: ut beáti Joánnis Apóstoli tui et Evangelístae illumináta doctrínis, ad dona pervéniat sempitérna. Per Dóminum.

Et fit Commemoratio Octavae Nativitatis.

Oratio

CONCÉDE, quaesumus, omnipotens Deus: ut nos Unigéniti tui nova per carnem Natívitas líberet ; quos sub peccáti jugo vetústa sérvitus tenet. Per eúmdem Dóminum.

Léctio libri Sapiéntiae.

Eccli. 15, 1-6

QUI timet Deum, fáciat bona: et qui cóntinens est justítiae, apprehéndet illam, et obviábit illi quasi mater honorificáta. Cibábit illum pane vitae et intelléctus, et aqua sapiéntiae salutáris potábit illum: et firmábitur in illo, et non flectétur: et continébit illum, et non confundétur: et exaltábit illum apud próximos suos, et in médio ecclésiae apériet os ejus, et adimplébit illum spírítu sapiéntiae et intelléctus, et stola glóriæ véstiet illum. Jucunditátem, et exsultatiónem thesaurizábit super illum, et nómine aetérno hereditábit illum, Dóminus Deus noster.

Graduale Joann. 21, 23 et 19 Exiit sermo inter fratres, quod discipulus ille non móritur: et non dixit Jesus: Non móritur. **Vl.** Sed: Sic eum volo manére, donec véniam: tu me séquere.

Allelúja, allelúja. **Vl. Ibid., 24** Hic est discipulus ille, qui testimónium pérhibet de his: et scimus, quia verum est testimónium ejus. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Joann. 21, 24* Hic est discipulus ille, qui testimónium pérhibet de his: et scimus, quia verum est testimónium ejus. Allelúja. *Vl. Ps. 91, 13* Justus ut palma florébit: sicut cedrus Líbani multiplicábitur. Allelúja.

+ Sequéntia sancti Evangélii secúndum Joánnem.

Joann. 21, 19-24

IN illo témpore: Dixit Jesus Petro: Séquere me. Convérsus Petrus vidit illum discipulum, quem diligébat Jesus, sequéntem, qui et recúbuit in cena super pectus ejus, et dixit: Dómine, quis est qui tradet te ? Hunc ergo cum vidísset Petrus, dixit Jesu: Dómine, hic autem quid ? Dicit ei Jesus: Sic eum volo manére, donec véniam, quid ad te ? tu me séquere. Exii t ergo sermo iste inter fratres, quia discipulus ille non móritur. Et non dixit ei Jesus: Non móritur ; sed: Sic eum volo manére, donec véniam ; quid ad te ? Hic est discipulus ille, qui testimónium pérhibet de his, et scripsit haec: et scimus, quia verum est testimónium ejus.

Credo.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SÚSCIPLE, Dómine, múnera, quae in ejus tibi solemnitate deférimus, cujus nos confídimus patrocínio liberári. Per Dóminum.

Pro Octava Nativitatis

Secreta

OBLÁTA, Dómine, múnera, nova Unigéniti tui Nativitate sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicántes de Nativitate, ratione Octavae ; sed si Commemoratio Octavae sit omittenda, dicitur Praefatio de Apostolis sine Communicántes de Nativitate.

Communio Joann. 21, 23 Exiit sermo inter fratres, quod discipulus ille non móritur: et non dixit Jesus: Non móritur ; sed: Sic eum volo manére, donec véniam.

Postcommunio

REFÉCTI cibo potúque caelésti, Deus noster, te súplices deprecámur: ut, in cujus haec commemoratióne percépimus, ejus muniámur et précibus. Per Dóminum.

Pro Octava Nativitatis

Postcommunio

PRAESTA, quaésumus, omnípotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum.

* *Infra Octavam S. Joannis nihil fit de ea ; sed si die 2 Januarii celebretur Missa votiva de eodem S. Joanne, in ea dicitur Glória in excélsis et omittitur Credo.*

Die 28 Decembris

SS. INNOCENTIUM

Martyrum

Duplex II classis cum Octava simplici

Statio ad S. Paulum

Introitus *Ps. 8, 3*

EX ore infántium, Deus, et lacténtium perfecísti laudem propter inimícos tuos. *Ps. ibid., 2* Dómine, Dóminus noster: quam admirábile est nomen tuum in univérsa terra ! *Vl.* Glória Patri.

* *Non dicitur Glória in excélsis neque Allelúja, neque Ite, Missa est, nisi hoc Festum incidat in Dominicam,*

aut ritu gaudeat Duplici I classis ; sed in Octava semper dicuntur.

Oratio

DEUS, cujus hodierna die praecónium Innocéntes Mártyres non loquendo, sed moriendo confessi sunt: ómnia in nobis vitiórum mala mortífica ; ut fidem tuam, quam lingua nostra loquitur, étiam móribus vita fateatur. Per Dóminum.

Et fit Commemoratio Octavae Nativitatis.

Oratio

CONCÉDE, quaesumus, omnipotens Deus: ut nos Unigéniti tui nova per carnem Natívitas líberet ; quos sub peccáti jugo vetústa sérvitus tenet. Per eúmdem Dóminum.

Léctio libri Apocalýpsis beáti Joánnis Apóstoli.

Apoc. 14, 1-5

IN diébus illis: Vidi supra montem Sion Agnum stantem, et cum eo centum quadragínta quátuor míllia, habéntes nomen ejus, et nomen Patris ejus scriptum in fróntibus suis. Et audivi vocem de caelo, tamquam vocem aquárum multárum, et tamquam vocem tonítrui magni: et vocem, quam audivi, sicut citharaedórum citharizántium in cítharis suis. Et cantábant quasi cánticum novum ante sedem, et ante quátuor animália, et senióres: et nemo póterat dícere cánticum, nisi illa centum quadragínta quátuor míllia, qui empti sunt de terra. Hi sunt, qui cum muliéribus non sunt coinquináti: vírgines enim sunt. Hi sequúntur Agnum, quocúmque íerit. Hi empti sunt ex homínibus primitíae Deo, et Agno: et in ore eórum non est invéntum mendácium: sine mácula enim sunt ante thronum Dei.

Graduale Ps. 123, 7-8 Anima nostra, sicut passer, erépta est de láqueo venántium. *Vl.* Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram.

* Sequens Allelúja, cum suo Versu, dicitur quando hoc Festum incidat in Dominicam, aut ritu gaudeat Duplici I classis: in die autem Octava semper dicitur, sicut et in Missis votivis ante Septuagesimam vel post Pentecosten.

Allelúja, allelúja. *Vl.* Ps. 112, 1 Laudáte, púeri, Dóminum, laudáte nomen Dómini. Allelúja.

Tractus non dicitur quando recitatum fuerit Allelúja, ut supra.

Tractus Ps. 78, 3 et 10 Effuderunt sánguinem sanctórum, velut aquam, in circúitu Jerúsalem. *Vl.* Et non erat qui sepelíret. *Vl.* Víndica, Dómine, sánguinem sanctórum tuórum, qui effúsus est super terram.

In Missis votivis Tempore Paschali, omissis Graduali et Tractu, dicitur:

Allelúja, allelúja. *Vl.* Ps. 112, 1 Laudáte, púeri, Dóminum, laudáte nomen Dómini. Allelúja. *Vl.* Eccli. 39, 19 Sancti tui, Dómine, florébunt sicut lílium, et sicut odor bálsami erunt ante te. Allelúja.

+ Sequéntia sancti Evangéllii secúndum Matthaéum.

Matth. 2, 13-18

IN illo témpore: Angelus Dómini appáruit in somnis Joseph, dicens: Surge, et áccipe púerum, et matrem ejus, et fuge in AEGýptum, et esto ibi usque dum dicam tibi. Futúrum est enim, ut Heródes quaerat púerum ad perdéndum eum. Qui consúrgens accépit púerum, et matrem ejus nocte, et secéssit in AEGýptum: et erat ibi usque ad óbitum Heródis: ut adimplerétur quod dictum est a Dómino per Prophétam dicéntem: Ex AEGýpto vocávi Fílium meum. Tunc Heródes videns quóniam illúsus esset a Magis, irátus est valde, et mittens occídít omnes púeros, qui erant in Béthlehem, et in ómnibus fínibus ejus, a bimátu et infra, secúndum tempus quod exquisierat a Magis. Tunc adimplétum est quod dictum est per Jeremíam prophétam dicéntem: Vox in Rama audíta est, plorátus, et ululátus multus: Rachel plorans fílios suos, et nóluit consolári, quia non sunt.

Credo, ratione Octavae.

Offertorium Ps. 123, 7 Anima nostra sicut passer erépta est de láqueo venántium: láqueus contrítus est, et nos liberáti sumus.

Secreta

SANCTÓRUM tuórum, Dómine, nobis pia non desit orátio: quae et múnera nostra concíliet, et tuam nobis

indulgéntiam semper obtíneat. Per Dóminum.

Pro Octava Nativitatis
Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicátes de Nativitate, ratióne Octavae.

Communio Matth. 2, 18 Vox in Rama audíta est, plorátus, et ululátus: Rachel plorans filios suos, et nóluit consolári, quia non sunt.

Postcommunio

VOTÍVA, Dómine, dona percépiamus: quae Sanctórum nobis précibus, et praeséntis, quaesumus, vitae páriter et aetérnae tríbe conférre subsidiúm. Per Dóminum.

Pro Octava Nativitatis
Postcommunio

PRAESTA, quaesumus, omnípotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum vivit.

* Infra Octavam Ss. Innocentium nihil fit de ea ; sed si die 2 vel 3 Januarii celebretur Missa votiva de iisdem Ss. Innocentibus, in ea dicitur Glória in excélsis.

DOMINICA
INFRA OCTAVAM NATIVITATIS

Semiduplex

Introitus Sap. 18, 14-15

DUM médiúm siléntium tenérent ómnia, et nox in suo cursu médiúm iter habéret, omnípotens sermo tuus, Dómine, de caelis a regálibus sédibus venit. Ps. 92, 1 Dóminus regnávít, decórem indútus est: indútus est Dóminus fortitúdinem, et praecínxit se. V/. Glória Patri.

* Dicitur Glória in excélsis, etiam si haec Missa resumatur post diem 1 Januarii.

Oratio

OMNÍPOTENS sempitérne Deus, dírige actus nostros in beneplácito tu o: ut in nómine dilécti Filii tui mereámur bonis opéribus abundáre: Qui tecum.

Et fit Commemoratio Octavae Nativitatis.

Oratio

CONCÉDE, quaesumus, omnípotens Deus: ut nos Unigéniti tui nova per carnem Natívitas líberet ; quos sub peccáti jugo vetústa sérvitus tenet. Per eúmdem Dóminum.

Léctio Epístolae beáti Pauli Apóstoli ad Gálatas.

Gal. 4, 1-7

FRATRES: Quanto témpore heres párvulus est, nihil differt a servo, cum sit dóminus ómnium: sed sub tutóribus et actóribus est usque ad praefínitum témpus a patre: ita et nos, cum essémus párvuli, sub eleméntis mundi erámus serviétes. At ubi venit plenitúdo témporis, misit Deus Filium suum, factum ex mulfere, factum sub lege, ut eos, qui sub lege erant, redímeret, ut adoptiÓNem filiÓrum reciperémus. Quóniam autem estis filii, misit Deus Spíritum Filii sui in corda vestra, clamátem: Abba, Pater. Itaque jam non est servus, sed filius: quod si filius, et heres per Deum.

Graduale Ps. 44, 3 et 2 Speciósus forma prae filiis hóminum: diffúsa est grátia in lábiis tuis. V/. Eructávit cor meum verbum bonum, dico ego ópera mea Regi: lingua mea cálamus scribae, velóciter scribéntis. Allelúja, allelúja. V/. Ps. 92, 1 Dóminus regnávít, decórem índuit: índuit Dóminus fortitúdinem, et praecínxit se virtúte. Allelúja.

+ Sequéntia sancti Evangélii secúndum Lúcam.

Luc. 2, 33-40

IN illo témpore: Erat Joseph et María mater Jesu, mirántes super his quae dicebántur de illo. Et benedíxit illis Símeon, et dixit ad Mariám matrem ejus: Ecce pósitus est hic in ruínam, et in resurrecciónem multórum in Israël: et in signum cui contradicétur: et tuam ipsíus ánimam pertransíbit gládus, ut reveléntur ex multis córdibus cogitatiónes. Et erat Anna prophetíssa, fília Phánuel, de tribu Aser: haec procésserat in diébus multis, et víxerat cum viro suo annis septem a virginitáte sua. Et haec vídua usque ad annos octogínta quátuor: quae non discedébat de templo, jejúniis et obsecratióibus sérviens nocte ac die. Et haec, ipsa hora supervéniens, confitebátur Dómino, et loquebátur de illo ómnibus, qui exspectábant redemptiÓNem Israël. Et ut perfecérunt ómnia secúndum legem Dómini, revérsi sunt in Galilaéam in civitátem suam Náza-reth. Puer autem crescébat, et confortabátur, plenus sapiéntia: et grátia Dei erat in illo.

Credo.

Offertorium Ps. 92, 1-2 Deus firmávit orbem terrae, qui non commovébitur: paráta sedes tua, Deus, ex tunc, a saéculo tu es.

Secreta

CONCÉDE, quaésumus, omnípotens Deus: ut óculis tuae majestátis munus oblátum, et grátiam nobis pia-e devotiÓNis obtíneat, et efféctum beátae perennitátis acquirat. Per Dóminum.

Pro Octava Nativitatis

Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio de Nativitate ; et de ea dicitur etiam Communicántes, nisi post Octavam Missa resumatur.

Communio Matth. 2, 20 Tolle púerum et matrem ejus, et vade in terram Israël: defúnc-ti sunt enim, qui quaerébant ánimam púeri.

Postcommunio

PER hujus, Dómine, operatiÓNem mystérii, et vítia nostra purgéntur, et justa desidéria compleántur. Per Dóminum.

Pro Octava Nativitatis

Postcommunio

PRAESTA, quaésumus, omnípotens Deus: ut natus hódie Salvátor mundi, sicut divínae nobis generatiÓNis est auctor ; ita et immortalitátis sit ipse largítor: Qui tecum vivit.

Die 29 Decembris

S. THOMAE

Episcopi et Martyris

Duplex

Introitus

GAUDEÁMUS omnes in Dómino, diem festum celebrántes sub honóre beáti Thomae Mártyris: de cujus passiÓne gaudent Angeli, et colláudant Fílium Dei. **Ps. 32, 1** Exsultáte, justí, in Dómino: rectos decet collaudátio. **Vl.** Glória Patri.

Oratio

DEUS, pro cujus Ecclésia gloriósus Póntifex Thomas gládiis impiórum occúbuit: praesta, quaésumus ; ut omnes, qui ejus implórant auxiliúm, petitiÓNis suae salutárem consequántur efféctum. Per Dóminum.

Et fit Commemoratio Octavae Nativitatis.

Oratio

CONCÉDE, quaesumus, omnipotens Deus: ut nos Unigéniti tui nova per carnem Nativitas líberet ; quos sub peccáti jugo vetústa sérvitus tenet. Per eúmdem Dóminum.

Léctio Epístolae beáti Pauli Apóstoli ad Hebraeos.

Hebr. 5, 1-6

FRATRES: Omnis pón̄tífex ex homínibus assúptus, pro homínibus constitúitur in iis, quae sunt ad Deum: ut offerat dona, et sacrificia pro peccáti: qui condolere possit iis, qui ignórant, et errant: quóniam et ipse circúmdatus est infirmitate: et propterea debet, quemádmódum pro pópulo, ita étiam et pro semetípso offerre pro peccáti. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut pón̄tífex fieret: sed qui locútus est ad eum: Fílius meus es tu, ego hódie génuí te. Quemádmódum et in álío loco dicit: Tu es sacérdos in aetérnum, secúndum órđinem Melchisedech.

Graduale Eccli. 44, 16 Ecce sacérdos magnus, qui in diébus suis plácuít Deo. V. Ibid., 20 Non est invéntus símilis illi, qui conserváret legem Excélsi.

Allelúja, allelúja. V. Joann. 10, 14 Ego sum pastor bonus: et cognóscó oves meas, et cognóscunt me meae. Allelúja.

+ Sequéntia sancti Evangéllii secúndum Joánnem.

Joann. 10, 11-16

IN illo témpore: Dixit Jesus pharisaéis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognóscó meas, et cognóscunt me meae. Sicut novit me Pater, et ego agnóscó Patrem: et ánimam meam pono pro óvibus meis. Et álias oves hábeo, quae non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Credo, ratióne Octavae.

Offertorium Ps. 20, 4-5 Posuísti, Dómine, in cápíte ejus corónam de lápide pretiósó: vitam pétiit a te, et tribuísti ei, allelúja.

Secreta

MÚNERA tibi, Dómine, dicáta sanctífica: et, intercedénte beáto Thoma Mártire tuo atque Pontífice, per eádem nos placátus inténde. Per Dóminum.

Pro Octava Nativitatis

Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicánte de Nativitate, ratióne Octavae.

Communio Joann. 10, 14 Ego sum pastor bonus: et cognóscó oves meas, et cognóscunt me meae.

Postcommunio

HAEC nos commúnio, Dómine, purget a crímíne: et, intercedénte beáto Thoma Mártire tuo atque Pontífice, caeléstis remédii fáciat esse consórtes. Per Dóminum.

Pro Octava Nativitatis

Postcommunio

PRAESTA, quaesumus, omnipotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum vivit.

* Pro votiva dicitur Missa ut supra, sed Introitus, et post Septuagesimam etiam Tractus, sumuntur ex Missa Státuit, de Communi unius Martyris 1 loco: Tempore autem Paschali Introitus item sumitur ex Missa Protexísti, de Communi Martyrum 1 loco, et post Epistolam, omisso Graduali, dicitur:

Allelúja, allelúja. V. Joann. 10, 14 Ego sum pastor bonus: et cognóscó oves meas, et cognóscunt me

meae. Allelúja. *Vl. Ps. 109, 4* Tu es sacérdos in aetérnum, secúndum órđinem Melchisedech. Allelúja.

* Ab hac die usque ad diem 2 Februarii inclusive, quando dicendae sint, juxta Rubricas, Orationes pro diversitate Temporum assignatae, etiam in Vigiliis et infra Octavas, erunt 2a de S. Maria Deus, qui salutis, 3a contra persecutores Ecclesiae vel pro Papa, excepta tamen 2a Oratione, quae in Missis de beata Maria Virgine, et in iis in quibus de eadem fit Commemoratio, necnon in Missa votiva de Omnibus Sanctis, dicitur de Spiritu Sancto.

Die 30 Decembris

DE VI DIE INFRA OCTAVAM NATIVITATIS

Semiduplex

Introitus *Isai. 9, 6*

PUER natus est nobis, et filius datus est nobis: cujus impérium super húmerum ejus: et vocábitur nomen ejus, magni consílii Angelus. *Ps. 97, 1* Cantáte Dómino cánticum novum: quia mirabília fecit. *Vl.* Glória Patri.

Oratio

CONCÉDE, quaesumus, omnípotens Deus: ut nos Unigéniti tui nova per carnem Natívitas líberet ; quos sub peccáti jugo vetústa sérvitus tenet. Per eúmdem Dóminum nostrum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Titum.

Tit. 3, 4-7

CARÍSSIME: Appáruit benígnitas et humánitas Salvatóris nostri Dei: non ex opéribus justítiae, quae fécimur nos, sed secúndum suam misericórdiam salvos nos fecit per lavácrum regeneratiónis et renovatiónis Spíritus Sáncti, quem effúdit in nos abúnde per Jesum Christum Salvatórem nostrum: ut justificáti grátia ipsíus, herédes simus secúndum spem vitae aetérnae: in Christo Jesu Dómino nostro.

Graduale *Ps. 97, 3-4 et 2* Vidérunt omnes fines terrae salutáre Dei nostri: jubiláte Deo, omnis terra. *Vl.* Notum fecit Dóminus salutáre suum: ante conspéctum géntium revelávit justítiam suam.

Allelúja, allelúja. *Vl.* Dies sanctificátus illúxit nobis: veníte, gentes, et adoráte Dóminum: quia hódie descéndit lux magna super terram. Allelúja.

+ Sequéntia sancti Evangélii secúndum Lucam.

Luc. 2, 15-20

IN illo témpore: Pastóres loquebántur ad invicem: Transeámus usque Bétlehem, et videámus hoc verbum, quod factum est, quod Dóminus osténdit nobis. Et venérunt festinántes: et invenérunt Maríam, et Joseph, et infántem pósito in praesépio. Vidéntes autem cognovérunt de verbo, quod dictum erat illis de púero hoc. Et omnes, qui audiérunt, miráti sunt: et de his, quae dicta erant a pastóribus ad ipsos. María autem conservábat ómnia verba haec, cónferens in corde suo. Et revérsi sunt pastóres glorificántes, et laudántes Deum in ómnibus, quae audierant, et víderant, sicut dictum est ad illos.

Credo.

Offertorium *Ps. 88, 12 et 15* Tui sunt caeli, et tua est terra: orbem terrárum et plenitúdinem ejus tu fundásti: justítia et judícium praeparátió sedis tuae.

Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicántes de Nativitate.

Communio *Ps. 97, 3* Vidérunt omnes fines terrae salutáre Dei nostri.

Postcommunio

PRAESTA, quaesumus, omnipotens Deus: ut natus hodie Salvator mundi, sicut divinae nobis generationis est auctor; ita et immortalitatis sit ipse largitor: Qui tecum vivit.

Die 31 Decembris

S. SILVESTRI

Papae et Confessoris

Duplex

Introitus **Joann. 21, 15-17**

SI diligis me, Simon Petre, pasce agnos meos, pasce oves meas. Ps. 29, 1 Exaltabo te, Domine, quoniam suscepisti me, nec delectasti inimicos meos super me. **V.** Gloria Patri.

Oratio

C

GREGEM tuum, Pastor aeternae, placatus intende: et per beatum Silvestrum Summum Pontificem, perpetua protectione custodi; quem totius Ecclesiae praestitisti esse pastorem. Per Dominum.

Et fit Commemoratio Octavae Nativitatis.

Oratio

CONCEDE, quaesumus, omnipotens Deus: ut nos Unigeniti tui nova per carnem Nativitas liberet; quos sub peccati iugo vetusta servitus tenet. Per eundem Dominum.

Lectio Epistolae beati Petri Apostoli.

1 Petr. 5, 1-4 et 10-11

CARISSIMI: Seniores, qui in vobis sunt, obsecro consenior et testis Christi passionum, qui et ejus, quae in futuro revelanda est, gloriae communicator: pascite qui in vobis est gregem Dei, providentes non coacte, sed spontanee, secundum Deum, neque turpis lucri gratia, sed voluntarie; neque ut dominantes in clericis, sed forma facti gregis ex animo. Et cum apparuerit princeps pastorum, percipietis immarcescibilem gloriae coronam. Deus autem omnis gratiae, qui vocavit nos in aeternam suam gloriam in Christo Jesu, modicum passus ipse perficiet, confirmabit, solidabitque. Ipsi gloria et imperium in saecula saeculorum. Amen.

Graduale Ps. 106, 32 et 31 Exaltent eum in ecclesia plebis: et in cathedra seniorum laudent eum. **V.** Confiteantur Domino misericordiae ejus; et mirabilia ejus filiis hominum.

Alleluja, alleluja. **V.** **Math. 16, 18** Tu es Petrus, et super hanc petram aedificabo Ecclesiam meam. Alleluja.

+ Sequentia sancti Evangelii secundum Matthaum.

Math. 16, 13-19

IN illo tempore: Venit Jesus in partes Caesaratae Philippi, et interrogabat discipulos suos, dicens: Quem dicunt homines esse Filium hominis? At illi dixerunt: Alii Joannem Baptistam, alii autem Eliam, alii vero Jeremiam, aut unum ex prophetis. Dicit illis Jesus: Vos autem quem me esse dicitis? Respondens Simon Petrus, dixit: Tu es Christus, Filius Dei vivi. Respondens autem Jesus, dixit ei: Beatus es, Simon Bar Jona: quia caro et sanguis non revelavit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificabo Ecclesiam meam, et portae inferi non praevalent adversus eam. Et tibi dabo claves regni caelorum. Et quodcumque ligaveris super terram, erit ligatum et in caelis: et quodcumque solveris super terram, erit solutum et in caelis.

Credo, ratione Octavae.

Offertorium Jerem. 1, 9-10 Ecce dedi verba mea in ore tuo: ecce constitui te super gentes et super regna, ut evellas et destruas, et aedifices et plantes.

Secreta

C

OBLATIS muneribus, quaesumus, Domine, Ecclesiam tuam benignus illumina: ut, et gregis tui proficiat ubique successus, et grati fiant nomini tuo, te gubernante, pastores. Per Dominum.

Pro Octava Nativitatis
Secreta

OBLÁTA, Dómine, múnera, nova Unigéniti tui Nativitáte sanctífica: nosque a peccatórum nostrórum máculis emúnda. Per eúmdem Dóminum.

Praefatio et Communicátes de Nativitate, racione Octavae.

Communio Matth. 16, 18 Tu es Petrus, et super hanc petram aedificábo Ecclésiam meam.

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclésiam: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

**Pro Octava Nativitatis
Postcommunio**

PRAESTA, quaésumus, omnipotens Deus: ut natus hódie Salvátor mundi, sicut divínae nobis generatiónis est auctor ; ita et immortalitátis sit ipse largítor: Qui tecum vivit et regnat.

Die 1 Januarii

**IN CIRCUMCISIONE DOMINI
ET OCTAVA NATIVITATIS**

Duplex II classis

Statio ad S. Mariam trans Tiberim

Introitus **Isai. 9, 6**

PUER natus est nobis, et filius datus est nobis: cujus impérium super húmerum ejus: et vocábitur nomen ejus, magni consílii Angelus. **Ps. 97, 1** Cantáte Dómino cánticum novum: quia mirabília fecit. **Vl.** Glória Patri.

Oratio

DEUS, qui salútis aetérnae, beátae Maríae virginitáte fecúnda, humano géneri praémia praestitísti: tríbue, quaésumus ; ut ipsam pro nobis intercédere sentiámus, per quam merúimus auctórem vitae suscipere, Dóminum nostrum Jesum Christum Fílium tuum: Qui tecum vivit.

Léctio Epístolae beáti Pauli Apóstoli ad Titum.

Tit. 2, 11-15

CARÍSSIME: Appáruit grátia Dei Salvatóris nostri ómnibus homínibus, erúdiens nos, ut abnegántes impietátem, et saeculária desidéria, sóbrie, et juste, et pie vivámus in hoc saéculo, exspectántes beátam spem, et advéntum glóriae magni Dei et Salvatóris nostri Jesu Christi: qui dedit semetípsum pro nobis: ut nos redímeret ab omni iniquitáte, et mundáret sibi pópulum acceptábilem, sectatórem bonórum óperum. Haec lóquere, et exhortáre: in Christo Jesu Dómino nostro.

Graduale Ps. 97, 3-4 et 2 Vidérunt omnes fines terrae salutáre Dei nostri: jubiláte Deo, omnis terra. **Vl.** Notum fecit Dóminus salutáre suum: ante conspéctum géntium revelávit justítiam suam. Allelúja, allelúja. **Vl. Hebr. 1, 1-2** Multifárie olim Deus loquens pátribus in prophétis, novíssime diébus istis locútus est nobis in Fílio. Allelúja.

+ Sequéntia sancti Evangélii secúndum Lucam.

Luc. 2, 21

IN ILLO témpore: Postquam consummáti sunt dies octo, ut circumciderétur puer: vocátum est nomen ejus Jesus, quod vocátum est ab Angelo priúsquam in útero conciperétur.

Credo.

Offertorium Ps. 88, 12 et 15 Tui sunt caeli, et tua est terra: orbem terrárum et plenitúdinem ejus tu fundásti: justítia et judícium praeparátió sedis tuae.

Secreta

MUNÉRIBUS nostris, quaésumus, Dómine, precibúsq; susceptis: et caeléstibus nos munda mystériis, et

Praefatio et Communicántes de Nativitate.

Communio Ps. 97, 3 Vidérunt omnes fines terrae salutáre Dei nostri.

Postcommunio

HAEC nos commúnio, Dómine, purget a crímine: et, intercedénte beáta Vírgine Dei Genitríce María, caeléstis remédii fáciat esse consórtes. Per eúmdem Dóminum.

* **Dominica a die 2 ad 5 Ianuarii occurrente, si celebretur aliquod Festum quod non sit Domini, in Missa fit Commemoratio ipsius Dominicae, ut in Vigilia Epiphaniae, sine tamen ultimo Evangelio Dominicae, nisi haec in ipsam Vigiliam occurrat.**

Dominica inter Circumcisionem et Epiphaniam

vel, si ipsa non occurrat, die 2 Ianuarii

SANCTISSIMI NOMINIS JESU

Duplex II classis

Introitus **Philipp. 2, 10-11**

IN nómine Jesu omne genu flectátur, caeléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris. **Ps. 8, 2** Dómine, Dóminus noster, quam admirábile est nomen tuum in univérsa terra ! **Vl.** Glória Patri.

Oratio

DEUS, qui unigénitum Fílium tuum constituísti humáni géneris Salvatórem, et Jesum vocári jussísti: concéde propítius ; ut, cujus sanctum nomen venerámur in terris, ejus quoque aspéctu perfruámur in caelis. Per eúmdem Dóminum nostrum.

Léctio Actuum Apostolórum.

Act. 4, 8-12

IN diébus illis: Petrus replétus Spíritu Sancto, dixit: Príncipes pópuli, et senióres audíte: Si nos hódie dijudicámur in benefácto hóminis infírmi, in quo iste salvus factus est, notum sit ómnibus vobis, et omni plebi Israëli: quia in nómine Dómini nostri Jesu Christi Nazaréni, quem vos crucifixístis, quem Deus suscitávit a mórtuis, in hoc iste astat coram vobis sanus. Hic est lapis, qui reprobátus est a vobis aedificántibus: qui factus est in caput ánguli: et non est in álio áliquo salus. Nec enim áliud nomen est sub caelo datum homínibus, in quo opórteat nos salvos fieri.

Graduale Ps. 105, 47 Salvos fac nos, Dómine Deus noster, et cóngrega nos de natió nibus: ut confiteámur nómini sancto tuo, et gloriémur in glória tua. **Vl. Isai. 63, 16** Tu, Dómine, pater noster, et redémptor noster: a saéculo nomen tuum.

Allelúja, allelúja. **Vl. Ps. 144, 21** Laudem Dómini loquétur os meum, et benedícat omnis caro nomen sanctum ejus. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 79, 20 et Cant. 2, 14 Dómine, Deus virtútum, convérte nos: et osténde fáciem tuam, et salvi érimus: sonet vox tua in áuribus meis. Vox enim tua dulcis, et fácies tua decóra nimis. **Vl. Cant. 1, 2** Oleum effúsum nomen tuum, Jesu: ídeo adolescéntulae dilexérunt te.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 144, 21** Laudem Dómini loquétur os meum, et benedícat omnis caro nomen sanctum ejus. Allelúja. **Vl. ibid., 1** Exaltábo te, Deus meus Rex: et benedícam nómini sancto tuo, Jesu, in saéculum, et in saéculum saéculi. Allelúja.

+ Sequéntia sancti Evangéllii secúndum Lucam.

Luc. 2, 21

IN illo tēpore: Postquam consummāti sunt dies octo, ut circumciderētur puer: vocātum est nomen ejus Jesus, quod vocātum est ab Angelo priúsqam in útero conciperētur.

Credo.

Offertorium Ps. 85, 12 et 5 Confitébor tibi, Dómine Deus meus, in toto corde meo, et glorificábo nomen tuum in aeternum: quóniam tu, Dómine, suávis et mitis es: et multae misericórdiae ómnibus invocántibus te, allelúja.

Secreta

BENEDÍCTIO tua, clementíssime Deus, qua omnis viget creatúra, sanctíficet, quaesumus, hoc sacrificium nostrum, quod ad glóriam nóminis Fílii tui, Dómini nostri Jesu Christi, offérimus tibi: ut majestáti tuae placére possit ad laudem, et nobis profícere ad salútem. Per eúmdem Dóminum.

Praefatio de Nativitate.

Communio Ps. 85, 9-10 Omnes gentes quascúmque fecísti, vénient, et adorábunt coram te, Dómine, et glorificábunt nomen tuum: quóniam magnus es tu, et fáciens mirabília: tu es Deus solus, allelúja.

Postcommunio

OMNÍPOTENS aetérne Deus, qui creásti et redemísti nos, réspice propítius vota nostra: et sacrificium salutáris hóstiae, quod in honórem nóminis Fílii tui, Dómini nostri Jesu Christi, majestáti tuae obtúlimus, plácido et benígno vultu suscipere dignéris; ut grátia tua nobis infúsa, sub glorióso nómine Jesu, aetérnae praedestinatiónis título, gaudeámus nómina nostra scripta esse in caelis. Per eúmdem Dóminum.

Die 2 Januarii

IN OCTAVA S. STEPHANI

Protomartyris

Simplex

Introitus **Ps. 118, 23, 86 et 23**

SEDÉRUNT príncipes et advérsus me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur in tuis justificatióibus. **Ps. ibid., 1** Beáti immaculáti in via, qui ámbulant in lege Dómini. **V.** Glória Patri.

Oratio

OMNÍPOTENS sempitérne Deus, qui primítias Mártyrum in beáti Levítae Stéphaní ságuine dedicásti: tríbue, quaesumus, ut pro nobis intercésor exsístat, qui pro suis étiam persecutóribus exorávit Dóminum nostrum Jesum Christum Fílium tuum: Qui tecum.

Léctio Actuum Apostolorum.

Act. 6, 8-10; 7, 54-59

IN diébus illis: Stéphanus, plenus grátia et fortitúdine, faciébat prodígia et signa magna in pópulo. Surrexérunt autem quidam de synagóga, quae appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphano: et non póterant resistere sapiéntiae et Spíritui, qui loquebátur. Audiéntes autem haec, dissecabántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in caelum, vidit glóriam Dei, et Jesum stantem a dextris Dei. Et ait: Ecce vídeo caelos apértos, et Fílium hóminis stantem a dextris Dei. Exclamántes autem voce magna continuérunt aures suas, et ímpetum fecérunt unánimiter in eum. Et ejiciéntes eum extra civitátem, lapidábant: et testes deposuérunt vestiménta sua secus pedes adolescentís, qui vocabátur Saulus. Et lapidábant Stéphanum invocántem, et dicéntem: Dómine Jesu, súscipe spíritum meum. Pósitis autem génibus clamávit voce magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale Ps. 118, 23 et 8; 86, 5 Sedérunt príncipes, et advérsus me loquebántur: et iníqui persecúti sunt me. **V.** Adjuva me, Dómine Deus meus: salvum me fac propter misericórdiam tuam.

Allelúja, allelúja. **V.** **Act. 7, 56** Vídeo caelos apértos, et Jesum stantem a dextris virtútis Dei. Allelúja.

+ Sequéntia sancti Evangéllii secúndum Matthaéum.
Matth. 23, 34-39

IN illo témpore: Dicébat Jesus scribis et pharisaéis: Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persequémini de civitáte in civitátem: ut véniat super vos omnis sanguis justus, qui effúsus est super terram, a ságuine Abel justí usque ad ságuinem Zacharía, filii Barachíae, quem occidístis inter templum et altáre. Amen dico vobis, vénient haec ómnia super generatióem istam. Jerúsalem, Jerúsalem, quae occidís prophétas, et lápidas eos, qui ad te missi sunt, quóties vólui congregáre filios tuos, quemádmódum gallína cóngregat pullos suos sub alas, et noluísti ? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Offertorium Act. 6, 5 et 7, 59 Elegérunt Apóstoli Stéphanum Levítam, plenum fide et Spíritu Sancto: quem lapidavérunt Judaéi orántem, et dicéntem: Dómine Jesu, áccipe spíritum meum, allelúja.

Secreta

SÚSCIPE, Dómine, múnera pro tuórum commemoratióne Sanctórum: ut, sicut illos pássio gloriósos effécit ; ita nos devótió reddat innócuos. Per Dóminum.

Praefatio de Nativitate, ratione Temporis.

Communio Act. 7, 56, 59, et 60 Vídeo caelos apértos, et Jesum stantem a dextris virtútis Dei: Dómine Jesu, áccipe spíritum meum, et ne státuas illis hoc peccátum.

Postcommunio

AUXILIÉNTUR nobis, Dómine, sumpta mystéria: et intercedénte beáto Stéphano Mártire tuo, sempitérna protectióne confírment. Per Dóminum nostrum Jesum Christum Fílium tuum: Qui tecum vivit et regnat.

Die 3 Januarii

IN OCTAVA S. JOANNIS

Apostoli et Evangelistae

Simplex

Introitus **Eccli. 15, 5**

IN médio Ecclésiae apéruit os ejus: et implévit eum Dóminus spíritu sapiéntiae, et intelléctus: stolam glóriæ índuit eum. Ps. 91, 2 Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

ECCLÉSIAM tuam, Dómine, benígnus illústra: ut beáti Joánnis Apóstoli tui et Evangelístae illumináta doctrínis, ad dona pervéniat sempitérna. Per Dóminum.

Léctio libri Sapiéntiae.

Eccli. 15, 1-6

QUI timet Deum, fáciat bona: et qui cóntinens est justítiae, apprehéndet illam, et obviábit illi quasi mater honorificáta. Cibábit illum pane vitae et intelléctus, et aqua sapiéntiae salutáris potábit illum: et firmábitur in illo, et non flectétur: et continébit illum, et non confundétur: et exaltábit illum apud próximos suos, et in médio ecclésiae apériet os ejus, et adimplébit illum spíritu sapiéntiae et intelléctus, et stola glóriæ véstiet illum. Jucunditátem, et exultatióem thesaurizábit super illum, et nómine aetérno hereditábit illum, Dóminus Deus noster.

Graduale Joann. 21, 23 et 19 Exiit sermo inter fratres, quod discípus ille non móritur: et non dixit Jesus: Non móritur. **Vl.** Sed: Sic eum volo manére, donec véniam: tu me séquere.

Allelúja, allelúja. **Vl. Ibid., 24** Hic est discípus ille, qui testimónium pérhibet de his: et scimus, quia verum est testimónium ejus. Allelúja.

+ Sequéntia sancti Evangéllii secúndum Joánnem.

Joann. 21, 19-24

IN illo tēpore: Dixit Jesus Petro: Séquere me. Convērsus Petrus vidit illum discipulum, quem diligēbat Jesus, sequēntem, qui et recūbuit in cena super pectus ejus, et dixit: Dómine, quis est qui tradet te ? Hunc ergo cum vidísset Petrus, dixit Jesu: Dómine, hic autem quid ? Dicit ei Jesus: Sic eum volo manére, donec véniam, quid ad te ? tu me séquere. Exiit ergo sermo iste inter fratres, quia discipulus ille non móritur. Et non dixit ei Jesus: Non móritur ; sed: Sic eum volo manére, donec véniam ; quid ad te ? Hic est discipulus ille, qui testimónium pérhibet de his, et scripsit haec: et scimus, quia verum est testimónium ejus.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SÚSCIPE, Dómine, múnera, quae in ejus tibi solemnitate deférimus, cujus nos confídimus patrocínio liberári. Per Dóminum.

Praefatio de Apostolis.

Communio Joann. 21, 23 Exiit sermo inter fratres, quod discipulus ille non móritur: et non dixit Jesus: Non móritur ; sed: Sic eum volo manére, donec véniam.

Postcommunio

REFÉCTI cibo potúque caelésti, Deus noster, te súplices deprecámur: ut, in cujus haec commemoratióne percépimus, ejus muniámur et précibus. Per Dóminum.

Die 4 JanuariiIN OCTAVA SS. INNOCENTII

Martyrum

Simplex

Introitus **Ps. 8, 3**

EX ore infántium, Deus, et lacténtium perfecísti laudem propter inimícos tuos. **Ps. ibid., 2** Dómine, Dóminus noster: quam admirábile est nomen tuum in univérsa terra ! **Vl.** Glória Patri.

Et dicitur Glória in excélsis.

Oratio

DEUS, cujus hodiérna die praecónium Innocétes Mártyres non loquendo, sed moriéndo conféssi sunt: ómnia in nobis vitiórum mala mortífica ; ut fidem tuam, quam lingua nostra lóquitur, étiam móribus vita fateátur. Per Dóminum.

Léctio libri Apocalýpsis beáti Joánnis Apóstoli.

Apoc. 14, 1-5

IN diébus illis: Vidi supra montem Sion Agnum stantem, et cum eo centum quadragínta quátuor millia, habéntes nomen ejus, et nomen Patris ejus scriptum in fróntibus suis. Et audívi vocem de caelo, tamquam vocem aquárum multárum, et tamquam vocem tonítrui magni: et vocem, quam audívi, sicut citharaedórum citharizántium in cítharis suis. Et cantábant quasi cánticum novum a nte sedem, et ante quátuor animália, et senióres: et nemo póterat dícere cánticum, nisi illa centum quadragínta quátuor millia, qui empti sunt de terra. Hi sunt, qui cum muliéribus non sunt coinquináti: vírgines enim sunt. Hi sequúntur Agnum, quocúmque íerit. Hi empti sunt ex homínibus primítiae Deo, et Agno: et in ore eórum non est invéntum mendácium: sine mácula enim sunt ante thronum Dei.

Graduale Ps. 123, 7-8 Anima nostra, sicut passer, erépta est de láqueo venántium. **Vl.** Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram. Allelúja, allelúja. **Vl. Ps. 112, 1** Laudáte, púeri, Dóminum, laudáte nomen Dómini. Allelúja.

+ Sequéntia sancti Evangéllii secúndum Matthaéum.

Matth. 2, 13-18

IN illo tēpore: Angelus Dómini appáruit in somnis Joseph, dicens: Surge, et áccipe púerum, et matrem ejus, et fuge in AEGýptum, et esto ibi usque dum dicam tibi. Futúrum est enim, ut Heródes quaerat púerum ad perdéndum eum. Qui consúrgens accépit púerum, et matrem ejus nocte, et secéssit in AEGýptum: et erat ibi usque ad óbitum Heródis: ut adimplerétur quod dictum est a Dómino per Prophétam dicéntem: Ex AEGýpto vocávi Fílium meum. Tunc Heródes videns quóniam illúsus esset a Magis, irátus est valde, et mittens occídít omnes púeros, qui erant in Bétlehem, et in ómnibus fínibus ejus, a bimátu et infra, secúndum tempus quod exquisierat a Magis. Tunc adimplétum est quod dictum est per Jeremíam prophétam dicéntem: Vox in Rama audíta est, plorátus, et ululátus multus: Rachel plorans fílios suos, et nóluit consolári, quia non sunt.

Offertorium Ps. 123, 7 Anima nostra sicut passer erépta est de láqueo venántium: láqueus contrítus est, et nos liberáti sumus.

Secreta

SANCTÓRUM tuórum, Dómine, nobis pia non desit orátio: quae et múnera nostra concíliet, et tuam nobis indulgéntiam semper obtíneat. Per Dóminum.

Praefatio de Nativitate, ratione Temporis.

Communio Matth. 2, 18 Vox in Rama audíta est, plorátus, et ululátus: Rachel plorans fílios suos, et nóluit consolári, quia non sunt.

Postcommunio

VOTÍVA, Dómine, dona percépipimus: quae Sanctórum nobis précibus, et praeséntis, quaesumus, vitae páriter et aetérnae tríbe conférre subsidium. Per Dóminum.

Et dicitur Ite, Missa est.

Die 5 Januarii

IN VIGILIA EPIPHANIAE

II classis Semiduplex

Introitus **Sap. 18, 14-15**

DUM médium siléntium tenérent ómnia, et nox in suo cursu médium iter habéret, omnípotens sermo tuus, Dómine, de caelis a regálibus sédibus venit. **Ps. 92, 1** Dóminus regnávít, decórem indútus est: indútus est Dóminus fortitúdinem, et praecínxit se. **V.** Glória Patri.

* **Et dicitur** Glória in excélsis.

Oratio

OMNÍPOTENS sempitérne Deus, dírige actus nostros in beneplácito tuo: ut in nómine dilécti Fílii tui mereámur bonis opéribus a bundáre: Qui tecum.

Et fit Commemoratio S. Telesphori Papae et Martyris.

Oratio

C

GREGEM tuum, Pastor aetérne, placátus inténde: et per beátum Telésphorum Mártirem tuum atque Summum Pontíficem, perpétua protectióne custódi ; quem totíus Ecclésiae praestítisti esse pastórem. (Per Dóminum.)

3a De S. Maria Oratio

DEUS, qui salútis aetérnae, beatae Maríae virginitáte fecúnda, humano géneri praémia praestítisti: tríbe, quaesumus, ut ipsam pro nobis intercédere sentiámus, per quam merúimus auctórem vitae suscípere, Dóminum nostrum Jesum Christum, Fílium tuum: Qui tecum vivit et regnat.

Léctio Epístolae beáti Pauli Apóstoli ad Gálatas.

Gal. 4, 1-7

FRATRES: Quanto témpore heres párvulus est, nihil differt a servo, cum sit dóminus ómnium: sed sub tutóribus et actóribus est usque ad praefínitum tempus a patre: ita et nos, cum essémus párvuli, sub eleméntis mundi erámus serviéntes. At ubi venit plenitúdo témporis, misit Deus Fílium suum, factum ex muliere, factum sub lege, ut eos, qui sub lege erant, redímeret, ut adoptiónem filiórum reciperémus. Quóniam autem estis filii, misit Deus Spíritum Fílii sui in corda vestra, clamántem: Abba, Pater. Itaque jam non est servus, sed fílius: quod si fílius, et heres per Deum.

Graduale Ps. 44, 3 et 2 Speciósus forma prae filiis hóminum: diffúsa est grátia in lábiis tuis. **Vl.** Eructávit cor meum verbum bonum, dico ego ópera mea Regi: lingua mea cálamus scribae, velóriter scribéntis. Allelúja, allelúja. **Vl. Ps. 92, 1** Dóminus regnávit, decórem índuit: índuit Dóminus fortitúdinem, et praecínxit se virtúte. Allelúja.

+ Sequéntia sancti Evangéllii secúndum Matthaéum.

Matth. 2, 19-23

IN illo témpore: Defúncto Heróde, ecce Angelus Dómini appáruit in somnis Joseph in AEGýpto, dicens: Surge, et áccipe púerum, et matrem ejus, et vade in terram Israë!l: defúncti sunt enim, qui quaerébant ánimam púeri. Qui consúrgens, accépit púerum et matrem ejus, et venit in terram Israë!l. Audiens autem, quod Archeláus regnáret in Judaéa pro Heróde patre suo, tímuit illo ire: et admónitus in somnis, secéssit in partes Galilaéae. Et véniens habitávit in civitáte quae vocátur Náza-reth: ut adimplerétur quod dictum est per prophé-tas: Quóniam Nazaraéus vocábitur.

Dicitur Credo, etiam si de Vigilia fit tantum Commemoratio.

Offertorium Ps. 92, 1-2 Deus firmávit orbem terrae, qui non commovébitur: paráta sedes tua, Deus, ex tunc, a saéculo tu es.

Secreta

CONCÉDE, quaésumus, omnípotens Deus: ut óculis tuae majestátis munus oblátum, et grátiam nobis pia-e devotiónis obtíneat, et efféctum beátae perennitátis acquirat. Per Dóminum.

Pro S. Telesphoro

Secreta

C

OBLÁTIS munéribus, quaésumus, Dómine, Ecclési-am tuam beníg-nus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. (Per Dóminum.)

3a De S. Maria

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de Nativitate (sed Communicántes fit ut per annum).

Communio Matth. 2, 20 Tolle púerum et matrem ejus, et vade in terram Israë!l: defúncti sunt enim, qui quaerébant ánimam púeri.

Postcommunio

PER hujus, Dómine, operatió-nem mystérii, et vítia nostra purgéntur, et justa desidéria compleántur. Per Dóminum.

Pro S. Telesphoro

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclési-am: ut poténti moderatióne dirécta, et increménta libertátis accípiat, et in religió-nis integritáte persístat. (Per Dóminum.)

3a De S. Maria

Postcommunio

HAEC nos commúnio, Dómine, purget a crímine: et, intercedénte beáta Vírgine Dei Genitríce María,

caeléstis remédii fáciat esse consórtes. Per eúmdem Dóminum nostrum Jesum Christum Fílium tuum: Qui tecum vivit et regnatin unitáte Spíritus.

Eadem die 5 Januarii

Pro S. TELESPHORO

Papa et Martyre

Missa Si dilígis me, de Communi unius aut plurium Summorum Pontificum.

Oratio

GREGEM tuum, Pastor aetérne, placátus inténde: et per beátum Telésphorum Mártyrem tuum atque Summum Pontíficem, perpétua protectióne custódi ; quem totíus Ecclésiae praestítisti esse pastórem. Per Dóminum.

Secreta

OBLÁTIS munéribus, quaésumus, Dómine, Ecclésiam tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

REFECTIÓNE sancta enutrítam gubérna, quaésumus, Dómine, tuam placátus Ecclésiam: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 6 Januarii

IN EIPHANIA DOMINI

Duplex I classis cum Octava privilegiata II Ordinis

Statio ad S. Petrum

Introitus **Mal. 3, 1 ; 1 Par. 29, 12**

ECCE advénit dominátor Dóminus: et regnum in manu ejus, et potéstas, et impérium. **Ps. 71, 1** Deus, júdicium tuum Regi da: et justítiam tuam Fílio Regis. **Vl.** Glória Patri.

Oratio

DEUS, qui hodiérna die Unigénitum tuum géntibus stella duce revelásti: concéde propítius ; ut, qui jam te ex fide cognóvimus, usque ad contemplándam spéciem tuae celsitúdinis perducámur. Per eúmdem Dóminum.

Léctio Isaíae Prophétae.

Isai. 60, 1-6

SURGE, illumináre Jerúsalem: quia venit lumen tuum, et glória Dómini super te orta est. Quia ecce ténebrae opérient terram, et calígo pópulos: super te autem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide: omnes isti congregáti sunt, venérunt tibi: filii tui de longe vénient, et filiae tuae de látere surgent. Tunc vidébis, et áfflues, mirábitur et dilatábitur cor tuum, quando convérsa fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Mádian et Epha: omnes de Saba vénient, aurum et thus deferéntes, et laudem Dómino annuntiántes.

Graduale Ibid. 6 et 1 Omnes de Saba vénient, aurum et thus deferéntes, et laudem Dómino annuntiántes. **Vl.** Surge, et illumináre, Jerúsalem: quia glória Dómini super te orta est.

Allelúja, allelúja. **Vl. Matth. 2, 2** Vídimus stellam ejus in Oriénte, et vénimus cum munéribus adoráre Dóminum. Allelúja.

+ Sequéntia sancti Evangéllii secúndum Matthaéum.

Matth. 2, 1-12

CUM natus esset Jesus in Béthlehem Juda in diébus Heródis regis, ecce Magi ab Oriénte venérunt Jerosólymam, dicéntes: Ubi est qui natus est rex Judaeórum ? Vídimus enim stellam ejus in Oriénte, et

vénimus adoráre eum. Audiens autem Heródes rex, turbátus est, et omnis Jerosólýma cum illo. Et cóngregans omnes príncipes sacerdotum, et scribas pópuli, sciscitabátur ab eis, ubi Christus nascerétur. At illi dixerunt ei: In Bétlehem Judae: sic enim scriptum est per Prophétam: Et tu Bétlehem terra Juda, nequáquam mínima es in princípibus Juda: ex te enim éxiet dux, qui regat pópulum meum Israèl. Tunc Heródes, clam vocátis Magis, diligénter dídicit ab eis tempus stellae, quae appáruit eis: et mittens illos in Bétlehem, dixit: Ite, et interrogáte diligénter de púero: et cum invenéritis, renuntiáte mihi, ut et ego véniens adórem eum. Qui cum audíssent regem, abiérunt. Et ecce stella, quam víderant in Oriénte, antecedébat eos, usque dum véniens, staret supra, ubi erat puer. Vidéntes autem stellam, gavísi sunt gáudio magno valde. Et intrántes domum, invenérunt púerum cum María matre ejus, (**hic genuflectitur**) et procidéntes adoravérunt eum. Et apértis thesáuris suis, obtulérunt ei múnera, aurum, thus, et myrrham. Et respónso accépto in somnis, ne redírent ad Heródem, per áliam viam revérsi sunt in regiónem suam.

Credo.

Offertorium Ps. 71, 10-11 Reges Tharsis, et ínsulae múnera ófferent: reges Arabum et Saba dona addúcent: et adorábunt eum omnes reges terrae, omnes gentes sérvient ei.

Secreta

ECCLÉSIAE tuae, quaésumus, Dómine, dona propítius intuére: quibus non jam aurum, thus et myrrha profértur ; sed quod eisdem munéribus declarátur, immolátur, et súmitur, Jesus Christus Filius tuus Dóminus noster: Qui tecum vivit et regnat.

Praefatio et Communicántes propria: quae dicuntur per totam Octavam, juxta Rubricas.

Communio Matth. 2, 2 Vídimus stellam ejus in Oriénte, et vénimus cum munéribus adoráre Dóminum.

Postcommunio

PRAESTA, quaésumus, omnípotens Deus: ut, quae solémni celebrámus officio, purificátae mentis intelligéntia consequámur. Per Dóminum.

* **Infra Octavam Missa dicitur ut in Festo, additis Orationibus pro diversitate Temporum assignatis, 2a de S. Maria Deus, qui de salútis, 3a contra persecutores Ecclesiae vel pro Papa.**

Dominica

infra Octavam Epiphaniae

SANCTAE FAMILIAE JESU, MARIAE, JOSEPH

Duplex majus

Introitus **Prov. 23, 24 et 25**

EXSÚLTAT gáudio pater Justí, gáudeat Pater tuus et Mater tua, et exsúltet quae génuít te. **Ps. 83, 2-3** Quam dilécta tabernácula tua, Dómine virtútum ! concupíscit, et déficit ánima mea in átria Dómini. **Vl.** Glória Patri.

Oratio

DÓMINE Jesu Christe, qui Maríae et Joseph súbditus, domésticam vitam ineffabílibus virtútibus consecrásti: fac nos, utriúsque auxílio, Famíliae sanctae tuae exémpis ínstrui ; et consórtium cónsequi sempitérnum: Qui vivís.

Et fit Commemoratio Dominicae infra Octavam Epiphaniae.

Oratio

VOTA, quaésumus, Dómine, supplicántis pópuli caeléstí pietáte proséquare ; ut et quae agénda sunt, vídeant, et ad impléndam quae víderint, convaléscant. (Per Dóminum.)

Deinde Commemoratio Octavae.

Oratio

DEUS, qui hodiérna die Unigénitum tuum géntibus stella duce revelásti: concéde propítius ; ut, qui jam te ex fide cognóvimus, usque ad contemplándam spéciem tuae celsitúdinis perducámur. Per eúmdem

Léctio Epístolae beáti Pauli Apóstoli ad Colossénes.
Col. 3, 12-17

FRATRES: Indúite vos sicut elécti Dei, sancti et dilécti, víscera misericórdiae, benignitátem, humilitátem, modéstiam, patiéntiam: supportántes ínicem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem haec, caritátem habéte, quod est vínculum perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docétes et commonétes vosmetípsos, psalmis, hymnis et cánticis spirituálibus, in grátia cantántes in córdibus vestris Deo. Omne, quodcúmque fácitis in verbo, aut in ópere, ómnia in nómine Dómini Jesu Christi, grátias agétes Deo et Patri per ipsum.

Graduale Ps. 26, 4 Unam pétii a Dómino, hanc requíram, ut inhábitem in domo Dómini ómnibus diébus vitae meae. V/. Ps. 83, 5 Beáti, qui hábitant in domo tua, Dómine: in saécula saeculórum laudábunt te. Allelúja, allelúja. V/. Isai. 45, 15 Vere tu es Rex absconditus, Deus Israél Salvátor. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Hebr. 10, 5 Hóstiam et oblatiónem nolúisti, corpus autem aptásti mihi. V/. Ps. 39, 7-8 Holocáustum et pro peccáto non postulásti: tunc dixi: Ecce vénio. V/. Hebr. 10, 7 In cápite libri scriptum est de me: Ut fáciam, Deus, voluntátem tuam.

Tempore autem Paschali omittitur Graduale, et ejus loco dicitur:

Allelúja, allelúja. V/. Prov. 8, 34 Beátus homo qui audit me, et qui vígilat ad fores meas quotidie, et obsérvat ad postes óstii mei. Allelúja. V/. Col. 3, 3 Vita nostra est abscondita cum Christo in Deo. Allelúja.

+ Sequéntia sancti Evangélii secúndum Lucam.
Luc. 2, 42-52

CUM factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummátisque diébus, cum redírent, remánsit puer Jesus in Jerúsalem, et non cognovérunť paréntes ejus. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Jerúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant, super prudéntia, et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic ? ecce pater tuus et ego dolétes quaerebámus te. Et ait ad illos: Quid est quod me quaerebátis ? nesciebátis quia in his quae Patris mei sunt, opórtet me esse ? Et ipsi non intellexérunt verbum quod locútus est ad eos. Et descéndit cum eis, et venit Názaeth: et erat súbditus illis. Et mater ejus conservábat ómnia verba haec in corde suo. Et Jesus proficiébat sapiéntia, et aetáte, et grátia apud Deum et hómines.

Credo.

Offertorium Luc. 2, 22 Tulérunt Jesum paréntes ejus in Jerúsalem, ut sísterent eum Dómino.

Secreta

PLACATIÓNIS hóstiam offérimus tibi, Dómine, suppliciter deprecántes: ut, per intercessiónem Deíparae Vírginis cum beáto Joseph, famílias nostras in pace et grátia tua firmiter constítuas. Per eúmdem Dóminum.

Pro Dominica
Secreta

OBLÁTUM tibi, Dómine, sacrificium vivíficet nos semper, et múniat. (Per Dóminum.)

Deinde Commemoratio Octavae.
Secreta

ECCLÉSIAE tuae, quaésumus, Dómine, dona propítius intuére: quibus non jam aurum, thus et myrrha profértur ; sed quod eisdem munéribus declarátur, immolátur, et súmitur, Jesus Christus Filius tuus Dóminus noster: Qui tecum vivit et regnat.

Praefatio de Epiphania.

Infra Octavam tantum etiam Communicantes de eadem Epiphania.

Communio Luc. 2, 51 Descendit Jesus cum eis, et venit Nazareth, et erat subditus illis.

Postcommunio

QUOS caeléstibus réficis sacraméntis, fac, Dómine Jesu, sanctae Famíliae tuae exémpa júgiter imitari: ut, in hora mortis nostrae, occurrénte gloriósa Vírgine Matre tua cum beáto Joseph ; per te in aetérna tabernácula récipi mereámur: Qui vivis.

Pro Dominica
Postcommunio

SÚPPLICES te rogámus, omnípotens Deus: ut quos tuis réficis sacraméntis, tibi étiam plácitis móribus dignánte deservíre concédas. (Per Dóminum.)

Deinde Commemoratio Octavae.
Postcommunio

PRAESTA, quaésumus, omnípotens Deus: ut, quae solémni celebrámus officio, purificátae mentis intelligéntia consequámur. Per Dóminum.

* In fine legitur Evangelium S. Joannis.

* Infra Octavam, sicubi haec fuerit celebranda, et in Missis votivis Sanctae Famíliae, pro Orationibus juxta diversitatem Temporum assignatis, dicitur 2a Oratio de Spiritu Sancto, 3a contra persecutores Ecclesiae, vel pro Papa.

**DOMINICA
INFRA OCTAVAM EPIPHANIAE**

Semiduplex

* Missa hujus Dominicae infra Octavam impedita, si ipsa Dominica a die 7 ad 11 Januarii occurrerit, reponitur in proximiorum sequentem Feriam, in qua Officium agatur de Octava ; si autem occurrerit die 13 Januarii, resumitur die 19 ejusdem mensis.

Introitus

IN excélsis throno vidi sedére virum, quem adórat multitúdo Angelórum, psallétes in unum: ecce cujus impérii nomen est in aetérnum. Ps. 99, 1 Jubiláte Deo, omnis terra: servíte Dómino in laetítia. V/. Glória Patri.

* Dicitur Glória in excélsis, etiam si haec Missa resumatur post diem 13 Januarii.

Oratio

VOTA, quaésumus, Dómine, supplicántis pópuli caelésti pietáte proséquere: ut et quae agénda sunt, vídeant, et ad implénda quae víderint, convaléscant. Per Dóminum nostrum.

Et fit Commemoratio Octavae Epiphaniae.

Oratio

DEUS, qui hodiérna die Unigénitum tuum géntibus stella duce revelásti: concéde propítius ; ut, qui jam te ex fide cognóvimus, usque ad contemplándam spéciem tuae celsitúdinis perducámur. Per eúmdem Dóminum.

Léctio Epístolae beáti Pauli Apóstoli ad Romános.

Rom. 12, 1-5

FRATRES: Obsecro vos per misericórdiam Dei, ut exhibeátis córpora vestra hóstitiam vivéntem, sanctam, Deo placéntem, rationábile obséquium vestrum. Et nolíte conformári huic saéculo, sed reformámini in novitáte sensus vestri: ut probétis, quae sit volúntas Dei bona, et benéplacens, et perfécta. Dico enim per grátiam, quae data est mihi, ómnibus qui sunt inter vos: non plus sápere, quam opórtet sápere, sed sápere ad sobrietátem: et unicuíque sicut Deus divisit mensúram fídei. Sicut enim in uno córpoze multa membra habémus, ómnia autem membra non eúmdem actum habent: ita multi unum corpus sumus in Christo,

singuli autem alter alterius membra: in Christo Jesu Domino nostro.

Graduale Ps. 71, 18 et 3 Benedictus Dominus Deus Israel, qui facit mirabilia magna solus a saeculo. **Vl.** Suscipiant montes pacem populo tuo, et colles justitiam. Alleluja, alleluja. **Vl. Ps. 99, 1** Jubiláte Deo, omnis terra: servíte Domino in laetitia. Alleluja.

+ Sequéntia sancti Evangéllii secúndum Lucam.

Luc. 2, 42-52

CUM factus esset Jesus annórum duódecim, ascendéntibus illis Jerosólymam secúndum consuetúdinem diéi festi, consummátisque diébus, cum redírent, remánsit puer Jesus in Jerúsalem, et non cognóverunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos et notos. Et non inveniéntes, regréssi sunt in Jerúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant super prudéntia, et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic ? ecce pater tuus et ego doléntes quaerebámus te. Et ait ad illos: Quid est quod me quaerebátis ? nesciebátis quia in his, quae Patris mei sunt, opórtet me esse ? Et ipsi non intellexérunt verbum quod locútus est ad eos. Et descendit cum eis, et venit Názareth: et erat súbditus illis. Et mater ejus conservábat ómnia verba haec in corde suo. Et Jesus proficiébat sapiéntia, et aetáte, et grátia apud Deum et hómines.

Crede.

Offertorium Ps. 99, 1 et 2 Jubiláte Deo, omnis terra, servíte Domino in laetitia: intráte in conspéctu ejus in exsultatióne: quia Dominus ipse est Deus.

Secreta

OBLÁTUM tibi, Dómine, sacrificium vivíficet nos semper, et múniat. Per Dóminum.

Pro Octava Epiphaniae

Secreta

ECCLÉSIAE tuae, quaesumus, Dómine, dona propítius intuére: quibus non jam aurum, thus, et myrrha profértur ; sed quod eisdem munéribus declarátur, immolátur, et súmitur, Jesus Christus Fílius tuus Dóminus noster: Qui tecum vivit et regnat.

* **Praefatio de Epiphania ; et de ea dicitur etiam** Communicántes, nisi post Octavam Missa resumatur.

Communio Luc. 2, 48 et 49 Fili, quid fecísti nobis sic ? ego et pater tuus doléntes quaerebámus te. Et quid est, quod me quaerebátis ? nesciebátis, quia in his, quae Patris mei sunt, opórtet me esse ?

Postcommunio

SÚPPLICES te rogámus, omnípotens Deus: ut quos tuis réficis sacraméntis, tibi étiam plácitis móribus dignánter deservíre concédas. Per Dóminum.

Pro Octava Epiphaniae

Postcommunio

PRAESTA, quaesumus, omnípotens Deus: ut, quae solémni celebrámus officio, purificátae mentis intelligéntia consequámur. Per Dóminum.

Die 11 Januarii

Pro S. Hygino

Papa et Martyre

Missa Si diligis me, de Communi unius aut plurium Summorum Pontificum.

Oratio

C

GREGEM tuum, Pastor aetérne, placátus inténde: et per beátum Hygínium Mártyrem tuum atque Summum Pontíficem, perpétua protectióne custódi ; quem totíus Ecclésiae praestítisti esse pastórem. Per Dóminum.

Secreta

C

OBLÁTIS munéribus, quaésumus, Dómine, Ecclésiám tuam benígnum illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 13 Januarii**IN OCTAVA EIPHANIAE****Duplex majus**Introitus **Malach. 3, 1**

ECCE advénit dominátor Dóminus: et regnum in manu ejus, et potéstas, et impérium. **Ps. 71, 1** Deus, júdicium tuum Regi da: et justítiam tuam Fílio Regis. **V.** Glória Patri.

Oratio

DEUS, cujus Unigénitus in substántia nostrae carnis appáruit: praesta, quaésumus ; ut per eum, quem símitem nobis foris agnóvimus, intus reformári mereámur: Qui tecum vivit.

Léctio Isaíae Prophétae.

Isai. 60, 1-6

SURGE, illumináre Jerúsalem: quia venit lumen tuum, et glória Dómini super te orta est. Quia ecce ténebrae opérient terram, et calígo pópulos: super te autem oriétur Dóminus, et glória ejus in te vidébitur. Et ambulábunt gentes in lúmine tuo, et reges in splendóre ortus tui. Leva in circúitu óculos tuos, et vide: omnes isti congregáti sunt, venérunt tibi: filii tui de longe vénient, et filiae tuae de látere surgent. Tunc vidébis, et áfflues, mirábitur et dilatábitur cor tuum, quando convérsa fúerit ad te multitúdo maris, fortitúdo géntium vénerit tibi. Inundátio camelórum opériet te, dromedárii Máddian et Epha: omnes de Saba vénient, aurum et thus deferéntes, et laudem Dómino annuntiántes.

Graduale Ibid. 6 et 1 Omnes de Saba vénient, aurum et thus deferéntes, et laudem Dómino annuntiántes. **V.** Surge, et illumináre, Jerúsalem: quia glória Dómini super te orta est.

Allelúja, allelúja. **V.** **Matth. 2, 2** Vídimus stellam ejus in Oriénte, et vénimus cum munéribus adoráre Dóminum. Allelúja.

+ Sequéntia sancti Evangélii secúndum Joánnem.

Joann. 1, 29-34

IN illo témpore: Vidit Joánnes Jesum veniéntem ad se, et ait: Ecce agnus Dei, ecce qui tollit peccátum mundi. Hic est, de quo dixi: Post me venit vir, qui ante me factus est: quia prior me erat. Et ego nesciébam eum, sed ut manifestétur in Israél, própterea veni ego in aqua baptizans. Et testimónium perhíbuit Joánnes, dicens: Quia vidi Spíritum descendéntem quasi colúmbam de caelo, et mansit super eum. Et ego nesciébam eum: sed qui misit me baptizáre in aqua, ille mihi dixit: Super quem víderis Spíritum descendéntem, et manéntem super eum, hic est, qui baptízat in Spíritu Sancto. Et ego vidi: et testimónium perhíbui, quia hic est Fílius Dei.

Credo.

Offertorium Ps. 71, 10-11 Reges Tharsis, et ínsulae múnera ófferent: reges Arabum et Saba dona addúcent: et adorábunt eum omnes reges terrae, omnes gentes sérvient ei.

Secreta

HÓSTIAS tibi, Dómine, pro nati Fílii tui apparitióne deférimus, supplíciter exorántes: ut, sicut ipse nostrórum auctor est múnerum, ita sit ipse miséricors et suscéptor, Jesus Christus Dóminus noster: Qui tecum vivit.

* Praefatio et Communicantes de Epiphania.

Communio Matth. 2, 2 Vidimus stellam ejus in Oriente, et venimus cum munéribus adorare Dóminum.

Postcommunio

CAELÉSTI lúmine, quaesumus, Dómine, semper et ubique nos praeveni: ut mystérium, cujus nos partícipes esse voluísti, et puro cernámus intúitu, et digno percipiámus afféctu. Per Dóminum.

DOMINICA II POST EPIPHANIAM

Semiduplex

* Si haec Dominica II, vel alia post Epiphaniam, a superveniente Septuagesima impediatur, nec sit ei locus post Pentecosten, juxta Rubricas, anticipatur Sabbato cum omnibus privilegiis occurrenti Dominicae propriis.

Introitus Ps. 65, 4

OMNIS terra adoret te, Deus, et psallat tibi: psalmum dicat nómini tuo, Altíssime. Ps. *ibid.*, 1-2 Jubiláte Deo, omnis terra, psalmum dícite nómini ejus: date glóriam laudi ejus. *V.* Glória Patri.

* Dicitur Glória in excélsis in omnibus Dominicis ante Septuagesimam, etiam Sabbato anticipatis, juxta Rubricas ; non dicitur autem in diebus ferialibus, quando resumitur Missa Dominicae praecedentis.

Oratio

OMNÍPOTENS sempitérne Deus, qui caeléstia simul et terréna moderáris: supplicatiónes pópuli tui cleménter exáudi ; et pacem tuam nostris concéde temporibus. Per Dóminum.

Orationes pro diversitate Temporum assignatae, ut post diem 29 Decembris Tabula Orationum.

Lectio Epístolae beáti Pauli Apóstoli ad Romános.

Rom. 12, 6-16

FRATRES: Habéntes donatiónes secúndum grátiam, quae data est nobis, differéntes: sive prophétiam secúndum ratióne fidei, sive ministérium in ministrándo, sive qui docet in doctrína, qui exhortátur in exhortándo, qui tribuit in simplicitáte, qui praeest in sollicitúdi-ne, qui miserétur in hilaritáte. Diléctio sine simulatióne. Odiéntes malum, adhaeréntes bono: Caritáte fraternitátis ínvicem diligéntes: Honóre ínvicem praeveniéntes: Sollicitúdi-ne non pigri: Spíritu fervéntes: Dómino serviéntes: Spe gaudéntes: In tribulatióne patiéntes: Oratióni instántes: Necessitatibus sanctórum communicántes: Hospitalitátem sectántes. Benedícite persecuéntibus vos: benedícite, et nolíte maledícere. Gaudére cum gaudéntibus, flere cum fléntibus: Idípsum ínvicem sentiéntes: Non alta sapiéntes, sed humílibus consentiéntes.

Graduale Ps. 106, 20-21 Misit Dóminus verbum suum, et sanávit eos: et erípuit eos de intéritu eórum. *V.* Confiteántur Dómino misericórdiae ejus: et mirabilia ejus filiis hóminum.

Allelúja, allelúja. *V.* Ps. 148, 2 Laudáte Dóminum, omnes Angeli ejus: laudáte eum, omnes virtútes ejus. Allelúja.

* Sic dicitur Allelúja cum suo Versu post Graduale in omnibus Dominicis minoribus post Epiphaniam, etiam si Missa Dominicae in Feriis resumatur.

+ Sequéntia sancti Evangélíi secúndum Joánnem.

Joann. 2, 1-11

IN illo témpore: Núptiae factae sunt in Cana Galilaéae: et erat mater Jesu ibi. Vocátus est autem et Jesus, et discípuli ejus ad núptias. Et deficiénte vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlier ? nondum venit hora mea. Dicit mater ejus ministris: Quodcúmque díxerit vobis, fácite. Erant autem ibi lapídeae hýdriae sex pósitae secúndum purificatióne Judaeórum, capiéntes síngulae metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit ínítium signórum Jesus in Cana Galilaéae: et manifestávit glóriam suam, et credidérunt in eum discípuli ejus.

Credo.

Offertorium Ps. 65, 1-2 et 16 Jubiláte Deo, unívsera terra: psalmum dícite nómini ejus: veníte, et audíte, et narrábo vobis, omnes qui timétis Deum, quanta fecit Dóminus ánimae meae, allelúja.

Secreta

OBLÁTA, Dómine, múnera sanctífica: nosque a peccatórum nostrórum máculis emúnda. Per Dóminum.

Praefatio de Ssma Trinitate.

Communio Joann. 2, 7, 8, 9 et 10-11 Dicit Dóminus: Impléte hýdrias aqua, et ferte architriclíno. Cum gustásset architriclínus aquam vinum factam, dicit sponso: Servásti bonum vinum usque adhuc. Hoc signum fecit Jesus primum coram discípulis suis.

Postcommunio

AUGEÁTUR in nobis, quaésumus, Dómine, tuae virtútis operátio: ut divínis vegetátí sacraméntis, ad eórum promíssa capiéndá, tuo múnere praepearémur. Per Dóminum.

DOMINICA III POST EPIPHANIAM

Semiduplex

Introitus **Ps. 96, 7-8**

ADORÁTE Deum, omnes Angeli ejus: audívit, et laetáta est Sion: et exsultavérunt filiae Judae. **Ps. ibid., 1** Dóminus regnávit, exsúltet terra: laeténtur ínsulae multae. **Vl.** Glória Patri.

Oratio

OMNÍPOTENS sempitérne Deus, infirmitátem nostram propítius réspice: atque ad protegéndum nos, dexteram tuae majestátis exténde. Per Dóminum.

Orationes pro diversitate Temporum assignatae, ut post diem 29 Decembris.

Léctio Epístolae beáti Pauli Apóstoli ad Romános.

Rom. 12, 16-21

FRATRES: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fíeri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum irae. Scriptum est enim: Mihi vindícta: ego retribuam, dicit Dóminus. Sed si esuríerit inimícus tuus, ciba illum: si sitit, potum da illi: hoc enim fáciens carbónes ignis cóngeres super caput ejus. Noli vinci a malo, sed vince in bono malum.

Graduale Ps. 101, 16-17 Timébunt gentes nomen tuum, Dómine, et omnes reges terrae glóriam tuam. **Vl.** Quóniam aedificávit Dóminus Sion, et vidébitur in majestáte sua.

Allelúja, allelúja. **Vl. Ps. 96, 1** Dóminus regnávit, exsúltet terra: laeténtur ínsulae multae. Allelúja.

+ Sequéntia sancti Evangéllii secúndum Matthaéum.

Matth. 8, 1-13

IN illo témpore: Cum descendísset Jesus de monte, secútae sunt eum turbae multae: et ecce leprósus véniens adorábat eum, dicens: Dómine, si vis, potes me mundáre. Et exténdens Jesus manum, tétigit eum, dicens: Volo, mundáre. Et conféstim mundáta est lepra ejus. Et ait illi Jesus: Vide, némini díxeris: sed vade, osténde te sacerdotí, et offer munus, quod praecépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens: Dómine, puer meus jacet in domo paralýticus, et male torquétur. Et ait illi Jesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit ; et álii: Veni, et venit ; et servo meo: Fac hoc, et facit. Audiens autem Jesus, mirátus est, et sequéntibus se dixit:

Amen dico vobis, non invéni tantam fidem in Israë. Dico autem vobis, quod multi ab Oriënte et Occidënte vénient, et recumbent cum Abraham, et Isaac, et Jacob in regno caelórum: filii autem regni ejiciëntur in ténebras exterióres: ibi erit fletus, et stridor déntium. Et dixit Jesus centurióni: Vade, et sicut credidisti, fiat tibi. Et sanátus est puer in illa hora.

Credo.

Offertorium Ps. 117, 16 et 17 Dëxtera Dómini fecit virtútem, dëxtera Dómini exaltávit me: non móriar, sed vivam, et narrábo ópera Dómini.

Secreta

HAEC hóstia, Dómine, quaésumus, emúndet nostra delícta: et ad sacrificium celebrándum, subditórum tibi córpora mentésque sanctíficet. Per Dóminum.

Praefatio de Ssma Trinitate.

Communio Luc. 4, 22 Mirabántur omnes de his, quae procedébant de ore Dei.

Postcommunio

QUOS tantis, Dómine, largírís uti mystériis: quaésumus ; ut efféctibus nos eórum veráciter aptáre dignéris. Per Dóminum.

* A die 3 Februarii usque ad Feriam III post Quinquagesimam inclusive, in omnibus Missis ritus Semiduplicis vel Simplicis, tam de Tempore quam de Sanctis, et in Missis votivis, quae pro re gravi et publica simul causa non sint, nisi facta fuerit Commemoratio Duplicis, vel cujuslibet Vigiliae, vel Octavae, vel sanctae Mariae in Sabbato, aut Missa fuerit de beata Maria Virgine, vel de aliqua Vigilia vel Octava, vel de Omnibus Sanctis, post Commemorationes forte occurrentes, dicuntur Orationes pro diversitate Temporum assignatae, nempe 2a ad poscenda suffragia Sanctorum A cunctis, 3a ad libitum eligenda. Et in eadem Oratione A cunctis, sicut et in ejus Postcommunione, ad litteram N., exprimitur nomen Titularis propriae Ecclesiae, dummodo Titulus non sit Persona divina, vel Mysterium Domini, aut de ipso Titulo non dicatur Missa aut facta non sit Commemoratio, aut illius nomen non sit in eadem Oratione A cunctis expressum, ac nomina sanctorum Angelorum et sancti Joannis Baptistae, si Titulares fuerint, praeponuntur nomini sancti Joseph. In hisce autem omnibus casibus omittuntur verba atque beáto N. Si vero Missa vel Commemoratio fuerit de sancto Joseph aut de sanctis Apostolis Petro et Paulo, in Oratione et Postcommunione omittuntur verba quae eos respiciunt.

* In Vigiliis autem, infra Octavas tam privilegiatis quam communes, et in diebus Octavis Simplicibus per idem Tempus occurrentibus, loco earumdem Orationum, dicitur, juxta Rubricas, 2a Oratio de sancta Maria Concéde, 3a contra persecutores Ecclesiae vel pro Papa. Si tamen Vigilia aut Octava fuerit de beata Maria Virgine, sicut et in Missis ejusdem beatae Mariae Virginis, et in Missis in quibus de ea facta sit Commemoratio, necnon in Missa votiva de Omnibus Sanctis, loco Orationis Concéde, dicitur Oratio de Spiritu Sancto.

DOMINICA IV POST EPIPHANIAM

Semiduplex

Introitus **Ps. 96, 7-8**

ADORÁTE Deum, omnes Angeli ejus: audívit, et laetáta est Sion: et exsultavérunt filiae Judae. **Ps. ibid., 1** Dóminus regnávít, exsúltet terra: laeténtur ínsulae multae. **V.** Glória Patri.

Oratio

DEUS, qui nos in tantis perículis constitútos, pro humana scis fragilitáte non posse subsístere: da nobis salútem mentis et córporis ; ut ea, quae pro peccátis nostris pátimur, te adjuvánte vincámus. Per Dóminum nostrum Jesum Christum Fílium tuum: Qui tecum.

* Orationes pro diversitate Temporum assignatae, ut post diem 29 Decembris, vel post Dominicam III post Epiphaniam, ut supra.

Léctio Epístolae beáti Pauli Apóstoli ad Romános.

Rom. 13, 8-10

FRATRES: Némini quidquam debeátis, nisi ut ínvicem diligátis: qui enim díligit próximum, legem implévit. Nam: Non adulterábis: Non occídes: Non furáberis: Non falsum testimónium dices: Non concupísces: et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale Ps. 101, 16-17 Timébunt gentes nomen tuum, Dómine, et omnes reges terrae glóriam tuam. **Vl.** Quóniam aedificávit Dóminus Sion, et vidébitur in majestáte sua. Allelúja, allelúja. **Vl. Ps. 96, 1** Dóminus regnávit, exsúltet terra: laeténtur ínsulae multae. Allelúja.

+ Sequéntia sancti Evangélii secúndum Matthaéum.
Matth. 8, 23-27

IN illo témpore: Ascendénte Jesu in navículam, secúti sunt eum discípuli ejus: et ecce motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discípuli ejus, et suscitavérunt eum, dicéntes: Dómine, salva nos, perímus. Et dicit eis Jesus: Quid tímidi estis, módicæ fídei? Tunc surgens, imperávit ventis et mari, et facta est tranquíllitas magna. Porro hómines miráti sunt, dicéntes: Qualis est hic, quia et venti et mare obédiunt ei?

Credo.

Offertorium Ps. 117, 16 et 17 Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

CONCÉDE, quaésumus, omnípotens Deus: ut hujus sacrificii munus oblátum, fragilitátem nostram ab omni malo purget semper, et múniat. Per Dóminum nostrum Jesum Christum.

Praefatio de Ssma Trinitate.

Communio Luc. 4, 22 Mirabántur omnes de his, quae procedébant de ore Dei.

Postcommunio

MÚNERA tua nos, Deus, a delectatióibus terrénis expédiant: et caeléstibus semper instáurent aliméntis. Per Dóminum.

DOMINICA V
POST EPIPHANIAM

Semiduplex

Introitus **Ps. 96, 7-8**

ADORÁTE Deum, omnes Angeli ejus: audívit, et laetáta est Sion: et exsultavérunt filiae Judae. **Ps. ibid., 1** Dóminus regnávit, exsúltet terra: laeténtur ínsulae multae. **Vl.** Glória Patri.

Oratio

FAMÍLIAM tuam, quaésumus, Dómine, contínua pietáte custódi: ut, quae in sola spe grátiae caeléstis innítitur, tua semper protectióne muniátur. Per Dóminum.

* **Orationes pro diversitate Temporum assignatae, ut post Dominicam III post Epiphaniam.**

Léctio Epístolae beáti Pauli Apóstoli ad Colossénses.
Col. 3, 12-17

FRATRES: Indúite vos sicut elécti Dei, sancti et dílecti, víscera misericórdiae, benignitátem, humilitátem, modéstiam, patiéntiam: supportántes ínvicem, et donántes vobismetípsum, si quis advérsus áliquem habet querélam: sicut et Dóminus donávit vobis, ita et vos. Super ómnia autem haec, caritátem habéte, quod est vínculum perfectiúnis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docéntes, et commonéntes vosmetípsum, psalmis, hymnis et cánticis spirituálibus, in grátia cantántes in córdibus vestris Deo. Omne

quodcúmque fácitis in verbo, aut in ópere, ómnia in nómine Dómini Jesu Christi, grátias ágentes Deo, et Patri per Jesum Christum Dóminum nostrum.

Graduale Ps. 101, 16-17 Timébunt gentes nomen tuum, Dómine, et omnes reges terrae glóriam tuam. **Vl.** Quóniam aedificávit Dóminus Sion, et vidébitur in majestáte sua. Allelúja, allelúja. **Vl. Ps. 96, 1** Dóminus regnávít, exsúltet terra: laeténtur ínsulae multae. Allelúja.

+ Sequéntia sancti Evangéllii secúndum Matthaéum.

Math. 13, 24-30

IN illo témpore: Dixit Jesus turbis parábolam hanc: Símile factum est regnum caelórum hómini, qui seminávit bonum semen in agro suo. Cum autem dormírent hómines, venit inimícus ejus, et superseminávit zizánia in médio trítici, et ábiit. Cum autem crevísset herba, et fructum fecísset, tunc apparuérunt et zizánia. Accedéntes autem servi patrisfámilias, dixerunt ei: Dómine, nonne bonum semen seminásti in agro tuo ? Unde ergo habet zizánia ? Et ait illis: Inimícus homo hoc fecit. Servi autem dixerunt ei: Vis, imus, et collígimus ea ? Et ait: Non: ne forte colligéntes zizánia, eradicétis simul cum eis et tríticum. Sínite útraque créscere usque ad messem, et in témpore messis dicam messóribus: Collígite primum zizánia, et alligáte ea in fascículos ad comburéndum, tríticum autem congregáte in hórreum meum.

Credo.

Offertorium Ps. 117, 16 et 17 Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

HÓSTIAS tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Praefatio de Ssma Trinitate.

Communio Luc. 4, 22 Mirabántur omnes de his, quae procedébant de ore Dei.

Postcommunio

QUSUMUS , omnípotens Deus: ut illíus salutáris capiámus efféctum, cujus per haec mystéria pignus accépiamus. Per Dóminum nostrum Jesum Christum Fílium tuum: Qui tecum.

DOMINICA VI **POST EPIPHANIAM**

Semiduplex

Introitus **Ps. 96, 7-8**

ADORÁTE Deum, omnes Angeli ejus: audívit, et laetáta est Sion: et exsultavérunt filiae Judae. **Ps. ibid., 1** Dóminus regnávít, exsúltet terra: laeténtur ínsulae multae. **Vl.** Glória Patri.

Oratio

PRAESTA, quaésumus, omnípotens Deus: ut semper rationabília meditántes, quae tibi sunt plácita, et dictis exsequámur, et factis. Per Dóminum.

* **Orationes pro diversitate Temporum assignatae, ut post Dominicam III post Epiphaniam.**

Léctio Epístolae beáti Pauli Apóstoli ad Thessalonicéenses.

1 Thess. 1, 2-10

FRATRES: Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissiõe, mémoires óperis fidei vestrae, et labóris, et caritátis, et sustinéntiae spei Dómini nostri Jesu Christi, ante Deum et Patrem nostrum: sciéntes, fratres, dilécti a Deo, electiõnem vestram: quia Evangélium nostrum non fuit ad vos in sermóne tantum, sed et in virtúte, et in Spíritu Sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatiõe multa, cum gáudio Spíritus Sancti: ita ut facti sitis forma ómnibus credéntibus in Macedónia, et in Achája. A vobis enim diffamátus est sermo Dómini, non solum in

Macedónia, et in Achája, sed et in omni loco fides vestra, quae est ad Deum, profecta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo et vero, et exspectáre Fílium ejus de caelis (quem suscitávit ex mórtuis) Jesum, qui erípuit nos ab ira ventúra.

Graduale Ps. 101, 16-17 Timébunt gentes nomen tuum, Dómine, et omnes reges terrae glóriam tuam. **Vl.** Quóniam aedificávit Dóminus Sion, et vidébitur in majestáte sua. Allelúja, allelúja. **Vl. Ps. 96, 1** Dóminus regnávít, exsúltet terra: laeténtur ínsulae multae. Allelúja.

+ Sequéntia sancti Evangéllii secúndum Matthaéum.

Matth. 13, 31-35

IN illo témpore: Dixit Jesus turbis parábolam hanc: Símile regnum caelórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, majus est ómnibus oléribus, et fit arbor, ita ut vólucres caeli véniant, et hábitent in ramis ejus. Aliam parábolam locútus est eis: Símile est regnum caelórum ferméto, quod accéptum múlier abscondit in farinae satis tribus, donec fermentátum est totum. Haec ómnia locútus est Jesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita a constitutióne mundi.

Credo.

Offertorium Ps. 117, 16 et 17 Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

HAEC nos oblátio, Deus, mundet, quaesumus, et rénovet, gubérnet, et prótegat. Per Dóminum.

Praefatio de Ssma Trinitate.

Communio Luc. 4, 22 Mirabántur omnes de his, quae procedébant de ore Dei.

Postcommunio

CAELÉSTIBUS, Dómine, pasti delíciis: quaesumus; ut semper éadem, per quae veráciter vivimus, appetámus. Per Dóminum.

DOMINICA IN SEPTUAGESIMA

II classis Semiduplex

Statio ad S. Laurentium extra muros

Introitus **Ps. 17, 5, 6 et 7**

CIRCUMDEDÉRUNT me gémitus mortis, dolóres inférni circumdedérunt me: et in tribulatióne mea invocávi Dóminum, et exaudivit de templo sancto suo vocem meam. **Ps. ibid., 2-3** Díligam te, Dómine, fortitúdo mea: Dóminus firmaméntum meum, et refúgium meum, et liberátor meus. **Vl.** Glória Patri.

* **Non dicitur** Glória in excélsis **in Missis de Tempore ab hac Dominica usque ad Feriam IV Majoris Hebdomadae inclusive, neque in Dominicis, neque in Feriis.**

Oratio

PRECES pópuli tui, quaesumus, Dómine, cleménte exáudi: ut, qui juste pro peccátis nostris affligimur, pro tui nóminis glória misericórditer liberémur. Per Dóminum.

* **Orationes pro diversitate Temporum assignatae, ut post diem 29 Decembris, vel post Dominicam III post Epiphaniam.**

Léctio Epístolae beáti Pauli Apóstoli ad Corínthios.

1 Cor. 9, 24-27 et 10, 1-5

FRATRES: Nescitis quod ii qui in stádio currunt, omnes quidem currunt, sed unus áccipit bravíum ? Sic cúrrite, ut comprehendátis. Omnis autem qui in agóne conténdit, ab ómnibus se ábstinet: et illi quidem ut corruptibilem corónam accípiant, nos autem incorrúptam. Ego ígitur sic curro, non quasi in incértum: sic pugno, non quasi áërem vérberans: sed castígo corpus meum, et in servitútem rédigo: ne forte cum áliis praedicáverim, ipse réprobus efficiar. Nolo enim vos ignoráre, fratres, quóniam patres nostri omnes sub nube fuérunt, et omnes mare transiérunt, et omnes in Móyse baptizáti sunt in nube, et in mari: et omnes eámdem escam spiritálem manducáverunt, et omnes eúmdem potum spiritálem bibérunt: (bibébant autem de spiritáli, consequénte eos, petra: petra autem erat Christus) : sed non in plúribus eórum beneplácitum est Deo.

Graduale Ps. 9, 10-11 et 19-20 Adjútor in opportunitátibus, in tribulatióne: sperent in te, qui novérunt te: quóniam non derelínquis quaeréntes te, Dómine. *V.* Quóniam non in finem oblívio erit páuperis: patiéntia páuperum non períbit in aetérnum: exsúrge, Dómine, non praeváleat homo.

Tractus Ps. 129, 1-4 De profúndis clamávi ad te, Dómine: Dómine, exáudi vocem meam. *V.* Fiant aures tuae intendéntes in oratióne servi tui. *V.* Si iniquitátes observáveris, Dómine: Dómine, quis sustinébit ? *V.* Quia apud te propitiátio est, et propter legem tuam sustínui te, Dómine.

* **A Septuagesima usque ad Feriam III post Dominicam Quinquagesimae inclusive, quando in Feriis resumitur Missa Dominicae, non dicitur Tractus, sed tantum Graduale.**

+ Sequéntia sancti Evangélii secúndum Matthaéum.

Matth. 20, 1-16

IN illo témpore: Dixit Jesus discíplis suis parábolam hanc: Símile est regnum caelórum hómni patrifámiliis, qui éxiit primo mane condúcere operários in víneam suam. Conventióne autem facta cum operáriis ex denário diúrno, misit eos in víneam suam. Et egréssus circa horam tértiam, vidit álios stantes in foro otíosos, et dixit illis: Ite et vos in víneam meam, et quod justum fúerit, dabo vobis. Illi autem abiérunt. Iterum autem éxiit circa sextam et nonam horam: et fecit simíliter. Circa undécimam vero éxiit, et invénit álios stantes, et dicit illis: Quid hic statis tota die otíosi ? Dicunt ei: Quia nemo nos condúxit. Dicit illis: Ite et vos in víneam meam. Cum sero autem factum esset, dicit dóminus víneae procuratóri suo: Voca operários, et redde illis mercédem, incípiens a novíssimis usque ad primos. Cum veníssent ergo qui circa undécimam horam vénerant, accepérunt síngulos denários. Veniéntes autem et primi, arbitráti sunt quod plus essent acceptúri: accepérunt autem et ipsi síngulos denários. Et accipiéntes murmurábant advérsus patremfámiliis, dicéntes: Hi novíssimi una hora fecérunt, et pares illos nobis fecísti, qui portávimus pondus diéi, et aestus. At ille respóndens uni eórum, dixit: Amíce, non fácio tibi injúriam: nonne ex denário convenísti mecum ? Tolle quod tuum est, et vade: volo autem et huic novíssimo dare sicut et tibi. Aut non licet mihi, quod volo, fácere ? an óculus tuus nequam est, quia ego bonus sum ? Sic erunt novíssimi primi, et primi novíssimi. Multi enim sunt vocáti, pauci vero elécti.

Credo.

Offertorium Ps. 91, 2 Bonum est confitéri Dómino, et psállere nómini tuo, Altíssime.

Secreta

MUNÉRIBUS nostris, quaésumus, Dómine, precibúsqe suscéptis: et caeléstibus nos munda mystériis, et cleménter exáudi. Per Dóminum.

Praefatio de Ssma Trinitate.

Communio Ps. 30, 17-18 Illúmina fáciem tuam super servum tuum, et salvum me fac in tua misericórdia: Dómine, non confúndar, quóniam invocávi te.

Postcommunio

FIDÉLES tui, Deus, per tua dona firméntur: ut éadem et percipiéndó requírant, et quaeréndó sine fine percípiant. Per Dóminum.

V. Benedicámus Dómino.

R. Deo grátias.

DOMINICA

**DOMINICA
IN SEXAGESIMA**

II classis Semiduplex

Statio ad S. Paulum

Introitus Ps. 43, 23-26

EXSÚRGE, quare obdórmis, Dómine ? exsúrge, et ne repéllas in finem: quare fáciem tuam avértis, oblivísceris tribulatióem nostram ? adhaésit in terra venter noster: exsúrge, Dómine, ádjuva nos, et líbera nos. Ps. *ibid.*, 2 Deus, áuribus nostris audívimus: patres nostri annuntiavérunt nobis. V/. Glória Patri.

Oratio

DEUS, qui cónspicis, quia ex nulla nostra actióne confídimus: concéde propítius ; ut contra advérsa ómnia, Doctóris géntium protectióne muniámur. Per Dóminum.

* **Orationes pro diversitate Temporum assignatae, ut post diem 29 Decembris, vel post Dominicam III post Epiphaniam.**

Lectio Epístolae beáti Pauli Apóstoli ad Corínthios.

2 Cor. 11, 19-33 ; 12, 1-9

FRATRES: Libénter suffértis insipiéntes: cum sitis ipsi sapiéntes. Sustinétis enim si quis vos in servitútem rédigat, si quis dévorat, si quis áccipit, si quis extóllitur, si quis in fáciem vos caedit. Secúndum ignobilitátem dico, quasi nos infírmi fuérimus in hac parte. In quo quis audet (in insipiéntia dico) áudeo et ego: Hebraei sunt, et ego: Israéliítae sunt, et ego: Semen Abrahae sunt, et ego: Minístri Christi sunt (ut minus sápiens dico) plus ego: in labóribus plúrimis, in carcéribus abundántius, in plagis supra modum, in mórtibus frequénter. A Judaéis quínguis quadragénas, una minus, accépi. Ter virgis caesus sum, semel lapidátus sum, ter naufrágium feci, nocte et die in profúndo maris fui: in itinéribus saepe, perículis flúminum, perículis latrónum, perículis ex gènere, perículis ex géntibus, perículis in civitáte, perículis in solitúdine, perículis in mari, perículis in falsis frátribus: in labóre et aerúmna, in vigiliis multis, in fame et siti, in jejúniis multis, in frígore et nuditáte: praeter illa quae extrínsecus sunt, instántia mea quotidiana, sollicitúdo ómnium Ecclesiárum. Quis infirmátur, et ego non infirmor ? Quis scandalizátur, et ego non uror ? Si gloriári opórtet: quae infirmitátis meae sunt, gloriábor. Deus et Pater Dómini nostri Jesu Christi, qui est benedíctus in saécula, scit quod non méntior. Damásci praepósitus gentis Aréetae regis, custodiébat civitátem Damascenórum, ut me comprehénderet: et per fenéstam in sporta dimíssus sum per murum, et sic effúgi manus ejus. Si gloriári opórtet (non expedit quidem) , véniam autem ad visiónes et revelatiónes Dómini. Scio hóminem in Christo ante annos quatuórdecim, sive in córpore néscio, sive extra corpus néscio, Deus scit, raptum hujúsmodi usque ad tértium caelum. Et scio hujúsmodi hóminem, sive in córpore, sive extra corpus néscio, Deus scit: quóniam raptus est in paradísum: et audívit arcána verba, quae non licet hómini loqui. Pro hujúsmodi gloriábor: pro me autem nihil gloriábor, nisi in infirmitátibus meis. Nam, et si volúero gloriári, non ero insípiens: veritátem enim dicam: parco autem, ne quis me exístimet supra id quod videt in me, aut áliquid audit ex me. Et ne magnitúdo revelatiónum extóllat me, datus est mihi stímulus carnis meae, ángelus sátanae, qui me colaphízet. Propter quod ter Dóminum rogávi, ut discéderet a me: et dixit mihi: Súfficit tibi grátia mea: nam virtus in infirmitáte perfícitur. Libénter ígitur gloriábor in infirmitátibus meis, ut inhábitet in me virtus Christi.

Graduale Ps. 82, 19 et 14 Sciant gentes, quóniam nomen tibi Deus: tu solus Altíssimus super omnem terram. V/. Deus meus, pone illos ut rotam, et sicut stípulam ante fáciem venti.

Tractus Ps. 59, 4 et 6 Commovísti, Dómine, terram, et conturbásti eam. V/. Sana contritiónes ejus, quia mota est. V/. Ut fúgiant a fácie arcus: ut liberéntur elécti tui.

* **Quando in Feriis resumitur Missa Dominicae, non dicitur Tractus, sed tantum Graduale.**

+ Sequéntia sancti Evangélii secúndum Lucam.

Luc. 8, 4-15

IN illo témpore: Cum turba plúrima convenírent, et de civitatibus properárent ad Jesum, dixit per similitúdinem: Exiit, qui séminat, semináre semen suum: et dum séminat, áliud cécidit secus viam, et conculcátum est, et vólucres caeli comedérunt illud. Et áliud cécidit supra petram: et natum árui, quia non habébat humórem. Et áliud cécidit inter spinas, et simul exórtae spinae suffocavérunt illud. Et áliud cécidit in terram bonam: et ortum fecit fructum céntuplum. Haec dicens, clamábat: Qui habet aures audiéndi, áudiat. Interrogábant autem eum discipuli ejus, quae esset haec parábola. Quibus ipse dixit: Vobis datum est nosse mystérium regni Dei, céteris autem in parábolis: ut vidéntes non vídeant, et audiéntes non intélligant.

Est autem haec parábola: Semen est verbum Dei. Qui autem secus viam, hi sunt qui áudiunt: deínde venit diábolus, et tollit verbum de corde eórum, ne credétes salvi fíant. Nam qui supra petram: qui cum audierint, cum gáudio suscipiunt verbum: et hi radices non habent: qui ad tempus credunt, et in témpore tentatiónis recédunt. Quod autem in spinas cécidit: hi sunt, qui audierunt, et a sollicitudinibus, et divítiis, et voluptátibus vitae eúntes, suffocántur, et non réferunt fructum. Quod autem in bonam terram: hi sunt, qui in corde bono et óptimo audiétes verbum rétinent, et fructum áfferunt in paciéntia.

Credo.

Offertorium Ps. 16, 5, 6-7 Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

OBLÁTUM tibi, Dómine, sacrificium, vivíficet nos semper, et múniat. Per Dóminum.

Praefatio de Ssma Trinitate.

Communio Ps. 42, 4 Introíbo ad altáre Dei, ad Deum qui laetíficat juventútem meam.

Postcommunio

SÚPPLICES te rogámus, omnipotens Deus: ut, quos tuis réficis sacraméntis, tibi étiam plácitis móribus dignánte deservíre concédas. Per Dóminum.

V/. Benedicámus Dómino.

R/. Deo grátias.

DOMINICA
IN QUINQAGESIMA

II classis Semiduplex

Statio ad S. Petrum

Introitus **Ps. 30, 3-4**

ESTO mihi in Deum protectórem, et in locum refúgii, ut salvum me fácias: quóniam firmaméntum meum, et refúgium meum es tu: et propter nomen tuum dux mihi eris, et enútries me. **Ps. ibid., 2** In te, Dómine, sperávi, non confúndar in aetérnum: in justítia tua líbera me, et éripe me. **V/.** Glória Patri.

Oratio

PRECES nostras, quaesumus, Dómine, cleménte exáudi: atque a peccatórum vínculis absolútos, ab omni nos adversitáte custódi. Per Dóminum.

* **Orationes pro diversitate Temporum assignatae, ut post diem 29 Decembris, vel post Dominicam III post Epiphaniam.**

Léctio Epístolae beáti Pauli Apóstoli ad Corínthios.

1 Cor. 13, 1-13

FRATRES: Si linguis hóminum loquar, et Angelórum, caritátem autem non hábeam, factus sum velut aes sonans, aut cýbalum tínniens. Et si habúero prophetíam, et nóverim mystéria ómnia, et omnem sciéntiam: et si habúero omnem fidem, ita ut montes transférám, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam, caritátem autem non habúero, nihil mihi prodest. Cáritas pátiens est, benígna est: Cáritas non aemulátur, non agit pérperam, non inflátur, non est ambitiósá, non quaerit quae sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit: sive prophetíae evacuabúntur, sive linguae cessábunt, sive sciéntia destruetúr. Ex parte enim cognóscimus, et ex parte prophetámus. Cum autem vénerit quod perféctum est, evacuábitur quod ex parte est. Cum essem párvulus, loquébar ut párvulus, sapiébam ut párvulus, cogitábam ut párvulus. Quando autem factus sum vir, evacuávi quae erant párvuli. Vidémus nunc per spéculum in aenígmate: tunc autem fácie ad fáciem. Nunc cognóscó ex parte: tunc autem cognóscam sicut et cógnitus sum. Nunc autem manent fides, spes, cáritas, tria haec: major autem horum est cáritas.

Graduale Ps. 76, 15 et 16 Tu es Deus qui facis mirabilia solus: notam fecisti in géntibus virtútem tuam. **V/.** Liberásti in bráchio tuo pópulum tuum, filios Israël et Joseph.

Tractus Ps. 99, 1-2 Jubiláte Deo, omnis terra: servíte Dómino in laetitia. **V/.** Intráte in conspéctu ejus in exultatióne: scitóte, quod Dóminus ipse est Deus. **V/.** Ipse fecit nos, et non ipsi nos: nos autem pópulus ejus, et oves páscae ejus.

* **Quando in Feriis resumitur Missa Dominicae, non dicitur Tractus, sed tantum Graduale.**

+ Sequéntia sancti Evangélii secúndum Lucam.

Luc. 18, 31-43

IN illo témpore: Assúmpsit Jesus duódecim, et ait illis: Ecce ascéndimus Jerosólymam, et consummabúntur ómnia, quae scripta sunt per prophétas de Fílio hóminis. Tradétur enim Géntibus, et illudétur, et flagellábitur, et conspuétur: et postquam flagelláverint, occident eum, et tértia die resúrget. Et ipsi nihil horum intellexérunt, et erat verbum istud absconditum ab eis, et non intelligébant quae dicebantur. Factum est autem, cum appropinquáret Jéricho, caecus quidam sedébat secus viam, mendicans. Et cum audíret turbam praetereúntem, interrogábat quid hoc esset. Dixérunt autem ei, quod Jesus Nazarénus transíret. Et clamávit, dicens: Jesu, fili David, miserére mei. Et qui praeíbant, increpábant eum ut tacéret. Ipse vero multo magis clamábat: Fili David, miserére mei. Stans autem Jesus, jussit illum addúci ad se. Et cum appropinquáset, interrogávit illum, dicens: Quid tibi vis fáciam ? At ille dixit: Dómine, ut vídeam. Et Jesus dixit illi: Réspice, fides tua te salvum fecit. Et conféstim vidit, et sequebátur illum, magnificans Deum. Et omnis plebs ut vidit, dedit laudem Deo.

Credo.

Offertorium Ps. 118, 12-13 Benedíctus es, Dómine, doce me justificatiónes tuas: in lábiis meis pronuntiávi ómnia júdicia oris tui.

Secreta

HAEC hóstia, Dómine, quaésumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum nostrum Jesum Christum Fílium tuum.

Praefatio de Ssma Trinitate.

Communio Ps. 77, 29-30 Manducavérunt, et saturáti sunt nimis, et desidérium eórum áttulit eis Dóminus: non sunt fraudáti a desidério suo.

Postcommunio

QUSUMUS, omnípotens Deus: ut, qui caeléstia aliménta percépiimus, per haec contra ómnia advérsa muniámur. Per Dóminum.

V/. Benedicámus Dómino.

R/. Deo grátias.

FERIA QUARTA CINERUM

Privilegiata Simplex

AD BENEDICTIONEM CINERUM

* **Ante Missam benedicuntur cineres facti de ramis olivarum, sive aliarum arborum, praecedenti anno benedictis, hoc modo:**

In choro, dicta Nona, Sacerdos indutus Pluviali violaceo, vel sine Casula, cum Ministris similiter indutis, procedit ad benedicendum cineres in vase aliquo super Altari positos. Et primo cantatur a choro sequens Antiphona:

Psalm. 68, 17

EXÁUDI nos, Dómine, quóniam benígna est misericórdia tua: secúndum multitudínem miseratiónum

tuárum réspice nos, Dómine. Ps. ibid., 2 Salvum me fac, Deus: quóniam intravérunt aquae usque ad ánimam meam. *Vl.* Glória Patri.

Repetitur Exáudi nos.

* *Deinde Sacerdos in cornu Epistolae, non vertens se ad populum, manibus junctis (quod servatur etiam in Orationibus omnium benedictionum quoad manus junctas) dicit:*

Vl. Dóminus vobíscum.

Rl. Et cum spírítu tuo.

Orémus. *Oratio*

OMNÍPOTENS sempitérne Deus, parce paeniténtibus, propitiáre supplicántibus: et mittere dignéris sanctum Angelum tuum de caelis, qui bene+dícat, et sanctí+ficet hos cíneres, ut sint remédium salúbre ómnibus nomen sanctum tuum humíliter implorántibus, ac semetípsos pro consciéntia delictórum suórum accusántibus, ante conspéctum divínae cleméntiae tuae facínora sua deplorántibus, vel sereníssimam pietátem tuam supplicíter obnixéque flagitántibus: et praesta per invocatiónem sanctíssimi nóminis tui ; ut, quicúmque per eos aspérsi fúerint, pro redemptiÓne peccatórum suórum, córporis sanitátem, et ánimae tutelám percípiant. Per Christum Dóminum nostrum.

Rl. Amen.

Orémus. *Oratio*

DEUS, qui non mortem, sed paeniténtiam desíderas peccatórum: fragilitátem conditiÓnis humánae benigníssime réspice ; et hos cíneres, quos causa proferéndaie humilitátis, atque promeréndaie véniae, capítibus nostris impóni decérnimus, bene+dícere pro tua pietáte dignáre: ut, qui nos cínerem esse, et pravítatis nostrae deméritum in púlverem reversúros cognóscimus ; peccatórum ómnium véniam, et praemia paeniténtibus repromíssa, misericórditer cónsequi mereámur. Per Christum Dóminum nostrum.

Rl. Amen.

Orémus. *Oratio*

DEUS, qui humiliatiÓne flécteris, et satisfactiÓne placáris: aurem tuae pietátis inclína précibus nostris ; et capítibus servórum tuórum, horum cínerum aspersione contáctis, effúnde propítius grátiam tuae benedictiÓnis: ut eos et spírítu compunctiÓnis répleas, et quae juste postuláverint, efficáciter tríbuas ; et concéssa perpétuo stabílita, et intácta manére decérnas. Per Christum Dóminum nostrum.

Rl. Amen.

Orémus. *Oratio*

OMNÍPOTENS sempitérne Deus, qui Ninivítis in cínere et cilício paeniténtibus, indulgéntiae tuae remédia praestítisti: concéde propítius ; ut sic eos imitémur hábitu, quátenus véniae prosequámur obténtu. Per Dóminum.

* *Postea Celebrans, imposito incenso in thuribulo, ter aspergit cineres aqua benedicta, dicendo sine cantu et sine Psalmo*

Apérget me, Dómine, hyssópo, et mundábor: lavábis me, et super nivem dealbábor.

Et ter adolet incenso.

Deinde dignior Sacerdos ex Clero accedens ad Altare, imponit cineres Celebranti non genuflexo. Si vero non adsit alius Sacerdos, ipsemet Celebrans, ad Altare conversus, sibi ipsi cineres imponit in capite, nihil dicens, et cantatur statim a choro

Antiphona Joël. 2, 13

IMMUTÉMUR hábitu, in cínere et cilício: jejunémus, et plorémus ante Dóminum: quia multum miséricors est dimítere peccáta nostra Deus noster.

Alia Antiph. Ibid. 17 et Esther 13, 17 Inter vestibulum et altáre plorábunt sacerdótes minístri Dómini, et dicent: Parce, Dómine, parce pópulo tuo: et ne claudas ora canéntium te, Dómine.

Sequitur Responsorium

Esther 13 ; Joël 2 Emendémus in mélius, quae ignoránter peccávimus: ne súbito praeoccupáti die mortis, quaerámus spátium paeniténtiae, et inveníre non possímus. * Atténde, Dómine, et miserére: quia peccávimus tibi. *Vl.* Ps. 78, 9 Adjuva nos, Deus salutáris noster: et propter honórem nóminis tui, Dómine, libera nos. Atténde, Dómine, et miserére: quia peccávimus tibi. *Vl.* Glória Patri, et Fílio, et Spírítui Sancto. *A* tténde, Dómine, et miserére: quia peccávimus tibi.

* *Sacerdos vero, dum cantantur Antiphonae et Responsorium, detecto capite, primo imponit cineres digniori Sacerdoti, a quo ipse accepit, deinde Ministris paratis, genibus flexis coram Altari, dicens:*

Genes. 3, 19 Meménto, homo, quia pulvis es, et in púlverem revertéris.

* Postea veniunt alii, primo Clerus per ordinem, deinde populus: et genibus flexis ante Altare, singulatim recipiunt cineres a Sacerdote, ut dictum est de Ministris. Completa cinerum impositione, Sacerdos dicit:

V/. Dóminus vobíscum.

R/. Et cum spírítu tuo.

Orémus.

CONCÉDE nobis, Dómine, praesídía milítiae christiánae sanctis inchoáre jejúniis: ut contra spirítales nequítiás pugnáturi, continéntiae muniámur auxiliis. Per Christum Dóminum nostrum.

R/. Amen.

* Deinde dicitur Missa.

* Ab hac die usque ad Sabbatum infra Hebdomadam IV Quadragesimae inclusive, quando dicendae fuerint, juxta Rubricas, Orationes pro diversitate Temporum assignatae, exceptis Missis de beata Maria Virgine et iis in quibus de eadem fit Commemoratio, et exceptis pariter Missa votiva de Omnibus Sanctis et Vigiliis, erunt sequentes, nempe 2a ad poscenda suffragia Sanctorum, A cunctis, 3a pro vivis et defunctis, Omnípotens. Et in eadem Oratione A cunctis, sicut et in ejus Postcommunione, ad litteram N. exprimitur nomen Titularis propriae Ecclesiae, dummodo Titulus non sit Persona divina, vel Mysterium Domini, aut de ipso Titulo non dicatur Missa, aut facta non sit Commemoratio, aut illius nomen non sit in eadem Oratione A cunctis expressum; ac nomina sanctorum Angelorum et sancti Joannis Baptistae, si Titulares fuerint, praeposuntur nomini sancti Joseph. In hisce autem omnibus casibus omittuntur verba atque beáto N. Si vero Missa, vel Commemoratio fuerint de sancto Joseph, aut de sanctis Apostolis Petro et Paulo, in Oratione et Postcommunione omittuntur verba quae eos respiciunt.

* In Vigiliis autem per idem Tempus occurrentibus, loco earumdem Orationum, dicitur, juxta Rubricas, 2a Oratio de sancta Maria, Concéde, 3a contra persecutores Ecclesiae vel pro Papa. In Missis tamen de beata Maria Virgine, et in Missis, in quibus de ea facta sit Commemoratio, necnon in Missa votiva de Omnibus Sanctis, loco Orationis Concéde, dicitur Oratio de Spiritu Sancto.

AD MISSAM

Statio ad S. Sabinam

Introitus **Sap. 11, 24, 25 et 27**

MISERÉRIS ómnium, Dómine, et nihil odísti eórum quae fecísti, dissímulans peccáta hóminum propter paeniténtiam et parcens illis: quia tu es Dóminus Deus noster. **Ps. 56, 2** Miserére mei, Deus, miserére mei: quóniam in te confídít ánima mea. V/. Glória Patri.

Oratio

PRAESTA, Dómine, fidélibus tuis: ut jejuniórum veneránda solémnia, et cóngrua pietáte suscípíant, et secúra devotióne percúrrant. Per Dóminum.

Orationes pro diversitate Temporum assignatae, ut supra. (*Vide post benedictionem cinerum.*)

Léctio Joélis Prophétae.

Joël 2, 12-19

HAEC dicit Dóminus: Convertímini ad me in toto corde vestro, in jejúnio, et in fletu, et in planctu. Et scíndite corda vestra, et non vestiménta vestra, et convertímini ad Dóminum Deum vestrum: quia benígnus, et miséricors est, pátiens, et multae misericórdiae, et praestábilis super malítia. Quis scit, si convertátur, et ignóscat, et relínquat post se benedictiónem, sacrificium, et libámen Dómino Deo vestro? Cánite tuba in Sion, sanctificáte jejúnium, vocáte coetum, congregáte pópulum, sanctificáte ecclésiám, coadunáte senes, congregáte párvulos, et sugéntes úbera: egrediátur sponsus de cubíli suo, et sponsa de thálamo suo. Inter vestibulum et altáre plorábunt sacerdótes ministri Dómini, et dicent: Parce, Dómine, parce pópulo tuo: et ne des hereditátem tuam in oppróbrium, ut dominéntur eis nátiónes. Quare dicunt in pópulis: Ubi est Deus eórum? Zelátus est Dóminus terram suam, et pepércit pópulo suo. Et respóndit Dóminus, et dixit pópulo suo: Ecce ego mittam vobis fruméntum, et vinum, et óleum, et replebímíni eis: et non dabo vos ultra oppróbrium in géntibus: dicit Dóminus omnípotens.

Graduale Ps. 56, 2 et 4 Miserere mei, Deus, miserere mei: quoniam in te confidit anima mea. *V.* Misit de caelo, et liberavit me, dedit in opprobrium conculcantes me.

* **Sequens Tractus dicitur in Missis de Feria II, IV et VI usque ad Feriam II Majoris Hebdomadae inclusive, praeterquam Feria IV Quatuor Temporum.**

Tractus Ps. 102, 10 Domine, non secundum peccata nostra, quae fecimus nos: neque secundum iniquitates nostras retribuas nobis. *V.* **Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. (**Hic genuflectitur**) *V.* Adjuva nos, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

+ Sequentia sancti Evangelii secundum Matthaum.
Matth. 6, 16-21

IN illo tempore: Dixit Jesus discipulis suis: Cum jejunatis, nolite fieri sicut hypocritae, tristes. Exterminant enim facies suas, ut appareant hominibus jejunantes. Amen dico vobis, quia receperunt mercedem suam. Tu autem, cum jejunas, unge caput tuum, et faciem tuam lava, ne videaris hominibus jejunans, sed Patri tuo, qui est in abscondito: et Pater tuus, qui videt in abscondito, reddet tibi. Nolite thesaurizare vobis thesauros in terra: ubi aerugo, et tinea demolitur: et ubi fures effodiunt et furantur. Thesaurizate autem vobis thesauros in caelo: ubi neque aerugo, neque tinea demolitur; et ubi fures non effodiunt nec furantur. Ubi enim est thesaurus tuus, ibi est et cor tuum.

Offertorium Ps. 29, 2-3 Exaltabo te, Domine, quoniam suscepisti me, nec delectasti inimicos meos super me: Domine, clamavi ad te, et sanasti me.

Secreta

FAC nos, quaesumus, Domine, his muneribus offerendis convenienter aptari: quibus ipsius venerabilis sacramenti celebramus exordium. Per Dominum.

* **Praefatio de Quadragesima; quae dicitur usque ad Sabbatum ante Dominicam Passionis inclusive, juxta Rubricas.**

Communio Ps. 1, 2 et 3 Qui meditabitur in lege Domini die ac nocte, dabit fructum suum in tempore suo.

Postcommunio

PERCEPTA nobis, Domine, praebeant sacramenta subsidium: ut tibi grata sint nostra jejunia, et nobis proficiant ad medelam. Per Dominum.

* **Deinde Sacerdos absolute dicit: Oramus. Et Diaconus (si in officio Diaconatus serviat) versus ad populum, junctis manibus, dicit: Humiliate capita vestra Deo. Alioquin ipsa Sacerdos, stans in eodem loco ante librum, et non vertens se ad populum.**

Oratio

INCLINANTES se, Domine, majestati tuae, propitius intende: ut, qui divino munere sunt refecti, caelestibus semper nutriantur auxiliis. Per Dominum.

* **Et hic modus dicendi Orationem super populum servatur tantummodo in Missis de Feria, usque ad Feriam IV Majoris Hebdomadae inclusive.**

V. Benedicamus Domino.

R. Deo gratias.

FERIA V POST CINERES

Simplex

Statio ad S. Georgium

Introitus **Ps. 54, 17, 19, 20 et 23**

DUM clamárem ad Dóminum, exaudivit vocem meam ab his, qui appropínquant mihi: et humiliávit eos, qui est ante saécula, et manet in aetérnum: jacta cogitátum tuum in Dómino, et ipse te enútriet. **Ps. ibid., 2-3** Exáudi, Deus, oratióem meam, et ne despéxeris deprecatióem meam: inténde mihi, et exáudi me. **Vl.** Glória Patri.

Oratio

DEUS, qui culpa offénderis, paeniténtia placáris: preces pópuli tui supplicántis propítius réspice ; et flagélla tuae iracúndiae, quae pro peccátis nostris merémur, avérte. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Isaíae Prophétae.

Isai. 38, 1-6

IN diébus illis: AEGrotávit Ezechías usque ad mortem: et introívit ad eum Isaías filius Amos prophéta, et dixit ei: Haec dicit Dóminus: Dispóne dómui tuae, quia moriéris tu, et non vives. Et convértit Ezechías faciém suam ad paríetem, et orávit ad Dóminum, et dixit: Obsecro, Dómine, meménto quaeso, quómodo ambuláverim coram te in veritáte, et in corde perfécto, et quod bonum est in óculis tuis fécerim. Et flevit Ezechías fletu magno. Et factum est verbum Dómini ad Isaíam, dicens: Vade, et dic Ezechíae: Haec dicit Dóminus Deus David patris tui: Audívi oratióem tuam, et vidi lácrimas tuas: ecce ego adjíciam super dies tuos quíndecim annos: et de manu regis Assyriórum éruam te, et civitátem istam, et prótegam eam, ait Dóminus omnipotens.

Graduale Ps. 54, 23, 17, 18 et 19 Jacta cogitátum tuum in Dómino: et ipse te enútriet. **Vl.** Dum clamárem ad Dóminum, exaudivit vocem meam ab his, qui appropínquant mihi.

+ Sequéntia sancti Evangélii secúndum Matthaéum.

Matth. 8, 5-13

IN illo témpore: Cum introísset Jesus Caphárnaum, accéssit ad eum centúrio, rogans eum, et dicens: Dómine, puer meus jacet in domo paralýticus, et male torquétur. Et ait illi Jesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit ; et álii: Veni, et venit ; et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Jacob in regno caelórum: filii autem regni ejiciéntur in ténebras exterióres: ibi erit fletus, et stridor déntium. Et dixit Jesus centurióni: Vade, et sicut credidísti, fiat tibi. Et sanátus est puer in illa hora.

Offertorium Ps. 24, 1-3 Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

SACRIFÍCIIS praeséntibus, Dómine, quaésumus, inténde placátus: ut et devotióni nostrae proficiant, et salúti. Per Dóminum.

Praefatio de Quadragesima.

Communio Ps. 50, 21 Acceptábis sacrificium justítiae, oblatiões, et holocáusta, super altáre tuum, Dómine.

Postcommunio

CAELÉSTIS doni benedictióne percépta: súplices te, Deus omnípotens, deprecámur ; ut hoc idem nobis et sacraménti causa sit, et salútis. Per Dóminum.

Super populum: Orémus. Humiliáte cápita vestra Deo.

Oratio

PARCE, Dómine, parce pópulo tuo: ut dignis flagellatióibus castigátus, in tua miseratióne respíret. Per Dóminum.

Simplex

Statio ad Ss. Joannem et Paulum

Introitus **Ps. 29, 11**

AUDÍVIT Dóminus, et misértus est mihi: Dóminus factus est adjútor meus. **Ps. ibid., 2** Exaltábo te, Dómine, quóniam suscepísti me: nec delectásti inimícos meos super me. **VI.** Glória Patri.

Oratio

INCHOÁTA jejúnia, quaésumus, Dómine, bénigno favóre proséquare: ut observántiam, quam corporáliter exhibémus, méntibus étiam sincéris exercére valeámus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Isaíae Prophétae.

Isai. 58, 1-9

HAEC dicit Dóminus Deus: Clama, ne cesses: quasi tuba exálta vocem tuam: et annúntia pópulo meo scélera eórum, et dómui Jacob peccáta eórum. Me etenim de die in diem quaerunt, et scire vias meas volunt: quasi gens, quae justítiam fécerit, et iudícium Dei sui non derelíquerit: rogant me iudícia justítiae: appropinquáre Deo volunt. Quare jejunávimus, et non aspexísti: humiliávimus ánimas nostras, et nescísti? Ecce in die jejúnii vestri invenítur volúntas vestra, et omnes debitóres vestros repétitis. Ecce ad lites et contentiónes jejunátis, et percútis pugno ímpie. Nolíte jejunáre sicut usque ad hanc diem, ut audiátur in excélsó clamor vester. Numquid tale est jejúnium, quod elégi, per diem afflígere hóminem ánimam suam? Numquid contorquére quasi círculum caput suum, et saccum et cínerem stérnere? Numquid istud vocábis jejúnium, et diem acceptábilem Dómino? Nonne hoc est magis jejúnium quod elégi? dissólve colligatiónes impietátis, solve fascículos depríméntes: dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit fáciem tuam justítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum. Quia miséricors sum, Dóminus Deus tuus.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **VI.** Ut vídeam voluptátem Dómini, et prótegar a templo sancto ejus.

Tractus Ps. 102, 10 Dómine, non secúndum peccáta nostra, quae fécimus nos: neque secúndum iniquitátes nostras retríbuas nobis. **VI. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur)** **VI.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélii secúndum Matthaéum.

Matth. 5, 43-48 et 6, 1-4

IN illo témpore: Dixit Jesus discípulis suis: Audístis quia dictum est: Díliges próximum tuum, et ódio habébis inimícum tuum. Ego autem dico vobis: Dílígite inimícos vestros, benefácite his, qui odérunt vos: et oráte pro persecuéntibus et calumniántibus vos: ut sitis filii Patris vestri, qui in caelis est: qui solem suum oríri facit super bonos et malos: et pluit super justos et injústos. Si enim dilígitis eos, qui vos dilígunt, quam mercédem habébitis? nonne et publicáni hoc faciunt? Et si salutavéritis fratres vestros tantum, quid ámplius fácitis? nonne et éthnici hoc faciunt? Estóte ergo vos perfécti, sicut et Pater vester caeléstis perféctus est. Atténdite ne justítiam vestram faciátis coram homínibus, ut videámini ab eis: alióquin mercédem non habébitis apud Patrem vestrum, qui in caelis est. Cum ergo facis eleemósynam, noli tuba cánere ante te, sicut hypócritae faciunt in synagógis, et in vicis, ut honorificéntur ab homínibus. Amen dico vobis, recepérunt mercédem suam. Te autem faciénte eleemósynam, nésciat sinistra tua, quid faciat délixtera tua, ut sit eleemósyna tua in abscóndito, et Pater tuus, qui videt in abscóndito, reddet tibi.

Offertorium Ps. 118, 154 et 125 Dómine, vivífica me secúndum elóquium tuum: ut sciam testimónia tua.

Secreta

SACRIFÍCIUM, Dómine, observántiae quadragesimális, quod offérimus, praesta, quaésumus: ut tibi et mentes nostras reddat accéptas, et continéntiae promptiórís nobis tríbuat facultátem. Per Dóminum.

Praefatio de Quadragesima.

Communio Ps. 2, 11-12 Servíte Dómino in timóre, et exsultáte ei cum tremóre: apprehéndite disciplínam, ne pereátis de via justa.

Postcommunio

SPÍRITUM nobis, Dómine, tuae caritátis infúnde: ut, quos uno pane caelésti satiásti, tua fácias pietáte concórdes. Per Dóminum **in unitáte ejúsdem Spíritus Sancti Deus.**

Super populum: Orémus. Humiliáte cápita vestra Deo.

Oratio

TUÉRE, Dómine, pópulum tuum, et ab ómnibus peccátis cleménte emúnda: quia nulla ei nocébit advérsitas, si nulla ei dominétur iníquitas. Per Dóminum.

SABBATO POST CINERES**Simplex**

Statio ad S. Tryphonem

Introitus **Ps. 29, 11**

AUDÍVIT Dóminus, et misértus est mihi: Dóminus factus est adjútor meus. **Ps. ibid., 2** Exaltábo te, Dómine, quóniam suscepísti me: nec delectásti inimícos meos super me. **VI.** Glória Patri.

Oratio

ADÉSTO, Dómine, supplicatióibus nostris: et concéde ; ut hoc solémne jejúnium, quod animábus corporibúsq; curándis salúbriter institútum est, devóto servítio celebrémus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Isaíae Prophétae.

Isai. 58, 9-14

HAEC dicit Dóminus Deus: Si abstúleris de médio tui caténam, et desíeris exténdere dígitum, et loqui quod non prodest. Cum effúderis esuriénte ánimam tuam, et ánimam afflíctam repléveris, oriétur in ténebris lux tua, et ténebrae tuae erunt sicut merídiés. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irríguus, et sicut fons aquárum cujus non defícient aquae. Et aedificábuntur in te desérta saeculórum: fundaménta generatiónis et generatiónis suscitábis: et vocáberis aedificátor sépium, avértens sémitas in quiétem. Si avérteris a sábbato pedem tuum, fácere voluntátem tuam in die sancto meo, et vocáveris sábbatum delicátum, et sanctum Dómini gloriósum, et glorificáveris eum, dum non facis vias tuas, et non invenítur volúntas tua, ut loquáris sermónem: tunc delectáberis super Dómino: et sustóllam te super altitúdines terrae, et cibábo te hereditáte Jacob patris tui. Os enim Dómini locútum est.

Graduale Ps. 26, 4 Unam pétii a Dómino, hanc requíram, ut inhábitem in domo Dómini. **VI.** Ut vídeam voluptátem Dómini, et prótegar a templo sancto ejus.

+ Sequéntia sancti Evangélii secúndum Marcum.

Marc. 6, 47-56

IN illo témpore: Cum sero esset, erat navis in médio mari, et Jesus solus in terra. Et videns discípulos suos laborántes in remigándo (erat enim ventus contrárius eis) , et circa quartam vigíliam noctis venit ad eos ámbulans supra mare: et volébat praeteríre eos. At illi, ut vidérunt eum ambulántem supra mare, putavérunt phantásma esse, et exclamavérunt. Omnes enim vidérunt eum, et conturbáti sunt. Et statim locútus est cum eis, et dixit eis: Confídite, ego sum, nolíte timére. Et ascendit ad illos in navim, et cessávit ventus. Et plus magis intra se stupébant: non enim intellexérunt de pánibus: erat enim cor eórum obcaecátum. Et cum transfretássent, venérunt in terram Genésareth, et applicuérunt. Cumque egressi essent de naví, contínuo cognovérunt eum: et percurréntes univérsam regióne illam, coepérunt in grabátis eos, qui se male habébant, circumférre ubi audiébant eum esse. Et quocúmque introibat, in vicos, vel in villas, aut civitátes, in platéis ponébant infirmos, et deprecabántur eum, ut vel fímbríam vestiménti ejus tangerent: et quotquot

Offertorium Ps. 118, 154 et 125 Dómine, vivífica me secúndum elóquium tuum: ut sciam testimónia tua.

Secreta

SÚSCIPE, Dómine, sacrificium, cujus te voluísti dignánte immolatióne placári: praesta, quaésumus: ut, hujus operatióne mundáti, beneplácitum tibi nostrae mentis offerámus afféctum. Per Dóminum.

Praefatio de Quadragesima.

Communio Ps. 2, 11-12 Servíte Dómino in timóre, et exsultáte ei cum tremóre: apprehéndite disciplínam, ne pereátis de via justa.

Postcommunio

CAELÉSTIS vitae múnere vegetáti, quaésumus, Dómine: ut, quod est nobis in praesénti vita mystérium, fiat aeternitátis auxiliium. Per Dóminum.

Super populum: Orémus. Humiliáte cápita vestra Deo.

Oratio

FIDÉLES tui, Deus, per tua dona firméntur: ut éadem et percipiéndó requírant, et quaeréndó sine fine percípiant. Per Dóminum.

DOMINICA PRIMA
IN QUADRAGESIMA

I classis Semiduplex

Statio ad S. Joannem in Laterano

Introitus Ps. 90, 15 et 16

INVOCÁBIT me, et ego exáudiam eum: erípiam eum, et glorificábo eum: longitúdine diérum adimplébo eum. **Ps. ibid., 1** Qui hábitat in adjutório Altíssimi, in protectióne Dei caeli commorábitur. **Vl.** Glória Patri.

Oratio

DEUS, qui Ecclésiám tuam ánnua quadragesimáli observatióne puríficas: praesta famíliae tuae ; ut, quod a te obtinére abstinéndó nítitur, hoc bonis opéribus exsequátur. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Epístolae beáti Pauli Apóstoli ad Corínthios.

2 Cor. 6, 1-10

FRATRES: Exhortámur vos, ne in vácuum grátiam Dei recipiátis. Ait enim: Témpore accépto exaudívi te, et in die salútis adjúvi te. Ecce nunc tempus acceptábile, ecce nunc dies salútis. Némíni dantes ullam offensióne, ut non vituperétur ministérium nostrum: sed in ómnibus exhibeámus nosmetípsos sicut Dei minístros, in multa paciéntia, in tribulatióne, in necessitatibus, in angústis, in plagis, in carcéribus, in seditiõnibus, in labóribus, in vigiliis, in jejúniis, in castitate, in sciéntia, in longanimitate, in suavitate, in Spírítu Sancto, in caritate non ficta, in verbo veritátis, in virtúte Dei, per arma justítiae a dextris, et a sinístris: per glóriam, et ignobilitátem: per infámiam, et bonam famam: ut seductóres, et veráces: sicut qui ignóti, et cógniti: quasi moriéntes, et ecce vívimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale Ps. 90, 11-12 Angelis suis mandávit de te, ut custódiat te in ómnibus viis tuis. **Vl.** In mánibus portábunt te, ne umquam offéndas ad lápidem pedem tuum.

Tractus Ibid., 1-7 et 11-16 Qui hábitat in adjutório Altíssimi, in protectióne Dei caeli commorábitur. **Vl.** Dicit Dómino: Suscéptor meus es tu, et refúgium meum: Deus meus, sperábo in eum. **Vl.** Quóniam ipse liberávit me de láqueo venántium, et a verbo áspero. **Vl.** Scápolis suis obumbrábit tibi, et sub pennis ejus sperábis. **Vl.** Scuto circúmdabit te véritas ejus: non timébis a timóre noctúrno. **Vl.** A sagítta volánte per diem, a negótio perambulánte in ténébris, a ruína et daemónio meridiáno. **Vl.** Cadent a látere tuo mille, et decem millia a dextris tuis: tibi autem non appropinquábit. **Vl.** Quóniam Angelis suis mandávit de te, ut custódiat te in ómnibus viis tuis. **Vl.** In mánibus portábunt te, ne umquam offéndas ad lápidem pedem tuum. **Vl.** Super

áspidem et basilíscum ambulábis, et conculcábis leónem et dracónem. *V.* Quóniam in me sperávit, liberábo eum: prótegam eum, quóniam cognóvit nomen meum. *V.* Invocábit me, et ego exáudiam eum: cum ipso sum in tribulatióne. *V.* Erípiam eum, et glorificábo eum: longitúdine diérum adimplébo eum, et osténdam illi salutáre meum.

+ Sequéntia sancti Evangélii secúndum Matthaéum.

Matth. 4, 1-11

IN illo témpore: Ductus est Jesus in desértum a Spíritu, ut tentarétur a diábolo. Et cum jejunásset quadragínta diébus et quadragínta nóctibus, póstea esúriit. Et accédens tentátor, dixit ei: Si Fílius Dei es, dic ut lápides isti panes fiant. Qui respóndens, dixit: Scriptum est: Non in solo pane vivit homo: sed in omni verbo, quod procédit de ore Dei. Tunc assúmpsit eum diábolus in sanctam civitátem, et státuit eum super pinnáculum templi, et dixit ei: Si Fílius Dei es, mitte te deórsum. Scriptum est enim: Quia Angelis suis mandávit de te, et in mánibus tollent te, ne forte offéndas ad lápidem pedem tuum. Ait illi Jesus: Rursum scriptum est: Non tentábis Dóminum Deum tuum. Iterum assúmpsit eum diábolus in montem excélsu valde: et osténdit ei ómnia regna mundi, et glóriam eórum, et dixit ei: Haec ómnia tibi dabo, si cadens adoráveris me. Tunc dicit ei Jesus: Vade, Sátana: scriptum est enim: Dóminum Deum tuum adorábis: et illi soli sérvies. Tunc relíquit eum diábolus: et ecce Angeli accessérunt, et ministrábant ei.

Credo.

Offertorium Ps. 90, 4-5 Scápulís suis obumbrábit tibi Dóminus, et sub pennís ejus sperábis: scuto circúmdabit te vérítas ejus.

Secreta

SACRIFÍCIUM quadagesimális iníitii solémniter immolámus, te, Dómine, deprecántes: ut, cum epulárum restrictióne carnálium, a nóxiis quoque voluptátibus temperémus. Per Dóminum.

Praefatio de Quadragesima.

Communio Ps. 90, 4-5 Scápulís suis obumbrábit tibi Dóminus, et sub pennís ejus sperábis: scuto circúmdabit te vérítas ejus.

Postcommunio

TUI nos, Dómine, sacraménti libátio sancta restáuret: et a vetustáte purgátos, in mystérii salutáris fáciat transíre consórtium. Per Dóminum.

FERIA SECUNDA
POST DOMINICAM I
IN QUADRAGESIMA

Simplex

Statio ad S. Petrum ad Vincula

Introitus **Ps. 122, 2**

SICUT óculi servórum in mánibus dominórum suórum: ita óculi nostri ad Dóminum Deum nostrum, donec misereátur nobis: misere nobis, Dómine, misere nobis. **Ps. *ibid.*, 1** Ad te levávi óculos meos: qui hábitas in caelis. *V.* Glória Patri.

Oratio

CONVÉRTE nos, Deus salutáris noster: et, ut nobis jejúniúm quadagesimále profíciat, mentes nostras caeléstibus ínstrue disciplínis. Per Dóminum.

Orationes pro diversitate Temporum assignatae, ut supra. (*Vide post benedictionem cinerum.*)

Léctio Ezechiélis Prophétae.

Ezech. 34, 11-16

HAEC dicit Dóminus Deus: Ecce ego ipse requíram oves meas, et visitábo eas. Sicut vísitat pastor gregem suum in die, quando fúerit in médio óvium suárum dissipátarum: sic visitábo oves meas, et liberábo eas de ómnibus locis, in quibus dispérsae fúerant in die nubis et calígínis. Et edúcam eas de pópulis, et

congregábo eas de terris, et indúcam eas in terram suam: et pascam eas in móntibus Israëli, in rivis, et in cunctis sédibus terrae. In páscuis ubérrimis pascam eas, et in móntibus excélsis Israëli erunt páscuae eárum: ibi requiescent in herbis viréntibus, et in páscuis pínguibus pascéntur super montes Israëli. Ego pascam oves meas, et ego eas accubáre fáciam, dicit Dóminus Deus. Quod perierat, requíram ; et quod abjéctum erat, redúcam ; et quod confráctum fúerat, alligábo ; et quod infirmum fúerat, consolidábo ; et quod pingue et forte, custódiám: et pascam illas in iudício, dicit Dóminus omnípotens.

Graduale Ps. 83, 10 et 9 Protéctor noster áspice, Deus, et réspice super servos tuos. **V/.** Dómine Deus virtútum, exáudi preces servórum tuórum.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retribuas nobis. **V/.** **Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **(Hic genuflectitur)** **V/.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélii secúndum Matthaéum.

Math. 25, 31-46

IN illo témpore: Dixit Jesus discipulis suis: Cum vénerit Fílius hóminis in majestáte sua, et omnes Angeli cum eo, tunc sedébit super sedem majestátis suae: et congregabúntur ante eum omnes gentes, et separábit eos ab ínvicem, sicut pastor ségregat oves ab haedis: et státuet oves quidem a dextris suis, haedos autem a sinístris. Tunc dicet Rex his, qui a dextris ejus erunt: Veníte benedícti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre: sitívi, et dedístis mihi bíbere: hospes eram, et collegístis me: nudus, et cooperuístis me: infirmus, et visitástis me: in cárcere eram, et venístis ad me. Tunc respondébunt ei justí, dicéntes: Dómine, quando te vídimus esuriéntem, et pávimus te: sitiéntem, et dedimus tibi potum ? quando autem te vídimus hóspitem, et collégimus te: aut nudum, et cooperuístis me ? aut quando te vídimus infirmum, aut in cárcere, et vénimus ad te ? Et respóndens Rex, dicet illis: Amen dico vobis: quámdu fecístis uni ex his frátribus meis mínimis, mihi fecístis. Tunc dicet et his, qui a sinístris erunt: Discédite a me maledícti in ignem aetérnum, qui parátus est diabolo, et ángelis ejus. Esurívi enim, et non dedístis mihi manducáre: sitívi, et non dedístis mihi potum: hospes eram, et non collegístis me: nudus, et non cooperuístis me: infirmus, et in cárcere, et non visitástis me. Tunc respondébunt ei et ipsi, dicéntes: Dómine, quando te vídimus esuriéntem, aut sitiéntem, aut hóspitem, aut nudum, aut infirmum, aut in cárcere, et non ministrávimus tibi ? Tunc respondébit illis, dicens: Amen dico vobis: Quámdu non fecístis uni de minóribus his, nec mihi fecístis. Et ibunt hi in supplícium aetérnum: justí autem in vitam aetérnam.

Offertorium Ps. 118, 18, 26 et 73 Levábo óculos meos, et considerábo mirabília tua, Dómine, ut dóceas me justítias tuas: da mihi intelléctum, et discam mandáta tua.

Secreta

MÚNERA tibi, Dómine, obláta sanctífica: nosque a peccatórum nostrórum máculis emúnda. Per Dóminum.

Praefatio de Quadragesima.

Communio Matth. 25, 40 et 34 Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab initio saéculi.

Postcommunio

SALUTÁRIS tui, Dómine, múnere satiáti, súplices exorámus: ut, cujus laetámur gustu, renovémur efféctu. Per Dóminum.

Super populum: Orémus. Humiliáte cápita vestra Deo.

Oratio

ABSÓLVE, quaésumus, Dómine, nostrórum víncula peccatórum: et, quidquid pro eis merémur, propitiátus avérte. Per Dóminum.

FERIA TERTIA
POST DOMINICAM I
IN QUADRAGESIMA

Simplex

Statio ad S. Anastasiam

Introitus **Ps. 89, 1 et 2**

DÓMINE, refúgium factus es nobis a generatióne et progénie: a saéculo, et in saéculum tu es. **Ps. ibid., 2**
Priúsqam montes fierent, aut formarétur terra, et orbis: a saéculo, et usque in saéculum tu es, Deus. **Vl.**
Glória Patri.

Oratio

RÉSPICE, Dómine, famíliam tuam: et praesta ; ut apud te mens nostra tuo desidério fúlgeat, quae se
carnis maceratióne castigat. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Isaíae Prophétae.

Isai. 55, 6-11

IN diébus illis: Locútus est Isaías prophéta, dicens: Quáerite Dóminum, dum inveníri potest: invocáte eum,
dum prope est. Derelínquat ímpius viam suam, et vir iníquus cogitatiónes suas, et revertátur ad Dóminum:
et miserébitur ejus, et ad Deum nostrum: quóniam multus est ad ignoscéndum. Non enim cogitatiónes
meae, cogitatiónes vestrae: neque viae vestrae, viae meae, dicit Dóminus. Quia sicut exaltántur caeli a
terra, sic exaltátae sunt viae meae a viis vestris, et cogitatiónes meae a cogitatióne vestris. Et quómo-
modo descendit imber et nix de caelo, et illu c ultra non revértitur, sed inébriat terram, et infúndit eam, et
germináre eam facit, et dat semen serénti, et panem comedénti: sic erit verbum meum, quod egrediétur de
ore meo: non revertétur ad me vácuum, sed fáciat quaecúmque vólui, et prosperábitur in his, ad quae misi
illud: ait Dóminus omnipotens.

Graduale Ps. 140, 2 Dirigátur orátio mea sicut incénsus in conspéctu tuo, Dómine. **Vl.** Elevátio mánuum
meárum sacrificium vespertinum.

+ Sequéntia sancti Evangélii secúndum Matthaéum.

Math. 21, 10-17

IN illo témpore: Cum intrásset Jesus Jerosólymam, commóta est univérsa cívitas, dicens: Quis est hic ?
Pópuli autem dicébant: Hic est Jesus Prophéta a Názareth Galilaéae. Et intrávit Jesus in templum Dei, et
ejiciébat omnes vendéntes, et eméntes in templo ; et mensas nummulariórum, et cáthedras vendéntium
colúmbas evértit: et dicit eis: Scriptum est: Domus mea domus oratiónis vocábitur: vos autem fecistis illam
spelúncam latrónum. Et accessérunt ad eum caeci et claudi in templo: et sanávit eos. Vidéntes autem
príncipes sacerdotum, et scribae mirabilia, quae fecit, et púeros clamántes in templo, et dicéntes: Hosánna
fílio David: indignáti sunt, et dixerunt ei: Audis quid isti dicunt ? Jesus autem dixit eis: Utique. Numquam
legístis: Quia ex ore infántium et lacténtium perfecisti laudem ? Et relíctis illis, ábiit foras extra civitátem in
Bethániam: ibíque mansit.

Offertorium Ps. 30, 15-16 In te sperávi, Dómine ; dixi: Tu es Deus meus, in mánibus tuis témpora mea.

Secreta

OBLÁTIS, quaésumus, Dómine, placáre munéribus: et a cunctis nos defénde perículis. Per Dóminum.

Praefatio de Quadragesima.

Communio Ps. 4, 2 Cum invocárem te, exaudísti me, Deus justítiae meae: in tribulatióne dilatásti me:
miserére mihi, Dómine, et exáudi oratióne meam.

Postcommunio

QUSUMUS, omnipotens Deus: ut illíus salutáris capiámus efféctum, cujus per haec mystéria pignus
accépimus. Per Dóminum nostrum Jesum Christum.

Super populum: Orémus. Humiliáte cápita vestra Deo.

Oratio

ASCÉNDAT ad te, Dómine, preces nostrae: et ab Ecclésia tua cunctam repélle nequítiam. Per Dóminum.

FERIA QUARTA
QUATUOR TEMPORUM
QUADRAGESIMAE

Simplex

Statio ad S. Mariam majorem

Introitus **Ps. 24, 6, 3 et 22**

REMINISCERE miseratiónum tuárum, Dómine, et misericórdiae tuae, quae a saéculo sunt: ne umquam dominéntur nobis inimíci nostri: líbera nos, Deus Israël, ex ómnibus angústíis nostris. **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. **Vl.** Glória Patri.

Post Kýrie, eléison, **dicitur:** Orémus. Flectámus génuá.

R/. Leváte.

Oratio

PRECES nostras, quaésumus, Dómine, cleménter exáudi: et contra cuncta nobis adversántia, dexteram tuae majestátis exténde. Per Dóminum.

Léctio libri Exodi.

Exodi 24, 12-18

IN diébus illis: Dixit Dóminus ad Móysen: Ascénde ad me in montem, et esto ibi: dabóque tibi tábulas lapídeas, et legem ac mandáta quae scripsi: ut dóceas fílios Israël. Surrexérunt Móyses et Jósue mínister ejus: ascendénsque Móyses in montem Dei, senióriibus ait: Exspectáte hic donec revertámur ad vos. Habétis Aaron et Hur vobíscum: si quid natum fúerit quaestiónis, referétis ad eos. Cumque ascendíset Móyses, opéruit nubes montem, et habitávit glória Dómini super Sínai, tegens illum nube sex diébus: séptimo autem die vocávit eum de médio caliginis. Erat autem spécies glóriæ Dómini, quasi ignis ardens super vérticem montis, in conspéctu filiórum Israël. Ingressúsque Móyses médium nébulæ, ascéndit in montem: et fuit ibi quadragínta diébus et quadragínta nóctibus.

Graduale Ps. 24, 17-18 Tribulatiónes cordis mei dilatátae sunt: de necessitatibus meis éripe me, Dómine. **Vl.** Vide humilitátem meam, et labórem meum: et dimítte ómnia peccáta mea.

Hic dicitur Vl. Dóminus vobíscum, **sine** Flectámus génuá.

Orémus **Oratio**

DEVOTIÓNEM pópuli tui, quaésumus, Dómine, benígnus inténde: ut, qui per abstinéntiam macerántur in córpore, per fructum boni óperis reficiántur in mente. Per Dóminum nostrum Jesum Christum Fílium tuum: Qui tecum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Regum.

3 Reg. 19, 3-8

IN diébus illis: Venit Elías in Bersabée Juda, et dimísit ibi púerum suum, et perréxit in desértum, viam uníus diéi. Cumque veníset, et sedéret subter unam juníperum, petívit ánimæ suae ut morerétur, et ait: Súfficit mihi, Dómine, tolle ánimam meam: neque enim mélior sum, quam patres mei. Projecítque se, et obdormívit in umbra juníperi: et ecce Angelus Dómini tétigit eum, et dixit illi: Surge et cómede. Respéxit, et ecce ad caput suum subcinerícus panis, et vas aquae: comédit ergo et bibit, et rursus obdormívit. Reversúsque est Angelus Dómini secúndo, et tétigit eum, dixítque illi: Surge, cómede: grandis enim tibi restat via. Qui cum surrexíset, comédit, et bibit, et ambulávit in fortitúdine cibi illíus quadragínta diébus, et quadragínta nóctibus, usque ad montem Dei Horeb.

Tractus Ps. 24, 17, 18 et 1-4 De necessitatibus meis éripe me, Dómine: vide humilitátem meam et labórem meum: et dimítte ómnia peccáta mea. **Vl.** Ad te, Dómine, levávi ánimam meam: Deus meus, in te confído, non erubéscam: neque irrideant me inimíci mei. **Vl.** Etenim univérsti qui te expéctant, non confundéntur: confundántur omnes faciéntes vana.

+ Sequéntia sancti Evangélii secúndum Matthaéum.

Matth. 12, 38-50

IN illo tēpore: Respondērunt Jesu quidam de scribis et pharisaéis, dicētes: Magíster, vólumus a te signum vidēre. Qui respōdens, ait illis: Generátio mala et adúltera signum quaerit: et signum non dábitur ei, nisi signum Jonae prophētae. Sicut enim fuit Jonas in ventre ceti tribus diēbus, et tribus nóctibus: sic erit Fílius hóminis in corde terrae tribus diēbus, et tribus nóctibus. Viri Ninivítae surgent in iudício cum generatióne ista, et condemnábunt eam: quia paeniténtiam egērunt in praedicatióne Jonae. Et ecce plus quam Jonas hic. Regína Austri surget in iudício cum generatióne ista, et condemnábit eam: quia venit a fínibus terrae audíre sapiéntiam Salomónis. Et ecce plus quam Sálomon hic. Cum autem immúndus spíritus exíerit ab hómine, ámbulat per loca árida, quaerens réquiem, et non ínvenit. Tunc dicit: Revértar in domum meam, unde exívi. Et véniens ínvenit eam vacántem, scopis mundátam, et ornátam. Tunc vadit, et assúmit septem álios spíritus secum nequióres se, et intrántes hábitant ibi: et fiunt novíssima hóminis illíus pejóra prióribus. Sic erit et generatióni huic péssimae. Adhuc eo loquēte ad turbas, ecce mater ejus et fratres stabant foris, quaerētes loqui ei. Dixit autem ei quidam: Ecce mater tua et fratres tui foris stant quaerētes te. At ipse respōdens dicēti sibi, ait: Quae est mater mea, et qui sunt fratres mei ? Et extēdens manum in discípulos suos, dixit: Ecce mater mea, et fratres mei. Quicúmque enim fécerit voluntátem Patris mei, qui in caelis est: ipse meus frater, et soror, et mater est.

Offertorium Ps. 118, 47 et 48 Meditábor in mandátis tuis, quae diléxi valde: et levábo manus meas ad mandáta tua, quae diléxi.

Secreta

HÓSTIAS tibi, Dómine, placatiónis offérimus: ut et delícta nostra miserátus absólvas, et nutántia corda tu dírigas. Per Dóminum.

Praefatio de Quadragesima.

Communio Ps. 5, 2-4 Intéllige clamórem meum: inténde voci oratiónis meae, Rex meus, et Deus meus: quóniam ad te orábo, Dómine.

Postcommunio

TUI, Dómine, perceptiόne sacraménti, et a nostris mundémur occúltis, et ab hóstium liberémur insídiis. Per Dóminum.

Super populum: Orémus. Humiliáte cápita vestra Deo.

Oratio

MENTES nostras, quaésumus, Dómine, lúmine tuae claritátis illústra: ut vidēre possímus, quae agénda sunt ; et, quae recta sunt, ágere valeámus. Per Dóminum.

FERIA QUINTA POST DOMINICAM I IN QUADRAGESIMA

Simplex

Statio ad S. Laurentium in Paneperna

Introitus **Ps. 95, 6**

CONFÉSSIO et pulchritúdo in conspéctu ejus: sánctitas et magnificéntia in sanctificatióne ejus. **Ps. ibid., 1** Cantáte Dómino cánticum novum: cantáte Dómino, omnis terra. **Vl.** Glória Patri.

Oratio

DEVOTIÓNEM pópuli tui, quaésumus, Dómine, benígnus inténde: ut, qui per abstinéntiam macerántur in córpore, per fructum boni óperis reficiántur in mente. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Ezechiélis Prophētae.
Ezech. 18, 1-9

IN diēbus illis: Factus est sermo Dómini ad me, dicens: Quid est, quod inter vos parábolam vértitis in provérbium istud in terra Israēl, dicētes: Patres comedérunt uvam acérbam, et dentes filiórum obstupéscunt ? Vivo ego, dicit Dóminus Deus, si erit ultra vobis parábola haec in provérbium in Israēl. Ecce

omnes animae, meae sunt: ut ánima patris, ita et ánima filii, mea est: ánima, quae peccáverit, ipsa moriétur. Et vir si fúerit justus, et fécerit iudícium et justítiam, in móntibus non coméderit, et óculos suos non leváverit ad idóla domus Israël: et uxórem próximi sui non violáverit, et ad mulierem menstruátam non accésserit: et hóminem non contristáverit: pignus debitóri reddíderit, per vim nihil rapúerit: panem suum esuriénti déderit, et nudum operúerit vestiménto: ad usúram non commodáverit, et ámplius non accéperit: ab iniquitáte avérterit manum suam, iudícium verum fécerit inter virum et virum: in praecéptis meis ambuláverit, et iudícia mea custodíerit, ut fáciat veritátem: hic justus est, vita vivet, ait Dóminus omnípotens.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. *Vl.* De vultu tuo iudícium meum pródeat: óculi tui vídeant aequitátem.

+ Sequéntia sancti Evangélii secúndum Matthaéum.

Matth. 15, 21-28

IN illo témpore: Egréssus Jesus secéssit in partes Tyri et Sidónis. Et ecce múlter Chananaéa a fínibus illis egréssa clamávit, dicens ei: Miserére mei, Dómine, fili David: filia mea male a daemónio vexátur. Qui non respóndit ei verbum. Et accedéntes discípuli ejus rogábant eum, dicéntes: Dimítte eam ; quia clamat post nos. Ipse autem respóndens, ait: Non sum missus nisi ad oves, quae periérunt, domus Israël. At illa venit, et adorávit eum, dicens: Dómine, ádjuva me. Qui respóndens, ait: Non est bonum súmere panem filiórum, et mittere cánibus. At illa dixit: Etiam, Dómine: nam et catélli edunt de micis, quae cadunt de mensa dominórum suórum. Tunc respóndens Jesus, ait illi: O múlter, magna est fides tua: fiat tibi sicut vis. Et sanáta est filia ejus ex illa hora.

Offertorium Ps. 33, 8-9 Immíttet Angelus Dómini in circúitu timéntium eum, et erípiet eos: gustáte, et vidéte, quóniam suávis est Dóminus.

Secreta

SACRIFÍCIA, Dómine, quaésumus, propénsius ista nos salvent, quae medicínalibus sunt institúta jejúniis. Per Dóminum.

Praefatio de Quadragesima.

Communio Joann. 6, 52 Panis, quem ego dédero, caro mea est pro saéculi vita.

Postcommunio

TUÓRUM nos, Dómine, largitáte donórum, et temporálibus attólle praesídiis, et rénova sempitérnis. Per Dóminum.

Super populum: Orémus. Humiliáte cápita vestra Deo.

Oratio

DA, quaésumus, Dómine, pópulis cristiánis: et, quae profiténtur, agnóscere, et caeléste munus dilígere, quod frequéntant. Per Dóminum.

FERIA SEXTA
QUATUOR TEMPORUM
QUADRAGESIMAE

Simplex

Statio ad Ss. duodecim Apostolos

Introitus **Ps. 24, 17 et 18**

DE necessitátibus meis éripe me, Dómine: vide humilitátem meam et labórem meum, et dimítte ómnia peccáta mea. **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. *Vl.* Glória Patri.

Oratio

ESTO, Dómine, propítius plebi tuae: et, quam tibi facis esse devótam, benígno réfove miserátus auxílio. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Lectio Ezechiélis Prophetae.

Ezech. 18, 20-28

HAEC dicit Dóminus Deus: Anima, quae peccáverit, ipsa moriétur: fílius non portábit iniquitátem patris, et pater non portábit iniquitátem fílii: justítia justí super eum erit, et impietas ímpii erit super eum. Si autem ímpius égerit paeniténtiam ab ómnibus peccáteis suis, quae operátus est, et custodierit ómnia praecépta mea, et fécerit judícium et justítiam: vita vivet, et non moriétur. Omnium iniquitátum ejus, quas operátus est, non recordábor: in justítia sua, quam operátus est, vivet. Numquid voluntátis meae est mors ímpii, dicit Dóminus Deus, et non ut convertátur a viis suis, et vivat? Si autem avérterit se justus a justítia sua, et fécerit iniquitátem secúndum omnes abominatiónes, quas operári solet ímpius, numquid vivet? Omnes justítiae ejus, quas fécerat, non recordabúntur: in praevaricatióne, qua praevaricátus est, et in peccáto suo, quod peccávit, in ipsis moriétur. Et dixístis: Non est aequa via Dómini. Audíte ergo domus Israél: Numquid via mea non est aequa, et non magis viae vestrae pravae sunt? Cum enim avérterit se justus a justítia sua, et fécerit iniquitátem, moriétur in eis: in injustítia, quam operátus est, moriétur. Et cum avérterit se ímpius ab impietáte sua, quam operátus est, et fécerit judícium et justítiam: ipse ánimam suam vivificábit. Considerans enim, et avértens se ab ómnibus iniquitátibus suis, quas operátus est, vita vivet, et non moriétur, ait Dóminus omnipotens.

Graduale Ps. 85, 2 et 6 Salvum fac servum tuum, Deus meus, sperántem in te. **Vl.** Auribus pércipe, Dómine, oratióem meam.

Tractus Ps. 102, 10 Dómine, non secúndum peccáta nostra, quae fécimus nos: neque secúndum iniquitátes nostras retribuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccáteis nostris, propter nomen tuum.

+ Sequéntia sancti Evangélii secúndum Joánnem.

Joann. 5, 1-15

IN illo témpore: Erat dies festus Judaeórum, et ascéndit Jesus Jerosólymam. Est autem Jerosólymis Probática piscína, quae cognominátur hebraíce Bethsáida, quinque pórticus habens. In his jacébat multitúdo magna languéntium, caecórum, claudórum, aridórum exspectántium aquae motum. Angelus autem Dómini descendébat secúndum tempus in piscinam, et movebátur aqua. Et qui prior descendísset in piscinam post motióem aquae, sanus fiébat a quacúmque detinebátur infirmitáte. Erat autem quidam homo ibi, trigínta et octo annos habens in infirmitáte sua. Hunc cum vidísset Jesus jacéntem, et cognovísset quia jam multum tempus habéret, dicit ei: Vis sanus fieri? Respóndit ei lánguidus: Dómine, hóminem non hábeo, ut cum turbáta fúerit aqua, mittat me in piscinam: dum vénio enim ego, álius ante me descendit. Dicit ei Jesus: Surge, tolle grabátum tuum, et ámbula. Et statim sanus factus est homo ille: et sústulit grabátum suum, et ambulábat. Erat autem sábbatum in die illo. Dicébant ergo Judaéi illi qui sanátus fúerat: Sábbatum est, non licet tibi tollere grabátum tuum. Respóndit eis: Qui me sanum fecit, ille mihi dixit: Tolle grabátum tuum, et ámbula. Interrogavérunt ergo eum: Quis est ille homo, qui dixit tibi: Tolle grabátum tuum et ámbula? Is autem, qui sanus fúerat efféctus, nesciébat quis esset. Jesus enim declinávit a turba constitúta in loco. Póstea invénit eum Jesus in templo, et dixit illi: Ecce sanus factus es: jam noli peccáre, ne detérius tibi áliiquid contíngat. Abiit ille homo, et nuntiávit Judaéis, quia Jesus esset, qui fecit eum sanum.

Offertorium Ps. 102, 2 et 5 Bénedic, ánima mea, Dómino, et noli oblivísci omnes retributiónes ejus: et renovábitur, sicut áquillae, juvéntus tua.

Secreta

SÚSCIPE, quaesumus, Dómine, múnera nostris obláta servítiis: et tua propítius dona sanctífica. Per Dóminum.

Praefatio de Quadragesima.

Communio Ps. 6, 11 Erubéscant, et conturbéntur omnes inimíci mei: avertántur retrórsus, et erubéscant valde velóciter.

Postcommunio

PER hujus, Dómine, operatióem mystérii, et vítia nostra purgéntur, et justa desidéria compleántur. Per Dóminum.

Super populum: Orémus. Humiliáte cápita vestra Deo.

Oratio

EXÁUDI nos, miséricors Deus: et méntibus nostris grátiae tuae lumen osténde. Per Dóminum.

**SABBATO
QUATUOR TEMPORUM
QUADRAGESIMAE**

Simplex

Statio ad S. Petrum

Introitus **Ps. 87, 3**

INTRET orátio mea in conspéctu tuo: inclína aurem tuam ad precem meam, Dómine. **Ps. ibid., 2** Dómine, Deus salutis meae: in die clamávi, et nocte coram te. **Vl.** Glória Patri.

Post Kýrie, eléison, **dicitur**: Orémus. Flectámus génuá.

R/. Leváte.

Oratio

PÓPULUM tuum, quaésumus, Dómine, propítius réspice: atque ab eo flagélla tuae iracúndiae cleménter avérte. Per Dóminum.

Léctio libri Deuteronomíi.

Deut. 26, 12-19

IN diébus illis: Locútus est Móyses ad pópulum, dicens: Quando compléveris décimam cunctárum frugum tuárum, loquéris in conspéctu Dómini Dei tui: Abstuli quod sanctificátum est de domo mea, et dedi illud levítae, et ádvenae, et pupíllo, ac víduae, sicut jussísti mihi: non praeterívi mandáta tua, nec sum oblítus impérii tui. Obedívi voci Dómini Dei mei, et feci ómnia sicut praecepísti mihi. Réspice de sanctuário tuo, et de excélsó caelórum habitáculo, et bénedic pópulo tuo Israël, et terrae, quam dedísti nobis, sicut jurásti pátribus nostris, terrae lacte et melle manánti. Hódie Dóminus Deus tuus praecépit tibi, ut fácias mandáta haec atque judícia: et custódiás, et ímpleas ex toto corde tuo, et ex tota ánima tua. Dóminum elegísti hódie, ut sit tibi Deus, et ámbules in viis ejus, et custódiás caerimónias illíus, et mandáta atque judícia, et obédias ejus império. Et Dóminus elégit te hódie, ut sis ei pópulus peculiáris, sicut locútus est tibi, et custódiás ómnia praecépta illíus: et fáciat te excelsiórem cunctis géntibus, quas creávit in laudem, et nomen, et glóriam suam: ut sis pópulus sanctus Dómini Dei tui, sicut locútus est.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum ? **Vl.** Adjuva nos, Deus salutáris noster: et propter honórem nóminis tui, Dómine, líbera nos.

Orémus. Flectámus génuá.

R/. Leváte.

Oratio

PROTÉCTOR noster áspice, Deus: ut, qui malórum nostrórum póndere prémimur, percépta misericórdia, líbera tibi mente famulémur. Per Dóminum.

Léctio libri Deuteronomíi.

Deut. 11, 22-25

IN diébus illis: Dixit Móyses fíliis Israël: Si custodiéritis mandáta, quae ego praecipio vobis, et fecéritis ea, ut diligátis Dóminum Deum vestrum, et ambulétiis in ómnibus viis ejus, adhaeréntes ei, dispédet Dóminus omnes gentes istas ante faciém vestram, et possidébitis eas, quae majóres et fortióres vobis sunt. Omnis locus quem calcáverit pes vester, vester erit. A désérto, et a Líbano, a flúmine magno Euphráte usque ad mare Occidentále, erunt términi vestri. Nullus stabit contra vos: terrórem vestrum et formídinem dabit Dóminus Deus vester super omnem terram, quam calcatúri estis, sicut locútus est vobis Dóminus Deus vester.

Graduale Ps. 83, 10 et 9 Protéctor noster, áspice, Deus, et réspice super servos tuos. **Vl.** Dómine Deus virtútum, exáudi preces servórum tuórum.

Orémus. Flectámus génuá.

R/. Leváte.

Oratio

ADÉSTO, quaesumus, Dómine, supplicatióibus nostris: ut esse, te largiénte, mereámur et inter próspéra húmiles, et inter advérsa secúri. Per Dóminum.

Léctio libri Machabaeórum.

2 Mach. 1, 23-26 et 27

IN diébus illis: Oratióem faciébant omnes sacerdótes, dum consummarétur sacrificium. Jónatha inchoánte, céteris autem respondéntibus. Et Nehemíae erat orátio hunc habens modum: Dómine, Deus ómnium creátor, terríbilis et fortis, justus et miséricors, qui solus es bonus rex, solus praestans, solus justus, et omnípotens, et aetérnus, qui líberas Israél de omni malo, qui fecísti patres eléctos, et sanctificásti eos: áccipe sacrificium pro univérso pópulo tuo Israél, et custódi partem tuam, et sanctífica: ut sciant gentes, quia tu es Deus noster.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V/.** Dómine, refúgium factus es nobis, a generatióne et progénie.

Orémus. Flectámus génuá.

R/. Leváte.

Oratio

PRECES pópuli tui, quaesumus, Dómine, cleménte exáudi: ut, qui juste pro peccátis nostris affligimur, pro tui nóminis glória misericórditer liberémur. Per Dóminum.

Léctio libri Sapiéntiae.

Eccli. 36, 1-10

MISERÉRE nostri, Deus ómnium, et respice nos, et osténde nobis lucem miseratiónum tuárum: et immítte timórem tuum super gentes, quae non exquisiérunt te, ut cognóscant, quia non est Deus nisi tu, et enárrent magnália tua. Alleva manum tuam super gentes aliénas, ut vídeant poténtiam tuam. Sicut enim in conspéctu eórum sanctificátus es in nobis, sic in conspéctu nostró magnificáberis in eis, ut cognóscant te, sicut et nos cognóvimus, quóniam non est Deus praeter te, Dómine. Innova signa, et immúta mirabília. Glorífica manum, et bráchium dextrum. Excita furórem, et effúnde iram. Tolle adversárium, et afflíge inimicum. Festína tempus, et meménte finis, ut enárrent mirabília tua, Dómine, Deus noster.

Graduale Ps. 140, 2 Dirigátur orátio mea, sicut incénsum in conspéctu tuo, Dómine. **V/.** Elevátio mánuum meárum sacrificium vespertínium.

Orémus. Flectámus génuá.

R/. Leváte.

Oratio

ACTIÓNES nostras, quaesumus, Dómine, aspirándo praéveni, et adjuvándo proséquare: ut cuncta nostra orátio et operátio a te semper incípiat, et per te coepta finiátur. Per Dóminum.

Léctio Daniélis Prophéetae.

Dan. 3, 47-51

IN diébus illis: Angelus Dómini descéndit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldaéis minístros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.Hymnus **Dan. ibid., 52-56**

BENEDÍCTUS es, Dómine Deus patrum nostrórum. Et laudábilis et gloriósus in saécula. Et benedíctum nomen glóriæ tuæ, quod est sanctum. Et laudábile et gloriósum in saécula. Benedíctus es in templo sancto glóriæ tuæ. Et laudábilis et gloriósus in saécula.

Benedíctus es super thronum sanctum regni tui. Et laudábilis et gloriósus in saécula.
Benedíctus es super sceptrum divinitátis tuae. Et laudábilis et gloriósus in saécula.
Benedíctus es, qui sedes super Chérubim, íntuens abyísson. Et laudábilis et gloriósus in saécula.
Benedíctus es, qui ámbulas super pennas ventórum et super undas maris. Et laudábilis et gloriósus in saécula.
Benedícant te omnes Angeli et Sancti tui. Et laudent te et gloríficent in saécula.
Benedícant te caeli, terra, mare et ómnia quae in eis sunt. Et laudent te et gloríficent in saécula.
Glória Patri, et Fílio, et Spirítui Sancto. Et laudábili et glorióso in saécula.
Sicut erat in princípío, et nunc, et semper: et in saécula saeculórum. Amen. Et laudábili et glorióso in saécula.
Benedíctus es, Dómine Deus patrum nostrórum. Et laudábilis et gloriósus in saécula.

Hic dicitur V/. Dóminus vobíscum, **sine** Flectámus génua.

Orémus **Oratio**

DEUS, qui tribus púeris mitigásti flammás ígnium: concéde propítius ; ut nos fámulos tuos non exúrat flamma vitiórum. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Epístolae beáti Pauli Apóstoli ad Thessalonicésses.

1 Thess. 5, 14-23

FRATRES: Rogámus vos, corrípíte inquietos, consolámini pusillánimes, suscípite infirmos, patiéntes estóte ad omnes. Vidéte ne quis malum pro malo alicui reddat: sed semper quod bonum est sectámini in ínvicem, et in omnes. Semper gaudéte. Sine intermissióne oráte. In ómnibus grátias ágite: haec est enim volúntas Dei in Christo Jesu in ómnibus vobis. Spíritum nolíte exstinguere. Prophetías nolíte spérnere. Omnia autem probáte: quod bonum est tenéte. Ab omni spécie mala abstinéte vos. Ipse autem Deus pacis sanctíficet vos per ómnia: ut ínteger spíritus vester, et ánima, et corpus sine queréla, in advéntu Dómini nostri Jesu Christi servétur.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V/.** Quóniam confirmáta est super nos misericórdia ejus: et vérítas Dómini manet in aetérnum.

+ Sequéntia sancti Evangéllii secúndum Matthaéum.

Matth. 17, 1-9

IN illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsam seórsum: et transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíae unum. Adhuc eo loquénte, ecce nubes lúcida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácuti: ipsum audíte. Et audiétes discípuli, cecidérunt in fáciem suam, et timuérunt valde. Et accéssit Jesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Jesum. Et descendéntibus illis de monte, praecépit eis Jesus, dicens: Némini dixéritis visiónem, donec Fílius hóminis a mórtuis resúrgat.

Offertorium Ps. 87, 2-3 Dómine, Deus salútis meae, in die clamávi, et nocte coram te: intret orátio mea in conspéctu tuo, Dómine.

Secreta

PRAESÉNTIBUS sacrificiis, quaésumus, Dómine, jejúnia nostra sanctífica: ut, quod observántia nostra profitétur extrínsecus, intérius operétur. Per Dóminum.

Praefatio de Quadragesima.

Communio Ps. 7, 2 Dómine Deus meus, in te sperávi: líbera me ab ómnibus persecuéntibus me, et éripe me.

Postcommunio

SANCTIFICATIÓNIBUS tuis, omnípotens Deus, et vítia nostra curéntur, et remédia nobis aetérna provéniant. Per Dóminum.

Super populum: Orémus. Humiliáte cápita vestra Deo.

Oratio

FIDÉLES tuos, Deus, benedictio desiderata confirmet: quae eos, et a tua voluntate numquam faciat discrepare, et tuis semper indulgeat beneficiis gratulari. Per Dóminum.

DOMINICA SECUNDA
IN QUADRAGESIMA

I classis Semiduplex

Statio ad S. Mariam in Domnica

Introitus Ps. 24, 6, 3 et 22

REMINISCERE miseratiónum tuárum, Dómine, et misericórdiae tuae, quae a saéculo sunt: ne umquam dominéntur nobis inimíci nostri: líbera nos, Deus Israël, ex ómnibus angústíis nostris. Ps. *ibid.*, 1-2 Ad te, Dómine, levávi ánimam meam: Deus meus, in te confído, non erubéscam. V/. Glória Patri.

Oratio

DEUS, qui cónspicis omni nos virtúte destítui: intérius exteriúsque custódi; ut ab ómnibus adversitatibus muniámur in corpore, et a pravis cogitatióibus mundémur in mente. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Epístolae beáti Pauli Apóstoli ad Thessalonicénes.

1 Thess. 4, 1-7

FRATRES: Rogámus vos, et obsecrámus in Dómino Jesu: ut, quemádmódum accepístis a nobis, quómodo opórteat vos ambuláre et placére Deo, sic et ambulétis, ut abundétis magis. Scitis enim quae praecépta déderim vobis per Dóminum Jesum. Haec est enim volúntas Dei, sanctificátio vestra: ut abstinéatis vos a fornicatióne, ut sciat unusquisque vestrum vas suum possidére in sanctificatióne, et honóre; non in passióne desidérii, sicut et gentes, quae ignórant Deum: et ne quis supergrediátur, neque circumvéniat in negótio fratrem suum: quóniam vindex est Dóminus de his ómnibus, sicut praedíximus vobis, et testificáti sumus. Non enim vocávit nos Deus in immundítiam, sed in sanctificatiónem: in Christo Jesu Dómino nostro.

Graduale Ps. 24, 17-18 Tribulatiónes cordis mei dilatatae sunt: de necessitatibus meis éripe me, Dómine. V/. Vide humilitátem meam, et labórem meum: et dimítte ómnia peccáta mea.

Tractus Ps. 105, 1-4 Confitémíni Dómino quóniam bonus: quóniam in saéculum misericórdia ejus. V/. Quis loquétur poténtias Dómini: audítas faciet omnes laudes ejus? V/. Beáti qui custódiunt iudícium, et faciunt justítiam in omni témpore. V/. Meménto nostri, Dómine, in beneplácito pópuli tui: vísitá nos in salutári tuo.

+ Sequéntia sancti Evangélii secúndum Matthaéum.

Matth. 17, 1-9

IN illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsam seórsum: et transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuerunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos hic esse: si vis, faciámus hic tria tabernácula, tibi unum, et Móysi unum, et Elíae unum. Adhuc eo loquénte, ecce nubes lícida obumbrávit eos. Et ecce vox de nube, dicens: Hic est Fílius meus diléctus, in quo mihi bene complácu: ipsum audíte. Et audiéntes discípuli, ceciderunt in faciém suam, et timuérunt valde. Et accéssit Jesus, et tétigit eos, dixítque eis: Súrgite, et nolíte timére. Levántes autem óculos suos, néminem vidérunt, nisi solum Jesum. Et descendéntibus illis de monte, praecépit eis Jesus, dicens: Némini dixéritis visiónem, donec Fílius hóminis a mórtuis resúrgat.

Credo.

Offertorium Ps. 118, 47 et 48 Meditábor in mandátis tuis, quae diléxi valde: et levábo manus meas ad mandáta tua, quae diléxi.

Secreta

SACRIFÍCIIS praeséntibus, Dómine, quaesumus, inténde placátus: ut et devotióni nostrae proficiant, et salúti. Per Dóminum.

Praefatio de Quadragesima.

Communio Ps. 5, 2-4 Intéllige clamórem meum: inténde voci oratiónis meae, Rex meus, et Deus meus: quóniam ad te orábo, Dómine.

Postcommunio

SÚPPLICES te rogámus, omnípotens Deus: ut, quos tuis réficis sacraméntis, tibi étiam plácitis móribus dignánter deservíre concédas. Per Dóminum.

FERIA SECUNDA
POST DOMINICAM II
IN QUADRAGESIMA

Simplex

Statio ad S. Clementem

Introitus **Ps. 25, 11-12**

RÉDIME me, Dómine, et miserére mei: pes enim meus stetit in via recta: in ecclésiis benedícam Dóminum. **Ps. ibid., 1** Júdica me, Dómine, quóniam ego in innocéntia mea ingressus sum: et in Dómino sperans, non infirmábor. *Vl.* Glória Patri.

Oratio

PRAESTA, quaesumus, omnípotens Deus: ut familia tua, quae se, affligéndo carnem, ab aliméntis ábstinet; sectándo justítiam, a culpa jejúnet. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Daniélis Prophétae.

Dan. 9, 15-19

IN diébus illis: Orávit Dániel Dóminum, dicens: Dómine, Deus noster, qui eduxísti pópulum tuum de terra AEGýpti in manu forti, et fecísti tibi nomen secúndum diem hanc: peccávimus, iniquitátem fécimus, Dómine, in omnem justítiam tuam: avertátur, óbsecro, ira tua, et furor tuus a civitáte tua Jerúsalem, et monte sancto tuo. Propter peccáta enim nostra, et iniquitátes patrum nostrórum, Jerúsalem et pópulus tuus in oppróbrium sunt ómnibus per circúitum nostrum. Nunc ergo exáudi, Deus noster, orátionem servi tui, et preces ejus: et osténde fáciem tuam super sanctuárium tuum, quod desértum est, propter temetípsum. Inclína, Deus meus, aurem tuam, et audi: áperi óculos tuos, et vide desolatiónem nostram, et civitátem, super quam invocátum est nomen tuum: neque enim in justificatióibus nostris prostérnimus preces ante fáciem tuam, sed in miseratióibus tuis multis. Exáudi, Dómine, placáre, Dómine: atténde et fac: ne moréris propter temetípsum, Deus meus: quia nomen tuum invocátum est super civitátem, et super pópulum tuum, Dómine, Deus noster.

Graduale Ps. 69, 6 et 3 Adjútor meus, et liberátor meus esto: Dómine, ne tardáveris. *Vl.* Confundántur, et revearéntur inimíci mei, qui quaerunt ánimam meam.

Tractus Ps. 102, 10 Dómine, non secúndum peccáta nostra, quae fécimus nos: neque secúndum iniquitátes nostras retríbuas nobis. *Vl.* **Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. (*Hic genuflectitur*) *Vl.* Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélii secúndum Joánnem.

Joann. 8, 21-29

IN illo témpore: Dixit Jesus turbis Judaeórum: Ego vado, et quaerétis me, et in peccáto vestro moriémíni. Quo ego vado, vos non potéstis veníre. Dicébant ergo Judaei: Numquid interfíciet semetípsum, quia dixit: Quo ego vado, vos non potéstis veníre? Et dicébat eis: Vos de deórsum estis, ego de supérnis sum. Vos de mundo hoc estis, ego non sum de hoc mundo. Dixi ergo vobis, quia moriémíni in peccátis vestris: si enim non credidérítis quia ego sum, moriémíni in peccáto vestro. Dicébant ergo ei: Tu quis es? Dixit eis Jesus: Príncípium, qui et loquor vobis. Multa hábeo de vobis loqui, et judicáre. Sed qui me misit, verax est: et ego quae audivi ab eo, haec loquor in mundo. Et non cognovérunt, quia Patrem ejus dicébat Deum. Dixit ergo eis Jesus: Cum exaltavérítis Fílium hóminis, tunc cognoscétis quia ego sum, et a meípso fácio nihil: sed sicut dócuit me Pater, haec loquor: et qui me misit, mecum est, et non relíquit me solum: quia ego, quae

Offertorium Ps. 15, 7 et 8 Benedícam Dóminum, qui tríbuit mihi intelléctum: providébam Dóminum in conspéctu meo semper: quóniam a dextris est mihi, ne commóvear.

Secreta

HAEC hóstia, Dómine, placatiónis et laudis, tua nos protectióne dignos effíciat. Per Dóminum.

Praefatio de Quadragesima.

Communio Ps. 8, 2 Dómine, Dóminus noster, quam admirábile est nomen tuum in univérsta terra !

Postcommunio

HAEC nos commúnio, Dómine, purget a crímine: et caeléstis remédii fáciat esse consórtes. Per Dóminum.

Super populum: Orémus. Humiliáte cápita vestra Deo.

Oratio

ADÉSTO supplicatióibus nostris, omnípotens Deus: et, quibus fidúciám sperándaé pietátis indúlges ; consuétae misericórdiae tríbue benígus efféctum. Per Dóminum.

FERIA TERTIA
POST DOMINICAM II
IN QUADRAGESIMA

Simplex

Statio ad S. Balbinam

Introitus **Ps. 26, 8 et 9**

TIBI dixit cor meum, quaesívi vultum tuum, vultum tuum, Dómine, requíram: ne avértas fáciem tuam a me.
Ps. ibid., 1 Dóminus illuminátio mea, et salus mea: quem timébo ? **V/.** Glória Patri.

Oratio

PÉRFICE, quaésumus, Dómine, benígus in nobis observántiae sanctae subsídium: ut, quae te auctóre faciéndá cognóvimus, te operánte impleámus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Regum.

3 Reg. 17, 8-16

IN diébus illis: Factus est sermo Dómini ad Elíam Thesbítén, dicens: Surge, et vade in Saréphta Sidoniórum, et manébis ibi: praecépi enim ibi mulieri víduae, ut pascat te. Surréxit, et ábiit Saréphta. Cumque venísset ad portam civitátis, appáruit ei múlier vídua colligens ligna, et vocávit eam, dixítque ei: Da mihi páululum aquae in vase, ut bibam. Cumque illa pérgeret, ut afférret, clamávit post tergum ejus, dicens: Affer mihi, óbsecro, et buccéllam panis in manu tua. Quae respondit: Vivit Dóminus Deus tuus, quia non hábeo panem, nisi quantum pugíllus cápere potest farinae in hýdria, et páululum ólei in lécytho: en colligo duo ligna, ut ingrédiam, et fáciam illum mihi, et filio meo, ut comedámus, et moriámur. Ad quam Elías ait: Noli timére, sed vade, et fac sicut dixísti: verúmtamen mihi primum fac de ipsa farínula subcinerícium panem párvulum, et affer ad me: tibi autem et filio tuo fácies póstea. Haec autem dicit Dóminus Deus Israél: Hýdria farinae non deficiet, nec lécythus ólei minuétur, usque ad diem, in qua Dóminus datúrus est plúviam super fáciem terrae. Quae ábiit, et fecit juxta verbum Elíae: et comédit ipse, et illa, et domus ejus: et ex illa die hýdria farinae non defécit, et lécythus ólei non est inminútus, juxta verbum Dómini, quod locútus fúerat in manu Elíae.

Graduale Ps. 54, 23, 17, 18 et 19 Jacta cogitátum tuum in Dómino: et ipse te enútriet. **V/.** Dum clamárem ad Dóminum, exaudivit vocem meam ab his, qui appropínquant mihi.

+ Sequéntia sancti Evangéllii secúndum Matthaéum.

Matth. 23, 1-12

IN illo tēpore: Locūtus est Jesus ad turbas, et ad discipulos suos, dicens: Super cáthedram Móysi sedérunt scribae et pharisaei. Omnia ergo quaecúmque dixerint vobis, serváte et fácite: secúndum ópera vero eórum nolíte fácere: dicunt enim, et non faciunt. Alligant enim ónera grávia et importabilia, et impónunt in húmeros hóminum: dígitó autem suo nolunt ea movére. Omnia vero ópera sua faciunt, ut videántur ab homínibus: dilátant enim phylactéria sua, et magníficant fimbrias. Amant autem primos recúbitus in cenis, et primas cáthedras in synagógis, et salutatiónes in foro, et vocári ab homínibus Rabbi. Vos autem nolíte vocári Rabbi: unus enim est Magíster vester, omnes autem vos fratres estis. Et patrem nolíte vocáre vobis super terram, unus est enim Pater vester, quí in caelis est. Nec vocémini magístri: quia Magíster vester unus est, Christus. Qui major est vestrum, erit miníster vester. Qui autem se exaltáverit, humiliábitur: et qui se humiliáverit, exaltábitur.

Offertorium Ps. 50, 3 MISERÉRE mei, Dómine, secúndum magnam misericórdiam tuam: dele, Dómine, iniquitátem meam.

Secreta

SANCTIFICATIÓNEM tuam nobis, Dómine, his mystériis operáre placátus: quae nos et a terrénis purget vítiis, et ad caeléstia dona perdúcat. Per Dóminum.

Praefatio de Quadragesima.

Communio Ps. 9, 2-3 Narrábo ómnia mirabilia tua: laetábor, et exultábo in te: psallam nómini tuo, Altíssime.

Postcommunio

UT sacris, Dómine, reddámur digni munéribus: fac nos tuis, quaesumus, semper obedíre mandátis. Per Dóminum.

Super populum: Orémus. Humiliáte cápita vestra Deo.

Oratio

PROPITIÁRE, Dómine, supplicatióibus nostris, et animárum nostrárum medére languóribus: ut, remissióne percépta, in tua semper benedictióne laetémur. Per Dóminum.

FERIA QUARTA POST DOMINICAM II IN QUADRAGESIMA

Simplex

Statio ad S. Caeciliam

Introitus **Ps. 37, 22-23**

NE derelínquas me, Dómine, Deus meus, ne discédas a me: inténde in adjutórium meum, Dómine, virtus salutis meae. **Ps. ibid., 2** Dómine, ne in furóre tuo árguas me: neque in ira tua corrípias me. **V.** Glória Patri.

Oratio

PÓPULUM tuum, quaesumus, Dómine, propítius réspice: et quos ab escis carnálibus praecipis abstinére, a nóxiis quoque vítiis cessáre concéde. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Esther.

Esth. 13, 8-11, et 15-17

IN diébus illis: Orávit Mardochaeus ad Dóminum, dicens: Dómine, Dómine Rex omnípotens, in ditióne enim tua cuncta sunt pósita, et non est qui possit tuae resístere voluntáti, si decreveris salváre Israél. Tu fecísti caelum et terram, et quidquid caeli ámbitu continétur. Dóminus ómnium es, nec est qui resistat majestáti tuae. Et nunc, Dómine Rex, Deus Abraham, miserére pópuli tui, quia volunt nos inimíci nostri pérdere, et hereditátem tuam delére. Nec despicias partem tuam, quam redemísti tibi de AEGýpto. Exáudi deprecatiónem meam, et propítius esto sorti et funículo tuo, et convérte luctum nostrum in gáudium, ut vivéntes laudémus nomen tuum, Dómine, et ne claudas ora te canéntium, Dómine, Deus noster.

Graduale Ps. 27, 9 et 1 Salvum fac pópulum tuum, Dómine, et bénedic hereditáti tuae. **V.** Ad te, Dómine, clamávi: Deus meus, ne síleas a me, et ero símilis descendéntibus in lacum.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **V.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur)** **V.** Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccáti nostris, propter nomen tuum.

+ Sequéntia sancti Evangélii secúndum Matthaéum.
Matth. 20, 17-28

IN illo témpore: Ascéndens Jesus Jerosólymam, assúmpsit duódecim discípulos secréto, et ait illis: Ecce ascéndimus Jerosólymam, et Fílius hóminis tradétur princípibus sacerdotum, et scribis, et condemnábunt eum morte, et tradent eum géntibus ad illudéndum, et flagellándum, et crucifigéndum, et tértia die resúrget. Tunc accéssit ad eum mater filiórum Zebedaéi cum filiis suis, adórans et petens áliquid ab eo. Qui dixit ei: Quid vis ? Ait illi: Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Jesus, dixit: Nescítis quid petátis. Potéstis bíbere cálicem, quem ego bibíturus sum ? Dicunt ei: Póssumus. Ait illis: Cálicem quidem meum bibétis: sedére autem ad dexteram meam vel sinístram, non est meum dare vobis, sed quibus parátum est a Patre meo. Et audiéntes decem, indignáti sunt de duóbús frátribus. Jesus autem vocávit eos ad se, et ait: Scitis quia príncipes géntium dominántur eórum: et qui majóres sunt, potestátem exércent in eos. Non ita erit inter vos: sed quicumque volúerit inter vos major fieri, sit vester mínister: et qui volúerit inter vos primus esse, erit vester servus. Sicut Fílius hóminis non venit ministrári, sed ministráre, et dare ánimam suam, redemptiónem pro multis.

Offertorium Ps. 24, 1-3 Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

HÓSTIAS, Dómine, quas tibi offérimus, propítius réspice: et per haec sancta commércia, víncula peccatórum nostrórum absólve. Per Dóminum.

Praefatio de Quadragesima.

Communio Ps. 10, 8 Justus Dóminus, et justítiam diléxit: aequitátem vidit vultus ejus.

Postcommunio

SÚMPTIS, Dómine, sacraméntis: ad redemptiónis aetérnae, quaésumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

DEUS, innocéntiae restitútor et amátor, dírige ad te tuórum corda servórum: ut, spíritus tui fervóre concépto, et in fide inveniántur stábiles, et in ópere effícaces. Per Dóminum.

FERIA QUINTA
POST DOMINICAM II
IN QUADRAGESIMA

Simplex

Statio ad S. Mariam trans Tiberim

Introitus Ps. 69, 2 et 3

DEUS, in adjutórium meum inténde: Dómine, ad adjuvándum me festína: confundántur et revereántur inimíci mei, qui quaerunt ánimam meam. **Ps. ibid., 4** Avertántur retrórsum, et erubéscant: qui cógitant mihi mala. **V.** Glória Patri.

Oratio

PRAESTA nobis, quaésumus, Dómine, auxiliúm grátiae tuae: ut jejúniis et oratióibus conveniénter inténti, liberémur ab hóstibus mentis et córporis. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Lectio Jeremíae Prophetae.
Jerem. 17, 5-10

HAEC dicit Dóminus Deus: Maledíctus homo, qui confídit in hómine, et ponit carnem bráchium suum, et a Dómino recédit cor ejus. Erit enim quasi myríciae in desérto, et non vidébit cum vénerit bonum: sed habitábit in siccitáte in desérto, in terra salsúginis, et inhabitábili. Benedíctus vir, qui confídit in Dómino, et erit Dóminus fidúcia ejus. Et erit quasi lignum quod transplantátur super aquas, quod ad humórem mittit radices suas: et non tímébit cum vénerit aestus. Et erit fólium ejus vírídē, et in témpore siccitátis non erit sollicitum, nec aliquándō désinet fácere fructum. Pravum est cor ómnium, et inscrutábile: quis cognóscet illud ? Ego Dóminus scrutans cor, et probans renes: qui do unicuíque juxta viam suam, et juxta fructum adinventiónum suárum: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum ? *Vl.* Adjuva nos, Deus salutáris noster: et propter honórem nóminis tui, Dómine, líbera nos.

+ Sequéntia sancti Evangéllii secúndum Lucam.
Luc. 16, 19-31

IN illo témpore: Dixit Jesus pharisaéis: Homo quidam erat dives, et induebátur púrpura et bysso: et epulabátur quotidie spléndide. Et erat quidam mendícus, nómine Lázarus, qui jacébat ad jánuam ejus, ulcéribus plenus, cúpiens saturári de micis, quae cadébant de mensa dívitis, et nemo illi dabat: sed et canes veniébant, et lingébant úlcera ejus. Factum est autem ut morerétur mendícus, et portarétur ab Angelis in sinum Abrahae. Mórtuus est autem et dives, et sepúltus est in inférno. Elevans autem óculos suos, cum esset in torméntis, vidit Abraham a longe, et Lázarus in sinu ejus: et ipse clamans, dixit: Pater Abraham, miserere mei, et mitte Lázarus, ut intíngat extrémum dígiti sui in aquam, ut refrígeret linguam meam, quia crúciór in hac flamma. Et dixit illi Abraham: Fili, recordáre quia recepísti bona in vita tua, et Lázarus simíliter mala: nunc autem hic consolátur, tu vero cruciáris. Et in his ómnibus, inter nos et vos chaos magnum firmátum est: ut hi, qui volunt hinc transíre ad vos, non possint, neque inde huc transmeáre. Et ait: Rogo ergo te, pater, ut mittas eum in domum patris mei. Hábeo enim quinque fratres, ut testétur illis, ne et ipsi véniant in hunc locum tormentórum. Et ait illi Abraham: Habent Móysen et prophétas: áudiant illos. At ille dixit: Non, pater Abraham: sed si quis ex mórtuis íerit ad eos, paeniténtiam agent. Ait autem illi: Si Móysen et prophétas non áudiunt, neque si quis ex mórtuis resurréxerit, credent.

Offertorium Exodi 32, 11, 13 et 14 Precátus est Móyses in conspéctu Dómini Dei sui, et dixit: Quare, Dómine, irásceris in pópulo tuo ? Parce irae ánimaē tuae: meménto Abraham, Isaac, et Jacob, quibus jurásti dare terram fluéntem lac et mel. Et placátus factus est Dóminus de malignitáte, quam dixit fácere pópulo suo.

Secreta

PRAESÉNTI sacrificio, nómini tuo nos, Dómine, jejúnia dicáta sanctíficent: ut, quod observántia nostra profitétur extérius, intérius operétur efféctu. Per Dóminum.

Praefatio de Quadragesima.

Communio Joann. 6, 57 Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio

GRÁTIA tua nos, quaésumus, Dómine, non derelínquat: quae et sacrae nos déditos fáciat servitúti, et tuam nobis opem semper acquirat. Per Dóminum.

Super populum: Orémus. Humiliáte cápita vestra Deo.

Oratio

ADÉSTO, Dómine, fámulis tuis, et perpétuam benignitátem largíre poscéntibus: ut iis, qui te auctóre et gubernatóre gloriántur, et congregáta restáures, et restauráta consérves. Per Dóminum.

FERIA SEXTA
POST DOMINICAM "

Simplex

Statio ad S. Vitalem

Introitus **Ps. 16, 15**

EGO autem cum iustitia apparebo in conspectu tuo: satiabor dum manifestabitur gloria tua. **Ps. ibid., 1**
Exaudi, Domine, iustitiam meam: intende deprecationi meae. **Vl.** Gloria Patri.

Oratio

DA, quaesumus, omnipotens Deus: ut, sacro nos purificante jejunio, sinceris mentibus ad sancta ventura facias pervenire. Per Dominum.

Orationes pro diversitate Temporum assignatae, ut supra. (Vide post benedictionem cinerum.)

Lectio libri Genesis.

Gen. 37, 6-22

IN diebus illis: Dixit Joseph fratribus suis: Audite somnium meum, quod vidi: Putabam nos ligare manipulos in agro: et quasi consurgere manipulum meum, et stare, vestrosque manipulos circumstantes adorare manipulum meum. Respondérunt fratres ejus: Numquid rex noster eris? aut subjiciemur ditioni tuae? Haec ergo causa somniorum atque sermonum, invidiae et odii fomitem ministravit. Aliud quoque vidit somnium, quod narrans fratribus, ait: Vidi per somnium, quasi solem, et lunam, et stellas undecim adorare me. Quod cum patri suo et fratribus retulisset, increpavit eum pater suus, et dixit: Quid sibi vult hoc somnium, quod vidisti? Num ego et mater tua et fratres tui adorabimus te super terram? Invidébant ei igitur ei fratres sui: pater vero rem tacitus considerabat. Cumque fratres illius in pascendis gregibus patris morarentur in Sichem, dixit ad eum Israél: Fratres tui pascunt oves in Sichimis: veni, mittam te ad eos. Quo respondente: Praesto sum, ait ei: Vade, et vide si cuncta prospera sint erga fratres tuos, et pecora: et renuntia mihi quid agatur. Missus de valle Hebron, venit in Sichem: invenitque eum vir errantem in agro, et interrogavit quid quaereret. At ille respondit: Fratres meos quaero: indica mihi ubi pascant greges. Dixitque ei vir: Recesserunt de loco isto: audivi autem eos dicentes: Eamus in Dóthain. Perréxit ergo Joseph post fratres suos, et invenit eos in Dóthain. Qui cum vidissent eum procul, antequam accederet ad eos, cogitaverunt illum occidere, et mútuo loquebantur: Ecce somniator venit: venite, occidamus eum, et mittamus in cisternam veterem, dicemusque: Fera pessima devoravit eum: et tunc apparébit quid illi prosint somnia sua. Audiens autem hoc Ruben, nitebatur liberare eum de manibus eorum, et dicebat: Non interficiatis animam ejus, nec effundatis sanguinem: sed projicite eum in cisternam hanc, quae est in solitudine, manusque vestras servate innoxias: hoc autem dicebat, volens eripere eum de manibus eorum, et reddere patri suo.

Graduale Ps. 119, 1-2 Ad Dominum cum tribulärer clamavi, et exaudivit me. **Vl.** Domine, libera animam meam a labiis iniquis, et a lingua dolosa.

Tractus Ps. 102, 10 Domine, non secundum peccata nostra, quae fecimus nos: neque secundum iniquitates nostras retribuas nobis. **Vl. Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. **(Hic genuflectitur) Vl.** Adjuva nos, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

+ Sequéntia sancti Evangelii secundum Matthaéum.

Matth. 21, 33-46

IN illo tempore: Dixit Jesus turbis Judaeorum, et principibus sacerdotum parabalam hanc: Homo erat paterfamilias, qui plantavit vineam, et sepem circumdedit ei, et fodit in ea torcular, et aedificavit turrinam, et locavit eam agricolis, et peregre profectus est. Cum autem tempus fructuum appropinquasset, misit servos suos ad agricolas, ut acciperent fructus ejus. Et agricolae, apprehensis servis ejus, alium ceciderunt, alium occiderunt, alium vero lapidaverunt. Iterum misit alios servos plures prioribus, et fecerunt illis similiter. Novissime autem misit ad eos filium suum, dicens: Verebuntur filium meum. Agricolae autem videntes filium, dixerunt intra se: Hic est heres, venite, occidamus eum, et habebimus hereditatem ejus. Et apprehensum eum ejecerunt extra vineam et occiderunt. Cum ergo venerit dominus vineae, quid faciet agricolis illis? Ajunt illi: Malos male perdet: et vineam suam locabit aliis agricolis, qui reddant ei fructum temporibus suis. Dicit illis Jesus: Numquam legistis in Scripturis: Lapidem, quem reprobaverunt aedificantes, hic factus est in caput anguli? A Domino factum est istud, et est mirabile in oculis nostris. Ideo dico vobis, quia auferetur a vobis regnum Dei, et dabitur genti facienti fructus ejus. Et qui ceciderit super lapidem istum, confringetur: super quem vero ceciderit, conteret eum. Et cum audissent principes

sacerdótum et pharisaéi paráblas ejus, cognovérunt quod de ipsis díceret. Et quaeréntes eum tenére, timuérunt turbas: quóniam sicut prophétam eum habébant.

Offertorium Ps. 39, 14 et 15 Dómine, in auxiliúm meum réspice: confundántur et revereántur, qui quaerunt ánimam meam, ut áuferant eam: Dómine, in auxiliúm meum réspice.

Secreta

HAEC in nobis sacrificia, Deus, et actióne permáneant, et operatióne firméntur. Per Dóminum.

Praefatio de Quadragesima.

Communio Ps. 11, 8 Tu, Dómine, servábis nos, et custódies nos a generatióne hac in aetérnum.

Postcommunio

FAC nos, quaésumus, Dómine: accépto pínore salútis aetérnae, sic téndere congruénter ; ut ad eam pervenire possimus. Per Dóminum.

Super populum: Orémus. Humiliáte cápita vestra Deo.

Oratio

DA, quaésumus, Dómine, pópulo tuo salútem mentis et córporis: ut, bonis opéribus inhaeréndo, tuae semper virtútis mereátur protectióne deféndi. Per Dóminum.

SABBATO
POST DOMINICAM II
IN QUADRAGESIMA

Simplex

Statio ad Ss. Marcellinum et Petrum

Introitus **Ps. 18, 8**

LEX Dómini irreprehénsibilis, convértens ánimas: testimónium Dómini fidéle, sapiéntiam praestans párvulis. **Ps. ibid., 2** Caeli enárrant glóriam Dei: et ópera mánuum ejus annúntiat firmaméntum. **Vl.** Glória Patri.

Oratio

DA, quaésumus, Dómine, nostris efféctum jejúniis salutárem: ut castigátio carnis assúmpta, ad nostrárum vegetatióne tránseat animárum. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Génesis.

Gen. 27, 6-39

IN diébus illis: Dixit Rebécca filio suo Jacob: Audívi patrem tuum loquéntem cum Esau fratre tuo, et dicéntem ei: Affer mihi de venatióne tua, et fac cibos ut cómedam, et benedícam tibi coram Dómino ántequam móriar. Nunc ergo, fili mi, acquiesce consíliis meis: et pergens ad gregem, affer mihi duos haedos óptimos, ut fáciam ex eis escas patri tuo, quibus libénter véscitur: quas cum intúleris, et coméderit, benedícat tibi priúsquam moriátur. Cui ille respóndit: Nosti quod Esau frater meus homo pilósus sit, et ego lenis: si attréctáverit me pater meus, et sénsenit, tímeo ne putet me sibi volúisse illúdere, et indúcam super me maledictióne pro benedictióne. Ad quem mater: In me sit, ait, ista maledíctio, fili mi: tantum audi vocem meam, et pergens affer quae dixi. Abiit, et áttulit, dedítque matri. Parávit illa cibos, sicut velle nóverat patrem illíus. Et véstibus Esau valde bonis, quas apud se habébat domi, induit eum: pelliculásque haedórum circúmdedit mánibus, et colli nuda protéxit. Dedítque pulméntum, et panes, quos cóxerat, trádidit. Quibus illátis, dixit: Pater mi ! At ille respóndit: Audio. Quis es tu, fili mi ? Dixítque Jacob: Ego sum primogénitus tuus Esau: feci sicut praecepísti mihi: surge, sede, et cómede de venatióne mea, ut benedícat mihi ánima tua. Rursúmque Isaac ad filium suum: Quómodo, inquit, tam cito invenire potuísti, fili mi ? Qui respóndit: Volúntas Dei fuit, ut cito occurreret mihi quod volébam. Dixítque Isaac: accéde huc, ut tangam te, fili mi, et probem utrum tu sis filius meus Esau, an non. Accéssit ille ad patrem, et palpáto eo, dixit Isaac: Vox quidem, vox Jacob est, sed manus, manus sunt Esau. Et non cognóvit eum, quia pilósae manus similitúdinem majóris exprésseant. Benedícens ergo illi, ait: Tu es filius meus Esau ? Respóndit: Ego sum.

At ille: Affer mihi, inquit, cibos de venatióne tua, fili mi, ut benedícat tibi ánima mea. Quos cum oblátos comedisset, óbtulit ei étiam vinum. Quo hausto, dixit ad eum: Accéde ad me, et da mihi ósculum, fili mi. Accéssit, et osculátus est eum. Statímque ut sensit vestimentórum illíus flagrántiam, benedícens illi, ait: Ecce odor filii mei sicut odor agri pleni, cui benedíxit Dóminus. Det tibi Deus de rore caeli, et de pinguédine terrae abundántiam fruménti et vini. Et sérviant tibi pópuli, et adórent te tribus: esto dóminus fratrum tuórum, et incurvéntur ante te filii matris tuae. Qui maledíxerit tibi, sit ille maledíctus: et qui benedíxerit tibi, benedictiónibus repleátur. Vix Isaac sermónem impléverat, et egresso Jacob foras, venit Esau, coctósque de venatióne cibos íntulit patri, dicens: Surge, pater mi, et cómede de venatióne filii tui, ut benedícat mihi ánima tua. Dixítque illi Isaac: Quis enim es tu ? Qui respóndit: Ego sum filius tuus primogénitus Esau. Expávit Isaac stupóre veheménti, et ultra quam credi potest, admírans, ait: Quis ígitur ille est, qui dudum captam venatiónem áttulit mihi, et comédi ex ómnibus priúsqum tu veníres ? Benedíxique ei, et erit benedíctus. Audítis Esau sermónibus patris, irrúgiit clamóre magno, et consternátus, ait: Bénedic étiam et mihi, pater mi. Qui ait: Venit germánus tuus fraudulénter, et accépit benedictiónem tuam. At ille subjúnxit: Juste vocátum est nomen ejus Jacob: supplantávit enim me en áltera vice: primogénita mea ante tulit, et nunc secúndo surrípuit benedictiónem meam. Rursúmque ad patrem: Numquid non reservásti, ait, et mihi benedictiónem ? Respóndit Isaac: Dóminum tuum illum constítui, et omnes fratres ejus servitúti illíus subjugávi: fruménto et vino stabilívi eum, et tibi post haec, fili mi, ultra quid fáciam ? Cui Esau: Num unam, inquit, tantum benedictiónem habes, pater ? mihi quoque óbsecro ut benedícas. Cumque ejulátu magno fleret, motus Isaac, dixit ad eum: In pinguédine terrae, et in rore caeli désuper erit benedíctio tua.

Graduale Ps. 91, 2-3 Bonum est confitéri Dómino: et psállere nómini tuo, Altíssime. **V/.** Ad annuntiándum mane misericórdiam tuam, et veritátem tuam per noctem.

+ Sequéntia sancti Evangélii secúndum Lucam.

Luc. 15, 11-32

IN illo témpore: Dixit Jesus pharisaéis et scribis parábolam istam: Homo quidam hábuit duos filios, et dixit adolescéntior ex illis patri: Pater, da mihi portiónem substántiae, quae me contíngit. Et divisit illis substántiam. Et non post multos dies, congregátis ómnibus, adolescéntior filius péregre proféctus est in regiónem longínquam, et ibi dissipávit substántiam suam vivéndo luxurióse. Et postquam ómnia consummáset, facta est fames válida in regione illa, et ipse coepit egére. Et ábiit, et adhaésit uni cívium regiónis illíus. Et misit illum in villam suam, ut pásceret porcos. Et cupiébat implére ventrem suum de síliquis, quas porci manducábant: et nemo illi dabat. In se autem revérsus, dixit: Quanti mercenárii in domo patris mei abúndant pánibus, ego autem hic fame péreo ? Surgam, et ibo ad patrem meum, et dicam ei: Pater, peccávi in caelum, et coram te: jam non sum dignus vocári filius tuus: fac me sicut unum de mercenáriis tuis. Et surgens venit ad patrem suum. Cum autem adhuc longe esset, vidit illum pater ipsíus, et misericórdia motus est, et accúrrens cécidit super collum ejus, et osculátus est eum. Dixítque ei filius: Pater, peccávi in caelum, et coram te, jam non sum dignus vocári filius tuus. Dixit autem pater ad servos suos: Cito proférte stolam primam, et indúite illum, et date ánnulum in manum ejus: et calceaménta in pedes ejus: et addúcite vítulum saginátum, et occídite, et manducémus, et epulémur, quia hic filius meus mórtuus erat, et revíxit: perierat, et invéntus est. Et coepérunt epulári. Erat autem filius ejus sénior in agro: et cum veníret, et appropinquáret dómui, audívit symphóniam et chorum: et vocávit unum de servis, et interrogávit, quid haec essent. Isque dixit illi: Frater tuus venit, et occídit pater tuus vítulum saginátum, quia salvum illum recépit. Indignátus est autem, et nolébat introíre. Pater ergo illíus egressus, coepit rogáre illum. At ille respóndens, dixit patri suo: Ecce tot annis sérvio tibi, et numquam mandátum tuum praeterívi, et numquam dedísti mihi haedum, ut cum amícis meis epulárer: sed postquam filius tuus hic, qui devorávit substántiam suam cum meretrícibus, venit, occidísti illi vítulum saginátum. At ipse dixit illi: Fili, tu semper mecum es, et ómnia mea tua sunt: epulári autem, et gaudére oportébat, quia frater tuus hic mórtuus erat, et revíxit: perierat, et invéntus est.

Offertorium Ps. 12, 4-5 Illúmina óculos meos, ne umquam obdórmiam in morte: ne quando dicat inimícus meus: Praeválui advérsus eum.

Secreta

HIS sacrificiis, Dómine, concéde placátus: ut, qui própriis orámus absólvi delíctis, non gravémur extérnis. Per Dóminum.

Praefatio de Quadragesima.

Communio Luc. 15, 32 Opórtet te, fili, gaudére, quia frater tuus mórtuus fúerat, et revíxit: perierat, et invéntus est.

Postcommunio

SACRAMÉNTI tui, Dómine, divína libátio, penetrália nostri cordis infúndat: et sui nos partícipes poténter effíciat. Per Dóminum.

Super populum: Orémus. Humiliáte cápita vestra Deo.

Oratio

FAMÍLIAM tuam, quaesumus, Dómine, continúa pietáte custódi: ut, quae in sola spe grátiae caeléstis innítitur, caelésti étiam protectióne muniátur. Per Dóminum.

DOMINICA TERTIA
IN QUADRAGESIMA

I classis Semiduplex

Statio ad S. Laurentium extra muros

Introitus **Ps. 24, 15-16**

OCULI mei semper ad Dóminum, quia ipse evéllit de láqueo pedes meos: réspice in me, et miserére mei, quóniam únicus et pauper sum ego. **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. **Vl.** Glória Patri.

Oratio

QUSUMUS, omnípotens Deus, vota humílium réspice: atque ad defénsionem nostram, déxteram tuae majestátis exténde. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Epístolae beáti Pauli Apóstoli ad Ephésios.

Ephes. 5, 1-9

FRATRES: Estóte imitatóres Dei, sicut filii caríssimi: et ambuláte in dilectióne, sicut et Christus diléxit nos, et trádidit semetípsum pro nobis oblatiónem, et hóstiam Deo in odórem suavitátis. Fornicátio autem, et omnis immundítia, aut avarítia, nec nominétur in vobis, sicut decet sanctos: aut turpitúdo, aut stultilóquium, aut scurrílitás, quae ad rem non pértinet: sed magis gratiárum áctio. Hoc enim scitóte intelligéntes, quod omnis fornicátor, aut immúndus, aut avárus, quod est idolórum sérvitus, non habet hereditátem in regno Christi et Dei. Nemo vos sedúcat inánibus verbis: propter haec enim venit ira Dei in filios diffidéntiae. Nolíte ergo éffici partícipes eórum. Erátis enim aliquándo ténebrae: nunc autem lux in Dómino. Ut filii lucis ambuláte: fructus enim lucis est in omni bonitáte, et justítia, et veritáte.

Graduale Ps. 9, 20 et 4 Exsúrge, Dómine, non praeváleat homo: judicéntur gentes in conspéctu tuo. **Vl.** In converténdo inimícum meum retrórsus, infirmabúntur, et períbunt a fácie tua.

Tractus Ps. 122, 1-3 Ad te levávi óculos meos, qui hábitas in caelis. **Vl.** Ecce sicut óculi servórum in mánibus dominórum suórum. **Vl.** Et sicut óculi ancillae in mánibus dóminae suae: ita óculi nostri ad Dóminum Deum nostrum, donec misereátur nostri. **Vl.** Miserére nobis, Dómine, miserére nobis.

+ Sequéntia sancti Evangélii secúndum Lucam.

Luc. 11, 14-28

IN illo témpore: Erat Jesus ejícienst daemónium, et illud erat mutum. Et cum eješisset daemónium, locúsus est mutus, et admirátae sunt turbae. Quidam autem ex eis dixérunt: In Beélzebub príncipe daemóniórum éjicit daemónia. Et álíi tentántes, signum de caelo quaerébant ab eo. Ipse autem ut vidit cogitatiónes eórum, dixit eis: Omne regnum in seípsum divísus desolábitur, et domus supra domum cadet. Si autem et Sátanas in seípsum divísus est, quómodo stabit regnum ejus ? quia dícitis, in Beélzebub me eješcere daemónia. Si autem ego in Beélzebub eješcio daemónia: filii vestri in quo eješciunt ? Ideo ipsi júdices vestri erunt. Porro si in dígito Dei eješcio daemónia: profécto pervénit in vos regnum Dei. Cum fortis armátus custódit átrium suum, in pace sunt ea quae póssidet. Si autem fórtior eo supervéniens vícerit eum, univérsa arma ejus áuferet, in quibus confidébat, et spólia ejus distríbuet. Qui non est mecum, contra me est: et qui non cólligit mecum, dispérgit. Cum immúndus spíritus exierit de homine, ámbulat per loca inaquósa, quaerens réquiem: et non invéniens, dicit: Revértar in domum meam, unde exívi. Et cum vénerit, invenit eam scopis mundátam, et ornátam. Tunc vadit, et assúmit septem álíos spíritus secum nequíóres se, et ingrési hábitant ibi. Et fiunt novíssima hóminis illíus pejóra prióribus. Factum est autem, cum haec díceret: extóllens vocem quaedam múlier de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti,

qui áudiunt verbum Dei, et custódiunt illud.

Credo.

Offertorium Ps. 18, 9, 10, 11 et 12 Justítiae Dómini rectae, laetificántes corda, et judícia ejus dulcióra super mel et favum: nam et servus tuus custódit ea.

Secreta

HAEC hóstia, Dómine, quaésumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Praefatio de Quadragesima.

Communio Ps. 83, 4-5 Passer invénit sibi domum, et turtur nidum, ubi repónat pullos suos: altária tua, Dómine virtútum, Rex meus, et Deus meus: beáti qui hábitant in domo tua, in saéculum saéculi laudábunt te.

Postcommunio

A CUNCTIS nos, quaésumus, Dómine, reátibus et perículis propitiátus absólve: quos tanti mystérii tríbus esse partícipes. Per Dóminum.

FERIA SECUNDA
POST DOMINICAM III
IN QUADRAGESIMA

Simplex

Statio ad S. Marcum

Introitus **Ps. 55, 5**

IN Deo laudábo verbum, in Dómino laudábo sermónem: in Deo sperábo, non timébo quid fáciat mihi homo. **Ps. ibid., 2** Miserére mei, Deus, quóniam conculcávit me homo: tota die bellans tribulávit me. **V.** Glória Patri.

Oratio

CÓRDIBUS nostris, quaésumus, Dómine, grátiam tuam benignus infúnde: ut, sicut ab escis carnálibus abstinémus ; ita sensus quoque nostros a nóxiis retrahámus excéssibus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Regum.

4 Reg. 5, 1-15

IN diébus illis: Náaman princeps milítiae regis Sýriae erat vir magnus apud dóminum suum, et honorátus: per illum enim dedit Dóminus salútem Sýriae: erat autem vir fortis et dives, sed leprósus. Porro de Sýria egressi fúerant latrúnculi, et captívam dúxerant de terra Israél puéllam párvulam, quae erat in obséquio uxóris Náaman, quae ait ad dóminam suam: Utinam fuísset dóminus meus ad prophétam, qui est in Samaría: profécto curásset eum a lepra quam habet. Ingréssus est itaque Náaman ad dóminum suum, et nuntiávit ei, dicens: Sic et sic locúta est puélla de terra Israél. Dixítque ei rex Sýriae: Vade, et mittam líttas ad regem Israél. Qui cum proféctus esset, et tulísset secum decem talénta argénti, et sex millia áureos, et decem mutatória vestimentórum, détulit líttas ad regem Israél in haec verba: Cum accéperis epístolam hanc, scito quod míserim ad te Náaman servum meum, ut cures eum a lepra sua. Cumque legísset rex Israél líttas, scidit vestiménta sua, et ait: Numquid Deus ego sum, ut occidere possim, et vivificáre, quia iste misit ad me, ut cures hóminem a lepra sua ? animadvértite, et vidéte quod occasiónes quaerat advérsus me. Quod cum audísset Eliséus vir Dei, scidísse vidélicet regem Israél vestiménta sua, misit ad eum, dicens: Quare scidísti vestiménta tua ? véniat ad me, et sciat esse prophétam in Israél. Venit ergo Náaman cum equis, et cúrribus, et stetit ad óstium domus Eliséi: misítque ad eum Eliséus núnium, dicens: Vade, et laváre sépties in Jordáne, et recipiet sanitátem caro tua, atque mundáberis. Irátus Náaman recedébat, dicens: Putábam quod egrederétur ad me, et stans invocáret nomen Dómini Dei sui, et tángeret manu sua locum leprae, et curáret me. Numquid non melióres sunt Abana et Pharthar, flúvii Damásci, ómnibus aquis Israél, ut laver in eis, et munder ? Cum ergo vertísset se, et abíret indignans, accessérunt ad eum servi sui, et locúti sunt ei: Pater, si rem grandem dixísset tibi prophéta, certe fácere debúeras: quanto magis quia nunc dixit tibi: Laváre, et mundáberis ? Descéndit, et lavit in Jordáne sépties, juxta sermónem

virī Dei, et restitūta est caro ejus, sicut caro pūeri pāvuli, et mundātus est. Reversūsque ad virum Dei cum univēso comitātū suo, venit, et stetit coram eo, et ait: Vere scio, quod non sit alius Deus in univēsa terra, nisi tantum in Israēl.

Graduale Ps. 55, 9 et 2 Deus, vitam meam annuntiāvi tibi: posuisti lācrimas meas in conspēctu tuo. **Vl.** Miserere mei, Dōmine, quōniam conculcāvit me homo: tota die bellans tribulāvit me.

Tractus Ps. 102, 10 Dōmine, non secūndum peccāta nostra, quae fēcimus nos: neque secūndum iniquitātes nostras retrībuas nobis. **Vl. Ps. 78, 8-9** Dōmine, ne memīneris iniquitātum nostrārum antiquārum: cito anticipent nos misericōrdiae tuae, quia pāuperes facti sumus nimis. **(Hic genuflectitur) Vl.** Adjuva nos, Deus salutāris noster: et propter glōriam nōminis tui, Dōmine, libera nos: et propītius esto peccātis nostris, propter nomen tuum.

+ Sequētia sancti Evangēlii secūndum Lucam.

Luc. 4, 23-30

IN illo tēpore: Dixit Jesus pharisaēis: Utique dicētis mihi hanc similitūdinem: Mēdice, cura teīpsūm: quanta audīvimus facta in Caphārnaum, fac et hic in pātria tua. Ait autem: Amen dico vobis, quia nemo prophēta accēptus est in pātria sua. In veritāte dico vobis, multae vīduae erant in diēbus Elīae in Israēl, quando clausum est caelum annis tribus, et mēnsibus sex, cum facta esset fames magna in omni terra: et ad nullam illārum missus est Elīas, nisi in Sarēphta Sidōniae, ad mulierem vīduam. Et multi leprōsi erant in Israēl sub Elisēo prophēta: et nemo eōrum mundātus est nisi Nāaman Syrus. Et replēti sunt omnes in synagōga ira, haec audiētes. Et surrexerunt, et eiecērunt illum extra civitātem: et duxerunt illum usque ad supercīlium montis, supra quem civitas illōrum erat aedificāta, ut praecipitārent eum. Ipse autem trānsiens per mēdiū illōrum, ibat.

Offertorium Ps. 54, 2-3 Exāudi, Deus, oratiōnem meam, et ne despēxeris deprecātiōnem meam: intēde in me, et exāudi me.

Secreta

MUNUS, quod tibi, Dōmine, nostrae servitūtis offērimus, tu salutāre nobis pērfice sacramētum. Per Dōminum.

Praefatio de Quadragesima.

Communio Ps. 13, 7 Quis dabit ex Sion salutāre Israēl? cum avēterit Dōminus captivitātem plebis suae, exsultābit Jacob, et laetābitur Israēl.

Postcommunio

PRAESTA, quaesumus, omnīpotens et misēricors Deus: ut, quod ore contīngimus, pura mente capiāmus. Per Dōminum.

Super populum: Orēmus. Humiliāte cāpita vestra Deo.

Oratio

SUBVĒNIAT nobis, Dōmine, misericōrdia tua: ut ab imminētibus peccātōrum nostrōrum perīculis, te mereāmur protegēte ēripi, te liberānte salvāri. Per Dōminum.

FERIA TERTIA
POST DOMINICAM III
IN QUADRAGESIMA

Simplex

Statio ad S. Pudēntianam

Introitus **Ps. 16, 6 et 8**

EGO clamāvi, quōniam exaudīsti me, Deus: inclīna aurem tuam, et exāudi verba mea: custōdi me, Dōmine, ut pupīllam ōculi: sub umbra alārū tuārū protege me. **Ps. ibid., 1** Exāudi, Dōmine, justītiā meam: intēde deprecātiōnem meam. **Vl.** Glōria Patri.

Oratio

EXĀUDI nos, omnīpotens et misēricors Deus: et continētiaē salutāris propītius nobis dona concēde. Per

Orationes pro diversitate Temporum assignatae, ut supra. (*Vide post benedictionem cinerum.*)

Léctio libri Regum.
4 Reg. 4, 1-7

IN diébus illis: Múlier quaedam clamábat ad Eliséum prophétam, dicens: Servus tuus vir meus mórtuus est, et tu nosti, quia servus tuus fuit timens Dóminum: et ecce créditor venit, ut tollat duos filios meos ad serviéndum sibi. Cui dixit Eliséus: Quid vis ut fáciam tibi ? Dic mihi, quid habes in domo tua ? At illa respóndit: Non hábeo ancílla tua quidquam in domo mea, nisi parum ólei, quo ungar. Cui ait: Vade, pete mútuo ab ómnibus vicínis tuis vasa vácuá non pauca. Et ingrédere, et claude óstium tuum, cum intrínsecus fúeris tu, et filii tui: et mitte inde in ómnia vasa haec: et cum plena fúerint, tolles. Ivit itaque múlier, et clausit óstium super se, et super filios suos: illi offerébant vasa, et illa infundébat. Cumque plena fuissent vasa, dixit ad filium suum: Affer mihi adhuc vas. Et ille respóndit: Non hábeo. Stetítque óleum. Venit autem illa, et indicávit hómini Dei. Et ille: Vade, inquit, vende óleum, et redde creditóri tuo: tu autem, et filii tui vívite de relíquo.

Graduale Ps. 18, 13-14 Ab occúltis meis munda me, Dómine: et ab aliénis parce servo tuo. *V.* Si mei non fúerint domináti, tunc immaculátus ero: et emundábor a delícto máximo.

+ Sequéntia sancti Evangéllii secúndum Matthaéum.
Math. 18, 15-22

IN illo témpore: Dixit Jesus discípulis suis: Si peccáverit in te frater tuus, vade, et córripe eum inter te et ipsum solum. Si te audíerit, lucrátus eris fratrem tuum. Si autem non te audíerit, ádhibe tecum adhuc unum vel duos, ut in ore duórum vel trium téstium stet omne verbum. Quod si non audíerit eos: dic ecclésiae. Si autem ecclésiám non audíerit: sit tibi sicut éthnicus et publicánus. Amen dico vobis, quaecúmque alligavéritis super terram, erunt ligáta et in caelo: et quaecúmque solvéritis super terram, erunt solúta et in caelo. Iterum dico vobis, quia si duo ex vobis consénsierint super terram, de omni re quamcúmque petíerint, fiet illis a Patre meo, qui in caelis est. Ubi enim sunt duo vel tres congregáti in nómine meo, ibi sum in médio eórum. Tunc accédens Petrus ad eum, dixit: Dómine, quóties peccábit in me frater meus, et dimíttam ei ? usque sépties ? Dicit illi Jesus: Non dico tibi usque sépties, sed usque septuágies sépties.

Offertorium Ps. 117, 16 et 17 Déxtera Dómini fecit virtútem, déxtera Dómini exaltávit me: non móriar, sed vivam, et narrábo ópera Dómini.

Secreta

PER haec véniat, quaésumus, Dómine, sacraménta nostrae redemptiónis efféctus: qui nos et ab humánis rétrahat semper excéssibus, et ad salutária dona perdúcat. Per Dóminum.

Praefatio de Quadragesima.

Communio Ps. 14, 1-2 Dómine, quis habitábit in tabernáculo tuo ? aut quis requiécet in monte sancto tuo ? Qui ingréditur sine mácula, et operátur justítiam.

Postcommunio

SACRIS, Dómine, mystériis expiáti: et véniam, quaésumus, consequámur, et grátiam. Per Dóminum.

Super populum: Orémus. Humiliáte cápita vestra Deo.

Oratio

TUA nos, Dómine, protectióne defénde: et ab omni semper iniquitáte custódi. Per Dóminum.

FERIA QUARTA
POST DOMINICAM III
IN QUADRAGESIMA

Simplex

Statio ad S. Xystum

Introitus **Ps. 30, 7-8**

EGO autem in Dómino sperábo: exsultábo, et laetábor in tua misericórdia: quia respexísti humilitátem meam. **Ps. ibid., 2** In te, Dómine, sperávi, non confúndar in aetérnum: in justítia tua líbera me, et éripe me. **Vl.** Glória Patri.

Oratio

PRAESTA nobis, quaesumus, Dómine: ut salutáribus jejúniis erudítí, a nóxiis quoque vítiis abstinéntes, propitiatióem tuam facílius impetrémus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Exodi.

Exodi 20, 12-24

HAEC dicit Dóminus Deus: Honóra patrem tuum et matrem tuam, ut sis longaévus super terram, quam Dóminus Deus tuus dabit tibi. Non occídes. Non moecháberis. Non furtum fácies. Non loquéris contra próximum tuum falsum testimónium. Non concupísces domum próximi tui: nec desiderábis uxórem ejus, non servum, non ancíllam, non bovem, non ásinum, nec ómnia, quae illíus sunt. Cunctus autem pópulus vidébat voces, et lámpades, et sónitum búccinae, montémque fumántem: et pertérriti, ac pavóre concússi, steterunt procul, dicéntes Móysi: Lóquere tu nobis, et audiémus: non loquátur nobis Dóminus, ne forte moriámur. Et ait Móyses ad pópulum: Nolíte timére: ut enim probáret vos, venit Deus, et ut terror illíus esset in vobis, et non peccarétiis. Stetítque pópulus de longe. Móyses autem accessit ad caliginem, in qua erat Deus. Dixit praetérea Dóminus ad Móysen: Haec dices fíliis Israél: Vos vidístis, quod de caelo locútus sim vobis. Non faciétis deos argénteos, nec deos áureos faciétis vobis. Altáre de terra faciétis mihi, et offerétis super eo holocáusta et pacífica vestra, oves vestras, et boves in omni loco, in quo memória fúerit nóminis mei.

Graduale Ps. 6, 3-4 Miserére mei, Dómine, quóniam infírmus sum: sana me, Dómine. **Vl.** Conturbáta sunt ómnia ossa mea: et ánima mea turbáta est valde.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélli secúndum Matthaéum.

Matth. 15, 1-20

IN illo témpore: Accessérunt ad Jesum ab Jerosólýmíis scribae et pharisaéi, dicéntes: Quare discípuli tui transgrediúntur traditióem seniórurum ? Non enim lavant manus suas, cum panem mandúcant. Ipse autem respóndens, ait illis: Quare et vos transgredímur mandátum Dei propter traditióem vestram ? Nam Deus dixit: Honóra patrem et matrem. Et: Qui maledíxerit patri vel matri, morte moriátur. Vos autem dicitis: Quicúmque díxerit patri vel matri: munus quodcúmque est ex me, tibi próderit: et non honorificábit patrem suum, aut matrem suam: et írritum fecístis mandátum Dei propter traditióem vestram. Hypócritae, bene prophetávit de vobis Isaías, dicens: Pópulus hic lábiis me honórat: cor autem eórum longe est a me. Sine causa autem colunt me, docéntes doctrínas et mandáta hóminum. Et convocátis ad se turbis, dixit eis: Audíte, et intelligíte. Non quod intrat in os, coínquinat hóminem: sed quod procedit ex ore, hoc coínquinat hóminem. Tunc accedéntes discípuli ejus, dixerunt ei: Scis quia pharisaéi, audíto verbo hoc, scandalizáti sunt ? At ille respóndens, ait: Omnis plantátio, quam non plantávit Pater meus caeléstis, eradicábitur. Sínite illos: caeci sunt, et duces caecórum. Caecus autem si caeco ducátum praestet, ambo in fóveam cadunt. Respóndens autem Petrus, dixit ei: Edíssere nobis parábolam istam. At ille dixit: Adhuc et vos sine intelléctu estis ? Non intelligítis, quia omne quod in os intrat, in ventrem vadit, et in secéssum emíttitur ? Quae autem procedunt de ore, de corde éxeunt, et ea coínquant hóminem: de corde enim éxeunt cogitatióes malae, homicídia, adultéria, fornicatióes, furta, falsa testimónia, blasphemíae. Haec sunt, quae coínquant hóminem. Non lotis autem mánibus manducáre, non coínquinat hóminem.

Offertorium Ps. 108, 21 Dómine, fac mecum misericórdiam tuam, propter nomen tuum: quia suávis est misericórdia tua.

Secreta

SÚSCIPE, quaesumus, Dómine, preces pópuli tui cum oblatiúnibus hostiárum: et tua mystéria celebrántes, ab ómnibus nos defénde perículis. Per Dóminum.

Praefatio de Quadragesima.

Communio Ps. 15, 10 Notas mihi fecisti vias vitae: adimplébis me laetitia cum vultu tuo, Dómine.

Postcommunio

SANCTÍFICET nos, Dómine, qua pasti sumus, mensa caeléstis: et a cunctis erróribus expiátos, supérnis promissionibus reddat accéptos. Per Dóminum.

Super populum: Orémus. Humiliáte cápita vestra Deo.

Oratio

CONCÉDE, quaesumus, omnipotens Deus: ut, qui protectionis tuae grátiam quaerimus, liberáti a malis ómnibus, secúra tibi mente serviámus. Per Dóminum.

FERIA QUINTA
POST DOMINICAM III
IN QUADRAGESIMA

Simplex

Statio ad Ss. Cosmam et Damianum

Introitus

SALUS pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum. **Ps. 77, 1** Atténdite, pópule meus, legem meam: inclináte aurem vestram in verba oris mei. **Vl.** Glória Patri.

Oratio

MAGNÍFICET te, Dómine, sanctorum tuórum Cosmae et Damiáni beáta solémnitas: qua et illis glóriam sempitérnam, et opem nobis ineffábili providéntia contulisti. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Jeremíae Prophetae.

Jerem. 7, 1-7

IN diébus illis: Factum est verbum Dómini ad me, dicens: Sta in porta domus Dómini: et praédica ibi verbum istud, et dic: Audíte verbum Dómini, omnis Juda, qui ingredimini per portas has, ut adorétis Dóminum. Haec dicit Dóminus exercítuum, Deus Israël: Bonas fácite vias vestras, et stúdia vestra: et habitábo vobíscum in loco isto. Nolíte confídere in verbis mendáci, dicéntes: Templum Dómini, templum Dómini, templum Dómini est. Quóniam si bene direxéritis vias vestras, et stúdia vestra: si fecéritis iudícium inter virum et próximum ejus, ádvenae, et pupillo, et víduae non fecéritis calúmnia, nec sánguinem innocéntem effudéritis in loco hoc, et post deos aliénos non ambulavéritis in malum vobismetípsis: habitábo vobíscum in loco isto, in terra, quam dedi pátribus vestris a saéculo et usque in saéculum: ait Dóminus omnipotens.

Graduale Ps. 144, 15-16 Oculi ómnium in te sperant, Dómine: et tu das illis escam in témpore oportúno. **Vl.** Aperis tu manum tuam: et imples omne ánimam benedictióne.

+ Sequéntia sancti Evangélii secúndum Lucam.

Luc. 4, 38-44

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et s tans super illam, imperávit febrí: et dimísit illam. Et contínuo surgens, ministrábat illis. Cum autem sol occidísset, omnes qui habébant infírmos váriis languóribus, ducébant illos ad eum. At ille síngulis manus impónens, curábat eos. Exibant autem daemónia a multis, clamántia, et dicéntia: Quia tu es Fílius Dei: et increpans non sinébat ea loqui, quia sciébant ipsum esse Christum. Facta autem die egréssus ibat in desértum locum, et turbae requirébant eum, et venérunt usque ad ipsum: et detinébant illum, ne discéderet ab eis. Quibus ille ait: Quia et áliis civitatibus opórtet me evangelizáre regnum Dei: quia ideo missus sum. Et erat praedicans in synagógis Galilaéae.

Offertorium Ps. 137, 7 Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me fáciet dextera tua.

Secreta

IN tuórum, Dómine, pretiósá morte justórum sacrificium illud offérimus, de quo martýrium sumpsit omne princípium. Per Dóminum.

Praefatio de Quadragesima.

Communio Ps. 118, 4-5 Tu mandásti mandáta tua custodíri nimis: útinam dirigántur viae meae ad custodiéndas justificatiónes tuas.

Postcommunio

SIT nobis, Dómine, sacraménti tui certa salvátio: quae cum beatórum Mártyrum tuórum Cosmae et Damiáni méritis implorátur. Per Dóminum.

Super populum: Orémus. Humiliáte cápita vestra Deo.

Oratio

SUBJÉCTUM tibi pópulum, quaésumus, Dómine, propitiátio caeléstis amplíficet: et tuis semper fáciat servíre mandátis. Per Dóminum.

FERIA SEXTA
POST DOMINICAM III
IN QUADRAGESIMA

Simplex

Statio ad S. Laurentium in Lucina

Introitus **Ps. 85, 17**

FAC mecum, Dómine, signum in bonum: ut vídeant, qui me odérunt, et confundántur: quóniam tu, Dómine, adjuvísti me, et consolátus es me. **Ps. ibid., 1** Inclína, Dómine, aurem tuam, et exáudi me: quóniam inops et pauper sum ego. **Vl.** Glória Patri.

Oratio

JEJÚNIA nostra, quaésumus, Dómine: benígno favóre proséquare: ut, sicut ab aliméntis abstinémus in córpore ; ita a vítiis jejunémus in mente. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Númeri.

Num. 20, 1, 3 et 6-13

IN diébus illis: Convenérunt fílii Israél advérsus Móysen et Aaron: et versi in seditiÓNem, dixerunt: Date nobis aquam, ut bibámus. Ingressúsque Móyses et Aaron, dimíssa multitúdine, tabernáculum fo éderis, corruérunt proni in terram, clamaverúntque ad Dóminum, atque dixerunt: Dómine Deus, audi clamórem hujus pópuli, et áperi eis thesáurum tuum, fontem aquae vivae, ut satiáti, cesset murmurátio eórum. Et appáruit glória Dómini super eos. Locutúsque est Dóminus ad Móysen, dicens: Tolle virgam, et cóngrega pópulum, tu et Aaron frater tuus, et loquímini ad petram coram eis, et illa dabit aquas. Cumque edúxeris aquam de petra, bibet omnis multitúdo, et juménta ejus. Tulit ígitur Móyses virgam, quae erat in conspéctu Dómini, sicut praecéperat ei, congregáta multitúdine ante petram, dixitque eis: Audíte, rebélles et incréduli: Num de petra hac vobis aquam potérimus ejícere ? Cumque elevásset Móyses manum, percútiens virga bis sílicem, egréssae sunt aquae largíssimae, ita ut pópulus bíberet, et juménta. Dixitque Dóminus ad Móysen et Aaron: Quia non credidístis mihi, ut sanctificarétis me coram fíliis Israél, non introducétis hos pópulos in terram, quam dabo eis. Haec est aqua contradictiÓNis, ubi jurgáti sunt fílii Israél contra Dóminum, et sanctificátus est in eis.

Graduale Ps. 27, 7 et 1 In Deo sperávit cor meum, et adjútus sum: et reflóruit caro mea, et ex voluntáte mea confitébor illi. **Vl.** Ad te, Dómine, clamávi: Deus meus, ne síleas, ne discédas a me.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris,

+ Sequéntia sancti Evangélii secúndum Joánnem.

Joann. 4, 5-42

IN illo témpore: Venit Jesus in civitátem Samaríae, quae dicitur Sichar: juxta praedium, quod dedit Jacob Joseph filio suo. Erat autem ibi fons Jacob. Jesus ergo fatigátus ex itinere, sedébat sic supra fontem. Hora erat quasi sexta. Venit múlter de Samaría hauríre aquam. Dicit ei Jesus: Da mihi bíbere. (Discípuli enim ejus abierant in civitátem, ut cibos émerent.) Dicit ergo ei múlter illa Samaritána: Quómodo tu, Judaéus cum sis, bíbere a me poscis, quae sum múlter Samaritána ? non enim coutúntur Judaéi Samaritánis. Respóndit Jesus, et dixit ei: Si scires donum Dei, et quis est, qui dicit tibi: Da mihi bíbere: tu fórsitan petísses ab eo, et dedísses tibi aquam vivam. Dicit ei múlter: Dómine, neque in quo háurias habes, et púteus altus est: unde ergo habes aquam vivam ? Numquid tu major es patre nostro Jacob, qui dedit nobis púteum, et ipse ex eo bibit, et filii ejus, et pécora ejus ? Respóndit Jesus, et dixit ei: Omnis, qui bibit ex aqua hac, sítiet íterum: qui autem bíberit ex aqua, quam ego dabo ei, non sítiet in aetérnum: sed aqua, quam ego dabo ei, fiet in eo fons aquae salientis in vitam aetérnam. Dicit ad eum múlter: Dómine, da mihi hanc aquam, ut non sítiam, neque véniam huc hauríre. Dicit ei Jesus: Vade, voca virum tuum, et veni huc. Respóndit múlter, et dixit: Non hábeo virum. Dicit ei Jesus: Bene dixísti, quia non hábeo virum: quinque enim viros habuísti, et nunc quem habes, non est tuus vir: hoc vere dixísti. Dicit ei múlter: Dómine, vídeo, quia prophéta es tu. Patres nostri in monte hoc adoravérunt, et vos dicitis, quia Jerosólymis est locus, ubi adoráre opórtet. Dicit ei Jesus: Múlter, crede mihi, quia veniet hora, quando neque in monte hoc, neque in Jerosólymis adorábitis Patrem. Vos adorátis quod nescítis: nos adorámus quod scimus, quia salus ex Judaéis est. Sed venit hora, et nunc est, quando veri adoratóres adorábunt Patrem in spíritu et veritáte. Nam et Pater tales quaerit, qui adórent eum. Spíritus est Deus: et eos, qui adórant eum, in spíritu et veritáte opórtet adoráre. Dicit ei mulier: Scio, quia Messías venit (qui dicitur Christus) . Cum ergo vénerit ille, nobis annuntiábit ómnia. Dicit ei Jesus: Ego sum, qui loquor tecum. Et contínuo venérunt discípuli ejus: et mirabántur, quia cum muliere loquebátur. Nemo tamen dixit: Quid quaeris, aut quid lóqueris cum ea ? Relíquit ergo hýdriam suam múlter, et ábiit in civitátem, et dicit illis homínibus: Veníte, vidéte hómíne, qui dixit mihi ómnia quaecúmque feci: numquid ipse est Christus ? Exiérunt ergo de civitáte, et veniébant ad eum. Intérea rogábant eum discípuli, dicétes: Rabbi, mandúca. Ille autem dicit eis: Ego cibum hábeo manducáre, quem vos nescítis. Dicébant ergo discípuli ad ínvicem: Numquid áliquis áttulit ei manducáre ? Dicit eis Jesus: Meus cibus est, ut fáciam voluntátem ejus, qui misit me, ut perfíciam opus ejus. Nonne vos dicitis, quod adhuc quátuor menses sunt, et messis venit ? Ecce dico vobis: Leváte óculos vestros, et vidéte regiónes, quia albae sunt jam ad messem. Et qui metit, mercédem áccipit, et cóngregat fructum in vitam aetérnam: ut, et qui séminat, simul gáudeat, et qui metit. In hoc enim est verbum verum: quia álius est qui séminat, et álius est qui metit. Ego misi vos métere quod vos non laborástis: álii laboravérunt, et vos in labóres eórum introístis. Ex civitáte autem illa multi credidérunt in eum Samaritanórum, propter verbum mulieris testimónium perhibéntis: Quia dixit mihi ómnia quaecúmque feci. Cum veníssent ergo ad illum Samaritáni, rogavérunt eum, ut ibi manéret. Et mansit ibi duos dies. Et multo plures credidérunt in eum propter sermónem ejus. Et mulieri dicébant: Quia jam non propter tuam loquélam crédimus: ipsi enim audívimus, et scimus, quia hic est vere Salvátor mundi.

Offertorium Ps. 5, 3-4 Inténde voci oratiónis meae, Rex meus, et Deus meus: quóniam ad te orábo, Dómine.

Secreta

RÉSPICE, quaésumus, Dómine, propítius ad múnera, quae sacrámus: ut tibi grata sint, et nobis salutária semper exsístant. Per Dóminum.

Praefatio de Quadragesima.

Communio Joann. 4, 13 et 14 Qui bíberit aquam, quam ego dabo ei, dicit Dóminus, fiet in eo fons aquae salientis in vitam aetérnam.

Postcommunio

HUJUS nos, Dómine, percéptio sacraménti mundet a crímíne: et ad caeléstia regna perdúcat. Per Dóminum.

Super populum: Orémus. Humiliáte cápita vestra Deo.

Oratio

PRAESTA, quaésumus, omnípotens Deus: ut, qui in tua protectióne confídimus, cuncta nobis adversántia, te adjuvánte, vincámus. Per Dóminum.

**SABBATO
POST DOMINICAM III
IN QUADRAGESIMA**

Simplex

Statio ad S. Susannam

Introitus **Ps. 5, 2-3**

VERBA mea áuribus pécipe, Dómine, intéllige clamórem meum: inténde voci oratiónis meae, Rex meus, et Deus meus. **Ps. ibid., 4** Quóniam ad te orábo, Dómine: mane exáudies vocem meam. **VI.** Glória Patri.

Oratio

PRAESTA, quaésumus, omnipotens Deus: ut, qui se, affligéndo carnem, ab aliméntis ábstinent; sectándo justítiam, a culpa jejúnent. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Daniélis Prophétae.

Dan. 13, 1-9, 15-17, 19-30 et 33-62

IN diébus illis: Erat vir hábitans in Babylóne, et nomen ejus Jóakim: et accépit uxórem nómine Susánnam, fíliam Helcíae, pulchram nimis, et timéntem Deum: paréntes enim illíus, cum essent justí, erudiérunt fíliam suam secúndum legem Móysi. Erat autem Jóakim dives valde, et erat ei pomárium vicínium dómui suae: et ad ipsum confluébant Judaéi, eo quod esset honorabílior ómnium. Et constitúti sunt de pópulo duo senes júdices in illo anno: de quibus locútus est Dóminus: Quia egréssa est iníquitas de Babylóne a senióriibus júdicibus, qui videbántur régere pópulum. Isti frequentábant domum Jóakim, et veniébant ad eos omnes, qui habébant júdicia. Cum autem pópulus revertísset per merídiem, ingrediebátur Susánna, et deambulábat in pomário viri sui. Et vidébant eam senes quotídie ingrediéntem et deambulántem: et exarsérunt in concupiscéntiam ejus: et evertérunt sensum suum, et declinavérunt óculos suos, ut non vidérent caelum, neque recordaréntur júdiciorum justórum. Factum est autem, cum observárent diem aptum, ingrèssa est aliquándo sicut heri et nudíustértius, cum duábus solis puéllis, volúitque lavári in pomário: aestus quippe erat, et non erat ibi quisquam, praeter duos senes absconditos, et contemplátes eam. Dixit ergo puéllis: Afférte mihi óleum et smígmata, et óstia pomárii cláudite, ut laver. Cum autem egréssae essent puéllae, surrexérunt duo senes, et accurrérunt ad eam, et dixerunt: Ecce óstia pomárii clausa sunt, et nemo nos videt, et nos in concupiscéntia tui sumus: quam ob rem assentíre nobis, et commiscére nobíscum. Quod si nolúeris, dicémus contra te testimónium, quod fúerit tecum júvenis, et ob hanc causam emiseris puéllas a te. Ingémuit Susánna, et ait: Angústiae sunt mihi úndique: si enim hoc égero, mors mihi est: si autem non égero, non effúgiam manus vestras. Sed mélius est mihi absque ópere incidere in manus vestras, quam peccáre in conspéctu Dómini. Et exclamávit voce magna Susánna: exclamavérunt autem et senes advérsus eam. Et cucúrrit unus ad óstia pomárii, et apéruit. Cum ergo audíssent clamórem fámuli domus in pomário, irruérunt per postícum, ut vidérent quidnam esset. Postquam autem senes locúti sunt, erubuérunt servi veheménter: quia numquam dictus fúerat sermo hujuscémodi de Susánna. Et facta est dies crástina. Cumque venísset pópulus ad Jóakim virum ejus, venérunt et duo senióres pleni iníqua cogitatióne advérsus Susánnam, ut interficerent eam. Et dixerunt coram pópulo: Míttite ad Susánnam fíliam Helcíae, uxórem Jóakim. Et statim misérunt. Et venit cum paréntibus, et fíliis, et univérsis cognátis suis. Flebant ígitur sui, et omnes qui nóverant eam. Consurgéntes autem duo senióres in médio pópuli, posuérunt manus suas super caput ejus. Quae flens suspéxit ad caelum: erat enim cor ejus fidúciam habens in Dómino. Et dixerunt senióres: Cum deambularémus in pomário soli, ingrèssa est haec cum duábus puéllis: et clausit óstia pomárii, et dimísit a se puéllas. Venítque ad eam adoléscent, qui erat absconditus, et concúbuit cum ea. Porro nos, cum essemus in ángulo pomárii, vidéntes iniquitátem, cucúrrimus ad eos, et vídimus eos páriter commiscéri. Et illum quidem non quívimus comprehéndere, quia fórtior nobis erat, et apértis óstiis exsilívit: hanc autem, cum apprehendissémus, interrogávimus, quisnam es set adoléscent, et noluit indicáre nobis: hujus rei testes sumus. Crédidit eis multitúdo quasi sénibus et júdicibus pópuli, et condemnavérunt eam ad mortem. Exclamávit autem voce magna Susánna, et dixit: Deus aetérne, qui absconditorum es cógnitor, qui nosti ómnia ántequam fiant, tu scis quóniam falsum testimónium tulérunt contra me: et ecce mórior, cum nihil horum fécerim, quae isti malitióse composuérunt advérsus me. Exaudívit autem Dóminus vocem ejus. Cumque ducerétur ad mortem, suscitávit Dóminus spíritum sanctum púeri junióris, cujus nomen Dániel. Et exclamávit voce magna: Mundus ego sum a ságuine hujus. Et convérsus omnis pópulus ad eum, dixit: Quis est iste sermo, quem tu locútus es? Qui cum staret in médio eórum, ait: Sic fátui, fílii Israél, non júdicátes, neque quod verum est cognoscéntes, condemnástis fíliam Israél? Revertímmini ad júdicium, quia falsum testimónium locúti sunt advérsus eam. Revérsus est ergo pópulus cum festinatióne. Et dixit ad eos Dániel: Separáte illos ab ínvicem procul, et dijudicábo eos. Cum ergo divisi essent alter ab áltero, vocávit

unum de eis, et dixit ad eum: Inveteráte diérum malórum, nunc venérunt peccáta tua, quae operabáris prius: júdicans júdicia injústa, innocétes ópprimens, et dimíttens nóxios, dicénte Dómine: Innocétem et justum non interfícies. Nunc ergo si vidísti eam, dic sub qua árbore víderis eos colloquéntes sibi. Qui ait: Sub schino. Dixit autem Dániel: Recte mentítus es in caput tuum. Ecce enim Angelus Dei, accépta senténtia ab eo, scindet te médium. Et, amóto eo, jussit veníre álium, et dixit ei: Semen Chánaan, et non Juda, spécies decépit te, et concupiscéntia subvértit cor tuum: sic faciebátis filiábus Israël, et illae tímétes loquebántur vobis: sed filia Juda non sustínuit iniquitátem vestram. Nunc ergo dic mihi, sub qua árbore comprehénderis eos loquéntes sibi. Qui ait: Sub prino. Dixit autem ei Dániel: Recte mentítus es et tu in caput tuum: manet enim Angelus Dómini, gládium habens, ut secet te médium, et interfíciat vos. Exclamávit ítaque omnis coetus voce magna, et benedixerunt Deum, qui salvat sperántes in se. Et consurrexérunt advérsus duos senióres (convícera enim eos Dániel ex ore suo falsum dixísse testimónium), fecerúntque eis sicut male égerant advérsus próximum: et interfecérunt eos, et salvátus est sanguis innóxius in die illa.

Graduale Ps. 22, 4 Si ámbulem in médio umbrae mortis, non tímébo mala: quóniam tu mecum es, Dómine. **V.** Virga tua, et báculus tuus, ipsa me consoláta sunt.

+ Sequéntia sancti Evangélii secúndum Joánnem.

Joann. 8, 1-11

IN illo témpore: Perréxit Jesus in montem Olivéti: et dilúculo íterum venit in templum, et omnis pópulus venit ad eum, et sedens docébat eos. Addúcut autem scribae et pharisaéi mulierem in adultério deprehénsam: et statuérunt eam in médio, et dixerunt ei: Magíster, haec múlier modo deprehénsa est in adultério. In lege autem Móyses mandávit nobis hujúsmodi lapidáre. Tu ergo quid dicis? Hoc autem dicébant tentántes eum, ut possent accusáre eum. Jesus autem inclínans se deórsum, dígitó scribébat in terra. Cum ergo perseverárent interrogántes eum, eréxit se, et dixit eis: Qui sine peccáto est vestrum, primus in illam lápidem mittat. Et íterum se inclínans, scribébat in terra. Audiéntes autem unus post unum exíbant, incipiétes a senióribus: et remánsit solus Jesus et múlier in médio stans. Erigens autem se Jesus, dixit ei: Múlier, ubi sunt qui te accusábant? nemo te condemnávit? Quae dixit: Nemo, Dómine. Dixit autem Jesus: Nec ego te condemnábo: Vade, et jam ámplius noli peccáre.

Offertorium Ps. 118, 133 Gressus meos dírige secúndum elóquium tuum: ut non dominétur mei omnis injustítia, Dómine.

Secreta

CONCÉDE, quaésumus, omnípotens Deus: ut hujus sacrificii munus oblátum, fragilitátem nostram ab omni malo purget semper, et múniat. Per Dóminum.

Praefatio de Quadragesima.

Communio Joann. 8, 10 et 11 Nemo te condemnávit, múlier? Nemo, Dómine. Nec ego te condemnábo: jam ámplius noli peccáre.

Postcommunio

QUSUMUS, omnípotens Deus: ut inter ejus membra numerémur, cujus córpori communicámus, et sánguini: Qui tecum.

Super populum: Orémus. Humiliáte cápita vestra Deo.

Oratio

PRAETÉNDE, Dómine, fidélibus tuis déxteram caeléstis auxilií: ut te toto corde perquírant; et quae digne póstulant, cónsequi mereántur. Per Dóminum.

DOMINICA QUARTA IN QUADRAGESIMA

I classis Semiduplex

Statio ad S. Crucem in Jerusalem

Introitus Isai. 66, 10 et 11

LAETÁRE, Jerúsalem: et convéntum fácite, omnes qui dilígitis eam: gaudéte cum laetítia, qui in tristítia fuístis: ut exsultétis, et satiémini ab ubéribus consolatiónis vestrae. **Ps. 121, 1** Laetátus sum in his, quae

dicta sunt mihi: in domum Dómini íbimus. *Vl.* Glória Patri.

Oratio

CONCÉDE, quaesumus, omnipotens Deus: ut, qui ex mérito nostrae acti6nis affligimur, tuae grátiae consolati6ne respirémus. Per D6minum.

Orationes pro diversitate Temporum assignatae, ut supra. (Vide post benedictionem cinerum.)

Léctio Epístolae beáti Pauli Apóstoli ad Gálatas.

Gal. 4, 22-31

FRATRES: Scriptum est: Qu6niam Abraham duos fílios hábit: unum de ancilla, et unum de líbera. Sed qui de ancilla, secúndum carnem natus est: qui autem de líbera, per repromissi6nem: quae sunt per alleg6riam dicta. Haec enim sunt duo testaméнта. Unum quidem in monte Sina, in servitútem génerans: quae est Agar: Sina enim mons est in Arábia, qui conjúctus est ei, quae nunc est Jerúsalem, et servit cum filiis suis. Illa autem, quae sursum est Jerúsalem, líbera est, quae est mater nostra. Scriptum est enim: Laetáre, stérilis, quae non paris: erúmpe, et clama, quae non párturis: quia multi filii desértae, magis quam ejus, quae habet virum. Nos autem, fratres, secúndum Isaac promissi6nis filii sumus. Sed qu6modo tunc is, qui secúndum carnem natus fúerat, persequébatur eum, qui secúndum spírítum: ita et nunc. Sed quid dicit Scriptúra ? Ejice ancillam et filium ejus: non enim heres erit fílius ancillae cum filio líberae. Itaque, fratres, non sumus ancillae filii, sed líberae: qua libertáte Christus nos liberávit.

Graduale Ps. 121, 1 et 7 Laetátus sum in his, quae dicta sunt mihi: in domum D6mini íbimus. *Vl.* Fiat pax in virtúte tua: et abundántia in túrribus tuis.

Tractus Ps. 124, 1-2 Qui confídunt in D6mino, sicut mons Sion: non commovébitur in aetérnum, qui hábitat in Jerúsalem. *Vl.* Montes in circúitu ejus: et D6minus in circúitu p6puli sui, ex hoc nunc et usque in saéculum.

+ Sequéntia sancti Evangélii secúndum Joánnem.

Joann. 6, 1-15

IN illo témpore: Abiit Jesus trans mare Galilaéae, quod est Tiberiádis: et sequebátur eum multitúdo magna, quia vidébant signa, quae faciébat super his, qui infirmabántur. Súbiit ergo in montem Jesus: et ibi sedébat cum discípulis suis. Erat autem próximum Pascha, dies festus Judae6rum. Cum sublevásset ergo óculos Jesus, et vidísset quia multitúdo máxima venit ad eum, dixit ad Philíppum: Unde emémus panes, ut mandúcent hi ? Hoc autem dicébat tentans eum: ipse enim sciébat quid esset factúrus. Resp6ndit ei Philíppus: Ducent6rum denari6rum panes non suffíciunt eis, ut unusquisque módicum quid accípiat. Dicit ei unus ex discípulis ejus, Andréas frater Sim6nis Petri: Est puer unus hic, qui habet quinque panes hordeáceos, et duos pisces: sed haec quid sunt inter tantos ? Dixit ergo Jesus: Fácite h6mines discúmbere. Erat autem foenum multum in loco. Discubuérunt ergo viri, número quasi quinque míllia. Accépit ergo Jesus panes, et cum grátias egísset, dístríbut díscumbéntibus: simíliter et ex píscibus quantum volébant. Ut autem impléti sunt, dixit discípulis suis: Collígite quae superavérunt fragménta, ne péreant. Collegérunt ergo, et implevérunt du6decim cóphinos fragment6rum ex quinque pánibus hordeáceis, quae superfuérunt his, qui manducáverant. Illi ergo h6mines cum vidísset quod Jesus fécerat signum, dicébant: Quia hic est vere Prophéta, qui ventúrus est in mundum. Jesus ergo cum cognovísset, quia ventúri essent ut ráperent eum, et fácerent eum regem, fugit íterum in montem ipse solus.

Credo.

Offertorium Ps. 134, 3 et 6 Laudáte D6minum, quia benígnus est: psállite nómini ejus, qu6niam suávis est: 6mnia quaecúmque vóluit, fecit in caelo et in terra.

Secreta

SACRIFÍCIIS praeséntibus, D6mine, quaesumus, inténde placátus: ut et devoti6ni nostrae profícient, et salúti. Per D6minum.

Praefatio de Quadragesima.

Communio Ps. 121, 3-4 Jerúsalem, quae aedificátur ut cívitas, cujus participati6 ejus in idípsum: illuc enim ascendérunt tribus, tribus D6mini, ad confiténdum nómini tuo, D6mine.

Postcommunio

DA nobis, quaesumus, misericors Deus: ut sancta tua, quibus incessanter expleremur, sinceris tractemus obsequiis, et fidei semper mente sumamus. Per Dominum.

FERIA SECUNDA
POST DOMINICAM IV
IN QUADRAGESIMA

Simplex

Statio ad Ss. Quatuor Coronatos

Introitus **Ps. 53, 3-4**

DEUS, in nomine tuo salvum me fac, et in virtute tua libera me: Deus, exaudi orationem meam: auribus percipe verba oris mei. **Ps. ibid., 5** Quoniam alieni insurrexerunt in me: et fortes quaesierunt animam meam. **VI.** Gloria Patri.

Oratio

PRAESTA, quaesumus, omnipotens Deus: ut observationes sacras annua devotione recolentes, et corpore tibi placeamus, et mente. Per Dominum.

Orationes pro diversitate Temporum assignatae, ut supra. (Vide post benedictionem cinerum.)

Lectio Libri Regum.

3 Reg. 3, 16-28

IN diebus illis: Venérunt duae mulieres meretrices ad regem Salomónem, steteruntque coram eo, quarum una ait: Obsecro, mi domine: ego et mulier haec habitabamus in domo una, et peperit apud eam in cubiculo. Tertia autem die postquam ego peperit, peperit et haec: et eramus simul, nullusque alius nobiscum in domo, exceptis nobis duabus. Mortuus est autem filius mulieris hujus nocte: dormiens quippe oppressit eum. Et consurgens intempestae noctis silentio, tulit filium meum de latere meo ancillae tuae dormientis, et collocavit in sinu suo: suum autem filium, qui erat mortuus, posuit in sinu meo. Cumque surrexissem mane, ut darem lac filio meo, apparuit mortuus: quem diligentius intuens clara luce, deprehendi non esse meum, quem genueram. Responditque altera mulier: Non est ita ut dicis, sed filius tuus mortuus est, meus autem vivit. E contrario illa dicebat: Mentiris: filius quippe meus vivit, et filius tuus mortuus est. Atque in hunc modum contendebant coram rege. Tunc rex ait: Haec dicit: Filius meus vivit, et filius tuus mortuus est. Et ista respondit: Non, sed filius tuus mortuus est, meus autem vivit. Dixit ergo rex: Afferte mihi gladium. Cumque attulissent gladium coram rege: Dividite, inquit, infansem vivum in duas partes, et date dimidiam partem uni, et dimidiam partem alteri. Dixit autem mulier, cujus filius erat vivus, ad regem (commota sunt quippe viscera ejus super filio suo): Obsecro, domine, date illi infansem vivum, et nolite interficere eum. E contrario illa dicebat: Nec mihi, nec tibi sit, sed dividatur. Respondit rex, et ait: Date huic infansem vivum, et non occidatur: haec est enim mater ejus. Audivit itaque omnis Israel iudicium, quod iudicasset rex, et timuerunt regem, videntes sapientiam Dei esse in eo ad faciendum iudicium.

Graduale Ps. 30, 3 Esto mihi in Deum protectorem, et in locum refugii, ut salvum me facias. **VI. Ps. 70, 1** Deus, in te speravi: Domine, non confundar in aeternum.

Tractus Ps. 102, 10 Domine, non secundum peccata nostra, quae fecimus nos: neque secundum iniquitates nostras retribuas nobis. **VI. Ps. 78, 8-9** Domine, ne memineris iniquitatum nostrarum antiquarum: cito anticipent nos misericordiae tuae, quia pauperes facti sumus nimis. **(Hic genuflectitur)** **VI.** Adjuva nos, Deus salutaris noster: et propter gloriam nominis tui, Domine, libera nos: et propitius esto peccatis nostris, propter nomen tuum.

+ Sequentia sancti Evangelii secundum Joannem.

Joann. 2, 13-25

IN illo tempore: Prope erat Pascha Judaeorum, et ascendit Jesus Jerosolymam: et invenit in templo vendentes boves, et oves, et columbas, et nummularios sedentes. Et cum fecisset quasi flagellum de funiculis, omnes ejecit de templo, oves quoque et boves, et nummuliariorum effudit aes, et mensas subvertit. Et his, qui columbas vendebant, dixit: Auferte ista hinc, et nolite facere domum Patris mei, domum negotiationis. Recordati sunt vero discipuli ejus, quia scriptum est: Zelus domus tuae comedit me. Respondérunt ergo Judaei, et dixerunt ei: Quod signum ostendis nobis quia haec facis? Respondit Jesus, et dixit eis: Solvite templum hoc, et in tribus diebus excitabo illud. Dixerunt ergo Judaei: Quadraginta et sex annis aedificatum est templum hoc, et tu in tribus diebus excitabis illud? Ille autem dicebat de templo corporis sui. Cum ergo resurrexisset a mortuis, recordati sunt discipuli ejus, quia hoc dicebat, et crediderunt

Scripturae, et sermóni, quem dixit Jesus. Cum autem esset Jerosólymis in Pascha in die festo, multi credidérunt in nómine ejus, vidéntes signa ejus, quae faciébat. Ipse autem Jesus non credébat semetípsum eis, eo quod ipse nosset omnes, et quia opus ei non erat, ut quis testimónium perhibéret de hómine: ipse enim sciébat, quid esset in hómine.

Offertorium Ps. 99, 1-2 Jubiláte Deo, omnis terra, servíte Dómino in laetítia: intráte in conspéctu ejus in exsultatióne: quia Dóminus ipse est Deus.

Secreta

OBLÁTUM tibi, Dómine, sacrificium vivíficet nos semper, et múniat. Per Dóminum.

Praefatio de Quadragesima.

Communio Ps. 18, 13 et 14 Ab occúltis meis munda me, Dómine: et ab aliénis parce servo tuo.

Postcommunio

SUMPTIS, Dómine, salutáribus sacraméntis: ad redemptiόνis aetérnae, quaésumus, proficiámus augméntum. Per Dóminum.

Super populum: Orémus. Humiliáte cápita vestra Deo.

Oratio

DEPRECATIÓNEM nostram, quaésumus, Dómine, benígnus exáudi: et quibus supplicánda praestas afféctum, tríbe defénsiόνis auxiliium. Per Dóminum.

FERIA TERTIA
POST DOMINICAM IV
IN QUADRAGESIMA

Simplex

Statio ad S. Laurentium in Damaso

Introitus **Ps. 54, 2-3**

EXÁUDI, Deus, oratiónem meam, et ne despéxeris deprecatiónem meam: inténde in me, et exáudi me. **Ps. ibid., 3-4** Contristátus sum in exercitatióne mea: et conturbátus sum a voce inimíci, et a tribulatióne peccatóris. **Vl.** Glória Patri.

Oratio

SACRAE nobis, quaésumus, Dómine, observatiónis jejúnia: et piae conversatiónis augméntum, et tuae propitiatiónis contínuum praestent auxiliium. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Exodi.

Exodi 32, 7-14

IN diébus illis: Locútus est autem Dóminus ad Móysen, dicens: Descénde de monte: peccávit pópulus tuus, quem eduxísti de terra AEGýpti. Recessérunt cito de via, quam ostendísti eis: fecerúntque sibi vítulum conflátilem, et adoravérunt, atque immolántes ei hóstias, dixerunt: Isti sunt dii tui, Israël, qui te eduxérunt de terra AEGýpti. Rursúmque ait Dóminus ad Móysen: Cerno quod pópulus iste durae cervícis sit: dimítte me, ut irascátur furor meus contra eos, et déleam eos, faciámque te in gentem magnam. Móyses autem orábat Dóminum Deum suum, dicens: Cur, Dómine, iráscitur furor tuus contra pópulum tuum, quem eduxísti de terra AEGýpti, in fortitúdine magna, et in manu robústa? Ne quaeso dicant AEGýptii: Cállide edúxit eos, ut interfíceret in móntibus, et deléret e terra: quiescat ira tua, et esto placábilis super nequítia pópuli tui. Recordáre Abraham, Isaac et Israël, servórum tuórum, quibus jurásti per temetípsum, dicens: Multiplicábo semen vestrum sicut stellas caeli: et univérsam terram hanc, de qua locútus sum, dabo sémini vestro, et possidébitis eam semper. Placátusque est Dóminus, ne fáceret malum, quod locútus fúerat advérsus pópulum suum.

Graduale Ps. 43, 26 et 2 Exsúrge, Dómine, fer opem nobis: et líbera nos propter nomen tuum. **Vl.** Deus, áuribus nostris audívimus: et patres nostri annuntiavérunt nobis opus, quod operátus es in diébus eórum, et

+ Sequéntia sancti Evangélii secúndum Joánnem.

Joann. 7, 14-31

IN illo témpore: Jam die festo mediánte, ascéndit Jesus in templum, et docébat. Et mirabántur Judaéi, dicéntes: Quómodo hic lítteras scit, cum non didícerit ? Respóndit eis Jesus, et dixit: Mea doctrína non est mea, sed ejus, qui misit me. Si quis volúerit voluntátem ejus fácere, cognóscet de doctrína, utrum ex Deo sit, an ego a meípso loquar. Qui a semetípso lóquitur, glóriam própíam quaerit. Qui autem quaerit glóriam ejus, qui misit eum, hic verax est, et injustítia in illo non est. Nonne Móyses dedit vobis legem: et nemo ex vobis facit legem ? quid me quaéritis interfícere ? Respóndit turba, et dixit: Daemónium habes: quis te quaerit interfícere ? Respóndit Jesus, et dixit eis: Unum opus feci, et omnes mirámini. Proptérea Móyses dedit vobis circumcisiónem (non quia ex Móyse est, sed ex pátribus): et in sábbato circumcíditis hóminem. Si circumcisiónem áccipit homo in sábbato, ut non solvátur lex Móysi: mihi indignámini, quia totum hóminem sanum feci in sábbato ? Nolíte judicáre secúndum fáciem, sed justum judícium judicáte. Dicébant ergo quidam ex Jerosólymis: Nonne hic est, quem quaerunt interfícere ? Et ecce palam lóquitur, et nihil ei dicunt. Numquid vere cognovérunt príncipes, quia hic est Christus ? Sed hunc scimus, unde sit: Christus autem, cum vénerit, nemo scit, unde sit. Clamábat ergo Jesus in templo docens, et dicens: Et me scitis, et unde sim, scitis, et a meípso non veni, sed est verus, qui misit me, quem vos nescítis. Ego scio eum, quia ab ipso sum, et ipse me misit. Quaerébant ergo eum apprehéndere: et nemo misit in illum manus, quia nondum vénerat hora ejus. De turba autem multi credidérunt in eum.

Offertorium Ps. 39, 2, 3 et 4 Exspéctans expectávi Dóminum, et respéxit me: et exaudivit deprecatiónem meam: et immísit in os meum cánticum novum, hymnum Deo nostro.

Secreta

HAEC hóstia, Dómine, quaésumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Praefatio de Quadragesima.

Communio Ps. 19, 6 Laetábimur in salutári tuo: et in nómine Dómini Dei nostri magnificábimur.

Postcommunio

HUJUS nos, Dómine, percéptio sacraménti mundet a crímine: et ad caeléstia regna perdúcat. Per Dóminum.

Super populum: Orémus. Humiliáte cápita vestra Deo.

Oratio

MISERÉRE, Dómine, pópulo tuo: et contínuis tribulatióibus laborántem, propítius respiráre concéde. Per Dóminum.

FERIA QUARTA
POST DOMINICAM IV
IN QUADRAGESIMA

Simplex

Statio ad S. Paulum

Introitus **Ezech. 36, 23-26**

CUM sanctificátus fúero in vobis, congregábo vos de univérsis terris: et effúndam super vos aquam mundam, et mundabímmini ab ómnibus inquinaméntis vestris: et dabo vobis spíritum novum. **Ps. 33, 2** Benedícám Dóminum in omni témpore: semper laus ejus in ore meo. **V.** Glória Patri.

Post Kýrie, eléison, dicitur: Orémus. Flectámus génuá.

R/. Leváte.

Oratio

DEUS, qui et justis praémia meritórum, et peccatóribus per jejúnium véniam praebes: miserére supplícibus tuis ; ut reátus nostrí conféssio, indulgéntiam váleat percípere delictórum. Per Dóminum.

Léctio Ezechiélis Prophétae.

Ezech. 36, 23-28

HAEC dicit Dóminus Deus: Sanctificábo nomen meum magnum, quod pollútum est inter gentes, quod polluístis in médio eárum: ut sciant gentes, quia ego Dóminus, cum sanctificátus fúero in vobis coram eis. Tollam quippe vos de géntibus, et congregábo vos de univérsis terris, et addúcam vos in terram vestram. Et effúndam super vos aquam mundam, et mundabímíni ab ómnibus inquinaméntis vestris, et ab univérsis idólis vestris mundábo vos. Et dabo vobis cor novum, et spíritum novum ponam in médio vestri: et áuferam cor lapídeum de carne vestra, et dabo vobis cor cárneum. Et spíritum meum ponam in médio vestri: et fáciam ut in praecéptis meis ambulétis, et judícia mea custodiátis et operémíni. Et habitábíto in terra, quam dedi pátribus vestris: et éritis mihi in pópulum, et ego ero vobis in Deum: dicit Dóminus omnípotens.

Graduale Ps. 33, 12 et 6 Veníte, filii, audíte me: timórem Dómini docébo vos. **V/.** Accédite ad eum, et illuminámíni: et fácies vestrae non confundéntur.

Hic dicitur V/. Dóminus vobíscum, **sine** Flectámus génua.

Orémus **Oratio**

PRAESTA, quaesumus, omnípotens Deus: ut, quos jejúnia votíva castigant, ipsa quoque devótio sancta laetíficet; ut, terrénis afféctibus mitigátis, fácius caeléstia capiámus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio Isaíae Prophétae.

Isai. 1, 16-19

HAEC dicit Dóminus Deus: Lavámíni, mundi estóte, auférte malum cogitatiónum vestrárum ab óculis meis: quiéscite ágere perversé, díscite benefácere: quaérite judícium, subveníte opprésso, judicáte pupílló, deféndite víduam. Et veníte, et argúite me, dicit Dóminus: si fúerint peccáta vestra ut cóccinum, quasi nix dealbabúntur: et si fúerint rubra quasi vermículus, velut lana alba erunt. Si voluéríto, et audíeríto me, bona terrae comedétis: dicit Dóminus omnípotens.

Graduale Ps. 32, 12 et 6 Beáta gens, cujus est Dóminus Deus eórum: pópulus, quem elégit Dóminus in hereditátem sibi. **V/.** Verbo Dómini caeli firmáti sunt: et spíritus oris ejus omnis virtus eórum.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **V/.** **Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur)** **V/.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangéllii secúndum Joánnem.

Joann. 9, 1-38

IN illo témpore: Praetériens Jesus vidit hóminem caecum a nativátate: et interrogavérunt eum discípuli ejus: Rabbi, quis peccávit, hic, aut paréntes ejus, ut caecus nascerétur? Respóndit Jesus: Neque hic peccávit, neque paréntes ejus: sed ut manifesténtur ópera Dei in illo. Me opórtet operári ópera ejus, qui misit me, donec dies est: venit nox, quando nemo potest operári. Quámdu sum in mundo, lux sum mundi. Haec cum dixisset, éxspuit in terram, et fecit lutum ex sputo, et linívit lutum super óculos ejus, et dixit ei: Vade, lava in natatória Síloë (quod interpretátur Missus). Abiit ergo, et lavit, et venit videns. Itaque vicíni, et qui víderant eum prius, quia mendícus erat, dicébant: Nonne hic est, qui sedébat, et mendicábat? Alii dicébant: Quia hic est. Alii autem: Nequáquam, sed símilis est ei. Ille vero dicébat: Quia ego sum. Dicébant ergo ei: Quómodo apérti sunt tibi óculi? Respóndit: Ille homo, qui dicitur Jesus, lutum fecit, et unxit óculos meos, et dixit mihi: Vade ad natatória Síloë, et lava. Et ábii, lavi, et vídeo. Et dixerunt ei: Ubi est ille? Ait: Nescio. Addúcut eum ad pharisaéos, qui caecus fúerat. Erat autem sábbatum, quando lutum fecit Jesus, et apéruit óculos ejus. Iterum ergo interrogábant eum pharisaéi, quómodo vidísset. Ille autem dixit eis: Lutum mihi pósuit super óculos, et lavi, et vídeo. Dicébant ergo ex pharisaéis quidam: Non est hic homo a Deo, quia sábbatum non custódit. Alii autem dicébant: Quómodo potest homo peccátor haec signa fácere? Et schisma erat inter eos. Dicunt ergo caeco íterum: Tu quid dicis de illo, qui apéruit óculos tuos? Ille autem dixit: Quia prophéta est. Non credidérunt ergo Judaéi de illo, quia caecus fuisset, et vidísset, donec vocavérunt paréntes ejus, qui víderat: et interrogavérunt eos, dicéntes: Hic est fílius vester, quem vos dícitis, quia caecus natus est? Quómodo ergo nunc videt? Respondérunt eis paréntes ejus, et dixerunt: Scimus, quia hic est fílius noster, et quia caecus natus est: quómodo autem nunc vídeat, nescímus: aut quis ejus apéruit óculos, nos nescímus: ipsum interrogáte, aetátem habet: ipse de se loquátur. Haec dixerunt

paréntes ejus, quóniam tímébant Judaéos: jam enim conspiráverant Judaéi, ut si quis eum confiterétur esse Christum, extra synagógam fieret. Proptérea paréntes ejus dixerunt: Quia aetátem habet, ipsum interrogáte. Vocavérunt ergo rursus hóminem, qui fúerat caecus, et dixerunt ei: Da glóriam Deo. Nos scimus quia hic homo peccátor est. Dixit ergo eis ille: Si peccátor est, néscio: unum scio, quia caecus cum essem, modo vídeo. Dixerunt ergo illi: Quid fecit tibi? quómodo apéruit tibi óculos? Respóndit eis: Dixi vobis jam, et audístis: quid íterum vultis audíre? Numquid et vos vultis discípuli ejus fíeri? Maledixerunt ergo ei, et dixerunt: Tu discípulus illíus sis: nos autem Móysi discípuli sumus. Nos scimus quia Móysi locútus est Deus: hunc autem nescimus unde sit. Respóndit ille homo, et dixit eis: In hoc enim mirábile est, quia vos nescítis unde sit, et apéruit meos óculos: scimus autem quia peccatóres Deus non audit: sed, si quis Dei cultor est, et voluntátem ejus facit, hunc exáudit. A saéculo non est auditum, quia quis apéruit óculos caeci nati. Nisi esset hic a Deo, non póterat fácere quidquam. Respondérunt, et dixerunt ei: In peccátis natus es totus, et tu doces nos? Et ejecérunt eum foras. Audívit Jesus quia ejecérunt eum foras, et cum invenísset eum, dixit ei: Tu credis in Fílium Dei? Respóndit ille, et dixit: Quis est, Dómine, ut credam in eum? Et dixit ei Jesus: Et vidísti eum, et qui lóquitur tecum, ipse est. At ille ait: Credo, Dómine. **(Hic genuflectitur)** Et prócicens adorávit eum.

Offertorium Ps. 65, 8-9 et 20 Benedícite, gentes, Dóminum Deum nostrum, et obaudíte vocem laudis ejus: qui pósuit ánimam meam ad vitam, et non dedit commovéri pedes meos: benedíctus Dóminus, qui non amóvit deprecationem meam, et misericórdiam suam a me.

Secreta

SÚPPLICES te rogámus, omnípotens Deus: ut his sacrificiis peccáta nostra mundéntur; quia tunc veram nobis tríbuis et mentis et córporis sanitátem. Per Dóminum.

Praefatio de Quadragesima.

Communio Joann. 9, 11 Lutum fecit ex sputo Dóminus, et linívit óculos meos: et ábii, et lavi, et vidi, et crédidi Deo.

Postcommunio

SACRAMÉNTA, quae sumpsimus, Dómine, Deus noster: et spirituálibus nos répleant aliméntis, et corporálibus tueántur auxiliis. Per Dóminum.

Super populum: Orémus. Humiliáte cápita vestra Deo.

Oratio

PÁTEANT aures misericórdiae tuae, Dómine, précibus supplicántium: et, ut peténtibus desideráta concédas; fac eos, quae tibi sunt plácita, postuláre. Per Dóminum.

FERIA QUINTA POST DOMINICAM IV IN QUADRAGESIMA

Simplex

Statio ad Ss. Silvestrum et Martinum

Introitus **Ps. 104, 3-4**

LAETÉTUR cor quaeréntium Dóminum: quaérite Dóminum, et confirmámini: quaérite fáciem ejus semper. **Ps. ibid., 1** Confitémيني Dómino, et invocáte nomen ejus: annuntiáte inter gentes ópera ejus. **Vl.** Glória Patri.

Oratio

PRAESTA, quaésumus, omnípotens Deus: ut, quos jejúnia votíva castígant, ipsa quoque devótio sancta laetíficet; ut, terrénis afféctibus mitigátis, facílius caeléstia capiámus. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Regum.

4 Reg. 4, 25-38

IN diébus illis: Venit múlier Sunamítis ad Eliséum in montem Carméli: cumque vidísset eam vir Dei e contra, ait ad Gíezi púerum suum: Ecce Sunamítis illa. Vade ergo in occúrsum ejus, et dic ei: Réctene ágitur

circa te, et circa virum tuum, et circa filium tuum ? Quae respondit: Recte. Cumque venisset ad virum Dei in montem, apprehendit pedes ejus: et accessit Giézi ut amoveret eam. Et ait homo Dei: Dimitte illam: ánima enim ejus in amaritúdine est, et Dóminus celávit a me, et non indicávit mihi. Quae dixit illi: Numquid petívi filium a dómno meo ? Numquid non dixi tibi: Ne illúdas me ? Et ille ait ad Giézi: Accínge lumbos tuos, et tolle báculum meum in manu tua, et vade. Si occurrerit tibi homo, non salútes eum: et si salutáverit te quispiam, non respóndeas illi: et pones báculum meum super fáciem púeri. Porro mater púeri ait: Vivit Dóminus, et vivit ánima tua, non dimíttam te. Surréxit ergo, et secútus est eam. Giézi autem praecésserat ante eos, et posúerat báculum super fáciem púeri, et non erat vox neque sensus: reversúsque est in occúrsum ejus, et nuntiávit ei, dicens: Non surréxit puer. Ingressus est ergo Eliséus domum, et ecce puer mórtuus jacébat in léctulo ejus: ingressúsque clausit óstium super se, et super púerum: et orávit ad Dóminum. Et ascéndit, et incúbuit super púerum: posuítque os suum super os ejus, et óculos suos super óculos ejus, et manus suas super manus ejus: et incurvávit se super eum: et calefácta est caro púeri. At ille revérsus, deambulávit in domo, semel huc atque illuc: et ascéndit et incúbuit super eum: et oscitávit puer sépties, aperuítque óculos. At ille vocávit Giézi, et dixit ei: Voca Sunamítidem hanc. Quae vocáta ingrédia est ad eum. Qui ait: Tolle filium tuum. Venit illa, et córruit ad pedes ejus, et adorávit super terram: tulítque filium suum, et egréssa est, et Eliséus revérsus est in Gálgala.

Graduale Ps. 73, 20, 19 et 22 Réspice, Dómine, in testaméntum tuum: et ánimas páuperum tuórum ne obliviscáris in finem. **V/.** Exsúrge, Dómine, et júdica causam tuam: memor esto oppróbrii servórum tuórum.

+ Sequéntia sancti Evangélii secúndum Lucam.

Luc. 7, 11-16

IN illo témpore: Ibat Jesus in civitátem, quae vocátur Naim: et ibant cum eo discípuli ejus, et turba copiósa. Cum autem appropinquáret portae civitátis, ecce defúctus efferebátur filius únicus matris suae: et haec vídua erat: et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accessit, et tétigit lóculum. (Hi autem, qui portábant, steterunt). Et ait: Adolécens, tibi dico, surge. Et resédit qui erat mórtuus, et coepit loqui. Et dedit illum matri suae. Accépit autem omnes timor: et magnificábant Deum, dicéntes: Quia prophéta magnus surréxit in nobis: et quia Deus visitávit plebem suam.

Offertorium Ps. 69, 2, 3 et 4 Dómine, ad adjuvándum me festína: confundántur omnes, qui cógitant servis tuis mala.

Secreta

PURÍFICA nos, miséricors Deus: ut Ecclésiiae tuae preces, quae tibi gratae sunt, pia múnera deferéntes, fiant expiátis méntibus gratióres. Per Dóminum.

Praefatio de Quadragesima.

Communio Ps. 70, 16-17 et 18 Dómine, memorábor justítiae tuae solíus: Deus, docuísti me a juventúte mea: et usque in senéctam et sénium, Deus, ne derelínquas me.

Postcommunio

CAELÉSTIA dona capiéntibus, quaésumus, Dómine: non ad júdiciam proveníre patiáris, quae fidélibus tuis ad remédium providísti. Per Dóminum.

Super populum: Orémus. Humiliáte cápita vestra Deo.

Oratio

PÓPULI tui, Deus, institútor et rector, peccáta, quibus impugnátur, expélle: ut semper tibi plácitus, et tuo númine sit secúrus. Per Dóminum.

FERIA SEXTA
POST DOMINICAM IV
IN QUADRAGESIMA

Simplex

Statio ad S. Eusebium

Introitus **Ps. 18, 15**

MEDITATIO cordis mei in conspéctu tuo semper: Dómine, adjútor meus, et redemptor meus. *Ps. ibid., 2*
Caeli enarrant glóriam Dei: et ópera mánuum ejus annúntiat firmaméntum. *Vl.* Glória Patri.

Oratio

DEUS, qui ineffabílibus mundum rénovas sacraméntis: praesta, quaesumus ; ut Ecclesia tua et aetérnis proficiat institútis, et temporálibus non destituátur auxiliis. Per Dóminum.

Orationes pro diversitate Temporum assignatae, ut supra. (Vide post benedictionem cinerum.)

Léctio libri Regum.

3 Reg. 17, 17-24

IN diébus illis: AEGrotávit fílius mulieris matrisfamílias, et erat languor fortíssimus, ita ut non remaneret in eo hálitus. Dixit ergo ad Elíam: Quid mihi et tibi, vir Dei ? Ingressus es ad me, ut rememoraréntur iniquitátes meae, et interfíceres fílium meum ? Et ait ad eam Elías: Da mihi fílium tuum. Tulítque eum de sinu ejus, et portávit in cenáculum ubi ipse manébat, et pósuit super léctulum suum, et clamávit ad Dóminum, et dixit: Dómine, Deus meus, étiam ne víduam, apud quam ego utcúmque susténtor, afflixísti, ut interfíceres fílium ejus ? Et expándit se, atque mensus est super púerum tribus vícibus, et clamávit ad Dóminum, et ait: Dómine, Deus meus, revertátur, óbsecro, ánima púeri hujus in víscera ejus. Et exaudivít Dóminus vocem Elíae: et revérsa est ánima púeri intra eum, et revíxit. Tulítque Elías púerum, et depósuit eum de cenáculo in inferiórem domum, et trádidit matri suae, et ait illi: En vivit fílius tuus. Dixítque múlier ad Elíam: Nunc in isto cognóvi, quóniam vir Dei es tu, et verbum Dómini in ore tuo verum est.

Graduale Ps. 117, 8-9 Bonum est confídere in Dómino, quam confídere in hómine. *Vl.* Bonum est speráre in Dómino, quam speráre in princípibus.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. *Vl. Ps. 78, 8-9* Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. *(Hic genuflectitur)* *Vl.* Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélii secúndum Joánnem.

Joann. 11, 1-45

IN illo témpore: Erat quidam languens Lázarus a Bethánia, de castélló Maríae, et Marthae soróris ejus. (María autem erat, quae unxit Dóminum unguénto, et extérsit pedes ejus capíllis suis: cujus frater Lázarus infirmabátur). Misérunt ergo soróres ejus ad eum, dicéntes: Dómine, ecce quem amas infirmátur. Audiens autem Jesus, dixit eis: Infirmitas haec non est ad mortem, sed pro glória Dei, ut glorificétur Fílius Dei per eam. Diligébat autem Jesus Martham, et sorórem ejus Maríam, et Lázaram. Ut ergo audívit, quia infirmabátur, tunc quidem mansit in eódem loco duóbus diébus. Deínde post haec dixit discípulis suis: Eámus in Judaéam íterum. Dicunt ei discípuli: Rabbi, nunc quaerébant te Judaéi lapidáre, et íterum vadis illuc ? Respóndit Jesus: Nonne duódecim sunt horae diéi ? Si quis ambuláverit in die, non offéndit, quia lucem hujus mundi videt: si autem ambuláverit in nocte, offéndit, quia lux non est in eo. Haec ait, et post haec dixit eis: Lázarus amícus noster dormit: sed vado, ut a somno éxcitem eum. Dixérunt ergo discípuli ejus: Dómine, si dormit, salvus erit. Díxerat autem Jesus de morte ejus: illi autem putavérunt, quia de dormitióne somni díceret. Tunc ergo Jesus dixit eis maniféste: Lázarus mórtuus est: et gáudeo propter vos, ut credátis, quóniam non eram ibi: sed eámus ad eum. Dixit ergo Thomas, qui dícitur Dídyms, ad condiscípulos: Eámus et nos, ut moriámur cum eo. Venit itaque Jesus, et invénit eum quátuor dies jam in monuménto habéntem. (Erat autem Bethánia juxta Jerosólymam quasi stádiis quíndecim). Multi autem ex Judaéis vénerant ad Martham et Maríam, ut consolaréntur eas de fratre suo. Martha ergo, ut audívit quia Jesus venit, occúrrit illi: María autem domi sedébat. Dixit ergo Martha ad Jesum: Dómine, si fuísses hic, frater meus non fuíisset mórtuus: sed et nunc scio, quia quaecúmque popósceris a Deo, dabit tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectione in novíssimo die. Dixit ei Jesus: Ego sum resurréctio, et vita: qui credit in me, étiam si mórtuus fúerit, vivet: et omnis, qui vivit, et credit in me, non moriétur in aetérnum. Credis hoc ? Ait illi: Utique, Dómine, ego crédidi, quia tu es Christus Fílius Dei vivi, qui in hunc mundum venísti. Et cum haec dixíisset, ábiit, et vocávit Maríam sorórem suam siléntio, dicens: Magíster adest, et vocat te. Illa ut audívit, surgit cito, et venit ad eum: nondum enim vénerat Jesus in castéllum ; sed erat adhuc in illo loco, ubi occúrrerat ei Martha. Judaéi ergo, qui erant cum ea in domo et consolabántur eam, cum vidíssent Maríam, quia cito surréxit et éxiit, secúti sunt eam, dicéntes: Quia vadit ad monuméntum, ut ploret ibi. María ergo, cum veníisset ubi erat Jesus, videns eum, cécidit ad pedes ejus, et dicit ei: Dómine, si fuísses hic, non esset mórtuus frater meus. Jesus ergo, ut vidit eam plorántem, et Judaéos, qui vénerant cum ea, plorántes, infrémuit spírítu, et turbávit seípsum, et dixit: Ubi posuístis eum ? Dicunt ei: Dómine, veni, et vide. Et lacrimátus est Jesus. Dixérunt ergo Judaéi: Ecce

quomodo amabat eum. Quidam autem ex ipsis dixerunt: Non poterat hic, qui aperuit oculos caeci nati, facere ut et hic non moreretur? Jesus ergo rursum fremens in semetipso, venit ad monumentum. Erat autem spelunca, et lapis superpositus erat ei. Ait Jesus: Tollite lapidem. Dicit ei Martha soror ejus, qui mortuus fuerat: Domine, jam foetet, quatuordecim dies enim. Dicit ei Jesus: Nonne dixi tibi, quoniam si crederis, videris gloriam Dei? Tulerunt ergo lapidem: Jesus autem, elevatis sursum oculis, dixit: Pater, gratias ago tibi, quoniam audisti me. Ego autem sciebam, quia semper me audis, sed propter populum, qui circumstat, dixi: ut credant, quia tu me misisti. Haec cum dixisset, voce magna clamavit: Lazare, veni foras. Et statim prodiit, qui fuerat mortuus, ligatus pedes et manus institis, et facies illius sudario erat ligata. Dixit eis Jesus: Solvite eum, et sinite abire. Multi ergo ex Judaeis, qui venerant ad Mariam et Martham, et viderant quae fecit Jesus, crediderunt in eum.

Offertorium Ps. 17, 28 et 32 Populum humilem salvum facies, Domine, et oculos superborum humiliabis: quoniam quis Deus praeter te, Domine?

Secreta

MUNERA nos, Domine, quaesumus, oblata purificent: et te nobis jugiter faciant esse placatum. Per Dominum.

Praefatio de Quadragesima.

Communio Joann. 11, 33, 35, 43, 44 Videns Dominus flentes sorores Lazari ad monumentum, lacrimatus est coram Judaeis, et exclamavit: Lazare, veni foras: et prodiit ligatis manibus et pedibus, qui fuerat quatuordecim mortuus.

Postcommunio

HAEC nos, quaesumus, Domine, participatio sacramenti: et a propriis reatibus indesinenter expediat, et ab omnibus tueatur adversis. Per Dominum.

Super populum: Oremus. Humiliate capita vestra Deo.

Oratio

DA nobis, quaesumus, omnipotens Deus: ut, qui infirmitatis nostrae conscii, de tua virtute confidimus, sub tua semper pietate gaudeamus. Per Dominum.

SABBATO
POST DOMINICAM IV
IN QUADRAGESIMA

Simplex

Statio ad S. Nicolaum in Carcere

Introitus **Isai. 55, 1**

SITIENTES, venite ad aquas, dicit Dominus: et qui non habetis pretium, venite, et bibite cum laetitia. **Ps. 77, 1** Attendite, popule meus, legem meam: inclinate aurem vestram in verba oris mei. **VI.** Gloria Patri.

Oratio

FIAT, Domine, quaesumus, per gratiam tuam fructuosus nostrae devotionis affectus: quia tunc nobis prouiderunt suscepta jejunia, si tuae sint placita pietati. Per Dominum.

Orationes pro diversitate Temporum assignatae, ut supra. (Vide post benedictionem cinerum.)

Lectio Isaiae Prophetae.

Isai. 49, 8-15

HAEC dicit Dominus: In tempore placito exaudiui te, et in die salutis auxiliatus sum tui: et servavi te, et dedi te in foedus populi, ut suscitaras terram, et possideres hereditates dissipatas: ut diceres his, qui vincti sunt: Exite: et his, qui in tenebris: Revelamini. Super vias pascuntur, et in omnibus planis pascula eorum. Non esurient, neque sitient, et non percuet eos aestus et sol: quia miserator eorum reget eos, et ad fontes aquarum potabit eos. Et ponam omnes montes meos in viam, et semitae meae exaltabuntur. Ecce isti de longe venient, et ecce illi ab aquilone et mari, et isti de terra australi. Laudate, caeli, et exulta, terra, jubilate, montes, laudem: quia consolatus est Dominus populum suum, et pauperum suorum miserabitur. Et

dixit Sion: Dereliquit me Dóminus, et Dóminus oblítus est mei. Numquid oblivísci potest múlier infántem suum, ut non misereátur filio úteri sui ? et si illa oblíta fúerit, ego tamen non oblivíscar tui, dicit Dóminus omnípotens.

Graduale Ps. 9, 14 et 1-2 Tibi, Dómine, derelíctus est pauper: pupíllo tu eris adjútor. **V/.** Ut quid, Dómine, recessísti longe, déspicis in opportunitátibus, in tribulatióne ? dum supérbis ímpius, incénditur pauper.

+ Sequéntia sancti Evangélíi secúndum Joánnem.

Joann. 8, 12-20

IN témpore: Locútus est Jesus turbis Judaeórum, dicens: Ego sum lux mundi: qui séquitur me, non ámbulat in ténebris, sed habébit lumen vitae. Dixérunt ergo ei pharisaéi: Tu de te ipso testimónium pérhibes: testimónium tuum non est verum. Respóndit Jesus, et dixit eis: Et si ego testimónium pérhibeo de meípso, verum est testimónium meum: quia scio unde veni, et quo vado: vos autem nescítis unde vénio, aut quo vado. Vos secúndum carnem judicátis: ego non júdico quemquam: et si júdico ego, júdícium meum verum est, quia solus non sum: sed ego, et qui misit me, Pater. Et in lege vestra scriptum est, quia duórum hóminum testimónium verum est. Ego sum, qui testimónium pérhibeo de meípso: et testimónium pérhibet de me, qui misit me, Pater. Dicébant ergo ei: Ubi est Pater tuus ? Respóndit Jesus: Neque me scitis, neque Patrem meum: si me scirétis, fórsitan et Patrem meum scirétis. Haec verba locútus est Jesus in gazophylácio, docens in templo: et nemo apprehéndit eum, quia necdum vénerat hora ejus.

Offertorium Ps. 17, 3 Factus est Dóminus firmaméntum meum, et refúgium meum, et liberátor meus: et sperábo in eum.

Secreta

OBLATIÓNIBUS nostris, quaésumus, Dómine, placáre suscéptis: et ad te nostras étiam rebélles compéllé propítius voluntátes. Per Dóminum.

Praefatio de Quadragesima.

Communio Ps. 22, 1-2 Dóminus regit me, et nihil mihi déerit: in loco páscuae ibi me collocávit: super aquam refectiÓNis educávit me.

Postcommunio

TUA nos, quaésumus, Dómine, sancta purificent: et operatióne sua tibi plácitos esse perficiant. Per Dóminum.

Super populum: Orémus. Humiliáte cápita vestra Deo.

Oratio

DEUS, qui sperántibus in te miseréri pótius éligis, quam irásci: da nobis digne flere mala, quae fécimus ; ut tuae consolatiÓNis grátiam inveníre mereámur. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia saécula saeculórum.

* **Expleta Missa, ante Vesperas, cooperiuntur Cruces et Imagines per ecclesiam ; quae coopertae manent, Cruces quidem usque ad expletam per Celebrantem Crucis adorationem in Feria VI Parasceves, Imagines vero usque ad intonatum Hymnum Angelicum in Sabbato sancto.**

DOMINICA DE PASSIONE

I classis Semiduplex

* **Ab hac Dominica usque ad Feriam V in Cena Domini inclusive, in Missis de Tempore non dicitur Psalmus Júdica ante Confessionem, neque Glória Patri ad Introitum et post Psalmum Lavábo.**

Statio ad S. Petrum

Introitus Ps. 42, 1-2

JÚDICA me, Deus, et discérne causam meam de gente non sancta: ab hómine iníquo, et dolóso éripe me: quia tu es Deus meus, et fortitúdo mea. **Ps. ibid., 3** Emítte lucem tuam, et veritátem tuam: ipsa me

deduxerunt, et adduxerunt in montem sanctum tuum, et in tabernacula tua. **Júdica me.**

Oratio

QUSUMUS, omnipotens Deus, familiam tuam propitius respice: ut, te largiente, regatur in corpore: et, te servante, custodiatur in mente. Per Dóminum.

* **Ab hac die usque ad Sabbatum in Albis inclusive, Oratio pro Temporibus diversitate assignata erit 2a contra persecutores Ecclesiae, vel pro Papa Tabula Orationum. Non dicitur tertia Oratio.**

Lectio Epistolae beati Pauli Apóstoli ad Hebraeos.

Hebr. 9, 11-15

FRATRES: Christus assistens pónitífex futurórum bonórum, per ámplius et perféctius tabernáculum non manufáctum, id est, non hujus creatiónis: neque per sánguinem hircórum aut vitulórum, sed per próprium sánguinem introívit semel in Sancta, aetérna redemptióne invénta. Si enim sanguis hircórum et taurórum, et cinis vítulae aspérsus, inquinátos sanctíficat ad emundatióem carnis; quanto magis sanguis Christi, qui per Spíritum Sanctum semetípsum obtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti? Et ideo novi testaménti mediátor est: ut morte intercedénte, in redemptióem eárum praevaricatiónum, quae erant sub prióri testaménto, repromissióem accípiant, qui vocáti sunt, aetérnae haereditátis, in Christo Jesu Dómino nostro.

Graduale Ps. 142, 9 et 10 Eripe me, Dómine, de inimicis meis: doce me fácere voluntátem tuam. **Vl. Ps. 17, 48-49** Liberátor meus, Dómine, de géntibus iracúndis: ab insurgéntibus in me exaltábis me: a viro iniquo erípies me.

Tractus Ps. 128, 1-4 Saepe expugnáverunt me a juventúte mea. **Vl.** Dicat nunc Israél: saepe expugnáverunt me a juventúte mea. **Vl.** Etenim non potuerunt mihi: supra dorsum meum fabricáverunt peccatóres. **Vl.** Prolongáverunt iniquitátes suas: Dóminus justus concídit cervíces peccatórum.

+ Sequéntia sancti Evangélii secúndum Joánnem.

Joann. 8, 46-59

IN illo témpore: Dicébat Jesus turbis Judaeórum: Quis ex vobis árguet me de peccáto? Si veritátem dico vobis, quare non créditois mihi? Qui ex Deo est, verba Dei audit. Proptérea vos non audítis, quia ex Deo non estis. Respondérunt ergo Judaéi, et dixerunt ei: Nonne bene dícimus nos, quia Samaritánus es tu, et daemónium habes? Respóndit Jesus: Ego daemónium non hábeo, sed honorífico Patrem meum, et vos inhonorástis me. Ego autem non quaero glóriam meam: est qui quaerat, et júdicet. Amen, amen dico vobis: si quis sermónem meum serváverit, mortem non vidébit in aetérnum. Dixerunt ergo Judaéi: Nunc cognóvimus quia daemónium habes. Abraham mórtuus est, et prophétae: et tu dicis: Si quis sermónem meum serváverit, non gustábit mortem in aetérnum. Numquid tu major es patre nostro Abraham, qui mórtuus est? et prophétae mórtui sunt. Quem teípsum facis? Respóndit Jesus: Si ego glorífico meípsum, glória mea nihil est: est Pater meus, qui gloríficat me, quem vos dícitis quia Deus vester est, et non cognóvistis eum: ego autem novi eum: et si dixeró, quia non scio eum, ero símilis vobis, mendax. Sed scio eum, et sermónem ejus servo. Abraham pater vester exsultávit, ut vidéret diem meum: vidit, et gávisus est. Dixerunt ergo Judaéi ad eum: Quinquagínta annos nondum habes, et Abraham vidísti? Dixit eis Jesus: Amen, amen dico vobis, ántequam Abraham fíeret, ego sum. Tulérunt ergo lápides, ut jácerent in eum: Jesus autem abscóndit se, et exívit de templo.

Credo.

Offertorium Ps. 110, 1 et 118, 17 et 107 Confitébor tibi, Dómine, in toto corde meo: retribue servo tuo: vivam, et custódiám sermónes tuos: vivífica me secúndum verbum tuum, Dómine.

Secreta

HAEC múnera, quaesumus, Dómine, et víncula nostrae pravitátis absólvant, et tuae nobis misericórdiae dona concílient. Per Dóminum.

* **Praefatio de Cruce; quae dicitur usque ad Feriam V in Cena Domini inclusive, juxta Rubricas.**

Communio 1 Cor. 11, 24 et 25 Hoc corpus, quod pro vobis tradétur: hic calix novi testaménti est in meo ságuine, dicit Dóminus: hoc fácite, quotiescúmque súmitis, in meam commemoratióem.

Postcommunio

ADÉSTO nobis, Dómine Deus noster: et quos tuis mystériis recreásti, perpétuis defénde subsidiis. Per Dóminum.

FERIA SECUNDA
POST DOMINICAM DE PASSIONE

Simplex

Statio ad S. Chrysogonum

Introitus **Ps. 55, 2**

MISERÉRE mihi, Dómine, quóniam conculcávit me homo: tota die bellans tribulávit me. **Ps. ibid., 3**
Conculcavérunt me inimíci mei tota die: quóniam multi bellántes advérsus me. **Miserére mihi.**

Oratio

SANCTÍFICA, quaesumus, Dómine, nostra jejúnia: et cunctárum nobis indulgéntiam propítius largíre culpárum. Per Dóminum.

Altera Oratio, ut supra. (Vide post Orationem Dominicæ de Passione.)

Léctio Jonæ Prophætae.

Jonæ 3, 1-10

IN diébus illis: Factum est verbum Dómini ad Jonam prophétam secúndo, dicens: Surge, et vade in Níniven civitátem magnam: et praédica in ea praedicationem, quam ego loquor ad te. Et surréxit Jonas, et ábiit in Níniven juxta verbum Dómini. Et Nínive erat civitas magna itínere trium diérum. Et coepit Jonas introíre in civitátem itínere diéi unús: et clamávit, et dixit: Adhuc quadragínta dies, et Nínive subvertétur. Et credidérunt viri Ninivítæ in Deum: et praedicavérunt jejúnium, et vestíti sunt saccis a majóre usque ad minórem. Et pervénit verbum ad regem Nínive: et surréxit de sólio suo, et abjécit vestiméntum suum a se, et indútus est sacco, et sedit in cínere. Et clamávit, et dixit in Nínive ex ore regis et princípum ejus, dicens: Hómines, et juménta, et boves, et pécora non gustent quidquam: nec pascántur, et aquam non bibant. Et operiántur saccis hómines et juménta, et clament ad Dóminum in fortitúdine, et convertátur vir a via sua mala, et ab iniquitáte, quae est in mánibus eórum. Quis scit, si convertátur et ignóscat Deus: et revertátur a furóre irae suae, et non períbimus? Et vidit Deus ópera eórum, quia convérsi sunt de via sua mala: et misértus est pópulo suo Dóminus Deus noster.

Graduale Ps. 53, 4 et 3 Deus, exáudi orationem meam: áuribus pércipe verba oris mei. **Vl.** Deus, in nómine tuo salvum me fac, et in virtúte tua libera me.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, libera nos: et propítius esto peccátis nostris, propter nomen tuum.

+ Sequéntia sancti Evangélii secúndum Joánnem.

Joann. 7, 32-39

IN illo témpore: Misérunt príncipes et pharisaéi mínistros, ut apprehénderent Jesum. Dixit ergo eis Jesus: Adhuc módicum tempus vobíscum sum: et vado ad eum qui me misit. Quaerétis me, et non inveniétis: et ubi ego sum, vos non potéstis veníre. Dixérunt ergo Judaéi ad semetípsos: Quo hic itúrus est, quia non inveniémus eum? numquid in dispersiónem géntium itúrus est, et doctúrus gentes? Quis est hic sermo, quem dixit: Quaerétis me, et non inveniétis: et ubi sum ego, vos non potéstis veníre. In novíssimo autem die magno festivitátis stabat Jesus, et clamábat, dicens: Si quis sitit, véniat ad me, et bibat. Qui credit in me, sicut dicit Scriptúra, flúmina de ventre ejus fluent aquae vivae. Hoc autem dixit de Spíritu, quem acceptúri erant credéntes in eum.

Offertorium Ps. 6, 5 Dómine, convértere, et éripe ánimam meam: salvum me fac propter misericórdiam tuam.

Secreta

CONCÉDE nobis, Dómine Deus noster: ut haec hóstia salutáris, et nostrórum fiat purgátio delictórum, et

tuae propitiatio majestatis. Per Dóminum.

Praefatio de Cruce.

Communio Ps. 23, 10 Dóminus virtutum ipse est Rex glóriæ.

Postcommunio

SACRAMÉNTI tui, quaesumus, Dómine, participatio salutáris, et purificatióem nobis tríbuat, et medélam. Per Dóminum.

Super populum: Orémus. Humiliáte cápita vestra Deo.

Oratio

DA, quaesumus, Dómine, pópulo tuo salútem mentis et córporis: ut bonis opéribus inhaeréndo, tua semper mereátur protectiõe deféndi. Per Dóminum.

FERIA TERTIA
POST DOMINICAM DE PASSIONE

Simplex

Statio ad S. Cyriacum

Introitus **Ps. 26, 14**

EXSPÉCTA Dóminum, viríliter age: et confortétur cor tuum, et sústine Dóminum. **Ps. ibid., 1** Dóminus illuminatio mea, et salus mea: quem tímébo ? **Exspécta Dóminum.**

Oratio

NOSTRA, tibi, Dómine, quaesumus, sint accépta jejúnia: quae nos et expiándo grátia tua dignos effícient ; et ad remédia perdúcant aetérna. Per Dóminum.

Altera Oratio, ut supra. (Vide post Orationem Dominicae de Passione.)

Léctio Daniélis Prophétae.

Dan. 14, 27 et 28-42

IN diébus illis: Congregáti sunt Babylónii ad regem, et dixerunt ei: Trade nobis Daniélem, qui Bel destrúxit, et dracónem interfécit, alióquin interficiémus te, et domum tuam. Vidit ergo rex, quod irrúerent in eum veheménter: et necessitáte compúlsus trádidit eis Daniélem. Qui misérunt eum in lacum leónum, et erat ibi diébus sex. Porro in lacu erant leónes septem, et dabántur eis duo córpora quotidie, et duae oves: et tunc non data sunt eis, ut devorárent Daniélem. Erat autem Hábacuc prophéta in Judaéa, et ipse cóxerat pulméntum, et intríverat panes in alvéolo: et ibat in campum, ut ferret messóribus. Dixítque Angelus Dómini ad Hábacuc: Fer prándium, quod habes, in Babylónem Daniéli, qui est in lacu leónum. Et dixit Hábacuc: Dómine, Babylónem non vidi, et lacum néscio. Et apprehéndit eum Angelus Dómini in vértice ejus, et portávit eum capíllo cápitis sui, posúitque eum Babylóne supra lacum in ímpetu spíritus sui. Et clamávit Hábacuc, dicens: Dániel serve Dei, tolle prándium, quod misit tibi Deus. Et ait Dániel: Recordátus es mei, Deus, et non derelequisti diligéntes te. Surgénsque Dániel comédit. Porro Angelus Dómini restítuit Hábacuc conféstim in loco suo. Venit ergo rex die séptimo, ut lugéret Daniélem: et venit ad lacum, et introspéxit, et ecce Dániel sedens in médio leónum. Et exclamávit voce magna rex, dicens: Magnus es, Dómine Deus Daniélis. Et extráxit eum de lacu leónum. Porro illos, qui perditiónis ejus causa fúerant, intromísit in lacum, et devoráti sunt in mométo coram eo. Tunc rex ait: Páveant omnes habitántes in univérta terra Deum Daniélis: quia ipse est salvátor, fáciens signa, et mirabília in terra: qui liberávit Daniélem de lacu leónum.

Graduale Ps. 42, 1 et 3 Discérne causam meam, Dómine: ab hómine iníquo et dolóso éripe me. **V.** Emítte lucem tuam, et veritátem tuam: ipsa me deduxérunt et adduxérunt in montem sanctum tuum.

+ Sequéntia sancti Evangélii secúndum Joánnem.

Joann. 7, 1-13

IN illo témpore: Ambulábat Jesus in Galilaéam, non enim volébat in Judaéam ambuláre, quia quaerébant eum Judaéi interfícere. Erat autem in próximo dies festus Judaeórum, Scenopégia. Dixerunt autem ad eum fratres ejus: Transi hinc, et vade in Judaéam, ut et discípuli tui vídeant ópera tua, quae facis. Nemo quippe in occúlto quid facit, et quaerit ipse in palam esse: si haec facis, manífésta teípsum mundo. Neque enim

fratres ejus credébant in eum. Dicit ergo eis Jesus: Tempus meum nondum advénit: tempus autem vestrum semper est parátum. Non potest mundus odísse vos: me autem odit: quia ego testimónium perhíbeo de illo, quod ópera ejus mala sunt. Vos ascéndite ad diem festum hunc, ego autem non ascéndo ad diem festum istum: quia meum tempus nondum implétum est. Haec cum dixisset, ipse mansit in Galilaéa. Ut autem ascenderunt fratres ejus, tunc et ipse ascéndit ad diem festum non manifeste, sed quasi in occulto. Judaéi ergo quaerébant eum in die festo, et dicébant: Ubi est ille ? Et murmur multum erat in turba de eo. Quidam enim dicébant: Quia bonus est. Alii autem dicébant: Non, sed sedúcit turbas. Nemo tamen palam loquebátur de illo, propter metum Judaeórum.

Offertorium Ps. 9, 11-12 et 13 Sperent in te omnes, qui novérunt nomen tuum, Dómine: quóniam non derelínquis quaeréntes te: psállite Dómino, qui hábitat in Sion: quóniam non est oblítus oratiónes páuperum.

Secreta

HÓSTIAS tibi, Dómine, deférimus immolándas: quae temporálem consolatiónem signíficent ; ut promíssa non desperémus aetérna. Per Dóminum.

Praefatio de Cruce.

Communio Ps. 24, 22 Rédime me, Deus Israëli, ex ómnibus angústis meis.

Postcommunio

DA, quaésumus, omnípotens Deus: ut, quae divína sunt, júgiter exsequéntes, donis mereámur caeléstibus propinquáre. Per Dóminum.

Super populum: Orémus. Humiliáte cápita vestra Deo.

Oratio

DA nobis, quaésumus, Dómine: perseverántem in tua voluntáte famulátum ; ut in diébus nostris, et mérito et número, pópulus tibi sérvians augeátur. Per Dóminum.

FERIA QUARTA
POST DOMINICAM DE PASSIONE

Simplex

Statio ad S. Marcellum

Introitus Ps. 17, 48-49

LIBERÁTOR meus de géntibus iracúndis: ab insurgéntibus in me exaltábis me: a viro iníquo erípies me, Dómine. **Ps. ibid., 2-3** Díligam te, Dómine, virtus mea: Dóminus firmaméntum meum, et refúgium meum, et liberátor meus. Liberátor meus.

Oratio

SANCTIFICÁTO hoc jejúnio, Deus, tuórum corda fidélium miserátor illústra: et quibus devotiónis praestas afféctum, praebe supplicántibus pium benígnus audítum. Per Dóminum.

Altera Oratio, ut supra. (Vide post Orationem Dominicae de Passione.)

Léctio libri Levítici.

Levit. 19, 1-2, 11-19 et 25

IN diébus illis: Locútus est Dóminus ad Móysen, dicens: Lóquere ad omnem coetum filiórum Israëli, et dices ad eos: Ego Dóminus Deus vester. Non faciétis furtum. Non mentiémini, nec decípiet unusquísque próximum suum. Non perjurábis in nómine meo, nec póllues nomen Dei tui. Ego Dóminus. Non fácies calúmniam próximo tuo: nec vi ópprimes eum. Non morábitur opus mercenárii tui apud te usque mane. Non maledíces surdo, nec coram caeco pones offendículum: sed timébis Dóminum Deum tuum, quia ego sum Dóminus. Non fácies quod iníquum est, nec injúste judicábis. Non consíderes persónam páuperis, nec honóres vultum poténtis. Juste júdica próximo tuo. Non eris criminátor, nec susúrro in pópulo. Non stabis contra sánguinem próximi tui. Ego Dóminus. Non óderis fratrem tuum in corde tuo, sed públice árgue eum, ne hábeas super illo peccátum. Non quaeras ultiónem, nec memor eris injúriae civium tuórum. Díliges amícum tuum sicut teípsum. Ego Dóminus. Leges meas custodíte. Ego enim sum Dóminus Deus vester.

Graduale Ps. 29, 2-4 Exaltábo te, Dómine, quóniam suscepísti me: nec delectásti inimícos meos super me. **Vl.** Dómine Deus meus, clamávi ad te, et sanásti me: Dómine, abstraxísti ab ínferis ánimam meam, salvásti me a descendéntibus in lacum.

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangéllii secúndum Joánnem.

Joann. 10, 22-38

IN illo témpore: Facta sunt Encaénia in Jerosólymis: et hiems erat. Et ambulábat Jesus in templo, in pórticu Salomónis. Circumdedérunt ergo eum Judaéi, et dicébant ei: Quoúsque ánimam nostram tollis ? Si tu es Christus, dic nobis palam. Respóndit eis Jesus: Loquor vobis, et non créditis: Opera, quae ego fácio in nómine Patris mei, haec testimónium pérhibent de me: sed vos non créditis, quia non estis ex óvibus meis. Oves meae vocem meam áudiunt: et ego cognóscó eas, et sequúntur me: et ego vitam aetérnam do eis: et non períbunt in aetérnum, et non rápiet eas quisquam de manu mea. Pater meus, quod dedit mihi, majus ómnibus est: et nemo potest rápere de manu Patris mei. Ego et Pater unum sumus. Sustulérunt ergo lápidés Judaéi, ut lapidárent eum. Respóndit eis Jesus: Multa bona ópera osténdi vobis ex Patre meo, propter quod eórum opus me lapidátis ? Respondérunt ei Judaéi: De bono ópere non lapidámus te, sed de blasphemía: et quia tu, homo cum sis, facis teípsum Deum. Respóndit eis Jesus: Nonne scriptum est in lege vestra, quia ego dixi: dii estis ? Si illos dixit deos, ad quos sermo Dei factus est, et non potest solvi Scriptúra: quem Pater sanctificávit, et misit in mundum, vos dícitis: Quia blasphemás: quia dixi, Fílius Dei sum ? Si non fácio ópera Patris mei, nolíte crédere mihi. Si autem fácio, et si mihi non vultis crédere, opéribus crédate, ut cognoscátis et credátis, quia Pater in me est, et ego in Patre.

Offertorium Ps. 58, 2 Eripe me de inimícis meis, Deus meus: et ab insurgéntibus in me líbera me, Dómine.

Secreta

ANNUE, miséricors Deus: ut hóstias placatiónis et laudis, sincéro tibi deferámus obséquo. Per Dóminum.

Praefatio de Cruce.

Communio Ps. 25, 6-7 Lavábo inter innocéntes manus meas, et circuíbo altáre tuum, Dómine: ut áudiam vocem laudis tuae, et enárrem univérsa mirabilia tua.

Postcommunio

CAELÉSTIS doni benedictióne percépta: súpplices te, Deus omnípotens, deprecámur ; ut hoc idem nobis et sacraménti causa sit, et salutis. Per Dóminum.

Super populum: Orémus. Humiliáte cápita vestra Deo.

Oratio

ADÉSTO supplicatióibus nostris, omnípotens Deus: et, quibus fidúciam sperándaé pietátis indúlges ; consuétae misericórdiae tríbue benignus efféctum. Per Dóminum.

FERIA QUINTA **POST DOMINICAM DE PASSIONE**

Simplex

Statio ad S. Apollinarem

Introitus **Dan. 3, 31**

OMNIA, quae fecísti nobis, Dómine, in vero judício fecísti, quia peccávimus tibi, et mandátis tuis non obedívimus: sed da glóriam nómini tuo, et fac nobíscum secúndum multítudinem misericórdiae tuae. **Ps. 118, 1** Beáti immaculáti in via: qui ámbulant in lege Dómini. **Omnia.**

Oratio

PRAESTA, quaesumus, omnipotens Deus: ut dignitas conditionis humanae per immoderantiam sauciata, medicinalis parsimoniae studio reformetur. Per Dominum.

Altera Oratio, ut supra. (Vide post Orationem Dominicam de Passione.)

Lectio Daniélis Prophetae.

Dan. 3, 25 et 34-45

IN diebus illis: Oravit Azarias Dominum, dicens: Domine Deus noster: ne, quaesumus, tradas nos in perpetuum propter nomen tuum, et ne dissipes testamentum tuum: neque auferas misericordiam tuam a nobis propter Abraham dilectum tuum, et Isaac servum tuum, et Israel sanctum tuum: quibus locutus es, pollicens quod multiplicares semen eorum sicut stellas caeli, et sicut arenam, quae est in litore maris: quia, Domine, imminuti sumus plus quam omnes gentes, sumusque humiles in universa terra hodie propter peccata nostra. Et non est in tempore hoc princeps, et dux, et propheta, neque holocaustum, neque sacrificium, neque oblatio, neque incensum, neque locus primitiarum coram te, ut possimus invenire misericordiam tuam: sed in animo contrito et spiritu humilitatis suscipiamur. Sicut in holocausto arietum, et taurorum, et sicut in millibus agnorum pinguium: sic fiat sacrificium nostrum in conspectu tuo hodie, ut placeat tibi: quoniam non est confusio confidentibus in te. Et nunc sequimur te in toto corde, et timemus te, et quaerimus faciem tuam. Ne confundas nos: sed fac nobiscum juxta mansuetudinem tuam, et secundum multitudinem misericordiae tuae. Et erue nos in mirabilibus tuis, et da gloriam nomini tuo, Domine: et confundantur omnes, qui ostendunt servis tuis mala, confundantur in omni potentia tua: et robur eorum conteratur: et sciant, quia tu es Dominus Deus solus, et gloriosus super orbem terrarum, Domine Deus noster.

Graduale Ps. 95, 8-9 Tollite hostias, et introite in atria ejus: adorate Dominum in aula sancta ejus. **V/. Ps. 28, 9** Revelavit Dominus condensa: et in templo ejus omnes dicent gloriam.

+ Sequentia sancti Evangelii secundum Lucam.

Luc. 7, 36-50

IN illo tempore: Rogabat Jesum quidam de pharisaeis, ut manducaret cum illo. Et ingressus domum pharisaei, discubuit. Et ecce mulier, quae erat in civitate peccatrix, ut cognovit, quod accubuisset in domo pharisaei, attulit alabastrum unguenti: et stans retro secus pedes ejus, lacrimis coepit rigare pedes ejus, et capillis capitis sui tergebat, et osculabatur pedes ejus, et unguento unguebat. Videns autem pharisaeus, qui vocaverat eum, ait intra se, dicens: Hic si esset propheta, sciret utique, quae et qualis est mulier, quae tangit eum: quia peccatrix est. Et respondens Jesus, dixit ad illum: Simon, habeo tibi aliquid dicere. At ille ait: Magister, dic. Duo debitores erant cuidam feneratori: unus debebat denarios quingentos, et alius quinquaginta. Non habentibus illis unde redderent, donavit utrisque. Quis ergo eum plus diligit? Respondens Simon, dixit: Aestimo quia is, cui plus donavit. At ille dixit ei: Recte judicasti. Et conversus ad mulierem, dixit Simoni: Vides hanc mulierem? Intravi in domum tuam, aquam pedibus meis non dedisti: haec autem lacrimis rigavit pedes meos, et capillis suis tersit. Osculum mihi non dedisti: haec autem, ex quo intravit, non cessavit osculari pedes meos. Oleo caput meum non unxisti: haec autem unguento unxit pedes meos. Propter quod dico tibi: Remittuntur ei peccata multa, quoniam dilexit multum. Cui autem minus dimittitur, minus diligit. Dixit autem ad illam: Remittuntur tibi peccata. Et coeperunt, qui simul accumbebant, dicere intra se: Quis est hic, qui etiam peccata dimittit? Dixit autem ad mulierem: Fides tua te salvam fecit: vade in pace.

Offertorium Ps. 136, 1 Super flumina Babylonis illic sedimus, et flevimus: dum recordarémur tui, Sion.

Secreta

DOMINE Deus noster, qui in his potius creaturis, quas ad fragilitatis nostrae subsidium condidisti, tuo quoque nomini munera jussisti dicanda constitui: tribue, quaesumus; ut et vitae nobis praesentis auxilium, et aeternitatis efficiant sacramentum. Per Dominum.

Praefatio de Cruce.

Communio Ps. 118, 49-50 Meménto verbi tui servo tuo, Domine, in quo mihi spem dedisti: haec me consolata est in humilitate mea.

Postcommunio

QUOD ore sumpsimus, Domine, pura mente capiamus: et de munere temporali, fiat nobis remedium sempiternum. Per Dominum.

Super populum: Orémus. Humiliáte cápita vestra Deo.

Oratio

ESTO, quaésumus, Dómine, propítius plebi tuae: ut, quae tibi non placent, respuéntes ; tuórum pótius repléantur delectatióibus mandatórum. Per Dóminum.

FERIA SEXTA
POST DOMINICAM DE PASSIONE

Simplex

Statio ad S. Stephanum in Caelio monte

Introitus **Ps. 30, 10, 16 et 18**

MISERÉRE mihi, Dómine, quóniam tríbulor: líbera me, et éripe me de mánibus inimicórum meórum, et a persecúentibus me: Dómine, non confúndar, quóniam invocávi te. **Ps. ibid., 2** In te, Dómine, sperávi, non confúndar in aetérnum: in justítia tua líbera me. **Miserére mihi.**

Oratio

CÓRDIBUS nostris, quaésumus, Dómine, grátiam tuam benígnus infúnde: ut peccáta nostra castigatióne voluntária cohibéntes, temporáliter pótius macerémur, quam suppliciis deputémur aetérnis. Per Dóminum.

Altera Oratio, ut supra. (Vide post Orationem Dominicae de Passione.)

Léctio Jeremíae Prophétae.

Jerem. 17, 13-18

IN diébus illis: Dixit Jeremías: Dómine, omnes qui te derelínquunt, confundéntur: recedéntes a te, in terra scribéntur: quóniam dereliquerunt venam aquárum vivéntium Dóminum. Sana me, Dómine, et sanábor: salvum me fac, et salvus ero: quóniam laus mea tu es. Ecce ipsi dicunt ad me: Ubi est verbum Dómini ? Véniat. Et ego non sum turbátus, te pastórem sequens: et diem hómínis non desiderávi, tu scis. Quod egréssum est de lábiis meis, rectum in conspéctu tuo fuit. Non sis tu mihi formídini, spes mea tu in die afflictiónis. Confundántur, qui me persecúntur, et non confúndar ego: páveant illi, et non páveam ego. Induc super eos diem afflictiónis, et dúplici contritióne cóntere eos, Dómine Deus noster.

Graduale Ps. 34, 20 et 22 Pacífice loquebántur mihi inimíci mei: et in ira molésti erant mihi. **Vl.** Vidísti, Dómine, ne síleas: ne discédas a me.

Tractus Ps. 102, 10 Dómine, non secúndum peccáta nostra, quae fécimus nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur)** **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

+ Sequéntia sancti Evangélii secúndum Joánnem.

Joann. 11, 47-54

IN illo témpore: Collegérunt pontífices et pharisaéi concílium advérsus Jesum, et dicébant: Quid fácimus, quia hic homo multa signa facit ? Si dimíttimus eum sic, omnes credent in eum: et vénient Románi, et tollent nostrum locum, et gentem. Unus autem ex ipsis, Cáiphas nómine, cum esset póntifex anni illíus, dixit eis: Vos nescítis quidquam, nec cogitátis quia expedit vobis, ut unus moriátur homo pro pópulo, et non tota gens péreat. Hoc autem a semetípso non dixit: sed cum esset póntifex anni illíus, prophetávit, quod Jesus moritúrus erat pro gente, et non tantum pro gente, sed et ut filios Dei, qui erant dispérsi, congregáret in unum. Ab illo ergo die cogitavérunt, ut interfícèrent eum. Jesus ergo jam non in palam ambulábat apud Judaéos: sed ábiit in regióne juxta desértum, in civitátem, quae dícitur Ephrem, et ibi morabátur cum discipulis suis.

Offertorium Ps. 118, 12, 121 et 42 Benedíctus es, Dómine, doce me justificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta

PRAESTA nobis, miséricors Deus: ut digne tuis servíre semper altáribus mereámur ; et eórum perpétua participatióne salvári. Per Dóminum.

Praefatio de Cruce.

Communio Ps. 26, 12 Ne tradideris me, Dómine, in ánimas persecúentium me: quóniam insurrexérunt in me testes iníqui, et mentíta est iníquitas sibi.

Postcommunio

SUMPTI sacrificii, Dómine, perpétua nos tuítio non derelínquat: et nóxia semper a nobis cuncta depéllat. Per Dóminum.

Super populum: Orémus. Humiliáte cápita vestra Deo.

Oratio

CONCÉDE, quaésumus, omnípotens Deus: ut, qui protectiónis tuae grátiam quaérimus, liberáti a malis ómnibus, secúra tibi mente serviámus. Per Dóminum.

SABBATO
POST DOMINICAM DE PASSIONE

Simplex

Statio ad S. Joannem ante Portam Latinam

Introitus **Ps. 30, 10, 16 et 18**

MISERÉRE mihi, Dómine, quóniam tríbulor: líbera me, et éripe me de mánibus inimicórum meórum, et a persecúentibus me: Dómine, non confúndar, quóniam invocávi te. **Ps. ibid., 2** In te, Dómine, sperávi, non confúndar in aetérnum: in justítia tua líbera me. **Miserére mihi.**

Oratio

PROFÍCIAT, quaésumus, Dómine, plebs tibi dicáta piae devotiónis afféctu: ut sacris actiόνibus erudíta, quanto majestáti tuae fit grátior, tanto donis potióribus augeátur. Per Dóminum.

Altera Oratio, ut supra. (Vide post Orationem Dominicae de Passione.)

Léctio Jeremíae Prophétae.

Jerem. 18, 18-23

IN diébus illis: Dixérunt ímpii Judaéi ad ínicem: Veníte, et cogitémus contra justum cogitatiónes: non enim períbít lex a sacerdote, neque consílium a sapiénte, nec sermo a prophéta: veníte, et percutiámus eum lingua, et non attendámus ad univérsos sermónes ejus. Atténde, Dómine, ad me, et audi vocem adversariórum meórum. Numquid rédditur pro bono malum, quia fodérunt foveam ánimaee meae? Recordáre, quod stéterim in conspéctu tuo, ut lóquerer pro eis bonum, et avérterem indignatióne tuam ab eis. Proptérea da fílios eórum in famem, et deduc eos in manus gládi: fiant uxóres eórum absque líberis, et víduae: et viri eárum interficiántur morte: júvenes eórum confodiántur gládio in praélio. Audiátur clamor de dómibus eórum: addúces enim super eos latróne repénte: quia fodérunt foveam, ut cáperent me, et láqueos abscondérunt pédibus meis. Tu autem, Dómine, scis omne consílium eórum advérsum me in mortem: ne propitiéris iniquitáti eórum, et peccátum eórum a fácie tua non deleátur. Fiant corruéntes in conspéctu tuo, in témpore furóris tui abútere eis, Dómine Deus noster.

Graduale Ps. 34, 20 et 22 Pacífice loquebántur mihi inimíci mei: et in ira molésti erant mihi. **V/.** Vidísti, Dómine, ne síleas: ne discédas a me.

+ Sequéntia sancti Evangéllii secúndum Joánnem.

Joann. 12, 10-36

IN illo témpore: Cogitavérunt príncipes sacerdotum ut et Lázarus interfícerent: quia multi propter illum abíbant ex Judaéis, et credébant in Jesum. In crástinum autem turba multa, quae vénerat ad diem festum, cum audíssent quia venit Jesus Jerosólymam, accepérunt ramos palmárum, et processérunt óbviam ei, et clamábant: Hosánna, benedíctus qui venit in nómine Dómini, Rex Israél. Et invénit Jesus aséllum, et sedit super eum, sicut scriptum est: Noli timére, fília Sion: ecce Rex tuus venit sedens super pullum ásinae. Haec non cognovérunt discípuli ejus primum: sed quando glorificátus est Jesus, tunc recordáti sunt quia haec erant scripta de eo: et haec fecérunt ei. Testimónium ergo perhibébat turba, quae erat cum eo, quando Lázarus vocávit de monuménto, et suscitávit eum a mórtuis. Proptérea et óbviam venit ei turba: quia

audiérunt eum fecísse hoc signum. Pharisaeí ergo dixerunt ad semetípsos: Vidétis quia nihil profícimus ? Ecce mundus totus post eum ábiit. Erant autem quidam gentíles ex his, qui ascénderant ut adorárent in die festo. Hi ergo accessérunt ad Philíppum, qui erat a Bethsaída Galilaéae: et rogábant eum, dicétes: Dómine, vólumus Jesum vidére. Venit Philíppus, et dicit Andréae: Andréas rursus et Philíppus dixerunt Jesu. Jesus autem respóndit eis, dicens: Venit hora, ut clarificétur Fílius hóminis. Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam aetérnam custódit eam. Si quis mihi ministrat, me sequátur: et ubi sum ego, illic et mínister meus erit. Si quis mihi ministráverit, honorificábit eum Pater meus. Nunc ánima mea turbáta est. Et quid dicam ? Pater, salvífica me ex hac hora. Sed proptérea veni in horam hanc. Pater, clarífica nomen tuum. Venit ergo vox de caelo: Et clarificávi, et iterum clarificábo. Turba ergo, quae stabat et audíerat, dicébat tonítuum esse factum. Alii dicébant: Angelus ei locútus est. Respóndit Jesus, et dixit: Non propter me haec vox venit, sed propter vos. Nunc júdicium est mundi, nunc princeps hujus mundi ejiciétur foras. Et ego si exaltátus fúero a terra, ómnia traham ad meípsum. (Hoc autem dicébat, significans qua morte esset moritúrus). Respóndit ei turba: Nos audívimus ex lege, quia Christus manet in aetérnum, et quómodo tu dicis: Opórtet exaltári Fílium hóminis ? Quis est iste Fílius hóminis ? Dixit ergo eis Jesus: Adhuc módicum lumen in vobis est. Ambuláte dum lucem habétis, ut non vos ténebrae comprehéndant: et qui ámbulat in ténebris, nescit quo vadat. Dum lucem habétis, créдите in lucem: ut filii lucis sitis. Haec locútus est Jesus: et ábiit, et abscondit se ab eis.

Offertorium Ps. 118, 12, 121 et 42 Benedíctus es, Dómine, doce me justificatiónes tuas: et non tradas calumniántibus me supérbis: et respondébo exprobrántibus mihi verbum.

Secreta

A CUNCTIS nos, quaesumus, Dómine, reátibus et perículis propitiátus absólve: quos tanti mystérii tríbuis esse consórtes. Per Dóminum.

Praefatio de Cruce.

Communio Ps. 26, 12 Ne tradíderis me, Dómine, in ánimas persecúentium me: quóniam insurrexérunt in me testes iníqui, et mentíta est iníquitas sibi.

Postcommunio

DIVÍNI múneris largitáte satiáti, quaesumus, Dómine Deus noster: ut hujus semper participatióne vivámus. Per Dóminum.

Super populum: Orémus. Humiliáte cápita vestra Deo.

Oratio

TUEÁTUR, quaesumus, Dómine, dextera tua pópulum deprecántem: et purificátum dignánter erúdiat ; ut consolatióne praesénti, ad futúra bona proficiat. Per Dóminum.

ORDO HEBDOMADAE SANCTAE

DOMINICA II PASSIONIS SEU IN PALMIS

Duplex I classis

DE OFFICIO DIVINO

Omnia ut in Breviario Romano.

DE SOLEMNI PALMARUM PROCESSIONE

IN HONOREM CHRISTI REGIS

Omnia quae in sequentibus rubricis litteris inclinatis edita sunt, referuntur ad celebrationem simplicem, quando scilicet sacrae caeremoniae peraguntur a sacerdote, absque ministris sacris.

DE BENEDICTIONE RAMORUM

1. Hora competenti, in choro post Tertiam, omisa aspersione aquae, proceditur ad benedicendum ramos palmarum seu olivarum, sive aliarum arborum.
 2. Color paramentorum est rubeus.
 3. Celebrans induitur amictu, alba, cingulo, stola et pluviali ; ministri sacri amictu, alba, cingulo, subdiaconus insuper tunicella, diaconus stola et dalmatica.
 - 3a . Celebrans induitur amictu, alba, cingulo, stola et pluviali, vel manet sine casula.
 4. Rami, nisi ab ipsis fidelibus jam in manibus teneantur, parentur super abacum, tobalea alba coopertum, et positum in opportuniore loco presbyterii, ita tamen, ut maneat in conspectu populi.
 5. Omnibus rite dispositis, celebrans, cum ministris sacris, seu ministrantibus, facta altari debita reverentia, sistit retro abacum, versus populum.
- Interim vero cantatur sequens

Antiphona **Matth. 21, 9**

HOSÁNNA fílio David: benedíctus qui venit in nómine Dómini. Rex Israël: Hosánna in excélsis.

6. Deinde celebrans, manibus junctis, benedicit ramos, dicens, in tono orationis ferialis:

V/. Dóminus vobíscum.

Cui omnes respondent:

R/. Et cum spírítu tuo.

7. In sequenti oratione celebrans dicat, prout qualitati ramorum congruit, hos palmárum ramos, vel hos olivárum ramos, vel hos árborum ramos, vel hos palmárum et olivárum ramos, aut hos palmárum (olivárum) et aliárum árborum ramos.

Orémus. **Oratio**

BÉNE+DIC, quaesumus, Dómine, hos palmárum (seu olivárum aut aliárum árborum) ramos: et praesta ; ut, quod pópulus tuus in tui veneratióne hodiérno die corporáliter agit, hoc spirituáliter summa devotióne perficiat, de hoste victóriam reportádo et opus misericórdiae summóperere diligéndo. Per Dóminum.

8. Tunc celebrans primum ter aspergit ramos, super abacum positos, postea, ad cancellos, ramos fidelium, ubi ipsi, ut dictum est, ramos jam in manibus portant, nisi placuerit horum aspersionem facere transeundo per aulam ecclesiae.
9. Deinde celebrans ponit incensum in thuribulum, more solito, et primum ter adolet ramos benedictos, super abacum positos, postea, ad cancellos, vel transeundo per aulam ecclesiae, incensat ramos fidelium. Ministri sacri, vel ministrantes, celebrantem comitantur, tam in aspersione, quam in incensatione ramorum, fimbriam pluvialis tenentes.

DE DISTRIBUTIONE RAMORUM

10. Completa benedictione, fit ramorum distributio, secundum locorum consuetudinem.
11. Itaque, celebrans, stans in predella altaris, versus populum, adjuvantibus ministris sacris, vel ministrantibus, dat ramos benedictos primum omnibus clericis per ordinem, deinde ministrantibus, denique, ad cancellos, fidelibus.
12. Et cum inceperit distribuere, cantantur sequentes antiphonae et psalmi, hoc modo:

Antiphona 1 Púeri Hebraeórum, portántes ramos olivárum, obviavérunt Dómino, clamántes et dicétes: « Hosánna in excélsis ».

Psalmus 23, 1-2 et 7-10

DÓMINI est terra, et plenitúdo ejus: * orbis terrárum, et univérsi qui hábitant in eo.
Quia ipse super mária fundávit eum: * et super flúmina praeparávit eum.

Et repetitur antiphona Púeri Hebraeórum, portántes ramos olivárum, obviavérunt Dómino, clamántes et dicétes: « Hosánna in excélsis ».

Attóllite portas, príncipes, vestras, et elevámini, portae aeternáles: * et introíbit Rex glóriae.
Quis est iste Rex glóriae ? * Dóminus fortis et potens: Dóminus potens in praelio.

Et repetitur antiphona Púeri Hebraeórum, portántes ramos olivárum, obviavérunt Dómino, clamántes et dicétes: « Hosánna in excélsis ».

Attóllite portas, príncipes, vestras, et elevámini, portae aeternáles: * et introíbit Rex glóriæ.
Quis est iste Rex glóriæ ? * Dóminus virtútum ipse est Rex glóriæ.

Et repetitur antiphona Púeri Hebraeórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Glória Patri, et Fílio, * et Spirítui Sancto.
Sicut erat in princípío, et nunc, et semper, * et in saécula saeculórum. Amen.

Et repetitur antiphona Púeri Hebraeórum, portántes ramos olivárum, obviavérunt Dómino, clamántes et dicéntes: « Hosánna in excélsis ».

Antiphona 2 Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Psalmus 46

OMNES Gentes, pláudite mánibus: * jubiláte Deo in voce exsultatiónis.
Quóniam Dóminus excélsus, terríbilis: * Rex magnus super omnem terram.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Subjécit pópulos nobis: * et Gentes sub pédibus nostris.
Elégit nobis hereditátem suam: * spéciem Jacob, quam diléxit.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Ascéndit Deus in júbilo: * et Dóminus in voce tubae.
Psállite Deo nostro, psállite: * psállite Regi nostro, psállite.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Quóniam Rex omnis terrae Deus: psállite sapiénter.
Regnábít Deus super Gentes: * Deus sedet super sedem sanctam suam.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Príncipes populórum congregáti sunt * cum Deo Abraham.
Quóniam dii fortes terrae * veheménter eleváti sunt.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Glória Patri, et Fílio, * et Spirítui Sancto.
Sicut erat in princípío, et nunc, et semper, * et in saécula saeculórum. Amen.

Et repetitur antiphona Púeri Hebraeórum vestiménta prosternébant in via, et clamábant dicéntes: « Hosánna fílio David ; benedíctus qui venit in nómine Dómini. ».

Quae si non sufficiant, repetantur quousque distributio finiatur ; si autem finiatur prius, clauditur cum Glória Patri, et repetitur antiphona.

DE LECTIOE EVANGELICA

13. **Ramorum distributione peracta, et abaco remoto, celebrans lavat manus, nihil dicens ; deinde, ascendens altare, osculatur illud in medio, et ponit incensum in thuribulum, more solito. Diaconus defert librum evangeliorum ad altare eumque deponit super illud et fiunt omnia ut in Missa quando evangelium decantandum est.**

13a . Celebrans omnia peragat, ut alias de more, quando sacerdos solus Missam celebrat in cantu.

14. + Sequéntia sancti Evangélii secúndum Matthaéum.

Matth. 21, 1-9

IN illo témpore: Cum appropinquásset Jesus Jerosólymis, et venísset Béthphage ad montem Olivéti: tunc misit duos discipulos suos, dicens eis: « Ite in castéllum, quod contra vos est, et statim inveniétis ásinam alligátam, et pullum cum ea: sólvite, et addúcite mihi: et si quis vobis áliquíd dixerit, dícite quia Dóminus his opus habet, et conféstim dimittet eos ». Hoc autem totum factum est, ut adimplerétur quod dictum est per

prophétam, dicentem: Dícite filiae Sion: Ecce Rex tuus venit tibi mansuétus, sedens super ásinam et pullum, filium subjugális. Eúntes autem discípuli, fecérunt sicut praecépit illis Jesus. Et adduxérunt ásinam et pullum: et imposuérunt super eos vestiménta sua, et eum désuper sedere fecérunt. Plúrima autem turba straverunt vestiménta sua in via: álii autem caedébant ramos de arbóribus, et sternébant in via: turbae autem, quae praecedébant, et quae sequebántur, clamábant, dicéntes: « Hosánna filio David: benedíctus qui venit in nómine Dómini ».

15. *Evangelio finito, subdiaconus defert librum osculandum celebranti, qui non incensatur a diacono.*

DE PROCESSIONE CUM RAMIS BENEDICTIS

16. *His peractis, celebrans ponit incensum in thuribulum, more solito. Deinde diaconus, vertens se ad populum, dicit:*

V/. Procedámus in pace.

Respondent omnes:

R/. In nómine Christi. Amen.

Et incipit processio. Praecedit thuriferarius cum thuribulo fumigante, deinde alter subdiaconus paratus, vel acolythus, aut unus ex ministrantibus, deferens crucem non velatam, medius inter duos acolythos, vel ministrantes, cum candelabris accensis; sequitur clerus per ordinem, ultimo celebrans cum diacono et subdiacono, post eos fideles, ramos benedictos manibus gestantes.

17. *Processio dirigatur, si fieri potest, extra ecclesiam, per aliquam viam longiorem. Sicubi vero habeatur altera ecclesia, in qua ramorum benedictio commode peragi possit, nihil impedit, quominus benedictio eorum ibi fiat, et deinde processio pergat ad ecclesiam principalem.*

18. *Incipiente processione, cantari possunt antiphonae sequentes, omnes, vel aliquae, pro opportunitate.*

Antiphona 1 Occurrunt turbae cum flóribus et palmis Redemptóri óbviám: et victóri triumphánti digna dant obséquia: Fílium Dei ore gentes praedicant: et in laudem Christi voces tonant per núbila: « Hosánna ».

Antiphona 2 Cum ángelis et púeris fidéles inveniámur, triumphatóri mortis clamántes: « Hosánna in excélsis ».

Antiphona 3 Turba multa, quae convénerat ad diem festum, clamábat Dómino: « Benedíctus qui venit in nómine Dómini: Hosánna in excélsis ».

Antiphona 4 Lucas 19, 37 et 38 Coepérunt omnes turbae descendéntium gaudéntes laudáre Deum voce magna, super ómnibus quas víderant virtútibus, dicéntes: « Benedíctus qui venit Rex in nómine Dómini; pax in terra, et glória in excélsis ».

19. *Progrediente processione, cantatur sequens hymnus, populo, si fieri potest, duos primos versus continuo repetente, ut infra notatur.*

Hymnus ad Christum Regem

Chorus Glória, laus et honor tibi sit, Rex Christe Redemptor,
Cui pueríle decus prompsit Hosánna pium.

Omnes Glória, laus et honor tibi sit, Rex Christe Redemptor,
Cui pueríle decus prompsit Hosánna pium.

Chorus Israél es tu Rex, Davídis et ínclita proles,
Nómine qui in Dómini, Rex benedícite, venis.

Omnes Glória, laus et honor tibi sit, Rex Christe Redemptor,
Cui pueríle decus prompsit Hosánna pium.

Chorus Coetus in excélsis te laudat caélicus omnis,
Et mortális homo, et cuncta creáta simul.

Omnes Glória, laus et honor tibi sit, Rex Christe Redemptor,
Cui pueríle decus prompsit Hosánna pium.

Chorus Plebs Hebraéa tibi cum palmis óbvia venit;
Cum prece, voto, hymnis, ádsumus ecce tibi.

Omnes Glória, laus et honor tibi sit, Rex Christe Redemptor,
Cui pueríle decus prompsit Hosánna pium.

Chorus Hi tibi passúro solvébant múnia laudis;
Nos tibi regnánti pángimus ecce melos.

Omnes Glória, laus et honor tibi sit, Rex Christe Redemptor,

Cui puerile decus prompsit Hosanna pium.

Chorus Hi placuere tibi, placeat devotio nostra:

Rex bone, Rex clemens, cui bona cuncta placent.

Omnes Glória, laus et honor tibi sit, Rex Christe Redemptor,
Cui puerile decus prompsit Hosanna pium.

Antiphona 5 Omnes collaudant nomen tuum, et dicunt: « Benedictus qui venit in nomine Domini: Hosanna in excelsis ».

Psalmus 147

LAUDA, Jerúsalem, Dóminum: * lauda Deum tuum, Sion.

Quóniam confortávit seras portárum tuárum: * benedíxit filiis tuis in te.

Qui pósuit fines tuos pacem, * et ádipe fruménti sátiat te.

Qui emíttit elóquium suum terrae: * velóciter currit sermo ejus.

Qui dat nivem sicut lanam: * nébulam sicut cínerem spargit.

Qui dat nivem sicut lanam: * nébulam sicut cínerem spargit.

Mittit cristállum suam sicut bucéllas: * ante fáciem frígoris ejus quis sustinébit ?

Emíttet verbum suum, et liquefáciat ea: * flabit spíritus ejus, et fluent aquae.

Qui annúnciat verbum suum Jacob: * justítias, et judícia sua Israël.

Non fecit táliter omni natióni: * et judícia sua non manifestávit eis.

Glória Patri, et Fílio, * et Spirítui Sancto.

Sicut erat in princípío, et nunc, et semper, * et in saécula saeculórum. Amen.

Et repetitur antiphona Omnes collaudant nomen tuum, et dicunt: « Benedictus qui venit in nomine Domini: Hosanna in excelsis ».

Antiphona 6 Fulgéntibus palmis prostérnimur adveniénti Dómino: huic omnes occurrámus cum hymnis et cánticis, glorificántes et dicéntes: « Benedictus Dóminus ».

Antiphona 7 Ave, Rex noster, Fili David, Redemptor mundi, quem prophétae praedixerunt Salvátorem dómni Israël esse ventúrum. Te enim ad salutárem víctimam Pater misit in mundum, quem exspectábant omnes sancti ab orígine mundi, et nunc: « Hosanna Fílio David. Benedictus qui venit in nomine Domini. Hosanna in excelsis ».

20. **Nihil impedit, quominus cantetur a fidelibus hymnus Christus vincit, vel alius cantus in honorem Christi Regis.**

21. **Intrante processione in ecclesiam, dum celebrans per valvas ecclesiae transit, incipitur ultima antiphona.**

Antiphona 8 Ingrediénte Dómino in sanctam civitátem, Hebraeorum púeri resurrectiónem Vitae pronuntiántes.

Cum ramis palmárum: « Hosanna, clamábant, in excelsis ».

Cum audisset pópulus, quod Jesus veníret Jerosólymam, exiérunt óbviám ei

Cum ramis palmárum: « Hosanna, clamábant, in excelsis ».

22. **Celebrans, cum ad altare advenerit, facta debita reverentia, illud ascendit cum ministris sacris, et, stans in edius inter illos, versus populum, clerico librum tenente, dicit, in tono orationis ferialis, orationem ad complendam processionem, manibus junctis.**

22a . Ministrantes serviunt ad librum, et omnia fiunt, ut supra dictum est.

VI. Dóminus vobíscum.

Omnes R/. Et cum spíritu tuo.

Orémus. **Oratio**

DÓMINE Jesu Christe, Rex ac Redemptor noster, in cujus honórem, hos ramos gestántes, solémnes laudes decantávimus: concéde propítius ; ut, quocúmque hi rami deportáti fúerint, ibi tuae benedictiónis grátia descéndat, et, quavis daémonum iniquitáte vel illusióne profligáta, dextera tua prótegat, quos redémit. Qui vivis et regnas.

23. **Oratione finita, celebrans et ministri, facta debita altari reverentia, deponunt paramenta rubea, assumentes, pro Missa, violacea.**

24. **Rami non tenentur manibus, dum in Missa historia passionis Domini cantatur vel legitur.**

DE MISSA

Statio ad S. Joannem in Laterano

1. Color paramentorum est violaceus. Ministri sacri adhibent dalmaticam et tunicellam ; quod servatur etiam feriis II, III et IV.
2. Ubi ante Missam facta fuerit benedictio et processio ramorum, celebrans cum ministris sacris, seu ministrantibus, accedit ad altare, et, omissis psalmo Júdica me, Deus, ac confessione, statim ascendens, osculatur illud in medio, et incensat more solito.

3. Antiphona ad introitum Ps. 21, 20 et 22

DÓMINE, ne longe fácias auxiliúm tuum a me, ad defénsionem meam áspice: líbera me de ore leónis, et a córnibus unicórnium humilitátem meam. Ps. *ibid.*, 2 Deus, Deus meus, réspice in me: quare me dereliquísti ? longe a salúte mea verba delictórum meórum. Dómine, ne longe.

4. Orémus. Oratio

OMNÍPOTENS sempitérne Deus, qui húmáno géneri, ad imitándum humilitátis exéplum, Salvatórem nostrum carnem súmeri et crucem subíre fecísti: concéde propítius ; ut et patiéntiae ipsíus habére documénta et resurrectiónis consórtia mereámur. Per eúmdem Dóminum.

Et dicitur haec tantum oratio.

5. Lécio Epístolae beáti Pauli Apóstoli ad Philippénes.

2, 5-11

FRATRES: Hoc enim sentíte in vobis, quod et in Christo Jesu: qui, cum in forma Dei esset, non rapínam arbitrátus est esse se aequálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: (*hic genuflectitur*) ut in nómine Jesu omne genu flectátur caeléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris.

6. *Graduale Ps. 72, 24 et 1-3* Tenuísti manum dexteram meam: et in voluntáte tua deduxísti me: et cum glória assumpsísti me. *Vl.* Quam bonus Israël Deus rectis corde ! mei autem paene moti sunt pedes: paene effúsi sunt gressus mei: quia zelávi in peccatóribus, pacem peccatórum videns.

7. *Tractus Ps. 21, 2-9, 18, 19, 22, 24 et 32* Deus, Deus meus, réspice in me: quare me dereliquísti ? *Vl.* Longe a salúte mea verba delictórum meórum. *Vl.* Deus meus, clamábo per diem, nec exáudies: in nocte, et non ad insipiéntiam mihi. *Vl.* Tu autem in sancto hábitas, laus Israël. *Vl.* In te speravérunt patres nostri: speravérunt, et liberásti eos. *Vl.* Ad te clamavérunt, et salvi facti sunt: in te speravérunt, et non sunt confúsi. *Vl.* Ego autem sum vermis, et non homo: oppróbrium hóminum et abjéctio plebis. *Vl.* Omnes, qui vidébant me, aspernábantur me: locúti sunt lábiis, et movérunt caput. *Vl.* Sperávit in Dómino, erípiat eum: salvum fáciat eum, quóniam vult eum. *Vl.* Ipsi vero consideravérunt, et inspexérunt me: divisérunt sibi vestiménta mea, et super vestem meam misérunt sortem. *Vl.* Líbera me de ore leónis: et a córnibus unicórnium humilitátem meam. *Vl.* Qui tímétis Dóminum, laudáte eum: univérsum semen Jacob, magnificáte eum. *Vl.* Annuntiábitur Dómino generátio ventúra: et annuntiábunt caeli justítiam ejus. *Vl.* Pópulo, qui nascétur, quem fecit Dóminus.

8. Absoluta lectione epistolae, ponuntur in latere evangelii, in plano presbyterii, legilia nuda, et proceditur ad cantum vel lectionem historiae passionis Domini, hoc modo:

Cantatur vel legitur a ministris saltem in ordine diaconatus constitutis, qui, comitantibus duobus acolythis, vel ministrantibus, absque luminaribus et absque incenso, veniunt ante altare, ibique, super infimum gradum genu flexi, profunde inclinati, submissa voce recitant, uti moris est, Munda cor meum, ac petunt a celebrante benedictionem, dicentes Jube, domne, benedicere. Celebrans, ad eos versus, media voce respondet:

Dóminus sit in córdibus vestris, et in lábiis vestris: ut digne et competénter annuntiétis evangélium suum: in nómine Patris, et Filii, + et Spíritus Sancti. Et illi dicunt: Amen.

Postea, una cum acolythis, seu ministrantibus, faciunt reverentiam, et accedunt ad legilia ; non signant librum, nec seipsos, dum cantare vel legere incipiunt.

8a . Sacerdos, lecto graduáli et tractu, dicit more solito in medio altaris, Munda cor meum, Jube, Dómine, et Dóminus sit in corde meo.

Tunc, in latere evangelii, ad altare, legit vel can tat clara voce historiam passionis Domini, sed non signat librum, nec seipsum, dum legere vel cantare incipit.

9. Hic modus cantandi vel legendi servatur etiam feria III et IV, quando historia passionis Domini cantatur vel legitur.

10. Evangelium passionis et mortis Domini secundum Matthaeum. 26, 36-75 ; 27, 1-60.

Pássio Dómini nostri Jesu Christi secúndum Matthaéum.

IN illo témpore: Venit Jesus cum discipulis suis in villam, quae dicitur Gethsémani, et dixit discipulis suis: + Sedéte hic, donec vadam illuc, et orem. **C.** Et assumpto Petro, et duóbus filiis Zebedaéi, coepit contristári, et maestus esse. Tunc ait illis: + Tristis est ánima mea usque ad mortem: sustinéte hic, et vigiláte mecum. **C.**

Et progréssus pusillum, prócidit in fáciem suam, orans, et dicens: + Pater mi, si possibile est, tránseat a me calix iste. Verúmtamen non sicut ego volo, sed sicut tu. **C.** Et venit ad discipulos suos, et invénit eos dormiéntes: et dicit Petro: + Sic non potuístis una hora vigiláre mecum ? Vigiláte, et oráte, ut non intréti in tentatiónem. Spíritus quidem promptus est, caro autem infírma. **C.** Iterum secúndo ábiit, et orávit, dicens: + Pater mi, si non potest hic calix transíre, nisi bibam illum, fiat volúntas tua. **C.** Et venit íterum, et invénit eos dormiéntes: erant enim óculi eórum graváti. Et relíctis illis, íterum ábiit, et orávit tertio, eúmdem sermónem dicens. Tunc venit ad discipulos suos, et dicit illis: + Dormíte jam, et requiescíte: ecce appropinquávit hora, et Fílius hóminis tradétur in manus peccatórum. Súrgite, eámus: ecce appropinquávit qui me tradet.

C. Adhuc eo loquénte, ecce Judas unus de duódecim venit, et cum eo turba multa cum gládiis, et fústibus, missi a princípibus sacerdotum, et senióribus pópuli. Qui autem trádedit eum, dedit illis signum, dicens: **S.** Quemcúmque osculátus fúero, ipse est, tenéte eum. **C.** Et conféstim accédens ad Jesum, dixit: **S.** Ave, Rabbi. **C.** Et osculátus est eum. Dixítque illi Jesus: + Amíce, ad quid venísti ? **C.** Tunc accessérunt, et manus inyecérunt in Jesum, et tenuérunt eum. Et ecce unus ex his, qui erant cum Jesu, exténdens manum, exémit gládium suum, et percútiens servum princípis sacerdotum, amputávit aurículam ejus. Tunc ait illi Jesus: + Convérte gládium tuum in locum suum. Omnes enim, qui accéperint gládium, gládio peribunt. An putas, quia non possum rogáre Patrem meum, et exhibébit mihi modo plus quam duódecim legiões Angelórum ? Quómodo ergo implebúntur Scriptúrae, quia sic opórtet fieri ?

C. In illa hora dixit Jesus turbis: + Tamquam ad latrónem exístis cum gládiis, et fústibus comprehéndere me: quotídie apud vos sedébam docens in templo, et non me tenuístis. **C.** Hoc autem totum factum est, ut adimpleréntur Scriptúrae prophetárum. Tunc discipuli omnes, relícto eo, fugérunt.

At illi tenétes Jesum, duxérunt ad Cáipham princípem sacerdotum, ubi scribae et senióres convénerant. Petrus autem sequebátur eum a longe, usque in átrium princípis sacerdotum. Et ingrédessus intro, sedébat cum ministris, ut vidéret finem. Príncipes autem sacerdotum, et omne concílium, quaerébant falsum testimónium contra Jesum, ut eum morti tráderent: et non invenérunt, cum multi falsi testes accessissent. Novíssime autem venérunt duo falsi testes, et dixerunt: **S.** Hic dixit: Possum destrúere templum Dei, et post trídium reaedificáre illud. **C.** Et surgens princeps sacerdotum, ait illi: **S.** Nihil respóndes ad ea, quae isti advérsus te testificántur ? **C.** Jesus autem tacébat. Et princeps sacerdotum ait illi: **S.** Adjúro te per Deum vivum, ut dicas nobis, si tu es Christus Fílius Dei. **C.** Dicit illi Jesus: + Tu dixísti. Verúmtamen dico vobis, ámodo vidébitis Fílium hóminis sedéntem a dextris virtútis Dei, et veniéntem in núbibus caeli. **C.** Tunc princeps sacerdotum scidit vestiméta sua, dicens: **S.** Blasphemávit: quid adhuc egémus téstibus ? Ecce nunc audístis blasphemíam: quid vobis vidétur ? **C.** At illi respóndentes dixerunt: **S.** Reus est mortis.

C. Tunc exspuérent in fáciem ejus, et cólaphis eum cecidérunt, álíi autem palmas in fáciem ejus dedérunt, dicéntes: **S.** Prophetíza nobis, Christe, quis est qui te percússit ? **C.** Petrus vero sedébat foris in átrio: et accessit ad eum una ancílla, dicens: **S.** Et tu cum Jesu Galilaéo eras. **C.** At ille negávit coram ómnibus, dicens: **S.** Nescio quid dicis. **C.** Exeúnte autem illo jánuam, vidit eum ália ancílla, et ait his, qui erant ibi: **S.** Et hic erat cum Jesu Nazaréno. **C.** Et íterum negávit cum juraméto: Quia non novi hóminem. Et post pusillum accessérunt qui stabant, et dixerunt Petro: **S.** Vere et tu ex illis es: nam et loquéla tua maniféstum te facit. **C.** Tunc coepit detestári, et juráre quia non novisset hóminem. Et contínuo gallus cantávit. Et recordátus est Petrus verbi Jesu, quod díxerat: Priúsqvam gallus cantet, ter me negábis. Et egréssus foras, flevit amáre.

Mane autem facto, consílium iniérunt omnes príncipes sacerdotum, et senióres pópuli advérsus Jesum, ut eum morti tráderent. Et vinctum adduxérunt eum, et tradidérunt Póntio Piláto praésidi. Tunc videns Judas, qui eum trádedit, quod damnátus esset, paeniténtia ductus, rétulit trigínta argénteos princípibus sacerdotum, et senióribus, dicens: **S.** Peccávi, tradens sánguinem justum. **C.** At illi dixerunt: **S.** Quid ad nos ? Tu videris. **C.** Et projéctis argénteis in templo, recéssit: et ábiens, láqueo se suspéndit. Príncipes autem sacerdotum, accéptis argénteis, dixerunt: **S.** Non licet eos mittere in córbonam: quia prétium sánguinis est. **C.** Consílio autem ínito, emérunt ex illis agrum fíguli, in sepultúram peregrinórum. Propter hoc vocátus est ager ille, Hacéldama, hoc est, ager sánguinis, usque in hodiérnum diem. Tunc implétum est, quod dictum est per Jeremíam prophétam, dicéntem: Et accepérunt trigínta argénteos, prétium appretiáti, qum appretiavérunt a filiis Israél: et dedérunt eos in agrum fíguli, sicut constituit mihi Dóminus.

Jesus autem stetit ante praésidem, et interrogávit eum praeses, dicens: **S.** Tu es Rex Judaeórum ? **C.** Dicit illi Jesus: + Tu dicis. **C.** Et cum accusarétur a princípibus sacerdotum, et senióribus, nihil respóndit. Tunc dicit illi Pilátus: **S.** Non audis quanta advérsus te dicunt testimónia ? **C.** Et non respóndit ei ad ullum verbum, ita ut mirarétur praeses veheménter. Per diem autem solémnem consuéverat praeses pópulo dimíttre unum vinctum, quem voluissent. Habébat autem tunc vinctum insígnem, qui dicebátur Barábbas. Congregátis ergo illis, dixit Pilátus: **S.** Quem vultis dimíttam vobis: Barábbam, an Jesum, qui dicitur Christus ? **C.** Sciébat enim quod per invídiam tradidissent eum. Sedénte autem illo pro tribunáli, misit ad eum uxor ejus, dicens: **S.** Nihil tibi et justo illi: multa enim passa sum hódie per visum propter eum. **C.** Príncipes

autem sacerdotum, et seniores persuaserunt populis, ut peterent Barabam, Jesum vero perderent. Respondens autem praeses, ait illis: **S.** Quem vultis vobis de duobus dimitti? **C.** At illi dixerunt: **S.** Barabam. **C.** Dicit illis Pilatus: **S.** Quid igitur faciam de Jesu, qui dicitur Christus? **C.** Dicunt omnes: **S.** Crucifigatur. **C.** Ait illis praeses: **S.** Quid enim mali fecit? **C.** At illi magis clamabant, dicentes: **S.** Crucifigatur. **C.** Videns autem Pilatus quia nihil proficeret, sed magis tumultus fieret: accepta aqua, lavit manus coram populo, dicens: **S.** Innocens ego sum a sanguine justorum: vos videtis. **C.** Et respondens universus populus dixit: **S.** Sanguis ejus super nos, et super filios nostros. **C.** Tunc dimisit illis Barabam: Jesum autem flagellatum tradidit eis, ut crucifigeretur.

Tunc milites praesidis suscipientes Jesum in praetorium, congregaverunt ad eum universam cohortem: et exuentes eum, chlamydem coccineam circumdederunt ei: et plectentes coronam de spinis, posuerunt super caput ejus, et arundinem in dextera ejus. Et genu flexo ante eum, illudabant ei, dicentes: **S.** Ave, Rex Judaeorum. **C.** Et exspuentes in eum, acceperunt arundinem, et percutiebant caput ejus. Et postquam illuserunt ei, exuerunt eum chlamyde, et induerunt eum vestimentis ejus, et duxerunt eum ut crucifigerent.

Exeuntes autem, inveniunt hominem Cyrenaenum, nomine Simonem: hunc angariaverunt, ut tollerent crucem ejus. Et venerunt in locum qui dicitur Gólgótha, quod est Calvariae locus. Et dederunt ei vinum bibere cum felle mixtum. Et cum gustasset, noluit bibere. Postquam autem crucifixerunt eum, diviserunt vestimenta ejus, sortem mittentes: ut impleretur, quod dictum est per Prophetam, dicentem: Diviserunt sibi vestimenta mea, et super vestem meam miserunt sortem. Et sedentes, servabant eum. Et imposuerunt super caput ejus causam ipsius scriptam: Hic est Jesus Rex Judaeorum.

Tunc crucifigi sunt cum eo duo latrones: unus a dextris, et unus a sinistris. Praetereuntes autem blasphemabant eum, moventes capita sua, et dicentes: **S.** Vah, qui destruis templum Dei, et in triduo illud reaedificas: salva te ipsum. Si Filius Dei es, descende de cruce. **C.** Similiter et principes sacerdotum illudentes cum scribis et senioribus, dicebant: **S.** Alios salvos fecit, seipsum non potest salvum facere: si Rex Israel est, descendat nunc de cruce, et credimus ei: confidit in Deo: liberet nunc, si vult eum; dixit enim: Quia Filius Dei sum. **C.** Id ipsum autem et latrones, qui crucifigi erant cum eo, improperebant ei.

A sexta autem hora tenebrae factae sunt super universam terram usque ad horam nonam. Et circa horam nonam clamavit Jesus voce magna, dicens: **+ Eli, Eli, lamma sabachthani?** **C.** Hoc est: **+ Deus meus, Deus meus, ut quid dereliquisti me?** **C.** Quidam autem illic stantes, et audientes, dicebant: **S.** Eliam vocat iste. **C.** Et continuo currens unus ex eis, acceptam spongiam implevit aceto, et imposuit arundini, et dabat ei bibere. Ceteri vero dicebant: **S.** Sine, videamus an veniat Elias liberans eum. **C.** Jesus autem iterum clamans voce magna, emisit spiritum. **Hic genuflectitur, et pausatur aliquantulum.**

Et ecce velum templi scissum est in duas partes a summo usque deorsum: et terra mota est, et petrae scissae sunt, et monumenta aperta sunt: et multa corpora sanctorum, qui dormierant, surrexerunt. Et exeuntes de monumentis post resurrectionem ejus, venerunt in sanctam civitatem, et apparuerunt multis. Centurio autem, et qui cum eo erant, custodientes Jesum, viso terraemotu, et his, quae fiebant, timuerunt valde, dicentes: **S.** Vere Filius Dei erat iste. **C.** Erant autem ibi mulieres multae a longe, quae secutae erant Jesum a Galilaea, ministrantes ei: inter quas erat Maria Magdalene, et Maria Jacobi, et Joseph mater, et mater filiorum Zebedaei.

Cum autem sero factum esset, venit quidam homo dives ab Arimathaea, nomine Joseph, qui et ipse discipulus erat Jesu. Hic accessit ad Pilatum, et petiit corpus Jesu. Tunc Pilatus jussit reddi corpus. Et accepto corpore, Joseph involvit illud in sindone munda. Et posuit illud in monumento suo novo, quod exciderat in petra. Et advolvit saxum magnum ad ostium monumenti, et abiit.

Post cantum vel lectionem historiae passionis Domini, celebrans non osculatur librum, nec incensatur; quod servatur etiam feria III, IV et VI, quando historia passionis Domini cantatur vel legitur.

11. Qui hodie aliam, vel tertiam Missam lectam celebrat, non tenetur ite rare lectionem passionis Domini, sed ejus loco legit sequens evangelium, more consueto.

+ Sequentia sancti Evangelii secundum Mattheum.

27, 45-52

POSTQUAM crucifixerunt Jesum, a sexta autem hora tenebrae factae sunt super universam terram usque ad horam nonam. Et circa horam nonam clamavit Jesus voce magna, dicens: « Eli, Eli, lamma sabachthani? » Hoc est: « Deus meus, Deus meus, ut quid dereliquisti me? » Quidam autem illic stantes, et audientes, dicebant: « Eliam vocat iste. » Et continuo currens unus ex eis, acceptam spongiam implevit aceto, et imposuit arundini, et dabat ei bibere. Ceteri vero dicebant: « Sine, videamus an veniat Elias liberans eum. » Jesus autem iterum clamans voce magna, emisit spiritum. **Hic genuflectitur, et pausatur aliquantulum.** Et ecce velum templi scissum est in duas partes a summo usque deorsum: et terra mota est, et petrae scissae sunt, et monumenta aperta sunt: et multa corpora sanctorum, qui dormierant, surrexerunt.

12. Dicitur Credo.

13. Antiphona ad offertorium Ps. 68, 21-22 Improperium expectavit cor meum, et miseriam: et sustinui qui

simul mecum contristarétur, et non fuit: consolántem me quaesívi, et non invéni: et dedérunt in escam meam fel, et in siti mea potavérunt me acéto.

14. **Secreta**

CONCÉDE, quaésumus, Dómine: ut óculis tuae majestátis munus oblátum, et grátiam nobis devotiónis obtíneat, et efféctum beátae perennitátis acquirat. Per Dóminum.

15. **Praefatio de sancta Cruce.**

16. **Antiphona ad communionem Matth. 26, 42** Pater, si non potest hic calix transíre, nisi bibam illum: fiat volúntas tua.

17. Orémus. **Postcommunio**

PER hujus, Dómine, operatióem mystérii: et vítia nostra purgéntur, et justa desidéria compleántur. Per Dóminum.

18. **Celebrans, in fine Missae, data benedictione more solito, omittit ultimum evangelium, et omnes revertuntur in sacristiam.**

In ceteris Missis, sine benedictione ramorum, legitur in fine evangelium Cum appropinquásset Jesus, **ut supra in benedictione ramorum n. 14.**

FERIA SECUNDA
HEBDOMADAE SANCTAE

Simplex

DE OFFICIO DIVINO

Omnia ut in Breviario Romano.

DE MISSA

Statio ad S. Praxedem

1. **Antiphona ad introitum**
Ps. 34, 1-2

JÚDICA, Dómine, nocéntes me, expúgna impugnántes me: apprehénde arma et scutum, et exsúrge in adjutórium meum, Dómine, virtus salútis meae. **Ps. ibid 3** Effúnde frámeam, et conclúde advérsus eos, qui persequúntur me: dic ánimae meae: Salus tua ego sum. **Júdica, Dómine.**

2. Orémus. **Oratio**

DA, quaésumus, omnípotens Deus: ut, qui in tot advérsis ex nostra infirmitáte defícimus ; intercedénte unigéniti Fílii tui passióne respirémus: Qui tecum vivit.

Et dicitur haec tantum oratio.

3. Lécio Isaíae Prophétae.

50, 5-10

IN diébus illis: Dixit Isaías: Dóminus Deus apéruit mihi aurem, ego autem non contradíco: retrórsum non ábii. Corpus meum dedi percutiéntibus, et genas meas velléntibus: fáciem meam non avérti ab increpántibus et conspuéntibus in me. Dóminus Deus auxiliátor meus, ídeo non sum confúsus: ídeo pósui fáciem meam ut petram duríssimam, et scio, quóniam non confúndar. Juxta est, qui iustificat me, quis contradícet mihi ? Stemus simul, quis est adversárius meus ? Accédát ad me. Ecce Dóminus Deus auxiliátor meus: quis est qui condémnet me ? Ecce omnes quasi vestiméntum conteréntur, tínea cómedet eos. Quis ex vobis timens Dóminum, áudiens vocem servi sui ? Qui ambulávit in ténebris, et non est lumen ei, speret in nómine Dómini, et innitátur super Deum suum.

4. **Graduale Ps. 34, 23 et 3** Exsúrge, Dómine, et inténde júdicio meo, Deus meus et Dóminus meus, in causam meam. **Vl.** Effúnde frámeam, et conclúde advérsus eos, qui me persequúntur.

5. **Tractus Ps. 102, 10** Dómine, non secúndum peccáta nostra, quae fécimus nos: neque secúndum iniquitátes nostras retribuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito antícipent nos misericórdiae tuae, quia páuperes facti sumus nimis. **(Hic genuflectitur) Vl.** Adjuva nos,

Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

6. + Sequéntia sancti Evangélii secúndum Joánnem.

Joann. 12, 1-9

ANTE sex dies Paschae venit Jesus Bethániam, ubi Lázarus fúerat mórtuus, quem suscitávit Jesus. Fecérunt autem ei cenam ibi: et Martha ministrábat, Lázarus vero unus erat ex discumbéntibus cum eo. María ergo accépit libram unguénti nardi pístici pretiósí, et unxit pedes Jesu, et extérsit pedes ejus capíllis suis: et domus impléta est ex odóre unguénti. Dixit ergo unus ex discípulis ejus, Judas Iscariótes, qui erat eum traditúrus: « Quare hoc unguéntum non véniit trecéntis denáriis, et datum est egénis ? » Dixit autem hoc, non quia de egénis pertinébat ad eum, sed quia fur erat, et lóculos habens, ea, quae mittebantur, portábat. Dixit ergo Jesus: « Sínite illam, ut in diem sepultúrae meae servet illud. Páuperes enim semper habétis vobíscum: me autem non semper habétis ». Cognóvit ergo turba multa ex Judaéis, quia illic est: et venérunt, non propter Jesum tantum, sed ut Lázarus vidérent, quem suscitávit a mórtuis.

7. *Antiphona ad offertorium Ps. 142, 9-10* Eripe me de inimícis meis, Dómine: ad te confúgi, doce me fácere voluntátem tuam: quia Deus meus es tu.

8. *Secreta*

HAEC sacrificia nos, omnípotens Deus, poténti virtúte mundátos, ad suum fáciant purióres veníre princípium. Per Dóminum.

9. *Praefatio de sancta Cruce.*

10. *Antiphona ad communionem Ps. 34, 26* Erubéscant et revearéntur simul, qui gratulántur malis meis: induántur pudóre et reveréntia, qui málgna loquúntur advérsus me.

11. Orémus. *Postcommunio*

PRBEANT nobis, Dómine, divínium tua sancta fervórem: quo eórum páriter et actu delectémur, et fructu. Per Dóminum.

12. *Deinde celebrans absolute dicit: Orémus. Et diaconus, versus ad populum, junctis, dicit: Humiliáte cápita vestra Deo.*

12a . Celebrans, stans in eodem loco ante librum, et non vertens se ad populum, dicit: Orémus. Humiliáte cápita vestra Deo.

Super populum: Orémus. Humiliáte cápita vestra Deo.

Oratio

ADJUVA nos, Deus salutáris noster: et ad benefícia reколénda, quibus nos instauráre dignátus es, tríbue veníre gaudétes. Per Dóminum.

FERIA TERTIA
HEBDOMADAÉ SANCTAE

Simplex

DE OFFICIO DIVINO

Omnia ut in Breviario Romano.

DE MISSA

Statio ad S. Priscam

1. *Antiphona ad introitum*
Gal. 6, 14

NOS autem gloriári opórtet in cruce Dómini nostri Jesu Christi: in quo est salus, vita et resurréctio nostra: per quem salváti et liberáti sumus. *Ps. 66, 2* Deus misereátur nostri, et benedícat nobis: illúminet vultum suum super nos, et misereátur nostri. Nos autem.

2. Orémus. **Oratio**

OMNÍPOTENS sempitérne Deus: da nobis ita dominícae passiónis sacraménta perágere ; ut indulgéntiam percípere mereámur. Per eúmdem Dóminum.

Et dicitur haec tantum oratio.

3. Lécio Jeremíae Prophétae.

11, 18-20

IN diébus illis: Dixit Jeremías: Dómine, demonstrásti mihi, et cognóvi: tunc ostendísti mihi stúdia eórum. Et ego quasi agnus mansuétus, qui portátur ad víctimam: et non cognóvi, quia cogitavérunt super me consília, dicéntes: Mittámus lignum in panem ejus, et eradámus eum de terra vivéntium, et nomen ejus non memorétur ámplius. Tu autem, Dómine Sábaoth, qui júdicas juste, et probas renes et corda, vídeam ultiónem tuam ex eis: tibi enim revelávi causam meam, Dómine Deus meus.

4. **Graduale Ps. 34, 13 et 1-2** Ego autem, dum mihi molésti essent, induébam me cilício, et humiliábam in jejúnio ánimam meam: et orátio mea in sinu meo convertétur. **V.** Júdica, Dómine, nocéntes me, expúgna impugnántes me: apprehénde arma et scutum, et exsúrge in adjutórium mihi.

5. **Evangelium passionis et mortis Domini secundum Marcum. 14, 32-72 ; 15, 1-46.**

Dicitur Munda cor meum, Jube, domne (Dómine), benedícere, et Dóminus sit in córdibus vestris, (in corde meo), et fiunt reliqua, ut supra in dominica II Passionis notatum est n. 8 et 8a.

Pássio Dómini nostri Jesu Christi secúndum Marcum.

IN illo témpore: Jesus et discípuli ejus véniunt in praédium, cui nomen Gethsémani. Et ait discíplis suis: + Sedéte hic donec orem. **C.** Et assúmit Petrum, et Jacóbum, et Joánnem secum: et coepit pavére, et taedére. Et ait illis: + Tristis est ánima mea usque ad mortem: sustinéte hic, et vigiláte. **C.** Et cum processísset páululum, prócidit super terram: et orábat, ut si fieri posset, transíret ab eo hora: et dixit: + Abba, Pater, ómnia tibi possibília sunt, transfer cálicem hunc a me: sed non quod ego volo, sed quod tu. **C.** Et venit, et invénit eos dormiéntes. Et ait Petro: + Simon, dormis ? non potuísti una hora vigiláre ? Vigiláte, et oráte, ut non intréti in tentatiónem. Spíritus quidem promptus est, caro vero infírma. **C.** Et íterum ábiens orávit, eúmdem sermónem dicens. Et revérsus, dénuo invénit eos dormiéntes (erant enim óculi eórum graváti) et ignorábant quid respondérent ei. Et venit tértio, et ait illis: + Dormíte jam, et requiéscite. Súfficit: venit hora: ecce Fílius hóminis tradétur in manus peccatórum. Súrgete, eámus: ecce qui me tradet, prope est. **C.** Et, adhuc eo loquénte, venit Judas Iscariótes, unus de duódecim, et cum eo turba multa cum gládiis et lignis, a summis sacerdotibus, et scribis, et senióribus. Déderat autem tráditor ejus signum eis, dicens: **S.** Quemcúmque osculátus fúero, ipse est, tenéte eum, et dúcite caute. **C.** Et cum venísset, statim accédens ad eum, ait: **S.** Ave, Rabbi. **C.** Et osculátus est eum. At illi manus injecérunt in eum, et tenuérunt eum. Unus autem quidam de circumstántibus, edúcens gládium, percússit servum summi sacerdotis: et amputávit illi aurículam. Et respóndens Jesus, ait illis: + Tamquam ad latrónem existis cum gládiis et lignis comprehéndere me ? quotidie eram apud vos in templo docens, et non me tenuístis. Sed ut impleántur Scriptúrae. **C.** Tunc discípuli ejus relinquentes eum, omnes fugérunt. Adoléscens autem quidam sequebátur eum amíctus síndone super nudo: et tenuérunt eum. At ille, rejécta síndone, nudus profúgit ab eis.

Et adduxérunt Jesum ad summum sacerdotem: et convenérunt omnes sacerdotes, et scribae, et senióres. Petrus autem a longe secútus est eum usque intro in átrium summi sacerdotis: et sedébat cum ministris ad ignem, et calefaciébat se. Summi vero sacerdotes, et omne concílium, quaerébant advérsus Jesum testimónium, ut eum morti tráderent, nec inveniébant. Multi enim testimónium falsum dicébant advérsus eum: et conveniéntia testimónia non erant. Et quidam surgéntes, falsum testimónium ferébant advérsus eum, dicéntes: **S.** Quóniam nos audívimus eum dicéntem: Ego dissólvam templum hoc manufáctum, et per tríduum áliud non manufáctum aedificábo. **C.** Et non erat convéniens testimónium illórum. Et exsúrgens summus sacérdos in médium, interrogávit Jesum, dicens: **S.** Non respóndes quidquam ad ea, quae tibi objiciúntur ab his ? **C.** Ille autem tacébat, et nihil respóndit. Rursum summus sacérdos interrogábat eum, et dixit ei: **S.** Tu es Christus Fílius Dei benedícti ? **C.** Jesus autem dixit illi: + Ego sum: et vidébitis Fílium hóminis sedéntem a dextris virtútis Dei, et veniéntem cum núbibus caeli. **C.** Summus autem sacérdos scindens vestiménta sua, ait: **S.** Quid adhuc desiderámus téstes ? Audístis blasphemiam: quid vobis vidétur ? **C.** Qui omnes condemnáverunt eum esse mortis.

C. Et coepérunt quidam conspúere eum, et veláre faciém ejus, et cólaphis eum caedére, et dícere ei: **S.** Prophetíza. **C.** Et ministri álapis eum caedébant.

Et cum esset Petrus in átrio deórsum, venit una ex ancíllis summi sacerdotis: et cum vidísset Petrum calefaciéntem se, aspiciens illum, ait: **S.** Et tu cum Jesu Nazaréno eras. **C.** At ille negávit, dicens: **S.** Neque scio, neque novi quid dicas. **C.** Et éxiit foras ante átrium, et gallus cantávit. Rursum autem cum vidísset illum ancílla, coepit dícere circumstántibus: Quia hic ex illis est. At ille íterum negávit. Et post pusillum rursus qui astábant, dicébant Petro: **S.** Vere ex illis es: nam et Galilaéus es. **C.** Ille autem coepit anathematizáre, et

jurare: Quia nescio hominem istum, quem dicitis. Et statim gallus iterum cantavit. Et recordatus est Petrus verbi, quod dixerat ei Jesus: Priusquam gallus cantet bis, ter me negabis. Et coepit flere.

Et confestim mane consilium facientes summi sacerdotes, cum senioribus, et universo concilio, vincientes Jesum, duxerunt, et tradiderunt Pilato. Et interrogavit eum Pilatus: **S.** Tu es Rex Judaeorum ? **C.** At ille respondens, ait illi: **+** Tu dicis. **C.** Et accusabant eum summi sacerdotes in multis. Pilatus autem rursus interrogavit eum, dicens: **S.** Non respondes quidquam ? vide in quantis te accusant. **C.** Jesus autem amplius nihil respondit, ita ut miraretur Pilatus.

Per diem autem festum solébat dimittere illis unum ex vinctis, quemcumque petissent. Erat autem qui dicebatur Barabbas, qui cum seditiosis erat vinctus, qui in seditione fécerat homicidium. Et cum ascendisset turba, coepit rogare, sicut semper faciebat illis. Pilatus autem respondit eis, et dixit: **S.** Vultis dimittam vobis Regem Judaeorum ? **C.** Sciebat enim quod per invidiam tradidissent eum summi sacerdotes. Pontifices autem concitaverunt turbam, ut magis Barabbam dimitteret eis. Pilatus autem iterum respondens, ait illis: **S.** Quid ergo vultis faciam Regi Judaeorum ? **C.** At illi iterum clamaverunt: **S.** Crucifige eum. **C.** Pilatus vero dicebat illis: **S.** Quid enim mali fecit ? **C.** At illi magis clamabant: **S.** Crucifige eum. **C.** Pilatus autem volens populo satisfacere, dimisit illis Barabbam, et tradidit Jesum flagellis caesum, ut crucifigeretur.

Milites autem duxerunt eum in atrium praetorii, et convocant totam cohortem, et induunt eum purpura, et imponunt ei plectentes spineam coronam. Et coeperunt salutare eum: Ave, Rex Judaeorum. Et percutiebant caput ejus arundine: et conspuébant eum, et ponentes genua, adorabant eum. Et postquam illuserunt ei, exuerunt illum purpura, et induerunt eum vestimentis suis: et educunt illum, ut crucifigerent eum. Et angariaverunt praetereuntem quempiam, Simónem Cyrenaéum, venientem de villa, patrem Alexandri et Rufi, ut tollerent crucem ejus.

Et perducunt illum in Gólgotha locum, quod est interpretatum Calvariae locus. Et dabant ei bibere myrrhatum vinum: et non accépit. Et crucifigentes eum, divisérunt vestimenta ejus, mittentes sortem super eis, quis quid tolleret. Erat autem hora tertia: et crucifixerunt eum. Et erat titulus causae ejus inscriptus: Rex Judaeorum. Et cum eo crucifigunt duos latrones: unum a dextris, et alium a sinistris ejus. Et impléta est Scriptura, quae dicit: Et cum iniquis reputatus est. Et praetereuntes blasphemabant eum, moventes capita sua, et dicentes: **S.** Vah, qui destruis templum Dei, et in tribus diebus reaedificas: salvum fac te ipsum, descendens de cruce. **C.** Similiter et summi sacerdotes illudentes, ad alterutrum cum scribis dicebant: **S.** Alios salvos fecit, seipsum non potest salvum facere. Christus Rex Israël descendat nunc de cruce, ut videamus, et credamus. **C.** Et qui cum eo crucifixi erant convitiabantur ei. Et facta hora sexta, tenebrae factae sunt per totam terram, usque in horam nonam. Et hora nona exclamavit Jesus voce magna, dicens: **+** Eloi, Eloi, lamma sabachthani ? **C.** Quod est interpretatum: **+** Deus meus, Deus meus, ut quid dereliquisti me ? **C.** Et quidam de circumstantibus audientes, dicebant: **S.** Ecce Eliam vocat. **C.** Currens autem unus, et implens spongiam aceto, circumponensque calamo, potum dabat ei, dicens: **S.** Sinite, videamus si veniat Elias ad deponendum eum. **C.** Jesus autem emissa voce magna exspiravit. **Hic genuflectitur, et pausatur aliquantulum.**

Et velum templi scissum est in duo, a summo usque deorsum. Videns autem centurio, qui ex adverso stabat, quia sic clamans exspirasset, ait: **S.** Vere hic homo Filius Dei erat. **C.** Erant autem et mulieres de longe aspicientes: inter quas erat Maria Magdalene, et Maria Jacobi minoris, et Joseph mater, et Salome: et cum esset in Galilaea, sequebantur eum et ministrabant ei, et aliae multae, quae simul cum eo ascenderant Jerosolymam.

Et cum jam sero esset factum (quia erat Parasceve, quod est ante sabbatum) venit Joseph ab Arimathaea, nobilis decurio, qui et ipse erat expectans regnum Dei, et audacter introivit ad Pilatum, et petiit corpus Jesu. Pilatus autem mirabatur si jam obiisset. Et accersito centurione, interrogavit eum si jam mortuus esset. Et cum cognovisset a centurione, donavit corpus Joseph. Joseph autem mercatus sindonem, et deprensus eum involvit sindone, et posuit eum in monumento, quod erat excisum de petra, et advolvit lapidem ad ostium monumenti.

6. **Antiphona ad offertorium Ps. 139, 5** Custodi me, Domine, de manu peccatoris: et ab hominibus iniquis eripe me.

7. **Secreta**

SACRIFICIA nos, quaesumus, Domine, propensius ista restaurent: quae medicinalibus sunt instituta jejuniis. Per Dominum.

8. **Praefatio de sancta Cruce.**

9. **Antiphona ad communionem Ps. 68, 13-14** Adversum me exercebantur, qui sedebant in porta: et in me psallebant, qui bibebant vinum: ego vero orationem meam ad te, Domine: tempus beneplaciti, Deus, in multitudine misericordiae tuae.

10. **Orémus. Postcommunio**

SANCTIFICATIONIBUS tuis, omnipotens Deus: et vicia nostra curéntur, et remédia nobis sempitérna provéniant. Per Dóminum.

11. **Super populum:** Orémus. Humiliáte cápita vestra Deo.

Oratio

TUA nos misericórdia, Deus, et ab omni subreptióne vetustátis expúrget, et capáces sanctae novitátis effíciat. Per Dóminum.

FERIA QUARTA
HEBDOMADAE SANCTAE

Simplex

DE OFFICIO DIVINO

Omnia ut in Breviario Romano.

DE MISSA

Statio ad S. Mariam majorem

1. Antiphona ad introitum

Philipp. 2, 10, 8 et 11

IN nómine Jesu omne genu flectátur, caeléstium, terréstrium et infernórum: quia Dóminus factus est obédiens usque ad mortem, mortem autem crucis: ídeo Dóminus Jesus Christus in glória est Dei Patris. **Ps. 101, 2** Dómine, exáudi oratióne meam: et clamor meus ad te véniat. **In nómine.**

2. **Post Kýrie, eléison, celebrans, stans in latere epistolae, dicit:** Orémus, **diaconus** Flectámus génua, **et omnes, flexis genibus, per aliquod temporis spatium in silentio orant ; dicto a diacono** Leváte, **omnes surgunt, et celebrans dicit orationem.**

2a . Post Kýrie, eléison, celebrans, stans in latere epistolae, dicit: Orémus, **Flectámus génua, et, brevi interposita precatone, flexis genibus et in silentio, dicit** Leváte, **deinde surgit et dicit orationem.**
Quod observatur etiam in Missis lectis.

3. Orémus. **Oratio**

PRAESTA, quaesumus, omnipotens Deus: ut, qui nostris excéssibus incessánte affligimur, per unigéniti Fílii tui passióne liberémur: Qui tecum vivit.

4. Lécio Isaíae Prophétae.

62, 11 ; 63, 1-7

HAEC dicit Dóminus Deus: Dícite filiae Sion: Ecce Salvátor tuus venit: ecce merces ejus cum eo. Quis est iste, qui venit de Edom, tinctis véstibus de Bosra ? Iste formósus in stola sua, grádiens in multitúdine fortitúdinis suae. Ego, qui loquor justítiam, et propugnátor sum ad salvándum. Quare ergo rubrum est induméntum tuum, et vestiménta tua, sicut calcántium in torculári ? Tórcular calcávi solus, et de géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia induménta mea inquinávi. Dies enim ultiónis in corde meo, annus redemptiónis meae venit. Circumspéxi, et non erat auxiliátor: quaesívi, et non fuit qui adjuváret: et salvávit mihi bráchium meum, et indignátio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miseratiónum Dómini recordábor, laudem Dómini super ómnibus, quae réddidit nobis Dóminus Deus noster.

5. **Graduale Ps. 68, 18 et 2-3** Ne avértas fáciem tuam a púero tuo, quóniam tríbulor: velóciter exáudi me. **Vl.** Salvum me fac, Deus, quóniam intravérunt aquae usque ad ánimam meam: infixus sum in limo profúndi, et non est substántia.

6. **Hic dicitur Vl.** Dóminus vobíscum, **sine** Flectámus génua.

Orémus. **Oratio**

DEUS, qui pro nobis Fílium tuum crucis patíbulum subíre voluísti, ut inimíci a nobis expélleres potestátem: concéde nobis fámulis tuis ; ut resurrectiónis grátiam consequámur. Per eúdem Dóminum.

Et dicitur haec tantum oratio.

7. Lécio Isaíae Prophétae.

53, 1-12

IN diébus illis: Dixit Isaías: Dómine, quis crédidit audítui nostro ? et bráchium Dómini cui revelátum est ? Et ascéndet sicut virgúltum coram eo, et sicut radix de terra sitiénti: non est spécies ei, neque decor: et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem: et quasi abscónditus vultus ejus, et despéctus, unde nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percússum a Deo, et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostrae super eum, et livóre ejus sanáti sumus. Omnes nos quasi oves errávimus, unusquísque in viam suam declinávit: et pósuit Dóminus in eo iniquitátem ómnium nostrum. Oblátus est, quia ipse vóluit, et non apéruit os suum: sicut ovis ad occisiónem ducétur, et quasi agnus coram tondénte se obmutéscet, et non apériet os suum. De angústia, et de judício sublátus est: generatióem ejus quis enarrábit ? quia abscíssus est de terra vivéntium: propter scelus pópuli mei percússi eum. Et dabit ímpios pro sepultúra, et dívitem pro morte sua: eo quod iniquitátem non fécerit, neque dolus fúerit in ore ejus. Et Dóminus vóluit contétere eum in infirmitáte: si posúerit pro peccáto ánimam suam, vidébit semen longaévum, et volúntas Dómini in manu ejus dirigétur. Pro eo quod laborávit ánima ejus, vidébit, et saturábitur: in sciéntia sua justificábit ipse justus servus meus multos, et iniquitátes eórum ipse portábit. Ideo dispértiam ei plúrimos: et fórtium dívidet spólia, pro eo quod trádidit in mortem ánimam suam, et cum scelerátis reputátus est: et ipse peccáta multórum tulit, et pro transgressóribus rogávit.

8. **Tractus Ps. 101, 2-5 et 14** Dómine, exáudi oratióem meam, et clamor meus ad te véniat. **V/.** Ne avértas fáciem tuam a me: in quacúmque die tribulor, inclína ad me aurem tuam. **V/.** In quacúmque die invocávero te, velóciter exáudi me. **V/.** Quia defecerunt sicut fumus dies mei: et ossa mea sicut in frixório confríxa sunt. **V/.** Percússus sum sicut fenum, et áruit cor meum: quia oblítus sum manducáre panem meum. **V/.** Tu exsúrgens, Dómine, miseréberis Sion: quia venit tempus miseréndo ejus.

9. **Evangelium passionis et mortis Domini secundum Lucam. 22, 39-71 ; 23, 1-53.**

Dicitur Munda cor meum, Jube, domne (Dómine), benedícere, **et** Dóminus sit in córdibus vestris, (in corde meo), **et fiunt reliqua, ut supra in dominica II Passionis notatum est n. 8 et 8a.**

Pássio Dómini nostri Jesu Christi secúndum Lucam.

IN illo témpore: Egréssus Jesus ibat secúndum consuetúdinem in montem Olivárum. Secúti sunt autem illum et discípuli. Et cum pervenísset ad locum, dixit illis: **+** Oráte, ne intréti in tentatióem. **C.** Et ipse avúlsus est ab eis quantum jactus est lápidis, et pósitis génibus orábat, dicens: **+** Pater, si vis, transfer cálicem istum a me: verúmtamen non mea volúntas, sed tua fiat. **C.** Appáruit autem illi ángelus de caelo, confórtans eum. Et factus in agonía, prolíxius orábat. Et factus est sudor ejus, sicut guttae sánguinis decurréntis in terram. Et cum surrexisset ab oratióne, et venísset ad discipulos suos, invénit eos dormiéntes prae tristítia. Et ait illis: **+** Quid dormítis ? súrgite, oráte, ne intréti in tentatióem.

C. Adhuc eo loquénte, ecce turba: et qui vocabátur Judas, unus de duódecim, antecédébat eos: et appropinquávit Jesu, ut oscularétur eum. Jesus autem dixit illi: **+** Juda, ósculo Fílium hóminis trádis ? **C.** Vidéntes autem hi, qui circa ipsum erant, quod futúrum erat, dixerunt ei: **S.** Dómine, si percútimus in gládio ? **C.** Et percússit unus ex illis servum princípis sacerdotum, et amputávit aurículam ejus dexteram. Respóndens autem Jesus, ait: **+** Sínite usque huc. **C.** Et cum tetigisset aurículam ejus, sanávit eum. Dixit autem Jesus ad eos, qui vénerant ad se, príncipes sacerdotum, et magistrátus templi, et senióres: **+** Quasi ad latrónem exístis cum gládiis, et fústibus ? Cum quotidie vobíscum fúerim in templo, non extendístis manus in me: sed haec est hora vestra, et potéstas tenebrárum.

C. Comprehéndentes autem eum, duxérunt ad domum princípis sacerdotum: Petrus vero sequebátur a longe. Accénso autem igne in médio átrii, et circumsedéntibus illis, erat Petrus in médio eórum. Quem cum vidísset ancílla quaedam sedéntem ad lumen, et eum fuísset intúita, dixit: **S.** Et hic cum illo erat. **C.** At ille negávit eum, dicens: **S.** Múlier, non novi illum. **C.** Et post pusillum álius videns eum, dixit: **S.** Et tu de illis es. **C.** Petrus vero ait: **S.** O homo, non sum. **C.** Et intervállo facto quasi horae uníus, álius quidam affirmábat, dicens: **S.** Vere et hic cum illo erat: nam et Galilaéus est. **C.** Et ait Petrus: **S.** Homo, nescio quid dicis. **C.** Et contínuo adhuc illo loquénte cantávit gallus. Et convérsus Dóminus respéxit Petrum. Et recordátus est Petrus verbi Dómini, sicut díxerat: Quia priúsqvam gallus cantet, ter me negábis. Et egréssus foras Petrus flevit amáre.

Et viri, qui tenébant illum, illudébant ei, caedéntes. Et velavérunt eum, et percutiébant fáciem ejus: et interrogábant eum, dicéntes: **S.** Prophetíza, quis es, qui te percússit ? **C.** Et ália multa blasphemántes dicébant in eum.

Et ut factus est dies, convenérunt senióres plebis, et príncipes sacerdotum, et scribae, et duxérunt illum in

concílium suum, dicentes: **S.** Si tu es Christus, dic nobis. **C.** Et ait illis: + Si vobis díxero, non credétis mihi: si autem et interrogávero, non respondébitis mihi, neque dimittétis. Ex hoc autem erit Fílius hóminis sedens a dextris virtútis Dei. **C.** Dixérunt autem omnes: **S.** Tu ergo es Fílius Dei ? **C.** Qui ait: + Vos dícitis, quia ego sum. **C.** At illi dixérunt: **S.** Quid adhuc desiderámus testimónium ? Ipsi enim audívimus de ore ejus.

C. Et surgens omnis multitúdo eórum, duxérunt illum ad Pilátum. Coepérunt autem illum accusáre, dicentes: **S.** Hunc invénimus subverténtem gentem nostram, et prohibéntem tribúta dare Caésari, et dicéntem se Christum regem esse. **C.** Pilátus autem interrogávit eum, dicens: **S.** Tu es Rex Judaeórum ? **C.** At ille respóndens, ait: + Tu dicis. **C.** Ait autem Pilátus ad príncipes sacerdotum, et turbas: **S.** Nihil invénio causae in hoc hómine. **C.** At illi invalescébant, dicentes: **S.** Cómmoveat pópulum, docens per univérsam Judaéam, incípiens a Galilaéa usque huc.

C. Pilátus autem áudiens Galilaéam, interrogávit si homo Galilaéus esset. Et ut cognóvit quod de Heródis potestáte esset, remisit eum ad Heródem, qui et ipse Jerosólymis erat illis diébus. Heródes autem viso Jesu gavísus est valde. Erat enim cúpiens ex multo témpore vidére eum, eo quod audíerat multa de eo, et sperábat signum áliquod vidére ab eo fieri. Interrogábat autem eum multis sermónibus. At ipse nihil illi respondébat. Stabant autem príncipes sacerdotum, et scribae constánter accusántes eum. Sprevit autem illum Heródes cum exércitu suo: et illúsit indútum veste alba, et remisit ad Pilátum. Et facti sunt amíci Heródes et Pilátus in ipsa die: nam ántea inimíci erant ad ínvicem. Pilátus autem convocáti príncípibus sacerdotum, et magistrátibus, et plebe, dixit ad illos: **S.** Obtulistis mihi hunc hóminem, quasi averténtem pópulum, et ecce ego coram vobis intérogans, nullam causam invéni in hómine isto ex his, in quibus eum accusátis. Sed neque Heródes: nam remisí vos ad illum, et ecce nihil dignum morte actum est ei. Emendátum ergo illum dimíttam.

C. Necesse autem habébat dimítttere eis per diem festum, unum. Exclamávit autem simul univérsa turba, dicens: **S.** Tolle hunc, et dimíttite nobis Barábbam. **S.** Qui erat propter seditiónem quamdam factam in civitáte, et homicídium, missus in cárcerem. Iterum autem Pilátus locútus est ad eos, volens dimítttere Jesum. At illi succlamábant, dicentes: **S.** Crucifíge, crucifige eum. **C.** Ille autem tertio dixit ad illos: **S.** Quid enim mali fecit iste ? Nullam causam mortis invénio in eo: corrípiam ergo illum, et dimíttam. **C.** At illi instábant vóciibus magnis, postulántes ut crucifigerétur. Et invalescébant voces eórum. Et Pilátus adjudicávit fieri petitióem eórum. Dimísit autem illis eum, qui propter homicídium et seditiónem missus fúerat in cárcerem, quem petébant: Jesum vero trádidit voluntáti eórum.

Et cum dúcerent eum, apprehendérunt Simónem quemdam Cyrenénsem, veniéntem de villa: et imposuérunt illi crucem portáre post Jesum. Sequebátur autem illum multa turba pópuli, et mulierum, quae plangébant et lamentabántur eum. Convérsus autem ad illas Jesus dixit: + Fíliae Jerúsalem, nolite flere super me, sed super vos ípsas flete, et super filios vestros. Quóniam ecce veniént dies, in quibus dicent: Beátae stériles, et ventres, qui non genuérunt, et úbera, quae non lactavérunt. Tunc incipient dícere móntibus: Cádite super nos ; et cóllibus: Operite nos. Quia si in víridi ligno haec faciunt, in árido quid fiet ?

C. Ducebántur autem et álii duo nequam cum eo, ut interficeréntur. Et postquam venérunt in locum, qui vocátur Calváriae, ibi crucifixérunt eum: et latrónes, unum a dextris, et álterum a sinístris. Jesus autem dicébat: + Pater, dimíttite illis: non enim sciunt quid faciunt. **C.** Dividéntes vero vestiménta ejus, miserunt sortes. Et stábat pópulus spectans, et deridébant eum príncipes cum eis, dicentes: **S.** Alios salvos fecit: se salvum fáciat, si hic est Christus Dei eléctus. **C.** Illudébant autem ei et mílites accedéntes, et acétum offeréntes ei, et dicentes: **S.** Si tu es Rex Judaeórum, salvum te fac. **C.** Erat autem et superscriptio scripta super eum lítteris graecis, et latínis, et hebráicis: Hic est Rex Judaeórum. Unus autem de his, qui pendébant, latrónibus, blasphemábat eum, dicens: **S.** Si tu es Christus, salvum fac temetípsum, et nos. **C.** Respóndens autem alter increpábat eum, dicens: **S.** Neque tu times Deum, quod in eádem damnatióne es. Et n os quidem juste, nam digna factis recípiamus: hic vero nihil mali gessit. **C.** Et dicébat ad Jesum: **S.** Dómine, meménto mei, cum véneris in regnum tuum. **C.** Et dixit illi Jesus: + Amen dico tibi: Hódie mecum eris in paradíso.

C. Erat autem fere hora sexta, et ténebrae factae sunt in univérsam terram usque in horam nonam. Et obscurátus est sol: et velum templi scissum est médium. Et clamans voce magna Jesus, ait: + Pater, in manus tuas comméndo spíritum meum. **C.** Et haec dicens, expirávit. **Hic genuflectitur, et pausatur aliquantulum.**

Videns autem centúrio quod factum fúerat, glorificávit Deum, dicens: **S.** Vere hic homo justus erat. **C.** Et omnis turba eórum, qui simul áderant ad spectáculum istud, et vidébant quae fiébant, percutiéntes pectora sua revertébantur. Stabant autem omnes noti ejus a longe, et mulieres, quae secútae eum erant a Galilaéa, haec vidéntes.

Et ecce vir nómine Joseph, qui erat decúrio, vir bonus et justus: hic non consénserat consílio et áctibus eórum, ab Arimathaéa civitáte Judaéae, qui exspectábat et ipse regnum Dei. Hic accéssit ad Pilátum, et pétiit corpus Jesu: et depósitum involvit síndone, et pósuit eum in monuménto excíso, in quo nondum quisquam pósitus fúerat.

10. **Antiphona ad offertorium Ps. 101, 2-3** Dómine, exáudi oratióem meam, et clamor meus ad te pervéniat: ne avértas fáciem tuam a me.

11. **Secreta**

SÚSCIPE, quaesumus, Dómine, munus oblátum, et dignánte operáre: ut, quod passiónis Fílii tui Dómini nostri mystério gérimus, piis afféctibus consequámur. Per eúmdem Dóminum.

12. **Praefatio de sancta Cruce.**

13. **Antiphona ad communionem Ps. 101, 10, 13 et 14** Potum meum cum fletu temperábam: quia élevans allisísti me: et ego sicut fenum áruí: tu autem, Dómine, in aetérnum pérmanes: tu exsúrgens miseréberis Sion, quia venit tempus miseréndi ejus.

14. Orémus. **Postcommunio**

LARGÍRE sénsibus nostris, omnípotens Deus: ut, per temporálem Fílii tui mortem, quam mystéria veneránda testántur, vitam te nobis dedísse perpétuam confidámus. Per eúmdem Dóminum.

15. **Super populum:** Orémus. Humiliáte cápita vestra Deo.

Oratio

RÉSPICE, quaesumus, Dómine, super hanc famíliam tuam, pro qua Dóminus noster Jesus Christus non dubitávit mánibus tradi nocéntium, et crucis subíre torméntum: Qui tecum vivit.

FERIA QUINTA IN CENA DOMINI

Duplex I classis

DE OFFICIO DIVINO

1. Si officium peragatur *in choro, vel in communi:*

MATUTINUM et LAUDES non anticipantur de sero, sed dicuntur mane, hora competenti ; in ecclesiis vero, in quibus Missa chrismatis celebratur, Matutinum et Laudes anticipari possunt de sero ;

HORAE MINORES dicuntur hora competenti ;

VESPERAE ab iis qui Missae vespertinae interfuerunt, hodie non dicuntur ;

COMPLETORIUM dicitur post denudationem altarium.

2. Horae supra dictae dicuntur ut in Breviario Romano, praeter sequentia:

In Laudibus, horis minoribus et Vesperis (in privata tantum recitatione) , post antiphonam Christus factus est, dicitur Pater noster, totum sub silentio ; postea, omisso psalmo 50 Miserere, statim subjungitur oratio Réspice, quaesumus, Dómine ; sed Qui tecum dicitur sub silentio ;

Ad Completorium, absoluto cantico Simeonis Nunc dimittis, dicitur antiphona Christus factus est, deinde Pater noster, totum sub silentio ; postea, omisso psalmo 50 Miserere, statim subjungitur oratio Vísitá, quaesumus, Dómine ; sed Per Dóminum dicitur sub silentio, et omnes discedunt.

3. *In privata recitatione* omnes horae dicuntur congruo tempore, ut in Breviario Romano, praeter ea quae supra (nn. 1-2) notantur.

DE MISSA CHRISMATIS

IN QUA BENEDICITUR OLEUM CATECHUMENORUM ET INFIRMORUM, ET CONFICITUR SACRUM CHRISMA

1. Benedictio olei catechumenorum et infirmorum, et confectio sacri chrismatis peraguntur secundum ordinem in Pontificali Romano descriptum, iis exceptis, quae inferius notantur.

2. Hae autem benedictio et confectio fiunt intra Missam chrismatis, quae celebranda est post Tertiam.

3. **Antiphona ad introitum**

Ex. 30, 25, 31

FÁCIES unctiónis óleum, et filiis Israël dices: Hoc óleum unctiónis sanctum erit mihi in generatiónes vestras. **Ps. 88, 2** Misericórdias Dómini in aetérnum cantábo: in generatióne et generatióne annuntiábo veritátem tuam in ore meo. Fácies unctiónis.

4. **Decantatis antiphona ad introitum ac Kýrie**, eléison, ut moris est, pontifex statim incipit in tono solemní Glória in excélsis.

5. Orémus. **Oratio**

DÓMINE, Deus, qui in regenerándis plébibus tuis ministério úteris sacerdotum ; tríbue nobis perseverántem in tua voluntáte famulátum ; ut dono grátiae tuae, in diébus nostris, et méritis et número sacrátus tibi pópulus augeátur. Per Dóminum.

Et dicitur haec tantum oratio.

6. Lécio Epístolae beáti Jacóbi Apóstoli.

5, 13-16

FRATRES: Tristátur áliquis vestrum ? Oret. AEquo ánimo est ? Psallat. Infirmátur quis in vobis ? Indúcat presbýteros ecclésiae, et orent super eum, ungentes eum óleo in nómine Dómini ; et orátio fidei salvábit infirmum, et alleviábit eum Dóminus ; et si in peccátis sit, remitténtur ei. Confitémini ergo altérutrum peccáta vestra, et oráte pro ínvicem ut salvémini ; multum enim valet deprecátio justí assídua.

7. **Graduale Ps. 27, 7-8** In Deo sperávit cor meum, et adjútus sum. Et reflóruit caro mea: et ex voluntáte mea confitébor ei. **V/.** Dóminus fortitúdo plebis suae: et protéctor salvatiónum Christi sui est.

8. + Sequéntia sancti Evangélii secúndum Marcum.

6, 7-13

IN illo témpore: Vocávit Jesus duódecim, et coepit eos míttre binos, et dabat illis potestátem spirítuum immundórum. Et praecépit eis, ne quid tóllerent in via, nisi virgam tantum ; non peram, non panem, neque in zona aes, sed calceátos sandáliis, et ne indueréntur duábus túnícis. Et dicébat eis: « Quocúmque introiéritis in domum, illic manéte, donec exeátis inde ; et quicúmque non recéperint vos, nec audierint vos, exeúntes inde, excútite púlverem de pédibus vestris, in testimónium illis ». Et exeúntes praedicábant ut paeniténtiam ágerent ; et daemónia multa ejiciébant, et ungebant óleo multos aegros, et sanábant.

Et non dicitur Credo.

9. **Antiphona ad offertorium Ps. 44, 7** Dilexisti justítiam, et odísti iniquitátem: proptérea unxit te Deus, Deus tuus, óleo laetitiae.

10. **Secreta**

HUJUS sacrificii poténtia, Dómine, quaesumus, et vetustátem nostram cleménter abstérget, et novitátem nobis áugeat et salútem. Per Dóminum nostrum.

11. PRAEFATIO

PER ómnia saécula saeculórum. **R/.** Amen. **V/.** Dóminus vobíscum. **R/.** Et cum spirítu tuo. **V/.** Sursum corda. **R/.** Habémus ad Dóminum. **V/.** Grátias agámus Dómino Deo nostro. **R/.** Dignum et justum est.

VERE dignum et justum est, aequum et salutáre, cleméntiam tuam supplíciter obsecráre, ut spirituális lavácri baptísimo renovándis creatúram chrísmatis in sacraméntum perféctae salútis vitaéque confírmes ; ut sanctificatióne unctiόνis infúsa, corruptiόne primae nativitátis absórpta, sanctum uniuscujúsque templum acceptábili vitae innocéntiae odóre redoléscat ; ut secúndum constitutiónis tuae sacraméntum, régio et sacerdotáli propheticoque honóre perfúsi, vestiménto incorrúpti múnis induántur: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Caeli, caelórúmque Virtútes, ac beáta Séraphim, sócia exsultatióne concélebrant. Cum quibus et nostras voces ut admítte júbeas, deprecámur, súplici confessiόne dicéntes:

SANCTUS, sanctus, sanctus Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

12. Communicántes, **et quae sequuntur usque ad consecrationem, dicuntur ut in Canone Missae, nihil addendo vel immutando.**

13. **In benedictione chrísmatis, quae in Pontificali Romano invenitur, versus finem praefationis quae super chrisma benedicendum cantatur, omittantur verba: ut spirituális lavácri baptísmatis usque ad vestiménto incorrúpti múnis induántur, quae olim praefationem propriam Missae chrísmatis constituerant, et quae in hoc instaurato ritu iterum locum suum obtinuerunt.**

14. **In hac Missa sacram communionem distribuere non licet.**

15. **Post communionem, pontifex, etiam si Missam solemnem vespertinam litaturus sit, se ipsum et calicem purificat more solito.**

16. **Antiphona ad communionem Marc. 6, 12-13** Praedicábant Apóstoli ut paeniténtiam ágerent, et ungebant óleo multos aegros, et sanábant.

17. Orémus. **Postcommunio**

PRAESTA, quaésumus, Dómine: ut, sicut de praetéritis ad nova transímus; ita, vetustáte depósita, sanctificátis méntibus innovémur. Per Dóminum.

18. **In fine Missae, dicto Pláceat tibi, sancta Trínitas, datur benedictio more solito, et, omisso ultimo evangelio sancti Joannis, dicuntur in choro Sexta et Nona.**

19. **Locorum Ordinarii, qui Missam chrismatis mane celebraverint, possunt vespere Missam quoque solemnem in Cena Domini litare.**

DE MISSA SOLEMNI VESPERTINA

IN CENA DOMINI

Statio ad S. Joannem in Laterano

* **Missa solemnis in Cena Domini celebranda est vespere, hora magis opportuna, non autem ante horam quintam post meridiem, nec post horam octavam.**

Privata Missae in Cena Domini celebratio interdicitur. Ubi vero ratio pastoralis id postulet, loci Ordinarius unam alteramve Missam lectam in singulis ecclesiis vel oratoriis publicis permittere poterit; in oratoriis autem semipublicis unam tantum Missam lectam; ea quidem de causa, ut omnes fideles hoc sacro die Missae sacrificio interesse et Corpus Christi sumere possint. Hae autem Missae inter easdem diei horas permittuntur, quae pro Missa solemni assignatae sunt, ut supra notatur.

Hoc die sacra communio fidelibus distribui potest tantummodo inter Missas vespertinas, vel continuo ac statim ab iis expletis; exceptis iis, qui in periculo mortis sunt constituti.

1. **Tabernaculum, si quod exstat in altari majore, omnino vacuum sit; pro communicando vero clero et populo hodie et crastino die, ponatur super altare pyxis (vel pyxides) cum particulis in hac ipsa Missa consecrandis.**

2. **Ubi deest copia clericorum et sacerdotum, Missa celebratur secundum consuetum ritum Missae in cantu; et permittitur incensatio altaris, ut in Missa solemni.**

3. **Ubi vero clerici adsint, maxime convenit, ut, in forma assistentiae choralis, Missae solemni vespertinae intersint.**

4. **Itaque, unusquisque suis choralibus vestimentis induitur: sacerdotes insuper accipiunt stolam; celebrans et ministri induunt vestes sacras albi coloris, ut in Missa moris est.**

5. **Omnibus sic paratis, incipit processio per ecclesiam ad altare, et interim cantatur a schola antiphona ad introitum.**

Antiphona ad introitum

Gal. 6, 14

NOS autem gloriári opórtet in cruce Dómini nostri Jesu Christi: in quo est salus, vita et resurrectio nostra: per quem salváti et liberáti sumus. Ps. 66, 2 Deus misereátur nostri, et benedícat nobis: illúminet vultum suum super nos, et misereátur nostri. Nos autem.

6. **Celebrans, postquam cum ministris, seu ministrantibus, ad altare pervenerit, facta confessione, ascendens, osculatur illud in medio, et incensat more solito, etiam quando solus in cantu celebrat.**

7. **Altaris incensatione peracta, celebrans lecto introitu et Kýrie, eléison recitato, incipit solemniter Glória in excélsis, et pulsantur campanae et organum, quae, expleto hymno, silent usque ad vigiliam paschalem.**

8. Orémus. **Oratio**

DEUS, a quo et Judas reátus sui poenam, et confessiónis suae latro praémium sumpsit, concéde nobis tuae propitiatiónis efféctum: ut, sicut in passióne sua Jesus Christus, Dóminus noster, diversa utrisque íntulit stipéndia meritórum; ita nobis, abláto vetustátis erróre, resurrectiόνis suae grátiam largiátur: Qui tecum vivit.

Et dicitur haec tantum oratio.

9. **Léctio Epístolae beáti Pauli Apóstoli ad Corínthios.**

1 Cor. 11, 20-32

FRATRES: Conveniéntibus vobis in unum, jam non est domínica cenam manducáre. Unusquisque enim suam cenam praesúmit ad manducándum. Et álius quidem ésurit, álius autem ébrius est. Numquid domos non habéti ad manducándum et bibéndum? Aut ecclésiám Dei contémnitis, et confúnditis eos, qui non

habent ? Quid dicam vobis ? Laudo vos ? In hoc non laudo. Ego enim accépi a Dómino, quod et trádidi vobis, quóniam Dóminus Jesus, in qua nocte tradebátur, accépit panem, et grátias agens fregit, et dixit: « Accípíte, et manducáte: hoc est corpus meum, quod pro vobis tradétur: hoc fácite in meam commemoratióem ». Simíliter et cálicem, postquam cenávit, dicens: « Hic calix novum testaméntum est in meo sángine: hoc fácite, quotiescúmque bibétis, in meam commemoratióem ». Quotiescúmque enim manducábítis panem hunc, et cálicem bibétis: mortem Dómini annuntiábítis, donec véniat. Itaque quicúmque manducáverit panem hunc vel bíberit cálicem Dómini indígne, reus erit córporis et sánguinis Dómini. Probet autem seípsum homo: et sic de pane illo edat et de cálice bibat. Qui enim mandúcat et bibit indígne, júdicium sibi mandúcat et bibit, non dijúdicans corpus Dómini. Ideo inter vos multi infirmi et imbecílles, et dórmiunt multi. Quod si nosmetípsos dijúdicarémus, non útique judicarémur. Dum judicámur autem, a Dómino corripimur, ut non cum hoc mundo damnémur.

10. **Graduale Phil. 2, 8-9** Christus factus est pro nobis obédiens usque ad mortem, mortem autem crucis. **V.** Propter quod et Deus exaltávit illum: et dedit illi nomen, quod est super omne nomen.

11. Munda cor meum, Jube, domne (Dómine), et Dóminus sit in córde tuo, (meo), **dicuntur more solito.**

8. + Sequéntia sancti Evangélii secúndum Joánnem.

13, 1-15

ANTE diem festum Paschae, sciens Jesus quia venit hora ejus, ut tránseat ex hoc mundo ad Patrem, cum dilexisset suos, qui erant in mundo, in finem diléxit eos. Et cena facta, cum diábolus jam misisset in cor, ut tráderet eum Judas Simónis Iscariótae, sciens quia ómnia dedit ei Pater in manus, et quia a Deo exívit, et ad Deum vadit, surgit a cena, et ponit vestiménta sua, et cum accepisset línteum, praecínxit se. Deínde mittit aquam in pelvim, et coepit laváre pedes discipulórum, et extérgere línteo, quo erat praecínctus. Venit ergo ad Simónem Petrum. Et dicit ei Petrus: « Dómine, tu mihi lavas pedes ? » Respóndit Jesus et dixit ei: « Quod ego fácio, tu nescis modo, scies autem póstea ». Dicit ei Petrus: « Non lavábis mihi pedes in aetérnum ». Respóndit ei Jesus: « Si non lávero te, non habébis partem mecum ». Dicit ei Simon Petrus: « Dómine, non tantum pedes meos, sed et manus, et caput ». Dicit ei Jesus: « Qui lotus est, non índiget nisi ut pedes lavet, sed est mundus totus. Et vos mundi estis, sed non omnes ». Sciébat enim quisnam esset qui tráderet eum ; proptérea dixit: Non estis mundi omnes. Postquam ergo lavit pedes eórum, et accépit vestiménta sua, cum recubuisset íterum, dixit eis: « Scitis quid fécerim vobis ? Vos vocátis me Magíster et Dómine, et bene dicitis ; sum étenim. Si ergo ego lavi pedes vestros, Dóminus et Magíster: et vos debétis alter alteríus laváre pedes. Exémplum enim dedi vobis, ut, quemádmódum ego feci vobis, ita et vos faciátis ».

13. **Valde convenit ut post evangelium habeatur brevis HOMILIA ad illustranda mysteria potissima, quae hac Missa recoluntur, institutio scilicet sacrae Eucharistiae et ordinis sacerdotalis, necnon et mandatum Domini de caritate fraterna.**

14. Credo **hodie non dicitur.**

DE LOTIONE PEDUM

15. **Post homiliam proceditur, ubi ratio pastoralis id suadeat, ad lotionem pedum.**

16. **In medio presbyterii, vel in ipsa aula ecclesiae, parata sint sedilia hinc inde pro duodecim viris, quorum lavabuntur pedes ; cetera quae occurrunt, tempore opportuno, in mensula parentur.**

17. **Interim diaconus et subdiaconus, seu duo majores ex ministrantibus, inducunt duodecim viros selectos, binos et binos, ad locum paratum, dum schola vel ipse clerus assistens incipit, cantando vel recitando, antiphonas, psalmos et versus infrascriptos.**

Duodecim autem viri selecti, facta reverentia altari ac celebranti, in presbyterio sedenti, disponuntur per sedilia ; tunc ministri sacri, seu ministrantes, adibunt celebrantem. Omnes deponunt manipulum, celebrans vero etiam planetam.

Lotione pedum ad finem vergente, incipitur antiphona 8a cum suis versibus, ceteris, si opus sit, omissis.

18. **Antiphonae vero, psalmi et versus cantandi vel recitandi, sunt:**

1

Antiphona Joann. 13, 34 « Mandátum novum do vobis: ut diligátis ívicem, sicut diléxi vos » , dicit Dóminus. Ps. 118, 1 Beáti immaculáti in via: qui ámbulant in lege Dómini. Et repetitur immediate antiphona « Mandátum novum ». Et sic aliae antiphonae, quae habent psalmos vel versus, repetuntur. Et de quolibet psalmo dicitur tantum primus versus.

2

Antiphona Joann. 13, 4, 5 et 15 Postquam surrexit Dóminus a cena, misit aquam in pelvim, et coepit laváre pedes discipulórum: hoc exémplum relíquit eis. Ps. 47, 2 Magnus Dóminus, et laudábilis nimis: in civitáte

Dei nostri, in monte sancto ejus. Postquam surrexit Dóminus.

3

Antiphona Joann. 13, 12, 13 et 15 Dóminus Jesus, postquam cenávit cum discíplis suis, lavit pedes eórum, et ait illis: « Scitis quid fécerim vobis ego, Dóminus et Magíster ? Exémplum dedi vobis, ut et vos ita faciátis ». **Ps. 84, 2** Benedixísti, Dómine, terram tuam: avertísti captivitátem Jacob. **Dóminus Jesus.**

4

Antiphona Joann. 13, 6-7 et 8 « Dómine, tu mihi lavas pedes ? » Respóndit Jesus, et dixit ei: « Si non lávero tibi pedes, non habébis partem mecum » **Vl.** Venit ergo ad Simónem Petrum, et dixit ei Petrus. **Et repetitur antiphona** « Dómine, tu mihi lavas pedes ? » Respóndit Jesus, et dixit ei: « Si non lávero tibi pedes, non habébis partem mecum » **Vl.** « Quod ego fácio, tu nescis modo: scies autem póstea ». **Tertio repetitur antiphona** « Dómine, tu mihi lavas pedes ? » Respóndit Jesus, et dixit ei: « Si non lávero tibi pedes, non habébis partem mecum ».

5

Antiphona Joann. 13, 14 « Si ego, Dóminus et Magíster vester, lavi vobis pedes: quanto magis debétis alter altérius laváre pedes ? » **Ps. 48, 2** Audíte haec, omnes gentes: áuribus percípíte, qui habitátis orbem. « **Si ego, Dóminus** ».

6

Antiphona Joann. 13, 35 « In hoc cognóscet omnes, quia discípuli mei estis, si dilectiónem habuérítis ad invicem ». **Vl.** Dixit Jesus discíplis suis. « **In hoc cognóscet** ».

7

Antiphona 1 Cor. 13, 13 Máneant in vobis fides, spes, cáritas, tria haec: major autem horum est cáritas. **Vl.** Nunc autem manent fides, spes, cáritas, tria haec: major horum est cáritas. **Máneant in vobis.**

8

Sequens antiphona cum suis versibus numquam omittitur ; incipitur autem, omissis, si opus sit, praecedentibus, lotionem pedum ad finem vergente.

Antiphona Ubi cáritas et amor, Deus ibi est. **Vl.** Congregávit nos in unum Christi amor. **Vl.** Exsultémus et in ipso jucundémur. **Vl.** Timeámus et amémus Deum vivum. **Vl.** Et ex corde diligámus nos sincéro.

Et repetitur antiphona Ubi cáritas et amor, Deus ibi est. **Vl.** Simul ergo cum in unum congregámur: **Vl.** Ne nos mente dividámur, caveámus. **Vl.** Cessent júrgia málgna, cessent lites. **Vl.** Et in médio nostri sit Christus Deus.

Et repetitur antiphona Ubi cáritas et amor, Deus ibi est. **Vl.** Simul quoque cum beátis videámus **Vl.** Gloriánter vultum tuum, Christe Deus: **Vl.** Gáudium, quod est imménsus atque probum, **Vl.** Saécula per infinita saeculórum. Amen.

19. Interim celebrans procedit ad lotionem pedum, hoc modo: praecingit se linteo, et per ordinem dispositis iis, qui lavandi sunt, acolythis pelvim et aquam ministrantibus, subdiacono singulorum pedem dextrum tenente, genuflectens singulis, illorum pedem lavat et extergit, diacono praebente linteum ad abstergendum.

19a. *Officia quae in ritu solemniori a diacono et subdiacono adimplentur, a ministrantibus peraguntur.*

20. Post lotionem celebrans lavat et abstergit manus, nihil dicens. Deinde omnes resumunt manipulum, celebrans vero etiam planetam, et redeunt ante medium altaris, ubi celebrans dicit:

Pater noster **secreto.** **Vl.** Et ne nos indúcas in tentatiónem. **Rl.** Sed líbera nos a malo. **Vl.** Tu mandásti mandáta tua, Dómine. **Rl.** Custodíri nimis. **Vl.** Tu lavásti pedes discipulórum tuórum. **Rl.** Opera mánuum tuárum ne despicias. **Vl.** Dómine, exáudi oratiónem meam. **Rl.** Et clamor meus ad te véniat. **Vl.** Dóminus vobíscum. **Rl.** Et cum spíritu tuo.

Orémus. **Oratio**

ADÉSTO, Dómine, quaésumus, offício servitútis nostrae: et quia tu discíplis tuis pedes laváre dignátus es, ne despicias ópera mánuum tuárum, quae nobis retinéndam mandásti: ut, sicut hic nobis et a nobis exterióra abluúntur inquinaménta ; sic a te ómniú nostrum interióra lavéntur peccáta. Quod ipse praestáre dignéris, qui vivis et regnas Deus: per ómnia saécula saeculórum. **Rl.** Amen.

Oratione completa, duodecim viri, facta reverentia altari et celebranti, reducuntur ad loca sua, si sint clerici in presbyterium, si sint laici in peculiarem locum ad hoc designatum.

21. Ubi vero contingat lotionem pedum **extra Missarum solemniora peragi, observetur ordo supra descriptus, praemisso, cum solitis caeremoniis, cantu evangelii Missae Ante diem festum Paschae, ut supra n. 12.**

22. Post pedum lotionem, seu, ubi haec locum non habuerit, post homiliam, proceditur in celebratione Missae, more solito.

23. **Antiphona ad offertorium Ps. 117, 16 et 17** D xtera D mini fecit virtutem, d xtera D mini exaltavit me: non m riar, sed vivam, et narrabo  pera D mini.

24. **Secreta**

IPSE tibi, quaesumus, D mine, sancte Pater, omnipotens aet rne Deus, sacrificium nostrum reddat acceptum, qui discipulis suis in sui commemorati nem hoc fieri hodierna traditi ne monstravit, Jesus Christus, Filius tuus, D minus noster: Qui tecum vivit.

25. **Praefatio, Sanctus et Benedictus dicuntur more consueto. Dicitur autem Praefatio de sancta Cruce.**

26. **Infra Actionem**

COMMUNICANTES, et diem sacratissimum celebrantes, quo D minus noster Jesus Christus pro nobis est traditus: sed et memoriam venerantes, in primis gloriosae semper Virginitatis Mariae, Genitricis ejusdem Dei et D mini nostri Jesu Christi: sed et beatorum Apostolorum ac Martyrum tuorum, Petri et Pauli, Andree, Jacobi, Joannis, Thomae, Jacobi, Philippi, Bartholomaei, Matthaei, Simonis et Thaddaei: Lini, Cleti, Clementis, Xysti, Corneli, Cypriani, Laurentii, Chrysogoni, Joannis et Pauli, Cosmae et Damiani: et omnium Sanctorum tuorum; quorum meritis precibusque concedeas, ut in omnibus protectionis tuae muniamur auxilio. **Jungit manus.** Per eundem Christum D minum nostrum. Amen.

Tenens manus expansas super oblata, dicit:

HANC igitur oblationem servitutis nostrae, sed et cunctae familiae tuae, quam tibi offerimus ob diem, in qua D minus noster Jesus Christus tradidit discipulis suis Corporis et Sanguinis sui mysteria celebranda: quaesumus, D mine, ut placatus accipias: diesque nostros in tua pace disponas, atque ab aeterna damnatione nos eripi, et in electorum tuorum iubeas grege numerari. **Jungit manus.** Per eundem Christum D minum nostrum. Amen.

QUAM oblationem tu, Deus, in omnibus, quaesumus, **signat ter super oblata**, bene+dictam, adscrip+tam, ra+tam, rationabilem, acceptabilemque facere digneris: **signat semel super hostiam**, ut nobis Cor+pus, **et semel super calicem**, et San+guis fiat dilectissimi Filii tui **jungit manus** D mini nostri Jesu Christi.

25. **Incensatio Sacramenti, ut in Missa solemniori moris est, hodie fit etiam si Missa absque ministris sacris celebratur; tunc autem ab acolythis, seu ministrantibus, peragitur.**

QUI pridie, quam pro nostra omniumque salute pateretur, hoc est, hodie, **accipit hostiam**, accipit panem in sanctas ac venerabiles manus suas, **elevat oculos ad caelum**, et elevatis oculis in caelum ad te Deum, Patrem suum omnipotentem, **caput inclinat**, tibi gratias agens, **signat super hostiam**, bene+dixit, fregit, deditque discipulis suis, dicens: Accipite, et manducate ex hoc omnes.

Tenens ambabus manibus hostiam inter indices et pollices, profert verba consecrationis secrete, distincte et attente super hostiam, et simul super omnes, si plures sint consecrandae.

Hoc est enim Corpus meum.

Quibus verbis prolatis, statim hostiam consecratam genuflexus adorat: surgit, ostendit populo, reponit super corporale, et genuflexus iterum adorat: nec amplius pollices et indices disjungit, nisi quando hostia tractanda est, usque ad ablutionem digitorum. Tunc, detecto calice, dicit:

SIMILI modo, postquam cenatum est, **ambabus manibus accipit calicem**, accipiens et hunc praeclearum Calicem in sanctas ac venerabiles manus suas: item **caput inclinat**, tibi gratias agens, **sinistra tenens calicem, dextera signat super eum**, bene+dixit, deditque discipulis suis, dicens: Accipite, et bibite ex eo omnes.

Profert verba consecrationis super calicem, attente, continue, et secrete, tenens illum parum elevatum.

Hic est enim Calix Sanguinis mei,
novi et aeterni testamenti:
mysterium fidei:
qui pro vobis et pro multis
effundetur
in remissionem peccatorum.

Quibus verbis prolatis, deponit calicem super corporale, et dicens secrete:

Haec quotiescúmque fecéritis, in mei memóriam faciétis.

Genuflexus adorat: surgit, ostendit populo, deponit, cooperit, et genuflexus iterum adorat.

Reliqua ut in Canone Missae, ut infra, praeter sequentia:

28. Ad triplex Agnus Dei, ter respondetur miserére nobis, ut infra:

AGNUS Dei, qui tollis peccáta mundi: miserére nobis. Agnus Dei, qui tollis peccáta mundi: miserére nobis. Agnus Dei, qui tollis peccáta mundi: miserére nobis.

Osculum pacis hodie non datur, et omittitur oratio Dómine Jesu Christe, qui dixísti.

29. Sumpto sacratissimo Sanguine, celebrans, omissis confessione et absolute, procedit ad distributionem communionis, more solito.

Praecedunt ministri sacri ; post eos ceteri clerici per ordinem, deinde ministrantes.

Hi omnes accedunt ante altare, bini et bini, aut quaterni et quaterni, et, facta genuflexione, gradus ascendunt, genibusque flexis reverenter accipiunt Corpus Domini ; postea eodem ordine recedunt. Fideles vero accipiunt Sacramentum ad cancellos.

Si vero multitudo fidelium ad sacram mensam accedentium magna sit, alii quoque sacerdotes, vel una cum celebrante ad cancellos, vel alio loco apto, communionem distribuere possunt, cauto tamen ut bono ordini ac devotioni fidelium sedulo provideatur.

Si episcopus sacram communionem distribuerit, fideles anulum ejusdem ante communionem non osculantur.

30. Antiphona ad communionem cantari potest a schola, dum celebrans sacras particulas distribuit.

31. Antiphona ad communionem Joann. 13, 12, 13 et 15 Dóminus Jesus, postquam cenávit cum discípulis suis, lavit pedes eórum, et ait illis: « Scitis quid fécerim vobis ego, Dóminus et Magíster ? Exémplum dedi vobis, ut et vos ita faciátis ».

Juxta numerum communicantium addi possunt sequentes psalmi: Psalmus 22 Dóminus regit me, et nihil mihi déerit. Et repetitur antiphona Dóminus Jesus. Psalmus 71 Deus, júdicium tuum regi da. Et repetitur antiphona Dóminus Jesus. Psalmus 103 Bénedic, ánima mea, Dómino. Et repetitur antiphona Dóminus Jesus. Psalmus 150 Laudáte Dóminum in sanctis ejus. Et clauditur cum eadem antiphona Dóminus Jesus.

32. Communione fidelium peracta, pyxis vel pyxides deponuntur super corporale. Celebrans procedit ad ablutionem calicis et digitorum, recitans solitas orationes.

33. Omnibus sic absolutis, Missa prosequitur more solito ; sed celebrans genuflectit, quandocumque accedit, vel recedit a medio altaris, vel transit ante Sacramentum: et cum dicit Dóminus vobíscum, non vertit se ad populum in medio altaris, ne terga vertat Sacramento, sed a latere evangelii.

34. Orémus. Postcommunio

REFÉCTI vitálibus aliméntis, quaésumus, Dómine Deus noster: ut, quod témpore nostrae mortalitátis exséquimur, immortalitátis tuae múnere consequámur. Per Dóminum.

35. Loco Ite, missa est, hodie cantatur Benedicámus Dómino, et dicitur Pláceat tibi, sancta Trinitas, more solito.

36. Benedictio et ultimum evangelium sancti Joannis hodie omittuntur ; celebrans autem et ministri sacri deponunt manipulum, celebrans vero etiam planetam, et accipit pluviale albi coloris.

37. In Missis lectis, quae ab Ordinario loci celebrari permittuntur, Missa terminatur more solito.

DE SOLEMNI TRANSLATIONE

AC REPOSITIONE SACRAMENTI

ET DE ALTARIUM DENUDATIONE

1. Missa expleta, statim proceditur ad solemnem translationem et repositionem Sacramenti, quod ad communionem sequenti die faciendam in pyxide asservatur.

2. Pro solemni Sacramenti repositione paretur locus aptus in aliquo sacello vel altari ecclesiae, ac decenter, quoad fieri potest, ornetur velis et luminaribus ; atque, servatis Sacrae Rituum Congregationis decretis de vitandis vel tollendis abusibus in hoc loco parando, plane commendatur severitas, quae liturgiae horum dierum convenit.

3. In translatione et repositione vero Sacramenti proceditur hoc modo:

Accenduntur intorticia, et fit processio more solito.

Si haberi potest, alius subdiaconus paratus ferat crucem ; secus unus ex clericis vel ministrantibus.

Celebrans, stans ante altare, imponit incensum in duobus thuribulis, absque benedictione. Deinde, in medio genuflexus, ter incensat Sacramentum.

Tunc assumit velum humerale albi coloris, et ascendens altare in medio, facta genuflexione, stans, accipit pyxidem, quam diaconus ei porrigit, et extremitatibus, veli cooperit.

Deinde, de altari descendens, procedit sub baldachino, duobus acolythis, *vel ministrantibus*, Sacramentum continue incensantibus, usque ad locum paratum. Ministri sacri, *vel ministrantes*, comitantur celebrantem, a dextris et a sinistris procedentes.

Dum fit processio, cantatur hymnus Pange, lingua, gloriósi Córporis mystérium, usque ad verba Tantum ergo ; si vero opus sit, idem hymnus repetitur.

Hymnus

PANGE, lingua, gloriósi Córporis mystérium, Sanguínisque pretiósi Quem in mundi prétium Fructus ventris generósi Rex effúdit géntium.

Nobis datus, nobis natus Ex intácta Vírgine, Et in mundo conversátus, Sparso verbi sémine, Sui mor as incolátus, Miro clausit órđine.

In suprémæ nocte cenæ, Recúmbens cum frátribus, Observáta lege plene Cibis in legálibus, Cibum turbae duodénæ Se dat suis mánibus.

Verbum caro, panem verum Verbo carnem éfficit ; Fitque sanguis Christi merum ; Et si sensus déficit, Ad firmándum cor sincérum Sola fides súfficit.

Tantum ergo Sacraméntum Venerémur cérnui: Et antíquum documéntum Novo cedat rítui ; Praestet fides suppleméntum Sénsuum deféctui.

Genitóri, Genitóque Laus et jubilátio, Salus, honor, virtus quoque Sit et benedíctio: Procedénti ab utróque Compar sit laudátio. Amen.

4. Cum autem ventum fuerit ad locum paratum, celebrans, adjuvante, si opus sit, diacono, deponit pyxidem super altare, genuflectit, et incensat, thure iterum imposito ; interim canitur Tantum ergo.

Deinde diaconus, *vel ipse celebrans*, reponit pyxidem in tabernaculo seu capsula.

5. Postea, omnes, genibus flexis, per aliquod temporis spatium in silentio Sacramentum adorant. Signo dato, celebrans et ministri sacri, *et ministrantes*, surgunt, iterum, genibus flexis, adorant, et revertuntur in sacristiam, ubi celebrans et ministri sacri deponunt paramenta albi coloris ; deinde celebrans et diaconus assument stolam violaceam.

6. Si autem plures pyxides transferendae sint, idem celebrans (vel, si habe antur, alius sacerdos, aut diaconus, indutus superpelliceo, stola alba et velo humerali ejusdem coloris) , eas transferat ad locum destinatum, antequam incipiat altarium denudationem, forma quidem simplici, scilicet comitantibus duobus acolythis, *vel ministrantibus*, cum cereis accensis, alioque umbellam portante.

7. Deinde celebrans cum ministris, *seu ministrantibus*, exeunt ante altare majus ; facta eidem reverentia, stantes, incipiunt denudationem altarium, hoc modo:

Celebrans dicit clara voce sequentem antiphonam:

Psalmus 21, 19 Diviserunt sibi vestiménta mea: et super vestem meam miserunt sortem, addens initium ejusdem psalmi:

Deus, Deus meus, respice in me: quare me dereliquisti ?

Clerici, si adsunt, prosequuntur recitationem hujus psalmi, usque dum altarium denudatio peracta sit ; alioquin ipse celebrans psalmum prosequitur.

Longe a salute mea verba delictórum meórum.

Deus meus, clamábo per diem, et non exáudies: * et nocte, et non ad insipiéntiam mihi.

Tu autem in sancto hábitas, * laus Israél.

In te speravérunt patres nostri: * speravérunt, et liberásti eos.

Ad te clamavérunt, et salvi facti sunt: * in te speravérunt, et non sunt confúsi.

Ego autem sum vermis, et non homo: * oppróbrium hóminum, et abjéctio plebis.

Omnes vidéntes me, derisérunt me: * locúti sunt lábiis, et movérunt caput.

Sperávit in Dómino, erípiat eum: * salvum fáciat eum, quóniam vult eum.

Quóniam tu es, qui extraxísti me de ventre: * spes mea ab ubéribus matris meae.

In te proyéctus sum ex útero: * de ventre matris meae Deus meus es tu, * ne discésseris a me.

Quóniam tribulátio próxima est: * quóniam non est qui ádjuvet.

Circumdedérunt me vituli multi: * tauri pingues obsederunt me.

Aperuérunt super me os suum, * sicut leo rápiens et rúgiens.

Sicut aqua effúsus sum: et dispérsa sunt ómnia ossa mea.

Factum est cor meum tamquam cera liquéscens * in médio ventris mei.

Aruit tamquam testa virtus mea, * et lingua mea adhaésit fáucibus meis: * et in púlverem mortis deduxisti me.

Quóniam circumdedérunt me canes multi: * concílium malignántium obsédit me.

Foderunt manus meas et pedes meos: * dinumeravérunt ómnia ossa mea.

Ipsi vero consideravérunt et inspexérunt me: * diviserunt sibi vestiménta mea, * et super vestem meam miserunt sortem.

Tu autem, Dómine, ne elongáveris auxiliium tuum a me: * ad defensionem meam cónspice.
 Erue a frámea, Deus, ánimam meam: * et de manu canis únicam meam.
 Salva me ex ore leónis: * et a cónibus unicórnium humilitátem meam.
 Narrábo nomen tuum frátribus meis: * in medio ecclésiæ laudábo te.
 Qui timétis Dóminum, laudáte eum: * univérsum semen Jacob, glori ficáte eum.
 Tímeat eum omne semen Israë! : * quóniam non spre vit, neque despéxit deprecationem páuperis.
 Nec avértit faciem suam a me: * et cum clamárem ad eum, exaudivit me.
 Apud te laus mea in ecclési a magna: vota mea reddam in conspéctu timéntium eum.
 Edent páuperes, et saturabúntur: * et laudábunt Dóminum, qui requírun t eum: * vivent corda eórum in saéculum saéculi.
 Reminiscéntur et converténtur ad Dóminum * univér si fines terrae.
 Et adorábunt in conspéctu ejus * univér sae famíliæ géntium.
 Quóniam Dómini est regnum: * et ipse dominábitur géntium.
 Manducavérunt et adoravérunt omnes pingues terrae: * in conspéctu ejus cadent omnes qui descéndunt in terram.
 Et ánima mea illi vivet: * et semen meum sérviet ipsi.
 Annuntiábitur Dómino generátio ventúra: * et annuntiábunt caeli justítiam ejus pópulo qui nascétur, * quem fecit Dóminus.

Celebrans vero cum ministris sacris, vel ministrantibus, denudat omnia altaria ecclesiae, excepto illo in quo Sacramentum solemniter adoratur.

Altaribus denudatis, redeunt ad altare majus, et repetita a celebrante antiphona Diviserunt, revertuntur in sacristiam.

8. Mox in choro dicitur Completorium ut supra (FERIA QUINTA, DE OFFICIO DIVINO, rubr. 2.) notatur, candelis extinctis et absque cantu.

9. Ad locum autem repositionis sanctissimæ Eucharistiae fit publica adoratio, inde ab expleta Missa in Cena Domini instituenda, et protrahenda saltem usque ad mediam noctem.

FERIA SEXTA IN PASSIONE ET MORTE DOMINI

Duplex I classis

DE OFFICIO DIVINO

Omnia ut in Breviario Romano, servatis tamen iis, quae supra (DE OFFICIO DIVINO , rubr.) feria V in Cena Domini dicta sunt. Completorium vero dicitur post solemnem actionem liturgicam.

DE SOLEMNI ACTIONE LITURGICA

POSTMERIDIANA

IN PASSIONE ET MORTE DOMINI

Statio ad S. Crucem in Jerusalem

* Solemnis actio liturgica celebranda est horis postmeridianis, et quidem circa horam tertiam ; si vero ratio pastoralis id suadeat, licet tardio rem seligere horam, non autem ultra horam sextam. Privata actionis liturgicae celebratio interdicitur.

Hoc die sacra communio fidelibus distribui potest unice inter solemnem actionem liturgicam postmeridianam, exceptis iis, qui in periculo mortis sunt constituti.

1. Altare omnino nudum sit: sine cruce, sine candelabris, sine tobaleis.
2. Solemnis actio liturgica postmeridiana hujus feriae, ubi deest copia clericorum et sacerdotum, peragitur a celebrante cum assistentia ministrantium, ut suis locis notabitur ; ubi vero clerici adsint, maxime convenit, ut in choro actioni liturgicae assistant.
3. Itaque, unusquisque suis choralibus vestimentis induitur ; celebrans et diaconus, amictu, alba et cingulo induti, sumunt stolam nigram ; subdiaconus accipit amictum, albam et cingulum.

DE PRIMA PARTE ACTIONIS LITURGICAE SEU DE LECTI ONIBUS

4. Omnibus sic paratis, incipit processio per ecclesiam ad altare, sub silentio.
5. Clerici, ministri, seu ministrantes, et celebrans, cum ad altare pervenerint, eidem altari reverentiam faciunt ; deinde, celebrans et ministri sacri, non vero ministrantes, in faciem procumbunt, reliqui vero adeunt scamna in choro, ibique manent, genibus flexis et profunde inclinati: omnesque in silentio aliquamdiu orant.

6. Signo dato, omnes se erigunt, sed genuflexi manent ; solus celebrans, stans ante gradus altaris, dicit, manibus junctis et in tono feriali, sequentem orationem:

Oratio

DEUS, qui peccáti véteris hereditárium mortem, in qua posseritátis genus omne succésserat, Christi tui, Dómini nostri, passióne solvísti: da, ut, confórmes eídem facti ; sicut imáginem terrénae natúrae necessitáte portávimus, ita imáginem caeléstis grátiae sanctificatióne portémus. Per eúmdem Christum Dóminum nostrum.

Omnes respondent: Amen.

7. Oratione completa, celebrans et ministri, seu ministrantes, ad sedilia pergunt. Interim ponitur legile nudum in medio presbyterii, et lector incipit primam lectionem, omnibus sedentibus et auscultantibus. Incipitur vero sine titulo, ac clauditur absque Deo grátias.

7a . Deficiente lectore, ipse celebrans, stans in loco suo, legit lectionem.

Lectio prima Os. 6, 1-6

HAEC dicit Dóminus: In tribulatióne sua mane consúrgent ad me: Veníte, et revertámur ad Dóminum: quia ipse cepit, et sanábit nos: percútiét, et curábit nos. Vivificábit nos post duos dies: in die tértia suscitábit nos, et vivémus in conspéctu ejus. Sciémus, sequemúrque, ut cognoscámus Dóminum: quasi dilúculum praeparátus est egréssus ejus, et véniet quasi imber nobis temporáneus, et serótinus terrae. Quid fáciam tibi, Ephraím ? Quid fáciam tibi, Juda ? misericórdia vestra quasi nubes matutína: et quasi ros mane pertránsiens. Propter hoc dolávi in prophétis, oc cídi eos in verbis oris mei: et júdicia tua quasi lux egrediéntur. Quia misericórdiam vólui, et non sacrificium, et sciéntiam Dei, plus quam holocáusta.

Sequitur responsorium, a schola cantandum, vel a clero assistente recitandum.

Responsorium Habacuc 3 Dómine, audívi audítum tuum, et tímui: considerávi ópera tua, et expávi. *VI.* In médio duórum animálium innotescéris: dum appropinquáverint anni, cognoscéris: dum advénerit tempus, ostendéris. *VI.* In eo, dum conturbáta fúerit ánima mea: in ira, misericórdiae memor eris. *VI.* Deus a Líbano véniet, et Sanctus de monte umbróso, et condénso. *VI.* Opéruit caelos majéstas ejus: et laudis ejus plena est terra.

8. Responsorio absoluto, omnes surgunt ; celebrans, stans ad sedile, dicit Orémus, diaconus Flectámus génua, et omnes, flexis genibus, per aliquod temporis spatium in silentio orant ; dicto a diacono Leváte, omnes surgunt, et celebrans, manibus junctis ac in tono feriali, dicit orationem.

8a . Celebrans, manens in loco suo, dicit Orémus, Flectámus génua, et brevi interposita precatone, flexis genibus et in silentio, dicit Leváte ; deinde surgit, et, manibus junctis ac in tono feriali, dicit orationem.

Orémus.

VI. Flectámus génua. *R/.* Leváte.

Oratio

DEUS, a quo et Judas reátus sui poenam, et confessiόνis suae latro praémium sumpsit, concéde nobis tuae propitiatiónis efféctum: ut, sicut in passióne sua Jesus Christus, Dóminus noster, divérsa utrísque íntulit stipéndia meritórum ; ita nobis, abláto vetustátis erróre, resurrectiόνis suae grátiam largiátur: Qui tecum vivit.

9. Oratione expleta, sequitur altera lectio, a subdiacono dicenda ad legile, item sine titulo, et sine Deo grátias in fine. Celebrans ceterique omnes, sedentes, auscultant.

9a . Lectionem legat lector ad legile ; secus vero ipse celebrans, stans in loco suo.

Lectio altera Ex. 12, 1-11

IN diébus illis: Dixit Dóminus ad Móysen et Aaron in terra AEGýpti: « Mensis iste, vobis princípium ménsium: primus erit in ménsibus anni. Loquímuni ad univérsam coetum filiórum Israél, et dícite eis: Décima die mensis hujus tollat unusquisque agnum per fámilias et domos suas. Sin autem minor est númerus, ut sufficere possit ad vescéndum agnum, assúmet vicinum suum, qui junctus est dómui suae, juxta númerum animárum, quae sufficere possunt ad esum agni. Erit autem agnus absque mácula, másculus, annículus: juxta quem ritum tollétis et haedum. Et servábitis eum usque ad quartam décimam diem mensis hujus: immolábítque eum univérsa multitúdo filiórum Israél ad vésperam. Et sument de ságuine ejus, ac ponent super utrúmque postem, et in superlimináribus domórum, in quibus cómedent illum. Et edent carnes nocte illa assas igni, et ázymos panes cum lactúcis agréstibus. Non comedétis ex eo crudum quid, nec coctum

aqua, sed tantum assum igni: caput cum p dibus ejus, et intestinis vorabit. Nec remanebit quidquam ex eo usque mane. Si quid residuum fuerit, igne conburet. Sic autem comedetis illum: Renes vestros accingetis, calceamenta habebitis in pedibus, tenentes baculos in manibus, et comedetis festinanter: est enim Phase, id est transitus, Domini ».

Sequitur responsorium, a schola cantandum, vel a clero assistente recitandum.

Responsorium Ps. 139, 2-10 et 14 Eripe me, Domine, ab homine malo: a viro iniquo libera me. *V.* Qui cogitaverunt malitias in corde: tota die constituebant praelia. *V.* Acuervnt linguas suas sicut serpentes: venenum aspidum sub labiis eorum. *V.* Custodi me, Domine, de manu peccatoris: et ab hominibus iniquis libera me. *V.* Qui cogitaverunt supplantare gressus meos: absconderunt superbi laqueum mihi. *V.* Et funes extendervnt in laqueum pedibus meis: juxta iter scandalum posuerunt mihi. *V.* Dixi Domino: Deus meus es tu: exaudi, Domine, vocem orationis meae. *V.* Domine, Domine, virtus salutis meae: umbra caput meum in die belli. *V.* Ne tradas me a desiderio meo peccatori: cogitaverunt adversum me: ne derelinquas me, ne umquam exaltentur. *V.* Caput circuitus eorum: labor labiorum ipsorum operiet eos. *V.* Verumtamen justi confitebuntur nomini tuo: et habitabunt recti cum vultu tuo.

10. Absoluta altera lectione cum suo responsorio, ponuntur in latere evangelii, in plano presbyterii, legilia nuda cum libris, et proceditur ad cantum vel lectionem historiae passionis Domini secundum Joannem, hoc modo: cantatur vel legitur a ministris, saltem in ordine diaconatus constitutis, qui, comitantibus duobus acolythis, vel ministrantibus, absque luminaribus, et absque incenso, facta altari reverentia, ante celebrantem sistunt; super eos, profunde inclinat, celebrans clara voce dicit:

Dominus sit in cordibus vestris, et in labiis vestris. Ipsi vero, erigentes se, respondent: Amen.

Tunc, iterum facta altari reverentia, procedunt ad latus evangelii, ibique, super nudum legile, incipiunt cantare vel legere historiam passionis Domini, omnibus auscultantibus.

10a. Historiam passionis Domini legit vel cantat celebrans, clara et distincta voce. Antequam incipiat, dicit, in medio presbyterii, profunde inclinatus, clara voce:

Dominus sit in corde meo, et in labiis meis. Amen.

Tunc, facta altari reverentia, vadit ad latus evangelii, ibique, super nudum legile, incipit legere vel cantare historiam passionis Domini.

11. Evangelium Passionis et Mortis Domini secundum Joannem. 18, 1-40; 19, 1-42.

Passio Domini nostri Jesu Christi secundum Joannem.

IN illo tempore: Egressus est Jesus cum discipulis suis trans torrentem Cedron, ubi erat hortus, in quem introivit ipse, et discipuli ejus. Sciebat autem et Judas, qui tradebat eum, locum: quia frequenter Jesus convenerat illuc cum discipulis suis. Judas ergo cum accepisset cohortem, et a pontificibus et pharisaeis ministros, venit illuc cum laternis, et facibus, et armis. Jesus itaque sciens omnia quae ventura erant super eum, processit, et dixit eis: + Quem quaeritis? **C.** Responderunt ei: **S.** Jesum Nazarenum. **C.** Dicit eis Jesus: + Ego sum. **C.** Stabat autem et Judas, qui tradebat eum, cum ipsis. Ut ergo dixit eis: Ego sum: abierunt retrorsum, et ceciderunt in terram. Iterum ergo interrogavit eos: + Quem quaeritis? **C.** Illi autem dixerunt: **S.** Jesum Nazarenum. **C.** Respondit Jesus: + Dixi vobis, quia ego sum: si ergo me quaeritis, sinite hos abire. **C.** Ut impleretur sermo, quem dixit: Quia quos dedisti mihi, non perdidit ex eis quemquam.

Simon ergo Petrus habens gladium eduxit eum: et percussit pontificis servum: et abscidit auriculam ejus dexteram. Erat autem nomen servo Malchus. Dixit ergo Jesus Petro: + Mitte gladium tuum in vaginam. Calicem, quem dedit mihi Pater, non bibam illum? **C.** Cohors ergo, et tribunus, et ministri Judaeorum comprehendervnt Jesum, et ligaverunt eum.

Et adduxervnt eum ad Annam primum, erat enim socer Caiaphae, qui erat pontifex anni illius. Erat autem Caiaphas, qui consilium dederat Judaeis: Quia expedit, unum hominem mori pro populo. Sequebatur autem Jesum Simon Petrus, et alius discipulus. Discipulus autem ille erat notus pontifici, et introivit cum Jesu in atrium pontificis.

Petrus autem stabat ad ostium foris. Exivit ergo discipulus alius, qui erat notus pontifici, et dixit ostiariae: et introduxit Petrum. Dicit ergo Petro ancilla ostiaria: **S.** Numquid et tu ex discipulis es hominis istius? **C.** Dicit ille: **S.** Non sum. **C.** Stabat autem servi et ministri ad prunas, quia frigus erat, et calefaciebant se: erat autem cum eis et Petrus stans, et calefaciens se.

Pontifex ergo interrogavit Jesum de discipulis suis, et de doctrina ejus. Respondit ei Jesus: + Ego palam locutus sum mundo: ego semper docui in synagoga, et in templo, quo omnes Judaei conveniunt: et in occulto locutus sum nihil. Quid me interrogas? interroga eos, qui audierunt qui locutus sum ipsis: ecce hi sciunt quae dixerim ego. **C.** Haec autem cum dixisset, unus assistens ministrorum dedit alapam Jesu, dicens: **S.** Sic respondes pontifici? **C.** Respondit ei Jesus: + Si male locutus sum, testimonium perhibe de malo: si autem bene, quid me caedis?

C. Et misit eum Annas ligatum ad Caiapham pontificem. Erat autem Simon Petrus stans et calefaciens se. Dixerunt ergo ei: **S.** Numquid et tu ex discipulis ejus es? **C.** Negavit ille, et dixit: **S.** Non sum. **C.** Dicit ei unus ex servis pontificis, cognatus ejus, cujus abscidit Petrus auriculam: **S.** Nonne ego te vidi in horto cum

illo ? **C.** Iterum ergo negávit Petrus: et statim gallus cantávit.

Addúcunt ergo Jesum a Cáípha in praetórium. Erat autem mane: et ipsi non introiérunt in praetórium, ut non contaminarétur, sed ut manducárent Pascha. Exívit ergo Pilátus ad eos foras, et dixit: **S.** Quam accusatiónem affértis advérsus hóminem hunc ? **C.** Respondérunt et dixerunt ei: **S.** Si non esset hic malefáctor, non tibi tradidissémus eum. **C.** Dixit ergo eis Pilátus: **S.** Accípite eum vos, et secúndum legem vestram judicáte eum. **C.** Dixerunt ergo ei Judaéi: **S.** Nobis non licet interfícere quemquam. **C.** Ut sermo Jesu implerétur, quem dixit, significans qua morte esset moritúrus.

Introívit ergo iterum in praetórium Pilátus, et vocávit Jesum, et dixit ei: **S.** Tu es Rex Judaeórum ? **C.** Respóndit Jesus: + A temetípso hoc dicis, an álíi dixerunt tibi de me ? **C.** Respóndit Pilátus: **S.** Numquid ego Judaéus sum ? Gens tua et pontífices tradidérunt te mihi: quid fecísti ? **C.** Respóndit Jesus: + Regnum meum non est de hoc mundo. Si ex hoc mundo esset regnum meum, ministri mei útique decertárent, ut non tráderer Judaéis: nunc autem regnum meum non est hinc. **C.** Dixit itaque ei Pilátus: **S.** Ergo Rex es tu ? **C.** Respóndit Jesus: + Tu dicis quia Rex sum ego. Ego in hoc natus sum, et ad hoc veni in mundum, ut testimónium perhíbeam veritati: omnis, qui est ex veritate, audit vocem meam. **C.** Dicit ei Pilátus: **S.** Quid est veritas ? **C.** Et cum hoc dixisset, iterum exívit ad Judaéos, et dicit eis: **S.** Ego nullam invénio in eo causam. Est autem consuetúdo vobis ut unum dimíttam vobis in Pascha: vultis ergo dimíttam vobis Regem Judaeórum ? **C.** Clamavérunt ergo rursus omnes, dicéntes: **S.** Non hunc, sed Barábbam. **C.** Erat autem Barábbas latro.

Tunc ergo apprehéndit Pilátus Jesum, et flagellávit. Et mílites plecténtes corónam de spinis, imposuérunt cápiti ejus: et veste purpúrea circumdedérunt eum. Et veniébant ad eum, et dicébant: **S.** Ave, Rex Judaeórum. **C.** Et dabant ei álapas.

Exívit ergo iterum Pilátus foras, et dicit eis: **S.** Ecce addúco vobis eum foras, ut cognoscáti, quia nullam invénio in eo causam. **C.** (Exívit ergo Jesus portans corónam spíneam et purpúreum vestiméntum). Et dicit eis: **S.** Ecce homo. **C.** Cum ergo vidissent eum pontífices et ministri, clamábant, dicéntes: **S.** Crucifíge, crucifíge eum. **C.** Dicit eis Pilátus: **S.** Accípite eum vos, et crucifigite: ego enim non invénio in eo causam. **C.** Respondérunt ei Judaéi: **S.** Nos legem habémus, et secúndum legem debet mori, quia Fílium Dei se fecit. **C.** Cum ergo audisset Pilátus hunc sermónem, magis tímuit.

Et ingressus est praetórium iterum: et dixit ad Jesum: **S.** Unde es tu ? **C.** Jesus autem respónsum non dedit ei. Dicit ergo ei Pilátus: **S.** Mihi non lóqueris ? nescis quia potestátem hábeo crucifígere te, et potestátem hábeo dimítere te ? **C.** Respóndit Jesus: + Non habéres potestátem advérsus me ullam, nisi tibi datum esset désuper. Proptérea, qui me trádidit tibi, majus peccátum habet. **C.** Et exínde quaerébat Pilátus dimítere eum. Judaéi autem clamábant, dicéntes: **S.** Si hunc dimíttis, non es amícus Caésaris. Omnis enim, qui se regem facit, contradícit Caésari. **C.** Pilátus autem cum audisset hos sermónes, addúxit foras Jesum, et sedit pro tribunáli, in loco, qui dicitur Lithóstrotos, hebráice autem Gábbatha. Erat autem Parascéve Paschae, hora quasi sexta, et dicit Judaéis: **S.** Ecce Rex vester. **C.** Illi autem clamábant: **S.** Tolle, tolle, crucifíge eum. **C.** Dicit eis Pilátus: **S.** Regem vestrum crucifígam ? **C.** Respondérunt pontífices: **S.** Non habémus regem, nisi Caésarem. **C.** Tunc ergo trádidit eis illum ut crucifigerétur.

Suscepérunt autem Jesum, et eduxérunt. Et bájulans sibi crucem, exívit in eum, qui dicitur Calváriae, locum, hebráice autem Gólgotha: ubi crucifixerunt eum, et cum eo álíos duos, hinc et hinc, médium autem Jesum.

Scrípserunt autem et título Pilátus: et pósuit super crucem. Erat autem scriptum: Jesus Nazarénus, Rex Judaeórum. Hunc ergo título multi Judaeórum legérunt, quia prope civitátem erat locus, ubi crucifíxus est Jesus. Et erat scriptum hebráice, graece et latíne. Dicébant ergo Piláto pontífices Judaeórum: **S.** Noli scribere, Rex Judaeórum, sed quia ipse dixit: Rex sum Judaeórum. **C.** Respóndit Pilátus: **S.** Quod scripsi, scripsi.

C. Mílites ergo cum crucifíxissent eum, accepérunt vestiménta ejus et fecérunt quátuor partes: unicuíque míliti partem, et túnica. Erat autem túnica inconsútilis, désuper contéxta per totum. Dixerunt ergo ad íncem: **S.** Non scindámus eam, sed sortiámur de illa cujus sit. **C.** Ut Scriptúra implerétur, dicens: Partíti sunt vestiménta mea sibi: et in vestem meam misérunt sortem. Et mílites quidem haec fecérunt.

Stabant autem juxta crucem Jesu, mater ejus, et soror matris ejus María Cléophae, et María Magdaléne. Cum vidisset ergo Jesus matrem, et discípulum stantem, quem diligébat, dicit matri suae: + Múlier, ecce fílius tuus. **C.** Deínde dicit discípulo: + Ecce mater tua. **C.** Et ex illa hora accépit eam discipulus in sua.

Póstea sciens Jesus quia ómnia consummáta sunt, ut consummarétur Scriptúra, dixit: + Sítio. **C.** Vas ergo erat pósitum acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: + Consummátum est. **C.** Et inclináto cápíte trádidit spíritum. **Hic genuflectitur, et pausat aliquantulum.**

Judaéi ergo, quóniam Parascéve erat, ut non remanérent in cruce córpora sábbato, erat enim magnus dies ille sábbati, rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifíxus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura: sed unus mílitum lancea latus ejus apéruit, et contínuo exívit sanguis et aqua. Et qui vidit, testimónium perhíbit: et verum est testimónium ejus. Et ille scit, quia vera dicit: ut et vos credáti. Facta sunt enim haec, ut Scriptúra implerétur: Os non comminuétis ex eo. Et iterum álía Scriptúra dicit: Vidébunt in quem transfixérunt.

Post haec autem rogávit Pilátum Joseph ab Arimathaéa, eo quod esset discipulus Jesu, occúltus autem

propter metum Judaeorum, ut tólleret corpus Jesu. Et permísit Pilátus Venit ergo, et tulit corpus Jesu. Venit autem et Nicodémus, qui vénerat ad Jesum nocte primum, ferens mixtúram myrrhae et áloës, quasi libras centum. Accepérunt ergo corpus Jesu, et ligavérunt illud línteis cum aromátibus, sicut mos est Judaeis sepelíre. Erat autem in loco, ubi crucifixus est, hortus: et in horto monuméntum novum, in quo nondum quisquam pósitus erat. Ibi ergo propter Parascéven Judaeorum, quia juxta erat monuméntum, posuérunt Jesum.

**DE SECUNDA PARTE ACTIONIS LITURGICAE
SEU DE ORATIONIBUS SOLEMNIBUS,
QUAE ETIAM « ORATIO FIDELIUM »
DICUNTUR**

12. Cantu vel lectione historiae passionis Domini absoluto, celebrans assumit pluviale nigri coloris ; diaconus et subdiaconus induunt dalmaticam vel tunicellam ejusdem coloris. Interim vero duo acolythi, vel ministrantes, unam tantum tobaleam super altare extendunt, locantes librum in medio.

Tunc celebrans, comitantibus ministris, vel ministrantibus, accedit ad altare, quod, ascendens, osculatur in medio, et stans ibidem, ante se habens librum, incipit orationes solemnes, ministris sacris hinc inde adstantibus.

13. Dicuntur autem hoc ordine:

Praecedít celebrantis praefatio, qua intentio specialis indicatur, et cantatur tono peculiari infra notato, manibus junctis ; deinde celebrans dicit Orémus, diaconus Flectámus génua, et omnes, flexis genibus, per aliquod temporis spatium in silentio orant ; dicto a diacono Leváte, omnes surgunt, et celebrans, extensis manibus ac in tono feriali, dicit orationem.

13a . Celebrans dicit Orémus, Flectámus génua, et brevi interposita precatione, flexis genibus et in silentio, dicit Leváte, deinde surgit, et, extensis manibus ac in tono feriali, dicit orationem.

1. PRO SANCTA ECCLESIA

ORÉMUS, dilectíssimi nobis, pro Ecclésia, sancta Dei: ut eam Deus et Dóminus noster pacificáre, adunáre et custodíre dignétur toto orbe terrárum: subjícens ei principátus et potestátes: detque nobis, quiétam et tranquíllam vitam degéntibus, glorificáre Deum Patrem omnipoténtem.

Orémus. *V/*. Flectámus génua. *R/*. Leváte.

OMNÍPOTENS sempitérne Deus, qui glóriam tuam ómnibus in Christo géntibus revelásti: custódi ópera misericórdiae tuae ; ut Ecclésia tua, toto orbe diffúsa, stábili fide in confessióne tui nóminis perseveret. Per eúmdem Dóminum. *Omnes R/*. Amen.

2. PRO SUMMO PONTIFICE

ORÉMUS et pro beatíssimo Papa nostro *N* : ut Deus et Dóminus noster, qui elégit eum in órdine episcopátus, salvum atque incólumen custódiat Ecclésiae suae sanctae, ad regéndum pópulum sanctum Dei.

Orémus. *V/*. Flectámus génua. *R/*. Leváte.

OMNÍPOTENS sempitérne Deus, cujus júdicio univérsa fundántur: réspice propítius ad preces nostras, et eléctum nobis Antístitem tua pietáte consérva ; ut christiána plebs, quae te gubernátur auctóre, sub tanto pontífice, credulitátis suae méritis augeátur. Per Dóminum. *Omnes R/*. Amen.

3. PRO OMNIBUS ORDINIBUS GRADIBUSQUE FIDELIUM

ORÉMUS et pro ómnibus episcopis, presbýteris, diacónibus, subdiacónibus, acólythis, exorcístis, lectóribus, ostiáriis, confessóribus, virgínibus, víduis: et pro omni pópulo sancto Dei.

Orémus. *V/*. Flectámus génua. *R/*. Leváte.

OMNÍPOTENS sempitérne Deus, cujus spírítu totum corpus Ecclésiae sanctificátur et régitur: exáudi nos pro univérsis ordínibus supplicántes ; ut grátiae tuae múnere ab ómnibus tibi grádibus fidéliter serviátur. Per Dóminum. *Omnes R/*. Amen.

4. PRO RES PUBLICAS MODERANTIBUS

4. PRO RES PUBLICAS MODERANTIBUS

ORÉMUS et pro ómnibus res públicas moderántibus, eorúmque ministériis et potestátibus: ut Deus et Dóminus noster mentes et corda eórum secúndum voluntátem suam dírigat ad nostram perpétuam pacem.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, in cujus manu sunt ómnium potestátes et ómnium jura populórum: réspice benígnus ad eos, qui nos in potestáte regunt ; ut ubíque terrárum, dextera tua protegénte, et religiónis intégritas, et pátriae securítas indesinéter consístat. Per Dóminum. *Omnes R/*. Amen.

5. PRO CATECHUMENIS

ORÉMUS et pro catechúmenis nostris: ut Deus et Dóminus noster adapériat aures praecordiórum ipsórum, januámque misericórdiae ; ut, per lavácrum regeneratiónis accépta remissióne ómnium peccatórum, et ipsi inveniántur in Christo Jesu Dómino nostro.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, qui Ecclésiám tuam nova semper prole fecúndas: auge fidem et intelléctum catechúmenis nostris ; ut, renáti fonte baptismatis, adoptiÓnis tuae fíliis aggregéntur. Per Dóminum. *Omnes R/*. Amen.

6. PRO FIDELIUM NECESSITATIBUS

ORÉMUS, dilectíssimi nobis, Deum Patrem omnipoténtem, ut cunctis mundum purget erróribus: morbos áuferat: famem depéllat: apériat cárceres: vincula dissólvat: peregrinántibus réditum: infirmántibus sanitátem: navigántibus portum salútis indúlgeat.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, maestórum consolátió, laborántium fortitúdo: pervéniant ad te preces quacúmque tribulatiÓne clamántium ; ut omnes sibi in necessitatibus suis misericórdiam tuam gaúdeant affúisse. Per Dóminum. *Omnes R/*. Amen.

7. PRO UNITATE ECCLESIAE

ORÉMUS et pro haeréticis et schismáticis: ut Deus et Dóminus noster éruat eos ab erróribus univérsis ; et ad sanctam matrem Ecclésiám Cathólicam atque Apostólicam revocáre dignétur.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, qui salvas omnes, et néminem vis períre: réspice ad ánimas diabólica fraude decéptas ; ut, omni haerética pravitate depósita, errántium corda resipíscant, et ad veritátis tuae rédeant unitátem. Per Dóminum. *Omnes R/*. Amen.

8. PRO CONVERSIONE JUDAEORUM

ORÉMUS et pro pérfidis Judaéis: ut Deus et Dóminus noster áuferat velámen de córdibus eórum ; ut et ipsi agnóscant Jesum Christum Dóminum nostrum.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, qui étiam judáicam perfídiam a tua misericórdia non repéllis: exáudi preces nostras, quas pro illíus pópuli obcaecatiÓne deférimus ; ut, ágnita veritátis tuae luce, quae Christus est, a suis ténebris eruántur. Per eúmdem Dóminum. *Omnes R/*. Amen.

9. PRO CONVERSIONE INFIDELIUM

ORÉMUS et pro pagánis: ut Deus omnipotens áuferat iniquitátem a córdibus eórum, ut, relíctis idólis suis, convertántur ad Deum vivum et verum, et únicum Fílium ejus Jesum Christum, Deum et Dóminum nostrum.

Orémus. *V/*. Flectámus génuá. *R/*. Leváte.

OMNÍPOTENS sempitérne Deus, qui non mortem peccatórum, sed vitam semper inquíris: súscipe propítius oratióem nostram, et líbera eos ab idolórum cultúra ; et ággrega Ecclésiæ tuæ sanctæ, ad laudem et glóriam nóminis tui. Per Dóminum. *Omnes R/.* Amen.

**DE TERTIA PARTE ACTIONIS LITURGICAE
SEU DE SOLEMNI SANCTAE CRUCIS
ADORATIONE**

14. *Orationibus solemnibus completis, celebrans et ministri redeunt ad sedilia, ubi celebrans deponit pluviale, ministri dalmaticam vel tunicellam ; et datur initium solemnem adorationi sanctae Crucis.*

Adhibeatur Crux satis magna, cum Crucifixo, velo violaceo oblecto, quod facile removeri possit.

15. *Primum portatur sancta Crux e sacristia in medium presbyterii, omnibus stantibus. Portatur autem hoc modo:*

Celebrans et subdiaconus manent ad sedilia stantes: diaconus cum acolythis seu ministrantibus, adit sacristiam, ex qua processionaliter affert Crucem ad ecclesiam: praecedunt acolythi, seu ministrantes, sequitur diaconus cum Cruce, medius inter alios duos acolythos, seu ministrantes, candelabra accensa gestantes.

Cum presbyterium ingressi fuerint, celebrans et subdiaconus ipsis obviam veniunt, et in medio, ante altare, celebrans Crucem e manibus diaconi accipit.

15a . Celebrans cum ministrantibus sacristiam adit, indeque, ut supra, portat Crucem ante altare.

16. *Tum proceditur ad detectionem sanctae Crucis, hoc modo:*

Celebrans, accedens ad latus epistolae, ibique, stans in plano, versa facie ad populum, Crucem a summitate parum detegit. Deinde solus incipit antiphonam Ecce lignum Crucis, ac deinceps juvatur in cantu a ministris sacris, usque ad Veníte, adorémus, quod cantatur a schola, comitantibus omnibus adstantibus.

Cantu finito, omnes in genua se prosternunt, celebrante excepto, et parvo momento in silentio adorant.

Deinde celebrans ascendit altare in latere epistolae, et detegit brachium dextrum Crucifixi ; tunc elevans Crucem paulisper, adjuvantibus, si opus sit, ministris sacris, altius quam primo, cantat iterum Ecce lignum Crucis, aliis praeoquentibus, et, post cantum, procumbentibus, ut supra.

Denique celebrans procedit ad medium altaris, et detegit Crucem totaliter, ac elevans eam, tertio altius incipit Ecce lignum Crucis, aliis, ut supra, prosequentibus, et post cantum adorantibus.

Duo autem acolythi, seu ministrantes, cum candelabris accensis comitantur Crucem, a dextris et a sinistris celebrantis.

16a . Celebrans, in detegenda sancta Cruce, adjuvatur a ministrantibus ; antiphonam vero Ecce lignum Crucis, usque ad Veníte, adorémus, cantat solus.

ANTIPHONA AD DETEGENDAM S. CRUCEM

ECCE lignum Crucis, in quo salus mundi pepéndit. *Omnes R/.* Veníte, adorémus.

17. *Post detectionem Crucis sequitur ejusdem solemnem adoratio, hoc modo: Crux, postquam detecta fuerit, traditur a celebrante duobus acolythis, vel ministrantibus, qui stantes in suppedaneo, ante medium altaris, et facie ad populum versa, eam hinc inde ita per brachia sustentant, ut pes Crucis super suppedaneum consistat. Alii vero duo acolythi, vel ministrantes, qui candelabra accensa gestabant, eisdem candelabris a dextris et a sinistris Crucis super suppedaneum collocatis, genuflexi manent in lateribus suppedanei, in superiore gradu, facie versus Crucem.*

Tunc incipit adoratio sanctae Crucis, ordine sequenti: primus accedit solus celebrans ; deinde ministri, postea clerus, demum ministrantes. Hi omnes, si commode fieri possit, prius calceamenta deponunt, et, unus post alium, accedentes ad Crucem, simplici genuflexione ter repetita, pedes Crucifixi osculantur.

18. *Sancta Crux, adoratione ex parte celebrantis, ministrorum, cleri ac ministrantium peracta, a duobus acolythis, seu ministrantibus, comitantibus aliis duobus acolythis, seu ministrantibus, cum candelabris accensis, defertur ad cancellos, et ibidem sustentatur eodem modo, ut supra, ita ut fideles, ante Crucem quasi processionaliter transeuntes, primum viri, deinde mulieres, pedes Crucifixi devote deosculari possint, praemissa simplici genuflexione.*

19. *Dum autem sanctae Crucis adoratio peragitur, cantantur a schola, in duos choros divisa, sic dicta Improperia, et alia quae sequuntur ; celebrans, ministri sacri, et ministrantes, ceterique omnes, qui adorationem sanctae Crucis peregerunt, sedentes auscultant.*

Cantus vero eoque producitur, prout adorantium numerus requirit. Concluditur tamen semper cum doxologia: Sempitérna sit beáta Trinitáti glória, ut infra.

IMPROPERIA

Partes quae ad singulos choros spectant, indicantur numeris 1 (chorus primus) , et 2 (chorus secundus) ; quae autem ab utroque choro simul cantanda sunt, indicantur hoc modo: 1 et 2.

I

1 et 2 Pópule meus, quid feci tibi ? Aut in quo contristávi te ? Respónde mihi ! **V/.** Quia edúxi te de terra AEGýpti: parásti Crucem Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2. Sanctus Immortális, miserére nobis.

1 et 2 Quia edúxi te per desértum quadragínta annis, et manna cibávi te, et introdúxi te in terram satis bonam: parásti Crucem Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2. Sanctus Immortális, miserére nobis.

1 et 2 Quid ultra débui fácere tibi, et non feci ? Ego quidem plantávi te víneam eléctam meam speciosíssimam: et tu facta es mihi nimis amára: acéto namque sitim meam potásti, et láncea perforásti latus Salvatóri tuo.

1 Hágios o Theós.

2 Sanctus Deus.

1 Hágios Ischyrós.

2 Sanctus Fortis.

1 Hágios Athánatos, eléison hymás.

2. Sanctus Immortális, miserére nobis.

II

1 Ego propter te flagellávi AEGýptum cum primogénitis suis: et tu me flagellátum tradidísti.

2 Pópule meus, quid feci tibi ? Aut in quo contristávi te ? Respónde mihi !

1 Ego edúxi te de AEGýpto, demérso Pharaóne in Mare rubrum: et tu me tradidísti princípibus sacerdotum.

2 Pópule meus, quid feci tibi ? Aut in quo contristávi te ? Respónde mihi !

1 Ego ante te apéruí mare: et tu aperuísti láncea latus meum.

2 Pópule meus, quid feci tibi ? Aut in quo contristávi te ? Respónde mihi !

1 Ego ante te praeívi in colúmna nubis: et tu me duxísti ad praetórium Piláti.

2 Pópule meus, quid feci tibi ? Aut in quo contristávi te ? Respónde mihi !

1 Ego te pavi manna per desértum: et tu me cecidísti álapis et flagéllis.

2 Pópule meus, quid feci tibi ? Aut in quo contristávi te ? Respónde mihi !

1 Ego te potávi aqua salútis de petra: et tu me potásti felle et acéto.

2 Pópule meus, quid feci tibi ? Aut in quo contristávi te ? Respónde mihi !

1 Ego propter te Chananaeorum reges percússi: et tu percussísti arúndine caput meum.

2 Pópule meus, quid feci tibi ? Aut in quo contristávi te ? Respónde mihi !

1 Ego dedi tibi sceptrum regále: et tu dedísti cápiti meo spíneam corónam.

2 Pópule meus, quid feci tibi ? Aut in quo contristávi te ? Respónde mihi !

1 Ego te exaltávi magna virtúte: et tu me suspendísti in patíbulo Crucis.

2 Pópule meus, quid feci tibi ? Aut in quo contristávi te ? Respónde mihi !

III

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus: ecce enim propter lignum venit gáudium in univérso mundo.

1 Psalmus 66, 2 Deus misereátur nostri, et benedícat nobis.

2 Illúminet vultum suum super nos, et misereátur nostri.

1 et 2 Antiphona Crucem tuam adorámus, Dómine, et sanctam resurrectionem tuam laudámus, et glorificámus: ecce enim propter lignum venit gáudium in univérso mundo.

IV

1 et 2 Antiphona Crux fidélis, inter omnes arbor una nóbilis ;

Nulla silva talem profert, fronde, flore, gérmine.

Dulce lignum, dulces clavos, dulce pondus sústinet.

Hymnus (textus antiquus)

1 Pange, lingua, gloriósi praélium certáminis,

Et super Crucis trophaeum dic triumphum nobilem:
Qualiter Redemptor orbis immolatus vicerit.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 De parentis proplasti fraude Factor condolens,
Quando pomi noxialis morsu in mortem corruit:
Ipse lignum tunc notavit, damna ligni ut solveret.

2 Dulce lignum, dulces clavos, dulce pondus sustinet.

1 Hoc opus nostrae salutis ordo depoposcerat:
Multiformis proditoris ars ut artem falleret,
Et medelam ferret inde, hostis unde laeserat.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 Quando venit ergo sacri plenitudo temporis,
Missus est ab arce Patris, natus orbis Conditor,
Atque ventre virginali caro factus prodiit.

2 Dulce lignum, dulces clavos, dulce pondus sustinet.

1 Vagit infans inter arcta conditus praesepia,
Membra pannis involuta Virgo Mater alligat,
Et manus pedesque et crura stricta cingit fascia.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 Lustrix sex qui jam peractis, tempus implens corporis,
Se volente, natus ad hoc, passioni deditus,
Agnus in Crucis levatur immolandus stipite.

2 Dulce lignum, dulces clavos, dulce pondus sustinet.

1 Hic acetum, fel, arundo, sputa, clavi, lancea,
Mite corpus perforatur: sanguis, unda profluit:
Terra, pontus, astra, mundus quo lavantur flumine !

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 Flecte ramos, arbor alta, tensa laxa viscera,
Et rigor lentescat ille, quem dedit nativitas,
Ut superni membra Regis miti tendas stipite.

2 Dulce lignum, dulces clavos, dulce pondus sustinet.

1 Sola digna tu fuisti ferre saeculi pretium,
Atque portum praeparare nauta mundo naufrago,
Quem sacer cruor perunxit, fusus Agni corpore.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

Conclusio numquam omittenda

1 Gloria et honor Deo usquequaque Altissimo:
Una Patri Filioque, inclyto Paraclito:

Cui laus est et potestas per aeterna saecula. Amen.

2 Dulce lignum, dulces clavos, dulce pondus sustinet.

(Textus novus ejusdem hymni)

1 Pange, lingua, gloriosi lauream certaminis,
Et super Crucis trophaeo dic triumphum nobilem:
Qualiter Redemptor orbis immolatus vicerit.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 De parentis proplasti fraude Factor condolens,
Quando pomi noxialis in necem morsu ruit:
Ipse lignum tunc notavit, damna ligni ut solveret.

2 Dulce lignum, dulces clavos, dulce pondus sustinet.

1 Hoc opus nostrae salutis ordo depoposcerat:
Multiformis proditoris ars ut artem falleret,
Et medelam ferret inde, hostis unde laeserat.

2 Crux fidelis, inter omnes arbor una nobilis ;
Nulla silva talem profert, fronde, flore, germine.

1 Quando venit ergo sacri plenitudo temporis,
Missus est ab arce Patris, natus orbis Conditor,
Atque ventre virginali carne amictus prodiit.

- 2 Dulce lignum, dulces clavos, dulce pondus sústinet.
1 Vagit infans inter arcta cónditus praesépia,
Membra pannis involúta Virgo Mater álligat,
Et Dei manus pedésque stricta cingit fáschia.
2 Crux fidélis, inter omnes arbor una nóbilis ;
Nulla silva talem profert, fronde, flore, gérmine.
1 Lustra sex qui jam perégit, tempus implens córporis,
Sponte líbera Redémptor passióni déditus,
Agnus in Crucis levátur immolándus stípíte.
2 Dulce lignum, dulces clavos, dulce pondus sústinet.
1 Felle potus ecce languet ; spina, clavi, láncea,
Mite corpus perforárunt, unda manat et cruor ;
Terra, pontus, astra, mundus quo lavántur flúmíne !
2 Crux fidélis, inter omnes arbor una nóbilis ;
Nulla silva talem profert, fronde, flore, gérmine.
1 Flecte ramos, arbor alta, tensa laxa víscera,
Et rigor lentéscat ille, quem dedit natívitas,
Et supérni membra Regis tende miti stípíte.
2 Dulce lignum, dulces clavos, dulce pondus sústinet.
1 Sola digna tu fuísti ferre mundi víctimam,
Atque portum praeparáre arca mundo náufrago,
Quam sacer cruor perúnxit, fusus Agni córpore.
2 Crux fidélis, inter omnes arbor una nóbilis ;
Nulla silva talem profert, fronde, flore, gérmine.
Conclusio numquam omittenda
1 Sempitérna sit beátae Trinitáti glória ;
AEqua Patri Filióque, par decus Paráclito ;
Uníus Triníque nomen laudet univérsitas. Amen.
2 Dulce lignum, dulces clavos, dulce pondus sústinet.

DE QUARTA PARTE ACTIONIS LITURGICAE SEU DE COMMUNIONE

20. Adoratione Crucis expleta, ipsa Crux ab acolythis, *vel ministrantibus*, qui eam sustentaverant, comitantibus aliis duobus acolythis, *vel ministrantibus*, cum candelabris accensis, reportatur ad altare, ibique collocatur in medio, et quidem, si altaris dispositio id permittat, adeo in altum ut commode a fidelibus conspici possit, quin celebranti in caeremoniis sequentibus, super altare peragendis, incommodum praebeat. Candelabra vero accensa deponuntur super altare.
21. Postea celebrans et diaconus, dimissa stola nigri coloris, assumunt paramenta violacea, scilicet celebrans stolam et planetam, diaconus stolam et dalmaticam, subdiaconus vero tunicellam.
22. Deinde diaconus, delata bursa super altare, extendit corporale, more solito ; acolythus autem, *vel ministrans*, deponit super altare vas aquae cum purificatorio, ad abluendos et abstergendos digitos post communionem, et librum disponit in latere evangelii.
- 22a . *Antequam processio inchoetur, sacerdos defert et explicat corporale super altare, more solito.*
23. Rebus ita dispositis, reportatur Sacramentum e loco repositionis ad altare majus pro communionem peragenda. Portatur autem hoc modo:
Celebrans et subdiaconus, clerus et populus manent in suis locis, sub silentio.
Diaconus cum duobus acolythis, et alio clerico ad umbellam portandam, accedunt ad altare repositionis, in quo praesto sint duo candelabra cum cereis accensis, postmodum ab acolythis sumenda.
Ad altare repositionis genua flectunt ; tunc diaconus extrahit sacram pyxidem e tabernaculo seu capsula, et assumpto velo humerali albi coloris, pyxidem extremitatibus ejusdem veli cooperit et ad altare majus defert.
- 23a . *Omnia fiunt per ipsum celebrantem cum suis ministrantibus.*
24. Procedunt ordine quo venerunt: super Sacramentum defertur umbella ; acolythi hinc inde procedentes candelabra accensa gestant, omnes in genua procumbunt. Interim schola cantat sequentes antiphonas:
- 1 Adorámus te, Christe, et benedícimus tibi, quia per Crucem tuam redemísti mundum.
2 Per lignum servi facti sumus, et per sanctam Crucem liberáti sumus: fructus árboris sedúxit nos, Fílius Dei redémít nos.
3 Salvátor mundi, salva nos: qui per Crucem et Sánguinem tuum redemísti nos, auxiliáre nobis, te deprecámur, Deus noster.
25. Cum ad altare majus pervenerint, illud ascendunt, diaconus sacram pyxidem super corporale, acolythi

autem candelabra super altare deponunt. Genuflexione peracta, diaconus dimittit velum humerale et se retrahit ad latus epistolae ; acolythi vero descendunt hinc inde, et genuflectunt in infimo gradu altaris.

26. Tunc celebrans et subdiaconus accedunt ad altare, utroque genu adorant, illud ascendunt, et facta, una cum diacono, genuflexione, celebrans clara voce recitat, non cantat, praefationem orationis dominicae Orémus. Praeceptis salutáribus móniti.

Totum vero Pater noster, cum sit precatio ad communionem, omnes praesentes, clerici et fideles, una cum celebrante, solemniter, graviter et distincte recitant, lingua latina, addito quoque ab omnibus Amen.

Celebrans, junctis manibus, dicit solus:

Orémus. Praeceptis salutáribus móniti, et divína institutióne formáti, audémus dícere:

Celebrans, item junctis manibus, et omnes praesentes prosequuntur:

Pater noster, qui es in caelis: *

Sanctificétur nomen tuum. *

Advéniat regnum tuum. *

Fiat volúntas tua, sicut in caelo, et in terra. *

Panem nostrum quotidiánum da nobis hódie: *

Et dimítte nobis débita nostra, *

sicut et nos dimíttimus debitóribus nostris. *

Et ne nos indúcas in tentatióne; *

sed líbera nos a malo. *

Amen.

27. Celebrans solus, clara et distincta voce atque manibus extensis, prosequitur:

LÍBERA nos, quaesumus, Dómine, ab ómnibus malis, praetéritis, praeséntibus, et futúris: et intercedénte beáta et gloriósa semper Vírgine Dei Genitríce María, cum beátis apóstolis tuis Petro et Paulo, atque Andréa, et ómnibus Sanctis, non signat se da propítius pacem in diébus nostris ; ut, ope misericórdiae tuae adjúti, et a peccáto simus semper líberi et ab omni perturbatióne secúri. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus, per ómnia saecula saeculórum. Et ab omnibus respondetur: Amen.

28. Et continuo celebrans recitat, submissa voce, sequentem orationem, de more inclinatus, manibusque junctis super altare positis:

PERCÉPTIO Córporis tui, Dómine Jesu Christe, quod ego indígnus súmere praesúmo, non mihi provéniat in júdicium et condemnatióne; sed pro tua pietáte prosit mihi ad tutaméntum mentis et córporis, et ad medélam percipiéndam: Qui vivis et regnas cum Deo Patre in unitáte Spíritus Sancti Deus, per ómnia saecula saeculórum. Amen.

29. Tum discooperit pyxidem, et, facta genuflexione, accipit sacram particulam manu dextra et, profunde inclinatus et pectus percutiens, ter dicit, more solito:

DÓMINE, non sum dignus, ut intres sub tectum meum: sed tantum dic verbo, et sanábitur ánima mea.

30. Postea, signans se Sacramento, adjungit submissa voce:

CORPUS Dómini nostri Jesu Christi custódiat ánimam meam in vitam aetérnam. Amen. Et sumit Corpus reverenter, ac paululum in meditatione Sacramenti quiescit.

31. Et continuo diaconus facit confessionem, more solito. Tunc celebrans, facta genuflexione, conversus ad populum, manibus junctis ante pectus, clara voce dicit:

MISEREÁTUR vestri omnípotens Deus, et, dimíssis peccátis vestris, perdúcat vos ad vitam aetérnam. Omnes respondent: Amen.

Celebrans prosequitur:

INDULGÉNTIAM, absolutióne, + et remissióne peccatórum vestrórum tríbuat vobis omnípotens et miséricors Dóminus. Omnes respondent: Amen.

32. Deinde ad altare se convertit, genuflectit, apprehendit pyxidem, et more solito conversus ad populum, in medio altaris, dicit clara voce:

ECCE Agnus Dei, ecce qui tollit peccáta mundi. Mox subdit: Dómine, non sum dignus, ut intres sub tectum meum: sed tantum dic verbo, et sanábitur ánima mea ; quod iterum ac tertio repetit.

Et procedit ad distributionem communionis, ut supra feria V in Cena Domini, n. 29, dictum est. Sacerdotes vero stolam violaceam deferunt.

33. Dum sacra communio distribuitur, cani potest psalmus 21 Deus, Deus meus ; vel unum aliudve

responsorium ex Matutino hujus feriae VI.

34. *Communione absoluta, celebrans digitos abluit in vase, ac purificatorio abstergit, nihil dicens ; pyxidem vero in tabernaculo reponit.*

35. *His completis, celebrans stans in medio altaris, habens ante se librum, a dextris et a sinistris minist ros sacros, dicit pro gratiarum actione, in tono feriali et manibus junctis, tres sequentes orationes, omnibus stantibus et Amen respondentibus.*

Orémus. *Oratio prima*

SUPER pópulum tuum, quaésumus, Dómine, qui passiónem et mortem Filii tui devóta mente recóluit, benedíctio copiósá descéndat, indulgéntia véniat, consolátio tribuátur, fides sancta succrésca, redéemptio sempitérna firmétur. Per eúmdem Christum Dóminum nostrum. *R/. Amen.*

Orémus. *Oratio secunda*

OMNÍPOTENS et miséricors Deus, qui Christi tui beáta passióne et morte nos reparásti: consérva in nobis óperam misericórdiae tuae ; ut, hujus mystérii participatióne, perpétua devotióne vivámus. Per eúmdem Christum Dóminum nostrum. *R/. Amen.*

Orémus. *Oratio tertia*

REMINÍSCERE miseratiónum tuárum, Dómine, et fámulos tuos aetérna protectióne sanctífica, pro quibus Christus, Filius tuus, per suum cruórem, instítuit paschále mystérium. Per eúmdem Christum Dóminum nostrum. *R/. Amen.*

36. *Celebrans et ministri sacri de altari descendunt et, facta genuflexione, una cum acolythis, seu ministrantibus, in sacristiam revertuntur.*

37. *In choro dicitur completorium, candelis exstinctis, et absque cantu.*

38. *Tempore opportuno, sanctissima Eucharistia reportatur, forma privata, ad locum reservationis, et ibidem asservatur, lampade de more accensa. Et denudatur altare.*

SABBATO SANCTO

Duplex I classis

DE OFFICIO DIVINO

1. *Si officium peragatur in choro, vel in communi:*

MATUTINUM et LAUDES non anticipantur de sero, sed dicuntur mane, hora competenti ;

HORAE MINORES dicuntur hora competenti ;

VESPERAE dicuntur post meridiem, hora competenti ;

COMPLETORIUM hac nocte non dicitur.

2. *Horae supra dictae dicuntur ut in Breviario Romano, praeter sequentia:*

In Laudibus et horis minoribus, post antiphonam Christus factus est, dicitur Pater noster, totum sub silentio ; postea, omissa psalmo 50 Miserére, statim subjungitur

Oratio

CONCÉDE, quaésumus, omnípotens Deus: ut, qui Filii tui resurrectionem devóta expectatióne praevenimus ; ejúsdem resurrectionis glóriam consequámur. *Et sub silentio concluditur:* Per eúmdem Dóminum.

Vesperae dicuntur ut in Breviario Romano, Feria V in Cena Domini, praeter sequentia:

Antiphona 1: Hódie afflíctus sum valde, sed cras solvam víncula mea.

Antiphona ad Magnificat: Príncipes sacerdotum et pharisaei muniérunt sepúlcrum, signántes lápidem, cum custódibus.

Repetita antiphona ad Magnificat, et omissis antiphona Christus factus est, Pater noster, et psalmo 50, Miserére, statim dicitur oratio Concéde, quaésumus, ut supra notatur. Et sic terminantur Vesperae.

3. *In privata recitatione Matutinum, Laudes, horae minores et Vesperae dicuntur, congruo tempore, ut in Breviario Romano, praeter ea quae supra (n. 2) notantur ; sed persolvendum est insuper Completorium hoc modo:*

Facta confessione et absolute, statim inchoantur psalmi de dominica, quibus finitis dicitur canticum Simeonis Nunc dimíttis, Pater noster, et oratio Vísitá, quaésumus, reliquis omnibus omissis.

4. *Cum solemnis vigiliae paschalis celebratio locum obtineat officii nocturni dominicae Resurrectionis, Matutino ejúsdem dominicae Resurrectionis omissa, statim inter Missarum vigiliae solemnia, cantantur pro LAUDIBUS, quae suo loco proponuntur (infra DE MISSA SOLEMNI, n. 8) . Officium dominicae Resurrectionis prosequitur deinde cum PRIMA.*

Qui vero solemni vigiliae paschali non interfuerunt, tenentur dicere Matutinum et Laudes dominicae Resurrectionis, prout in Breviario Romano continentur.

DE VIGILIA PASCHALI

Statio ad S. Joannem in Laterano

* Solemnis vigilia paschalis celebranda est hora competenti, ea scilicet, quae permittat Missam solemnem ejusdem vigiliae incipere circa mediam noctem inter sabbatum sanctum et dominicam Resurrectionis. Ubi tamen, ponderatis fidelium et locorum conditionibus, de iudicio Ordinarii loci, horam celebrandae vigiliae anticipari conveniat, haec non inchoetur ante diei crepusculum, aut certe non ante solis occasum. Privata vigiliae paschalis celebratio interdicitur.

DE BENEDICTIONE NOVI IGNIS

1. Hora competenti tobaleis cooperiuntur altaria, sed candelae extinctae manent usque ad principium Missae. Interim excutitur ignis de lapide, et ex eo accenduntur carbones.

2. Celebrans induitur amictu, alba, cingulo, stola et pluviali violacei coloris ; ministri sacri amictu, alba, cingulo, diaconus stola et dalmatica, subdiaconus tunicella, ejusdem coloris.

2a . *Sacerdos induitur amictu, alba, cingulo, stola et pluviali violaceo, vel manet sine casula.*

3. Adstantibus ministris, *seu ministrantibus*, cum cruce, aqua benedicta et incenso, sive ante portam, sive in aditu ecclesiae, vel intus eam, ubi scilicet populus ritum sacrum melius sequi possit, celebrans benedicit novum ignem, dicens:

V/. Dóminus vobíscum.

R/. Et cum spírítu tuo.

Orémus. **Oratio**

DEUS, qui per Fílium tuum, angulárem scílicet lápidem, claritátis tuae ignem fidélibus contulísti: prodúctum e sílice, nostris profutúrum úsibus, novum hunc ignem sanctí+fica: et concéde nobis, ita per haec festa paschália caeléstibus desidériis inflammári ; ut ad perpétuae claritátis, puris méntibus, valeámus festa pertíngere. Per eúndem Christum Dóminum nostrum. **R/.** Amen.

Deinde ignem ter aspergit, nihil dicens.

4. *Acolythus, seu unus ministrantium*, assumens de carbonibus benedictis, ponit in thuribulum ; celebrans vero ponit incensum in thuribulum, benedicens illud more solito, ignemque ter adolet incenso.

DE BENEDICTIONE CEREI PASCHALIS

5. Novo igne benedicto, *acolythus, seu unus ministrantium*, portat cereum paschalem in medium, ante celebrantem, qui cum stilo, inter extrema foramina ad insertionem granorum incensi destinata, incidit crucem. Deinde facit super eam litteram graecam Alpha, subtus vero litteram Omega, et inter brachia crucis quattuor numeros exprimentes annum currentem, interim dicens:

(1) Christus heri et hódie (incidit hastam erectam),

(2) Príncípium et Finis (incidit hastam transversam),

(3) Alpha (incidit supra hastam erectam litteram A)

(4) et Omega (incidit subtus hastam erectam litteram Ò) ;

(5) Ipsíus sunt témpora (incidit primum numerum anni currentis in angulo sinistro superiore crucis)

(6) et saécula (incidit secundum numerum anni currentis in angulo dextro superiore crucis) ;

(7) Ipsi glória et impérium (incidit tertium numerum anni currentis in angulo sinistro inferiore crucis)

(8) per univérsa aeternitátis saécula. Amen (incidit quartum numerum anni currentis in angulo dextro inferiore crucis).

3

A1

5 19 6 2 7 57 8

U4

6. Incisione crucis et aliorum signorum quae coloribus vel alio modo ante praeparari possunt, peracta, diaconus, *seu alius ministrantium*, praebet celebranti grana incensi, quae idem celebrans, si non sunt benedicta, ter aspergit et ter adolet incenso, nihil dicens. Deinde infigit quinque grana in foramina, interim dicens:

1

4 2 53

- (1) Per sua sancta vúlnera
 (2) gloriósa
 (3) custódiat
 (4) et consérvet nos
 (5) Christus Dóminus. Amen

7. Tum diaconus, seu unus ministrantium, porrigit celebranti parvam candelam, de novo igne accensam, qua cereum accendit, dicens:

LUMEN Christi glorióse resurgéntis
 Díssipet ténebras cordis et mentis.

8. Mox, celebrans benedicit cereum accensum, dicens:

V/. Dóminus vobíscum.

R/. Et cum spírítu tuo.

Orémus. **Oratio**

VÉNIAT, quaésumus, omnípotens Deus, super hunc incensum céreum larga tuae bene+dictionis infúsió: et hunc noctúrnum splendórem invisibilis regenerátor inténde ; ut non solum sacrificium, quod hac nocte litátum est, arcána lúminis tui admixtióne refúlgeat ; sed in quocúmque loco ex hujus sanctificatiónis mystério áliquíd fúerit deportátum, expúlso diabólicae fraudis nequítia, virtus tuae majestátis assistat. Per Christum Dóminum nostrum. R/. Amen.

9. Interim luminaria ecclesiae exstinguuntur.

**DE SOLEMNI PROCESSIONE
 ET DE PRAECONIO PASCHALI**

10. Tum celebrans iterum ponit incensum in thuribulum ; postea diaconus, depositis paramentis violaceis, et indutus stola et dalmatica albi coloris, accipit cereum paschalem accensum, et ordinatur processio: praecedit thuriferarius, sequitur subdiaconus cum cruce, diaconus cum cereo accenso, post eum statim celebrans, deinde clerus per ordinem, et populus.

10a . Tum sacerdos, depositis paramentis violaceis, et indutus stola et dalmatica albi coloris, iterum ponit incensum in thuribulum ; postea, accipit cereum paschalem accensum, et ordinatur processio: praecedit thuriferarius, sequitur crucifer, post eum statim sacerdos cum cereo accenso, deinde ceteri ministrantes, et populus.

11. Cum diaconus ingressus est ecclesiam, stans, cantat solus:

LUMEN Christi,

cui omnes alii, praeter subdiaconum et thuriferarium, genuflectentes versus cereum benedictum, respondent:

R/. Deo grátias.

Celebrans vero de cereo benedicto propriam candelam accendit.

Procedens ad medium ecclesiae, ibi eodem modo diaconus altius cantat: Lumen Christi, cui omnes, ut supra, genuflectentes, respondent: Deo grátias. Et de cereo benedicto accenduntur candelae cleri.

Tertio procedens ante altare, in medio chori, rursus adhuc altius cantat: Lumen Christi, cui tertio omnes, ut supra, genuflectentes, respondent: Deo grátias. Et accenduntur candelae populi de cereo benedicto, et luminaria ecclesiae.

11a . Cum sacerdos ingressus est ecclesiam, stans, cantat solus: Lumen Christi, cui omnes alii, praeter cruciferum et thuriferarium, genuflectentes versus cereum benedictum, respondent: Deo grátias. Tunc unus ex ministrantibus de cereo benedicto candelam pro sacerdote accendit.

Procedens ad medium ecclesiae, ibi eodem modo sacerdos altius cantat: Lumen Christi, cui omnes, ut supra, genuflectentes, respondent: Deo grátias. Et de cereo benedicto accenduntur candelae ministrantium.

Tertio procedens ante altare, in medio chori, rursus adhuc altius cantat: Lumen Christi, cui tertio omnes, ut supra, genuflectentes, respondent: Deo grátias. Et accenduntur candelae populi de cereo benedicto, et luminaria ecclesiae.

12. Tunc celebrans vadit ad locum suum in choro, in latere epistolae ; subdiaconus cum cruce stat in latere evangelii, contra legile ; clerus locum suum occupat in scamnis.

Diaconus deponit cereum paschalem in medio chori, supra parvum sustentaculum, et, postquam celebrans posuerit incensum in thuribulum, accipiens librum, petit benedictionem, dicens:

Jube, domne, benedícere.

Et celebrans subjungit:

Dóminus sit in corde tuo, et in lábiis tuis: ut digne et competénter annúnties suum paschále praecónium: In nómine Patris, et Filii, + et Spíritus Sancti. Amen.

12a . Sacerdos deponit cereum paschalem in medio chori, supra parvum sustentaculum, seque recipit ad abacum ; crucifera stat in latere evangelii, contra legile ; ceteri ministrantes disponuntur hinc et inde.

Sacerdos vero, postquam posuerit incensum in thuribulum, accepto libro, dicit:

Jube, Dómine, benedícere. Dóminus sit in corde meo, et in lábiis meis: ut digne et competénter annúntiem suum paschále praecónium. Amen.

13. Postea diaconus vadit ad legile, strato albo coopertum, et ponit super eo librum, et incensat ; deinde, circumiens cereum paschalem, etiam illum thurificat.

Tunc surgentibus omnibus, et stantibus, ut fit ad evangelium, diaconus cantat praeconium paschale, habens ante se cereum paschalem, a dextris altare, a sinistris aulam ecclesiae.

Dum canitur praeconium paschale, convenit, ut clerus et populus candelas accensas gestent.

13a . Postea sacerdos vadit ad legile, strato albo coopertum, et ponit super eo librum, et incensat ; deinde, circumiens cereum paschalem, etiam illum thurificat.

Tunc surgentibus omnibus, et stantibus, ut fit ad evangelium, ipse sacerdos cantat vel legit praeconium paschale, habens ante se cereum paschalem, a dextris altare, a sinistris aulam ecclesiae.

Dum canitur praeconium paschale, convenit, ut clerus et populus candelas accensas gestent.

PRAECONIUM PASCHALE

EXSÚLTET jam Angélica turba caelórum: exsúltent divína mystéria: et pro tanti Regis victória, tuba ínsonet salutáris. Gáudeat et tellus tantis irradiáta fulgóribus: et aetérni Regis splendóre illustráta, totíus orbis se séntiat amisísse calíginem. Laetétur et mater Ecclésia, tanti lúminis adornáta fulgóribus: et magnis populórum vóciibus haec aula resúltet. Quaprópter adstántes vos, fratres caríssimi, ad tam miram hujus sancti lúminis claritátem, una mecum, quaeso, Dei omnipoténtis misericórdiam invocáte. Ut, qui me non meis méritis intra Levitárum númerum dignátus est aggregáre, lúminis sui claritátem infúndens, Cérei hujus laudem implére perficiat. Per Dóminum nostrum Jesum Christum Fílium suum: Qui cum eo vivit et regnat in unitáte Spíritus Sancti Deus.

PER ómnia saécula saeculórum. **R/.** Amen. **V/.** Dóminus vobíscum. **R/.** Et cum spíritu tuo. **V/.** Sursum corda. **R/.** Habémus ad Dóminum. **V/.** Grátias agámus Dómino Deo nostro. **R/.** Dignum et justum est.

VERE dignum et justum est, invisibilem Deum Patrem omnipoténtem Filiúmque ejus unigénitum, Dóminum nostrum Jesum Christum, toto cordis ac mentis afféctu et vocis ministério personáre. Qui pro nobis aetérno Patri Adae débitum solvit: et véteris piáculi cautiónem pio cruóre detérsit. Haec sunt enim festa paschália, in quibus verus ille Agnus occíditur, cujus ságuine postes fidélium consecrántur. Haec nox est, in qua primum patres nostros, filios Israél edúctos de AEGýpto, mare Rubrum sicco vestígio transíre fecísti. Haec ígitur nox est, quae peccatórum ténebras colúmnae illuminatione purgávit. Haec nox est, quae hódie per univérsam mundum, in Christo credéntes, a vítiis saéculi et calígene peccatórum segregátos, reddit grátiae, sóciat sanctitáti. Haec nox est, in qua, destrúctis vínculis mortis, Christus ab ínferis victor ascéndit. Nihil enim nobis nasci prófuit, nisi rédimi profuísset. O mira circa nos tuae pietátis dignátio ! O inaestimábilis diléctio caritátis: ut servum redímeres, Fílium tradidísti ! O certe necessárium Adae peccátum, quod Christi morte delétum est ! O felix culpa, quae talem ac tantum mérui habére Redemptórem ! O vere beáta nox, quae sola mérui scire tempus et horam, in qua Christus ab ínferis resurréxit ! Haec nox est, de qua scriptum est: Et nox sicut dies illuminábitur: et nox illuminátio mea in delíciis meis. Hujus ígitur sanctificátio noctis fugat scélera, culpas lavat: et reddit innocéntiam lapsis, et maestis laetitiam. Fugat ódia, concórdiam parat, et curvat impéria.

IN hujus ígitur noctis grátia, súscipe, sancte Pater, incénsi hujus sacrificium vespertinum: quod tibi in hac Cérei oblatiône solénni, per ministrórum manus de opéribus apum, sacrosáncta reddit Ecclésia. Sed jam colúmnae hujus praecónia nóvimus, quam in honórem Dei rútilans ignis accéndit. Qui licet sit divisus in partes, mutuáti tamen lúminis detriménta non novit. Alitur enim liquántibus ceris, quas in substántiam pretiósae hujus lámpadis, apis mater edúxit. O vere beáta nox, quae exspoliávit AEGýptios, ditávit Hebraeos ! Nox, in qua terrénis caeléstia, humánis divína jungúntur.

ORÁMUS ergo te, Dómine: ut Céreus iste in honórem tui nóminis consecrátus, ad noctis hujus calíginem destruéndam, indeficiens persevéret. Et in odórem suavitátis accéptus, supérnis lumináribus misceátur.

Flammas ejus lúcyfer matutínus invéniat. Ille, inquam, lúcyfer, qui nescit occásus. Ille, qui regréssus ab ínferis, humano géneri serénus illúxit. Precámur ergo te, Dómine: ut nos fámulos tuos, omnémque clerum, et devotíssimum pópulum: una cum beatíssimo Papa nostro **N.** et Antístite nostro **N.**, quiéte téporum concéssa, in his paschálibus gáudiis, assídua protectiône régere, gubernáre et conserváre dignéris.

Réspice étiam ad eos, qui nos in potestáte regunt, et, ineffábili pietátis et misericórdiae tuae múnere, dirige cogitatiónes eórum ad justítiam et pacem, ut de terréna operositáte ad caeléstem pátriam pervéniant cum omni pópulo tuo. Per eúmdem Dóminum nostrum Jesum Christum, Fílium tuum: Qui tecum vivit et regnat in unitáte Spíritus Sancti Deus: per ómnia saécula saeculórum. **R/.** Amen.

DE LECTIONIBUS

14. Post praeconium paschale, diaconus, depositis paramentis albis, assumit violacea, et vadit ad celebrantem.

14a . Post praeconium paschale, sacerdos deponit dalmaticam et stolam albi coloris, et, indutus iterum stola et pluvioli violaceis, redit ad legile.

15. Postea leguntur lectiones, sine titulo, nec in earum fine respondetur Deo grátias. Leguntur vero a lectore, in medio chori, ante cereum benedictum, ita quidem ut lector habeat a dextris altare, a sinistri s aulam ecclesiae. Celebrans et ministri, clerus et populus, sedentes auscultant.

15a . Postea leguntur lectiones, sine titulo, nec in earum fine respondetur Deo grátias. Leguntur vero a sacerdote, in medio chori, ante cereum benedictum, ita quidem ut sacerdos habeat a dextris altare, a sinistris aulam ecclesiae. Ministrantes et populus sedentes auscultant.

Si vero adsit clericus lector, omnia peraguntur, ut supra n. 15.

16. In fine lectionis, vel post canticum, dicuntur orationes, hoc modo: omnes surgunt ; celebrans dicit: Orémus, diaconus Flectámus génua, et omnes, una cum ipso celebrante, flexis genibus, per aliquod temporis spatium in silentio orant ; dicto a diacono Leváte, omnes surgunt, et celebrans dicit orationem, in tono feriali, et junctis manibus.

16a . In fine lectionis, vel post canticum, dicuntur orationes, hoc modo: omnes surgunt ; sacerdos, stans ante legile, dicit: Orémus. Flectámus génua, et omnes, una cum ipso sacerdote, flexis genibus, per aliquod temporis spatium in silentio orant ; dicto a sacerdote Leváte, omnes surgunt, et ipse dicit orationem, in tono feriali, et junctis manibus.

17. Leguntur vero quatuor sequentes lectiones, cum suis canticis, et orationibus.

LECTIO PRIMA

Gen. 1, 1-31 et 2, 1-2

IN princípío creávit Deus caelum et terram. Terra autem erat inánis et vácuá, et ténebrae erant super fáciem abyssi: et Spíritus Dei ferebátur super aquas. Dixítque Deus: « Fiat lux ». Et facta est lux. Et vidit Deus lucem quod esset bona: et divisít lucem a ténebris. Appellavítque lucem Diem, et ténebras Noctem: factúmque est vésperé, et mane, dies unus. Dixit quoque Deus: « Fiat firmaméntum in médio aquárum: et dívidat aquas ab aquis ». Et fecit Deus firmaméntum, divisítque aquas, quae erant sub firmaménto, ab his, quae erant super firmaméntum. Et factum est ita. Vocavítque Deus firmaméntum Caelum: et factum est vésperé, et mane, dies secúndus. Dixit vero Deus: « Congregéntur aquae, quae sub caelo sunt, in locum unum: et appáreat árida ». Et factum est ita. Et vocávit Deus áridam, Terram: congregationésque aquárum appellávit Mária. Et vidit Deus quod esset bonum. Et ait: « Gérminet terra herbam viréntem, et faciéntem semen, et lignum pomíferum fáciens fructum juxta genus suum, cujus semen in semetípso sit super terram ». Et factum est ita. Et prótulit terra herbam viréntem, et faciéntem semen juxta genus suum, lignúmque fáciens fructum, et habens unumquódque seméntem secúndum spéciem suam. Et vidit Deus quod esset bonum. Et factum est vésperé, et mane, dies tértius. Dixit autem Deus: « Fiant luminária in firmaménto caeli, et dívidant diem ac noctem, et sint in signa, et témpora, et dies, et annos: ut lúceant in firmaménto caeli, et illúminent terram ». Et factum est ita. Fecítque Deus duo luminária magna: lumináre majus, ut praeéssent diéi: et lumináre minus, ut praeéssent nocti: et stellas. Et pósuit eas in firmaménto caeli, ut lucérent super terram, et praeéssent diéi ac nocti, et díviderent lucem, ac ténebras. Et vidit Deus quod esset bonum. Et factum est vésperé, et mane, dies quartus. Dixit étiam Deus: « Producant aquae réptile ánimae vivéntis, et volátile super terram sub firmaménto caeli ». Creavítque Deus cete grándia, et omnem ánimam vivéntem atque motábilem, quam produxerant aquae in spécies suas, et omne volátile secúndum genus suum. Et vidit Deus quod esset bonum. Benedixítque eis, dicens: « Créscite, et multiplicámini, et repléte aquas maris: avésque multiplicéntur super terram ». Et factum est vésperé, et mane, dies quintus. Dixit quoque Deus: « Producat terra ánimam vivéntem in génere suo: juménta et reptília, et béstias terrae secúndum spécies suas ». Factúmque est ita. Et fecit Deus béstias terrae juxta spécies suas, et juménta, et omne réptile terrae in génere suo. Et vidit Deus quod esset bonum, et ait: « Faciámus hómínem ad imáginem, et similitúdinem nostram: et praesit píscibus maris, et volatílibus caeli, et béstiiis, universaéque terrae, omníque réptili, quod movétur in terra ». Et creávit Deus hómínem ad imáginem suam: ad imáginem Dei creávit illum, másculum et féminam creávit eos. Benedixítque illis Deus, et ait: « Créscite, et multiplicámini, et repléte terram, et subjícite eam, et dominámini píscibus maris, et volatílibus caeli, et univérsis animántibus, quae movéntur super terram ». Dixítque Deus: « Ecce dedi vobis omnem herbam afferéntem semen super terram, et univérsa ligna, quae habent in semetípso seméntem géneris sui, ut sint vobis in escam: et cunctis animántibus terrae, omníque vólucris caeli, et univérsis, quae movéntur in terra, et in quibus est ánima vivens, ut hábeant ad vescéndum ». Et factum est ita. Vidítque Deus cuncta, quae fécerat: et erant valde bona. Et factum est vésperé, et mane, dies sextus. Igitur perfécti sunt caeli, et terra, et omnis ornátus eórum. Complevítque Deus die séptimo opus suum, quod fécerat: et requiévit die séptimo ab univérso ópere quod patrát.

Orémus.

V/. Flectámus génua. *R/.* Leváte.

Oratio

DEUS, qui mirabíliter creásti hóminem, et mirabílius redemísti: da nobis, quaésumus, contra oblectaménta peccáti, mentis ratióne persístere ; ut mereámur ad aetérna gáudia perveníre. Per Dóminum.

LECTIO SECUNDA

Ex. 14, 24-31 et 15, 1

IN diébus illis: Factum est in vigília matutína, et ecce respiciens Dóminus super castra AEgyptiórum per colúmnam ignis, et nubis, interfécit exércitum eórum: et subvértit rotas cúrruum, ferebantúrque in profúndum. Dixérunt ergo AEgyptíi: « Fugiámus Israélem: Dóminus enim pugnat pro eis contra nos ». Et ait Dóminus ad Móysen: « Exténde manum tuam super mare, ut revertántur aquae ad AEgyptios super currus, et équites eórum ». Cumque extendísset Móyses manum contra mare, revérsus est primo dilúculo ad priórem locum: fugientibúsqe AEgyptíis occurrérunt aquae, et invólvit eos Dóminus in médiis flúctibus. Reversaéque sunt aquae, et operuérunt currus, et équites cuncti exércitus Pharaónis, qui sequétes ingrési fúerant mare: nec unus quidem supérfit ex eis. Filii autem Israél perrexérunt per médium sicci maris, et aquae eis erant quasi pro muro a dextris et a sinístris: liberavítque Dóminus in die illa Israél de manu AEgyptiórum. Et vidérunt AEgyptios mórtuos super littus maris, et manum magnam, quam exercúerat Dóminus contra eos: timúitque pópulus Dóminum, et credidérunt Dómino, et Móysi servo ejus. Tunc cécinít Móyses, et filii Israél carmen hoc Dómino, et dixérunt:

Canticum Ex. 15, 1 et 2 Cantémus Dómino: glorióse enim honorificátus est: equum, et ascensórem projéct in mare: adjútor, et protéctor factus est mihi in salútem. *V/.* Hic Deus meus, et honorificábo eum: Deus patris mei, et exaltábo eum. *V/.* Dóminus cónterens bella: Dóminus nomen est illi.

Orémus.

V/. Flectámus génua. *R/.* Leváte.

Oratio

DEUS, cujus antíqua mirácula étiam nostris saéculis coruscáre sentímus: dum quod uni pópulo, a persecutióne AEgyptíaca liberándo, dexterae tuae poténtia contulísti, id in salútem géntium per aquam regeratiónis operáris: praesta ; ut in Abrahae filios, et in Israélíticam dignitátem, totíus mundi tránseat plenítudo. Per Dóminum.

LECTIO TERTIA

Is. 4, 2-6

IN die illa erit germen Dómini in magnificéntia, et glória, et fructus terrae sublímis, et exsultátió his, qui salváti fúerint de Israél. Et erit: Omnis qui relíctus fúerit in Sion, et resíduus in Jerúsalem, sanctus vocábitur, omnis qui scriptus est in vita in Jerúsalem. Si ablúerit Dóminus sordes filiárum Sion, et sánguinem Jerúsalem láverit de médio ejus, in spíritu judícii, et spíritu ardóris. Et creábit Dóminus super omnem locum montis Sion, et ubi invocátus est, nubem per diem, et fumum, et splendórem ignis flammántis in nocte: super omnem enim glóriam protéctio. Et tabernáculum erit in umbráculum diéi ab aestu, et in securitátem, et absconsiónem a túrbine, et a plúvia.

Canticum Is. 5, 1 et 2 Vínea facta est dilécto in cornu, in loco úberi. *V/.* Et macériam circúmdedit, et circumfódit: et plantávit víneam Sorec, et aedificávit turrin in médio ejus. *V/.* Et tórcular fodit in ea: vínea enim Dómini Sábaoth, domus Israél est.

Orémus.

V/. Flectámus génua. *R/.* Leváte.

Oratio

DEUS, qui in ómnibus Ecclésiæ tuae filiis sanctórum prophetárum voce manifestásti, in omni loco dominatiónis tuae, satórem te bonórum séminum, et electórum pálmitum esse cultórem: tríbue pópulis tuis, qui te vineárum apud te nómine censéntur, et ségetum ; ut, spinárum et tribulórum squalóre resecáto, digna efficiántur fruge fecúndi. Per Dóminum.

LECTIO QUARTA

Deut. 31, 22-30

IN diébus illis: Scripsit Móyses cánticum, et dócuit filios Israël. Praecepítque Dóminus Jósue filio Nun, et ait: « Confortáre, et esto robústus: tu enim introduces filios Israël in terram, quam pollícitus sum, et ego ero tecum ». Postquam ergo scripsit Móyses verba legis hujus in volúmine, atque complévit: praecépit Levítis, qui portábant arcam fo éderis Dómini, dicens: « Tóllite librum istum, et pónite eum in látere arcae fo éderis Dómini Dei vestri: ut sit ibi contra te in testimónium. Ego enim scio contentiónem tuam, et cervícem tuam duríssimam. Adhuc vivénte me, et ingrediénte vobíscum, semper contentióse egístis contra Dóminum: quanto magis cum mórtuus fúero ? Congregáte ad me omnes majóres natu per tribus vestras, atque doctóres, et loquar audiéntibus eis sermónes istos, et invocábo contra eos caelum et terram. Novi enim quod post mortem meam iníque agétis, et declinábitis cito de via, quam praecépi vobis: et occúrrent vobis mala in extrémó témpore, quando fecéritis malum in conspéctu Dómini, ut irritétis eum per ópera mánuum vestrárum ». Locútus est ergo Móyses, audiénte univérso coetu Israël, verba cárminis hujus, et ad finem usque complévit.

Canticum Deut. 32, 1-4 Atténde, caelum, et loquar: et áudiat terra verba ex ore meo. **V/.** Expectétur sicut plúvia elóquium meum: et descéndant sicut ros verba mea. **V/.** Sicut imber super gramen, et sicut nix super fenum: quia nomen Dómini invocábo. **V/.** Date magnítudinem Deo nostro: Deus, vera ópera ejus, et omnes viae ejus judícia. **V/.** Deus fidélis, in quo non est iníquitas: justus, et sanctus Dóminus.

Orémus.

V/. Flectámus génua. **R/.** Leváte.

Oratio

DEUS, celsitúdo humílium, et fortitúdo rectórum, qui per sanctum Móysen púerum tuum ita erudíre pópulum tuum sacri cárminis tui decantatióne voluísti, ut illa legis iterátio fíeret étiam nostra diréctio: éxcita in omnem justificátarum géntium plenitúdinem poténtiam tuam, et da laetitiam, mitigándo terrórem ; ut, ómnium peccátis tua remissióne delétis, quod denunciátum est in ultiónem, tránseat in salútem. Per Dóminum.

DE PRIMA PARTE LITANIARUM

18. **His expletis, a duobus cantoribus, in medio choro genuflexis, cantantur litaniae sanctorum (quin tamen duplicentur)** usque ad invocationem Propítius esto, omnibus genuflexis et respondentibus.

18a . His expletis, a duobus cantoribus, seu, his deficientibus, ab ipso sacerdote, genuflexo in infimo gradu altaris, a latere epistolae, cantantur litaniae sanctorum (quin tamen duplicentur) usque ad invocationem Propítius esto, omnibus genuflexis et respondentibus.

19. **Postea, si ecclesia habet fontem baptismalem, ritus prosequitur ut infra n. 20, secus vero ut infra n. 24.**

KÝRIE, eléison. Christe, eléison. Kýrie, eléison. Christe, audi nos. Christe, exáudi nos.

Pater de caelis, Deus, miserére nobis.

Fili, Redémptor mundi, Deus, miserére nobis.

Spirítus Sancte, Deus, miserére nobis.

Sancta Trínitas, unus Deus, miserére nobis.

Sancta María, ora pro nobis.

Sancta Dei Génatrix, ora pro nobis.

Sancta Virgo víginum, ora pro nobis.

Sancte Míchaël, ora pro nobis.

Sancte Gábriel, ora pro nobis.

Sancte Ráphaël, ora pro nobis.

Omnes sancti Angeli et Archángeli, oráte pro nobis.

Omnes sancti beatórum Spirítuum ordines, oráte pro nobis.

Sancte Joánnes Baptísta, ora pro nobis.

Sancte Joseph, ora pro nobis.

Omnes sancti Patriárchae et Prophétae, oráte pro nobis.

Sancte Petre, ora pro nobis.

Sancte Paule, ora pro nobis.

Sancte Andréa, ora pro nobis.

Sancte Joánnes, ora pro nobis.

Omnes sancti Apóstoli et Evangelístae, oráte pro nobis.

Omnes sancti Discípuli Dómini, oráte pro nobis.

Sancte Stéphane, ora pro nobis.

Sancte Laurénti, ora pro nobis.
 Sancte Vincénti, ora pro nobis.
 Omnes sancti Mártyres, oráte pro nobis.
 Sancte Silvéster, ora pro nobis.
 Sancte Gregóri, ora pro nobis.
 Sancte Augustíne, ora pro nobis.
 Omnes sancti Pontífices et Confessóres, oráte pro nobis.
 Omnes sancti Doctóres, oráte pro nobis.
 Sancte Antóni, ora pro nobis.
 Sancte Benedicte, ora pro nobis.
 Sancte Domínice, ora pro nobis.
 Sancte Francísce, ora pro nobis.
 Omnes sancti Sacerdótes et Levítae, oráte pro nobis.
 Omnes sancti Mónachi, et Eremítae, oráte pro nobis.
 Sancta María Magdaléna, ora pro nobis.
 Sancta Agnes, ora pro nobis.
 Sancta Caecília, ora pro nobis.
 Sancta Agatha, ora pro nobis.
 Sancta Anastásia, ora pro nobis.
 Omnes sanctae Vírgines et Víduae, oráte pro nobis.
 Omnes Sancti et Sanctae Dei, intercédite pro nobis.

DE BENEDICTIONE AQUAE BAPTISMALIS

20. Dum cantantur litaniae sanctorum, vas aquae baptismalis benedicendae, et cetera omnia quae ad benedictionem requiruntur, praeparantur in medio chori, versus latus epistolae, in conspectu fidelium. Vas aquae benedicendae convenienter ornari decet.

21. In benedicenda aqua baptismali, celebrans, stans coram populo, ante se habeat vas aquae baptismalis benedicendae, a dextris cereum benedictum, a sinistris alium subdiaconum, vel clericum, seu ministrantem, stantem cum cruce.

Celebrans, junctis manibus, in tono feriali dicit:

V/. Dóminus vobíscum.

R/. Et cum spírítu tuo.

Orémus. **Oratio**

OMNÍPOTENS sempitérne Deus, adésto magnae pietátis tuae mystériis, adésto sacraméntis: et ad recreándos novos pópulos, quos tibi fons baptismatis párturit, spírítum adoptiónis emítte ; ut, quod nostrae humilitátis geréndum est ministério, virtútis tuae impleátur efféctu. Per Dóminum nostrum Jesum Christum, Fílium tuum: Qui tecum vivit et regnat in unitáte Spírítus Sancti Deus:

Elevans vocem in modum praefationis, prosequitur junctis manibus:

PER ómnia saécula saeculórum. R/. Amen. V/. Dóminus vobíscum. R/. Et cum spírítu tuo. V/. Sursum corda. R/. Habémus ad Dóminum. V/. Grátias agámus Dómino Deo nostro. R/. Dignum et justum est. VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus:

QUI invisíbili poténtia, sacramentórum tuórum mirábiliter operáris efféctum: et licet nos tantis mystériis exsequéndis simus indigni: tu tamen grátiae tuae dona non déserens, étiam ad nostras preces aures tuae pietátis inclínas. Deus, cujus Spírítus super aquas inter ipsa mundi primórdia ferebátur: ut jam tunc virtútem sanctificatiónis, aquárum natúra concíperet. Deus, qui nocéntis mundi crímina per aquas ábluens, regeneratiónis spéciem in ipsa dilúvii effusióne signásti: ut, uníus ejusdémque eleménti mystério, et finis esset vítiis, et orígo virtútibus. Réspice, Dómine, in fáciem Ecclésiae tuae, et múltiplica in ea regeneratiónes tuas, qui grátiae tuae affluéntis ímpetu laetíficas civitátem tuam: fontémque baptismatis áperis toto orbe terrárum géntibus innovándis: ut tuae majestátis império, sumat Unigéniti tui grátiam de Spírítu Sancto.

Hic celebrans in modum Crucis aquam dividit manu extensa, quam statim linteo extergit, dicens:

QUI hanc aquam regenerándis homínibus praeparátam, arcána sui núminis admixtióne fecúndet: ut, sanctificatióne concépta, ab immaculáto divíni fontis útero, in novam renáta creatúram, progénies caeléstis emérget: et quos aut sexus in córpore, aut aetas discérnit in témpore, omnes in unam páriat grátia mater infántiam. Procul ergo hinc, jubénte te, Dómine, omnis spírítus immúndus abscedat: procul tota nequítia diabólicae fraudis absístat. Nihil hic loci hábeat contráriae virtútis admíxtio: non insidiádo circúmvolet: non laténdo subrépat: non inficiéndo corrúmpat.

Aquam manu tangit.

Sit haec sancta et ínnocens creatúra, líbera ab omni impugnatóris incúrsu, et totíus nequítiae purgáta

discéssu. Sit fons vivus, aqua regénerans, unda puríficans: ut omnes hoc lavácro salutífero diluéndi, operánte in eis Spírítu Sancto, perféctae purgatiónis indulgéntiam consequántur.

Facit tres cruces super aquam, dicens:

Unde benedíco te, creatúra aquae, per Deum + vivum, per Deum + verum , per Deum + sanctum: per Deum, qui te in princípío verbo separávit ab árida: cujus Spírítus super te ferebátur.

Hic manu aquam dividit, et effundit eam versus quatuor mundi partes, dicens:

Qui te de paradísi fonte manáre fecit, et in quátuor flumínibus totam terram rigáre praecépit. Qui te in desérto amáram, suavítate índita, fecit esse potábilem, et sitiénti pópulo de petra prodúxit. Be+nedíco te et per Jesum Christum Fílium ejus únicum, Dóminum nostrum: qui te in Cana Galilaéae signo admirábili sua poténtia convértit in vinum. Qui pédibus super te ambulávit: et a Joánnē in Jordáne in te baptizátus est. Qui te una cum sáanguine de látere suo prodúxit: et discípulis suis jussit, ut credéntes baptizaréntur in te, dicens: « Ite, docéte omnes gentes, baptizántes eos in nómine Patris, et Filii, et Spírítus Sancti. »

Mutat vocem, et prosequitur in tono lectionis.

HAEC nobis praecépta servántibus, tu, Deus omnípotens, clemens adésto: tu benígnus aspíra.

Halat ter in aquam in modum crucis, dicens:

Tu has símplices aquas tuo ore benedícito: ut praeter naturálem emundatiónem , quam lavándis possunt adhibére corpóribus, sint étiam purificándis méntibus effícaces.

Hic celebrans paululum demittit cereum in aquam: et resumens tonum praefationis, dicit:

DESCÉNDAT in hanc plenitúdinem fontis virtus Spírítus Sancti.

Deinde extractum cereum de aqua, iterum profundius mergit, aliquanto altius repetens: Descéndat, ut supra. Postea cereum rursus de aqua extractum, tertio immergens usque ad fundum, altiori adhuc voce repetit: Descéndat, ut supra. Et deinde sufflans ter in aquam, secundum hanc figuram , prosequitur:

TOTÁMQUE hujus aquae substántiam regenerándi fecúndet efféctu.

Hic tollitur cereus de aqua, et prosequitur:

HIC ómnium peccatórum máculae deleántur: hic natúra ad imáginem tuam cóndita, et ad honórem sui reformáta princípíi, cunctis vetustátis squalóribus emundétur: ut omnis homo, sacraméntum hoc regeneratiónis ingrèssus, in verae innocéntiae novam infántiam renascátur.

Sequentia dicit legendo:

Per Dóminum nostrum Jesum Christum, Fílium tuum: Qui ventúrus est judicáre vivos et mórtuos, et saéculum per ignem. **R/.** Amen.

Deinde aliquis clericus, vel ministrans, accipit in vase aliquo de eadem aqua, ad aspergendum populum post renovationem promissionum baptismatis, ut infra n. 25 dicitur, et ad aspergendum in domibus et aliis locis.

His peractis, celebrans, qui benedicit fontem, infundit de Oleo catechumenorum in aquam in modum crucis, intelligibili voce dicens:

SANCTIFICÉTUR et fecundétur fons iste Oleo salútis renascéntibus ex eo, in vitam aetérnam. **R/.** Amen.

Deinde infundit de Chrismate, modo quo supra, dicens:

INFÚSIO Chrísmatis Dómini nostri Jesu Christi, et Spírítus Sancti Parácliti, fiat in nómine sanctae Trinitátis. **R/.** Amen.

Postea accipit ambas ampullas dicti Olei sancti, et Chrismatis, et de utroque simul in modum crucis ter infundendo, dicit:

COMMÍXTIO Chrísmatis sanctificatiónis, et Olei unctiúnis, et aquae baptismatis, páriter fiat in nómine Pa+tris, et Fi+lii, et Spírítus + Sancti. **R/.** Amen.

Tunc miscet ipsum Oleum cum aqua. Si aderunt baptizandi, eos baptizet more consueto.

Sed, si plures sint, permittitur caeremonias Ritualis Romani, quae ipsam baptismi collationem praecedunt, id est, in baptemate infantium usque ad verba Credis in Deum (*Rituale Romanum*, tit. II, cap. II, n. 17) , et in baptemate adultorum usque ad verba Quis vocaris ? (*Rituale Romanum*, tit. II, cap. IV, n. 38) , eodem mane, tempore opportuno, praemittere.

22. **Benedictione peracta, aqua baptismalis defertur processionaliter ad fontem, hoc modo: praecedit thuriferarius, sequitur alius subdiaconus, vel clericus, cum cruce, et clerus ; deinde diaconus cum vase aquae baptismalis, nisi conveniat ipsum ab acolythis portari ; et celebrans ; cereus vero paschalis remanet in suo loco ; et interim cantatur sequens**

Canticum Ps. 41, 2-4 Sicut cervus desíderat ad fontes aquárum: ita desíderat ánima mea ad te, Deus. **V/.** Sitívit ánima mea ad Deum vivum: quando véniam, et apparébo ante fáciem Dei ? **V/.** Fuérunt mihi lácrimae meae panes die ac nocte, dum dícutur mihi per síngulos dies: Ubi est Deus tuus ?

Aqua benedicta in fontem immissa, celebrans, manibus junctis et in tono feriali, dicit:

V/. Dóminus vobíscum.

R/. Et cum spírítu tuo.

Orémus. **Oratio**

OMNÍPOTENS sempitérne Deus, réspice propítius ad devotiónem pópuli renascéntis, qui sicut cervus aquárum tuárum éxpetit fontem: et concéde propítius ; ut fidei ipsíus sitis, baptísmatis mystério, ánimam corpúsque sanctíficet. Per Dóminum. **R/.** Amen.

Et incensat Fontem.

Tunc redeunt omnes in silentio in chorum, et datur initium renovacioni promissionum baptismatis.

22a . Benedictione peracta, aqua baptismalis defertur processionaliter ad fontem, hoc modo: praeceditthuriferarius, sequitur crucifer et ministrantes ; deinde unus vel plures ministrantium, qui vas aquae baptismalis gestant, et sacerdos ; cereus vero paschalis remanet in suo loco. Cetera fiunt ut supra.

23. Sicubi vero baptisterium exstat ab ecclesia separatum, et praeferatur benedictionem aquae baptismalis in ipso baptisterio fieri, post invocationem Sancta Trínitas, unus Deus, miserére nobis, descenditur ad fontem hoc modo: praecedit clericus cum cereo benedicto, sequitur alius subdiaconus cum cruce, vel crucifer, medius inter acolythos cum candelabris accensis, deinde clerus per ordinem, demum celebrans cum ministris sacris. Cantores vero et populus remanent in locis suis, et prosequuntur cantum litaniarum, repetitis, si opus est, invocationibus inde a Sancta María, ora pro nobis.

Benedictio aquae baptismalis fit ut supra, his tantum mutatis: dum pergitur ad fontem, cantatur Canticum Sicut cervus, et celebrans, antequam intret ad benedictionem fontis, dicit orationem Omnipotens sempitérne Deus, réspice propítius, n. 22, ut supra ; postea procedit ad benedictionem fontis, n. 21.

Benedictione peracta, omnes redeunt in silentio in ecclesiam, et datur initium renovacioni promissionum baptismatis.

DE RENOVATIONE PROMISSIONUM BAPTISMATIS

24. Completa benedictione aquae baptismalis, ejusque translatione ad fontem, vel, ubi benedictio locum non habuerit, post absolutam primam partem litaniarum, proceditur ad renovacionem promissionum baptismatis, qua perdurante convenit, ut clerus et populus candelas accensas gestent.

25. Celebrans, depositis paramentis violaceis, assumit stolam et pluviale albi coloris ; deinde, imposito thure, et facta incensatione cerei, stans juxta illum, facie versus ad populum, vel ex ambone seu pulpito, incipit, ut sequitur:

HAC sacratíssima nocte, fratres caríssimi, sancta Mater Ecclésia, récolens Dómini nostri Jesu Christi mortem et sepultúram, eum redamándo vígilat ; et, célebrans ejúsdem gloriósam resurrectiónem, laetabúnda gaudet.

Quóniam vero, ut docet Apóstolus, consepúlti sumus cum Christo per baptísmum in mortem, quómodo Christus resurréxit a mórtuis, ita et nos in novitáte vitae opórtet ambuláre ; sciéntes, véterem hóminem nostrum simul cum Christo crucifíxum esse, ut ultra non serviámus peccáto. Existimémus ergo nos mórtuos quidem esse peccáto, vivéntes autem Deo in Christo Jesu Dómino nostro.

Quaprópter, fratres caríssimi, quadagesimáli exercitatióne absolúta, sancti baptísmatis promissiónes renovémus, quibus olim Sátanae et opéribus ejus, sicut et mundo, qui inimícus est Dei, abrenuntiávimus, et Deo in sancta Ecclésia cathólica fidéliter servíre promísimus.

Itaque:

Celebrans: Abrenuntiátis Sátanae ?

Omnes: Abrenuntiámus.

Celebrans: Et ómnibus opéribus ejus ?

Omnes: Abrenuntiámus.

Celebrans: Et ómnibus pompis ejus ?

Omnes: Abrenuntiámus.

Celebrans: Créditis in Deum, Patrem omnipoténtem, Creatórem caeli et terrae ?

Omnes: Crédimus.

Celebrans: Créditis in Jesum Christum, Fílium ejus únicum, Dóminum nostrum, natum et passum ?

Omnes: Crédimus.

Celebrans: Créditis et in Spírítum Sanctum, sanctam Ecclésiam cathólicam, sanctórum communiónem, remissiónem peccatórum, carnis resurrectiónem, et vitam aetérnam ?

Omnes: Crédimus.

Celebrans: Nunc autem una simul Deum precémur, sicut Dóminus noster Jesus Christus oráre nos dócuit:

Omnes: Pater noster...

Celebrans: Et Deus omnípotens, Pater Dómini nostri Jesu Christi, qui nos regenerávit ex aqua et Spírítu Sancto, quique nobis dedit remissiónem peccatórum, ipse nos custódiat grátia sua in eódem Christo Jesu Dómino nostro, in vitam aetérnam.

Omnes: Amen.

Et aspergit populum aqua benedicta, extracta, ut supra dictum est n. 21, in benedictione aquae baptismalis ; vel, ubi benedictio aquae baptismalis locum non habet, aqua benedicta « ordinaria ».

26. Haec allocutio et renovatio promissionum baptismatis fieri potest, ubique locorum, lingua vernacula ; versione tamen ab Ordinario loci approbata.

DE ALTERA PARTE LITANIARUM

27. Renovazione promissionum baptismatis peracta, cantores, *seu ipse sacerdos*, incipiunt alteram partem litaniarum, inde ab invocatione Propítius esto, usque ad finem, omnibus genuflexis et respondentibus.

Si in hac sacra vigilia paschali sacri Ordines conferantur, consueta ordinandorum prostratio et benedictio peragitur, dum haec altera pars litaniarum decantatur.

28. Celebrans vero et ministri, accedentes ad sacristiam, induuntur paramentis albi coloris pro Missa solemniter celebranda.

28a . Sacerdos vero et ministrantes accedunt ad sacristiam, ubi sacerdos induitur paramentis albi coloris, ministrantes vero sumunt vestes festivas, pro Missa cantata.

Vel si, cantoribus deficientibus, ipse sacerdos litanias sanctorum decantare debeat, his absolutis, ad sacristiam accedat, cum ministrantibus, ad paramenta sumenda pro Missa cantata, ut supra dictum est.

29. Interim cereus paschalis reponitur in candelabrum suum, in latere evangelii, et altare paratur pro Missa solemnī, luminaribus accensis et floribus.

Propítius esto, parce nobis, Dómine.

Propítius esto, exáudi nos, Dómine.

Ab omni malo, líbera nos, Dómine.

Ab omni peccáto, líbera nos, Dómine.

A morte perpétua, líbera nos, Dómine.

Per mystérium sanctae incarnatiónis tuae, líbera nos, Dómine.

Per advéntum tuum, líbera nos, Dómine.

Per nativitátem tuam, líbera nos, Dómine.

Per baptísmum et sanctum jejúnium tuum, líbera nos, Dómine.

Per crucem et passióem tuam, líbera nos, Dómine.

Per mortem et sepultúram tuam, líbera nos, Dómine.

Per sanctam resurrectióem tuam, líbera nos, Dómine.

Per admirábilem ascensióem tuam, líbera nos, Dómine.

Per advéntum Spíritus Sancti Parácliti, líbera nos, Dómine.

In die iudícii, líbera nos, Dómine.

Peccatóres, te rogámus, audi nos.

Ut nobis parcas, te rogámus, audi nos.

Ut Ecclésiám tuam sanctam régere et conserváre dignéris, te rogámus, audi nos.

Ut domnum apostólicum et omnes ecclesiásticos órdenes in sancta religióne conserváre dignéris, te rogámus, audi nos.

Ut inimícos sanctae Ecclésiæ humiliáre dignéris, te rogámus, audi nos.

Ut régibus et princípibus christiánis pacem et veram concórdiam donáre dignéris, te rogámus, audi nos.

Ut nosmetípsos in tuo sancto servítio confortáre et conserváre dignéris, te rogámus, audi nos.

Ut ómnibus benefactoribus nostris sempitérna bona retríbuas, te rogámus, audi nos.

Ut fructus terrae dare et conserváre dignéris, te rogámus, audi nos.

Ut ómnibus fidélibus defúntcis réquiem aetérnam donáre dignéris, te rogámus, audi nos.

Ut nos exaudíre dignéris, te rogámus, audi nos.

Agnus Dei, qui tollis peccáta mundi, parce nobis, Dómine.

Agnus Dei, qui tollis peccáta mundi, exáudi nos, Dómine.

Agnus Dei, qui tollis peccáta mundi, miserére nobis.

Christe, audi nos. Christe, exáudi nos.

DE MISSA SOLEMNI VIGILIAE PASCHALIS

* Privata Missae vigiliae paschalis celebratio interdicitur.

Sacra communio fidelibus dari potest tantummodo inter Missarum solemnīa, vel continuo ac statim ab iis expletis ; exceptis iis, qui in periculo mortis sunt constituti.

1. In fine litaniarum, cantores solemniter incipiunt Kýrie, eléison, ut in Missa moris est. Interim cel ebrans cum ministris, in paramentis albis, *seu cum ministrantibus*, accedit ad altare, et, facta ei debita reverentia, omīssis psalmo Júdica me, Deus, et confessione, statim ascendens, osculatur illud in medio, et incensat

more solito.

2. **Finitis a choro Kýrie, eléison, celebrans incipit solemniter Glória in excélsis, et pulsantur campanae ac discooperiuntur imagines.**

* Pulsatio campanarum hoc modo fiat:

a) In locis, in quibus una tantum habetur ecclesia, campanae pulsentur hora, qua dicti hymni incipit cantus.

b) In locis autem, ubi plures ecclesiae exstant, sive in omnibus eodem tempore sacrae caeremoniae peragantur, sive tempore diverso, campanae omnium ecclesiarum ejusdem loci pulsentur una cum campanis ecclesiae cathedralis, vel matricis aut principalis. In dubio quaenam ecclesia in loco sit matrix aut principalis, adeatur Ordinarius loci.

Postea celebrans dicit:

V/. Dóminus vobíscum.

R/. Et cum spírítu tuo.

Orémus. **Oratio**

DEUS, qui hanc sacratíssimam noctem glória domínicae Resurrecciónis illústras: consérva in nova famílliae tuae progénie adoptiónis spírítum, quem dedísti; ut, córpore et mente renováti, puram tibi exhíbeant servitútem. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte.

Et dicitur tantum haec oratio.

3. Lécio Epístolae beáti Pauli Apóstoli ad Colossénses.

Coloss. 3, 1-4

FRATRES: Si consurrexístis cum Christo, quae sursum sunt quaérite, ubi Christus est in délixtera Dei sedens: quae sursum sunt sápite, non quae supra terram. Mórtui enim estis, et vita vestra est abscondíta cum Christo in Deo. Cum Christus apparúerit, vita vestra: tunc et vos apparébitis cum ipso in glória.

4. **Finita epístola, celebrans incipit:**

ALLÉLUJA.

Et totum decantat ter, elevando vocem gradatim: et omnes post quamlibet vicem, in eodem tono, repetunt illud idem.

Postea cantores prosequuntur:

V/. Ps. 117, 1 Confitémini Dómino, quóniam bonus: quóniam in saéculum misericórdia ejus.

Deinde dicitur V/. Ps. 116, 1-2 Laudáte Dóminum, omnes gentes: et collaudáte eum, omnes pópuli. V/. Quóniam confirmáta est super nos misericórdia ejus: et véritas Dómini manet in aetérnum.

5. **Ad evangelium non portantur luminaria, sed tantum incensum: petitur benedictio, et alia fiunt de more.**

+ Sequéntia sancti Evangéllii secúndum Matthaéum.

Matth. 28, 1-7

VÉSPERE autem sábbati, quae lucéscit in prima sábbati, venit María Magdaléne, et áltera María vidére sepúlcrum. Et ecce terraemótus factus est magnus. Angelus enim Dómini descéndit de caelo: et accédens revólvit lápidem, et sedébat super eum: erat autem aspéctus ejus sicut fulgur: et vestiméntum ejus sicut nix. Prae timóre autem ejus extérriti sunt custódes, et facti sunt velut mórtui. Respóndens autem Angelus, dixit muliéribus: « Nolíte timére vos: scio enim, quod Jesum, qui crucifíxus est, quaéritis: non est hic: surréxit enim, sicut dixit. Veníte, et vidéte locum, ubi pósitus erat Dóminus. Et cito eúntes, dícite discípulis ejus, quia surréxit: et ecce praecédit vos in Galilaéam: ibi eum vidébitis. Ecce praedíxi vobis. »

Non dicitur Credo, sed finito evangelio celebrans dicit: Dóminus vobíscum, postea: Orémus. Non dicitur antiphona ad offertorium. Ad Lavábo dicitur Glória Patri.

6. **Secreta**

SÚSCÍPE, quaésumus, Dómine, preces pópuli tui, cum oblatiónibus hostiárum: ut paschálibus initiáta mystériis, ad aeternitátis nobis medélam, te operánte, profícient. Per Dóminum.

Praefatio Te quidem, Dómine, omni témpore, sed in hac potíssimum nocte, **ut infra.**

7. **Infra Actionem**

COMMUNICANTES, et noctem sacratissimam celebrantes Resurrectionis Domini nostri Jesu Christi secundum carnem: sed et memoriam venerantes, in primis gloriosae semper Virginis Mariae, Genitricis ejusdem Dei et Domini nostri Jesu Christi: sed et beatorum Apostolorum ac Martyrum tuorum, Petri et Pauli, Andrae, Jacobi, Joannis, Thomae, Jacobi, Philippi, Bartholomaei, Matthaei, Simonis et Thaddaei: Lini, Cleti, Clementis, Xysti, Corneli, Cypriani, Laurentii, Chrysogoni, Joannis et Pauli, Cosmae et Damiani: et omnium Sanctorum tuorum; quorum meritis precibusque concedas, ut in omnibus protectionis tuae muniamur auxilio. **Jungit manus.** Per eundem Christum Dominum nostrum. Amen.

Tenens manus expansas super oblata, dicit:

HANC igitur oblationem servitutis nostrae, sed et cunctae familiae tuae, quam tibi offerimus pro his quoque, quos regenerare dignatus es ex aqua et Spiritu Sancto, tribuens eis remissionem omnium peccatorum, quaesumus, Domine, ut placatus accipias: diesque nostros in tua pace disponas, atque ab aeterna damnatione nos eripi, et in electorum tuorum jubeas grege numerari. **Jungit manus.** Per Christum Dominum nostrum. Amen.

Quam oblationem **et reliqua ut in Canone Missae, ut infra.**

Dicitur Pax Domini sit semper vobiscum, **sed pacis osculum non datur.**

Agnus Dei **non dicitur: et, omissa oratione** Domine Jesu Christe, qui dixisti, **dicuntur ceterae orationes consuetae** Domine Jesu Christe, Filii Dei vivi, **et Percipio Corporis tui.**

8. Post sumptionem Sacramenti, distributio communionis, purificatio et ablutio fiunt more solito; deinde pro LAUDIBUS dominicae Resurrectionis in choro cantatur antiphona:

ALLÉLUJA, * allelúja, allelúja.

Psalmus 150

LAUDATE Dominum in sanctis ejus: * laudate eum in firmamento virtutis ejus.

Laudate eum in virtutibus ejus, * laudate eum secundum multitudinem magnitudinis ejus.

Laudate eum in sono tubae, * laudate eum in psalterio, et cithara.

Laudate eum in tympano, et choro: * laudate eum in chordis et organo.

Laudate eum in cymbalis benesonantibus: * laudate eum in cymbalis jubilationis: * omnis spiritus laudet Dominum.

Glória Patri, et Filio, * et Spiritui Sancto.

Sicut erat in principio, et nunc, et semper, * et in saecula saeculorum. Amen.

Repetitur antiphona Allelúja, allelúja, allelúja.

Capitulum, hymnus et versus non dicuntur, sed statim celebrans in cantu incipit antiphonam ad Benedictus.

ET valde mane *

et prosequuntur cantores:

Una sabbatorum, veniunt ad monumentum, orto jam sole, allelúja.

Deinde cantatur Benedictus, cum Glória Patri in fine, et fit incensatio, ut alias in Laudibus.

Canticum Zachariae

Luc. 1, 68-79

BENEDICTUS Dominus Deus Israel: * quia visitavit, et fecit redemptionem plebis suae.

Et erexit cornu salutis nobis, * in domo David pueri sui.

Sicut locutus est per os sanctorum, * qui a saeculo sunt prophetarum ejus:

Salutem ex inimicis nostris, * et de manu omnium qui oderunt nos:

Ad faciendam misericordiam cum patribus nostris: * et memorari testamenti sui sancti.

Jusjurandum, quod juravit ad Abraham patrem nostrum, * datum se nobis:

Ut sine timore, de manu inimicorum nostrorum liberati: * serviamus illi:

In sanctitate et justitia coram ipso, * omnibus diebus nostris.

Et tu puer, propheta Altissimi vocaberis: * praeibis enim ante faciem Domini, parare vias ejus.

Ad dandam scientiam salutis plebi ejus, * in remissionem peccatorum eorum.

Per viscera misericordiae Dei nostri: * in quibus visitavit nos, oriens ex alto:

Illuminare his qui in tenebris et in umbra mortis sedent: * ad dirigendos pedes nostros in viam pacis.

Glória Patri, et Filio, * et Spiritui Sancto.

Sicut erat in principio, et nunc, et semper, * et in saecula saeculorum. Amen.

9. **Repetita antiphona, celebrans dicit more solito:**

V/. Dóminus vobíscum.

R/. Et cum spírítu tuo.

Orémus. **Postcommunio seu Oratio**

SPÍRITUM nobis, Dómine, tuae caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum nostrum Jesum Christum, Fílium tuum: Qui tecum vivit et regnat in unitáte ejúsdem Spíritus Sancti Deus.

10. **Deinde celebrans dicit:**

V/. Dóminus vobíscum.

R/. Et cum spírítu tuo.

Et diaconus, vertens se ad populum, seu ipse sacerdos, cantat:

ITE, Missa est, allelúja, allelúja. R/. Deo grátias, allelúja, allelúja.

Et celebrans, dicto Pláceat tibi, sancta Trínitas, dat ben edictionem, more solito, et, omisso ultimo evangelio, omnes revertuntur in sacristiam.

11. Si contingat in hac solemní vigília sacras quoque Ordinationes conferri, pontifex ultimam admonitionem (cum impositione sic dicti « pensi ») , quae juxta Pontificale Romanum post benedictionem pontificalem et ante ultimum Evangelium locum habet, hac nocte eidem benedictioni pontificali praemittat.

12. Sacerdotes, qui Missam vigíliae paschalis celebrant post mediam noctem, possunt ipso dominico die Resurrectionis Missam litare, atque etiam, si indultum habeatur, bis aut ter. Locorum Ordinarii vero, si eamdem vigíliam paschalem celebraverint, possunt, sed non tenentur, Missam solemnem ipso die Paschatis litare.

ORDO MISSAE

Sacerdos paratus cum ingreditur ad Altare, facta illi debita reverentia, signat se signo crucis a fronte ad pectus, et clara voce dicit:

IN nómine Patris, et Fílii, et Spíritus Sancti. Amen.

Deinde, junctis manibus ante pectus, incipit Antiphonam:

Introíbo ad altáre Dei.

Ministri respondent:

Ad Deum qui laetíficat juventútem meam.

Postea alternatim cum Ministris dicit sequentem

Ps. 42, 1-5

JÚDICA me, Deus, et discérne causam meam de gente non sancta: ab hómíne iníquo et dolóso érué me.

M. Quia tu es, Deus, fortitúdo mea: quare me repulísti, et quare tristis incédo, dum afflígit me inimícus ?**S.** Emítte lucem tuam, et veritátem tuam: ipsa me deduxérunt et adduxérunt in montem sanctum tuum, et in tabernácula tua.**M.** Et introíbo ad altáre Dei: ad Deum qui laetíficat juventútem meam.**S.** Confitébor tibi in cíthara, Deus, Deus meus: quare tristis es, ánima mea, et quare contúrbas me ?**M.** Spera in Deo, quóniam adhuc confitébor illi: salutáre vultus mei, et Deus meus.**S.** Glória Patri, et Fílio, et Spíritui Sancto.**M.** Sicut erat in princípío, et nunc, et semper: et in saécula saeculórum. Amen.**S. repetit Antiphonam:**

Introíbo ad altáre Dei.

R/. Ad Deum qui laetíficat juventútem meam.

Signat se, dicens:

V/. Adjutórium nostrum in nómine Dómini.

R/. Qui fecit caelum et terram.

Deinde junctis manibus profunde inclinatus facit Confessionem.

*** In Missis Defunctorum, et in Missis de Tempore a Dominica Passionis usque ad Sabbatum sanctum exclusive, omittitur Psalmus Júdica me, Deus, cum Glória Patri, et repetitione Antiphonae, sed dicto In nómine Patris, Introíbo, et Adjutórium, fit Confessio, ut sequitur:**

CONFÍTEOR Deo omnipoténti, beátae Maríae semper Vírgini, beáto Michaéli Archángelo, beáto Joánni Baptístae, sanctis Apóstolis Petro et Paulo, ómnibus Sanctis, et vobis, fratres: quia peccávi nimis, cogitatióne, verbo, et ópere: **(Percutit sibi pectus ter, dicens:)** mea culpa, mea culpa, mea máxima culpa. Ideo precor beátam Maríam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et vos, fratres, oráre pro me ad Dóminum Deum nostrum.

Ministri respondent:

MISEREÁTUR tui omnipotens Deus, et, dimíssis peccátis tuis, perdúcat te ad vitam aetérnam.

Sacerdos dicit: Amen et erigit se.

Deinde Ministri repetunt Confessionem: et ubi a Sacerdote dicebatur vobis, fratres, et vos, fratres, a Ministris dicitur tibi, pater, et te, pater.

CONFÍTEOR Deo omnipoténti, beátae Maríae semper Vírgini, beáto Michaéli Archángelo, beáto Joánni Baptístae, sanctis Apóstolis Petro et Paulo, ómnibus Sanctis, et tibi, pater: quia peccávi nimis, cogitatióne, verbo, et ópere: **percutiunt sibi pectus ter, dicentes:** mea culpa, mea culpa, mea máxima culpa. Ideo precor beátam Maríam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et te, pater, oráre pro me ad Dóminum Deum nostrum.

)Postea Sacerdos, junctis manibus, facit absolutionem, dicens:

MISEREÁTUR vestri omnipotens Deus, et, dimíssis peccátis vestris, perdúcat vos ad vitam aetérnam. **R/.** Amen.

Signat se signo crucis, dicens:

INDULGÉNTIAM, absolutiÓNem et remissiÓNem peccatórum nostrórum tríbuat nobis omnipotens et miséricors Dóminus. **R/.** Amen.

Et inclinatus prosequitur:

V/. Deus, tu convérsus vivificábis nos.

R/. Et plebs tua laetábitur in te.

V/. Osténde nobis, Dómine, misericórdiam tuam.

R/. Et salutáre tuum da nobis.

V/. Dómine, exáudi oratiÓNem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Et extendens, ac jungens manus, clara voce dicit: Orémus, **et ascendens ad Altare, dicit secreto:**

AUFER a nobis, quaésumus, Dómine, iniquitátes nostras: ut ad Sancta sanctórum puris mereámur méntibus introíre. Per Christum Dóminum nostrum. Amen.

Deinde, manibus junctis super Altare, inclinatus dicit:

ORÁMUS te, Dómine, per mérita Sanctórum tuórum, **(Osculatur Altare in medio)** quorum relíquiae hic sunt, et ómnium Sanctórum: ut indulgére dignéris ómnia peccáta mea. Amen.

* **In Missa solemni, Celebrans, antequam legat Introitum, benedicit incensum, dicens:** Ab illo bene+dicáris, in cuius honóre cremáberis. Amen. **Et, accepto thuribulo a Diacono, incensat Altare, nihil dicens. Postea Diaconus, recepto thuribulo a Celebrante, incensat illum tantum. Deinde Celebrans signans se signo crucis incipit Introitum: quo finito, junctis manibus, al ternatim cum Ministris dicit:**

KÝRIE, eléison. Kýrie, eléison. Kýrie, eléison. Christe, eléison. Christe, eléison. Christe, eléison. Kýrie, eléison. Kýrie, eléison. Kýrie, eléison.

Postea in medio Altaris extendens et jungens manus, caputque aliquantulum inclinans, dicit, si dicendum est, Glória in excélsis Deo, et prosequitur junctis manibus. Cum dicit Adorámus te, Grátias ágimus tibi, et Jesu Christe, et Súscipe deprecatiÓNem, inclinat caput: et in fine dicens: Cum Sancto Spírítu, **signat se a fronte ad pectus.**

I. In Duplicibus, et solemnibus diebus

II. In Missis beatae Mariae Virginis

III. In Dominicis et in Festis Semiduplicibus, atque infra Octavas, quae non sint beatae Mariae Virginis

IV. In Festis Simplicibus

GLÓRIA in excélsis Deo. Et in terra pax homínibus bonae voluntátis. Laudámus te. Benedícimus te. Adorámus te. Glorificámus te. Grátias ágimus tibi propter magnam glóriam tuam. Dómine Deus, Rex caeléstis, Deus Pater omnípotens. Dómine Fili unigénite, Jesu Christe. Dómine Deus, Agnus Dei, Fílius Patris. Qui tollis peccáta mundi, miserére nobis. Qui tollis peccáta mundi, súscipe deprecatióem nostram. Qui sedes ad dexteram Patris, miserére nobis. Quóniam tu solus Sanctus. Tu solus Dóminus. Tu solus Altíssimus, Jesu Christe. Cum Sancto Spírítu, in glória Dei Patris. Amen.

Deinde osculatur Altare in medio, et versus ad populum dicit: V/. Dóminus vobíscum. R/. Et cum spírítu tuo. Postea dicit: Orémus, et Orationes, unam aut plures, ut ordo Officii postulat. Sequitur Epistola, Graduale, Tractus, vel Allelúja cum Versu, aut Sequentia, prout Tempus aut qualitas Missae postulat.

His finitis, si est Missa solemnis, Diaconus deponit librum Evangeliorum super medium Altaris, et Celebrans benedicit incensum, ut supra: deinde Diaconus genuflexus ante Altare, manibus junctis, dicit:

MUNDA cor meum ac lábia mea, omnípotens Deus, qui lábia Isaíae Prophétae cálculo mundásti igníto: ita me tua grata miseratióne dignáre mundáre, ut sanctum Evangélium tuum digne váleam nuntiáre. Per Christum Dóminum nostrum. Amen.

Postea accipit librum de Altari, et rursus genuflexus petit benedictionem a Sacerdote, dicens: Jube, domne benedícere.

Sacerdos respondet:

DÓMINUS sit in corde tuo et in lábiis tuis: ut digne et competénter annúnties Evangélium suum: In nómine Patris, et Filii, + et Spírítus Sancti. Amen.

Et, accepta benedictione, osculatur manum Celebrantis: et cum aliis Ministris, incenso et luminaribus, accedens ad locum Evangelii, stans junctis manibus, dicit: V/. Dóminus vobíscum. R/. Et cum spírítu tuo. Et pronuntians: Sequéntia sancti Evangélii secúndum N., sive Inítium, pollice dexteræ manus signat librum in principio Evangelii, quod est lecturus, deinde seipsum in fronte, ore et pectore: et dum Ministri respondent Glória tibi, Dómine, incensat ter librum, postea prosequitur Evangelium junctis manibus. Quo finito, Subdiaconus deferret librum Sacerdoti, qui osculatur Evangelium, dicens: Per evangélica dicta deleántur nostra delícta.

Deinde Sacerdos incensatur a Diacono.

Si vero Sacerdos sine Diacono et Subdiacono celebrat, delato libro ad aliud cornu Altaris, inclinatus in medio, junctis manibus dicit:

Munda cor meum, ut supra, et Jube, Dómine benedícere. Dóminus sit in corde meo et in lábiis meis: ut digne et competénter annúntiem Evangélium suum. Amen.

Deinde, conversus ad librum, junctis manibus, dicit: V/. Dóminus vobíscum. R/. Et cum spírítu tuo.

Et pronuntians: Inítium, sive Sequéntia sancti Evangélii, signat librum, et se in fronte, ore et pectore, et legit Evangelium, ut dictum est. Quo finito, respondet Minister: Laus tibi, Christe, et Sacerdos osculatur Evangelium, dicens: Per evangélica dicta, ut supra.

* In Missis Defunctorum dicitur Munda cor meum, sed non petitur benedictio, non deferuntur liminaria, nec Celebrans osculatur librum.

Deinde ad medium Altaris extendens, elevans, et jungens manus, dicit, si dicendum est, Credo in unum Deum, et prosequitur junctis manibus. Cum dicit Deum, caput Cruci inclinat: quod similiter facit, cum dicit Jesum Christum, et simul adorátur. Ad illa autem verba Et incarnátus est, genuflectit usque dum dicatur Et homo factus est. In fine ad Et vitam ventúri saéculi, signat se signo crucis a fronte ad pectus.

CREDO in unum Deum. Patrem omnipoténtem, factórem caeli et terrae, visibílium ómnium, et invisibílium. Et in unum Dóminum Jesum Christum, Fílium Dei unigénitum. Et ex Patre natum ante ómnia saécula. Deum de Deo, lumen de lúmine, Deum verum de Deo vero. Génitum, non factum, consubstantiálem Patri: per quem ómnia facta sunt. Qui propter nos hómines, et propter nostram salútem descendit de caelis. (Hic genuflectitur) Et incarnátus est de Spírítu Sancto ex María Vírgine: Et homo factus est. Crucifixus étiam pro nobis: sub Póntio Piláto passus et sepúltus est. Et resurrexít tértia die, secúndum Scriptúras. Et ascendit in caelum: sedet ad dexteram Patris. Et íterum ventúrus est cum glória judicáre vivos et mórtuos: cujus regni non erit finis. Et in Spírítum Sanctum, Dóminum et vivificántem: qui ex Patre Filióque procedit. Qui cum Patre, et Fílio simul adorátur, et conglorificátur: qui locútus est per Prophétas. Et unam sanctam, cathólicam et apostólicam Ecclésiám. Confíteor unum baptísma in remissióem peccatórum. Et expécto resurrectióem mortuórum. Et vitam ventúri saéculi. Amen.

Deinde osculatur Altare, et versus ad populum, dicit: V/. Dóminus vobíscum. R/. Et cum spírítu tuo. Postea dicit: Orémus, et Offertorium. Quo dicto, si est Missa solemnis, Diaconus porrigit Celebranti Patenam cum Hostia: si privata, Sacerdos ipse accipit Patenam cum Hostia, quam offerens, dicit:

SÚSCIPE, sancte Pater, omnípotens aetérne Deus, hanc immaculátam hóstiam, quam ego indígnus

fámulus tuus offero tibi Deo meo vivo et vero, pro innumerábilibus peccátis et offensióibus et negligétiis meis, et pro ómnibus circumstántibus, sed et pro ómnibus fidélibus cristiánis vivis atque defúntis: ut mihi et illis proficiat ad salútem in vitam aetérnam. Amen.

Deinde faciens crucem cum eadem Patena, deponit Hostiam super Corporale. Diaconus ministrat vinum, Subdiaconus aquam in Calice: vel si privata est Missa, utrumque infundit Sacerdos, et aquam miscendam in Calice benedicit signo crucis, dicens:

DEUS, qui humánae substántiae dignitátem mirábíliter condidisti, et mirábílius reformásti: da nobis per hujus aquae et vini mystérium, ejus divinitátis esse consórtes, qui humanitátis nostrae fíeri dignátus est párticeps Jesus Christus Fílius tuus Dóminus noster: Qui tecum vivit et regnat in unitáte Spíritus Sancti Deus: per ómnia saécula saeculórum. Amen.

* In Missis Defunctorum dicitur praedicta Oratio: sed aqua non benedicitur.
Postea accipit Calicem, et offert dicens:

OFFÉRIMUS tibi, Dómine, cálicem salutáris, tuam deprecántes cleméntiam: ut in conspéctu divínae majestátis tuae, pro nostra et totíus mundi salúte cum odóre suavitátis ascéndat. Amen.

Deinde facit signum crucis cum Calice, et illum ponit super Corporale, et Palla cooperit: tum, junctis manibus super Altare, aliquantulum inclinatus, dicit:

IN spíritu humilitátis, et in ánimo contríto suscipiámur a te, Dómine: et sic fiat sacrificium nostrum in conspéctu tuo hódie, ut pláceat tibi, Dómine Deus.

Erectus expandit manus, easque in altum porrectas jungens, elevatis ad caelum oculis, et statim demissis, dicit:

VENI, sanctificátor, omnípotens aetérne Deus: Benedicit oblata, prosequendo: et béne+dic hoc sacrificium, tuo sancto nómini praeparátum.

Postea, si solemniter celebrat, benedicit incensum, dicens:

PER intercessiónem beáti Michaélis Archángeli, stantis a dextris altáris incénsi, et ómnium electórum suórum, incénsum istud dignétur Dóminus bene+dícere, et in odórem suavitátis accípere. Per Christum Dóminum nostrum. Amen.

Et, accepto thuribulo a Diacono, incensat oblata, modo in Rubricis generalibus praescripto, dicens:

INCÉNSUM istud a te benedíctum, ascéndat ad te, Dómine: et descéndat super nos misericórdia tua.

Deinde incensat Altare, dicens:
Ps. 140, 2-4

DIRIGÁTUR, Dómine, orátio mea, sicut incénsum, in conspéctu tuo: elevátio mánuum meárum sacrificium vespertinum. Pone, Dómine, custódiám ori meo, et óstium circumstántiae lábiis meis: ut non declínet cor meum in verba malítiae, ad excusándas excusatiónes in peccátis.

Dum reddit thuribulum Diacono, dicit:

ACCÉNDAT in nobis Dóminus ignem sui amóris, et flammam aetérnae caritátis. Amen.

Postea incensatur Sacerdos a Diacono, deinde alii per ordinem. Interim Sacerdos lavat manus, dicens :

Ps. 25, 6-12

LAVÁBO inter innocétes manus meas: et circúmdabo altáre tuum, Dómine:
Ut áudiam vocem laudis, et enárrem univérsa mirábília tua.
Dómine, diléxi decórem domus tuae: et locum habitatiónis glóriae tuae.
Ne perdas cum ímpiis, Deus, ánimam meam, et cum viris sánguinem vitam meam:
In quorum mánibus iniquitátes sunt: dextera eórum repléta est munéribus.
Ego autem in innocéntia mea ingressus sum: rédime me, et miserére mei.
Pes meus stetit in dirécto: in ecclésiis benedícam te, Dómine.
Glória Patri, et Fílio, et Spíritui Sancto.
Sicut erat in princípío, et nunc, et semper: et in saécula saeculórum. Amen.

* In Missis Defunctorum, et Tempore Passionis in Missis de Tempore omittitur Glória Patri.

Deinde, aliquantulum inclinatus in medio Altaris, junctis manibus super eo, dicit :

SÚSCIPE, sancta Trínitas, hanc oblatiónem, quam tibi offerimus ob memóriam passióis, resurrectiós, et ascensiós Jesu Christi Dómini nostri: et in honórem beátae Maríae semper Vírginis, et beáti Joánnis Baptístae, et sanctórum Apostólorum Petri et Pauli, et istórum, et ómnium Sanctórum: ut illis proficiat ad

honórem, nobis autem ad salutem: et illi pro nobis intercédere dignentur in caelis, quorum memóriam ágimus in terris. Per eúdem Christum Dóminum nostrum. Amen.

Postea osculatur Altare, et versus ad populum extendens, et jungens manus, voce paululum elevata, dicit:

ORÁTE, fratres: ut meum ac vestrum sacrificium acceptábile fiat apud Deum Patrem omnipoténtem.

Minister, seu circumstantes respondent: alioquin ipsemet Sacerdos:

SUSCÍPIAT Dóminus sacrificium de mánibus tuis (vel meis) ad laudem, et glóriam nóminis sui, ad utilitátem quoque nostram, totiúsque Ecclésiæ suae sanctae.

Sacerdos submissa voce dicit: Amen.

Deinde, manibus extensis, absolute sine Orémus subjungit Orationes secretas. Quibus finitis, cum pervenerit ad conclusionem, clara voce dicit: Per ómnia saécula saeculórum, cum Praefatione, ut in sequentibus.

Praefationem incipit ambabus manibus positis hinc inde super Altare: quas aliquantulum elevat, cum dicit: Sursum corda. Jungit eas ante pectus, et caput inclinat, cum dicit: Grátias agámus Dómino Deo nostro.

Deinde disjungit manus, et disjunctas tenet usque ad finem Praefationis: qua finita, iterum jungit eas, et inclinatus dicit: Sanctus. Et cum dicit: Benedíctus qui venit, signum crucis sibi producit a fronte ad pectus.

PRAEFATIONES IN CANTU SOLEMNI

adhibendae in omnibus Missis de quodlibet Officio Duplici, aut Semiduplici, et in Missis votivis pro re gravi et publica simul causa. Numquam tamen adhibentur in Missis ritus Simplicis, et in Missis votivis quae pro re gravi et publica simul causa non sint. Commemoratio autem aut Octava, Praefatione propria gaudens, licet, juxta Rubricas, servet jus ad illam quoad textum, non servat quoad cantum solemnem, nisi talis cantus Missae, quae celebratur, conveniat.

PRAEFATIONES IN CANTU FERALI

adhibendae in omnibus Missis ritus Simplicis, et in Missis votivis quae pro re gravi et publica simul causa non sint. Commemoratio tamen aut Octava, Praefatione propria gaudens, licet, juxta Rubricas, servet jus ad illam quoad textum, non servat quoad cantum solemnem, nisi talis cantus Missae, quae celebratur, conveniat. Quod si cantus ferialis adhibendus sit infra Octavas Nativitatis, Paschatis et Ascensionis, Orationes Communicántes et Hanc ígitur (ut infra in Canone) dicuntur in omnibus Missis in quibus Commemoratio Octavae vel Dominicae infra Octavam non sit omittenda.

PRAEFATIONES SINE CANTU

DE NATIVITATE DOMINI

Sequens Praefatio: 1. Dicitur in Missis de Nativitate Domini, de Dominica infra Octavam, quamvis post diem 1 Januarii resumenda, de die infra Octavam ipsius Nativitatis, ac de Vigilia Epiphaniae Domini, necnon in Missis de Circumcisione Domini, de Ssmo Nomine Jesu, de Ssmo Eucharistiae Sacramento, de Transfiguratione Domini, ac de Purificatione beatae Mariae Virginis. 2. Dicitur etiam, juxta Rubricas, in omnibus Missis quae infra Octavam ejusdem Nativitatis celebrentur, inclusis iis quae secus Praefationem propriam haberent, dummodo et de Octava vel de Dominica infra Octavam fiat Commemoratio, et ipsa Missa, aut Commemoratio prius habita, aliam de divinis Mysteriis vel Personis non exigant Praefationem. 3. Dicitur item, juxta Rubricas, in omnibus Missis, in quibus alicujus ex recensitis Christi ac beatae Mariae Virginis Mysteriis fiat Commemoratio, dummodo pariter ipsa Missa, aut Commemoratio prius habita, aliam non exigant Praefationem; ac dicitur, juxta eandem normam, et disjunctim quoque a sua Commemoratione, infra Octavam communem cujusvis ex indicatis Christi ac beatae Mariae Virginis Mysteriis, necnon a die 2 ad diem 4 Januarii inclu sive, dummodo insuper, si agatur de Missis cantatis et conventualibus, alia conventualiter vel in cantu Missa de Tempore vel de Octava, aut cum ejus Commemoratione, non habeatur, neque Praefatio Octavae vel Temporis pro iisdem tribus Januarii diebus in una ex Missis cantatis vel conventualibus fuerit admissa.

DE EPIPHANIA DOMINI

Sequens Praefatio: 1. Dicitur in Missis de Epiphania Domini, de Dominica infra Octavam ac de die Octava ipsius Epiphaniae, necnon in Missis de Sancta Familia Jesu, Mariae, Joseph, quamvis infra Octavam Nativitatis Domini celebrentur. 2. Dicitur etiam, juxta Rubricas, in omnibus Missis quae infra Octavam Epiphaniae celebrentur, dummodo et de Octava vel de Dominica infra Octavam fiat Commemoratio, et ipsa Missa, aut Commemoratio prius habita, aliam non exigant Praefationem. 3. Dicitur item, juxta Rubricas, in omnibus Missis, quae cum Commemoratione ejusdem Sanctae Familiae celebrentur, dummodo pariter ipsa

Missa, aut Commemoratio prius habita, aliam non exigant Praefationem ; ac dicitur, juxta eamdem normam, et disjunctim quoque a sua Commemoratione, infra Octavam communem ipsius Sanctae Familiae alicubi celebratam, dummodo insuper, si agatur de Missis cantatis et conventualibus, alia conventualiter vel in cantu Missa de Sancta Familia, aut cum ejus Commemoratione non habeatur, neque Praefatio Octavae in una ex Missis cantatis vel conventualibus fuerit admissa.

DE QUADRAGESIMA

Sequens Praefatio: 1. Dicitur in Missis de Tempore a Feria IV Cinerum usque ad Sabbatum infra Hebdomadam IV Quadragesimae inclusive. 2. Dicitur etiam, juxta Rubricas, in omnibus Missis quae eo Tempore celebrentur, et ad nullum Domini Festum vel Mysterium referantur, dummodo et de Tempore fiat Commemoratio, et ipsa Missa, aut Commemoratio prius habita, aliam non exigant Praefationem.

DE SANCTA CRUCE

Sequens Praefatio: 1. Dicitur in Missis de Tempore a Dominica Passione usque ad Feriam V in Cena Domini inclusive ; atque in omnibus Missis, quamvis infra Octavam Nativitatis Domini celebrandis, de sancta Cruce, de Passione Domini, de pretiosissimo Sanguine Domini nostri Jesu Christi et de Domino nostro Jesu Christo Summo et Aeterno Sacerdote. 2. Dicitur etiam, juxta Rubricas, in omnibus Missis in quibus fiat Commemoratio ejusdem Temporis vel alicujus ex recensitis Mysteriis, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eamdem normam, et disjunctim quoque a sua Commemoratione, infra Octavam communem cujusvis ex indicatis Mysteriis alicubi celebratam, dummodo insuper, si agatur de Missis cantatis et conventualibus, alia conventualiter vel in cantu Missa de Octava, aut cum ejus Commemoratione, non habeatur, neque Praefatio Octavae in una ex Missis cantatis vel conventualibus fuerit admissa.

PASCHALIS

Sequens Praefatio: 1. Dicitur in Missis de Tempore a Sabbato sancto usque ad Vigiliam Ascensionis Domini inclusive, atque in Missis Litaniarum majorum et minorum. 2. Dicitur etiam, juxta Rubricas, in omnibus Missis quae eo Tempore celebrentur, dummodo ipsa Missa, aut Commemoratio prius habita, aliam non exigant Praefationem, et dummodo, si agatur de Missis cantatis et conventualibus, alia conventualiter vel in cantu Missa de ipso Tempore, aut cum ejus Commemoratione, non habeatur, neque ipsius Temporis Praefatio in una ex Missis cantatis vel conventualibus fuerit admissa.

DE ASCENSIONE DOMINI

Sequens Praefatio: 1. Dicitur in Missis de Ascensione Domini, de Dominica infra Octavam ac de Feria VI post Octavam ipsius Ascensionis. 2. Dicitur etiam, juxta Rubricas, in omnibus Missis quae infra Octavam celebrantur, dummodo et de Octava vel de Dominica infra Octavam fiat Commemoratio, et ipsa Missa, aut Commemoratio prius habita, aliam non exigant Praefationem ; ac dicitur, juxta eamdem normam, et disjunctim quoque a sua Commemoratione, Feria VI post Octavam, dummodo insuper, si agatur de Missis cantatis et conventualibus, alia conventualiter vel in cantu Missa de Feria, aut cum ejus Commemoratione, non habeatur, neque Praefatio de Ascensione Domini in una ex Missis cantatis vel conventualibus fuerit admissa.

DE SACRATISSIMO CORDE JESU

Sequens Praefatio: 1. Dicitur in Missis de Sacratissimo Corde Jesu. 2. Dicitur etiam, juxta Rubricas, in omnibus Missis quae infra Octavam ipsius Sacratissimi Cordis Jesu celebrentur, dummodo et de Octava fiat Commemoratio, et ipsa Missa, aut Commemoratio prius habita, aliam non exigant Praefationem. 3. Dicitur item, juxta Rubricas, in omnibus Missis quae cum Commemoratione ejusdem Sacratissimi Cordis Jesu celebrentur, dummodo pariter ipsa Missa, aut Commemoratio prius habita, aliam non exigant Praefationem.

DE JESU CHRISTO REGE

Sequens Praefatio: 1. Dicitur in Missis D. N. Jesu Christi Regis, quamvis infra Octavam Nativitatis Domini celebrandis. 2. Dicitur etiam, juxta Rubricas, in omnibus Missis quae cum Commemoratione ejusdem Jesu Christi Regis celebrentur, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eamdem normam, et disjunctim quoque a sua Commemoratione, infra Octavam communem ipsius Jesu Christi Regis alicubi celebratam, dummodo insuper, si agatur de Missis cantatis et conventualibus, alia conventualiter vel in cantu Missa de Octava, aut cum ejus Commemoratione non habeatur, neque Praefatio Octavae in una ex Missis cantatis vel conventualibus fuerit admissa.

DE SPIRITU SANCTO

Sequens Praefatio: 1. Dicitur in Missis de Tempore a Vigilia Pentecostes usque ad sequens Sabbatum inclusive ; et in Missis votivis de Spiritu Sancto, quamvis infra Octavam Nativitatis Domini celebrandis, in quibus tamen, extra Vigiliam et Octavam Pentecostes, omittuntur verba: hodierna die. 2. Dicitur etiam, juxta Rubricas, in omnibus Missis quae in Vigilia et infra Octavam Pentecostes celebrentur, dummodo et de Vigilia vel de Octava fiat Commemoratio, et ipsa Missa, a ut Commemoratio prius habita, aliam non exigant Praefationem ; ac dicitur, juxta eandem normam, in Missis, in quibus de Spiritu Sancto agenda sit Commemoratio.

DE SANCTISSIMA TRINITATE

Sequens Praefatio: 1. Dicitur in Missis de sanctissima Trinitate, quamvis infra Octavam Nativitatis Domini celebrandis, de Dominicis majoribus Adventus, Septuagesimae, Sexagesimae et Quinquagesimae, ac de Dominicis minoribus, licet Sabbato anticipatis, post Octavam Epiphaniae et Pentecostes ; exclusis Missis alicujus ex recensitis Dominicis infra Hebdomadam resumendis, in quibus, si alia Missae vel Officii, etsi commemorati, Praefatio propria desit, ponitur Praefatio communis ; et exclusa pariter Missa Dominicae II et III post Pentecosten, in qua, si omittenda non sit Commemoratio Octavae sanctissimi Corporis Christi vel sacratissimi Cordis Jesu, sumitur Praefatio de respectiva Octava. 2. Dicitur etiam, juxta Rubricas, in omnibus Missis quae cum Commemoratione sanctissimae Trinitatis, aut cujusvis ex indicatis Dominicis occurrentibus et Sabbato anticipatis celebrentur, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eandem normam, et disjunctim quoque a sua Commemoratione, infra Octavam communem ipsius sanctissimae Trinitatis alicubi celebratam, dummodo insuper, si agatur de Missis cantatis et conventualibus, alia conventualiter vel in cantu Missa de Octava, aut cum ejus Commemoratione non habeatur, neque Praefatio Octavae in una ex Missis cantatis vel conventualibus fuerit admissa.

DE BEATA MARIA VIRGINE

Sequens Praefatio, extra Octavam Nativitatis Domini, si ejusdem Octavae vel Dominicae infra Octavam omittenda non sit Commemoratio, et extra Festum et Octavam Purificationis beatae Mariae Virginis alicubi celebratam, quibus in casibus sumitur Praefatio de ipsa Nativitate, necnon extra Vigiliis ejusdem beatae Mariae Virginis, et extra Missas de Feriis Adventus, in quibus, si alterius Missae vel Officii, etsi commemorati, aut Octavae communis, aut, pro Vigiliis, etiam Temporis Praefatio propria desit, ponitur Praefatio communis: 1. Dicitur in Missis beatae Mariae Virginis. 2. Dicitur etiam, juxta Rubricas, in omnibus Missis quae cum Commemoratione ipsius beatae Mariae Virginis celebrentur, et ad nullum Domini Festum vel Mysterium referantur, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eandem normam, et disjunctim quoque a sua Commemoratione, infra Octavam communem ejusdem beatae Mariae Virginis, dummodo insuper, si agatur de Missis cantatis et conventualibus, alia conventualiter vel in cantu Missa de Octava, aut cum ejus Commemoratione, non habeatur, neque Praefatio Octavae in una ex Missis cantatis vel conventualibus fuerit admissa.

DE S. JOSEPH SPONSO B. M. V.

Sequens Praefatio, extra Octavam Nativitatis Domini, in qua, si ejusdem Octavae vel Dominicae infra Octavam omittenda non sit Commemoratio, sumitur Praefatio de ipsa Nativitate: 1. Dicitur in Missis S. Joseph, Sponsi beatae Mariae Virginis. 2. Dicitur etiam, juxta Rubricas, in omnibus Missis quae cum Commemoratione ipsius S. Joseph celebrentur, et ad nullum Domini Festum vel Mysterium referantur, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eandem normam, et disjunctim quoque a sua Commemoratione, infra Octavam communem ejusdem S. Joseph, dummodo insuper, si agatur de Missis cantatis et conventualibus, alia conventualiter vel in cantu Missa de Octava, aut cum ejus Commemoratione, non habeatur, neque Praefatio Octavae in una ex Missis cantatis vel conventualibus fuerit admissa.

DE APOSTOLIS

Sequens Praefatio, extra Octavam Nativitatis Domini, in qua, si ejusdem Octavae vel Dominicae infra Octavam omittenda non sit Commemoratio, sumitur Praefatio de ipsa Nativitate, necnon extra Vigiliis Apostolorum aut Evangelistarum, in quibus, si alterius Missae vel Officii, etsi commemorati, aut Octavae communis, aut Temporis Praefatio propria desit, ponitur Praefatio communis: 1. Dicitur in Missis Apostolorum aut Evangelistarum, in Missa de Comuni unius aut plurium Summorum Pontificum, necnon in Missa Creationis et Coronationis Papae et utriusque Anniversarii. 2. Dicitur etiam, juxta Rubricas, in omnibus Missis quae cum Commemoratione ipsorum Apostolorum aut Evangelistarum, cum Commemoratione Missae Summorum Pontificum, vel cum Commemoratione Missae pro Papa superius

indicatae et eo die impeditae celebrentur, et ad nullum Domini Festum vel Mysterium referantur, dummodo ipsa Missa, aut Commemoratio prius habita, aliam non exigant Praefationem ; ac dicitur, juxta eamdem normam, et disjunctim quoque a sua Commemoratione, infra Octavam communem eorumdem Apostolorum aut Evangelistarum, et infra Octavam communem Summorum Pontificum alicubi celebratam, dummodo insuper, si agatur de Missis cantatis et conventualibus, alia conventionaliter vel in cantu Missa de Octava, aut cum ejus Commemoratione, non habeatur, neque Praefatio Octavae in una ex Missis cantatis vel conventualibus fuerit admissa.

COMMUNIS

Sequens Praefatio dicitur, juxta Rubricas: 1. In omnibus Missis quae Praefationem propriam non habeant, et in quibus adhibenda non sit Praefatio alicujus Missae vel Officii etsi commemorati, aut Octavae communis, aut Temporis occurrentis propria. 2. In Missis de Dedicatione Ecclesiae et de alio Festo vel Mysterio Domini alicubi celebrato, quod Praefatione propria careat, in quibus numquam adhibetur Praefatio de Tempore Quadragesimae, neque Missae vel Officii commemorati vel Octavae, quae non sint de ipso Domino. 3. In Missis de Feriis Adventus et de Vigilia Nativitatis Domini extra Dominicam occurrente, in quibus agenda sit Commemoratio de beata Maria Virgine, et Praefatio alterius Missae aut Officii commemorati propria non habeatur.

DEFUNCTORUM

Sequens Praefatio dicitur in omnibus Missis Defunctorum.

PRAEFATIO DE NATIVITATE DOMINI

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Quia per incarnáti Verbi mystérium, nova mentis nostrae óculis lux tuae claritátis infúlsit: ut dum visibíliter Deum cognóscimus, per hunc in invisibílium amórem rapiámur. Et ídeo cum Angelis et Archángelis, cum Thronis et Dominatió nibus, cumque omni milítia caeléstis exércitus, hymnum glóriae tuae cánimus, sine fine dicétes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

Infra Actionem Communicántes proprium, ut infra in Canone.

In prima vero Missa Nativitatis Domini dicitur: et noctem sacratíssimam celebrántes, qua etc. ; deinde semper dicitur: diem sacratíssimum celebrántes, quo etc. usque ad Octavam Nativitatis Domini inclusive, in omnibus Missis, quae de Octava vel de Dominica infra Octavam celebrentur, aut cum utriusque vel alterutrius Commemoratione habeantur.

PRAEFATIO DE EPIPHANIA DOMINI

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Quia, cum Unigénitus tuus in substántia nostrae mortalitátis appáruit, nova nos immortalitátis suae luce reparávit. Et ídeo cum Angelis et Archángelis, cum Thronis et Dominatió nibus, cumque omni milítia caeléstis exércitus, hymnum glóriae tuae cánimus, sine fine dicétes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

Infra Actionem Communicántes **proprium, ut infra in Canone.**
Et dicitur per totam Octavam in omnibus Missis, quae de Octava vel de Dominica infra Octavam celebrentur, aut cum utriusque vel alterutrius Commemoratione habeantur.

PRAEFATIO **DE QUADRAGESIMA**

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnipotens aetérne Deus: Qui corporáli jejúnio vítia cómprimis, mentem élevas, virtútem largírís, et praémia: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Caeli caelórúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte júbeas, deprecámur, súpplíci confessióne dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO **DE SANCTA CRUCE**

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnipotens aetérne Deus: Qui salutem humáni géneris in ligno Crucis constituísti: ut unde mors oriebátur, inde víta resúrgeret: et qui in ligno vincébat, in ligno quoque vincerétur: per Christum Dóminum nostrum. Per quem majestátem tuam laudant Angeli, adórant Dominatiónes, tremunt Potestátes. Caeli caelórúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte júbeas, deprecámur, súpplíci confessióne dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO PASCHALIS

In Missa Sabbati sancti dicitur: in hac potíssimum nocte ; a die autem Paschae usque ad Sabbatum in Albis inclusive, etiam in Missa Litaniarum majorum, quae infra Octavam Paschatis cum Commemoratione ejusdem celebretur: in hac potíssimum die ; alias, et in Missa insuper Litaniarum majorum, quae infra Octavam Paschatis, sine hujus Commemoratione, celebretur: in hoc potíssimum.

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre: Te quidem, Dómine, omni témpore, sed in hac potíssimum die (vel in hoc potíssimum) gloriósius praedicáre, cum Pascha nostrum immolátus est Christus. Ipse enim verus est Agnus, qui ábstulit peccáta mundi. Qui mortem nostram moriéndo destrúxit, et vitam resurgéndo reparávit. Et ídeo cum Angelis et Archángelis, cum Thronis et Dominatióibus, cumque omni milítia caeléstis exércitus, hymnum glóriae tuae cánimus, sine fine dicétes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

Infra Actionem Communicátes **et** Hanc ígitur **propria, ut infra in Canone.**

Sic dicitur a Sabbato sancto usque ad Sabbatum in Albis inclusive in omnibus Missis, quae de Octava celebrentur, aut cum ejus Commemoratione habeantur. Sed in Missa Sabbati sancti infra Actionem dicitur: et noctem sacratíssimam celebrátes.

PRAEFATIO **DE ASCENSIONE DOMINI**

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnipotens aetérne Deus: per Christum Dóminum nostrum. Qui post resurrectionem suam ómnibus discípulis suis maniféstus appáruit, et ipsis cernéntibus est elevátus in caelum, ut nos divinitátis suae tribúeret esse partícipes. Et ídeo cum Angelis et Archángelis, cum Thronis et Dominatióibus, cumque omni milítia caeléstis exércitus, hymnum glóriae tuae cánimus, sine fine dicétes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

Infra Actionem Communicátes **proprium, ut infra in Canone.**

Et dicitur per totam Octavam in omnibus Missis, quae de Octava vel de Dominica infra Octavam celebrentur, aut cum utriusque vel alterutrius Commemoratione habeantur.

PRAEFATIO **DE SACRATISSIMO CORDE JESU**

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnipotens aetérne Deus: Qui Unigénitum tuum in cruce pendéntem láncea milítis transfígi voluísti, ut apértum Cor, divínae largitátis sacrárium, torréntes nobis fúnderet miseratiónis et grátiae, et quod amóre nostri flagráre numquam déstitit, piis esset réquies et paeniténtibus patéret salutis refúgium. Et ídeo cum Angelis et Archángelis, cum Thronis et Dominatióibus, cumque omni milítia caeléstis exércitus, hymnum glóriae tuae cánimus, sine fine dicétes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO **DE D. N. JESU CHRISTO REGE**

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Qui unigénitum Fílium tuum Dóminum nostrum Jesum Christum, Sacerdótem aetérnum et universórum Regem, óleo exsultatiónis unxisti: ut, seípsum in ara crucis, hóstiam immaculátam et pacíficam offerens, redemptiόνis humánae sacraménta perágeret: et suo subjéctis império ómnibus creatúris, aetérnum et universále regnum imménsae tuae tráderet Majestáti: regnum veritátis et vitae; regnum sanctitátis et grátiae; regnum justítiae, amóris et pacis. Et ídeo cum Angelis et Archángelis, cum Thronis et Dominatió nibus, cumque omni milítia caeléstis exércitus, hymnum glóriae tuae cánimus, sine fine dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO DE SPIRITU SANCTO

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: per Christum Dóminum nostrum. Qui ascéndens super omnes caelos, sedénsque ad dexteram tuam, promíssum Spírítum Sanctum (hodiérna die) in filios adoptiόνis effúdit. Quaprópter profúsis gáudiis, totus in orbe terrárum mundus exsúltat. Sed et supérnae Virtútes, atque angélicae Potestátes, hymnum glóriae tuae cóncinunt, sine fine dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

Infra Actionem Communicántes **et** Hanc ígitur **propria, ut infra in Canone.**

Et dicitur tantum a Vigilia Pentecostes usque ad sequens Sabbatum inclusive in omnibus Missis, quae de Vigilia vel de Octava celebrentur, aut cum alterutrius Commemoratione habeantur.

PRAEFATIO DE SANCTISSIMA TRINITATE

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Qui cum unigénito Fílio tuo, et Spírítu Sancto, unus es Deus, unus es Dóminus: non in uníus singularitáte persónae, sed in uníus Trinitáte substántiae. Quod enim de tua glória, revelánte te, crédimus, hoc de Fílio tuo, hoc de Spírítu Sancto, sine differentia discretiόνis sentímus. Ut in confessiόνem verae sempiternaéque Deitátis, et in persónis proprietas, et in esséntia únitas, et in majestáte adorétur aequálitas. Quam laudant Angeli atque Archángeli, Chérubim quoque ac Séraphim: qui non cessant clamáre quotidie, una voce dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO
DE BEATA MARIA VIRGINE

Dicitur *vel* Et te in Annuntiatióne, *vel* Visitatióne, *vel* AssumptiÓne, *vel* Nativitaté, *vel* PraesentatiÓne, *secundum denominationem Festi*.

In Missis vero de Conceptione immaculata dicitur: Et te in Conceptione immaculáta.

In Missis de Septem Doloribus dicitur: Et te in TransfixiÓne.

In Festo de Monte Carmelo dicitur: Et te in CommemoratiÓne.

In omnibus aliis Festis beatæ Mariæ Virginis dicitur: Et te in Festivitaté.

In Missa sanctæ Mariæ in Sabbato et in Missis votivis in quibus speciale Mysterium non sit exprimendum, dicitur: Et te in VeneratiÓne.

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Et te in *** beátae Mariæ semper Vírginis collaudáre, benedícere et praedicáre. Quae et Unigénitum tuum Sancti Spírítus obumbratiÓne concépit: et virginitátis glória permanénte, lumen aetérnum mundo effúdit, Jesum Christum Dóminum nostrum. Per quem majestátem tuam laudant Angeli, adórant DominatiÓnes, tremunt Potestátes. Caeli caelórúmque Virtútes, ac beáta Séraphim, sócia exsultatiÓne concélebrant. Cum quibus et nostras voces, ut admítte júbeas, deprecámur, súpplíci confessiÓne dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO
DE S. JOSEPH SPONSO B. M. V.

In Missis votivis dicitur: Et te in VeneratiÓne.

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: Et te in Festivitaté beáti Joseph débitis magnificáre praecóniis, benedícere et praedicáre. Qui et vir justus, a te Deíparae Vírgini Sponsus est datus: et fidélis servus ac prudens, super Famíliam tuam est constitútus: ut Unigénitum tuum, Sancti Spírítus obumbratiÓne concéptum, patérna vice custodíret, Jesum Christum Dóminum nostrum. Per quem majestátem tuam laudant Angeli, adórant DominatiÓnes, tremunt Potestátes. Caeli caelórúmque Virtútes, ac beáta Séraphim, sócia exsultatiÓne concélebrant. Cum quibus et nostras voces, ut admítte júbeas, deprecámur, súpplíci confessiÓne dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO
DE APOSTOLIS

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre: Te, Dómine, suppliciter exoráre, ut gregem tuum, Pastor aetérne, non déseras: sed per beátos Apóstolos tuos, contínuam protectióne custódias: Ut iisdem rectóribus gubernétur, quos óperis tui vicários eidem contulísti praeesse pastóres. Et ídeo cum Angelis et Archángelis, cum Thronis et Dominationíbus, cumque omni milítia caeléstis exércitus, hymnum glóriae tuae cánimus, sine fine dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO COMMUNIS

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: per Christum Dóminum nostrum. Per quem majestátem tuam laudant Angeli, adórant Dominationés, tremunt Potestátes. Caeli caelórúmque Virtútes, ac beáta Séraphim, sócia exsultatióne concélebrant. Cum quibus et nostras voces, ut admítte júbeas, deprecámur, súplici confessióne dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

PRAEFATIO DEFUNCTORUM

V/. Per ómnia saécula saeculórum.

R/. Amen.

V/. Dóminus vobíscum.

R/. Et cum spírítu tuo.

V/. Sursum corda.

R/. Habémus ad Dóminum.

V/. Grátias agámus Dómino Deo nostro.

R/. Dignum et justum est.

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: per Christum Dóminum nostrum. In quo nobis spes beátae resurrectiós effúlsit, ut quos contrístat certa moriéndi condítio, eósdem consolétur futúrae immortalitátis promíssio. Tuis enim fidélibus, Dómine, vita mutátur, non tollitur, et, dissolúta terréstris hujus incolátus domo, aetérna in caelis habitátio comparátur. Et ídeo cum Angelis et Archángelis, cum Thronis et Dominationíbus, cumque omni milítia caeléstis exércitus, hymnum glóriae tuae cánimus, sine fine dicéntes:

SANCTUS, Sanctus, Sanctus, Dóminus Deus Sábaoth. Pleni sunt caeli et terra glória tua. Hosánna in excélsis. Benedíctus, qui venit in nómine Dómini. Hosánna in excélsis.

CANON MISSAE

Finita Praefatione, Sacerdos extendens, elevans aliquantulum et jungens manus, elevansque ad caelum oculos, et statim demittens, profunde inclinatus ante Altare, manibus super eo positis, dicit:

TE ÍGITUR, clementíssime Pater, per Jesum Christum, Fílium tuum Dóminum nostrum, súpplices rogámus ac pétimus, **Osculatur Altare et, junctis manibus ante pectus, dicit:** uti accépta hábeas et benedícas, **Signat ter super Hostiam et Calicem simul, dicens:** haec + dona, haec + múnera, haec + sancta sacrificia illibáta, **Extensis manibus prosequitur:** in primis, quae tibi offérimus pro Ecclésia tua sancta cathólica: quam pacificáre, custodíre, adunáre et régere dignéris toto orbe terrárum: una cum fámulo tuo Papa nostro **N.** et

Antístite nostro **N.** et ómnibus orthodoxis, atque cathólicae et apostólicae fidei cultóribus.

Commemoratio pro vivis

MEMÉNTO, Dómine, famulórum famularúmque tuárum **N.** et **N.** Jungit manus, orat aliquantulum pro quibus orare intendit: deinde manibus extensis prosequitur: et ómnium circumstántium, quorum tibi fides cógnita est et nota devótió, pro quibus tibi offérimus: vel qui tibi ófferunt hoc sacrificium laudis, pro se suisque ómnibus: pro redemptióne animárum suárum, pro spe salutis, et incolumitátis suae: tibi que reddunt vota sua aetérno Deo, vivo et vero.

Communicántes proprium, ut infra.

Infra Actionem

COMMUNICÁNTES, et memóriam venerántes, in primis gloriósae semper Vírginis Maríae, Genitrícis Dei et Dómini nostri Jesu Christi: sed et beatórum Apostolórum ac Mátyrum tuórum, Petri et Pauli, Andréae, Jacóbi, Joánnis, Thomae, Jacóbi, Philíppi, Bartholomaei, Matthaéi, Simónis et Thaddaei: Lini, Cleti, Cleméntis, Xysti, Cornélii, Cypriáni, Lauréntii, Chrysógoni, Joánnis et Pauli, Cosmae et Damiáni: et ómnium Sanctórum tuórum; quorum méritis precibúsque concédas, ut in ómnibus protectiónis tuae muniámur auxílio. Jungit manus. Per eúdem Christum Dóminum nostrum. Amen.

Hanc ígitur proprium, ut infra.

Tenens manus expansas super oblata, dicit:

HANC ígitur oblatiónem servitútis nostrae, sed et cunctae famíliae tuae, quaesumus, Dómine, ut placátus accípias: diésque nostros in tua pace dispónas, atque ab aetérna damnatióne nos éripi, et in electórum tuórum júbeas grege numerári. Jungit manus. Per Christum Dóminum nostrum. Amen.

QUAM oblatiónem tu, Deus, in ómnibus, quaesumus, Signat ter super oblata, bene+díctam, ad+scríptam, ra+tam, rationábilem, acceptabilémque fácere dignéris: Signat semel super Hostiam, ut nobis Cor+pus, et semel super Calicem, et San+guis fiat dilectíssimi Filii tui Jungit manus, Dómini nostri Jesu Christi.

INFRA ACTIONEM

In Nativitate Domini et per Octavam dicitur:

COMMUNICÁNTES, et diem (noctem) sacratíssimum (-am) celebrántes, quo (qua) beátae Maríae intemeráta virginitas huic mundo édedit Salvatórem: sed et memóriam venerántes, in primis ejúsdem gloriósae semper Vírginis Maríae, Genitrícis ejúsdem Dei et Dómini nostri Jesu Christi: *

In Epiphania Domini dicitur:

COMMUNICÁNTES, et diem sacratíssimum celebrántes, quo Unigénitus tuus in tua tecum glória coaetérnus, in veritáte carnis nostrae visibíliter corporális apparuit: sed et memóriam venerántes, in primis gloriósae semper Vírginis Maríae, Genitrícis ejúsdem Dei et Dómini nostri Jesu Christi: *

A Sabbato sancto usque ad Sabbatum in Albis dicitur:

COMMUNICÁNTES, et diem (noctem) sacratíssimum (-am) celebrántes Resurrectiósni Dómini nostri Jesu Christi secúndum carnem: sed et memóriam venerántes, in primis gloriósae semper Vírginis Maríae, Genitrícis ejúsdem Dei et Dómini nostri Jesu Christi: *

In Ascensione Domini dicitur:

COMMUNICÁNTES, et diem sacratíssimum celebrántes, quo Dóminus noster, unigénitus Fílius tuus, unítam sibi fragilitátis nostrae substántiam, in glóriae tuae dextera collocávit: sed et memóriam venerántes, in primis gloriósae semper Vírginis Maríae, Genitrícis ejúsdem Dei et Dómini nostri Jesu Christi: *

A Vigilia Pentecostes usque ad sequens Sabbatum inclusive dicitur:

COMMUNICÁNTES, et diem sacratíssimum Pentecóstes celebrántes, quo Spíritus Sanctus Apóstolis

innúmeris linguis apparuit: sed et memóriam venerántes, in primis gloriósae semper Vírginis Maríae, Genitrícis Dei et Dómini nostri Jesu Christi: *

* sed et beatórum Apostolórum ac Mártyrum tuórum, Petri et Pauli, Andréae, Jacóbi, Joánnis, Thomae, Jacóbi, Philíppi, Bartholomaéi, Matthaéi, Simónis et Thaddaéi: Lini, Cleti, Cleméntis, Xysti, Cornélii, Cypríani, Lauréntii, Chrysógoni, Joánnis et Pauli, Cosmae et Damiáni: et ómnium Sanctórum tuórum ; quorum méritis precibúsq; concédas, ut in ómnibus protectiónis tuae muniámur auxilió. **Jungit manus.** Per eúndem Christum Dóminum nostrum. Amen.

Tenens manus expansas super oblata, dicit:

(Extra Paschatem et Pentecosten)

HANC ígitur oblatiónem servitútis nostrae, sed et cunctae famíliae tuae, quaesumus, Dómine, ut placátus accípias: diésque nostros in tua pace dispónas, atque ab aetérna damnatióne nos éripi, et in electórum tuórum júbeas grege numerári. **Jungit manus.** Per Christum Dóminum nostrum. Amen.

A Sabbato sancto usque ad Sabbatum in Albis inclusive et a Vigilia Pentecostes usque ad sequens Sabbatum inclusive dicitur:

HANC ígitur oblatiónem servitútis nostrae, sed et cunctae famíliae tuae, quam tibi offérimus pro his quoque, quos regeneráre dignátus es ex aqua et Spíritu Sancto, tríbuens eis remissionem ómnium peccatórum, quaesumus, Dómine, ut placátus accípias: diésque nostros in tua pace dispónas, atque ab aetérna damnatióne nos éripi, et in electórum tuórum júbeas grege numerári. **Jungit manus.** Per Christum Dóminum nostrum. Amen.

QUAM oblatiónem tu, Deus, in ómnibus, quaesumus, **Signat ter super oblata**, bene+díctam, ad+scríptam, ra+tam, rationábilem, acceptabilémque fácere dignéris: **Signat semel super Hostiam**, ut nobis Cor+pus, **et semel super Calicem**, et San+guis fiat dilectíssimi Filii tui **Jungit manus**, Dómini nostri Jesu Christi.

QUI pridie quam paterétur, **Accipit Hostiam**, accépit panem in sanctas ac venerábiles manus suas, **Elevat oculos ad caelum**, et elevátis óculis in caelum ad te Deum Patrem suum omnipoténtem, **Caput inclinat**, tibi grátias agens, **Signat super Hostiam**, bene+díxit, fregit, dedítque discíplis suis, dicens: Accípite, et manducáte ex hoc omnes.

Tenens ambabus manibus Hostiam inter indices et pollices, profert verba consecrationis secrete, distincte, et attente super Hostiam, et simul super omnes, si pl ures sint consecrandae.

Hoc est enim Corpus meum.

Quibus verbis prolatis, statim Hostiam consecratam genuflexus adorat: surgit, ostendit populo, reponit super Corporale, et genuflexus iterum adorat: nec amplius pollices et indices disjungit, nisi quando Hostia tractanda est, usque ad ablutionem digitorum. Tunc, detecto Calice, dicit:

SÍMILI modo, postquam cenátum est, **Ambabus manibus accipit Calicem**, accípiens et hunc praeclárum Cálicem in sanctas ac venerábiles manus suas: item **Caput inclinat**, tibi grátias agens, **Sinistra tenens Calicem, dextera signat super eum**, bene+díxit, dedítque discíplis suis, dicens: Accípite, et bíbite ex eo omnes.

Profert verba consecrationis super Calicem, attente, continue, et secrete, tenens illum parum elevatum.

**Hic est enim Calix
Sánguinis mei,
novi et aetérni testaménti:
mystérium fidei:
qui pro vobis et pro multis
effundétur
in remissionem peccatórum.**

Quibus verbis prolatis, deponit Calicem super Corporale, et dicens secrete:

Haec quotiescúmque fecéritis, in mei memóriam faciétis.

Genuflexus adorat: surgit, ostendit populo, deponit, cooperit, et genuflexus iterum adorat. Deinde disjunctis

manibus dicit:

UNDE et memores, Dómine, nos servi tui, sed et plebs tua sancta, ejúsdem Christi Fílii tui Dómini nostri tam beátae passiónis, nec non et ab ínferis resurrectiόnis, sed et in caelos gloriόsae ascensiόnis: offerimus praeclárae majestáti tuae de tuis donis ac datis, **Jungit manus, et signat ter super Hostiam, et Calicem simul, dicens:** hóstiam + puram, hóstiam + sanctam, hóstiam + immaculátam, **Signat semel super Hostiam, dicens:** Panem + sanctum vitae aetérnae, **et semel super Calicem, dicens:** et Cálicem + salutis perpétuae.

Extensis manibus prosequitur:

SUPRA quae propítio ac seréno vultu respícere dignéris ; et accépta habére, sícuti accépta habére dignátus es múnera púeri tui justi Abel, et sacrificíum Patriárchae nostri Abraháe: et quod tibi óbtulit summus sacérdos tuus Melchísedech, sanctum sacrificíum, immaculátam hóstiam.

Profunde inclinatus, junctis manibus, et super Altare positus, dicit:

SÚPPLICES te rogámus, omnípotens Deus: jube haec perférri per manus sancti Angeli tui in sublíme altáre tuum, in conspéctu divínae majestátis tuae: ut quoquo **Osculatur Altare**, ex hac altáris participatióne sacrosánctum Fílii tui **Jungit manus, et signat semel super Hostiam, et semel super Calicem**, Cor+pus, et Sán+guinem sumpsérimus, **Seipsum signat, dicens:** omni benedictiόne caeléstí et grátia repleámur. **Jungit manus.** Per eúmdem Christum Dóminum nostrum. Amen.

Commemoratio pro defunctis

MEMÉNTO étiam, Dómine, famulórum famularúmque tuárum **N.** et **N.**, qui nos praecessérunt cum signo fídei, et dórmíunt in somno pacis.

Jungit manus, orat aliquantulum pro iis defunctis, pro quibus orare intendit, deinde extensis manibus prosequitur:

Ipsis, Dómine, et ómnibus in Christo quiescéntibus, locum refrigeríi, lucis et pacis ut indúlgeas, deprecámur. **Jungit manus, et caput inclinát, dicens:** Per eúmdem Christum Dóminum nostrum. Amen.

Manu dextera percutit sibi pectus, elata aliquantulum voce dicens:

NOBIS quoque peccatóribus **Extensis manibus ut prius, secrete prosequitur:** fámulis tuis, de multítudine miseratiónum tuárum sperántibus, partem álíquam et societátem donáre dignéris, cum tuis sanctis Apóstolis et Martýribus: cum Joánne, Stéphano, Matthía, Bárnaba, Ignátio, Alexándro, Marcellíno, Petro, Felicitáte, Perpétua, Agatha, Lúcia, Agnéte, Caecília, Anastásia, et ómnibus Sanctis tuis: intra quorum nos consórtium, non aestimátor mériti, sed véníae, quaesumus, largítor a dmítte. **Jungit manus.** Per Christum Dóminum nostrum.

PER quem haec ómnia, Dómine, semper bona creas, **Signat ter super Hostiam, et Calicem simul, dicens:** sanctí+ficas, viví+ficas, bene+dícis, et praestas nobis.

Discooperit Calicem, genuflectit, accipit Hostiam inter pollicem et indicem manus dexterae: et tenens sinistra Calicem, cum Hostia signat ter a labio ad labium Calicis, dicens:

PER ip+sum, et cum ip+so, et in ip+so **Cum ipsa Hostia signat bis inter se et Calicem, dicens:** est tibi Deo Patri + omnipoténti, in unitáte Spíritus + Sancti, **Elevans parum Calicem cum Hostia, dicit:** omnis honor et glória

Reponit Hostiam, Calicem Palla cooperit, genuflectit, surgit, et dicit intelligibili voce, vel cantat:

PER ómnia saécula saeculórum. **R/.** Amen.

Jungit manus

ORÉMUS: Praecéptis salutáribus móniti, et divína institutióne formáti, audémus dícere:

Extendit manus

PATER noster, qui es in caelis: Sanctificétur nomen tuum: Advéniat regnum tuum: Fiat volúntas tua, sicut in caelo, et in terra. Panem nostrum quotidiánum da nobis hódie: Et dimítte nobis débíta nostra, sicut et nos dimíttimus debitoribus nostris. Et ne nos indúcas in tentatiónem. **R/.** Sed libera nos a malo.

Sacerdos secrete dicit: Amen.

* **Sequens cantus dicitur in Festis Simplicibus, in diebus Ferialibus, in Missis votivis quae non sint pro re gravi et publica simul causa, et in Missis Defunctorum.**

(...)

Deinde manu dextera accipit inter indicem et medium digitos Patenam, quam tenens super Altare erectam, dicit secrete:

LÍBERA nos, quaesumus, Dómine, ab ómnibus malis, praetéritis, praeséntibus, et futúris: et intercedénte beáta et gloriósa semper Vírgine Dei Genitríce María, cum beáteis Apóstolis tuis Petro et Paulo, atque Andréa, et ómnibus Sanctis, **Signat se cum Patena a fronte ad pectus**, da propítius pacem in diébus nostris: **Patenam osculatur**, ut, ope misericórdiae tuae adjúti, et a peccáto simus semper líberi, et ab omni perturbatióne secúri.

Submittit Patenam Hostiae, discooperit Calicem, genuflectit, surgit, accipit Hostiam, et eam super Calicem tenens utraque manu, frangit per medium, dicens:

Per eúmdem Dóminum nostrum Jesum Christum Fílium tuum.

Et mediam partem, quam in dextera manu tenet, ponit super Patenam. Deinde ex parte, quae in sinistra remanserat, frangit particulam, dicens:

Qui tecum vivit et regnat in unitáte Spíritus Sancti Deus.

Aliam mediam partem, quam in sinistra manu habet, adjungit mediae super Patenam positae, et particulam parvam dextera retinens super Calicem, quem sinistra per nodum infra cuppam tenet, dicit intelligibili voce vel cantat:

PER ómnia saécula saeculórum. **R/.** Amen.

Cum ipsa particula signat ter super Calicem, dicens:

PAX + Dómini sit + semper vobís+cum. **R/.** Et cum spíritu tuo.

Particulam ipsam immittit in Calicem, dicens secrete:

HAEC commíxtio et consecrátio Córporis et Sánguinis Dómini nostri Jesu Christi, fiat accipiéntibus nobis in vitam aetérnam. Amen.

Cooperit Calicem, genuflectit, surgit, et inclinatus Sacramento, junctis manibus, et ter pectus percutiens, intelligibili voce dicit:

AGNUS Dei, qui tollis peccáta mundi: miserére nobis.

Agnus Dei, qui tollis peccáta mundi: miserére nobis.

Agnus Dei, qui tollis peccáta mundi: dona nobis pacem.

In Missis Defunctorum non dicitur miserére nobis, sed ejus loco dona eis réquiem, et in tertio additur sempitérnam.

Deinde, junctis manibus super Altare, inclinatus dicit secrete sequentes Orationes:

DÓMINE Jesu Christe, qui dixísti Apóstolis tuis: Pacem relínquo vobis, pacem meam do vobis: ne respicias peccáta mea, sed fidem Ecclésiae tuae; eámque secúndum voluntátem tuam pacificáre et coadunáre dignéris: Qui vivis et regnas Deus per ómnia saécula saeculórum. Amen.

Si danda est pax, osculatur Altare, et dans pacem, dicit: Pax tecum. R/. Et cum spíritu tuo.

In Missis Defunctorum non datur pax, neque dicitur praecedens Oratio.

DÓMINE Jesu Christe, Fili Dei vivi, qui ex voluntáte Patris, cooperánte Spíritu Sancto, per mortem tuam mundum vivificásti: líbera me per hoc sacrosánctum Corpus et Sánguinem tuum ab ómnibus iniquitatibus meis, et univérsis malis: et fac me tuis semper inhaerére mandátis, et a te numquam separári permíttas: Qui cum eódem Deo Patre et Spíritu Sancto vivis et regnas Deus in saécula saeculórum. Amen.

PERCÉPTIO Córporis tui, Dómine Jesu Christe, quod ego indígnus súmere praesúmo, non mihi provéniat in júdicium et condemnatiónem; sed pro tua pietáte prosit mihi ad tutaméntum mentis et córporis, et ad medélam percipiéndam: Qui vivis et regnas cum Deo Patre in unitáte Spíritus Sancti Deus, per ómnia saécula saeculórum. Amen.

Genuflectit, surgit, et dicit:

PANEM caeléstem accípiam, et nomen Dómini invocábo.

Deinde parum inclinatus, accipit ambas partes Hostiae inter pollicem et indicem sinistrae manus, et Patenam inter eundem indicem et medium supponit, et dextera tribus vicibus percutiens pectus, elata aliquantulum voce, ter dicit devote et humiliter:

DÓMINE, non sum dignus, **Et secrete prosequitur:** ut intres sub tectum meum: sed tantum dic verbo, et sanábitur ánima mea.

Postea dextera se signans cum Hostia super Patenam, dicit:

CORPUS Dómini nostri Jesu Christi custódiat ánimam meam in vitam aetérnam. Amen.

Et se inclinans, reverenter sumit ambas partes Hostiae: quibus sumptis, deponit Patenam super Corporale, et erigens se jungit manus, et quiescit aliquantulum in meditatione Ssmi Sacramenti. Deinde discooperit Calicem, genuflectit, colligit fragmenta, si quae sint, extergit Patenam super Calicem, interim dicens:

QUID retríbui Dómino pro ómnibus quae retríbuit mihi ? Cálicem salutáris accípiam, et nomen Dómini invocábo. Laudans invocábo Dóminum, et ab inimicis meis salvus ero.

Accipit Calicem manu dextera, et eo se signans, dicit:

SANGUIS Dómini nostri Jesu Christi custódiat ánimam meam in vitam aetérnam. Amen.

Et sinistra supponens Patenam Calici, reverenter sumit totum Sanguinem cum particula. Quo sumpto, si qui sunt comunicandi, eos comunicet, antequam se purificet.

ORDO ADMINISTRANDI SACRAM COMMUNIONEM INTRA MISSAM

Sacerdos, facta genuflexione, ponit particulas in pyxide, vel, si pauci sint comunicandi, super patenam, nisi a principio positae fuerint in pyxide seu alio calice. Interim minister ante eos extendit linteum seu velum album, et pro eis facit confessionem, dicens:

CONFÍTEOR Deo omnipoténti, beátae Maríae semper Vírgini, beáto Michaéli Archángelo, beáto Joánni Baptístae, sanctis Apóstolis Petro et Paulo, ómnibus Sanctis, et tibi, pater: quia peccávi nimis, cogitátione, verbo, et ópere: mea culpa, mea culpa, mea máxima culpa. Ideo precor beátam Maríam semper Vírginem, beátum Michaélem Archángelum, beátum Joánnem Baptístam, sanctos Apóstolos Petrum et Paulum, omnes Sanctos, et te, pater, oráre pro me ad Dóminum Deum nostrum.

Sacerdos genuflectit, surgit, et manibus junctis ante pectus, vertit se ad populum (advertens ne terga vertat Sacramento) , et in cornu Evangelii dicit:

MISEREÁTUR vestri omnipotens Deus, et, dimíssis peccátis vestris, perdúcat vos ad vitam aetérnam. **R/.** Amen.

Et addit:

INDULGÉNTIAM, absolutiónem et remissionem peccatórum vestrórum tríbuat vobis omnipotens et miséricors Dóminus. **R/.** Amen.

Dicens Indulgéntiam, etc., manu dextera in formam crucis signat comunicandos.

Deinde ad Altare se convertit, genuflectit, manu sinistra pyxidem prendit ; dextera vero sumit unam particulam, quam inter pollicem et indicem tenet aliquantulum elevatam super pyxidem: conversusque ad populum in medio Altaris dicit clara voce:

ECCE Agnus Dei, ecce qui tollit peccáta mundi.

Mox subdit:

DÓMINE, non sum dignus, ut intres sub tectum meum: sed tantum dic verbo, et sanábitur ánima mea.

Quod iterum ac tertio repetit. Postea ad comunicandos accedit, incipiens a ministris Altaris, si velint communicare: quibus porrigens Eucharistiam, et faciens cum particula signum crucis, dicit:

CORPUS Dómini nostri Jesu Christi custódiat ánimam tuam in vitam aetérnam. Amen.

Finita communione, revertitur ad Altare, nihil dicens.

)Postea dicit:

QUOD ore súmpsimus, Dómine, pura mente capiámus: et de múnere temporáli fiat nobis remédium sempitérnium.

Interim porrigit Calicem ministro, qui infundit in eo parum vini, quo se purificat: deinde prosequitur:

CORPUS tuum, Dómine, quod sumpsi, et Sanguis, quem potávi, adhaéreat viscéribus meis: et praesta ; ut in me non remáneat scélerum mácula, quem pura et sancta refecerunt sacraménta: Qui vivis et regnas in saécula saeculórum. Amen.

Abluit et extergit digitos, ac sumit ablutionem ; extergit os et Calicem, quem, plicato Corporali, operit et collocat in Altari ut prius: deinde prosequitur Missam.

(Dicta Antiphona ad Communionem, osculatur Altare, et versus ad populum dicit:

V/. Dóminus vobíscum.

R/. Et cum spírítu tuo.

Deinde, reversus ad Altare, dicit: Orémus.

)Dicto, post ultimam Orationem,

V/. Dóminus vobíscum.

R/. Et cum spírítu tuo,

dicit pro Missae qualitate, vel

ITE, Missa est,

vel,

BENEDICÁMUS Dómino.

R/. Deo grátias.

In Missis Defunctorum dicit: V/. Requiéscant in pace. R/. Amen.

I. Tempore Paschali, hoc est a Missa Sabbati sancti usque ad Sabbatum in Albis inclusive in Missis de Tempore

ITE, Missa est, allelúja, allelúja.

(R/. Deo grátias, allelúja, allelúja.

)II. In Festis Solemnibus

Ite, Missa est.

III. In Festis Duplicibus

Ite, Missa est.

IV. In Missis beatae Mariae Virginis

Ite, Missa est.

V. In Dominicis infra annum, in Festis Semiduplicibus et infra Octavas, quae non sint beatae Mariae Virginis

Ite, Missa est.

VI. In Festis Simplicibus

Ite, Missa est.

VII. In Dominicis tempore Adventus, Quadragesimae et Passionis

Benedicámus Dómino.

VIII. In omnibus Feriis extra Tempus Paschale, in Litaniiis majoribus et minoribus, in Vigiliis communibus item extra Tempus Paschale, atque, si omissum fuerit Glória in excélsis, in Missis votivis, quae pro re gravi et publica simul causa non sint

Benedicámus Dómino.

IX. In Dominicis Septuagesimae, Sexagesimae et Quinquagesimae

Benedicámus Dómino.

X. In Vigilia Nativitatis Domini, etiamsi in Dominica occurrat, in Festo Ss. Innocentium et in Missis votivis pro re gravi et publica simul causa, quando non dicitur Glória in excélsis.

Benedicámus Dómino.

XI. In Missis Defunctorum

Requiescant in pace.

Dicto Ite, Missa est, vel Benedicámus Dómino, Sacerdos inclinatur ante medium Altaris, et manibus junctis super illud, dicit secrete:

PLÁCEAT tibi, sancta Trínitas, obséquium servitútis meae: et praesta; ut sacrificium, quod óculis tuae majestátis indignus obtuli, tibi sit acceptábile, mihi que et ómnibus, pro quibus illud obtuli, sit, te miseránte, propitiábile. Per Christum Dóminum nostrum. Amen.

Deinde osculatur Altare: et elevatis oculis, extendens, elevans et jungens manus, caputque Cruci inclinans, dicit:

BENEDÍCAT vos omnipotens Deus, et versus ad populum, semel tantum benedicens, etiam in Missis solemnibus, prosequitur: Pater, et Fílius, + et Spíritus Sanctus. R/. Amen.

In Missa Pontificali ter benedicatur, ut in Pontificali habetur.

Deinde Sacerdos in cornu Evangelii, junctis manibus dicit:

V/. Dóminus vobíscum.

R/. Et cum spírítu tuo.

Et signans signo Crucis primum Altare, vel librum, deinde se in fronte, ore et pectore, dicit:

+ Inítium sancti Evangéllii secúndum Joánnem.

Vel si aliud Evangelium legendum sit:

Sequéntia sancti Evangéllii, etc.

R/. Glória tibi, Dómine.

Junctis manibus prosequitur:
Joann. 1, 1-14

IN princípío erat Verbum, et Verbum erat apud Deum, et Deus erat Verbum. Hoc erat in princípío apud Deum. Omnia per ipsum facta sunt: et sine ipso factum est ni hil, quod factum est: in ipso vita erat, et vita erat lux hóminum: et lux in ténebris lucet, et ténebrae eam non comprehendérunt. Fuit homo missus a Deo, cui nomen erat Joánnes. Hic venit in testimónium, ut testimónium perhibéret de lúmine, ut omnes créderent per illum. Non erat ille lux, sed ut testimónium perhibéret de lúmine. Erat lux vera, quae illúminat omnem hóminem veniéntem in hunc mundum. In mundo erat, et mundus per ipsum factus est, et mundus eum non cognóvit. In própria venit, et sui eum non recepérunt. Quotquot autem recepérunt eum, dedit eis potestátem filios Dei fieri, his, qui credunt in nómine ejus: qui non ex sanguínibus, neque ex voluntáte carnis, neque ex voluntáte viri, sed ex Deo nati sunt. **Genueflectit dicens:** Et Verbum caro factum est, **Et surgens prosequitur:** et habitávit in nobis: et vídimus glóriam ejus, glóriam quasi Unigéniti a Patre, plenum grátiae et veritátis.

R/. Deo grátias.

In Missis Defunctorum non datur benedictio, sed dicto Requiéscant in pace, dicit: Pláceat tibi, sancta Trínitas ; deinde, osculato Altari, legit Evangelium sancti Joannis.

Finito Evangelio sancti Joannis, discedens ab Altari, pro gratiarum actione dicit Antiphonom Trium puerórum, cum reliquis, ut habetur in principio Missalis.

DOMINICA RESURRECTIONIS

Duplex I classis cum Octava privilegiata I ordinis

Statio ad S. Mariam majorem

Introitus Ps. 138, 18 et 5-6

RESURREXI, et adhuc tecum sum, allelúja: posuisti super me manum tuam, allelúja: mirábilis facta est sciéntia tua, allelúja, allelúja. Ps. *ibid.*, 1-2 Dómine, probásti me, et cognovísti me: tu cognovísti sessiónem meam, et resurrectionem meam. *Vl.* Glória Patri.

Oratio

DEUS, qui hodiérna die per Unigénitum tuum, aeternitátis nobis áditum devícta morte reserásti: vota nostra, quae praeveniéndó aspiras, étiam adjuvándó proséquare. Per eúmdem Dóminum.

Léctio Epístolae beáti Pauli Apóstoli ad Corínthios.

1 Cor. 5, 7-8

FRATRES: Expurgáte vetus ferméntum, ut sitis nova conspérsio, sicut estis ázymi. Etenim Pascha nostrum immolátus est Christus. Itaque epulémur: non in ferméto véteri, neque in ferméto malítiae, et nequítiae: sed in ázymis sinceritátis, et veritátis.

Graduale Ps. 117, 24 et 1 Haec dies, quam fecit Dóminus: exsultémus et laetémur in ea. *Vl.* Confitémini Dómino, quóniam bonus: quóniam in saéculum misericórdia ejus.

Allelúja , allelúja. *Vl.* 1 Cor. 5, 7 Pascha nostrum immolátus est Christus.

Sequentia

VÍCTIMAE pascháli laudes
ímmolent Christiáni.

Agnus redémit oves:

Christus innocens Patri
reconciliávit peccatóres.

Mors et vita duéllo
confluxére mirándo:
dux vitae mórtuus,
regnat vivus.

Dic nobis, María,
quid vidísti in via ?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecedet vos in Galilaéam.

Scimus Christum surrexisse
a mórtuis vere:
tu nobis, victor Rex,
miserére. Amen. Allelúja.

* Sequentia dicitur usque ad Sabbatum in Albis inclusive.

+ Sequéntia sancti Evangélii secúndum Marcum.

Marc. 16, 1-7

IN illo témpore: María Magdaléne, et María Jacóbi, et Salóme emérunt arómata, ut veniéntes úngerent Jesum. Et valde mane una sabbatórum, véniunt ad monuméntum, orto jam sole. Et dicébant ad ínvicem: Quis revólvet nobis lápidem ab óstio monuménti ? Et respiciéntes vidérunt revolútum lápidem. Erat quippe

magnus valde. Et introëntes in monuméntum vidérunt júvenem sedéntem in dextris, coopértum stola cándida, et obstupuérunt. Qui dicit illis: Nolíte expavéscere: Jesum quaéritis Nazarénum, crucifíxum: surréxit, non est hic, ecce locus ubi posuérunt eum. Sed ite, dícite discípuilis ejus, et Petro, quia praecédit vos in Galilaéam: ibi eum vidébitis, sicut dixit vobis.

Credo.

Offertorium Ps. 75, 9-10 Terra trémuit, et quiévit, dum resúrgeret in judício Deus, allelúja.

Secreta

SÚSCIPe, quaésumus Dómine, preces pópuli tui cum oblatiónibus hostiárum: ut paschálibus initiáta mystériis, ad aeternitátis nobis medélam, te operánte, proficiant. Per Dóminum.

* **Praefatio Paschalis** Te quidem Dómine, omni témpore, sed in hac potíssimum die.

Infra Actionem Communicántes, et Hanc ígitur oblatiónem **propria**.

Et sic dicitur usque ad Sabbatum in Albis inclusive.

Communio 1 Cor. 5, 7-8 Pascha nostrum immolátus est Christus, allelúja: ítaque epulémur in ázymis sinceritátis et veritátis, allelúja, allelúja, allelúja.

Postcommunio

SPÍRITUM nobis, Dómine, tuae caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum... in unitáte ejúsdem.

* **Post Dóminus vobíscum dicitur:** Ite, Missa est, allelúja, allelúja.

R/. Deo grátias, allelúja, allelúja.

Et sic dicitur usque ad Sabbatum in Albis inclusive, juxta Rubricas.

FERIA SECUNDA INFRA OCTAVAM PASCHAE

Duplex I classis

Statio ad S. Petrum

Introitus **Exodi 13, 5 et 9**

INTRODÚXIT vos Dóminus in terram fluéntem lac et mel, allelúja: et ut lex Dómini semper sit in ore vestro, allelúja, allelúja. Ps. 104, 1 Confitémini Dómino, et invocáte nomen ejus: annuntiáte inter gentes ópera ejus. **V/.** Glória Patri.

Oratio

DEUS, qui solemnitate pascháli, mundo remédia contulísti: pópulum tuum, quaésumus, caelésti dono proséquare ; ut et perféctam libertátem cónsequi mereátur, et ad vitam proficiat sempitérnam. Per Dóminum.

Léctio Actuum Apostolorum.

Act. 10, 37-43

IN diébus illis: Stans Petrus in médio plebis, dixit: Viri fratres, vos scitis quod factum est verbum per univérsam Judaéam: incípiens enim a Galilaéa, post baptísmum, quod praedicávit Joáannes, Jesum a Náza-reth: quómo-do unxit eum Deus Spíritu Sancto et virtúte, qui pertránsiit benefaciéndo, et sanádo omnes opprésos a diabolo, quóniam Deus erat cum illo. Et nos testes sumus ómnium, quae fecit in regione Judaeórum, et Jerúsalem, quem et occidérunt suspendéntes in ligno. Hunc Deus suscitávit tértia die, et dedit eum maníféstum fferi, non omni pópulo, sed téstibus praeordinátis a Deo: nobis, qui manducávimus et bíbimus cum illo, postquam resurréxit a mórtuis. Et praecépit nobis praedicáre pópulo, et testificári, quia ipse est, qui constitútus est a Deo judex vivórum et mortuórum. Huic omnes prophétae testimónium pérhibent, remissionem peccatórum accíperere per nomen ejus omnes, qui credunt in eum.

Graduale Ps. 117, 24 et 2 Haec dies, quam fecit Dóminus: exultémus et laetémur in ea. **V/.** Dicat nunc Israél, quóniam bonus: quóniam in saéculum misericórdia ejus.

Allelúja, allelúja. **V/.** **Matth. 28, 2** Angelus Dómini descéndit de caelo: et accédens revólvit lápidem, et

Sequentia

VÍCTIMAE pascháli laudes
ímmolent Christiáni.

Agnus redémit oves:
Christus innocens Patri
reconciliávit peccatóres.

Mors et vita duéllo
conflixére mirándo:
dux vitae mórtuus,
regnat vivus.

Dic nobis, María,
quid vidísti in via ?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecédet vos in Galilaéam.

Scimus Christum surrexísse
a mórtuis vere:
tu nobis, victor Rex,
miserére. Amen. Allelúja.

+ Sequéntia sancti Evangélii secúndum Lucam.

Luc. 24, 13-35

IN illo témpore: Duo ex discipulis Jesu ibant ipsa die in castéllum, quod erat in spátio stadiórum sexagínta ab Jerúsalem, nómine Emmaus. Et ipsi loquebántur ad ínvicem de his ómnibus, quae accíderant. Et factum est, dum fabularéntur, et secum quaérent: et ipse Jesus appropínquans ibat cum illis: óculi autem illórum tenebántur, ne eum agnóscerent. Et ait ad illos: Qui sunt hi sermónes, quos confértis ad ínvicem ambulántes, et estis tristes ? Et respóndens unus, cui nomen Cléophas, dixit ei: Tu solus peregrínus es in Jerúsalem, et non cognovísti, quae facta sunt in illa his diébus ? Quibus ille dixit: Quae ? Et dixerunt: De Jesu Nazaréno, qui fuit vir prophéta potens in ópere et sermóne, coram Deo, et omni pópulo: et quómodo eum tradidérunt summi sacerdotés et príncipes nostri in damnatiónem mortis, et crucifixérunt eum. Nos autem sperabámus, quia ipse esset redemptúrus Israél: et nunc super haec ómnia, tértia dies est hódie, quod haec facta sunt. Sed et mulíeres quaedam ex nostris terruérunt nos, quae ante lucem fuérunt ad monuméntum, et, non invénto córpore ejus, venérunt, dicéntes se étiam visiónem Angelórum vidísse, qui dicunt eum vivere. Et abiérunt quídam ex nostris ad monuméntum: et ita invenérunt sicut mulíeres dixerunt, ipsum vero non invenérunt. Et ipse dixit ad eos: O stulti, et tardi corde ad credéndum in ómnibus, quae locúti sunt prophéetae ! Nonne haec opórtuit pati Christum, et ita intráre in glóriam suam ? Et incípiens a Móyse, et ómnibus prophétis, interpretabátur illis in ómnibus Scriptúris, quae de ipso erant. Et appropínquavérunt castéllum, quo ibant: et ipse se finxit lóngius ire. Et coégérunt illum, dicéntes: Mane nobíscum, quóniam advesperáscit, et inclináta est jam dies. Et intrávit cum illis. Et factum est, dum recúmberet cum eis, accépit panem, et benedíxit ac fregit, et porrigébat illis. Et apérti sunt óculi eórum, et cognovérunt eum: et ipse evánuit ex óculis eórum. Et dixerunt ad ínvicem: Nonne cor nostrum ardens erat in nobis, dum loquerétur in via, et aperíret nobis Scriptúras ? Et surgéntes eadém hora regréssi sunt in Jerúsalem: et invenérunt congregátos undecim, et eos, qui cum illis erant, dicéntes: Quod surréxit Dóminus vere, et apparuit Simóni. Et ipsi narrábant, quae gesta erant in via: et quómodo cognovérunt eum in fractiõe panis.

Credo.

Offertorium Matth. 28, 2, 5 et 6 Angelus Dómini descéndit de caelo, et dixit muliéribus: Quem quaéritis, surréxit, sicut dixit, allelúja.

Secreta

SÚSCIBE, quaésumus, Dómine, preces pópuli tui cum oblatiõibus hostiárum: ut paschálibus initiáta mystériis, ad aeternitátis nobis medélam, te operánte, proficiant. Per Dóminum.

Praefatio, Communicántes, et Hanc igitur, ut in die Paschae.

Communio Luc. 24, 34 Surrexit Dóminus, et apparuit Petro, allelúja.

Postcommunio

SPÍRITUM nobis, Dómine, tuae caritátis infúnde: ut, quos sacraméntis paschálibus satiásti, tua fácias pietáte concórdes. Per Dóminum... in unitáte ejúsdem.

FERIA TERTIA
INFRA OCTAVAM PASCHAE

Duplex I classis

Statio ad S. Paulum

Introitus **Eccli. 15, 3 et 4**

AQUA sapiéntiae potávit eos, allelúja: firmábitur in illis, et non flectétur, allelúja: et exaltábit eos in aetérnum, allelúja, allelúja. **Ps. 104, 1** Confitémini Dómino, et invocáte nomen ejus: annuntiáte inter gentes ópera ejus. **Vl.** Glória Patri.

Oratio

DEUS, qui Ecclésiám tuam novo semper fetu múltiplicas: concéde fámulis tuis ; ut sacraméntum vivéndo téneant, quod fide percepérunt. Per Dóminum.

Léctio Actuum Apostolorum.

Act. 13, 16 et 26-33

IN diébus illis: Surgens Paulus, et manu siléntium indicens, ait: Viri fratres, filii géneris Abraham, et qui in vobis timent Deum, vobis verbum salútis hujus missum est. Qui enim habitábant Jerúsalem, et príncipes ejus, ignorántes Jesum, et voces prophetárum, quae per omne sábbatum legúntur, judicántes implevérunt: et nullam causam mortis inveniéntes in eo, petiérunt a Piláto, ut interfícerent eum. Cumque consummássent ómnia, quae de eo scripta erant, deponéntes eum de ligno, posuérunt eum in monuménto. Deus vero suscitávit eum a mórtuis tértia die: qui visus est per dies multos his, qui simul ascénderant cum eo de Galilaéa in Jerúsalem, qui usque nunc sunt testes ejus ad plebem. Et nos vobis annuntiámus eam, quae ad patres nostros repromíssio facta est: quóniam hanc Deus adimplévit filiis nostris, resúscitans Jesum Christum Dóminum nostrum.

Graduale Ps. 117, 24 Haec dies, quam fecit Dóminus: exsultémus et laetémur in ea. **Vl. Ps. 106, 2** Dicant nunc, qui redépti sunt a Dómino: quos redémit de manu inimíci, et de regiónibus congregávit eos. Allelúja , allelúja. **Vl.** Surrexit Dóminus de sepúlcro, qui pro nobis pepéndit in ligno.

Sequentia

VÍCTIMAE pascháli laudes
ímmolent Christiáni.

Agnus redémit oves:
Christus innocens Patri
reconciliávit peccatóres.

Mors et víta duéllo
conflíxere mirándo:
dux vitae mórtuus,
regnat vivus.

Dic nobis, María,
quid vidísti in via ?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surrexit Christus spes mea:
praecédet vos in Galilaéam.

Scimus Christum surrexisse
a mórtuis vere:
tu nobis, victor Rex,
miserére. Amen. Allelúja.

+ Sequéntia sancti Evangélii secúndum Lucam.

Luc. 24, 36-47

IN illo tēpore: Stetit Jesus in médio discipulōrum suōrum, et dicit eis: Pax vobis: ego sum, nolite timere. Conturbāti vero, et contērriti, existimābant se spīritum videre. Et dixit eis: Quid turbāti estis, et cogitationēs ascēdunt in corda vestra ? Vidēte manus meas et pedes, quia ipse ego sum: palpāte, et vidēte: quia spīritus carnem et ossa non habet, sicut me vidētis habere. Et cum hoc dixisset, ostēdit eis manus et pedes. Adhuc autem illis non credētibus, et mirāntibus prae gāudio, dixit: Habētis hic aliquid, quod manducētur ? At illi obtulērunt ei partem piscis assi, et favum mellis. Et cum manducāssset coram eis, sumens reliquias, dedit eis. Et dixit ad eos: Haec sunt verba, quae locūtus sum ad vos, cum adhuc essem vobiscum, quōniam necesse est implēri omnia, quae scripta sunt in lege Mōysi, et Prophētis, et Psalmis de me. Tunc apēruit illis sensum, ut intellīgerent Scriptūras. Et dixit eis: Quōniam sic scriptum est, et sic oportēbat Christum pati, et resūrgere a mōrtuis tērtia die: et praedicāri in nōmine ejus paenitēntiam, et remissionem peccatorum in omnes gentes.

Credo.

Offertorium Ps. 17, 14 et 16 Intōnuit de caelo Dōminus, et Altīssimus dedit vocem suam: et apparuerunt fontes aquarum, allelūja.

Secreta

SÚSCIPE, Dōmine, fidēlium preces cum oblatiōnibus hostiārum: ut per haec pia devotiōnis officia, ad caelēstem glōriam transeāmus. Per Dōminum.

Praefatio, Communicāntes, et Hanc igitur, **ut in die Paschae**.

Communio Coloss. 3, 1-2 Si consurrexistis cum Christo, quae sursum sunt quaerite, ubi Christus est in dēxtera Dei sedens, allelūja: quae sursum sunt sāpīte, allelūja.

Postcommunio

CONCĒDE, quaesumus, omnīpotens Deus: ut paschālis percēptio sacramēnti, contīnua in nostris mēntibus persēveret. Per Dōminum.

FERIA QUARTA
INFRA OCTAVAM PASCHAE

Semiduplex

Statio ad S. Laurentium extra muros

Introitus **Matth. 25, 34**

VENĪTE, benedīcti Patris mei, percīpīte regnum, allelūja: quod vobis parātum est ab orīgine mundi, allelūja, allelūja, allelūja. Ps. 95, 1 Cantāte Dōmino cānticum novum: cantāte Dōmino, omnis terra. **Vl.** Glōria Patri.

Oratio

DEUS, qui nos Resurrectiōnis Domīnicāe ānnua solemnitate laetificas: concēde propītius ; ut per temporālia festa quae āgimus, pervenīre ad gāudia aeterna mereāmur. Per eūndem Dōminum.

Altera Oratio contra persecutores Ecclesiae vel pro Papa Tabula Orationum.

Lectio Actuum Apostolorum.

Act. 3, 13-15 et 17-19

IN diēbus illis: Apēriens Petrus os suum, dixit: Viri Israēlītae, et qui timētis Deum, audīte. Deus Abraham, et Deus Isaac, et Deus Jacob, Deus patrum nostrōrum, glorificāvit Fīlium suum Jesum, quem vos quidem tradidistis, et negāstis ante faciē Pilāti, judicānte illo dimītti. Vos autem sanctum, et justum negāstis, et petīstis virum homicīdam donāri vobis: auctōrem vero vitae interfecistis, quem Deus suscitāvit a mōrtuis, cujus nos testes sumus. Et nunc, fratres, scio quia per ignorāntiam fecistis, sicut et principes vestri. Deus autem, quae praenuntiāvit per os omnium Prophetārum, pati Christum suum, sic implēvit. Paenitēmini igitur, et convertīmini, ut deleāntur peccāta vestra.

Graduale Ps. 117, 24 et 16 Haec dies, quam fecit Dōminus: exsultēmus et laetēmur in ea. **Vl.** Dēxtera Dōmini fecit virtūtem, dēxtera Dōmini exaltāvit me.

Allelúja , allelúja. *V/.* Surréxit Dóminus vere: et appáruit Petro.

Sequentia

VÍCTIMAE pascháli laudes
ímmolent Christiáni.

Agnus redémit oves:

Christus innocens Patri
reconciliávit peccatóres.

Mors et vita duéllo
conflíxere mirándo:
dux vitae mórtuus,
regnat vivus.

Dic nobis, María,
quid vidísti in via ?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecédet vos in Galilaéam.

Scimus Christum surrexísse
a mórtuis vere:
tu nobis, victor Rex,
miserére. Amen. Allelúja.

+ Sequéntia sancti Evangéllii secúndum Joánnem.

Joann. 21, 1-14

IN illo témpore: Manifestávit se íterum Jesus discíplis ad mare Tiberíadis. Manifestávit autem sic. Erant simul Simon Petrus, et Thomas, qui dicitur Dídymus, et Nathánaël, qui erat a Cana Galilaéae, et filii Zebedaí, et álíi ex discíplis ejus duo. Dicit eis Simon Petrus: Vado piscári. Dicunt ei: Venímus et nos tecum. Et exiérunt, et ascendérunt in navim: et illa nocte nihil prendidérunt. Mane autem factó, stetit Jesus in líttore: non tamen cognovérunt discíplu quia Jesus est. Dixit ergo eis Jesus: Púeri, numquid pulmentárium habétis ? Respondérunt ei: Non. Dicit eis: Míttite in dexteram navígii rete, et inveniétis. Misérunt ergo: et jam non valébant illud tráhere prae multitudíne píscium. Dixit ergo discípulus ille, quem diligébat Jesus, Petro: Dóminus est. Simon Petrus cum audísset quia Dóminus est, túnica succínxit se (erat enim nudus) , et misit se in mare. Alii autem discíplu navígio venérunt (non enim longe erant a terra, sed quasi cúbitis ducéntis), trahéntes rete píscium. Ut ergo descendérunt in terram, vidérunt prunas pósitas, et piscem superpósitum, et panem. Dicit eis Jesus: Afférte de píscibus, quos prendidístis nunc. Ascéndit Simon Petrus, et traxit rete in terram, plenum magnis píscibus centum quinquagínta tribus. Et cum tanti essent, non est scissum rete. Dicit eis Jesus: Veníte, prandéte. Et nemo audébat discumbéntium interrogáre eum: Tu quis es ? sciéntes, quia Dóminus est. Et venit Jesus, et áccipit panem, et dat eis, et piscem simíliter. Hoc jam tértio manifestátus est Jesus discíplis suis, cum resurrexísset a mórtuis.

Credo.

Offertorium Ps. 77, 23-25 Portas caeli apéruit Dóminus: et pluit illis manna, ut éderent: panem caeli dedit eis: panem Angelórum manducávit homo, allelúja.

Secreta

SACRIFÍCIA, Dómine, paschálibus gáudiis ímmolámus: quibus Ecclésia tua mirabíliter et páscitur et nutrítur. Per Dóminum.

Praefatio, Communicántes, **et** Hanc ígitur, **ut in die Paschae.**

Communio Rom. 6, 9 Christus resúrgens ex mórtuis, jam non móritur, allelúja: mors illi ultra non dominábitur, allelúja, allelúja.

Postcommunio

AB omni nos, quaésumus, Dómine, vetustáte purgátos: sacraménti tui veneránda percéptio in novam tránsferat creatúram: Qui vivis.

* **Orationes pro diversitate Temporum: Ab hac die usque ad Sabbatum sequens inclusive dicitur, juxta Rubricas, Oratio pro diversitate Temporum assignata, nempe 2a contra persecutores Ecclesiae vel pro Papa Tabula Orationum.**

FERIA QUINTA
INFRA OCTAVAM PASCHAE

Semiduplex

Statio ad Ss. duodecim Apostolos

Introitus **Sap. 10, 20-21**

VICTRÍCEM manum tuam, Dómine, laudavérunt páriter, allelúja: quia sapiéntia aperuit os mutum, et linguas infántium fecit disertas, allelúja, allelúja. **Ps. 97, 1** Cantáte Dómino cánticum novum: quia mirábilia fecit. **Vl.** Glória Patri.

Oratio

DEUS, qui diversitátem géntium in confessióne tui nóminis adunásti: da, ut renátis fonte baptísmatis una sit fides méntium, et pietas actiónum. Per Dóminum.

Altera Oratio contra persecutores Ecclesiae vel pro Papa Tabula Orationum.

Léctio Actuum Apostolorum.

Act. 8, 26-40

IN diébus illis: Angelus Dómini locútus est ad Philíppum, dicens: Surge, et vade contra meridiánum, ad viam, quae descéndit ab Jerúsalem in Gazam: haec est desérta. Et surgens ábiit. Et ecce vir Aethiops eunúchus, potens Candácis regínae Aethiopum, qui erat super omnes gazas ejus, vénerat adoráre in Jerúsalem: et revertebátur sedens super currum suum, legénsque Isaíam prophétam. Dixit autem Spíritus Philíppo: Accéde, et adjúnge te ad currum istum. Accúrrens autem Philíppus, audívit eum legéntem Isaíam prophétam, et dixit: Putásne intélligis, quae legis? Qui ait: Et quómodo possum, si non áliquis osténderit mihi? Rogavítque Philíppum, ut ascénderet, et sedéret secum. Locus autem Scriptúrae, quam legébat, erat hic: Tamquam ovis ad occisiónem ductus est: et sicut agnus coram tondénte se, sine voce, sic non aperuit os suum. In humilitáte júdicium ejus sublátum est. Generatióne ejus quis enarrábit, quóniam tollétur de terra vita ejus? Respóndens autem eunúchus Philíppo, dixit: Obsecro te, de quo prophéta dicit hoc? de se, an de álio áliquo? Apériens autem Philíppus os suum, et incipiens a Scriptúra ista, evangelizávit illi Jesum. Et dum irent per viam, venérunt ad quamdam aquam: et ait eunúchus: Ecce aqua, quid próhibet me baptizári? Dixit autem Philíppus: Si credis ex toto corde, licet. Et respóndens, ait: Credo, Fílium Dei esse Jesum Christum. Et jussit stare currum: et descendérunt utérque in aquam, Philíppus et eunúchus, et baptizávit eum. Cum autem ascendissent de aqua, Spíritus Dómini rápuit Philíppum, et ámplius non vidit eum eunúchus. Ibat autem per viam suam gaudens. Philíppus autem invéntus est in Azóto, et pertránsiens evangelizábat civitátibus cunctis (donec veníret Caesaréam) nomen Dómini Jesu Christi.

Graduale Ps. 117, 24 et 22-23 Haec dies, quam fecit Dóminus: exultémus et laetémur in ea. **Vl.** Lápídem, quem reprobavérunt aedificántes, hic factus est in caput ánguli: a Dómino factum est istud, et est mirábile in óculis nostris.

Allelúja, allelúja. **Vl.** Surréxit Christus, qui creávit ómnia: et misértus est humano géneri.

Sequentia

VÍCTIMAE pascháli laudes
ímmolent Christiáni.

Agnus redémit oves:

Christus innocens Patri
reconciliávit peccatóres.

Mors et vita duéllo
conflixére mirándo:
dux vitae mórtuus,
regnat vivus.

Dic nobis, María,
quid vidísti in via?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecedet vos in Galilaéam.
Scimus Christum surrexisse
a mórtuis vere:
tu nobis, victor Rex,
miserére. Amen. Allelúja.

+ Sequéntia sancti Evangélii secúndum Joánnem.

Joann. 20, 11-18

IN illo témpore: María stabat ad monuméntum foris, plorans. Dum ergo fleret, inclinávit se, et prospéxit in monuméntum: et vidit duos Angelos in albis, sedéntes, unum ad caput, et unum ad pedes, ubi pósitum fúerat corpus Jesu. Dicunt ei illi: Múlier, quid ploras ? Dicit eis: Quia tulérunt Dóminum meum: et néscio, ubi posuérum eum. Haec cum dixisset, convérta est retrórsum, et vidit Jesum stantem: et non sciébat quia Jesus est. Dicit ei Jesus: Múlier, quid ploras ? quem quaeris ? Illa exístimans quia hortulánus esset, dicit ei: Dómine, si tu sustulísti eum, dícto mihi ubi posuísti eum: et ego eum tollam. Dicit ei Jesus: María. Convérta illa, dicit ei: Rabbóni (quod dicitur Magíster). Dicit ei Jesus: Noli me tángere, nondum enim ascénderé ad Patrem meum: vade autem ad fratres meos, et dic eis: Ascénderé ad Patrem meum, et Patrem vestrum, Deum meum, et Deum vestrum. Venit María Magdaléne annúntians discípulis: Quia vidi Dóminum, et haec dixit mihi.

Credo.

Offertorium Exodi 13, 5 In die solemnitátis vestrae, dicit Dóminus, indúcam vos in terram fluéntem lac et mel, allelúja.

Secreta

SÚSCIPE, quaésumus, Dómine, múnera populórum tuórum propítius: ut confessióne tui nóminis et baptísmate renováti, sempitérnam beatitúdinem consequántur. Per Dóminum.

Praefatio, Communicántes, et Hanc ígitur, ut in die Paschae.

Communio 1 Petri 2, 9 Pópulus acquisitionís, annuntiáte virtútes ejus, allelúja: qui vos de ténebris vocávit in admirábile lumen suum, allelúja.

Postcommunio

EXÁUDI, Dómine, preces nostras: ut redemptiónis nostrae sacrosáncta commércia, et vitae nobis cónferant praeséntis auxiliúm, et gáudia sempitérna concíliant. Per Dóminum.

FERIA SEXTA
INFRA OCTAVAM PASCHAE

Semiduplex

Statio ad S. Mariam ad Martyres

Introitus Ps. 77, 53

EDÚXIT eos Dóminus in spe, allelúja: et inimícos eórum opéruit mare, allelúja, allelúja, allelúja. Ps. ibid., 1 Atténdite, pópule meus, legem meam: inclináte aurem vestram in verba oris mei. V/. Glória Patri.

Oratio

OMNÍPOTENS sempitérne Deus, qui paschále sacraméntum vin reconciliatiónis humanae fo édere contulísti: da méntibus nostris ; ut, quod professióne celebrámus, imitémur efféctu. Per Dóminum.

Altera Oratio contra persecutores Ecclesiae vel pro Papa Tabula Orationum.

Léctio Epístolae beáti Petri Apóstoli.

1 Petr. 3, 18-22

CARÍSSIMI: Christus semel pro peccátis nostris mórtuus est, justus pro injústis, ut nos offérret Deo, mortificátus quidem carne, vivificátus autem spírítu. In quo et his, qui in cárcere erant, spírítibus véniens praedicávit: qui incréduli fúerant aliquándo, quando expectábant Dei patiéntiam in diébus Noë, cum

fabricarétur arca, in qua pauci, id est octo animae salvae factae sunt per aquam. Quod et vos nunc similis formae salvos facit baptísma: non carnis depositio sórdium, sed consciéntiae bonae interrogátio in Deum per resurrectiõem Jesu Christi Dómini nos tri, qui est in dextera Dei.

Graduale Ps. 117, 24 et 26-27 Haec dies, quam fecit Dóminus: exultémus et laetémur in ea. **Vl.** Benedíctus, qui venit in nómine Dómini: Deus Dóminus, et illúxit nobis. Allelúja, allelúja. **Vl. Ps. 95, 10** Dícite in géntibus: quia Dóminus regnávít a ligno.

Sequentia

VÍCTIMAE pascháli laudes
ímmolent Christiáni.

Agnus redémit oves:
Christus innocens Patri
reconciliávit peccatóres.

Mors et vita duéllo
confluxére mirándo:
dux vitae mórtuus,
regnat vivus.

Dic nobis, María,
quid vidísti in via ?

Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecedet vos in Galilaéam.

Scimus Christum surrexísse
a mórtuis vere:
tu nobis, victor Rex,
miserére. Amen. Allelúja.

+ Sequéntia sancti Evangélii secúndum Matthaéum.

Math. 28, 16-20

IN illo témpore: Undecim discípuli abiérunt in Galilaéam, in montem, ubi constitúerat illis Jesus. Et vidéntes eum adoravérunt: quidam autem dubitavérunt. Et accédens Jesus locútus est eis, dicens: Data est mihi omnis potéstas in caelo et in terra. Eúntes ergo, docéte omnes gentes, baptizántes eos in nómine Patris, et Fílii, et Spíritus Sancti: docéntes eos serváre ómnia quaecúmque mandávi vobis. Et ecce ego vobíscum sum ómnibus diebus, usque ad consummatiõem saéculi.

Credo.

Offertorium Exodi 12, 14 Erit vobis haec dies memorábilis, allelúja: et diem festum celebrábitis solémnem Dómino in progénies vestras: legítimum sempitérnum diem, allelúja, allelúja, allelúja.

Secreta

HÓSTIAS, quaésumus, Dómine, placátus assúme: quas et pro renatórum expiatiõe peccáti deférimus, et pro acceleratiõe caeléstis auxilií. Per Dóminum.

Praefatio, Communicántes, et Hanc ígitur, ut in die Paschae.

Communio Matth. 28, 18-19 Data est mihi omnis potéstas in caelo et in terra, allelúja: eúntes, docéte omnes gentes, baptizántes eos in nómine Patris, et Fílii, et Spíritus Sancti, allelúja, allelúja.

Postcommunio

RÉSPICE, quaésumus, Dómine, pópulum tuum: et quem aetérnis dignátus es renováre mystériis, a temporálibus culpís dignánter absólve. Per Dóminum.

SABBATO IN ALBIS

Semiduplex

Statio ad S. Joannem in Laterano

Introitus **Ps. 104, 43**

EDÚXIT Dóminus pópulum suum in exsultatióne, allelúja: et eléctos suos in laetítia, allelúja, allelúja. **Ps. ibid., 1** Confitémini Dómino, et invocáte nomen ejus: annuntiáte inter gentes ópera ejus. **Vl.** Glória Patri.

Oratio

CONCÉDE, quaesumus, omnípotens Deus: ut, qui festa paschália venerádo égimus, per haec contíngere ad gáudia aetérna mereámur. Per Dóminum.

Altera Oratio contra persecutores Ecclesiae vel pro Papa Tabula Orationum.

Léctio Epístolae beáti Petri Apóstoli.

1 Petr. 2, 1-10

CARÍSSIMI: Deponétes ígitur omnem malítiam, et omnem dolum, et simulatiónes, et invídias, et omnes detractiões, sicut modo géniti infántes, ratióabile, sine dolo lac concupíscite: ut in eo crescátis in salútem: si tamen gustástis, quóniam dulcis est Dóminus. Ad quem accedétes lápidem vivum, ab homínibus quidem reprobátum, a Deo autem eléctum, et honorificátum: et ipsi tamquam lápides vivi superaedificámini, domus spirituális, sacerdotium sanctum, offérre spirituáles hóstias, acceptábiles Deo per Jesum Christum. Propter quod cóntinet Scriptúra: Ecce pono in Sion lápidem summum angulárem, eléctum, pretiósus: et qui crediderit in eum, non confundétur. Vobis ígitur honor credéntibus: non credéntibus autem lapis, quem reprobavérunt aedificátes, hic factus est in caput ánguli, et lapis offensiónis, et petra scándali his, qui offéndunt verbo, nec credunt in quo et pósito sunt. Vos autem genus eléctum, regále sacerdotium, gens sancta, pópulus acquisitiónis: ut virtútes annuntiétis ejus, qui de ténebris vos vocávit in admirábile lumen suum. Qui aliquádo non pópulus, nunc autem pópulus Dei: qui non consecúti misericórdiam, nunc autem misericórdiam consecúti.

* **Ab hac die usque ad Sabbatum Quatuor Temporum Pentecostes inclusive, in omnibus Missis, non dicitur Graduale, sed quatuor Allelúja cum duobus Versibus, ordine infrascripto ; in Missa tamen Rogationum, in Vigilia Pentecostes et post quamlibet Lectionem in Sabbato Quatuor Temporum ejusdem, unum Allelúja dicitur cum unico Versu.**

Allelúja, allelúja. **Vl. Ps. 117, 24** Haec dies, quam fecit Dóminus: exsultémus et laetémur in ea. Allelúja. **Vl. Ps. 112, 1** Laudáte, púeri, Dóminum, laudáte nomen Dómini.

Sequentia

VÍCTIMAE pascháli laudes
ímmolent Christiáni.

Agnus redémit oves:
Christus ínnocens Patri
reconciliávit peccatóres.

Mors et vita duéllo
conflixére mirádo:
dux vitae mórtuus,
regnat vivus.

Dic nobis, María,
quid vidísti in via ?
Sepúlcrum Christi vivéntis:
et glóriam vidi resurgéntis.

Angélicos testes,
sudárium et vestes.

Surréxit Christus spes mea:
praecedet vos in Galilaeám.

Scimus Christum surrexisse
a mórtuis vere:
tu nobis, victor Rex,
miserére. Amen. Allelúja.

+ Sequentia sancti Evangélii secúndum Joánnem.

Joann. 20, 1-9

IN illo témpore: Una sábbati, María Magdaléne venit mane, cum adhuc ténebrae essent, ad monuméntum: et vidit lápidem sublátum a monuménto. Cucúrrit ergo, et venit ad Simónem Petrum, et ad álium discípulum, quem amábat Jesus, et dicit illis: Tulérunt Dóminum de monuménto, et nescímus ubi posuérunt eum. Exiit

ergo Petrus, et ille álius discipulus, et venérunt ad monuméntum. Currébant autem duo simul, et ille álius discipulus praecucúrrit cítius Petro, et venit primus ad monuméntum. Et cum se inclinásset, vidit pósita linteámina, non tamen introívit. Venit ergo Simon Petrus sequens eum, et introívit in monuméntum, et vidit linteámina pósita, et sudárium, quod fúerat super caput ejus, non cum linteaminibus pósitum, sed separátim involútum in unum locum. Tunc ergo introívit et ille discipulus, qui vénerat primus ad monuméntum: et vidit, et crédidit: nondum enim sciébant Scriptúram, quia oportébat eum a mórtuis resúrgere.

Credo.

Offertorium Ps. 117, 26-27 Benedíctus, qui venit in nómine Dómini: benedíximus vobis de domo Dómini: Deus Dóminus, et illúxit nobis, allelúja, allelúja.

Secreta

CONCÉDE, quaésumus, Dómine, semper nos per haec mystéria paschália gratulári: ut contínua nostrae reparatiónis operátio, perpétuae nobis fiat causa laetítiae. Per Dóminum.

Praefatio, Communicántes, et Hanc ígitur, **ut in die Paschae**.

Communio Gal. 3, 27 Omnes qui in Christo baptizáti estis, Christum induístis, allelúja.

Postcommunio

REDEMPTIÓNIS nostrae múnere vegetáti, quaésumus, Dómine: ut hoc perpétuae salútis auxílio, fides semper vera proficiat. Per Dóminum.

DOMINICA IN ALBIS IN OCTAVA PASCHAE

Duplex majus

Statio ad S. Pancratium

Introitus **1 Petri 2, 2**

QUASI modo géniti infántes, allelúja: rationábile, sine dolo lac concupíscite, allelúja, allelúja, allelúja. **Ps. 80, 2** Exsultáte Deo adjutóri nostro: jubiláte Deo Jacob. **Vl.** Glória Patri.

* **Dicitur Glória in excélsis in hac et sequentibus Dominicis post Pascha, etiam quando infra hebdomadam resumitur Missa Dominicae praecedentis.**

Oratio

PRAESTA, quaésumus, omnípotens Deus: ut, qui paschália festa perégitimus, haec, te largiénte, móribus et vita teneámus. Per Dóminum.

Léctio Epístolae beáti Joánni Apóstoli.

1 Joann. 5, 4-10

CARÍSSIMI: Omne, quod natum est ex Deo, vincit mundum: et haec est victória, quae vincit mundum, fides nostra. Quis est, qui vincit mundum, nisi qui credit, quóniam Jesus est Fílius Dei ? Hic est qui venit per aquam, et sánguinem, Jesus Christus: non in aqua solum, sed in aqua et sángvine. Et Spíritus est, qui testificátur, quóniam Christus est véritas. Quóniam tres sunt, qui testimónium dant in caelo: Pater, Verbum, et Spíritus Sanctus: et hi tres unum sunt. Et tres sunt, qui testimónium dant in terra: Spíritus, et aqua, et sanguis: et hi tres unum sunt. Si testimónium hómínium accípimus, testimónium Dei majus est: quóniam hoc est testimónium Dei, quod majus est: quóniam testificátus est de Fílio suo. Qui credit in Fílium Dei, habet testimónium Dei in se.

Allelúja, allelúja. **Vl. Matth. 28, 7** In die resurrectiÓnis meae, dicit Dóminus, praecedam vos in Galilaeam. Allelúja. **Vl. Joann. 20, 26** Post dies octo, jánuis clausis, stetit Jesus in médio discipulórum suórum, et dixit: Pax vobis. Allelúja.

+ Sequéntia sancti Evangéllii secúndum Joánnem.

Joann. 20, 19-31

IN illo tēpore: Cum sero esset die illo, una sabbatōrum, et fores essent clausae, ubi erant discipuli congregāti propter metum Judaeōrum: venit Jesus, et stetit in mēdio, et dixit eis: Pax vobis. Et cum hoc dixisset, ostēdit eis manus, et latus. Gavīsi sunt ergo discipuli, viso Dōmino. Dixit ergo eis iterum: Pax vobis. Sicut misit me Pater, et ego mitto vos. Haec cum dixisset, insufflāvit: et dixit eis: Accipite Spīritum Sanctum: quorum remisēritis peccāta, remittūntur eis: et quorum retinueritis, retēnta sunt. Thomas autem unus ex duōdecim, qui dicitur Dídymus, non erat cum eis, quando venit Jesus. Dixērunt ergo ei alii discipuli: Vídimus Dōminum. Ille autem dixit eis: Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, iterum erant discipuli ejus intus, et Thomas cum eis. Venit Jesus jánuis clausis, et stetit in mēdio, et dixit: Pax vobis. Deínde dicit Thomae: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respōndit Thomas, et dixit ei: Dóminus meus, et Deus meus. Dixit ei Jesus: Quia vidísti me, Thoma, credidísti: beáti, qui non vidērunt, et credidērunt. Multa quidem et alia signa fecit Jesus in conspēctu discipulórum suórum, quae non sunt scripta in libro hoc. Haec autem scripta sunt, ut credátis, quia Jesus est Christus Fílius Dei: et ut credēntes, vitam habeátis in nómine ejus.

Credo.

Offertorium Matth. 28, 2, 5 et 6 Angelus Dómini descēdit de caelo, et dixit muliéribus: Quem quaeritis, surrexit, sicut dixit, allelúja.

Secreta

SÚSCIBE múnera, Dómine, quaesumus, exsultántis Ecclēsiae: et cui causam tanti gáudii praestitísti, perpétuae fructum concēde laetítiae . Per Dóminum.

Praefatio Paschalis, in qua dicitur: in hoc potíssimum gloriósius praedicáre.

Communio Joann. 20, 27 Mitte manum tuam, et cognósce loca clavórum, allelúja: et noli esse incrédulus, sed fidélis, allelúja, allelúja.

Postcommunio

QUSUMUS, Dómine Deus noster: ut sacrosáncta mystéria, quae pro reparatiónis nostrae munímine contulísti: et praesens nobis remédium esse fácias, et futúrum . Per Dóminum.

* **Tempore Paschali, a Dominica in Albis usque ad Feriam VI post Octavam Ascensionis inclusive, quando dicendae sint, juxta Rubricas, Orationes pro diversitate Temporum assignatae, etiam infra Octavas, erunt 2a de S. Maria Concēde, 3a contra persecutores Ecclesiae vel pro Papa, excepta tamen 2a Oratione, quae in Missis de beata Maria Virg., et in iis in quibus de eadem fit Commemoratio, necnon in Missa votiva de Omnibus Sanctis, dicitur de Spiritu Sancto.**

DOMINICA II POST PASCHA

Semiduplex

Introitus **Ps. 32, 5-6**

MISERICÓRDIA Dómini plena est terra, allelúja: verbo Dómini caeli firmáti sunt, allelúja, allelúja. **Ps. ibid., 1** Exsultáte, justí, in Dómino: rectos decet collaudátio. **V.** Glória Patri.

Oratio

DEUS, qui in Fílii tui humilitáte jacéntem mundum erexísti: fidélibus tuis perpétuam concēde laetítiam ; ut, quos perpétuae mortis eripuísti cásibus, gáudiis fácias pérfrui sempitérnis. Per eúmdem Dóminum.

Orationes pro diversitate Temporum assignatae Tabula Orationum.

Léctio Epístolae beáti Petri Apóstoli.

1 Petr. 2, 21-25

CARÍSSIMI: Christus passus est pro nobis, vobis relínquens exéplum, ut sequámini vestígia ejus. Qui peccátum non fecit, nec invēntus est dolus in ore ejus: qui cum maledicerétur, non maledicēbat: cum paterétur, non comminabátur: tradēbat autem judicánti se injúste: qui peccáta nostra ipse pētulit in córpore

suo super lignum: ut peccátis mórtui, justítiae vivámus: cujus livóre sanáti estis. Erátis enim sicut oves errántes, sed convérsi estis nunc ad pastórem et epíscopum animárum vestrárum.

Allelúja , allelúja. *Vl. Luc. 24, 35* Cognovérunt discípuli Dóminum Jesum in fractióne panis. Allelúja. *Vl. Joann. 10, 14* Ego sum pastor bonus: et cognósco oves meas, et cognóscunt me meae. Allelúja.

+ Sequéntia sancti Evangéllii secúndum Joánnem.

Joann. 10, 11-16

IN illo témpore: Dixit Jesus pharisaéis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognósco meas, et cognóscunt me meae. Sicut novit me Pater, et ego agnósco Patrem: et ánimam meam pono pro óvibus meis. Et álias oves hábeo, quae non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Credo.

Offertorium Ps. 62, 2 et 5 Deus, Deus meus, ad te de luce vígilo: et in nómine tuo levábo manus meas, allelúja.

Secreta

BENEDICTIÓNEM nobis, Dómine, cónferat salutárem sacra semper oblátio: ut, quod agit mystério, virtúte perficiat. Per Dóminum.

Praefatio Paschalis, in qua dicitur: in hoc potíssimum gloriósius praedicáre.

Communio Joann. 10, 14 Ego sum pastor bonus, allelúja: et cognósco oves meas, et cognóscunt me meae, allelúja, allelúja.

Postcommunio

PRAESTA, nobis, quaesumus, omnipotens Deus: ut vivificatiónis tuae grátiam consequétes, in tuo semper múnere gloriémur. Per Dóminum.

DOMINICA III POST PASCHA

Semiduplex

Introitus *Ps. 65, 1-2*

JUBILÁTE Deo, omnis terra, allelúja: psalmum dícite nómini ejus, allelúja: date glóriam laudi ejus, allelúja, allelúja, allelúja. *Ps. ibid., 3* Dícite Deo, quam terríbilis sunt ópera tua, Dómine ! in multitúdine virtútis tuae mentiéntur tibi inimíci tui. *Vl. Glória Patri.*

Oratio

DEUS, qui errántibus, ut in viam possint redíre justítiae, veritátis tuae lumen osténdis: da cunctis qui christiána professióne censéntur, et illa respúere, quae huic inimíca sunt nómini ; et ea quae sunt apta, sectári. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Petri Apóstoli.

1 Petr. 2, 11-19

CARÍSSIMI: Obsecro vos tamquam ádvenas et peregrínos abstinére vos a carnálibus desidériis, quae militant advérsus ánimam, conversatióne vestram inter gentes habétes bonam: ut in eo, quod detréctant de vobis tamquam de malefactóribus, ex bonis opéribus vos considerántes, gloríficent Deum in die visitatiónis. Subjécti ígitur estóte omni humánae creatúrae propter Deum: sive regi, quasi praecellénti: sive dúcibus, tamquam ab eo missis ad vindíctam malefactórum, laudem vero bonórum: quia sic est volúntas Dei, ut benefaciétes obmutéscere faciátis imprudentium hóminum ignorántiam: quasi líberi, et non quasi velámen habétes malítiae libertátem, sed sicut servi Dei. Omnes honoráte: fraternitátem dilígite: Deum

timéte: regem honorificáte. Servi, súbditi estóte in omni timóre dóminis, non tantum bonis et modéstis, sed étiam dýscolis. Haec est enim grátia: in Christo Jesu Dómino nostro.

Allelúja , allelúja. *V/. Ps. 110, 9* Redemptiónem misit Dóminus pópulo suo. Allelúja. *V/. Luc. 24, 46* Oportebat pati Christum, et resúrgere a mórtuis: et ita intráre in glóriam suam. Allelúja.

+ Sequéntia sancti Evangélii secúndum Joánnem.

Joann. 16, 16-22

IN illo témpore: Dixit Jesus discíplis suis: Módicum, et jam non vidébitis me: et íterum módicum, et vidébitis me: quia vado ad Patrem. Dixérunt ergo ex discíplis ejus ad íncem: Quid est hoc, quod dicit nobis: Módicum, et non vidébitis me: et íterum módicum, et vidébitis me, et quia vado ad Patrem ? Dicébant ergo: Quid est hoc, quod dicit: Módicum ? nescímus, quid lóquitur. Cognóvit autem Jesus, quia volébant eum interrogáre, et dixit eis: De hoc quaéritis inter vos, quia dixi: Módicum, et non vidébitis me: et íterum módicum, et vidébitis me. Am en, amen dico vobis: quia plorábitis, et flébitis vos, mundus autem gaudébit: vos autem contristabímíni, sed tristítia vestra vertétur in gáudium. Múlier cum parit, tristítiam habet, quia venit hora ejus: cum autem pepérerit púerum, jam non méminit pressúrae propter gáudium, quia natus est homo in mundum. Et vos ígitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet a vobis.

Credo.

Offertorium Ps. 145, 2 Lauda, ánima mea, Dóminum: laudábo Dóminum in vita mea: psallam Deo meo, quámdiu ero, allelúja.

Secreta

HIS nobis, Dómine, mystériis conferátur, quo, terréna desidéria mitigántes, discámus amáre caeléstia. Per Dóminum.

Praefatio Paschalis, in qua dicitur: in hoc potíssimum gloriósius praedicáre.

Communio Joann. 16, 16 Módicum, et non vidébitis me, allelúja: íterum módicum, et vidébitis me, quia vado ad Patrem, allelúja, allelúja.

Postcommunio

SACRAMÉNTA quae sumpsimus, quaesumus, Dómine: et spirituálibus nos instáurent aliméntis, et corporálibus tueántur auxiliis. Per Dóminum.

DOMINICA IV POST PASCHA

Semiduplex

Introitus *Ps. 97, 1 et 2*

CANTÁTE Dómino cánticum novum, allelúja: quia mirabilia fecit Dóminus, allelúja: ante conspéctum géntium revelávit justítiam suam, allelúja, allelúja, allelúja. *Ps. ibid., 1* Salvávit sibi dextera ejus: et bráchium sanctum ejus. *V/. Glória Patri.*

Oratio

DEUS, qui fidélium mentes uníus éfficis voluntátis: da pópulis tuis id amáre quod praecipis, id desideráre quod promíttis ; ut inter mundánas varietátes ibi nostra fixa sint corda, ubi vera sunt gáudia. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Jacóbi Apóstoli.

Jac. 1, 17-21

CARÍSSIMI: Omne datum óptimum, omne donum perféctum desúrsum est, descéndens a Patre lúminum, apud quem non est transmutátio, nec vicissitúdinis obumbrátio. Voluntárie enim génuit nos verbo veritátis, ut simus ínítium áliquod creatúrae ejus. Scitis, fratres mei dilectíssimi. Sit autem omnis homo velox ad audiéndum: tardus autem ad loquéndum, et tardus ad iram. Ira enim viri justítiam Dei non operátur. Propter

quod abjiciéntes omnem immundítiam, et abundántiam malítiae, in mansuetúdone suscípíte ínsitum verbum, quod potest salváre ánimas vestras.

Allelúja, allelúja. *VI. Ps. 117, 16* Dóxtera Dómini fecit virtútem: dóxtera Dómini exaltávit me. Allelúja. *VI. Rom. 6, 9* Christus resúrgens ex mórtuis, jam non móritur: mors illi ultra non dominábitur. Allelúja.

+ Sequéntia sancti Evangélii secúndum Joánnem.

Joann. 16, 5-14

IN illo témpore: Dixit Jesus discíplis suis: Vado ad eum, qui misit me: et nemo ex vobis intérogat me: Quo vadis ? Sed quia haec locútus sum vobis, tristítia implévit cor vestrum. Sed ego veritátem dico vobis: éxpedit vobis ut ego vadam: si enim non abíero, Paráclitus non véniet ad vos: si autem abíero, mittam eum ad vos. Et cum vénerit ille, árguet mundum de peccáto, et de justítia, et de judício. De peccáto quidem, quia non credidérunt in me: de justítia vero, quia ad Patrem vado, et jam non vidébitis me: de judício autem, quia princeps hujus mundi jam judicátus est. Adhuc multa hábeo vobis dícere: sed non potéstis portáre modo. Cum autem vénerit ille Spíritus veritátis, docébit vos omnem veritátem. Non enim loquétur a semetípso: sed quaecúmque áudiet, loquétur, et quae ventúra sunt, annuntiábit vobis. Ille me clarificábit: quia de meo accípiet, et annuntiábit vobis.

Credo.

Offertorium Ps. 65, 1-2 et 16 Jubiláte Deo, univérsa terra: psalmum dícite nómini ejus: veníte, et audíte, et narrábo vobis, omnes qui tímétis Deum, quanta fecit Dóminus ánimae meae, allelúja.

Secreta

DEUS, qui nos per hujus sacrificii veneránda commércia, uníus summae divinitátis partícipes effecísti: praesta, quaesumus ; ut, sicut tuam cognóscimus veritátem, sic eam dignis móribus assequámur. Per Dóminum.

Praefatio Paschalis, in qua dicitur: in hoc potíssimum gloriósius praedicáre.

Communio Joann. 16, 8 Cum vénerit Paráclitus, Spíritus veritátis, ille árguet mundum de peccáto, et de justítia, et de judício, allelúja, allelúja.

Postcommunio

ADÉSTO nobis, Dómine Deus noster: ut per haec, quae fidéliter sumpsimus, et purgémur a vítiis, et a perículis ómnibus eruámur. Per Dóminum.

DOMINICA V POST PASCHA

Semiduplex

Introitus Isai. 48, 20

VOCEM jucunditátis annuntiáte, et audiátur, allelúja: annuntiáte usque ad extrémum terrae: liberávit Dóminus pópulum suum, allelúja, allelúja. *Ps. 65, 1-2* Jubiláte Deo, omnis terra, psalmum dícite nómini ejus: date glóriam laudi ejus. *VI. Glória Patri.*

Oratio

DEUS, a quo bona cuncta procedunt, largíre supplícibus tuis: ut cogitémus, te inspiránte, quae recta sunt ; et, te gubernánte, éadem faciámus. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Jacóbi Apóstoli.

Jac. 1, 22-27

CARÍSSIMI: Estóte factóres verbi, et non auditóres tantum: falléntes vosmetípsos. Quia si quis auditó est verbi, et non factor: hic comparábitur v iro consideránti vultum nativitátis suae in spéculo: considerávit enim se, et ábiit, et statim oblítus est, qualis fúerit. Qui autem perspéxerit in legem perféctam libertátis, et permánerit in ea, non auditó obliuósus factus, sed factor óperis: hic beátus in facto suo erit. Si quis autem

putat se religiósus esse, non refrénans linguam suam, sed sedúcens cor suum, hujus vana est religio. Relígio munda, et immaculáta apud Deum et Patrem, haec est: Visitáre pupílos et víduas in tribulatióne eórum, et immaculátum se custodíre ab hoc saéculo.

Allelúja, allelúja. *Vl.* Surréxit Christus, et illúxit nobis, quos redémit ságuine suo. Allelúja. *Vl.* Joann. 16, 28 Exívi a Patre, et veni in mundum: íterum relínquo mundum, et vado ad Patrem. Allelúja.

+ Sequéntia sancti Evangéllii secúndum Joánnem.

Joann. 16, 23-30

IN illo témpore: Dixit Jesus discíplis suis: Amen, amen dico vobis: si quid petiéritis Patrem in nómine meo, dabit vobis. Usque modo non petístis quidquam in nómine meo: Pétite, et accipiétis, ut gáudium vestrum sit plenum. Haec in provérbiis locútus sum vobis. Venit hora, cum jam non in provérbiis loquar vobis, sed palam de Patre annuntiábo vobis. In illo die in nómine meo petétis: et non dico vobis, quia ego rogábo Patrem de vobis: ipse enim Pater amat vos, quia vos me amástis, et credidístis, quia ego a Deo exívi. Exívi a Patre, et veni in mundum: íterum relínquo mundum, et vado ad Patrem. Dicunt ei discípluli ejus: Ecce nunc palam lóqueris, et provérbium nullum dicis. Nunc scimus, quia scis ómnia, et non opus est tibi, ut quis te intérroget: in hoc crédimus, quia a Deo exísti.

Credo.

Offertorium Ps. 65, 8-9 et 20 Benedícite, gentes, Dóminum Deum nostrum, et obaudíte vocem laudis ejus: qui pósuit ánimam meam ad vitam, et non dedit commovéri pedes meos: benedíctus Dóminus, qui non amóvit deprecatióem meam, et misericórdiam suam a me, allelúja.

Secreta

SÚSCIPE, Dómine, fidélium preces cum oblatiόνibus hostiárum: ut, per haec piae devotiónis officia, ad caeléstem glóriam transeámus. Per Dóminum.

Praefatio Paschalis, in qua dicitur: in hoc potíssimum gloriósus praedicáre.

Communio Ps. 95, 2 Cantáte Dómino, allelúja: cantáte Dómino, et benedícite nomen ejus: bene nuntiáte de die in diem salutáre ejus, allelúja, allelúja.

Postcommunio

TRÍBUE nobis, Dómine, caeléstis mensae virtúte satiátis: et desideráre quae recta sunt, et desideráta percípere. Per Dóminum.

IN LITANIIS **MAJORIBUS ET MINORIBUS**

In Litaniiis majoribus in Festo S. Marci Evangelistae, vel, si hoc Festum in diem Paschae incidit, Feria III sequenti, Statio ad S. Petrum. Et in minoribus ante Ascensionem: Feria II Rogationum, Statio ad S. Mariam majorem; Feria III, Statio ad S. Joannem in Laterano; Feria IV, Statio ad S. Petrum.

* In Litaniiis tam majoribus quam minoribus, si faciendá sit Processio, canitur ad Processionem sequens Missa, sine Commemoratione Officii diei, juxta Rubricas, et absque Credo, etiam in Dominica; non omíssa tamen in Choro Missa conventuali de Officio Duplici I vel II classis, quod ea die celebretur, aut de occurrenti Octavae Paschae. Si tamen in ecclesia habeatur única Missa, ad Processionem dicitur quidem Missa de Rogationibus, sed in ea fit Commemoratio Officii ea die celebrati; si tamen Officium fuerit Duplex I classis, in casu dicitur Missa de die cum Commemoratione de Rogationibus.

* Feria autem II Rogationum, si Officium fuerit de Feria aut de die infra Octavam communem, etiam si non fiat Processio, dicitur pariter sequens Missa conventualis; secus, si Officium fuerit de Officio Duplici vel de Festo Semiduplici, dicuntur duae Missae conventuales. Missae autem privatae ad libitum dici possunt de Officio diei, vel de Feria, juxta Rubricas.

* Feria vero III, si Officium fuerit de Feria, pariter sequens dicitur Missa sine Glória in excélsis, quamvis a d Matutinum dictum sit Te Deum; si autem Officium fuerit de Festo, etiam Simplici, Missa dicitur de eo, cum Commemoratione Rogationum; sed si fiat Processio, servantur Rubricae.

* Idem servatur quoad Commemorationem de Rogationibus Feria IV in Vigília Ascensionis; sed in ea non dicitur Missa de Rogationibus nisi ad Processionem, ut supra.

* In omnibus autem Litaniarum diebus semper fit Commemoratio Rogationum in omnibus Missis privatis quae non sint Defunctorum; et etiam in Missis solemnibus vel cantatis, nisi celebretur Missa in cantu vel

Introitus **Ps. 17, 7**

EXAUDÍVIT de templo sancto suo vocem meam, allelúja: et clamor meus in conspéctu ejus, introívit in aures ejus, allelúja, allelúja. **Ps. ibid., 2-3** Diligam te, Dómine, virtus mea: Dóminus firmaméntum meum, et refúgium meum, et liberátor meus. **V.** Glória Patri.

* **In hac Missa non dicitur** Glória in excélsis, **neque** Credo.

Oratio

PRAESTA, quaésumus, omnípotens Deus: ut, qui in afflictióné nostra de tua pietáte confídimus ; contra advérsa ómnia, tua semper protectióné muniámur. Per Dóminum nostrum.

Orationes pro diversitate Temporum assignatae Tabula Orationum.

* **Infra Octavam Paschae dicitur tantum Oratio contra persecutores Ecclesiae, vel pro Papa, ut supra.**

Léctio Epístolae beáti Jacóbi Apóstoli.

Jac. 5, 16-20

CARÍSSIMI: Confitémini altéruum peccáta vestra, et oráte pro ínicem, ut salvémini: multum enim valet deprecátio justí assídua. Elías homo erat símilis nobis passíbilis: et oratióne orávit ut non plúeret super terram, et non pluit annos tres, et menses sex. Et rursus orávit: et caelum dedit plúviam, et terra dedit fructum suum. Fratres mei, si quis ex vobis erráverit a verítate, et convérterit quis eum: scire debet, quóniam qui convérte fécerit peccatórem ab erróre viae suae, salvábit ánimam ejus a morte, et opériet multítudinem peccatórum.

Allelúja . **V.** **Ps. 117, 1** Confitémini Dómino, quóniam bonus: quóniam in saéculum misericórdia ejus.

+ Sequéntia sancti Evangélii secúndum Lucam.

Luc. 11, 5-13

IN illo témpore: Dixit Jesus discípulis suis: Quis vestrum habébit amícum, et ibit ad illum média nocte, et dicet illi: Amíce, cómmoda mihi tres panes, quóniam amícus meus venit de via ad me, et non hábeo quod ponam ante illum: et ille deíntus respóndens, dicat: Noli mihi moléstus esse, jam óstium clausum est, et púeri mei mecum sunt in cubíli, non possum súrgere, et dare tibi. Et si ille perseveráverit pulsans: dico vobis, etsi non dabit illi surgens, eo quod amícus ejus sit, propter improbitátem tamen ejus surget, et dabit illi quotquot habet necessários. Et ego dico vobis: Péttite, et dábitur vobis: quaérite, et inveniétis: pulsáte, et aperiétur vobis. Omnis enim qui petit, áccipit: et qui quaerit, ínvenit: et pulsánti aperiétur. Quis autem ex vobis patrem petit panem, numquid lápidem dabit illi ? Aut piscem: numquid pro pisce serpéntem dabit illi ? Aut si petíerit ovum: numquid pórriget illi scorpiónem ? Si ergo vos, cum sitis mali, nostis bona data dare fíliis vestris: quanto magis Pater vester de caelo dabit spíritum bonum peténtibus se ?

Offertorium Ps. 108, 30-31 Confitébor Dómino nimis in ore meo: et in médio multórum laudábo eum, qui ástitit a dextrís páuperis: ut salvam fáceret a persecúentibus ánimam meam, allelúja.

Secreta

HAEC múnera, quaésumus, Dómine, et víncula nostrae pravítatis absólvant, et tuae nobis misericórdiae dona concílient. Per Dóminum nostrum.

Praefatio Paschalis, juxta Rubricas.

Communio Luc. 11, 9-10 Péttite, et accipiétis: quaérite, et inveniétis: pulsáte, et aperiétur vobis: omnis enim qui petit, áccipit: et qui quaerit, ínvenit: et pulsánti aperiétur, allelúja.

Postcommunio

VOTA nostra, quaésumus, Dómine, pio favóre proséquere: ut, dum dona tua in tribulatióne percípimus, de consolatióne nostra in tuo amóre crescámus. Per Dóminum.

IN VIGILIA
ASCENSIONIS

* Hodie, ubi adsit obligatio Chori, si celebretur Officium Duplex, non tamen I classis, aut Festum Semiduplex, tres dicuntur Missae conventuales, prima post Tertiam de Officio diei, altera post Sextam de Vigilia, tertia post Nonam de Rogationibus ad Processionem, juxta Rubricas. Si vero non fiat Processio, de Rogationibus fit Commemoratio in Missa Vigiliae. Sin autem Officium factum fuerit de Duplici I classis, non fit de Vigilia, sed tantum de Rogationibus. Si tandem Officium fuerit de Vigilia, de ea, juxta Rubricas, dicitur Missa conventualis ; sed, si habeatur Processio, Missa Rogationum non omittitur.

Introitus **Isai. 48, 20**

VOCEM jucunditatis annuntiáte, et audiátur, allelúja: annuntiáte usque ad extrémum terrae: liberávit Dóminus pópulum suum, allelúja, allelúja. **Ps. 65, 1-2** Jubiláte Deo, omnis terra, psalmum dícite nómini ejus: date glóriam laudi ejus. **Vl.** Glória Patri.

Et dicitur Glória in excélsis.

Oratio

DEUS, a quo bona cuncta procédunt, largíre supplicibus tuis: ut cogitémus, te inspiránte, quae recta sunt ; et, te gubernánte, éadem faciámus. Per Dóminum.

2a de Rogationibus Oratio

PRAESTA, quaesumus, omnipotens Deus: ut, qui in afflictióné nostra de tua pietáte confídimus ; contra advérsa ómnia, tua semper protectióné muniámur. (Per Dóminum).

3a de S. Maria Concéde (Tabula Orationum).

* In ecclesiis autem collegiatis, ubi dicitur alia quoque Missa de Rogationibus, 2a Oratio erit de S. Maria ; 3a contra persecutores Ecclesiae, vel pro Papa Tabula Orationum.

Léctio Epístolae beáti Pauli Apóstoli ad Ephésios.

Ephes. 4, 7-13

FRATRES: Unicúque nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferióres partes terrae ? Qui descéndit, ipse est et qui ascéndit super omnes caelos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres, et doctóres, ad consummationem sanctórum in opus ministérii, in aedificatióne córporis Christi: donec occurrámus omnes in unitátem fidei et agnitiónis Fílii Dei, in virum perféctum, in mensúram aetátis plenitúdinis Christi.

Allelúja, allelúja. **Vl.** Surréxit Christus, et illúxit nobis, quos redémit ságuine suo. Allelúja. **Vl.** **Joann. 16, 28** Exívi a Patre, et veni in mundum: íterum relínquo mundum , et vado ad Patrem. Allelúja.

+ Sequéntia sancti Evangélii secúndum Joánnem.

Joann. 17, 1-11

IN illo témpore: Sublevátis Jesus óculis in caelum, dixit: Pater, venit hora, clarífica Fílium tuum, ut Fílius tuus claríficet te: sicut dedísti ei potestátem omnis carnis, ut omne, quod dedísti ei, det eis vitam aetérnam. Haec est autem víta aetérna: ut cognóscant te, solum Deum verum, et quem misísti Jesum Christum. Ego te clarificávi super terram: opus consummávi, quod dedísti mihi ut fáciam: et nunc clarífica me tu, Pater, apud temetípsum, clarítate, quam hábui, priúsqum mundus esset, apud te. Manifestávi nomen tuum homínibus, quos dedísti mihi de mundo. Tui erant, et mihi eos dedísti: et sermónem tuum servavérunt. Nunc cognovérunt quia ómnia, quae dedísti mihi, abs te sunt: quia verba, quae dedísti mihi, dedi eis: et ipsi acceperunt, et cognovérunt vere quia a te exívi, et credidérunt quia tu me misísti. Ego pro eis rogo, non pro mundo rogo, sed pro his, quos dedísti mihi: quia tui sunt: et mea ómnia tua sunt, et tua mea sunt: et clarificátus sum in eis. Et jam non sum in mundo, et hi in mundo sunt, et ego ad te venio.

Offertorium Ps. 65, 8-9 et 20 Benedícite, gentes, Dóminum Deum nostrum, et obaudíte vocem laudis ejus: qui pósuit ánimam meam ad vit am, et non dedit commoveri pedes meos: benedíctus Dóminus, qui non amóvit deprecationem meam, et misericórdiam suam a me, allelúja.

Secreta

SÚSCIPE, Dómine, fidélium preces cum oblatiónibus hostiárum: ut per haec piaev devotiónis officia, ad

caeléstem glóriam transeámus. Per Dóminum.

2a de Rogationibus Secreta

HAEC múnera, quaésumus, Dómine, et víncula nostrae pravitátis absólvant, et tuae nobis misericórdiae dona concíliant. (Per Dóminum).

3a de S. Maria Tabula Orationum.

Praefatio Paschalis.

Communio Ps. 95, 2 Cantáte Dómino, allelúja: cantáte Dómino, et benedícite nomen ejus: bene nuntiáte de die in diem salutáre ejus, allelúja, allelúja.

Postcommunio

TRÍBUE nobis, Dómine, caeléstis mensae virtúte satiátis: et desideráre quae recta sunt, et desideráta percípere. Per Dóminum.

2a de Rogationibus Postcommunio

VOTA nostra, quaésumus, Dómine, pio favóre proséquere: ut, dum dona tua in tribulatióne percípimus, de consolatióne nostra in tuo amóre crescámus. (Per Dóminum).

3a de S. Maria Tabula Orationum.

IN ASCENSIONE DOMINI

Duplex I classis cum Octava privilegiata III Ordinis

Statio ad S. Petrum

Introitus Act. 1, 11

VIRI Galilaéi, quid admirámini aspiciéntes in caelum ? allelúja: quemádmódu vidístis eum ascendéntem in caelum, ita véniet, allelúja, allelúja, allelúja. **Ps. 46, 2** Omnes gentes, pláudite mánibus: jubiláte Deo in voce exsultatiónis. **V.** Glória Patri.

Oratio

CONCÉDE, quaésumus, omnípotens Deus: ut, qui hodiérna die Unigénitum tuum Redemptórem nostrum ad caelos ascendísse crédimus ; ipsi quoque mente in caeléstibus habitémus. Per eúmdem Dóminum.

Léctio Actuum Apostolórum.

Act. 1, 1-11

PRIMUM quidem sermónem feci de ómnibus, o Theóphile, quae coepit Jesus fácere et docére, usque in diem, qua, praecípiens Apóstolis per Spíritum Sanctum, quos elégit, assúptus est: quibus et praebuit seípsum vivum post passiónem suam in multis arguméntis, per dies quadraginta appárens eis, et loquens de regno Dei. Et convéscens, praecépit eis ab Jerosólymis ne discéderent, sed exspectárent promissiónem Patris, quam audístis (inquit) per os meum: quia Joánnes quidem baptizávit aqua, vos autem baptizabímmini Spíritu Sancto non post multos hos dies. Igitur qui convénerant, interrogábant eum, dicéntes: Dómine, si in témpore hoc restítues regnum Israél ? Dixit autem eis: Non est vestrum nosse témpora vel moménta, quae Pater pósuit in sua potestáte: sed accipiétis virtútem superveniéntis Spíritus Sancti in vos, et éritis mihi testes in Jerúsalem, et omni Judaéa et Samaría, et usque ad últimum terrae. Et cum haec dixisset, vidéntibus illis, elevátus est, et nubes suscepit eum ab óculis eórum. Cumque intueréntur in caelum eúntem illum, ecce duo viri astitérunt juxta illos in véstibus albis, qui et dixerunt: Viri Galilaéi, quid statis aspiciéntes in caelum ? Hic Jesus, qui assúptus est a vobis in caelum, sic véniet, quemádmódu vidístis eum eúntem in caelum.

Allelúja, allelúja. **V.** **Ps. 46, 6** Ascéndit Deus in jubilatióne, et Dóminus in voce tubae. Allelúja. **V.** **Ps. 67, 18-19** Dóminus in Sina in sancto, ascéndens in altum, captívam duxit captivitátem. Allelúja.

+ Sequéntia sancti Evangéllii secúndum Marcum.

Marc. 16, 14-20

IN illo témpore: Recumbéntibus úndecim discípulis, appáruit illis Jesus: et exprobrávit incredulitátem eórum, et durítiam cordis: quia iis, qui víderant eum resurrexísse, non credidérunt. Et dixit eis: Eúntes in

mundum univérsum, praedicáte Evangélium omni creatúrae. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, haec sequéntur: In nómine meo daemónia ejficient: linguis loquéntur novis: serpéntes tollent: et si mortíferum quid bíberint, non eis nocébit: super aegros manus impónent, et bene habébunt. Et Dóminus quidem Jesus, postquam locútus est eis, assúptus est in caelum, et sedet a dextris Dei. Illi autem profécti, praedicavérunt ubique, Dómino cooperánte, et sermónem confirmánte, sequéntibus signis.

* Dicto Evangelio extinguitur Cereus paschalis, nec ulterius accenditur, nisi in Sabbato Pentecostes ad benedictionem Fontis.

Credo.

Offertorium Ps. 46, 6 Ascéndit Deus in jubilatíone, et Dóminus in voce tubae, allelúja.

Secreta

SÚSCIPe, Dómine, múnera, quae pro Fílii tui gloriósa Ascensióne deférimus: et concéde popítius ; ut a praeséntibus perículis liberémur, et ad vitam perveniámus aetérnam. Per eúmdem Dóminum.

Praefatio et Communicátes **propria per totam Octavam.**

Communio Ps. 67, 33-34 Psállite Dómino, qui ascéndit super caelos caelórum ad Oriéntem, allelúja.

Postcommunio

PRAESTA nobis, quaesumus, omnípotens et miséricors Deus: ut, quae visibílibus mystériis suménda percépimus, invisibili consequámur efféctu. Per Dóminum.

* **Infra Octavam Missa dicitur ut in Festo, et in ea adduntur, juxta Rubricas, Orationes pro diversitate Temporum assignatae, nempe 2a de S. Maria, 3a contra persecutores Ecclesiae, vel pro Papa Tabula Orationum.**

DOMINICA INFRA OCTAVAM ASCENSIONIS

Semiduplex

Introitus Ps. 26, 7, 8 et 9

EXÁUDI, Dómine, vocem meam, qua clamávi ad te, allelúja: tibi dixit cor meum, quaesívi vultum tuum, vultum tuum, Dómine, requíram: ne avértas fáciem tuam a me, allelúja, allelúja. Ps. *ibid.*, 1 Dóminus illuminátio mea, et salus mea: quem timébo ? *Vl.* Glória Patri.

Oratio

OMNÍPOTENS sempitérne Deus: fac nos tibi semper et devótam gérere voluntátem ; et majestáti tuae sincéro corde servíre. Per Dóminum.

Et fit Commemoratio Octavae Ascensionis.

Oratio

CONCÉDE, quaesumus, omnípotens Deus: ut, qui hodiérna die Unigénitum tuum Redemptórem nostrum ad caelos ascendísse crédimus ; ipsi quoque mente in caeléstibus habitémus. Per eúmdem Dóminum.

Léctio Epístolae beáti Petri Apóstoli.

1 Petr. 4, 7-11

CARÍSSIMI: Estóte prudéntes, et vigiláte in oratióibus. Ante ómnia autem, mútuam in vobismetípsis caritátem contínuam habéntes: quia caritas óperit multitudinem peccatórum. Hospitáles ínvicem sine murmuratióne: unusquisque, sicut accépit grátiam, in altérutrum illam administrátes, sicut boni dispensatóres multifórmis grátiae Dei. Si quis lóquitur, quasi sermónes Dei: si quis mínistrat, tamquam ex virtúte, quam adminístrat Deus: ut in ómnibus honorificétur Deus per Jesum Christum Dóminum nostrum.

Allelúja , allelúja. *Vl.* Ps. 46, 9 Regnávit Dóminus super omnes gentes: Deus sedet super sedem sanctam suam. Allelúja. *Vl.* Joann. 14, 18 Non vos relínquam órphanos: vado, et vénio ad vos, et gaudébit cor

+ Sequéntia sancti Evangélii secúndum Joánnem.

Joann. 15, 26-27 ; 16, 1-4

IN illo témpore: Dixit Jesus discíplis suis: Cum vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me: et vos testimónium perhibébitis, quia ab initio mecum estis. Haec locútus sum vobis, ut non scandalizémini. Absque synagógis fácient vos: sed venit hora, ut omnis, qui interfícit vos, arbitrétur obséquium se praestáre Deo. Et haec fácient vobis, quia non novérunt Patrem, neque me. Sed haec locútus sum vobis: ut, cum vénerit hora eórum, reminiscámini, quia ego dixi vobis.

Credo.

Offertorium Ps. 46, 6 Ascéndit Deus in jubilatióne, et Dóminus in voce tubae, allelúja.

Secreta

SACRIFÍCIA nos, Dómine, immaculáta puríficent: et méntibus nostris supérnae grátiae dent vigórem. Per Dóminum.

Pro Octava Ascensionis

Secreta

SÚSCIPE, Dómine, múnera, quae pro Fílii tui gloriósa Ascensióne deférimus: et concéde popítius ; ut a praeséntibus perículis liberémur, et ad vitam perveniámus aetérnam. Per eúmdem Dóminum.

Praefatio et Communicántes de Ascensione.

Communio Joann. 17, 12-13 et 15 Pater, cum essem cum eis, ego servábam eos, quos dedísti mihi, allelúja: nunc autem ad te vénio: non rogo, ut tollas eos de mundo, sed ut serves eos a malo, allelúja, allelúja.

Postcommunio

REPLÉTI, Dómine, munéribus sacris: da, quaesumus ; ut in gratiárum semper actióne maneámus. Per Dóminum.

Pro Octava Ascensionis

Postcommunio

PRAESTA nobis, quaesumus, omnípotens et miséricors Deus: ut, quae visibílibus mystériis suménda percépimus, invisíbili consequámur efféctu. Per Dóminum.

* In Octava Ascensionis Missa dicitur ut in die Festo.

* Feria VI post Octavam dicitur Missa Dominicae praecedentis, cum Glória, 2a et 3a Orationibus, ut supra (in Ascensione), et Praefatione de Ascensione, dicenda etiam in Missis Sanctorum, vel votivis, quae Praefationem magis propriam non habeant, juxta Rubricas ; sed omittitur Credo, et non dicitur Communicántes de Ascensione. Si Dominica praecedenti celebratum fuerit Officium Duplex I vel II classis, in hac Feria prohibentur Missae votivae privatae et quotidianae lectae Defunctorum.

SABBATO IN VIGILIA PENTECOSTES

I classis Semiduplex

Statio ad S. Joannem in Laterano

Introitus Ezech. 36, 23, 24 et 25-26

CUM sanctificátus fúero in vobis, congregábo vos de univérsis terris: et effúndam super vos aquam mundam, et mundabímmini ab ómnibus inquinaméntis vestris: et dabo vobis spíritum novum, allelúja, allelúja. Ps. 33, 2 Benedicám Dóminum in omni témpore: semper laus ejus in ore meo. V/. Glória Patri.

Deinde dicitur Kýrie, eléison.

Glória in excélsis.

Postea Sacerdos dicit:

V/. Dóminus vobíscum.

R/. Et cum spírítu tuo.

Orémus. **Oratio**

PRAESTA, quaésumus, omnipotens Deus: ut claritátis tuae super nos splendor effúlgeat ; et lux tuae lucis corda eórum, qui per grátiam tuam renáti sunt, Sancti Spírítus illustratióne confírmet. Per Dóminum... in unitáte ejúsdem.

* Et dicitur haec tantum Oratio, etiam si qua ad Laudes facta fuerit Commemoratio.

Léctio Actuum Apostolorum.

Act. 19, 1-8

IN diébus illis: Factum est, cum Apóllo esset Corínthi, ut Paulus peragrátis superiórius pártibus veníret Ephesum, et inveníret quosdam discipulos: dixítque ad eos: Si Spírítum Sanctum accepístis credéntes ? At illi dixérunt ad eum: Sed neque si Spírítus Sanctus est, audívimus. Ille vero ait: In quo ergo baptizáti estis ? Qui dixérunt: In Joánnis baptísmate. Dixit autem Paulus: Joánnes baptizávit baptísmate paeniténtiae pópulum, dicens: In eum, qui ventúrus esset post ipsum, ut créderent, hoc est, in Jesum. His audítis, baptizáti sunt in nómine Dómini Jesu. Et cum imposúisset illis manus Paulus, venit Spírítus Sanctus super eos, et loquebantur linguis, et prophetábant. Erant autem omnes viri fere duódecim. Introgréssus autem synagógam, cum fidúcia loquebátur per tres menses, dísputans et suádens de regno Dei.

Allelúja. V/. Ps. 106, 1 Confitémini Dómino, quóniam bonus: quóniam in saéculum misericórdia ejus.

Non repetitur Allelúja, sed immediate sequitur

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. V/. Quóniam confirmáta est super nos misericórdia ejus: et véritas Dómini manet in aetérnum.

Ad Evangelium non portantur luminaria sed incensum tantum.

+ Sequéntia sancti Evangélii secúndum Joánnem.

Joann. 14, 15-21

IN illo témpore: Dixit Jesus discípulis suis: Si díligitis me, mandáta mea serváte. Et ego rogábo Patrem, et álium Paráclitum dabit vobis, ut máneat vobíscum in aetérnum, Spírítum veritátis, quem mundus non potest accíperé, quia non videt eum, nec scit eum. Vos autem cognoscétis eum: quia apud vos manébit, et in vobis erit. Non relínquam vos órphanos: véniam ad vos. Adhuc módicum: et mundus me jam non videt. Vos aurem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea, et servat ea: ille est, qui díligit me. Qui autem díligit me, díligétur a Patre meo: et ego díligam eum, et manifestábo ei meípsum.

Non dicitur Credo.

Offertorium Ps. 103, 30-31 Emítte Spírítum tuum, et creabúntur, et renovábis fáciem terrae: sit glória Dómini in saécula, allelúja.

Secreta

MÚNERA, quaésumus, Dómine, obláta sanctífica: et corda nostra Sancti Spírítus illustratióne emúnda. Per Dóminum... in unitáte ejúsdem.

Praefatio, Communicántes et Hanc ígitur **propria de Pentecoste: quae dicuntur usque ad Sabbatum sequens inclusive.**

Communio Joann. 7, 37-39 Ultimo festivitátis die dicébat Jesus: Qui in me credit, flúmina de ventre ejus fluent aquae vivae: hoc autem dixit de Spírítu, quem acceptúri erant credéntes in eum, allelúja, allelúja.

Postcommunio

SANCTI Spírítus, Dómine, corda nostra mundet infúσιο: et sui roris íntima apersióne fecúndet. Per Dóminum... in unitáte ejúsdem.

**DOMINICA
PENTECOSTES****Duplex I classis cum Octava privilegiata I Ordinis**

Statio ad S. Petrum

Introitus **Sap. 1, 7**

SPÍRITUS Dómini replévit orbem terrárum, allelúja: et hoc quod cóntinet ómnia, sciéntiam habet vocis, allelúja, allelúja, allelúja. **Ps. 67, 2** Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. **Vl.** Glória Patri.

Oratio

DEUS, qui hodiérna die corda fidélium Sancti Spíritus illustratióne docuísti: da nobis in eódem Spíritu recta sápere ; et de ejus semper consolatióne gaudére. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Léctio Actuum Apostolorum.

Act. 2, 1-11

CUM compleréntur dies Pentecóstes, erant omnes discípuli páriter in eódem loco: et factus est repénite de caelo sonus, tamquam adveniéntis spíritus veheméntis: et replévit totam domum ubi erant sedéntes. Et apparuérunt illis dispertítæ linguae tamquam ignis, seditque supra síngulos eórum: et repléti sunt omnes Spíritu Sancto, et coepérunt loqui váriis linguis, prout Spíritus Sanctus dabat éloqui illis. Erant autem in Jerúsalem habitántes Judaéi, viri religiósi ex omni natióne, quae sub caelo est. Facta autem hac voce, convénit multitúdo, et mente confúsa est, quóniam audiébat unusquisque lingua sua illos loquéntes. Stupébant autem omnes, et mirabántur, dicéntes: Nonne ecce omnes isti, qui loquúntur, Galilaéi sunt ? Et quómodo nos audívimus unusquisque linguam nostram, in qua nati sumus ? Parthi, et Medi, et AEIamítae, et qui hábitant Mesopotámiam, Judaéam et Cappadóciam, Pontum et Asiam, Phrýgiam et Pamphýliam, AEGýptum et partes Líbyae, quae est circa Cyrénen, et ádvenae Románi, Judaéi quoque et Prosélyti, Cretes et Arabes: audívimus eos loquéntes nostris linguis magnália Dei.

Allelúja, allelúja. **Vl. Ps. 103, 30** Emítte Spíritum tuum, et creabúntur: et renovábis fáciem terrae. Allelúja. **(Hic genuflectitur) Vl.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

VENI, Sancte Spíritus,

Et emítte caélitus

Lucis tuae rádium.

Veni, pater páuperum,

Veni, dator múnerum,

Veni, lumen córdium.

Consolátor óptime,

Dulcis hospes ánimae,

Dulce refrigérium.

In labóre réquies,

In aestu tempéries,

In fletu solátium.

O lux beatíssima,

Reple cordis íntima

Tuórum fidélium.

Sine tuo númine,

Nihil est in hómine,

Nihil est innóxium.

Lava quod est sórdidum,

Riga quod est áridum,

Sana quod est sáucium.

Flecte quod est rígidum,

Fove quod est frígidum,

Rege quod est dévium.

Da tuis fidélibus,

In te confidéntibus,

Sacrum septenárium.

Da virtútis méritum,

Da salutis éxítum,
Da perénne gáudium.
Amen . Allelúja.

* Et dicitur quotidie usque ad sequens Sabbatum inclusive.

+ Sequéntia sancti Evangéllii secúndum Joánnem.
Joann. 14, 23-31

IN illo témpore: Dixit Jesus discípu-lis suis: Si quis díligit me, sermónem meum servábit, et Pater meus díliget eum, et ad eum veniémus, et mansiónem apud eum faciémus: qui non díligit me, sermónes meos non servat. Et sermónem quem audístis, non est meus: sed ejus, qui misit me, Patris. Haec locútus sum vobis, apud vos manens. Paráclitus autem Spíritus Sanctus , quem mittet Pater in nómine meo, ille vos docébit ómnia, et sùggeret vobis ómnia, quaecúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, et vénio ad vos. Si diligerétis me, gauderétis útique, quia vado ad Patrem: quia Pater major me est. Et nunc dixi vobis priúsquam fiat: ut cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

Credo.

Offertorium Ps. 67, 29-30 Confírma hoc, Deus, quod operátus es in nobis: a templo tuo, quod est in Jerúsalem, tibi ófferent reges múnera, allelúja.

Secreta

MÚNERA, quaésumus, Dómine, obláta sanctífica: et corda nostra Sancti Spíritus illustratióne emúnda. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem.

Praefatio, Communicántes et Hanc ígitur propria.

Communio Act. 2, 2 et 4 Factus est repén-te de caelo sonus, tamquam adveniéntis spíritus veheméntis, ubi erant sedéntes, allelúja: et repléti sunt omnes Spíritu Sancto, loquéntes magnália Dei, allelúja, allelúja.

Postcommunio

SANCTI Spíritus, Dómine, corda nostra mundet infúσιο: et sui roris íntima aspersione fecúndet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem.

FERIA SECUNDA
INFRA OCTAVAM PENTECOSTES

Duplex I classis

Statio ad S. Petrum ad Vincula

Introitus Ps. 80, 17

CIBÁVIT eos ex ádipe fruménti, allelúja: et de petra, melle saturávit eos, allelúja, allelúja. Ps. ibid., 2
Exsultáte Deo adjutóri nostro: jubilate Deo Jacob. V/. Glória Patri.

Oratio

DEUS, qui Apóstolis tuis Sanctum dedísti Spíritum: concéde plebi tuae piae petitiónis efféctum: ut, quibus dedísti fidem, largiáris et pacem. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Léctio Actuum Apostolorum.

Act. 10, 34 et 42-48

IN diébus illis: Apériens Petrus os suum, dixit: Viri fratres, nobis praecépit Dóminus praedicáre pópulo: et testificári, quia ipse est, qui constitútus est a Deo iudex vivórum et mortuórum. Huic omnes prophéetae testimónium pérhibent, remissionem peccatórum accíperere per nomen ejus omnes, qui credunt in eum. Adhuc loquente Petro verba haec, cécidit Spíritus Sanctus super omnes, qui audiébant verbum. Et obstupéerunt ex circumcisióne fidéles, qui vénerant cum Petro: quia et in natiónes grátia Spíritus Sancti

effúsa est. Audiébant enim illos loquéntes linguis, et magnificántes Deum. Tunc respóndit Petrus: Numquid aquam quis prohibére potest, ut non baptizéntur hi, qui Spíritum Sanctum acceperunt sicut et nos ? Et jussit eos baptizári in nómine Dómini Jesu Christi.

Allelúja , allelúja. *Vl. Act. 2, 4* Loquebántur váriis linguis Apóstoli magnália Dei. Allelúja. (Hic genuflectitur)
Vl. Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

VENI, Sancte Spíritus,
Et emítte caélitus
Lucis tuae rádium.
Veni, pater páuperum,
Veni, dator múnerum,
Veni, lumen córdium.
Consolátor óptime,
Dulcis hospes ánimae,
Dulce refrigeríum.
In labóre réquies,
In aestu tempéries,
In fletu solátium.
O lux beatíssima,
Reple cordis íntima
Tuórum fidélium.
Sine tuo númine,
Nihil est in hómine,
Nihil est innóxium.
Lava quod est sórdidum,
Riga quod est áridum,
Sana quod est sáucium.
Flecte quod est rígídum,
Fove quod est frígídum,
Rege quod est dévium.
Da tuis fidélibus,
In te confidéntibus,
Sacrum septenárium.
Da virtútis méritum,
Da salútis éxitum,
Da perénne gáudium.
Amen . Allelúja.

+ Sequéntia sancti Evangéllii secúndum Joánnem.

Joann. 3, 16-21

IN illo témpore: Dixit Jesus Nicodémo: Sic Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam aetérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum. Qui credit in eum, non judicátur ; qui autem non credit, jam judicátus est: quia non credit in nómine unigéniti Fílii Dei. Hoc est autem júdicium: quia lux venit in mundum, et dilexérunt hómines magis ténebras, quam lucem: erant enim eórum mala ópera. Omnis enim qui male agit, odit lucem, et non venit ad lucem, ut non arguántur ópera ejus: qui autem facit veritátem, venit ad lucem, ut manifesténtur ópera ejus, quia in Deo sunt facta.

Credo.

Offertorium Ps. 17, 14 et 16 Intónuit de caelo Dóminus, et Altíssimus dedit vocem suam: et apparuérunt fontes aquárum, allelúja.

Secreta

PROPÍTIUS, Dómine, quaésumus, haec dona sanctífica: et hóstiae spiritális oblatióne suscépta, nosmetípsos tibi pérfice munus aetérnum. Per Dóminum.

Praefatio, Communicántes **et** Hanc ígitur, **ut in die Pentecostes.**

Communio Joann. 14, 26 Spíritus Sanctus docébit vos, allelúja: quaecúmque díxero vobis, allelúja, allelúja.

Postcommunio

ADÉSTO, quaesumus, Dómine, pópulo tuo: et quem mystériis caeléstibus imbuísti, ab hóstium furóre defénde. Per Dóminum.

FERIA TERTIA
INFRA OCTAVAM PENTECOSTES

Duplex I classis

Statio ad S. Anastasiam

Introitus **4 Esdr. 2, 36 et 37**

ACCÍPITE jucunditátem glóriæ vestrae, allelúja: grátias ágéntes Deo, allelúja: qui vos ad caeléstia regna vocávit, allelúja, allelúja, allelúja. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri.

Oratio

ADSIT nobis, quaesumus, Dómine, virtus Spíritus Sancti: quae et corda nostra cleménter expúrget, et ab ómnibus tueátur advérsis. Per Dóminum... in unitáte ejúsdem.

Léctio Actuum Apostolórum.

Act. 8, 14-17

IN diébus illis: Cum audissent Apóstoli, qui erant Jerosólymis, quod recepisset Samaría verbum Dei, misérunt ad eos Petrum et Joánnem. Qui cum venissent, oravérunt pro ipsis ut accíperent Spíritum Sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum Sanctum.

Allelúja , allelúja. **V.** **Joann. 14, 26** Spíritus Sanctus docébit vos quaecúmque díxero vobis. Allelúja. **(Hic genuflectitur)** **V.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

VENI, Sancte Spíritus,
Et emítte caélitus
Lucis tuae rádium.

Veni, pater páuperum,
Veni, dator múnerum,
Veni, lumen córdium.

Consolátor óptime,
Dulcis hospes ánimaë,
Dulce refrigérium.

In labóre réquies,
In aestu tempéries,
In fletu solátium.

O lux beatíssima,
Reple cordis íntima
Tuórum fidélium.

Sine tuo númine,
Nihil est in hómine,
Nihil est innóxium.

Lava quod est sórdidum,
Riga quod est áridum,
Sana quod est saucium.

Flecte quod est rígidum,
Fove quod est frígidum,
Rege quod est dévium.

Da tuis fidélibus,
In te confidéntibus,
Sacrum septenárium.

Da virtútis méritum,
Da salutis éxitum,
Da perénne gáudium.

+ Sequéntia sancti Evangélii secúndum Joánnem.
Joann. 10, 1-10

IN illo témpore: Dixit Jesus pharisaéis: Amen, amen dico vobis: qui non intrat per óstium in ovíle óvium, sed ascéndit aliúnde, ille fur est, et latro. Qui autem intrat per óstium, pastor est óvium. Huic ostiárius áperit, et oves vocem ejus áudiunt, et próprias oves vocat nominátim, et edúcit eas. Et cum próprias oves emiserit, ante eas vadit: et oves illum sequúntur, quia sciunt vocem ejus. Aliénium autem non sequúntur, sed fúgiunt ab eo ; quia non novérunt vocem alienórum. Hoc provérbium dixit eis Jesus. Illi autem non cognovérunt quid loquerétur eis. Dixit ergo eis íterum Jesus: Amen, amen dico vobis, quia ego sum óstium óvium. Omnes quotquot venérunt, fures sunt, et latrónes, et non audiérunt eos oves. Ego sum óstium. Per me si quis introíerit, salvábitur: et ingrediétur, et egrediétur, et páscua invéniet. Fur non venit nisi ut furétur, et mactet, et perdat. Ego veni ut vitam hábeant, et abundántius hábeant.

Credo.

Offertorium Ps. 77, 23-25 Portas caeli apéruit Dóminus: et pluit illis manna, ut éderent: panem caeli dedit eis: panem Angelórum manducávit homo, allelúja.

Secreta

PURÍFICET nos, quaésumus, Dómine, múneris praeséntis oblátio: et dignos sacra participatióne efficiat. Per Dóminum.

Praefatio, Communicántes et Hanc ígitur, ut in die Pentecostes.

Communio Joann. 15, 26 ; 16, 14 Spíritus qui a Patre procedit, allelúja: ille me clarificábit, allelúja, allelúja.

Postcommunio

MENTES nostras, quaésumus, Dómine, Spíritus Sanctus divínis réparet sacraméntis: quia ipse est remíssio ómnium peccatórum. Per Dóminum... in unitáte ejúsdem.

FERIA QUARTA
QUATUOR TEMPORUM PENTECOSTES

Semiduplex

Statio ad S. Mariam majorem

Introitus Ps. 67, 8 et 9

DEUS, dum egrederéris coram pópulo tuo, iter fáciens eis, hábitans in illis, allelúja: terra mota est, caeli distillavérunt, allelúja, allelúja. Ps. *ibid.*, 2 Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. *Vl.* Glória Patri.

Post Kýrie, eléison, dicitur: Orémus, sine Flectámus génuá.

Oratio

MENTES nostras, quaésumus, Dómine, Paráclitus, qui a te procedit, illúminet: et indúcat in omnem, sicut tuus promísit Fílius, veritátem: Qui tecum vivit **in unitáte ejúsdem.**

Léctio Actuum Apostolórum.

Act. 2, 14-21

IN diébus illis: Stans Petrus cum úndecim, levávit vocem suam, et locútus est eis: Viri Judaéi, et qui habitátis Jerúsalem univérsi, hoc vobis notum sit, et áuribus percípíte verba mea. Non enim, sicut vos aestimátis, hi ébrii sunt, cum sit hora diéi tértia: sed hoc est, quod dictum est per prophétam Joël: Et erit in novíssimis diébus (dicit Dóminus) effúndam de Spíritu meo super omnem carnem, et prophetábunt filii vestri et filiae vestrae, et júvenes vestri visiónes vidébunt, et senióres vestri sómnia somniábunt. Et quidem super servos meos, et super ancillas meas in diébus illis effúndam de Spíritu meo, et prophetábunt: et dabo prodígia in caelo sursum, et signa in terra deórsum, sánguinem, et ignem, et vapórem fumi. Sol convertétur in ténebras, et luna in sánguinem, ántequam véniat dies Dómini magnus et maniféustus. Et erit: omnis

quicumque invocaverit nomen Dómini, salvus erit.

Allelúja . *Vl. Ps. 32, 6* Verbo Dómini caeli firmáti sunt, et Spíritu oris ejus omnis virtus eórum.

Hic dicitur Glória in excélsis Deo, *et postea* Dóminus vobíscum.

Oratio

PRAESTA, quaesumus, omnipotens et misericors Deus: ut Spíritus Sanctus advéniens, templum nos glóriæ suæ dignanter inhabitádo perficiat. Per Dóminum **in unitáte ejúsdem.**

Altera oratio contra persecutores Ecclesiae vel pro Papa Tabula Orationum.

Léctio Actuum Apostolórum.

Act. 5, 12-16

IN diébus illis: Per manus autem Apostolórum fiébant signa et prodígia multa in plebe. Et erant unanimiter omnes in pórticu Salomónis. Ceterórum autem nemo audébat se conjúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejicerent infirmos, et pónerent in léctulis ac grabátis, ut, veniénte Petro, saltem umbra illius obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes aegros, et vexátos a spirítibus immúndis: qui curabántur omnes.

Allelúja, allelúja. (*Hic genuflectitur*) *Vl.* Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

VENI, Sancte Spíritus,
Et emítte caélitus
Lucis tuae rádium.
Veni, pater páuperum,
Veni, dator múnerum,
Veni, lumen córdium.
Cónsolátor óptime,
Dulcis hospes ánimæ,
Dulce refrigeríum.
In labóre réquies,
In aestu tempéries,
In fletu solátium.
O lux beatíssima,
Reple cordis íntima
Tuórum fidélium.
Sine tuo númine,
Nihil est in hómine,
Nihil est innóxium.
Lava quod est sórdidum,
Riga quod est áridum,
Sana quod est saucium.
Flecte quod est rígidum,
Fove quod est frígidum,
Rege quod est dévium.
Da tuis fidélibus,
In te confidéntibus,
Sacrum septenárium.
Da virtútis méritum,
Da salutis éxítum,
Da perénne gáudium.
Amen . Allelúja.

+ Sequentia sancti Evangélii secúndum Joánnem.

Joann. 6, 44-52

IN illo témpore: Dixit Jesus turbis Judaeórum: Nemo potest veníre ad me, nisi Pater, qui misit me, tráxerit eum: et ego resuscitábo eum in novíssimo die. Est scriptum in prophétis: Et erunt omnes docíbiles Dei. Omnis, qui audívit a Patre, et dídicit, venit ad me. Non quia Patrem vidit quisquam, nisi is, qui est a Deo, hic vidit Patrem. Amen, amen dico vobis: qui credit in me, habet vitam aetérnam. Ego sum panis vitae. Patres

vestri manducavérunt manna in desérto, et mórtui sunt. Hic est panis de caelo descéndens: ut si quis ex ipso manducáverit, non moriátur. Ego sum panis vivus, qui de caelo descénde. Si quis manducáverit ex hoc pane, vivet in aetérnum: et panis, quem ego dabo, caro mea est pro mundi vita.

Credo.

Offertorium Ps. 118, 47-48 Meditábor in mandátis tuis, quae diléxi valde: et levábo manus meas ad mandáta tua, quae diléxi, allelúja.

Secreta

ACCIPE, quaesumus, Dómine, munus oblátum: et dignánte operáre ; ut, quod mystériis ágimus, piis efféctibus celebrémus. Per Dóminum.

Praefatio, Communicánte et Hanc ígitur, **ut in die Pentecostes**.

Communio Joann. 14, 27 Pacem relínquo vobis, allelúja: pacem meam do vobis, allelúja, allelúja.

Postcommunio

SUMÉNTES, Dómine, caeléstia sacraménta, quaesumus cleméntiam tuam: ut, quod temporáliter gérimus, aetérnis gáudiis consequámur. Per Dóminum.

* **Orationes pro diversitate Temporum: Ab hac die usque ad Sabbatum sequens inclusive dicitur, juxta Rubricas, Oratio pro diversitate Temporum assignata, nempe 2a contra persecutores Ecclesiae vel pro Papa** Tabula Orationum.

FERIA QUINTA INFRA OCTAVAM PENTECOSTES

Semiduplex

Statio ad S. Laurentium extra muros

Introitus **Sap. 1, 7**

SPÍRITUS Dómini replévit orbem terrárum, allelúja: et hoc quod cóntinet ómnia, sciéntiam habet vocis, allelúja, allelúja, allelúja. **Ps. 67, 2** Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. **Vl.** Glória Patri.

Oratio

DEUS, qui hodiérna die corda fidélium Sancti Spíritus illustratióne docuísti: da nobis in eódem Spíritu recta sápere ; et de ejus semper consolatióne gaudére. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem.

Altera oratio contra persecutores Ecclesiae vel pro Papa Tabula Orationum.

Léctio Actuum Apostolórum.

Act. 8, 5-9

IN diébus illis: Philíppus descéndens in civitátem Samaría, praedicábat illis Christum. Intendébant autem turbae his quae a Philíppo dicebántur, unanímiter audiénte, et vidénte signa quae faciébat. Multi enim eórum, qui habébant spíritus immúndos, clamánte voce magna, exíbant. Multi autem paralytici et claudi curáti sunt. Factum est ergo gáudium magnum in illa civitáte.

Allelúja, allelúja. **Vl. Ps. 103, 30** Emítte Spíritum tuum, et creabúntur: et renovábis fáciem terrae. Allelúja. **(Hic genuflectitur)** **Vl.** Veni, Sancte Spíritus, reple tuórum corda fidélium: et tui amóris in eis ignem accénde.

Sequentia

VENI, Sancte Spíritus,
Et emítte caélitus
Lucis tuae rádium.
Veni, pater páuperum,
Veni, dator múnerum,
Veni, lumen córdium.
Consolátor óptime,

Dulcis hospes ánimae,
Dulce refrigerium.
In labóre réquies,
In aestu tempéries,
In fletu solátium.
O lux beatíssima,
Reple cordis íntima
Tuórum fidélium.
Sine tuo númine,
Nihil est in hómine,
Nihil est innóxium.
Lava quod est sórdidum,
Riga quod est áridum,
Sana quod est sáucium.
Flecte quod est rígidum,
Fove quod est frígidum,
Rege quod est dévium.
Da tuis fidélibus,
In te confidéntibus,
Sacrum septenárium.
Da virtútis méritum,
Da salútis éxítum,
Da perénne gáudium.
Amen . Allelúja.

+ Sequéntia sancti Evangéllii secúndum Lucam.

Luc. 9, 1-6

IN illo témpore: Convocáti Jesus duódecim Apóstolis, dedit illis virtútem, et potestátem super ómnia daemónia, et ut languóres curárent. Et misit illos praedicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicas habeáti. Et in quacúmque domum int ravéritis, ibi manéte, et inde ne exeáti. Et quicúmque non recéperint vos: exeúntes de civitáte illa, étiam púlverem pedum vestrórum excútite in testimónium supra illos. Egréssi autem circuíbant per castélla evangelizántes, et curántes ubique.

Credo.

Offertorium Ps. 67, 29-30 Confírma hoc, Deus, quod operátus es in nobis: a templo tuo, quod est in Jerúsalem, tibi ófferent reges múnera, allelúja.

Secreta

MÚNERA, quaésumus, Dómine, obláta sanctífica: et corda nostra Sancti Spíritus illustratióne emúnda. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem.

Praefatio, Communicántes et Hanc ígitur, ut in die Pentecostes.

Communio Act. 2, 2 et 4 Factus est repénite de caelo sonus, tamquam adveniéntis spíritus veheméntis, ubi erant sedéntes, allelúja: et repléti sunt omnes Spíritu Sancto, loquéntes magnália Dei, allelúja, allelúja.

Postcommunio

SANCTI Spíritus, Dómine, corda nostra mundet infúsió: et sui roris íntima aspersione fecúndet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem.

FERIA SEXTA QUATUOR TEMPORUM PENTECOSTES

Semiduplex

Statio ad Ss. duodecim Apostolos

Introitus Ps. 70, 8 et 23

REPLEÁTUR os meum laude tua, allelúja: ut possim cantáre, allelúja: gaudébunt lábia mea, dum

cantávero tibi, allelúja, allelúja. Ps. *ibid.*, 1-2 In te, Dómine, sperávi, non confúndar in aetérnum: in justítia tua líbera me, et éripe me. *Vl.* Glória Patri.

Oratio

DA, quaesumus, Ecclesiae tuae, misericors Deus: ut Sancto Spírítu congregáta, hostíli nullátenuS incursióne turbétur. Per Dóminum... in unitáte ejúsdem.

Altera oratio contra persecutores Ecclesiae vel pro Papa Tabula Orationum.

Léctio Joélis Prophétae.

Joël 2, 23-24 et 26-27

HAEC dicit Dóminus Deus: Exsultáte, filii Sion, et laetámini in Dómino Deo vestro: quia dedit vobis doctórem justítiae, et descéndere fáciat ad vos imbrem matutínium et serótinum, sicut in princípío. Et implebúntur áreae fruménto, et redundábunt torculária vino et óleo. Et comedétis vescéntes, et saturabímíni, et laudábítis nomen Dómini Dei vestri, qui fecit mirabília vobíscum: et non confundétur pópulus meus in sempitérnum. Et sciétis quia in médio Israél ego sum: et ego Dóminus Deus vester, et non est ámplius: et non confundétur pópulus meus in aetérnum: ait Dóminus omnípotens.

Allelúja , allelúja. *Vl. Sap. 12, 1* O quam bonus et suávis est, Dómine, Spírítus tuus in nobis ! Allelúja. (*Hic genuflectitur*) *Vl.* Veni, Sancte Spírítus, reple tuórum corda fidélium: et tui amóris in eis ignem accénde.

Sequentia

VENI, Sancte Spírítus,
Et emítte caélitus
Lucis tuae rádium.
Veni, pater páuperum,
Veni, dator múnerum,
Veni, lumen córdium.
Consolátor óptime,
Dulcis hospes ánimae,
Dulce refrigeríum.
In labóre réquies,
In aestu tempéries,
In fletu solátium.
O lux beatíssima,
Reple cordis íntima
Tuórum fidélium.
Sine tuo númine,
Nihil est in hómíne,
Nihil est innóxium.
Lava quod est sórdidum,
Riga quod est áridum,
Sana quod est sáucium.
Flecte quod est rígídum,
Fove quod est frígídum,
Rege quod est dévium.
Da tuis fidélibus,
In te confidéntibus,
Sacrum septenárium.
Da virtútis méritum,
Da salútis éxitum,
Da perénne gáudium.
Amen . Allelúja.

+ Sequentia sancti Evangélii secúndum Lucam.

Luc. 5, 17-26

IN illo témpore: Factum est in una diérum, et Jesus sedébat docens. Et erant pharisaéi sedéntes, et legis doctóres, qui vénerant ex omni castélló Galilaéae, et Judaéae, et Jerúsalem: et virtus Dómini erat ad sanándum eos. Et ecce viri portántes in lecto hómíne, qui erat paralytícus: et quaerébant eum inférre, et pónere ante eum. Et non inveniéntes qua parte illum inférrent prae turba, ascendérunt supra tectum, et per tégulas summisérunt eum cum lecto in médiuM ante Jesum. Quorum fidem ut vidit, dixit: Homo, remittúntur tibi peccáta tua. Et coepérunt cogítare scribae et pharisaéi, dicéntes: Quis est hic, qui lóquitur blasphemias ? Quis potest dimíttere peccáta, nisi solus Deus ? Ut cognóvit autem Jesus cogitátiones eórum, respóndens

dixit ad illos: Quid cogitátis in córdibus vestris ? Quid est facilius dícere: Dimittúntur tibi peccáta, an dícere: Surge, et ámbula ? Ut autem sciátis quia Fílius hóminis habet potestátem in terra dimitténdi peccáta (ait paralýtico): Tibi dico, surge, tolle lectum tuum, et vade in domum tuam. Et conféstim consúrgens coram illis, tulit lectum, in quo jacébat: et ábiit in domum suam, magníficans Deum. Et stupor apprehéndit omnes, et magnificábant Deum. Et repléti sunt timóre dicétes: Quia vídimus mirabília hódie.

Credo.

Offertorium Ps. 145, 2 Lauda, ánima mea, Dóminum: laudábo Dóminum in vita mea: psallam Deo meo, quámdiu ero, allelúja.

Secreta

SACRIFÍCIA, Dómine, tuis obláta conspéctibus, ignis ille divínus absúmat, qui discipulórum Christi Fílii tui per Spíritum Sanctum corda succéndit. Per eúmdem Dóminum **in unitáte ejúsdem.**

Praefatio, Communicátes et Hanc ígitur, **ut in die Pentecostes.**

Communio Joann. 14, 18 Non vos relínquam órphanos: véniam ad vos íterum, allelúja: et gaudébit cor vestrum, allelúja.

Postcommunio

SÚMPSIMUS, Dómine, sacri dona mystérii: humíliter deprecátes ; ut, quae in tui commemoratiónem nos fácere praecepísti, in nostrae proficiant infirmitátis auxiliúm: Qui vivis.

SABBATO QUATUOR TEMPORUM PENTECOSTES

Semiduplex

Statio ad S. Petrum

Introitus Rom. 5, 5

CÁRITAS Dei diffúsa est in córdibus nostris, allelúja: per inhabitántem Spíritum ejus in nobis, allelúja, allelúja. Ps. 102, 1 Bénedic ánima mea, Dómino: et ómnia quae intra me sunt, nómini sancto ejus. V/. Glória Patri.

Post Kýrie, eléison, dicitur: Orémus **tantum, sine** Flectámus génua, **et similiter ad Orationes sequentes.**

Oratio

MÉNTIBUS nostris, quaésumus, Dómine, Spíritum Sanctum benígnus infúnde: cujus et sapiéntia cónditi sumus, et providéntia gubernámur. Per Dóminum **in unitáte ejúsdem.**

Léctio Joélis Prophétae.

Joël 2, 28-32

HAEC dicit Dóminus Deus: Effúndam Spíritum meum super omnem carnem: et prophetábunt fílii vestri et fíliae vestrae: senes vestri sómnia somniábunt, et júvenes vestri visiónes vidébunt. Sed et super servos meos et ancíllas in diébus illis effúdam Spíritum meum. Et dabo prodígia in caelo et in terra, ságuinem, et ignem, et vapórem fumi. Sol convertétur in ténebras, et luna in ságuinem: ántequam véniat dies Dómini magnus, et horríbilis. Et erit: omnis qui invocáverit nomen Dómini, salvus erit.

Allelúja. V/. Joann. 6, 64 Spíritus est qui vivíficat: caro autem non prodest quidquam.

Orémus **Oratio**

ILLO nos igne, quaésumus, Dómine, Spíritus Sanctus inflámmet: quem Dóminus noster Jesus Christus misit in terram, et vóluit veheménter accénderi: Qui tecum vivit **in unitáte ejúsdem.**

Léctio libri Levítici.

Levit. 23, 9-11, 15-17 et 21

IN diébus illis: Locútus est Dóminus ad Móysen, dicens: Lóquere fíliis Israël, et dices ad eos: Cum ingrési fuéritis terram, quam ego dabo vobis, et messuérítis ségetem, ferétis manípulos spicárum, primítias messis vestrae ad sacerdotem: qui elevábit fasciculum coram Dómino, ut acceptábile sit pro vobis, áltero die sábbati, et sanctificábit illum. Numerábitis ergo ab áltero die sábbati, in quo obtulístis manípulum primitiárum, septem hebdomadas plenas, usque ad álteram diem expletiónis hebdomadae séptimae, id est, quinquaginta dies: et sic offerétis sacrificium novum Dómino ex ómnibus habitáculis vestris, panes primitiárum duos de duábus décimis símilae fermentatae, quos coquétis in primítias Dómini. Et vocábitis hunc diem celebérrimum atque sanctíssimum: omne opus servíle non faciétis in eo. Legítimum sempitérnum erit in cunctis habitáculis, et generatióibus vestris: dicit Dóminus omnípotens.

Allelúja. *Vl. Job 26, 13* Spíritus ejus ornávit caelos.

Orémus **Oratio**

DEUS, qui ad animárum medélam, jejúnii devotióne castigári córpora praecepísti: concéde nobis propítius; et mente, et córpore tibi semper esse devótos. Per Dóminum.

Léctio libri Deuteronomíi.

Deut. 26, 1-11

IN diébus illis: Dixit Móyses fíliis Israël: Audi, Israël, quae ego praecípíio tibi hódie. Cum intráveris terram, quam Dóminus Deus tuus tibi datúrus est possidéndam, et obtinúeris eam, atque habitáveris in ea: tolles de cunctis frúgibus tuis primítias, et pones in cartálo, pergésque ad locum, quem Dóminus Deus tuus elégerit, ut ibi invocétur nomen ejus: accedésque ad sacerdotem, qui fúerit in diébus illis, et dices ad eum: Profíteor hódie coram Dómino Deo tuo, qui exaudivit nos, et respéxit humilitátem nostram, et labórem, atque angústiam: et edúxit nos de AEgypto in manu forti, et bráchio exténto, in ingénti pavóre, in signis atque porténtis: et introdúxit ad locum istum, et trádedit nobis terram lacte et melle manántem. Et idcírco nunc offero primítias frugum terrae, quam Dóminus dedit mihi. Et dimíttes eas in conspéctu Dómini Dei tui, adoráto Dómino Deo tuo. Et epuláberis in ómnibus bonis, quae Dóminus Deus tuus déderit tibi.

Allelúja. *Vl. Act. 2, 1* Cum compleréntur dies Pentecóstes, erant omnes páriter sedéntes.

Orémus **Oratio**

PRAESTA, quaésumus, omnípotens Deus: ut, salutáribus jejúniis erudíti, ab ómnibus étiam vítiis abstinéntes, propitiatiónem tuam facílius impetrémus. Per Dóminum.

Léctio libri Levítici.

Levit. 26, 3-12

IN diébus illis: Dixit Dóminus ad Móysen: Lóquere fíliis Israël, et dices ad eos: Si in praecéptis meis ambulavéritis, et mandáta mea custodiéritis, et fecéritis ea, dabo vobis plúvias tempóribus suis, et terra gignet germen suum, et pomis árbores replebúntur. Apprehéndet méssium tritúra vindémiam, et vindémia occupábit seméntem: et comedétis panem vestrum in saturitáte, et absque pavóre habitábitis in terra vestra. Dabo pacem in fínibus vestris: dormiétis, et non erit qui extérreat. Auferam malas béstias, et gládus non transíbit términos vestros. Perse quémíni inimícos vestros, et córruent coram vobis. Persequéntur quinque de vestris centum aliénos, et centum de vobis decem míllia: cadent inimíci vestri gládio in conspéctu vestro. Respíciam vos, et créscere fáciam: multiplicabímíni, et firmábo pactum meum vobíscum. Comedétis vetustíssima véterum, et vétera novis superveniéntibus projiciétis. Ponam tabernáculum meum in médío vestri, et non abjiciet vos ánima mea. Ambulábo inter vos, et ero Deus vester, vosque éritis pópulus meus: dicit Dóminus omnípotens.

Allelúja. (**Hic genuflectitur**) *Vl. Veni, Sancte Spíritus, reple tuórum corda fidélium: et tui amóris in eis ignem accénde.*

Orémus **Oratio**

PRAESTA, quaésumus, omnípotens Deus: sic nos ab épulis carnálibus abstinére; ut a vítiis irruéntibus páriter jejunémus. Per Dóminum.

Léctio Daniélis Prophétae.

Dan. 3, 47-51

IN diébus illis: Angelus Dómini descéndit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadraginta novem: et erúpit, et incéndit quos réperit juxta fornácem de Chaldaéis

ministros regis, qui eam incendebant. Et non tetigit eos omnino ignis, neque contristavit, nec quidquam molestiae intulit. Tunc hi tres quasi ex uno ore laudabant, et glorificabant, et benedicebant Deum in fornace, dicentes:

Hic non respondetur Deo gratias.

Allelúja. **V/. Ibid., 52** Benedíctus es, Dómine, Deus patrum nostrórum, et laudábilis in saécula.

Finito Versu dicitur Glória in excélsis.

Deinde V/. Dóminus vobíscum. **R/.** Et cum spírítu tuo.

Orémus **Oratio**

DEUS, qui tribus púeris mitigásti flammás ígnium: concéde propítius ; ut nos fámulos tuos non exúrat flamma vitiórum. Per Dóminum.

Altera oratio contra persecutores Ecclesiae vel pro Papa Tabula Orationum.

Léctio Epístolae beáti Pauli Apóstoli ad Romános.

Rom. 5, 1-5

FRATRES: Justificáti ex fide, pacem habeamus ad Deum per Dóminum nostrum Jesum Christum: per quem et habemus accessum per fidem in grátiam istam, in qua stamus, et gloriámur in spe glóriæ filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operatur, patiéntia autem probatióem, probatio vero spem, spes autem non confúndit: quia caritas Dei diffúsa est in córdibus nostris per Spírítum Sanctum, qui datus est nobis.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V/.** Quóniam confirmáta est super nos misericórdia ejus: et véritas Dómini manet in aetérnum.

Sequentia

VENI, Sancte Spírítus,
Et emítte caélitus
Lucis tuae rádium.
Veni, pater páuperum,
Veni, dator múnerum,
Veni, lumen córdium.
Consolátor óptime,
Dulcis hospes ánimæ,
Dulce refrigerium.
In labóre réquies,
In aestu tempéries,
In fletu solátium.
O lux beatíssima,
Reple cordis íntima
Tuórum fidélium.
Sine tuo númine,
Nihil est in hómine,
Nihil est innóxium.
Lava quod est sórdidum,
Riga quod est áridum,
Sana quod est saucium.
Flecte quod est rígídum,
Fove quod est frígídum,
Rege quod est dévium.
Da tuis fidélibus,
In te confidéntibus,
Sacrum septenárium.
Da virtútis méritum,
Da salútis éxítum,
Da perénne gáudium.
Amen.

In fine non dicitur Allelúja.

+ Sequéntia sancti Evangélii secúndum Lucam.

Luc. 4, 38-44

IN illo tēpore: Surgens Jesus de synagoga, introiuit in domum Simónis. Socrus autem Simónis tenebatur magnis febribus: et rogauerunt illum pro ea. Et stans super illam, imperavit febrim: et dimisit illam. Et continuo surgens, ministrabat illis. Cum autem sol occidisset, omnes qui habebant infirmos variis languoribus, ducabant illos ad eum. At ille singulis manus imponens, curabat eos. Exibant autem daemonia a multis, clamantia, et dicentia: Quia tu es Filius Dei: et increpans non sinebat ea loqui, quia sciebant ipsum esse Christum. Facta autem die, egressus ibat in desertum locum, et turbae requirebant eum, et venerunt usque ad ipsum: et detinebant illum ne discederet ab eis. Quibus ille ait: Quia et aliis civitatibus oportet me evangelizare regnum Dei: quia ideo missus sum. Et erat praedicans in synagoga Galilaeae.

Credo.

Offertorium Ps. 87, 2-3 Dómine, Deus salutis meae, in die clamavi et nocte coram te: intret oratio mea in conspectu tuo, Dómine, allelúja.

Secreta

UT accepta tibi sint, Dómine, nostra jejúnia: praesta nobis, quaesumus; hujus múnere sacramenti purificatum tibi pectus offerre. Per Dóminum.

Praefatio, Communicantes **et** Hanc igitur, **ut in die Pentecostes**.

Communio Joann. 3, 8 Spíritus ubi vult spirat: et vocem ejus audis, allelúja, allelúja: sed nescis unde veniat, aut quo vadat, allelúja, allelúja, allelúja.

Postcommunio

PRBEANT nobis, Dómine, divinum tua sancta fervorem: quo eorum páriter et actu delectémur, et fructu. Per Dóminum.

* **Post Missam exspirat Tempus Paschale.**

IN FESTO SANCTISSIMAE

TRINITATIS

Duplex I classis

Introitus **Tob. 12, 6**

BENEDÍCTA sit sancta Trínitas, atque indivisa únitas: confitebimur ei, quia fecit nobiscum misericórdiam suam. **Ps. 8, 2** Dómine Dóminus noster, quam admirabile est nomen tuum in univérsa terra ! **V/.** Glória Patri.

Oratio

OMNÍPOTENS sempitérne Deus, qui dedisti famulis tuis in confessióne verae fidei, aetérnae Trinitátis glóriam agnoscere, et in poténtia majestátis adorare unitatem: quaesumus; ut ejusdem fidei firmitate, ab ómnibus semper muniámur advérsis. Per Dóminum.

Deinde fit Commemoratio de Dominica prima post Pentecosten.

Oratio

DEUS, in te sperántium fortitúdo, adesto propítius invocatióne nostris: et quia sine te nihil potest mortális infirmitas, praesta auxiliúm grátiae tuae; ut in exsequéndis mandátis tuis, et voluntate tibi et actióne placeámus. Per Dóminum.

Léctio Epístolae beáti Pauli Apóstoli ad Romános.

Rom. 11, 33-36

O ALTITÚDO divitiárum sapiéntiae et sciéntiae Dei: quam incomprehensibília sunt júdicia ejus, et investigábiles viae ejus ! Quis enim cognóvit sensum Dómini ? Aut quis consiliárius ejus fuit ? Aut quis prior dedit illi, et retribuétur ei ? Quóniam ex ipso, et per ipsum, et in ipso sunt ómnia: ipsi glória in saécula. Amen.

Graduale Dan. 3, 55-56 Benedíctus es, Dómine, qui intuéris abýssos, et sedes super Chérubim. **V/.**

Benedíctus es, Dómine, in firmaménto caeli, et laudábilis in saécula.

Allelúja, allelúja. *Vl. Ibid., 52* Benedíctus es, Dómine, Deus patrum nostrórum, et laudábilis in saécula. Allelúja.

+ Sequéntia sancti Evangéllii secúndum Matthaéum.

Matth. 28, 18-20

IN illo témpore: Dixit Jesus discíplis suis: Data est mihi omnis potéstas in caelo, et in terra. Eúntes ergo docéte omnes gentes, baptizántes eos in nómine Patris, et Fílii, et Spíritus Sancti: docétes eos serváre ómnia quaecúmque mandávi vobis. Et ecce ego vobíscum sum ómnibus diébus, usque ad consummationem saéculi.

Credo.

Offertorium Tob. 12, 6 Benedíctus sit Deus Pater, unigenítusque Dei Fílius, Sanctus quoque Spíritus: quia fecit nobíscum misericórdiam suam.

Secreta

SANCTÍFICA, quaésumus, Dómine Deus noster, per tui sancti nóminis invocatiónem, hujus oblatiÓnis hóstiam: et per eam nosmetípsos tibi pérfice munus aetérnum. Per Dóminum.

Pro Dominica Secreta

HÓSTIAS nostras, quaésumus, Dómine, tibi dicátas placátus assúme: et ad perpétuum nobis tríbue proveníre subsidium. Per Dóminum.

Praefatio de Ssma Trinitate.

Communio Tob. 12, 6 Benedícimus Deum caeli, et coram ómnibus vivéntibus confitébimur ei: quia fecit nobíscum misericórdiam suam.

Postcommunio

PROFÍCIAT nobis ad salútem córporis et ánimae, Dómine Deus noster, hujus sacraménti suscéptio: et sempitérnae sanctae Trinitátis, ejusdémque indivíduae unitátis conféssio. Per Dóminum.

Pro Dominica Postcommunio

TANTIS, Dómine, repléti munéribus: praesta, quaésumus; ut et salutária dona capiámus, et a tua numquam laude cessémus. Per Dóminum.

* *In fine Missae legitur Evangelium hujus Dominicae.*

+ Sequéntia sancti Evangéllii secúndum Lucam.

Luc. 6, 36-42

IN illo témpore: Dixit Jesus discíplis suis: Estóte misericórdes, sicut et Pater vester miséricors est. Nolíte judicáre, et non judicabímini: nolíte condemnáre, et non condemnabímini. Dimíttite, et dimittémini. Date, et dábitur vobis: mensúram bonam, et confértam, et coagitátam, et supereffluéntem dabunt in sinum vestrum. Eádem quippe mensúra, qua mensi fuéritis, remetiétur vobis. Dicébat autem illis et similitúdinem: Numquid potest caecus caecum dúcere? nonne ambo in fóveam cadunt? Non est discíplus super magístrum: perféctus autem omnis erit, si sit sicut magíster ejus. Quid autem vides festúcam in óculo fratris tui, trabem autem, quae in óculo tuo est, non consíderas? Aut quómodo potes dícere fratri tuo: Frater, sine, ejíciam festúcam de óculo tuo: ipse in óculo tuo trabem non videns? Hypócrita, éjice primum trabem de óculo tuo: et tunc perspícies, ut edúcas festúcam de óculo fratris tui.

* *Ab hac die usque ad Sabbatum ante Dominicam I Adventus inclusive, in omnibus Missis ritus Semiduplicis vel Simpli cis, tam de Tempore quam de Sanctis, et in Missis votivis quae pro re gravi et publica simul causa non sint, nisi facta fuerit Commemoratio Duplicis, vel cujuslibet Vigiliae, vel Octavae, vel sanctae Mariae in Sabbato, aut Missa fuerit de beata Maria Virgine, vel de aliqua Vigilia, vel de Octava, vel de Omnibus Sanctis, post Commemorationes forte occurrentes, dicuntur Orationes pro diversitate Temporum assignatae, nempe 2a ad poscenda suffragia Sanctorum, A cunctis, 3a ad libitum eligenda. Et in eadem Oratione A cunctis, sicut et in ejus Postcommunione, ad litteram N. exprimitur nomen Titularis propriae Ecclesiae, dummodo Titulus non sit Persona divina, vel Mysterium Domini, aut de ipso Titulo non dicatur Missa, aut facta non sit Commemoratio, aut illius nomen non sit in eadem Oratione A cunctis expressum; ac nomina sanctorum Angelorum et sancti Joannis Baptistae, si Titulares fuerint, praeponuntur*

nomini sancti Joseph. In hisce autem omnibus casibus omittuntur verba atque beáto N. Si vero Missa, vel Commemoratio fuerint de sancto Joseph, aut de sanctis Apostolis Petro et Paulo, in Oratione et Postcommunione omittuntur verba quae eos respiciunt.

* In Vigiliis autem, infra Octavas tam privilegiatas quam communes, et in diebus Octavis Simplicibus per idem Tempus occurrentibus, loco earumdem Orationum, dicitur, juxta Rubricas, 2a Oratio de sancta Maria, Concède ex Missa de Communi, 3a contra persecutores Ecclesiae, vel pro Papa. Si tamen Vigilia aut Octava fuerit de beata Maria Virgine, vel de Omnibus Sanctis, sicut et in Missis ejusdem beatae Mariae Virginis, et in Missis, in quibus de ea facta sit Commemoratio, necnon in Missa votiva de Omnibus Sanctis, loco Orationis Concède, dicitur Oratio de Spiritu Sancto.

DOMINICA PRIMA POST PENTECOSTEN

Semiduplex

Introitus Ps. 12, 6

DÓMINE, in tua misericórdia sperávi: exsultávit cor meum in salutári tuo: cantábo Dómino, qui bona tríbuit mihi. Ps. *ibid.*, 1 Usquequo, Dómine, obliviscéris me in finem ? úsquequo avértis fáciem tuam a me ? *V.* Glória Patri.

* Dicitur Glória in excélsis in omnibus Dominicis post Pentecosten, etiam in Dominica XXIII Sabbato anticipata, juxta Rubricas ; non dicitur autem in diebus ferialibus, quando resumitur Missa Dominicae praecedentis.

Oratio

DEUS, in te sperántium fortitúdo, adésto propítius invocatióibus nostris: et quia sine te nihil potest mortális infirmitas, praesta auxiliúm grátiae tuae ; ut in exsequéndis mandátis tuis, et voluntáte tibi et actióne placeámus. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Joánnis Apóstoli.

1 Joann. 4, 8-21

CARÍSSIMI: Deus caritas est. In hoc apparuit caritas Dei in nobis, quóniam Fílium suum unigénitum misit Deus in mundum, ut vivámus per eum. In hoc est caritas: non quasi nos dilexérimus Deum, sed quóniam ipse prior diléxit nos, et misit Fílium suum propitiatiónem pro peccátis nostris. Caríssimi, si sic Deus diléxit nos: et nos debémus altéruum diligere. Deum nemo vidit umquam. Si diligámus ínvicem, Deus in nobis manet, et caritas ejus in nobis perfécta est. In hoc cognóscimus, quóniam in eo manémus, et ipse in nobis: quóniam de Spíritu suo dedit nobis. Et nos vídimus, et testificámur, quóniam Pater misit Fílium suum Salvatórem mundi. Quisquis conféssus fúerit, quóniam Jesus est Fílius Dei, Deus in eo manet, et ipse in Deo. Et nos cognóvimus, et credídimus caritati, quam habet Deus in nobis. Deus caritas est: et qui manet in caritate, in Deo manet, et Deus in eo. In hoc perfécta est caritas Dei nobíscum, ut fidúciam habeámus in die judicii: quia sicut ille est, et nos sumus in hoc mundo. Timor non est in caritate: sed perfécta caritas foras mittit timórem, quóniam timor poenam habet. Qui autem timet, non est perféctus in caritate. Nos ergo diligámus Deum, quóniam Deus prior diléxit nos. Si quis dixerit, quóniam diligo Deum, et fratrem suum óderit, mendax est. Qui enim non diligit fratrem suum quem videt, Deum, quem non videt, quómodo potest diligere ? Et hoc mandátum habémus a Deo: ut qui diligit Deum, diligit et fratrem suum.

Graduale Ps. 40, 5 et 2 Ego dixi: Dómine, miserére mei: sana ánimam meam, quia peccávi tibi. *V.* Beátus qui intélligit super egénium et páuperem: in die mala liberábit eum Dóminus. Allelúja, allelúja. *V.* Ps. 5, 2 Verba mea áuribus pércipe, Dómine: intéllige clamórem meum. Allelúja.

* Sic dicitur Allelúja cum suo Versu post Graduale in omnibus Dominicis post Pentecosten, etiam si Missa Dominicae in Feriis resumatur.

+ Sequéntia sancti Evangéllii secúndum Lucam.

Luc. 6, 36-42

IN illo témpore: Dixit Jesus discípulis suis: Estóte misericórdes, sicut et Pater vester miséricors est. Nolíte judicáre, et non judicabímmini: nolíte condemnáre, et non condemnabímmini. Dimíttite, et dimittémmini. Date, et dábitur vobis: mensúram bonam, et confértam, et coagítam, et supereffluéntem dabunt in sinum vestrum. Eádem quippe mensúra, qua mensi fuéritis, remetietur vobis. Dicébat autem illis et similitúdinem: Numquid potest caecus caecum dúcere ? nonne ambo in fóveam cadunt ? Non est discípulus super magístrum:

perfectus autem omnis erit, si sit sicut magister ejus. Quid autem vides festucam in oculo fratris tui, trabem autem, quae in oculo tuo est, non consideras? Aut quomodo potes dicere fratri tuo: Frater, sine, ejectionem festucam de oculo tuo: ipse in oculo tuo trabem non videns? Hypocrita, ejectionem primum trabem de oculo tuo: et tunc perspicias, ut educaas festucam de oculo fratris tui.

Credo, quod dicitur in omnibus Dominicis post Pentecosten, etiam in Dominica XXIII Sabbato anticipata, juxta Rubricas; non dicitur autem in diebus ferialibus, quando resumitur Missa Dominicae praecedentis.

Offertorium Ps. 5, 3-4 Intende voci orationis meae, Rex meus, et Deus meus: quoniam ad te orabo, Domine.

Secreta

HOSTIAS nostras, quaesumus, Domine, tibi dicatas placatus assume: et ad perpetuum nobis tribue provenire subsidium. Per Dominum.

Praefatio de Sanctissima Trinitate, quae dicitur in omnibus Dominicis post Pentecosten, etiam in Dominica XXIII Sabbato anticipata. Quoties vero infra hebdomadam resumitur Missa Dominicae praecedentis, dicitur Praefatio communis, juxta Rubricas.

Communio Ps. 9, 2-3 Narrabo omnia mirabilia tua: laetabor, et exultabo in te: psallam nomini tuo, Altissime.

Postcommunio

TANTIS, Domine, replenti muneribus: praesta, quaesumus; ut et salutaria dona capiamus, et a tua numquam laude cessemus. Per Dominum.

Feria V post Festum Ssmae Trinitatis

IN FESTO SANCTISSIMI CORPORIS CHRISTI

Duplex I classis cum Octava privilegiata II Ordinis

Introitus **Ps. 80, 17**

CIBAVIT eos ex adipe frumenti, alleluja: et de petra, melle saturavit eos, alleluja, alleluja, alleluja. **Ps. ibid., 2** Exultate Deo adiutori nostro: jubilate Deo Jacob. **VI.** Gloria Patri.

Oratio

DEUS, qui nobis sub Sacramento mirabili passionis tuae memoriam reliquisti: tribue, quaesumus, ita nos Corporis et Sanguinis tui sacra mysteria venerari; ut redemptionis tuae fructum in nobis jugiter sentiamus: Qui vivis.

Lectio Epistolae beati Pauli Apostoli ad Corinthios.

1 Cor. 11, 23-29

FRATRES: Ego enim accipi a Domino, quod et tradidi vobis, quoniam Dominus Jesus in qua nocte tradebatur, accipit panem, et gratias agens fregit, et dixit: Accipite, et manducate: hoc est corpus meum, quod pro vobis tradetur: hoc facite in meam commemorationem. Similiter et calicem, postquam cenavit, dicens: Hic calix novum testamentum est in meo sanguine. Hoc facite, quotiescumque bibetis, in meam commemorationem. Quotiescumque enim manducabitis panem hunc, et calicem bibetis, mortem Domini annuntiabitis, donec veniat. Itaque quicumque manducaverit panem hunc, vel biberit calicem Domini indigne, reus erit corporis et sanguinis Domini. Probet autem seipsum homo: et sic de pane illo edat, et de calice bibat. Qui enim manducat, et bibit indigne, iudicium sibi manducat, et bibit: non dijudicans corpus Domini.

Graduale Ps. 144, 15-16 Oculi omnium in te sperant, Domine: et tu das illis escam in tempore opportuno. **VI.** Aperis tu manum tuam: et imple omne animal benedictione.

Alleluja, alleluja. **VI. Joann. 6, 56-57** Caro mea vere est cibus, et sanguis meus vere est potus: qui manducat meam carnem, et bibit meum sanguinem, in me manet, et ego in eo.

* Et dicitur Alleluja, si infra Octavam Sequentia omittatur.

Sequentia

Missale Romanum 1957

LAUDA, Sion, Salvatórem,
Lauda ducem et pastórem
In hymnis et cánticis.

Quatum potes, tantum aude:
Quia major omni laude,
Nec laudáre súfficis.

Laudis thema speciális,
Panis vivus et vitális
Hódie propónitur.

Quem in sacrae mensa cenae,
Turbae fratrum duodénae
Datum non ambígitur.

Sit laus plena, sit sonóra,
Sit jucúnda, sit decora
Mentis jubilátio.

Dies enim solémnis ágitur,
In qua mensae prima recólitur
Hujus institútio.

In hac mensa novi Regis,
Novum Pascha novae legis,
Phase vetus términat.

Vetustátem nóvitas,
Umbram fugat véritas,
Noctem lux elíminat.

Quod in cena Christus gessit,
Faciéndum hoc expréssit
In sui memóriam.

Docti sacris institútis,
Panem, vinum in salútis
Consecrámus hóstiam.

Dogma datur Christiánis,
Quod in carnem transit panis,
Et vinum in ságuinem.

Quod non capis, quod non vides,
Animósa firmat fides,
Praeter rerum órđinem.

Sub divérsis speciébus,
Signis tantum, et non rebus,
Latent res exímiae.

Caro cibus, sanguis potus:
Manet tamen Christus totus,
Sub utrâque spécie.

A suménte non concísus,
Non confráctus, non divísus:
Integer accípitur.

Sumit unus, sumunt mille:
Quantum isti, tantum ille:
Nec sumptus consúmitur.

Sumunt boni, sumunt mali:
Sorte tamen inaequáli,
Vitae vel intéritus.

Mors est malis, vita bonis:
Vide paris sumptiónis
Quam sit dispar éxitus.

Fracto demum sacraméto,
Ne vacílles, sed meméto,
Tantum esse sub fragménto,
Quantum toto tégitur.

Nulla rei fit scissúra:
Signi tantum fit fractúra:
Qua nec status, nec statúra
Signáti minúitur.

Ecce panis Angelórum,
Factus cibus viatórum:

Vere panis filiórum,
Non mitténdus cánibus.
In figúris praesignátur,
Cum Isaac immolátur:
Agnus paschae deputátur:
Datur manna pátribus.
Bone pastor, panis vere,
Jesu, nostri miserére:
Tu nos pasce, nos tuére:
Tu nos bona fac vidére
In terra vivéntium.
Tu, qui cuncta scis et vales:
Qui nos pascis hic mortáles:
Tuos ibi commensáles,
Coherédes et sodáles
Fac sanctórum cívium.
Amen. Allelúja.

+ Sequéntia sancti Evangéllii secúndum Joánnem.

Joann. 6, 55-59

IN illo témpore: Dixit Jesus turbis Judaeórum: Caro mea vere est cibus, et sanguis meus vere est potus. Qui mandúcat meam carnem, et bibit meum sánguinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de caelo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in aetérnum.

Credo.

Offertorium Levit. 21, 6 Sacerdótes Dómini incénsus et panes offerunt Deo: et ídeo sancti erunt Deo suo, et non pólluent nomen ejus, allelúja.

Secreta

ECCLÉSIAE tuae, quaésumus, Dómine, unitátis et pacis propítius dona concéde: quae sub oblátis munéribus mýstice designántur. Per Dóminum.

Praefatio de Nativitate, quae dicitur per totam Octavam, juxta Rubricas.

Communio 1 Cor. 26-27 Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: ítaque quicúmque manducáverit panem, vel bíberit cálicem Dómini indígne, reus erit córporis et ságuinis Dómini, allelúja.

Postcommunio

FAC nos, quaésumus, Dómine, divinitátis tuae sempitérna fruitióne repléri: quam pretiósí Córporis et Ságuinis tui temporális percéptio praefigúrat: Qui vivis.

* Infra Octavam et in die Octava dicitur Missa ut in Festo. Infra Octavam autem in Missis privatis lectis, Sequentia ad libitum Celebrantis omitti potest, juxta Rubricas.

* Infra Octavam adduntur, ítem juxta Rubricas, Orationes pro diversitate Temporum assignatae, ut supra (in fine Missae Trinitatis).

DOMINICA INFRA OCTAVAM
SANCTISSIMI CORPORIS CHRISTI
SECUNDA POST PENTECOSTEN

Semiduplex

Introitus Ps. 17, 19-20

FACTUS est Dóminus protéctor meus, et edúxit me in latitúdinem: salvum me fecit, quóniam vóluit me. Ps. *ibid.*, 2-3 Díligam te, Dómine, virtus mea: Dóminus firmaméntum meum, et refúgium meum, et liberátor meus. *Vl.* Glória Patri.

Oratio

SANCTI nóminis tui, Dómine, timórem páriter et amórem fac nos habére perpétuum: quia numquam tua gubernatióne destítuisti, quos in soliditáte tuae dilectiόνis instítuisti. Per Dóminum.

Et fit Commemoratio Octavae Ssmi Corporis Christi.

Oratio

DEUS, qui nobis sub Sacraménto mirábili passiónis tuae memóriam reliquisti: tríbue, quaésumus, ita nos Córporis et Sánguini tui sacra mystéria venerári ; ut redemptiόνis tuae fructum in nobis júgiter sentiámus: Qui vivis.

Léctio Epístolae beáti Joánnis Apóstoli.

1 Joann. 3, 13-18

CARÍSSIMI: Nolíte mirári, si odit vos mundus. Nos scimus, quóniam transláti sumus de morte ad vitam, quóniam dilígimus fratres. Qui non díligit, manet in morte: omnis qui odit fratrem suum, homicída est. Et scitis quóniam omnis homicída non habet vitam aetérnam in semetípso manéntem. In hoc cognóvimus caritátem Dei, quóniam ille ánimam suam pro nobis pósuit: et nos debémus pro frátribus ánimas pónere. Qui habúerit substántiam hujus mundi, et víderit fratrem suum necessitátem habére, et cláuserit víscera sua ab eo: quómmodo caritas Dei manet in eo ? Filíoli mei, non dilígámus verbo neque lingua, sed ópere, et veritáte.

Graduale Ps. 119, 1-2 Ad Dóminum cum tribulárer clamávi, et exaudivit me. V/. Dómine, líbera ánimam meam a lábiis iníquis, et a lingua dolósa.

Allelúja , allelúja. V/. Ps. 7, 2 Dómine Deus meus, in te sperávi: salvum me fac ex ómnibus persecuéntibus me, et líbera me. Allelúja.

+ Sequéntia sancti Evangélii secúndum Lucam.

Luc. 14, 16-24

IN illo témpore: Dixit Jesus pharisaéis parábolam hanc: Homo quidam fecit cenam magnam, et vocávit multos. Et misit servum suum hora cenae dícere invitátis ut venírent, quia jam paráta sunt ómnia. Et coepérunt simul omnes excusáre. Primus dixit ei: Villam emi, et necesse hábeo exíre, et vídere illam: rogo te, habe me excusátum. Et alter dixit: Juga boum emi quinque, et eo probáre illa: rogo te, habe me excusátum. Et álius dixit: Uxórem duxi: et ídeo non possum veníre. Et revérsus servus nuntiávit haec dómno suo. Tunc irátus paterfamílias, dixit servo suo: Exi cito in platéas et vicos civitátis: et páuperes, ac débiles, et caecos, et claudos íntroduc huc. Et ait servus: Dómine, factum est ut imperásti, et adhuc locus est. Et ait dóminus servo: Exi in vias, et sepes: et compéllé intráre, ut impleátur domus mea. Dico autem vobis, quod nemo virórum illórum, qui vocáti sunt, gustábit cenam meam.

Credo.

Offertorium Ps. 6, 5 Dómine, convértere, et éripe ánimam meam: salvum me fac propter misericórdiam tuam.

Secreta

OBLÁTIO nos, Dómine, tuo nómini dicánda puríficet: et de die in diem ad caeléstis vitae tránsferat actiόνem. Per Dóminum.

Pro Octava Ssmi Corporis Christi
Secreta

ECCLÉSIAE tuae, quaésumus, Dómine, unitátis et pacis propítius dona concéde: quae sub oblátis munéribus mystice designántur. Per Dóminum.

Praefatio de Nativitate, ratione Octavae ; sed, si Commemoratio Octavae sit omittenda, dicitur Praefatio de Ssma Trinitate, juxta Rubricas.

Communio Ps. 12, 6 Cantábo Dómno, qui bona tríbuit mihi: et psallam nómini Dómini altíssimi.

Postcommunio

SUMPTIS munéribus sacris, quaesumus, Dómine: ut cum frequentatióne mystérii, crescat nostrae salutis efféctus. Per Dóminum.

**Pro Octava Ssmi Corporis Christi
Postcommunio**

FAC nos, quaesumus, Dómine, divinitátis tuae sempitérna fruióne repléri: quam pretiósí Córporis et Sánguinis tui temporális percéptio praefigúrat: Qui vivis.

Feria VI post Octavam Sanctissimi Corporis Christi

**SACRATISSIMI
CORDIS JESU**

Duplex I classis cum Octava privilegiata III Ordinis

Introitus **Ps. 32, 11 et 19**

COGITATIONES Cordis ejus in generatióne et generatióne: ut éruat a morte ánimas eórum, et alat eos in fame. **Ps. ibid., 1** Exsultáte, justí, in Dómino, rectos decet collaudátió. **Vl.** Glória Patri.

Oratio

DEUS, qui nobis, in Corde Fílii tui, nostris vulneráto peccátis, infinitos dilectiúnis thesáuros misericórditer largíri dignáris ; concéde, quaesumus ; ut illi devótum pietátis nostrae praestántes obséquium, dignae quoque satisfactiúnis exhibeámus offíciúm. Per eúndem Dóminum.

Léctio Epístolae beáti Pauli Apóstoli ad Ephésios.
Ephes. 3, 8-12 ; 14-19

FRATRES, mihi ómnium sanctórum múnimo data est grátia haec, in géntibus evangelizáre investigábiles divítias Christi: et illumináre omnes, quae sit dispensatió sacraménti absconditi a saeculis in Deo qui ómnia creávit: ut innotéscat principátibus et potestátibus in caeléstibus per Ecclésiám multifórmis sapiéntia Dei: secúndum praefinitiúnem saeculórum quam fecit in Christo Jesu Dómino nostro, in quo habémus fidúciam et accéssum in confidéntia per fidem ejus. Hujus rei grátia flecto génuá mea ad Patrem Dómini nostri Jesu Christi, ex quo omnis patérnitas in caelis et in terra nominátur: ut det vobis secúndum divítias glóriæ suae, virtúte corroborári per Spíritum ejus in interiorem hóminem: Christum habitáre per fidem in córdibus vestris: in caritate radicáti et fundáti: ut possítis comprehéndere, cum ómnibus sanctis, quae sit latitúdo, et longitúdo, et sublímities et profúndum: scire étiam supereminéntem sciéntiae caritátem Christi, ut impleámini in omnem plenitúdinem Dei.

Graduale Ps. 24, 8-9 Dulcis et rectus Dóminus, propter hoc legem dabit delinquentibus in via. **Vl.** Díriget mansuétos in iudíció, docébit mites vias suas.

Allelúja, allelúja. **Vl. Matth. 11, 29** Tóllite jugum meum super vos et díscite a me, quia mitis sum et húmilis Corde, et inveniétis réquiem animábus vestris. Allelúja.

In Missis votivis post Septuagesimam, omissis Allelúja et Versu sequenti, dicitur:

Tractus Ps. 102, 8-10 Miséricors et miserátor Dóminus, longánimis et multum miséricors. **Vl.** Non in perpétuum irascétur, neque in aetérnum comminábitur. **Vl.** Non secúndum peccáta nostra fecit nobis, neque secúndum iniquitátes nostras retríbuit nobis.

Tempore autem Paschali, omissis Graduali et Tractu, dicitur:

Allelúja, allelúja. **Vl. Matth. 11, 29 et 28** Tóllite jugum meum super vos et díscite a me, quia mitis sum et húmilis Corde, et inveniétis réquiem animábus vestris. Allelúja. **Vl.** Veníte ad me, omnes qui laborátis, et oneráti estis, et ego reficiam vos. Allelúja.

+ Sequéntia sancti Evangélii secúndum Joánnem.
Joann. 19, 31-37

IN illo témpore: Judaéi, quóniam Parascéve erat, ut non remanérent in cruce córpora sábbato, erat enim magnus dies ille sábbati, rogavérunt Pilátum ut frangeréntur eórum crura et tolleréntur. Venérunt ergo mílites, et primi quidem fregérunt crura, et altérius qui crucifíxus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura: sed unus mílitum lancea latus ejus aperúit, et contínuo exívit sanguis et aqua. Et qui vidit, testimónium perhíbuit: et verum est testimónium

ejus. Et ille scit, quia vera dicit: ut et vos credátis. Facta sunt enim haec, ut Scriptúra implerétur: Os non comminuétis ex eo. Et íterum ália Scriptúra dicit: Vidébunt in quem transfixérunt.

Credo.

Offertorium Ps. 68, 21 Improperium expectávit Cor meum et misériam, et sustínui qui simul mecum contristarétur, et non fuit ; consolántem me quaesívi, et non invéni.

Tempore vero Paschali, in Missis votivis, sic mutatur Offertorium:

Offertorium Ps. 39, 7-9 Holocáustum et pro peccáto non postulásti ; tunc dixi: Ecce vénio. In cápite libri scriptum est de me ut fácerem voluntátem tuam: Deus meus, vólui et legem tuam in médio Cordis mei, allelúja.

Secreta

RÉSPICE, quaesumus, Dómine, ad ineffábilem Cordis dilécti Fílii tui caritátem: ut quod offérimus sit tibi munus accéptum, et nostrórum expiátio delictórum. Per eúndem Dóminum.

Praefatio de Sacratissimo Corde Jesu, quae dicitur per totam Octavam, juxta Rubricas.

Communio Joann. 19, 34 Unus mílitum láncea latus ejus apéruit, et contínuo exívit sanguis et aqua.

Tempore autem Paschali, in Missis votivis, sic mutatur Communio:

Communio Joann. 7, 37 Si quis sitit, véniat ad me et bibat, allelúja, allelúja.

Postcommunio

PRBEANT nobis, Dómine Jesu, divínium tua sancta fervórem ; quo dulcíssimi Cordis tui suavitate percépta, discámus terréna despícere, et amáre caeléstia: Qui vivis.

* **Infra Octavam et in die Octava Missa dicitur ut in Festo.**

Infra Octavam autem adduntur, juxta Rubricas, Orationes pro diversitate Temporum assignatae: 2a de S. Maria Concéde nos, 3a contra persecutores Ecclesiae, vel pro Papa.

DOMINICA INFRA OCTAVAM **SACRATISSIMI CORDIS JESU** **TERTIA POST PENTECOSTEN**

Semiduplex

Introitus **Ps. 24, 16 et 18**

RÉSPICE in me, et miserére mei, Dómine: quóniam únicus et pauper sum ego: vide humilitátem meam, et labórem meum: et dimítte ómnia peccáta mea, Deus meus. **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. **Vl.** Glória Patri.

Oratio

PROTÉCTOR in te sperántium, Deus, sine quo nihil est válidum, nihil sanctum: múltiplica super nos misericórdiam tuam ; ut, te rectóre, te duce, sic transeámus per bona temporália, ut non amittámus aetérna. Per Dóminum nostrum Jesum Christum Fílium tuum: Qui tecum vivit et regnat.

Et fit Commemoratio Octavae Sacratissimi Cordis Jesu.

Oratio

DEUS, qui nobis, in Corde Fílii tui, nostris vulneráto peccátis, infinítos dilectiónis thesáuros misericórditer largíri dignáris ; concéde, quaesumus, ut illi devótum pietátis nostrae praestántes obséquium, dignae quoque satisfactiónis exhibeámus offícium. Per eúndem Dóminum.

Léctio Epístolae beáti Petri Apóstoli.

1 Petr. 5, 6-11

CARÍSSIMI: Humiliámini sub poténti manu Dei, ut vos exáltet in témpore visitatiónis: omnem sollicitúdinem vestram projiciéntes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tamquam leo rúgiens circuit, quaerens quem devoret: cui resistite fortes in fide: sciéntes eámdem passióne ei, quae in mundo est, vestrae fraternitati fieri. Deus autem omnis grátiae, qui vocávit nos in aetérnam suam glóriam in Christo Jesu, módicum passus ipse perficiet, confirmábit, solidabítque. Ipsi glória et impérium in saécula saeculórum. Amen.

Graduale Ps. 54, 23, 17 et 19 Jacta cogitátum tuum in Dómino: et ipse te enútriet. **V/.** Dum clamárem ad Dóminum, exaudivit vocem meam ab his, qui appropínquant mihi.
Allelúja , allelúja. **V/.** **Ps. 7, 12** Deus iudex justus, fortis et pátiens, numquid iráscitur per síngulos dies ? Allelúja.

+ Sequéntia sancti Evangéllii secúndum Lucam.

Luc. 15, 1-10

IN illo témpore: Erant appropinquántes ad Jesum publicáni et peccatóres, ut audírent illum. Et murmurábant pharisaéi et scribae, dicéntes: Quia hic peccatóres récipit, et mandúcat cum illis. Et ait ad illos parábolam istam, dicens: Quis ex vobis homo, qui habet centum oves: et si perdíderit unam ex illis, nonne dimíttit nonagintanóvem in desérto, et vadit ad illam, quae perierat, donec invéniat eam ? Et cum invénierit eam, impónit in húmeros suos gaudens: et véniens domum, cónvocat amícos et vicínos, dicens illis: Congratulámini mihi, quia invéni ovem meam, quae perierat ? Dico vobis, quod ita gáudium erit in caelo super uno peccatóre paeniténtiam agénte, quam super nonagintanóvem justis, qui non índigent paeniténtia. Aut quae múlter habens drachmas decem, si perdíderit drachmam unam, nonne accéndit lucernam, et evérrit domum, et quaerit diligénter, donec invéniat ? Et cum invénierit, cónvocat amícas et vicínas, dicens: Congratulámini mihi, quia invéni drachmam, quam perdíderam ? Ita dico vobis: gáudium erit coram Angelis Dei super uno peccatóre paeniténtiam agénte.

Credo.

Offertorium Ps. 9, 11-12 et 13 Sperent in te omnes, qui novérunt nomen tuum, Dómine: quóniam non derelínquis quaeréntes te: psállite Dómino, qui hábitat in Sion: quóniam non est oblítus oratióne páuperum.

Secreta

RÉSPICE, Dómine, múnere supplicántis Ecclésiae: et salúti credéntium perpétua sanctificatióne suménda concéde. Per Dóminum nostrum.

Pro Octava Ssmi Cordis Jesu

Secreta

RÉSPICE, quaésumus, Dómine, ad ineffábilem Cordis dilécti Fílii tui caritátem: ut quod offérimus sit tibi munus accéptum et nostrórum expiátió delictórum. Per eúmdem Dóminum.

Praefatio de Sacratissimo Corde Jesu, ratione Octavae ; sed, si Commemoratio Octavae sit omittenda, dicitur Praefatio de Ssma Trinitate, juxta Rubricas.

Communio Luc. 15, 10 Dico vobis: gáudium est Angelis Dei super uno peccatóre paeniténtiam agénte.

Postcommunio

SANCTA tua nos, Dómine, sumpta vivíficent: et misericórdiae sempitérnae praéparent expiátos. Per Dóminum.

Pro Octava Ssmi Cordis Jesu

Postcommunio

PRBEANT nobis, Dómine Jesu, divínium tua sancta fervórem ; quo dulcíssimi Cordis tui suavitate percépta, discámus terréna despícere, et amáre caeléstia: Qui vivis.

DOMINICA QUARTA
POST PENTECOSTEN

Semiduplex

Introitus **Ps. 26, 1 et 2**

DÓMINUS illuminatio mea, et salus mea, quem timébo ? Dóminus defénsor vitae meae, a quo trepidábo ? qui tríbulant me inimíci mei, ipsi infirmáti sunt, et cecidérunt. **Ps. ibid., 3** Si consístant advérsus me castra: non timébit cor meum. **Vl.** Glória Patri.

Oratio

DA nobis, quaésumus, Dómine: ut et mundi cursus pacífice nobis tuo órđine dirigátur ; et Ecclésia tua tranqúilla devotióne laetétur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 8, 18-23

FRATRES: Existimo quod non sunt condígnae passiónes hujus témporis ad futúram glóriam, quae revelábitur in nobis. Nam exspectatio creatúrae, revelatiónem filiórum Dei exspectat. Vanitati enim creatúra subjécta est non volens, sed propter eum, qui subjécti eam in spe: quia et ipsa creatúra liberábitur a servitute corruptiόνis, in libertátem glóriae filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primítias spíritus habéntes: et ipsi intra nos gémimus adoptiόνem filiórum Dei exspectántes, redemptiόνem córporis nostri: in Christo Jesu Dómino nostro.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum ? **Vl.** Adjuva nos, Deus salutáris noster: et propter honórem nóminis tui, Dómine, líbera nos. Allelúja, allelúja. **Vl. Ps. 9, 5 et 10** Deus, qui sedes super thronum, et júdicas aequitátem: esto refúgium páuperum in tribulatióne. Allelúja.

+ Sequéntia sancti Evangélii secúndum Lucam.

Luc. 5, 1-11

IN illo témpore: Cum turbae irrúerent in Jesum, ut audírent verbum Dei, et ipse stabat secus stagnum Genésareth. Et vidit duas naves stantes secus stagnum: piscatóres autem descénderant, et lavábant rétia. Ascéndens autem in unam navim, quae erat Simónis, rogávit eum a terra reducere pusillum. Et sedens docébat de navícula turbas. Ut cessávit autem loqui, dixit ad Simónem: Duc in altum, et laxáte rétia vestra in captúram. Et respóndens Simon, dixit illi: Praecéptor, per totam noctem laborántes, nihil cépimus: in verbo autem tuo laxábo rete. Et cum hoc fecissent, conclusérunt píscium multitudinem copiósam: rumpebátur autem rete eórum. Et annuérunt sóciis, qui erant in ália navi, ut venírent, et adjuvárent eos. Et venérunt, et implevérunt ambas navículas, ita ut pene mergeréntur. Quod cum vidéret Simon Petrus, prócidit ad génua Jesu, dicens: Exi a me, quia homo peccátor sum, Dómine. Stupor enim circumdéderat eum, et omnes, qui cum illo erant, in captúra píscium, quam céperant: simíliter autem Jacóbum et Joánnem, filios Zebedaí, qui erant sócii Simónis. Et ait ad Simónem Jesus: Noli timére: ex hoc jam hómínes eris cápiens. Et subdúctis ad terram návibus, relíctis ómnibus, secúti sunt eum.

Credo.

Offertorium Ps. 12, 4-5 Illúmina óculos meos, ne umquam obdórmiam in morte: ne quando dicat inimícus meus: Praeválui advérsus eum.

Secreta

OBLATIÓNIBUS nostris, quaésumus, Dómine, placáre suscéptis: et ad te nostras étiam rebélles compéllé propítius voluntátes. Per Dóminum.

Praefatio de Ssma Trinitate.

Communio Ps. 17, 3 Dóminus firmaméntum meum, et refúgium meum, et liberátor meus: Deus meus, adjútor meus.

Postcommunio

MYSTÉRIA nos, Dómine, quaésumus, sumpta puríficent: et suo múnere tueántur. Per Dóminum.

**DOMINICA QUINTA
POST PENTECOSTEN****Semiduplex**Introitus **Ps. 26, 7 et 9**

EXÁUDI, Dómine, vocem meam, qua clamávi ad te: adjútor meus esto, ne derelínquas me, neque despicias me, Deus salutáris meus. Ps. ibid., 1 Dóminus illuminátio mea, et salus mea, quem timébo ? **V/.** Glória Patri.

Oratio

DEUS, qui diligéntibus te bona invisibília praeparásti: infúnde córdibus nostris tui amóris afféctum ; ut te in ómnibus et super ómnia diligétes, promissiónes tuas, quae omne desidérium súperant, consequámur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Petri Apóstoli.

1 Petr. 3, 8-15

CARÍSSIMI: Omnes unánimes in oratióne estóte, compatiétes, fraternitátis amatóres, misericórdes, modésti, húmiles: non reddétes malum pro malo, nec maledíctum pro maledícto, sed e contrário benedicétes: quia in hoc vocáti estis, ut benedictiónem hereditáte possideátis. Qui enim vult vitam dilígere, et dies vidére bonos, coérceat linguam suam a malo, et lábía ejus ne loquántur dolum. Declínet a malo, et fáciat bonum: inquírat pacem, et sequátur eam. Quia óculi Dómini super justos, et aures ejus in preces eórum: vultus autem Dómini super faciétes mala. Et quis est qui vobis nóceat, si boni aemulatóres fuéritis ? Sed et si quid patímuni propter justítiam, beáti. Timórem autem eórum ne timuérítis: et non conturbémini. Dóminum autem Christum sanctificáte in córdibus vestris.

Graduale Ps. 83, 10 et 9 Protéctor noster áspice, Deus, et réspice super servos tuos. **V/.** Dómine Deus virtútum, exáudi preces servórum tuórum.

Allelúja, allelúja. **V/.** **Ps. 20, 1** Dómine, in virtúte tua laetábitur rex: et super salutáre tuum exsultábit veheménter. Allelúja.

+ Sequéntia sancti Evangélii secúndum Matthaéum.

Matth. 5, 20-24

IN illo témpore: Dixit Jesus discíplis suis: Nisi abundáverit justítia vestra plus quam scribárum et pharisaeórum, non intrábitis in regnum caelórum. Audístis, quia dictum est antíquis: Non occídes: qui autem occíderit, reus erit iudício. Ego autem dico vobis: quia omnis, qui iráscitur fratri suo, reus erit iudício. Qui autem díxerit fratri suo, raca: reus erit concílio. Qui autem díxerit, fátue: reus erit gehénnae ignis. Si ergo offers munus tuum ad altáre, et ibi recordátus fuéris, quia frater tuus habet áliquíd advérsus te: relínque ibi munus tuum ante altáre, et vade prius reconciliári fratri tuo: et tunc véniens offeres munus tuum.

Credo.

Offertorium Ps. 15, 7 et 8 Benedícam Dóminum, qui tríbuit mihi intelléctum: providébam Deum in conspéctu meo semper: quóniam a dextris est mihi, ne commóvear.

Secreta

PROPITIÁRE Dómine, supplicatióibus nostris: et has oblatiões famulórum famularúmque tuárum benígnus assúme ; ut, quod sínguli obtulérunt ad honórem nóminis tui, cunctis proficiat ad salutem. Per Dóminum.

Praefatio de Ssma Trinitate.

Communio Ps. 26, 4 Unam pétii a Dómino, hanc requíram: ut inhábitem in domo Dómini ómnibus diébus vitae meae.

Postcommunio

QUOS caelésti, Dómine, dono satiásti: praesta, quaésumus ; ut a nostris mundémur occúltis, et ab hóstium

DOMINICA SEXTA
POST PENTECOSTEN

Semiduplex

Introitus **Ps. 27, 8-9**

DÓMINUS fortitúdo plebis suae, et protéctor salutárium Christi sui est: salvum fac pópulum tuum, Dómine, et bénedic hereditáti tuae, et rege eos usque in saéculum. **Ps. ibid. 1** Ad te, Dómine, clamábo, Deus meus, ne síleas a me: ne quando táceas a me, et assimilábor descendéntibus in lacum **V/**. Glória Patri.

Oratio

DEUS virtútum, cujus est totum quod est óptimum: ínsere pectóribus nostris amórem tui nóminis, et praesta in nobis religiónis augméntum ; ut, quae sunt bona, nútrias, ac pietátis stúdio, quae sunt nutríta, custódiás. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 6, 3-11

FRATRES: Quicúmque baptizáti sumus in Christo Jesu, in morte ipsíus baptizáti sumus. Consepúliti enim sumus cum illo per baptísmum in mortem: ut quómodo Christus surréxit a mórtuis per glóriam Patris, ita et nos in novitáte vitae ambulémus. Si enim complantáti facti sumus similitúdini mortis ejus: simul et resurrectionis érimus. Hoc sciéntes, quia vetus homo noster simul crucifíxus est: ut destruátur corpus peccáti, et ultra non serviámus peccáto. Qui enim mórtuus est, justificátus est a peccáto. Si autem mórtui sumus cum Christo: crédimus quia simul étiam vivémus cum Christo: sciéntes quod Christus resúrgens ex mórtuis, jam non móritur, mors illi ultra non dominábitur. Quod enim mórtuus est peccáto, mórtuus est semel: quod autem vivit, vivit Deo. Ita et vos existimáte, vos mórtuos quidem esse peccáto, vivéntes autem Deo, in Christo Jesu Dómino nostro.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V/**. Dómine, refúgium factus es nobis, a generatióne et progénie.

Allelúja , allelúja. **V/**. **Ps. 30, 2-3** In te, Dómine, sperávi, non confúndar in aetérnum: in justítia tua líbera me, et éripe me: inclína ad me aurem tuam, accélera, ut erípias me. Allelúja.

+ Sequéntia sancti Evangélii secúndum Marcum.

Marc. 8, 1-9

IN illo témpore: Cum turba multa esset cum Jesu, nec habérent quod manducárent, convocátis discípulis, ait illis: Miséreor super turbam: quia ecce jam tríduo sústinent me, nec habent quod mandúcent: et si dimísero eos jejúnos in domum suam, deficiet in via: quidam enim ex eis de longe venérunt. Et responderunt ei discípuli sui: Unde illos quis póterit hic saturáre pánibus in solitúdine ? Et interrogávit eos: Quot panes habétis ? Qui dixerunt: Septem. Et praecépit turbae discúmbere super terram. Et accípiens septem panes, grátias agens fregit, et dabat discípulis suis, ut appónerent, et apposuerunt turbae. Et habébant piscículos paucos: et ipsos benedíxit, et jussit appóni. Et manducavérunt, et saturáti sunt, et sustulérunt quod superáverat de fragméntis, septem sportas. Erant autem qui manducáverant, quasi quátuor míllia: et dimísit eos.

Credo.

Offertorium Ps. 16, 5, 6-7 Pérfice gressus meos in sémitis tuis, ut non moveántur vestígia mea: inclína aurem tuam, et exáudi verba mea: mirífica misericórdias tuas, qui salvos facis sperántes in te, Dómine.

Secreta

PROPITIÁRE, Dómine, supplicatióibus nostris: et has pópuli tui oblatiões benígnus assúme: et ut nullíus sit irritum votum, nullíus vácuá postulátió, praesta ; ut, quod fidéliter pétimus, effícaciter consequámur. Per Dóminum.

Praefatio de Ssma Trinitate.

Communio Ps. 26, 6 Circuibo, et immolábo in tabernáculo ejus hóstiam jubilatiónis: cantábo, et psalmum dicam Dómino.

Postcommunio

REPLÉTI sumus, Dómine, munéribus tuis: tríbue, quaésumus ; ut eórum et mundémur efféctu, et muniámur auxilió. Per Dóminum.

DOMINICA SEPTIMA POST PENTECOSTEN

Semiduplex

Introitus **Ps. 46, 2**

OMNES gentes, pláudite mánibus: jubiláte Deo in voce exsultatiónis. **Ps. ibid., 3** Quóniam Dóminus excélsus, terríbilis: Rex magnus super omnem terram. **Vl.** Glória Patri.

Oratio

DEUS, cujus providéntia in sui dispositiÓne non fállitur: te súpplíces exorámus ; ut nóxia cuncta submóveas, et ómnia nobis profutúra concédas. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 6, 19-23

FRATRES: Humánum dico, propter infirmitátem carnis vestrae: sicut enim exhibuístis membra vestra servíre immundítiae, et iniquitáti ad iniquitátem, ita nunc exhibéte membra vestra servíre justítiae in sanctificatióne. Cum enim servi essétis peccáti, líberi fuístis justítiae. Quem ergo fructum habuístis tunc in illis, in quibus nunc erubéscitis ? Nam finis illórum mors est. Nunc vero liberáti a peccáto, servi autem facti Deo, habétis fructum vestrum in sanctificatióne, finem vero vitam aetérnam. Stipéndia enim peccáti, mors. Grátia autem Dei, vita aetérna, in Christo Jesu Dómino nostro.

Graduale Ps. 33, 12 et 6 Veníte, filii, audíte me: timórem Dómini docébo vos. **Vl.** Accédite ad eum, et illuminámini: et fácies vestrae non confundéntur.

Allelúja , allelúja. **Vl. Ps. 46, 2** Omnes gentes, pláudite mánibus: jubiláte Deo in voce exsultatiónis. Allelúja.

+ Sequéntia sancti Evangéllii secúndum Matthaéum.

Matth. 7, 15-21

IN illo témpore: Dixit Jesus discíplis suis: Atténdite a falsis prophétis, qui véniunt ad vos in vestiméntis óvium, intrínsecus autem sunt lupi rapáces: a frúctibus eórum cognoscétis eos. Numquid cólligunt de spinis uvas, aut de tríbulis ficus ? Sic omnis arbor bona fructus bonos facit: mala autem arbor malos fructus facit. Non potest arbor bona malos fructus fácere: neque arbor mala bonos fructos fácere. Omnis arbor, quae non facit fructum bonum, excidétur, et in ignem mittétur. Igitur ex frúctibus eórum cognoscétis eos. Non omnis, qui dicit mihi, Dómine, Dómine, intrábit in regnum caelórum: sed qui facit voluntátem Patris mei, qui in caelis est, ipse intrábit in regnum caelórum.

Credo.

Offertorium Dan. 3, 40 Sicut in holocáustis ariétum et taurórum, et sicut in míllibus agnórum pínguium: sic fiat sacrificium nostrum in conspéctu tuo hódie, ut pláceat tibi: quia non est confúsió confidéntibus in te, Dómine.

Secreta

DEUS, qui legálium differéntiam hostiárum uníus sacrificii perfectiÓne sanxísti: áccipe sacrificium a devótis tibi fámulis, et pari benedictiÓne, sicut múnera Abel, sanctífica ; ut, quod sínguli obtulérunt ad majestátis tuae honórem, cunctis proficiat ad salútem. Per Dóminum.

Praefatio de Ssma Trinitate.

Communio Ps. 30, 3 Inclína aurem tuam, accélera, ut erípias me.

Postcommunio

TUA nos, Dómine, medicinális operátio, et a nostris perversitatibus cleménter expédiat, et ad ea quae sunt recta, perdúcat. Per Dóminum.

DOMINICA OCTAVA
POST PENTECOSTEN

Semiduplex

Introitus **Ps. 47, 10-11**

SUSCÉPIMUS, Deus, misericórdiam tuam in médio templi tui: secúndum nomen tuum, Deus, ita et laus tua in fines terrae: justítia plena est dextera tua. **Ps. ibid., 2** Magnus Dóminus, et laudábilis nimis: in civitate Dei nostri, in monte sancto ejus. **Vl.** Glória Patri.

Oratio

LARGÍRE nobis, quaesumus, Dómine, semper spíritum cogitánda quae recta sunt, propítius et agénda: ut, qui sine te esse non póssumus, secúndum te vívere valeámus. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 8, 12-17

FRATRES: Debitóres sumus non carni, ut secúndum carnem vivámus. Si enim secúndum carnem vixeritis, moriémini: si autem spíritu facta carnis mortificaveritis, vivétis. Quicumque enim spíritu Dei agúntur, ii sunt filii Dei. Non enim accepístis spíritum servitútis íterum in timóre, sed accepístis spíritum adoptiónis filiórum, in quo clamámus: Abba (Pater) . Ipse enim Spíritus testimónium reddit spíritui nostro, quod sumus filii Dei. Si autem filii, et heredes: heredes quidem Dei, coheredes autem Christi.

Graduale Ps. 30, 3 Esto mihi in Deum protectórem, et in locum refúgii, ut salvum me fácias. **Vl. Ps. 70, 1** Deus, in te sperávi: Dómine, non confúndar in aetérnum.

Allelúja, allelúja. **Vl. Ps. 47, 2** Magnus Dóminus, et laudábilis valde: in civitate Dei nostri, in monte sancto ejus. Allelúja.

+ Sequéntia sancti Evangélii secúndum Lucam.

Luc. 16, 1-9

IN illo témpore: Dixit Jesus discipulis suis parábolam hanc: Homo quidam erat dives, qui habébat villicum: et hic diffamátus est apud illum, quasi dissipáset bona ipsíus. Et vocávit illum, et ait illi: Quid hoc áudio de te ? redde ratiónerem villicatiónis tuae: jam enim non póteris villicáre. Ait autem villicus intra se: Quid fáciam, quia dóminus meus aufert a me villicatiónerem ? fódere non váleo, mendicáre erubésco. Scio quid fáciam, ut, cum amótus fúero a villicatióne, recípiant me in domos suas. Convocátis itaque síngulis debitóribus dómni sui, dicebat primo: Quantum debes dómno meo ? At ille dixit: Centum cados ólei. Dixítque illi: Accipe cautiónerem tuam: et sede cito, scribe quinquagínta. Deínde álíi dixit: Tu vero quantum debes ? Qui ait: Centum coros trítici. Ait illi: Accipe líttas tuas, et scribe octogínta. Et laudávit dóminus villicum iniquitátis, quia prudénter fecísset: quia filii hujus saéculi prudentióres filiis lucis in generatióne sua sunt. Et ego vobis dico: fácite vobis amícos de mammóna iniquitátis: ut, cum defeceritis, recípiant vos in aetérna tabernácula.

Credo.

Offertorium Ps. 17, 28 et 32 Pópulum húmílem salvum fácies, Dómine, et óculos superbórum humiliábis: quóniam quis Deus praeter te, Dómine ?

Secreta

SÚSCIPE, quaesumus, Dómine, múnera, quae tibi de tua largitate deférimus: ut haec sacrosáncta mystéria, grátiae tuae operánte virtúte, et praeséntis vitae nos conversatióne sanctificent, et ad gáudia sempitérna perdúcant. Per Dóminum.

Praefatio de Ssma Trinitate.

Communio Ps. 33, 9 Gustáte et vidéte, quóniam suávis est Dóminus: beátus vir, qui sperat in eo.

Postcommunio

SIT nobis, Dómine, reparátio mentis et córporis caeléste mystérium: ut, cujus exséquimur cultum, sentiámus efféctum. Per Dóminum nostrum.

DOMINICA NONA
POST PENTECOSTEN

Semiduplex

Introitus **Ps. 53, 6-7**

ECCE Deus ádjuvat me, et Dóminus suscéptor est ánimae meae: avérte mala inimícis meis, et in veritáte tua dispérde illos, protéctor meus, Dómine. **Ps. ibid., 3** Deus, in nómine tuo salvum me fac: et in virtúte tua libera me. **Vl.** Glória Patri.

Oratio

PÁTEANT aures misericórdiae tuae, Dómine, précibus supplicántium: et, ut peténtibus desideráta concédas ; fac eos, quae tibi sunt plácita, postuláre. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Corínthios.

1 Cor. 10, 6-13

FRATRES: Non simus concupiscéntes malórum, sicut et illi concupiérunt. Neque idolólatrae efficiámini, sicut quidam ex ipsis: quemádmódu scriptum est: Sedit pópulus manducáre et bíbere, et surrexérunt lúdere. Neque fornícemur, sicut quidam ex ipsis fornicáti sunt, et cecidérunt una die viginti tria míllia. Neque tentémus Christum, sicut quidam eórum tentavérunt, et a serpéntibus periérunt. Neque murmuravéritis, sicut quidam eórum murmuravérunt, et periérunt ab exterminatóre. Haec autem ómnia in figúra contingébant illis: scripta sunt autem ad correptiónem nostram, in quos fines saeculórum devenérunt. Itaque qui se exístimat stare, vídeat ne cadat. Tentátio vos non apprehéndat, nisi humana: fidélis autem Deus est, qui non patiétur vos tentári supra id quod potéstis, sed fáciat étiam cum tentatióne provéntum, ut possítis sustinére.

Graduale Ps. 8, 2 Dómine Dóminus noster, quam admirábile est nomen tuum in univérta terra ! **Vl.** Quóniam eleváta est magnificéntia tua super caelos.

Allelúja , allelúja. **Vl. Ps. 58, 2** Eripe me de inimícis meis, Deus meus: et ab insurgéntibus in me libera me. Allelúja.

+ Sequéntia sancti Evangélíi secúndum Lucam.

Luc. 19, 41-47

IN illo témpore: Cum appropinquáret Jesus Jerúsalem, videns civitátem, flevit super illam, dicens: Quia si cognovísses et tu, et quidem in hac die tua, quae ad pacem tibi, nunc autem abscóndita sunt ab óculis tuis. Quia vénient dies in te: et circumdábunt te inimíci tui vallo, et circumdábunt te: et coangustábunt te úndique: et ad terram prostérnent te, et filios tuos, qui in te sunt, et non relínquent in te lápidem super lápidem: eo quod non cognóveris tempus visitatiónis tuae. Et ingressus in templum, coepit eijcere vendétes in illo, et eméntes, dicens illis: Scriptum est: Quia domus mea domus oratiónis est. Vos autem fecístis illam spelúncam latrónum. Et erat docens quotídie in templo.

Credo.

Offertorium Ps. 18, 9, 10, 11 et 12 Justítiae Dómini rectae, laeticántes corda, et judícia ejus dulcióra super mel et favum: nam et servus tuus custódit ea.

Secreta

CONCÉDE nobis, quaésumus, Dómine, haec digne frequentáre mystéria: quia, quóties hujus hóstiae commemorátio celebrátur, opus nostrae redemptiúnis exercétur. Per Dóminum.

Praefatio de Ssma Trinitate.

Communio Joann. 6, 57 Qui mandúcat meam carnem, et bibit meum ságuinem, in me manet, et ego in eo, dicit Dóminus.

Postcommunio

TUI nobis, quaésumus, Dómine, commúnio sacraménti, et purificatióem cónferat, et tríbuat unitátem. Per Dóminum.

DOMINICA DECIMA
POST PENTECOSTEN

Semiduplex

Introitus **Ps. 54, 17, 18, 20 et 23**

CUM clamárem ad Dóminum, exaudivit vocem meam, ab his, qui appropínquant mihi: et humiliávit eos, qui est ante saécula, et manet in aetérnum: jacta cogitátum tuum in Dómino, et ipse te enútriet. **Ps. ibid., 2-3** Exáudi, Deus, oratióem meam, et ne despéxeris deprecatióem meam: inténde mihi, et exáudi me. **Vl.** Glória Patri.

Oratio

DEUS, qui omnipoténtiam tuam parcéndo máxime et miserándo maniféstas: múltiplica super nos misericórdiam tuam ; ut ad tua promíssa currétes, caeléstium bonórum fácias esse consórtes. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Corínthios.

1 Cor. 12, 2-11

FRATRES: Scitis quóniam cum gentes essétis ad simulácula muta prout ducebámini eúntes. Ideo notum vobis fácio, quod nemo in Spíritu Dei loquens, dicit anáthema Jesu. Et nemo potest dícere, Dóminus Jesus, nisi in Spíritu Sancto. Divisiónes vero gratiárum sunt, idem autem Spíritus. Et divisiónes ministratiónum sunt, idem autem Dóminus. Et divisiónes operatiónum sunt, idem vero Deus, qui operátur ómnia in ómnibus. Unicuíque autem datur manifestátió Spíritus ad utilitátem. Alii quidem per Spíritum datur sermo sapiéntiae: álii autem sermo sciéntiae secúndum eúmdem Spíritum: álii fides in eódem Spíritu: álii grátia sanitátum in uno Spíritu: álii operátió virtútum, álii prophetía, álii discrétio spírituum, álii génera linguárum, álii interpretátió sermónum. Haec autem ómnia operátur unus atque idem Spíritus, dívidens singulis prout vult.

Graduale Ps. 16, 8 et 2 Custódi me, Dómine, ut pupíllam óculi: sub umbra alárum tuárum prótege me. **Vl.** De vultu tuo iudícium meum pródeat: óculi tui vídeant aequitátem. Allelúja , allelúja. **Vl. Ps. 64, 2** Te decet hymnus, Deus, in Sion: et tibi reddétur votum in Jerúsalem. Allelúja.

+ Sequéntia sancti Evangéllii secúndum Lucam.

Luc. 18, 9-14

IN illo témpore: Dixit Jesus ad quosdam, qui in se confidébant tamquam justi, et aspernabántur céteros, parábolam istam: Duo hómines ascendérunt in templum ut orárent: unus pharisaéus, et alter publicánus. Pharisaéus stans, haec apud se orábat: Deus, grátias ago tibi, quia non sum sicut céteri hóminum: raptóres, injústi, adúlteri: velut étiam hic publicánus. Jejúno bis in sábbato: décimas do ómnium, quae possídeo. Et publicánus a longe stans nolébat nec óculos ad caelum leváre: sed percutiébat pectus suum, dicens: Deus, propítius esto mihi peccatóri. Dico vobis: descendit hic justificátus in domum suam ab illo: quia omnis qui se exáltat, humiliábitur: et qui se humiliat, exaltábitur.

Credo.

Offertorium Ps. 24, 1-3 Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei: étenim univérsi, qui te expéctant, non confundéntur.

Secreta

TIBI, Dómine, sacrificia dicáta reddántur: quae sic ad honórem nóminis tui deferénda tribuísti, ut éadem remédia fieri nostra praestáres. Per Dóminum.

Praefatio de Ssma Trinitate.

Communio Ps. 50, 21 Acceptábis sacrificium justítiae, oblatiónes, et holocáusta, super altáre tuum, Dómine.

Postcommunio

QUSUMUS, Dómine Deus noster: ut, quos divínis reparáre non désinis sacraméntis, tuis non destítuas benígnus auxiliis. Per Dóminum.

**DOMINICA UNDECIMA
POST PENTECOSTEN****Semiduplex****Introitus Ps. 67, 6-7 et 36**

DEUS in loco sancto suo: Deus qui inhabitáre facit unánimes in domo: ipse dabit virtútem, et fortitúdinem plebi suae. **Ps. ibid., 2** Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. **V.** Glória Patri.

Oratio

OMNÍPOTENS sempitérne Deus, qui abundántia pietátis tuae, et mérita súpplícum excédis et vota: effúnde super nos misericórdiam tuam ; ut dimíttas quae consciéntia méruit, et adjícias quod orátio non praesúmit. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Corínthios.

1 Cor. 15, 1-10

FRATRES: Notum vobis fácio Evangélium, quod praedicávi vobis, quod et accepístis, in quo et statis, per quod et salvámini: qua ratióne praedicáverim vobis, si tenétis, nisi frustra credidístis. Trádidí enim vobis in primis, quod et accépi: quóniam Christus mórtuus est pro peccátis nostris secúndum Scriptúras: et quia sepúltus est, et quia resurrexit tértia die secúndum Scriptúras: et quia visus est Cephae, et post hoc úndecim. Deínde visus est plus quam quingéntis frátribus simul, ex quibus multi manent usque adhuc, quidam autem dormiérunt. Deínde visus est Jacóbo, deínde Apóstolis ómnibus: novíssime autem ómnium tamquam abortívo, visus est et mihi. Ego enim sum mínimus Apostolórum, qui non sum dignus vocári Apóstolus, quóniam persecútus sum Ecclésiám Dei. Grátia autem Dei sum id quod sum, et grátia ejus in me vácuá non fuit.

Graduale Ps. 27, 7 et 1 In Deo sperávit cor meum, et adjútus sum: et reflóruit caro mea, et ex voluntáte mea confitébor illi. **V.** Ad te, Dómine, clamávi: Deus meus, ne síleas, ne discédas a me.

Allelúja, allelúja. **V.** **Ps. 80, 2-3** Exsultáte Deo adjutóri nostro, jubiláte Deo Jacob: súmíte psalmum jucúndum cum cíthara. Allelúja.

+ Sequéntia sancti Evangélii secúndum Marcum.

Marc. 7, 31-37

IN illo témpore: Exiens Jesus de fínibus Tyri, venit per Sidónem ad mare Galilaéae, inter médios fines Decapóleos. Et addúcunt ei surdum et mutum, et deprecabántur eum, ut impónat illi manum. Et apprehéndens eum de turba seórsum, misit dígitos suos in aurículas ejus: et éxspuens, tétigit linguam ejus: et suspiciens in caelum, ingémuit, et ait illi: Ephphetha, quod est adaperíre. Et statim apértae sunt aures ejus, et solútum est vínculum línguae ejus, et loquebátur recte. Et praecépit illis, ne cui dícerent. Quanto autem eis praeciپیbat, tanto magis plus praedicábant: et eo ámplius admirabántur, dicéntes: Bene ómnia fecit: et surdos fecit audíre, et mutos loqui.

Credo.

Offertorium Ps. 29, 2-3 Exaltábo te, Dómine, quóniam suscepísti me, nec delectásti inimícos meos super me: Dómine, clamávi ad te, et sanásti me.

Secreta

RÉSPICE, Dómine, quaesumus, nostram propítius servitútem: ut, quod offérimus, sit tibi munus accéptum, et sit nostrae fragilitátis subsidiúm. Per Dóminum.

Praefatio de Ssma Trinitate.

Communio Prov. 3, 9-10 Honóra Dóminum de tua substántia, et de primitiis frugum tuárum: et implebúntur hórrea tua saturitáte, et vino torculária redundábunt.

Postcommunio

SENTIÁMUS, quaesumus, Dómine, tui perceptióne sacraménti, subsidiúm mentis et córporis: ut in utróque salváti, caeléstis remédii plenitúdine gloriémur. Per Dóminum.

DOMINICA DUODECIMA
POST PENTECOSTEN

Semiduplex

Introitus **Ps. 69, 2 et 3**

DEUS, in adjutórium meum inténde: Dómine, ad adjuvándum me festína: confundántur et revereántur inimíci mei, qui quaerunt ánimam meam. **Ps. ibid., 4** Avertántur retrórsum, et erubéscant: qui cógitant mihi mala. **Vl.** Glória Patri.

Oratio

OMNÍPOTENS et miséricors Deus, de cuius múnere venit, ut tibi a fidélibus tuis digne et laudabíliter serviátur: tribue, quaesumus, nobis ; ut ad promissiónes tuas sine offensióne currámus. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Corínthios.

2 Cor. 3, 4-9

FRATRES: Fidúciam talem habémus per Christum ad Deum: non quod sufficiéntes simus cogitáre áliquid a nobis, quasi ex nobis: sed sufficiéntia nostra ex Deo est: qui et idóneos nos fecit minístros novi testaménti: non líttera, sed spírítu: líttera enim occídít, spírítus autem vivíficat. Quod si ministrátio mortis, lítteris deformáta in lapídibus, fuit in glória ; ita ut non possent inténdere filii Israèl in fáciem Móysi, propter glóriam vultus ejus, quae evacuátur: quómodo non magis ministrátio Spírítus erit in glória ? Nam si ministrátio damnatiónis glória est: multo magis abúndat ministérium justítiae in glória.

Graduale Ps. 33, 2-3 Benedícám Dóminum in omni témpore: semper laus ejus in ore meo. **Vl.** In Dómino laudábitur ánima mea: áudiant mansuétí, et laeténtur.

Allelúja, allelúja. **Vl. Ps. 87, 2** Dómine Deus salutis meae, in die clamávi et nocte coram te. Allelúja.

+ Sequéntia sancti Evangélii secúndum Lucam.

Luc. 10, 23-37

IN illo témpore: Dixit Jesus discípulis suis: Beáti óculi, qui vident quae vos vidétis. Dico enim vobis, quod multi prophéetae et reges voluérunt vidére quae vos vidétis, et non vidérunt: et audíre quae audítis, et non audíerunt. Et ecce quidam legisperítus surréxit, tentans illum, et dicens: Magíster, quid faciéndum vitam aetérnam possidébo ? At ille dixit ad eum: In lege quid scriptum est ? quómodo legis ? Ille respóndens, dixit: Díliges Dóminum Deum tuum ex toto corde tuo, et ex tota ánima tua, et ex ómnibus víribus tuis, et ex omni mente tua: et próximum tuum sicut teípsum. Dixítque illi: Recte respondísti: hoc fac, et vives. Ille autem volens justificáre seípsum, dixit ad Jesum: Et quis est meus próximus ? Suscípíens autem Jesus, dixit: Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum: et plagis impóstitis abiérunt, semivívo relícto. Accidit autem, ut sacérdos quidam descendéret eádem via: et viso illo praeterívit. Simíliter et levíta, cum esset secus locum, et vidéret eum, pertránsiit. Samaritánus autem quidam iter faciens, venit secus eum: et videns eum, misericórdia motus est. Et apprópians alligávit vúlnera ejus, infúndens óleum et vinum: et impónens illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum rediero, reddam tibi. Quis horum trium vidétur tibi próximus fuisse illi, qui incidit in latrónes ? At ille dixit: Qui fecit misericórdiam in illum. Et ait illi Jesus: Vade, et tu fac simíliter.

Credo.

Offertorium Exodi 32, 11, 13 et 14 Precátus est Móyses in conspéctu Dómini Dei sui, et dixit: Quare, Dómine, irásceris in pópulo tuo ? Parce irae ánimaе tuae: meménto Abraham, Isaac, et Jacob, quibus jurásti dare terram fluéntem lac et mel. Et placátus factus est Dóminus de malignitáte, quam dixit fácere pópulo suo.

Secreta

HÓSTIAS, quaésumus, Dómine, propítius inténde, quas sacris altáribus exhibémus: ut nobis indulgéntiam largiéndo, tuo nómini dent honórem. Per Dóminum.

Praefatio de Ssma Trinitate.

Communio Ps. 103, 13 et 14-15 De fructu óperum tuórum, Dómine, satiábitur terra: ut edúcas panem de terra, et vinum laetíficet cor hóminis: ut exhiláret fáciem in óleo, et panis cor hóminis confírmet.

Postcommunio

VIVÍFICET nos, quaésumus, Dómine, hujus participátio sancta mystérii: et páriter nobis expiatiónem tríbuat, et munímen. Per Dóminum.

DOMINICA DECIMA TERTIA
POST PENTECOSTEN

Semiduplex

Introitus **Ps. 73, 20, 19 et 23**

RÉSPICE, Dómine, in testaméntum tuum, et ánimas páuperum tuórum ne derelínquas in finem: exsúrge, Dómine, et júdica causam tuam, et ne obliviscáris voces quaeréntium te. **Ps. ibid., 1** Ut quid, Deus, repulísti in finem: irátus est furor tuus super oves páscuae tuae ? **VI.** Glória Patri.

Oratio

OMNÍPOTENS sempitérne Deus, da nobis fidei, spei et caritátis augméntum: et, ut mereámur ássequi quod promíttis, fac nos amáre quod praecipis. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Gálatas.

Gal. 3, 16-22

FRATRES: Abrahae dictae sunt promissiones, et sémini ejus. Non dicit: Et semínibus, quasi in multis ; sed quasi in uno: Et sémini tuo, qui est Christus. Hoc autem dico: testaméntum confirmátum a Deo, quae post quadringéntos et trigínta annos facta est lex, non írritum facit ad evacuándam promissionem. Nam si ex lege heréditas, jam non ex promissione. Abrahae autem per repromissionem donávit Deus. Quid ígitur lex ? Propter transgressiónes pósita est donec veníret semen, cui promiserat, ordináta per Angelos in manu mediátoris. Mediátor autem uníus non est: Deus autem unus est. Lex ergo advérsus promíssa Dei ? Absit. Si enim data esset lex, quae posset vivificáre, vere ex lege esset justítia. Sed conclúsit Scriptúra ómnia sub peccáto, ut promíssio et fide Jesu Christi darétur credéntibus.

Graduale Ps. 73, 20, 19 et 22 Réspice, Dómine, in testaméntum tuum: et ánimas páuperum tuórum ne obliviscáris in finem. **VI.** Exsúrge, Dómine, et júdica causam tuam: memor esto oppróbrii servórum tuórum. Allelúja , allelúja. **VI.** **Ps. 89, 1** Dómine, refúgium factus es nobis a generatióne et progénie. Allelúja.

+ Sequéntia sancti Evangélii secúndum Lucam.

Luc. 17, 11-19

IN illo témpore: Dum iret Jesus in Jerúsalem, transibat per médiam Samaríam et Galilaéam. Et cum ingrederétur quoddam castéllum, occurrérunt ei decem viri leprósi, qui stetérunt a longe ; et levavérunt vocem dicéntes: Jesu praecéptor, miserére nostri. Quos ut vidit, dixit: Ite, osténdite vos sacerdotibus. Et factum est, dum irent, mundáti sunt. Unus autem ex illis, ut vidit quia mundátus est, regréssus est, cum magna voce magníficans Deum, et cécidit in fáciem ante pedes ejus, grátias agens: et hic erat

Samaritánus. Respóndens autem Jesus, dixit: Nonne decem mundáti sunt ? et novem ubi sunt ? Non est invéntus qui redíret, et daret glóriam Deo, nisi hic alienígena. Et ait illi: Surge, et vade ; quia fides tua te salvum fecit.

Credo.

Offertorium Ps. 30, 15-16 In te sperávi, Dómine ; dixi: Tu es Deus meus, in mánibus tuis témpora mea.

Secreta

PROPITIÁRE, Dómine, pópulo tuo, propitiáre munéribus: ut hac oblatióne placátus, et indulgéntiam nobis tríbuas, et postuláta concédas. Per Dóminum.

Praefatio de Ssma Trinitate.

Communio Sap. 16, 20 Panem de caelo dedísti nobis, Dómine, habéntem omne delectaméntum, et omnem sapórem suavitátis.

Postcommunio

SUMPTIS, Dómine, caeléstibus sacraméntis: ad redemptiónis aetérnae, quaesumus, proficiámus augméntum. Per Dóminum.

DOMINICA DECIMA QUARTA
POST PENTECOSTEN

Semiduplex

Introitus Ps. 83, 10-11

PROTÉCTOR noster, aspice, Deus, et respice in fáciem Christi tui: quia mélior est dies una in átriis tuis super millia. **Ps. ibid., 2-3** Quam dilécta tabernácula tua, Dómine virtútum ! concupiscit, et déficit ánima mea in átria Dómini. **Vl.** Glória Patri.

Oratio

CUSTÓDI, Dómine, quaesumus Ecclésiám tuam propitiatióne perpétua: et quia sine te lábitur humana mortálitás ; tuis semper auxiliis et abstrahátur a nóxiis, et ad salutária dirigátur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Gálatas.

Gal. 5, 16-24

FRATRES: Spíritu ambuláte, et desidéria carnis non perficiétis. Caro enim concupiscit advérsus spíritum, spíritus autem advérsus carnem: haec enim sibi invicem adversántur, ut non quaecúmque vultis, illa faciátis. Quod si spíritu ducímur, non estis sub lege. Manífesta sunt autem ópera carnis, quae sunt fornicatió, immundítia, impudicítia, luxúria, idolórum sérvitus, venefícia, inimicítiae, contentiónes, aemulatiónes, irae, rixae, dissensiónes, sectae, invídiae, homicidia, ebrietátes, comessatiónes, et his simília: quae praedico vobis, sicut praedixi: quóniam, qui tália agunt, regnum Dei non consequéntur. Fructus autem Spíritus est: caritas, gáudium, pax, paciéntia, benígnitas, bónitas, longanimitas, mansuetúdo, fides, modéstia, continéntia, cástitas. Advérsus hujúsmodi non est lex. Qui autem sunt Christi, carnem suam crucifixérunt cum vítiis et concupiscéntiis.

Graduale Ps. 117, 8-9 Bonum est confídere in Dómino, quam confídere in hómine. **Vl.** Bonum est speráre in Dómino, quam speráre in princípibus.

Allelúja, allelúja. **Vl. Ps. 94, 1** Veníte, exsultémus Dómino, jubilémus Deo salutári nostro. Allelúja.

+ Sequéntia sancti Evangélii secúndum Matthaéum.

Matth. 6, 24-33

IN illo témpore: Dixit Jesus discípulis suis: Nemo potest duóbus dóminis servíre: aut enim unum ódio habébit, et álterum diliget: aut unum sustinébit, et álterum contémnet. Non potéstis Deo servíre, et mammónae. Ideo dico vobis, ne sollíciti sitis ánimae vestrae quid manducétis, neque córpori vestro quid induámur. Nonne ánima plus est quam esca: et corpus plus quam vestiméntum ? Respícite volatília caeli,

quóniam non serunt, neque metunt, neque cóngregant in hórrea: et Pater vester caeléstis pascit illa. Nonne vos magis pluris estis illis ? Quis autem vestrum cógitans potest adjícere ad statúram suam cúbitum unum ? Et de vestiménto quid sollíciti estis ? Consideráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fenum agri, quod hódie est, et cras in clíbanum míttitur, Deus sic vestit: quanto magis vos módicæ fidei ? Nolíte ergo sollíciti esse, dicéntes: Quid manducábimus, aut quid bibémus, aut quo operiémur ? Haec enim ómnia gentes inquírunť. Scit enim Pater vester, quia his ómnibus indigétis. Quaérite ergo primum regnum Dei, et justítiam ejus: et haec ómnia adjiciéntur vobis.

Credo.

Offertorium Ps. 33, 8-9 Immíttet Angelus Dómini in circúitu timéntium eum, et erípiet eos: gustáte, et vidéte, quóniam suávis est Dóminus.

Secreta

CONCÉDE nobis, Dómine, quaésumus, ut haec hóstia salutáris, et nostrórum fiat purgátio delictórum, et tuæ propitiátio potestátis. Per Dóminum.

Praefatio de Ssma Trinitate.

Communio Matth. 6, 33 Primum quaérite regnum Dei, et ómnia adjiciéntur vobis, dicit Dóminus.

Postcommunio

PURÍFICENT semper et múniant tua sacraménta nos, Deus: et ad perpétuae ducant salvatiónis efféctum. Per Dóminum.

DOMINICA DECIMA QUINTA POST PENTECOSTEN

Semiduplex

Introitus **Ps. 85, 1 et 2-3**

INCLÍNA, Dómine, aurem tuam ad me, et exáudi me: salvum fac servum tuum, Deus meus, sperántem in te: miserére mihi, Dómine, quóniam ad te clamávi tota die. **Ps. ibid., 4** Laetífica ánimam servi tui: quia ad te, Dómine, ánimam meam levávi. **Vl.** Glória Patri.

Oratio

ECCLÉSIAM tuam, Dómine, miserátio continuáta múndet et múniat: et quia sine te non potest salva consistere: tuo semper múnere gubernétur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Gálatas.

Gal. 5, 25-26 ; 6, 1-10

FRATRES: Si spíritu vívimus, spíritu et ambulémus. Non efficiámur inánis glóriæ cúpidi, ínvicem provocántes, ínvicem invidéntes. Fratres, et si praeoccupátus fúerit homo in áliquo delícto, vos, qui spírituáles estis, hujúsmodi instrúite in spíritu lenitátis, consíderans teípsum, ne et tu tentéris. Alter altérius ónera portáte, et sic adimplébitis legem Christi. Nam si quis exístimat se áliquid esse, cum nihil sit, ipse se sedúcit. Opus autem suum probet unusquisque, et sic in semetípso tantum glóriam habébit, et non in áltero. Unusquisque enim onus suum portábit. Commúnicet autem is, qui catechizátur verbo, ei, qui se catechizat, in ómnibus bonis. Nolíte erráre: Deus non irridétur. Quae enim semináverit homo, haec et metet. Quóniam qui séminat in carne sua, de carne et metet corruptiόνem: qui autem séminat in spíritu, de spíritu metet vitam aetérnam. Bonum autem faciéntes, non deficiámus: témpore enim suo metémus, non deficiéntes. Ergo dum tempus habémus, operiémur bonum ad omnes, máxime autem ad domésticos fidei.

Graduale Ps. 91, 2-3 Bonum est confitéri Dómino: et psállere nómini tuo, Altíssime. **Vl.** Ad annuntiándum mane misericórdiam tuam, et veritátem tuam per noctem.

Allelúja, allelúja. **Vl. Ps. 94, 3** Quóniam Deus magnus Dóminus, et Rex magnus super omnem terram. Allelúja.

+ Sequéntia sancti Evangéllii secúndum Lucam.

Luc. 7, 11-16

IN illo témpore: Ibat Jesus in civitátem, quae vocátur Naim: et ibant cum eo discípuli ejus, et turba copiósá. Cum autem appropinquáret portae civitátis, ecce defúnctus efferebátur fílius únicus matris suae: et haec vídua erat: et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt). Et ait: Adolésens, tibi dico, surge. Et resédit qui erat mórtuus, et coepit loqui. Et dedit illum matri suae. Accépit autem omnes timor: et magnificábant Deum, dicéntes: Quia prophéta magnus surrúxit in nobis: et quia Deus visitávit plebem suam.

Credo.

Offertorium Ps. 39, 2, 3 et 4 Exspéctans exspectávi Dóminum, et respéxit me: et exaudivit deprecatióem meam: et immísit in os meum cánticum novum, hymnum Deo nostro.

Secreta

TUA nos, Dómine, sacraménta custódiat: et contra diabólicos semper tueántur incúrsus. Per Dóminum.

Praefatio de Ssma Trinitate.

Communio Joann. 6, 52 Panis, quem ego dédero, caro mea est pro saéculi vita.

Postcommunio

MENTES nostras, et córpora possídeat, quaésumus, Dómine, doni caeléstis operátio: ut non noster sensus in nobis, sed júgiter ejus praevéniat efféctus. Per Dóminum.

DOMINICA DECIMA SEXTA POST PENTECOSTEN

Semiduplex

Introitus Ps. 85, 3 et 5

MISERÉRE mihi, Dómine, quóniam ad te clamávi tota die: quia tu, Dómine, suávis ac mitis es, et copiósus in misericórdia ómnibus invocántibus te. Ps. *ibid.*, 1 Inclína, Dómine, aurem tuam mihi, et exáudi me: quóniam inops et pauper sum ego. *V.* Glória Patri.

Oratio

TUA nos, quaésumus, Dómine, grátia semper et praevéniat et sequátur: ac bonis opéribus júgiter praestet esse inténtos. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Ephésios.

Ephes. 3, 13-21

FRATRES: Obsecro vos, ne deficiátis in tribulatióibus meis pro vobis: quae est glória vestra. Hujus rei grátia flecto génua mea ad Patrem Dómini nostri Jesu Christi, ex quo omnis patérnitas in caelis et in terra nominátur, ut det vobis secúndum divítias glóriæ suae, virtúte corroborári per Spíritum ejus in interiorem hóminem, Christum habitáre per fidem in córdibus vestris: in caritate radicáti et fundáti, ut possítis comprehéndere cum ómnibus sanctis, quae sit latitúdo, et longitúdo, et sublimitas, et profúndum: scire étiam supereminéntem sciéntiae caritátem Christi, ut impleámini in omnem plenitúdinem Dei. Ei autem, qui potens est ómnia fácere superabundánter quam pétimus, aut intelligimus, secúndum virtútem, quae operátur in nobis: ipsi glória in E cclésia, et in Christo Jesu, in omnes generatiónes saéculi saeculórum. Amen.

Graduale Ps. 101, 16-17 Timébunt gentes nomen tuum, Dómine, et omnes reges terrae glóriam tuam. *V.* Quóniam aedificávit Dóminus Sion, et vidébitur in majestáte sua.

Allelúja, allelúja. *V.* Ps. 97, 1 Cantáte Dómino cánticum novum: quia mirabilia fecit Dóminus. Allelúja.

+ Sequéntia sancti Evangéllii secúndum Lucam.

Luc. 14, 1-11

IN illo tēpore: Cum intrāret Jesus in domum cuiusdam principis pharisaeórum sábbato manducáre panem, et ipsi observábant eum. Et ecce homo quidam hydrópicus erat ante illum. Et respóndens Jesus dixit ad legisperítos et pharisaeós, dicens: Si licet sábbato curáre ? At illi tacuérunt. Ipse vero apprehénsus sanávit eum, ac dimísit. Et respóndens ad illos, dixit: Cujus vestrum ásinus, aut bos in púteum cadet, et non contínuo éxtrahet illum die sábbati ? Et non póterant ad haec respóndere illi. Dicébat autem et ad invitátos parábolam, inténdens quómodo primos accúbitus elígerent, dicens ad illos: Cum invitátus fúeris ad núptias, non discúmbas in primo loco, ne forte honorátior te sit invitátus ab illo, et véniens is, qui te et illum vocávit, dicat tibi: Da huic locum: et tunc incípias cum rubóre novíssimum locum tenére. Sed cum vocátus fúeris, vade, recúmbe in novíssimo loco: ut, cum vénerit qui te invitávit, dicat tibi: Amíce, ascénde supérius. Tunc erit tibi glória coram simul discumbéntibus: quia omnis, qui se exáltat, humiliábitur: et qui se humiliat, exaltábitur.

Credo.

Offertorium Ps. 39, 14 et 15 Dómine, in auxiliū meum respice: confundántur et revereántur, qui quaerunt ánimam meam, ut áuferant eam: Dómine, in auxiliū meum respice.

Secreta

MUNDA nos, quaésumus, Dómine, sacrificii praeséntis efféctu: et pérface miserátus in nobis: ut ejus mereámur esse partícipes. Per Dóminum.

Praefatio de Ssma Trinitate.

Communio Ps. 70, 16-17 et 18 Dómine, memorábor justítiae tuae solíus: Deus, docuísti me a juventúte mea: et usque in senéctam et sénium, Deus, ne derelínquas me.

Postcommunio

PURÍFICA quaésumus, Dómine, mentes nostras benígnus, et rénova caeléstibus sacraméntis: ut consequénter et córporum praesens páriter, et futúrum capiámus auxiliū. Per Dóminum.

DOMINICA DECIMA SEPTIMA
POST PENTECOSTEN

Semiduplex

Introitus **Ps. 118, 137 et 124**

JUSTUS es, Dómine, et rectum judícium tuum: fac cum servo tuo secúndum misericórdiam tuam. **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

DA, quaésumus, Dómine, pópulo tuo diabólica vitáre contágia: et te solum Deum pura mente sectári. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Ephésios.

Ephes. 4, 1-6

FRATRES: Obsecro vos ego vinctus in Dómino, ut digne ambulétis vocatióne, qua vocáti estis, cum omni humilitáte, et mansuetúdine, cum paciéntia, supportántes ínvicem in caritáte, sollíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestrae. Unus Dóminus, una fides, unum baptísma. Unus Deus, et Pater ómnium, qui est super omnes, et per ómnia, et in ómnibus nobis. Qui est benedíctus in saécula saeculórum. Amen.

Graduale Ps. 32, 12 et 6 Beáta gens, cujus est Dóminus Deus eórum: pópulus, quem elégit Dóminus in hereditátem sibi. **Vl.** Verbo Dómini caeli firmáti sunt: et spíritus oris ejus omnis virtus eórum. Allelúja, allelúja. **Vl.** **Ps. 101, 2** Dómine, exáudi oratiónem meam, et clamor meus ad te pervéniat. Allelúja.

+ Sequéntia sancti Evangélii secúndum Matthaéum.

Matth. 22, 34-46

IN illo tēpore: Accessērunt ad Jesum pharisaēi: et interrogávit eum unus ex eis legis doctor, tentans eum: Magíster, quod est mandátum magnum in lege ? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérta lex pendet, et prophétae. Congregátis autem pharisaéis, interrogávit eos Jesus, dicens: Quid vobis vidétur de Christo ? cujus fílius est ? Dicunt ei: David. Ait illis: Quómodo ergo David in spírítu vocat eum Dóminum, dicens: Dixit Dóminus Dómino meo, sede a dextris meis, donec ponam inimícos tuos scabéllum pedum tuórum ? Si ergo David vocat eum Dóminum, quómodo fílius ejus est ? Et nemo póterat ei respondére verbum: neque ausus fuit quisquam ex illa die eum ámplius interrogáre.

Credo.

Offertorium Dan. 9, 17, 18 et 19 Orávi Deum meum ego Dániel, dicens: Exáudi, Dómine, preces servi tui: illúmina fáciem tuam super sanctuárium tuum: et propítius inténde pópulum istum, super quem invocátum est nomen tuum, Deus.

Secreta

MAJESTÁTEM tuam, Dómine, suppliciter deprecámur: ut haec sancta, quae gérimus, et a praetéritis nos delíctis éxuant, et futúris. Per Dóminum.

Praefatio de Ssma Trinitate.

Communio Ps. 75, 12-13 Vovéte, et réddite Dómino Deo vestro omnes, qui in circúitu ejus affértis múnera: terríbili, et ei qui aufert spírítum princípum: terríbili apud omnes reges terrae.

Postcommunio

SANCTIFICATIÓNIBUS tuis, omnípotens Deus, et vítia nostra curéntur, et remédia nobis aetérna provéniant. Per Dóminum.

FERIA QUARTA QUATUOR TEMPORUM SEPTEMBRIS

Simplex

Statio ad S. Mariam majorem

Introitus **Ps. 80, 2, 3, 4 et 5**

EXSULTÁTE Deo adjutóri nostro: jubiláte Deo Jacob: súmite psalmum jucúndum cum cíthara: cánite in iníto mensis tuba, quia praecéptum in Israël est, et judícium Deo Jacob. **Ps. ibid., 6** Testimónium in Joseph pósuit illud, cum exíret de terra AEGýpti: linguam, quam non nóverat, audívit. **Vl.** Glória Patri.

Post Kýrie, eléison, **dicitur:** Orémus. Flectámus gēnua.

R/. Leváte.

Oratio

MISERICÓRDIAE tuae remédiis, quaesumus, Dómine, fragílitas nostra subsístat: ut, quae sua conditióne attéritur, tua cleméntia reparétur. Per Dóminum.

Léctio Amos Prophétae.

Amos 9, 13-15

HAEC dicit Dóminus Deus: Ecce dies véniunt: et comprehéndet arátor messórem, et calcátor uvae mitténtem semen: et stillábunt montes dulcédinem, et omnes colles culti erunt. Et convértam captivitátem pópuli mei Israël: et aedificábunt civitátes desértas, et inhabitábunt: et plantábunt víneas, et bibent vinum eárum: et fácient hortos, et cómedent fructus eórum. Et plantábo eos super humum suam: et non evéllam eos ultra de terra sua, quam dedi eis: dicit Dóminus Deus tuus.

Graduale Ps. 112, 5-7 Quis sicut Dóminus Deus noster, qui in altis hábitat: et humília réspicit in caelo et in terra ? **Vl.** Súscitans a terra ínopem, et de stércore érigens páuperem.

Hic dicitur V/. Dóminus vobíscum, sine Flectámus genua.

Orémus **Oratio**

PRAESTA, quaesumus, Dómine, familiae tuae supplicánti: ut, dum a cibis corporálibus se ábstinet, a vítiis quoque mente jejúnet. Per Dóminum.

Orationes pro diversitate Temporum assignatae Tabula Orationum.

Léctio libri Esdrae.

Neh. vel 2 Esdr. 8, 1-10

IN diébus illis: Congregátus est omnis pópulus quasi vir unus ad platéam, quae est ante portam aquárum: et dixerunt Esdrae scribae, ut afférret librum legis Móysi, quam praecéperat Dóminus Israéli. Attulit ergo Esdras sacérdos legem coram multítudine virórum et mulierum, cunctísque qui póterant intelligere, in die prima mensis séptimi. Et legit in eo apérte in platéa, quae erat ante portam aquárum, de mane usque ad médiam diem, in conspéctu virórum, et mulierum, et sapiéntium: et aures omnis pópuli erant erectae ad librum. Stetit autem Esdras scribe super gradum lígneum, quem fécerat ad loquéndum. Et apéruit librum coram omni pópulo: super univérsum quippe pópulum eminébat: et cum aperúisset eum, stetit omnis pópulus. Et benedíxit Esdras Dómino Deo magno: et respóndit omnis pópulus: Amen, Amen: elevans manus suas: et incurváti sunt, et adoravérunt Deum proni in terram. Porro levítae siléntium faciébant in pópulo ad audiéndam legem: pópulus autem stabat in gradu suo. Et legérunt in libro legis Dei distincte, et apérte ad intelligéndum: et intellexérunt cum legerétur. Dixit autem Nehemías, et Esdras sacérdos et scribe, et levítae interpretántes univérso pópulo: Dies sanctificátus est Dómino Deo nostro, nolíte lugére, et nolíte flere. Et dixit eis: Ite, comédite pínguia, et bíbite mulsum, et míttite partes his, qui non praeparavérunt sibi: quia sanctus dies Dómini est, et nolíte contristári: gáudium étenim Dómini est fortitúdo nostra.

Graduale Ps. 32, 12 et 6 Beáta gens, cujus est Dóminus Deus eórum: pópulus, quem elégit Dóminus in hereditátem sibi. V/. Verbo Dómini caeli firmáti sunt: et spírítu oris ejus omnis virtus eórum.

+ Sequéntia sancti Evangélii secúndum Marcum.

Marc. 9, 16-28

IN illo témpore: Respóndens unus de turba, dixit ad Jesum: Magíster, áttuli filium meum ad te, habéntem spírítum mutum: qui ubicúmque eum apprehénderit, allídit illum, et spumat, et stridet déntibus, et aréscit: et dixi discíplis tuis, ut eíjcerent illum, et non potuérunt. Qui respóndens eis, dixit: O generátio incrédula, quámdu apud vos ero ? quámdu vos pátiar ? Afférte illum ad me. Et attulérunt eum. Et cum vidíisset eum, statim spírítus conturbávit illum: et elísus in terram, volutabátur spumans. Et interrogávit patrem ejus: Quantum témporis est, ex quo ei hoc áccidit ? At ille ait: Ab infántia: et frequéter eum in ignem, et in aquas misit, ut eum pérderet. Sed si quid potes, ádjuva nos, misértus nostri. Jesus autem ait illi: Si potes crédere, ómnia possíbilis sunt credéti. Et contínuo exclámans pater púeri, cum lácrimis ajébat: Credo, Dómine: ádjuva incredulitátem meam. Et cum vidéret Jesus concurréntem turbam, comminátus est spírítui immúndo, dicens illi: Surde et mute spírítus, ego praecípío tibi, exi ab eo: et ámplius ne intróeas in eum. Et exclámans, et multum discérens eum, éxiit ab eo, et factus est sicut mórtuus, ita ut multi dicerent: Quia mórtuus est. Jesus autem tenens manum ejus, elevávit eum, et surrexit. Et cum introísset in domum, discípluli ejus secréto interrogábant eum: Quare nos non potúimus eíjcere eum ? Et dixit illis: Hoc genus in nullo potest exíre, nisi in oratióne et jejúnio.

Offertorium Ps. 118, 47 et 48 Meditábor in mandátis tuis, quae diléxi valde: et levábo manus meas ad mandáta tua, quae diléxi.

Secreta

HAEC hóstia, Dómine, quaesumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Communio 2 Esdr. 8, 10 Comédite pínguia, et bíbite mulsum, et míttite partes his, qui non praeparavérunt sibi: sanctus enim dies Dómini est, nolíte contristári: gáudium étenim Dómini est fortitúdo nostra.

Postcommunio

SUMÉNTES, Dómine, dona caeléstia, supplíciter deprecámur: ut, quae sédula servitúte donánte te gérimus, dignis sénsibus tuo múnere capiámus. Per Dóminum.

FERIA SEXTA
QUATUOR TEMPORUM SEPTEMBRIS

Simplex

Statio ad Ss. duodecim Apostolos

Introitus **Ps. 104, 3-4**

LAETÉTUR cor quaeréntium Dóminum: quaérite Dóminum, et confirmámini: quaérite fáciem ejus semper.
Ps. ibid., 1 Confitémيني Dómino, et invocáte nomen ejus: annuntiáte inter gentes ópera ejus. **V/.** Glória Patri.

Oratio

PRAESTA, quaésumus, omnípotens Deus: ut observatiónes sacras ánnua devotióne recoléntes, et córpore tibi placeámus, et mente. Per Dóminum.

Orationes pro diversitate Temporum assignatae Tabula Orationum.

Léctio Osée Prophétae.

Osee 14, 2-10

HAEC dicit Dóminus Deus: Convértere Israél ad Dóminum Deum tuum: quóniam corruísti in iniquitate tua. Tóllite vobíscum verba, et convertímيني ad Dóminum, dícite ei: Omnem aufer iniquitátem, et áccipe bonum: et reddémus vítulos labiórum nostrórum. Assur non salvábit nos, super equum non ascendémus, nec dicémus ultra: Dii nostri ópera mánuum nostrárum: quia ejus, qui in te est, miseréberis pupílli. Sanábo contritiónes eórum, díligam eos spontáneae: quia avérsus est furor meus ab eis. Ero quasi ros, Israél germinábit sicut lílium, et erúmpet radix ejus ut Líbani. Ibunt rami ejus, et erit quasi olíva glória ejus: et odor ejus ut Líbani. Converténtur sedéntes in umbra ejus: vivent trítico, et germinábunt quasi vínea: memoriále ejus sicut vinum Líbani. Ephraím quid mihi ultra idóla ? ego exáudiam, et dírigam eum ego ut abíetem viréntem: ex me fructus tuus invéntus est. Quis sápiens, et intélliget ista ? intélligens, et sciet haec ? quia rectae viae Dómini, et justi ambulábunt in eis: praevaricatóres vero córruent in eis.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V/.** Dómine, refúgium factus es nobis, a generatióne et progénie.

+ Sequéntia sancti Evangéllii secúndum Lucam.

Luc. 7, 36-50

IN illo témpore: Rogábat Jesum quidam de pharisaéis, ut manducáret cum illo. Et ingrédus domum pharisaéi, discúbuit. Et ecce múlier, quae erat in civitate peccátrix, ut cognóvit, quod accubuisset in domo pharisaéi, áttulit alabástrum unguénti: et stans retro secus pedes ejus, lácrimis coepit rigáre pedes ejus, et capíllis cápitis sui tergébat, et osculabátur pedes ejus, et unguénto unguébat. Videns autem pharisaéus, qui vocáverat eum, ait intra se, dicens: Hic si esset prophéta, sciret útique, quae et qualis est múlier, quae tangit eum: quia peccátrix est. Et respóndens Jesus, dixit ad illum: Simon, hábeo tibi áliquíd dícere. At ille ait: Magíster, dic. Duo debitóres erant cúdam feneratori: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit ? Respóndens Simon, dixit: AEstimo quia is, cui plus donávit. At ille dixit ei: Recte judicásti. Et convérsus ad múlièrem, dixit Simóni: Vides hanc múlièrem ? Intrávi in domum tuam, aquam pédibus meis non dedísti: haec autem lácrimis rigávit pedes meos, et capíllis suis tersit. Osculum mihi non dedísti: haec autem, ex quo intrávit, non cessávit osculári pedes meos. Oleo caput meum non unxísti: haec autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et coepérunt, qui simul accumbébant, dícere intra se: quis est hic, qui étiam peccáta dimíttit ? Dixit autem ad múlièrem: Fides tua te salvam fecit: vade in pace.

Offertorium Ps. 102, 2 et 5 Bénedic, ánima mea, Dómino, et noli oblivisci omnes retributiónes ejus: et renovábitur, sicut áquilae, juvéntus tua.

Secreta

ACCÉPTA tibi sint, Dómine, quaésumus, nostri dona jejúnii: quae et expiándo nos tua grátia dignos efficiant, et ad sempitérna promíssa perdúcant. Per Dóminum.

Communio Ps. 118, 22 et 24 Aufer a me oppróbrium et contéptum, quia mandáta tua exquisívi, Dómine: nam et testimónia tua meditátió mea est.

Postcommunio

QUSUMUS, omnípotens Deus: ut de percéptis munéribus grátias exhibéntes, benefícia potióra sumámus. Per Dóminum.

SABBATO
QUATUOR TEMPORUM SEPTEMBRIS

Simplex

Statio ad S. Petrum

Introitus **Ps. 94, 6-7**

VENÍTE, adorémus Deum, et procidámus ante Dóminum, plorémus ante eum, qui fecit nos: quia ipse est Dóminus Deus noster. **Ps. ibid., 1** Veníte, exsultémus Dómino: jubilémus Deo, salutári nostro. **Vl.** Glória Patri.

Post Kýrie, eléison, **dicitur:** Orémus. Flectámus génuá.
R/. Leváte.

Oratio

OMNÍPOTENS sempitérne Deus, qui per continéntiam salutárem corpóribus medéris et méntibus: majestátem tuam súpplices exorámus ; ut pia jejunántium deprecatióne placátus, et praeséntia nobis subsidiá tríbuas, et futúra. Per Dóminum.

Léctio libri Levítici.

Levit. 23, 26-32

IN diébus illis: Locútus est Dóminus ad Móysen, dicens: Décimo die mensis hujus séptimi, dies expiatiónum erit celebérrimus, et vocábitur sanctus: affligétisque ánimas vestras in eo, et offerétis holocáustum Dómino. Omne opus servíle non faciétis in témpore diéi hujus: quia dies propitiatiónis est, ut propitiétur vobis Dóminus Deus vester. Omnis ánima, quae afflícta non fúerit die hac, períbit de pópulis suis: et quae óperis quídpíam fécerit, delébo eam de pópulo suo. Nihil ergo óperis faciétis in eo: legítimum sempitérnum erit vobis in cunctis generatióibus, et habitatióibus vestris. Sábbatum requietiúnis est, affligétis ánimas vestras die nono mensis: a véspera usque ad vésperam celebrábitis sábbata vestra: dicit Dóminus omnípotens.

Graduale Ps. 78, 9 et 10 Propítius esto, Dómine, peccátis nostris: ne quando dicant gentes: Ubi est Deus eórum ? **Vl.** Adjuva nos, Deus salutáris noster: et propter honórem nóminis tui, Dómine, líbera nos.

Orémus. Flectámus génuá.
R/. Leváte.

Oratio

DA nobis, quaésumus, omnípotens Deus: ut jejunádo, tua grátia satiémur ; et abstinédo, cunctis efficiámur hóstibus fortióres: Per Dóminum.

Léctio libri Levítici.

Levit. 23, 39-43

IN diébus illis: Locútus est Dóminus ad Móysen, dicens: A quintodécimo die mensis séptimi, quando congregavéritis omnes fructus terrae vestrae, celebrábitis férias Dómini septem diébus: die primo et die octávo erit sábbatum, id est réquies. Sumetísque vobis die primo fructus árboris pulchérrimae, spatulásque palmárum, et ramos ligni densárum fróndium, et sálices de torrénate, et laetabímíni coram Dómino Deo vestro. Celebrabítisque sollemnitátem ejus septem diébus per annum: legítimum sempitérnum erit in generatióibus vestris. Mense séptimo festa celebrábitis, et habitábitis in umbráculis septem diébus. Omnis, qui de gènere est Israél, manébit in tabernáculis: ut discant pósteri vestri, quod in tabernáculis habitáre fécerim filios Israél, cum edúcerem eos de terra AEGýpti. Ego Dóminus Deus vester.

Graduale Ps. 83, 10 et 9 Protéctor noster, áspice, Deus, et réspice super servos tuos. **Vl.** Dómine Deus virtútum, exáudi preces servórum tuórum.

Orémus. Flectámus génuá.

Oratio

TUÉRE, quaésumus, Dómine, fámiliam tuam: ut salútis aetérnae remédia, quae te inspiránte requírimus, te largiénte consequámur. Per Dóminum.

Léctio Michaéae Prophétae.

Mich. 7, 14, 16 et 18-20

DÓMINE Deus noster, pasce pópulum tuum in virga tua, gregem hereditátis tuae, habitántes solos in saltu, juxta dies antíquos. Vidébunt gentes, et confundéntur super omni fortitúdine sua. Quis Deus símilis tui, qui aufers iniquitátem, et transis peccátum reliquiárum hereditátis tuae ? Non immittet ultra furórem suum, quóniam volens misericórdiam est. Revertétur, et miserébitur nostri: depónet iniquitátes nostras, et projíciet in profúndum maris ómnia peccáta nostra. Dabis veritátem Jacob, misericórdiam Abraham: quae jurásti pátribus nostris a diébus antíquis: Dómine Deus noster.

Graduale Ps. 89, 13 et 1 Convértere, Dómine, aliquántulum, et deprecáre super servos tuos. **V/.** Dómine, refúgium factus es nobis, a generatióne et progénie.

Orémus. Flectámus génuá.

R/. Leváte.

Oratio

PRAESTA, quaésumus, Dómine, sic nos ab épulis abstinére carnálibus: ut a vítiis irruéntibus páriter jejunémus. Per Dóminum.

Léctio Zacharíaee Prophétae.

Zach. 8, 14-19

IN diébus illis: Factum est verbum Dómini ad me dicens: Haec dicit Dóminus exercítuum: Sicut cogitávi, ut afflígerem vos, cum ad iracúndiam provocássent patres vestri me, dicit Dóminus, et non sum misértus: sic convérsus cogitávi in diébus istis, ut benefáciam dómui Juda et Jerúsalem: nolíte timére. Haec sunt ergo verba, quae faciétis: Loquímmini veritátem, unusquísque cum próximo suo: veritátem, et judícium pacis judicáte in portis vestris. Et unusquísque malum contra amícum suum ne cogitétis in córdibus vestris: et juraméntum mendax ne diligátis: ómnia enim haec sunt, quae odi, dicit Dóminus. Et factum est verbum Dómini exercítuum ad me, dicens: Haec dicit Dóminus exercítuum: Jejúnium quarti, et jejúnium quinti, et jejúnium séptimi, et jejúnium décimi erit dómui Juda in gáudium, et laetítiam, et in solemnitétes praecláras: veritátem tantum, et pacem dilígite: dicit Dóminus exercítuum.

Graduale Ps. 140, 2 Dirigátur orátio mea, sicut incénsum in conspéctu tuo, Dómine. **V/.** Elevátio mánuum meárum sacrificium vespertínum.

Orémus. Flectámus génuá.

R/. Leváte.

Oratio

UT nobis, Dómine, tríbuis solémne tibi deférre jejúnium: sic nobis, quaésumus, indulgéntiae praesta subsidiúm. Per Dóminum.

Léctio Daniélis Prophétae.

Dan. 3, 47-51

IN diébus illis: Angelus Dómini descéndit cum Azaría, et sóciis ejus in fornácem: et excússit flammam ignis de fornáce, et fecit médium fornácis quasi ventum roris flantem. Flamma autem effundebátur super fornácem cúbitis quadragínta novem: et erúpit, et incéndit quos réperit juxta fornácem de Chaldaéis minístros regis, qui eam incendébant. Et non tétigit eos omníno ignis, neque contristávit, nec quidquam moléstiae íntulit. Tunc hi tres quasi ex uno ore laudábant, et glorificábant, et benedicébant Deum in fornáce, dicéntes:

Hic non respondetur Deo grátias.

Hymnus **Dan. ibid., 52-56**

BENEDÍCTUS es, Dómine Deus patrum nostrórum. Et laudábilis et gloriósus in saécula.

Et benedictum nomen glóriæ tuæ, quod est sanctum. Et laudábile et gloriósum in saécula.
 Benedictus es in templo sancto glóriæ tuæ. Et laudábilis et gloriósus in saécula.
 Benedictus es super thronum sanctum regni tui. Et laudábilis et gloriósus in saécula.
 Benedictus es super sceptrum divinitátis tuæ. Et laudábilis et gloriósus in saécula.
 Benedictus es, qui sedes super Chérubim, intuens abyssos. Et laudábilis et gloriósus in saécula.
 Benedictus es, qui ámbulas super pennas ventórum et super undas maris. Et laudábilis et gloriósus in saécula.
 Benedicant te omnes Angeli et Sancti tui. Et laudent te et glorificent in saécula.
 Benedicant te caeli, terra, mare et ómnia quæ in eis sunt. Et laudent te et glorificent in saécula.
 Glória Patri, et Fílio, et Spirítui Sancto. Et laudábili et glorióso in saécula.
 Sicut erat in princípío, et nunc, et semper: et in saécula saeculórum. Amen. Et laudábili et glorióso in saécula.
 Benedictus es, Dómine Deus patrum nostrórum. Et laudábilis et gloriósus in saécula.

Hic dicitur V/. Dóminus vobíscum, **sine** Flectámus génuá.

Orémus **Oratio**

DEUS, qui tribus púeris mitigásti flammás ígnium: concéde propítius ; ut nos fámulos tuos non exúrat flamma vitiórum. Per Dóminum.

Orationes pro diversitate Temporum assignatae Tabula Orationum.

Léctio Epístolæ beáti Pauli Apóstoli ad Hebraeos.

Hebr. 9, 2-12

FRATRES: Tabernáculum factum est primum, in quo erant candelábra, et mensa, et propositio panum, quæ dicitur Sancta. Post velaméntum autem secúndum, tabernáculum, quod dicitur Sancta sanctorum: áureum habens thuríbulum, et arcam testaménti circumtéctam ex omni parte auro, in qua urna áurea habens manna, et virga Aaron, quæ frondúerat, et tábulæ testaménti, supérque eam erant Chérubim glóriæ obumbrántia propitiatórium: de quibus non est modo dicéndum per síngula. His vero ita compósitis ; in prióri quidem tabernáculo semper introíbant sacerdótes, sacrificiórum offícia consummántes: in secúndo autem semel in anno solus pónitífex, non sine sáanguine, quem offert pro sua et pópuli ignorántia: hoc significánte Spirítu Sancto, nondum propalátam esse sanctorum viam, adhuc prióre tabernáculo habénte statum. Quæ parábola est témporis instántis: juxta quam múnera, et hóstiae offerúntur, quæ non possunt juxta consciéntiam perféctum fácere serviéntem, solúmmodo in cibis, et in pótibus, et váriis baptismátibus, et justítiis carnis usque ad tempus correctiónis impósitis. Christus autem assístens pónitífex futurórum bonórum, per ámplius et perféctius tabernáculum non manufactum, id est, non hujus creatiónis ; neque per sáanguinem hircórum aut vitulórum, sed per próprium sáanguinem introívit semel in Sancta, aetérna redemptióne invénta.

Tractus Ps. 116, 1-2 Laudáte Dóminum, omnes gentes: et collaudáte eum, omnes pópuli. **V/.** Quóniam confirmáta est super nos misericórdia ejus: et véritas Dómini manet in aetérnum.

+ Sequéntia sancti Evangélii secúndum Lucam.

Luc. 13, 6-17

IN illo témpore: Dicébat Jesus turbis hanc similitúdinem: Arborem fici habébat quidam plantátam in vénea sua, et venit quaerens fructum in illa, et non invénit. Dixit autem ad cultórem véneae: Ecce anni tres sunt ex quo vénio quaerens fructum in ficúlnea hac, et non invénio: succíde ergo illam: ut quid étiam terram óccupat ? At ille respóndens, dicit illi: Dómine, dimítte illam et hoc anno, usque dum fódiam circa illam, et mittam stércora: et si quidem fécerit fructum: sin autem, in futúrum succídes eam. Erat autem docens in synagóga eórum sábbatis. Et ecce múlier, quæ habébat spíritum infirmitátis annis decem et octo: et erat inclináta, nec omníno póterat sursum respícere. Quam cum vidéret Jesus, vocávit eam ad se, et ait illi: Múlier, dimíssa es ab infirmitáte tua. Et impósuit illi manus, et conféstim erécta est, et glorificábat Deum. Respóndens autem archisynagógus, indignans quia sábbato curáset Jesus, dicébat turbæ: Sex dies sunt, in quibus opórtet operári: in his ergo veníte, et curámini, et non in die sábbati. Respóndens autem ad illum Dóminus, dixit: Hypócritæ, unusquisque vestrum sábbato non solvit bovem suum, aut ásinum a praesépio, et ducit adaquáre ? Hanc autem fíliam Abrahae, quam alligávit sáttanas, ecce decem et octo annis, non opórtuit solvi a vínculo isto die sábbati ? Et cum haec díceret, erubescébant omnes adversáarii ejus: et omnís pópulus gaudébat in univérsis, quæ glorióse fiébant ab eo.

Offertorium Ps. 87, 2-3 Dómine, Deus salútis meae, in die clamávi, et nocte coram te: intret orátio mea in conspéctu tuo, Dómine.

Secreta

CONCÉDE quaesumus, omnipotens Deus: ut óculis tuae majestátis munus oblátum, et grátiam nobis devotiónis obtíneat, et efféctum beátae perennitátis acquirat. Per Dóminum.

Communio Levit. 23, 41 et 43 Mense séptimo festa celebrábitis, cum in tabernáculis habitáre fécerim filios Israël, cum edúcerem eos de terra AEgýpti, ego Dóminus Deus vester.

Postcommunio

PERFÍCIANT in nobis, Dómine, quaesumus, tua sacraménta quod cóntinent: ut, quae nunc spécie gérimus, rerum veritáte capiámus. Per Dóminum.

DOMINICA DECIMA OCTAVA POST PENTECOSTEN

Semiduplex

Introitus **Eccli. 36, 18**

DA pacem, Dómine, sustinéntibus te, ut prophétae tui fidéles inveniántur: exáudi preces servi tui, et plebis tuae Israël. **Ps. 121, 1** Laetátus sum in his, quae dicta sunt mihi: in domum Dómini íbimus. **Vl.** Glória Patri.

Oratio

DÍRIGAT corda nostra, quaesumus, Dómine, tuae miseratiónis operátio: quia tibi sine te placére non póssumus. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Corínthios.

1 Cor. 1, 4-8

FRATRES: Grátias ago Deo meo semper pro vobis in grátia Dei, quae data est vobis in Christo Jesu: quod in ómnibus dívites facti estis in illo, in omni verbo, et in omni sciéntia: sicut testimónium Christi confirmátum est in vobis: ita ut nihil vobis desit in ulla grátia, exspectántibus revelatiónem Dómini nostri Jesu Christi, qui et confirmábit vos usque in finem sine crimine, in die advéntus Dómini nostri Jesu Christi.

Graduale Ps. 121, 1 et 7 Laetátus sum in his, quae dicta sunt mihi: in domum Dómini íbimus. **Vl.** Fiat pax in virtúte tua: et abundántia in túrribus tuis.

Allelúja, allelúja. **Vl. Ps. 101, 16** Timébunt gentes nomen tuum, Dómine: et omnes reges terrae glóriam tuam. Allelúja.

+ Sequéntia sancti Evangélíi secúndum Matthaéum.

Matth. 9, 1-8

IN illo témpore: Ascéndens Jesus in navículam, transfretávit, et venit in civitátem suam. Et ecce offerébant ei paralytícum jacéntem in lecto. Et videns Jesus fidem illórum, dicit paralytíco: Confíde, fili, remittúntur tibi peccáta tua. Et ecce quidam de scribis dixerunt intra se: Hic blasphemámat. Et cum vidísset Jesus cogitatiónes eórum, dixit: Ut quid cogitátis mala in córdibus vestris? Quid est facílius dícere: Dimittúntur tibi peccáta tua, an dícere: Surge, et ámbula? Ut autem sciátis, quia Fílius hóminis habet potestátem in terra dimitténdi peccáta, tunc ait paralytíco: Surge, tolle lectum tuum, et vade in domum tuam. Et surrexit, et ábiit in domum suam. Vidéntes autem turbae timuérun, et glorificavérunt Deum, qui dedit potestátem talem homínibus.

Credo.

Offertorium Exodi 24, 4 et 5 Sanctificávit Móyses altáre Dómino, ófferens super illud holocáusta, et ímmolans víctimas: fecit sacrificíum vespertínium in odórem suavitátis Dómino Deo, in conspéctu filiórum Israël.

Secreta

DEUS, qui nos per hujus sacrificíi veneránda commércia, uníus summae divinitátis partícipes éfficis: praesta, quaesumus; ut, sicut tuam cognóscimus veritátem, sic eam dignis móribus assequámur. Per Dóminum.

Praefatio de Ssma Trinitate.

Communio Ps. 95, 8-9 Tóllite hóstias, et introíte in átria ejus: adoráte Dóminum in aula sancta ejus.

Postcommunio

GRÁTIAS tibi reférimus, Dómine, sacro múnere vegetáti: tuam misericórdiam deprecántes ; ut dignos nos ejus participatióne perficias. Per Dóminum.

DOMINICA DECIMA NONA
POST PENTECOSTEN

Semiduplex

Introitus

SALUS pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Dóminus in perpétuum. **Ps. 77, 1** Atténdite, pópule meus, legem meam: inclináte aurem vestram in verba oris mei. **V.** Glória Patri.

Oratio

OMNÍPOTENS et miséricors Deus, univérsa nobis adversántia propitiátus exclúde: ut mente et córpore páriter expedíti, quae tua sunt, líberis méntibus exsequámur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Ephésios.

Ephes. 4, 23-28

FRATRES: Renovámini spíritu mentis vestrae, et indúite novum hóminem, qui secúndum Deum creátus est in justítia, et sanctitáte veritátis. Propter quod deponétes mendácium, loquimini veritátem unusquisque cum próximo suo: quóniam sumus íncem membra. Irascimini, et nolíte peccáre: sol non óccidat super iracúndiam vestram. Nolíte locum dare diábolo: qui furabátur, jam non furétur ; magis autem labóret, operándo mánibus suis, quod bonum est, ut hábeat unde tríbuat necessitátem patiénti.

Graduale Ps. 140, 2 Dirigátur orátio mea sicut incénsus in conspéctu tuo, Dómine. **V.** Elevátio mánuum meárum sacrificium vespertinum.

Allelúja, allelúja. **V.** **Ps. 104, 1** Confitémur Dómino, et invocáte nomen ejus: annuntiáte inter gentes ópera ejus. Allelúja.

+ Sequéntia sancti Evangélii secúndum Matthaéum.

Matth. 22, 1-14

IN illo témpore: Loquebátur Jesus princípibus sacerdotum et pharisaéis in parábolis, dicens: Símile factum est regnum caelórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dícite invitátis: Ecce prándium meum parávi, tauri mei et altília occísa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius vero ad negotiatióem suam: réliqui vero tenuérunt servos ejus, et contuméliis afféctos occidérunt. Rex autem cum audísset, irátus est: et missis exercítibus suis, pérdidit homicidas illos, et civitátem illórum succéndit. Tunc ait servis suis: Núptiae quidem parátae sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egressi servi ejus in vias, congregavérunt omnes, quos invenérunt, malos et bonos: et implétae sunt núptiae discumbéntium. Intrávit autem rex, ut vidéret discumbétes, et vidit ibi hóminem non vestítum veste nuptiáli Et ait illi: Amíce, quómodo huc intrásti non habens vestem nuptiálem ? At ille obmútit. Tunc dixit rex ministris: Ligátis mánibus et pédibus ejus, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Credo.

Offertorium Ps. 137, 7 Si ambulávero in médio tribulatiónis, vivificábis me, Dómine: et super iram inimicórum meórum extédes manum tuam, et salvum me faciet dextera tua.

Secreta

HAEC múnera, quae sumus, Dómine, quae óculis tuae majestátis offérimus, salutária nobis esse concéde.

Praefatio de Ssma Trinitate.

Communio Ps. 118, 4-5 Tu mandásti mandáta tua custodíri nimis: útinam dirigántur viae meae, ad custodiéndas justificatiónes tuas.

Postcommunio

TUA nos, Dómine, medicinális operátio, et a nostris perversitatibus cleménter expédiat, et tuis semper fáciat inhaerére mandátis. Per Dóminum.

DOMINICA VIGESIMA
POST PENTECOSTEN

Semiduplex

Introitus **Dan. 3, 31, 29 et 35**

OMNIA, quae fecísti nobis, Dómine, in vero iudício fecísti, quia peccávimus tibi et mandátis tuis non obedívimus: sed da glóriam nómini tuo, et fac nobíscum secúndum multitudínem misericórdiae tuae. **Ps. 118, 1** Beáti immaculáti in via: qui ámbulant in lege Dómini. **Vl.** Glória Patri.

Oratio

LARGÍRE, quaésumus, Dómine, fidélibus tuis indulgéntiam placátus et pacem: ut páriter ab ómnibus mundéntur offénsis, et secúra tibi mente desérvant. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Ephésios.

Ephes. 5, 15-21

FRATRES: Vidéte quómodo caute ambulétis: non quasi insipiéntes, sed ut sapiéntes, rediméntes tempus, quóniam dies mali sunt. Proptérea nolíte fieri imprudéntes, sed intelligéntes, quae sit volúntas Dei. Et nolíte inebriári vino, in quo est luxúria: sed implémini Spíritu Sancto, loquéntes vobismetípsis in psalmis, et hymnis, et cánticis spirituálibus, cantántes et psalléntes in córdibus vestris Dómíno: grátias agéntes semper pro ómnibus, in nómine Dómini nostri Jesu Christi, Deo et Patri. Subjécti ínvicem in timóre Christi.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **Vl.** Aperis tu manum tuam: et imples omne ánimal benedictióne.

Allelúja , allelúja. **Vl. Ps. 107, 2** Parátum cor meum, Deus, parátum cor meum: cantábo et psallam tibi, glória mea. Allelúja.

+ Sequéntia sancti Evangélii secúndum Joánnem.

Joann. 4, 46-53

IN illo témpore: Erat quidam régulus, cujus filius infirmabátur Caphárnaum. Hic cum audísset, quia Jesus adveníret a Judaéa in Galilaéam, ábiit ad eum, et rogábat eum ut descénderet, et sanáret filium ejus: incipiébat enim mori. Dixit ergo Jesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqvam moriátur filius meus. Dicit ei Jesus: Vade, filius tuus vivit. Crédidit homo sermóni, quem dixit ei Jesus, et ibat. Jam autem eo descendénte, servi occurrérunt ei, et nuntiavérunt dicéntes, quia filius ejus víveret. Interrogábat ergo horam ab eis, in qua mélius habúerit. Et dixérunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Jesus: Fílius tuus vivit: et crédidit ipse, et domus ejus tota.

Credo.

Offertorium Ps. 136, 1 Super flúmina Babylónis illic sédimus, et flévimus: dum recordarémur tui, Sion.

Secreta

CAELÉSTEM nobis praébeant haec mystéria, quaésumus, Dómine, medicinam: et vítia nostri cordis expúrgent. Per Dóminum.

Praefatio de Ssma Trinitate.

Communio Ps. 118, 49-50 Meménto verbi tui servo tuo, Dómine, in quo mihi spem dedísti: haec me consoláta est in humilitáte mea.

Postcommunio

UT sacris, Dómine, reddámur digni munéribus: fac nos, quaésumus, tuis semper obedíre mandátis. Per Dóminum.

DOMINICA VIGESIMA PRIMA
POST PENTECOSTEN**Semiduplex**

Introitus **Esth. 13, 9 et 10-11**

IN voluntáte tua, Dómine, unívsera sunt pósita, et non est qui possit resistere voluntáti tuae: tu enim fecísti ómnia, caelum et terram, et unívsera quae caeli ámbitu continéntur: Dóminus unívserorum tu es. **Ps. 118, 1** Beáti immaculáti in via: qui ámbulant in lege Dómini. **V/.** Glória Patri.

Oratio

FAMÍLIAM, tuam, quaésumus, Dómine, contínua pietáte custódi: ut a cunctis adversitatibus, te protegénte, sit líbera ; et in bonis áctibus tuo nómini sit devóta. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Ephésios.

Ephes. 6, 10-17

FRATRES: Confortámini in Dómino, et in poténtia virtútis ejus. Indúite vos armatúram Dei, ut possítis stare advérsus insídias diabóli. Quóniam non est nobis colluctátio advérsus carnem et sánguinem: sed advérsus príncipes et potestátes, advérsus mundi rectóres tenebrárum harum, contra spirituália nequítiae, in caeléstibus. Proptérea accípíte armatúram Dei, ut possítis resistere in die malo, et in ómnibus perfécti stare. State ergo succíncti lumbos vestros in veritáte, et indúti lorícam justítiae, et calceáti pedes in praeparatióne Evangélii pacis: in ómnibus suméntes scutum fídei, in quo possítis ómnia tela nequíssimi ígnea exstínguere: et gáleam salútis assúmíte: et gládium spíritus, quod est verbum Dei.

Graduale Ps. 89, 1-2 Dómine, refúgium factus es nobis, a generatióne et progénie. **V/.** Priúsqvam montes fíerent, aut formarétur terra et orbis: a saéculo, et usque in saéculum tu es, Deus.

Allelúja , allelúja. **V/.** **Ps. 113, 1** In éxitu Israél de AEGýpto, domus Jacob de pópulo bárbaro. Allelúja.

+ Sequéntia sancti Evangélii secúndum Matthaéum.

Matth. 18, 23-35

IN illo témpore: Dixit Jesus discíplis suis parábolam hanc: Assimilátum est regnum caelórum hómini regi, qui vóluit ratióner pónere cum servis suis. Et cum coepísset ratióner pónere, oblátus est ei unus, qui debébat ei decem míllia talénta. Cum autem non habéret unde rédderet, jussit eum dóminus ejus venúmdari, et uxórem ejus, et filios, et ómnia quae habébat, et reddi. Prócidens autem servus ille, orábat eum, dicens: Patiéntiam habe in me, et ómnia reddam tibi. Misértus autem dóminus servi illíus, dimísit eum, et débitum dimísit ei. Egréssus autem servus ille, invénit unum de consérvs suis, qui debébat ei centum denários: et tenens suffocábat eum, dicens: Redde quod debes. Et prócidens consérvus ejus, rogábat eum, dicens: Patiéntiam habe in me, et ómnia reddam tibi. Ille autem nóluit: sed ábiit, et misit eum in cárcerem donec rédderet débitum. Vidéntes autem consérvs ejus quae fiébant, contristáti sunt valde: et vénérunt, et narravérunt dómíno suo ómnia, quae facta fúerant. Tunc vocávit illum dóminus suus: et ait illi: Serve nequam, omne débitum dimísi tibi, quóniam rogásti me: nonne ergo opórtuit et te miseréri consérvs tui, sicut et ego tui misértus sum ? Et irátus dóminus ejus, trádidit eum tortóribus, quoadúsque rédderet unívserum débitum. Sic et Pater meus caeléstis fáciat vobis, si non remisérítis unusquísque fratri suo de córdibus vestris.

Credo.

Offertorium Job 1 Vir erat in terra Hus, nómine Job: simplex et rectus, ac timens Deum: quem Satan pétiit, ut tentáret: et data est ei potéstas a Dómíno in facultátes et in carnem ejus: perdidítque omnem substántiam

ipsius, et filios: carnem quoque ejus gravi úlcere vulnerávit.

Secreta

SÚSCIPE, Dómine, propítius hóstias: quibus et te placári voluísti, et nobis salútem poténti pietáte restítui. Per Dóminum.

Praefatio de Ssma Trinitate.

Communio Ps. 118, 81, 84 et 86 In salutári tuo ánima mea, et in verbum tuum sperávi: quando fácies de persecúentibus me iudícium ? iníqui persecúti sunt me, ádjuva me, Dómine Deus meus.

Postcommunio

IMMORTALITÁTIS alimóniam consecúti, quaésumus, Dómine: ut, quod ore percépipimus, pura mente sectémur. Per Dóminum.

DOMINICA VIGESIMA SECUNDA POST PENTECOSTEN

Semiduplex

Introitus Ps. 129, 3-4

SI iniquitátes observáveris, Dómine, Dómine, quis sustinébit ? quia apud te propitiátio est, Deus Israëli. **Ps. ibid., 1-2** De profúndis clamávi ad te, Dómine: Dómine, exáudi vocem meam. **V.** Glória Patri.

Oratio

DEUS, refúgium nostrum, et virtus: adésto piis Ecclésiae tuae précibus, auctor ipse pietátis, et praesta: ut, quod fidéliter pétimus, efficáciter consequámur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Philippénes.

Philipp. 1, 6-11

FRATRES: Confídimus in Dómino Jesu, quia qui coepit in vobis opus bonum, perfíciet usque in diem Christi Jesu. Sicut est mihi justum hoc sentíre pro ómnibus vobis: eo quod hábeam vos in corde, et in vínculis meis, et in defénsiône et confirmatióne Evangélii, sócios gáudii mei omnes vos esse. Testis enim mihi est Deus, quómodo cúpiam omnes vos in viscéribus Jesu Christi. Et hoc oro ut caritas vestra magis ac magis abúndet in sciéntia, et omni sensu: ut probétis potióra, ut sitis sincéri, et sine offénsa in diem Christi, repléti fructu justítiae per Jesum Christum, in glóriam et laudem Dei.

Graduale Ps. 132, 1-2 Ecce quam bonum, et quam jucúndum, habitáre fratres in unum ! **V.** Sicut unguéntum in cápite, quod descéndit in barbam, barbam Aaron.

Allelúja, allelúja. **V.** **Ps. 113, 11** Qui timent Dóminum sperent in eo: adjútor et protéctor eórum est. Allelúja.

+ Sequéntia sancti Evangélii secúndum Matthaéum.

Matth. 22, 15-21

IN illo témpore: Abeúntes pharisaéi consílium iniérunt ut cáperent Jesum in sermóne. Et mittunt ei discípulos suos cum Herodiánis, dicéntes: Magister, scimus quia verax es, et viam Dei in veritáte doces, et non est tibi cura de áliquo: non enim réspicis persónam hóminum: dic ergo nobis quid tibi vidétur, licet census dare Caésari, an non ? Cógnota autem Jesus nequítia eórum, ait: Quid me tentátis, hypócritae ? Osténdite mihi numísma census. At illi obtulérunt ei denárium. Et ait illis Jesus: Cujus est imágo haec, et superscríptio ? Dicunt ei: Caésaris. Tunc ait illis: Réddite ergo quae sunt Caésaris, Caésari: et quae sunt Dei, Deo.

Credo.

Offertorium Esth. 14, 12 et 13 Recordáre mei, Dómine, omni potentátui dómínans: et da sermónem rectum in os meum, ut pláceant verba mea in conspéctu princípis.

Secreta

DA, miséricors Deus: ut haec salutáris oblátio et a própriis nos reátibus indesinéter expédíat, et ab ómnibus tueátur advérsis. Per Dóminum.

Praefatio de Ssma Trinitate.

Communio Ps. 16, 6 Ego clamávi, quóniam exaudísti me, Deus: inclína aurem tuam, et exáudi verba mea.

Postcommunio

SÚMPSIMUS, Dómine, sacri dona mystérii, humíliter deprecántes: ut quae in tui commemoratióem nos fácere praecepísti, in nostrae proficiant infirmitátis auxiliúm: Qui vivis.

DOMINICA VIGESIMA TERTIA
POST PENTECOSTEN

Semiduplex

Introitus **Jerem. 29, 11, 12 et 14**

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Jacob. **Vl.** Glória Patri.

Oratio

ABSÓLVE, quaésumus, Dómine, tuórum delícta populórum: ut a peccatórum néxibus, quae pro nostra fragilitáte contráximus, tua benignitáte liberémur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Philippénes.

Philipp. 3, 17-21 ; 4, 1-3

FRATRES: Imitátóres mei estóte, et observáte eos qui ita ámbulant, sicut habétis formam nostram. Multi enim ámbulant, quos saepe dicébam vobis (nunc autem et flens dico) inimícos crucis Christi: quorum finis intéritus: quorum Deus venter est: et glória in confusióne ipsórum, qui terréna sápiunt. Nostra autem conversátio in caelis est: unde étiam Salvatórem exspectámus Dóminum nostrum Jesum Christum, qui reformábit corpus humilitátis nostrae, configurátum córpori claritátis suae, secúndum operatióem, qua étiam possit subjícere sibi ómnia. Itaque, fratres mei caríssimi et desideratíssimi, gáudium meum et coróna mea: sic state in Dómino, caríssimi. Evódiam rogo, et Sýntychen déprecor idípsum sápere in Dómino. Etiam rogo et te, germáne compar, ádjuva illas, quae mecum laboravérunt in Evangélio cum Cleménte, et céteris adjutóribus meis, quorum nómina sunt in libro vitae.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **Vl.** In Deo laudábimur tota die, et in nómine tuo confitébimur in saécula.

Allelúja , allelúja. **Vl. Ps. 129, 1-2** De profúndis clamávi ad te, Dómine: Dómine, exáudi oratióem meam. Allelúja.

+ Sequéntia sancti Evangélii secúndum Matthaéum.

Matth. 9, 18-26

IN illo témpore: Loquén-te Jesu ad turbas, ecce princeps unus accéssit, et adorábat eum, dicens: Dómine, fília mea modo defúncta est: sed veni, impóne manum tuam super eam, et vivet. Et surgens Jesus sequebátur eum, et discípuli ejus. Et ecce múlier, quae sánguinis fluxum patiebátur duódecim annis, accéssit retro, et tétigit fímbriam vestiménti ejus. Dicébat enim intra se: Si tetígero tantum vestiméntum ejus, salva ero. At Jesus convérsus, et videns eam, dixit: Confide fília, fides tua te salvam fecit. Et salva facta est múlier ex illa hora. Et cum veníset Jesus in domum princípis, et vidíset tibícines, et turbam tumultuántem, dicébat: Recédite: non est enim mórtua puélla, sed dormit. Et deridébant eum. Et cum ejectione esset turba, intrávit, et tenuit manum ejus. Et surréxit puélla. Et éxiit fama haec in univérsam terram illam.

Credo.

Offertorium Ps. 129, 1-2 De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta

PRO nostrae servitútis augménto sacrificium tibi, Dómine, laudis offérimus: ut, quod imméritis contulísti, propítius exsequáris. Per Dóminum.

Praefatio de Ssma Trinitate.

Communio Marc. 11, 24 Amen dico vobis, quicquid orátes pétitis, crédite quia accipiétis, et fiet vobis.

Postcommunio

QUSUMUS, omnípotens Deus: ut, quos divína tríbuis participatióne gaudére, humánis non sinas subjacére perículis. Per Dóminum.

* Si haec Dominica a superveniente Dominica ultima post Pentecosten impediatur, anticipatur Sabbato cum omnibus privilegiis occurrenti Dominicae propriis, et in ea dicitur Glória in excélsis, Credo, Praefatio de Trinitate et Ite, Missa est.

* Si Dominicae post Pentecosten fuerint plures quam XXIV, tunc post XXIII resumuntur Missae Dominicarum, quae superfuerunt post Epiphaniam, ut infra habentur, juxta ordinem qui in Rubricis invenitur. Et ultimo loco semper ponitur Missa Dominicae XXIV, ut infra.

DOMINICA III
QUAE SUPERFUIT
POST EPIPHANIAM

Semiduplex

Introitus Jerem. 29, 11, 12 et 14

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. Ps. 84, 2 Benedixísti, Dómine, terram tuam: avertísti captivitátem Jacob. V/. Glória Patri.

Oratio

OMNÍPOTENS sempitérne Deus, infirmitátem nostram propítius respice: atque ad protegéndum nos, dexteram tuae majestátis exténde. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 12, 16-21

FRATRES: Nolíte esse prudéntes apud vosmetípsos: nulli malum pro malo reddéntes: providéntes bona non tantum coram Deo, sed étiam coram ómnibus homínibus. Si fieri potest, quod ex vobis est, cum ómnibus homínibus pacem habéntes: Non vosmetípsos defendéntes, caríssimi, sed date locum irae. Scriptum est enim: Mihi vindícta: ego retribuam, dicit Dóminus. Sed si esuríerit inimícus tuus, ciba illum: si sitiit, potum da illi: hoc enim fáciens carbónes ignis cóngeres super caput ejus. Noli vinci a malo, sed vince in bono malum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. V/. In Deo laudábimur tota die, et in nómine tuo confitébimur in saécula.

Allelúja, allelúja. V/. Ps. 129, 1-2 De profúndis clamávi ad te, Dómine: Dómine, exáudi oratióne meam. Allelúja.

+ Sequéntia sancti Evangélii secúndum Matthaéum.

Matth. 8, 1-13

IN illo témpore: Cum descendísset Jesus de monte, secútae sunt eum turbae multae: et ecce leprósus véniens adorábat eum, dicens: Dómine, si vis, potes me mundáre. Et exténdens Jesus manum, tétigit eum, dicens: Volo. Mundáre. Et conféstim mundáta est lepra ejus. Et ait illi Jesus: Vide, némini díxeris: sed vade, osténde te sacerdoti, et offer munus, quod praecépit Móyses, in testimónium illis. Cum autem introísset Caphárnaum, accéssit ad eum centúrio, rogans eum, et dicens: Dómine, puer meus jacet in domo paralýticus, et male torquétur. Et ait illi Jesus: Ego véniam, et curábo eum. Et respóndens centúrio, ait:

Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútos, habens sub me mílites, et dico huic: Vade, et vadit ; et álii: Veni, et venit, et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israél. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Jacob in regno caelórum: filii autem regni ejiciéntur in ténebras exterióres: ibi erit fletus, et stridor déntium. Et dixit Jesus centurióni: Vade, et sicut credidísti, fiat tibi. Et sanátus est puer in illa hora.

Credo.

Offertorium Ps. 129, 1-2 De profúndis clamávi ad te, Dómine: Dómine, exáudi oratiónem meam: de profúndis clamávi ad te, Dómine.

Secreta

HAEC hóstia, Dómine, quaésumus, emúndet nostra delícta: et ad sacrificium celebrándum, subditórum tibi córpora, mentésque sanctíficet. Per Dóminum.

Praefatio de Ssma Trinitate.

Communio Marc. 11, 24 Amen dico vobis, quidquid orántes pétitis, crédite quia accipiétis, et fiet vobis.

Postcommunio

QUOS tantis, Dómine, largíris uti mystériis: quaésumus ; ut efféctibus nos eórum veráciter aptáre dignéris. Per Dóminum.

DOMINICA IV QUAE SUPERFUIT POST EPIPHANIAM

Semiduplex

Introitus Jerem. 29, 11, 12 et 14

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. Ps. 84, 2 Benedixísti, Dómine, terram tuam: avertísti captivitátem Jacob. V/. Glória Patri.

Oratio

DEUS, qui nos in tantis perículis constitútos, pro humana scis fragilitáte non posse subsistere: da nobis salútem mentis et córporis ; ut ea, quae pro peccátis nostris pátimur, te adjuvánte vincámus. Per Dóminum nostrum Jesum Christum Fílium tuum: Qui tecum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Romános.

Rom. 13, 8-10

FRATRES: Némini quidquam debeátis, nisi ut invicem diligátis: qui enim díligit próximum, legem implévit. Nam: Non adulterábis: Non occides: Non furáberis: Non falsum testimónium dices: Non concupísces: et si quod est áliud mandátum, in hoc verbo instaurátur: Díliges próximum tuum sicut teípsum. Diléctio próximi malum non operátur. Plenitúdo ergo legis est diléctio.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. V/. In Deo laudábimur tota die, et in nómine tuo confitébimur in saécula.

Allelúja , allelúja. V/. Ps. 129, 1-2 De profúndis clamávi ad te, Dómine: Dómine, exáudi oratiónem meam. Allelúja.

+ Sequéntia sancti Evangéllii secúndum Matthaéum.

Matth. 8, 23-27

IN illo témpore: Ascendénte Jesu in navículam, secúti sunt eum discípuli ejus: et ecce motus magnus factus est in mari, ita ut navícula operirétur flúctibus, ipse vero dormiébat. Et accessérunt ad eum discípuli

ejus, et suscitaverunt eum, dicentes: Dómine, salva nos, perimus. Et dicit eis Jesus: Quid tímidi estis, módicæ fidei ? Tunc surgens, imperávit ventis et mari, et facta est tranquillitas magna. Porro hómines miráti sunt, dicentes: Qualis est hic, quia et venti et mare obédiunt ei ?

Credo.

Offertorium Ps. 129, 1-2 De profúndis clamávi ad te, Dómine: Dómine, exáudi oratióem meam: de profúndis clamávi ad te, Dómine.

Secreta

CONCÉDE, quaesumus, omnipotens Deus: ut hujus sacrificii munus oblátum, fragilitátem nostram ab omni malo purget semper, et múniat. Per Dóminum.

Praefatio de Ssma Trinitate.

Communio Marc. 11, 24 Amen dico vobis, quidquid orátes pétitis, crédite quia accipiétis, et fiet vobis.

Postcommunio

MÚNERA tua nos, Deus, a delectatióibus terrénis expédiant: et caeléstibus semper instáurent aliméntis. Per Dóminum.

DOMINICA V QUAE SUPERFUIT POST EPIPHANIAM

Semiduplex

Introitus **Jerem. 29, 11, 12 et 14**

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Jacob. **Vl.** Glória Patri.

Oratio

FAMÍLIAM tuam, quaesumus, Dómine, contínua pietáte custódi: ut quae in sola spe grátiae caeléstis innítitur, tua semper protectióe muniátur. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Colossénses.

Col. 3, 12-17

FRATRES: Indúite vos sicut elécti Dei, sancti et dilécti, víscera misericórdiae, benignitátem, humilitátem, modéstiam, patiéntiam: supportántes íncem, et donántes vobismetípsis, si quis advérsus áliquem habet querélam: sicut et Dóminus donávit vobis, ita et vos. Super ómnia autem haec, caritátem habéte, quod est vínculum perfectiónis: et pax Christi exsúltet in córdibus vestris, in qua et vocáti estis in uno córpore: et grati estóte. Verbum Christi hábitet in vobis abundánter, in omni sapiéntia, docétes, et commonétes vosmetípsos, psalmis, hymnis et cánticis spirituálibus, in grátia cantántes in córdibus vestris Deo. Omne quodcúmque fáctis in verbo, aut in ópere, ómnia in nómine Dómini Jesu Christi, grátias agétes Deo, et Patri per Jesum Christum Dóminum nostrum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **Vl.** In Deo laudábimur tota die, et in nómine tuo confitébimur in saécula.

Allelúja , allelúja. **Vl.** **Ps. 129, 1-2** De profúndis clamávi ad te, Dómine: Dómine, exáudi oratióem meam. Allelúja.

+ Sequéntia sancti Evangélii secúndum Matthaéum.

Matth. 13, 24-30

IN illo témpore: Dixit Jesus turbis parábolam hanc: Símile factum est regnum caelórum hómini, qui seminávit bonum semen in agro suo. Cum autem dormírent hómines, venit inimícus ejus, et superseminávit zizánia in médio trítici, et ábiit. Cum autem crevísset herba, et fructum fecísset, tunc apparuérunt et zizánia.

Accedentes autem servi patrisfamilias, dixerunt ei: Domine, nonne bonum semen seminasti in agro tuo? Unde ergo habet zizania? Et ait illis: Inimicus homo hoc fecit. Servi autem dixerunt ei: Vis, imus, et colligimus ea? Et ait: Non: ne forte colligentes zizania, eradicetis simul cum eis et triticum. Sinite utraque crescere usque ad messem, et in tempore messis dicam messoribus: Colligite primum zizania, et alligate ea in fasciculos ad comburendum, triticum autem congregate in horreum meum.

Credo.

Offertorium Ps. 129, 1-2 De profundis clamavi ad te, Domine: Domine, exaudi orationem meam: de profundis clamavi ad te, Domine.

Secreta

HÓSTIAS tibi, Domine, placationis offerimus: ut et delicta nostra miseratus absolvas, et nutantia corda tu dirigas. Per Dominum.

Praefatio de Ssma Trinitate.

Communio Marc. 11, 24 Amen dico vobis, quidquid orantes petitis, credite quia accipietis, et fiet vobis.

Postcommunio

QUSUMUS, omnipotens Deus: ut illius salutaris capiamus effectum, cujus per haec mysteria pignus accepimus. Per Dominum.

DOMINICA VI QUAE SUPERFUIT POST EIPHANIAM

Semiduplex

Introitus **Jerem. 29, 11, 12 et 14**

DICIT Dominus: Ego cogito cogitationes pacis, et non afflictionis: invocabitis me, et ego exaudiam vos: et reducam captivitatem vestram de cunctis locis. **Ps. 84, 2** Benedixisti, Domine, terram tuam: avertisti captivitatem Jacob. **Vl.** Glória Patri.

Oratio

PRAESTA, quaesumus, omnipotens Deus: ut semper rationabilia meditantes, quae tibi sunt placita, et dictis exsequamur, et factis. Per Dominum.

Orationes pro diversitate Temporum assignatae Tabula Orationum.

Lectio Epistolae beati Pauli Apostoli ad Thessalonicenses.

1 Thess. 1, 2-10

FRATRES: Grátias ágimus Deo semper pro ómnibus vobis, memóriam vestri faciéntes in oratióibus nostris sine intermissióne, mémoires óperis fidei vestrae, et labóris, et caritátis, et sustinéntiae spei Dómini nostri Jesu Christi, ante Deum et Patrem nostrum: sciéntes, fratres, dilécti a Deo, electi ónem vestram: quia Evangélium nostrum non fuit ad vos in sermóne tantum, sed et in virtúte, et in Spíritu Sancto, et in plenitúdine multa, sicut scitis quales fuérimus in vobis propter vos. Et vos imitatóres nostri facti estis, et Dómini, excipiéntes verbum in tribulatióne multa, cum gáudio Spíritus Sancti: ita ut facti sitis forma ómnibus credéntibus in Macedónia, et in Achája. A vobis enim diffamátus est sermo Dómini, non solum in Macedónia, et in Achája, sed et in omni loco fides vestra, quae est ad Deum, profécta est, ita ut non sit nobis necesse quidquam loqui. Ipsi enim de nobis annúntiant qualem intróitum habuérimus ad vos: et quómodo convérsi estis ad Deum a simulácris, servíre Deo vivo, et vero, et exspectáre Fílium ejus de caelis (quem suscitávit ex mórtuis) Jesum, qui erípuit nos ab ira ventúra.

Graduale Ps. 43, 8-9 Liberásti nos, Domine, ex affligéntibus nos: et eos, qui nos odérunt, confudisti. **Vl.** In Deo laudábimur tota die, et in nómine tuo confitebimur in saécula.

Allelúja, allelúja. **Vl. Ps. 129, 1-2** De profundis clamavi ad te, Domine: Domine, exaudi orationem meam. Allelúja.

+ Sequéntia sancti Evangélii secúndum Matthaéum.

Matth. 13, 31-35

IN illo tēpore: Dixit Jesus turbis parabolam hanc: Símile regnum caelórum grano sinápis, quod accípiens homo seminávit in agro suo: quod mínimum quidem est ómnibus semínibus: cum autem créverit, majus est ómnibus oléribus, et fit arbor, ita ut vólucres caeli véniant, et hábitent in ramis ejus. Aliam parabolam locútus est eis: Símile est regnum caelórum ferméto, quod accéptum múlter abscondit in farinae satis tribus, donec fermentátum est totum. Haec ómnia locútus est Jesus in parábolis ad turbas: et sine parábolis non loquebátur eis: ut implerétur quod dictum erat per Prophétam dicéntem: Apériam in parábolis os meum, eructábo abscondita a constitutióne mundi.

Credo.

Offertorium Ps. 129, 1-2 De profúndis clamávi ad te, Dómine: Dómine, exáudi oratióne meam: de profúndis clamávi ad te, Dómine.

Secreta

HAEC nos oblátio, Deus, mundet, quaésumus, et rénovet, gubérnet, et próteget. Per Dóminum.

Praefatio de Ssma Trinitate.

Communio Marc. 11, 24 Amen dico vobis, quidquid orántes pétitis, crédite quia accipiétis, et fiet vobis.

Postcommunio

CAELÉSTIBUS, Dómine, pasti delíciis: quaésumus; ut semper éadem, per quae veráciter vívimus, appetámus. Per Dóminum nostrum.

DOMINICA VIGESIMA QUARTA
ET ULTIMA
POST PENTECOSTEN

Semiduplex

Introitus **Jerem. 29, 11, 12 et 14**

DICIT Dóminus: Ego cógito cogitatiónes pacis, et non afflictiónis: invocábitis me, et ego exáudiam vos: et redúcam captivitátem vestram de cunctis locis. **Ps. 84, 2** Benedixísti, Dómine, terram tuam: avertísti captivitátem Jacob. **Vl.** Glória Patri.

Oratio

EXCITA, quaésumus, Dómine, tuórum fidélium voluntátes: ut divíni óperis frúctum propénsius exsequétes; pietátis tuae remédia majóra percípiant. Per Dóminum.

Orationes pro diversitate Temporum assignatae Tabula Orationum.

Léctio Epístolae beáti Pauli Apóstoli ad Colossénses.

Col. 1, 9-14

FRATRES: Non cessámus pro vobis orántes, et postulántes ut impleámini agnitióne voluntátis Dei, in omni sapiéntia et intelléctu spiritali: ut ambulétis digne Deo per ómnia placéntes: in omni ópere bono fructificántes, et crescéntes in sciéntia Dei: in omni virtúte confortáti secúndum poténtiam claritátis ejus in omni paciéntia et longanimitáte cum gáudio, grátias agéntes Deo Patri, qui dignos nos fecit in partem sortis sanctórum in lúmine: qui erípuit nos de potestáte tenebrárum, et tránstulit in regnum Fílii dilectiónis suae, in quo habémus redemptióne per ságuinem ejus, remissióne peccatórum.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. **Vl.** In Deo laudábimur tota die, et in nómine tuo confitébimur in saécula.

Allelúja, allelúja. **Vl.** **Ps. 129, 1-2** De profúndis clamávi ad te, Dómine: Dómine, exáudi oratióne meam. Allelúja.

+ Sequéntia sancti Evangélii secúndum Matthaéum.

Matth. 24, 15-35

IN illo tēpore: Dixit Jesus discípulis suis: Cum vidérítis abominatióne desolatióne, quae dicta est a

Daniéle prophéta, stantem in loco sancto: qui legit, intélligat: tunc qui in Judaéa sunt, fúgiant ad montes: et qui in tecto, non descéndat tóllere áliquid de domo sua: et qui in agro, non revertátur tóllere túnica suam. Vae autem praegnántibus, et nutriéntibus in illis diébus. Oráte autem, ut non fiat fuga vestra in híeme, vel sábbato. Erit enim tunc tribulátio magna, qualis non fuit ab ínítio mundi usque modo, neque fiet. Et nisi breviáti fuissent dies illi, non fíeret salva omnis caro: sed propter eléctos breviabúntur dies illi. Tunc si quis vobis díxerit: Ecce hic est Christus, aut illic: nolíte crédere. Surgent enim pseudochrísti, et pseudoprophétae: et dabunt signa magna et prodígia, ita ut in errórem inducántur (si fíeri potest) étiam elécti. Ecce praedíxi vobis. Si ergo díxerint vobis: Ecce in desérto est, nolíte exíre: ecce in penetrálibus, nolíte crédere. Sicut enim fulgur exit ab Oriénte, et paret usque in Occidéntem: ita erit et advéntus Fílii hóminis. Ubicúmque fúerit corpus, illic congregabúntur et áquilae. Statim autem post tribulatiónem diérum illórum sol obscurábitur, et luna non dabit lumen suum, et stellae cadent de caelo, et virtútes caelórum commovebúntur: et tunc parébit signum Fílii hóminis in caelo: et tunc plangent omnes tribus terrae: et vidébunt Fílium hóminis veniéntem in núbibus caeli cum virtúte multa et majestáte. Et mittet Angelos suos cum tuba, et voce magna: et congregábunt eléctos ejus a quátuor ventis, a summis caelórum usque ad términos eórum. Ab árbore autem fici díscite parábolam: cum jam ramus ejus tener fúerit, et fólía nata, scitis quia prope est aestas: ita et vos cum vidéritis haec ómnia, scitóte quia prope est in jánuis. Amen dico vobis, quia non praeteríbit generátio haec, donec ómnia haec fiant. Caelum et terra transibunt, verba autem mea non praeteríbunt.

Credo.

Offertorium Ps. 129, 1-2 De profúndis clamávi ad te, Dómine: Dómine, exáudi oratiónem meam: de profúndis clamávi ad te, Dómine.

Secreta

PROPÍTIUS esto, Dómine, supplicatióibus nostris: et pópuli tui oblatiúnibus, precibúsq; susceptis, ómnium nostrum ad te corda convérte: ut a terrénis cupiditatibus liberáti, ad caeléstia desidéria transeámus. Per Dóminum nostrum Jesum Christum Fílium tuum: Qui tecum.

Praefatio de Ssma Trinitate.

Communio Marc. 11, 24 Amen dico vobis, quidquid orántes pétitis, créдите quia accipiétis, et fiet vobis.

Postcommunio

CONCÉDE nobis, quaésumus, Dómine: ut per haec sacraménta quae sumpsimus, quidquid in nostra mente vitiosum est, ipsórum medicatiónis dono curétur. Per Dóminum.

TABULA ORATIONUM

HEBDOMADA I ADVENTUS

Oratio

EXCITA, quaésumus, Dómine, poténtiam tuam, et veni: ut ab imminéntibus peccatórum nostrórum periculis, te mereámur protegénte éripi, te liberánte salvári: Qui vivis et regnas.

Secreta

HAEC sacra nos, Dómine, poténti virtúte mundátos, ad suum fáciant purióres veníre princípium. Per Dóminum.

Postcommunio

SUSCIPIÁMUS, Dómine, misericórdiam tuam in médio templi tui: ut reparatiónis nostrae ventúra solémnia cóngruis honóribus praecedámus. Per Dóminum.

HEBDOMADA II ADVENTUS

Oratio

EXCITA, Dómine, corda nostra ad praeparándas Unigéniti tui vias: ut, per ejus advéntum, purificátis tibi

méntibus servíre mereámur: Qui tecum vivit.

Secreta

PLACÁRE, quaésumus, Dómine, humilitátis nostrae précibus et hóstiis: et ubi nulla súppetunt suffrágia meritórum, tuis nobis succúrre praesídiis. Per Dóminum.

Postcommunio

REPLÉTI cibo spirituális alimóniae, súplices te, Dómine, deprecámur: ut hujus participatióne mystérii, dóceas nos terréna despícere et amáre caeléstia. Per Dóminum.

HEBDOMADA III ADVENTUS

Oratio

AUREM tuam, quaésumus, Dómine, précibus nostris accómmoda: et mentis nostrae ténebras, grátia tuae visitatiónis illústra: Qui vivis.

Secreta

DEVOTIÓNIS nostrae tibi, quaésumus, Dómine, hóstia júgiter immolétur: quae et sacri péragat institúta mystérii, et salutáre tuum in nobis mirabíliter operétur. Per Dóminum.

Postcommunio

IMPLORÁMUS, Dómine, cleméntiam tuam: ut haec divína subsídia, a vítiis expiátos, ad festa ventúra nos praéparent. Per Dóminum.

DOMINICA IV ADVENTUS

Oratio

EXCITA, quaésumus, Dómine, poténtiam tuam, et veni: et magna nobis virtúte succúrre ; ut per auxiliúm grátiae tuae, quod nostra peccáta praepédiunt, indulgéntia tuae propitiatiónis accéleret: Qui vivis et regnas.

Secreta

SACRIFÍCIIS praeséntibus, quaésumus, Dómine, placátus inténde: ut et devotióni nostrae proficiant, et salúti. Per Dóminum.

Postcommunio

SUMPTIS munéribus, quaésumus, Dómine: ut cum frequentatióne mystérii, crescat nostrae salútis efféctus. Per Dóminum.

I DE SANCTA MARIA

Oratio

DEUS, qui de beátae Maríae Vírginis útero Verbum tuum, Angelo nuntiánte, carnem suscípere voluísti: praesta supplicibus tuis ; ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Secreta

IN méntibus nostris, quaésumus, Dómine, verae fídei sacraméta confírma: ut, qui concéptum de Vírgine Deum verum et hómínem confitémur ; per ejus salutíferae resurrectiós poténtiam, ad aetérnam mereámur perveníre laetítiam. Per eúmdem Dóminum.

Postcommunio

GRÁTIAM tuam, quaésumus, Dómine, méntibus nostris infúnde: ut qui, Angelo nuntiánte, Christi Fílii tui incarnatióne cognóvimus ; per passióne ejus et cruce, ad resurrectiós glóriam perducámur. Per eúmdem Dóminum.

A die 29 Dec. ad diem 2 Febr.
Oratio

DEUS, qui salutis aeternae, beatae Mariae virginitate fecunda, humano generi praemia praestitisti: tribue, quaesumus; ut ipsam pro nobis intercedere sentiamus, per quam meruimus auctorem vitae suscipere, Dominum nostrum Jesum Christum Filium tuum: Qui tecum vivit et regnat.

Secreta

TUA, Domine, propitiatio, et beatae Mariae semper Virginis intercessio, ad perpetuam atque praesentem haec oblatio nobis proficiat prosperitatem et pacem. Per Dominum.

Postcommunio

HAEC nos communitio, Domine, purget a crimine: et, intercedente beata Virgine Dei Genitrice Maria, caelestis remedii faciat esse consortes. Per eundem Dominum.

III DE SANCTA MARIA

Reliquis anni temporibus
Oratio

CONCEDE nos famulos tuos, quaesumus, Domine Deus, perpetua mentis et corporis sanitate gaudere: et, gloriosa beatae Mariae semper Virginis intercessio, a praesenti liberari tristitia, et aeterna perfrui laetitia. Per Dominum.

Secreta

TUA, Domine, propitiatio, et beatae Mariae semper Virginis intercessio, ad perpetuam atque praesentem haec oblatio nobis proficiat prosperitatem et pacem. Per Dominum.

Postcommunio

SUMPTIS, Domine, salutis nostrae subsidiis: da, quaesumus, beatae Mariae semper Virginis patrocinii nos ubique protegi; in cuius veneratione haec tuae obtulimus majestati. Per Dominum.

DE SPIRITU SANCTO

Oratio

DEUS, qui corda fidelium Sancti Spiritus illustratione docuisti: da nobis in eodem Spiritu recta sapere; et de ejus semper consolatione gaudere. Per Dominum nostrum Jesum Christum Filium tuum, qui tecum vivit et regnat in unitate ejusdem Spiritus Sancti.

Secreta

MUNERA, quaesumus, Domine, oblata sanctifica: et corda nostra Sancti Spiritus illustratione emunda. Per Dominum nostrum Jesum Christum Filium tuum: Qui tecum vivit et regnat in unitate ejusdem.

Postcommunio

SANCTI Spiritus, Domine, corda nostra mundet infusio: et sui roris intima aspersione fecundet. Per Dominum nostrum Jesum Christum Filium tuum: Qui tecum vivit et regnat in unitate ejusdem.

CONTRA PERSECUTORES ECCLESIAE

Oratio

ECCLÉSIAE tuae, quaesumus, Domine, preces placatus admitte: ut, destructis adversitatibus et erroribus universis, secura tibi serviat libertate. Per Dominum.

Secreta

PROTEGE nos, Domine, tuis mysteriis servientes: ut, divinis rebus inhaerentes, et corpore tibi famulemur, et mente. Per Dominum.

Postcommunio

QUSUMUS, Dómine Deus noster: ut, quos divína tríbuis participatióne gaudére, humánis non sinas subjacére perículis. Per Dóminum.

PRO PAPA**Oratio**

DEUS, ómnium fidélium pastor et rector, fámulum tuum **N.**, quem pastórem Ecclésiae tuae praeesse voluísti, propítius réspice: da ei, quaésumus, verbo et exémplo, quibus praeest, profícere ; ut ad vitam, una cum grege sibi crédito, pervéniat sempitérnam. Per Dóminum.

Secreta

OBLÁTIS, quaésumus, Dómine, placáre munéribus: et fámulum tuum **N.**, quem pastórem Ecclésiae tuae praeesse voluísti, assídua protectióne guberná. Per Dóminum.

Postcommunio

HAEC nos, quaésumus, Dómine, divíni sacraménti percéptio prótegat: et fámulum tuum **N.**, quem pastórem Ecclésiae tuae praeesse voluísti ; una cum commísso sibi grege, salvet semper et múniat. Per Dóminum.

**AD POSCENDA SUFFRAGIA
SANCTORUM****Oratio**

A CUNCTIS nos, quaésumus, Dómine, mentis et córporis defénde perículis: et, intercedénte beáta et gloriósa semper Vírgine Dei Genitríce María, cum beáto Joseph, beátis Apóstolis tuis Petro et Paulo, atque beáto **N.** et ómnibus Sanctis, salútem nobis tríbue benígnus et pacem ; ut, destrúctis adversitatibus et erróribus univérsis, Ecclésia tua secúra tibi sérviat libertáte. Per eúmdem Dóminum.

Secreta

EXÁUDI nos , Deus, salutáris noster: ut, per hujus sacraménti virtútem, a cunctis nos mentis et córporis hóstibus tueáris ; grátiam tribuens in praesénti, et glóriam in futúro. Per Dóminum.

Postcommunio

MUNDET et múniat nos, quaésumus, Dómine, divíni sacraménti munus oblátum: et, intercedénte beáta Vírgine Dei Genitríce María, cum beáto Joseph, beátis Apóstolis tuis Petro et Paulo, atque beato **N.** et ómnibus Sanctis ; a cunctis nos reddat et perversitatibus expiátos, et adversitatibus expeditos. Per eúmdem Dóminum.

DE SANCTISSIMO SACRAMENTO**Oratio**

DEUS, qui nobis sub Sacraménto mirábili passióis tuae memóriam reliquísti: tríbue, quaésumus, ita nos córporis et sánguinis tui sacra mystéria venerári ; ut redemptióis tuae fructum in nobis júgiter sentiámus: Qui vivis.

Secreta

ECCLÉSIAE tuae, quaésumus, Dómine, unitátis et pacis propítius dona concéde: quae sub oblátis munéribus mýstice designántur. Per Dóminum.

Postcommunio

FAC nos, quaésumus, Dómine, divinitátis tuae sempitérna fruitióne repléri: quam pretiósí córporis et sánguinis tui temporális percéptio praefigúrat: Qui vivis.

PRO QUACUMQUE NECESSITATE

Oratio

DEUS, refúgium nostrum et virtus: adésto piis Ecclésiæ tuæ précibus, auctor ipse pietátis, et praesta ; ut, quod fidéliter pétimus, effícaciter consequámur. Per Dóminum.

Secreta

DA, miséricors Deus: ut haec salutáris oblátio et a própriis nos reátibus indesinéter expédíat, et ab ómnibus tueátur advérsis. Per Dóminum.

Postcommunio

SÚMPSIMUS, Dómine, sacri dona mystérii, humíliter deprecátes: ut quae in tui commemoratióne nos fácere praecepi, in nostrae proficiant infirmitátis auxiliúm: Qui vivis.

AD PETENDAM PLUVIAM**Oratio**

DEUS, in quo vívimus, movémur, et sumus: plúviam nobis tríbue congruéntem ; ut, praeséntibus subsidiis sufficiénter adjúti, sempitérna fiduciálius appetámus. Per Dóminum.

Secreta

OBLÁTIS, quaesumus, Dómine, placáre munéribus: et oportúnum nobis tríbue plúviae sufficiéntis auxiliúm. Per Dóminum.

Postcommunio

DA nobis, quaesumus, Dómine, plúviam salutárem: et áridam terrae fáciem fluéntis caeléstibus dignáner infúnde. Per Dóminum.

AD POSTULANDAM SERENITATEM**Oratio**

AD te nos, Dómine, clamátes exáudi: et áeris serenitátem nobis tríbue supplicántibus ; ut, qui juste pro peccátis nostris affligimur, misericórdia tua praeveniénte, cleméntiam sentiámus. Per Dóminum.

Secreta

PRAEVÉNIAT nos, quaesumus, Dómine, grátia tua semper, et subsequátur: et has oblatiónes, quas pro peccátis nostris nómini tuo consecrándas deférimus, benígnus assúme ; ut, per intercessióne Sanctórum tuórum, cunctis nobis proficiant ad salutem. Per Dóminum.

Postcommunio

QUSUMUS, omnípotens Deus, cleméntiam tuam: ut inundántiam coérceas ímbrium, et hilaritátem vultus tui nobis impertíri dignéris. Per Dóminum.

AD REPELLENDAS TEMPESTATES**Oratio**

A DOMO tua, quaesumus, Dómine, spiritáles nequítiae repellántur: et aëreárum discédant malígnitas tempestátum. Per Dóminum.

Secreta

OFFÉRIMUS tibi, Dómine, laudes et múnera, pro concéssis benefíciis grátias referétes, et pro concedéndis semper suppliciter deprecátes. Per Dóminum.

Postcommunio

OMNÍPOTENS sempitérne Deus, qui nos et castigádo sanas, et ignoscédo consérvas: praesta supplicibus tuis ; ut et tranquillitátibus hujus optátae consolatióne laetémur, et dono tuae pietátis semper utámur. Per Dóminum.

IN ANNIVERSARIIS EPISCOPI**Oratio**

DEUS, ómnium fidélium pastor et rector, fámulum tuum **N.**, quem pastórem Ecclésiae **N.** praeesse voluísti, propítius respice: da ei, quaesumus, verbo et exémplo, quibus praeest, proficere ; ut ad vitam, una cum grege sibi crédito, pervéniat sempitérnám. Per Dóminum.

Secreta

OBLÁTIS, quaesumus, Dómine, placáre munéribus: et fámulum tuum **N.**, quem pastórem Ecclésiae **N.** praeesse voluísti, assídua protectióne gubérna. Per Dóminum.

Postcommunio

HAEC nos, quaesumus, Dómine, divíni sacraménti percéptio prótegat: et fámulum tuum **N.**, quem pastórem Ecclésiae **N.** praeesse voluísti ; una cum commisso sibi grege, salvet semper et múniat. Per Dóminum.

PRO SEIPSO SACERDOTE**Oratio**

OMNÍPOTENS et miséricors Deus, humilitátis meae preces benígnus inténde: et me fámulum tuum, quem, nullis suffragántibus méritis, sed imménsa cleméntiae tuae largitáte, caeléstibus mystériis servíre tribuísti, dignum sacris altáribus fac místrum ; ut, quod mea voce deprómitur, tua sanctificatióne firmétur. Per Dóminum.

Secreta

HUJUS, Dómine, virtúte sacraménti, peccatórum meórum máculas abstérge: et praesta ; ut ad exsequéndum injúncti officii ministérium, me tua grátia dignum effíciat. Per Dóminum.

Postcommunio

OMNÍPOTENS sempitérne Deus, qui me peccatórem sacris altáribus astáre voluísti, et sancti nóminis tui laudáre poténtiam: concéde propítius, per hujus sacraménti mystérium, meórum mihi véniam peccatórum ; ut tuae majestáti digne mérear famulári. Per Dóminum.

PRO OMNIBUS FIDELIBUS DEFUNCTIS**Oratio**

FIDÉLIUM, Deus, ómnium cónditor et redémptor: animábus famulórum famularúmque tuárum remissionem cunctórum tribue peccatórum ; ut indulgéntiam, quam semper optavérunt, piis supplicatióibus consequántur: Qui vivis.

Secreta

HÓSTIAS, quaesumus, Dómine, quas tibi pro animábus famulórum, famularúmque tuárum offérimus, propitiátus inténde: ut, quibus fídei christiánae méritum contulísti, dones et praémium. Per Dóminum.

Postcommunio

ANIMÁBUS, quaesumus, Dómine, famulórum famularúmque tuárum orátio profíciat supplicántium: ut eas et a peccátis ómnibus éxuas, et tuae redemptionis fácias esse partícipes. Qui vivis.

PRO VIVIS ET DEFUNCTIS**Oratio**

OMNÍPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse praenóscis: te súpplices exorámus ; ut, pro quibus effúndere preces decrévimus, quosque vel praesens saéculum adhuc in carne rétinet, vel futúrum jam exútos córpore suscepit, intercedéntibus ómnibus Sanctis tuis, pietátis tuae cleméntia ómnium delictórum suórum véniam consequántur. Per Dóminum.

Secreta

DEUS, cui soli cónitus est númerus electórum in supérna felicitáte locándus: tríbue, quaésumus ; ut, intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina, beátae praedestinatiónis liber adscrípta retíneat. Per Dóminum.

Postcommunio

PURÍFICENT nos, quaésumus, omnípotens et miséricors Deus, sacraménta quae sumpsimus: et, intercedéntibus ómnibus Sanctis tuis, praesta ; ut hoc tuum sacraméntum non sit nobis reátus ad poenam, sed intercessio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium remíssio ómnium delictórum. Per Dóminum.

PRO DEVOTIS AMICIS**Oratio**

DEUS, qui caritátis dona per grátiam Sancti Spíritus tuórum fidélium córdibus infudisti: da fámulis et famulábus tuis, pro quibus tuam deprecámur cleméntiam, salútem mentis et córporis ; ut te tota virtúte díligant, et quae tibi plácita sunt, tota dilectiÓne perficiant. Per Dóminum... in unitáte ejúsdem.

Secreta

MISERÉRE, quaésumus, Dómine, fámulis et famulábus tuis, pro quibus hoc sacrificium laudis tuae offérimus majestáti: ut per haec sancta, supérnae benedictiÓnis grátiam obtíneant, et glóriam aetérnae beatitúdinis acquirant. Per Dóminum.

Postcommunio

DIVÍNA libántes mystéria, quaésumus, Dómine: ut haec salutária sacraménta illis proficiant ad prosperitátem et pacem ; pro quorum quarúmque dilectiÓne haec tuae obtúlimus majestáti. Per Dóminum.

PRO SALUTE VIVORUM**Oratio**

PRAETÉNDE, Dómine, fidélibus tuis dexteram caeléstis auxilií: ut te toto corde perquirant, et quae digne póstulant, cónsequi mereántur. Per Dóminum.

Secreta

PROPITIÁRE, Dómine, supplicatiÓnibus nostris, et has oblatiÓnes fidélium tuórum, quas tibi pro incolumitáte eórum offérimus, benígnus assúme: et, ut nullíus sit írritum votum, nullíus vácuá postulatiÓ, praesta, quaésumus ; ut, quod fidéliter pétimus, efficáciter consequámur. Per Dóminum.

Postcommunio

DA fidélibus tuis, quaésumus, Dómine, in tua fide et sinceritáte constántiam: ut in caritate divína firmáti, nullis tentatiÓnibus ab ejus integritáte vellántur. Per Dóminum.

PROPRIUM DE SANCTIS

Missae, quae de singulis Festis in hoc Proprio habentur, exceptis tamen Missis de peculiaribus Mysteriis Domini aut de Festis beatae Mariae Virginis pro quibus specialis non habeatur indicatio, necnon Missis de S. Joseph ac de Ss. Petro et Paulo App., dicuntur etiam ut votivae ; sed in eis, nisi aliter suis locis habeatur, post Epistolam sumitur Graduale cum Versu sequenti aut cum suo Tractu, vel, Tempore Paschali, Allelúja cum suis Versibus, quae desint, de respectivo Communi. Pro Martyribus autem, Tempore Paschali, dicitur Missa Protexisti vel Sancti tui, prout casus ferat, et in ea dicuntur Orationes, Epistola et Evangelium propria, si habeantur. In singulis tamen Orationibus omittuntur verba hodiérna die, ánnua et similia, ubicumque habentur, et immutantur voces natalis, natalítium, festívitás in commemoratiÓ, memóriá. Itemque, loco Introitus Gaudeámus, dicitur Introitus de respectivo Communi, et extra Tempus Paschale omittuntur

Allelúja, quae ad Introitum, Offertorium et Communionem ob Tempus Paschale addita reperiantur.

FESTA NOVEMBRIS

Die 28 Novembris

* Ante Adventum in omnibus Missis de Officio Semiduplici aut Simplici et in Missis votivis, quae pro re gravi et publica simul causa non sint, dicuntur, juxta Rubricas, Orationes pro diversitate Temporum assignatae, nempe 2a ad poscenda suffragia Sanctorum A cunctis, et 3a ad libitum eligenda.

In Adventu autem, nisi aliter notetur, fit Commemoratio Feriae, et dicitur, juxta Rubricas, 3a Oratio de sancta Maria Deus, qui de beátae.

* Si hodie fuerit Sabbatum, fit de Vigilia anticipata S. Andreae Ap., de qua dicitur Missa ut die sequenti notatur ; sed omittitur Commemoratio S. Saturnini Mart., et dicitur, juxta Rubricas, 2a Oratio de sancta Maria Concéde, et 3a contra persecutores Ecclesiae, vel pro Papa.

Die 29 Novembris

IN VIGILIA

S. ANDREAE

Apostoli

Simplex

Introitus **Matth. 4, 18 et 19**

DÓMINUS secus mare Galilaéae vidit duos fratres, Petrum et Andréam, et vocávit eos: Veníte post me: fáciam vos fieri piscatóres hóminum. **Ps. 18, 2** Caeli enarrant glóriam Dei: et ópera mánuum ejus annúntiat firmaméntum. **V.** Glória Patri.

Non dicitur Glória in excélsis.

Oratio

QUSUMUS, omnipotens Deus: ut beátus Andréas Apóstolus, cujus praevenimus festivitátem, tuum pro nobis implóret auxiliúm ; ut, a nostris reátibus absolúti, a cunctis étiam periculis eruámur. Per Dóminum.

* In Adventu 2a Oratio Feriae, 3a S. Saturnini Martyris.

Extra Adventum 2a Oratio S. Saturnini, 3a de S. Maria Concéde.

Léctio libri Sapiéntiae.

Eccli. 44, 25-27 ; 45, 2-4 et 6-9

BENEDÍCTIO Dómini super caput justi. Ideo dedit illi Dóminus hereditátem, et divisit illi partem in tríbus duódecim: et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram praecépta, et legem vitae, et disciplínae, et excélsus fecit illum. Státuit ei testaméntum aetérnum, et circumcínxit eum zona justítiae: et índuit eum Dóminus corónam glóriae.

Graduale Ps. 138, 17-18 Nimis honoráti sunt amíci tui, Deus: nimis confortátus est principátus eórum. **V.** Dinumerábo eos: et super arénam multiplicabúntur.

+ Sequéntia sancti Evangélii secúndum Joánnem.

Joann. 1, 35-51

IN illo témpore: Stabat Joánnes, et ex discipulis ejus duo. Et respiciens Jesum ambulátem, dicit: Ecce Agnus Dei. Et audiérunt eum duo discipuli loquéntem, et secúti sunt Jesum. Convérsus autem Jesus, et videns eos sequéntes se, dicit eis: Quid quaéritis ? Qui dixerunt ei: Rabbi, (quod dicitur interpretátum Magíster) ubi hábitas ? Dicit eis: Veníte, et vidéte. Venérunt, et vidérunt ubi manéret, et apud eum mansérunt die illo: hora autem erat quasi décima. Erat autem Andréas frater Simónis Petri unus ex deóbus, qui audierant a Joáanne, et secúti fúerant eum. Invénit hic primum fratrem suum Simónem, et dicit ei: Invénimus Messíam (quod est interpretátum Christus) . Et addúxit eum ad Jesum. Intúitus autem eum Jesus, dixit: Tu es Simon fílius Jona: tu vocáberis Cephas, quod interpretátur Petrus. In crástinum vóluit exíre in Galilaeam, et invénit Philíppum. Et dicit ei Jesus: Séquere me. Erat autem Philíppus a Bethsaída, civitáte Andreae et Petri. Invénit Philíppus Nathánaël, et dicit ei: Quem scripsit Móyses in lege, et prophétae, invénimus, Jesum fílium Joseph a Názaeth. Et dixit ei Nathánaël: A Názaeth potest áliquid boni esse ? Dicit ei Philíppus: Veni, et vide. Vidit Jesus Nathánaël veniéntem ad se, et dicit de eo: Ecce vere

Israélita, in quo dolus non est. Dicit ei Nathánaël: Unde me nosti ? Respóndit Jesus, et dixit ei: Priúsqvam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israél. Respóndit Jesus, et dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis caelum apértum, et Angelos Dei ascendéntes, et descendéntes supra Fílium hóminis.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

SACRÁNDUM tibi, Dómine, munus offérimus: quo beáti Andréae Apóstoli solémnia recoléntes, purificatióem quoque nostris méntibus implorámus. Per Dóminum nostrum.

Communio Joann. 1, 41 et 42 Dicit Andréas Simóni fratri suo: Invénimus Messíam, qui dicitur Christus: et addúxit eum ad Jesum.

Postcommunio

PERCÉPTIS, Dómine, sacraméntis suppliciter exorámus: ut, intercedénte beáto Andréa Apóstolo tuo, quae pro illíus veneránda gérimus passióne, nobis proficiant ad medélam. Per Dóminum.

Eadem die 29 Novembris

Pro S. SATURNINO
Martyre

Missa Laetábitur, **de Communi unius Martyris 4 loco, cum Orationibus sequentibus.**

Oratio P

DEUS, qui nos beáti Saturníni Mártyris tui concédís natalítio pérfrui: ejus nos tríbue méritis adjuvári. Per Dóminum.

Secreta P

MÚNERA, Dómine, tibi dicáta sanctífica: et, intercedénte beáto Saturníno Mártyre tuo, per haec éadem nos placátus inténde. Per Dóminum.

Postcommunio P

SANCTÍFICET nos, quaesumus, Dómine, tui percéptio sacraménti: et intercessióne Sanctórum tuórum tibi reddat accéptos. Per Dóminum.

Die 30 Novembris
S. ANDREAE

Apostoli

Duplex II classis

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2**
Dómine, probásti me, et cognovísti me: tu cognovísti sessiónem meam, et resurrectiónem meam. **Vl.** Glória Patri.

Oratio

MAJESTÁTEM tuam, Dómine, suppliciter exorámus: ut, sicut Ecclésiae tuae beátus Andréas Apóstolus éxstitit praedicátor et rector ; ita apu d te sit pro nobis perpétuus intercésor. Per Dóminum.

Et, in Adventu, fit Commemoratio Feriae.

Léctio Epístolae beáti Pauli Apóstoli ad Romános.
Rom. 10, 10-18

FRATRES: Corde enim crédito ad justítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Judaéi, et Graeci: nam idem Dóminus

omnium, dives in omnes, qui invocant illum. Omnis enim, quicumque invocaverit nomen Domini, salvus erit. Quomodo ergo invocabunt, in quem non crediderunt ? Aut quomodo credent ei, quem non audierunt ? Quomodo autem audient sine praedicante ? Quomodo vero praedicabunt, nisi mittantur ? sicut scriptum est: Quam speciosi pedes evangelizantium pacem, evangelizantium bona ! Sed non omnes obediunt Evangelio. Isaias enim dicit: Domine, quis credidit auditui nostro ? Ergo fides ex auditu, auditus autem per verbum Christi. Sed dico: Numquid non audierunt ? Et quidem in omnem terram exivit sonus eorum, et in fines orbis terrae verba eorum.

Graduale Ps. 44, 17-18 Constitues eos principes super omnem terram: memores erunt nominis tui, Domine. *V.* Pro patribus tuis nati sunt tibi filii: propterea populi confitebuntur tibi. Allelúja , allelúja. *V.* Diléxit Andréam Dominus in odorem suavitatis. Allelúja.

+ Sequéntia sancti Evangélii secúndum Matthaéum.

Matth. 4, 18-22

IN illo témpore: Ambulans Jesus juxta mare Galilaéae, vidit duos fratres, Simónem, qui vocátur Petrus, et Andréam fratrem ejus, mitténtes rete in mare (erant enim piscatóres), et ait illis: Veníte post me, et fáciam vos fieri piscatóres hóminum. At illi contínuo, relíctis rétibus, secúti sunt eum. Et procedens inde, vidit álios duos fratres, Jacóbum Zebedaéi, et Joánnem fratrem ejus in navi cum Zebedaéo patre eorum, reficiéntes rétia sua: et vocávit eos. Illi autem statim, relíctis rétibus et patre, secúti sunt eum.

Credo.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eorum.

Secreta

SACRIFÍCIUM nostrum tibi, Domine, quaésumus, beáti Andréae Apóstoli precátio sancta concíliet: ut, in cujus honóre solémniter exhibétur, ejus méritis efficiátur accéptum. Per Dóminum.

Et, in Adventu, fit Commemoratio Feriae.

Praefatio de Apostolis.

Communio Matth. 4, 19-20 Veníte post me: fáciam vos fieri piscatóres hóminum: at illi contínuo, relíctis rétibus, secúti sunt Dóminum.

Postcommunio

SÚMPSIMUS, Domine, divína mystéria, beáti Andréae Apóstoli festivitáte laetántes: quae, sicut tuis Sanctis ad glóriam, ita nobis, quaésumus, ad véniam prodesse perficias. Per Dóminum.

Et, in Adventu, fit Commemoratio Feriae.

* In Missis votivis post Septuagesimam omnia dicuntur ut supra, sed post Graduale, omissis Allelúja, et Versu sequenti, dicitur Tractus Desidérium ex Missa Státuit, de Communi unius Martyris 1 loco. Tempore autem Paschali Introitus et Offertorium sumuntur ex Missa Protexisti, de Communi Martyrum 1 loco , reliqua dicuntur ut supra ; sed post Epistolam omittitur Graduale, et ejus loco dicitur:

Allelúja , allelúja. *V.* Diléxit Andréam Dominus in odorem suavitatis. Allelúja. *V.* Ps. 20, 4 Posuísti, Domine, super caput ejus corónam de lápide pretióso. Allelúja.

FESTA DECEMBRIS

Die 1 Decembris

* Si hodie Officium fuerit de Feria VI infra Hebdomadam ultimam post Pentecosten, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.

Die 2 Decembris

S. BIBIANAE

Virginis et Martyris

Semiduplex

Missa Me expectavérunt, de Communi Virginum 2 loco, praeter Orationem sequentem.

Oratio P

DEUS, ómnium largítor bonórum, qui in fámula tua Bibiána cum virginitátis flore martýrii palmam conjunxísti: mentes nostras ejus intercessióne tibi caritate conjúnge ; ut, amótiis perículis, praemia consequámur aetérna. Per Dóminum.

Et, in Adventu, fit Commemoratio Feriae.

Secreta C

HÓSTIAS tibi, Dómine, beátae Bibiánae Vírginis et Mártýris tuae dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio C

DIVÍNI múneris largítate satiáti, quaésumus, Dómine Deus noster: ut, intercedénte beáta Bibiána Vírgine et Mártýre tua, in ejus semper participatióne vivámus. Per Dóminum.

Die 3 Decembris
S. FRANCISCI XAVERII

Confessoris

Duplex majus

Introitus Ps. 118, 46-47

LOQUÉBAR de testimoniis tuis in conspéctu regum, et non confundébar: et meditábar in mandátis tuis, quae diléxi nimis. Ps. 116, 1-2 Laudáte Dóminum, omnes gentes, laudáte eum, omnes pópuli: quóniam confirmáta est super nos misericórdia ejus, et véritas Dómini manet in aetérnum. *Vl.* Glória Patri.

Oratio

DEUS, qui Indiárum gentes beáti Francísci praedicatióne et miraculis Ecclésiae tuae aggregáre voluísti: concéde propítius ; ut, cujus gloriósa mérita venerámur, virtútum quoque imitémur exémpa. Per Dóminum.

Et fit Commemoratio Feriae.

Léctio Epístolae beáti Pauli Apóstoli ad Romános.

Rom. 10, 10-18

FRATRES: Corde enim créditur ad justítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Judaéi et Graeci: nam idem Dóminus ómnium, dives in omnes, qui ínvocant illum. Omnis enim, quicumque invocáverit nomen Dómini, salvus erit. Quómodo ergo invocábunt, in quem non credidérunt ? Aut quómodo credent ei, quem non audierunt ? Quómodo autem áudient sine praedicánte ? Quómodo vero praedicábunt, nisi mittántur ? sicut scriptum est: Quam speciósi pedes evangelizántium pacem, evangelizántium bona ! Sed non omnes obédiunt Evangélio. Isaías enim dicit: Dómine, quis crédidit audítui nostro ? Ergo fides ex audítu, audítus autem per verbum Christi. Sed dico: Numquid non audierunt ? Et quidem in omnem terram exívit sonus eórum, et in fines orbis terrae verba eórum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. *Vl.* *Ibid.*, 3 Ad annuntiándum mane misericórdiam tuam, et veritátem tuam per noctem.

Allelúja, allelúja. *Vl.* Jac. 1, 12 Beátus vir, qui suffert tentatiónem: quóniam cum probátus fúerit, accipiet corónam vitae. Allelúja.

+ Sequéntia sancti Evangélli secúndum Marcum.

Marc. 16, 15-18

IN illo témpore: Dixit Jesus discíplis suis: Eúntes in mundum univérsum, praedicáte Evangélium omni creatúrae. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, haec sequéntur: In nómine meo daemónia ejíciant: linguis loquéntur novis: serpéntes tollent: et si mortíferum quid bíberint, non eis nocébit: super aegros manus impónent, et bene

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

PRAESTA nobis, quaésumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Et fit Commemoratio Feriae.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum.

Postcommunio

QUSUMUS, omnípotens Deus: ut, qui caeléstia aliménta percépimus, intercedénte beáto Francíscó Confessóre tuo, per haec contra ómnia advérta muniámur. Per Dóminum.

Et fit Commemoratio Feriae.

Die 4 Decembris

S. PETRI CHRYSOLOGI

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiae apéruit os ejus: et implévit eum Dóminus spírítu sapiéntiae, et intelléctus: stolam glóriæ índuit eum. Ps. 91, 2 Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, qui beátum Petrum Chrysólogum Doctórem egrégium, divínitus praemonstrátum, ad regéndam et instruéndam Ecclésiám tuam éligi voluísti: praesta, quaésumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Et fit Commemoratio Feriae.

Deinde Commemoratio S. Barbarae Virginis et Martyris.

Oratio

DEUS, qui inter cétera poténtiae tuae mirácula étiam in sexu frágili victóriam mártýrii contulísti: concéde propítius ; ut, qui beátae Bárbarae Vírginis et Mártýris tuae natalítia cólimus, per ejus ad te exémpa gradiámur. Per Dóminum.

Léctio Epístolae beáti Pauli Apóstoli ad Timótheum.

2 Tim. 4, 1-8

CARÍSSIME: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta oportúne, importúne: árgue, óbsecra, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístae, ministérium tuum imple. Sóbrius esto. Ego enim jam delíbor, et tempus resolutiónis meae instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Graduale Eccli. 44, 16 Ecce sacérdos magnus, qui in diébus suis plácuit Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discípulis suis: Vos estis sal terrae. Quod si sal evanúerit, in quo saliétur ? Ad

nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendant lucernam, et ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, et glorificent Patrem vestrum, qui in caelis est. Nolite putare, quoniam veni solvere legem aut prophetas: non veni solvere, sed adimplere. Amen quippe dico vobis, donec transeat caelum et terra, jota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno caelorum: qui autem fecerit, et docuerit, hic magnus vocabitur in regno caelorum.

Credo.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SANCTI Petri Chrysólogi Pontíficis tui atque Doctóris nobis, Dómine, pia non desit orátio: quae et múnera nostra concíliet; et tuam nobis indulgéntiam semper obtíneat. Per Dóminum.

Et fit Commemoratio Feriae.

Pro S. Barbara
Secreta

SÚSCIPE, Dómine, múnera, quae in beátae Bárbarae Vírginis et Mártiris tuae solemnitate deférimus: cujus nos confídimus patrocínio liberári. Per Dóminum.

Communio Matth. 25, 20 et 21 Dómine, quinque talénta tradidísti mihi: ecce alia quinque superlucrátus sum. Euge, serve bone et fidélis, quia in pauca fuísti fidélis, supra multa te constítuam, intra in gáudium Dómini tui.

Postcommunio

UT nobis, Dómine, tua sacrificia dent salutem: beátus Petrus Chrysólogus Póntifex tuus et Doctor egrégius, quaesumus, precátor accédát. Per Dóminum.

Et fit Commemoratio Feriae.

Pro S. Barbara
Postcommunio

AUXILIÉNTUR nobis, Dómine, sumpta mystéria: et, intercedente beáta Bárbara Vírgine et Mártire tua, sempitérna fácient protectióne gaudere. Per Dóminum.

Eadem die 4 Decembris

Pro S. BARBARA
Virgine et Martyre

Missa Loquébar, de Communi Virginum 1 loco.

Die 5 Decembris

Pro S. SABBA
Abbate

Missa Os justi, de Communi Abbatum.

Oratio

C

INTERCÉSSIO nos, quaesumus, Dómine, beáti Sabbae Abbátis comméndet: ut, quod nostris méritis non valémus, ejus patrocínio assequámur. Per Dóminum.

Secreta

C

SACRIS altáribus, Dómine, hóstias superpósitas sanctus Sabbas, quaesumus, in salutem nobis provenire depóscat. Per Dóminum.

Postcommunio

C

PRÓTEGAT nos, Dómine, cum tui perceptiōne sacramēti beátus Sabbas pro nobis intercedēdo: ut et conversatiōnis ejus experiāmur insígnia, et intercessiōnis percipiāmus suffrágia. Per Dóminum.

* Si hodie fuerit Sabbatum, Missae privatae dicuntur de Dominica praecedenti cum 2a Oratione S. Sabbae et 3a de sancta Maria Deus, qui de beátae ; Missa vero conventualis dicitur in choro post Sextam de sancta Maria in Sabbato cum 2a Oratione Feriae et 3a S. Sabbae, juxta Rubricas.

Die 6 Decembris**S. NICOLAI**

Episcopi et Confessoris

Duplex

Introitus **Eccli. 45, 30**

STÁTUIT ei Dóminus testamētum pacis, et príncipem fecit eum: ut sit illi sacerdótii dígnitas in aetérnum. **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui beátum Nicoláum Pontíficem innúmeris decorásti miráculis: tríbue, quaesumus ; ut ejus méritis et précibus a gehénnae incéndiis liberémur. Per Dóminum.

Et fit Commemoratio Feriae, praeterquam in Missa conventuali, si hodie fuerit Sabbatum.

Lectio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praepositórum vestrórum, qui vobis locúti sunt verbum Dei: quorum intuéntes éxitum conversatiōnis, imitámini fidem. Jesus Christus heri et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilíre cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem, et communiōnis nolíte oblivisci: tálibus enim hóstiis promerétur Deus. Obedíte praepósitis vestris, et subjacéte eis. Ipsi enim pervígilant, quasi ratiōnem pro animábus vestris redditúri.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **Vl.** Nihil profíciet inimícus in eo, et fílius iniquitátis non nocébit ei.

Allelúja, allelúja. **V./ Ps. 91, 13** Justus ut palma florébit: sicut cedrus Líbani multiplicábitur. Allelúja.

+ Sequéntia sancti Evangélii secúndum Matthaéum.

Matth. 25, 14-23

IN illo témpore: Dixit Jesus discíplis suis parábolam hanc: Homo pégre profíciscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuíque secúndum própíam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómni sui. Post multum vero témporis venit dóminus servórum illórum, et pósuit ratiōnem cum eis. Et accédens qui quinque talénta accéperat, óbtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi dóminus ejus: Euge serve bone, et fidélis, quia super pauca fuísti fidélis, super multa te constítuam: intra in gáudium dómni tui. Accéssit autem et qui duo talénta accéperat, et ait: Dómine, duo talénta tradidisti mihi, ecce ália duo lucrátus sum. Ait illi dóminus ejus: Euge serve bone, et fidélis, quia super pauca fuísti fidélis, super multa te constítuam: intra in gáudium dómni tui.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

SANCTÍFICA, quaesumus, Dómine Deus, haec múnera, quae in solemnitate sancti Antístitis tui Nicolái offérimus: ut per ea, vita nostra inter advérsa et própsera ubíque dirigátur. Per Dóminum.

Et fit Commemoratio Feriae, ut supra.

Communio Ps. 88, 36-38 Semel jurávi in sancto meo: semen ejus in aetérnum manébit, et sedes ejus sicut sol in conspéctu meo, et sicut luna perfécta in aetérnum, et testis in caelo fidélis.

Postcommunio

SACRIFÍCIA, quae súmpsimus, Dómine, pro solemnitate sancti Pontíficis tui Nicolái, sempitérna nos protectione consérvent. Per Dóminum.

Et fit Commemoratio Feriae, ut supra.

* Si hodie fuerit Sabbatum, fit de Vigilia anticipata Conceptionis immaculatae B. Mariae Virginis, ut die sequenti notatur.

Die 7 Decembris S. AMBROSII

Episcopi, Confessoris et Ecclesiae Doctoris

Duplex

Introitus Eccli. 15, 5

IN médio Ecclésiae apéruit os ejus: et implévit eum Dóminus spíritu sapiéntiae, et intelléctus: stolam glóriae induit eum. Ps. 91, 2 Bonum est confitéri Dómino: et psállere nómini tuo, Altíssime. *Vl.* Glória Patri.

Oratio

DEUS, qui pópulo tuo aetérnae salútis beátum Ambrósium ministrum tribuísti: praesta, quaesumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Et, in Missis non conventualibus, fit Commemoratio Feriae.
Deinde Commemoratio Vigiliae.

Léctio Epístolae beáti Pauli Apóstoli ad Timótheum.

2 Tim. 4, 1-8

CARÍSSIME: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta oportúne, importúne: árgue, óbseca, íncrepa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritate quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístae, ministérium tuum imple. Sóbrius esto. Ego enim jam delíbor, et tempus resolutiónis meae instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Graduale Eccli. 44, 16 Ecce sacérdos magnus, qui in diébus suis plácuit Deo. *Vl. Ibid., 20* Non est invéntus símilis illi, qui conserváret legem Excélsi.

Allelúja , allelúja. *Vl. Ps. 109, 4* Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discípulis suis: Vos estis sal terrae. Quod si sal evanúerit, in quo saliétur ? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvete legem aut prophétas: non veni sólvete, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómnes, mínimus vocábitur in regno caelórum: qui autem fécerit, et docúerit, hic

Credo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

OMNÍPOTENS sempitérne Deus, múnera tuae majestáti obláta, per intercessiónem beáti Ambrósii Confessoris tui atque Pontíficis, ad perpétuam nobis fac proveníre salútem. Per Dóminum.

Et, in Missis non conventualibus, fit Commemoratio Ferae.

Communio Ps. 88, 36-38 Semel jurávi in sancto meo: semen ejus in aetérnum manébit, et sedes ejus sicut sol in conspéctu meo, et sicut luna perfécta in aetérnum, et testis in caelo fidélis.

Postcommunio

SACRAMÉNTA salútis nostrae suscipiéntes, concéde, quaesumus, omnipotens Deus: ut beáti Ambrósii Confessoris tui atque Pontíficis, nos ubique orátio ádjuvet ; in cujus veneratióne haec tuae obtúlimus majestáti. Per Dóminum.

Et, in Missis non conventualibus, fit Commemoratio Ferae.

Legitur Evangelium ejusdem Vigiliae in fine.

*** Ubi adest obligatio Chori, lecta post Tertiam extra Chorum Missa de Festo sine Commemoratione Ferae et Vigiliae, et sine ejusdem Evangelio in fine, in Choro post Nonam dicitur Missa de ipsa Vigilia, ut infra ; quae item sumi potest pro Missis privatis, sed cum 2a Oratione Festi, 3a Ferae.**

Eadem die 7 Decembris
IN VIGILIA
CONCEPTIONIS IMMACULATAE
BEATAE MARIAE VIRGINIS

Introitus **Ps. 65, 16**

VENÍTE, audíte, et narrábo, omnes qui timétis Deum, quanta fecit Dóminus ánimae meae. **Ps. ibid., 1-2**
Jubiláte Deo, omnis terra: psalmum dícite nómini ejus, date glóriam laudi ejus. **Vl.** Glória Patri.

Non dicitur Glória in excélsis.

Oratio

DEUS, qui Unigéniti tui Matrem ab origináli culpa in sua Conceptione mirabíliter praeservásti: da, quaesumus ; ut sua nos intercessióne munitos, corde mundos fácias suae interésse festivitáti. Per eúmdem Dóminum.

Et fit Commemoratio Ferae ; et pro 3a Oratione, juxta diversitate Temporum assignata, dicitur Oratio de Spiritu Sancto.

Léctio libri Sapiéntiae.

Eccli. 24, 23-31

EGO quasi vitis fructificávi suavitátem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Prov. 9, 1 Sapiéntia aedificávit sibi domum, excídit colúmnae septem. **Vl. Ps. 86, 1-2**
Fundaménta ejus in móntibus sanctis: díligit Dóminus portas Sion super ómnia tabernácula Jacob.

+ Inítium sancti Evangélíi secúndum Matthaéum.

Matth. 1, 1-16

LIBER generatiónis Jesu Christi filii David, filii Abraham. Abraham génuít Isaac. Isaac autem génuít Jacob.

Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem genuit Salomónem ex ea, quae fuit Uríae. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam Ezechías autem genuit Manássen. Manáesses autem genuit Amon. Amon autem genuit Josíam. Josías autem genuit Jechoníam et fratres ejus in transmigratióne Babylónis. Et post transmigratióne Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Eliácim. Eliácim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Maríae, de qua natus est Jesus, qui vocátur Christus.

Offertorium Cant. 6, 2 Ego dilécto meo, et diléctus meus mihi, qui páscitur inter lília.

Secreta

MÚNERA nostra, Dómine, apud tuam cleméntiam immaculátae Dei Genitrícis comméndet orátio: quam ab omni origináli labe praeservásti ; ut dignum Fílii tui habitáculum éffici mererétur: Qui tecum.

2a Secreta de Feria.

Praefatio communis, juxta Rubricas.

Communio Cant. 6, 9 Quae est ista, quae progréditur quasi auróra consúrgens, pulchra ut luna, elécta ut sol, terríbilis ut castrórum ácies ordináta ?

Postcommunio

CONCÉDE, miséricors Deus, fragilitáti nostrae praesídium: ut, qui immaculátae Conceptionis Genitrícis unigéniti Fílii tui festivitátem praevenímus ; intercessióne ejus auxilió a nostris iniquitatibus resurgámus. Per eúmdem Dóminum.

2a Postcommunio de Feria.

Die 8 Decembris

IN CONCEPTIONE IMMACULATA B. MARIAE VIRGINIS

Duplex I classis cum Octava communi

Introitus **Isai. 61, 10**

GAUDENS gaudébo in Dómino, et exsultábit ánima mea in Deo meo: quia índuit me vestiméntis salutis: et induménto justítiae circúmdedit me, quasi sponsam ornátam monílibus suis. **Ps. 29, 2** Exaltábo te, Dómine, quóniam suscepísti me: nec delectásti inimícos meos super me. **Vl.** Glória Patri.

Oratio

DEUS, qui per immaculátam Vírginis Conceptionem dignum Fílio tuo habitáculum praeparásti: quaésumus ; ut, qui ex morte ejúsdem Fílii tui praevísa, eam ab omni labe praeservásti, nos quoque mundos ejus intercessióne ad te perveníre concédas. Per eúmdem Dóminum.

Et fit Commemoratio Feriae.

Léctio libri Sapiéntiae.

Prov. 8, 22-35

DÓMINUS possédit me in iníto viárum suárum, ántequam quidquam fáceret a princípío. Ab aetérno ordináta sum, et ex antiquis, ántequam terra fieret. Nondum erant abýssi, et ego jam concépta eram: necdum fontes aquárum erúperant: necdum montes gravi mole constíterant: ante colles ego parturiébar: adhuc terram non fécerat, et flúmina, et cárdines orbis terrae. Quando praeparábat caelos, áderam: quando certa lege et gyro vallábat abýssos: quando aéthera firmábat sursum, et librábat fontes aquárum: quando

circúmdabat mari términum suum, et legem ponébat aquis, ne transírent fines suos: quando appendébat fundaménta terrae. Cum eo eram cuncta compónens: et delectábar per singulos dies, ludens coram eo omni témpore: ludens in orbe terrárum: et delíctiae meae esse cum fíliis hóminum. Nunc ergo, fílii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salútem a Dómino.

Graduale Judith 13, 23 Benedícta es tu, Virgo María, a Dómino Deo excélso, prae ómnibus muliéribus super terram. *V/. Ibid. 15, 10* Tu glória Jerúsalem, tu laetítia Israél, tu honorificéntia pópuli nostri. Allelúja, allelúja. *V/. Cant. 4, 7* Tota pulchra es, María: et mácula originális non est in te. Allelúja.

In Missis votivis post Septuagesimam, omissis Allelúja et Versu sequenti, dicitur:

Tractus Ps. 86, 1-2 Fundaménta ejus in móntibus sanctis: díligit Dóminus portas Sion super ómnia tabernácula Jacob. *V/. Ibid., 3* Gloriósa dicta sunt de te, civitas Dei. *V/. Ibid., 5* Homo natus est in ea, et ipse fundávit eam Altíssimus.

Tempore autem Paschali, omittitur Graduale, et ejus loco dicitur:

Allelúja, allelúja. *V/. Judith 15, 10* Tu glória Jerúsalem, tu laetítia Israél, tu honorificéntia pópuli nostri. Allelúja. *V/. Cant. 4, 7* Tota pulchra es, María: et mácula originális non est in te. Allelúja.

+ Sequéntia sancti Evangéllii secúndum Lucam.

Luc. 1, 26-28

IN illo témpore: Missus est Angelus Gábriel a Deo in civitátem Galilaéae, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam dixit: Ave, grátia plena: Dóminus tecum: benedícta tu in muliéribus.

Credo, per totam Octavam.

Offertorium Luc. 1, 28 Ave, María, grátia plena: Dóminus tecum: benedícta tu in muliéribus, allelúja.

Secreta

SALUTÁREM hóstiam, quam in solemnitáte immaculátae Conceptionis beátae Vírginis María tibi, Dómine, offérimus, súscipe et praesta: ut, sicut illam tua grátia praeveniénte ab omni labe immúnem profitémur; ita ejus intercessióne a culpís ómnibus liberémur. Per Dóminum.

Et fit Commemoratio Feriae.

* **Praefatio de B. Maria Virg.** Et te in Conceptione immaculata: **quae dicitur per totam Octavam in omnibus Missis, quae non sint de Tempore, neque aliam Praefationem exigant, juxta Rubricas.**

Communio Gloriósa dicta sunt de te, María: quia fecit tibi magna qui potens est.

Postcommunio

SACRAMÉNTA quae súmpsimus, Dómine Deus noster: illíus in nobis culpae vúlnera réparent; a qua immaculátam beátae María Conceptionem singuláriter praeservásti. Per Dóminum.

Et fit Commemoratio Feriae.

* **Infra Octavam Missa dicitur ut in Festo, sed pro 3a Oratione, juxta diversitatem Temporum assignata, dicitur Oratio de Spiritu Sancto.**

Die 10 Decembris

Pro S. MELCHIADE
Papa et Martyre

Missa Si díligis me, **de Communi Summorum Pontificum.**

Oratio

C

GREGEM tuum, Pastor aetérne, placátus inténde: et per beátum Melchíadem, Mátyrem tuum atque

Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 11 Decembris
S. DAMASI I

Papae et Confessoris

Semiduplex

Missa Si díligis me, de Communi Summorum Pontificum.

Oratio C

GREGEM tuum, Pastor aetérne, placátus inténde: et per beátum Dámasum Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Et fit Commemoratio Octavae.
Deinde Commemoratio Feriae.

Credo, ratione Octavae.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Et fit Commemoratio Octavae.
Deinde Commemoratio Feriae.

Praefatio de Apostolis.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Et fit Commemoratio Octavae.
Deinde Commemoratio Feriae.

Die 13 Decembris
S. LUCIAE

Virginis et Martyris

Duplex

Introitus Ps. 44, 8

DILEXISTI justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. Ps. *ibid.*, 2 Eructávit cor meum verbum bonum: dico ego ópera mea Regi. *Vl.* Glória Patri.

Oratio

EXÁUDI nos, Deus, salutáris noster: ut, sicut de beátae Lúciae Vírginis et Mártiris tuae festivitáte gaudémus ; ita pia devotiónis erudiámur afféctu. Per Dóminum.

Et fit Commemoratio Octavae.
Deinde Commemoratio Feriae.

Lectio Epistolae beati Pauli Apóstoli ad Corínthios.

2 Cor. 10, 17-18 ; 11, 1-2

FRATRES: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiae meae, sed et supportáte me: aémulor enim vos Dei aemulatióne. Despóndi enim vos uni viro vírginem castam exhibére Christo.

Graduale Ps. 44, 8 Dilexísti justítiam, et odísti iniquitátem. V/. Proptérea unxit te Deus, Deus tuus, óleo laetítiae. Allelúja, allelúja. V/. Ibid., 3 Diffúsa est grátia in lábiis tuis: proptérea benedíxit te Deus in aetérnum. Allelúja.

* In Missis votivis, post Septuagesimam, Tractus, et Tempore Paschali Allelúja cum suis Versibus, ex Missa Dilexísti, de Communi Virginum 3 loco.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discípulis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illius vadit, et vendit univérsa, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Credo, racione Octavae.

Offertorium Ps. 44, 15 et 16 Afferéntur Regi vírgines post eam: próximae ejus afferéntur tibi in laetitia et exsultatione: adducéntur in templum Regi Dómino.

Secreta

ACCÉPTA tibi sit, Dómine, sacratae plebis oblátio pro tuórum honóre Sanctórum: quorum se méritis de tribulatione percepísse cognóscit auxiliúm. Per Dóminum.

Et fit Commemoratio Octavae.

Deinde Commemoratio Feriae.

Praefatio de Octava.

Communio Ps. 118, 161-162 Príncipes persecúti sunt me gratis, et a verbis tuis formidávit cor meum: laetábor ego super elóquia tua, quasi qui invénit spólia multa.

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Et fit Commemoratio Octavae.

Deinde Commemoratio Feriae.

Die 14 Decembris

* Si hodie occurrat FERIA IV Quatuor Temporum, unica dicitur Missa conventualis, quae erit de FERIA cum Commemoratione Octavae, et, pro 3a Oratione, juxta diversitatem Temporum assignata, sumitur Oratio de Spiritu Sancto ; ac dicitur Praefatio communis. Missae vero privatae dici etiam possunt de Octava, cum 2a Oratione Feriae, 3a pariter de Spiritu Sancto ; et non legitur Evangelium Feriae in fine.

* Si in aliquo ex sequentibus Festis occurrat FERIA Quatuor Temporum, in Missa conventuali de Festo omittitur Commemoratio Feriae, de qua dicitur alia Missa conventualis, ut in Proprio de Tempore. Missae

vero privatae, nisi aliter notetur, ad libitum dici possunt de Festo cum Commemoratione et ultimo Evangelio Feriae, aut de Feria cum Commemoratione Festi, et ejusdem Praefatione, si propria habeatur. In hujusmodi autem Missis de Feria Adventus, numquam dicitur Praefatio de B. Maria Virg.

Die 15 Decembris
IN OCTAVA
CONCEPTIONIS IMMACULATAE
BEATAE MARIAE VIRGINIS

Duplex majus

Missa ut in Festo ; et, occurrente Feria IV Quatuor Temporum, ejus Evangelium non legitur in fine, sed, loco Evangelii de Feria, dicitur Evangelium S. Joannis In principio erat Verbum. In Missa tamen conventuali de Festo non fit Commemoratio Feriae, neque legitur ejus Evangelium in fine.

Die 16 Decembris
S. EUSEBII

Episcopi et Martyris

Semiduplex

Missa Sacerdotes Dei, de Communi unius Martyris 2 loco.

Et fit Commemoratio Feriae, praeterquam in Missa conventuali, si occurrat Feria Quatuor Temporum.

Oratio C

DEUS, qui nos beáti Eusébbii Mártiris tui atque Pontíficis ánnua solemnitate laetíficas: concéde propítius ; ut, cujus natalítia cólimus, de ejúsdem étiam protectióne gaudeámus. Per Dóminum.

Secreta C

MÚNERA tibi, Dómine, dicáta sanctífica: et, intercedénte beáto Eusébio, Mártire tuo atque Pontífice, per éadem nos placátus inténde. Per Dóminum.

Postcommunio C

HAEC nos commúnio, Dómine, purget a crímine: et, intercedénte beáto Eusébio Mártire tuo atque Pontífice, caeléstis remédii fáciat esse consórtes. Per Dóminum.

Die 19 Decembris

* Si hodie fuerit Sabbatum, in Missa Quatuor Temporum fit Commemoratio Vigiliae anticipatae S. Thomae, et de ea legitur Evangelium in fine ; 3a autem Oratio dicitur de sancta Maria Deus, qui de beátae. Missae vero privatae dici etiam possunt de Vigilia cum Commemoratione et ultimo Evangelio Sabbati, et 3a Oratione pariter Deus, qui de beátae.

Die 20 Decembris
IN VIGILIA
S. THOMAE

Apostoli

Missa Ego autem, de Communi in Vigiliis Apostolorum, cum Commemoratione Feriae Adventus et 3a Oratione de sancta Maria Deus, qui de beátae. Si vero occurrat Feria Quatuor Temporum, de Vigilia fit Commemoratio in Missa de Feria, et Missae privatae dici possunt etiam de Vigilia, ut die praecedenti notatur.

Die 21 Decembris
S. THOMAE

Apostoli

Duplex II classis

* Si hodie occurrat Feria Quatuor Temporum, in Choro post Tertiam dicitur Missa conventualis de Festo, et extra Chorum post Nonam legitur Missa de Feria, de qua tamen prohibentur Missae privatae.

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2**
Dómine, probásti me, et cognovísti me: tu cognovísti sessiónem meam, et resurrectiónem meam. **Vl.** Glória Patri.

Oratio

DA nobis, quaésumus, Dómine, beáti Apóstoli tui Thomae solemnitatibus gloriári: ut ejus semper et patrocíniis sublevémur ; et fidem cóngrua devotióne sectémur. Per Dóminum.

Et fit Commemoratio Feriae, praeterquam in Missa conventuali, si occurrat Feria Quatuor Temporum.

Léctio Epístolae beáti Pauli Apóstoli ad Ephésios.

Ephes. 2, 19-22

FRATRES: Jam non estis hóspites, et ádvenae: sed estis cives sanctórum, et doméstici Dei: supraedificáti super fundaméntum Apostolórum, et Prophetárum, ipso summo angulári lápide Christo Jesu: in quo omnis aedificátió constructa crescit in templum sanctum in Dómino, in quo et vos coaedificámini in habitáculum Dei in Spíritu.

Graduale Ps. 138, 17-18 Nimis honoráti sunt amíci tui, Deus: nimis confortátus est principátus eórum. **Vl.**
Dinumerábo eos, et super arénam multiplicabúntur.

Allelúja , allelúja. **Vl. Ps. 32, 1** Gaudéte, justí, in Dómino: rectos decet collaudátió. Allelúja.

+ Sequéntia sancti Evangélii secúndum Joánnem.

Joann. 20, 24-29

IN illo témpore: Thomas, unus ex duódecim, qui dicitur Dídymus, non erat cum eis, quando venit Jesus. Dixérunt ergo ei álíi discípuli: Vídimus Dóminum. Ille autem dixit eis: Nisi vídero in mánibus ejus fixúram clavórum, et mittam dígitum meum in locum clavórum, et mittam manum meam in latus ejus, non credam. Et post dies octo, íterum erant discípuli ejus intus, et Thomas cum eis. Venit Jesus jánuis clausis, et stetit in médio, et dixit: Pax vobis. Deínde dicit Thomae: Infer dígitum tuum huc, et vide manus meas, et affer manum tuam, et mitte in latus meum: et noli esse incrédulus, sed fidélis. Respóndit Thomas, et dixit ei: Dóminus meus, et Deus meus. Dixit ei Jesus: Quia vidísti me, Thoma, credidísti: beáti, qui non vidérunt, et credidérunt.

Credo, ratione Octavae.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

DÉBITUM tibi, Dómine, nostrae réddimus servitútis, suppliciter exorántes: ut, suffrágiis beáti Thomae Apóstoli, in nobis tua múnera tueáris, cujus honoránda confessiόne laudis hóstias immolámus. Per Dóminum.

Et fit Commemoratio Feriae, ut supra.

Praefatio de Apostolis.

Communio Joann. 20, 27 Mitte manum tuam, et cognósce loca clavórum: et noli esse incrédulus, sed fidélis.

Postcommunio

ADÉSTO nobis, miséricors Deus: et, intercedénte pro nobis beáto Thoma Apóstolo, tua circa nos propitiátus dona custódi. Per Dóminum.

Et fit Commemoratio Feriae, ut supra ; et de ea legitur Evangelium in fine in Missis non conventualibus, si occurrat Feria Quatuor Temporum.

* In Missis votivis post Septuagesimam omnia dicuntur ut supra, sed post Graduale, omissis Allelúja, et Versu sequenti, dicitur Tractus Desidérium ex Missa Státuit, de Communi unius Martyris 1 loco. Tempore autem Paschali Introitus et Offertorium sumuntur ex Missa Protexísti, de Communi Martyrum 1 loco , reliqua dicuntur ut supra ; sed post Epistolam omittitur Graduale, et ejus loco dicitur:

Allelúja , allelúja. *V/. Ps. 32, 1* Gaudéte, justi, in Dómino: rectos decet collaudátio. Allelúja *V/. Ps. 88, 6*
Confitebúntur caeli mirabília tua, Dómine: étenim veritátem tuam in ecclésia sanctorum. Allelúja.

FESTA JANUARI

Post Octavam Epiphaniae occurrentia

* In omnibus Missis de Officio Semiduplici aut Simplici et in Missis votivis, quae pro re gravi et publica simul causa non sint, usque ad diem 2 Februarii inclusive, dicuntur, juxta Rubricas, Orationes pro diversitate Temporum assignatae, nempe 2a de sancta Maria Deus, qui salutis, et 3a contra persecutores Ecclesiae, vel pro Papa.

Die 14 Januarii

S. HILARII

Episcopi, Confessoris et Ecclesiae Doctoris

Duplex

Missa In médio, de Communi Doctorum. Et fit Commemoratio S. Felicis Presbyteri et Martyris, ac dicitur Credo.

Oratio C

DEUS, qui pópulo tuo aetérnae salutis beátum Hilárium mínistrum tribuísti: praesta, quaésumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Pro S. Felice
Oratio

CONCÉDE, quaésumus, omnípotens Deus: ut ad meliórem vitam Sanctórum tuórum exépla nos próvocent ; quáatenus, quorum solémnia ágimus, étiam actus imitémur. Per Dóminum.

Secreta C

SANCTI Hilárii Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Pro S. Felice
Secreta

HÓSTIAS tibi, Dómine, beáti Felícis Mártiris tui dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio C

UT nobis, Dómine, tua sacrificia dent salutem: beátus Hilárius Póntifex tuus et Doctor egrégius, quaésumus, precátor accédát. Per Dóminum.

Pro S. Felice
Postcommunio

QUSUMUS, Dómine, salutáribus repléti mystériis: ut, beáti Felícis Mártiris tui, cujus solémnia celebrámus, oratióibus adjuvémur. Per Dóminum.

Eadem die 14 Januarii

Pro S. FELICE
Presbytero et Martyre

Missa Laetábitur, de Communi unius Martyris 4 loco, cum Orationibus ut supra.

Die 15 Januarii

S. PAULI

Primi Eremitae, Confessoris

Duplex

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, qui nos beáti Pauli Confessóris tui ánnua solemnitate laetíficas: concéde propítius ; ut, cujus natalítia cólimus, étiam actiónes imitémur. Per Dóminum.

Et fit Commemoratio S. Mauri Abbatis.

Oratio

INTERCÉSSIO nos, quaésumus, Dómine, beáti Mauri Abbátis comméndet: ut, quod nostris méritis non valémus, ejus patrocínio assequámur. Per Dóminum.

Léctio Epístolae beáti Pauli Apóstoli ad Philippénes.

Phil. 3, 7-12

FRATRES: Quae mihi fuérunt lucra, haec arbitrátus sum propter Christum detriménta. Verúmtamen exístimo ómnia detriméntum esse propter eminéntem sciéntiam Jesu Christi Dómini mei: propter quem ómnia detriméntum feci, et árbitor ut stércora, ut Christum lucrifáciam, et invéniam in illo, non habens meam justítiam, quae ex lege est, sed illam, quae ex fide est Christi Jesu: quae ex Deo est justítia in fide, ad cognoscéndum illum, et virtútem resurrectiónis ejus, et societátem passiónum illíus: configurátus morti ejus: si quo modo occúrram ad resurrectiónem, quae est ex mórtuis: non quod jam accéperim, aut jam perféctus sim: sequor autem, si quo modo comprehéndam, in quo et comprehénsus sum a Christo Jesu.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem.

Allelúja , allelúja. **Vl. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélli secúndum Matthaéum.

Math. 11, 25-30

IN illo témpore: Respóndens Jesus, dixit: Confíteor tibi, Pater, Dómine caeli et terrae, quia abscondísti haec a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego refíciam vos. Tóllite jugum meum super vos, et díscite a me, quia mitis sum, et húmilis córde: et inveniétis réquiem animábus vestris. Jugum enim meum suáve est, et onus meum leve.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei.

Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

**Pro S. Mauro
Secreta**

SACRIS altáribus, Dómine, hóstias superpósitas sanctus Maurus Abbas, quaésumus, in salútem nobis proveníre depóscat. Per Dóminum.

Communio Ps. 63, 11 Laetábitur justus in Dómino, et sperábit in eo: et laudabúntur omnes recti corde.

Postcommunio

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

**Pro S. Mauro
Postcommunio**

PRÓTEGAT nos, Dómine, cum tui perceptióne sacraménti beátus Maurus Abbas, pro nobis intercedéndo:

ut et conversatiónis ejus experiámur insígnia, et intercessiúnis percipiámus suffrágia. Per Dóminum.

Eadem die 15 Januarii

Pro S. MAURO
Abbate

Missa Os justi, de Communi Abbatum.

Die 16 Januarii
S. MARCELLI I

Papae et Martyris
Semiduplex

Missa Si dilígis me, de Communi Summorum Pontificum, praeter Orationem sequentem.

Oratio P

PRECES pópuli tui, quaésumus, Dómine, cleménter exáudi: ut beáti Marcelli Mátyris tui atque Pontíficis méritis adjuvémur, cujus passióne laetámur. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiúnis integritáte persístat. Per Dóminum.

Die 17 Januarii
S. ANTONII

Abbatis
Duplex

Introitus Ps. 36, 30-31

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus. Ps. *ibid.*, 1
Noli aemulári in malignántibus: neque zeláveris faciéntes iniquitátem. V/. Glória Patri.

Oratio

INTERCÉSSIO nos, quaésumus, Dómine, beáti Antónii Abbátis comméndet: ut, quod nostris méritis non valémus, ejus patrocínio assequámur. Per Dóminum.

Léctio libri Sapiéntiae.
Eccli. 45, 1-6

DILÉCTUS Deo et homínibus, cujus memória in benedictióne est. Símilem illum fecit in glória sanctorum, et magnificávit eum in timóre inimicorum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram praecépta, et legem vitae et disciplínae.

Graduale Ps. 20, 4-5 Dómine, praevenísti eum in benedictiónibus dulcédinis: posuísti in cápite ejus corónam de lápide pretiósio. V/. Vitam pétiit a te, et tribuísti ei longitúdinem diérum in saéculum saeculi. Allelúja, allelúja. V./ Ps. 91, 13 Justus ut palma florébit: sicut cedrus Líbani multiplicábitur. Allelúja.

+ Sequéntia sancti Evangélii secúndum Lucam.
Luc. 12, 35-40

IN illo témpore: Dixit Jesus discíplulis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum

venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati: quia qua hora non putatis, Filius hominis veniet.

Offertorium Ps. 20, 3 et 4 Desiderium animae ejus tribuisti ei, Domine, et voluntate labiorum ejus non fraudasti eum: posuisti in capite ejus coronam de lapide pretioso.

Secreta

SACRIS altaribus, Domine, hostias superpositas sanctus Antonius Abbas, quaesumus, in salutem nobis provenire deprecatur. Per Dominum.

Communio Luc. 12, 42 Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio

PROTEGAT nos, Domine, cum tui perceptione sacramenti beatus Antonius Abbas, pro nobis intercedendo: ut et conversationis ejus experiamur insignia, et intercessionis percipiamus suffragia. Per Dominum.

Die 18 Januarii
IN CATHEDRA S. PETRI

Apostoli

ROMAE

Duplex majus

Introitus **Eccli. 45, 30**

STATUIT ei Dominus testamentum pacis, et principem fecit eum: ut sit illi sacerdotii dignitas in aeternum. **Ps. 131, 1** Meménto, Domine, David: et omnis mansuetudinis ejus. **V.** Glória Patri.

Oratio

DEUS, qui beato Petro Apóstolo tuo, collatis clavibus regni caelstis, ligandi atque solvendi pontificium tradidisti: concède ; ut, intercessionis ejus auxilio, a peccatorum nostrorum nexibus liberemur: Qui vivis.

Et fit Commemoratio S. Pauli Apostoli, ante omnes alias Commemorationes.

Oratio

DEUS, qui multitudinem gentium beati Pauli Apóstoli praedicatione docuisti: da nobis, quaesumus: ut, cujus commemorationem colimus, ejus apud te patrocinia sentiamus. (Per Dominum.)

Deinde Commemoratio S. Priscae Virginis et Martyris.

DA, quaesumus, omnipotens Deus: ut, qui beatae Priscae Virginis et Martyris tuae natalitia colimus ; et annua solemnitate laetemur, et tantae fidei proficiamus exemplo. Per Dominum.

Lectio Epistolae beati Petri Apóstoli.

1 Petr. 1, 1-7

PETRUS Apóstolus Jesu Christi, electis advenis dispersionis Ponti, Galatiae, Cappadociae, Asiae et Bithyniae, secundum praescientiam Dei Patris, in sanctificationem Spiritus, in obedientiam, et aspersionem sanguinis Jesu Christi: gratia vobis, et pax multiplicetur. Benedictus Deus, et Pater Domini nostri Jesu Christi, qui secundum misericordiam suam magnam regeneravit nos in spem vivam, per resurrectionem Jesu Christi ex mortuis, in hereditatem incorruptibilem, et incontaminatam, et immarcescibilem, conservatam in caelis in vobis, qui in virtute Dei custodimini per fidem in salutem, paratam revelari in tempore novissimo. In quo exultabitis, modicum nunc si oportet contristari in variis tentationibus: ut probatio vestrae fidei multo pretiosior sit auro (quod per ignem probatur) inveniat in laudem, et gloriam, et honorem, in revelatione Jesu Christi Domini nostri.

Graduale Ps. 106, 32 et 31 Exaltem eum in ecclesia plebis: et in cathedra seniorum laudent eum. **V.** Confiteantur Domino misericordiae ejus, et mirabilia ejus filiis hominum. Allelúja , allelúja. **V.** **Matth. 16, 18** Tu es Petrus, et super hanc petram aedificabo Ecclesiam meam. Allelúja.

Post Septuagesimam, omissis Allelúja et Versu sequenti, dicitur

Tractus Matth. 16, 18-19 Tu es Petrus, et super hanc petram aedificábo Ecclésiám meam. **V/.** Et portae ínferi non praevalébunt advérsus eam: et tibi dabo claves regni caelórum. **V/.** Quodcúmque ligáveris super terram, erit ligátum et in caelis. **V/.** Et quodcúmque sólveris super terram, erit solútum et in caelis.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **V/.** **Ps. 106, 15** Confiteántur Dómino misericórdiae ejus, et mirabília ejus fíliis hóminum. Allelúja. **V/.** **Matth. 16, 18** Tu es Petrus, et super hanc petram aedificábo Ecclésiám meam. Allelúja.

+ Sequéntia sancti Evangélii secúndum Matthaéum.

Matth. 16, 13-19

IN illo témpore: Venit Jesus in partes Caesaréae Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixérunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiám meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Offertorium Matth. 16, 18-19 Tu es Petrus, et super hanc petram aedificábo Ecclésiám meam: et portae ínferi non praevalébunt advérsus eam: et tibi dabo claves regni caelórum.

Secreta

ECCLÉSIAE tuae, quaésumus, Dómine, preces et hóstias beáti Petri Apóstoli comméndet orátio: ut, quod pro illíus glória celebrámus, nobis prosit ad véniam. Per Dóminum.

Pro S. Paulo
Secreta

APÓSTOLI tui Pauli précibus, Dómine, plebis tuae dona sanctífica: ut, quae tibi tuo grata sunt institúto, gratióra fiant patrocínio supplicántis. (Per Dóminum).

Pro S. Prisca
Secreta

HAEC hóstia, quaésumus, Dómine, quam Sanctórum tuórum natalítia recensétes offérimus, et víncula nostrae pravítatis absólvat, et tuae nobis misericórdiae dona concíliet. Per Dóminum.

Praefatio de Apostolis.

Communio Matth. 16, 18 Tu es Petrus, et super hanc petram aedificábo Ecclésiám meam.

Postcommunio

LAETÍFICET nos, Dómine, munus oblátum: ut, sicut in Apóstolo tuo Petro te mirábilem praedicámus ; sic per illum tuae sumámus indulgéntiae largitátem. Per Dóminum.

Pro S. Paulo
Postcommunio

SANCTIFICÁTI, Dómine, salutári mystério: quaésumus ; ut nobis ejus non desit orátio, cujus nos donásti patrocínio gubernári. (Per Dóminum).

Pro S. Prisca
Postcommunio

QUSUMUS, Dómine, salutáribus repléti mystériis: ut, cujus solémnia celebrámus, ejus oratióibus adjuvémur. Per Dóminum.

Eadem die 18 Januarii

Pro S. PRISCA
Virgine et Martyre

Missa Me exspectavérunt, de Communi Virginum 2 loco, cum Orationibus ut supra.

Die 19 Januarii
SS. MARI, MARTHA, E,
AUDIFACIS ET ABACHUM

Martyrum

Simplex

Introitus Ps. 67, 4

JUSTI epuléntur, et exsúltent in conspéctu Dei, et delecténtur in laetítia. Ps. *ibid.*, 2 Exsúrgat Deus, et dissipéntur inimíci ejus: et fúgiant qui odérunt eum, a fácie ejus. *Vl.* Glória Patri.

Oratio

EXÁUDI, Dómine, pópulum tuum cum Sanctórum tuórum patrocínio supplicántem: ut et temporális vitae nos tribuas pace gaudére ; et aetérnae reperíre subsidium. Per Dóminum.

Et fit Commemoratio S. Canuti Regis, Martyris.

Oratio

DEUS, qui ad illustrándam Ecclésiám tuam beátum Canútum regem martyrii palma et gloriósis miráculis decoráre dignátus es: concéde propítius ; ut, sicut ipse Domínicae passiónis imitátor fuit, ita nos per ejus vestígia gradiéntes, ad gáudia sempitérna perveníre mereámur. Per eúmdem Dóminum.

Léctio Epístolae beáti Pauli Apóstoli ad Hebraeos.

Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substántiam. Nolíte itaque amittere confidéntiam vestram, quae magnam habet remuneratióem. Patiéntia enim vobis necessária est: ut voluntátem Dei faciéntes, reportétis promissióem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Sap. 3, 1, 2 et 3 Justórum ánima in manu Dei sunt: et non tanget illos torméntum malítiae. *Vl.* Visi sunt óculis insipiéntium mori: illi autem sunt in pace.

Allelúja , allelúja. *Vl.* Ps. 67, 36 Mirábilis Deus noster in sanctis suis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. *Vl.* Eúntes ibant et flebant, mitténtes sémina sua. *Vl.* Veniéntes autem vénient cum exsultatióem, portántes manípulos suos.

+ Sequéntia sancti Evangélii secúndum Matthaéum.

Matth. 24, 3-13

IN illo témpore: Sedénte Jesu super montem Olivéti, accessérunt ad eum discípuli secréto, dicéntes: Dic nobis, quando haec erunt ? et quod signum advéntus tui, et consummatióis saéculi ? Et respóndens Jesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditóri enim estis praélia, et opiniónes praeliórum. Vidéte, ne turbémini. Opórtet enim haec féri, sed nondum est finis. Consúrget enim gens in gentem, et regnum in regnum, et erunt pestiléntiae, et fames, et terraemótus per loca. Haec autem ómnia, inítia sunt dolórum. Tunc tradent vos in tribulatióem, et occident vos: et éritis ódio ómnibus géntibus propter nomen meum. Et tunc scandalizabúntur multi, et ínicem tradent, et ódio habébunt ínicem. Et multi pseudoprophétae surgent, et sedúcent multos. Et quóniam abundávit iniquitas, refrigéscet caritas multórum. Qui autem perseveráverit usque in finem, hic salvus erit.

Offertorium Ps. 123, 7 Anima nostra sicut passer erépta est de láqueo venántium: láqueus contrítus est, et

Secreta

PRECES, Dómine, tuórum réspice, oblationésque fidélium: ut et tibi gratae sint pro tuórum festivitáte Sanctórum, et nobis cónferant tuae propitiatiónis auxiliúm. Per Dóminum.

Pro S. Canuto
Secreta

ACCÉPTA sit in conspéctu tuo, Dómine, nostra devótió: et ejus nobis fiat supplicatióne salutáris, pro cujus solemnitate defértur. Per Dóminum.

Communio **Luc. 12, 4** Dico autem vobis amícis meis: Ne terreámini ab his, qui vos persecuúntur.

Postcommunio

SANCTÓRUM tuórum, Dómine, intercessióne placátus: praesta quaésumus ; ut, quae temporáli celebrámus actióne, perpétua salvatióne capiámus. Per Dóminum.

Pro S. Canuto
Postcommunio

REFÉCTI participatióne múnere sacri, quaésumus, Dómine Deus noster: ut, cujus exséquimur cultum, intercedénte beáto Canúto Mártire tuo, sentiámus efféctum. Per Dóminum.

Eadem die 19 Januarii

Pro S. CANUTO
Rege, Martyre

Missa In virtúte, de **Communi unius Martyris 3 loco, cum Orationibus ut supra.**

Die 20 Januarii
SS. FABIANI

Papae et Martyris

ET SEBASTIANI

Martyris
Duplex

Introitus **Ps. 78, 11, 12 et 10**

INTRET in conspéctu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiám. **Vl.** Glória Patri.

Oratio

INFIRMITÁTEM nostram réspice, omnípotens Deus: et, quia pondus própriae actiónis gravat, beatórum Mártirum tuórum Fabiáni et Sebastiáni intercésio gloriósa nos prótegat. Per Dóminum.

Léctio Epístolae beáti Pauli Apóstoli ad Hebraeos.
Hebr. 11, 33-39

FRATRES: Sancti per fidem vicérunt regna, operáti sunt justítiam adépti sunt repromissiónes, obturavérunt ora leónum, exstinxérunt ímpetum ignis, effugerunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectióne mórtuos suos: álii autem disténti sunt, non suscipiéntes redemptiónem, ut meliórem invenírent resurrectiónem: álii vero ludíbria, et vébera expéti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terrae. Et hi omnes testimónio fídei probáti, invénti sunt in Christo Jesu Dómino nostro.

Graduale Exodi 15, 11 Gloriósus Deus in sanctis suis: mirábilis in majestáte, fáciens prodígia. **Vl. Ibid., 6** Déxtera tua, Dómine, gloriócáta est in virtúte: déxtera manus tua confrégit inimícos. Allelúja, allelúja. **Vl. Ps. 144, 10-11** Sancti tui, Dómine, benedicent te: glóriam regni tui dicent. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in gáudio metent. *V.* Eúntes ibant et flebant, mitténtes sémina sua. *V.* Veniéntes autem vénient cum exsultatióne, portántes manípulos suos.

+ Sequéntia sancti Evangélii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 31, 11 Laetámmini in Dómino, et exsultáte, justí: et gloriámmini, omnes recti corde.

Secreta

HÓSTIAS tibi, Dómine, beatórum Mártyrum tuórum Fabiáni et Sebastiáni dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Communio Luc. 6, 18 et 19 Multitúdo languéntium, et qui vexabántur a spirítibus immúndis, veniébant ad eum: quia virtus de illo exíbat, et sanábat omnes.

Postcommunio

REFÉCTI participatióne múnieris sacri, quaésumus, Dómine Deus noster: ut, cujus exséquimur cultum, intercedéntibus sanctis Martýribus tuis Fabiáno et Sebastiáno, sentiámus efféctum. Per Dóminum.

Die 21 Januarii
S. AGNETIS

Virginis et Martyris

Duplex

Introitus Ps. 118, 95-96

ME exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. Ps. *ibid.*, 1 Beáti immaculáti in via: qui ámbulant in lege Dómini. *V.* Glória Patri.

Oratio

OMNÍPOTENS sempitérne Deus, qui infirma mundi éligis, ut fórtia quaeque confúndas: concéde propítius; ut, qui beátae Agnetis Vírginis et Mártyris tuae solémnia cólimus, ejus apud te patrocínia sentiámus. Per Dóminum.

Léctio libri Sapiéntiae.

Eccli. 51, 1-8 et 12

CONFITÉBOR tibi, Dómine rex, et collaudábo te Deum salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum a perditióné, a láqueo linguae iníquae, et a lábiis operántium mendácium, et in conspéctu astántium factus es mihi adjútor. Et liberásti me secúndum multitúdinem misericórdiae nóminis tui a rugiéntibus, praeparátis ad escam, de mánibus quaeréntium ánimam meam, et de portis tribulatiónum, quae circumdedérunt me: a pressúra flammae, quae circúmdedit me, et in médio ignis non sum aestuáta: de altitúdone ventris ínferi, et a lingua coínquináta, et a verbo mendácií, a rege iníquo, et a lingua injústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 44, 3 Diffúsa est grátia in lábiis tuis: proptérea benedíxit te Deus in aetérnum. *V.* *Ibid.*, 5 Propter veritátem, et mansuetúdinem, et justítiam: et dedúcet te mirabíliter dextera tua. Allelúja, allelúja. *V.* Matth. 25, 4 et 6 Quinqúe prudéntes vírgines accepérunt óleum in vasis suis cum

lampádibus: média autem nocte clamor factus est: Ecce sponsus venit: exíte óbviám Christo Dómino.
Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum: pro cujus amóre sánguinem tuum fudísti. **V/. Ps. 44, 8** Dilexísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **V/. Ibid., 5** Spécie tua, et pulchritúdine tua inténde, prospere procéde, et regna.

+ Sequéntia sancti Evangéllii secúndum Matthaéum.

Matth. 25, 1-13

IN illo témpore: Dixit Jesus discíplulis suis parábolam hanc: Símile erit regnum caelórum decem vírginibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleo secum: prudéntes vero accepérunt óleo in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quae paratae erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertorium Ps. 44, 15 et 16 Afferéntur Regi vírgines post eam: próximae ejus afferéntur tibi in laetítia et exsultatióne: adducéntur in templum Regi Dómino.

Secreta

HÓSTIAS, Dómine, quas tibi offérimus, propítius súscipe: et intercedénte beáta Agnéte Vírgine et Mártire tua, víncula peccatórum nostrórum absólve. Per Dóminum.

Communio Matth. 25, 4 et 6 Quinque prudéntes vírgines accepérunt óleo in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino.

Postcommunio

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

Die 22 Januarii

SS. VINCENTII et ANASTASII
Martyrum

Semiduplex

Missa Intret, **de Communi plurimorum Martyrum 1 loco, cum Orationibus ut infra.**

Oratio

P

ADÉSTO, Dómine, supplicatióibus nostris: ut, qui ex iniquitáte nostra reos nos esse cognóscimus, beatórum Mártýrum tuórum Vincéntii et Anastásii intercessióne liberémur. Per Dóminum.

Secreta

P

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio

P

QUSUMUS, omnípotens Deus: ut, qui caeléstia aliménta percépimus, intercedéntibus beátis Martýribus tuis Vincéntio et Anastásio, per haec contra ómnia advérsa muniámur. Per Dóminum.

Die 23 Januarii

Die 23 Januarii

S. RAYMUNDI DE PEÑAFORT

Confessoris

Semiduplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, qui beátum Raymúndum paeniténtiae sacraménti insígnem místrum elegísti, et per maris undas mirabíliter traduxísti: concéde, ut ejus intercessióne dignos paeniténtiae fructus fácere, et ad aetérnae salútis portum perveníre valeámus. Per Dóminum.

Et fit Commemoratio S. Emerentianae Virginis et Martyris.

Oratio

INDULGÉNTIAM nobis, quaesumus, Dómine, beáta Emerentiána Virgo et Martyr implóret: quae tibi grata semper éxstitit, et mérito castitátis, et tuae professióne virtútis. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Pro S. Emerentiana
Secreta

HÓSTIAS tibi, Dómine, beátae Emerentiánae Vírginis et Mártiris tuae dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

C

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

Pro S. Emerentiana
Postcommunio

DIVÍNI múnérís largitáte satiáti, quaesumus, Dómine Deus noster: ut, intercedénte beáta Emerentiána Vírgine et Mártire tua, in ejus semper participatióne vivámus. Per Dóminum.

Eadem die 23 Januarii

Pro S. EMERENTIANA
Virgine et Martyre

Missa Me expectavérunt, de Communi Virginum 2 loco.

Die 24 Januarii

S. TIMOTHEI

Episcopi et Martyris

Duplex

Introitus Eccli. 45, 30

STÁTUIT ei Dóminus testaméntum pacis, et príncipem fecit eum: ut sit illi sacerdotíi dígnitas in aetérnum.
Ps. 131, 1 Meménto, Dómine, David: et omnis mansuetúdinis ejus. V/. Glória Patri.

Oratio

INFIRMITÁTEM nostram réspice, omnípotens Deus: et, quia pondus própriae actiónis gravat, beáti Timóthei Mártiris tui atque Pontíficis intercésio gloriósa nos prótegat. Per Dóminum.

Léctio Epístolae beáti Pauli Apóstoli ad Timótheum.
1 Tim. 6, 11-16

CARÍSSIME: Sectáre justítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam aetérnam, in qua vocátus es, et conféssus bonam confessiónem coram multis téstibus. PraeciPIO tibi coram Deo, qui vivíficat ómnia, et Christo Jesu, qui testimónium réddidit sub Póntio Piláto, bonam confessiónem: ut serves mandátum sine mácula, irreprehensíbile usque in advéntum Dómini nostri Jesu Christi, quem suis tempóribus osténdet beátus, et solus potens, Rex regum, et Dóminus dominántium: qui solus habet inmortalitátem, et lucem inhábitat inaccessíbilem: quem nullus hómínium vidit, sed nec vidére potest: cui honor, et impérium sempitérnum. Amen.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **V/.** Nihil profíciet inimícus in eo, et fílius iniquitátis non nocébit ei.

Allelúja, allelúja. **V/.** **Ps. 109, 4** Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **V/.** Quóniam praevenísti eum in benedictiónibus dulcédinis. **V/.** Posuísti in cápíte ejus corónam de lápide pretiósó.

+ Sequéntia sancti Evangéllii secúndum Lucam.

Luc. 14, 26-33

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et fílios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis volens esse turrim aedificáre, non prius sedens cómputat sumptus, qui necessarii sunt, si hábeat ad perficiéndum ; ne, posteaquam posúerit fundaméntum, et non potúerit perfícere, omnes, qui vident, incípiant illúdere ei, dicentes: Quia hic homo coepit aedificáre, et non pótuit consummáre ? Aut quis rex itúrus commíttere bellum advérsus álium regem, non sedens prius cógitat, si possit cum decem millibus occúrrere ei, qui cum vigínti millibus venit ad se ? Alióquin, adhuc illo longe agénte, legatiónem mittens, rogat ea, quae pacis sunt. Sic ergo omnis ex vobis, qui non renúnciat ómnibus, quae póssidet, non potest meus esse discípulus.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

HÓSTIAS tibi, Dómine, beáti Timóthei Mártyris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Communio Ps. 88, 36 et 37-38 Semel jurávi in sancto meo: semen ejus in aetérnum manébit, et sedes ejus sicut sol in conspéctu meo, et sicut luna perfécta in aetérnum, et testis in caelo fidélis.

Postcommunio

REFÉCTI participatióne múnneris sacri, quaesumus, Dómine Deus noster: ut, cujus exséquimur cultum, intercedénte beáto Timótheo, Mártyre tuo atque Pontífice, sentiámus efféctum. Per Dóminum.

Die 25 Januarii
IN CONVERSIONE S. PAULI

Apostoli

Duplex majus

Introitus **2 Tim. 1, 12**

SCIO cui crédidi, et certus sum, quia potens est depósitum meum serváre in illum diem, justus judex. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectionem meam. **V/.** Glória Patri.

Oratio

DEUS, qui univérsam mundum beáti Pauli Apóstoli praedicatióne docuísti: da nobis, quaesumus: ut, qui ejus hódie Conversiónem cólimus, per ejus ad te exémpa gradiámur. Per Dóminum.

Et fit Commemoratio S. Petri Apostoli ante omnes alias Commemorationes.

Oratio

DEUS, qui beáto Petro Apóstolo tuo, collátis clávis regni caeléstis, ligándi atque solvéndi pontificium tradidisti: concéde ; ut, intercessiónis ejus auxilió, a peccatórum nostrórum néxibus liberémur: Qui vivis.

Léctio Actuum Apostolórum.

Act. 9, 1-22

IN diébus illis: Saulus adhuc spirans minárum, et caedis in discipulos Dómini, accéssit ad príncipem sacerdotum, et pétiit ab eo epístolas in Damáscum ad synagógas: ut si quos invenísset hujus viae viros ac mulieres, vinctos perdúceret in Jerúsalem. Et cum iter fáceret, cóntigit, ut appropinquáret Damáscó: et súbito circumfúlsit eum lux de caelo. Et cadens in terram, audívit vocem dicéntem sibi: Saule, Saule, quid me perséqueris ? Qui dixit: Quis es, Dómine ? Et ille: Ego sum Jesus, quem tu perséqueris: durum est tibi contra stímulum calcitráre. Et tremens, ac stupens, dixit: Dómine, qui me vis fácere ? Et Dóminus ad eum: Surge, et ingrédere civitátem, et ibi dicétur tibi quid te opórteat fácere. Viri autem illi, qui comitabántur cum eo, stabant stupefácti, audiéntes quidem vocem, néminem autem vidéntes. Surréxit autem Saulus de terra, apertisque óculis nihil vidébat. Ad manus autem illum trahéntes, introduxérunt Damáscum. Et erat ibi tribus diébus non videns, et non manducávit, neque bibit. Erat autem quidam discipulus Damásci, nómine Ananías: et dixit ad illum in visu Dóminus: Ananía. At ille ait: Ecce ego, Dómine. Et Dóminus ad eum: Surge, et vade in vicum, qui vocátur Rectus: et quaere in domo Judae Saulum nómine Tarsensem: ecce enim orat. (Et vidit virum, Ananíam nómine, introéuntem, et imponéntem sibi manus, ut visum recípiat). Respóndit autem Ananías: Dómine, audívi a multis de viro hoc, quanta mala fécerit sanctis tuis in Jerúsalem: et hic habet potestátem a príncipibus sacerdotum alligándi omnes, qui invocant nomen tuum. Dixit autem ad eum Dóminus: Vade, quóniam vas electiónis est mihi iste, ut portet nomen meum coram géntibus, et régibus, et fíliis Israél. Ego enim osténdam illi, quanta opórteat eum pro nómine meo pati. Et ábiit Ananías, et introívit in domum: et impónens ei manus, dixit: Saule frater, Dóminus misit me Jesus, qui appáruit tibi in via, qua veniébas, ut vídeas, et impleáris Spíritu Sancto. Et conféstim cecidérunt ab óculis ejus tamquam squamae, et visum recépit: et surgens baptizátus est. Et cum accepísset cibum, confortátus est. Fuit autem cum discipulis, qui erant Damásci, per dies áliquot. Et contínuo in synagógis praedicábat Jesum, quóniam hic est Fílius Dei. Stupébant autem omnes, qui audiébant, et dicébant: Nonne hic est, qui expugnábat in Jerúsalem eos, qui invocábant nomen istud: et huc ad hoc venit, ut vinctos illos dúceret ad príncipes sacerdotum ? Saulus autem multo magis convalescébat, et confundébat Judaéos, qui habitábant Damásci, affírmans quóniam hic est Christus.

Graduale Gal. 2, 8 et 9 Qui operátus est Petro in apostolatúm, operátus est et mihi inter gentes: et cognóverunt grátiam Dei, quae data est mihi. **Vl. (1 Cor. 15, 10)** Grátia Dei in me vácuá non fuit: sed grátia ejus semper in me manet.

Allelúja , allelúja. **Vl.** Magnus sanctus Paulus, vas electiónis, vere digne est glorificándus, qui et méruit thronum duodécimum possidére. Allelúja.

Post Septuagesimam, omissis Allelúja et Versu sequenti, dicitur

Tractus Tu es vas electiónis, sancte Paule Apóstole: vere digne es glorificándus. **Vl.** Praedicátor veritátis, et doctor géntium in fide et veritáte. **Vl.** Per te omnes gentes cognóverunt grátiam Dei. **Vl.** Intercéde pro nobis ad Deum, qui te elégit.

+ Sequéntia sancti Evangélii secúndum Matthaéum.

Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Credo.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

APÓSTOLI tui Pauli précibus, Dómine, plebis tuae dona sanctífica: ut, quae tibi tuo grata sunt institúto, gratióra fiant patrocínio supplicántis. Per Dóminum.

Pro S. Petro
Secreta

ECCLÉSIAE tuae, quaesumus, Domine, preces et hostias beati Petri Apostoli commendet oratio: ut, quod pro illius gloria celebramus, nobis prosit ad veniam. Per Dominum.

Praefatio de Apostolis.

Communio Matth. 19, 28 et 29 Amen dico vobis: quod vos, qui reliquistis omnia, et secuti estis me, centuplum accipietis, et vitam aeternam possidebitis.

Postcommunio

SANCTIFICATI, Domine, salutari mysterio: quaesumus; ut nobis ejus non desit oratio, cujus nos donasti patrocinio gubernari. Per Dominum.

Pro S. Petro
Postcommunio

LAETIFICET nos, Domine, munus oblatum: ut, sicut in Apostolo tuo Petro te mirabilem praedicamus; sic per illum tuae sumamus indulgentiae largitatem. Per Dominum.

Die 26 Januarii
S. POLYCARPI

Episcopi et Martyris

Duplex

Introitus **Dan. 3, 84 et 87**

SACERDOTES Dei, benedicite Dominum: sancti et humiles corde, laudate Deum. **Ibid., 57** Benedicite, omnia opera Domini, Domino: laudate et superexaltate eum in saecula. **Vl.** Gloria Patri.

Oratio

DEUS, qui nos beati Polycarpi Martyris tui atque Pontificis annua solemnitate laetificas: concede propitius; ut, cujus natalitia colimus, de ejusdem etiam protectione gaudeamus. Per Dominum.

Lectio Epistolae beati Joannis Apostoli.

1 Joann. 3, 10-16

CARISSIMI: Omnis qui non est justus, non est ex Deo, et qui non diligit fratrem suum: quoniam haec est annuntiatio, quam audistis ab initio, ut diligatis alterutrum. Non sicut Cain, qui ex maligno erat, et occidit fratrem suum. Et propter quid occidit eum? Quoniam opera ejus maligna erant: fratris autem ejus justa. Nolite mirari, fratres, si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quoniam omnis homicida non habet vitam aeternam in semetipso manentem. In hoc cognovimus caritatem Dei, quoniam ille animam suam pro nobis posuit: et nos debemus pro fratribus animas ponere.

Graduale Ps. 8, 6-7 Gloria et honore coronasti eum. **Vl.** Et constituisti eum super opera manuum tuarum, Domine. Alleluja, alleluja. **Vl.** Hic est sacerdos, quem coronavit Dominus. Alleluja.

Post Septuagesimam, omissis Alleluja et Versu sequenti, dicitur

Tractus Ps. 111, 1-3 Beatus vir, qui timet Dominum: in mandatis ejus cupit nimis. **Vl.** Potens in terra erit semen ejus: generatio rectorum benedicetur. **Vl.** Gloria et divitiae in domo ejus: et justitia ejus manet in saeculum saeculi.

+ Sequentia sancti Evangelii secundum Matthaum.

Matth. 10, 26-32

IN illo tempore: Dixit Jesus discipulis suis: Nihil est operatum quod non revelabitur; et occultum, quod non sciatur. Quod dico vobis in tenebris, dicite in lumine: et quod in aure auditis, praedicite super tecta. Et nolite timere eos, qui occidunt corpus, animam autem non possunt occidere; sed potius timeate eum, qui potest et animam et corpus perdere in gehennam. Nonne duo passeret assidue veniunt: et unus ex illis non cadet super terram sine Patre vestro? Vestri autem capilli capitis omnes numerati sunt. Nolite ergo timere:

multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in caelis est.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

MÚNERA tibi, Dómine, dicáta sanctífica: et, intercedénte beáto Polycárpo Mártire tuo atque Pontífice, per éadem nos placátus inténde. Per Dóminum.

Communio Ps. 20, 4 Posuísti, Dómine, in cápite ejus corónam de lápide pretiôso.

Postcommunio

REFÉCTI participatióne múnere sacri, quaésumus, Dómine Deus noster: ut, cujus exséquimur cultum, intercedénte beáto Polycárpo Mártire tuo atque Pontífice, sentiámus efféctum. Per Dóminum.

Die 27 Januarii

S. JOANNIS CHRYSOSTOMI

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiæ apéruit os ejus: et implévit eum Dóminus spírítu sapiéntiae, et intelléctus: stolam glóriæ induit eum. Ps. 91, 2 Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

ECCLÉSIAM tuam, quaésumus, Dómine, grátia caeléstis amplíficet: quam beáti Joánnis Chrysóstomi Confessóris tui atque Pontíficis illustráre voluísti gloriósis méritis, et doctrínis. Per Dóminum.

Léctio Epístolæ beáti Pauli Apóstoli ad Timótheum.

2 Tim. 4, 1-8

CARÍSSIME: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta oportúne, importúne: árgue, óbseca, íncrepa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avérterent, ad fábulas autem converténtur. Tu vero vígila, in ómnibus labóra, opus fac Evangelístæ, ministérium tuum imple. Sóbrius esto. Ego enim jam delíbor, et tempus resolutiônis meae instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Graduale Eccli. 44, 16 Ecce sacérdos magnus, qui in diébus suis plácuít Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vitae. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

* In Missis votivis Tempore Paschali omittitur Graduale, et ejus loco dicitur Allelúja cum suis Versibus, ex Missa Os justi, de Communi Confessoris non Pontificis 1 loco.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discíplis suis: Vos estis sal terrae. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super

candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvete legem aut prophétas: non veni sólvete, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Credo.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SANCTI Joánnis Chrysóstomi Pontíficis tui atque Doctóris nobis, Dómine, pia non desit orátio: quae, et múnera nostra concíliet ; et tuam nobis indulgéntiam semper obtíneat. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

UT nobis, Dómine, tua sacrificia dent salútem: beátus Joánnes Chrysóstomus Póntifex tuus et Doctor egrégius, quaesumus, precátor accédát. Per Dóminum.

Die 28 Januarii
S. PETRI NOLASCI

Confessoris

Duplex

Missa Justus, **de Communi Confessoris non Pontificis 2 loco, cum Orationibus ut infra.**

Oratio

P

DEUS, qui in tuae caritátis exéplum, ad fidélium redemptiónem sanctum Petrum Ecclésiám tuam nova prole fecundáre divínitus docuísti: ipsíus nobis intercessióne concéde ; a peccáti servitúte solútis, in caeléstí pátria perpétua libertáte gaudére: Qui vivis et regnas.

Et fit Commemoratio S. Agnetis Virginis et Martyris secundo.

Oratio

DEUS, qui nos ánnua beátae Agnetis Vírginis et Mártiris tuae solemnitate laetíficas: da, quaesumus ; ut, quam venerámur officio, étiam piae conversatiónis sequámur exéplum. Per Dóminum.

Secreta

P

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Pro S. Agnete
Secreta

SUPER has, quaesumus, Dómine, hóstias benedictio copiósá descéndat: quae et sanctificatiónem nobis cleménter operétur, et de Mártirum nos solemnitate laetíficet. Per Dóminum.

Postcommunio

P

REFÉCTI cibo potúque caeléstí, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

Pro S. Agnete
Postcommunio

SÚMPSIMUS, Dómine, celebritátis ánnuae votíva sacraménta: praesta, quaesumus ; ut et temporális vitae nobis remédia praébeant, et aetérnae. Per Dóminum.

Eadem die 28 Januarii

Pro S. AGNETE
Virgine et Martyre secundo

Introitus **Ps. 44, 13, 15 et 16**

VULTUM tuum deprecabúntur omnes dívites plebis: adducéntur Regi vírgines post eam: próxímae ejus adducéntur tibi in laetítia et exsultatióne. **Ps. ibid., 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DEUS, qui nos ánnua beátae Agnétis Vírginis et Mártiris tuae solemnitate laetíficas: da, quaesumus ; ut, quam venerámur officio, étiam piae conversatiónis sequámur exémplo. Per Dóminum.

Léctio Epístolae beáti Pauli Apóstoli ad Corínthios.

2 Cor. 10, 17-18 ; 11, 1-2

FRATRES: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiae meae, sed et supportáte me: aémulor enim vos Dei aemulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **Vl.** Propter veritátem, et mansuetúdinem, et justítiam, et dedúcet te mirábiliter délixera tua.

Allelúja, allelúja. **Vl. Ibid., 15 et 16** Adducéntur Regi vírgines post eam: próxímae ejus afferéntur tibi in laetítia. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 11 et 12 Audi, fília, et vide, et inclína aurem tuam: quia concupívit Rex spéciem tuam. **Vl. Ibid., 13 et 10** Vultum tuum deprecabúntur omnes dívites plebis: fíliae regum in honóre tuo. **Vl. Ibid., 15-16** Adducéntur Regi vírgines post eam: próxímae ejus afferéntur tibi. **Vl.** Afferéntur in laetítia, et exsultatióne: adducéntur in templum Regis.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatióne saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saéculi.

Secreta

SUPER has, quaesumus, Dómine, hóstias benedictio copiósa descéndat: quae et sanctificatiónem nobis cleménter operétur, et de Mártýrum nos solemnitate laetíficet. Per Dóminum.

Communio Matth. 13, 45-46 Símile est regnum caelórum hómini negotiatóri, quaerénti bonas margarítas: invénta autem una pretiósá margaríta, dedit ómnia sua, et comparávit eam.

Postcommunio

SÚMPSIMUS, Dómine, celebritátis ánnuae votíva sacraménta: praesta, quaesumus ; ut et temporális vitae nobis remédia praébeant, et aetérnae. Per Dóminum.

Die 29 Januarii
S. FRANCISCI SALESII

Episcopi, Confessoris et Ecclesiae Doctoris

Duplex

Missa In médio, **de Communi Doctorum, praeter Orationem sequentem, et dicitur** Credo.

Oratio P

DEUS, qui ad animárum salútem beátum Francíscum Confessórem tuum atque Pontíficem ómnibus ómnia factum esse voluísti: concéde propítius ; ut caritátis tuae dulcédine perfúsi, ejus dirigéntibus mónitis ac suffragántibus méritis, aetérna gáudia consequámur. Per Dóminum.

Secreta C

SANCTI Francísci Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Postcommunio C

UT nobis, Dómine, tua sacrificia dent salútem: beátus Francíscus Póntifex tuus et Doctor egrégius, quaesumus, precátor accédát. Per Dóminum.

Die 30 Januarii
S. MARTINAE

Virginis et Martyris

Semiduplex

Missa Loquébar, **de Communi Virginum 1 loco.**

Oratio C

DEUS, qui inter cétera poténtiae tuae miracula étiam in sexu frágili victóriam mártýrii contulísti: concéde propítius ; ut, qui beátae Martínæ Vírginis et Mártýris tuae natalítia cólimus, per ejus ad te exémpla gradiámur. Per Dóminum.

Secreta C

SÚSCIPLE, Dómine, múnera, quae in beátae Martínæ Vírginis et Mártýris tuae solemnitate deférimus: cujus nos confídimus patrocínio liberári. Per Dóminum.

Postcommunio C

AUXILIÉNTUR nobis, Dómine, sumpta mystéria: et, intercedénte beáta Martína Vírgine et Mártýre tua, sempitérna fáciant protectióne gaudére. Per Dóminum.

Die 31 Januarii
S. JOANNIS BOSCO

Confessoris

Duplex

Introitus **3 Reg. 4, 29**

DEDIT illi Deus sapiéntiam et prudéntiam multam nimis, et latitúdinem cordis, quasi arénam quae est in líttore maris. **Ps. 112, 1** Laudáte, púeri, Dóminum, laudáte nomen Dómini. **V.** Glória Patri.

Oratio

DEUS, qui sanctum Joánnem Confessórem tuum adolescéntium patrem et magístrum excitásti, ac per eum, auxiliátríce Vírgine María, novas in Ecclésia tua famílias floréscere voluísti: concéde, quaesumus ; ut eódem caritátis igne succénsi, ánimas quaerere, tibi que soli servíre valeámus. Per Dóminum.

Léctio Epístolae beáti Pauli Apóstoli ad Philippéenses.

Phil. 4, 4-9

FRATRES: Gaudéte in Dómino semper: Íterum dico, gaudéte. Modéstia vestra nota sit ómnibus homínibus: Dóminus prope est. Nihil solliciti sitis ; sed in omni oratióne, et obsecratióne, cum gratiárum actiÓne, petitiÓnes vestrae innotéscant apud Deum. Et pax Dei, quae exsúperat omnem sensum, custódiat corda vestra et intellegéntias vestras, in Christo Jesu. De cétero, fratres, quaecúmque sunt vera, quaecúmque pudíca, quaecúmque justa, quaecúmque sancta, quaecúmque amabilia, quaecúmque bonae famae, si qua virtus, si qua laus disciplínae, haec cogitáte. Quae et didicístis, et accepístis et audístis, et vidístis in me, haec ágite: et Deus pacis erit vobíscum.

Graduale Ps. 36, 3-5 Spera in Dómino et fac bonitátem, et inhábita terram et pascéris in divítiis ejus. **V/.** Delectáre in Dómino, et dabit tibi petitiÓnes cordis tui ; revéla Dómino viam tuam et spera in eum, et ipse fáciat.

Allelúja , allelúja. **V/.** **Ps. 73, 21** Pauper et inops laudábunt nomen tuum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 60, 4-6 Factus es spes mea, Dómine: turris fortitúdinis a fácie inimíci. **V/.** Inhabitábo in tabernáculo tuo in saécula: prótegar in velaménto alárum tuárum. **V/.** Quóniam tu, Deus, exaudísti oratiÓnem meam: dedísti hereditátem timéntibus nomen tuum.

In Missis votivis Tempore Paschali omittitur Graduale, et ejus loco dicitur:

Allelúja , allelúja. **V/.** **Ps. 73, 21** Pauper et inops laudábunt nomen tuum. Allelúja. **V/.** **Ps. 35, 9** Inebriabúntur ab ubertáte domus tuae: et torrénste voluptátis tuae potábis eos. Allelúja.

+ Sequéntia sancti Evangélii secúndum Matthaéum.

Matth. 18, 1-5

IN illo témpore: Accessérunt discípuli ad Jesum dicéntes: Quis putas major est in regno caelórum ? Et ádvocans Jesus párvulum státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit.

Offertorium Ps. 33, 12 Veníte, filii, audíte me: timórem Dómini docébo vos.

Secreta

SÚSCIPE, Dómine, oblatiÓnem mundam salutáris Hóstiae et praesta, ut, te in ómnibus et super ómnia diligéntes, in glóriae tuae laudem vívere mereámur. Per Dóminum.

Communio Rom. 4, 18 Contra spem in spem crédidit, ut fieret pater multárum géntium, secúndum quod dictum est ei.

Postcommunio

CÓRPORIS et Sanguinis tui, Dómine, mystério satiátis, concéde, quaésumus ; ut, intercedénste sancto Joánné Confessóre, in gratiárum semper actiÓne maneámus. Qui vivis et regnas.

FESTA FEBRUARII

* **Ante Quadragesimam, prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.**

Die 1 Februarii

S. IGNATII

Episcopi et Martyris

Duplex

Introitus **Gal. 6, 14**

MIHI autem absit gloriári nisi in cruce Dómini nostri Jesu Christi, per quem mihi mundus crucifixus est, et ego mundo. **Ps. 131, 1** Meménto, Dómine, David: et omnis mansuetúdinis ejus. **V/.** Glória Patri.

Oratio

INFIRMITATEM nostram respice, omnipotens Deus: et, quia pondus propriae actionis gravat, beati Ignatii Mátyris tui atque Pontíficis intercésio gloriósa nos prótegat. Per Dóminum.

Léctio Epístolae beati Pauli Apóstoli ad Romános.

Rom. 8, 35-39

FRATRES: Quis nos separábit a caritate Christi: tribulatio, an angústia, an fames, an núditas, an periculum, an persecutio, an gladius ? (sicut scriptum est: Quia propter te mortificámur tota die: aestimáti sumus sicut oves occisiónis). Sed in his ómnibus superámus propter eum, qui diléxit nos. Certus sum enim, quia neque mors, neque vita, neque ángeli, neque principátus, neque virtútes, neque instántia, neque futúra, neque fortitúdo, neque altitúdo, neque profúndum, neque creatúra ália póterit nos separáre a caritate Dei, quae est in Christo Jesu Dómino nostro.

Graduale Eccli. 44, 16 Ecce sacerdos magnus, qui in diébus suis plácuit Deo. V/. Ibid., 20 Non est invéntus símilis illi, qui conserváret legem Excélsi.

Allelúja, allelúja. V/. Gal. 2, 19-20 Christo confíxus sum Cruci: vivo ego, jam non ego, vivit vero in me Christus. Allelúja.

Post Septuagesimam, omissis Allelúja et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. V/. Quóniam praevenísti eum in benedictiónibus dulcédinis. V/. Posuísti in cápite ejus corónam de lápide pretióso.

In Missis votivis Tempore Paschali omittitur Graduale, et ejus loco dicitur:

Allelúja, allelúja. V/. Gal. 2, 19-20 Christo confíxus sum Cruci: vivo ego, jam non ego, vivit vero in me Christus. Allelúja. V/. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Joánnem.

Joann. 12, 24-26

IN illo témpore: Dixit Jesus discíplis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam aetérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

HÓSTIAS tibi, Dómine, beati Ignatii Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Communio Fruméntum Christi sum: déntibus bestiárum molar, ut panis mundus invéníar.

Postcommunio

REFÉCTI participatióne múneris sacri, quaesumus, Dómine Deus noster: ut, cujus exséquimur cultum, intercedénte beáto Ignatio Mátyre tuo atque Pontífice, sentiámus efféctum. Per Dóminum.

Die 2 FebruariiIN PURIFICATIONE B. MARIAE V.

Duplex II classis

* Si hoc Festum transferri contingat, hodie fit tantum benedictio et distributio Candelarum atque Processio. Missa autem dicitur de Officio currenti ; et in ea Candela accensae in manibus non tenentur.

* **Finita Tertia, Sacerdos indutus Pluviali violaceo, vel sine Casula, cum Ministris similiter indutis, procedit ad benedicendum Candelas, in medio ante Altare, vel ad cornu Epistolae positas, et ipse ibidem stans versus ad Altare, dicit manibus junctis in tono Orationis Missae ferialis.**

V/. Dóminus vobíscum.

R/. Et cum spírítu tuo.

Orémus. **Oratio**

DÓMINE sancte, Pater omnipotens, aetérne Deus, qui ómnia ex níhilo creásti, et jussu tuo per ópera apum, hunc liquórem ad perfectiónem cérei veníre fecisti: et qui hodiérna die petitióem justí Simeónis implésti: te humíliter deprecámur ; ut has candélas ad usus hóminum, et sanitátem córporum et animárum, sive in terra, sive in aquis, per invocatióem tui sanctíssimi nóminis, et per intercessiÓnem beátae Maríae semper Vírginis, cujus hódie festa devóte celebrántur, et per preces ómnium Sanctórum tuórum, bene+dícere, et sancti+ficáre dignéris: et hujus plebis tuae, quae illas honorífice in mánibus desíderat portáre, teque cantándo laudáre, exáudias voces de caelo sancto tuo, et de sede majestátis tuae: et propítius sis ómnibus clamántibus ad te quos redemísti pretiÓso sáanguine Fílii tui: Qui tecum vivit.

R/. Amen.

Orémus. **Oratio**

OMNÍPOTENS sempitérne Deus, qui hodiérna die Unigénitum tuum ulnis sancti Simeónis in templo sancto tuo suscipiéndum praesentásti: tuam súpplíces deprecámur cleméntiam ; ut has candélas, quas nos fámuli tui, in tui nóminis magnificéntiam suscipiéntes, gestáre cúpimus luce accénsas, bene+dícere, et sancti+ficáre, atque lúmíne supérnae benedictiÓnis accéndere dignéris: quátenus eas tibi Dómino Deo nostro offeréndo digni, et sancto igne dulcíssimae caritátis tuae succénsi, in templo sancto glóriae tuae repraesentári mereámur. Per eúmdem Dóminum.

R/. Amen.

Orémus. **Oratio**

DÓMINE Jesu Christe, lux vera, quae illúminas omnem hóminem veniéntem in hunc mundum: effúnde bene+dictiÓnem tuam super hos céreos, et sancti+fica eos lúmíne grátiae tuae, et concéde propítius ; ut, sicut haec luminária igne visíbili accénsa noctúrnas depéllunt ténebras ; ita corda nostra invisíbili igne, id est, Sancti Spírítus splendóre illustráta, ómnium vitiórum caecitáte cáreant: ut, purgáto mentis óculo, ea cernere possímus, quae tibi sunt plácita, et nostrae salúti útilia ; quátenus post hujus saéculi caliginósa discrímína, ad lucem indeficiéntem perveníre mereámur. Per te, Christe Jesu, Salvátor mundi, qui in Trinitáte perfécta vivis et regnas Deus, per ómnia saécula saeculórum.

R/. Amen.

Orémus. **Oratio**

OMNÍPOTENS sempitérne Deus, qui per Móysen fámulum tuum puríssimum ólei liquórem ad luminária ante conspéctum tuum júgiter concinnánda praeparári jussísti: bene+dictiÓnis tuae grátiam super hos céreos benígnus infúnde ; quátenus sic adminístrent lumen extérius, ut, te donánte, lumen Spírítus tui nostris non desit méntibus intérius. Per Dóminum **in unitáte ejúsdem.**

R/. Amen.

Orémus. **Oratio**

DÓMINE Jesu Christe, qui hodiérna die in nostrae carnis substántia inter hómines appárens, a paréntibus in templo es praesentátus: quem Símeon venerábilis senex, lúmíne Spírítus tui irradiátus, agnóvit, suscepit, et benedíxit: praesta propítius ; ut ejúsdem Spírítus Sancti grátia illumináti, atque edócti, te veráciter agnoscámus, et fidéliter diligámus: Qui cum Deo Patre in unitáte ejúsdem Spírítus Sancti vivis et regnas Deus, per ómnia saécula saeculórum.

R/. Amen.

* **Finitis Orationibus, Celebrans ponit incensum in thuribulum: deinde ter aspergit Candelas aqua benedicta, dicendo sine cantu, et sine Psalmo:**

Ant. Aspérges me, Dómine, hyssópo, et mundábor: lavábis me, et super nivem dealbábor.

Et ter adolet incenso. Tum dignior ex Clero accedit ad Altare, et ab eo Celebrans accipit Candelam, non genuflectens nec osculans manum illius. Postea Celebrans stans in medio ante Altare, versus ad populum, distribuit Candelas, primum dignio ri, a quo ipse acceperat ; deinde Diacono et Subdiacono paratis, et aliis Clericis singulatim per ordinem, ultimo laicis: omnibus genuflectentibus, Candelam et manum Celebrantis osculantibus, exceptis Praelatis, si adsint. Et cum inceperit distribuere Candelas, a Choro cantatur:

Antiphona Luc. 2, 32 Lumen ad revelatióem géntium: et glóriam plebis tuae Israëli.

Cantic. ibid. 29-31 Nunc dimíttis servum tuum, Dómine, secúndum verbum tuum in pace.

Deinde repetitur tota Antiph. Lumen ad revelatióem géntium, **quae similiter repetitur post quemlibet Versum.**

Quia vidérunt óculi mei salutáre tuum. **Antiph.** Lumen.

Quod parásti ante fáciem ómnium populórum. **Antiph.** Lumen.

Glória Patri, et Fílio, et Spirítui Sancto. **Antiph.** Lumen.

Sicut erat in princípío, et nunc, et semper, et in saécula saeculórum. Amen. **Antiph.** Lumen.

His expletis, cantatur

Antiph. Ps. 43, 26 Exsúrge, Dómine, ádjuva nos: et líbera nos propter nomen tuum. **Ps. ibid., 2** Deus, áuribus nostris audívimus: patres nostri annuntiavérunt nobis. **V/.** Glória Patri.

Et repetitur: Exsúrge Dómine.

Deinde Sacerdos dicit: Orémus.

*** Et si fuerit post Septuagesimam, et non in die Dominica, Diaconus dicit:**

Flectámus génuá. **R/.** Leváte.

Oratio

EXÁUDI, quaesumus, Dómine, plebem tuam: et, quae extrínsecus ánnua tríbuis devotióne venerári, intérius ássequi grátiae tuae luce concéde. Per Christum Dóminum nostrum.

R/. Amen.

*** Deinde fit Processio. Et primo Celebrans ponit incensum in thuribulum: postea Diaconus vertens se ad populum, dicit:** Procedámus in pace. **Et Chorus respondet:** In nómine Christi. Amen.

Praecedit Thuriferarius cum thuribulo fumigante: deinde Subdiaconus paratus, deferens Crucem, medius inter duos Acolythos cum candelabris accensis: sequitur Clerus per ordinem, ultimo Celebrans cum Diacono a sinistris, omnes cum Candelis accensis in manibus: et cantantur Antiphonae sequentes:

Antiph. Adórna thálamum tuum, Sion, et súscipe Regem Christum: ampléctere Maríam, quae est caeléstis porta: ipsa enim portat Regem glóriae novi lúminis: subsístit Vírgo, addúcens mánibus Fílium ante lucíferum génitum: quem accípiens Símeon in ulnas suas, praedicávit pópulis, Dóminum eum esse vitae et mortis, et Salvatórem mundi.

Alia Antiph. Luc. 2, 26, 27 et 28-29 Respónsum accépit Símeon a Spíritu Sancto, non visúrum se mortem, nisi vidéret Christum Dómini: et cum indúcerent púerum in templum, accépit eum in ulnas suas, et benedíxit Deum, et dixit: Nunc dimíttis servum tuum, Dómine, in pace. **V/.** Cum indúcerent púerum Jesum paréntes ejus, ut fácerent secúndum consuetúdinem legis pro eo, ipse accépit eum in ulnas suas.

Et ingrediendo ecclesiam, cantatur:

R/. Obtulérunt pro eo Dómino par túrturum, aut duos pullos columbárum: *** Sicut scriptum est in lege Dómini. V/.** Postquam impléti sunt dies purgatiónis Maríae, secúndum legem Móysi, tulérunt Jesum in Jerúsalem, ut sísterent eum Dómino. *** Sicut scriptum est in lege Dómini. V/.** Glória Patri, et Fílio, et Spirítui Sancto. *** Sicut scriptum est in lege Dómini.**

*** Finita Processione, Celebrans et Ministri, depositis violaceis, accipiunt paramenta alba pro Missa. Et Candelae tenentur in manibus accensae dum legitur Evangelium, et iterum ab incepto Canone usque ad expletam Communionem.**

*** Hodie prohibetur quaelibet Missa votiva, etiam solemnitas, de Christo Domino.**

AD MISSAM

Introitus **Ps. 47, 10-11**

SUSCÉPIMUS, Deus, misericórdiam tuam in médio templi tui: secúndum nomen tuum, Deus, ita et laus tua in fines terrae: justítia plena est dextera tua. **Ps. ibid., 2** Magnus Dóminus, et laudábilis nimis: in civitáte Dei nostri, in monte sancto ejus. **V/.** Glória Patri.

Oratio

OMNÍPOTENS sempitérne Deus, majestátem tuam súplices exorámus: ut, sicut unigénitus Fílius tuus hodiérna die cum nostrae carnis substántia in templo est praesentátus ; ita nos fácias purificátis tibi méntibus praesentári. Per eúndem Dóminum.

Léctio Malachíae Prophétae.

Malach. 3, 1-4

HAEC dicit Dóminus Deus: Ecce ego mitto Angelum meum, et praeparábit viam ante fáciem meam. Et statim véniet ad templum suum Dominátor, quem vos quaéritis, et Angelus testaméti, quem vos vultis. Ecce venit, dicit Dóminus exercítuum: et quis póterit cogitáre diem advéntus ejus, et quis stabit ad vidéndum eum ? Ipse enim quasi ignis conflans, et quasi herba fullónum: et sedébit conflans, et emúndans argéntum, et purgábit filios Levi et colábit eos quasi aurum, et quasi argéntum: et erunt Dómimo offeréntes sacrificia in justítia. Et placébit Dómimo sacrificium Juda, et Jerúsalem, sicut dies saéculi, et sicut anni antíqui: dicit Dóminus omnípotens.

Graduale Ps. 47, 10-11 et 9 Suscépimus, Deus, misericórdiam tuam in médio templi tui: secúndum nomen tuum, Deus, ita et laus tua in fines terrae. **Vl.** Sicut audívimus, ita et vídimus in civitáte Dei nostri, in monte sancto ejus.

Allelúja , allelúja. **Vl.** Senex púerum portábat: puer autem senem regébat. Allelúja.

Post Septuagesimam, omissis Allelúja et Versu sequenti, dicitur

Tractus Luc. 2, 29-32 Nunc dimíttis servum tuum, Dómine, secúndum verbum tuum in pace. **Vl.** Quia vidérunt óculi mei salutáre tuum. **Vl.** Quod parásti ante fáciem ómnium populórum. **Vl.** Lumen ad revelatiónem géntium, et glóriam plebis tuae Israël.

+ Sequéntia sancti Evangéllii secúndum Lucam.

Luc. 2, 22-32

IN illo témpore: Postquam impléti sunt dies purgatiónis Maríae, secúndum legem Móysi, tulérunt Jesum in Jerúsalem, ut sísterent eum Dómimo, sicut scriptum est in lege Dómini: Quia omne masculínium adapériens vulvam sanctum Dómimo vocábitur. Et ut darent hóstiam secúndum quod dictum est in lege Dómini, par túrturum, aut duos pullos columbárum. Et ecce homo erat in Jerúsalem, cui nomen Símeon, et homo iste justus et timorátus, exspéctans consolatiónem Israël, et Spíritus Sanctus erat in eo. Et respónsum accéperat a Spíritu Sancto, non visúrum se mortem, nisi prius vidéret Christum Dómini. Et venit in spíritu in templum. Et cum indúcerent púerum Jesum paréntes ejus, ut fácerent secúndum consuetúdinem legis pro eo: et ipse accépit eum in ulnas suas, et benedíxit Deum, et dixit: Nunc dimíttis servum tuum, Dómine, secúndum verbum tuum in pace: Quia vidérunt óculi mei salutáre tuum: Quod parásti ante fáciem ómnium populórum: Lumen ad revelatiónem géntium, et glóriam plebis tuae Israël.

Credo.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saéculi.

Secreta

EXÁUDI, Dómine, preces nostras: et, ut digna sint múnera, quae óculis tuae majestátis offerimus, subsidiúm nobis tuae pietátis impénde. Per Dóminum.

Praefatio de Nativitate.

Communio Luc. 2, 26 Respónsum accépit Símeon a Spíritu Sancto, non visúrum se mortem, nisi vidéret Christum Dómini.

Postcommunio

QUSUMUS, Dómine Deus noster: ut sacrosáncta mystéria, quae pro reparatiónis nostrae munímine contulísti, intercedénte beáta María semper Vírgine, et praesens nobis remédiúm esse fácias, et futúrum. Per Dóminum.

* In omnibus Missis de Officio Semiduplici aut Simplici, et in Missis votivis, quae pro re gravi et publica simul causa non sint, a die 3 Februarii usque ad Feriam III post Dominicam Quinquagesimae inclusive,

dicuntur, juxta Rubricas, Orationes pro diversitate Temporum assignatae, nempe 2a ad poscenda suffragia Sanctorum A cunctis, et 3a ad libitum eligenda.

Die 3 Februarii

S. BLASII

Episcopi et Martyris

Simplex

Missa Sacerdotes Dei, de Communi unius Martyris 2 loco.

Oratio C

DEUS, qui nos beati Blasii Martyris tui atque Pontificis annua solemnitate laetificas: concede propitius; ut, cujus natalitia colimus, de ejusdem etiam protectione gaudeamus. Per Dominum.

Secreta C

MUNERA tibi, Domine, dicata sanctifica: et, intercedente beato Blasio Martyre tuo atque Pontifice, per eadem nos placatus intende. Per Dominum.

Postcommunio C

HAEC nos communitio, Domine, purget a crimine: et, intercedente beato Blasio Martyre tuo atque Pontifice, caelestis remedii faciat esse consortes. Per Dominum.

Die 4 Februarii

S. ANDREAE CORSINI

Episcopi et Confessoris

Duplex

Missa Statuit, de Communi Confessoris Pontificis 1 loco, praeter Orationem sequentem.

Oratio P

DEUS, qui in Ecclesia tua nova semper instauras exempla virtutum: da populo tuo beati Andreae Confessoris tui atque Pontificis ita sequi vestigia; ut assequatur et praemia. Per Dominum.

Secreta C

SANCTI tui, quaesumus, Domine, nos ubique laetificent: ut, dum eorum merita recolimus, patrocinia sentiamus. Per Dominum.

Postcommunio C

PRAESTA, quaesumus, omnipotens Deus: ut, de perceptis muneribus gratias exhibentes, intercedente beato Andrea Confessore tuo atque Pontifice, beneficia potiora sumamus. Per Dominum.

* Per Quadragesimam, a Feria V post Cineres et a Feria II usque ad Sabbatum infra Hebdomadam Passionis inclusive, occurrente quolibet Festo Duplici vel Semiduplici, in Missis non conventualibus de Festo fit Commemoratio Feriae, et legitur ejus Evangelium in fine. Ubi autem adest obligatio Chori, lecta post Tertiam extra Chorum Missa de Festo sine Commemoratione Feriae, in Choro post Nonam dicitur Missa conventualis de Feria sine Commemoratione Festi. Missae vero privatae dici possunt vel de Festo, cum Commemoratione et ultimo Evangelio Feriae, vel de Feria cum Commemoratione Festi, juxta Rubricas. Si tamen Festum fuerit Duplex I aut II classis, in Choro dicitur Missa conventualis de Festo, et extra Chorum legitur Missa de Feria, de qua tamen prohibentur Missae privatae.

* Item per Quadragesimam a Feria IV Cinerum usque ad Sabbatum infra Hebdomadam IV inclusive, in omnibus Missis de Festo Semiduplici, et in Missis votivis, quae pro re gravi et publica simul causa non sint, in cantu celebrandis, post Commemorationem Feriae, dicitur, juxta Rubricas, Oratio pro diversitate Temporum assignata, nempe ad poscenda suffragia Sanctorum A cunctis. In Missis tamen conventualibus vel cantatis, si Commemoratio Feriae sit omittenda, post Orationem A cunctis, dicitur 3a Oratio pro diversitate Temporum assignata, nempe pro vivis et defunctis Omnipotens.

Die 5 Februarii
S. AGATHAE

Virginis et Martyris

Duplex

Introitus

GAUDEÁMUS omnes in Dómino, diem festum celebrántes sub honóre beátae Agathae Vírginis et Mártiris: de cujus passióne gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DEUS, qui inter cétera poténtiae tuae mirácula étiam in sexu frágili victóriam mártýrii contulisti: concéde propítius ; ut, qui beátae Agathae Vírginis et Mártiris tuae natalítia cólimus, per ejus ad te exémpa gradiámur. Per Dóminum.

Et, in Quadragesima, fit Commemoratio Feriae in Missis non conventualibus.

Léctio Epístolae beáti Pauli Apóstoli ad Corinthios.

1 Cor. 1, 26-31

FRATRES: Vidéte vocatiónem vestram, quia non multi sapiéntes secúndum carnem, non multi poténtes, non multi nóbiles: sed quae stulta s unt mundi elégit Deus, ut confúndat sapiéntes: et infírma mundi elégit Deus, ut confúndat fórtia: et ignobília mundi, et contemptibília elégit Deus, et ea quae non sunt, ut ea quae sunt destrúeret: ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificátió, et redéemptio: ut quemádmódum scriptum est: Qui gloriátur, in Dómino gloriétur.

Graduale Ps. 45, 6 Adjuvábít eam Deus vultu suo: Deus in médio ejus, non commovébitur. **Vl. Ibid., 5** Flúminis ímpetus laetíficat civitátem Dei: sanctificávit tabernáculum suum Altíssimus.

Allelúja , allelúja. **Vl. Ps. 118, 46** Loquébar de testimóniis tuis in conspéctu regum, et non confundébar. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **Vl.** Eúntes ibant et flebant, mitténtes sémina sua. **Vl.** Veniéntes autem vénient cum exsultatióne, portántes manipulos suos.

+ Sequéntia sancti Evangélii secúndum Matthaéum.

Matth. 19, 3-12

IN illo témpore: Accessérunt ad Jesum pharisaéi tentántes eum, et dicéntes: Si licet hómini dimítere uxórem suam quacúmque ex causa ? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos ? et dixit: Propter hoc dimíttet homo patrem et matrem, et adhaerébit uxóri suae, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repúdií, et dimítere ? Ait illis: Quóniam Móyses ad durítiam cordis vestri permísit vobis dimítere uxóres vestras: ab inítio autem non fuit sic. Dico autem vobis, quia quicúmque dimiserit uxórem suam, nisi ob fornicatióne, et áliam dúxerit, moechátur: et qui dimíssam dúxerit, moechátur. Dicunt ei discípuli ejus: Si ita est causa hóminis cum uxóre, non expedit núbere. Qui dixit illis: Non omnes cápíunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípso castravérunt propter regnum caelórum. Qui potest cápere, cápíat.

Offertorium Ps. 44, 15 Afferéntur Regi vírgines post eam: próximae ejus afferéntur tibi.

Secreta

SÚSCIPE, Dómine, múnera, quae in beátae Agathae Vírginis et Mártiris tuae solemnitate deférimus: cujus nos confídimus patrocínio liberári. Per Dóminum.

Et, in Quadragesima, fit Commemoratio Feriae, ut supra.

Communio Qui me dignátus est ab omni plaga curáre, et mamíllam meam meo péctori restituere, ipsum invoco Deum vivum.

Postcommunio

AUXILIÉNTUR nobis, Dómine, sumpta mystéria: et, intercedénte beáta Agatha Vírgine et Mártyre tua, sempitérna protectióne confírment. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 6 Februarii
S. TITI

Episcopi et Confessoris

Duplex

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotíi dignitas in aetérnum. **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui beátum Titum Confessórem tuum atque Pontíficem apostólicis virtútibus decorásti: ejus méritis et intercessióne concéde ; ut juste et pie vivéntes in hoc saéculo, ad caeléstem pátriam perveníre mereámur. Per Dóminum.

Et, in Quadragesima, fit Commemoratio Feriae in Missis non conventualibus. Deinde Commemoratio S. Dorotheae Virginis et Martyris.

Oratio

INDULGÉNTIAM nobis, quaésumus, Dómine, beáta Doróthea Virgo et Martyr implóret: quae tibi grata semper éxstitit, et mérito castitátis, et tuae professióne virtútis. Per Dóminum.

Léctio libri Sapiéntiae.
Eccli. 44, 16-27 et 45, 3-20

ECCE sacérdos magnus, qui in diébus suis plácuit Deo, et invéntus est justus: et in témpore iracúndiae factus est reconciliátió. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriae. Státuit illi testaméntum aetérnum, et dedit illi sacerdotium magnum: et beatificávit illum in glória. Fungi sacerdotío, et habére laudem in nómine ipsius: et offérre illi incénsus dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuit Deo. **Vl. Ibid., 20** Non est invéntus símilis illi, qui conserváret legem Excélsi. Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangéllii secúndum Lucam.
Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

SANCTI tui, quaesumus, Dómine, nos ubique laetíficent: ut, dum eórum mérita recólimus, patrocínia sentiámus. Per Dóminum.

Et, in Quadragesima, fit Commemoratio Feriae, ut supra.

**Pro S. Dorothea
Secreta**

HÓSTIAS tibi, Dómine, beátae Dorótheae Vírginis et Mártiris tuae dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

PRAESTA, quaesumus, omnipotens Deus: ut, de percéptis munéribus grátias exhibéntes, intercedénte beáto Tito Confessóre tuo atque Pontífice, beneficia potióra sumámus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

**Pro S. Dorothea
Postcommunio**

DIVÍNI múnere largitáte satiáti, quaesumus, Dómine Deus noster: ut, intercedénte beáta Doróthea Vírgine et Mártire tua, in ejus semper participatióne vivámus. Per Dóminum.

Eadem die 6 Februarii

Pro S. DOROTHEA
Virgine et Martyre

Missa Me exspectavérunt, **de Communi Virginum 2 loco.**

Die 7 Februarii
S. ROMUALDI

Abbatis

Duplex

Missa Os justi, **de Communi Abbatum.**

Oratio C

INTERCÉSSIO nos, quaesumus, Dómine, beáti Romuáldi Abbátis comméndet: ut, quod nostris méritis non valémus, ejus patrocínio assequámur. Per Dóminum.

Et, in Quadragesima, fit Commemoratio Feriae in Missis non conventualibus.

Secreta C

SACRIS altáribus, Dómine, hóstias superpósitas sanctus Romuáldus Abbas, quaesumus, in salútem nobis proveníre depóscat. Per Dóminum.

Et, in Quadragesima, fit Commemoratio Feriae, ut supra.

Postcommunio C

PRÓTEGAT nos, Dómine, cum tui perceptiÓne sacraménti beátus Romuáldus Abbas, pro nobis intercedéndo: ut et conversatiÓnis ejus experiámur insígnia, et intercessiÓnis percipiámus suffrágia. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 8 Februarii
S. JOANNIS DE MATHA

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio P

DEUS, qui per sanctum Joánnem órđinem sanctíssimae Trinitátis ad rediméndum de potestáte Saracenórum captívos caélitus institúere dignátus es: praesta, quaésumus ; ut, ejus suffragántibus méritis, a captivítate córporis et ánimae, te adjuvánte, liberémur. Per Dóminum.

Et, in Quadragesima, fit Commemoratio Feriae in Missis non conventualibus.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Et, in Quadragesima, fit Commemoratio Feriae, ut supra.

Postcommunio C

REFÉCTI cibo potúque caelésti, Deus noster, te súpplīces exorámus: ut, in cujus haec commemoratióne percépimus, ejus muniámur et précibus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 9 Februarii
S. CYRILLI

Episcopi Alexandrini,
Confessoris et Ecclesiae Doctoris

Duplex

Missa In médio, de Communi Doctorum, cum Orationibus ut infra, et dicitur Credo.

Oratio P

DEUS, qui beátum Cyrillum Confessórem tuum atque Pontíficem divínae maternitátis beatíssimae Vírginis Maríae assertórem invíctum effecísti: concéde, ipso intercedénte ; ut, qui vere eam Genitricem Dei credímus, matérna ejúsdem protectióne salvémur. Per eúmdem Dóminum.

Et, in Quadragesima, fit Commemoratio Feriae in Missis non conventualibus.
Deinde Commemoratio S. Apolloniae Virginis et Martyris.

Oratio

DEUS, qui inter cétera poténtiae tuae mirácula étiam in sexu frágili victóriam martyrii contulísti: concéde propítius ; ut, qui beátae Apollóniae Vírginis et Mátyris tuae natalítia cólimus, per ejus ad te exéempla gradiámur. Per Dóminum.

Secreta P

MÚNERA nostra, omnípotens Deus, benígus réspice: et, intercedénte beáto Cyrillo, praesta ; ut unigénitum tuum Jesum Christum Dóminum nostrum in tua tecum glória coaetérnum, in córdibus nostris digne suscipere mereámur: Qui tecum vivit.

Et, in Quadragesima, fit Commemoratio Feriae, ut supra.

Pro S. Apollonia
Secreta

SÚSCIPE, Dómine, múnera, quae in beátae Apollóniae Vírginis et Mátyris tuae solemnitate deférimus: cujus nos confídimus patrocínio liberári. Per Dóminum.

Postcommunio

P

DIVÍNIS, Dómine, refécti mystériis, te súpplīces deprecámur: ut exémpīs et méritis beáti Cyrílli Pontíficis adjúti, sanctíssimae Genitríci Unigéniti tui digne famulári valeámus: Qui tecum vivit.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

**Pro S. Apollonia
Postcommunio**

AUXILIÉNTUR nobis, Dómine, sumpta mystéria: et, intercedénte beáta Apollónia Vírgine et Mátyre tua, sempitérna fáciant protectióne gaudére. Per Dóminum.

Eadem die 9 Februarii

Pro S. APOLLONIA
Virgine et Martyre

Missa Loquébar, de Communi Virginum 1 loco.

**Die 10 Februarii
S. SCHOLASTICAE**

Virginis
Duplex

Missa Dilexísti, de Communi Virginum 3 loco, praeter Orationem sequentem.

Oratio

P

DEUS, qui ánimam beátae Vírginis tuae Scholásticae ad ostendéndam innocéntiae viam in colúmbae spécie caelum penetráre fecísti: da nobis ejus méritis et précibus ita innocénte vivere ; ut ad aetérna mereámur gáudia perveníre. Per Dóminum.

Et, in Quadragesima, fit Commemoratio Feriae in Missis non conventualibus.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliū. Per Dóminum.

Et, in Quadragesima, fit Commemoratio Feriae, ut supra.

Postcommunio

C

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

**Die 11 Februarii
IN APPARITIONE
B. MARIAE V. IMMACULATAE**

Duplex majus

Introitus **Apoc. 21, 2**

VIDI civitátem sanctam, Jerúsalem novam, descendéntem de caelo a Deo, parátam sicut sponsam ornátam viro suo. **Ps. 44, 2** Eructávit cor meum verbum bonum: dico ego ópera mea Regi. **V/.** Glória Patri.

Oratio

DEUS, qui per immaculátam Vírginis Conceptionem dignum Fílio tuo habitáculum praeparásti: súpplīces a

te quaesumus ; ut ejusdem Virginis Apparitionem celebrantes, salutem mentis et corporis consequamur.
Per eundem Dominum.

Et, in Quadragesima, fit Commemoratio Feriae in Missis non conventualibus.

Lectio libri Apocalypsis beati Joannis Apostoli.

Apoc. 11, 19 ; 12, 1 et 10

APERIUM est templum Dei in caelo: et visa est arca testamenti ejus in templo ejus, et facta sunt fulgura, et voces, et terraemotus, et granda magna. Et signum magnum apparuit in caelo: Mulier amicta sole, et luna sub pedibus ejus, et in capite ejus corona stellarum duodecim. Et audivi vocem magnam in caelo dicentem: Nunc facta est salus, et virtus, et regnum Dei nostri et potestas Christi ejus.

Graduale Cant. 2, 12 Flores apparuerunt in terra nostra, tempus putationis advénit, vox túrturis audita est in terra nostra. *Vl. Ibid., 10 et 14* Surge, amica mea, speciosa mea, et veni: columba mea in foraminibus petrae, in caverna maceriae.

Allelúja, allelúja. *Vl.* Ostende mihi faciem tuam, sonet vox tua in auribus meis: vox enim tua dulcis, et facies tua decora. Allelúja.

Post Septuagesimam, omissis Allelúja et Versu sequenti, dicitur

Tractus Judith 15, 10 Tu gloria Jerúsalem, tu laetitia Israél, tu honorificentia populi nostri. *Vl. Cant. 4, 7* Tota pulchra es, María: et macula originalis non est in te. *Vl.* Felix es, sacra Virgo María, et omni laude dignissima, quae serpentis caput virgineo pede contrivisti.

+ Sequentia sancti Evangelii secundum Lucam.

Luc. 1, 26-31

IN illo tempore: Missus est Angelus Gábriel a Deo in civitatem Galilaéae, cui nomen Názareth, ad Virginem desponsatam viro, cui nomen erat Joseph, de domo David, et nomen Virginis María. Et ingressus Angelus ad eam dixit: Ave, gratia plena: Dominus tecum: benedicta tu in mulieribus. Quae cum audisset, turbata est in sermone ejus, et cogitabat qualis esset ista salutatio. Et ait Angelus ei: Ne timeas, María, invenisti enim gratiam apud Deum: ecce concipies in útero, et paries filium, et vocabis nomen ejus Jesum.

Credo.

Offertorium Luc. 1, 28 Ave, gratia plena: Dominus tecum: benedicta tu in mulieribus.

Secreta

HÓSTIA laudis, quam tibi, Dómine, per mérita gloriosae et immaculatae Virginis offerimus, sit tibi in odorem suavitatis, et nobis optatam cónferat corporis et animae sanitatem. Per Dóminum.

Et, in Quadragesima, fit Commemoratio Feriae, ut supra.

Praefatio de beata Maria Virgine Et te in Conceptione immaculata.

Communio Ps. 64, 10 Visitasti terram et inebriasti eam, multiplicasti locupletare eam.

Postcommunio

QUOS caelesti, Dómine, alimento satiasti, sublevet dextera Genitricis tuae immaculatae: ut ad aeternam patriam, ipsa adjuvante, pervenire mereamur: Qui vivis.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 12 Februarii

SS. SEPTEM FUNDATORUM
ORDINIS SERVORUM B. M. V.

Confessorum

Duplex

Introitus **Sap. 10, 20-21**

JUSTI decantaverunt, Dómine, nomen sanctum tuum, et victricem manum tuam laudaverunt pariter:

quóniam sapiéntia apéruit os mutum, et linguas infántium fecit disertas. **Ps. 8, 2** Dómine, Dóminus noster, quam admirábile est nomen tuum in univérsa terra ! **Vl.** Glória Patri.

Oratio

DÓMINE Jesu Christe, qui ad recoléndam memóriam dolórum sanctíssimae Genitrícis tuae, per septem beátos Patres nova Servórum ejus família Ecclésiám tuam fecundásti: concéde propítius ; ita nos eórum consociári flétibus, ut perfruámur et gaudiis: Qui vivis.

Et, in Quadragesima, fit Commemoratio Feriae in Missis non conventualibus.

Léctio libri Sapiéntiae.

Eccli. 44, 1-15

LAUDÉMUS viros gloriósos, et paréntes nostros in generatióne sua. Multam glóriam fecit Dóminus magnificéntia sua a saéculo. Dominántes in potestátibus suis, hómínes magni virtúte, et prudéntia sua praéditi, nuntiántes in prophétis dignitátem prophetárum, et imperántes in praesénti pópulo, et virtúte prudéntiae pópulis sanctíssima verba. In perítia sua requiréntes modos músicos, et narrántes cármina scripturárum. Hómínes dívites in virtúte, pulchritúdinis stúdiúm habéntes: pacificántes in dómibus suis. Omnes isti in generatióne gentis suae glóriam adépti sunt, et in diébus suis habéntur in láudibus. Qui de illis nati sunt, reliquérunnt nomen narrándi laudes eórum. Et sunt quorum non est memória: periérunt quasi qui non fúerint: et nati sunt, quasi non nati, et filii ipsórum cum ipsis. Sed illi viri misericórdiae sunt, quorum pietátes non defuérunt: cum sémíne eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapiéntiam ipsórum narrent pópuli, et laudem eórum nuntiet Ecclésia.

Graduale Isai. 65, 23 Elécti mei non laborábunt frustra, neque germinábunt in conturbatióne: quia semen benedictórum Dómini est, et nepótes eórum cum eis. **Vl. Eccli. 44, 14** Córpora ipsórum in pace sepúlta sunt, et nómen eórum vivit in generatióne et generatióne.

Allelúja, allelúja. **Vl. Ibid., 15** Sapiéntiam ipsórum narrent pópuli, et laudem eórum nuntiet Ecclésia. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in exsultáto metent. **Vl.** Eúntes ibant et flebant, mitténtes sémina sua. **Vl.** Veniéntes autem vénient cum exsultatióne, portántes manipulos suos.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **Vl. Eccli. 44, 15** Sapiéntiam ipsórum narrent pópuli, et laudem eórum nuntiet Ecclésia. Allelúja. **Vl. Ps. 36, 28** Non derelinquet Dóminus sanctos suos: in aetérnum conservabúntur. Allelúja.

+ Sequéntia sancti Evangéllii secúndum Matthaéum.

Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hómínis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Offertorium Isai. 56, 7 Addúcam eos in montem sanctum meum, et laeticábó eos in domo oratiónis meae: holocáusta eórum, et víctimae eórum placébunt mihi super altáre meum.

Secreta

ACCIPE, quaesumus, Dómine, hóstias quas tibi offérimus: et praesta ; ut, intercedéntibus Sanctis tuis, líbera tibi mente serviámus, et perdoléntis Vírginis Genitrícis Fílii tui amóre inflammémur. Per eúmdem Dóminum.

Et, in Quadragesima, fit Commemoratio Feriae, ut supra.

Communio Joann. 15, 16 Ego vos elégi de mundo, ut eátis, et fructum afferátis ; et fructus vester máneat.

Postcommunio

CAELÉSTIBUS refécti mystériis te, Dómine, deprecámur: ut quorum festa percólimus imitántes exémpa ; juxta Crucem Jesu cum María Matre ejus fidéliter adstémus, et ejúsdem redemptiónis fructum percípere mereámur. Per eúmdem Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 14 Februarii

S. VALENTINI

Presbyteri et Martyris

Simplex

Missa In virtúte, de Communi unius Martyris 3 loco, cum Orationibus ut infra.

Oratio P

PRAESTA, quaésumus, omnipotens Deus: ut, qui beáti Valentíni Mártyris tui natalítia cólimus, a cunctis malis imminéntibus, ejus intercessióne, liberémur. Per Dóminum.

Secreta P

SÚSCIPE, quaésumus, Dómine, múnera dignánter obláta: et beáti Valentíni Mártyris tui suffragántibus méritis, ad nostrae salútis auxiliúm proveníre concéde. Per Dóminum.

Postcommunio P

SIT nobis, Dómine, reparátio mentis et córporis caeléste mystérium: ut, cujus exséquimur actiónem, intercedénte beáto Valentíno Mártyre tuo, sentiámus efféctum. Per Dóminum.

Die 15 Februarii

SS. FAUSTINI ET JOVITAE

Martyrum

Simplex

Missa Salus autem, de Communi plurimorum Martyrum 3 loco, cum Orationibus ut infra.

Oratio C

DEUS, qui nos ánnua sanctórum Mártyrum tuórum Faustíni et Jovitae solemnítate laetíficas: concéde propítius ; ut, quorum gaudémus méritis, accendámur exémpis. Per Dóminum.

Secreta P

ADÉSTO, Dómine, supplicatióibus nostris, quas in Sanctórum tuórum commemoratióne deférimus: ut, qui nostrae justítiae fidúciam non habémus, eórum qui tibi placuérunt, méritis adjuvémur. Per Dóminum.

Postcommunio P

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

Die 18 Februarii

S. SIMEONIS

Episcopi et Martyris

Simplex

Missa Státuit, de Communi unius Martyris 1 loco.

Oratio C

INFIRMITÁTEM nostram réspice, omnipotens Deus: et, quia pondus própriae actiónis gravat, beáti Simeónis Mártyris tui atque Pontíficis intercésio gloriósa nos próteget. Per Dóminum.

Secreta

C

HÓSTIAS tibi, Dómine, beáti Simeónis Mártiris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

C

REFÉCTI participatióne múneris sacri, quaésumus, Dómine Deus noster: ut, cujus exséquimur cultum, intercedénte beáto Simeóne Mártire tuo atque Pontífice, sentiámus efféctum. Per Dóminum.

Die 22 Februarii
IN CATHEDRA S. PETRI

Apostoli

ANTIOCHAE

Duplex majus

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotíi dígnitas in aetérnum. **Ps. 131, 1** Meméto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui beáto Petro Apóstolo tuo, collátis clávis regni caeléstis, ligándi atque solvéndi pontíficium tradidisti: concéde ; ut, intercessiúnis ejus auxilió, a peccatórum nostrórum néxibus liberémur: Qui vivis.

Et fit Commemoratio S. Pauli Apostoli, ante omnes alias Commemorationes.

Oratio

DEUS, qui multitúdinem géntium beáti Pauli Apóstoli praedicatione docuisti: da nobis, quaésumus: ut, cujus commemoratióne cólimus, ejus a pud te patrocínia sentiámus. (Per Dóminum.)

Deinde, in Quadragesima, fit Commemoratio Feriae in Missis non conventualibus.

Léctio Epístolae beáti Petri Apóstoli.

1 Petr. 1, 1-7

PETRUS Apóstolus Jesu Christi, eléctis ádvenis dispersiúnis Ponti, Galátiae, Cappadóciae, Asiae et Bithýniae, secúndum praesciéntiam Dei Patris, in sanctificatióne Spíritus, in obediéntiam, et aspersionem ságuinis Jesu Christi: grátia vobis, et pax multiplicétur. Benedíctus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in caelis in vobis, qui in virtúte Dei custodímur per fidem in salútem, parátam revelári in témpore novíssimo. In quo exsultábitis, módicum nunc si opórtet contristári in váriis tentatióibus: ut probátio vestrae fidei multo pretiósior sit auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniórum laudent eum. **Vl.** Confiteántur Dómino misericórdiae ejus ; et mirabília ejus fíliis hóminum.

Tractus Matth. 16, 18-19 Tu es Petrus, et super hanc petram aedificábo Ecclésiám meam. **Vl.** Et portae ínferi non praevalébunt advérsus eam: et tibi dabo claves regni caelórum. **Vl.** Quodcúmque ligáveris super terram, erit ligátum et in caelis. **Vl.** Et quodcúmque sólveris super terram, erit solútum et in caelis.

+ Sequéntia sancti Evangéllii secúndum Matthaéum.

Matth. 16, 13-19

IN illo témpore: Venit Jesus in partes Caesaráe Philíppi, et interrogábat discipulos suos, dicens: Quem dicunt hómines esse Fílium hóminis ? At illi dixerunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiám meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Offertorium Matth. 16, 18-19 Tu es Petrus, et super hanc petram aedificábo Ecclésiám meam: et portae inferi non praevalébunt advérsus eam: et tibi dabo claves regni caelórum.

Secreta

ECCLÉSIÁE tuae, quaésumus, Dómine, preces et hóstias beáti Petri Apóstoli comméndet orátio: ut, quod pro illíus glória celebrámus, nobis prosit ad véniam. Per Dóminum.

Pro S. Paulo
Secreta

APÓSTOLI tui Pauli précibus, Dómine, plebis tuae dona sanctífica: ut, quae tibi tuo grata sunt institúto, gratióra fiant patrocínio supplicántis. (Per Dóminum).

Deinde, in Quadragesima, fit Commemoratio Feriae, ut supra.

Praefatio de Apostolis.

Communio Matth. 16, 18 Tu es Petrus, et super hanc petram aedificábo Ecclésiám meam.

Postcommunio

LAETÍFICET nos, Dómine, munus oblátum: ut, sicut in Apóstolo tuo Petro te mirábilem praedicámus ; sic per illum tuae sumámus indulgéntiae largitátem. Per Dóminum.

Pro S. Paulo
Postcommunio

SANCTIFICÁTI, Dómine, salutári mystério: quaésumus ; ut nobis ejus non desit orátio, cujus nos donásti patrocínio gubernári. (Per Dóminum).

Deinde, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

* In Sabbato, nisi annus fuerit bissextilis, additur Commemoratio Vigiliae anticipatae S. Matthiae, ut die sequenti notatur. Haec autem Commemoratio Vigiliae in Sabbato, ut supra, fit etiam extra Quadragesimam, addito tamen ultimo Evangelio de Vigilia. Et hoc in casu, post Tertiam extra Chorum legitur Missa de Festo sine Commemoratione Vigiliae, et in Choro post Nonam dicitur Missa de Vigilia sine Commemoratione Festi, additis in Missa Vigiliae 2a Oratione de sancta Maria Concéde, et 3a contra persecutores Ecclesiae, vel pro Papa. Missae vero privatae in Quadragesima ad libitum dici possunt, vel de Festo, vel de Feria, vel de Vigilia ; extra Quadragesimam, vel de Festo, vel de Vigilia, juxta Rubricas.

Die 23 Februarii
S. PETRI DAMIANI

Episcopi, Confessoris et Ecclesiae Doctoris

Duplex

Missa In médio, de Comuni Doctorum, praeter Orationem sequentem, et dicitur Credo.

Oratio

P

CONCÉDE nos , quaésumus, omnípotens Deus: beáti Petri Cónfessóris tui atque Pontíficis mónita et exéempla sectári ; ut per terréstrium rerum contéptum aetérna gáudia consequámur. Per Dóminum.

Et, in Quadragesima, fit Commemoratio Feriae in Missis non conventualibus.

Secreta

C

SANCTI Petri Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Et fit Commemoratio Feriae, si venerit in Quadragesima, et Vigiliae, ut supra.

Postcommunio

C

UT nobis, Dómine, tua sacrificia dent salútem: beátus Petrus Póntifex tuus et Doctor egrégius, quaésumus, precátor accédát. Per Dóminum.

Et fit Commemoratio Feriae, si venerit in Quadragesima, et Vigiliae, ut supra ; ac de ea legitur Evangelium in fine, juxta Rubricas.

* Nisi annus fuerit bissextilis, vel etiam in anno bissextili si hodie fuerit Sabbatum, additur Commemoratio Vigiliae, ut in Missa sequenti. Haec autem Commemoratio Vigiliae in utroque casu fit etiam extra Quadragesimam, addito ultimo Evangelio de ipsa Vigilia. Et, in utroque pariter casu, extra Quadragesimam, Missa conventualis de Festo legitur extra Chorum post Tertiam sine Commemoratione Vigiliae, et in Choro post Nonam dicitur Missa de Vigilia sine Commemoratione Festi. Missae vero privatae in Quadragesima ad libitum dici possunt, vel de Festo, vel de Feria, vel de Vigilia ; extra Quadragesimam, vel de Festo, vel de Vigilia, juxta Rubricas.

Eadem die 23 vel die 24 Februarii

IN VIGILIA

S. MATTHIAE

Apostoli

Missa Ego autem, de Communi in Vigiliis Apostolorum.

Si haec Vigilia occurrat in Quadragesima, de Vigilia non dicitur Missa conventualis, sed fit tantum Commemoratio in omnibus Missis, praeter conventualem de Festo occurrenti, si habeatur, et in Missa de Feria in fine legitur Evangelium ejusdem Vigiliae. Missae autem privatae, praeterquam in Feria IV Cinerum, dici possunt tum de Feria Quadragesimae, tum de Vigilia, juxta Rubricas.

Die 24 vel 25 Februarii

S. MATTHIAE

Apostoli

Duplex II classis

* Hodie, in Quadragesima, in Choro post Tertiam dicitur Missa conventualis de Festo, et extra Chorum post Nonam legitur Missa de Feria ; de qua tamen prohibentur Missae privatae.

Introitus Ps. 138, 17

MIHI autem nimis honoráti sunt amíci tui, Deus: nimis confortátus est principátus eórum. Ps. *ibid.*, 1-2
Dómine, probásti me, et cognovísti me: tu cognovísti sessiónem meam, et resurrectiónem meam. *Vl.* Glória Patri.

Oratio

DEUS, qui beátum Matthíam Apostolórum tuórum collégio sociásti: tríbue, quaésumus ; ut ejus interventióne, tuae circa nos pietátis semper víscera sentiámus. Per Dóminum.

Et, in Quadragesima, fit Commemoratio Feriae in Missis non conventualibus.

Lectio Actuum Apostolorum.

Act. 1, 15-26

IN diébus illis exsúrgens Petrus in médio fratrum, dixit (erat autem turba hóminum simul, fere centum viginti): Viri fratres, opórtet impléri Scriptúram, quam praedíxit Spíritus Sanctus per os David de Juda, qui fuit dux eórum, qui comprehendérunt Jesum: qui connumerátus erat in nobis, et sortítus est sortem ministérii hujus. Et hic quidem possédit agrum de mercéde iniquitátis, et suspénsus crépuit médius: et diffúsa sunt ómnia víscera ejus. Et notum factum est ómnibus habitántibus Jerúsalem, ita ut appellarétur ager ille, lingua eórum, Hacéldama, hoc est, ager sánguinis. Scriptum est enim in libro Psalmórum: Fiat commorátio eórum desérta, et non sit qui inhábitet in ea: et episcopátum ejus accípiat alter. Opórtet ergo ex his viris, qui nobíscum sunt congregáti in omni témpore, quo intrávit et exívit inter nos Dóminus Jesus, incípiens a baptísmate Joánnis usque in diem, qua assúmptus est a nobis, testem resurrectiónis ejus nobíscum fieri unum ex istis. Et statuérunt duos, Joseph qui vocabátur Bársabas, qui cognominátus est Justus, et Matthíam. Et orántes dixerunt: Tu, Dómine, qui corda nosti ómnium, osténde, quem elégeris ex his duóbus unum, accíperere locum ministérii hujus, et apostolátus, de quo praevaricátus est Judas, ut abíret in locum suum. Et dedérunt sortes eis, et cécidit sors super Matthíam, et annumerátus est cum úndecim

Graduale Ps. 138, 17-18 Nimis honoráti sunt amíci tui, Deus: nimis confortátus est principátus eórum. **V/.**
Dinumerábo eos: et super arénam multiplicabúntur.

Tractus Ps. 20, 3-4 Desidérium ánimae ejus tribuísti ei: et voluntáte labiórúum ejus non fraudásti eum. **V/.**
Quóniam praevenísti eum in benedictiónibus dulcédinis. **V/.** Posuísti in cápíte ejus corónam de lápide pretiósó.

In Missis votivis ante Septuagesimam vel post Pentecosten, omissó Tractu, post Graduale, dicitur:

Allelúja , allelúja. **V/.** **Ps. 32, 1** Gaudéte, justi, in Dómino ; rectos decet collaudátio. Allelúja.

+ Sequéntia sancti Evangéllii secúndum Matthaéum.

Matth. 11, 25-30

IN illo témpore: Respóndens Jesus, dixit: Confíteor tibi, Pater, Dómine caeli et terrae, quia abscondísti haec a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego refíciam vos. Tóllite jugum meum super vos, et discite a me, quia mitis sum, et húmilis córde: et inveniétis réquiem animábus vestris. Jugum enim meum suáve est, et onus meum leve.

Credo.

Offertorium Ps. 44, 17-18 Constítues eos príncipes super omnem terram: mémoires erunt nóminis tui, Dómine, in omni progénie et generatióne.

Secreta

HÓSTIAS tibi, Dómine, quas nómini tuo sacrándas offérimus, sancti Matthíae Apóstoli tui prosequátur orátio: per quam nos expiári fácias, et deféndi. Per Dóminum.

Et, in Quadragesima, fit Commemoratio Feriae, ut supra.

Praefatio de Apostolis.

Communio Matth. 19, 28 Vos, qui secúti estis me, sedébitis super sedes, judicántes duódecim tribus Israëli.

Postcommunio

PRAESTA, quaésumus, omnípotens Deus: ut per haec sancta, quae sumpsimus, interveniénte beáto Matthía Apóstolo tuo, véniam consequámur et pacem. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Tempore autem Paschali, Introitus, Allelúja cum suis versibus post Epistolam, Offertorium et Communio sumuntur ex Missa Protexísti, de Communi Martyrum 1 loco , reliqua dicuntur ut supra.

Die 27 vel 28 Februarii
S. GABRIELIS
A VIRGINE PERDOLENTE

Confessoris

Duplex

Introitus **Eccli. 11, 13**

OCULUS Dei respéxit illum in bono, et eréxit eum ab humilitáte ipsíus, et exaltávit caput ejus ; et miráti sunt in illo multi, et honoravérunt Deum. **Ps. 72, 1** Quam bonus Israëli Deus his, qui recto sunt corde ! **V/.** Glória Patri.

Oratio

DEUS, qui beátum Gabriélem dulcíssimae Matris tuae dolóres assídue recólere docuísti, ac per illam sanctitátis et miraculórum glória sublimásti: da nobis, ejus intercessióne et exémplo ; ita Genitrícis tuae consociári flétibus, ut matérna ejúsdem protectióne salvémur: Qui vivis.

Et, in Quadragesima, fit Commemoratio Feriae in Missis non conventualibus.

Léctio Epístolae beáti Joánnis Apóstoli.
1 Joann. 2, 14-17

CARÍSSIMI: Scribo vobis, júvenes, quóniam fortes estis, et verbum Dei manet in vobis, et vicístis malignum. Nolíte dilígere mundum neque ea, quae in mundo sunt. Si quis diligit mundum, non est caritas Patris in eo: quóniam omne, quod est in mundo, concupiscéntia carnis est, et concupiscéntia oculórum, et supérbia vitae: quae non est ex Patre, sed ex mundo est. Et mundus transit et concupiscéntia ejus. Qui autem facit voluntátem Dei, manet in aetérnum.

Graduale Ps. 30, 20 Quam magna multitúdo dulcédinis tuae, Dómine, quam abscondísti timéntibus te ! **V/.** Perfecísti eis, qui sperant in te, in conspéctu filiórum hóminum.
Allelúja, allelúja. **V/.** Ps. 8, 6-7 Minuísti eum, Dómine, paulo minus ab Angelis: glória et honóre coronásti eum: et constituísti eum super ópera mánuum tuárum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 83, 6-7, 11 et 13 Beátus vir, cujus est auxiliúm abs te: ascensiónes in corde suo dispósuit, in valle lacrimárum, in loco, quem pósuit. **V/.** Elégi abjéctus esse in domo Dei mei: magis quam habitáre in tabernáculis peccatórum. **V/.** Non privábit bonis eos, qui ámbulant in innocéntia: Dómine virtútum, beátus homo, qui sperat in te.

Tempore autem Paschali omittitur Graduale, et ejus loco dicitur:

Allelúja, allelúja. **V/.** Ps. 8, 6-7 Minuísti eum, Dómine, paulo minus ab Angelis: glória et honóre coronásti eum: et constituísti eum super ópera mánuum tuárum. Allelúja. **V/.** Eccli. 11, 24 Benedictio Dei in mercédem justí festínat, et in hora velóci procéssus illíus fructíficat. Allelúja.

+ Sequéntia sancti Evangélli secúndum Marcum.
Marc. 10, 13-21

IN illo témpore: Offerébant Jesu párvulos, ut tangeret illos. Discípuli autem comminabántur offeréntibus. Quos cum vidéret Jesus, indigne tulit et ait illis: Sinite párvulos veníre ad me, et ne prohibuéritis eos: tálíum enim est regnum Dei. Amen, dico vobis: Quisquis non recéperit regnum Dei velut párvulus, non intrábit in illud. Et compléxans eos et impónens manus super illos, benedicébat eos. Et cum egréssus esset in viam, procúrrens quidam genu flexo ante eum, rogábat eum: Magíster bone, quid fáciám, ut vitam aetérnam percípíam ? Jesus autem dixit ei: Quid me dicis bonum ? Nemo bonus, nisi unus Deus. Praecépta nosti: Ne adúlteres, ne occídas, ne furéris, ne falsum testimónium dixeris, ne fraudem féceris. Honóra patrem tuum et matrem. At ille respóndens, ait illi: Magíster, haec ómnia observávi a juventúte mea. Jesus autem intúitus eum, diléxit eum et dixit ei: Unum tibi deest: vade, quaecúmque habes vende et da paupéribus, et habébis thesáurum in caelo: et veni, séquere me.

Offertorium Ps. 115, 16-17 O Dómine, quia ego servus tuus, et fílius ancíllae tuae: dirupísti víncula mea, tibi sacrificábo hóstiam laudis.

Secreta

SALUTÁREM hóstiam, in memóriam sancti Gabriélis tibi, Dómine, offeréntes, fac nos sacrificíum mortis tuae rite recólere, ac, méritis perdoléntis Vírginis, ejúsdem sacrificíi fructum copióse percípere: Qui vivis.

Et, in Quadragesima, fit Commemoratio Feriae, ut supra.

Communio Apoc. 3, 20 Ecce sto ad óstium et pulso: si quis audérit vocem meam, et aperúerit mihi jánuam, intrábo ad illum, et cenábo cum illo, et ipse mecum.

Postcommunio

QUAS tibi, Dómine, in festivitáte sancti Gabriélis Confessóris tui, pro collátis donis grátias ágimus: súscipe

propítius per manus gloriósae semper Vírginis Maríae ; ex qua carnem illam assumpsísti, cujus in hoc salutári convívio merúimus gustáre dulcédinem: Qui vivis.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

FESTA MARTII

* Ante Quadragesimam, prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.

Die 4 Martii S. CASIMIRI

Confessoris

Semiduplex

Missa Os justi, de Communi Confessoris non Pontificis 1 loco, praeter Orationem sequentem.

Oratio P

DEUS, qui inter regáles delícias et mundi illécebras, sanctum Casimírum virtúte constántiae roborásti: quaésumus ; ut ejus intercessióne fideles tui terréna despícient, et ad caeléstia semper aspírent. Per Dóminum.

Et, in Quadragesima, fit Commemoratio Feriae in Missis non conventualibus.
Deinde Commemoratio S. Lucii I Papae et Martyris.

Oratio

GREGEM tuum, Pastor aetérne, placátus inténde: et per beátum Lúcium Mártirem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confidimus et futúris. Per Dóminum.

Et, in Quadragesima, fit Commemoratio Feriae et S. Lucii, ut supra.

Pro S. Lucio
Secreta

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

Et, in Quadragesima, fit Commemoratio Feriae ac S. Lucii, ut supra ; et de Feria legitur Evangelium in fine, juxta Rubricas.

Pro S. Lucio
Postcommunio

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Eadem die 4 Martii

Pro S. LUCIO I
Papa et Martyre

Missa Si diligis me, de Communi Summorum Pontificum, cum Orationibus ut supra.

Die 6 Martii

Die 6 MartiiSS. PERPETUAE et FELICITATIS
Martyrum

Duplex

Missa Me expectavérunt, **de Communi non Virginum 1 loco, cum Orationibus ut infra.**

Oratio P

DA nobis, quaesumus, Dómine Deus noster, sanctárum Mátyrum tuárum Perpétuae et Felicitátis palmas incessábili devotióne venerári: ut, quas digna mente non póssumus celebráre, humílibus saltem frequentémus obséquii. Per Dóminum.

Et, in Quadragesima, fit Commemoratio Feriae in Missis non conventualibus.

Secreta P

INTÉNDE, quaesumus, Dómine, múnera altáribus tuis pro sanctárum Mátyrum tuárum Perpétuae et Felicitátis festivitáte propósita: ut, sicut per haec beáta mystéria illis glóriam contulísti; ita nobis indulgéntiam largiáris. Per Dóminum.

Et, in Quadragesima, fit Commemoratio Feriae, ut supra.

Postcommunio P

MÝSTICIS, Dómine, repléti sumus votis et gáudiis: praesta, quaesumus, ut intercessiúnibus sanctárum Mátyrum tuárum Perpétuae et Felicitátis, quae temporáliter ágimus, spirituáliter consequámur. Per Dóminum.

Et, in Quadragesima, fit Commemoratio Feriae, ut supra; et de ea legitur Evangelium in fine, juxta Rubricas.Die 7 MartiiS. THOMAE DE AQUINO

Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiiae aperuit os ejus: et implévit eum Dóminus spírítu sapiéntiae, et intelléctus: stolam glóriae índuit eum. Ps. 91, 2 Bonum est confitéri Dómino: et psállere nómini tuo, Altíssime. **V.** Glória Patri.

Oratio

DEUS, qui Ecclésiám tuam, beáti Thomae Confessóris tui mira eruditióne clarificas, et sancta operatióne fecúndas: da nobis, quaesumus; et quae dócuit, intelléctu conspícere, et quae egit, imitatióne complére. Per Dóminum.

Et, in Quadragesima, fit Commemoratio Feriae in Missis non conventualibus.

Léctio libri Sapiéntiae.

Sap. 7, 7-14

OPTÁVI, et datus est mihi sensus: et invocávi, et venit in me spírítus sapiéntiae: et praepósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósium: quóniam omne aurum in comparatióne illíus, aréna est exígua, et tamquam lutum aestimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguíbile est lumen illíus. Venérunt autem mihi ómnia bona páriter cum illa, et innumerábilis honestas per manus illíus, et laetátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiÓne dídici, et sine invídia commúnico, et honestátem illíus non abscondo. Infinítus enim thesáurus est homínibus: quo qui usi sunt, partícipes facti sunt amicítiae Dei, propter disciplínae dona commendáti.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. **V.** Lex Dei ejus in corde ipsíus: et non supplantabúntur gressus ejus.**Tractus Ps. 111, 1-3** Beátus vir, qui timet Dóminum: in mandátis ejus cupit nimis. **V.** Potens in terra erit

semen ejus: generatio rectorum benedicetur. **V/.** Glória et divítiae in domo ejus: et justítia ejus manet in saeculum saeculi.

+ Sequéntia sancti Evangéllii secúndum Matthaéum.

Matth. 5, 13-19

IN illo témpore: Dixit Jesus discipulis suis: Vos estis sal terrae. Quod si sal evanúerit, in quo saliétur ? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SANCTI Thomae Confessóris tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Et, in Quadragesima, fit Commemoratio Feriae, ut supra.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

UT nobis, Dómine, tua sacrificia dent salútem: beátus Thomas Conféssor tuus et Doctor egrégíus, quaesumus, precátor accédát. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 8 Martii
S. JOANNIS DE DEO

Confessoris

Duplex

Introitus **Ps. 36, 30-31**

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus. **Ps. ibid., 1** Noli aemulári in malignántibus: neque zeláveris faciéntes iniquitátem. **V/.** Glória Patri.

Oratio

DEUS, qui beátum Joánnem, tuo amóre succésum, inter flammam innóxiúm incédere fecísti, et per eum Ecclésiám tuam nova prole fecundásti: praesta, ipsíus suffragántibus méritis ; ut igne caritátis tuae vítia nostra curéntur, et remédia nobis aetérna provéniant. Per Dóminum.

Et, in Quadragesima, fit Commemoratio Feriae in Missis non conventualibus.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgredi, et non est transgréssus: fácere mala, et non fecit: ídeo stabilíta sunt bona illíus in Dómino, et eleemósynas illíus enarrábit omnis ecclésiá sanctórum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V/.** **Ibid., 3** Ad annuntiándum mane misericórdiam tuam, et veritátem tuam per noctem.

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V/.** Potens in terra erit semen ejus: generatio rectorum benedicetur. **V/.** Glória et divítiae in domo ejus: et justítia ejus manet in

+ Sequentia sancti Evangelii secundum Matthaëum.
Matth. 22, 34-46

IN illo tempore: Accesserunt ad Jesum pharisaei: et interrogavit eum unus ex eis legis doctor, tentans eum: Magister, quod est mandatum magnum in lege ? Ait illi Jesus: Diliges Dominum Deum tuum ex toto corde tuo, et in tota anima tua, et in tota mente tua. Hoc est maximum et primum mandatum. Secundum autem simile est huic: Diliges proximum tuum, sicut teipsum. In his duobus mandatis universa lex pendet, et prophetae. Congregatis autem pharisaeis, interrogavit eos Jesus, dicens: Quid vobis videtur de Christo ? cujus filius est ? Dicunt ei: David. Ait illis: Quomodo ergo David in spiritu vocat eum Dominum, dicens: Dixit Dominus Domino meo: sede a dextris meis, donec ponam inimicos tuos scabellum pedum tuorum ? Si ergo David vocat eum Dominum, quomodo filius ejus est ? Et nemo poterat ei respondere verbum: neque ausus fuit quisquam ex illa die eum amplius interrogare.

Offertorium Ps. 88, 25 Veritas mea, et misericordia mea cum ipso: et in nomine meo exaltabitur cornu ejus.

Secreta

LAUDIS tibi, Domine, hostias immolamus in tuorum commemoratione Sanctorum: quibus nos et praesentibus exui malis confidimus et futuris. Per Dominum.

Et, in Quadragesima, fit Commemoratio Feriae, ut supra.

Communio Matth. 24, 46-47 Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum.

Postcommunio

REFECTI cibo potuque caelesti, Deus noster, te supplices exoramus: ut, in cujus haec commemoratione percipimus, ejus muniamur et precibus. Per Dominum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

* Infra Hebdomadam Passionis, in omnibus Missis de Fes to Semiduplici, et in Missis votivis quae cum cantu celebrentur, fit Commemoratio Feriae, juxta Rubricas, et non dicitur 3a Oratio. Quando tamen omittenda sit Commemoratio Feriae, dicitur tantum 2a

Oratio pro diversitate Temporum assignata, nempe contra persecutores Ecclesiae vel pro Papa.

Die 9 Martii

S. FRANCISCAE ROMANAE

Viduae

Duplex

Missa Cognovi, de Communi non Virginum 2 loco, praeter Orationem sequentem.

Oratio

P

DEUS, qui beatam Franciscam famulam tuam, inter cetera gratiae tuae dona, familiari Angeli consuetudine decorasti: concede, quaesumus ; ut intercessionis ejus auxilio, Angelorum consortium consequi mereamur. Per Dominum.

Et, in Quadragesima, fit Commemoratio Feriae in Missis non conventualibus.

Secreta

C

ACCÉPTA tibi sit, Domine, sacratae plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Et, in Quadragesima, fit Commemoratio Feriae, ut supra.

Postcommunio

C

SATIÁSTI, Domine, familiam tuam munéribus sacris: ejus, quaesumus, semper interventioe nos réfove,

cujus solémnia celebrámus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 10 Martii

SS. QUADRAGINTA MARTYRUM

Semiduplex

Introitus **Ps. 33, 18**

CLAMAVÉRUNT justí, et Dóminus exaudivit eos: et ex ómnibus tribulatió nibus eórum liberávit eos. **Ps. ibid., 2** Benedícam Dóminum in omni témpore: semper laus ejus in ore meo. **V.** Glória Patri.

Oratio

PRAESTA, quaésumus, omnípotens Deus: ut, qui glorió sos Mártyres fortes in sua confessi ó ne cognóvimus, pios apud te in nostra intercessi ó ne sentiámus. Per Dóminum.

Et, in Missis non conventualibus, fit Commemoratio Feriae, juxta Rubricas.

Léctio Epístolae beáti Pauli Apóstoli ad Hebraeos.

Hebr. 11, 33-39

FRATRES: Sancti per fidem vicérunt regna, operáti sunt justítiam, adépti sunt repromissi ó nes, obturavérunt ora leónum, exstinxérunt ímpetum ignis, effugerunt áciem gládii, convaluérunt de infirmitá te, fortes facti sunt in bello, castra vertérunt exterórum: accepérunt mulieres de resurrecti ó ne mórtuos suos: álii autem disténti sunt, non suscipiéntes redempti ó nem, ut meli ó rem invenírent resurrecti ó nem: álii vero ludíbria, et vébera expéti, ínsuper et víncula, et cárceres: lapidáti sunt, secti sunt, tentáti sunt, in occisi ó ne gládii mórtui sunt: circuíerunt in melóti s, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terrae. Et hi omnes testimó nio fidei probáti, invénti sunt in Christo Jesu Dómino nostro.

Graduale Ps. 132, 1-2 Ecce quam bonum, et quam jucúndum, habitáre fratres in unum ! **V.** Sicut unguéntum in cápite, quod descéndit in barbam, barbam Aaron.

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultati ó ne, portántes manipulos suos.

+ Sequéntia sancti Evangélii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copi ó sa plebis ab omni Judaéa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse eleváti s ó culis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímíni. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et e júcerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 31, 11 Laetámíni in Dómino, et exsultáte, justí: et gloriámíni, omnes recti corde.

Secreta

PRECES, Dómine, tuórum réspice, oblationésque fidélium: ut et tibi gratae sint pro tuórum festivitá te Sanctórum, et nobis cónferant tuae propitiati ó nis auxiliúm. Per Dóminum.

Et fit Commemoratio Feriae, ut supra.

Communio Matth. 12, 50 Quicúmque fécerit voluntátem Patris mei, qui in caelis est: ipse meus frater, et soror, et mater est, dicit Dóminus.

Postcommunio

SANCTÓRUM tuórum, Dómine, intercessi ó ne placátus: praesta, quaésumus ; ut, quae temporáli celebrámus acti ó ne, perpétua salvati ó ne capiámus. Per Dóminum.

Et fit Commemoratio Feriae, ut supra ; et de ea legitur Evangelium in fine, juxta Rubricas.

Die 12 Martii
S. GREGORII I

Papae, Confessoris et Ecclesiae Doctoris

Duplex

Missa Si diligis me, de Communi Summorum Pontificum, praeter Orationes sequentes. Et dicitur Credo.

Oratio P

DEUS, qui animae famuli tui Gregorii aeternae beatitudinis praemia contulisti: concede propitius ; ut, qui peccatorum nostrorum pondere premimur, ejus apud te precibus sublevemur. Per Dominum.

Et, in Missis non conventualibus, fit Commemoratio Feriae, juxta Rubricas.

Secreta P

ANNUE nobis, quaesumus, Domine: ut intercessione beati Gregorii haec nobis prosit oblatio, quam immolando totius mundi tribuisti relaxari delicta. Per Dominum.

Et fit Commemoratio Feriae, ut supra.

Postcommunio P

DEUS, qui beatum Gregorium Pontificem Sanctorum tuorum meritis coaequasti: concede propitius ; ut, qui commemoracionis ejus festa percolumus, vitae quoque imitemur exempla. Per Dominum.

Et fit Commemoratio Feriae, ut supra ; et de ea legitur Evangelium in fine, juxta Rubricas.

Die 17 Martii
S. PATRICII

Episcopi et Confessoris

Duplex

Missa Statuit, de Communi Confessoris Pontificis 1 loco, praeter Orationem sequentem.

Oratio P

DEUS, qui ad praedicandam gentibus gloriam tuam beatum Patricium Confessorem atque Pontificem mittere dignatus es: ejus meritis et intercessione concede ; ut, quae nobis agenda praecipis, te miserante adimplere possimus. Per Dominum.

Et, in Missis non conventualibus, fit Commemoratio Feriae, juxta Rubricas.

Secreta C

SANCTI tui, quaesumus, Domine, nos ubique laetificent: ut, dum eorum merita recolimus, patrocinia sentiamus. Per Dominum.

Et fit Commemoratio Feriae, ut supra.

Postcommunio C

PRAESTA, quaesumus, omnipotens Deus: ut, de perceptis muneribus gratias exhibentes, intercedente beato Patricio Confessore tuo atque Pontifice, beneficia potiora sumamus. Per Dominum.

Et fit Commemoratio Feriae, ut supra ; et de ea legitur Evangelium in fine, juxta Rubricas.

Die 18 Martii
S. CYRILLI

Episcopi Hierosolymitani,
Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiæ apéruit os ejus: et implévit eum Dóminus spíritu sapiéntiæ, et intelléctus: stolam glóriæ índuit eum. Ps. 91, 2 Bonum est confitéri Dómino: et psállere nómini tuo, Altíssime. **V.** Glória Patri.

Oratio

DA nobis, quaésumus, omnipotens Deus, beáto Cyrillo Pontífice intercedénte: te solum verum Deum, et quem misisti Jesum Christum ita cognóscere ; ut inter oves, quæ vocem ejus áudiunt, perpétuo connumerári mereámur. Per eúmdem Dóminum.

Et, in Missis non conventualibus, fit Commemoratio Ferie, juxta Rubricas.

Léctio libri Sapiéntiæ.

Eccli. 39, 6-14

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spíritu intelligéntiæ replébit illum: et ipse tamquam imbres mittet elóquia sapiéntiæ suæ, et in oratióne confitébitur Dómino: et ipse díriget consílium ejus et disciplínam, et in absconditis suis consiliábitur. Ipse palam fáciat disciplínam doctríne suæ, et in lege testaménti Dómini gloriábitur. Collaudábunt multi sapiéntiam ejus, et usque in saéculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit ecclésiá.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **V.** Lex Dei ejus in corde ipsíus: et non supplantábuntur gressus ejus.

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangélii secúndum Matthaéum.

Matth. 10, 23-28

IN illo témpore: Dixit Jesus discíplis suis: Cum persequéntur vos in civitáte ista, fúgite in áliam. Amen dico vobis, non consummábitis civitátes Israël, donec véniat Fílius hóminis. Non est discíplus super magístrum, nec servus super dóminum suum. Súfficit discípulo, ut sit sicut magíster ejus: et servo, sicut dóminus ejus. Si patremfámilias Beélzebub vocavérunt ; quanto magis domésticos ejus ? Ne ergo timuéritis eos. Nihil enim est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, praedicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam et corpus pérdere in gehénam.

Credo.

Offertorium Ps. 91, 13 Justus ut palma florébit: sicut cedrus, quæ in Líbano est, multiplicábitur.

Secreta

RÉSPICE, Dómine, immaculátam hóstiam, quam tibi offérimus: et praesta ; ut, méritis beáti Pontíficis et Confessóris tui Cyrilli, eam mundo corde suscipere studeámus. Per Dóminum.

Et fit Commemoratio Ferie, ut supra.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

SACRAMÉNTA córporis et sánguinis tui, quæ sumpsimus, Dómine Jesu Christe, beáti Cyrilli Pontíficis précibus, mentes et corda nostra sanctíficent: ut divínae consórtis natúrae éffici mereámur: Qui vivis et regnas.

Et fit Commemoratio Ferie, ut supra ; et de ea legitur Evangelium in fine, juxta Rubricas.

Die 19 Martii

S. JOSEPH SPONSI
BEATAE MARIAE VIRGINIS

Confessoris et Ecclesiae universalis Patroni

Duplex I classis

* Hodie in Choro post Tertiam dicitur Missa conventualis de Festo, et extra Chorum post Nonam legitur Missa de Feria ; de qua tamen prohibentur Missae privatae.

Introitus Ps. 91, 13-14

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Allelúja, allelúja.) Ps. *ibid.*, 2 Bonum est confitéri Dómino: et psállere nómini tuo, Altíssime. V/. Glória Patri.

Oratio

SANCTÍSSIMAE Genitrícis tuae Sponsi, quaésumus, Dómine, méritis adjuvémur: ut, quod possibílitas nostra non óbtinet, ejus nobis intercessióne donétur: Qui vivis.

Et, in Quadragesima, fit Commemoratio Feriae in Missis non conventualibus, juxta Rubricas.

Léctio libri Sapiéntiae.

Eccli. 45, 1-6

DILÉCTUS Deo et homínibus, cujus memória in benedictióne est. Símilem illum fecit in glória sanctorum, et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Audívit enim eum, et vocem ipsíus, et indúxit illum in nubem. Et dedit illi coram praecépta, et legem vitae et disciplínae.

Graduale Ps. 20, 4-5 Dómine, praevenísti eum in benedictiónibus dulcédinis: posuísti in cápite ejus corónam de lápide pretióso. V/. Vitam pétiit a te, et tribuísti ei longitúdinem diérum in saeculum saeculi. Tractus Ps. 111, 1-3 Beátus vir, qui timet Dóminum: in mandátis ejus cupit nimis. V/. Potens in terra erit semen ejus: generátio rectórum benedicétur. V/. Glória et divítiae in domo ejus: et justítia ejus manet in saeculum saeculi.

Tempore Paschali, omissis Graduali et Tractu, dicitur:

Allelúja , allelúja. V/. Eccli. 45, 9 Amávit eum Dóminus, et ornávit eum: stolam glóriae índuit eum. Allelúja. V/. Osee 14, 6 Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélli secúndum Matthaéum.

Matth. 1, 18-21

CUM esset desponsáta mater Jesu María Joseph, ántequam convenírent, invénta est in útero habens de Spíritu Sancto. Joseph autem vir ejus, cum esset justus, et nollet eam tradúcere, vóluit occúlte dimítere eam. Haec autem eo cogitánte, ecce Angelus Dómini appáruit in somnis ei, dicens: Joseph, fili David, noli timére accípere Mariám cónjugem tuam: quod enim in ea natum est, de Spíritu Sancto est. Páriet autem fílium: et vocábis nomen ejus Jesum: ipse enim salvum fáciét pópulum suum a peccátis eórum.

Credo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

DÉBITUM tibi, Dómine, nostrae réddimus servitútis, supplicíter exorántes: ut, suffrágiis beáti Joseph, Sponsi Genitrícis Fílii tui Jesu Christi Dómini nostri, in nobis tua múnera tueáris, ob cujus venerándam festivitátem laudis tibi hóstias immolámus. Per eúmdem Dóminum.

Et, in Quadragesima, fit Commemoratio Feriae, ut supra.

Praefatio de S. Joseph Et te in Festivitate.

Communio Matth. 1, 20 Joseph, fili David, noli timere accipere Mariam conjugem tuam: quod enim in ea natum est, de Spiritu Sancto est. (T. P. Alleluja.)

Postcommunio

ADÉSTO nobis, quaesumus, misericors Deus: et, intercedente pro nobis beato Joseph Confessore, tua circa nos propitius dona custodi. Per Dominum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

* **Pro votiva de S. Joseph dicitur Missa Adjutor, quae habetur inter Missas votivas circa finem Missalis.**

Die 21 Martii
S. BENEDICTI

Abbatis

Duplex majus

Missa Os justi, de Communi Abbatum.

Oratio C

INTERCESSIO nos, quaesumus, Domine, beati Benedicti Abbatis commendet: ut, quod nostris meritis non valemus, ejus patrocinio assequamur. Per Dominum.

Et, in Missis non conventualibus, fit Commemoratio Feriae, juxta Rubricas.

Secreta C

SACRIS altaribus, Domine, hostias superpositas sanctus Benedictus Abbas, quaesumus, in salutem nobis provenire deprecatur. Per Dominum.

Et fit Commemoratio Feriae, ut supra.

Postcommunio C

PRÓTEGAT nos, Domine, cum tui perceptione sacramenti beatus Benedictus Abbas, pro nobis intercedendo: ut et conversationis ejus experiamur insignia, et intercessionis percipiamus suffragia. Per Dominum.

Et fit Commemoratio Feriae, ut supra ; et de ea legitur Evangelium in fine, juxta Rubricas.

Die 24 Martii
S. GABRIELIS

Archangeli

Duplex majus

Introitus **Ps. 102, 20**

BENEDÍCITE Dominum, omnes Angeli ejus: potentes virtute, qui facitis verbum ejus, ad audiendam vocem sermonum ejus. **Ps. ibid., 1** Benedic, anima mea, Domino: et omnia, quae intra me sunt, nomini sancto ejus. **Vl.** Glória Patri.

Oratio

DEUS, qui inter ceteros Angelos, ad annuntiandum incarnationis tuae mysterium, Gabrielem Archangelum elegisti: concede propitius ; ut, qui festum ejus celebramus in terris, ipsius patrocinium sentiamus in caelis: Qui vivis.

Et, in Missis non conventualibus, fit Commemoratio Feriae, juxta Rubricas.

Lectio Daniélis Prophetae.

Dan. 9, 21-26

IN diébus illis: Ecce vir Gábríel, quem víderam in visióne a princípíio, cito volans tétigit me in témpore sacrificii vespertini. Et dócuit me, et locútus est mihi, dixítque: Dániel, nunc egréssus sum ut docérem te, et intellígères. Ab exórdio precum tuárum egréssus est sermo: ego autem veni ut indicárem tibi, quia vir desideriórum es: tu ergo animadvérte sermónem, et intéllige visiónem. Septuaginta hebdómades abbreviátae sunt super pópulum tuum, et super urbem sanctam tuam ut consummétur praevaricátio, et finem accípiat peccátum, et deleátur iníquitas, et adducátur justítia sempitérna, et impleátur visio, et prophetía, et ungátur Sanctus sanctórum. Scito ergo, et animadvérte: Ab éxítu sermónis, ut íterum aedificétur Jerúsalem, usque ad Christum ducem, hebdómades septem, et hebdómades sexagínta duae erunt: et rursum aedificábitur platéa, et muri in angústia témporum. Et post hebdómades sexagínta duas occidétur Christus: et non erit ejus pópulus, qui eum negáturus est. Et civitátem et sanctuárium dissipábit pópulus cum duce ventúro: et finis ejus vástitas, et post finem belli statúta desolátio.

Graduale Ps. 102, 20 et 1 Benedícite Dóminum, omnes Angeli ejus: poténtes virtúte, qui fáctis verbum ejus. *Vl.* Bénedic, ánima mea, Dóminum, et ómnia interióra mea nomen sanctum ejus.

Tractus Luc. 1, 28, 42, 31 et 35 Ave, María, grátia plena: Dóminus tecum. *Vl.* Benedícta tu in muliéribus: et benedíctus fruct us ventris tui. *Vl.* Ecce concípies et páries Fílium, et vocábis nomen ejus Emmánuel. *Vl.* Spíritus Sanctus supervéniet in te, et virtus Altíssimi obumbrábit tibi. *Vl.* Ideóque et quod nascétur ex te Sanctum, vocábitur Fílius Dei.

In Missis votivis ante Septuagesimam vel post Pentecosten, Graduale ut supra, sed, omissio Tractu, dicitur:

Allelúja, allelúja. *Vl.* Ps. 102, 21 Benedícite Dómino, omnes virtútes ejus: minístri ejus, qui fáctis voluntátem ejus. Allelúja.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* Ps. 103, 4 Qui facit Angelos suos spíritus: et minístros suos flammam ignis. Allelúja. *Vl.* Luc. 1, 28 Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangéllii secúndum Lucam.

Luc. 1, 26-38

IN illo témpore: Missus est Angelus Gábríel a Deo in civitátem Galilaéae, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábít in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Offertorium Apoc. 8, 3 et 4 Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei.

Secreta

ACCÉPTUM fiat in conspéctu tuo, Dómine, nostrae servitútis munus, et beáti Archángeli Gabriélis orátio: ut, qui a nobis venerátur in terris, sit apud te pro nobis advocátus in caelis. Per Dóminum.

Et fit Commemoratio Feriae, ut supra.

Communio Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in saécula.

Postcommunio

CÓRPORIS tui et sánguinis sumptis mystériis, tuam, Dómine Deus noster, deprecámur cleméntiam: ut, sicut Gabriéle nuntiánte, incarnatióem tuam cognóvimus ; ita, ipso adjuvánte, incarnatiónis ejúsdem beneficia consequámur: Qui vivis.

Et fit Commemoratio Feriae, ut supra ; et de ea legitur Evangelium in fine, juxta Rubricas.

Die 25 Martii

IN ANNUNTIATIONE BEATAE MARIAE VIRGINIS

Duplex I classis

* Hodie in Choro post Tertiam dicitur Missa conventualis de Festo, et extra Chorum post Nonam legitur Missa de Feria ; de qua tamen prohibentur Missae privatae.

Introitus Ps. 44, 13, 15 et 16

VULTUM tuum deprecabúntur omnes dívites plebis: adducéntur Regi vírgines post eam: próximae ejus adducéntur tibi in laetítia et exsultatióne. (T. P. Allelúja, allelúja.) Ps. *ibid.*, 2 Eructávit cor meum verbum bonum: dico ego ópera mea Regi. V/. Glória Patri.

Oratio

DEUS, qui de beátae Maríae Vírginis útero Verbum tuum, Angelo nuntiánte, carnem suscípere voluísti: praesta supplicibus tuis ; ut, qui vere eam Genitricem Dei crédimus, ejus apud te intercessiόνibus adjuvémur. Per eúmdem Dóminum.

Et, in Quadragesima, fit Commemoratio Feriae in Missis non conventualibus, juxta Rubricas.

Léctio Isaíae Prophétae.

Isai. 7, 10-15

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce virgo concípíet, et páriet fílium, et vocábitur nomen ejus Emmánuel. Butýrum et mel cómedet, ut sciat reprobaré malum, et elígere bonum.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in aetérnum. V/. Propter veritátem, et mansuetúdinem, et justítiam: et dedúcet te mirábiliter dextera tua.

Tractus *Ibid.*, 11 et 12 Audi, fília, et vide, et inclína aurem tuam: quia concupívit Rex spéciem tuam. V/. *Ibid.*, 13 et 10 Vultum tuum deprecabúntur omnes dívites plebis: fíliae regum in honóre tuo. V/. *Ibid.*, 15-16 Adducéntur Regi vírgines post eam: próximae ejus afferéntur tibi. V/. Adducéntur in laetítia et exsultatióne: adducéntur in templum Regis.

Tempore Paschali, omissis Graduali et Tractu, dicitur:

Allelúja, allelúja. V/. Luc. 1, 28 Ave, María, grátia plena: Dóminus tecum: benedícta tu in muliéribus. Allelúja. V/. Num. 17, 8 Virga Jesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúja.

+ Sequéntia sancti Evangélii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábít in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit fílium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum

Credo.

Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui . (T. P. Allelúja.)

Secreta

IN méntibus nostris, quaésumus, Dómine, verae fídei sacraménta confírma: ut, qui concéptum de Vírgine Deum verum et hóminem confitémur ; per ejus salutíferae resurrectiónis poténtiam, ad aetérnam mereámur pervenire laetítiam. Per eúmdem Dóminum.

Et, in Quadragesima, fit Commemoratio Feriae, ut supra.

Praefatio de beata Maria Virgine Et te in Annuntiatióne.

Communio Isai. 7, 14 Ecce virgo concípíet, et páriet fílium: et vocábitur nomen ejus Emmánuel. (T. P. Allelúja.)

Postcommunio

GRÁTIAM tuam, quaésumus, Dómine, méntibus nostris infúnde: ut qui, Angelo nuntiánte, Christi Fílii tui incarnatióem cognóvimus ; per passióem ejus et Crucem, ad resurrectiónis glóriam perducámur. Per eúmdem Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 27 Martii S. JOANNIS DAMASCENI

Confessoris et Ecclesiae Doctoris

Duplex

Introitus **Ps. 72, 24**

TENUÍSTI manum dexteram meam: et in voluntáte tua deduxísti me, et cum glória suscepísti me. **Ps. ibid., 1** Quam bonus Israël Deus his, qui recto sunt corde ! **V/.** Glória Patri.

Oratio

OMNÍPOTENS sempitérne Deus, qui ad cultum sacrárum imáginum asseréndum, beátum Joánnem caelésti doctrína et admirábili spíritus fortítudine imbuísti: concéde nobis ejus intercessióne et exémplo ; ut, quorum cólimus imáginés, virtútes imitémur et patrocínia sentiámus. Per Dóminum.

Et, in Quadragesima, fit Commemoratio Feriae in Missis non conventualibus, juxta Rubricas.

Léctio libri Sapiéntiae.

Sap. 10, 10-17

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem aetérnam. Haec pópulum justum, et semen sine queréla liberávit a natió nibus, quae illum deprimébant. Intrávit in ánimam servi Dei, et stetit contra reges horré ndos in porténtis et signis. Et réddidit justis mercédem labórum suórum.

Graduale Ps. 17, 33 et 35 Deus, qui praecínxit me virtúte: et pósuit immaculátam viam meam. **V/.** Qui docet manus meas ad praélium: et posuísti, ut arcum aéreum, bráchia mea.

Tractus Ibid., 38, 39 et 50 Pésequar inimícos meos, et comprehéndam illos. **V/.** Confríngam illos, nec póterunt stare: cadent subtus pedes meos. **V/.** Proptérea confitébor in natió nibus, Dómine, et nómini tuo psalmum dicam.

In Missis votivis ante Septuagesimam vel post Pentecosten, Graduale ut supra, sed, omissis Tractu, dicitur:

Allelúja, allelúja. *Vl.* Dedísti mihi protectionem salutis tuae: et dextera tua suscepit me. Allelúja.

Tempore autem Paschali, omissis Graduali et Tractu, dicitur:

Allelúja, allelúja. *Vl.* 1 Reg. 25, 26 et 28 Dóminus salvávit manum tuam tibi: quia praélia Dómini tu praeliáris. Allelúja. *Vl.* Ps. 143, 1 Benedíctus Dóminus Deus meus, qui docet manus meas ad praélium, et dígitos meos ad bellum. Allelúja.

+ Sequéntia sancti Evangélii secúndum Lucam.

Luc. 6, 6-11

IN illo témpore: Factum est et in álio sábbato, ut intráret Jesus in synagógam, et docéret. Et erat ibi homo, et manus ejus dextera erat árida. Observábant autem scribae et pharisaéi, si in sábbato curáret: ut invenírent unde accusárent eum. Ipse vero sciébat cogitatiónes eórum. Et ait hómini, qui habébat manum áridam: Surge, et sta in médium. Et surgens stetit. Ait autem ad illos Jesus: Intérrogo vos si licet sábbatis benefácere, an male: ánimam salvam fácere, an pérdere? Et circumspéctis ómnibus dixit hómini: Exténde manum tuam. Et exténdit: et restitúta est manus ejus. Ipsi autem repléti sunt insipiéntia, et colloquebántur ad ívicem, quidnam fácerent Jesu.

Credo.

Offertorium Job 14, 7 Lignum habet spem, si praecísus fúerit, rursus viréscit, et rami ejus púllulant.

Secreta

UT, quae tibi, Dómine, offérimus, dona tuo sint digna conspéctu: beáti Joánnis et Sanctórum, quos ejus ópera expósitos in templis cólimus, pia suffragátio conspíret. Per Dóminum.

Et, in Quadragesima, fit Commemoratio Feriae, ut supra.

Communio Ps. 36, 17 Bráchia peccatórum conteréntur, confirmat autem justos Dóminus.

Postcommunio

SÚMPTA nos, quaesumus, Dómine, dona caeléstibus armis tueántur: et beáti Joánnis patrocínia circúmdent, Sanctórum unánimi suffrágio cumuláta; quorum imágines evíct in Ecclésia esse venerándas. Per Dóminum.

Et, in Quadragesima, fit Commemoratio Feriae, ut supra; et de ea legitur Evangelium in fine, juxta Rubricas.

Die 28 Martii

S. JOANNIS A CAPISTRANO

Confessoris

Semiduplex

Introitus Habac. 3, 18-19

EGO autem in Dómino gaudébo: et exultábo in Deo Jesu meo: Deus Dóminus fortitúdo mea. Ps. 80, 2 Exsultáte Deo adjutóri nostro, jubiláte Deo Jacob. *Vl.* Glória Patri.

Oratio

DEUS, qui per beátum Joánnem fidéles tuos in virtúte sanctíssimi nóminis Jesu de crucis inimícis triumpháre fecísti: praesta, quaesumus; ut, spirituálium hóstium, ejus intercessióne, superátis insídiis, corónam justítiae a te accíperere mereámur. Per eúmdem Dóminum.

Et, in Quadragesima, fit Commemoratio Feriae in Missis non conventualibus, juxta Rubricas.

Léctio libri Sapiéntiae.

Sap. 10, 10-14

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctórum:

honestávit illum in labóribus, et complévit labóres illius. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum.

Graduale Ps. 21, 24-25 Qui tímétis Dóminum, laudáte eum: univérsum semen Jacob, glorificáte eum. *Vl.* Tímeat eum omne semen Israél: quóniam non sprevit neque despéxit deprecationem páuperis.

Tractus Exodi 15, 2 et 3 Fortitúdo mea, et laus mea Dóminus, et factus est mihi in salútem: iste Deus meus, et glorificábo eum. *Vl.* Dóminus quasi vir pugnátor, omnípotens nomen ejus. *Vl.* **Judith 16, 3** Dóminus cónterens bella: Dóminus nomen est illi.

In Missis votivis ante Septuagesimam vel post Pentecosten, Graduale ut supra, sed, omissis Tractu, dicitur:

Allelúja , allelúja. *Vl.* **Ps. 58, 17** Ego autem cantábo fortitúdinem tuam: et exultábo mane misericórdiam tuam. Allelúja.

Tempore autem Paschali, omissis Graduali et Tractu, dicitur:

Allelúja , allelúja. *Vl.* **Ps. 58, 17** Ego autem cantábo fortitúdinem tuam: et exultábo mane misericórdiam tuam. Allelúja. *Vl.* Quia factus es suscéptor meus, et refúgium meum in die tribulatiónis meae. Allelúja.

+ Sequéntia sancti Evangélíi secúndum Lucam.

Luc. 9, 1-6

IN illo témpore: Convocátis Jesus duódecim Apóstolis, dedit illis virtútem et potestátem super ómnia daemónia, et ut languóres curárent. Et misit illos praedicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniám, neque duas túnicas habeátis. Et in quamcúmque domum intravéritis, ibi manéte, et inde ne exeátis. Et quicumque non recéperint vos: exeúntes de civitáte illa, étiam púlverem pedum vestrórum excútite in testimónium supra illos. Egréssi autem circuíbant per castélla, evangelizántes et curántes ubíque.

Offertorium Eccli. 46, 6 Invocávit Altíssimum poténtem in oppugnándo inimícos úndique, et audivit illum magnus et sanctus Deus.

Secreta

SACRIFÍCIUM, Dómine, quod immolámus, placátus inténde: ut, intercedénte beáto Joánné Confessóre tuo, ad conteréndas inimicórum insídias nos in tuae protectiÓnis securitáte constítuat. Per Dóminum.

Et, in Quadragesima, fit Commemoratio Feriae, ut supra.

Communio Sap. 10, 20 Decantavérunt, Dómine, nomen sanctum tuum, et victrícem manum tuam laudavérunt.

Postcommunio

REPLÉTI alimónia caeléstí et spirítuáli póculo recreáti, quaésumus, omnípotens Deus: ut, intercedénte beáto Joánné Confessóre tuo, nos ab hoste malígno deféndas, et Ecclésiám tuam perpétua pace custódiás. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Feria VI

post Dominicam Passionis

SEPTEM DOLORUM B. V. M.

Duplex majus

Introitus **Joann. 19, 25**

STABANT juxta Crucem Jesu mater ejus, et soror matris ejus María Cléophae, et Salóme, et María Magdaléne. **Ibid., 26-27** Múlier, ecce filius tuus: dixit Jesus ; ad discípulum autem: Ecce mater tua. *Vl.* Glória Patri.

Oratio

DEUS, in cuius passióne, secúndum Simeónis prophetíam, dulcíssimam ánimam gloriósae Vírginis et Matris Maríae dolóris gládius pertransívit: concéde propítius ; ut, qui transfixiónem ejus et passiónem venerádo recólimus, gloriósis méritis et précibus ómnium Sanctórum Cruci fidéliter astántium intercedéntibus, passiónis tuae efféctum felicem consequámur: Qui vivis.

Et, in Missis non conventualibus, fit Commemoratio Feriae, juxta Rubricas.

Oratio

CÓRDIBUS nostris, quaesumus, Dómine, grátiam tuam benígnus infúnde: ut peccáta nostra castigatióne voluntária cohibéntes, temporáliter pótius macerémur, quam supplíciis deputémur aetérnis. Per Dóminum.

In Missis votivis dicatur sequens

Oratio

INTERVÉNIAT pro nobis, quaesumus, Dómine Jesu Christe: nunc, et in hora mortis nostrae, apud tuam cleméntiam beáta Virgo María Mater tua ; cuius sacratíssimam ánimam in hora tuae passiónis dolóris gládius pertransívit: Qui vivis.

Léctio libri Judith.

Judith 13, 22 et 23-25

BENEDÍXIT te Dóminus in virtúte sua, quia per te ad níhilum redégit inimícos nostros. Benedícta es tu filia a Dómino Deo excélsio, prae ómnibus muliéribus super terram. Benedíctus Dóminus, qui creávit caelum et terram: quia hódie nomen tuum ita magnificávit, ut non recédant laus tua de ore hóminum, qui mémoires fúerint virtútis Dómini in aetérnum, pro quibus non pepercísti ánimae tuae propter angústias et tribulatióne gèneris tui, sed subvenísti ruínae ante conspéctum Dei nostri.

Graduale Dolorósa et lacrimábilis es, Virgo María, stans juxta Crucem Dómini Jesu Fílii tui Redemptóris. **Vl.** Virgo Dei Génitrix, quem totus non capit orbis, hoc Crucis fert supplícium, auctor vitae factus homo.

Tractus Stabat sancta María, caeli Regína, et mundi Dómina, juxta Crucem Dómini nostri Jesu Christi dolorósa. **Vl. Thren. 1, 12** O vos omnes, qui transitís per viam, atténdite, et vidéte, si est dolor sicut dolor meus.

In Missis votivis per Annum:

Graduale Dolorósa et lacrimábilis es, Virgo María, stans juxta Crucem Dómini Jesu Fílii tui Redemptóris. **Vl.** Virgo Dei Génitrix, quem totus non capit orbis, hoc Crucis fert supplícium, auctor vitae factus homo.

Allelúja , allelúja. **Vl.** Stabat sancta María, caeli Regína, et mundi Dómina, juxta Crucem Dómini nostri Jesu Christi dolorósa. Allelúja.

In Missis votivis Tempore Paschali:

Allelúja , allelúja. **Vl.** Stabat sancta María, caeli Regína, et mundi Dómina, juxta Crucem Dómini nostri Jesu Christi dolorósa. Allelúja. **Vl. Thren. 1, 12** O vos omnes, qui transitís per viam, atténdite, et vidéte, si est dolor sicut dolor meus. Allelúja.

Sequentia

in Missis votivis omittenda

STABAT Mater dolorósa
Juxta Crucem lacrimósa,
Dum pendébat Fílius.

Cujus ánimam geméntem
Contristátam et doléntem,
Pertransívit gládius.

O quam trístis et afflícta
Fuit illa benedícta
Mater Unigéniti !

Quae maerébat, et dolébat,
Pia Mater, dum vidébat
Nati poenas íncliti.

Quis est homo, qui non fleret,
Matrem Christi si vidéret

In tanto supplicio ?

Quis non posset contristari,
Christi Matrem contemplari
Dolentem cum Filio ?

Pro peccatis suae gentis
Vidit Jesum in tormentis,
Et flagellis subditum.

Vidit suum dulcem natum
Moriendo desolatum,
Dum emisit spiritum.

Eja Mater, fons amoris,
Me sentire vim doloris
Fac, ut tecum lugeam.

Fac, ut ardeat cor meum
In amando Christum Deum,
Ut sibi placeam.

Sancta Mater, istud agas,
Crucifixi fige plagas
Cordi meo valide.

Tui nati vulnerati,
Tam dignati pro me pati,
Poenas mecum divide.

Fac me tecum pie flere,
Crucifixo condolere,
Donec ego vixero.

Juxta Crucem tecum stare,
Et me tibi sociare
In planctu desidero.

Virgo virginum praeclara,
Mihi jam non sis amara:
Fac me tecum plangere.

Fac, ut portem Christi mortem,
Passionis fac consortem,
Et plagas recollere.

Fac me plagis vulnerari,
Fac me Cruce inebriari,
Et cruore Filii.

Flammis ne urar succensus,
Per te, Virgo, sim defensus
In die iudicii.

Christe, cum sit hinc exire,
Da per Matrem me venire
Ad palmam victoriae.

Quando corpus morietur,
Fac, ut animae donetur
Paradisi gloria. Amen.

+ Sequentia sancti Evangelii secundum Joannem.

Joann. 19, 25-27

IN illo tempore: Stabant juxta crucem Jesu mater ejus, et soror matris ejus Maria Cleophae, et Maria Magdalene. Cum vidisset ergo Jesus matrem, et discipulum stantem, quem diligebat, dicit matri suae: Mulier, ecce filius tuus. Deinde dicit discipulo: Ecce mater tua. Et ex illa hora accepit eam discipulus in sua.

Credo.

Offertorium Jer. 18, 20 Recordare, Virgo Mater Dei, dum steteris in conspectu Domini, ut loquaris pro nobis bona, et ut avertat indignationem suam a nobis.

Secreta

OFFERIMUS tibi preces et hostias, Domine Jesu Christe, humiliter supplicantes: ut, qui Transfixionem dulcissimi spiritus beatae Mariae Matris tuae precibus recensemus; suo, suorumque sub Cruce Sanctorum consortium multiplicato piissimo interventu, meritis mortis tuae, meritum cum beatis habeamus: Qui vivis.

Pro Feria
Secreta

PRAESTA nobis, miséricors Deus: ut digne tuis servíre semper altáribus mereámur ; et eórum perpétua participatióne salvári. Per Dóminum.

Praefatio de beata Maria Virgine Et te in Transfixióne.

Communio Felíces sensus beátae Maríae Vírginis, qui sine morte meruérunt martýrii palmam sub Cruce Dómini.

Postcommunio

SACRIFÍCIA, quae súmpsimus, Dómine Jesu Christe, Transfixiónem Matris tuae et Vírginis devóte celebrántes: nobis ímpetrent apud cleméntiam tuam omnis boni salutáris efféctum: Qui vivis.

Pro Feria
Postcommunio

SUMPTI sacrificii, Dómine, perpétua nos tuítio non derelínquat: et nóxia semper a nobis cuncta depéllat. Per Dóminum.

Deinde legitur Evangelium Feriae in fine, juxta Rubricas.

FESTA APRILIS

* **Tempore Paschali, a Feria II post Dominicam in Albis usque ad Vigiliam Ascensionis inclusive, in omnibus Missis de Officio Semiduplici vel Simplici et in Missis votivis, quae pro re gravi et publica simul causa non sint, dicuntur, juxta Rubricas, Orationes pro diversitate Temporum assignatae, nempe 2a de sancta Maria Concéde, et 3a contra persecutores Ecclesiae, vel pro Papa.**

Die 2 Aprilis
S. FRANCISCI DE PAULA

Confessoris

Duplex

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Allelúja, allelúja.) **Ps. ibid., 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, humílium celsitúdo, qui beátum Francíscum Confessórem Sanctórum tuórum glória sublimásti: tríbue, quaesumus ; ut, ejus méritis et imitatióne, promíssa humílibus praémia feliciter consequámur. Per Dóminum.

Et, in Quadragesima, fit Commemoratio Feriae in Missis non conventualibus.

Léctio Epístolae beáti Pauli Apóstoli ad Philippénes.

Phil. 3, 7-12

FRATRES: Quae mihi fuérunt lucra, haec arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stercora, ut Christum lucrifáciam, et invéniam in illo, non habens meam justítiam, quae ex lege est, sed illam, quae ex fide est Christi Jesu: quae ex Deo est justítia in fide, ad cognoscéndum illum, et virtútem resurrectionis ejus, et societátem passiónum illíus: configurátus morti ejus: si quo modo occúrram ad resurrectionem, quae est ex mórtuis: non quod jam accéperim, aut jam perféctus sim: sequor autem, si quo modo comprehéndam, in quo et comprehensus sum a Christo Jesu.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. **Vl.** Lex Dei ejus in corde ipsíus: et non supplantabúntur gressus ejus.

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in

Tempore Paschali, omissis Graduali et Tractu, dicitur:

Allelúja, allelúja. *Vl. Ps. 111, 1* Beátus vir, qui timet Dóminum: in mandátis ejus cupit nimis. Allelúja. *Vl. Osee 14, 6* Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangéllii secúndum Lucam.

Luc. 12, 32-34

IN illo témpore: Dixit Jesus discipulis suis: Nolíte timére, pusíllus grex, quia complácuit Patri vestro dare vobis regnum. Véndite quae possidétis, et date eleemósynam. Fácite vobis sácculos, qui non veteráscunt, thesáurum non deficiéntem in caelis: quo fur non apprópiat, neque tínea corrúmpit. Ubi enim thesáurus vester est, ibi et cor vestrum erit.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei. (T. P. Allelúja.)

Secreta

HAEC dona devótae plebis, Dómine, quibus tua cumulámus altária, beáti Francísci méritis tibi grata, nobísque salutária, te miseránte, reddántur. Per Dóminum.

Et, in Quadragesima, fit Commemoratio Feriae, ut supra.

Communio Matth. 19, 28 et 29 Amen dico vobis: quod vos, qui reliquistis ómnia, et secúti estis me, céntuplum accipiétis, et vitam aetérnam possidébítis. (T. P. Allelúja.)

Postcommunio

SUMPTA, Dómine, sacraménta caeléstia: beáto Francíscó Confessóre tuo intercedénte, precámur ; ut et temporális vitae subsídía nobis cónferant, et aetérnae. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 4 Aprilis
S. ISIDORI

Episcopi, Confessoris et Ecclesiae Doctoris

Duplex

Missa In médio, de Communi Doctorum, et dicitur Credo.

Oratio C

DEUS, qui pópulo tuo aetérnae salútis beátum Isidórum mínístrum tribuísti: praesta, quaésumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Et, in Quadragesima, fit Commemoratio Feriae in Missis non conventualibus.

Secreta C

SANCTI Isidóri Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Et, in Quadragesima, fit Commemoratio Feriae, ut supra.

Postcommunio C

UT nobis, Dómine, tua sacrificia dent salútem: beátus Isidórus Póntifex tuus et Doctor egrégíus, quaésumus, precátor accédát. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 5 Aprilis -----

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio P

DEUS, qui Ecclésiám tuam beáti Vincéntii Confessóris tui méritis et praedicatióne illustráre dignátus es: concéde nobis fámulis tuis ; ut et ipsíus instruímur exémpis, et ab ómnibus ejus patrocínio liberémur advérsis. Per Dóminum.

Et, in Quadragesima, fit Commemoratio Feriae in Missis non conventualibus.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Et, in Quadragesima, fit Commemoratio Feriae, ut supra.

Postcommunio C

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 11 Aprilis
S. LEONIS I

Papae, Confessoris et Ecclesiae Doctoris

Duplex

Missa Si diligis me, de Communi Summorum Pontificum, et dicitur Credo.

Oratio C

GREGEM tuum, Pastor aetérne, placátus inténde: et per beátum Leónem Summum Pontíficem, perpétua protectiÓne custódi ; quem totíus Ecclésiáe praestítisti esse pastórem. Per Dóminum.

Et, in Quadragesima, fit Commemoratio Feriae in Missis non conventualibus.

Secreta C

OBLÁTIS munéribus, quaésumus, Dómine, Ecclésiám tuam benígus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Et, in Quadragesima, fit Commemoratio Feriae, ut supra.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatiÓne dirécta, et increménta libertátis accípiat, et in religiÓnis integritáte persístat. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Die 13 Aprilis
S. HERMENEGILDI

Martyris

Semiduplex

Extra Tempus Paschale

Missa In virtúte, de Communi unius Martyris 3 loco, cum Orationibus et Evangelio ut in Missa sequenti.
Et, in Quadragesima, fit Commemoratio Feriae in Missis non conventualibus ; et de ea legitur Evangelium in fine, juxta Rubricas.

Tempore Paschali

Introitus Ps. 63, 3

PROTEXISTI me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam cum déprecor: a timóre inimíci éripe ánimam meam. *Vl.* Glória Patri.

Oratio

DEUS, qui beátum Hermenegíldum Mártyrem tuum caelésti regno terrénum postpónere docuísti: da, quaésumus, nobis ; ejus exémplo cadúca despícere, atque aetérna sectári. Per Dóminum.

Léctio libri Sapiéntiae.

Sap. 5, 1-5

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horribili, et mirabúntur in subitatióne insperátae salútis, dicéntes intra se, paeniténtiam agéntes, et prae angústia spíritus geméntes: Hi sunt, quos habúimus aliquándo in derísu et in similitúdinem impropérii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúja, allelúja. *Vl.* Ps. 88, 6 Confitebúntur caeli mirabília tua, Dómine: étenim veritátem tuam in ecclésia sanctorum. Allelúja. Ps. 20, 4 Posuísti, Dómine, super caput ejus corónam de lápide pretiósio. Allelúja.

+ Sequéntia sancti Evangélii secúndum Lucam.

Luc. 14, 26-33

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non bájulat crucem suam, et venit post me, non potest meus esse discípulus. Quis enim ex vobis volens turrim aedificáre, non prius sedens cóputat sumptus, qui necessarij sunt, si hábeat ad perficiéndum ; ne, posteáquam posúerit fundaméntum, et non potúerit perfícere, omnes, qui vident, incípiant illúdere ei, dicentes: Quia hic homo coepit aedificáre, et non pótuit consummáre ? Aut quis rex itúrus commíttere bellum advérsus álium regem, non sedens prius cógitat, si possit cum decem millibus occurrere ei, qui cum vigínti millibus venit ad se ? Alióquin, adhuc illo longe agénte, legatióne mittens, rogat ea, quae pacis sunt. Sic ergo omnis ex vobis, qui non renúnciat ómnibus, quae póssidet, non potest meus esse discípulus.

Offertorium Ps. 88, 6 Confitebúntur caeli mirabília tua, Dómine: et veritátem tuam in ecclésia sanctorum, allelúja, allelúja.

Secreta

MUNÉRIBUS nostris, quaésumus, Dómine, precibúsqe suscéptis: et caeléstibus nos munda mystériis, et cleménter exáudi. Per Dóminum.

Communio Ps. 63, 11 Laetábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

DA, quaésumus, Dómine Deus noster: ut, sicut tuórum commemoratióne Sanctorum temporáli gratulámur offício ; ita perpétuo laetémur aspéctu. Per Dóminum.

Die 14 Aprilis
S. JUSTINI

Martyris

Duplex

Introitus **Ps. 118, 85 et 46**

NARRAVÉRUNT mihi iníqui fabulatiónes, sed non ut lex tua: ego autem loquébar de testimoniis tuis in conspéctu regum, et non confundébar. (T. P. Allelúja, allelúja.) **Ps. ibid., 1** Beáti immaculáti in via, qui ámbulant in lege Dómini. **Vl.** Glória Patri.

Oratio

DEUS, qui per stultítiam Crucis eminentem Jesu Christi sciéntiam beátum Justínium Mártirem mirabíliter docuísti: ejus nobis intercessióne concéde ; ut, errorum circumventióne depúlso, fidei firmitátem consequámur. Per eúmdem Dóminum.

Et, in Quadragesima, fit Commemoratio Feriae in Missis non conventualibus. Deinde Commemoratio Ss. Tiburtii, Valeriani et Maximi Martyrum.

Oratio

PRAESTA, quaesumus, omnipotens Deus: ut, qui sanctorum Martyrum tuorum Tiburtii, Valeriani et Maximi solémnia cólimus ; eorum étiam virtútes imitémur. Per Dóminum.

Léctio Epístolae beáti Pauli Apóstoli ad Corínthios.

1 Cor. 1, 18-25 et 30

FRATRES: Verbum crucis pereúntibus quidem stultítia est: iis autem, qui salvi fiunt, id est nobis, Dei virtus est. Scriptum est enim: Perdam sapiéntiam sapiéntium, et prudéntiam prudéntium reprobábo. Ubi sápiens ? ubi scriba ? ubi conquisítor hujus saéculi ? Nonne stultam fecit Deus sapiéntiam hujus mundi ? Nam quia in Dei sapiéntia non cognóvit mundus per sapiéntiam Deum: plácuit Deo per stultítiam praedicatiónis salvos fácere credéntes. Quóniam et Judaéi signa petunt, et Graeci sapiéntiam quaerunt: nos autem praedicámus Christum crucifixum: Judaéis quidem scándalum, géntibus autem stultítiam, ipsis autem vocátis Judaéis atque Graecis, Christum Dei virtútem, et Dei sapiéntiam: quia quod stultum est Dei, sapiéntius est homínibus: et quod infírmum est Dei, fórtius est homínibus. Ex ipso autem vos estis in Christo Jesu, qui factus est nobis sapiéntia a Deo, et justítia, et sanctificátió, et redéemptio.

Graduale 1 Cor. 3, 19 et 20 Sapiéntia hujus mundi stultítia est apud Deum, scriptum est enim: Dóminus novit cogitatiónes sapiéntium, quóniam vanae sunt. **Vl. Ibid., 1, 19** Perdam sapiéntiam sapiéntium, et prudéntiam prudéntium reprobábo.

Tractus 1 Cor. 2, 2 et 7-8 Non judicávi me scire áliquid inter vos nisi Jesum Christum, et hunc crucifixum. **Vl.** Lóquimur Dei sapiéntiam in mystério, quae abscondita est, quam praedestinávit Deus ante saécula in glóriam nostram. **Vl.** Quam nemo princípum hujus saéculi cognóvit. Si enim cognovissent numquam Dóminum glóriae crucifixissent.

Tempore Paschali, omissis Graduali et Tractu, dicitur:

Allelúja, allelúja. **Vl. 1 Cor. 3, 19 et 20** Sapiéntia hujus mundi stultítia est apud Deum, scriptum est enim: Dóminus novit cogitatiónes sapiéntium, quóniam vanae sunt. Allelúja. **Vl. Philipp. 3, 8** Verúmtamen exístimo ómnia detriméntum esse propter eminentem sciéntiam Jesu Christi Dómini mei. Allelúja.

In Missis votivis ante Septuagesimam vel post Pentecosten, Graduale dicitur ut supra, sed, omissis Tractu, additur:

Allelúja, allelúja. **Vl. Philipp. 3, 8** Verúmtamen exístimo ómnia detriméntum esse propter eminentem sciéntiam Jesu Christi Dómini mei. Allelúja.

+ Sequéntia sancti Evangélii secúndum Lucam.

Luc. 12, 2-8

IN illo témpore: Dixit Jesus discípulis suis: Nihil opértum est, quod non revelétur: neque absconditum, quod non sciátur. Quóniam quae in ténebris dixístis, in lúmine dicéntur: et quod in aures locúti estis in cubículis, praedicábitur in tectis. Dico autem vobis amícis meis: Ne terreámini ab his qui occídunt corpus, et post haec non habent ámplius quid fáciant. Osténdam autem vobis quem timeátis: timeíte eum, qui, postquam occiderit, habet potestátem mittere in gehénnam ; ita dico vobis, hunc timeíte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capílli cápitis vestri omnes numeráti sunt. Nolíte ergo timeíte: multis passéribus pluris estis vos. Dico autem vobis: Omnis, quicumque conféssus fuerit me coram homínibus, et Fílius hóminis confitébitur illum coram Angelis Dei.

Offertorium 1 Cor. 2, 2 Non enim iudicavi me scire aliquid inter vos, nisi Jesum Christum, et hunc crucifixum. (T. P. Allelúja.)

Secreta

MÚNERA nostra, Dómine Deus, benígnus súscipe: quorum mirábile mystérium sanctus Martyr Justínus advérsus impiórum calúmniastrénue deféndit. Per Dóminum.

Et, in Quadragesima, fit Commemoratio Feriae, ut supra.

Pro Ss. Tiburtio, Valeriano et Maximo
Secreta

HAEC hóstia, quaésumus, Dómine, quam sanctorum Mátyrum tuórum natalítia recenséntes offérimus: et víncula nostrae pravítatis absólvat, et tuae nobis misericórdiae dona concíliet. Per Dóminum.

Communio 2 Tim. 4, 8 Repósita est mihi coróna justítiae, quam reddet mihi Dóminus in illa die justus iudex. (T. P. Allelúja.)

Postcommunio

CAELÉSTI alimónia refécti súpplíces te, Dómine, deprecámur: ut beáti Justíni Mátyris tui mónitis, de accéptis donis semper in gratiárum actióne maneámus. Per Dóminum.

Et, in Quadragesima, fit Commemoratio Feriae, ut supra ; et de ea legitur Evangelium in fine, juxta Rubricas.

Pro Ss. Tiburtio, Valeriano et Maximo
Postcommunio

SACRO múnere satiáti, súpplíces te, Dómine, deprecámur: ut, quod débitae servitútis celebrámus offíció, salvatiónis tuae sentiámus augméntum. Per Dóminum.

Eadem die 14 Aprilis

**Pro SS. TIBURTIO,
VALERIANO et MAXIMO
Martyribus**

Extra Tempus Paschale, Missa Sapiéntiam, de Communi plurimorum Martyrum 2 loco, cum Orationibus ut infra ; Tempore autem Paschali, Missa Sancti tui, de Communi Martyrum 2 loco, cum Epistola et Evangelio ex Missa Protexísti, de Communi Martyrum 1 loco, et cum Orationibus pariter ut infra:

Oratio P

PRAESTA, quaésumus, omnipotens Deus: ut, qui sanctorum Mátyrum tuórum Tibúrtii, Valeriáni et Máximi solémnia cólimus ; eórum étiam virtútes imitémur. Per Dóminum.

Secreta P

HAEC hóstia, quaésumus, Dómine, quam sanctorum Mátyrum tuórum natalítia recenséntes offérimus: et víncula nostrae pravítatis absólvat, et tuae nobis misericórdiae dona concíliet. Per Dóminum.

Postcommunio P

SACRO múnere satiáti, súpplíces te, Dómine, deprecámur: ut, quod débitae servitútis celebrámus offíció, salvatiónis tuae sentiámus augméntum. Per Dóminum.

Die 17 Aprilis
S. ANICETI

Papae et Martyris

Simplex

Missa Si díligis me, **de Communi Summorum Pontificum.**

Oratio C

GREGEM tuum, Pastor aetérne, placátus inténde: et per beátum Anicétum Mártirem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 21 Aprilis
S. ANSELMI

Episcopi, Confessoris et Ecclesiae Doctoris

Duplex

Missa In médio, **de Communi Doctorum, et dicitur** Credo.

Oratio C

DEUS, qui pópulo tuo aetérnae salútis beátum Ansélmum místrum tribuísti: praesta, quaésumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Secreta C

SANCTI Ansélmi Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Postcommunio C

UT nobis, Dómine, tua sacrificia dent salútem: beátus Ansélmus Póntifex tuus et Doctor egrégíus, quaésumus, precátor accédát. Per Dóminum.

Die 22 Aprilis

SS. SOTERIS et CAJI
Summorum Pontificum et Martyrum

Semiduplex

Missa Si díligis me, **de Communi Summorum Pontificum.**

Oratio C

GREGEM tuum, Pastor aetérne, placátus inténde: et per beátos Sotérem et Cajum Mártires tuos atque Summos Pontífices, perpétua protectióne custódi ; quos totíus Ecclésiæ praestítisti esse pastóres. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 23 Aprilis
S. GEORGII

Martyris

Semiduplex

Introitus **Ps. 63, 3**

PROTEXISTI me, Deus, a convéntu malignántium, allelúja: a multitudíne operántium iniquitátem, allelúja, allelúja. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **Vl.** Glória Patri.

Oratio

DEUS, qui nos beáti Geórgii Mátyris tui méritis et intercessióne laetíficas: concéde propítius ; ut, qui tua per eum benefícia póscimus, dono tuae grátiae consequámur. Per Dóminum.

Léctio Epístolae beáti Pauli Apóstoli ad Timótheum.

2 Tim. 2, 8-10 ; 3, 10-12

CARÍSSIME: Memor esto, Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quae est in Christo Jesu, cum glória caelésti. Tu autem assecútus es meam doctrínam, institutióem, propósitum, fidem, longanimitátem, dilectiόem, patiéntiam, persecutiόnes, passiόnes: quália mihi facta sunt Antiocháiae, Icónii, et Lystris: quales persecutiόnes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiόem patiéntur.

Allelúja, allelúja. **Vl. Ps. 88, 6** Confitebúntur caeli mirabília tua, Dómine: étenim veritátem tuam in ecclésia sanctórum. Allelúja. **Ps. 20, 4** Posuísti, Dómine, super caput ejus corónam de lápide pretiόso. Allelúja.

+ Sequéntia sancti Evangélii secúndum Joánnem.

Joann. 15, 1-7

IN illo témpore: Dixit Jesus discípulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit: mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluérítis, petétis, et fiet vobis.

Offertorium Ps. 88, 6 Confitebúntur caeli mirabília tua, Dómine: et veritátem tuam in ecclésia sanctórum, allelúja, allelúja.

Secreta

MÚNERA, Dómine, obláta sanctífica, et, intercedénte beáto Geórgio Mátyre tuo, nos per haec a peccatórum nostrórum máculis emúnda. Per Dóminum.

Communio Ps. 63, 11 Laetábitur justus in Dómíno, et sperábit in eo: et laudabúntur omnes recti corde, allelúja, allelúja.

Postcommunio

SÚPPLICES te rogámus, omnípotens Deus: ut, quos tuis réficis sacraméntis, intercedénte beáto Geórgio Mátyre tuo, tibi étiam plácitis móribus dignánter tríbuas deservíre. Per Dóminum.

* **Pro votiva e xtra Tempus Paschale, Missa** In virtúte, **de Communi unius Martyris 3 loco, cum Orationibus ut supra.**

Die 24 Aprilis

S. FIDELIS A SIGMARINGA

Martyris

Duplex

Missa Protexísti, **de Communi Martyrum Tempore Paschali 1 loco, praeter Orationem sequentem:**

Oratio

P

DEUS, qui beátum Fidélem, seráphico spíritus ardóre succénsus, in verae fidei propagatióne martýrii palma et gloriósis miráculis decoráre dignátus es: ejus, quaésumus, méritis et intercessióne, ita nos per grátiam tuam in fide et caritaté confírma ; ut in servítio tuo fidéles usque ad mortem inveníri mereámur. Per Dóminum.

Secreta

C

MUNÉRIBUS nostris, quaésumus, Dómine, precíbúsq;e suscéptis: et caeléstibus nos munda mystériis, et cleménter exáudi. Per Dóminum.

Postcommunio

C

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur offício ; ita perpétuo laetémur aspéctu. Per Dóminum.

* Pro votiva e xtra Tempus Paschale, Missa In virtúte, de Communi unius Martyris 3 loco, cum Orationibus ut supra.

Die 25 Aprilis
S. MARCI

Evangelistae

Duplex II classis

LITANIAE MAJORES

* Ad Processionem dicitur Missa de Rogationibus, ut habetur suo loco in Proprio de Tempore, et, si contingat transferri Festum S. Marci, non tamen transfertur Processio, nisi quando praedictum Festum occurrat in die Paschae: tunc enim in Feriam III sequentem transferatur.

Statio ad S. Petrum

Introitus Ps. 63, 3

PROTEXÍSTI me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam cum déprecor: a timóre inimíci éripe ánimam meam. *Vl.* Glória Patri.

Oratio

DEUS, qui beátum Marcum Evangelístam tuum evangélicae praedicatiónis grátia sublimásti: tríbe, quaésumus ; ejus nos semper et eruditióne profícere, et oratióne deféndi. Per Dóminum.

* Et fit Commemoratio Rogationum, praeterquam in Missa conventuali vel cantata, si altera dicatur Missa de Rogationibus.

Pro Rogationibus
Oratio

PRAESTA, quaésumus, omnípotens Deus: ut, qui in afflictióne nostra de tua pietáte confídimus ; contra advérsa ómnia, tua semper protectióne muniámur. Per Dóminum nostrum.

Léctio Ezechiélis Prophétae.
Ezech. 1, 10-14

SIMILITÚDO vultus quátuor animálium: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilae désuper ipsórum quátuor. Fácies eórum, et pennae eórum exténtae désuper: duae pennae singulórum jungebántur, et duae tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Haec erat visio discúrrens in médio animálium, splendor ignis, et de igne fulgur egrédiens. Et animália ibant, et revertébántur in similitúdinem fúlguris coruscántis.

Allelúja, allelúja. **VI. Ps. 88, 6** Confitebúntur caeli mirabilia tua, Dómine: étenim veritátem tuam in ecclésia sanctorum. Allelúja. **Ps. 20, 4** Posuisti, Dómine, super caput ejus corónam de lápide pretiósio. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Credo.

Offertorium Ps. 88, 6 Confitebúntur caeli mirabilia tua, Dómine: et veritátem tuam in ecclésia sanctorum, allelúja, allelúja.

Secreta

BEÁTI Marci Evangelístae tui solemnité, tibi múnera deferéntes, quaésumus, Dómine: ut, sicut illum praedicátio evangélica fecit gloriósum; ita nos ejus intercésio et verbo, et ópere tibi reddat accéptos. Per Dóminum.

Pro Rogationibus

Secreta

HAEC múnera, quaésumus, Dómine, et víncula nostrae pravitátis absólvant, et tuae nobis misericórdiae dona concíliant. Per Dóminum.

Praefatio de Apostolis.

Communio Ps. 63, 11 Laetábitur justus in Dómno, et sperábit in eo: et laudabúntur omnes recti corde, allelúja, allelúja.

Postcommunio

TRÍBUANT nobis, quaésumus, Dómine, contínuum tua sancta praesídium: quo, beáti Marci Evangelístae tui préribus, nos ab ómnibus semper tueántur advérsis. Per Dóminum.

Pro Rogationibus

Postcommunio

VOTA nostra, quaésumus, Dómine, pio favóre proséquare: ut, dum dona tua in tribulatióne percípimus, de consolatióne nostra in tuo amóre crescámus. Per Dóminum.

Et in Missis privatis non legitur Evangelium de Rogationibus in fine.

Pro votiva e xtra Tempus Paschale, Missa ut in Festo S. Lucae Evangelistae, die 18 Octobris, cum Orationibus et Epistola ut supra.

Die 26 Aprilis

SS. CLETI et MARCELLINI
Summorum Pontificum et Martyrum

Semiduplex

Missa Si diligis me, de Communi Summorum Pontificum.

Oratio

C

GREGEM tuum, Pastor aetérne, placátus inténde: et per beátos Cletum et Marcellínium, Mártires tuos

atque Summos Pontífices, perpétua protectióne custódi ; quos totíus Ecclésiæ praestítisti esse pastóres.
Per Dóminum.

Secreta

C

OBLÁTIS munéribus, quaésumus, Dómine, Ecclésiám tuam benígna illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

* Si quod ex sequentibus Festis, quod fuerit Duplex aut Semiduplex, in Feriis Rogationum occurrat, de Rogationibus, juxta propriam Rubricam, fit Commemoratio in omnibus Missis, excepta Missa conventuali de Festo, si altera dicatur conventualis vel cantata de Rogationibus. Itemque Feria IV, ante Commemorationem Feriae Rogationum, fit Commemoratio Vigiliae Ascensionis, praeterquam in Missa conventuali de Festo vel de Rogationibus. Et in Missis in quibus facta sit Commemoratio Feriae aut Vigiliae, ultimum Evangelium Feria II erit de Rogationibus, Feria IV de Vigilia. De iisdem Festis tamen Feria II vel IV occurrentibus, nisi fuerint duplicia I vel II classis, Missa conventualis legitur extra Chorum et Missa conventualis de Feria aut de Vigilia dicitur in Choro.

Die 27 Aprilis
S. PETRI CANISII

Confessoris et Ecclesiae Doctoris

Duplex

Missa In médio, de Communi Doctorum, praeter Orationem sequentem, et dicitur Credo.

Oratio

P

DEUS, qui ad tuéndam cathólicam fidem beátum Petrum Confessórem tuum, virtúte et doctrína roborásti: concéde propítius: ut, ejus exémpis et mónitis, errántes ad salútem respíscant, et fidéles in veritátis confessióne persevérent. Per Dóminum.

Secreta

C

SANCTI Petri Confessóris tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Postcommunio

C

UT nobis, Dómine, tua sacrificia dent salútem: beátus Petrus Conféssor tuus et Doctor egrégius, quaésumus, precátor accédát. Per Dóminum.

Die 28 Aprilis
S. PAULI A CRUCE

Confessoris

Duplex

Introitus Gal. 2, 19-20

CHRISTO confíxus sum Cruci: vivo autem, jam non ego: vivit vero in me Christus: in fide vivo Fílii Dei, qui diléxit me, et trádidit semetípsum pro me, allelúja, allelúja. Ps. 40, 2 Beátus qui intélligit super egénum et páuperem: in die mala liberábit eum Dóminus. V/. Glória Patri.

Oratio

DÓMINE Jesu Christe, qui ad mystérium Crucis praedicándum, sanctum Paulum singulári caritáte donásti, et per eum novam in Ecclésiá familiam floréscere volústi: ipsíus nobis intercessióne concéde ; ut passiónem tuam júgiter recoléntes in terris, ejúsdem fructum cónsequi mereámur in caelis: Qui vivis et regnas.

Et fit Commemoratio S. Vitalis Martyris.

Oratio

PRAESTA, quaesumus, omnipotens Deus: ut, qui beati Vitalis Martyris tui natalitia colimus, intercessione ejus, in tui nominis amore roboreremur. Per Dominum.

Lectio Epistolae beati Pauli Apostoli ad Corinthios.

1 Cor. 1, 17-25

FRATRES: Non misit me Christus baptizare, sed evangelizare: non in sapientia verbi, ut non evacuatur crux Christi. Verbum enim crucis pereuntibus quidem stultitia est: iis autem, qui salvi fiunt, id est nobis, Dei virtus est. Scriptum est enim: Perdam sapientiam sapientium, et prudentiam prudentium reprobabo. Ubi sapiens? ubi scriba? ubi conquisitor hujus saeculi? Nonne stultam fecit Deus sapientiam hujus mundi? Nam quia in Dei sapientia non cognovit mundus per sapientiam Deum: placuit Deo per stultitiam praedicationis salvos facere credentes. Quoniam et Iudaei signa petunt, et Graeci sapientiam quaerunt: nos autem praedicamus Christum crucifixum: Iudaeis quidem scandalum, gentibus autem stultitiam, ipsis autem vocatis Iudaeis atque Graecis, Christum Dei virtutem, et Dei sapientiam: quia quod stultum est Dei, sapientius est hominibus: et quod infirmum est Dei, fortius est hominibus.

Alleluja, alleluja. *Vl. 2 Cor. 5, 15* Pro omnibus mortuus est Christus: ut, et qui vivunt, jam non sibi vivant, sed ei, qui pro ipsis mortuus est, et resurrexit. Alleluja. *Vl. Rom. 8, 17* Si filii, et heredes: heredes quidem Dei, coheredes autem Christi: si tamen compatiatur, ut et conglorificemur. Alleluja.

In Missis votivis extra Tempus Paschale, omittuntur Alleluja ad Introitum, Offertorium et Communionem, et post Epistolam dicitur

Graduale *Gal. 6, 14* Mihi autem absit gloriari, nisi in Cruce Domini nostri Jesu Christi: per quem mihi mundus crucifixus est, et ego mundo. *Vl. 1 Cor. 2, 2* Non judicavi me scire aliquid inter vos, nisi Jesum Christum, et hunc crucifixum.

Alleluja, alleluja. *Vl. 1 Petr. 2, 21* Christus passus est pro nobis, vobis relinquens exemplum ut sequamini vestigia ejus. Alleluja.

Post Septuagesimam, omissis Alleluja et Versu sequenti, dicitur

Tractus *1 Petr. 4, 1* Christo igitur passo in carne, et vos eadem cogitatione armamini: quia qui passus est in carne, desit a peccatis. *Vl. 2 Cor. 4, 10* Semper mortificationem Jesu in corpore nostro circumferentes, ut et vita Jesu manifestetur in corporibus nostris. *Vl. Hebr. 12, 2* Aspicientes in auctorem fidei et consummatorem Jesum, qui proposito sibi gaudio sustinuit Crucem, confusione contempta, atque in dextera sedis Dei sedet.

+ Sequentia sancti Evangelii secundum Lucam.

Luc. 10, 1-9

IN illo tempore: Designavit Dominus et alios septuaginta duos: et misit illos binos ante faciem suam in omnem civitatem et locum, quo erat ipse venturus. Et dicebat illis: Messis quidem multa, operarii autem pauci. Rogate ergo Dominum messis, ut mittat operarios in messem suam. Ite: ecce ego mitto vos sicut agnos inter lupos. Nolite portare sacculum, neque peram, neque calceamenta, et neminem per viam salutaveritis. In quamcumque domum intraveritis, primum dicitis: Pax huic domui: et si ibi fuerit filius pacis, requiescet super illum pax vestra: sin autem, ad vos revertetur. In eadem autem domo manete, edentes, et bibentes quae apud illos sunt: dignus est enim operarius mercede sua. Nolite transire de domo in domum. Et in quamcumque civitatem intraveritis, et susceperint vos, manducate quae apponuntur vobis: et curate infirmos, qui in illa sunt, et dicitis illis: Appropinquavit in vos regnum Dei.

Offertorium *Ephes. 5, 2* Ambulate in dilectione, sicut et Christus dilexit nos, et tradidit semetipsum pro nobis, oblationem et hostiam Deo in odorem suavitatis, alleluja.

Secreta

CAELSTEM nobis, Domine, praebent mysteria haec passionis et mortis tuae fervorem: quo sanctus Paulus, ea offerendo, corpus suum hostiam viventem, sanctam, tibi que placentem exhibuit: Qui vivis.

Pro S. Vitale
Secreta

MUNERIBUS nostris, quaesumus, Domine, precibusque susceptis: et caelestibus nos munda mysteriis, et

Communio 1 Petr. 4, 13 Communicántes Christi passióibus gaudéte, ut in revelatióne glóriæ ejus gaudeátis exsultántes, allelúja.

Postcommunio

SÚMPSIMUS, Dómine, divínium sacraméntum, imménsæ caritátis tuæ memoriále perpétuum: tribue, quaésumus ; ut, sancti Pauli méritis et imitatióne, aquam de fóntibus tuis hauriámus in vitam aetérnam saliéntem, et tuam sacratíssimam passióem córdibus nostris impréssam móribus et vita teneámus: Qui vivis.

**Pro S. Vitale
Postcommunio**

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur offíció ; ita perpétuo laetémur aspéctu. Per Dóminum.

Eadem die 28 Aprilis

Pro S. VITALE
Martyre

Missa Protexísti, **de Communi Martyrum Tempore Paschali 1 loco, cum Orationibus ut supra.**

* **Pro votiva e xtra Tempus Paschale, Missa** In virtúte, **de Communi unius Martyris 3 loco.**

Die 29 Aprilis
S. PETRI

Martyris
Duplex

Introitus **Ps. 63, 3**

PROTEXÍSTI me, Deus, a convéntu malignántium, allelúja: a multitudíne operántium iniquitátem, allelúja, allelúja. **Ps. ibid., 2** Exáudi, Deus, oratióne meam cum déprecor: a timóre inimíci éripe ánimam meam. **Vl.** Glória Patri.

Oratio

PRAESTA, quaésumus, omnípotens Deus: ut beáti Petri Mártyris tui fidem cóngrua devotióne sectémur ; qui, pro ejúsdem fídei dilatatióne, mártýrii palmam méruit obtinére. Per Dóminum.

Léctio Epístolæ beáti Pauli Apóstoli ad Timótheum.

2 Tim. 2, 8-10 ; 3, 10-12

CARÍSSIME: Memor esto, Dóminum Jesum Christum resurrexísse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quæ est in Christo Jesu, cum glória caelésti. Tu autem assecútus es meam doctrínam, institutióne, propósitum, fidem, longanimitátem, dilectióne, paciéntiam, persecutióne, passióne: quália mihi facta sunt Antiochiæ, Icónii, et Lystris: quales persecutióne sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutióne paciéntur.

Allelúja, allelúja. **Vl. Ps. 88, 6** Confitebúntur caeli mirabília tua, Dómine: étenim veritátem tuam in ecclésia sanctórum. Allelúja. **Ps. 20, 4** Posuísti, Dómine, super caput ejus corónam de lápide pretiósó. Allelúja.

+ Sequéntia sancti Evangélii secúndum Joánnem.

Joann. 15, 1-7

IN ILLO témpore: Dixit Jesus discípulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil

potéstis fácere. Si quis in me non mánserit: mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluérítis, petétis, et fiet vobis.

Offertorium Ps. 88, 6 Confitebúntur caeli mirabília tua, Dómine: et veritátem tuam in ecclésia sanctórum, allelúja, allelúja.

Secreta

PRECES, quas tibi, Dómine, offérimus, intercedénte beáto Petro Mártire tuo, cleménte inténde: et propugnátóres fídei sub tua protectióne custódi. Per Dóminum.

Communio Ps. 63, 11 Laetábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

FIDÉLES tuos, Dómine, custódiat sacraménta, quae súmpsimus: et, intercedénte beáto Petro Mártire tuo, contra omnes advérsos tueántur incúrsus. Per Dóminum.

* **Pro votiva e xtra Tempus Paschale, Missa** Laetábitur, **de Communi unius Martyris 4 loco, cum Orationibus ut supra.**

Die 30 Aprilis
S. CATHARINAE SENENSIS

Virginis

Duplex

Missa Dilexísti, **de Communi Virginum 3 loco, ritu Paschali, cum Orationibus ut infra.**

Oratio P

DA, quaésumus, omnípotens Deus: ut, qui beátae Catharínae Vírginis tuae natalítia cólimus ; et ánnua solemnitate laetémur, et tantae virtútis proficiámus exémplo. Per Dóminum.

Secreta P

ASCÉNDANT ad te, Dómine, quas in beátae Catharínae solemnitate offérimus, preces, et hóstia salutáris, virgíneo fragrans odóre. Per Dóminum.

Postcommunio P

AE

TERNITÁTEM nobis, Dómine, cónferat, qua pasti sumus, mensa caeléstis: quae beátae Catharínae Vírginis vitam étiam áluit temporálem. Per Dóminum.

FESTA MAJI

* **Post Octavam Pentecostes, prima die mensis in qua fiat Officium de Feria communi, et primo resumenda non sit Missa Dominicae praecedentis impedita, in Choro, post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.**

Die 1 Maji

SANCTI JOSEPH OPIFICIS
SPONSI
BEATAE MARIAE VIRGINIS

Confessoris

Duplex I classis

Introitus **Sap. 10, 17**

SAPIENTIA réddidit justis mercédem labórum suórum, et dedúxit illos in via mirábili, et fuit illis in velaménto diéi et in luce stellárum per noctem, allelúja, allelúja. **Ps. 126, 1** Nisi Dóminus aedificáverit domum, in vanum laboravérunt qui aedíficant eam. **V.** Glória Patri.

Oratio

RERUM cónditor Deus, qui legem labóris humano géneri statuísti: concéde propítius ; ut, sancti Joseph exémplo et patrocínio, ópera perficiámus quae praecipis, et praémia consequámur quae promíttis. Per Dóminum.

Léctio Epístolae beáti Pauli Apóstoli ad Colossénses.

Col. 3, 14-15, 17, 23-24

FRATRES: Caritátem habéte, quod est vínculum perfectiónis, et pax Christi exsúltet in córdibus vestris, in qua et vocáti estis in uno córpore, et grati estóte. Omne, quodcúmque fácitis in verbo aut in ópere, ómnia in nómine Dómini Jesu Christi, grátias agéntes Deo et Patri per ipsum. Quodcúmque fácitis, ex ánimo operámini sicut Dómino, et non homínibus, sciéntes quod a Dómino accipiétis retributiónem hereditátis. Dómino Christo servíte.

Allelúja, allelúja. **V.** De quacúmque tribulatióne clamáverint ad me, exáudiam eos, et ero protéctor eórum semper. Allelúja. **V.** Fac nos innócuam, Joseph, decúrre vitam: sitque tuo semper tuta patrocínio. Allelúja.

Extra Tempus Paschale dicitur

Graduale Ps. 127, 1-2 Beátus quicúmque times Dóminum, qui ámbulas in viis ejus. **V.** Labórem mánuum tuárum manducábis et bene tibi erit.

Allelúja, allelúja. **V.** Fac nos innócuam, Joseph, decúrre vitam: sitque tuo semper tuta patrocínio. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangélii secúndum Matthaéum.

Matth. 13, 54-58

IN illo témpore: Véniens Jesus in pátriam suam, docébat eos in synagógis eórum, ita ut miraréntur et dícerent: Unde huic sapiéntia haec et virtútes ? Nonne hic est fabri fílius ? Nonne mater ejus dicitur María, et fratres ejus Jacóbus et Joseph et Simon et Judas ? Et soróres ejus nonne omnes apud nos sunt ? Unde ergo huic ómnia ista ? Et scandalizabántur in eo. Jesus autem dixit eis: Non est prophéta sine honóre nisi in pátria sua et in domo sua. Et non fecit ibi virtútes multas propter incredulitátem illórum.

Credo.

Offertorium Ps. 89, 17 Sit splendor Dómini Dei nostri super nos, et ópera mánuum nostrárum dírige super nos: et opus mánuum nostrárum dírige, allelúja.

Secreta

QUAS tibi, Dómine, de opéribus mánuum nostrárum offérimus hóstias, sancti Joseph interpósito suffrágio, pígnus fácias nobis unitátis et pacis. Per Dóminum.

Praefatio de sancto Joseph Et te in Solemnitáte.

Communio Matth. 13, 54, 55 Unde huic sapiéntia haec et virtútes ? Nonne hic est fabri fílius ? Nonne mater ejus dicitur María ? Allelúja.

Postcommunio

HAEC sancta quae sumpsimus, Dómine: per intercessiónem beáti Joseph ; et operatiónem nostram cómpleant, et praémia confírment. Per Dóminum.

Die 2 Maji
S. ATHANASII

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN médio Ecclesiae apéruit os ejus: et implévit eum Dóminus spírítu sapiéntiae, et intelléctus: stolam glóriæ induit eum, allelúja, allelúja. **Ps. 91, 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

EXÁUDI, quaésumus, Dómine, preces nostras, quas in beáti Athanásii Confessóris tui atque Pontíficis solemnitate deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Léctio Epístolæ beáti Pauli Apóstoli ad Corínthios.

2 Cor. 4, 5-14

FRATRES: Non nosmetípsos praedicámus, sed Jesum Christum Dóminum nostrum: nos autem servos vestros per Jesum: quóniam Deus, qui dixit de ténebris lucem splendéscere, ipse illúxit in córdibus nostris ad inluminatióem sciéntiae claritátis Dei, in fácie Christi Jesu. Habémus autem thesáurum istum in vasis fictílibus: ut sublímitas sit virtútis Dei, et non ex nobis. In ómnibus tribulatióem pátimur, sed non angustiámur: aporiámur, sed non destitúimur: persecutióem pátimur, sed non derelínquimur: dejícimur, sed non perímus: semper mortificatióem Jesu in córpore nostro circumferéntes, ut et víta Jesu manifestétur in corpóribus nostris. Semper enim nos, qui vívimus, in mortem trádimur propter Jesum: ut et víta Jesu manifestétur in carne nostra mortáli. Ergo mors in nobis operátur, víta autem in vobis. Habéntes autem eúmdem spírítum fidei, sicut scriptum est: Crédidi, propter quod locútus sum: et nos crédimus, propter quod et lóquimur: sciéntes, quóniam qui suscitávit Jesum, et nos cum Jesu suscitábit, et constitúet vobíscum.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja. **Vl. Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vítae. Allelúja.

In Missis votivis extra Tempus Paschale dicitur

Graduale Eccli. 44, 16 Ecce sacérdos magnus, qui in diébus suis plácuit Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vítae. Allelúja.

+ Sequéntia sancti Evangélii secúndum Matthaéum.

Matth. 10, 23-28

IN illo témpore: Dixit Jesus discípulis suis: Cum persecuéntur vos in civitate ista, fúgite in áliam. Amen dico vobis, non consummábitis civitates Israël, donec véniat Fílius hóminis. Non est discípulus super magístrum, nec servus super dóminum suum. Súfficit discípulo, ut sit sicut magíster ejus: et servo, sicut dóminus ejus. Si patremfámilias Beélzebub vocavérunt; quanto magis domésticos ejus? Ne ergo timuérítis eos. Nihil enim est opértum, quod non revelábitur: et occúltum, quod non sciétur. Quod dico vobis in ténebris, dícite in lúmine: et quod in aure audítis, praedicáte super tecta. Et nolíte timére eos, qui occídunt corpus, ánimam autem non possunt occídere: sed pótius timéte eum, qui potest et ánimam et corpus pérđere in gehénnam.

Credo.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum, allelúja.

Secreta

SANCTI Athanásii Confessóris tui atque Pontíficis, quaésumus, Dómine, ánnua solémnitas pietáti tuae nos reddat accéptos: ut per haec pia placatiónis officia, et illum beáta retribútió comitétur, et nobis grátiae tuae dona concíliet. Per Dóminum.

Communio Matth. 10, 27 Quod dico vobis in ténébris, dícite in lúmine: dicit Dóminus: et quod in aure audítis, praedicáte super tecta, allelúja.

Postcommunio

DEUS, fidélium remunerátor animárum: praesta ; ut beáti Athanásii Confessóris tui atque Pontíficis, cujus venerándam celebrámus fe stivitátem, précibus indulgéntiam consequámur. Per Dóminum.

Die 3 Maji
IN INVENTIONE S. CRUCIS

Duplex II classis

* **Hodie, occurrente una ex tribus Feriis Rogationum, juxta Rubricas: 1** in Choro, post Tertiam semper dicitur Missa conventualis de Festo et, si fiat Processio, post Nonam Missa de Rogationibus ; 2 extra Chorum, in Feria II, si omittatur Processio, post Nonam legitur Missa de Rogationibus, et in Feria IV post Sextam semper Missa de Vigilia. De Feria autem et de Vigilia prohibentur Missae privatae.

Introitus **Gal. 6, 14**

NOS autem gloriári opórtet in Cruce Dómini nostri Jesu Christi: in quo est salus, vita et resurrectio nostra: per quem salváti et liberáti sumus, allelúja, allelúja. **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **VI.** Glória Patri.

Oratio

DEUS, qui in praeclára salutíferae Crucis Inventióne, passiónis tuae miracula suscitásti: concéde ; ut vitális ligni prétio, aetérnae vitae suffrágia consequámur: Qui vivis.

Et, in Missis privatis tantum, fit Commemoratio Ss. Alexandri I Papae et Martyris, Eventii et Theoduli Martyrum, ac Juvenalis Episcopi et Confessoris.

Oratio

PRAESTA, quaesumus, omnipotens Deus: ut, qui sanctorum tuorum Alexandri, Eventii, Theoduli, atque Juvenalis natalitia colimus ; a cunctis malis imminéntibus, eorum intercessiónibus, liberémur. Per Dóminum.

Léctio Epístolae beáti Pauli Apóstoli ad Philippéenses.

Phil. 2, 5-11

FRATRES: Hoc enim sentíte in vobis, quod et in Christo Jesu: qui, cum in forma Dei esset, non rapínam arbitrátus est esse se aequálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: **(hic genuflectitur)** ut in nómine Jesu omne genu flectátur caeléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris.

Allelúja, allelúja. VI. Ps. 95, 10 Dícite in géntibus, quia Dóminus regnávit a ligno. **Allelúja. VI.** Dulce lignum, dulces clavos, dúlcia ferens póndera: quae sola fuísti digna sustinére Regem caelórum et Dóminum. **Allelúja.**

+ Sequéntia sancti Evangélii secúndum Joánnem.

Joann. 3, 1-15

IN illo témpore: Erat homo ex pharisaéis, Nicodémus nómine, princeps Judaeórum. Hic venit ad Jesum nocte, et dixit ei: Rabbi, scimus quia a Deo venísti magíster, nemo enim potest haec signa fácere, quae tu facis, nisi fúerit Deus cum eo. Respóndit Jesus, et dixit ei: Amen, amen dico tibi, nisi quis renátus fúerit dénuo, non potest vidére regnum Dei. Dicit ad eum Nicodémus: Quómodo potest homo nasci, cum sit senex ? numquid potest in ventrem matris suae iteráto introíre, et renásci ? Respóndit Jesus: Amen, amen dico tibi, nisi quis renátus fúerit ex aqua, et Spíritu Sancto, non potest introíre in regnum Dei. Quod natum est ex carne, caro est: et quod natum est ex spíritu, spíritus est. Non miréris quia dixi tibi: opórtet vos nasci dénuo. Spíritus ubi vult spirat, et vocem ejus audis, sed nescis unde véniat, aut quo vadat: sic est omnis qui natus est ex spíritu. Respóndit Nicodémus, et dixit ei: Quómodo possunt haec fíeri ? Respóndit Jesus, et dixit ei: Tu es magíster in Israël, et haec ignóras ? Amen, amen dico tibi, quia quod scimus lóquimur, et quod vídimus testámur, et testimónium nostrum non accípitis. Si terréna dixi vobis et non créditis: quómodo,

si díxero vobis caeléstia, credétis ? Et nemo ascéndit in caelum, nisi qui descéndit de caelo, Fílius hominis, qui est in caelo. Et sicut Móyses exaltávit serpéntem in desérto ; ita exaltári opórtet Fílium hóminis: ut omnis qui credit in ipsum, non péreat, sed hábeat vitam aetérnam.

Credo.

Offertorium Ps. 117, 16 et 17 Dextera Dómini fecit virtútem, dextera Dómini exaltávit me: non móriar, sed vivam, et narrábo ópera Dómini, allelúja.

Secreta

SACRIFÍCIUM, Dómine, quod tibi immolámus, placátus inténde: ut ab omni nos éruat bellórum nequítia, et per vexíllum sanctae Crucis Fílii tui, ad conteréndas potestátis advérsae insídias, nos in tuae protectiÓNis securitáte constítuat. Per eúmdem Dóminum.

Pro Ss. Alexandro, Eventio, Theodulo ac Juvenale
Secreta

SUPER has hóstias, quaésumus, Dómine, benedíctio copiósá descéndat: quae et sanctificatiÓNem nobis cleménter operétur, et de Sanctórum nos solemnitáte laetíficet. Per Dóminum.

Praefatio de Cruce.

Communio Per signum Crucis de inimícis nostris líbera nos, Deus noster, allelúja.

Postcommunio

REPLÉTI alimónia caeléstia, et spiritali póculo recreáti, quaésumus, omnipotens Deus: ut ab hoste maligno deféndas, quos per lignum sanctae Crucis Fílii tui, arma justítiae pro salúte mundi, triumpháre jussisti. Per eúmdem Dóminum.

Pro Ss. Alexandro, Eventio, Theodulo ac Juvenale
Postcommunio

REFÉCTI participatiÓNem múneris sacri, quaésumus, Dómine Deus noster: ut, cujus exséquimur cultum, intercedéntibus sanctis tuis Alexándro, Evéntio, Theodúlo et Juvenále sentiámus efféctum. Per Dóminum.

* **Pro votiva de S. Cruce dicitur Missa** Nos autem, quae habetur inter Missas votivas circa finem Missalis.

Eadem die 3 Maji

Pro SS. ALEXANDRO I
Papa et Martyre,
EVENTIO et THEODULO
Martyribus
ac JUVENALE
Episcopo et Confessore

Missa Sancti tui, de Communi Martyrum Tempore Paschali 2 loco, vel pro votiva extra Tempus Paschale Sapiéntiam, de Communi plurimorum Martyrum 2 loco, cum Orationibus ut infra:

Oratio P

PRAESTA, quaésumus, omnipotens Deus: ut, qui sanctórum tuórum Alexándri, Evéntii, Theodúli, atque Juvenális natalítia cólimus ; a cunctis malis imminéntibus, eórum intercessiÓNibus, liberémur. Per Dóminum.

Secreta P

SUPER has hóstias, quaésumus, Dómine, benedíctio copiósá descéndat: quae et sanctificatiÓNem nobis cleménter operétur, et de Sanctórum nos solemnitáte laetíficet. Per Dóminum.

Postcommunio P

REFÉCTI participatiÓNem múneris sacri, quaésumus, Dómine Deus noster: ut, cujus exséquimur cultum, intercedéntibus sanctis tuis Alexándro, Evéntio, Theodúlo et Juvenále sentiámus efféctum. Per Dóminum.

Die 4 Maji
S. MONICAE

Viduae

Duplex

Introitus **Ps. 118, 75 et 120**

COGNÓVI, Dómine, quia aéquitas judícia tua, et in veritate tua humiliásti me: confíge timóre tuo carnes meas, a mandátis tuis tímui, allelúja, allelúja. **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

DEUS, maeréntium consolátor et in te sperántium salus, qui beátae Mónicae pias lácrimas in conversióne filii sui Augustíni misericórditer suscepísti: da nobis utriúsque intervéntu ; peccáta nostra deploráre, et grátiae tuae indulgéntiam inveníre. Per Dóminum.

Léctio Epístolae beáti Pauli Apóstoli ad Timótheum.

1 Tim. 5, 3-10

CARÍSSIME: Víduas honóra, quae vere víduae sunt. Si qua autem vídua filios, aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quae autem vere vídua est, et desoláta, speret in Deum, et instet obsecratióibus, et oratióibus nocte ac die. Nam quae in delíciis est, vivens mórtua est. Et hoc praécipe ut irreprensíbiles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur non minus sexagínta annórum, quae fúerit unius viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatiónem patiéntibus ministrávit, si omne opus bonum subsecúta est.

Allelúja, allelúja . **Vl.** **Ps. 44, 5** Spécie tua, et pulchritúdine tua inténde, prospere procéde et regna. Allelúja. **Vl.** Propter veritátem, et mansuetúdinem, et justítiam: et dedúcet te mirabíliter déxtera tua. Allelúja.

+ Sequéntia sancti Evangéllii secúndum Lucam.

Luc. 7, 11-16

IN illo témpore: Ibat Jesus in civitátem, quae vocátur Naim: et ibant cum eo discípuli ejus, et turba copiósá. Cum autem appropinquáret portae civitátis, ecce defúnctus efferebátur filius únicus matris suae: et haec vídua erat: et turba civitátis multa cum illa. Quam cum vidísset Dóminus, misericórdia motus super eam, dixit illi: Noli flere. Et accéssit, et tétigit lóculum. (Hi autem, qui portábant, stetérunt). Et ait: Adoléscens, tibi dico, surge. Et resédit qui erat mórtuus, et coepit loqui. Et dedit illum matri suae. Accépit autem omnes timor: et magnificábant Deum, dicéntes: Quia prophéta magnus surréxit in nobis: et quia Deus visitávit plebem suam.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saéculi, allelúja.

Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Communio Ps. 44, 8 Dilexísti justítiam, et odísti iniquitátem: proptérea unxit te Deus, Deus tuus, óleo laetitiae prae consórtibus tuis, allelúja.

Postcommunio

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 5 Maji
S. PII V

Papae et Confessoris

Duplex

Missa Si diligis me, de Communi Summorum Pontificum, praeter Orationem sequentem.

Oratio

P

DEUS, qui ad conteréndos Ecclesiae tuae hostes, et ad divinum cultum reparándum, beátum Pium Pontíficem máximum elígere dignátus es: fac nos ipsíus deféndi praesídiis, et ita tuis inhaerére obséquiiis; ut, ómnium hóstium superátis insídiis, perpétua pace laetémur. Per Dóminum.

Secreta

C

OBLÁTIS munéribus, quaésumus, Dómine, Ecclesiam tuam benígna illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

REFECTIÓNÉ sancta enutrítam gubérna, quaésumus, Dómine, tuam placátus Ecclesiam: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 6 Maji
S. JOANNIS

Apostoli et Evangelistae
ante Portam Latinam

Duplex majus

Introitus Ps. 63, 3

PROTEXISTI me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam cum déprecor: a timóre inimíci éripe ánimam meam. *Vl.* Glória Patri.

Oratio

DEUS, qui cónspicis quia nos úndique mala nostra pertúrbant: praesta, quaésumus; ut beáti Joánnis Apóstoli tui et Evangelístae intercéssio gloriósa nos próteget. Per Dóminum.

Léctio libri Sapiéntiae.

Sap. 5, 1-5

STABUNT justí in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatióne insperátae salútis, dicéntes intra se, paeniténtiam agéntes, et prae angústia spíritus geméntes: Hi sunt, quos habúimus aliquándo in derísam et in similitúdinem impropérii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúja, allelúja. *V./ Ps. 91, 13* Justus ut palma florébit: sicut cedrus Líbani multiplicábitur. Allelúja. *Vl. Osee 14, 6* Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélli secúndum Matthaéum.

Matth. 20, 20-23

IN illo témpore: Accéssit ad Jesum mater filiórum Zebedaí cum filiis suis, adórans et petens áliquíd ab eo. Qui dixit ei: Quid vis? Ait illi: Dic ut sédeant hi duo filii mei, unus ad dexteram tuam, et unus ad sinístram in regno tuo. Respóndens autem Jesus, dixit: Nescítis quid petátis. Potéstis bíbere cálicem, quem ego bibitúrus sum? Dicunt ei: Póssumus. Ait illis: Cálicem quidem meum bibétis: sedére autem ad dexteram meam, vel sinístram, non est meum dare vobis, sed quibus parátum est a Patre meo.

Credo.

Offertorium Ps. 88, 6 Confitebúntur caeli mirabília tua, Dómine: et veritátem tuam in ecclésia sanctórum, allelúja, allelúja.

Secreta

MUNÉRIBUS nostris, quaesumus, Dómine, precibusque susceptis: et caelestibus nos munda mysteriis, et clementer exaudi. Per Dóminum.

Praefatio de Apostolis.

Communio Ps. 63, 11 Laetabitur justus in Dómino, et sperabit in eo: et laudabuntur omnes recti corde, allelúja, allelúja.

Postcommunio

REFÉCTI, Dómine, pane caelesti: ad vitam, quaesumus, nutriamur aeternam. Per Dóminum.

* **Pro votiva de S. Joanne, Missa dicitur ut in Festo, die 27 Decembris, at in Oratione Secreta immutatur vox solemnitate in commemoratióne.**

Die 7 Maji
S. STANISLAI

Episcopi et Martyris

Duplex

Missa Protexísti, **de Communi Martyrum Tempore Paschali 1 loco, cum Orationibus ut infra.**

Oratio P

DEUS, pro cuius honore gloriosus Póntifex Stanisláus gládiis impiórum occúbuit: praesta, quaesumus; ut omnes, qui ejus implórant auxiliúm, petitiónis suae salutárem consequántur efféctum. Per Dóminum.

Secreta C

MÚNERA tibi, Dómine, dicáta sanctífica: et, intercedénte beáto Stanisláo Mártire tuo atque Pontífice, per eádem nos placátus inténde. Per Dóminum.

Postcommunio C

HAEC nos commúnio, Dómine, purget a crimine: et, intercedénte beáto Stanisláo Mártire tuo atque Pontífice, caelestis remédii fáciat esse consórtes. Per Dóminum.

* **Pro votiva e xtra Tempus Paschale, Missa Sacerdótes Dei, de Communi unius Martyris 2 loco, cum Orationibus ut supra.**

Die 8 Maji
IN APPARITIONE
S. MICHAELIS

Archangeli

Duplex majus

Introitus **Ps. 102, 20**

BENEDÍCITE Dóminum, omnes Angeli ejus: poténtes virtúte, qui fáctis verbum ejus, ad audiéndam vocem sermónum ejus, allelúja, allelúja. **Ps. ibid., 1** Benedic, ánima mea, Dómino: et ómnia, quae intra me sunt, nómini sancto ejus. **Vl.** Glória Patri.

Oratio

DEUS, qui, miro órdine, Angelórum ministéria hominúmque dispénsas: concéde propítius; ut, a quibus tibi ministrántibus in caelo semper assístitur, ab his in terra vita nostra muniátur. Per Dóminum.

Léctio libri Apocalýpsis beáti Joánnis Apóstoli.

Apoc. 1, 1-5

IN diébus illis: Significávit Deus quae opórtet fíeri cito, mittens per Angelum suum servo suo Joánni, qui

testimónium perhibuit verbo Dei, et testimónium Jesu Christi, quaecúmque vidit. Beátus qui legit et audit verba prophetiae hujus: et servat ea, quae in ea scripta sunt: tempus enim prope est. Joánnes septem ecclésiis, quae sunt in Asia. Grátia vobis, et pax ab eo, qui est, et qui erat, et qui ventúrus est: et a septem spirítibus, qui in conspéctu throni ejus sunt: et a Jesu Christo, qui est testis fidélis, primogénitus mortuórum, et princeps regum terrae, qui diléxit nos, et lavit nos a peccátis nostris in ságuine suo.

Allelúja , allelúja. **V.** Sancte Míchaël Archángele, defénde nos in praélio: ut non pereámus in treméndo júdicio. Allelúja. **V.** Concússum est mare, et contrémuit terra, ubi Archángelus Míchaël descéndit de caelo. Allelúja.

+ Sequéntia sancti Evangélii secúndum Matthaéum.

Matth. 18, 1-10

IN illo témpore: Accessérunt discípuli ad Jesum, dicétes: Quis, putas, major est in regno caelórum ? Et ádvocans Jesus párvulum stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei ut suspendátur mola asinária in collo ejus, et demergátur in profúndum maris. Vae mundo a scándalis. Necésse est enim ut véniant scándala: verúmtamen vae hómini illi, per quem scándalum venit. Si autem manus tua, vel pes tuus scandalízat te, abscíde eum, et prójice abs te: bonum tibi est ad vitam ingredi débilem, vel claudum, quam duas manus, vel duos pedes habéntem, mitti in ignem aetérnum. Et si óculus tuus scandalízat te, érue eum, et prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusíllis: dico enim vobis quia Angeli eórum in caelis semper vident fáciem Patris mei, qui in caelis est.

Credo.

Offertorium Apoc. 8, 3 et 4 Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei, allelúja.

Secreta

HÓSTIAS tibi, Dómine, laudis offérimus, supplíciter deprecántes: ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in saécula, allelúja.

Postcommunio

BEÁTI Archángeli tui Michaélis intercessióne suffúlti: súpplíces te, Dómine, deprecámur ; ut, quod ore proséquimur, contingámus et mente. Per Dóminum.

* **Pro votiva de S. Michaële, Tempore Paschali, Missa dicitur ut supra ; e xtra Tempus Paschale, ut in ejus Dedicacione, die 29 Septembris.**

Die 9 Maji

S. GREGORII NAZIANZENI

Episcopi, Confessoris et Ecclesiae Doctoris

Duplex

Missa In médio, **de Communi Doctorum, cum Epistola Justus 2 loco, et dicitur** Credo.

Oratio

C

DEUS, qui pópulo tuo aetérnae salútis beátum Gregórium mínístrum tribuísti: praesta, quaésumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Secreta

C

SANCTI Gregórii Pontíficis tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Postcommunio

C

UT nobis, Dómine, tua sacrificia dent salútem: beátus Gregórius Póntifex tuus et Doctor egrégius, quaesumus, precátor accédát. Per Dóminum.

Die 10 Maji
S. ANTONINI

Episcopi et Confessoris

Duplex

Missa Státuit, de Communi Confessoris Pontificis 1 loco, praeter Orationem sequentem.

Oratio

P

SANCTI Antoníni, Dómine, Confessóris tui atque Pontíficis méritis adjuvémur: ut, sicut te in illo mirábilem praedicámus, ita in nos misericórdem fuísse gloriémur. Per Dóminum.

Et fit Commemoratio Ss. Gordiani et Epimachi Martyrum.

Oratio

DA, quaesumus, omnípotens Deus: ut, qui beatórum Mártýrum tuórum Gordiáni et Epímachi solémnia cólimus, eórum apud te intercessiónibus adjuvémur. Per Dóminum.

Secreta

C

SANCTI tui, quaesumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Pro Ss. Gordiano et Epimacho
Secreta

HÓSTIAS tibi, Dómine, beatórum Mártýrum tuórum Gordiáni et Epímachi dicátas méritis, benígnus assúme: et ad perpétuum nobis tríbe proveníre subsídium. Per Dóminum.

Postcommunio

C

PRAESTA, quaesumus, omnípotens Deus: ut, de percéptis munéribus grátias exhibéntes, intercedénte beáto Antoníno Confessóre tuo atque Pontífice, beneficia potióra sumámus. Per Dóminum.

Pro Ss. Gordiano et Epimacho
Postcommunio

QUSUMUS, omnípotens Deus: ut, qui caeléstia aliménta percépimus, intercedéntibus sanctis Martýribus tuis Gordiáno et Epímacho, per haec contra ómnia advérta muniámur. Per Dóminum.

Eadem die 10 Maji

Pro SS. GORDIANO et EPIMACHO
Martyribus

Missa Sancti tui, de Communi Martyrum Tempore Paschali 2 loco, cum Orationibus et Epistola ut infra.

Oratio

P

DA, quaesumus, omnípotens Deus: ut, qui beatórum Mártýrum tuórum Gordiáni et Epímachi solémnia cólimus, eórum apud te intercessiónibus adjuvémur. Per Dóminum.

Léctio libri Apocalýpsis beáti Joánnis Apóstoli.

Apoc. 19, 1-9

IN diébus illis: Post haec ego Joánnes audívi quasi vocem turbárum multárum in caelo, dicéntium: Allelúja: salus, et glória, et virtus Deo nostro est: quia vera et justa judícia sunt ejus, qui judicávit de meretríce magna, quae corrúpit terram in prostitutíone sua, et vindicávit sánguinem servórum suórum de mánibus ejus. Et íterum dixerunt: Allelúja. Et fumus ejus ascéndit in saécula saeculórum. Et cecidérunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen:

Allelúja. Et vox de throno exívit, dicens: Laudem dícite Deo nostro omnes servi ejus ; et qui timétis eum, pusílli et magni. Et audivi quasi vocem turbae magnae, et sicut vocem aquárum multárum, et sicut vocem tonitruórum magnórum dicéntium: Allelúja: quóniam regnávít Dóminus Deus noster omnipotens. Gaudeámus, et exultémus, et demus glóriam ei: quia venérunt núptiae Agni, et uxor ejus praeparávit se. Et datum est illi ut coopériat se býssino splendénti, et cándido. Býssinum enim justificatiónes sunt Sanctórum. Et dixit mihi: Scribe: Beáti, qui ad cenam nuptiárum Agni vocáti sunt.

Secreta

P

HÓSTIAS tibi, Dómine, beatórum Mátyrum tuórum Gordiáni et Epímachi dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio

P

QUSUMUS, omnípotens Deus: ut, qui caeléstia aliménta percépimus, intercedéntibus sanctis Martýribus tuis Gordiáno et Epímacho, per haec contra ómnia advérsa muniámur. Per Dóminum.

* **Pro votiva extra Tempus Paschale, Missa Sapiéntiam, de Communi plurimorum Martyrum 2 loco, cum Orationibus ut supra.**

Die 11 Maji**SS. PHILIPPI ET JACOBI**

Apostolorum

Duplex II classis

* **Hodie, occurrente una ex tribus Feriis Rogationum, juxta Rubricas: 1** in Choro, post Tertiam semper dicitur Missa conventualis de Festo et, si fiat Processio, post Nonam Missa de Rogationibus ; 2 extra Chorum, in Feria II, si omittatur Processio, post Nonam legitur Missa de Rogationibus, et in Feria IV post Sextam semper Missa de Vigilia. De Feria autem et de Vigilia prohibentur Missae privatae.

Introitus **Neh. vel 2 Esdr. 9, 27**

CLAMAVÉRUNT ad te, Dómine, in témpore afflictiónis suae, et tu de caelo exaudísti eos, allelúja, allelúja. **Ps. 32, 1** Exsultáte, justi, in Dómino: rectos decet collaudátio. **Vl.** Glória Patri.

Oratio

DEUS, qui nos ánnua Apostolórum tuórum Philíppi et Jacóbi solemnitate laetíficas: praesta, quaésumus ; ut, quorum gaudémus méritis, instruámur exémpis. Per Dóminum.

Léctio libri Sapiéntiae.

Sap. 5, 1-5

STABUNT justi in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatióne insperátae salutis, dicéntes intra se, paeniténtiam agéntes, et prae angústia spíritus geméntes: Hi sunt, quos habúimus aliquándo in derísam et in similitúdinem improperii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúja, allelúja. **Vl. Ps. 88, 6** Confitebúntur caeli mirabília tua, Dómine: étenim veritátem tuam in ecclésia sanctórum. Allelúja. **Vl. Joann. 14, 9** Tanto témpore vobíscum sum, et non cognovístis me ? Philíppe, qui videt me, videt et Patrem meum. Allelúja.

+ Sequéntia sancti Evangéllii secúndum Joánnem.

Joann. 14, 1-13

IN illo témpore: Dixit Jesus discipulis suis: Non turbétur cor vestrum. Créditis in Deum, et in me créдите. In domo Patris mei mansiónes multae sunt. Si quo minus dixíssem vobis: Quia vado paráre vobis locum. Et si abíero, et praeparávero vobis locum: íterum vénio, et accípiam vos ad meípsum, ut ubi sum ego, et vos sitis. Et quo ego vado scitis, et viam scitis. Dicit ei Thomas: Dómine, nescímus quo vadis: et quómodo póssumus viam scire ? Dicit ei Jesus: Ego sum via, et véritas, et vita. Nemo venit ad Patrem nisi per me. Si cognovissétis me, et Patrem meum útique cognovissétis: et ámodo cognoscétis eum, et vidístis eum. Dicit ei Philíppus: Dómine, osténde nobis Patrem, et súfficit nobis. Dicit ei Jesus: Tanto témpore vobíscum sum, et non cognovístis me ? Philíppe, qui videt me, videt et Patrem. Quómodo tu dicis: Osténde nobis Patrem ?

Non créditis quia ego in Patre, et Pater in me est ? Verba, quae ego loquor vobis, a meípso non loquor. Pater autem in me manens, ipse facit ópera. Non créditis quia ego in Patre, et Pater in me est ? Alióquin propter ópera ipsa créдите. Amen, amen dico vobis, qui credit in me, ópera, quae ego fácio, et ipse fáciat, et majóra horum fáciat: quia ego ad Patrem vado. Et quodcúmque petiéritis Patrem in nómine meo, hoc fáciam.

Credo.

Offertorium Ps. 88, 6 Confitebúntur caeli mirabilia tua, Dómine: et veritátem tuam in ecclésia sanctórum, allelúja, allelúja.

Secreta

MÚNERA, Dómine, quae pro Apostolórum tuórum Philíppi et Jacóbi solemnitate deférimus, propítius súscipe: et mala ómnia, quae merémur, avérte. Per Dóminum.

Praefatio de Apostolis.

Communio Joann. 14, 9 et 10 Tanto témpore vobíscum sum, et non cognovístis me ? Philíppe, qui videt me, videt et Patrem meum: allelúja: non credis, quia ego in Patre, et Pater in me est ? Allelúja, allelúja.

Postcommunio

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

* **Pro votiva e xtra Tempus Paschale dicitur sequens Missa:**

Introitus **Neh. vel 2 Esdr. 9, 27**

CLAMAVÉRUNT ad te, Dómine, in témpore afflictiónis suae, et tu de caelo exaudísti eos. **Ps. 32, 1** Exultáte, justí, in Dómino: rectos decet collaudátio. **Vl.** Glória Patri.

Oratio

DEUS, qui nos Apostolórum tuórum Philíppi et Jacóbi commemoratióne laetíficas: praesta, quaesumus ; ut, quorum gaudémus méritis, instruámur exémpis. Per Dóminum.

Léctio Epístolae beáti Pauli Apóstoli ad Ephésios.

Ephes. 4, 7-13

FRATRES: Unicúque nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferióres partes terrae ? Qui descéndit, ipse est et qui ascéndit super omnes caelos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres, et doctóres, ad consummationem sanctórum in opus ministérii, in aedificatiónem córporis Christi: donec occurrámus omnes in unitátem fídei et agnitiónis Fílii Dei, in virum perféctum, in mensúram aetátis plenitúdinis Christi.

Graduale Ps. 44, 17-18 Constitúes eos príncipes super omnem terram: mémoires erunt nóminis tui, Dómine. **Vl.** Pro pátribus tuis nati sunt tibi fílii: proptérea pópuli confitebúntur tibi.

Allelúja, allelúja. **Vl.** **Joann. 14, 9** Tanto témpore vobíscum sum, et non cognovístis me ? Philíppe, qui videt me, videt et Patrem meum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **Vl.** Eúntes ibant et flebant, mitténtes sémina sua. **Vl.** Veniéntes autem vénient cum exsultatióne, portántes manipulos suos.

Evangelium ut supra.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

MÚNERA, Dómine, quae pro Apostolorum tuorum Philippi et Jacóbi commemoratióne deférimus, propítius súscipe: et mala ómnia, quae merémur, avérte. Per Dóminum.

Praefatio de Apostolis.

Communio Joann. 14, 9 et 10 Tanto témpore vobíscum sum, et non cognovístis me ? Philíppe, qui videt me, videt et Patrem meum: non credis, quia ego in Patre, et Pater in me est ?

Postcommunio

QUSUMUS, Dómine, salutáribus repléti mystériis: ut, quorum memóriam celebrámus, eórum oratióibus adjuvémur. Per Dóminum.

Die 12 Maji

SS. NEREI et ACHILLEI
Martyrum,

DOMITILLAE

Virginis et Martyris,
atque PANCRATII
Martyris

Semiduplex

Introitus **Ps. 32, 18, 19 et 20**

ECCE óculi Dómini super timéntes eum, sperántes in misericórdia ejus, allelúja: ut erípiat a morte ánimas eórum: quóniam adjútor, et protéctor noster est, allelúja, allelúja. **Ps. ibid., 1** Exsultáte, justi, in Dómino: rectos decet collaudátio. **V.** Glória Patri.

Oratio

SEMPER nos, Dómine, Mártyrum tuorum Nérei, Achíllej, Domitíllae atque Pancrátii fóveat, quaésumus, beáta solémnitas: et tuo dignos reddat obséquio. Per Dóminum.

Léctio libri Sapiéntiae.

Sap. 5, 1-5

STABUNT justi in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatióne insperátae salutis, dicéntes intra se, paeniténtiam agéntes, et prae angústia spíritus geméntes: Hi sunt, quos habúimus aliquándo in derísium et in similitúdinem impropérii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúja, allelúja. V. Haec est vera fratérnitas, quae vicit mundi crímina: Christum secúta est, ínclita tenens regna caeléstia. **Allelúja. V.** Te Mártyrum candidátus laudat exércitus, Dómine. **Allelúja.**

+ Sequéntia sancti Evangélii secúndum Joánnem.

Joann. 4, 46-53

IN illo témpore: Erat quidam régulus, cujus fílius infirmabátur Caphárnaum. Hic cum audísset, quia Jesus adveníret a Judaéa in Galilaéam, ábiit ad eum, et rogábat eum ut descénderet, et sanáret fílium ejus: incipiébat enim mori. Dixit ergo Jesus ad eum: Nisi signa et prodígia vidéritis, non créditis. Dicit ad eum régulus: Dómine, descénde priúsqvam moriátur fílius meus. Dicit ei Jesus: Vade, fílius tuus vivit. Crédidit homo sermóni, quem dixit ei Jesus, et ibat. Jam autem eo descendénte, servi occurrérunt ei, et nuntiavérunt dicéntes, quia fílius ejus víveret. Interrogábat ergo horam ab eis, in qua mélius habúerit. Et dixerunt ei: Quia heri hora séptima relíquit eum febris. Cognóvit ergo pater, quia illa hora erat, in qua dixit ei Jesus: Fílius tuus vivit: et crédidit ipse, et domus ejus tota.

Offertorium Ps. 88, 6 Confitebúntur caeli mirabília tua, Dómine: et veritátem tuam in ecclésia sanctórum, allelúja, allelúja.

Secreta

SANCTORUM Mátyrum tuorum, quaesumus, Domine, Nérei, Achillei, Domitillae atque Pancratii sit tibi grata confessio: quae et munera nostra commendet, et tuam nobis indulgentiam semper imploret. Per Dominum.

Communio Ps. 32, 1 Gaudete, justi, in Domino, allelúja: rectos decet collaudatio, allelúja.

Postcommunio

QUSUMUS, Domine, ut beatorum Mátyrum tuorum, Nérei, Achillei, Domitillae atque Pancratii deprecationibus, sacramenta sancta, quae sumpsimus, ad tuae nobis proficiant placationis augmentum. Per Dominum.

* Pro votiva extra Tempus Paschale dicitur sequens Missa:

Introitus **Ps. 36, 39**

SALUS autem justorum a Domino: et protector eorum est in tempore tribulationis. **Ps. ibid., 1** Noli aemulari in malignantibus: neque zelaveris facientes iniquitatem. **Vl.** Glória Patri.

Oratio

SEMPER nos, Domine, Mátyrum tuorum Nérei, Achillei, Domitillae atque Pancratii foveat, quaesumus, beata sollemnitas: et tuo dignos reddat obsequio. Per Dominum.

Lectio Epistolae beati Petri Apostoli.

1 Petr. 4, 13-19

CARÍSSIMI: Communicantes Christi passionibus gaudete, ut et in revelatione gloriae ejus gaudeatis exultantes. Si exprobramini in nomine Christi, beati eritis: quoniam quod est honoris, gloriae, et virtutis Dei, et qui est ejus Spiritus, super vos requiescit. Nemo autem vestrum patiatur ut homicida, aut fur, aut malédicus, aut alienorum appetitor. Si autem ut christianus, non erubescat: glorificet autem Deum in isto nomine. Quoniam tempus est, ut incipiat iudicium a domo Dei. Si autem primum a nobis: quis finis eorum, qui non credunt Dei Evangelio? Et si justus vix salvabitur, impius et peccator ubi parébunt? Itaque et hi, qui patiuntur secundum voluntatem Dei, fideli Creatori commendent animas suas in benefactis.

Graduale Exodi 15, 11 Gloriosus Deus in sanctis suis: mirabilis in maiestate, faciens prodigia. **Vl. Ibid., 6** Dextera tua, Domine, glorificata est in virtute: dextera manus tua confrégit inimicos.

Allelúja, allelúja. **Vl.** Haec est vera fraternitas, quae vicit mundi crimina: Christum secuta est, inclita tenens regna caeléstia. Allelúja.

Evangelium Erat quidam régulus, ut supra.

Offertorium Ps. 123, 7 Anima nostra sicut passer erepta est de laqueo venantium: laqueus contritus est, et nos liberati sumus.

Secreta

SANCTORUM Mátyrum tuorum, quaesumus, Domine, Nérei, Achillei, Domitillae atque Pancratii sit tibi grata confessio: quae et munera nostra commendet, et tuam nobis indulgentiam semper imploret. Per Dominum.

Communio Matth. 25, 40 et 34 Amen dico vobis: quod uni ex minimis meis fecistis, mihi fecistis: veníte, benedícti Patris mei, possidete paratum vobis regnum ab initio saeculi.

Postcommunio

QUSUMUS, Domine, ut beatorum Mátyrum tuorum, Nérei, Achillei, Domitillae atque Pancratii deprecationibus, sacramenta sancta, quae sumpsimus, ad tuae nobis proficiant placationis augmentum. Per Dominum.

Die 13 Maji

S. ROBERTI BELLARMINO

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiæ apéruit os ejus: et implévit eum Dóminus spírítu sapiéntiæ, et intelléctus: stolam glóriæ índuit eum, allelúja, allelúja. **Ps. 91, 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, qui ad errórum insídias repelléndas et Apostólicæ Sedis jura propugnánda, beátum Robértum Pontíficem tuum atque Doctórem mira eruditióné et virtúte decorásti: ejus méritis et intercessióné concéde: ut nos in veritátis amóre crescámus, et errántium corda ad Ecclésiæ tuæ rédeant unitátem. Per Dóminum.

Léctio libri Sapiéntiæ.

Sap. 7, 7-14

OPTÁVI, et datus est mihi sensus: et invocávi, et venit in me spírítus sapiéntiæ: et praepósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósum: quóniam omne aurum in comparatióne illíus, aréna est exígua, et tamquam lutum aestimábitur argéntum in conspéctu illíus. Super salútem et spéciem diléxi illam, et propósui pro luce habére illam: quóniam inextinguibile est lumen illíus. Venérunt autem mihi ómnia bona páriter cum illa, et innumerábilis honéstas per manus illíus, et laetátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictiÓne dídici, et sine invídiá commúnico, et honestátem illíus non abscóndo. Infínitus enim thesáurus est homínibus: quo qui usi sunt, partícipes facti sunt amicítiae Dei, propter disciplínae dona commendáti.

Allelúja, allelúja. **Vl. Dan. 12, 3** Qui docti fúerint, fulgébunt quasi splendor firmaménti. Allelúja. **Vl. Ibid.** Qui ad justítiam erúdiunt multos, quasi stellae in perpétuas aeternitátes. Allelúja.

In Missis votivis, extra Tempus Paschale, dicitur

Graduale Eccli. 44, 16-17 Ecce sacérdos magnus, qui in diébus suis plácuít Deo et invéntus est justus. **Vl. Ibid., 20** Non est invéntus similis illi, qui conserváret legem Excélsi. Allelúja, allelúja. **Vl. Dan. 12, 3** Qui docti fúerint, fulgébunt quasi splendor firmaménti. Allelúja.

Post Septuagesimam, omissis Allelúja et Versu sequenti, dicitur

Tract. Ps. 91, 2, 3, 5 Bonum est confitéri Dómino et psállere nómini tuo, Altíssime. **Vl.** Ad annuntiándum mane misericórdiam tuam, et veritátem tuam per noctem. **Vl.** Quia delectásti me, Dómine, in factúra tua, et in opéribus mánuum tuárum exsultábo.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discípulis suis: Vos estis sal terrae. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscóndi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvete legem, aut prophétas: non veni sólvete, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómnes, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Credo.

Offertorium Ps. 72, 28 Mihi autem adhaerére Deo bonum est, pónere in Dómino Deo spem meam: ut annúntiem omnes praedicationés tuas in portis filíae Sion, allelúja.

Secreta

HÓSTIAS tibi, Dómine, in odórem suavitátis offérimus; et praesta: ut beáti Robéerti mónitis et exémplis edócti, per sémitam mandatórum tuórum dilatáto corde currámus. Per Dóminum.

Communio Matth. 5, 14, 16 Vos estis lux mundi: sic luceat lux vestra coram hominibus, ut videant opera vestra bona, et glorificent Patrem vestrum qui in caelis est, allelúja.

Postcommunio

SACRAMÉNTA, quae sumpsimus, Dómine Deus noster, in nobis foveant caritátis ardórem: quo beátus Robértus veheménter accénsus, pro Ecclésia tua se júgiter impendébat. Per Dóminum.

Die 14 Maji
S. BONIFATII

Martyris

Simplex

Missa Protexísti, de **Communi Martyrum Tempore Paschali 1 loco, cum Orationibus ut infra:**

Oratio P

DA, quaesumus, omnipotens Deus: ut, qui beáti Bonifátii Mártiris tui solémnia cólimus, ejus apud te intercessiónibus adjuvémur. Per Dóminum.

Secreta C

MUNÉRIBUS nostris, quaesumus, Dómine, precibusque susceptis: et caeléstibus nos munda mystériis, et cleménter exáudi. Per Dóminum.

Postcommunio C

REFÉCTI participatióne muneris sacri, quaesumus, Dómine Deus noster: ut, cujus exséquimur cultum, intercedénte beáto Bonifátio Mártire tuo, sentiámus efféctum. Per Dóminum.

* **Pro votiva extra Tempus Paschale, Missa** In virtúte, de **Communi unius Martyris 3 loco, cum Orationibus ut supra.**

Die 15 Maji
S. JOANNIS BAPTISTAE DE LA SALLE

Confessoris

Duplex

Introitus **Ps. 36, 30-31**

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus, allelúja, allelúja. **Ps. ibid., 1** Noli aemulári in malignántibus: neque zeláveris faciéntes iniquitátem. **VI.** Glória Patri.

Oratio

DEUS, qui ad cristiánam páuperum eruditiónem, et ad juvéntam in via veritátis firmándam, sanctum Joánnem Baptistam Confessórem excitásti, et novam per eum in Ecclésia familiam collegísti: concéde propítius ; ut, ejus intercessióne et exémplo, stúdio glórie tuae in animárum salúte fervéntes, ejus in caelis corónae partícipes fíeri valeámus. Per Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est tránsgréssus: fácere mala, et non fecit: ídeo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Allelúja, allelúja. **VI. Jac. 1, 12** Beátus vir, qui suffert tentatiónem: quóniam cum probátus fúerit, accípiet corónam vitae. Allelúja. **VI. Eccli. 45, 9** Amávit eum Dóminus, et ornávit eum: stolam glórie índuit eum. Allelúja.

In Missis votivis per annum dicitur

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **Vl. Jac. 1, 12** Beátus vir, qui suffert tentatióem: quóniam cum probátus fúerit, accipiet corónam vitae. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangéllii secúndum Matthaéum.

Matth. 18, 1-5

IN illo témpore: Accessérunt discípuli ad Jesum, dicéntes: Quis, putas, major est in regno caelórum ? Et ádvocans Jesus párvulum, státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus, allelúja.

Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum, allelúja.

Postcommunio

REFÉCTI cibo potúque caelésti, Deus noster, te súpplikes exorámus: ut, in cujus haec commemoratióne percépimus, ejus muniámur et précibus. Per Dóminum.

* **A Dominica I Post Pentecosten usque ad Sabbatum ant e Dominicam I Adventus inclusive, in omnibus Missis de Officio Semiduplici aut Simplici et in Missis votivis, quae pro re gravi et publica simul causa non sint, dicuntur, juxta Rubricas, Orationes pro diversitate Temporum assignatae, nempe 2a ad poscenda suffragia Sanctorum A cunctis, et 3a ad libitum eligenda.**

Die 16 Maji
S. UBALDI

Episcopi et Confessoris

Semiduplex

Missa Státuit, de Communi Confessoris Pontificis 1 loco, praeter Orationem sequentem.

Oratio P

AUXÍLIUM tuum nobis, Dómine, quaésumus, placátus impénde: et, intercessióne beáti Ubáldi Confessóris tui atque Pontificis, contra omnes diáboli nequítias délixteram super nos tuae propitiatiónis exténde. Per Dóminum.

Secreta C

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Postcommunio C

PRAESTA, quaesumus, omnipotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, benefícia potióra sumámus. Per Dóminum.

Die 17 Maji
S. PASCHALIS BAYLON

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio P

DEUS, qui beátum Paschálem Confessórem tuum mirífica erga córporis et ságuinis tui sacra mystéria dilectióne decorásti: concéde propítius ; ut, quam ille ex hoc divíno convívio spíritus percépit pinguédinem, eámdem et nos percípere mereámur: Qui vivis.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Postcommunio C

REFÉCTI cibo potúque caelésti, Deus noster, te súpplícés exorámus: ut, in cujus haec commemoratióne percépimus, ejus muniámur et précibus. Per Dóminum.

Die 18 Maji
S. VENANTII

Martyris

Duplex

Tempore Paschali

Introitus Ps. 63, 3

PROTEXISTI me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratióne meam cum déprecor: a timóre inimíci éripe ánimam meam. *Vl.* Glória Patri.

Oratio

DEUS, qui hunc diem beáti Venántii Mártiris tui triúmpho consecrásti: exáudi preces pópuli tui, et praesta ; ut, qui ejus mérita venerámur, fidei constántiam imitémur. Per Dóminum.

Léctio libri Sapiéntiae.

Sap. 5, 1-5

STABUNT justi in magna constántia advérsus eos, qui se angustiavérunt, et qui abstulérunt labóres eórum. Vidéntes turbabúntur timóre horríbili, et mirabúntur in subitatióne insperátae salútis, dicéntes intra se, paeniténtiam agéntes, et prae angústia spíritus geméntes: Hi sunt, quos habúimus aliquándo in derísium et in similitúdinem impropérii. Nos insensáti vitam illórum aestimabámus insániam, et finem illórum sine honóre: ecce quómodo computáti sunt inter filios Dei, et inter sanctos sors illórum est.

Allelúja, allelúja. *Vl.* Ps. 88, 6 Confitebúntur caeli mirabília tua, Dómine: étenim veritátem tuam in ecclésia sanctórum. Allelúja. Ps. 20, 4 Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Joánnem.

Joann. 15, 1-7

IN illo témpore: Dixit Jesus discípulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánserit in vite: sic nec vos, nisi in me manséritis.

Ego sum vitis, vos pálmities: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit: mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluéritis, petétis, et fiet vobis.

Offertorium Ps. 88, 6 Confitebúntur caeli mirabilia tua, Dómine: et veritátem tuam in ecclésia sanctórum, allelúja, allelúja.

Secreta

HANC oblatiónem, omnípotens Deus, beáti Venántii mérita tibi reddant accéptam: ut, ipsíus subsidiis adjúti, glóriæ ejus consórtes efficiámur. Per Dóminum.

Communio Ps. 63, 11 Laetábitur justus in Dómino, et sperábit in eo: et laudabúntur omnes recti corde, allelúja, allelúja.

Postcommunio

SÚMPSIMUS, Dómine, aetérnae vitæ sacraménta, te humíliter deprecántes: ut, beáto Venántio Mártire tuo pro nobis deprecánte, véniam nobis concíliet, et grátiam. Per Dóminum.

E xtra Tempus Paschale Missa In virtúte, **de Communi unius Martyris 3 loco** , cum **Orationibus ut supra.**

Die 19 Maji

S. PETRI CAELESTINI

Papae et Confessoris

Duplex

Missa Si díligis me, **de Communi Summorum Pontificum, praeter Orationem sequentem.**

Oratio

P

DEUS, qui beátum Petrum Caelestínum ad summi pontificátus ápicem sublimásti, quique illum humilitáti postpónere docuísti: concéde propítius ; ut e jus exémplo cuncta mundi despícere, et ad promíssa humílibus praemia perveníre felíciter mereámur. Per Dóminum.

Et fit Commemoratio S. Pudencianae Virginis.

Oratio

EXÁUDI nos, Deus salutáris noster: ut, sicut de beátae Pudenciánae Vírginis tuae festivitáte gaudémus ; ita piaev devotiónis erudiámur afféctu. Per Dóminum.

Secreta

C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Pro S. Pudenciana

Secreta

ACCÉPTA tibi sit, Dómine, sacrátae plebis oblatio pro tuórum honóre Sanctórum: quorum se méritis de tribulatióne percepísse cognóscit auxiliium. Per Dóminum.

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Pro S. Pudenciana

Postcommunio

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Eadem die 19 MajiPro S. PUDENTIANA
Virgine

Missa Dilexisti, de Communi Virginum 3 loco.

Die 20 Maji
S. BERNARDINI SENENSISConfessoris
Semiduplex

Introitus Ps. 36, 30-31

OS justī meditābitur sapiēntiam, et lingua ejus loquētur judīcium: lex Dei ejus in corde ipsius. (T. P. Allelūja, allelūja.) Ps. *ibid.*, 1 Noli aemulāri in malignāntibus: neque zelāveris faciēntes iniquitātem. V/. Glória Patri.**Oratio**

DÓMINE Jesu, qui beāto Bernardīno Confessōri tuo exīmium sancti nōminis tui amōrem tribuisti: ejus, quaesumus, mēritis et intercessiōne, spīritum nobis tuae dilectiōnis benīgnus infūnde: Qui vivis.

Lectio libri Sapiēntiae.
Eccli. 31, 8-11

BEÁTUS vir, qui invēntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est tránsgrēssus: fácere mala, et non fecit: ideo stabílita sunt bona illius in Dómino, et eleemósynas illius enarrábit omnis ecclēsia sanctorum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. V/. *Ibid.*, 3 Ad annuntiāndum mane misericórdiam tuam, et veritātem tuam per noctem. Allelūja, allelūja. V/. Jac. 1, 12 Beátus vir, qui suffert tentatiōnem: quóniam cum probátus fúerit, accípiet corónam vitae. Allelūja.**Tempore Paschali omittitur Graduale, et ejus loco dicitur:**

Allelūja, allelūja. V/. Jac. 1, 12 Beátus vir, qui suffert tentatiōnem: quóniam cum probátus fúerit, accípiet corónam vitae. Allelūja. V/. Eccli. 45, 9 Amávit eum Dóminus, et ornávit eum: stolam glóriae índuit eum. Allelūja.

+ Sequēntia sancti Evangélii secúndum Matthaéum.
Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratiōne, cum séderit Fílius hóminis in sede majestátis suae, sedébitis et vos super sedes duódecim, judicāntes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Offertorium Ps. 88, 25 Véritas mea, et misericórdia mea cum ipso: et in nómīne meo exaltábitur cornu ejus. (T. P. Allelūja.)**Secreta**

LAUDIS tibi, Dómine, hóstias immolámus in tuórum commemoratiōne Sanctorum: quibus nos et praeséntibus éxui malis confídimus et futúris. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilāntem: amen dico vobis, super ómnia bona sua constítuet eum. (T. P. Allelūja.)**Postcommunio**

REFÉCTI cibo potúque caeléstī, Deus noster, te súplices exorámus: ut, in cujus haec commemoratiōne percépimus, ejus muniámur et précibus. Per Dóminum.

Die 25 Maji
S. GREGORII VII

Papae et Confessoris

Duplex

Missa Si diligis me, de Communi Summorum Pontificum, praeter Orationem sequentem.

Oratio P

DEUS, in te sperantium fortitudo, qui beatum Gregorium Confessorem tuum atque Pontificem, pro tuenda Ecclesiae libertate, virtute constantiae roborasti: da nobis, ejus exemplo et intercessione, omnia adversantia fortiter superare. Per Dominum.

Et fit Commemoratio S. Urbani I Papae et Martyris.

Oratio C 1

GREGEM tuum, Pastor aeternae, placatus intende: et per beatum Urbanum Martyrem tuum atque Summum Pontificem, perpetua protectione custodi; quem totius Ecclesiae praestitisti esse pastorem. Per Dominum.

Secreta C 1

OBLATIS muneribus, quaesumus, Domine, Ecclesiam tuam benignus illumina: ut, et gregis tui proficiat ubique successus, et grati fiant nomini tuo, te gubernante, pastores. Per Dominum.

Pro S. Urbano

Secreta C 2

MUNERA, quae tibi, Domine, laetantes offerimus, suscipe benignus, et praesta: ut, intercedente beato Urbano, Ecclesia tua et fidei integritate laetetur, et temporum tranquillitate semper exsultet. Per Dominum.

Postcommunio C 1

REFECTIOE sancta nutritam gubernata, quaesumus, Domine, tuam placatus Ecclesiam: ut potenti moderatone directa, et incrementa libertatis accipiat, et in religionis integritate persistat. Per Dominum.

Pro S. Urbano

Postcommunio C 2

MULTIPLICA, quaesumus, Domine, in Ecclesia tua spiritum gratiae, quem dedisti: ut, beati Urbani Martyris tui atque Summi Pontificis deprecatione, nec pastori obedientia gregis, nec gregi desit cura pastoris. Per Dominum.

Eadem die 25 Maji

Pro S. URBANO I
 Papa et Martyre

Missa Si diligis me, de Communi Summorum Pontificum.

Die 26 Maji
S. PHILIPPI NERII

Confessoris

Duplex

Introitus Rom. 5, 5

CARITAS Dei diffusa est in cordibus nostris per inhabitantem Spiritum ejus in nobis. (T. P. Allelujá, allelujá.) Ps. 102, 1 Benedic, anima mea, Domino: et omnia quae intra me sunt, nomini sancto ejus. V/. Glória Patri.

Oratio

DEUS, qui beatum Philippum Confessorem tuum Sanctorum tuorum gloria sublimasti: concede propitius; ut, cujus solemnitate laetamur, ejus virtutum proficiamus exemplo. Per Dominum.

Et fit Commemoratio S. Eleutherii Papae et Martyris.

Oratio

GREGEM tuum, Pastor aetérne, placátus inténde: et per beátum Eleuthérium Mártyrem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Léctio libri Sapiéntiae.

Sap. 7, 7-14

OPTÁVI, et datus est mihi sensus: et invocávi, et venit in me spíritus sapiéntiae: et praepósui illam regnis et sédibus, et divítias nihil esse duxi in comparatióne illíus: nec comparávi illi lápidem pretiósum: quóniam omne aurum in comparatióne illíus, aréna est exígua, et tamquam lutum aestimábitur argéntum in conspéctu illíus. Super salutem et spéciem diléxi illam, et propósui pro luce habére illam: quóniam inextinguíbile est lumen illíus. Venérunt autem mihi ómnia bona páriter cum illa, et innumerábilis honestas per manus illíus, et laetátus sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici, et sine invídia commúnico, et honestátem illíus non abscóndo. Infinítus enim thesáurus est homínibus: quo qui usi sunt, partícipes facti sunt amicitiae Dei, propter disciplínae dona commendáti.

Graduale Ps. 33, 12 et 6 Veníte, filii, audíte me: timórem Dómini docébo vos. **V.** Accédite ad eum, et illuminámini: et fácies vestrae non confundéntur.

Allelúja, allelúja. **V.** **Thren. 1, 13** De excélsio misit ignem in óssibus meis, et erudívit me. Allelúja.

Tempore Paschali omittitur Graduale, et ejus loco dicitur:

Allelúja, allelúja. **V.** **Thren. 1, 13** De excélsio misit ignem in óssibus meis, et erudívit me. Allelúja. **V.** **Ps. 38, 4** Concáluit cor meum intra me: et in meditatióne mea exardéscet ignis. Allelúja.

+ Sequéntia sancti Evangélii secúndum Lucam.

Luc. 12, 35-40

IN illo témpore: Dixit Jesus discíplulis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod praecínget se, et fáciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium Ps. 118, 32 Viam mandatórum tuórum cucúrri, cum dilatásti cor meum. **(T. P. Allelúja.)**

Secreta

SACRIFÍCIIS praeséntibus, quaesumus, Dómine, inténde placátus: et praesta ; ut illo nos igne Spíritus Sanctus inflámmet, quo beáti Philíppi cor mirábiliter penetrávit. Per Dóminum... in unitáte ejúsdem Spíritus.

Pro S. Eleutherio

Secreta

OBLÁTIS munéribus, quaesumus, Dómine, Ecclésiám tuam benígna illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Communio Ps. 83, 3 Cor meum et caro mea exsultavérunt in Deum vivum. **(T. P. Allelúja.)**

Postcommunio

CAELÉSTIBUS, Dómine, pasti delíciis: quaesumus ; ut beáti Philíppi Confessóris tui méritis et imitatióne, semper éadem, per quae veráciter vivimus, appetámus. Per Dóminum.

Pro S. Eleutherio

Postcommunio

REFECTIÓNE sancta enutritam gubérna, quaesumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Eadem die 26 Maji

Pro S. ELEUTHERIO
Papa et Martyre

Missa Si diligis me, de Communi Summorum Pontificum.

Die 27 Maji

S. BEDAE VENERABILIS

Confessoris et Ecclesiae Doctoris

Duplex

Missa In médio, de Communi Doctorum, praeter Orationem sequentem, et dicitur Credo.

Oratio

P

DEUS, qui Ecclesiam tuam beáti Bedae Confessóris tui atque Doctóris eruditíone clarificas, concéde propítius fámulis tuis ; ejus semper illustrári sapiéntia et méritis adjuvári. Per Dóminum.

Et fit Commemoratio S. Joannis I Papae et Martyris.

Oratio

GREGEM tuum, Pastor aetérne, placátus inténde: et per beátum Joánnem Mártýrem tuum atque Summum Pontíficem, perpétua protectíone custódi ; quem totíus Ecclesiae praestítisti esse pastórem. Per Dóminum.

Secreta

C

SANCTI Bedae Confessóris tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Pro S. Joanne
Secreta

OBLÁTIS munéribus, quaésumus, Dómine, Ecclesiam tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

UT nobis, Dómine, tua sacrificia dent salútem: beátus Beda Conféssor tuus et Doctor egrégíus, quaésumus, precátor accédát. Per Dóminum.

Pro S. Joanne
Postcommunio

REFECTÍONE sancta enutrítam gubérna, quaésumus, Dómine, tuam placátus Ecclesiam: ut poténti moderatíone dirécta, et increménta libertátis accípiat, et in religiónis integritáte persístat. Per Dóminum.

Eadem die 27 Maji

Pro S. JOANNE I
Papa et Martyre

Missa Si diligis me, de Communi Summorum Pontificum.

Die 28 Maji

S. AUGUSTINI

Episcopi et Confessoris

Duplex

Introitus Ps. 131, 9-10

SACERDÓTES tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. (T. P. Allelúja, allelúja.) Ps. *ibid.*, 1 Meménto, Dómine, David: et omnis mansuetúdinis ejus. V/. Glória Patri.

Oratio

DEUS, qui Anglórum gentes, praedicatióne et miraculis beáti Augustíni Confessóris tui atque Pontíficis, verae fidei luce illustráre dignátus es: concéde ; ut, ipso interveniēte, errántium corda ad veritátis tuae rédeant unitátem, et nos in tua simus voluntáte concórdes. Per Dóminum.

Léctio Epístolae beáti Pauli Apóstoli ad Thessalonicénses.

1 Thess. 2, 2-9

FRATRES: Fidúciam habúimus in Deo nostro loqui ad vos Evangélium Dei in multa sollicitúdine. Exhortátio enim nostra non de erróre, neque de immundítia, neque in dolo, sed sicut probáti sumus a Deo, ut crederétur nobis Evangélium: ita lóquimur, non quasi homínibus placéntes, sed Deo, qui probat corda nostra. Neque enim aliquándo fúimus in sermóne adulatiónis, sicut scitis: neque in occasióne avarítiae: Deus testis est: nec quaerétes ab homínibus glóriam, neque a vobis, neque ab áliis: cum possémus vobis óneri esse ut Christi Apóstoli: sed facti sumus párvuli in médio vestrum, tamquam si nutrix fóveat filios suos. Ita desiderántes vos, cúpide volebámus trádere vobis non solum Evangélium Dei, sed étiam ánimas nostras: quóniam caríssimi nobis facti estis. Mémoires enim estis, fratres, labóris nostri, et fatigatiónis: nocte ac die operátes, ne quem vestrum gravarémus, praedicávimus in vobis Evangélium Dei.

Graduale Ps. 131, 16-17 Sacerdótes ejus índuam salutári: et sancti ejus exsultatióne exsultábunt. **V/.** Illuc producám cornu David: parávi lucérnam Christo meo.

Allelúja , allelúja. **V/.** Ps. 109, 4 Jurávit Dóminus, et non paenitébit eum: Tu es sacerdos in aetérnum, secúndum órđinem Melchisedech. Allelúja.

Tempore Paschali omittitur Graduale, et ejus loco dicitur:

Allelúja , allelúja. **V/.** Ps. 109, 4 Jurávit Dóminus, et non paenitébit eum: Tu es sacerdos in aetérnum, secúndum órđinem Melchisedech. Allelúja. **V/.** Eccli. 45, 9 Amávit eum Dóminus, et ornávit eum: stolam glóriae índuit eum. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infírmos, qui in illa sunt, et dícite illis: Appropinquávit in vos regnum Dei.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

SACRIFÍCIUM tibi offérimus, Dómine, in solemnitate beáti Augustíni Pontíficis et Confessóris tui, humíliter deprecátes: ut oves, quae periérunt, ad unum ovíle revérsae, hoc salutári pábulo nutriántur. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum. (T. P. Allelúja.)

Postcommunio

HÓSTIA salutári refécti: te, Dómine, súplices exorámus ; ut eádem, beáti Augustíni interveniēte suffrágio, in omni loco nómini tuo júgiter immolétur. Per Dóminum.

Die 29 Maji

S. MARIAE MAGDALENAE DE PAZZIS

Virginis

Semiduplex

Missa Dilexísti, de Communi Virginum 3 loco, praeter Orationem sequentem.

Oratio P

DEUS, virginitatis amátor, qui beátam Mariám Magdalénam Vírginem, tuo amóre succénsam, caeléstibus donis decorásti: da, ut, quam festíva celebritáte venerámur, puritáte et caritáte imitémur. Per Dóminum.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio C

SATIÁSTI, Dómine, familiam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 30 Maji
S. FELICIS I

Papae et Martyris

Simplex

Missa Si díligis me, de Communi Summorum Pontificum.

Oratio C

GREGEM tuum, Pastor aetérne, placátus inténde: et per beátum Felícem Mártirem tuum atque Summum Pontíficem, perpétua protectióne custódi; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 31 Maji
BEATAE MARIAE VIRGINIS REGINAE

Duplex II classis

Introitus

GAUDEÁMUS omnes in Dómino, diem festum celebrántes sub honóre beátae Mariæ Vírginis Reginae: de cujus solemnitate gaudent Angeli, et colláudant Fílium Dei. (T. P. Allelúja, allelúja.) Ps. 44, 2 Eructávit cor meum verbum bonum: dico ego ópera mea Regi. V. Glória Patri.

Oratio

CONCÉDE nobis, quaésumus, Dómine: ut, qui solemnitétem beátae Mariæ Vírginis Reginae nostrae celebrámus; ejus muníti praesídio, pacem in praesénti et glóriam in futúro cónsequi mereámur. Per Dóminum.

Et, in Missis privatis tantum, fit Commemoratio S. Petronillae Virginis.

Oratio

EXÁUDI nos, Deus, salutáris noster: ut, sicut de beátae Petronillae Vírginis tuae festivitáte gaudémus; ita pia devotiónis erudiámur afféctu. Per Dóminum.

Léctio libri Sapiéntiae.

Eccli. 24, 5 et 7, 9-11, 30-31

EGO ex ore Altíssimi prodívi, primogénita ante omnem creatúram; ego in altíssimis habitávi, et thronus meus in colúmna nubis. In omni terra steti et in omni pópulo, et in omni gente primátum hábui, et ómnium

excelléntium et humílium corda virtúte calcávi. Qui audit me, non confundétur, et qui operátur in me, non peccábunt ; qui elúcidant me, vitam aetérnam habébunt.

Allelúja , allelúja. *V/.* Beáta es, Virgo María, quae sub cruce Dómini sustinuísti, allelúja. *V/.* Nunc cum eo regnas in aetérnum. Allelúja.

Extra Tempus Paschale dicitur:

Graduale Apoc. 19, 16 Ipse habet in vestiméto et in fémore suo scriptum: Rex regum, et Dóminus dominántium. *V/.* **Ps. 44, 10** Astitit Regína a dextris tuis in vestítu deauráto: circúmdata varietáte. Allelúja, allelúja. *V/.* Salve, Regína misericórdiae, tu nos ab hoste prótege, et mortis hora súscipe. Allelúja.

+ Sequéntia sancti Evangéllii secúndum Lucam.

Luc. 1, 26-33

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis.

Credo.

Offertorium Regáli ex progénie María exórta refúlget ; cujus précibus nos adjuvári, mente et spírítu devotíssime póscimus. (*T. P.* Allelúja.)

Secreta

ACCIPE, quaesumus, Dómine, múnera laetántis Ecclésiae, et, beátae Vírginis María Regínae suffragántibus méritis, ad nostrae salutis auxili-um proveníre concéde. Per Dóminum.

Pro S. Petronilla

Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxili-um. Per Dóminum.

* **Praefatio de beata Maria Virgine** Et te in festivitáte.

Communio Regína mundi digníssima, María Virgo perpétua, intercéde pro nostra pace et salute, quae genuísti Christum Dóminum Salvatórem ónium. (*T. P.* Allelúja.)

Postcommunio

CELEBRÁTIS solémniis, Dómine, quae pro sanctae María, Regínae nostrae, festivitáte perégimus: ejus, quaesumus, nobis intercessióne fiant salutária ; in cujus honóre sunt exsultánte impléta. Per Dóminum.

Pro S. Petronilla

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Eadem die 31 Maji

Pro S. PETRONILLA
Virgine

Missa Vultum tuum, de **Communi Virginum 4 loco.**

FESTA JUNII

* **Post Octavam Pentecostes, prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro, post Primam dicitur Missa conventualis pro**

Defunctis, juxta Rubricas, et in Missis priva tis, quae non sint Defunctorum, paenultimo loco dicitur Oratio Fidélium.

Die 1 Junii
S. ANGELAE MERICIAE

Virginis

Duplex

Missa Dilexísti, de Communi Virginum 3 loco, cum Orationibus ut infra.

Oratio P

DEUS, qui novum per beátam Angelam sacrárum Vírginum collégium in Ecclésia tua floréscere voluísti: da nobis, ejus intercessióne, angélicis móribus vívere ; ut, terrénis ómnibus abdicátis, gáudiis pérfrui mereámur aetérnis. Per Dóminum.

Secreta P

HÓSTIA, Dómine, quam tibi beátae Angelae memóriam recoléntes offérimus, et nostrae pravitatís véniam implóret, et grátiae tuae nobis dona concíliet. Per Dóminum.

Postcommunio P

CAELÉSTI alimónia refécti, súpplíces te, Dómine, deprecámur: ut beátae Angelae précibus et exémplo, ab ómni labe mundáti, et córpore tibi placeámus, et mente. Per Dóminum.

Die 2 Junii

SS. MARCELLINI et PETRI
Martyrum
atque ERASMI
Episcopi et Martyris

Simplex

Extra Tempus Paschale

Introitus Ps. 33, 18

CLAMAVÉRUNT justí, et Dóminus exaudivit eos: et ex ómnibus tribulatióibus eórum liberávit eos. Ps. *ibid.*, 2 Benedícam Dóminum in omni témpore: semper laus ejus in ore meo. *Vl.* Glória Patri.

Oratio

DEUS, qui nos ánnua beatorum Mártýrum tuórum Marcellíni, Petri atque Erásmi solemnitáte laetíficas: praesta, quaesumus ; ut, quorum gaudémus méritis, accendámur exémpis. Per Dóminum.

Léctio Epístolae beáti Pauli Apóstoli ad Romános.

Rom. 8, 18-23

FRATRES: Exístimo quod non sunt condígnae passiónes hujus témporis ad futúram glóriam, quae revelábitur in nobis. Nam exspectátió creatúrae, revelatiónem filiórum Dei exspectat. Vanitáti enim creatúra subjécta est non volens, sed propter eum, qui subjécit eam in spe: quia et ipsa creatúra liberábitur a servitúte corruptiúnis, in libertátem glóriae filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primitias spíritus habéntes: et ipsi intra nos gémimus adoptiúnem filiórum Dei exspectántes, redemptiúnem córporis nostri: in Christo Jesu Dómino nostro.

Graduale Ps. 33, 18-19 Clamavérunt justí, et Dóminus exaudivit eos: et ex ómnibus tribulatióibus eórum liberávit eos. *Vl.* Juxta est Dóminus his, qui tribuláto sunt corde: et húmiles spíritu salvábit.

Allelúja, allelúja. *Vl.* Joann. 15, 16 Ego vos elégi de mundo, ut eátis, et fructum afferátis, et fructus vester máneat. Allelúja.

+ Sequéntia sancti Evangélli secúndum Lucam.

Luc. 21, 9-19

IN illo tēpore: Dixit Jesus discipulis suis: Cum audiéritis praélia et seditiões, nolíte terréri: opórtet primum haec fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terraemótus magni erunt per loca, et pestiléntiae, et fames, terrorésque de caelo, et signa magna erunt. Sed ante haec ómnia injícient vobis manus suas, et persecúentur tradéntes in synagógas et custódias, trahéntes ad reges et praésides propter nomen meum: contínget autem vobis in testimónium. Pónite ergo in córdibus vestris non praemeditári quemádmódu(m) respondeátis. Ego enim dabo vobis os et sapiéntiam, cui non póterunt resístere et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In patiéntia vestra possidébitis ánimas vestras.

Offertorium Ps. 31, 11 Laetámini in Dómino, et exsultáte, justí: et gloriámini, omnes recti corde.

Secreta

HAEC hóstia, quaésumus, Dómine, quam sanctórum Mártyrum tuórum natalítia recenséntes offérimus: et víncula nostrae pravítatis absólvat, et tuae nobis misericórdiae dona concíliet. Per Dóminum.

Communio Sap. 3, 1, 2 et 3 Justórum ánima(e) in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace.

Postcommunio

SACRO múnere satiáti, súpplíces te, Dómine, deprecámur: ut, quod débitae servitútis celebrámus offíció, salvatiónis tuae sentiámus augméntum. Per Dóminum.

* **Tempore Paschali Missa Sancti tui, de Communi Martyrum 2 loco, cum Orationibus et Epistola ut in Missa praecedenti, et post Epistolam dicitur:**

Allelúja, allelúja. **Vl. Joann. 15, 16** Ego vos elégi de mundo, ut eátis, et fructum afferátis, et fructus vester máneat. Allelúja. **Vl. Ps. 115, 15** Pretiós(a) in conspéctu Dómini mors Sanctórum ejus. Allelúja.

Die 4 Junii

S. FRANCISCI CARACCIOLO

Confessoris

Duplex

Introitus **Ps. 21, 15 ; 68, 10**

FACTUM est cor meum tamquam cera liquéscens in médio ventris mei: quóniam zelus domus tuae comédit me. (T. P. Allelúja, allelúja.) **Ps. 72, 1** Quam bonus Israël Deus: his, qui recto sunt corde ! **Vl.** Glória Patri.

Oratio

DEUS, qui beátum Francíscum, novi órdis institutiónem, orándi stúdio et paeniténtiae amóre decorásti: da fámulis tuis in ejus imitatióne ita profícere ; ut, semper orántes et corpus in servitútem redigéntes, ad caeléstem glóriam pervenire mereántur. Per Dóminum.

Léctio libri Sapiéntiae.

Sap. 4, 7-14

JÚSTUS, si morte praeoccupátus fúerit, in refrigério erit. Senéctus enim venerábilis est non diutúrna, neque annórum número computáta: cani autem sunt sensus hóminis, et aetas senectútis vita immaculáta. Placens Deo factus est diléctus, et vivens inter peccatóres translátus est. Raptus est, ne malítia mutáret intelléctum ejus, aut ne fictio decíperet ánima(m) illíus. Fascinátio enim nugacitátis obscurát bona, et inconstántia concupiscéntiae transvértit sensum sine malítia. Consummátus in brevi explévit tēpóra multa, plácita enim erat Deo ánima illíus: propter hoc properávit edúcere illum de médio iniquitátum.

Graduale Ps. 41, 2 Quemádmódu(m) desíderat cervus ad fontes aquárum: ita desíderat ánima mea ad te Deus. **Vl. Ps. ibid., 3** Sitívit ánima mea ad Deum fortem vivum.

Allelúja, allelúja. **Vl. Ps. 72, 26** Defécit caro mea, et cor meum: Deus cordis mei, et pars mea Deus in aetérnum. Allelúja.

Tempore Paschali omittitur Graduale, et ejus loco dicitur:

Allelúja, allelúja. *Vl. Ps. 64, 5* Beátus quem elegísti, et assumpsísti: inhabitábit in átriis tuis. Allelúja. *Vl. Ps. 111, 9* Dispérsit, dedit paupéribus: justítia ejus manet in saéculum saéculi. Allelúja.

+ Sequéntia sancti Evangéllii secúndum Lucam.

Luc. 12, 35-40

IN illo témpore: Dixit Jesus discíplis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dómimum suum, quando revertátur a núptiis: ut, cum vénerit et pulsáverit, conféstim apériant ei. Beáti servi illi, quos, cum vénerit dómimus, invénerit vigilántes: amen dico vobis, quod praecínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti, quia qua hora non putátis, Fílius hóminis véniet.

Offertorium Ps. 91, 13 Justus ut palma florébit: sicut cedrus Líbani multiplicábitur. (T. P. Allelúja.)

Secreta

DA nobis, clementíssime Jesu: ut praeclára beáti Francísci mérita recoléntes, eódem nos, ac ille, caritátis igne succénsi, digne in circúitu sacrae hujus mensae tuae esse valeámus: Qui vivis.

Communio Ps. 30, 20 Quam magna multitúdo dulcédinis tuae, Dómine, quam abscondísti timéntibus te ! (T. P. Allelúja.)

Postcommunio

SACROSÁNCTI sacrificii, quaesumus, Dómine, quod hódie in solemnitáte beáti Francísci tuae obtúlimus majestáti, grata semper in méntibus nostris memória perséveret, et fructus. Per Dómimum.

Die 5 Junii
S. BONIFATII

Episcopi et Martyris

Duplex

Introitus Isai. 65, 19 et 23

EXSULTÁBO in Jerúsalem, et gaudébo in pópulo meo: et non audiétur in eo ultra vox fletus et vox clamóris. Elécti mei non laborábunt frustra, neque generábunt in conturbatióne: quia semen benedictórum Dómini est, et nepótes eórum cum eis. (T. P. Allelúja, allelúja.) *Ps. 43, 2* Deus, áuribus nostris audívimus: patres nostri narravérunt opus, quod operátus es in diébus eórum. *Vl. Glória Patri.*

Oratio

DEUS, qui multitúdinem populórum, beáti Bonifátii Mártyris tui atque Pontíficis zelo, ad agnitiónem tui nóminis vocáre dignátus es: concéde propítius ; ut, cujus solémnia cólimus, étiam patrocínia sentiámus. Per Dómimum.

Léctio libri Sapiéntiae.

Eccli. 44, 1-15

LAUDÉMUS viros gloriósos, et paréntes nostros in generatióne sua. Multam glóriam fecit Dómimus magnificéntia sua a saéculo. Dominántes in potestátibus suis, hómines magni virtúte, et prudéntia sua praediti, nuntiántes in prophétis dignitátem prophetárum, et imperántes in praesénti pópulo, et virtúte prudéntiae pópulis sanctíssima verba. In perítia sua requiréntes modos músicos, et narrántes cármina scripturárum. Hómines dívites in virtúte, pulchritúdinis stúdiúm habéntes: pacificántes in dómibus suis. Omnes isti in generatióne gentis suae glóriam adépti sunt, et in diébus suis habéntur in láudibus. Qui de illis nati sunt, reliquérent nomen narrándi laudes eórum. Et sunt quorum non est memória: periérunt quasi qui non fuerint: et nati sunt, quasi non nati, et filii ipsórum cum ipsis. Sed illi viri miserícórdiae sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióne et generatióne. Sapiéntiam ipsórum narrent pópuli, et laudem eórum núntiet Ecclésia.

Graduale 1 Petri 4, 13-14 Communicántes Christi passiónebus gaudéte, ut in revelatióne glóriae ejus

gaudeátis exsultántes. *Vl.* Si exprobrámini in nómine Christi, beáti éritis: quóniam quod est honóris, glóriæ et virtútis Dei, et qui est ejus Spíritus, super vos requiêscet.

Allelúja, allelúja. *Vl. Isai. 66, 12* Declinábo super eum quasi flúvium pacis, et quasi torréntem inundántem glóriam. Allelúja.

Tempore Paschali omittitur Graduale, et ejus loco dicitur:

Allelúja, allelúja. *Vl. Isai. 66, 10 et 14* Laetámini cum Jerúsalem, et exsultáte in ea omnes, qui dilígitis Dóminum. Allelúja. *Vl.* Vidébitis, et gaudébit cor vestrum: cognoscétur manus Dómini servis ejus. Allelúja.

+ Sequéntia sancti Evangélii secúndum Matthaéum.

Matth. 5, 1-12

IN illo témpore: Videns Jesus turbas, ascéndit in montem, et cum sedísset, accessérunt ad eum discípuli ejus, et apériens os suum, docébat eos, dicens: Beáti páuperes spírítu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in caelis.

Offertorium Ps. 15, 7 et 8 Benedícam Dóminum, qui tríbuit mihi intelléctum: providébam Deum in conspéctu meo semper: quóniam a dextris est mihi, ne commóvear. **(T. P. Allelúja.)**

Secreta

SUPER has hóstias, Dómine, quaésumus, benedíctio copiósa descéndat: quæ et sanctificatiónem nostram misericórditer operétur; et de sancti Bonifátii Mártyris tui atque Pontíficis fáciat solemnitáte gaudére. Per Dóminum.

Communio Apoc. 3, 21 Qui vícerit, dabo ei sedére mecum in throno meo: sicut et ego vici, et sedi cum Patre meo in throno ejus. **(T. P. Allelúja.)**

Postcommunio

SANCTIFICÁTI, Dómine, salutári mystério: quaésumus; ut nobis sancti Bonifátii Mártyris tui atque Pontíficis non desit orátio, cujus nos donásti patrocínio gubernári. Per Dóminum.

Die 6 Junii
S. NORBERTI

Episcopi et Confessoris

Duplex

Missa Státuit, de Communi Confessoris Pontíficis 1 loco, præter Orationem sequentem.

Oratio

P

DEUS, qui beátum Norbértum Confessórem tuum atque Pontíficem, verbi tui præcónem exímium effecísti, et per eum Ecclésiám tuam nova prole fecundásti: præsta, quaésumus; ut, ejúsdem suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

Secreta

C

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Postcommunio

C

PRAESTA, quaésumus, omnipotens Deus: ut, de percéptis munéribus grátias exhibéntes, intercedénte beáto Norbérto Confessóre tuo atque Pontífice, benefícia potióra sumámus. Per Dóminum.

Die 9 Junii

SS. PRIMI et FELICIANI

Martyrum

Simplex

Extra Tempus Paschale

Introitus **Eccli. 44, 15 et 14**

SAPIÉNTIAM sanctorum narrent populi, et laudes eorum nuntiet ecclesia: nomina autem eorum vivent in saeculum saeculi. **Ps. 32, 1** Exultate, justi, in Domino: rectos decet collaudatio. **Vl.** Glória Patri.

Oratio

FAC nos, quaesumus, Domine, sanctorum Martyrum tuorum Primi et Feliciani semper festa sectari: quorum suffragiis protectionis tuae dona sentiamus. Per Dominum.

Lectio libri Sapientiae.

Sap. 5, 16-20

JUSTI autem in perpetuum vivent, et apud Dominum est merces eorum, et cogitatio illorum apud Altissimum. Ideo accipient regnum decoris, et diadema speciei de manu Domini: quoniam dextera sua teget eos, et brachio sancto suo defendet illos. Accipiet armaturam zelus illius, et armabit creaturam ad ultionem inimicorum. Induet pro thorace iustitiam, et accipiet pro galea iudicium certum. Sumet scutum inexpugnabile, aequitatem.

Graduale Ps. 88, 6 et 2 Confitebuntur caeli mirabilia tua, Domine: etenim veritatem tuam in ecclesia sanctorum. **Vl.** Misericordias tuas, Domine, in aeternum cantabo: in generatione et progénie. Allelúja, allelúja. **Vl.** Haec est vera fraternitas, quae vicit mundi crimina: Christum secuta est, inclita tenens regna caelestia. Allelúja.

+ Sequentia sancti Evangelii secundum Matthaëum.

Matth. 11, 25-30

IN illo tempore: Respondens Jesus, dixit: Confiteor tibi, Pater, Domine caeli et terrae, quia abscondisti haec a sapientibus et prudentibus, et revelasti ea parvulis. Ita Pater: quoniam sic fuit placitum ante te. Omnia mihi tradita sunt a Patre meo. Et nemo novit Filium, nisi Pater: neque Patrem quis novit, nisi Filius, et cui voluerit Filius revelare. Venite ad me omnes, qui laboratis, et onerati estis, et ego reficiam vos. Tollite iugum meum super vos, et discite a me, quia mitis sum, et humilis corde: et inveniatis requiem animabus vestris. Iugum enim meum suave est, et onus meum leve.

Offertorium Ps. 67, 36 Mirabilis Deus in sanctis suis: Deus Israël, ipse dabit virtutem et fortitudinem plebi suae: benedictus Deus, allelúja.

Secreta

FIAT tibi, quaesumus, Domine, hostia sacranda placabilis, pretiosi celebritate martyrii: quae et peccata nostra purificet, et tuorum tibi vota conciliet famulorum. Per Dominum.

Communio Joann. 15, 16 Ego vos elegeri de mundo, ut eatis, et fructum afferatis; et fructus vester maneat.

Postcommunio

QUSUMUS, omnipotens Deus: ut sanctorum Martyrum tuorum Primi et Feliciani caelestibus mysteriis celebrata sollemnitas, indulgentiam nobis tuae propitiationis acquirat. Per Dominum.

* **Tempore Paschali Missa Sancti tui, de Comuni Martyrum 2 loco, cum Orationibus et Evangelio ut in Missa praecedenti; sed post Epistolam dicitur:**

Allelúja, allelúja. **Vl.** Haec est vera fraternitas, quae vicit mundi crimina: Christum secuta est, inclita tenens regna caelestia. Allelúja. **Vl.** Te Martyrum candidatus laudat exercitus, Domine. Allelúja.

Die 10 Junii
S. MARGARITAE

Reginae, Viduae

Semiduplex

Missa Cognóvi, de Communi non Virginum 2 loco, praeter Orationem sequentem.

Oratio P

DEUS, qui beátam Margarítam regínam exímia in páuperes caritáte mirábilem effecísti: da, ut ejus intercessióne et exémplo, tua in córdibus nostris caritas júgiter augeátur. Per Dóminum.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 11 Junii
S. BARNABAE

Apostoli

Duplex majus

Extra Tempus Paschale

Introitus Ps. 138, 17

MIHI autem nimis honoráti sunt amíci tui, Deus: nimis confortátus est principátus eórum. Ps. *ibid.*, 1-2
Dómine, probásti me, et cognovísti me: tu cognovísti sessiónem meam, et resurrectiÓnem meam. *Vl.* Glória Patri.

Oratio

DEUS, qui nos beáti Bárnabae Apóstoli tui méritis et intercessióne laetíficas: concéde propítius ; ut, qui tua per eum beneficia póscimus, dono tuae grátiae consequámur. Per Dóminum.

Léctio Actuum Apostolórum.

Act. 11, 21-26 ; 13, 1-3

IN diébus illis: Multus númerus credéntium Antiochíae convérsus est ad Dóminum. Pervénit autem sermo ad aures ecclésiae, quae erat Jerosólymis, super istis: et misérunt Bárnabam usque ad Antiochíam. Qui cum pervénisset, et vidisset grátiam Dei, gavísus est: et hortabátur omnes in propósito cordis permanére in Dómino: quia erat vir bonus, et plenus Spírítu Sancto, et fide. Et appósita est multa turba Dómino. Proféctus est autem Bárnabas Tarsum, ut quaéretet Saulum: quem cum invenísset, perdúxit Antiochíam. Et annum totum conversáti sunt ibi in ecclésia: et docuérunt turbam multam, ita ut cognominaréntur primum Antiochíae discípuli, Christiáni. Erant autem in ecclésia, quae erat Antiochíae, prophétae et doctóres, in quibus Bárnabas, et Simon, qui vocabátur Niger, et Lúcius Cyrenénsis, et Mánahen, qui erat Heródis Tetrárchae collactáneus, et Saulus. Ministrántibus autem illis Dómino, et jejunántibus, dixit illis Spírítus Sanctus: Segregáte mihi Saulum et Bárnabam in opus, ad quod assúmpsi eos. Tunc jejunántes et orántes, imponéntesque eis manus, dimisérunt illos.

Graduale Ps. 18, 5 et 2 In omnem terram exívit sonus eórum: et in fines orbis terrae verba eórum. *Vl.* Caeli enárrant glóriam Dei: et ópera mánuum ejus annúntiat firmaméntum.

Allelúja, allelúja. *Vl. Joann. 15, 16* Ego vos elégi de mundo, ut eátis, et fructum afferátis: et fructus vester máneat. Allelúja.

+ Sequéntia sancti Evangéllii secúndum Matthaéum.

Matth. 10, 16-22

IN illo témpore: Dixit Jesus discípulis suis: Ecce ego mitto vos sicut oves in médio lupórum. Estóte ergo prudéntes sicut serpéntes, et simplices sicut colúmbae. Cavéte autem ab homínibus. Tradent enim vos in concíliis, et in synagógis suis flagellábunt vos: et ad praésides, et ad reges ducémini propter me in testimónium illis et géntibus. Cum autem tradent vos, nolíte cogitáre quómodo, aut quid loquámur: dábitur

enim vobis in illa hora quid loquámini. Non enim vos estis qui loquímini, sed Spíritus Patris vestri, qui lóquitur in vobis. Tradet autem frater fratrem in mortem, et pater filium: et insúrgent filii in paréntes, et morte eos afficient: et éritis ódio ómnibus propter nomen meum: qui autem perseveráverit usque in finem, hic salvus erit.

Credo.

Offertorium Ps. 44, 17-18 Constitúes eos príncipes super omnem terram: mémoires erunt nóminis tui, Dómine, in omni progénie et generatióne.

Secreta

MÚNERA, Dómine, obláta sanctífica, et intercedénte beáto Bárnaba Apóstolo tuo, nos per haec a peccatórum nostrórum máculis emúnda. Per Dóminum.

Praefatio de Apostolis.

Communio Matth. 19, 28 Vos, qui secúti estis me, sedébitis super sedes, iudicántes duódecim tribus Israël.

Postcommunio

SÚPPLICES te rogámus, omnípotens Deus: ut, quos tuis réficis sacraméntis, intercedénte beáto Bárnaba Apóstolo tuo, tibi étiam plácitis móribus dignánter tríbuas deservíre. Per Dóminum.

* **Tempore Paschali Missa Protexísti, de Communi Martyrum 1 loco, cum Orationibus, Epistola et Evangelio, ut in Missa praecedenti.**

Die 12 Junii

S. JOANNIS A S. FACUNDO

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, auctor pacis et amátor caritátis, qui beátum Joánnem Confessórem tuum mirífica dissidéntes componéndi grátia decorásti: ejus méritis et intercessióne concéde ; ut, in tua caritáte firmáti, nullis a te tentatióibus separémur. Per Dóminum.

Et fit Commemoratio Ss. Basilidis, Cyrini, Naboris et Nazarii Mm.

Oratio

SANCTÓRUM Mártyrum tuórum Basílidis, Cyríni, Náboris atque Nazárii, quaésumus, Dómine, natalítia nobis votíva resplédeant: et, quod illis cóntulit excelléntia sempitérna, frúctibus nostrae devotiónis accrésceat. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

**Pro Ss. Martyribus
Secreta**

PRO sanctórum tuórum Basílidis, Cyríni, Náboris atque Nazárii ságuine venerándo, hóstias tibi, Dómine, solémniter immolámus, tua mirabília pertractántes: per quem talis est perfécta victória. Per Dóminum.

Postcommunio

C

REFÉCTI cibo potúque caelésti, Deus noster, te súpplícis exorámus: ut, in cujus haec commemoratióne percépimus, ejus muniámur et précibus. Per Dóminum.

Pro Ss. Martyribus
Postcommunio

SEMPER, Dómine, sanctórum Mártyrum tuórum Basílidis, Cyríni, Náboris atque Nazárii solémnia celebrántes: praesta, quaésumus ; ut eórum patrocínia júgiter sentiámus. Per Dóminum.

Eadem die 12 Junii

Pro SS. BASILIDE, CYRINO,
NABORE et NAZARIO
Martyribus

Extra Tempus Paschale

Introitus Ps. 78, 11, 12 et 10

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. Ps. *ibid.*, 1 Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiám. *Vl.* Glória Patri.

Oratio

SANCTÓRUM Mártyrum tuórum Basílidis, Cyríni, Náboris atque Nazárii, quaésumus, Dómine, natalítia nobis votíva respéndeant: et, quod illis cóntulit excelléntia sempitérna, frúctibus nostrae devotiónis accréscaat. Per Dóminum.

Léctio Epístolae beáti Pauli Apóstoli ad Hebraeos.
Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis, et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliorem, et manéntem substántiam. Nolíte itaque amítttere confidéntiam vestram, quae magnam habet remuneratiónem. Patiéntia enim vobis necessária est: ut voluntátem Dei faciéntes, reportétis promissiónem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Ps. 78, 10 et 2 Víndica, Dómine, sánguinem sanctórum tuórum, qui effúsus est. *Vl.* Posuérunt mortália servórum tuórum escas volatílibus caeli: carnes sanctórum tuórum béstiis terrae. Allelúja, allelúja. *Vl. Eccli. 44, 14* Córpora sanctórum in pace sepúlta sunt: et nómina eórum vivent in generatiónem et generatiónem. Allelúja.

+ Sequéntia sancti Evangélii secúndum Matthaéum.
Matth. 24, 3-13

IN illo témpore: Sedénte Jesu super montem Olivéti, accessérunt ad eum discípuli secréto, dicéntes: Dic nobis, quando haec erunt ? et quod signum advéntus tui, et consummatiónis saéculi ? Et respóndens Jesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditóri enim estis praélia, et opiniónes praeliórum. Vidéte, ne turbémini. Opórtet enim haec fieri, sed nondum est finis. Consúrget enim gens in gentem, et regnum in regnum, et erunt pestiléntiae, et fames, et terraemótus per loca. Haec autem ómnia, inítia sunt dolórum. Tunc tradent vos in tribulatiónem, et occídent vos: et éritis ódio ómnibus géntibus propter nomen meum. Et tunc scandalizabúntur multi, et ínicem tradent, et ódio habébunt ínicem. Et multi pseudoprophétae surgent, et sedúcent multos. Et quóniam abundávit iníquitas, refrigéscaat cáritas multórum. Qui autem perseveráverit usque in finem, hic salvus erit.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatiónes Dei in fáucibus eórum.

Secreta

PRO sanctórum tuórum Basílidis, Cyríni, Náboris atque Nazárii ságuine venerándo, hóstias tibi, Dómine, solémniter immolámus, tua mirabília pertractántes: per quem talis est perfécta victória. Per Dóminum.

Communio Ps. 78, 2 et 11 Posuerunt mortalia servorum tuorum, Domine, escas volatilibus caeli, carnes sanctorum tuorum bestiis terrae: secundum magnitudinem brachii tui posside filios morte punitorum.

Postcommunio

SEMPER, Domine, sanctorum Martyrum tuorum Basilidis, Cyrini, Naboris atque Nazarii sollemniter celebrantes: praesta, quaesumus; ut eorum patrocinia iugiter sentiamus. Per Dominum.

* **Tempore Paschali Missa Sancti tui, de Communi Martyrum 2 loco, cum Orationibus ut in Missa praecedenti.**

Die 13 Junii

S. ANTONII DE PADUA

Confessoris et Ecclesiae Doctoris

Duplex

Missa In medio, **de Communi Doctorum, praeter Orationes sequentes, et dicitur** Credo.

Oratio P

ECCLÉSIAM tuam, Deus, beati Antonii Confessoris tui atque Doctoris sollemniter votiva laetificet: ut spiritalibus semper muniatur auxiliis et gaudiis perfrui mereatur aeternis. Per Dominum.

Secreta P

PRAESENS oblatio fiat, Domine, populo tuo salutaris: pro quo dignatus es Patri tuo te viventem hostiam immolare: Qui cum eodem Deo Patre, et Spiritu Sancto vivis et regnas Deus, per omnia saecula saeculorum.

Postcommunio P

DIVINIS, Domine, munerebus satiati: quaesumus; ut beati Antonii Confessoris tui atque Doctoris meritis et intercessione, salutaris sacrificii sentiamus effectum Per Dominum.

Die 14 Junii

S. BASILII MAGNI

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN medio Ecclesiae aperuit os ejus: et implevit eum Dominus spiritu sapientiae, et intellectus: stolam gloriae induit eum. Ps. 91, 2 Bonum est confiteri Domino: et psallere nomini tuo, Altissime. **V.** Gloria Patri.

Oratio

EXÁUDI, quaesumus, Domine, preces nostras, quas in beati Basilii Confessoris tui atque Pontificis sollemnitate deferimus: et, qui tibi digne meruit famulari, ejus intercedentibus meritis, ab omnibus nos absolvet peccatis. Per Dominum.

Lectio Epistolae beati Pauli Apostoli ad Timotheum.

2 Tim. 4, 1-8

CARÍSSIME: Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus: praedica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coaccervabunt sibi magistros, prurientes auribus, et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistae, ministerium tuum imple. Sobrius esto. Ego enim jam delabor, et tempus resolutionis meae instat. Bonum certamen certavi, cursum consummavi, fidem servavi. In reliquo reposta est mihi corona justitiae, quam reddet mihi Dominus in illa die, justus iudex: non solum autem mihi, sed et iis, qui diligunt adventum ejus.

Graduale Ps. 36, 30-31 Os justus meditabitur sapientiam, et lingua ejus loquetur iudicium. **V.** Lex Dei ejus in

corde ipsius: et non supplantabuntur gressus ejus.

Allelúja , allelúja. *V/. Ps. 88, 21* Inveni David servum meum, óleo sancto meo unxi eum. Allelúja.

+ Sequéntia sancti Evangéllii secúndum Lucam.

Luc. 14, 26-35

IN illo témpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discípulus. Et qui non bájulát crucem suam, et venit post me, non potest meus esse discípulus. Quis enim ex vobis volens turrim aedificáre, non prius sedens cómputat sumptus, qui ne cessárii sunt, si hábeat ad perficiéndum ; ne, posteaquam posúerit fundaméntum, et non potúerit perfícere, omnes, qui vident, incípiant illúdere ei, dicentes: Quia hic homo coepit aedificáre, et non pótuit consummáre ? Aut quis rex itúrus commíttere bellum advérsus álium regem, non sedens prius cógitat, si possit cum decem míllibus occúrrere ei, qui cum vigínti míllibus venit ad se ? Alióquin, adhuc illo longe agénte, legatiónem mittens, rogat ea, quae pacis sunt. Sic ergo omnis ex vobis, qui non renúnciat ómnibus, quae pössidet, non potest meus esse discípulus. Bonum est sal. Si autem sal evanúerit, in quo condiétur ? Neque in terram, neque in sterquilínium útile est, sed foras mittétur. Qui habet aures audiéndi, áudiat

Credo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

SANCTI Basilíi Confessóris tui atque Pontíficis, quaésumus, Dómine, ánnua solémnitas pietáti tuae nos reddat accéptos: ut per haec piaé placatiónis officia, et illum beáta retribútio comitétur, et nobis grátiae tuae dona concíliet. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

DEUS, fidélium remunerátor animárum: praesta ; ut beáti Basilíi Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Die 15 Junii

SS. VITI, MODESTI

atque CRESCENTIAE
Martyrum

Simplex

Introitus *Ps. 33, 20-21*

MULTAE tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. *Ps. ibid., 2* Benedicám Dóminum in omni témpore: semper laus ejus in ore meo. *V/. Glória Patri.*

Oratio

DA Ecclésiae tuae, quaésumus, Dómine, sanctis Martíribus tuis Vito, Modésto atque Crescéntia intercedéntibus, supérbe non sápere, sed tibi plácita humilitáte profícere: ut, prava despiciens, quaecúmque recta sunt, líbera exérceat caritáte. Per Dóminum.

Léctio libri Sapiéntiae.

Sap. 3, 1-8

JUSTÓRUM ánimae in manu Dei sunt, et non tanget illos torméntum mortis. Visi sunt óculis insipiéntium mori: et aestimáta est afflíctio éxitus illórum: et quod a nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invenit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt justí, et tamquam scintíllae in arundinétó discúrrunt. Judicábunt natiónes, et dominabúntur pópulis, et regnábit Dóminus illórum in perpétuum.

Graduale Ps. 149, 5 et 1 Exsultábunt sancti in glória, laetabúntur in cubílibus suis. **Vl.** Cantáte Dómino cánticum novum: laus ejus in ecclésia sanctórum.
Allelúja, allelúja. Vl. Ps. 144, 10-11 Sancti tui, Dómine, benedícent te: glóriam regni tui dicent. Allelúja.

+ Sequéntia sancti Evangéllii secúndum Lucam.
Luc. 10, 16-20

IN illo témpore: Dixit Jesus discípuis suis: Qui vos audit, me audit: et qui vos spernit, me spernit. Qui autem me spernit, spernit eum, qui misit me. Revérsi sunt autem septuagínta duo cum gáudio, dicétes: Dómine, étiam daemónia subjiciúntur nobis in nómine tuo. Et ait illis: Vidébam sátanam sicut fulgur de caelo cadéntem. Ecce dedi vobis potestátem calcánda supra serpétes et scorpiónes, et super omnem virtútem inimíci: et nihil vobis nocébit. Verúmtamen in hoc nolíte gaudére, quia spíritus vobis subjiciúntur: gaudéte autem, quod nómina vestra scripta sunt in caelis.

Offertorium Ps. 67, 36 Mirábilis Deus in sanctis suis: Deus Israël, ipse dabit virtútem et fortitúdinem plebi suae: benedíctus Deus.

Secreta

SICUT glóriam divínae poténtiae múnera pro Sanctis obláta testántur: sic nobis efféctum, Dómine, tuae salvatiónis impénda. Per Dóminum.

Communio Sap. 3, 1-2 et 3 Justórum ánima in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace.

Postcommunio

REPLÉTI, Dómine, benedictióne solémni: quaésumus ; ut per intercessiónem sanctórum Mártyrum tuórum Viti, Modéstii et Crescéntiae, medicína sacraménti et corpóribus nostris prosit, et méntibus. Per Dóminum.

* **Tempore Paschali Missa Sancti tui, de Communi Martyrum 2 loco, cum Orationibus et Evangelio ut in Missa praecedenti.**

Die 18 Junii S. EPHRAEM SYRI

Diaconi, Confessoris et Ecclesiae Doctoris

Duplex

Missa In médio, **de Communi Doctorum, praeter Orationem sequentem, et dicitur** Credo.

Oratio

P

DEUS, qui Ecclésiám tuam beáti Ephraem Confessóris tui et Doctóris mira eruditióne et praecláris vitae méritis illustráre voluísti: te súpplices exorámus ; ut, ipso intercedénte, eam advérsus erróris et pravitátis insídias perénni tua virtúte defénda. Per Dóminum.

Et fit Commemoratio Ss. Marci et Marcelliani Martyrum.

Oratio

PRAESTA, quaésumus, omnípotens Deus: ut, qui sanctórum Mártyrum tuórum Marci et Marcelliani natalítia cólimus ; a cunctis malis imminéntibus eórum intercessiónibus liberémur. Per Dóminum.

Secreta

C

SANCTI Ephraem Confessóris tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Pro Ss. Martyribus Secreta

MÚNERA tibi, Dómine, dicáta sanctífica: et, intercedéntibus sanctis Martýribus tuis Marco et Marcelliano, per éadem nos placátus inténde. Per Dóminum.

Postcommunio

C

UT nobis, Dómine, tua sacrificia dent salútem: beátus Ephraem Conféssor tuus et Doctor egrégius, quaésumus, precátor accédát. Per Dóminum.

**Pro Ss. Martyribus
Postcommunio**

SALUTÁRIS tui, Dómine, múnere satiáti, súplices exorámus: ut, cujus laetámur gustu, intercedéntibus sanctis Martýribus tuis Marco et Marcelliano, renovémur efféctu. Per Dóminum.

Eadem die 18 Junii

Pro SS. MARCO et MARCELLIANO
Martyribus

Introitus **Ps. 36, 39**

SALUS autem justórum a Dómino: et protéctor eórum est in témpore tribulatiónis. **Ps. ibid., 1** Noli aemulári in malignántibus: neque zeláveris faciéntes iniquitátem. **Vl.** Glória Patri.

Oratio

PRAESTA, quaésumus, omnípotens Deus: ut, qui sanctórum Mártyrum tuórum Marci et Marcelliani natalítia cólimus ; a cunctis malis imminéntibus eórum intercessiónibus liberémur. Per Dóminum.

Léctio Epístolae beáti Pauli Apóstoli ad Romános.

Rom. 5, 1-5

FRATRES: Justificáti ex fide, pacem habeámus ad Deum per Dóminum nostrum Jesum Christum: per quem et habémus accéssum per fidem in grátiam istam, in qua stamus, et gloriámur in spe glóriae filiórum Dei. Non solum autem, sed et gloriámur in tribulatióibus: sciéntes quod tribulatio patiéntiam operátur, patiéntia autem probatiónem, probatio vero spem, spes autem non confúndit: quia caritas Dei diffúsa est in córdibus nostris per Spíritum Sanctum, qui datus est nobis.

Graduale Sap. 3, 1-2 et 3 Justórum animae in manu Dei sunt, et non tanget illos torméntum malítiae. **Vl.** Visi sunt óculis insipiéntium mori: illi autem sunt in pace.

Allelúja, allelúja. **Vl.** Haec est vera fraternitas, quae numquam pótuit violári certámine: qui, effúso sáanguine, secúti sunt Dóminum. Allelúja.

+ Sequéntia sancti Evangélii secúndum Lucam.

Luc. 11, 47-51

IN illo témpore: Dicébat Jesus scribis et pharisaeis: Vae vobis, qui aedificátis monuménta prophetárum: patres autem vestri occidérunt illos. Profécto testificámini quod consentítis opéribus patrum vestrórum: quóniam ipsi quidem eos occidérunt, vos autem aedificátis eórum sepúlra. Proptérea et sapiéntia Dei dixit: Mittam ad illos prophétas et apóstolos, et ex illis occídent, et persecúentur: ut inquirátur sanguis ómnium prophetárum, qui effúsus est a constitutióne mundi a generatióne ista, a sáanguine Abel usque ad sáanguinem Zachariae, qui périit inter altáre et aedem. Ita dico vobis, requirétur ab hac generatióne.

Offertorium Ps. 123, 7 Anima nostra sicut passer erépta est de láqueo venántium: láqueus contrítus est, et nos liberáti sumus.

Secreta

MÚNERA tibi, Dómine, dicáta sanctífica: et, intercedéntibus sanctis Martýribus tuis Marco et Marcelliano, per éadem nos placátus inténde. Per Dóminum.

Communio Matth. 25, 40 et 34 Amen dico vobis: quod uni ex mínimis meis fecístis, mihi fecístis: veníte, benedícti Patris mei, possidéte parátum vobis regnum ab iníto saéculi.

Postcommunio

SALUTÁRIS tui, Dómine, múnere satiáti, súplices exorámus: ut, cujus laetámur gustu, intercedéntibus sanctis Martýribus tuis Marco et Marcelliano, renovémur efféctu. Per Dóminum.

* **Tempore Paschali Missa Sancti tui, de Communi Martyrum 2 loco, cum Orationibus et Evangelio ut in Missa praecedenti ; sed post Epistolam dicitur:**

Allelúja, allelúja. *Vl.* Haec est vera fraternitas, quae numquam pótuit violári certámine: qui, effúso sángine, secúti sunt Dóminum. Allelúja. *Vl.* Te Mártyrum candidátus laudat exércitus, Dómine. Allelúja.

Die 19 Junii

S. JULIANAE DE FALCONERIIS

Virginis

Duplex

Missa Dilexisti, de Communi Virginum 3 loco, praeter Orationem sequentem.

Oratio

P

DEUS, qui beátam Juliánam Vírginem tuam extrémó morbo laboránthem, pretiósó Fílii tui córpore mirabíliter recreáre dignátus es: concéde, quaésumus ; ut, ejus intercedéntibus méritis, nos quoque eódem in mortis agóne refécti ac roboráti, ad caeléstem pátriam perducámur. Per eúndem Dóminum.

Et fit Commemoratio Ss. Gervasii et Protasii Martyrum.

Oratio

DEUS, qui nos ánnua sanctórum Mártyrum tuórum Gervásii et Protásii solemnitate laetíficas: concéde propítius ; ut, quorum gaudémus méritis, accendámur exémpis. Per Dóminum.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliú. Per Dóminum.

**Pro Ss. Martyribus
Secreta**

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis, a cunctis nos defénde perículis. Per Dóminum.

Postcommunio

C

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

**Pro Ss. Martyribus
Postcommunio**

HAEC nos commúnio, Dómine, purget a crímine: et, intercedéntibus sanctis Martýribus tuis Gervásio et Protásio, caeléstis remédii fáciat esse consórtes. Per Dóminum.

Eadem die 19 Junii

Pro SS. GERVASIO ET PROTASIO
Martyribus

Introitus **Ps. 84, 9**

LOQUÉTUR Dóminus pacem in plebem suam: et super sanctos suos, et in eos, qui convertúntur ad ipsum. **Ps. ibid., 2** Benedixisti, Dómine, terram tuam, avertísti captivitátem Jacob. *Vl.* Glória Patri.

Oratio

DEUS, qui nos ánnua sanctórum Mártyrum tuórum Gervásii et Protásii solemnitate laetíficas: concéde propítius ; ut, quorum gaudémus méritis, accendámur exémpis. Per Dóminum.

Léctio Epístolae beáti Petri Apóstoli.

1 Petr. 4, 13-19

CARÍSSIMI: Communicántes Christi passiónibus gaudéte, ut et in revelatióne glóriae ejus gaudeátis

exultantes. Si exprobrámini in nómine Christi, beáti éritis: quóniam quod est honóris, glóriæ et virtútis Dei, et qui est ejus Spíritus, super vos requiêscit. Nemo autem vestrum patiátur ut homicída, aut fur, aut malédicus, aut alienórum appetítor. Si autem ut christiánus, non erubéscat: gloríficet autem Deum in isto nómine. Quóniam tempus est, ut incípiat iudícium a domo Dei. Si autem primum a nobis: quis finis eórum, qui non credunt Dei Evangélio ? Et si justus vix salvábitur, ímpius et peccátor ubi parébunt ? Itaque et hi, qui patiúntur secúndum voluntátem Dei, fidéli Creatóri comméndent ánimas suas in benefáctis.

Graduale Exodi 15, 11 Gloríusus Deus in sanctis suis: mirábilis in majestáte, fáciens prodígia. **Vl. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúja, allelúja. **Vl.** Haec est vera fratérnitas, quæ vicit mundi crímina: Christum secúta est, ínclita tenens regna caeléstia. Allelúja.

+ Sequéntia sancti Evangélii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multítudo copiósia plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte in illa die, et exultáte: ecce enim merc es vestra multa est in caelo.

Offertorium Ps. 31, 11 Laetámmini in Dómino, et exultáte, justí: et gloriámmini, omnes recti corde.

Secreta

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis, a cunctis nos defénde perículis. Per Dóminum.

Communio Ps. 78, 2 et 11 Posuérunt mortália servórum tuórum, Dómine, escas volatílibus caeli, carnes sanctórum tuórum béstiis terræ: secúndum magnítudinem bráchii tui pósside filios morte punitórum.

Postcommunio

HAEC nos commúnio, Dómine, purget a crímine: et, intercedéntibus sanctis Martýribus tuis Gervásio et Protásio, caeléstis remédii fáciat esse consórtes. Per Dóminum.

* **Tempore Paschali Missa Sancti tui, de Communi Martyrum 2 loco, cum Orationibus ut in Missa praecedenti ; sed post Epistolam dicitur:**

Allelúja, allelúja. **Vl.** Haec est vera fratérnitas, quæ vicit mundi crímina: Christum secúta est, ínclita tenens regna caeléstia. Allelúja. **Vl.** Te Mártyrum candidátus laudat exércitus, Dómine. Allelúja.

Die 20 Junii
S. SILVERII

Papae et Martyris

Simplex

Missa Si díligis me, **de Communi Summorum Pontificum.**

Oratio C

GREGEM tuum, Pastor aetérne, placátus inténde: et per beátum Silvérium Mártyrem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

REFECTIÓNE sancta enutrítam gubérna, quaésumus, Dómine, tuam placátus Ecclésiam: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 21 Junii**S. ALOISII GONZAGAE**

Confessoris

Duplex

Introitus **Ps. 8, 6**

MINUÍSTI eum paulo minus ab Angelis: glória et honóre coronásti eum. **Ps. 148, 2** Laudáte Dóminum, omnes Angeli ejus: laudáte eum, omnes virtútes ejus. **Vl.** Glória Patri.

Oratio

CAELÉSTIUM donórum distribútor, Deus, qui in angélico júvene Aloísio miram vitae innocéntiam pari cum paeniténtia sociásti: ejus méritis et précibus concéde ; ut, innocéntem non secúti, paeniténtem imitémur. Per Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgrédi, et non est tránsgréssus: fácere mala, et non fecit: ídeo stabilíta sunt bona illíus in Dómino.

Graduale Ps. 70, 5-6 Dómine, spes mea a juventúte mea: in te confirmátus sum ex útero: de ventre matris meae tu es protéctor meus. **Vl. Ps. 40, 13** Me autem propter innocéntiam suscepísti: et confirmásti me in conspéctu tuo in aetérnum.

Allelúja, allelúja. **Vl. Ps. 64, 5** Beátus quem elegísti, et assumpsísti: inhabitábit in átriis tuis. Allelúja.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **Vl. Ps. 64, 5** Beátus quem elegísti, et assumpsísti: inhabitábit in átriis tuis. Allelúja. **Vl. Ps. 70, 18** Deus, docuísti me a juventúte mea: et usque nunc pronuntiábo mirabília tua. Allelúja.

+ Sequéntia sancti Evangélii secúndum Matthaéum.

Matth. 22, 29-40

IN illo témpore: Respóndens Jesus, ait sadducaéis: Errátis, nesciéntes Scriptúras, neque virtútem Dei. In resurrectiÓne enim neque nubent, neque nubéntur: sed erunt sicut Angeli Dei in caelo. De resurrectiÓne autem mortuórum non legístis quod dictum est a Deo dicénte vobis: Ego sum Deus Abraham, et Deus Isaac, et Deus Jacob ? Non est Deus mortuórum, sed vivéntium. Et audiéntes turbae, mirabántur in doctrína ejus. Pharisaei autem audiéntes quod siléntium inposuísset sadducaéis, convenérunt in unum: et interrogávit eum unus ex eis legis doctor, tentans eum: Magíster, quod est mandátum magnum in lege ? Ait illi Jesus: Díliges Dóminum Deum tuum ex toto corde tuo, et in tota ánima tua, et in tota mente tua. Hoc est máximum et primum mandátum. Secúndum autem símile est huic: Díliges próximum tuum, sicut teípsum. In his duóbus mandátis univérna lex pendet, et prophétae.

Offertorium Ps. 23, 3-4 Quis ascéndet in montem Dómini, aut quis stabit in loco sancto ejus ? Innocens mánibus, et mundo corde.

Secreta

CAELÉSTI convívio fac nos, Dómine, nuptiáli veste indútos accúmbere: quam beáti Aloísii pia praeparátio, et juges lácrimae inaestimabílibus ornábant margarítis. Per Dóminum.

Communio Ps. 77, 24-25 Panem caeli dedit eis: panem Angelórum manducávit homo.

Postcommunio

ANGELÓRUM esca nutritos, angélicis étiam, Dómine, da móribus vívere: et ejus, quem hódie cólimus, exémplo, in gratiárum semper actióne manére. Per Dóminum nostrum.

Die 22 Junii
S. PAULINI

Episcopi et Confessoris

Duplex

Introitus **Ps. 131, 9-10**

SACERDÓTES tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. **Ps. ibid., 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui ómnia pro te in hoc saéculo relinquéntibus, céntuplum in futúro et vitam aetérnam promisísti: concéde propítius ; ut, sancti Pontíficis Paulíni vestígiis inhaeréntes, valeámus terréna despícere, et sola caeléstia desideráre: Qui vivis.

Léctio Epístolae beáti Pauli Apóstoli ad Corínthios.

2 Cor. 8, 9-15

FRATRES: Scitis grátiam Dómini nostri Jesu Christi, quóniam propter vos egénus factus est, cum esset dives, ut illíus inópia vos dívites essétis. Et consílium in hoc do: hoc enim vobis útile est, qui non solum fácere, sed et velle coepístis ab anno prióre: nunc vero et facto perfícite: ut quemádmódu promptus est ánimus voluntátis, ita sit et perficiéndi ex eo quod habétis. Si enim volúntas prompta est, secúndum id quod habet, accépta est, non secúndum id quod non habet. Non enim ut áliis sit remíssio, vobis autem tribulátio, sed ex aequalitáte. In praesénti témpore vestra abundántia illórum inópiam súppléat: ut et illórum abundántia vestrae inópie sit suppleméntum, ut fiat aequálitas, sicut scriptum est: Qui multum, non abundávit: et qui módicum, non minorávit.

Graduale Eccli. 44, 16 Ecce sacérdos magnus, qui in diébus suis plácuít Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Lucam.

Luc. 12, 32-34

IN illo témpore: Dixit Jesus discíplis suis: Nolíte timére, pusíllus grex, quia complácuít Patri vestro dare vobis regnum. Véndite quae possidétis, et date eleemósynam. Fácite vobis sácculos, qui non veteráscunt, thesáurum non deficiéntem in caelis: quo fur non apprópiat, neque tínea corrúmpit. Ubi enim thesáurus vester est, ibi et cor vestrum erit.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

DA nobis, Dómine, perféctae caritátis sacrificium, exémplo sancti Pontíficis Paulíni, cum altáris oblatióne conjúngere: et beneficéntiae stúdio sempitérnam misericórdiam promeréri. Per Dóminum.

Communio Luc. 12, 42 Fidélis servus et prudens, quem constitúit dóminus super famíliam suam: ut det illis in témpore trítici mensúram.

Postcommunio

TRÍBUE nobis per haec sancta, Dómine, illum pietátis et humilitátis afféctum, quem ex hoc divíno fonte hausit sanctus Póntifex tuus Paulínus: et, ipsíus intercessióne, in omnes, qui te deprecántur, grátiae tuae divítias benígnus effúnde. Per Dóminum.

* Si hodie fuerit Sabbatum, in Missis non conventualibus fit Commemoratio Vigiliae anticipatae S. Joannis

Baptistae, ut die sequenti habetur, et de ea legitur Evangelium in fine, juxta Rubricas.

* Si hodie fuerit Sabbatum, ubi adest obligatio Chori, lecta post Tertiam extra Chorum Missa de Festo sine Commemoratione Vigiliae, in Choro post Nonam dicitur Missa de Vigilia sine Commemoratione Festi, ut die sequenti notatur ; et de Vigilia item legi possunt Missae privatae, cum 2a tamen Oratione Festi.

Die 23 Junii

IN VIGILIA

NATIVITATIS S. JOANNIS BAPTISTAE

Simplex

Introitus **Luc. 1, 13, 15 et 14**

NE tímeas, Zacharía, exaudíta est orátio tua: et Elísabeth uxor tua páriet tibi filium, et vocábis nomen ejus Joánnem: et erit magnus coram Dómino: et Spíritu Sancto replébitur adhuc ex útero matris suae: et multi in nativítate ejus gaudébunt. **Ps. 20, 2** Dómine, in virtúte tua laetábitur rex: et super salutáre tuum exsultábit veheménter. **Vl.** Glória Patri.

Non dicitur Glória in excélsis.

Oratio

PRAESTA, quaésumus, omnípotens Deus: ut familia tua per viam salutis incédatur ; et, beáti Joánnis Praecursóris hortaménta sectándo, ad eum quem praedíxit, secúra pervéniat, Dóminum nostrum Jesum Christum Filium tuum: Qui tecum vivit.

2a Oratio de S. Maria Concéde, **3a contra persecutores Ecclesiae vel pro Papa.**

Léctio Jeremíae Prophétae.

Jerem. 1, 4-10

IN diébus illis: Factum est verbum Dómini ad me, dicens: Priúsqvam te formárem in útero, novi te: et ántequam exíres de vulva, sanctificávi te, et prophétam in géntibus dedi te. Et dixi: A a a, Dómine Deus: ecce néscio loqui, quia puer ego sum. Et dixit Dóminus ad me: Noli dícere: Puer sum: quóniam ad ómnia, quae mittam te, íbis: et univérsa, quaecúmque mandávero tibi, loquéris. Ne tímeas a fácie eórum: quia tecum ego sum, ut éruam te, dicit Dóminus. Et misit Dóminus manum suam, et tétigit os meum: et dixit Dóminus ad me: Ecce dedi verba mea in ore tuo: ecce constítui te hódie super gentes, et super regna, ut evéllas et déstruas, et dispérdas, et díssipes, et aedífices, et plantes: dicit Dóminus omnípotens.

Graduale Joann. 1, 6-7 Fuit homo missus a Deo, cui nomen erat Joánnes. **Vl.** Hic venit ut testimónium perhibéret de lúmine, paráre Dómino plebem perféctam.

+ Sequéntia sancti Evangéllii secúndum Lucam.

Luc. 1, 5-17

FUIT in diébus Heródis, regis Judaéae, sacerdos quidam nómine Zacharías, de vice Abía, et uxor illíus de filiábibus Aaron, et nomen ejus Elísabeth. Erant autem justi ambo ante Deum, incedéntes in ómnibus mandátis, et justificatióibus Dómini sine queréla, et non erat illis filius, eo quod esset Elísabeth stérilis, et ambo processíssent in diébus suis. Factum est autem, cum sacerdotio fungerétur in órdine vicis suae ante Deum, secúndum consuetúdinem sacerdotii, sorte éxiit ut incénsus póneret, ingrédus in templum Dómini: et omnis multitúdo pópuli erat orans foris hora incénsi. Appáruit autem illi Angelus Dómini, stans a dextris altáris incénsi. Et Zacharías turbátus est videns, et timor írruit super eum. Ait autem ad illum Angelus: Ne tímeas, Zacharía, quóniam exaudíta est deprecátio tua: et uxor tua Elísabeth páriet tibi filium, et vocábis nomen ejus Joánnem: et erit gáudium tibi, et exsultátio, et multi in nativítate ejus gaudébunt: erit enim magnus coram Dómino: et vinum, et síceram non bibet, et Spíritu Sancto replébitur adhuc ex útero matris suae: et multos filiórum Israél convértet ad Dóminum Deum ipsórum ; et ipse praecedet ante illum in spíritu et virtúte Elíae: ut convértat corda patrum in filios, et incrédulos ad prudéntiam justórum, paráre Dómino plebem perféctam.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

MÚNERA, Dómine, obláta sanctífica: et, intercedénte beáto Joáanne Baptísta, nos per haec a peccatórum

nostrorum máculis emúnda. Per Dóminum.

Communio Ps. 20, 6 Magna est glória ejus in salutári tuo: glóriam et magnum decórem impónes super eum, Dómine.

Postcommunio

BEÁTI Joánnis Baptístae nos, Dómine, praeclára comitétur orátio: et quem ventúrum esse praedíxit, poscat nobis fore placátum, Dóminum nostrum Jesum Christum Fílium tuum: Qui tecum vivit.

Die 24 Junii

IN NATIVITATE
S. JOANNIS BAPTISTAE

Duplex I classis cum Octava communi

Introitus **Isai. 49, 1 et 2**

DE ventre matris meae vocávit me Dóminus nómine meo: et pósuit os meum ut gládium acútum: sub teguménto manus suae protéxit me, et pósuit me quasi sagíttam eléctam. **Ps. 91, 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, qui praeséntem diem honorábilem nobis in beáti Joánnis nativitaté fecisti: da pópulis tuis spirituálium grátiam gaudiórum ; et ómnium fidélibum mentes dírige in viam salutis aetérnae. Per Dóminum.

Léctio Isaíae Prophétae.

Isai. 49, 1-3, 5, 6 et 7

AUDÍTE insulae, et atténdite pópuli de longe: Dóminus ab útero vocávit me, de ventre matris meae recordátus est nóminis mei. Et pósuit os meum quasi gládium acútum: in umbra manus suae protéxit me, et pósuit me sicut sagíttam eléctam: in pháretra sua abscóndit me. Et dixit mihi: Servus meus es tu, Israël, quia in te gloriábor. Et nunc dicit Dóminus, formans me ex útero servum sibi: Ecce dedi te in lucem géntium, ut sis salus mea usque ad extrémum terrae. Reges vidébunt, et consúrgent príncipes, et adorábunt propter Dóminum, et sanctum Israël, qui elégit te.

Graduale Jerem. 1, 5 et 9 Priúsqvam te formárem in útero, novi te: et ántequam exíres de ventre, sanctificávi te. **Vl.** Misit Dóminus manum suam, et tétigit os meum, et dixit mihi.

Allelúja, allelúja. **Vl. Luc. 1, 76** Tu, puer, prophéta Altíssimi vocáberis: praeíbis ante Dóminum paráre vias ejus. Allelúja.

+ Sequéntia sancti Evangélii secúndum Lucam.

Luc. 1, 57-68

ELÍSABETH implétum est tempus pariéndi, et péperit filium. Et audiérunt vicíni et cognáti ejus, quia magnificávit Dóminus misericórdiam suam cum illa, et congratulabántur ei. Et factum est in die octávo, venérunt circumcídere púerum, et vocábant eum nómine patris sui Zacharíam. Et respóndens mater ejus, dixit: Nequáquam, sed vocábitur Joáannes. Et dixerunt ad illum: Quia nemo est in cognatióne tua, qui vocétur hoc nómine. Innuébant autem patri ejus, quem vellet vocári eum. Et póstulans pugillárem, scripsit, dicens: Joáannes est nomen ejus. Et miráti sunt univérsi. Apértum est autem íllico os ejus, et lingua ejus, et loquebátur benedicens Deum. Et factus est timor super omnes vicínos eórum: et super ómnia montána Judaéae divulgábantur ómnia verba haec: et posuérunť omnes, qui audierant, in corde suo, dicétes: Quis, putas, puer iste erit ? Etenim manus Dómini erat cum illo. Et Zacharías pater ejus replétus est Spírítu Sancto, et prophetávit, dicens: Benedíctus Dóminus Deus Israël, quia visitávit, et fecit redemptiÓNem plebis suae.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

TUA, Dómine, munéribus altária cumúlámus: illius nativitatém honóre débito celebrátes, qui Salvatórem mundi et cécinít adfutúrum, et adésse monstrávit, Dóminum nostrum Jesum Christum Fílium tuum: Qui tecum.

Communio Luc. 1, 76 Tu, puer, prophéta Altíssimi vocáberis: praeíbis enim ante fáciem Dómini paráre vias ejus.

Postcommunio

SUMAT Ecclésia tua, Deus, beáti Joánnis Baptístae generatióne laetítiam: per quem suae regeneratiónis cognóvit auctórem, Dóminum nostrum Jesum Christum Fílium tuum: Qui tecum vivit.

* In Missis votivis omnia dicuntur ut supra, cum Orationibus tamen de Vigilia ; et post Septuagesimam, omissis Allelúja, et Versu sequenti, dicitur Tractus Desidérium ex Missa Státuit, de Communi unius Martyris 1 loco.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* Luc. 1, 76 Tu, puer, prophéta Altíssimi vocáberis: praeíbis ante Dóminum paráre vias ejus. Allelúja. *Vl.* Osee 14, 6 Justus germinábit sicut lílium: et florébit in aetérnum ante Dóminum. Allelúja.

* Infra Octavam Missa dicitur ut in Festo ; et pro Orationibus ju xta diversitatem Temporum assignatis, dicitur 2a Oratio de sancta Maria Concéde, et 3a contra persecutores Ecclesiae vel pro Papa.

Die 25 Junii
S. GULIELMI

Abbatis

Duplex

Missa Os justi, de Communi Abbatum, praeter Orationem sequentem.

Oratio P

DEUS, qui infirmitáti nostrae ad teréndam salútis viam in Sanctis tuis exéplum et praesídium collocásti: da nobis, ita beáti Guliélmi Abbátis mérita venerári ; ut ejúsdem excipiámus suffrágia, et vestígia prosequámur. Per Dóminum.

Et fit Commemoratio Octavae.

Secreta C

SACRIS altáribus, Dómine, hóstias superpósitas sanctus Guliélmus Abbas, quaésumus, in salútem nobis proveníre depóscat. Per Dóminum.

Postcommunio C

PRÓTEGAT nos, Dómine, cum tui perceptiÓne sacraménti beátus Guliélmus Abbas, pro nobis intercedéndo: ut et conversatiÓnis ejus experiámur insígnia, et intercessiÓnis percipiámus suffrágia. Per Dóminum.

Die 26 Junii

SS. JOANNIS et PAULI
Martyrum

Duplex

Introitus **Ps. 33, 20-21**

MULTAE tribulatiÓnes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedicám Dóminum in omni témpore: semper laus ejus in ore meo. *Vl.* Glória Patri.

Oratio

QUSUMUS, omnípotens Deus: ut nos gemináta laetítia hodiérna festivitátis excípiat, quae de beatórum Joánnis et Pauli glorificatiÓne procedit ; quos éadem fides et pássio vere fecit esse germános. Per Dóminum.

Et fit Commemoratio Octavae.

Lectio libri Sapiéntiae.

Eccli. 44, 10-15

Hi viri misericórdiae sunt, quorum pietátes non defuérunt: cum sémine eórum pérmament bona, heréditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum núntiet Ecclésia.

Graduale Ps. 132, 1-2 Ecce quam bonum, et quam jucúndum, habitáre fratres in unum ! **V/.** Sicut unguéntum in cápite, quod descendit in barbam, barbam Aaron.

Allelúja, allelúja. V/. Haec est vera fratérnitas, quae vicit mundi crímina: Christum secúta est, ínclita tenens regna caeléstia. Allelúja.

+ Sequéntia sancti Evangéllii secúndum Lucam.

Luc. 12, 1-8

IN illo témpore: Dixit Jesus discíplis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quae in ténebris dixístis, in lúmine dicéntur: et quod in aures locúti estis in cubiculis, praedicábitur in tectis. Dico autem vobis amícis meis: Ne terreámini ab his qui occidunt corpus, et post haec non habent ámplius quid fáciant. Osténdam autem vobis quem timeátis: timeíte eum, qui, postquam occiderit, habet potestátem mittere in gehénnam. Ita dico vobis, hunc timeíte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capílli cápitis vestri omnes numeráti sunt. Nolíte ergo timeíte: multis passéribus pluris estis vos. Dico autem vobis: Omnis, quicumque conféssus fuerit me coram homínibus, et Fílius hóminis confitébitur illum coram Angelis Dei.

Offertorium Ps. 5, 12-13 Gloriabúntur in te omnes, qui díligunt nomen tuum: quóniam tu, Dómine, benedíces justo: Dómine, ut scuto bonae voluntátis tuae coronásti nos.

Secreta

HÓSTIAS tibi, Dómine, sanctórum Mártyrum tuórum Joánnis et Pauli dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

SÚMPSIMUS, Dómine, sanctórum Mártyrum tuórum Joánnis et Pauli solémnia celebrántes, sacraménta caeléstia: praesta, quaesumus ; ut, quod temporáliter gérimus, aetérnis gáudiis consequámur. Per Dóminum.

Die 27 Junii

* Si hodie fuerit Sabbatum, Missa dicitur de Vigilia anticipata Ss. Petri et Pauli Apostolorum, cum Commemoratione Octavae, et 3a Oratione de sancta Maria Concéde. Missae vero privatae dici possunt etiam de Octava, cum Commemoratione et ultimo Evangelio Vigiliae, et 3a Oratione pariter Concéde.

Die 28 JuniiS. IRENAEI

Episcopi et Martyris

Duplex

Introitus **Malach. 2, 6**

LEX veritátis fuit in ore ejus, et iníquitas non est invénta in lábiis ejus: in pace et in aequitáte ambulávit mecum, et multos avértit ab iníquitáte. **Ps. 77, 1** Atténdite, pópule meus, legem meam: inclináte aurem vestram in verba oris mei. **V/.** Glória Patri.

Oratio

DEUS, qui beáto Irenaéo Máryri tuo atque Pontífici tribuísti, ut et veritáte doctrínae expugnáret haéreses, et pacem Ecclésiae felíciter confirmáret: da, quaésumus, plebi tuae in sancta religióne constántiam ; et pacem tuam nostris concéde tempóribus. Per Dóminum.

Et fit Commemoratio Octavae.

Deinde, in Missis non conventualibus, Commemoratio Vigiliae Ss. Petri et Pauli Apostolorum juxta Rubricas.

PRAESTA, quaésumus, omnípotens Deus: ut nullis nos permíttas perturbatióibus cóncuti: quos in apostólicae confessiόνis petra solidásti. Per Dóminum.

Lectio Epístolae beáti Pauli Apóstoli ad Timótheum.

2 Tim. 3, 14-17 ; 4, 1-5

CARÍSSIME: Pérmáne in iis, quae didicísti, et crédita sunt tibi: sciens a quo didícis: et quia ab infántia sacras lítteras nosti, quae te possunt instrúere ad salútem, per fidem, quae est in Christo Jesu. Omnis Scriptúra divínitus inspiráta útilis est ad docéndum, ad arguéndum, ad corripiéndum, ad erudiéndum in justítia: ut perféctus sit homo Dei, ad omne opus bonum instrúctus. Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta oportúne, importúne: árgue, óbseca, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístae, ministérium tuum imple.

Graduale Ps. 121, 8 Propter fratres meos, et próximos meos loquébar pacem de te. **Vl. Ps. 36, 37** Custódi innocéntiam, et vide aequitátem: quóniam sunt reliquiae hómini pacífico.

Allelúja, allelúja. **Vl. Eccli. 6, 35** In multitúdine presbytórum prudéntium sta, et sapiéntiae illórum ex corde conjúngere, ut omnem narratiónem Dei possis audíre. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 36, 23 et 30-31 Apud Dóminum gressus hóminis dirigéntur: et viam ejus volet. **Vl.** Os justi meditábitur sapiéntiam, et lingua ejus loquétur júdicium. **Vl.** Lex Dei ejus in corde ipsíus: et non supplantabúntur gressus ejus.

Tempore autem Paschali, omittitur Graduale, et ejus loco dicitur:

Allelúja, allelúja. **Vl. Ps. 36, 37** Custódi innocéntiam, et vide aequitátem: quóniam sunt reliquiae hómini pacífico. Allelúja. **Vl. Eccli. 6, 35** In multitúdine presbytórum prudéntium sta, et sapiéntiae illórum ex corde conjúngere, ut omnem narratiónem Dei possis audíre. Allelúja.

+ Sequéntia sancti Evangélii secúndum Matthaéum.

Matth. 10, 28-33

IN illo témpore: Dixit Jesus discípulis suis: Nolíte timére eos, qui occídunt corpus, ánimam autem non possunt occídere ; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro ? Vestri autem capílli cápitis omnes numeráti sunt. Nolíte ergo timére: multis passéribus melióres estis vos. Omnis ergo, qui confitébitur me coram homínibus, confitébor et ego eum coram Patre meo, qui in caelis est. Qui autem negáverit me coram homínibus, negábo et ego eum coram Patre meo, qui in caelis est.

Offertorium Eccli. 24, 44 Doctrínam quasi antelucánum illúmino ómnibus, et enarrábo illam usque ad longínquum.

Secreta

DEUS, qui credéntes in te pópulos nullis sinis cóncuti terróribus: dignáre preces et hóstias dicátae tibi plebis suscípere ; ut pax a tua pietáte concéssa, christianórum fines ab omni hoste fáciat esse secúros. Per Dóminum.

Pro Vigilia Ss. Apostolorum, in Missis non conventualibus.

Secreta

MUNUS pópuli tui, quaésumus, Dómine, apostólica intercessióne sanctífica: nosque a peccatórum nostrórum máculis emúnda. Per Dóminum.

Communio Eccli. 24, 47 Vidéte quóniam non soli mihi laborávi, sed ómnibus exquiréntibus veritátem.

Postcommunio

DEUS, auctor pacis et amátor, quem nosse, vívere, cui servíre, regnáre est: prótege ab ómnibus impugnationibus súpplíces tuos ; ut, qui in defénsiõe tua confídimus, beáti Irenaéi Mártiris tui atque Pontíficis intercessiõe, nullíus hostilitátis arma timeámus. Per Dóminum.

Pro Vigilia Ss. Apostolorum, in Missis non conventualibus.

Postcommunio

QUOS caelésti, Dómine, aliménto satiásti: apostólicis intercessiõnibus ab omni adversitatẽ custódi. Per Dóminum.

Et in fine Missae, non tamen conventualis, legitur Evangelium Vigiliae, ut infra ; de qua dici possunt Missae privatae, juxta Rubricas.

*** Ubi adest obligatio Chori, lecta post Tertiam extra Chorum Missa conventuali de Festo sine Commemoratione Vigiliae, ut supra, in Choro post Nonam dicitur Missa de ipsa Vigilia sine Commemoratione Festi et Octavae, ut infra notatur.**

Eadem die 28 Junii

IN VIGILIA

SS. PETRI ET PAULI

Apostolorum

Introitus **Joann. 21, 18-19**

DICIT Dóminus Petro: Cum esses júnior, cingébas te, et ambulábas ubi volébas: cum autem senúeris, exténdes manus tuas, et álius te cinget, et ducet quo tu non vis: hoc autem dixit, significans qua morte clarificáturus esset Deum. **Ps. 18, 1** Caeli enárrant glóriam Dei: et ópera mánuum ejus annúntiat firmaméntum. **V.** Glória Patri.

Non dicitur Glória in excélsis.

Oratio

PRAESTA, quaésumus, omnípotens Deus: ut nullis nos permíttas perturbatiõnibus cóncuti: quos in apostólicae confessiõnis petra solidásti. Per Dóminum.

In Missa conventuali additur, juxta Rubricas, 2a Oratio de sancta Maria Concéde, et 3a contra persecutores Ecclesiae, vel pro Papa.

In Missis vero privatis

2a de S. Irenaeo

Oratio

DEUS, qui beáto Irenaeo Mártiri tuo atque Pontífici tribuísti, ut et veritáte doctrínae expugnáret haéreses, et pacem Ecclesiáe feliciter confirmáret: da, quaésumus, plebi tuae in sancta religiõe constántiam ; et pacem tuam nostris concéde tempóribus. (Per Dóminum.)

3a de Octava

Léctio Actuum Apostolórum.

Act. 3, 1-10

IN diébus illis: Petrus et Joánnes ascendébant in templum ad horam oratiõnis nonam. Et quidam vir, qui erat claudus ex útero matris suae, bajulabátur: quem ponéban quotídie ad portam templi, quae dicitur Speciõsa, ut péteret eleemósynam ab introeúntibus in templum. Is cum vidísset Petrum et Joánnem incipiéntes introíre in templum, rogábat, ut eleemósynam accíperet. Intuens autem in eum Petrus cum Joáñne, dixit: Réspice in nos. At ille intendébat in eos, sperans se áliquid acceptúrum ab eis. Petrus autem dixit: Argéntum et aurum non est mihi: quod autem hábeo, hoc tibi do: In nómine Jesu Christi Nazaréni surge et ámbula. Et apprehensa manu ejus dextera, allevávit eum, et prótinus consolidatae sunt bases ejus, et plantae. Et exsíliens stetit, et ambulábat: et intrávit cum illis in templum, ámbulans, et exsíliens, et laudans Deum. Et vidit omnis pópulus eum ambulántem, et laudántem Deum. Cognoscébant autem illum, quod ipse erat, qui ad eleemósynam sedébat ad Speciõsam portam templi: et impléti sunt stupóre et éxtasi

Graduale Ps. 18, 5 et 2 In omnem terram exívit sonus eórum: et in fines orbis terrae verba eórum. **V/.** Caeli enarrant glóriam Dei: et ópera mánuum ejus annúnciat firmaméntum.

+ Sequéntia sancti Evangéllii secúndum Joánnem.
Joann. 21, 15-19

IN illo témpore: Dixit Jesus Simóni Petro: Simon Joánnis, díligis me plus his ? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei íterum: Simon Joánnis, díligis me ? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tértio: Simon Joánnis, amas me ? Contristátus est Petrus, quia dixit ei tértio, Amas me ? et dixit ei: Dómine, tu ómnia nosti: tu scis quia amo te. Dixit ei: Pasce oves meas. Amen, amen dico tibi: cum esses júnior, cingébas te, et ambulábas ubi volébas: cum autem senúeris, exténdes manus tuas, et álius te cinget, et ducet quo tu non vis. Hoc autem dixit, signíficans quia morte clarificatúrus esset Deum.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

MUNUS pópuli tui, quaesumus, Dómine, apostólica intercessióne sanctífica: nosque a peccatórum nostrórum máculis emúnda. Per Dóminum.

**In Missis privatis
2a de S. Irenaeo
Secreta**

DEUS, qui credéntes in te pópulos nullis sinis cóncuti terróribus: dignáre preces et hóstias dicátae tibi plebis suscíperere ; ut pax a tua pietáte concéssa, christianórum fines ab omni hoste fáciat esse secúros. (Per Dóminum.)

3a de Octava

Communio Joann. 21, 15 et 17 Simon Joánnis, díligis me plus his ? Dómine, tu ómnia nosti: tu scis, Dómine, quia amo te.

Postcommunio

QUOS caelésti, Dómine, aliménto satiásti: apostólicis intercessiónibus ab omni adversitáte custódi. Per Dóminum.

**In Missis privatis
2a de S. Irenaeo
Postcommunio**

DEUS, auctor pacis et amátor, quem nosse, vívere, cui servíre, regnáre est: prótege ab ómnibus impugnationibus súpplíces tuos ; ut, qui in defénsióne tua confidimus, beáti Irenaei Mártiris tui atque Pontíficis intercessióne, nullíus hostilitátis arma timeámus. (Per Dóminum.)

3a de Octava

Die 29 Junii

SS. PETRI ET PAULI

Apostolorum

Duplex I classis cum Octava communi

Introitus **Act. 12, 11**

NUNC scio vere, quia misit Dóminus Angelum suum: et erípuit me de manu Heródis, et de omni exspectatióne plebis Judaeórum. **Ps. 138, 1-2** Dómine, probásti me, et cognovísti me: tu cognovísti sessiónem meam, et resurrectiόνem meam. **V/.** Glória Patri.

Oratio

DEUS, qui hodiérnam diem Apostolórum tuórum Petri et Pauli mártýrio consecrásti: da Ecclésiae tuae,

eórum in ómnibus sequi praecéptum ; per quos religi6nis sumpsit exórdium. Per D6minum.

Lectio Actuum Apostolorum.

Act. 12, 1-11

IN di6bus illis: Misit Her6des rex manus, ut affligeret quosdam de ecclesi6. Occidit autem Jac6bum fratrem Jo6nnis gl6dio. Videns autem quia plac6ret Judaeis, app6suit ut apprehenderet et Petrum. Erant autem dies azym6rum. Quem cum apprehendisset, misit in c6rcerem, tradens qu6tuor quaterni6nibus m6litum custodi6ndum, volens post Pascha producere eum p6pulo. Et Petrus quidem servab6tur in c6rcere. Or6tio autem fi6bat sine intermissi6ne ab ecclesi6 ad Deum pro eo. Cum autem product6rus eum esset Her6des, in ipsa nocte erat Petrus d6rmiens inter duos m6lites, vinctus cat6nis du6bus: et cust6des ante 6stium custodi6bant c6rcerem. Et ecce Angelus D6mini 6stittit: et lumen ref6lsit in habit6culo: percuss6que l6tere Petri, excit6vit eum, dicens: Surge vel6citer. Et ceciderunt cat6nae de m6nibus ejus. Dixit autem Angelus ad eum: Praec6ngere, et c6lcea te c6ligas tuas. Et fecit sic. Et dixit illi: Circ6mda tibi vestim6ntum tuum, et s6quere me. Et 6xiens sequeb6tur eum, et nesci6bat quia verum est, quod fi6bat per Angelum: existim6bat autem se visum vid6re. Transe6ntes autem primam et sec6ndam cust6diam, ven6runt ad portam f6rream, quae ducit ad civit6tem: quae ultro ap6rta est eis. Et exe6ntes process6runt vicum unum, et cont6nuo disc6ssit Angelus ab eo. Et Petrus ad se rev6rsus, dixit: Nunc scio vere, quia misit D6minus Angelum suum, et eripuit me de manu Her6dis, et de omni exspectati6ne plebis Judae6rum.

Graduale Ps. 44, 17-18 Constitues eos pr6ncipes super omnem terram: m6mores erunt n6minis tui, D6mine. **V.** Pro p6tribus tuis nati sunt tibi f6lII: propt6rea p6puli confiteb6ntur tibi. Allel6ja , allel6ja. **V.** **Matth. 16, 18** Tu es Petrus, et super hanc petram aedific6bo Ecclesi6m meam. Allel6ja.

+ Sequ6ntia sancti Evangelii sec6ndum Mattha6um.

Matth. 16, 13-19

IN illo t6mpore: Venit Jesus in partes Caesar6ae Phil6ppi, et interrog6bat disc6pulos suos, dicens: Quem dicunt h6mines esse F6lium h6minis ? At illi dixerunt: Alii Jo6nnem Bapt6stam, 6lII autem El6iam, 6lII vero Jeremi6m, aut unum ex proph6tis. Dicit illis Jesus: Vos autem quem me esse dicitis ? Resp6ndens Simon Petrus, dixit: Tu es Christus, F6lius Dei vivi. Resp6ndens autem Jesus, dixit ei: Be6tus es, Simon Bar Jona: quia caro et sanguis non revel6vit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedific6bo Ecclesi6m meam, et portae 6feri non praeval6bunt adv6rsus eam. Et tibi dabo claves regni cael6rum. Et quodc6mque lig6veris super terram, erit lig6tum et in caelis: et quodc6mque s6lveris super terram, erit sol6tum et in caelis.

Credo, per totam Octavam.

Offertorium Ps. 44, 17-18 Constitues eos pr6ncipes super omnem terram: m6mores erunt n6minis tui, D6mine, in omni prog6nie et generati6ne.

Secreta

H6STIAS, D6mine, quas n6mini tuo sacr6ndas off6rimus, apost6lica prosequ6tur or6tio: per quam nos expi6ri tr6buas, et def6ndi. Per D6minum.

Praefatio de Apostolis, quae dicitur per totam Octavam in omnibus Missis quae aliam Praefationem non exigant, juxta Rubricas.

Communio Matth. 16, 18 Tu es Petrus, et super hanc petram aedific6bo Ecclesi6m meam.

Postcommunio

QUOS cael6sti, D6mine, alim6nto sati6sti: apost6licis intercessi6nibus ab omni adversit6te cust6di. Per D6minum.

* **Pro votiva Ss. Petri et Pauli sumitur Missa** Mihi autem, **quae habetur inter votivas.** **Tempore autem Paschali dicitur Missa** Protexisti, **ut ibid., praeter Orationes, Epistolam et Evangelium, quae dicuntur ut in Missa** Mihi autem, **ut supra notatur.**

**MISSA VOTIVA
DE S. PETRO**

DE S. PETRO
Apostolo

seorsim dicenda a S. Paulo Apostolo

Extra Tempus Paschale

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2**
Dómine, probásti me, et cognovísti me: tu cognovísti sessiónem meam, et resurrectionem meam. **Vl.** Glória Patri.

Tempore Paschali

Introitus **Ps. 63, 3**

PROTEXÍSTI me, Deus, a convéntu malignántium, allelúja: a multitudíne operántium iniquitátem, allelúja, allelúja. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **Vl.** Glória Patri.

Oratio

PRAESTA, quaésumus, omnípotens Deus: ut nullis nos permíttas perturbatióibus cóncuti: quos in apostólicae confessiósni petra solidásti. Per Dóminum.

Et fit Commemoratio S. Pauli, ut in Missa sequenti, ante omnes alias Commemorationes. Epistola et Graduale, ut supra in Festo Ss. Petri et Pauli.

Post Septuagesimam, omissis Allelúja et Versu sequenti, dicitur

Tractus Matth. 16, 18-19 Tu es Petrus, et super hanc petram aedificábo Ecclésiam meam. **Vl.** Et portae inferi non praevalébunt advérsus eam: et tibi dabo claves regni caelórum. **Vl.** Quodcúmque ligáveris super terram, erit ligátum et in caelis. **Vl.** Et quodcúmque sólveris super terram, erit solútum et in caelis.

Tempore autem Paschali, omittitur Graduale, et ejus loco dicitur:

Allelúja, allelúja. **Vl.** **Ps. 106, 8** Confiteántur Dómino misericórdiae ejus, et mirábilia ejus filiis hóminum. Allelúja. **Vl.** **Matth. 16, 18** Tu es Petrus, et super hanc petram aedificábo Ecclésiam meam. Allelúja.

Evangelium, ut supra in Festo Ss. Petri et Pauli.

Offertorium Ps. 44, 17-18 Constítues eos príncipes super omnem terram: mémore erunt nóminis tui, Dómine, in omni progénie et generatióne. **(T. P. Allelúja.)**

Secreta

MUNUS pópuli tui, quaésumus, Dómine, apostólica intercessiósne sanctífica: nosque a peccatórum nostrórum máculis emúnda. Per Dóminum.

Et fit Commemoratio S. Pauli, ut supra.

Praefatio de Apostolis.

Communio Matth. 16, 18 Tu es Petrus, et super hanc petram aedificábo Ecclésiam meam. **(T. P. Allelúja.)**

Postcommunio

QUOS caelésti, Dómine, aliménto satiásti: apostólicis intercessiósibus ab omni adversitáte custódi. Per Dóminum.

Et fit Commemoratio S. Pauli, ut supra.

*** Item pro votiva de S. Paulo sumitur Missa ut in sequenti die, cum Commemoratione S. Petri.**

Die 30 Junii
IN COMMEMORATIONE

Apostoli

Duplex majus

Introitus **2 Tim. 1, 12**

SCIO cui credidi, et certus sum, quia potens est depositum meum servare in illum diem, justus iudex. **Ps. 138, 1-2** Domine, probasti me, et cognovisti me: tu cognovisti sessionem meam, et resurrectionem meam. **V.** Gloria Patri.

Oratio

DEUS, qui multitudinem gentium beati Pauli Apostoli praedicatione docuisti: da nobis, quaesumus: ut, cujus natalitia colimus, ejus apud te patrocinia sentiamus. Per Dominum.

Et fit Commemoratio S. Petri Apostoli, ante omnes alias Commemorationes.

Oratio

DEUS, qui beato Petro Apostolo tuo, collatis clavibus regni caelestis, ligandi atque solvendi pontificium tradidisti: concede; ut, intercessionis ejus auxilio, a peccatorum nostrorum nexibus liberemur: **(Qui vivis)**.

Deinde Commemoratio Octavae S. Joannis.

Lectio Epistolae beati Pauli Apostoli ad Galatas.

Gal. 1, 11-20

FRATRES: Notum vobis facio Evangelium, quod evangelizatum est a me, quia non est secundum hominem: neque enim ego ab homine accépi illud, neque didici, sed per revelationem Jesu Christi. Audistis enim conversationem meam aliquando in Judaismo: quoniam supra modum persequer bar Ecclesiam Dei, et expugnabam illam, et proficiebam in Judaismo supra multos coetaneos meos in genere meo, abundantius aemulator existens paternarum mearum traditionum. Cum autem placuit ei, qui me segregavit ex utero matris meae, et vocavit per gratiam suam, ut revelaret Filium suum in me, ut evangelizarem illum in gentibus: continuo non acquievi carni et sanguini, neque veni Jerosolymam ad antecessores meos Apostolos: sed abii in Arabiam: et iterum reversus sum Damascum: deinde post annos tres veni Jerosolymam videre Petrum, et mansi apud eum diebus quindecim: alium autem Apostolorum vidi neminem, nisi Jacobum fratrem Domini. Quae autem scribo vobis, ecce coram Deo, quia non mentior.

Graduale Gal. 2, 8-9 Qui operatus est Petro in apostolatium, operatus est et mihi inter gentes: et cognoverunt gratiam Dei, quae data est mihi. **V.** **1 Cor. 15, 10** Gratia Dei in me vacua non fuit: sed gratia ejus semper in me manet.

Allelúja, allelúja. **V.** Sancte Paule Apostole, praedicator veritatis, et doctor gentium, intercède pro nobis. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Tu es vas electionis, sancte Paule Apostole: vere digne es glorificandus. **V.** Praedicator veritatis, et doctor gentium in fide et veritate. **V.** Per te omnes gentes cognoverunt gratiam Dei. **V.** Intercède pro nobis ad Deum, qui te elégit.

Tempore autem Paschali, omittitur Graduale, et ejus loco dicitur:

Allelúja, allelúja. **V.** **Ps. 106, 8** Confiteantur Domino misericordiae ejus, et mirabilia ejus filiis hominum. Allelúja. **V.** Sancte Paule Apostole, praedicator veritatis et doctor gentium, intercède pro nobis. Allelúja..

+ Sequéntia sancti Evangelii secundum Matthaéum.

Math. 10, 16-22

IN illo tempore: Dixit Jesus discipulis suis: Ecce ego mitto vos sicut oves in medio luporum. Estote ergo prudentes sicut serpentes, et simplices sicut columbae. Cavete autem ab hominibus. Tradent enim vos in conciliis, et in synagogis suis flagellabunt vos: et ad praesides, et ad reges ducemini propter me in testimonium illis et gentibus. Cum autem tradent vos, nolite cogitare quomodo, aut quid loquamini: dabitur enim vobis in illa hora quid loquamini. Non enim vos estis qui loquamini, sed Spiritus Patris vestri, qui loquitur in vobis. Tradet autem frater fratrem in mortem, et pater filium: et insurgent filii in parentes, et morte eos afficient: et eritis odio omnibus propter nomen meum: qui autem perseveraverit usque in finem, hic salvus erit.

Credo.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

APÓSTOLI tui Pauli précibus, Dómine, plebis tuae dona sanctífica: ut, quae tibi tuo grata sunt institúto, gratióra fiant patrocínio supplicántis. Per Dóminum.

**Pro S. Petro
Secreta**

ECCLÉSIAE tuae, quaésumus, Dómine, preces et hóstias beáti Petri Apóstoli comméndet orátio: ut, quod pro illíus glória celebrámus, nobis prosit ad véniam. (Per Dóminum.)

Deinde Commemoratio Octavae.

Praefatio de Apostolis.

Communio Matth. 19, 28 et 29 Amen dico vobis: quod vos, qui reliquistis ómnia, et secúti estis me, céntuplum accipiétis, et vitam aetérnam possidébitis.

Postcommunio

PERCÉPTIS, Dómine, sacraméntis: beáto Paulo Apóstolo tuo interveniénte, deprecámur ; ut, quae pro illíus celebráta sunt glória, nobis proficiant ad medélam. Per Dóminum.

**Pro S. Petro
Postcommunio**

LAETÍFICET nos, Dómine, munus oblátum: ut, sicut in Apóstolo tuo Petro te mirábilem praedicámus ; sic per illum tuae sumámus indulgéntiae largitátem. (Per Dóminum).

Deinde Commemoratio Octavae.

FESTA JULII

* **Prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.**

Die 1 Julii

PRETIOSISSIMI SANGUINIS D. N. J. C.

Duplex I Classis

Introitus **Apoc. 5, 9-10**

REDEMÍSTI nos, Dómine, in sángine tuo, ex omni tribu, et lingua, et pópulo, et natióne: et fecisti nos Deo nostro regnum. Ps. 88, 2 Misericórdias Dómini in aetérnum cantábo: in generatióne et generatióne annuntiábo veritátem tuam in ore meo. **V.** Glória Patri.

Oratio

OMNÍPOTENS sempitérne Deus, qui unigénitum Fílium tuum mundi Redemptórem constituísti, ac ejus Sángine placári voluísti: concéde, quaésumus, salútis nostrae prétium solémni cultu ita venerári, atque a praeséntis vitae malis ejus virtúte deféndi in terris ; ut fructu perpétuo laetémur in caelis. Per eúndem Dóminum.

* **In Missis votivis omittantur verba solémni cultu.**

Et fit Commemoratio diei Octavae S. Joannis in Missis privatis tantum.

Léctio Epístolae beáti Pauli Apóstoli ad Hebraeos.

Hebr. 9, 11-15

FRATRES: Christus assístens pónטיפex futurórum bonórum, per ámplius et perféctius tabernáculum non manufáctum, id est, non hujus creatiónis ; neque per sánguinem hircórum, aut vitulórum, sed per próprium sánguinem introívit semel in Sancta, aetérna redemptióne invénta. Si enim sanguis hircórum, et taurórum, et cinis vitulae aspérsus, inquinátos sanctíficat ad emundatióem carnis: quanto magis sanguis Christi, qui per Spíritum Sanctum semetípsum óbtulit immaculátum Deo, emundábit consciéntiam nostram ab opéribus mórtuis, ad serviéndum Deo vivénti ? Et ídeo novi testaménti mediátor est: ut morte intercedénte, in redemptióem eárum praevaricatiónum, quae erant sub prióri testaménto, repromissióem accípiant, qui vocáti sunt, aetérnae hereditátis, in Christo Jesu Dómino nostro.

Graduale 1 Joann. 5, 6 et 7-8 Hic est qui venit per aquam et sánguinem, Jesus Christus: non in aqua solum, sed in aqua et ságuine. **Vl.** Tres sunt, qui testimónium dant in caelo: Pater, Verbum et Spíritus Sanctus: et hi tres unum sunt. Et tres sunt, qui testimónium dant in terra: Spíritus, aqua et sanguis: et hi tres unum sunt.

Allelúja , allelúja. **Vl. Ibid., 9** Si testimónium hóminum accípiamus, testimónium Dei majus est. Allelúja.

In Missis votivis post Septuagesimam, omissis Allelúja, et Versu sequenti, dicitur

Tractus Ephes. 1, 6-8 Gratificávit nos Deus in dilécto Fílio suo, in quo habémus redemptióem per sánguinem ejus. **Vl.** Remissióem peccatórum, secúndum divítias grátiae ejus, quae superabundávit in nobis. **Vl. Rom. 3, 24-25** Justificáti gratis per grátiam ipsíus, per redemptióem, quae est in Christo Jesu. **Vl.** Quem propósuit Deus propitiatióem per fidem in ságuine ipsíus.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Apoc. 5, 9** Dignus es, Dómine, accípere librum, et aperíre signácula ejus: quóniam occísus es, et redemísti nos Deo in ságuine tuo. Allelúja. **Vl. Exodi 12, 13** Erit autem sanguis vobis in signum: et vidébo sánguinem, et transíbo vos: nec erit in vobis plaga dispérens. Allelúja.

+ Sequéntia sancti Evangélii secúndum Joánnem.

Joann. 19, 30-35

IN illo témpore: Cum accepísset Jesus acétum, dixit: Consummátum est. Et inclináto cápite trádidit spíritum. Judaéi ergo (quóniam Parascéve erat) ut non remanérent in cruce córpora sábbato (erat enim magnus dies ille sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifíxus est cum eo. Ad Jesum autem cum veníssent, ut vidérunt eum jam mórtuum, non fregérunt ejus crura, sed unus mílitum lancea latus ejus aperúit, et contínuo exívit sanguis et aqua. Et qui vidit, testimónium perhíbuit: et verum est testimónium ejus.

Credo.

Offertorium 1 Cor. 10, 16 Calix benedictiónis, cui benedícimus, nonne comunicátió ságuinis Christi est ? et panis, quem frángimus, nonne participátió córporis Dómini est ?

Secreta

PER haec divína mystéria, ad novi, quaésumus, testaménti mediátorem Jesum accedámus: et super altária tua, Dómine virtútum, aspersionem ságuinis mélius loquéntem, quam Abel, innovémus. Per eúmdem Dóminum.

Praefatio de Cruce.

Communio Hebr. 9, 28 Christus semel oblátus est ad multórum exhauriéndam peccáta: secúndo sine peccáto apparébit exspectántibus se in salútem.

Postcommunio

AD sacram, Dómine, mensam admíssi, háusimus aquas in gáudio de fóntibus Salvatóris: sanguis ejus fiat nobis, quaésumus, fons aquae in vitam aetérnam saliéntis. Qui tecum vivit.

Die 2 Julii

**IN VISITATIONE
BEATAE MARIAE VIRGINIS**

Duplex II classis

Introitus **Sedulius**

SALVE, sancta parens, enixa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

FÁMULIS tuis, quaésumus, Dómine, caeléstis grátiae munus impertíre: ut, quibus beátae Vírginis partus éxstitit salutis exórdium ; Visitatiónis ejus votíva solémnitas, pacis tríbuat increméntum. Per Dóminum.

Et, in Missis privatis tantum, fit Commemoratio Ss. Processi et Martiniani Martyrum.

Oratio

DEUS, qui nos sanctórum Mártyrum tuórum Procéssi et Martiniáni gloriósis confessiόνibus circúmdas et prótegis: da nobis et eórum imitatióne profícere, et intercessióne gaudére. Per Dóminum.

Léctio libri Sapiéntiae.

Cant. 2, 8-14

ECCE iste venit sáliens in móntibus, transíliens colles: símilis est diléctus meus cápreae, hinnulóque cervórum. En ipse stat post paríetem nostrum, respíciens per fenéstas, prospíciens per cancellos. En diléctus meus lóquitur mihi: Surge, própéra, amíca mea, colúmba mea, formósa mea, et veni. Jam enim hiems tránsiit, imber ábiit, et recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: víneae floréntes dedérunt odórem suum. Surge, amíca mea, speciósa mea, et veni: colúmba mea in foramínibus petrae, in cavérna macériae, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo.

Allelúja, allelúja. **Vl.** Felix es, sacra Virgo María, et omni laude digníssima: quia ex te ortus est sol justítiae, Christus Deus noster. Allelúja.

+ Sequéntia sancti Evangéllii secúndum Lucam.

Luc. 1, 39-47

IN illo témpore: Exsúrgens María ábiit in montána cum festinatióne in civitátem Juda: et intrávit in domum Zacharíaе, et salutávit Elísabeth. Et factum est, ut audívit salutatiónem Maríaе Elísabeth, exsultávit infans in útero ejus: et repléta est Spírítu Sancto Elísabeth, et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me ? Ecce enim, ut facta est vox salutatiónis tuae in áuribus meis, exsultávit in gáudio infans in útero meo. Et beáta, quae credidísti, quóniam perficiéntur ea, quae dicta sunt tibi a Dómino. Et ait María: Magnificat ánima mea Dóminum: et exsultávit spírítus meus in Deo salutári meo.

Credo.

Offertorium Beáta es, Virgo María, quae ómnium portásti Creatórem: genuísti qui te fecit, et in aetérnum pérmanes Virgo.

Secreta

UNIGÉNITI tui, Dómine, nobis succúrrat humanítas: ut, qui natus de Vírgine, matris integritátem non mínuit, sed sacrávit ; in Visitatiónis ejus solémniis, nostris nos piáculis éxuens, oblatiόνem nostram tibi fáciat accéptam Jesus Christus Dóminus noster: Qui tecum vivit.

**Pro Ss. Martyribus
in Missis privatis
Secreta**

SÚSCÍPE, Dómine, preces et múnera: quae ut tuo sint digna conspéctu, Sanctórum tuórum précibus adjuvémur. Per Dóminum.

Praefatio de beata Maria Virgine Et te in Visitatióne.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SÚMPSIMUS, Dómine, celebritátis ánnuae votíva sacraménta: praesta, quaesumus ; ut et temporális vitae nobis remédia praébeant, et aetérnae. Per Dóminum.

**Pro Ss. Martyribus
in Missis privatis
Postcommunio**

CÓRPORIS sacri, et pretiósí Sánguinis repléti libámine, quaesumus, Dómine Deus noster: ut, quod pia devotióne gérimus, certa redemptióne capiámus. Per eúmdem Dóminum.

Eadem die 2 Julii

Pro SS. PROCESSO ET MARTINIANO
Martyribus

Introitus **Eccli. 44, 15 et 14**

SAPIÉNTIAM sanctórum narrent pópuli, et laudes eórum núnriet ecclésia: nómina autem eórum vivent in saéculum saéculi. **Ps. 32, 1** Exsultáte, justí, in Dómino: rectos decet collaudátio. **Vl.** Glória Patri.

Oratio

DEUS, qui nos sanctórum Mártyrum tuórum Procéssi et Martiniáni gloriósis confessiόνibus circúmdas et prótegis: da nobis et eórum imitatióne profícere, et intercessióne gaudére. Per Dóminum.

Léctio Epístolae beáti Pauli Apóstoli ad Hebraeos.

Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substántiam. Nolíte itaque amittere confidéntiam vestram, quae magnam habet remuneratiónem. Patiéntia enim vobis necessária est: ut voluntátem Dei faciéntes, reportétis promissiónem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Ps. 123, 7-8 Anima nostra, sicut passer, erépta est de láqueo venántium. **Vl.** Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram.

Allelúja, allelúja. **Vl. Ps. 67, 4** Justí epuléntur, et exsúltent in conspéctu Dei: et delecténtur in laetitia. Allelúja.

+ Sequéntia sancti Evangélii secúndum Matthaéum.

Matth. 16, 24-27

IN illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimae vero suae detriméntum patiátur ? Aut quam dabit homo commutatiónem pro ánima sua ? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatiónes Dei in fáucibus eórum, allelúja.

Secreta

SÚSCIPE, Dómine, preces et múnera: quae ut tuo sint digna conspéctu, Sanctórum tuórum précibus adjuvémur. Per Dóminum.

Communio Luc. 12, 4 Dico autem vobis amícis meis: Ne terreámini ab his, qui vos persecúntur.

Postcommunio

CÓRPORIS sacri, et pretiósi sánguinis repléti libámine, quaésumus, Dómine Deus noster: ut, quod pia devotióne gérimus, certa redemptióne capiámus. Per eúmdem Dóminum.

Die 3 Julii
S. LEONIS II

Papae et Confessoris

Semiduplex

Missa Si diligis me, de **Communi Summorum Pontificum**.

Oratio C

GREGEM tuum, Pastor aetérne, placátus inténde: et per beátum Leónem Summum Pontíficem, perpétua protectióne custódi; quem totíus Ecclésiæ praestitísti esse pastórem. Per Dóminum.

Et fit Commemoratio Octavae.

Credo, ratióne Octavae.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 4 Julii

De VI die infra Octavam

SS. PETRI ET PAULI

Apostolorum

Semiduplex

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiÓNem meam, et resurrectiÓNem meam. **Vl.** Glória Patri.

Oratio

DEUS, qui hodiérnam diem Apostolórum tuórum Petri et Pauli mártýrio consecrásti: da Ecclésiæ tuæ, eórum in ómnibus sequi praecéptum; per quos religiónis sumpsit exórdium. Per Dóminum.

2a Oratio de S. Maria Concéde, **et 3a contra persecutores Ecclesiae, vel pro Papa.**

Léctio Actuum Apostolórum.

Act. 5, 12-16

IN diébus illis: Per manus Apostolórum fiébant signa et prodígia multa in plebe. Et erant unánimiter omnes in pórticu Salomónis. Ceterórum autem nemo audébat se conjúngere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejícerent infirmos, et pónerent in léctulis et grabátis, ut, veniénte Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes aegros, et vexátos a spirítibus immúndis: qui curabántur omnes.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **Vl.** Pro pátribus tuis nati sunt tibi fílii: proptérea pópuli confitebúntur tibi.

Allelúja, allelúja. *Vl. Luc. 22, 32* Rogávi pro te, Petre, ut non deficiat fides tua: et tu aliquándo convérsus confirma fratres tuos. Allelúja.

+ Sequéntia sancti Evangélii secúndum Matthaéum.

Math. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Credo.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

HÓSTIAS, Dómine, quas nómini tuo sacrádas offérimus, apostólica prosequátur orátio: per quam nos expiári tríbuas, et deféndi. Per Dóminum.

Praefatio de Apostolis.

Communio Matth. 19, 28 Vos qui secúti estis me, sedébitis super sedes, judicántes duódecim tribus Israél.

Postcommunio

QUOS caelésti, Dómine, aliménto satiásti: apostólicis intercessiónibus ab omni adversitaté custódi. Per Dóminum.

Die 5 Julii

S. ANTONII MARIAE ZACCARIA

Confessoris

Duplex

Introitus *1 Cor. 2, 4*

SERMO meus, et praedicátió mea non in persuasibílibus humánae sapiéntiae verbis, sed in ostensióne spíritus et virtútis. *Ps. 110, 1* Confitébor tibi, Dómine, in toto corde meo, in consílio justórum et congregatióne. *Vl. Glória Patri.*

Oratio

FAC nos, Dómine Deus, supereminéntem Jesu Christi sciéntiam, spíritu Pauli Apóstoli edíscere: qua beátus Antónius María mirabíliter erudítus, n ovas in Ecclésia tua clericórum et vírginum famílias congregávit. Per eúmdem Dóminum.

Et fit Commemoratio Octavae.

Léctio Epístolae beáti Pauli Apóstoli ad Timótheum.

1 Tim. 4, 8-16

CARÍSSIME: Píetas ad ómnia útilis est: promissiónem habens vitae, quae nunc est, et futúrae. Fidélis sermo, et omni acceptióne dignus. In hoc enim laborámus et maledícimur, quia sperámus in Deum vivum, qui est Salvátor ómnium hóminum, máxime fidélium. Praeípe haec, et doce. Nemo adolescéntiam tuam contémnat: sed exéplum esto fidélium in verbo, in conversatióne, in caritaté, in fide in castitaté. Dum vénio, atténde lectiáni, exhortatiáni, et doctrínae. Noli negligere grátiam, quae in te est, quae data est tibi per prophetíam, cum impositióne mánuum presbytérii. Haec meditáre, in his esto: ut proféctus tuus maniféctus sit ómnibus. Atténde tibi, et doctrínae: insta in illis. Hoc enim faciéns, et teípsum salvum faciés, et eos qui te áudiunt.

Graduale Philipp. 1, 8-9 Testis mihi est Deus, quo modo cúpiam omnes vos in viscéribus Jesu Christi. Et hoc oro, ut caritas vestra magis ac magis abúndet in sciéntia et in omni sensu. *Vl. Ibid., 10* Ut probéctis potióra, ut sitis sincéri et sine offénsa in diem Christi.

Allelúja, allelúja. *Vl. Ibid., 11* Repléti fructu justítiae per Jesum Christum, in glóriam et laudem Dei. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus 2 Cor. 10, 17-18 Qui gloriátur, in Dómino gloriétur: non enim qui seípsum comméndat, ille probátus est: sed quem Deus comméndat. *Vl. Gal. 6, 14* Mihi autem absit gloriári, nisi in Cruce Dómini nostri Jesu Christi: per quem mihi mundus crucifíxus est, et ego mundo. *Vl. Philipp. 1, 21* Mihi vívere Christus est, et mori lucrum.

Tempore autem Paschali, omittitur Graduale, et ejus loco dicitur:

Allelúja, allelúja. *Vl. 2 Cor. 7, 4* Replétus sum consolatióne, superabúndo gáudio in omni tribulatióne nostra. Allelúja. *Vl. Ibid., 6, 13* Tamquam filiis dico: dilatámini et vos. Allelúja.

+ Sequéntia sancti Evangélii secúndum Marcum.

Marc. 10, 15-21

IN illo témpore: Dixit Jesus discipulis suis: Quisquis non recéperit regnum Dei velut párvulus, non intrábit in illud. Et compléxans párvulos, et impónens manus super illos, benedicébat eos. Et cum egréssus esset in viam, procúrrens quidam, genu flexo ante eum, rogábat eum: Magíster bone, quid fáciam, ut vitam aetérnam percípiam? Jesus autem dixit ei: Quid me dicis bonum? Nemo bonus, nisi unus Deus. Praecépta nosti: Ne adúlteres, ne occídas, ne furéris, ne falsum testimónium díxeris, ne fraudem féceris. Honóra patrem tuum et matrem. At ille respóndens, ait illi: Magíster, haec ómnia observávi a juventúte mea. Jesus autem intúitus eum, diléxit eum, et dixit ei: Unum tibi deest: vade, quaecúmque habes vende, et da paupéribus, et habébis thesáurum in caelo: et veni, séquere me.

Credo, ratione Octavae.

Offertorium Ps. 137, 1-2 In conspéctu Angelórum psallam tibi: adorábo ad templum sanctum tuum, et confitebor nómini tuo.

Secreta

AD mensam caeléstis convívii fac nos, Dómine, eam mentis et córporis puritátem afférre, qua beátus Antónius María, hanc sacratíssimam hóstiam ófferens, mirífice ornátus enítuit. Per Dóminum.

Praefatio de Octava.

Communio Philipp. 3, 17 Imitatóres mei estóte, fratres, et observáte eos, qui ita ámbulant, sicut habétis formam nostram.

Postcommunio

CAELÉSTI dape qua pasti sumus, Dómine Jesu Christe, eo corda nostra caritátis igne flamméscant: quo beátus Antónius María salutáris hóstiae vexillum, contra Ecclésiae tuae hostes, éxtulit ad victóriam: Qui vivis.

Die 6 Julii

In Octava

SS. PETRI ET PAULI

Apostolorum

Duplex majus

Introitus **Eccli. 44, 15 et 14**

SAPIÉNTIAM sanctórum narrent pópuli, et laudes eórum núnctiet ecclésia: nómina autem eórum vivent in saéculum saéculi. **Ps. 32, 1** Exultáte, justi, in Dómino: rectos decet collaudátio. *Vl.* Glória Patri.

Oratio

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Paulum, tértio naufragántem, de profúndo pélagi liberávit: exáudi nos propítius, et concéde; ut, ambórum méritis, aeternitátis glóriam consequámur: Qui vivis.

Lectio libri Sapiéntiae.

Eccli. 44, 10-15

Hi viri misericórdiae sunt, quorum pietátes non defuérunt: cum sémine eórum pémanent bona, heréditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum, et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum núntiet Ecclésia.

Graduale Sap. 3, 1-2 et 3 Justórum ánimae in manu Dei sunt: et non tanget illos torméntum malítiae. **Vl.** Visi sunt óculis insipiéntium mori: illi autem sunt in pace.

Allelúja, allelúja. **Vl. Luc. 22, 28-29 et 30** Vos estis, qui permansístis mecum in tentatióibus meus: et ego dispóno vobis regnum, ut sedeátis super thronos, iudicátes duódecim tribus Israél. Allelúja.

+ Sequéntia sancti Evangélii secúndum Matthaéum.

Math. 14, 22-33

IN illo témpore: Cómputit Jesus discípulos ascéndere in navículum, et praecédere eum trans fretum, donec dimíttetur turbas. Et dimíssa turba, ascéndit in montem solus oráre. Véspere autem facto, solus erat ibi. Navícula autem in médio mari jactabátur flúctibus: erat enim contrárius ventus. Quarta autem vigília noctis venit ad eos ámbulans super mare. Et vidéntes eum super mare ambulántem, turbáti sunt, dicéntes: Quia phantásma est. Et prae timóre clamavérunt. Statímque Jesus locútus est eis, dicens: Habéte fidúciam: ego sum, nolíte timére. Respóndens autem Petrus, dixit: Dómine, si tu es, jube me ad te veníre super aquas. At ipse ait: Veni. Et descéndens Petrus de navícula, ambulábat super aquam, ut veníret ad Jesum. Videns vero ventum válidum, tímuit: et cum coepísset mergi, clamávit dicens: Dómine, salvum me fac. Et contínuo Jesus exténdens manum, apprehéndit eum, et ait illi: Módicae fidei, quare dubitásti ? Et cum ascendísset in navículam, cessávit ventus. Qui autem in navícula erant, venérunt, et adoravérunt eum, dicéntes: Vere Fílius Dei es.

Credo.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatióes Dei in fáucibus eórum.

Secreta

OFFÉRIMUS tibi, Dómine, preces et múnera: quae, ut tuo sint digna conspéctu, Apostolórum tuórum Petri et Pauli précibus adjuvémur. Per Dóminum.

Praefatio de Apostolis.

Communio Sap. 3, 1-2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace.

Postcommunio

PRÓTEGE, Dómine, pópulum tuum: et Apostolórum tuórum Petri et Pauli patrocínio confidéntem, perpétua defénsiõe consérva. Per Dóminum.

Die 7 Julii**SS. CYRILLI ET METHODII**

Episcoporum et Confessorum

Duplex

Introitus **Ps. 131, 9-10**

SACERDÓTES tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. **Ps. ibid., 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

OMNÍPOTENS sempitérne Deus, qui Slavóniae gentes per beátos Confessóres tuos atque Pontífices

Cyrillum et Methódium ad agnitióem tui nóminis veníre tribuísti: praesta ; ut, quorum festivitáte gloriámur, eórum consórtio copulémur. Per Dóminum.

Léctio Epístolae beáti Pauli Apóstoli ad Hebraeos.

Hebr. 7, 23-27

FRATRES: Plures facti sunt sacerdotés, idcirco quod morte prohiberéntur permanére: Jesus autem, eo quod máneat in aetérnum, sempitérnum habet sacerdotium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat, ut nobis esset pónitífex, sanctus, ínnocens, impollútus, segregátus a peccatóribus, et excélsior caelis factus: qui non habet necessitátem quotidie, quemádmódum sacerdotés, prius pro suis delíctis hóstias offérre, deínde pro pópuli: hoc enim fecit semel, seípsum offeréndo, Jesus Christus Dóminus noster.

Graduale Ps. 131, 16-17 Sacerdotés ejus índuam salutári: et sancti ejus exsultatióne exsultábunt. **V.** Illuc prodúcám cornu David: parávi lucérnam Christo meo.

Allelúja , allelúja. **V.** **Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

In Missis votivis post Septuagesimam, omissis Allelúja et Versu sequenti, dicitur:

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátió rectórum benedicétur. **V.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja , allelúja. **V.** **Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja. **V.** **Eccli. 45, 9** Amávit eum Dóminus, et ornávit eum: stolam glóriae índuit eum. Allelúja.

+ Sequéntia sancti Evangéllii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce eg o mitto vos sicut agnos inter lupos. Nolíte portáre sácculum, neque peram, neque calceaménta ; et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infírmos, qui in illa sunt, et dícite illis: Appropinquávit in vos regnum Dei.

Offertorium Ps. 67, 36 Mirábilis Deus in sanctis suis: Deus Israél, ipse dabit virtútem et fortitúdinem plebi suae: benedíctus Deus.

Secreta

PRECES nostras, quaesumus, Dómine: et tuórum réspice oblatiões fidélium: ut tibi gratae sint in tuórum festivitáte Sanctórum, et nobis cónferant tuae propitiatiónis auxiliúm. Per Dóminum.

Communio Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, praedicáte super tecta.

Postcommunio

QUSUMUS, omnípotens Deus: ut, qui nobis múnera dignáris praebére caeléstia, intercedéntibus sanctis tuis Cyrílló et Methódio, despícere terréna concédas. Per Dóminum.

Die 8 Julii
S. ELISABETH

Reginae, Viduae

Semiduplex

Missa Cognóvi, de Communi non Virginum 2 loco, praeter Orationem sequentem.

Oratio

P

CLEMENTÍSSIME Deus, qui beátam Elísabeth regínam, inter céteras egrégias dotes, béliici furóris sedánda praerogátiva decorásti: da nobis, ejus intercessióne ; post mortális vitae, quam suppliciter pétimus, pacem, ad aetérna gáudia pervenire. Per Dóminum.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis, de tribulatióne percepísse cognóscit auxiliúm. Per Dóminum.

Postcommunio

C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 10 JuliiSS. SEPTEM FRATRUM

Martyrum
ac RUFINAE et SECUNDAE
Virginum et Martyrum

Semiduplex

Introitus Ps. 112, 1 et 9

LAUDÁTE, púeri, Dóminum, laudáte nomen Dómini: qui habitáre facit stérilem in domo, matrem filiórum laetántem. Ps. *ibid.*, 2 Sit nomen Dómini benedíctum: ex hoc nunc, et usque in saeculum. *VI.* Glória Patri.

Oratio

PRAESTA, quaesumus, omnípotens Deus: ut, qui gloriósos Mártyres fortes in sua confessióne cognóvimus, pios apud te in nostra intercessióne sentiámus. Per Dóminum.

Léctio libri Sapiéntiae.

Prov. 31, 10-31

MULÍEREM fortem quis invéniet ? Procul, et de últimis fínibus prétium ejus. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitae suae. Quaesívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque praedam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit bráchium suum. Gustávit, et vidit, quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fustum. Manum suam apéruit ínopi, et palmas suas exténdit ad páuperem. Non timébit dómui suae a frigóribus nivis: omnes enim doméstici ejus vestíti sunt duplícibus. Stragulátam vestem fecit sibi: byssus et púrpura induméntum ejus. Nóbilis in portis vir ejus, quando séderit cum senatóribus terrae. Síndonem fecit, et véndidit, et cíngulum trádidit Chananaéo. Fortitúdo et decor induméntum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otíosa non comédit. Surrexérunt filii ejus, et beatíssimam praedicavérunt: vir ejus, et laudávit eam. Multae filiae congregavérunt divítias: tu supergréssa es univérsas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

Graduale Ps. 123, 7-8 Anima nostra, sicut passer, erépta est de láqueo venántium. *VI.* Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram.

Allelúja, allelúja. *VI.* Haec est vera fratérnitas, quae vicit mundi crímina: Christum secúta est, ínclita tenens regna caeléstia. Allelúja.

In Missis votivis Tempore Paschali omittitur Graduale, et ejus loco dicitur:

Allelúja, allelúja. *VI.* Haec est vera fraternitas, quae vicit mundi crimina: Christum secuta est, inclita tenens regna caeléstia. Allelúja. *VI.* Te Mártýrum candidátus laudat exercitus, Dómine. Allelúja.

+ Sequéntia sancti Evangéllii secúndum Matthaéum.
Matth. 12, 46-50

IN illo témpore: Loquente Jesu ad turbas, ecce mater ejus, et fratres stabant foris, quaerentes loqui ei. Dixit autem ei quidam: Ecce mater tua, et fratres tui foris stant quaerentes te. At ipse respondens dicenti sibi, ait: Quae est mater mea, et qui sunt fratres mei? Et extendens manum in discipulos suos, dixit: Ecce mater mea, et fratres mei. Quicumque enim fecerit voluntatem Patris mei, qui in caelis est: ipse meus frater, et soror, et mater est.

Offertorium Ps. 123, 7 Anima nostra, sicut passer, erepta est de laqueo venantium: laqueus contritus est, et nos liberati sumus.

Secreta

SACRIFICIIS praesentibus, quaesumus, Dómine, inténde placatus: et, intercedentibus Sanctis tuis, devotióni nostrae proficiant, et salutí. Per Dóminum.

Communio Matth. 12, 50 Quicumque fecerit voluntatem Patris mei, qui in caelis est: ipse meus frater, et soror, et mater est, dicit Dóminus.

Postcommunio

QUSUMUS, omnipotens Deus: ut intercedentibus Sanctis tuis, illius salutáris capiámus effectum; cujus per haec mysteria pignus accépiamus. Per Dóminum.

Die 11 Julii S. PII I

Papae et Martyris

Simplex

Missa Si diligis me, *de Communi Summorum Pontificum.*

Oratio C

GREGEM tuum, Pastor aetérne, placatus inténde: et per beátum Pium Mártýrem tuum atque Summum Pontíficem, perpétua protectióne custódi; quem totíus Ecclésiæ praestitisti esse pastórem. Per Dóminum.

Secreta C

OBLÁTIS munéribus, quaesumus, Dómine, Ecclésiám tuam benígnus illúmina: ut, et gregis tui proficiat ubique succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaesumus, Dómine, tuam placatus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 12 Julii S. JOANNIS GUALBERTI

Abbatis

Duplex

Introitus *Ps. 36, 30-31*

OS justí meditábitur sapiéntiam, et lingua ejus loquétur judícium: lex Dei ejus in corde ipsíus. *Ps. ibid., 1* Noli aemulári in malignántibus: neque zeláveris faciéntes iniquitátem. *VI.* Glória Patri.

Oratio

INTERCESSIO nos, quaesumus, Domine, beati Joannis Abbatis commendet: ut, quod nostris meritis non valemus, ejus patrocinio assequamur. Per Dominum.

Et fit Commemoratio Ss. Naboris et Felicis Martyrum.

Oratio

PRAESTA, quaesumus, Domine: ut, sicut nos sanctorum Martyrum tuorum Naboris et Felicis natalitia celebranda non deserunt; ita jugiter suffragiis comitentur. Per Dominum.

Lectio libri Sapientiae.

Eccli. 45, 1-6

DILECTUS Deo et hominibus, cujus memoria in benedictione est. Similem illum fecit in gloria sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram praecipua, et legem vitae et disciplinae.

Graduale Ps. 20, 4-5 Domine, praevenisti eum in benedictionibus dulcedinis: posuisti in capite ejus coronam de lapide pretioso. V/. Vitam petiit a te, et tribuisti ei longitudinem dierum in saeculum saeculi. Alleluja, alleluja. V./ Ps. 91, 13 Justus ut palma florabit: sicut cedrus Libani multiplicabitur. Alleluja.

+ Sequentia sancti Evangelii secundum Mattheum.

Matth. 5, 43-48

IN illo tempore: Dixit Jesus discipulis suis: Audistis quia dictum est: Diliges proximum tuum, et odio habebis inimicum tuum. Ego autem dico vobis: Diligite inimicos vestros, benefacite his, qui oderunt vos: et orate pro persecutibus et calumniantibus vos: ut sitis filii Patris vestri, qui in caelis est: qui solem suum oriri facit super bonos et malos: et pluit super justos et injustos. Si enim diligitis eos, qui vos diligunt, quam mercedem habebitis? nonne et publicani hoc faciunt? Et si salutaveritis fratres vestros tantum, quid amplius facitis? nonne et ethnici hoc faciunt? Estote ergo vos perfecti, sicut et Pater vester caelestis perfectus est.

Offertorium Ps. 20, 3 et 4 Desiderium animae ejus tribuisti ei, Domine, et voluntate labiorum ejus non fraudasti eum: posuisti in capite ejus coronam de lapide pretioso.

Secreta

SACRIS altaribus, Domine, hostias superpositas sanctus Joannes Abbas, quaesumus, in salutem nobis provenire deprecatur. Per Dominum.

Pro Ss. Martyribus

Secreta

MUNERA plebis tuae, quaesumus, Domine, sanctorum Martyrum tuorum Naboris et Felicis fiant grata suffragiis: et quorum triumphis tuo nomini offeruntur, ipsorum digna perficiantur et meritis. Per Dominum.

Communio Luc. 12, 42 Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio

PROTEGAT nos, Domine, cum tui perceptione sacramenti beatus Joannes Abbas, pro nobis intercedendo: ut et conversationis ejus experiamur insignia, et intercessionis percipiamus suffragia. Per Dominum.

Pro Ss. Martyribus

Postcommunio

NATALITIIS Sanctorum tuorum, quaesumus, Domine: ut, sacramenti munere vegetati, bonis, quibus per tuam gratiam nunc fovemur, perfruamur aeternis. Per Dominum.

Eadem die 12 Julii

Pro SS. NABORE ET FELICE
Martyribus

Missa Salus autem, de Communi plurimorum Martyrum 3 loco, cum Orationibus ut supra.

Die 13 Julii
S. ANACLETI

Papae et Martyris

Semiduplex

Missa Si diligis me, de Communi Summorum Pontificum.

Oratio C

GREGEM tuum, Pastor aetérne, placátus inténde: et per beátum Anaclétum Mártirem tuum atque Summum Pontíficem, perpétua protectióne custódi; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam guberná, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 14 Julii
S. BONAVENTURAE

Episcopi, Confessoris et Ecclesiae Doctoris

Duplex

Introitus Eccli. 15, 5

IN médio Ecclésiæ apéruit os ejus: et implévit eum Dóminus spírítu sapiéntiae, et intelléctus: stolam glóriæ índuit eum. Ps. 91, 2 Bonum est confitéri Dómino: et psállere nómini tuo, Altíssime. *Vl.* Glória Patri.

Oratio

DEUS, qui pópulo tuo aetérnae salútis beátum Bonaventúram mínistrum tribuísti: praesta, quaésumus; ut, quem Doctórem vitae habúimus in terris, intercessórem habére mereámur in caelis. Per Dóminum.

Léctio Epístolae beáti Pauli Apóstoli ad Timótheum.

2 Tim. 4, 1-8

CARÍSSIME: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta oportúne, importúne: árgue, óbseca, íncrepa in omni paciéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístae, ministérium tuum imple. Sóbrius esto. Ego enim jam delíbor, et tempus resolutiόνis meae instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. *Vl.* Lex Dei ejus in corde ipsíus: et non supplantabúntur gressus ejus.

Allelúja, allelúja. *Vl. Ps. 109, 4* Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discípulis suis: Vos estis sal terrae. Quod si sal evanúerit, in quo saliétur? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest cívitas abscondi supra montem pósita. Neque accéndunt lucérnam, et ponunt eam sub módio, sed super

candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Credo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

SANCTI Bonaventúrae Confessóris tui atque Pontíficis, quaesumus, Dómine, ánnua solémnitas pietáti tuae nos reddat accéptos: ut per haec piaae placatiónis officia, et illum beáta retribútio comitétur, et nobis grátiae tuae dona concíliet. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

DEUS, fidélium remunerátor animárum: praesta ; ut beáti Bonaventúrae Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Die 15 Julii
S. HENRICI

Imperatoris, Confessoris

Semiduplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, qui hodiérna die beátum Henrícum Confessórem tuum e terréni cúlmine impérii ad regnum aetérnum transtulísti: te súpplícés exorámus ; ut, sicut illum, grátiae tuae ubertáte praevéntum, illécebras saéculi superáre fecísti, ita nos fácias, ejus imitatióné, mundi hujus blandiménta vitáre, et ad te puris méntibus perveníre. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Postcommunio

C

REFÉCTI cibo potúque caelésti, Deus noster, te súpplícés exorámus: ut, in cujus haec commemoratióne percépimus, ejus muniámur et précibus. Per Dóminum.

Die 16 Julii
IN COMMEMORATIONE
BEATAE MARIAE VIRGINIS
DE MONTE CARMELO

Duplex majus

Introitus

GAUDEÁMUS omnes in Dómino, diem festum celebrántes sub honóre beatae Maríae Vírginis: de cujus solémnitate gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DEUS, qui beatissimae semper Vírginis et Genitrícis tuae Maríae singulári título Carméli órđinem decorásti: concéde propítius ; ut, cujus hódie Commemoriátionem solémni celebrámus officio, ejus muníti praesídiis, ad gáudia sempitérna perveníre mereámur: Qui vivis et regnas.

Léctio libri Sapiéntiae.

Eccli. 24, 23-31

EGO quasi vitis fructificávi suavítatem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me omnes qui concupiscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúriunt: et qui bibunt me, adhuc sítiant. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo.

Allelúja , allelúja. **Vl.** Per te, Dei Génitrix, nobis est vita pérdita data: quae de caelo suscepísti prolem, et mundo genuísti Salvatórem. Allelúja.

+ Sequéntia sancti Evangéllii secúndum Lucam.

Luc. 11, 27-28

IN illo témpore: Loquente Jesu ad turbas, extóllens vocem quaedam múlter de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Credo.

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

SANCTÍFICA, Dómine, quaesumus, obláta libámina: et beatae Dei Genitrícis Maríae salubérrima intercessióne, nobis salutária fore concéde. Per eúmdem Dóminum.

Praefatio de beata Maria Virgine Et te in Commemoriátione.

Communio Regína mundi digníssima, María Virgo perpétua, intercède pro nostra pace et salúte, quae genuísti Christum Dóminum Salvatórem ónium.

Postcommunio

ADJUVET nos, quaesumus, Dómine, gloriósae tuae Genitrícis, sempérque Vírginis Maríae intercessio veneránda: ut, quos perpétuis cumulávit beneficiis, a cunctis perículis absolutos, sua fáciat pietáte concórdes: Qui vivis.

Die 17 Julii
S. ALEXII

Confessoris

Semiduplex

Introitus **Ps. 36, 30-31**

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus. **Ps. ibid., 1** Noli aemulári in malignántibus: neque zeláveris faciéntes iniquitátem. **Vl.** Glória Patri.

Oratio

DEUS, qui nos beáti Aléxii Confessoris tui ánnua solemnitate laetíficas: concéde propítius ; ut, cujus natalítia cólimus, étiam actióes imitémur. Per Dóminum.

Léctio Epístolae beáti Pauli Apóstoli ad Timótheum.

1 Tim. 6, 6-12

CARÍSSIME: Est quaestus magnus pietas cum sufficiéntia. Nihil enim intúlimus in hunc mundum: haud dúbium quod nec auférre quid póssumus. Habéntes autem aliménta, et quibus tegámur, his conténti simus. Nam qui volunt dívites fíeri, incidunt in tentatiónem, et in láqueum diaboli, et desidéria multa inútilia, et nocíva, quae mergunt hómines in intéritum, et perditiónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, haec fuge: sectáre vero justítiam, pietátem, fidem, caritátem, patiéntiam, mansuetúdinem. Certa bonum certámen fidei, apprehénde vitam aetérnam.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V/. Ibid., 3** Ad annuntiándum mane misericórdiam tuam, et veritátem tuam per noctem. Allelúja, allelúja. **V/. Jac. 1, 12** Beátus vir, qui suffert tentatiónem: quóniam cum probátus fúerit, accipiet corónam vitae. Allelúja.

+ Sequéntia sancti Evangéllii secúndum Matthaéum.

Math. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

Die 18 JuliiS. CAMILLI DE LELLIS

Confessoris

Duplex

Introitus **Joann. 15, 13**

MAJÓREM hac dilectiónem nemo habet, ut ánimam suam ponat quis pro amícis suis. **Ps. 40, 2** Beátus qui intélligit super egénum, et páuperem: in die mala liberábit eum Dóminus. **V/. Glória Patri.**

Oratio

DEUS, qui sanctum Camillum, ad animárum in extrémó agóne luctántium subsidium, singulári caritátis praerogátiva decorásti: ejus, quaesumus, méritis, spíritum nobis tuae dilectiónis infúnde; ut in hora éxitus nostri hostem víncere, et ad caeléstem mereámur corónam perveníre. Per Dóminum.

Et fit Commemoratio Ss. Symphorosae et septem Filiorum ejus Martyrum.

Oratio

DEUS, qui nos concédís sanctórum Mártyrum tuórum Symphorósae et filiórum ejus natalítia cólere: da nobis in aetérna beatitúdine de eórum societáte gaudére. Per Dóminum.

Léctio Epístolae beáti Joánnis Apóstoli.

1 Joann. 3, 13-18

CARÍSSIMI: Nolíte mirári, si odit vos mundus. Nos scimus, quóniam transláti sumus de morte ad vitam,

quóniam diligimus fratres. Qui non diligit, manet in morte: omnis qui odit fratrem suum, homicida est. Et scitis, quóniam omnis homicida non habet vitam aeternam in semetipso manentem. In hoc cognovimus caritatem Dei, quóniam ille animam suam pro nobis posuit: et nos debemus pro fratribus animas ponere. Qui habuerit substantiam hujus mundi, et viderit fratrem suum necessitatem habere, et cluserit viscera sua ab eo: quomodo caritas Dei manet in eo? Filii mei, non diligamus verbo neque lingua, sed opere et veritate.

Graduale Ps. 36, 30-31 Os justi meditabitur sapientiam, et lingua ejus loquetur iudicium. **V.** Lex Dei ejus in corde ipsius: et non supplantabuntur gressus ejus.
Allelúja, allelúja. V. Ps. 111, 1 Beatus vir, qui timet Dominum: in mandatis ejus cupit nimis. Allelúja.

+ Sequentia sancti Evangelii secundum Joannem.
Joann. 15, 12-16

IN illo tempore: Dixit Jesus discipulis suis: Hoc est praeceptum meum, ut diligatis invicem, sicut dilexi vos. Majorem hac dilectionem nemo habet, ut animam suam ponat quis pro amicis suis. Vos amici mei estis, si feceritis quae ego praecipio vobis. Jam non dicam vos servos: quia servus nescit quid faciat dominus ejus. Vos autem dixi amicos: quia omnia quaecumque audivi a Patre meo, nota feci vobis. Non vos me elegistis: sed ego elegeri vos, et posui vos, ut eatis, et fructum afferatis: et fructus vester maneat: ut quodcumque petieritis Patrem in nomine meo, det vobis.

Offertorium Ps. 20, 2-3 In virtute tua, Domine, laetabitur justus, et super salutare tuum exsultabit vehementer: desiderium animae ejus tribuisti ei.

Secreta

HÓSTIA immaculata, qua illud Domini nostri Jesu Christi immensae caritatis opus renovamus, sit, Deus Pater omnipotens, sancto Camillo intercedente, contra omnes corporis et animae infirmitates salutare remedium, et in extremo agone solatium et tutela. Per eundem Dominum.

Pro Ss. Martyribus
Secreta

MÚNERA tibi, Domine, nostrae devotionis offerimus: quae et pro tuorum tibi grata sint honore justorum, et nobis salutaria, te miserante, reddantur. Per Dominum.

Communio Matth. 25, 36 et 40 Infirmus fui, et visitastis me. Amen, amen dico vobis: Quamdiu fecistis uni ex his fratribus meis minimis, mihi fecistis.

Postcommunio

PER haec caelestia alimenta, quae sancti Camilli Confessoris tui sollemniter celebrantes, pia devotione suscepimus: da, quaesumus, Domine; ut in hora mortis nostrae sacramentis refecti, et culpis omnibus expiati, in sinum misericordiae tuae laeti suscipi mereamur: Qui vivis et regnas.

Pro Ss. Martyribus
Postcommunio

PRAESTA nobis, quaesumus, Domine: intercedentibus sanctis Martyribus tuis Symphorosa et filiis ejus; ut, quod ore contingimus, pura mente capiamus. Per Dominum.

Eadem die 18 Julii

Pro SS. SYMPHOROSA
et SEPTEM FILIIS EJUS
Martyribus

Introitus **Ps. 33, 18**
CLAMAVÉRUNT justi, et Dominus exaudivit eos: et ex omnibus tribulationibus eorum liberavit eos. **Ps. ibid., 2** Benedicam Dominum in omni tempore: semper laus ejus in ore meo. **V.** Glória Patri.

Oratio

DEUS, qui nos concedis sanctorum Martyrum tuorum Symphorosae et filiorum ejus natalitia colere: da nobis in aeterna beatitudine de eorum societate gaudere. Per Dominum.

Lectio Epistolae beati Pauli Apostoli ad Hebraeos.

Hebr. 11, 33-39

FRATRES: Sancti per fidem vicérunt regna, operáti sunt justítiam, adépti sunt repromissiones, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitate, fortes facti sunt in bello, castra vertérunt exterórum: acceperunt mulieres de resurrectione mórtuos suos: álii autem disténti sunt, non suscipientes redemptionem, ut meliorem invenírent resurrectionem: álii vero ludíbria et vérbera expéti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuíerunt in melótis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus et spelúncis, et in cavérnis terrae. Et hi omnes testimónio fidei probáti, invénti sunt in Christo Jesu Dómino nostro.

Graduale Ps. 132, 1-2 Ecce quam bonum, et quam jucúndum, habitáre fratres in unum ! **V/.** Sicut unguéntum in cápite, quod descendit in barbam, barbam Aaron.

Allelúja, allelúja. **V/.** Haec est vera fraternitas, quae vicit mundi crímina: Christum secúta est, ínclita tenens regna caeléstia. Allelúja.

+ Sequéntia sancti Evangélii secúndum Lucam.

Luc. 12, 1-8

IN illo témpore: Dixit Jesus discíplis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quae in ténebris dixístis, in lúmíne dicéntur: et quod in aurem locúti estis in cubículis, praedicábitur in tectis. Dico autem vobis amícis meis: Ne terreámini ab his, qui occídunt corpus, et post haec non habent ámplius quid fáciant. Osténdam autem vobis quem timeátis: timéte eum, qui, postquam occiderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis, quicúmque conféssus fúerit me coram homínibus, et Fílius hóminis confitébitur illum coram Angelis Dei.

Offertorium Ps. 31, 11 Laetámini in Dómino, et exsultáte, justí: et gloriámini, omnes recti corde.

Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Communio Matth. 12, 50 Quicúmque fécerit voluntátem Patris mei, qui in caelis est: ipse meus frater, et soror, et mater est, dicit Dóminus.

Postcommunio

PRAESTA nobis, quaesumus, Dómine: intercedéntibus sanctis Martýribus tuis Symphorósa et fíliis ejus ; ut, quod ore contíngimus, pura mente capiámus. Per Dóminum.

Die 19 Julii

S. VINCENTII A PAULO

Confessoris

Duplex

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **V/.** Glória Patri.

DEUS, qui ad evangelizándum paupéribus et ecclesiástici órdis decórem promovéndum, beátum Vincéntium apostólíca virtúte roborásti: praesta, quaesumus ; ut, cujus pia mérita venerámur, virtútum quoque instruámur exémplic. Per Dóminum.

Lectio Epistolae beati Pauli Apostoli ad Corínthios.

1 Cor. 4, 9-14

FRATRES: Spectáculum facti sumus mundo, et Angelis, et homínibus. Nos stulti propter Christum, vos

autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis caedimur, et instábiles sumus, et laborámus operántes má nibus nostris: maledícimur, et benedícimus: persecutió nem pá timur, et sustinémus: blasphemámur, et obsecrámus: tamquam purgaménta hujus mundi facti sumus, ó m nium peripséma usque adhuc. Non ut confú ndam vos, haec scribo, sed ut filios meos caríssimos mó neo: in Christo Jesu Dómino nostro.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. *Vl.* Lex Dei ejus in corde ipsíus: et non supplantabúntur gressus ejus. Allelúja, allelúja. *Vl. Ps. 111, 1* Beátus vir, qui timet Dóminum: in mandátis ejus cupit nimis. Allelúja.

+ Sequéntia sancti Evangé lli secú ndum Lucam.
Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operáriu mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei.

Secreta

PRAESTA nobis, quaesumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Communio Matth. 19, 28 et 29 Amen dico vobis: quod vos, qui reliquistis ómnia, et secúti estis me, céntuplum accipiétis, et vitam aetérnam possidébítis.

Postcommunio

QUSUMUS, omnípotens Deus: ut, qui caeléstia aliménta percépimus, intercedénte beáto Vincéntio Confessóre tuo, per haec contra ómnia advérsa muniámur. Per Dóminum.

Die 20 Julii

S. HIERONYMI AEMILIANI

Confessoris

Duplex

Introitus **Thren. 2, 11**

EFFÚSUM est in terra jecur meum super contritióne filiae pópuli mei, cum defíceret párvulus et láctens in platéis óppidi. **Ps. 112, 1** Laudáte, púeri, Dóminum: laudáte nomen Dómini. *Vl.* Glória Patri.

Oratio

DEUS, misericordiárum pater, per mérita et intercessiόnem beáti Hierónymi, quem órphanis adjutórem et patrem esse voluísti: concéde ; ut spíritum adoptiόnis, quo filii tui nominámur et sumus, fidéliter custodiámus. Per Dóminum.

Et fit Commemoratio S. Margaritae Virginis et Martyris.

Oratio

INDULGÉNTIAM nobis, quaesumus, Dómine, beáta Margaríta Virgo et Martyr implóret: quae tibi grata semper éxstitit, et mérito castitátis, et tuae professiόne virtútis. Per Dóminum.

Léctio Isaíae Prophétae.
Isai. 58, 7-11

HAEC dicit Dóminus: Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua cítius oriétur, et anteíbit fáciem tuam justítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum ; si abstúleris de médio tui caténam et desíeris exténdere dígitum, et loqui quod non prodest. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebrae tuae erunt sicut merídies. Et réquiem tibi dabit Dóminus semper, et implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum cujus non defícient aquae.

Graduale Prov. 5, 16 Derivéntur fontes tui foras, et in platéis aquas tuas dívide. **Vl. Ps. 111, 5-6** Jucúndus homo, qui miserétur, et cómmodat: dispónet sermónes suos in judício, quia in aetérnum non commovébitur. Allelúja , allelúja. **Vl. Ibid., 9** Dispérsit, dedit paupéribus: justítia ejus manet in saéculum saéculi. Allelúja.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja. **Vl. Ibid., 9** Dispérsit, dedit paupéribus: justítia ejus manet in saéculum saéculi. Allelúja.

+ Sequéntia sancti Evangéllii secúndum Matthaéum.
Matth. 19, 13-21

IN illo témpore: Obláti sunt Jesu párvuli, ut manus eis impóneret, et oráret. Discípuli autem increpábant eos. Jesus vero ait eis: Sínite párvulos, et nolíte eos prohibere ad me veníre: tálium est enim regnum caelórum. Et cum imposuísset eis manus, ábiit inde. Et ecce unus accédens, ait illi: Magíster bone, quid boni fáciam, ut hábeam vitam aetérnam ? Qui dixit ei: Quid me intérogas de bono ? Unus est bonus, Deus. Si autem vis ad vitam íngredi, serva mandáta. Dicit illi: Quae ? Jesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia haec custodívi a juventúte mea: quid adhuc mihi deest ? Ait illi Jesus: Si vis perféctus esse, vade, vende quae habes, et da paupéribus, et habébis thesáurum in caelo: et veni, séquere me.

Offertorium Tob. 12, 12 Quando orábas cum lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos: ego óbtuli oratióne tuam Dómino.

Secreta

CLEMENTÍSSIME Deus, qui véteri hómine consúmpto, novum secúndum te in beáto Hierónymo creáre dignátus es: da, per mérita ipsíus ; ut nos páriter renováti, hanc placatiónis hóstiam in odórem tibi suavíssimum offerámus. Per Dóminum.

Pro S. Margarita
Secreta

HÓSTIAS tibi, Dómine, beátae Margarítæ Vírginis et Mártiris tuae dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Communio Jac. 1, 27 Relígio munda et immaculáta apud Deum et Patrem, haec est: Visitáre pupíllas et víduas in tribulatióne eórum, et immaculátum se custodíre ab hoc saéculo.

Postcommunio

ANGELÓRUM pane refécti te, Dómine, supplicíter deprecámur: ut, qui ánnuam beáti Hierónymi Confessóris tui memóriam gaudémus ; ejúsdem étiam et exéplum imitémur, et amplíssimum in regno tuo praémium obtinére valeámus. Per Dóminum.

Pro S. Margarita
Postcommunio

DIVÍNI múneris largitáte satiáti, quaésumus, Dómine Deus noster: ut, intercedénte beáta Margaríta Vírgine et Mártire tua, in ejus semper participatióne vivámus. Per Dóminum.

Eadem die 20 Julii

Pro S. MARGARITA

Virgine et Martyre

Missa Me expectavérunt, de Communi Virginum 2 loco.

Die 21 Julii
S. PRAXEDIS

Virginis

Simplex

Introitus Ps. 118, 46-47

LOQUÉBAR de testimoniis tuis in conspéctu regum, et non confundébar: et meditábar in mandátis tuis, quae diléxi nimis. Ps. ibid., 1 Beáti immaculáti in via: qui ámbulant in lege Dómini. *Vl.* Glória Patri.

Oratio

EXÁUDI nos, Deus salutáris noster: ut, sicut de beátae Praxedis Vírginis tuae festivitáte gaudémus ; ita piaev devotiónis erudiámur afféctu. Per Dóminum.

Léctio Epístolae beáti Pauli Apóstoli ad Corínthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quaérere solutiónem. Solútus es ab uxóre ? noli quaérere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc ítaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes, et qui utúntur hoc mundo, tamquam non utántur: praeterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est quae Dómini sunt, quómodo pláceat Deo. Qui autem cum uxóre est, sollicitus est quae sunt mundi, quómodo pláceat uxóri, et divisus est. Et múlter innúpta, et virgo cógitat quae Dómini sunt, ut sit sancta córpore, et spírítu: in Christo Jesu Dómino nostro.

Graduale Ps. 44, 8 Diléxísti justítiam, et odísti iniquitátem. *Vl.* Proptérea unxit te Deus, Deus tuus, óleo laetitiae. Allelúja, allelúja . *Vl.* Ibid., 5 Spécie tua, et pulchritúdine tua inténde, prospere procéde et regna. Allelúja.

+ Sequéntia sancti Evangélli secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatióne saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamíliis, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saeculum saeculi.

Secreta

ACCÉPTA tibi sit, Dómine, sacratae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Communio Matth. 13, 45-46 Símile est regnum caelórum hómini negotiatóri, quaerénti bonas margarítas: invénta autem una pretiósá margaríta, dedit ómnia sua, et comparávit eam.

Postcommunio

SATIÁSTI, Dómine, familiam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 22 Julii
S. MARIAE MAGDALENAE

Paenitentis

Duplex

Introitus **Ps. 118, 95-96**

ME exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

BEÁTAE Maríae Magdalénae, quaésumus, Dómine, suffrágiis adjuvémur: cujus précibus exorátus, quatríduánum fratrem Lázarus vivum ab ínferis resuscitásti: Qui vivis.

Léctio libri Sapiéntiae.

Cant. 3, 2-5 ; 8, 6-7

SURGAM, et circuíbo civitátem: per vicos et platéas quaeram quem díligit ánima mea: quaesívi illum, et non invéni. Invenérunt me vígiles, qui custódiunt civitátem. Num quem díligit ánima mea, vidístis ? Páululum cum pertransíssem eos, invéni quem díligit ánima mea: ténui eum, nec dimíttam, donec introducám illum in domum matris meae, et in cubículum genitrícis meae. Adjúro vos, fíliae Jerúsalem, per cápreas cervósque campórum, ne suscitétis, neque evigiláre faciátis diléctam donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors diléctio, dura sicut inférnus aemulatio: lámpades ejus lámpades ignis atque flammárum. Aquae multae non potuérunt exstínguere caritátem, nec flúmína óbruunt illam: si déderit homo omnem substántiam domus suae pro dilectióne, quasi nihil despiciet eam.

Graduale Ps. 44, 8 Dilexísti justítiam, et odísti iniquitátem. **Vl.** Proptérea unxit te Deus, Deus tuus, óleo laetítiae.
Allelúja , allelúja. **Vl. Ibid., 3** Diffúsa est grátia in lábiis tuis: proptérea benedíxit te Deus in aetérnum.
Allelúja.

+ Sequéntia sancti Evangélii secúndum Lucam.

Luc. 7, 36-50

IN illo témpore: Rogábat Jesum quidam de pharisaéis, ut manducáret cum illo. Et ingressus domum pharisaéi, discúbuit. Et ecce múlter, quae erat in civitáte peccátrix, ut cognóvit, quod accubuisset in domo pharisaéi, áttulit alabástrum unguénti: et stans retro secus pedes ejus, lácrimis coepit rigáre pedes ejus, et capíllis cápitis sui tergébat, et osculabátur pedes ejus, et unguénto unguébat. Videns autem pharisaéus, qui vocáverat eum, ait intra se, dicens: Hic si esset prophéta, sciret útique, quae et qualis est múlter, quae tangit eum: quia peccátrix est. Et respóndens Jesus, dixit ad illum: Simon, hábeo tibi áliquíd dícere. At ille ait: Magíster, dic. Duo debitóres erant cúdam feneratóri: unus debébat denários quingéntos, et álius quinquagínta. Non habéntibus illis unde rédderent, donávit utrísque. Quis ergo eum plus díligit ? Respóndens Simon, dixit: AEstimo quia is, cui plus donávit. At ille dixit ei: Recte judicásti. Et convérsus ad múlterem, dixit Simóni: Vides hanc múlterem ? Intrávi in domum tuam, aquam pédibus meis non dedísti: haec autem lácrimis rigávit pedes meos, et capíllis suis tersit. Osculum mihi non dedísti: haec autem, ex quo intrávit, non cessávit osculári pedes meos. Oleo caput meum non unxísti: haec autem unguénto unxit pedes meos. Propter quod dico tibi: Remittúntur ei peccáta multa, quóniam diléxit multum. Cui autem minus dimíttitur, minus díligit. Dixit autem ad illam: Remittúntur tibi peccáta. Et coepérunt, qui simul accumbébant, dícere intra se: quis est hic, qui étiam peccáta dimíttit ? Dixit autem ad múlterem: Fides tua te salvam fecit: vade in pace.

Credo.

Offertorium Ps. 44, 10 Fíliae regum in honóre tuo, ástitit regína a dextris tuis in vestítu deauráto, circúmdata varietáte.

Secreta

MÚNERA nostra, quaesumus, Dómine, beátae Maríae Magdalénae gloriósa mérita tibi reddant accépta: cujus oblatiónis obséquium unigénitus Fílius tuus cleménter suscepit impénsus. Qui tecum.

Communio Ps. 118, 121, 122 et 128 Feci iudícium et justítiam, Dómine, non calumniéntur mihi superbi: ad ómnia mandáta tua dirigébar, omnem viam iniquitátis ódio hábui.

Postcommunio

SUMPTO, quaesumus, Dómine, único ac salutári remedío, córpore et sáanguine tuo pretióso: ab ómnibus malis, sanctae Maríae Magdalénae patrocíniis, eruámur: Qui vivis.

Die 23 Julii
S. APPOLINARIS

Episcopi et Martyris

Duplex

Introitus **Dan. 3, 84 et 87**

SACERDÓTES Dei, benedícite Dóminum: sancti et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in saécula. **Vl.** Glória Patri.

Oratio

DEUS, fidélium remunerátor animárum, qui hunc diem beáti Apollináris Sacerdótis tui martýrio consecrásti: tríbue nobis, quaesumus, fámulis tuis ; ut, cujus venerándam celebrámus festivitátem, précibus ejus indulgéntiam consequámur. Per Dóminum.

Et fit Commemoratio S. Liborii Episcopi et Confessoris.

Oratio

DA, quaesumus, omnípotens Deus: ut beáti Libórii Confessóris tui atque Pontíficis veneránda solémnitas, et devotióne nobis áugeat, et salútem. Per Dóminum.

Léctio Epístolae beáti Petri Apóstoli.

1 Petr. 5, 1-11

CARÍSSIMI: Senióres, qui in vobis sunt, óbsecro, consénior et testis Christi passiónum: qui et ejus, quae in futúro revelánda est, glóriae comunicátor: páscite qui in vobis est gregem Dei, providéntes non coácte, sed spontáneae, secúndum Deum: neque turpis lucri grátia, sed voluntárie: neque ut dominántes in cleris, sed forma facti gregis ex ánimo. Et cum apparúerit princeps pastórum, percipiétis immarcescibilem glóriae corónam. Simíliter adolescéntes, súbditi estóte senióribus. Omnes autem ívicem humilitátem insinuáte: quia Deus supérbis resistit, húmilibus autem dat grátiam. Humiliámini ígitur sub poténti manu Dei, ut vos exáltet in témpore visitatiónis: omnem sollicitúdinem vestram projiciéntes in eum, quóniam ipsi cura est de vobis. Sóbrii estóte, et vigiláte: quia adversárius vester diábolus tamquam leo rúgiens círcuit, quaerens quem dévoret: cui resistite fortes in fide: sciéntes eámdem passióne ei, quae in mundo est, vestrae fraternitáti fieri. Deus autem omnis grátiae, qui vocávit nos in aetérnam suam glóriam in Christo Jesu, módicum passus ipse perfíciet, confirmábit, solidabítque. Ipsi glória, et impérium in saécula saeculórum. Amen.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **Vl.** Nihil profíciet inimícus in eo, et fílius iniquitátis non nocébit ei.

Allelúja , allelúja. **Vl. Ps. 109, 4** Jurávit Dóminus, et non paenitébit eum: tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Lucam.

Luc. 22, 24-30

IN illo témpore: Facta est conténtio inter discípulos, quis eórum viderétur esse major. Dixit autem eis Jesus: Reges géntium dominántur eórum: et qui potestátem habent super eos, benéfici vocántur. Vos autem non sic: sed qui major est in vobis, fiat sicut minor: et qui praecéssor est, sicut ministrátor. Nam quis major est, qui recúmbit, an qui mínistrat ? nonne qui recúmbit ? Ego autem in médio vestrum sum, sicut qui mínistrat. Vos autem estis, qui permansístis mecum in tentatióne meis: et ego dispóno vobis, sicut dispósuit mihi Pater meus regnum, ut edátis et bibátis super mensam meam in regno meo: et sedeátis

super thronos, iudicantes duodecim tribus Israël.

Offertorium Ps. 88, 25 Veritas mea, et misericordia mea cum ipso: et in nomine meo exaltabitur cornu ejus.

Secreta

RÉSPICE, Dómine, propítius super haec múnera: quae pro beáti Sacerdótis et Mártiris tui Apollináris commemoratióne deférimus, et pro nostris offensióibus immolámus. Per Dóminum.

Pro S. Liborio

Secreta

SANCTI tui, quaesumus, Dómine, nos ubique laetificent: ut, dum eórum mérita recólimus, patrocínia sentiámus. Per Dóminum.

Communio Matth. 25, 20 et 21 Dómine, quinque talénta tradidísti mihi: ecce ália quinque superlucrátus sum. Euge, serve bone et fidélis, quia in pauca fuísti fidélis, supra multa te constítuam, intra in gáudium dómini tui.

Postcommunio

TUA sancta suméntes, quaesumus Dómine, ut beáti Apollináris nos fóveant continuáta praesídia: quia non désinis propítius intuéri, quos tálibus auxiliis concésseris adjuvári. Per Dóminum.

Pro S. Liborio

Postcommunio

PRAESTA, quaesumus, omnipotens Deus: ut, de percéptis munéribus grátias exhibéntes, intercedénte beáto Libório Confessóre tuo atque Pontífice, benefícia potióra sumámus. Per Dóminum.

* Si hodie fuerit Sabbatum, in Missis non conventualibus fit Commemoratio Vigiliae anticipatae S. Jacobi, ut sequenti die notatur, et de ea legitur Evangelium in fine, juxta Rubricas. Deinde fit Commemoratio S. Liborii cum Oratione sequenti.

Sabbato pro S. Liborio

Oratio

EXÁUDI, quaesumus, Dómine, preces nostras, quas in beáti Libórii Confessóris tui atque Pontíficis solemnitate deférimus: et, qui tibi digne mérui famulári, ejus intercedéntibus méritis, ab ómnibus nos absólve peccátis. Per Dóminum.

* Si hodie fuerit Sabba tum, ubi adest obligatio Chori, lecta post Tertiam extra Chorum Missa de Festo sine Commemoratione Vigiliae, in Choro post Nonam dicitur Missa de ipsa Vigilia sine Commemoratione Festi, additis in Missa Vigiliae 2a Oratione de sancta Maria Concéde, et 3a contra persecutores Ecclesiae, vel pro Papa ; ac de Vigilia item legi possunt Missae privatae, cum 2a tamen Oratione de S. Apollinare, et 3a de S. Liborio Exáudi, ut supra.

Eadem die 23 Julii

Pro S. LIBORIO
Episcopo et Confessore

Missa Státuit, de Communi Confessoris Pontificis 1 loco.

Die 24 Julii
IN VIGILIA
S. JACOBI

Apostoli

Missa Ego autem, de Communi.

Et fit Commemoratio S. Christinae, ut infra.

Deinde Oratio de S. Maria Concéde.

Pro S. CHRISTINA
Virgine et Martyre

Missa Me expectavérunt, **de Communi Virginum 2 loco.**

Oratio C

INDULGÉNTIAM nobis, quaésumus, Dómine, beáta Christina Virgo et Martyr implóret: quae tibi grata semper éxstitit, et mérito castitátis, et tuae professione virtútis. Per Dóminum.

Secreta C

HÓSTIAS tibi, Dómine, beátae Christinae Vírginis et Mártiris tuae dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio C

DIVÍNI múnere largitáte satiáti, quaésumus, Dómine Deus noster: ut, intercedénte beáta Christina Virgine et Mártire tua, in ejus semper par ticipatióne vivámus. Per Dóminum.

Die 25 Julii
S. JACOBI

Apostoli

Duplex II classis

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2**
Dómine, probásti me, et cognovísti me: tu cognovísti sessiónem meam, et resurrectiónem meam. **Vl.** Glória Patri.

Oratio

ESTO, Dómine, plebi tuae sanctificátor et custos: ut, Apóstoli tui Jacóbi muníta praesídiis, et conversatióne tibi pláceat, et secúra mente desérviat. Per Dóminum.

Et, in Missis privatis tantum, fit Commemoratio S. Christophori Martyris.

Oratio

PRAESTA, quaésumus, omnípotens Deus: ut, qui beáti Christóphori Mártiris tui natalítia cólimus, intercessióne ejus in tui nóminis amóre roborémur. Per Dóminum.

Léctio Epístolae beáti Pauli Apóstoli ad Corínthios.

1 Cor. 4, 9-15

FRATRES: Puto, quod Deus nos Apóstolos novíssimos osténdit, tamquam morti destinátos: quia spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurimus, et sitimus, et nudi sumus, et cólaphis caédimur, et instábiles sumus, et laborámus operántes mánibus nostris: maledícimur, et benedícimus: persecutióne pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, haec scribo, sed ut filios meos caríssimos móneo. Nam si decem millia paedagogórum habeátis in Christo: sed non multos patres. Nam in Christo Jesu per Evangélium ego vos genui.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **Vl.** Pro pátribus tuis nati sunt tibi filii: proptérea pópuli confitebúntur tibi.

Allelúja, allelúja. **Vl. Joann. 15, 16** Ego vos elégi de mundo, ut eátis, et fructum afferátis, et fructus vester máneat. Allelúja.

+ Sequéntia sancti Evangélii secúndum Matthaéum.

Matth. 20, 20-23

IN illo témpore: Accéssit ad Jesum mater filiórum Zebedaí cum filiis suis, adórans et petens áliquíd ab eo. Qui dixit ei: Quid vis ? Ait illi: Dic ut sédeant hi duo filii mei, unus ad dexteram tuam, et unus ad sinístram in

regno tuo. Respóndens autem Jesus, dixit: Nescítis quid petátis. Potéstis bíbere cálicem, quem ego bibitúrus sum ? Dicunt ei: Póssumus. Ait illis: Cálicem quidem meum bibétis: sedére autem ad déxteram meam, vel sinístam, non est meum dare vobis, sed quibus parátum est a Patre meo.

Credo.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

OBLATIÓNES pópuli tui, quaésumus, Dómine, beáti Jacóbi Apóstoli pássio beáta concíliet: et quae nostris non aptae sunt méritis, fiant tibi plácita ejus deprecatióne. Per Dóminum.

Pro S. Christophoro
Secreta

MUNÉRIBUS nostris, quaésumus, Dómine, precibúsq;e suscéptis: et caeléstibus nos munda mystériis, et cleménter exáudi. Per Dóminum.

Praefatio de Apostolis.

Communio Matth. 19, 28 Vos qui secúti estis me, sedébitis super sedes, judicántes duódecim tribus Israël.

Postcommunio

BEÁTI Apóstoli tui Jacóbi, quaésumus, Dómine, intercessióne nos ádjuvea: pro cujus festivitáte percépimus tua sancta laetántes. Per Dóminum.

Pro S. Christophoro
Postcommunio

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur officio ; ita perpétuo laetémur aspéctu. Per Dóminum.

* In Missis votivis omnia dicuntur ut supra, sed post Septuagesimam, omissis Allelúja, et Versu sequenti, dicitur Tractus Desidérium ex Missa Státuit, de Communi unius Martyris 1 loco.

Tempore autem Paschali Missa Protexísti, de Communi Martyrum 1 loco, cum Orationibus, Epistola et Evangelio ut supra ; sed post Epistolam dicitur:

Allelúja, allelúja. *Vl.* Joann. 15, 16 Ego vos elégi de mundo, ut eátis, et fructum afferátis, et fructus vester máneat. Allelúja. *Vl.* Ps. 88, 6 Confitebúntur caeli mirabília tua, Dómine: étenim veritátem tuam in ecclésia sanctórum. Allelúja.

Eadem die 25 Julii

Pro S. CHRISTOPHORO
Martyre

Missa In virtúte, de Communi unius Martyris 3 loco.

Die 26 Julii
S. ANNAE

Matris B. M. V.

Duplex II classis

Introitus

GAUDEÁMUS omnes in Dómino, diem festum celebrántes sub honóre beátae Annae: de cujus solemnitate gaudent Angeli, et colláudant Fílium Dei. Ps. 44, 2 Eructávit cor meum verbum bonum: dico ego ópera mea Regi. *Vl.* Glória Patri.

Oratio

DEUS, qui beátae Annae grátiam conférre dignátus es, ut Genitrícis unigéniti Fílii tui mater éffici mererétur: concéde propítius ; ut, cujus solémnia celebrámus, ejus apud te patrocíniis adjuvémur. Per eúmdem

Léctio libri Sapiéntiae.

Prov. 31, 10-31

MULÍEREM fortem quis invéniet ? Procul, et de últimis fínibus prétium ejus. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitae suae. Quaesívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surrexit, deditque praedam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígiti ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suae a frigóribus nivis: omnes enim doméstici ejus vestíti sunt dúplícibus. Stragulátam vestem fecit sibi: byssus, et púrpura induméntum ejus. Nóbilis in portis vir ejus, quando séderit cum senatóribus terrae. Síndonem fecit, et véndidit, et cíngulum trádidit Chananaéo. Fortitúdo et decor induméntum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otíosa non comédit. Surrexérunt fílii ejus, et beatíssimam praedicavérunt: vir ejus, et laudávit eam. Multae fíliae congregavérunt divítias: tu supergréssa es univérzas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

Graduale Ps. 44, 8 Dilexísti justítiam, et odísti iniquitátem. V/. Proptérea unxit te Deus, Deus tuus, óleo laetitiae. Allelúja, allelúja. V/. Ibid., 3 Diffúsa est grátia in lábiis tuis: proptérea benedíxit te Deus in aetérnum. Allelúja.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérza, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus líttus sedéntes, elegérunt bonos in vasa, malos autem foras misérunt. Sic erit in consummatione saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 44, 10 Fíliae regum in honóre tuo, ástitit regína a dextris tuis in vestítu deauráto, circúmdata varietáte.

Secreta

SACRIFÍCIIS praeséntibus, quaesumus, Dómine, placátus inténde: ut per intercessiónem beátae Annae, quae Genitrícis Fílii tui Dómini nostri Jesu Christi mater éxstitit, et devotióni nostrae profícient, et salúti. Per eúmdem Dóminum.

Communio Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saéculi.

Postcommunio

CAELÉSTIBUS sacraméntis vegetáti, quaesumus, Dómine Deus noster: ut, intercessióne beátae Annae, quam Genitrícis Fílii tui matrem esse voluísti, ad aetérnam salútem perveníre mereámur. Per eúmdem Dóminum.

* In Missis votivis Introitus sumitur ex Missa Cognóvi, de Communi non Virginum 2 loco, et ex ea post Septuagesimam sumitur etiam Graduale cum Tractu ; Tempore autem Paschali omittitur Graduale, et ejus loco dicitur:

Allelúja, allelúja. V/. Ps. 44, 3 Diffúsa est grátia in lábiis tuis: proptérea benedíxit te Deus in aetérnum. Allelúja. V/. Ibid., 5 Spécie tua, et pulchritúdine tua inténde, próspere procéde et regna. Allelúja.

Die 27 Julii
S. PANTALEONIS

Martyris

Simplex

Missa Laetábitur, de Communi unius Martyris 4 loco.

Oratio C

PRAESTA, quaesumus, omnipotens Deus: ut, intercedente beáto Pantaleóne Mártire tuo, et a cunctis adversitatibus liberémur in corpore, et a pravis cogitationibus mundémur in mente. Per Dóminum.

Secreta C

ACCÉPTA sit in conspéctu tuo, Dómine, nostra devótió: ut ejus nobis fiat supplicatióne salutáris, pro cujus solemnitate defértur. Per Dóminum.

Postcommunio C

REFÉCTI participatióne múnaris sacri, quaesumus, Dómine Deus noster: ut, cujus exséquimur cultum, intercedente beáto Pantaleóne Mártire tuo, sentiámus efféctum. Per Dóminum.

Die 28 Julii

SS. NAZARII et CELSI
 Martyrum

VICTORIS I

Papae et Martyris
 ac INNOCENTII I
 Papae et Confessoris

Semiduplex

Introitus Ps. 78, 11, 12 et 10

INTRET in conspéctu tuo, Dómine, gémitus compeditórum: redde vicinis nostris séptuplum in sinu eórum: víndica sánguinem sanctórum tuórum, qui effúsus est. Ps. *ibid.*, 1 Deus, venérunt gentes in hereditatem tuam: polluerunt templum sanctum tuum: posuerunt Jerúsalem in pomórum custódiam. V/. Glória Patri.

Oratio

SANCTÓRUM tuórum nos, Dómine, Nazárii, Celsi, Victóris et Innocéntii conféssio beáta commúniat: et fragilitati nostrae subsidiúm dignánte exóret. Per Dóminum.

Léctio libri Sapiéntiae.

Sap. 10, 17-20

RÉDDIDIT Deus justis mercédem labórum suórum, et dedúxit illos in via mirábili: et fuit illis in velaménto diéi, et in luce stellárum per noctem: tránstulit illos per Mare Rubrum, et transvéxit illos per aquam nímiám. Inimícos autem illórum demérsit in mare, et ab altitúdine inferórum edúxit illos. Ideo justí tulérunt spólia impiórum, et decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale Exodi 15, 11 Gloriósus Deus in sanctis suis: mirábilis in majestáte, fáciens prodígia. V/. *Ibid.*, 6 Déxtera tua, Dómine, glori ficáta est in virtúte: déxtera manus tua confrégit inimícos.

Allelúja, allelúja. V/. Eccli. 44, 14 Córpora sanctórum in pace sepúlta sunt, et nómina eórum vivent in generatióne et generatióne. Allelúja.

+ Sequéntia sancti Evangélii secúndum Lucam.

Luc. 21, 9-19

IN illo témpore: Dixit Jesus discíplis suis: Cum audiéritis praélia et seditiões, nolíte terréri: opórtet primum haec fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terraemótus magni erunt per loca, et pestiléntiae, et fames, terrorésque de caelo, et

signa magna erunt. Sed ante haec ómnia injícient vobis manus suas, et persequéntur tradéntes in synagógas et custódias, trahéntes ad reges et praesides propter nomen meum: contínget autem vobis in testimónium. Pónite ergo in córdibus vestris non praemedítari quemádmódum respondeátis. Ego enim dabo vobis os et sapiéntiam, cui non póterunt resistere et contradícere omnes adversáarii vestri. Tradémíni autem a paréntibus, et frátribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra possidébitis ánimas vestras.

Offertorium Ps. 67, 36 Mirábilis Deus in sanctis suis: Deus Israël, ipse dabit virtútem et fortitúdinem plebi suae: benedíctus Deus, allelúja.

Secreta

CONCÉDE nobis , omnípotens Deus: ut his munéribus, quae in sanctórum tuórum Nazáarii, Celsi, Victóris et Innocéntii honóre deférimus, et te placémus exhibítis, et nos vivificémur accéptis . Per Dóminum.

Communio Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

SANCTÓRUM Nazáarii, Celsi, Victóris et Innocéntii, Dómine, intercessióne placátus: praesta quaésumus ; ut, quod temporáli celebrámus actióne, perpétua salvatióne capiámus. Per Dóminum.

Die 29 Julii
S. MARTHAE

Virginis

Semiduplex

Introitus **Ps. 44, 8**

DILEXISTI justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **Ps. ibid., 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

EXÁUDI nos, Deus salutáris noster: ut, sicut de beátae Marthae Vírginis tuae festivitáte gaudémus ; ita piaae devotiónis erudiámur afféctu. Per Dóminum.

Et fit Commemoratio Ss. Felicis II Papae et Martyris ac Simplicii, Faustini et Beatricis Martyrum.

Oratio

PRAESTA, quaésumus, Dómine: ut, sicut pópulus cristiánus Mártyrum tuórum Felícis, Simplicii, Faustíni et Beatricis temporáli solemnitate congáudet, ita perfruátur aetérna ; et, quod votis célebrat, comprehéndat efféctu. Per Dóminum.

Léctio Epístolae beáti Pauli Apóstoli ad Corínthios.

2 Cor. 10, 17-18 ; 11, 1-2

FRATRES: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiae meae, sed et supportáte me: aémulor enim vos Dei aemulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúde tua inténde, prospere procéde, et regna. **Vl.** Propter veritátem, et mansuetúdinem, et justítiam, et dedúcet te mirábiliter dextera tua. Allelúja, allelúja. **Vl. Ibid., 15-16** Adducéntur Regi vírgines post eam: próximae ejus afferéntur tibi in laetítia. Allelúja.

+ Sequéntia sancti Evangéllii secúndum Lucam.

Luc. 10, 38-42

IN illo témpore: Intrávit Jesus in quoddam castéllum: et múlier quaedam Martha nómine excépit illum in domum suam: et huic erat soror nómine María, quae étiam sedens secus pedes Dómini, audiébat verbum illíus. Martha autem satagébat circa frequens ministérium: quae stetit, et ait: Dómine, non est tibi curae quod soror mea reliquit me solam ministráre ? dic ergo illi, ut me ádjuvet. Et respóndens, dixit illi Dóminus: Martha, Martha, sollicita es, et turbáris erga plúrima: porro unum est necessárium. María óptimam partem

elégit, quae non auferétur ab ea.

Offertorium Ps. 44, 10 Fíliae regum in honóre tuo, ástitit regína a dextris tuis in vestítu deauráto, circúmdata varietáte.

Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

**Pro Ss. Martyribus
Secreta**

HÓSTIAS tibi, Dómine, pro sanctórum Mártyrum tuórum Felícis, Simplícii, Faustíni et Beatrícis commemoratióne deférimus: suppliciter deprecántes ; ut indulgéntiam nobis páriter cónferant, et salútem. Per Dóminum.

Communio Matth. 25, 4 et 6 Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbiviam Christo Dómino.

Postcommunio

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

**Pro Ss. Martyribus
Postcommunio**

PRAESTA, quaésumus, omnípotens Deus: ut sanctórum Mártyrum tuórum Felícis, Simplícii, Faustíni et Beatrícis caeléstibus mystériis celebráta solémnitas, indulgéntiam nobis tuae propitiatiónis acquírat. Per Dóminum.

Eadem die 29 Julii

Pro SS. FELICE II
Papa et Martyre,
ac SIMPLICIO, FAUSTINO et BEATRICE
Martyribus

Missa Sapiéntiam, de Communi plurimorum Martyrum 2 loco, cum Orationibus ut infra.

Oratio P

PRAESTA, quaésumus, Dómine: ut, sicut pópulus cristiánus Mártyrum tuórum Felícis, Simplícii, Faustíni et Beatrícis temporáli solemnitáte congáudet, ita perfruátur aetérna ; et, quod votis célebrat, comprehéndat efféctu. Per Dóminum.

Secreta P

HÓSTIAS tibi, Dómine, pro sanctórum Mártyrum tuórum Felícis, Simplícii, Faustíni et Beatrícis commemoratióne deférimus: suppliciter deprecántes ; ut indulgéntiam nobis páriter cónferant, et salútem. Per Dóminum.

Postcommunio P

PRAESTA, quaésumus, omnípotens Deus: ut sanctórum Mártyrum tuórum Felícis, Simplícii, Faustíni et Beatrícis caeléstibus mystériis celebráta solémnitas, indulgéntiam nobis tuae propitiatiónis acquírat. Per Dóminum.

Die 30 Julii

SS. ABDON et SENNEM
Martyrum

Simplex

Introitus **Ps. 78, 11, 12 et 10**

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum:

víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunť templum sanctum tuum: posuérunť Jerúsalem in pomórum custódiám. **Vl.** Glória Patri.

Oratio

DEUS, qui sanctis tuis Abdon et Sennen ad hanc glóriam veniéndi copiósium munus grátiae contulísti: da fámulis tuis suórum véniam peccatórum ; ut, Sanctórum tuórum intercedéntibus méritis, ab ómnibus mereántur adversitatibus liberári. Per Dóminum.

Léctio Epístolae beáti Pauli Apóstoli ad Corínthios.

2 Cor. 6, 4-10

FRATRES: Exhibeámus nosmetípsos sicut Dei minístros in multa paciéntia, in tribulatiónebus, in necessitatibus, in angústis, in plagis, in carcéribus, in seditiónebus, in labóribus, in vigíliis, in jejúniis, in castitate, in sciéntia, in longanimitate, in suavitate, in Spíritu Sancto, in caritate non ficta, in verbo veritátis, in virtúte Dei, per arma justítiae a dextris et a sinístris: per glóriam, et ignobilitátem: per infámiam, et bonam famam: ut seductóres, et veráces: sicut qui ignóti, et cógniti: quasi moriéntes, et ecce vívimos: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale Exodi 15, 11 Gloriósus Deus in sanctis suis: mirábilis in majestate, fáciens prodígia. **Vl. Ibid., 6** Déxtera tua, Dómine, glorificáta est in virtúte: déxtera manus tua confrégit inimícos.

Allelúja , allelúja. **Vl. Sap. 3, 1** Justórum ánimaē in manu Dei sunt, et non tanget illos torméntum malítiae. Allelúja.

+ Sequéntia sancti Evangélii secúndum Matthaéum.

Math. 5, 1-12

IN illo témpore: Videns Jesus turbas, ascéndit in montem, et cum sedisset, accessérunt ad eum discipuli ejus, et apériens os suum, docébat eos, dicens: Beáti páuperes spíritu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutióne patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósia est in caelis.

Offertorium Ps. 67, 36 Mirábilis Deus in sanctis suis: Deus Israél, ipse dabit virtútem et fortitúdinem plebi suae: benedíctus Deus.

Secreta

HAEC hóstia, quaésumus, Dómine, quam sanctórum Mártyrum tuórum natalítia recenséntes offérimus: et víncula nostrae pravitatís absólvat, et tuae nobis misericórdiae dona concíliet. Per Dóminum.

Communio Ps. 78, 2 et 11 Posuérunť mortália servórum tuórum, Dómine, escas volatílibus caeli, carnes sanctórum tuórum béstiis terrae: secúndum magnitúdinem bráchii tui pösside filios morte punitórum.

Postcommunio

PER hujus, Dómine, operatióne mystérii, et vítia nostra purgéntur: et, intercedéntibus sanctis Martýribus tuis Abdon et Sennen, justa desidéria compleántur. Per Dóminum.

Die 31 Julii

S. IGNATII

Confessoris

Duplex majus

Introitus **Philipp. 2, 10-11**

IN nómine Jesu omne genu flectátur, caeléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris. **Ps. 5, 12-13** Gloriabúntur in te omnes, qui díligunt nomen tuum: quóniam tu benedíces justo. **Vl.** Glória Patri.

Oratio

DEUS, qui ad majórem tui nóminis glóriam propagándam, novo per beátum Ignátium subsidió militántem Ecclésiám roborásti: concéde ; ut, ejus auxilió et imitatióne certántes in terris, coronári cum ipso mereámur in caelis. Per Dóminum.

Léctio Epístolae beáti Pauli Apóstoli ad Timótheum.

2 Tim. 2, 8-10 ; 3, 10-12

CARÍSSIME: Memor esto, Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quae est in Christo Jesu, cum glória caelésti. Tu autem assecútus es meam doctrínam, institutióne, propósitum, fidem, longanimitátem, dilectiÓnem, patiéntiam, persecutiÓnes, passiÓnes: quália mihi facta sunt Antiochíae, Icónii, et Lystris: quales persecutiÓnes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiÓnem patiéntur.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V/. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V/. Jac. 1, 12** Beátus vir, qui suffert tentatiÓnem: quóniam cum probátus fúerit, accípiet corónam vitae. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis ; et curáte infirmos, qui in illa sunt, et dícite illis: Appropinquávit in vos regnum Dei.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

ADSINT, Dómine Deus, oblatiÓnibus nostris sancti Ignátii benígna suffrágia: ut sacrosáncta mystéria, in quibus omnis sanctitátis fontem constituísti, nos quoque in veritáte sanctífícent. Per Dóminum.

Communio Luc. 12, 49 Ignem veni míttre in terram: et quid volo, nisi ut accendátur ?

Postcommunio

LAUDIS hóstia, Dómine, quam pro sancto Ignátio grátias agéntes obtúlimus: ad perpétuam nos majestátis tuae laudatiÓnem, ejus intercessiÓne, perdúcat. Per Dóminum.

FESTA AUGUSTI

Die 1 Augusti

S. PETRI

Apostoli

AD VINCULA

Duplex majus

Introitus **Act. 12, 11**

NUNC scio vere, quia misit Dóminus Angelum suum: et erípuit me de manu Heródis, et de omni exspectatiÓne plebis Judaeórum. **Ps. 138, 1-2** Dómine, probásti me, et cognovísti me: tu cognovísti sessiÓnem meam, et resurrectiÓnem meam. **V/. Glória Patri.**

Oratio

DEUS, qui beátum Petrum Apóstolum, a vínculis absolutum, illaésum abíre fecisti: nostrórum, quaésumus, absólve víncula peccatórum ; et ómnia mala a nobis propitiátus exclúde. Per Dóminum.

Et fit Commemoratio S. Pauli Apostoli, ante omnes alias Commemorationes.

Oratio

DEUS, qui multitudínem géntium beáti Pauli Apóstoli praedicatione docuisti: da nobis, quaésumus: ut, cujus commemoratiónem cólimus, ejus apud te patrocínia sentiámus. (Per Dóminum.)

Deinde Commemoratio Ss. Machabaeorum Martyrum.

Oratio

FRATÉRNA nos, Dómine, Mártyrum tuórum coróna laetíficet: quae et fidei nostrae praébeat incrementa virtútum ; et múltiplici nos suffrágio consolétur. Per Dóminum.

Léctio Actuum Apostolórum.

Act. 12, 1-11

IN diébus illis: Misit Heródes rex manus, ut affligeret quosdam de ecclésia. Occídit autem Jacóbum fratrem Joánnis gládio. Videns autem quia placéret Judaéis, appósuit ut apprehénderet et Petrum. Erant autem dies Azymórum. Quem cum apprehendísset, misit in cárcerem, tradens quátuor quaterniónibus mílitum custodiéndum, volens post Pascha producere eum pópulo. Et Petrus quidem servabátur in cárcere. Orátio autem fiébat sine intermissiône ab ecclésia ad Deum pro eo. Cum autem productúrus eum esset Heródes, in ipsa nocte erat Petrus dórmiens inter duos mílites, vinctus caténis duábus: et custódes ante óstium custodiébant cárcerem. Et ecce Angelus Dómini ástitit: et lumen refúlsit in habitáculo: percussóque láttere Petri, excitávit eum, dicens: Surge velóciter. Et cecidérunt caténae de mánibus ejus. Dixit autem Angelus ad eum: Praecíngere, et cálcea te cáligas tuas. Et fecit sic. Et dixit illi: Circúmda tibi vestiméntum tuum, et séquere me. Et éxiens sequebátur eum, et nesciébat quia verum est, quod fiébat per Angelum: existimábat autem se visum vidére. Transeúntes autem primam et secúndam custódiám, venérunt ad portam férream, quae ducit ad civitátem: quae ultro apérta est eis. Et exeúntes processérunt vicum unum, et contínuo discéssit Angelus ab eo. Et Petrus ad se revérsus, dixit: Nunc scio vere, quia misit Dóminus Angelum suum, et erípuit me de manu Heródis, et de omni exspectatióne plebis Judaeórum.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. *V.* Pro pátribus tuis nati sunt tibi fílii: propterea pópuli confitebúntur tibi. Allelúja, allelúja. *V.* Solve, jubénte Deo, terrárum, Petre, caténas: qui facis ut páteant caeléstia regna beátis. Allelúja.

+ Sequéntia sancti Evangélii secúndum Matthaéum.

Math. 16, 13-19

IN illo témpore: Venit Jesus in partes Caesaráe Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixerunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiam meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Offertorium Ps. 44, 17-18 Constítues eos príncipes super omnem terram: mémores erunt nóminis tui, Dómine, in omni progénie et generatióne.

Secreta

OBLÁTUM tibi, Dómine, sacrificium, intercedénte beáto Petro Apóstolo tuo, vivíficet nos semper, et múniat. Per Dóminum.

Pro S. Paulo
Secreta

APÓSTOLI tui Pauli précibus, Dómine, plebis tuae dona sanctífica: ut, quae tibi tuo grata sunt institúto, gratióra fiant patrocínio supplicántis. (Per Dóminum.)

Pro Ss. Machabaeis
Secreta

MYSTÉRIA tua, Dómine, pro sanctórum Mártyrum tuórum honóre, devóta mente tractémus: quibus et praesídium nobis crescat, et gáudium. Per Dóminum.

Praefatio de Apostolis.

Communio Matth. 16, 18 Tu es Petrus, et super hanc petram aedificábo Ecclésiám meam.

Postcommunio

CÓRPORIS sacri et pretiósí ságuinis repléti libámine, quaésumus, Dómine Deus noster: ut, quod pia devotióne gérimus, certa redemptiÓne capiámus. Per eúmdem Dóminum.

Pro S. Paulo
Postcommunio

PERCÉPTIS, Dómine, sacraméntis, beáto Paulo Apóstolo tuo interveniēte, deprecámur: ut, quae pro illíus celebráta sunt glória, nobis proficiant ad medélam. (Per Dóminum.)

Pro Ss. Machabaeis
Postcommunio

PRAESTA, quaésumus, omnípotens Deus: ut, quorum memóriam sacraménti participatiÓne recólimus, fidem quoque proficiēdo sectémur. Per Dóminum.

Eadem die 1 Augusti

Pro SS. MACHABAEIS
Martyribus

Introitus Ps. 33, 18

CLAMAVÉRUNT justí, et Dóminus exaudivit eos: et ex ómnibus tribulatiÓnibus eórum liberávit eos. Ps. *ibid.*, 2 Benedícam Dóminum in omni témpore: semper laus ejus in ore meo. *V.* Glória Patri.

Oratio

FRATÉRNA nos, Dómine, Mártyrum tuórum coróna laetíficet: quae et fidei nostrae praébeat increménta virtútum ; et múltiplici nos suffrágio consolétur. Per Dóminum.

Léctio Epístolae beáti Pauli Apóstoli ad Hebraeos.

Hebr. 11, 33-39

FRATRES: Sancti per fidem vicérunt regna, operáti sunt justítiam adépti sunt repromissiÓnes, obturavérunt ora leónum, exstinxérunt ímpetum ignis, effugérunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulieres de resurrectiÓne mórtuos suos: álii autem disténti sunt, non suscipiētes redemptiÓnem, ut meliÓrem invenírent resurrectiÓnem: álii vero ludíbria, et vérbera expéti, insuper et víncula, et cárceres: lapidáti sunt, secti sunt, tentáti sunt, in occisiÓne gládii mórtui sunt: circuíerunt in melótiis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terrae. Et hi omnes testimónio fidei probáti, invénti sunt in Christo Jesu Dómino nostro.

Graduale Ps. 132, 1-2 Ecce quam bonum, et quam jucúndum, habitáre fratres in unum ! *V.* Sicut unguéntum in cápite, quod descéndit in barbam, barbam Aaron.

Allelúja, allelúja. *V.* Haec est vera fratérnitas, quae vicit mundi crímina: Christum secúta est, ínclita tenens regna caeléstia. Allelúja.

+ Sequéntia sancti Evangélii secúndum Lucam.

Luc. 12, 1-8

IN illo témpore: Dixit Jesus discípulis suis: Atténdite a ferméto pharisaeórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quae in ténebris

dixistis, in lumine dicentur: et quod in aures locuti estis in cubiculis, praedicabitur in tectis. Dico autem vobis amicis meis: Ne terreamini ab his, qui occidunt corpus, et post haec non habent amplius quid faciant. Ostendam autem vobis quem timeatis: timeate eum, qui, postquam occiderit, habet potestatem mittere in gehennam. Ita dico vobis: hunc timeate. Nonne quinque passeris veniunt dipondio, et unus ex illis non est in oblivione coram Deo? Sed et capilli capitis vestri omnes numerati sunt. Nolite ergo timere: multis passeribus pluris estis vos. Dico autem vobis: Omnis, quicumque confessus fuerit me coram hominibus, et Filius hominis confitebitur illum coram Angelis Dei.

Offertorium Ps. 149, 5-6 Exsultabunt sancti in gloria, laetabuntur in cubilibus suis: exaltationes Dei in faucibus eorum.

Secreta

MYSTERIA tua, Domine, pro sanctorum Martyrum tuorum honore, devota mente tractemus: quibus et praesidium nobis crescat, et gaudium. Per Dominum.

Communio Luc. 12, 4 Dico autem vobis amicis meis: Ne terreamini ab his, qui vos persequuntur.

Postcommunio

PRAESTA, quaesumus, omnipotens Deus: ut, quorum memoriam sacramenti participatione recolimus, fidem quoque proficiendo sectemur. Per Dominum.

Die 2 Augusti

S. ALFONSI MARIAE de LIGORIO
Episcopi, Confessoris et Ecclesiae Doctoris

Duplex

Introitus **Luc. 4, 18**

SPIRITUS Domini super me: propter quod unxit me: evangelizare pauperibus misit me, sanare contritos corde. **Ps. 77, 1** Attendite, popule meus, legem meam: inclinate aures vestras in verba oris mei. **Vl.** Gloria Patri.

Oratio

DEUS, qui per beatum Alfonso Mariam Confessorem tuum atque Pontificem, animarum zelo succensum, Ecclesiam tuam nova prole fecundasti: quaesumus; ut, ejus salutaribus monitis edocti et exemplis roborati, ad te pervenire feliciter valeamus. Per Dominum.

Et fit Commemoratio S. Stephani I Papae et Martyris.

Oratio

GREGEM tuum, Pastor aeternae, placatus intende: et per beatum Stephanum Martyrem tuum atque Summum Pontificem, perpetua protectione custodi; quem totius Ecclesiae praestitisti esse pastorem. Per Dominum.

Lectio Epistolae beati Pauli Apostoli ad Timotheum.

2 Tim. 2, 1-7

CARISSIME: Confortare in gratia, quae est in Christo Jesu: et quae audisti a me per multos testes, haec commenda fidelibus hominibus, qui idonei erunt et alios docere. Labora sicut bonus miles Christi Jesu. Nemo militans Deo implicat se negotiis saecularibus: ut ei placeat, cui se probavit. Nam et qui certat in agone, non coronatur, nisi legitime certaverit. Laborantem agricolam oportet primum de fructibus percipere. Intellige quae dico: dabit enim tibi Dominus in omnibus intellectum.

Graduale Ps. 118, 52-53 Memor fui iudiciorum tuorum a saeculo, Domine, et consolatus sum: defectio tenuit me pro peccatoribus derelinquentibus legem tuam. **Vl. Ps. 39, 11** Justitiam tuam non abscondi in corde meo: veritatem tuam, et salutarem tuam dixi.

Alleluja, alleluja. **Vl. Eccli. 49, 3-4** Ipse est directus divinitus in paenitentiam gentis, et tulit abominaciones impietatis: et gubernavit ad Dominum cor ipsius: et in diebus peccatorum corroboravit pietatem. Alleluja.

In Missis votivis post Septuagesimam, omissis Alleluja et Versu sequenti, dicitur

Tractus Ps. 34, 13 Ego autem cum mihi molésti essent, induébar cilício: humiliábam in jejúnio ánimam meam: et orátio mea in sinu meo convertétur. **V/. Ps. 22, 5** Parásti in conspéctu meo mensam advérsus eos, qui tribulant me: impinguásti in óleo caput meum, et calix meus inébrians quam praeclárus est ! **V/. 1 Cor. 9, 22** Factus sum infirmis infirmus, ut infirmos lucrifácerem.

Tempore autem Paschali, omittitur Graduale, et ejus loco dicitur:

Allelúja , allelúja. **V/. Ps. 132, 1-2** Ecce quam bonum, et quam jucúndum, habitáre fratres in unum: sicut unguéntum in cápite, quod descéndit in barbam, barbam Aaron. Allelúja. **V/. Joann. 15, 16** Pósui vos, ut eátis, et fructum afferátis: et fructus vester máneat. Allelúja.

+ Sequéntia sancti Evangéllii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta ; et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiéscet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Crede.

Offertorium Prov. 3, 9 et 27 Honóra Dóminum de tua substántia, et de primitiis ómnium frugum tuárum da ei. Noli prohibére benefácere eum, qui potest: si vales, et ipse benefac.

Secreta

CAELÉSTI, Dómine Jesu Christe, sacrificii igne corda nostra in odórem suavitátis exúre: qui beáto Alfónso Maríae tribuísti et haec mystéria celebráre, et per eádem hóstiam tibi sanctam seípsum exhibére: Qui vivis.

Pro S. Stephano
Secreta

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Communio Eccli. 50, 1 et 9 Sacérdos magnus, qui in vita sua suffúlsit domum: et in diébus suis corroborávit templum, quasi ignis effúlgens, et thus ardens in igne.

Postcommunio

DEUS, qui beátum Alfónsum Maríam Confessórem tuum atque Pontíficem, fidélem divíni mystérii dispensatórem et praecónem effecísti: ejus méritis, precibúsq; concéde ; ut fidéles tui et frequénter percípiant, et percipiéndo sine fine colláudent. Per Dóminum.

Pro S. Stephano
Postcommunio

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Eadem die 2 Augusti

Pro S. STEPHANO I
Papa et Martyre

Missa Si díligis me, **de Communi Summorum Pontificum.**

Die 3 Augusti

IN INVENTIONE S. STEPHANI

Protomartyris

Semiduplex

Introitus **Ps. 118, 23, 86 et 23**

SEDÉRUNT príncipes et advérsus me loquebántur: et iníqui persecúti sunt me: ádjuva me, Dómine Deus meus, quia servus tuus exercebátur in tuis justificatióibus. **Ps. ibid., 1** Beáti immaculáti in via, qui ámbulant in lege Dómini. **Vl.** Glória Patri.

Oratio

DA nobis, quaésumus, Dómine, imitári quod cólimus: ut discámus et inimícos dilígere ; quia ejus Inventionem celebrámus, qui novit étiam pro persecutóribus exoráre Dóminum nostrum Jesum Christum Fílium tuum: Qui tecum vivit.

Léctio Actuum Apostolórum.

Act. 6, 8-10 ; 7, 54-59

IN diébus illis: Stéphanus, plenus grátia et fortitúdine, faciébat prodígia et signa magna in pópulo. Surrexerunt autem quidam de synagóga, quae appellátur Libertinórum, et Cyrenénsium, et Alexandrinórum, et eórum qui erant a Cilícia, et Asia, disputántes cum Stéphano: et non póterant resistere sapiéntiae et Spíritui, qui loquebátur. Audiéntes autem haec, dissecabántur córdibus suis, et stridébant déntibus in eum. Cum autem esset Stéphanus plenus Spíritu Sancto, inténdens in caelum, vidit glóriam Dei, et Jesum stantem a dextris Dei. Et ait: Ecce vídeo caelos apértos, et Fílium hóminis stantem a dextris Dei. Exclamántes autem voce magna continuérent aures suas, et ímpetum fecérunt unánimiter in eum. Et ejiéntes eum extra civitátem, lapidábant: et testes deposuérunt vestiménta sua secus pedes adolescéntis, qui vocabátur Saulus. Et lapidábant Stéphanum invocántem, et dicéntem: Dómine Jesu, súscipe spíritum meum. Pósitis autem génibus clamávit voce magna, dicens: Dómine, ne státuas illis hoc peccátum. Et cum hoc dixisset, obdormívit in Dómino.

Graduale Ps. 118, 23 et 86 ; 6, 5 Sedérunt príncipes, et advérsus me loquebántur: et iníqui persecúti sunt me. **Vl.** Adjuva me, Dómine Deus meus: salvum me fac propter misericórdiam tuam. Allelúja, allelúja. **Vl. Act. 7, 56** Vídeo caelos apértos, et Jesum stantem a dextris virtútis Dei. Allelúja.

+ Sequéntia sancti Evangéllii secúndum Matthaéum.

Matth. 23, 34-39

IN illo témpore: Dicébat Jesus scribis et pharisaéis: Ecce ego mitto ad vos prophétas, et sapiéntes, et scribas, et ex illis occidétis et crucifigétis, et ex eis flagellábitis in synagógis vestris, et persecuémini de civitáte in civitátem: ut véniat super vos omnis sanguis justus, qui effúsus est super terram, a ságuine Abel justí usque ad ságuinem Zacharía, filii Barachía, quem occidístis inter templum et altáre. Amen dico vobis, vénient haec ómnia super generatiónem istam. Jerúsalem, Jerúsalem, quae occidís prophétas, et lápidas eos, qui ad te missi sunt, quóties vólui congregáre filios tuos, quemádmódu gallína cóngregat pullos suos sub alas, et noluísti ? Ecce relinquétur vobis domus vestra desérta. Dico enim vobis, non me vidébitis ámodo, donec dicátis: Benedíctus, qui venit in nómine Dómini.

Offertorium Act. 6, 5 et 7, 59 Elegérunt Apóstoli Stéphanum Levítam, plenum fide et Spíritu Sancto: quem lapidavérunt Judaéi orántem, et dicéntem: Dómine Jesu, áccipe spíritum meum, allelúja.

Secreta

SÚSCIBE, Dómine, múnera pro tuórum commemoratióne Sanctórum: ut, sicut illos pássio gloriósa effécit ; ita nos devótió reddat innócuos. Per Dóminum.

Communio Act. 7, 56, 59, et 60 Vídeo caelos apértos, et Jesum stantem a dextris virtútis Dei: Dómine Jesu, áccipe spíritum meum, et ne státuas illis hoc peccátum.

Postcommunio

AUXILIÉNTUR nobis, Dómine, sumpta mystéria: et intercedénte beáto Stéphano Mártire tuo, sempitérna protectióne confírent. Per Dóminum.

Die 4 Augusti
S. DOMINICI

Confessoris

Duplex majus

Introitus **Ps. 36, 30-31**

OS justi meditabitur sapiéntiam, et lingua ejus loquétur judícium: lex Dei ejus in corde ipsíus. **Ps. ibid., 1**
 Noli aemulári in malignántibus: neque zeláveris faciéntes iniquitátem. **Vl.** Glória Patri.

Oratio

DEUS, qui Ecclésiám tuam, beáti Domínici Confessóris tui illumináre dignátus es méritis et doctrínis: concéde ; ut ejus intercessióne temporálibus non destituátur auxiliis, et spirituálibus semper proficiat increméntis. Per Dóminum.

Lectio Epístolae beáti Pauli Apóstoli ad Timótheum.

2 Tim. 4, 1-8

CARÍSSIME: Testíficor coram Deo, et Jesu Christo, qui judicatúrus est vivos et mórtuos, per advéntum ipsíus, et regnum ejus: praédica verbum, insta op portúne, importúne: árgue, óbsecre, íncrepa in omni patiéntia, et doctrína. Erit enim tempus, cum sanam doctrínam non sustinébunt, sed ad sua desidéria coacervábunt sibi magístros, pruriéntes áuribus, et a veritáte quidem audítum avértent, ad fábulas autem converténtur. Tu vero vígila, in ómnibus labóra, opus fac Evangelístae, ministérium tuum imple. Sóbrius esto. Ego enim jam delíbor, et tempus resolutiónis meae instat. Bonum certámen certávi, cursum consummávi, fidem servávi. In réliquo repósita est mihi coróna justítiae, quam reddet mihi Dóminus in illa die, justus judex: non solum autem mihi, sed et iis, qui díligunt advéntum ejus.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem.

Allelúja , allelúja. **Vl. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangéllii secúndum Lucam.

Luc. 12, 35-40

IN illo témpore: Dixit Jesus discíplis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod praecínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

MÚNERA, tibi, Dómine, dicáta sanctífica: ut méritis beáti Domínici Confessóris tui nobis proficiant ad medélam. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

CONCÉDE, quaésumus, omnípotens Deus: ut, qui peccatórum nostrórum póndere prémimur, beáti Domínici Confessóris tui patrocínio sublevémur. Per Dóminum.

Die 5 Augusti
IN DEDICATIONE
S. MARIAE AD NIVES

Duplex majus

Missa Salve, de Communi Festorum beatae Mariae Virginis.
 Et dicitur Credo, et Praefatio de beata Maria Virgine Et te in Festivitate.

Oratio C

CONCÉDE nos fámulos tuos, quaésumus, Dómine Deus, perpétua mentis et córporis sanitáte gaudére: et, gloriósa beátae Maríae semper Vírginis intercessióne, a praesénti liberári tristítia, et aetérna pérfrui laetítia. Per Dóminum.

Secreta C

TUA, Dómine, propitióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Postcommunio C

SUMPTIS, Dómine, salútis nostrae subsidiis: da, quaésumus, beátae Maríae semper Vírginis patrociniis nos ubíque prótegi; in cuius veneratióne haec tuae obtúlimus majestáti. Per Dóminum.

Die 6 Augusti
IN TRANSFIGURATIONE
D. N. J. C.

Duplex II classis

Introitus Ps. 76, 19

ILLUXÉRUNT coruscationes tuae orbi terrae: commóta est, et contrémuit terra. Ps. 83, 2-3 Quam dilécta tabernácula tua, Dómine virtutum! concupíscit, et déficit ánima mea in átria Dómini. V/. Glória Patri.

Oratio

DEUS, qui fidei sacraménta in Unigéniti tui gloriósa Transfiguratióne, patrum testimonio roborásti, et adoptiónem filiórum perféctam, voce delápsa in nube lúcida, mirabiliter praesignásti: concéde propítius; ut ipsius Regis glóriae nos coherédes efficias, et ejúsdem glóriae tríbuas esse consórtes. Per eúmdem Dóminum.

Et, in Missis privatis tantum, fit Commemoratio Ss. Xysti II Papae et Martyre ac Felicissimi et Agapiti Martyrum.

Oratio

DEUS, qui nos concédís sanctórum Mártyrum tuórum Xysti, Felicissimi et Agapíti natalítia cólere: da nobis in aetérna beatitúdine de eórum societáte gaudére. Per Dóminum.

Léctio Epístolae beáti Petri Apóstoli.

2 Petr. 1, 16-19

CARÍSSIMI: Non doctas fábulas secúti notam fécimus vobis Dómini nostri Jesu Christi virtútem et praeséntiam: sed speculatóres facti illíus magnítudinis. Accípiens enim a Deo Patre honórem et glóriam, voce delápsa ad eum hujuscémodi a magnífica glória: Hic est Filius meus diléctus, in quo mihi compláculi, ipsum audíte. Et hanc vocem nos audívimus de caelo allátam, cum essémus cum ipso in monte sancto. Et habémus firmiorem prophéticum sermónem: cui bene fácitis attendéntes, quasi lucérnae lucénti in caliginóso loco, donec dies elucéscat, et lúcifer oriátur in córdibus vestris.

Graduale Ps. 44, 3 et 2 Speciósus forma prae filiis hóminum: diffúsa est grátia in lábiis tuis. V/. Eructávit cor meum verbum bonum, dico ego ópera mea Regi.

Allelúja, allelúja. V/. Sap. 7, 26 Candor est lucis aetérnae, spéculum sine mácula, et imágo bonitátis illíus. Allelúja.

+ Sequéntia sancti Evangélii secúndum Matthaéum.

Matth. 17, 1-9

IN illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsu seórsum: et transfigurátus est ante eos. Et resplénduit fácies ejus sicut sol: vestiménta autem ejus facta sunt alba sicut nix. Et ecce apparuérunt illis Móyses et Elías cum eo loquéntes. Respóndens autem Petrus, dixit ad Jesum: Dómine, bonum est nos hic esse: si vis, faciámus hic tria tabernácula, tibi unum, Móysi unum, et Elíae unum. Adhuc eo loquente, ecce nubes lúcida obumbrávit eos. Et ecce vox de nube, dicens: Hic est Filius meus diléctus, in quo mihi bene compláculi: ipsum audíte. Et audiéntes discípuli, cecidérunt in faciém suam, et timuérunt valde. Et accéssit Jesus, et tétigit eos, dixítque eis: Súrgite, et nolíte

timére. Levántes autem óculos suos, néminem vidérunt, nisi solum Jesum. Et descendéntibus illis de monte, praecépit eis Jesus, dicens: Némini dixéritis visiónem, donec Fílius hóminis a mórtuis resúrgat.

Credo.

Secreta

OBLATA, quaésumus, Dómine, múnera gloriósa Unigéniti tui Transfiguratióne sanctífica: nosque a peccatórum máculis, splendóribus ipsíus illustratiónis emúnda. Per eúmdem Dóminum.

Pro Ss. Martyribus

Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Praefatio de Nativitate.

Communio Matth. 17, 9 Visiónem quam vidístis, némini dixéritis, donec a mórtuis resúrgat Fílius hóminis.

Postcommunio

PRAESTA, quaésumus, omnipotens Deus: ut, sacrosáncta Fílii tui Transfiguratiónis mystéria quae solémni celebrámus officio, purificátae mentis intelligéntia consequámur. Per eúmdem Dóminum.

Pro Ss. Martyribus

Postcommunio

PRAESTA nobis, quaésumus, Dómine: intercedéntibus sanctis Martýribus tuis Xysto, Felicíssimo et Agapíto ; ut, quod ore contíngimus, pura mente capiámus. Per Dóminum.

Eadem die 6 Augusti

Pro SS. XYSTO II
Papa et Martyre
ac FELICISSIMO et AGAPITO
Martyribus

Missa Sapientiam, de Communi plurimorum Martyrum 2 loco.

Die 7 Augusti

S. CAJETANI

Confessoris

Duplex

Introitus Ps. 36, 30-31

OS justí meditábitur sapiéntiam, et lingua ejus loquétur judícium: lex Dei ejus in corde ipsíus. Ps. *ibid.*, 1
Noli aemulári in malignántibus: neque zeláveris faciéntes iniquitátem. V/. Glória Patri.

DEUS, qui beáto Cajetáno Confessóri tuo apostólicam vivéndi formam imitári tribuísti: da nobis, ejus intercessióne et exémplo, in te semper confídere, et sola caeléstia desideráre. Per Dóminum.

Et fit Commemoratio S. Donati Episcopi et Martyris.

Oratio

DEUS, tuórum glória sacerdotum: praesta, quaésumus ; ut sancti Mártyris tui et Episcopi Donáti, cujus festa gérimus, sentiámus auxiliium. Per Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perfectus est, erit illi glória aetérna: qui pótuit tránsgridi, et non est tránsgréssus: fácere mala, et non fecit: ideo stabilíta

sunt bona illius in Dómino, et eleemósynas illius enarrábit omnis ecclésia sanctorum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem. Allelúja, allelúja. **Vl. Jac. 1, 12** Beátus vir, qui suffert tentatióem: quóniam cum probátus fúerit, accipiet corónam vitae. Allelúja.

+ Sequéntia sancti Evangélii secúndum Matthaéum.

Matth. 6, 24-33

IN illo témpore: Dixit Jesus discíplis suis: Nemo potest duóbus dómibus servíre: aut enim unum ódio habébit, et álterum díliget: aut unum sustinébit, et álterum contémnet. Non potéstis Deo servíre, et mammónae. Ideo dico vobis, ne sollíciti sitis ánimaestrae quid manducétis, neque córpori vestro quid induámmini. Nonne ánima plus est quam esca: et corpus plus quam vestiméntum? Respícite volatília caeli, quóniam non serunt, neque metunt, neque cóngregant in hórrea: et Pater vester caeléstis pascit illa. Nonne vos magis pluris estis illis? Quis autem vestrum cógitans potest adjícere ad statúram suam cúbitum unum? Et de vestiménto quid sollíciti estis? Consideráte lília agri quómodo crescunt: non labórant, neque nent. Dico autem vobis, quóniam nec Sálomon in omni glória sua coopértus est sicut unum ex istis. Si autem fenum agri, quod hódie est, et cras in clíbanum míttitur, Deus sic vestit: quanto magis vos módicæ fidei? Nolíte ergo sollíciti esse, dicéntes: Quid manducábimus, aut quid bibémus, aut quo operiémur? Haec enim ómnia gentes inquírun. Scit enim Pater vester, quia his ómnibus indigétis. Quaérite ergo primum regnum Dei, et justítiam ejus: et haec ómnia adjiciéntur vobis.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

PRAESTA nobis, quaésumus, omnípotens Deus: ut nostrae humilitátis oblátio, et pro tuórum tibi grata sit honóre Sanctorum, et nos córporis páriter et mente puríficet. Per Dóminum.

Pro S. Donato

Secreta

PRAESTA, quaésumus, Dómine: ut sancti Mártyris tui et Epíscopi Donáti intercessióne, quem ad laudem nóminis tui dicátis munéribus honorámus, piae nobis fructus devotiónis accrésca. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

QUSUMUS, omnípotens Deus: ut, qui caeléstia aliménta percépimus, intercedénte beáto Cajetáno Confessóre tuo, per haec contra ómnia advérsa muniámur. Per Dóminum.

Pro S. Donato

Postcommunio

OMNÍPOTENS et miséricors Deus, qui nos sacramentórum tuórum et partícipes éfficis, et minístros: praesta, quaésumus; ut, intercedénte beáto Donáto Mártyre tuo atque Pontífice, ejúsdem proficiámus et fidei consórtio, et digno servítio. Per Dóminum.

Eadem die 7 Augusti

Pro S. DONATO
Episcopo et Martyre

Introitus **Dan. 3, 84 et 87**

SACERDÓTES Dei, benedícite Dóminum: sancti et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in saécula. **Vl.** Glória Patri.

Oratio

DEUS, tuórum glória sacerdotum: praesta, quaésumus; ut sancti Mártyris tui et Epíscopi Donáti, cujus festa gérimus, sentiámus auxiliium. Per Dóminum.

Léctio Epístolae beáti Jacóbi Apóstoli.

Jac. 1, 2-12

CARÍSSIMI: Omne gáudium existimáte, cum in tentatiónes várias incidéritis: sciéntes quod probátio fídei vestrae patiéntiam operátur. Patiéntia autem opus perféctum habet: ut sitis perfécti et íntegri in nullo deficiéntes. Si quis autem vestrum índiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil haésitans: qui enim haésitat, símilis est flúctui maris, qui a vento movétur et circumfértur. Non ergo aéstimet homo ille quod accípiat áliquid a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos feni transibit: exórtus est enim sol cum ardóre, et arefécit fenum, et flos ejus décidit, et decor vultus ejus depéruit: ita et dives in itinéribus suis marcéscet. Beátus vir, qui suffert tentatiónem: quóniam cum probátus fúerit, accípiet corónam vitæ, quam repromísit Deus diligéntibus se.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. **V/.** Lex Dei ejus in corde ipsíus: et non supplantabúntur gressus ejus. Allelúja , allelúja. **V/.** Justus non conturbábitur, quia Dóminus firmat manum ejus. Allelúja.

+ Sequéntia sancti Evangélli secúndum Marcum.

Marc. 13, 33-37

IN illo témpore: Dixit Jesus discíplulis suis: Vidéte, vigiláte, et oráte: nescítis enim quando tempus sit. Sicut homo, qui pégre proféctus relíquit domum suam, et dedit servis suis potestátem cujúsque óperis, et janitóri praecepít ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repénte, invéniat vos dormiéntes. Quod autem vobis dico, ómnibus dico: Vigiláte.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

PRAESTA, quaésumus, Dómine: ut sancti Mártyris tui et Epíscopi Donáti intercessióne, quem ad laudem nóminis tui dicáris munéribus honorámus, piaé nobis fructus devotiónis accrésceat. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

OMNÍPOTENS et miséricors Deus, qui nos sacramentórum tuórum et partícipes éfficis, et minístros: praesta, quaésumus ; ut, intercedénte beáto Donáto Mártyre tuo atque Pontífice, ejúsdem proficiámus et fídei consórtio, et digno servítio. Per Dóminum.

Die 8 Augusti

SS. CYRIACI, LARGI et SMARAGDI
Martyrum

Semiduplex

Introitus **Ps. 33, 10-11**

TIMÉTE Dóminum, omnes sancti ejus, quóniam nihil deest timéntibus eum: dívites eguérunt et esuriérunt: inquiréntes autem Dóminum non deficiént omni bono. **Ps. ibid., 2** Benedícam Dóminum in omni témpore: semper laus ejus in ore meo. **V/.** Glória Patri.

Oratio

DEUS, qui nos ánnua sanctórum Mártyrum tuórum Cyríaci, Largi et Smarágdi solemnitáte laetíficas: concéde propítius ; ut, quorum natalítia cólimus, virtútem quoque passiónis imitémur. Per Dóminum.

Léctio Epístolæ beáti Pauli Apóstoli ad Thessalonicénses.

1 Thess. 2, 13-16

FRATRES: Grátias ágimus Deo sine intermissióne: quóniam cum accepissétis a nobis verbum audítus Dei, accepístis illud, non ut verbum hóminum, sed (sicut est vere) verbum Dei, qui operátur in vobis, qui credidístis. Vos enim imitatóres facti estis, fratres, ecclesiárum Dei, quae sunt in Judaéa in Christo Jesu:

quia eadem passi estis et vos a contribulibus vestris, sicut et ipsi a Judaéis: qui et Dominum occiderunt Jesum, et prophetas: et nos persecuti sunt, et Deo non placent, et omnibus hominibus adversantur, prohibentes nos gentibus loqui, ut salvae fiant, ut impleant peccata sua semper: pervenit autem ira Dei super illos usque in finem.

Graduale Ps. 33, 10 et 11 Timete Dominum, omnes sancti ejus: quoniam nihil deest timentibus eum. *Vl.* Inquirentes autem Dominum, non deficient omni bono.

Allelúja , allelúja. *Vl. Sap. 3, 7* Fulgebunt justi, et tamquam scintillae in arundineto discurrent in aeternum. Allelúja.

+ Sequentia sancti Evangelii secundum Marcum.

Marc. 16, 15-18

IN illo tempore: Dixit Jesus discipulis suis: Euntes in mundum universum, praedicatè Evangelium omni creaturae. Qui crediderit, et baptizatus fuerit, salvus erit: qui vero non crediderit, condemnabitur. Signa autem eos, qui crediderint, haec sequuntur: In nomine meo daemónia ejicient: linguis loquentur novis: serpentes tollent: et si mortiferum quid biberint, non eis nocèbit: super aegros manus imponent, et bene habebunt.

Offertorium Ps. 31, 11 Laetamini in Domino, et exultate, justi: et gloriamini, omnes recti corde.

Secreta

ACCÉPTA sit in conspectu tuo, Dómine, nostra devotio: et eorum nobis fiat supplicatióne salutáris, pro quorum solemnitate defertur. Per Dóminum.

Communio Marc. 16, 17 et 18 Signa autem eos, qui in me credunt, haec sequuntur: daemónia ejicient: super aegros manus imponent, et bene habebunt.

Postcommunio

REFÉCTI participatióne muneris sacri, quaesumus, Dómine Deus noster: ut, cujus exsequimur cultum, intercedentibus sanctis Martyribus tuis Cyríaco, Largo et Smarágdo, sentiámus effectum. Per Dóminum.

* In Missis votivis omnia dicuntur ut supra, sed post S eptuagesimam, omissis Allelúja et Versu sequenti, dicitur

Tractus Ps. 125, 5-6 Qui seminant in lacrimis, in gaudio metent. *Vl.* Euntes ibant et flebant, mittentes semina sua. *Vl.* Venientes autem venient cum exultatióne, portantes manipulos suos.

Tempore autem Paschali, omittitur Graduale, et ejus loco dicitur:

Allelúja , allelúja. *Vl. Sap. 3, 7* Fulgebunt justi, et tamquam scintillae in arundineto discurrent in aeternum. Allelúja. *Vl. Ps. 88, 6* Confitebuntur caeli mirabilia tua, Dómine: etenim veritatem tuam in ecclesia sanctorum. Allelúja.

* Si hodie fuerit Sabbatum, in Missis non conventualibus fit Commemoratio Vigiliae anticipatae S. Laurentii, ut in Missa sequenti ; deinde dicitur 3a Oratio de S. Maria Concède, et legitur Evangelium Vigiliae in fine, juxta Rubricas.

* Si hodie fuerit Sabbatum, ubi adest obligatio Chori, lecta post Tertiam extra Chorum Missa de Festo sine Commemoratione Vigiliae, in Choro post Nonam dicitur Missa de Vigilia, cum 2a Oratione Concède, et 3a contra persecutores Ecclesiae, vel pro Papa ; et de Vigilia item dici possunt Missae privatae, cum 2a tamen Oratione Festi, et 3a Concède.

Die 9 Augusti

S. JOANNIS MARIAE VIANNEY

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

OMNÍPOTENS et miséricors Deus, qui sanctum Joánnem Mariám pastoráli stúdio et jugi oratiónis ac

paenitentiae ardore mirabilem effecisti: da quaesumus, ut ejus exemplo et intercessione, animas fratrum lucrari Christo, et cum eis aeternam gloriam consequi valeamus. Per eundem Dominum.

Et, in Missis non conventualibus, fit Commemoratio Vigiliae.

Oratio

ADÉSTO, Dómine, supplicatióibus nostris: et intercessióne beáti Lauréntii Mártiris tui, cujus praevenimus festivitátem ; perpétuam nobis misericórdiam benignus impénde. (Per Dóminum.)

Deinde, etiam in Missa conventuali, Commemoratio S. Romani Martyris.

Oratio

PRAESTA, quaesumus, omnipotens Deus: ut, intercedente beáto Románo Mártire tuo, et a cunctis adversitatibus liberémur in corpore, et a pravis cogitatióibus mundémur in mente. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

In Missis non conventualibus

Pro Vigilia

Secreta

HÓSTIAS, Dómine, quas tibi offérimus, propítius súscipe: et, intercedente beáto Lauréntio Mártire tuo, víncula peccatórum nostrórum absólve. (Per Dóminum.)

Pro S. Romano

Secreta

MUNÉRIBUS nostris, quaesumus, Dómine, precibusque susceptis: et caeléstibus nos munda mystériis, et cleménter exáudi. Per Dóminum.

Postcommunio

C

REFÉCTI cibo potúque caelésti, Deus noster, te súppliques exorámus: ut, in cujus haec commemoratióne percépimus, ejus muniámur et précibus. Per Dóminum.

In Missis non conventualibus

Pro Vigilia

Postcommunio

DA, quaesumus, Dómine Deus noster: ut, sicut beáti Lauréntii Mártiris tui commemoratióne, temporáli gratulámur offício ; ita perpétuo laetémur aspéctu. (Per Dóminum.)

Pro S. Romano

Postcommunio

QUSUMUS, omnipotens Deus: ut, qui caeléstia aliménta percépimus, intercedente beáto Románo Mártire tuo, per haec contra ómnia advérsa muniámur. Per Dóminum.

Et in fine Missae, non tamen conventualis, legitur Evangelium Vigiliae, ut infra.

* Ubi adest obligatio Chori, lecta post Tertiam extra Chorum Missa conventuali de Festo cum Commemoratione S. Romani Martyris, sed sine Commemoratione Vigiliae, ut supra, in Choro post Nonam dicitur Missa de ipsa Vigilia sine Commemoratione Festi et S. Romani, ut infra ; quae item sumi potest, pro Missis privatis, sed cum 2a Oratione Festi et 3a S. Romani.

Eadem die 9 Augusti

IN VIGILIA

S. LAURENTII

Martyris

Semiduplex

Introitus Ps. 111, 9

DISPÉRSIT, dedit paupéribus: justítia ejus manet in saeculum saeculi: cornu ejus exaltábitur in glória. Ps. *ibid.*, 1 Beátus vir, qui timet Dóminum: in mandátis ejus cupit nimis. V/. Glória Patri.

Non dicitur Glória in excélsis.

Oratio

ADÉSTO, Dómine, supplicatióibus nostris: et intercessióne beáti Lauréntii Mártiris tui, cujus praevenímus festivitátem ; perpétuam nobis misericórdiam benígus impénde. Per Dóminum.

**In Missis privatis
Pro S. Joanne
2a Oratio**

OMNÍPOTENS et miséricors Deus, qui sanctum Joánnem Mariám pastoráli stúdio et jugi oratiónis ac paeniténtiae ardóre mirábilem effecísti: da quaésumus, ut ejus exémplo et intercessióne, ánimas fratrum lucrári Christo, et cum eis aetérnam glóriam cónsequi valeámus. (Per eúmdem Dóminum.)

**Pro S. Romano
3a Oratio**

PRAESTA, quaésumus, omnípotens Deus: ut, intercedénte beáto Románo Mártire tuo, et a cunctis adversitatibus liberémur in córpore, et a pravis cogitatióibus mundémur in mente. Per Dóminum.

Léctio libri Sapiéntiae.

Eccli. 51, 1-8 et 12

CONFITÉBOR tibi, Dómine rex, et collaudábo te Deum salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum a perditióne, a láqueo linguae iníquae, et a lábiis operántium mendácium, et in conspéctu astántium factus es mihi adjútor. Et liberásti me secúndum multitudínem misericórdiae nóminis tui a rugiéntibus, praeparátis ad escam, de mánibus quaeréntium ánimam meam, et de portis tribulatiónum, quae circumdedérunt me: a pressúra flammae, quae circúmdedit me, et in médio ignis non sum aestuátus: de altitúdine ventris ínferi, et a lingua coinquináta, et a verbo mendáctii, a rege iníquo, et a lingua injústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 111, 9 et 2 Dispérsit, dedit paupéribus: justítia ejus manet in saéculum saéculi. **Vl.** Potens in terra erit semen ejus: generátio rectórum benedicétur.

+ Sequéntia sancti Evangélii secúndum Matthaéum.

Matth. 16, 24-27

IN illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimae vero suae detriméntum patiátur ? Aut quam dabit homo commutatiónem pro ánima sua ? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Job 16, 20 Orátio mea munda est: et ideo peto, ut detur locus voci meae in caelo: quia ibi est iudex meus, et cónsciis meus in excélsis: ascéndat ad Dóminum deprecátio mea.

Secreta

HÓSTIAS, Dómine, quas tibi offérimus, propítius súscipe: et, intercedénte beáto Lauréntio Mártire tuo, víncula peccatórum nostrórum absólve. Per Dóminum.

**In Missis privatis
Pro S. Joanne
2a Secreta**

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. (Per Dóminum.)

**Pro S. Romano
3a Secreta**

MUNÉRIBUS nostris, quaésumus, Dómine, precibúsq; suscéptis: et caeléstibus nos munda mystériis, et

Communio Matth. 16, 24 Qui vult veníre post me, ábneget semetípsum, et tollat crucem suam, et sequátur me.

Postcommunio

DA, quaésumus, Dómine Deus noster: ut, sicut beáti Lauréntii Mátyris tui commemoratióne, temporáli gratulámur offício ; ita perpétuo laetémur aspéctu. Per Dóminum.

**In Missis privatis
Pro S. Joanne
2a Postcommunio**

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. (Per Dóminum.)

**Pro S. Romano
3a Postcommunio**

QUSUMUS, omnípotens Deus: ut, qui caeléstia aliménta percépimus, intercedénte beáto Románo Mátyre tuo, per haec contra ómnia advérsa muniámur. Per Dóminum.

Eadem die 9 Augusti

Pro S. ROMANO
Martyre

Missa Laetábitur, **de Communi unius Martyris 4 loco, cum Orationibus ut supra.**

Die 10 Augusti
S. LAURENTII

Martyris

Duplex II classis cum Octava simplici

Introitus **Ps. 95, 6**

CONFÉSSIO et pulchritúdo in conspéctu ejus: sánctitas et magnificéntia in sanctificatióne ejus. **Ps. ibid., 1**
Cantáte Dómino cánticum novum: cantáte Dómino, omnis terra. **Vl.** Glória Patri.

Oratio

DA nobis, quaésumus, omnípotens Deus: vitiórum nostrórum flammás exstínguere ; qui beáto Lauréntio tribuísti tormentórum suórum incéndia superáre. Per Dóminum.

Léctio Epístolae beáti Pauli Apóstoli ad Corínthios.

2 Cor. 9, 6-10

FRATRES: Qui parce séminat, parce et metet: et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitáte: hílarem enim datórem díligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus: justítia ejus manet in saéculum saéculi. Qui autem adminístrat semen seminánti: et panem ad manducándum praestábit, et multiplicábit sem en vestrum, et augébit increménta frugum justítiae vestrae.

Graduale Ps. 16, 3 Probásti, Dómine, cor meum, et visitásti nocte. **Vl.** Igne me examinásti, et non est invénta in me iníquitas.

Allelúja, allelúja. **Vl.** Levíta Lauréntius bonum opus operátus est: qui per signum Crucis caecos illuminávit. Allelúja.

+ Sequéntia sancti Evangélii secúndum Joánnem.

Joann. 12, 24-26

IN illo témpore: Dixit Jesus discípulis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam aetérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit

Offertorium Ps. 95, 6 Conféssio et pulchritúdo in cospéctu ejus: sánctitas et magnificéntia in sanctificatióne ejus.

Secreta

ACCIPE, quaésumus, Dómine, múnera dignánte obláta: et beáti Lauréntii suffragántibus méritis, ad nostrae salútis auxiliúm proveníre concéde. Per Dóminum.

Communio Joann. 12, 26 Qui mihi ministrat, me sequátur: et ubi ego sum, illic et mínister meus erit.

Postcommunio

SACRO múnere satiáti, súpplíces te, Dómine, deprecámur: ut, quod débitae servitútis celebrámus officio, intercedénte beáto Lauréntio Mártyre tuo, salvatiónis tuae sentiámus augméntum. Per Dóminum.

* **In Missis votivis omnia dicuntur ut supra, sed post Septuagesimam, omissis Allelúja et Versu sequenti, dicitur**

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **Vl.** Quóniam praevenísti eum in benedictiónibus dulcédinis. **Vl.** Posuísti in cápíte ejus corónam de lápide pretiósó.

Tempore autem Paschali, omittitur Graduale, et ejus loco dicitur:

Allelúja, allelúja. **Vl.** Levíta Lauréntius bonum opus operátus est: qui per signum Crucis caecos illuminávit. Allelúja. **Vl. Ps. 20, 4** Posuísti, Dómine, super caput ejus corónam de lápide pretiósó. Allelúja.

* **Infra Octavam S. Laurentii nihil fit de ea ; sed, si celebretur Missa votiva de eodem S. Laurentio, in ea dicitur** Glória in excélsis.

Die 11 Augusti

SS.

TIBURTII

Martyris
et SUSANNAE
Virginis et Martyris

Simplex

Introitus **Ps. 36, 39**

SALUS autem justórum a Dómino: et protéctor eórum est in témpore tribulatiónis. **Ps. ibid., 1** Noli aemulári in malignántibus: neque zeláveris faciéntes iniquitátem. **Vl.** Glória Patri.

Oratio

SANCTÓRUM Mártyrum tuórum Tibúrtii et Susánnae nos, Dómine, fóveant continuáta praesídía: quia non désinis propítius intuéri ; quos tálibus auxiliis concésseris adjuvári. Per Dóminum.

Léctio Epístolae beáti Pauli Apóstoli ad Hebraeos.

Hebr. 11, 33-39

FRATRES: Sancti per fidem vicérunt regna, operáti sunt justítiam adépti sunt repromissiónes, obturavérunt ora leónum, exstinxérunt ímpetum ignis, effugerunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulíeres de resurrectióne mórtuos suos: álii autem disténti sunt, non suscipiéntes redemptiónem, ut meliórem invenírent resurrectiónem: álii vero ludíbria et vérbera expérti, ínsuper et víncula, et cárceres: lapidáti sunt, secti sunt, tentáti sunt, in occisióne gládii mórtui sunt: circuiérunt in melótiis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus et spelúncis, et in cavérnis terrae. Et hi omnes testimónio fídei probáti, invénti sunt in Christo Jesu Dómino nostro.

Graduale Ps. 33, 18-19 Clamavérunt justí, et Dóminus exaudivit eos: et ex ómnibus tribulatiónebus eórum liberávit eos. **Vl.** Juxta est Dóminus his, qui tribuláto sunt corde: et húmiles spírítu salvábit. Allelúja, allelúja. **Vl.** Te Mártyrum candidátus laudat exércitus, Dómine. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in gáudio metent. *V.* Eúntes ibant et flebant, mitténtes sémina sua. *V.* Veniéntes autem vénient cum exsultatióne, portántes manípulos suos.

+ Sequéntia sancti Evangéllii secúndum Lucam.

Luc. 12, 1-8

IN illo témpore: Dixit Jesus discíplis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quae in ténebris dixístis, in lúmine dicéntur: et quod in aurem locúti estis in cubiculis, praedicábitur in tectis. Dico autem vobis amícis meis: Ne terreámini ab his qui occídunt corpus, et post haec non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis, quicumque conféssus fúerit me coram homínibus, et Fílius hóminis confitébatur illum coram Angelis Dei.

Offertorium Sap. 3, 1, 2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace, allelúja.

Secreta

ADÉSTO, Dómine, précibus pópuli tui, adésto munéribus: ut, quae sacris sunt obláta mystériis, tuórum tibi pláceant intercessióne Sanctórum. Per Dóminum.

Communio Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, praedicáte super tecta.

Postcommunio

SÚMPSIMUS, Dómine, pignus redemptionis aetérnae: quod sit nobis, quaesumus, interveniéntibus sanctis Martýribus tuis, vitae praeséntis auxiliúm páriter et futúrae. Per Dóminum.

Die 12 Augusti
S. CLARAE

Virginis

Duplex

Missa Dilexísti, de Communi Virginum 3 loco.

Oratio C

EXÁUDI nos, Deus salutáris noster: ut, sicut de beátae Clarae Vírginis tuae festivitáte gaudémus ; ita pia devotióne erudiámur afféctu. Per Dóminum.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 13 Augusti

SS. HIPPOLYTI et CASSIANI
Martyrum

Simplex

Missa Salus autem, de Communi plurimorum Martyrum 3 loco, cum Orationibus ut infra.

Oratio P

DA, quaesumus, omnipotens Deus: ut beatorum Martyrum tuorum Hippolyti et Cassiani veneranda sollemnitas, et devotioem nobis augeat, et salutem. Per Dominum.

Secreta P

RESPICE, Domine, propitius munera populi tui, Sanctorum festivitate votiva: et tuae testificatio veritatis nobis proficiat ad salutem. Per Dominum.

Postcommunio P

SACRAMENTORUM tuorum, Domine, communitio sumpta nos salvet: et in tuae veritatis luce confirmet. Per Dominum.

* Si hodie fuerit Sabbatum, fit de Vigilia anticipata Assumptionis beatae Mariae Virginis, ut die sequenti notatur, sed loco Commemorationis S. Eusebii, fit Commemoratio Ss. Hippolyti et Cassiani Martyrum.

Die 14 Augusti
IN VIGILIA
ASSUMPTIONIS
BEATAE MARIAE VIRGINIS

Simplex

Introitus Ps. 44, 13 et 15-16

VULTUM tuum deprecabuntur omnes divites plebis: adducuntur Regi virgines post eam: proxima eius adducuntur tibi in laetitia et exultatione. Ps. *ibid.*, 2 Eructavit cor meum verbum bonum: dico ego opera mea Regi. *Vl.* Gloria Patri.

Non dicitur Gloria in excelsis.

Oratio

DEUS, qui virginalem aulam beatae Mariae, in qua habitares, eligere dignatus es: da, quaesumus; ut sua nos defensione munitos, jucundos facias suae interesse festivitati. Qui vivis.

Et fit Commemoratio S. Eusebii Confessoris.

Oratio

DEUS, qui nos beati Eusebii Confessoris tui annua solemnitate laetificas: concede propitius; ut, cujus natalitia colimus, per ejus ad te exempla gradiamur. (Per Dominum.)

3a de Spiritu Sancto.

Lectio libri Sapientiae.

Eccli. 24, 23-31

EGO quasi vitis fructificavi suavitatem odoris: et flores mei, fructus honoris et honestatis. Ego mater pulchrae dilectionis, et timoris, et agnitionis, et sanctae spei. In me gratia omnis viae et veritatis: in me omnis spes vitae et virtutis. Transite ad me, omnes qui concupiscitis me, et a generationibus meis implerini. Spiritus enim meus super mel dulcis, et hereditas mea super mel et favum. Memoria mea in generationes saeculorum. Qui edunt me, adhuc esurient: et qui bibunt me, adhuc sitient. Qui audit me, non confundetur: et qui operantur in me, non peccabunt. Qui elucidant me, vitam aeternam habebunt.

Graduale Benedicta et venerabilis es, Virgo Maria: quae sine tactu pudoris inventa es mater Salvatoris. *Vl.* Virgo Dei Genitrix, quem totus non capit orbis, in tua se clausit viscera factus homo.

+ Sequentia sancti Evangelii secundum Lucam.

Luc. 11, 27-28

IN illo témpore: Loquente Jesu ad turbas, extóllens vocem quaedam múlter de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Offertorium Beáta es, Virgo María, quae ómnium portásti Creatórem: genuísti qui te fecit, et in aetérnum pérmanes Virgo.

Secreta

MÚNERA nostra, Dómine, apud cleméntiam tuam Dei Genitrícis comméndet orátio: quam idcírco de praesénti saéculo transtulísti ; ut pro peccátis nostris apud te fiduciáliter intercédant. Per eúmdem Dóminum.

Pro S. Eusebio
Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. (Per Dóminum.)

3a de Spiritu Sancto.

Praefatio communis.

Communio Beáta víscera Maríae Vírginis, quae portavérunt aetérni Patris Fílium.

Postcommunio

CONCÉDE, miséricors Deus, fragilitáti nostrae praesídium: ut, qui sanctae Dei Genitrícis festivitátem praevenimus ; intercessiónis ejus auxilió, a nostris iniquitatibus resurgámus. Per eúmdem Dóminum.

Pro S. Eusebio
Postcommunio

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. (Per Dóminum.)

3a de Spiritu Sancto.

Eadem die 14 Augusti

Pro S. EUSEBIO
Confessore

Missa Justus, **ut in Festo S. Pauli primi Eremitae, die 15 Januarii, praeter Orationes sequentes.**

Oratio P

DEUS, qui nos beáti Eusépii Confessóris tui ánnua solemnitate laetíficas: concéde propítius ; ut, cujus natalítia cólimus, per ejus ad te exéempla gradiámur. Per Dóminum.

Secreta P

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Postcommunio P

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

Die 15 Augusti

IN ASSUMPTIONE
BEATAE MARIAE VIRGINIS

Duplex I classis cum Octava communi

Introitus **Ap. 12, 1**

SIGNUM magnum apparuit in caelo: mulier amicta sole, et luna sub pedibus ejus, et in capite ejus corona stellarum duodecim. **Ps. 97, 1** Cantate Domino canticum novum: quia mirabilia fecit. **V.** Gloria Patri.

Oratio

OMNÍPOTENS sempitérne Deus, qui Immaculatam Virginem Mariam, Filii tui Genitricem, corpore et ánima ad caeléstem glóriam assumpsisti ; concéde, quaesumus ; ut ad supérna semper inténti, ipsíus glóriæ mereámur esse consórtes. Per eúndem Dóminum.

Léctio libri Judith.

Judith 13, 22-25 ; 15, 10

BENEDÍXIT te Dóminus in virtúte sua, quia per te ad níhilum redégit inimícos nostros. Benedícta es tu, filia, a Dómino Deo excélsso, prae ómnibus muliéribus super terram. Benedíctus Dóminus, qui creávit caelum et terram, qui te diréxit in vúlnera cápitis príncipis inimicórum nostrórum ; quia hódie nomen tuum ita magnificávit, ut non recédát laus tua de ore hóminum, qui mémoires fúerint virtútis Dómini in aetérnum, pro quibus non pepercísti ánimae tuae propter angústias et tribulatiónem géneris tui, sed subvenísti ruínae ante conspéctum Dei nostri. Tu glória Jerúsalem, tu laetítia Israél, tu honorificéntia pópuli nostri.

Graduale Ps. 44, 11-12 et 14 Audi, filia, et vide, et inclína aurem tuam: quia concupívit rex spéciem tuam.

V. Omnis glória ejus filiae Regis ab intus, in fimbriis áureis, circumamícta varietátibus.

Allelúja, allelúja. **V.** Assúmpta est María in caelum: gaudet exércitus Angelórum. Allelúja.

+ Sequéntia sancti Evangéllii secúndum Lucam.

Luc. 1, 41-50

IN illo témpore: Repléta est Spíritu Sancto Elísabeth et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me ? Ecce enim, ut facta est vox salutatiónis tuae in áuribus meis, exsultávit in gáudio infans in útero meo. Et beáta, quae credidísti, quóniam perficiéntur ea, quae dicta sunt tibi a Dómino. Et ait María: Magnificat ánima mea Dóminum: et exsultávit spíritus meus in Deo salutári meo ; quia respéxit humilitátem ancíllae suae, ecce enim ex hoc beátam me dicent omnes generatiónes. Quia fecit mihi magna qui potens est, et sanctum nomen ejus, et misericórdia ejus a progénie in progénies tíméntibus eum.

Credo.

Offertorium Gen. 3, 15 Inimicitias ponam inter te et Mulierem, et semen tuum et Semen illius.

Secreta

ASCÉNDAT ad te, Dómine, nostrae devotiónis oblátio, et, beatíssima Virgine María in caelum assúmpta intercedénte, corda nostra, caritátis igne succénsa, ad te júgiter aspírent. Per Dóminum.

Praefatio de beata Maria Virgine Et te in Assumptiõe: **quae dicitur per totam Octavam in omnibus Missis quae aliam Praefationem non exigant, juxta Rubricas.**

Communio Luc. 1, 48-49 Beátam me dicent omnes generatiónes, quia fecit mihi magna qui potens est.

Postcommunio

SUMPTIS, Dómine, salutáribus sacraméntis, da, quaesumus ; ut, méritis et intercessiõe beátae Virgínis Maríae in caelum assúmptae, ad resurrectiõnis glóriam perducámur. Per Dóminum.

* **Infra Octavam Missa dicitur ut in Festo ; et pro Orationibus juxta diversitatem Temporum assignatis, dicitur 2a Oratio de Spiritu Sancto, et 3a contra persecutores Ecclesiae vel pro Papa.**

Die 16 Augusti S. JOACHIM

Patris Beatae Mariae Virginis,
Confessoris

Duplex II classis

Introitus **Ps. 111, 9**

DISPÉRSIT, dedit paupéribus: justítia ejus manet in saéculum saéculi: cornu ejus exaltábitur in glória. **Ps. ibid., 1** Beátus vir, qui timet Dóminum: in mandátis ejus cupit nimis. **V/.** Glória Patri.

Oratio

DEUS, qui prae ómnibus Sanctis tuis beátum Jóachim Genitrícis Fílii tui patrem esse voluísti: concéde, quaésumus ; ut, cuj us festa venerámur, ejus quoque perpétuo patrocínia sentiámus. Per eúndem Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est tránsgréssus: fácere mala, et non fecit: ídeo stabilíta sunt bona illíus in Dómino, et elemósynas illíus enarrábit omnis ecclésia sanctórum.

Graduale Ps. 111, 9 et 2 Dispérsit, dedit paupéribus: justítia ejus manet in saéculum saéculi. **V/.** Potens in terra erit semen ejus: generátio rectórum benedicétur.

Allelúja, allelúja. **V/.** O Jóachim, sanctae conjux Annae, pater almae Vírginis, hic fámulis fertó salútis opem. Allelúja.

* **In Missis votivis post Septuagesimam, omissis Allelúja, et Versu sequenti, dicitur**

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eu m. **V/.** Quóniam praevenísti eum in benedictiónibus dulcédinis. **V/.** Posuísti in cápite ejus coronam de lápide pretióso.

Tempore autem Paschali omittitur Graduale, et ejus loco dicitur:

Allelúja , allelúja. **V/.** **Ps. 111, 2** Potens in terra erit semen ejus: generátio rectórum benedicétur. Allelúja. **V/.** O Jóachim, sanctae conjux Annae, pater almae Vírginis, hic fámulis fertó salútis opem. Allelúja.

+ Inítium sancti Evangélii secúndum Matthaéum.

Matth. 1, 1-16

LIBER generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Amínadab. Amínadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quae fuit Uríae. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam Ezechías autem genuit Manássen. Manásses autem genuit Amon. Amon autem genuit Josíam. Josías autem genuit Jechoníam, et fratres ejus in transmigratióne Babylónis. Et post transmigratiónem Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Elíacim. Elíacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit Mathan. Mathan autem genuit Jacob. Jacob autem genuit Joseph virum Maríae, de qua natus est Jesus, qui vocátur Christus.

Credo, ratione Octavae Assumptionis.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

SÚSCIBE, clementíssime Deus, sacrificium in honórem sancti Patriárchae Jóachim, patris Maríae Vírginis, majestáti tuae oblátum: ut, ipso cum cónjuge sua et beatíssima prole intercedénte, perféctam cónsequi mereámur remissionem peccatórum, et glóriam sempitérnam Per Dóminum.

Praefatio de beata Maria Virgine Et te in Assumptiáne, **ratione Octavae.**

Communio **Luc. 12, 42** Fídelis servus et prudens, quem constituit dóninus super famíliam suam: ut det illis in témpore trítici mensúram.

Postcommunio

QUSUMUS omnípotens Deus : ut per haec sacraménta, quae súmpsimus, intercedéntibus méritis et précibus beáti Jóachim patris Genitrícis dilécti Fílii tui Dómini nostri Jesu Christi, tuae grátiae in praesénti, et aetérnae glóriae in futúro partícipes esse mereámur. Per eúndem Dóminum.

Die 17 Augusti
S. HYACINTHI

Confessoris

Duplex

Missa Os justi, **de Communi Confessoris non Pontificis 1 loco.**

Oratio C

DEUS, qui nos beáti Hyacínthi Confessóris tui ánnua solemnitate laetificas: concéde propítius ; ut, cujus natalítia cólimus, étiam actiónes imitémur. Per Dóminum.

Et fit Commemoratio Octavae.

Deinde Commemoratio diei Octavae S. Laurentii.

Credo, ratione Octavae.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Praefatio de Octava Et te in Assumptióne.

Postcommunio C

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

Eadem die 17 Augusti

Pro die Octava

S. LAURENTII

Martyris

Introitus **Ps. 16, 3**

PROBÁSTI, Dómine, cor meum, et visitásti nocte: igne me examinásti, et non est invénta in me iníquitas. **Ps. ibid., 1** Exáudi, Dómine, justítiam meam: inténde deprecatiónem meam. **Vl.** Glória Patri.

Oratio

EXCITA, Dómine, in Ecclesia tua Spíritum, cui beátus Lauréntius Levíta servívit: ut, eódem nos repléti, studeámus amáre quod amávit, et ópere exercére quod dócuit. Per Dóminum **in unitate ejúsdem.**

Léctio Epístolae beáti Pauli Apóstoli ad Corínthios.

2 Cor. 9, 6-10

FRATRES: Qui parce séminat, parce et metet: et qui séminat in benedictiónibus, de benedictiónibus et metet. Unusquisque prout destinávit in corde suo, non ex tristítia, aut ex necessitate: hílarem enim datórem díligit Deus. Potens est autem Deus omnem grátiam abundáre fácere in vobis, ut in ómnibus semper omnem sufficiéntiam habéntes, abundétis in omne opus bonum, sicut scriptum est: Dispérsit, dedit paupéribus: justítia ejus manet in saéculum saéculi. Qui autem adminístrat semen seminánti: et panem ad manducándum praestábit, et multiplicábit semen vestrum, et augébit increménta frugum justítiae vestrae.

Graduale Ps. 8, 6-7 Glória et honóre coronásti eum, Dómine. **V/.** Et constituísti eum super ópera mánuum tuárum.
Allelúja, allelúja. V/. Levíta Lauréntius bonum opus operátus est: qui per signum Crucis caecos illuminávit.
Allelúja.

+ Sequéntia sancti Evangélii secúndum Joánnem.
Joann. 12, 24-26

IN illo témpore: Dixit Jesus discíplis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam aetérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei.

Secreta

SACRIFÍCIUM nostrum tibi, Dómine, quaesumus, beáti Lauréntii precátio sancta concíliet: ut, in cujus honóre solémniter exhibétur, ejus méritis efficiátur accéptum. Per Dóminum.

Communio Matth. 16, 24 Qui vult veníre post me, ábneget semetípsum, et tollat crucem suam, et sequátur me.

Postcommunio

SÚPPLICES te rogámus, omnipotens Deus: ut, quos donis caeléstibus satiásti, intercedénte beáto Lauréntio Mártire tuo, perpétua protectióne custódiás. Per Dóminum.

Die 18 Augusti

Pro S. AGAPITO
 Martyre

Missa Laetábitur, **de Communi unius Martyris 4 loco, cum Orationibus et Evangelio ut infra.**

Oratio P

LAETÉTUR Ecclésia tua, Deus, beáti Agapíti Mártiris tui confísa suffrágiis: atque, ejus précibus gloriósis, et devóta permáneat, et secúra consistat. Per Dóminum.

+ Sequéntia sancti Evangélii secúndum Joánnem.
Joann. 12, 24-26

IN illo témpore: Dixit Jesus discíplis suis: Amen, amen dico vobis, nisi granum fruménti cadens in terram, mórtuum fúerit, ipsum solum manet: si autem mórtuum fúerit, multum fructum affert. Qui amat ánimam suam, perdet eam: et qui odit ánimam suam in hoc mundo, in vitam aetérnam custódit eam. Si quis mihi minístrat, me sequátur: et ubi sum ego, illic et miníster meus erit. Si quis mihi ministráverit, honorificábit eum Pater meus.

Secreta P

SÚSCIPE, Dómine, múnera, quae in ejus tibi solemnitáte deférimus: cujus nos confídimus patrocínio liberári. Per Dóminum.

Postcommunio P

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 19 Augusti **S. JOANNIS EUDES**

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, qui beátum Joánnem, Confessórem tuum, ad cultum sacrórum Córdium Jesu et Maríae rite promovéndum, mirabíliter inflammásti, et per eum novas in Ecclésia tua famílias congregáre voluísti: praesta, quaesumus ; ut cujus pia mérita venerámur, virtútum quoque instruámur exémpis. Per eúmdem Dóminum.

Et fit Commemoratio Octavae Assumptionis.

Credo, ratione Octavae.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Praefatio de Octava Et te in AssumptiÓne.

Postcommunio

C

REFÉCTI cibo potúque caelésti, Deus noster, te súpplikes exorámus: ut, in cujus haec commemoratióne percépimus, ejus muniámur et précibus. Per Dóminum.

Die 20 Augusti
S. BERNARDI

Abbatis et Ecclesiae Doctoris

Duplex

Introitus Eccli. 15, 5

IN médio Ecclésiae apéruit os ejus: et implévit eum Dóminus spírítu sapiéntiae et intelléctus: stolam glóriae induit eum. Ps. 91, 2 Bonum est confitéri Dómino: et psállere nómini tuo, Altíssime. *V/*. Glória Patri.

Oratio

DEUS, qui pópulo tuo aetérnae salútis beátum Bernárdum místrum tribuísti: praesta, quaesumus ; ut, quem Doctórem vitae habúimus in terris, intercessórem habére mereámur in caelis. Per Dóminum.

Et fit Commemoratio Octavae Assumptionis.

Léctio libri Sapiéntiae.

Eccli. 39, 6-14

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intelligéntiae replébit illum: et ipse tamquam imbres mittet elóquia sapiéntiae suae, et in oratióne confitébitur Dómino: et ipse díriget consílium ejus et disciplínam, et in absconditis suis consiliábitur. Ipse palam fáciét disciplínam doctrínae suae, et in lege testaménti Dómini gloriábitur. Collaudábunt multi sapiéntiam ejus, et usque in saeculum non delébitur. Non recédet memória ejus, et nomen ejus requirétur a generatióne in generatióne. Sapiéntiam ejus enarrábunt gentes, et laudem ejus enuntiábit ecclésia.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. *V/*. Lex Dei ejus in corde ipsíus: et non supplantabúntur gressus ejus.

Allelúja , allelúja. *V/*. Eccli. 45, 9 Amávit eum Dóminus, et ornávit eum: stolam glóriae induit eum. Allelúja.

+ Sequéntia sancti Evangélii secúndum Matthaéum.

Matth. 5, 13-19

IN illo témpore: Dixit Jesus discíplis suis: Vos estis sal terrae. Quod si sal evanúerit, in quo saliétur ? Ad níhilum valet ultra, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super

candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvete legem aut prophétas: non veni sólvete, sed adimpléte. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Credo.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur.

Secreta

SANCTI Bernárdi Confessóris tui atque Doctóris nobis, Dómine, pia non desit orátio: quae et múnera nostra concíliet ; et tuam nobis indulgéntiam semper obtíneat. Per Dóminum.

Praefatio de Octava Et te in Assumptióne.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

UT nobis, Dómine, tua sacrificia dent salútem: beátus Bernárdus Conféssor tuus et Doctor egrégius, quaesumus, precátor accédát. Per Dóminum.

Die 21 Augusti

S. JOANNAE FRANCISCAE
FREMIOT DE CHANTAL

Viduae

Duplex

Missa Cognóvi, **de Communi non Virginum 2 loco, cum Orationibus ut infra.**

Oratio

P

OMNÍPOTENS et miséricors Deus, qui beátam Joánnam Francíscam tuo amóre succénsam, admirábili spíritus fortitúdine per omnes vitae sémitas in via perfectiónis donásti, quique per illam illustráre Ecclésiám tuam nova prole voluísti: ejus méritis et précibus concéde ; ut, qui infirmitátis nostrae cóncscii de tua confidimus, caeléstis grátiae auxílio cuncta nobis adversántia vincámus. Per Dóminum.

Et fit Commemoratio Octavae Assumptionis.

Credo, **ratione Octavae.**

Secreta

P

ILLO nos amóris igne, quaesumus, Dómine, haec hóstia salutáris inflámmet: quo beátae Joánnae Francíscae cor veheménte incéndit, et flammis adússit aetérnae caritátis. Per Dóminum.

Praefatio de Octava Et te in Assumptióne.

Postcommunio

P

SPÍRITUM nobis, Dómine, tuae caritátis infúnde: ut, quos caeléstis panis virtúte satiásti, beáta Joáanna Francíscá intercedénte, fácias terréna despícere, et te solum Deum pura mente sectári. Per Dóminum **in**
unitáte ejúsdem.

Die 22 Augusti

IMMACULATI CORDIS
BEATAE MARIAE VIRGINIS

Duplex II classis

Introitus **Hebr. 4, 16**

ADEÁMUS cum fidúcia ad thronum grátiae, ut misericórdiam consequámur, et grátiam inveniámus in auxílio oportúno. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

OMNÍPOTENS sempitérne Deus, qui in Corde beátae Maríae Vírginis dignum Spíritus Sancti habitáculum praeparásti: concéde propítius ; ut ejúsdem immaculáti Cordis festivitátem devóta mente recoléntes, secúndum Cor tuum vívere valeámus. Per Dóminum... in unitáte ejúsdem.

Et, in Missis privatis tantum, fit Commemoratio Ss. Timothei, Hippolyti et Symphoriani Martyrum.

Oratio

AUXÍLIUM tuum nobis, Dómine, quaésumus, placátus impénde: et, intercedéntibus beátis Martíribus tuis Timótheo, Hippólýto et Symphoriáno, déxteram super nos tuae propitiatiónis exténde. Per Dóminum.

Léctio libri Sapiéntiae.

Eccli. 24, 23-31

EGO quasi vitis fructificávi suavitétem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatiónes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Ps. 12, 6 Exsultábit cor meum in salutári tuo: cantábo Dómino, qui bona tríbuit mihi: et psallam nómini Dómini altíssimi. **Vl. Ps. 44, 18** Mémoires erunt nóminis tui in omni generatióne et generatióne: proptérea pópuli confitebúntur tibi in aetérnum.

Allelúja, allelúja. **Vl. Luc. 1, 46-47** Magníficat ánima mea Dóminum: et exsultávit spíritus meus in Deo salutári meo. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Prov. 8, 32-35 Nunc ergo, filii, audíte me: Beáti, qui custódiunt vias meas. Audíte disciplínam et estóte sapiéntes, et nolíte abjícere eam. **Vl.** Beátus homo qui audit me, et qui vígilat ad fores meas quotídie, et obsérvat ad postes óstii mei. **Vl.** Qui me invénerit, invéniet vitam, et háuriet salútem a Dómino.

Tempore autem Paschali, omittitur Graduale, et ejus loco dicitur:

Allelúja, allelúja. **Vl. Luc. 1, 46-48** Magníficat ánima mea Dóminum: et exsultávit spíritus meus in Deo salutári meo. Allelúja. **Vl.** Beátam me dicent omnes generatiónes, quia ancíllam húmílem respéxit Deus. Allelúja.

+ Sequéntia sancti Evangélii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suae: Múlier, ecce filius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Luc. 1, 47 et 49 Exsultávit spíritus meus in Deo salutári meo ; quia fecit mihi magna qui potens est, et sanctum nomen ejus.

Secreta

MAJESTÁTI tuae, Dómine, Agnum immaculátum offeréntes, quaésumus: ut corda nostra ignis ille divínus accéndat, qui Cor beatae Maríae Vírginis ineffabíliter inflammávit. Per eúmdem Dóminum.

Pro Ss. Martyribus
Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Praefatio de beata Maria Virgine Et te in Festivitate.

Communio Joann. 19, 26-27 Dixit Jesus matri suae: Múlier, ecce fílius tuus: deínde dixit discípulo: Ecce mater tua. Et ex illa hora accepit eam discípulus in sua.

Postcommunio

DIVÍNIS refécti munéribus te, Dómine, suppliciter exorámus: ut beátae Maríae Vírginis intercessióne, cujus immaculáti Cordis solémnia venerádo égimus, a praeséntibus perículis liberáti, aetérnae vitae gáudia consequámur. Per Dóminum.

Pro Ss. Martyribus
Postcommunio

DIVÍNI múneris largitáte satiáti, quaésumus, Dómine Deus noster: ut, intercedéntibus sanctis Martýribus tuis Timótheo, Hippólyto et Symphoriáno, in ejus semper participatióne vivámus. Per Dóminum.

* De die Octava Assumptionis beatae Mariae Virginis nihil fit in Missa Immaculati Cordis. Sicubi tamen hac die celebretur aliquod Festum duplex I vel II classis, quod non sit beatae Mariae Virginis, de ipsa die Octava fit Commemoratio per Orationes diei Festi, juxta Rubricas, et dicitur Praefatio de beata Maria Virgine Et te in AssumptiÓne, nisi ipsa Missa occurrens, aut Commemoratio prius habita, aliam Praefationem exigant.

* Si hodie fuerit Sabbatum, fit de Vigilia anticipata S. Bartholomaei Apostoli, ut die sequenti notatur.

Eadem die 22 Augusti

Pro SS. TIMOTHEO, HIPPOLYTO
et SYMPHORIANO
Martyribus

Missa Salus autem, de Communi plurimorum Martyrum 3 loco, cum Orationibus ut infra.

Oratio P

AUXÍLIUM tuum nobis, Dómine, quaésumus, placátus impénde: et, intercedéntibus beátis Martýribus tuis Timótheo, Hippólyto et Symphoriáno, déxteram super nos tuae propitiatiÓnis exténde. Per Dóminum.

Secreta P

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Postcommunio P

DIVÍNI múneris largitáte satiáti, quaésumus, Dómine Deus noster: ut, intercedéntibus sanctis Martýribus tuis Timótheo, Hippólyto et Symphoriáno, in ejus semper participatióne vivámus. Per Dóminum.

Die 23 Augusti
S. PHILIPPI BENITII

Confessoris

Duplex

Missa Justus, de Communi Confessoris non Pontificis 2 loco, praeter Orationem sequentem.

Oratio P

DEUS, qui per beátum Philíppum, Confessórem tuum, exímium nobis humilitátis exéplum tribuísti: da fámulis tuis própsera mundi ex ejus imitatiÓne despícere, et caeléstia semper inquirere. Per Dóminum.

Et, in Missis non conventualibus, fit Commemoratio Vigiliae S. Bartholomaei ut infra ; et de ea legitur Evangelium in fine.

Secreta

C

PRAESTA nobis, quaesumus, omnipotens Deus: ut nostrae humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio

C

QUSUMUS, omnipotens Deus: ut, qui caelestia alimenta percipimus, intercedente beato Philippo Confessore tuo, per haec contra omnia adversa muniamur. Per Dominum.

* Ubi adest obligatio Chori, lecta post Tertiam extra Chorum Missa de Festo sine Commemoratione Vigiliae, in Choro post Nonam dicitur Missa de Vigilia, ut infra ; et de Vigilia dici possunt etiam Missae privatae cum 2a tantum Oratione Festi.

Eadem die 23 Augusti
IN VIGILIA
S. BARTHOLOMAEI

Apostoli

Missa Ego autem, de Communi in Vigiliis Apostolorum cum 2a Oratione de sancta Maria Concède, et 3a contra persecutores Ecclesiae, vel pro Papa.

Die 24 Augusti
S. BARTHOLOMAEI

Apostoli

Duplex II classis

Introitus Ps. 138, 17

MIHI autem nimis honorati sunt amici tui, Deus: nimis confortatus est principatus eorum. Ps. *ibid.*, 1-2
Domine, probasti me, et cognovisti me: tu cognovisti sessionem meam, et resurrectionem meam. *Vl.* Gloria Patri.

Oratio

OMNIPOTENS sempiternus Deus, qui hujus diei venerandam sanctamque laetitiam in beati Apostoli tui Bartholomaei festivitate tribuisti: da Ecclesiae tuae, quaesumus ; et amare quod credidit, et praedicare quod docuit. Per Dominum.

Lectio Epistolae beati Pauli Apostoli ad Corinthios.

1 Cor. 12, 27-31

FRATRES: Vos estis corpus Christi, et membra de membro. Et quosdam quidem posuit Deus in Ecclesia primum apostolos, secundo prophetas, tertio doctores, deinde virtutes, exinde gratias curacionum, opitulaciones, gubernaciones, genera linguarum, interpretaciones sermonum. Numquid omnes apostoli ? numquid omnes prophetae ? numquid omnes doctores ? numquid omnes virtutes ? numquid omnes gratiam habent curacionum ? numquid omnes linguas loquuntur ? numquid omnes interpretantur ? AEmulamini autem charismata meliora.

Graduale Ps. 44, 17-18 Constitues eos principes super omnem terram: memores erunt nominis tui, Domine. *Vl.* Pro patribus tuis nati sunt tibi filii: propterea populi confitebuntur tibi. Alleluja , alleluja. *Vl.* Te gloriosus Apostolorum chorus laudat, Domine. Alleluja.

+ Sequentia sancti Evangelii secundum Lucam.

Luc. 6, 12-19

IN illo tempore: Exiit Jesus in montem orare, et erat pernoctans in oratione Dei. Et cum dies factus esset, vocavit discipulos suos, et elegit duodecim ex ipsis (quos et Apostolos nominavit): Simonem, quem cognominavit Petrum, et Andream fratrem ejus, Jacobum et Joannem, Philippum et Bartholomaeum, Mattheum et Thomam, Jacobum Alphaei et Simonem, qui vocatur Zelotes, et Judam Jacobi, et Judam

Iscariótem, qui fuit próditor. Et descendens cum illis, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes.

Credo.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

BEÁTI Apóstoli tui Bartholomaéi solémnia recenséntes, quaésumus, Dómine: ut ejus auxílio tua benefícia capiámus, pro quo tibi laudis hóstias immolámus. Per Dóminum.

Praefatio de Apostolis.

Communio Matth. 19, 28 Vos qui secúti estis me, sedébitis super sedes, judicántes duódecim tribus Israël, dicit Dóminus.

Postcommunio

SUMPTUM, Dómine, pignus redemptiόνis aetérnae: sit nobis, quaésumus ; interveniénte beáto Bartholomaéo Apóstolo tuo, vitae praeséntis auxílium páriter et futúrae. Per Dóminum.

In Missis votivis post Septuagesimam, omnia dicuntur ut supra, sed post Graduale, omissis Allelúja, et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **V.** Quóniam praevenísti eum in benedictiόνibus dulcédinis. **V.** Posuísti in cápite ejus coronam de lápide pretióso.

Tempore autem Paschali Missa Protexísti, **de Communi Martyrum 1 loco, cum Orationibus, Epistola et Evangelio ut supra.**

Die 25 Augusti
S. LUDOVICI

Regis, Conf.

Semiduplex

Introitus Ps. 36, 30-31

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus, allelúja. **Ps. ibid., 1** Noli aemulári in malignántibus: neque zeláveris faciéntes iniquitátem. **V.** Glória Patri.

Oratio

DEUS, qui beátum Ludovicum Confessórem tuum de terréno regno ad caeléstis regni glóriam transtulísti: ejus, quaésumus, méritis et intercessiόνem ; Regis regum Jesu Christi Fílii tui fácias nos esse consórtes: Qui tecum vivit.

Léctio libri Sapiéntiae.

Sap. 10, 10-14

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorúm: honestávit illum in labóribus, et complévit labóres illíus. In fraude circumveniéntium illum áffuit illi, et honestum fecit illum. Custodívit illum ab inimícis, et a seductóribus tutávit illum, et certámen forte dedit illi, ut víceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afféret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem aetérnam, Dóminus Deus noster.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V.** **Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **VI. Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vitae. Allelúja.

+ Sequéntia sancti Evangélii secúndum Lucam.

Luc. 19, 12-26

IN illo témpore: Dixit Jesus discípuis suis parábolam hanc: Homo quídam nóbilis ábiit in regiónem longínquam accíperé sibi regnum, et revérte. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem ejus óderant eum: et misérunt legatióem post illum, dicéntes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniám, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedísti pecúniám meam ad mensam, ut ego véniens, cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

PRAESTA, quaésumus, omnípotens Deus: ut, sicut beátus Ludovícus Conféssor tuus, spretis mundi oblectaméntis, soli Regi Christo placére stúduit; ita ejus orátio nos tibi reddat accéptos. Per eúmdem Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

DEUS, qui beátum Cofessórem tuum Ludovícum mirificásti in terris, et gloriósum in caelis fecísti: eúmdem, quaésumus, Ecclésiæ tuæ constítue defensórem. Per Dóminum.

Die 26 Augusti
S. ZEPHYRINI

Papae et Martyris

Simplex

Missa Si diligis me, **de Communi Summorum Pontificum.**

Oratio C

GREGEM tuum, Pastor aetérne, placátus inténde: et per beátum Zephyrínium Mártyrem tuum atque Summum Pontíficem, perpétua protectióne custódi; quem totíus Ecclésiæ praestitísti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFLECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 27 Augusti
S. JOSEPHI CALASANCTII

Confessoris

Duplex

Introitus **Ps. 33, 12**

VENÍTE, filii, audíte me: timórem Dómini docébo vos. **Ps. ibid., 2** Benedícam Dóminum in omni témpore: semper laus ejus in ore meo. **V/.** Glória Patri.

Oratio

DEUS, qui per sanctum Joséphum Confessórem tuum, ad erudiéndam spíritu intelligéntiae ac pietátis juventútem, novum Ecclésiae tuae subsidiúm providére dignátus es: praesta, quaesumus ; nos, ejus exémplo et intercessióne, ita fácere et docére, ut praemia consequámur aetérna. Per Dóminum.

Léctio libri Sapiéntiae.

Sap. 10, 10-14

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorúm: honestávit illum in labóribus, et complévit labóres illius. In fraude circumveniéntium illum áffuit illi, et honestum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem aetérnam. Dóminus Deus noster.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **V/.** Lex Dei ejus in corde ipsíus: et non supplantabúntur gressus ejus.

Allelúja, allelúja. **V/.** **Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vitae. Allelúja.

+ Sequéntia sancti Evangélii secúndum Matthaéum.

Matth. 18, 1-5

IN illo témpore: Accessérunt discípuli ad Jesum dicétes: Quis putas major est in regno caelórum ? Et ádvocans Jesus párvulum státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit.

Offertorium Ps. 9, 17 Desidérium páuperum exaudívit Dóminus: praeparatióem cordis eórum audívit auris tua.

Secreta

ALTÁRE tuum, Dómine, munéribus cumulámus oblátis: ut ejus nobis fiant supplicatióne propítia, cujus nos donásti patrocínio adjuvári. Per Dóminum.

Communio Marc. 10, 14 Sínite párvulos veníre ad me, et ne prohibuéritis eos: tálium est enim regnum Dei.

Postcommunio

SANCTIFICÁTI, Dómine, salutári mystério: quaesumus ; ut, intercedénte sancto Josépho Confessóre tuo, ad majus semper proficiámus pietátis increméntum. Per Dóminum.

Die 28 Augusti
S. AUGUSTINI

Episcopi, Confessoris et Ecclesiae Doctoris

Duplex

Introitus **Eccli. 15, 5**

IN médio Ecclésiae apéruit os ejus: et implévit eum Dóminus spíritu sapiéntiae, et intelléctus: stolam glóriæ índuit eum. **Ps. 91, 2** Bonum est confitéri Dómino: et psállere nómini tuo, Altíssime. **V/.** Glória Patri.

Oratio

ADÉSTO supplicatióibus nostris, omnípotens Deus: et, quibus fidúciam sperándaе pietátis indúlges,

intercedente beato Augustino Confessore tuo atque Pontifice, consuetae misericordiae tribue benignus effectum. Per Dominum.

Et fit Commemoratio S. Hermetis Martyris.

Oratio

DEUS, qui beatum Hermetem Martyrem tuum virtute constantiae in passione roborasti: ex ejus nobis imitatione tribue; pro amore tuo prospera mundi despiciere, et nulla ejus adversa formidare. Per Dominum.

Lectio Epistolae beati Pauli Apostoli ad Timotheum.

2 Tim. 4, 1-8

CARÍSSIME: Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus: praedica verbum, insta opportune, importune: argue, obsecra, increpa in omni patientia et doctrina. Erit enim tempus, cum sanam doctrinam non sustinebunt, sed ad sua desideria coaccervabunt sibi magistros, prurientes auribus, et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistae, ministerium tuum imple. Sobrius esto. Ego enim jam delibor, et tempus resolutionis meae instat. Bonum certamen certavi, cursum consummavi, fidem servavi. In reliquo reposta est mihi corona justitiae, quam reddet mihi Dominus in illa die, justus iudex: non solum autem mihi, sed et iis, qui diligunt adventum ejus.

Graduale Ps. 36, 30-31 Os justus meditabitur sapientiam, et lingua ejus loquetur iudicium. V. Lex Dei ejus in corde ipsius: et non supplantabuntur gressus ejus.

Allelúja, allelúja. V. Ps. 88, 21 Inveni David servum meum, oleo sancto meo unxi eum. Allelúja.

+ Sequentia sancti Evangelii secundum Matthaum.

Matth. 5, 13-19

IN illo tempore: Dixit Jesus discipulis suis: Vos estis sal terrae. Quod si sal evanuerit, in quo salietur? Ad nihilum valet ultra, nisi ut mittatur foras, et conculcetur ab hominibus. Vos estis lux mundi. Non potest civitas abscondi supra montem posita. Neque accendunt lucernam, et ponunt eam sub modio, sed super candelabrum, ut luceat omnibus qui in domo sunt. Sic luceat lux vestra coram hominibus, ut videant opera vestra bona, et glorificent Patrem vestrum, qui in caelis est. Nolite putare, quoniam veni solvere legem, aut prophetas: non veni solvere, sed adimplere. Amen quippe dico vobis, donec transeat caelum et terra, jota unum, aut unus apex non praeteribit a lege, donec omnia fiant. Qui ergo solverit unum de mandatis istis minimis, et docuerit sic homines, minimus vocabitur in regno caelorum: qui autem fecerit, et docuerit, hic magnus vocabitur in regno caelorum.

Credo.

Offertorium Ps. 91, 13 Justus ut palma florabit: sicut cedrus, quae in Líbano est, multiplicabitur.

Secreta

SANCTI Augustini Pontificis tui atque Doctoris nobis, Domine, pia non desit oratio: quae, et munera nostra conciliet; et tuam nobis indulgentiam semper obtineat. Per Dominum.

Pro S. Hermete

Secreta

SACRIFICIUM tibi, Domine, laudis offerimus in tuorum commemoratione Sanctorum: da, quaesumus; ut, quod illis contulit gloriam, nobis prosit ad salutem. Per Dominum.

Communio Luc. 12, 42 Fidelis servus et prudens, quem constituit dominus super familiam suam: ut det illis in tempore tritici mensuram.

Postcommunio

UT nobis, Domine, tua sacrificia dent salutem: beatus Augustinus Pontifex tuus et Doctor egregius, quaesumus, precator accedat. Per Dominum.

Pro S. Hermete

Postcommunio

REPLETI, Domine, benedictione caelesti, quaesumus clementiam tuam: ut, intercedente beato Hermete

Mártyre tuo, quae humíliter gérimus, salúbriter sentiámus. Per Dóminum.

Eadem die 28 Augusti

Pro S. HERMETE
Mart.

Semiduplex

Missa Laetábitur, de Communi unius Martyris 4 loco, cum Orationibus ut infra.

Oratio P

DEUS, qui beátum Hermétem Mártyrem tuum virtúte constántiae in passióne roborásti: ex ejus nobis imitatióne tríbue ; pro amóre próspera mundi despícere, et nulla ejus advérsa formidáre. Per Dóminum.

Secreta P

SACRIFÍCIUM tibi, Dómine, laudis offérimus in tuórum commemoratióne Sanctórum: da, quaésumus ; ut, quod illis cóntulit glóriam, nobis prosit ad salútem. Per Dóminum.

Postcommunio P

REPLÉTI, Dómine, benedictióne caelésti, quaésumus cleméntiam tuam: ut, intercedénte beáto Herméte Mártyre tuo, quae humíliter gérimus, salúbriter sentiámus. Per Dóminum.

Die 29 Augusti

IN DECOLLATIONE

S. JOANNIS BAPTISTAE

Duplex majus

Introitus Ps. 118, 46-47

LOQUÉBAR de testimoniis tuis in conspéctu regum, et non confundébar: et meditábar in mandátis tuis, quae diléxi nimis. Ps. 91, 2 Bonum est confitéri Dómino: et psállere nómini tuo, Altíssime. *Vl.* Glória Patri.

Oratio

SANCTI Joánnis Baptístae Praecursóris et Mártyris tui, quaésumus, Dómine, veneránda festívitás: salutáris auxilií nobis praestet efféctum: Qui vivis.

Et fit Commemoratio S. Sabinae Martyris.

Oratio

DEUS, qui inter cétera poténtiae tuae mirácula étiam in sexu frágili victóriam martyrii contulísti: concéde propítius ; ut, qui beátae Sabínae Mártyris tuae natalítia cólimus, per ejus ad te exémpa gradiámur. Per Dóminum.

Léctio Jeremíae Prophetae.

Jerem. 1, 17-19

IN diébus illis: Factum est verbum Dómini ad me, dicens: Accíngere lumbos tuos, et surge, et lóquere ad Juda ómnia, quae ego praecípío tibi. Ne formídes a fácie eórum: nec enim timére te fáciam vultum eórum. Ego quippe dedi te hódie in civitátem munitam, et in colúnnam férream, et in murum aéreum, super omnem terram, régibus Juda, principibus ejus, et sacerdotibus, et pópulo terrae. Et bellábunt advérsus te, et non praevalébunt: quia ego tecum sum, ait Dóminus, ut líberem te.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. *Vl.* *Ibid.*, 3 Ad annuntiándum mane misericórdiam tuam, et veritátem tuam per noctem.

Allelúja , allelúja. *Vl.* *Osee 14, 6* Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélii secúndum Marcum.

Marc. 6, 17-29

IN illo témpore: Misit Heródes, ac tenuit Joánnem, et vinxit eum in cárcere propter Herodiádem uxórem

Philíppi fratris sui, quia dúxerat eam. Dicébat enim Joánnes Heródi: Non licet tibi habére uxórem fratris tui. Heródias autem insidiabátur illi, et volébat occídere eum, nec póterat. Heródes enim metuébat Joánnem, sciens eum virum justum et sanctum: et custodiébat eum, et audíto eo multa faciébat, et libénter eum audiébat. Et cum dies opportunus accidísset, Heródes natális sui cenam fecit princípibus, et tribúnis, et primis Galilaéae. Cumque introísset fília ipsíus Herodíadis, et saltásset, et placúisset Heródi, simúlque recumbéntibus ; rex ait puéllae: Pete a me quod vis, et dabo tibi. Et jurávit illi: Quia quidquid petéris dabo tibi, licet dimídium regni mei. Quae cum exíisset, dixit matri suae: Quid petam ? At illa dixit: Caput Joánnis Baptístae. Cumque introísset statim cum festinatióne ad regem, petívit dicens: Volo ut prótinus des mihi in disco caput Joánnis Baptístae. Et contristátus est rex: propter jusjurándum, et propter simul recumbéntes nóluit eam contristáre: sed misso spiculátore, praecépit afférri caput ejus in disco. Et decollávit eum in cárcere. Et áttulit caput ejus in disco: et dedit illud puéllae, et puélla dedit matri suae. Quo audíto, discípuli ejus venérunt, et tulérunt corpus ejus: et posuérunt illud in monuménto.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei.

Secreta

MÚNERA, quae tibi, Dómine, pro sancti Mártiris tui Joánnis Baptístae passióne deférimus: quaesumus ; ut ejus obtentu nobis proficiant ad salutem. Per Dóminum.

**Pro S. Sabina
Secreta**

HÓSTIAS tibi, Dómine, beátae Sabínae Mártiris tuae dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Ps. 20, 4 Posuísti, Dómine, in cápite ejus corónam de lápide pretiósio.

Postcommunio

CÓNFERAT nobis, Dómine, sancti Joánnis Baptístae solémnitas: ut et magnífica sacraménta, quae súmpsimus, significáta venerémur, et in nobis pótius édita gaudeámus. Per Dóminum.

**Pro S. Sabina
Postcommunio**

DIVÍNI múnemis largitáte satiáti, quaesumus, Dómine Deus noster: ut, intercedénte beáta Sabína Mártire tua, in ejus semper participatióne vivámus. Per Dóminum.

Eadem die 29 Augusti

Pro S. SABINA
Martyre

Missa Me expectavérunt, **de Communi non Virginum 1 loco, cum Orationibus ut infra.**

Oratio P

DEUS, qui inter cétera poténtiae tuae mirácula étiam in sexu frágili victóriam martýrii contulísti: concéde propítius ; ut, qui beátae Sabínae Mártiris tuae natalítia cólimus, per ejus ad te exémpla gradiámur. Per Dóminum.

Secreta P

HÓSTIAS tibi, Dómine, beátae Sabínae Mártiris tuae dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio P

DIVÍNI múnemis largitáte satiáti, quaesumus, Dómine Deus noster: ut, intercedénte beáta Sabína Mártire tua, in ejus semper participatióne vivámus. Per Dóminum.

Die 30 Augusti
S. ROSAE A S. MARIA

Virginis Limanae

Duplex

Missa Dilexisti, de Communi Virginum 3 loco, praeter Orationem sequentem.

Oratio P

BONÓRUM ómnium largítor, omnípotens Deus, qui beátam Rosam, caeléstis grátiae rore praeuéntam, virginitátis et patiéntiae decóre Indis floréscere voluísti: da nobis fámulis tuis ; ut in odórem suauitátis ejus curréntes, Christi bonus odor éffici mereámur. Qui tecum vivit.

Et fit Commemoratio Ss. Felicis et Adaukti Martyrum.

Oratio

MAJESTÁTEM tuam, Dómine, súpplíces exorámus: ut, sicut nos júgiter Sanctórum tuórum commemoratióne laetíficas: ita semper supplicatióne deféndas. Per Dóminum.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliúm. Per Dóminum.

Pro Ss. Martyribus
Secreta

HÓSTIAS, Dómine, tuae plebis inténde: et, quas in honóre Sanctórum tuórum devóta mente célebrat, profícere sibi séntiat ad salútem. Per Dóminum.

Postcommunio C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Pro Ss. Martyribus
Postcommunio

REPLÉTI, Dómine, munéribus sacris: quaesumus ; ut, intercedéntibus Sanctis tuis, in gratiárum semper actióne maneámus. Per Dóminum.

Eadem die 30 Augusti

Pro SS. FELICE et ADAUCTO
Martyribus

Introitus Eccli. 44, 15 et 14

SAPIÉNTIAM sanctórum narrent pópuli, et laudes eórum núnctiet ecclésia: nómina autem eórum vivent in saéculum saéculi. Ps. 32, 1 Exsultáte, justi, in Dómino: rectos decet collaudátio. V/. Glória Patri.

Oratio

MAJESTÁTEM tuam, Dómine, súpplíces exorámus: ut, sicut nos júgiter Sanctórum tuórum commemoratióne laetíficas: ita semper supplicatióne deféndas. Per Dóminum.

Léctio libri Sapiéntiae.

Sap. 10, 17-20

RÉDDIDIT Deus justis mercédem labórum suórum, et dedúxit illos in via mirábili: et fuit illis in velaménto diéi, et in luce stellárum per noctem: tránstulit illos per Mare Rubrum, et transvéxit illos per aquam nímiám. Inimícos autem illórum demérsit in mare, et ab altitúdine inferórum edúxit illos. Ideo justi tulérunt spólia impiórum, et decantavérunt, Dómine, nomen sanctum tuum, et victrícem manum tuam laudavérunt páriter, Dómine Deus noster.

Graduale Sap. 3, 1-2 et 3 Justórum ánima in manu Dei sunt, et non tanget illos torméntum malítiae. V/. Visi sunt óculis insipiéntium mori: illi autem sunt in pace.

Allelúja , allelúja. V/. Fulgébunt justi, et tamquam scintíllae in arundinéto discúrrunt in aetérnum. Allelúja.

+ Sequéntia sancti Evangélii secúndum Lucam.

Luc. 10, 16-20

IN illo tēpore: Dixit Jesus discipulis suis: Qui vos audit, me audit, et qui vos spernit, me spernit. Qui autem me spernit, spernit eum, qui misit me. Revērsi sunt autem septuaginta duo cum gāudio, dicētes: Dómine, étiam daemónia subjiciúntur nobis in nómine tuo. Et ait illis: Vidébam Sátanan sicut fulgur de caelo cadéntem. Ecce dedi vobis potestátem calcādi supra serpētes, et scorpiónes, et super omnem virtútem inimíci: et nihil vobis nocébit. Verúmtamen in hoc nolíte gaudére, quia spíritus vobis subjiciúntur: gaudéte autem, quod nómina vestra scripta sunt in caelis.

Offertorium Ps. 31, 11 Laetámini in Dómino, et exsultáte, justí: et gloriámini, omnes recti corde.

Secreta

HÓSTIAS, Dómine, tuae plebis inténde: et, quas in honóre Sanctórum tuórum devóta mente célebrat, profícere sibi séntiat ad salútem. Per Dóminum.

Communio Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, praedicáte super tecta.

Postcommunio

REPLÉTI, Dómine, munéribus sacris: quaesumus ; ut, intercedéntibus Sanctis tuis, in gratiárum semper actióne maneámus. Per Dóminum.

Die 31 Augusti**S. RAYMUNDI NONNATI**

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, qui in liberándis fidélibus tuis ab impiórum captivátate beátum Raymúndum Confessórem tuum mirábilem effecísti: ejus nobis intercessióne concéde ; ut, a peccatórum vínculis absolúti, quae tibi sunt plácita, liberis méntibus exsequámur. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Postcommunio

C

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

FESTA SEPTEMBRIS

* Prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.

Die 1 Septembris**S. AEGIDI**

Abbatis

Simplex

Missa Os justi, de Communi Abbatum.

Oratio

C

INTERCÉSSIO nos, quaesumus, Dómine, beáti AEGÍDII Abbátis commédet: ut, quod nostris méritis non valémus, ejus patrocínio assequámur. Per Dóminum.

Et fit Commemoratio Ss. duodecim Fratrum Martyrum.

Oratio

FRATÉRNA nos, Dómine, Mátyrum tuórum coróna laetíficet: quae et fidei nostrae praébeat incrementa virtútum, et múltiplici nos suffrágio consolétur. Per Dóminum.

Secreta

C

SACRIS altáribus, Dómine, hóstias superpósitas sanctus AEGÍDIUS Abbas, quaesumus, in salútem nobis proveníre depóscat. Per Dóminum.

**Pro S. Martyribus
Secreta**

MYSTÉRIA tua, Dómine, pro sanctórum Mátyrum tuórum commemoratióne devóta mente tractémus: quibus nobis et praesídium crescat, et gáudium. Per Dóminum.

Postcommunio

C

PRÓTEGAT nos, Dómine, cum tui perceptiÓne sacraménti beátus AEGÍDIUS Abbas, pro nobis intercedéndo: ut et conversatiÓnis ejus experiámur insígnia, et intercessiÓnis percipiámus suffrágia. Per Dóminum.

**Pro S. Martyribus
Postcommunio**

PRAESTA, quaesumus, omnípotens Deus: ut, quorum memóriam sacraménti participatiÓne recólimus, fidem quoque proficiéndo sectémur. Per Dóminum.

Eadem die 1 Septembris

Pro SS. DUODECIM FRATRIBUS
Martyribus

Missa ut in Festo Ss. Symphorosae et septem Filiorum ejus Martyrum, die 18 Julii, cum Orationibus ut supra.

Die 2 Septembris S. STEPHANI

Regis, Confessoris

Semiduplex

Introitus **Ps. 36, 30-31**

OS justí meditábitur sapiéntiam, et lingua ejus loquétur júdicium: lex Dei ejus in corde ipsíus. **Ps. ibid., 1**
Noli aemulári in malignántibus: neque zeláveris faciéntes iniquitátem. **Vl.** Glória Patri.

Oratio

CONCÉDE, quaesumus, Ecclésiæ tuæ, omnípotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereátur gloriósum in caelis. Per Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est tránsgréssus: fácere mala, et non fecit: ídeo stabilíta sunt bona illíus in Dómino, et eleemósynas illíus enarrábit omnis ecclésiá Sanctórum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl.**
Ibid., 3 Ad annuntiándum mane misericórdiam tuam, et veritátem tuam per noctem.
Allelúja, allelúja. **Vl. Jac. 1, 12** Beátus vir, qui suffert tentatiónem: quóniam cum probátus fúerit, accípiet

+ Sequéntia sancti Evangélii secúndum Lucam.

Luc. 19, 12-26

IN illo témpore: Dixit Jesus discipulis suis parábolam hanc: Homo quidam nóbilis ábiit in regiónem longínquam accípere sibi regnum, et revérte. Vocátis autem decem servis suis, dedit eis decem mnas, et ait ad illos: Negotiámini dum vénio. Cives autem ejus óderant eum: et misérunt legatiónem post illum, dicétes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti. Dicit ei: De ore tuo te júdico, serve nequam. Sciébas quod ego homo austérus sum, tollens quod non pósui, et metens quod non seminávi: et quare non dedísti pecúniam meam ad mensam, ut ego véniens, cum usúris útique exegíssem illam? Et astántibus dixit: Auférte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

RÉSPICE, quas offérimus, hóstias, omnípotens Deus: et praesta; ut, qui passiónis Domínicae mystéria celebrámus, imitémur quod ágimus. Per eúmdem Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum.

Postcommunio

PRAESTA, quaésumus, omnípotens Deus: ut beáti Stéphaní Confessorís tui fidem cógrua devotióne sectémur; qui pro ejúsdem fidei dilatatióne, de terréno regno ad caeléstis regni glóriam méruit perveníre. Per Dóminum.

Die 3 Septembris
S. PII X

Papae et Confessoris

Duplex

Introitus Ps. 88, 20-22

INVÉNI David, servum meum, óleo sancto meo unxi eum: manus mea auxiliábitur ei, et bráchium meum confortábit eum. Ps. *ibid.*, 2 Misericórdias Dómini in aetérnum cantábo: in generatiónem et generatiónem annuntiábo veritátem tuam in ore meo. *Vl.* Glória Patri.

Oratio

DEUS, qui, ad tuéndam cathólicam fidem et univérsa in Christo instauránda, sanctum Pium summum Pontíficem caelésti sapiéntia et apostólica fortítudine replevisti: concéde propítius; ut, ejus institúta et exépla sectántes, praémia consequámur aetérna. Per eúmdem Dóminum.

Léctio Epístolae beáti Pauli Apóstoli ad Thessalonicénes.

1 Thess. 2, 2-8

FRATRES: Fidúciám habúimus in Deo nostro loqui ad vos evangélium Dei in multa sollicitúdone. Exhortátió enim nostra non de erróre, neque de immundítia, neque in dolo, sed sicut probáti sumus a Deo ut crederétur nobis evangélium, ita lóquimur; non quasi homínibus placétes, sed Deo, qui probat corda nostra. Neque enim aliquándo fúimus in sermóne adulatiónis, sicut scitis: neque in occasiόne avarítiae, Deus testis est, nec quaerétes ab homínibus glóriam, neque a vobis, neque ab áliis. Cum possémus vobis óneri esse ut Christi apóstoli, sed facti sumus párvuli in médio vestrum, tamquam si nutrix fóveat filios suos. Ita desiderántes vos, cúpide volebámus trádere vobis non solum evangélium Dei, sed étiam ánimas nostras, quóniam caríssimi nobis facti estis.

Graduale Ps. 39, 10-11 Annuntiávi justítiam tuam in ecclésia magna ; ecce lábia mea non prohibébo: Dómine, tu scisti. *V.* Justítiam tuam non abscondi in corde meo ; veritátem tuam et salutáre tuum dixi. Allelúja, allelúja. *V.* **Ps. 22, 5-6** Parásti in conspéctu meo mensam, impinguásti in óleo caput meum: et calix meus inébrians quam praeclárus est ! Allelúja.

In Missis votivis post Septuagesimam, omissis Allelúja et Versu sequenti, dicitur:

Tractus Ps. 131, 16-18 Sacerdótes ejus índuam salutári: et sancti ejus exsultatióne exsultábunt. *V.* Illuc prodúcam cornu David: parávi lucérnam Christo meo. *V.* Inimícos ejus índuam confusióne, super ipsum autem efflorébit sanctificátio mea.

Tempore autem Paschali, omittitur Graduale, et ejus loco dicitur:

Allelúja, allelúja. *V.* **Ps. 22, 5-6** Parásti in conspéctu meo mensam, impinguásti in óleo caput meum: et calix meus inébrians quam praeclárus est ! Allelúja. *V.* **Ps. 25, 8** Dómine, diléxi decórem domus tuae et locum habitatiónis glóriae tuae. Allelúja.

+ Sequéntia sancti Evangéllii secúndum Joánnem.
Joann. 21, 15-17

IN illo témpore: Dixit Jesus Simóni Petro: Simon Joánnis, díligis me plus his ? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei íterum: Simon Joánnis, díligis me ? Ait illi: Etiam, Dómine, tu scis quia amo te. Dicit ei: Pasce agnos meos. Dicit ei tértio: Simon Joánnis, amas me ? Contristátus est Petrus, quia dixit ei tértio, Amas me ? et dixit ei: Dómine, tu ómnia nosti: tu scis quia amo te. Dicit ei: Pasce oves meas.

Offertorium Ps. 33, 12 Veníte, fílii, audíte me ; timórem Dómini docébo vos.

Secreta

OBLATIÓNIBUS nostris, quaésumus, Dómine, benígne suscéptis, da nobis: ut haec divína mystéria, sancto Pio summo Pontífice intercedénte, sincéris tractémus obséquiis et fidéli mente sumámus. Per Dóminum.

Praefatio de Apostolis.

Communio Joann. 6, 56-57 Caro mea vere est cibus, et sanguis meus vere est potus. Qui mandúcat meam carnem et bibit meum ságuinem, in me manet, et ego in illo.

Postcommunio

MENSAE caeléstis virtúte refécti, quaésumus, Dómine Deus noster: ut, interveniénte sancto Pio summo Pontífice, fortes efficiámur in fide, et in tua simus caritáte concórdes. Per Dóminum.

Die 5 Septembris

S. LAURENTII JUSTINIANI

Episcopi et Confessoris

Semiduplex

Missa Státuit, de Communi Confessoris Pontificis 1 loco.

Oratio C

DA, quaésumus, omnípotens Deus: ut beáti Lauréntii Confessoris tui atque Pontíficis veneránda solémnitas, et devotióne nobis áugeat, et salútem. Per Dóminum.

Secreta C

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Postcommunio

C

PRAESTA, quaesumus, omnipotens Deus: ut, de percéptis munéribus grátias exhibéntes, intercedénte beáto Lauréntio Confessóre tuo atque Pontífice, benefícia potióra sumámus. Per Dóminum.

Die 8 Septembris
IN NATIVITATE
BEATAE MARIAE VIRGINIS

Duplex II classis cum Octava Simplici

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44,**
2 Eructávit cor meum verbum bonum: dico ego ópera mea Regi. **Vl.** Glória Patri.

Oratio

FÁMULIS tuis, quaesumus, Dómine, caeléstis grátiae munus impertíre: ut, quibus beátae Vírginis partus exstitit salutis exórdium ; Nativitátis ejus votíva solémnitas pacis tríbuat increméntum. Per Dóminum.

Et, in Missis privatis tantum, fit Commemoratio S. Hadriani Martyris.

Oratio

PRAESTA, quaesumus, omnipotens Deus: ut, qui beáti Hadriáni Mártiris tui natalítia cólimus, intercessióne ejus, in tui nóminis amóre roborémur. Per Dóminum.

Léctio libri Sapiéntiae.

Prov. 8, 22-35

DÓMINUS possédit me in ínítio viárum suárum, ántequam quidquam fáceret a princípío. Ab aetérno ordináta sum, et ex antíquis, ántequam terra fíeret. Nondum erant abýssi, et ego jam concépta eram: necdum fontes aquárum erúperant: necdum montes gravi mole constítérant: ante colles ego parturíbar: adhuc terram non fécerat, et flúmina, et cárdines orbis terrae. Quando praeparábat caelos, áderam: quando certa lege et gyro vallábat abýssos: quando aéthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terrae. Cum eo eram cuncta compónens: et delectábar per síngulos dies, ludens coram eo omni témpore: ludens in orbe terrárum: et delíctiae meae esse cum fíliis hóminum. Nunc ergo, fílii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me, et qui vígilat ad fores meas quotídie, et obsérvat ad postes óstii mei. Qui me invénerit, invéniet vitam, et háuriet salutem a Dómino.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja, allelúja. **Vl.** Felix es, sacra Virgo María, et omni laude digníssima: quia ex te ortus est sol justítiae, Christus Deus noster. Allelúja.

+ Inítium sancti Evangéllii secúndum Matthaéum.

Matth. 1, 1-16

LIBER generatiónis Jesu Christi filii David, filii Abraham. Abraham genuit Isaac. Isaac autem genuit Jacob. Jacob autem genuit Judam, et fratres ejus. Judas autem genuit Phares, et Zaram de Thamar. Phares autem genuit Esron. Esron autem genuit Aram. Aram autem genuit Aminadab. Aminadab autem genuit Naásson. Naásson autem genuit Salmon. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David regem. David autem rex genuit Salomónem ex ea, quae fuit Uríae. Sálomon autem genuit Róboam. Róboam autem genuit Abíam. Abías autem genuit Asa. Asa autem genuit Jósaphat. Jósaphat autem genuit Joram. Joram autem genuit Ozíam. Ozías autem genuit Jóatham. Jóatham autem genuit Achaz. Achaz autem genuit Ezechíam Ezechías autem genuit Manásson. Manásson autem genuit Amon. Amon autem genuit Josíam. Josías autem genuit Jechoníam, et fratres ejus in transmigratióne Babylónis. Et post transmigratióne Babylónis: Jechonías genuit Saláthiel. Saláthiel autem genuit Zoróbabel. Zoróbabel autem genuit Abiud. Abiud autem genuit Elíacim. Elíacim autem genuit Azor. Azor autem genuit Sadoc. Sadoc autem genuit Achim. Achim autem genuit Eliud. Eliud autem genuit Eleázar. Eleázar autem genuit M athan. Mathan autem genuit Jacob. Jacob autem genuit Joseph virum María, de qua natus est Jesus, qui vocátur Christus.

Credo.

Offertorium Beáta es, Virgo María, quae ómnium portásti Creatórem: genuísti qui te fecit, et in aetérnum pérmanes Virgo.

Secreta

UNIGÉNITI tui, Dómine, nobis succúrrat humanitas: ut, qui natus de Vírgine, matris integritátem non mínuit, sed sacrávit ; in Nativitátis ejus solémniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster: Qui tecum vivit et regnat in unitáte Spíritus Sancti Deus.

Pro S. Hadriano
Secreta

MUNÉRIBUS nostris, quaésumus, Dómine, precibúsq;e suscéptis: et caeléstibus nos munda mystériis, et cleménter exáudi. Per Dóminum.

Praefatio de beata Maria Virgine Et te in Nativitáte.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SÚMPSIMUS, Dómine, celebritátis ánnuae votíva sacraménta: praesta, quaésumus ; ut et temporális vitae nobis remédia praébeant, et aetérnae. Per Dóminum.

Pro S. Hadriano
Postcommunio

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur offíció ; ita perpétuo laetémur aspéctu. Per Dóminum.

* **Infra Octavam nihil fit de ea ; sed Missae votivae de beata M aria Virgine et Missa de Officio ejus in Sabbato, dicuntur ut in Festo, cum Glória in excélsis, 2a Oratione de Spiritu Sancto, et 3a contra persecutores Ecclesiae, vel pro Papa, et omittitur Credo.**

* **Item si, ratione alterius Octavae alicubi celebratae, dicenda sit 2a vel 3a Oratio de sancta Maria, dicitur de ejus Nativitate, ut supra.**

Eadem die 8 Septembris

Pro S. HADRIANO
Martyre

Missa In virtúte, **de Communi unius Martyris 3 loco.**

Die 9 Septembris S. GORGONII

Martyris
Simplex

Missa Laetábitur, **de Communi unius Martyris 4 loco, cum Orationibus ut infra.**

Oratio P

SANCTUS tuus, Dómine, Gorgónius sua nos intercessióne laetíficet: et pia fáciat solemnitáte gaudére. Per Dóminum.

Secreta P

GRATA tibi sit, Dómine, nostrae servitútis oblátio: pro qua sanctus Gorgónius Martyr intervéntor exsístat. Per Dóminum.

Postcommunio C

FAMÍLIAM tuam, Deus, suávitás aetérna contíngat et végetet: quae in Mártýre tuo Gorgónio Christi Fílii tui bono júgiter odóre pascátur: Qui tecum.

Die 10 Septembris

S. NICOLAI A TOLENTINO

Confessoris

Duplex

Missa Justus, de Communi Confessoris non Pontificis 2 loco.

Oratio C

ADÉSTO, Dómine, supplicatióibus nostris, quas in beáti Nicolái Confessóris tui solemnitate deférimus: ut, qui nostrae justítiae fidúciam non habémus, ejus, qui tibi plácuít, précibus adjuvémur. Per Dóminum.

Secreta C

PRAESTA nobis, quaesumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio C

QUSUMUS, omnípotens Deus: ut, qui caeléstia aliménta percépimus, intercedénte beáto Nicoláo Confessóre tuo, per haec contra ómnia advérta muniámur. Per Dóminum.

Die 11 Septembris

SS. PROTI et HYACINTHI
Martyrum

Simplex

Missa Salus autem, de Communi plurimorum Martyrum 3 loco, cum Orationibus ut infra.

Oratio P

BEATÓRUM Mártýrum tuórum Proti et Hyacínthi nos, Dómine, fóveat pretiósá conféssio: et pia júgiter intercésio tueátur. Per Dóminum.

Secreta P

PRO sanctórum Mártýrum tuórum Proti et Hyacínthi commemoratióne múnera tibi, Dómine, quae debémus, exsólvimus: praesta, quaesumus ; ut remédium nobis perpétuae salútis operéntur. Per Dóminum.

Postcommunio P

UT percépta nos, Dómine, tua sancta puríficent: beatórum Mártýrum tuórum Proti et Hyacínthi, quaesumus, implóret orátio. Per Dóminum.

Die 12 Septembris

SANCTISSIMI NOMINIS MARIAE

Duplex majus

Introitus Ps. 44, 13, 15 et 16

VULTUM tuum deprecabúntur omnes dívites plebis: adducéntur Regi vírgines post eam: próxímae ejus adducéntur tibi in laetítia et exsultatióne. Ps. *ibid.*, 2 Eructávit cor meum verbum bonum: dico ego ópera mea Regi. *V.* Glória Patri.

Oratio

CONCÉDE, quaesumus, omnípotens Deus: ut fidéles tui, qui sub sanctíssimae Vírginis Maríae Nómíne et protectiÓne laetántur ; ejus pia intercessiÓne, a cunctis malis liberémur in terris, et ad gáudia aetérna

pervenire mereántur in caelis. Per Dóminum.

Léctio libri Sapiéntiae.

Eccli. 24, 23-31

EGO quasi vitis fructificávi suavitátem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Benedícta et venerábilis es, Vírgo María: quae sine tactu pudóris invénta es mater Salvatóris. **Vl.** Vírgo Dei Génitrix, quem totus non capit orbis, in tua se clausit víscera factus homo. Allelúja , allelúja. **Vl.** Post partum, Vírgo, invioláta permansísti: Dei Génitrix, intercède pro nobis. Allelúja.

+ Sequéntia sancti Evangélii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SUMPTIS, Dómine, salútis nostrae subsidiis: da, quaésumus, beátae Maríae semper Vírginis patrocíniis nos ubique prótegi ; in cujus veneratióne haec tuae obtúlimus majestáti. Per Dóminum.

Die 14 Septembris

IN EXALTATIONE S. CRUCIS

Duplex majus

Introitus Gal. 6, 14

NOS autem gloriári opórtet in Cruce Dómini nostri Jesu Christi: in quo est salus, vita et resurrectio nostra: per quem salváti et liberáti sumus. Ps. 66, 2 Deus misereátur nostri, et benedícat nobis: illúminet vultum suum super nos, et misereátur nostri. **Vl.** Glória Patri.

Oratio

DEUS, qui nos hodiérna die Exaltatiónis sanctae Crucis ánnua solemnitate laetíficas: praesta, quaésumus ;

ut, cujus mystérium in terra cognóvimus, ejus redemptiónis praémia in caelo mereámur. Per eúmdem Dóminum.

Léctio Epístolae beáti Pauli Apóstoli ad Philippénes.

Philipp. 2, 5-11

FRATRES: Hoc enim sentíte in vobis, quod et in Christo Jesu: qui, cum in forma Dei esset, non rapínam arbitrátus est esse se aequálem Deo: sed semetípsum exinanívit, formam servi accípiens, in similitúdinem hóminum factus, et hábitu invéntus ut homo. Humiliávit semetípsum, factus obédiens usque ad mortem, mortem autem crucis. Propter quod et Deus exaltávit illum: et donávit illi nomen, quod est super omne nomen: (hic genuflectitur) ut in nómine Jesu omne genu flectátur caeléstium, terréstrium et infernórum: et omnis lingua confiteátur, quia Dóminus Jesus Christus in glória est Dei Patris.

Graduale Ibid., 8-9 Christus factus est pro nobis obédiens usque ad mortem, mortem autem Crucis. *Vl.* Propter quod et Deus exaltávit illum, et dedit illi nomen, quod est super omne nomen.

Allelúja, allelúja. *Vl.* Dulce lignum, dulces clavos, dúlcia ferens póndera: quae sola fuísti digna sustinére Regem caelórum et Dóminum. Allelúja.

+ Sequéntia sancti Evangéllii secúndum Joánnem.

Joann. 12, 31-36

IN illo témpore: Dixit Jesus turbis Judaeórum: Nunc judícium est mundi: nunc princeps hujus mundi ejiciétur foras. Et ego si exaltátus fúero a terra, ómnia traham ad meípsum. (Hoc autem dicébat, significans qua morte esset moritúrus). Respóndit ei turba: Nos audívimus ex lege, quia Christus manet in aetérnum: et quómodo tu dicis: Opórtet exaltári Fílium hóminis? Quis est iste Fílius hóminis? Dixit ergo eis Jesus: Adhuc módicum lumen in vobis est. Ambuláte dum lucem habétis, ut non vos ténebrae comprehéndant: et qui ámbulat in ténebris, nescit quo vadat. Dum lucem habétis, créдите in lucem: ut filii lucis sitis.

Credo.

Offertorium Prótege, Dómine, plebem tuam per signum sanctae Crucis, ab ómnibus insídiis inimicórum ónium: ut tibi gratam exhibeámus servitútem, et acceptábile fiat sacrificium nostrum, allelúja.

Secreta

JESU Christi Dómini nostri córpore et sángine saginándi, per quem Crucis est sanctificátum vexíllum: quaesumus, Dómine Deus noster; ut, sicut illud adoráre merúimus, ita perénniter ejus glóriæ salutáris potiámur efféctu. Per eúmdem Dóminum.

Praefatio de Cruce.

Communio Per signum Crucis de inimícis nostris líbera nos, Deus noster.

Postcommunio

ADÉSTO nobis, Dómine Deus noster: et quos sanctae Crucis laetári facis honóre, ejus quoque perpétuis defénde subsidiis. Per Dóminum.

* Pro Missa votiva de S. Cruce sumitur Missa Nos autem, quae habetur inter votivas circa finem Missalis.

Die 15 Septembris

SEPTEM DOLORUM

BEATAE MARIAE VIRGINIS

Duplex II classis

Introitus Joann. 19, 25

STABANT juxta Crucem Jesu mater ejus, et soror matris ejus María Cléophae, et Salóme, et María Magdaléne. Ibid., 26-27 Múlier, ecce fílius tuus: dixit Jesus; ad discípulum autem: Ecce mater tua. *Vl.* Glória Patri.

Oratio

DEUS, in cujus passióne, secúndum Simeónis prophetíam, dulcíssimam ánimam gloriósae Vírginis et

Matris Maríae dolóris gládius pertransívit: concéde propítius ; ut, qui dolóres ejus venerádo recólimus, passiónis tuae efféctum felícem consequámur: Qui vivis.

Et, in Missis privatis tantum, fit Commemoratio S. Nicomedis Martyris.

Oratio

ADÉSTO, Dómine, pópulo tuo: ut, beáti Nicomédis Mártyris tui mérita praeclára suscípiens, ad impetrándam misericórdiam tuam semper ejus patrocíniis adjuvétur. Per Dóminum.

Léctio libri Judith.

Judith 13, 22 et 23-25

BENEDÍXIT te Dóminus in virtúte sua, quia per te ad níhilum redégit inimícos nostros. Benedícta es tu fília a Dómino Deo excélsó, prae ómnibus muliéribus super terram. Benedíctus Dóminus, qui creávit caelum et terram: quia hódie nomen tuum ita magnificávit, ut non recédant laus tua de ore hóminum, qui mémoires fúerint virtútis Dómini in aetérnum, pro quibus non pepercísti ánimae tuae propter angústias et tribulatiónem géneris tui, sed subvenísti ruínae ante conspéctum Dei nostri.

Graduale Dolorósa et lacrimábilis es, Virgo María, stans juxta Crucem Dómini Jesu Fílii tui Redemptóris. **Vl.** Virgo Dei Génitrix, quem totus non capit orbis, hoc Crucis fert supplícium, auctor vitae factus homo. Allelúja , allelúja. **Vl.** Stabat sancta María, caeli Regína, et mundi Dómina, juxta Crucem Dómini nostri Jesu Christi dolorósa

Sequentia

STABAT Mater dolorósa
Juxta Crucem lacrimósa,
Dum pendébat Fílius.
Cujus ánimam geméntem
Contristátam et doléntem,
Pertransívit gládius.
O quam trístis et afflícta
Fuit illa benedícta
Mater Unigéniti !
Quae maerébat, et dolébat,
Pia Mater, dum vidébat
Nati poenas íncliti.
Quis est homo, qui non fleret,
Matrem Christi si vidéret
In tanto supplício ?
Quis non posset contristári,
Christi Matrem contemplári
Doléntem cum Fílio ?
Pro peccátis suae gentis
Vidit Jesum in torméntis,
Et flagéllis súbditum.
Vidit suum dulcem natum
Moriéndo desolátum,
Dum emísit spíritum.
Eja Mater, fons amóris,
Me sentíre vim dolóris
Fac, ut tecum lúgeam.
Fac, ut árdeat cor meum
In amándo Christum Deum,
Ut sibi compláceam.
Sancta Mater, istud agas,
Crucifíxi fige plagas
Cordi meo válide.
Tui nati vulneráti,
Tam dignáti pro me pati,
Poenas mecum dívide.
Fac me tecum pie flere,
Crucifíxo condolére,
Donec ego víxero.
Juxta Crucem tecum stare,

Et me tibi sociáre
In planctu desídero.
Virgo vírginum praeclára,
Mihi jam non sis amára:
Fac me tecum plángere.
Fac, ut portem Christi mortem,
Passiónis fac consórtem,
Et plagas recólere.
Fac me plagis vulnerári,
Fac me Cruce inebriári,
Et cruóre Fílii.
Flammis ne urar succénsus,
Per te, Virgo, sim defénsus
In die judícii.
Christe, cum sit hinc exíre,
Da per Matrem me veníre
Ad palmam victóriæ.
Quando corpus moriétur,
Fac, ut ánimæ donétur
Paradísi glória. Amen. Allelúja.

+ Sequéntia sancti Evangéllii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Jer. 18, 20 Recordáre, Virgo Mater Dei, dum stéteris in conspéctu Dómini, ut loquáris pro nobis bona, et ut avértat indignatióem suam a nobis.

Secreta

OFFÉRIMUS tibi preces et hóstias, Dómine Jesu Christe, humíliter supplicántes: ut, qui Transfixiónem dulcíssimi spíritus beátae Maríae Matris tuae précibus recensémus ; suo, suorúmque sub Cruce Sanctórum consórtium multiplicáto piíssimo intervéntu, méritis mortis tuae, méritum cum beátis habeámus: Qui vivis.

Pro S. Nicomede
Secreta

SÚSCIPE, Dómine, múnera propítius obláta: quae majestáti tuae beáti Nicomédis Mártiris comméndet orátio. Per Dóminum.

Praefatio de beata Maria Virgine Et te in Transfixiónem.

Communio Felíces sensus beátae Maríae Vírginis, qui sine morte meruérunt martýrii palmam sub Cruce Dómini.

Postcommunio

SACRIFÍCIA, quae súmpsimus, Dómine Jesu Christe, Transfixiónem Matris tuae et Vírginis devóte celebrántes: nobis ímpetrent apud cleméntiam tuam omnis boni salutáris efféctum: Qui vivis.

Pro S. Nicomede
Postcommunio

PURÍFICENT nos , Dómine, sacraménta quae súmpsimus: et, intercedénte beáto Nicoméde Mártire tuo, a cunctis effícient vítiis absolútos . Per Dóminum.

* De die Octava Nativitatis beatae Mariae Virginis nihil fit in Missa Septem Dolorum. Sicubi tamen hac die celebretur aliquod Festum nobilius Duplex II classis, quod non sit beatae Mariae Virginis, de ipsa die Octava, in Missis privatis tantum, fit Commemoratio per Orationes diei Festi, ante Commemorationem S. Nicomedis, et dicitur Praefatio de beata Maria Virgine Et te in Nativitáte, nisi ipsa Missa occurrens, aut

Commemoratio prius habita, aliam Praefationem exigant, juxta Rubricas.

* Si hodie aut sequentibus diebus occurrat FERIA Quatuor Temporum, in omnibus Missis, praeter conventualem de Festo, ante Commemorationem Simplicium quae occurrant, fit Commemoratio Ferae, et de ea legitur Evangelium in fine. Ubi adest obligatio Chori, post Tertiam extra Chorum legitur Missa de Festo, sine Commemoratione Ferae, et in Choro post Nonam dicitur Missa de Fera, sine Commemoratione Festi occurrentis, sed tantum cum Commemoratione, si occurrat, Vigiliae S. Matthaei, ut infra suo loco notatur. Missae vero privatae dici possunt, juxta Rubricas, etiam de Fera, cum Commemoratione Officii occurrentis, et ejus Praefatione, si propriam habeat. Hodie tamen, et aliis diebus in quibus Festum occurrens sit Duplex I vel II classis, in Choro dicitur Missa conventualis de Festo post Tertiam, et extra Chorum post Nonam legitur Missa de Fera, quae tamen in casu dici nequit ut privata.

Eadem die 15 Septembris

Pro S. NICOMEDE
Martyre

Missa In virtute, de Communi unius Martyris 3 loco, cum Orationibus ut infra.

Oratio P

ADÉSTO, Dómine, pópulo tuo: ut, beáti Nicomédis Mártiris tui mérita praeclára suscípiens, ad impetrándam misericórdiam tuam semper ejus patrocíniis adjuvétur. Per Dóminum.

Secreta P

SÚSCIPE, Dómine, múnera propítius obláta: quae majestáti tuae beáti Nicomédis Mártiris comméndet orátio. Per Dóminum.

Postcommunio P

PURÍFICENT nos, Dómine, sacraménta quae sumpsimus: et, intercedénte beáto Nicoméde Mártire tuo, a cunctis effícient vítiis absolútos. Per Dóminum.

Die 16 Septembris SS. CORNELII

Papae et Martyris
et CYPRIANI
Episcopi et Martyris

Semiduplex

Missa Intret, de Communi plurimorum Martyrum 1 loco.

Oratio C

BEATÓRUM Mártirum paritérque Pontíficum Cornélii et Cypriáni nos, quaesumus, Dómine, festa tueántur: et eórum comméndet orátio veneránda. Per Dóminum.

Et fit Commemoratio Ss. Euphemiae Virginis, Luciae et Geminiani Martyrum.

Oratio

PRAESTA, Dómine, precibus nostris cum exsultatione provéntum: ut sanctorum Mártirum Euphemiae, Luciae et Geminiani, quorum diem passionis ánnua devotíone recólimus, étiam fidei constántiam subsequámur. Per Dóminum.

Secreta C

ADÉSTO, Dómine, supplicatíonibus nostris, quas in Sanctorum tuorum commemoratíone deférimus: ut, qui nostrae justítiae fidúciam non habémus, eórum qui tibi placuerunt, méritis adjuvémur. Per Dóminum.

Pro Ss. Martyribus
Secreta

VOTA pópuli tui, quaesumus, Dómine, propítius inténde: et, quorum nos tríbuis solémnia celebráre, fac gaudere suffrágiis. Per Dóminum.

Postcommunio

C

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

**Pro Ss. Martyribus
Postcommunio**

EXÁUDI, Dómine, preces nostras: et sanctorum Mártyrum tuórum Euphémiae, Lúciae et Geminiáni, quorum festa solémniter celebrámus, contínuis foveámur auxiliis. Per Dóminum.

Eadem die 16 Septembris

Pro SS. EUPHEMIA
Virgine et Martyre
ac LUCIA et GEMINIANO
Martyribus

Missa Intret, de Communi plurimorum Martyrum 1 loco, cum Orationibus et Evangelio ut infra.

Oratio

P

PRAESTA, Dómine, précibus nostris cum exsultatióne provéntum: ut sanctorum Mártyrum Euphémiae, Lúciae et Geminiáni, quorum diem passióis ánnua devotióne recólimus, étiam fidei constántiam subsequámur. Per Dóminum.

+ Sequéntia sancti Evangélii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósá plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exsultáte: ecce enim merces vestra multa est in caelo.

Secreta

P

VOTA pópuli tui, quaésumus, Dómine, propítius inténde: et, quorum nos tríbuis solémnia celebráre, fac gaudére suffrágiis. Per Dóminum.

Postcommunio

P

EXÁUDI, Dómine, preces nostras: et sanctorum Mártyrum tuórum Euphémiae, Lúciae et Geminiáni, quorum festa solémniter celebrámus, contínuis foveámur auxiliis. Per Dóminum.

Die 17 Septembris

**IN IMPRESSIONE SS. STIGMATUM
S. FRANCISCI**

Confessoris

Duplex

Introitus **Gal. 6, 14**

MIHI autem absit gloriári, nisi in cruce Dómini nostri Jesu Christi, per quem mihi mundus crucifíxus est, et ego mundo. **Ps. 141, 2** Voce mea ad Dóminum clamávi: voce mea ad Dóminum deprecátus sum. **V.** Glória Patri.

Oratio

DÓMINE Jesu Christe, qui, frigescénte mundo, ad inflammándum corda nostra tui amóris igne, in carne beatíssimi Francísci Passióis tuae sacra stígmata renovásti: concéde propítius; ut ejus méritis et précibus crucem júgiter ferámus, et dignos fructus paeniténtiae faciámus: Qui vivis et regnas.

Léctio Epístolae beáti Pauli Apóstoli ad Gálatas.

Gal. 6, 14-18

FRATRES: Mihi autem absit gloriári, nisi in cruce Dómini nostri Jesu Christi: per quem mihi mundus crucifíxus est, et ego mundo. In Christo enim Jesu neque circumcísio áliquíd valet, neque praepútium, sed nova creatúra. Et quicumque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit: ego enim stígmata Dómini Jesu in córpore meo porto. Grátia Dómini nostri Jesu Christi cum spíritu vestro, fratres. Amen.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **VI.** Lex Dei ejus in corde ipsíus: et non supplantabúntur gressus ejus.

Allelúja, allelúja. **VI.** Francíscus pauper et húmilis, caelum dives ingréditur, hymnis caeléstibus honorátur. Allelúja.

+ Sequéntia sancti Evangélii secúndum Matthaéum.

Math. 16, 24-27

IN illo témpore: Dixit Jesus discípulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum univérsum lucrétur, ánimae vero suae detriméntum patiátur? Aut quam dabit homo commutatióem pro ánima sua? Fílius enim hóminis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

MÚNERA tibi, Dómine, dicáta sanctífica: et, intercedénte beáto Francíscó, ab omni nos culpárum labe purífica. Per Dóminum.

Communio Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

DEUS, qui mira Crucis mystéria in beáto Francíscó Confessóre tuo multifórmiter demonstrásti: da nobis, quaesumus; devotiónis suae semper exémpa sectári, et assídua ejúsdem Crucis meditatióne muníri. Per Dóminum.

Die 18 Septembris

S. JOSEPHI A CUPERTINO

Confessoris

Duplex

Introitus **Eccli. 1, 14-15**

DILÉCTIO Dei honorábilis sapiéntia: quibus autem apparúerit in visu, díligunt eam in visióne, et in agnitíone magnálium suórum. Ps. 83, 2 Quam dílecta tabernácula tua, Dómine virtútum! concupíscit et déficit ánima mea in átria Dómini. **VI.** Glória Patri.

Oratio

DEUS, qui ad unigénitum Fílium tuum exaltátum a terra ómnia tráhere disposuísti: pérfice propítius; ut, méritis et exémplo seráphici Confessoris tui Joséphi, supra terrénas omnes cupiditátes eleváti, ad eum perveníre mereámur: Qui tecum vivit.

Léctio Epístolae beáti Pauli Apóstoli ad Corínthios.

1 Cor. 13, 1-8

FRATRES: Si linguis hóminum loquar, et Angelórum, caritátem autem non hábeam, factus sum velut aes sonans, aut cýmbalum tínniens. Et si habúero prophetíam, et nóverim mystéria ómnia et omnem sciéntiam: et si habúero omnem fidem, ita ut montes tránsferam, caritátem autem non habúero, nihil sum. Et si distribúero in cibos páuperum omnes facultátes meas, et si tradídero corpus meum, ita ut árdeam, caritátem

autem non habúero, nihil mihi prodest. Cáritas pátiens est, benígna est: cáritas non aemulátur, non agit pérperam, non inflátur, non est ambiósa, non quaerit quae sua sunt, non irritátur, non cógitat malum, non gaudet super iniquitáte, congáudet autem veritáti: ómnia suffert, ómnia credit, ómnia sperat, ómnia sústinet. Cáritas numquam éxcidit: sive prophetíae evacuabúntur, sive linguae cessábunt, sive sciéntia destruétur.

Graduale Ps. 20, 4-5 Dómine, praevenísti eum in benedictiónibus dulcédinis: posuísti in cápite ejus corónam de lápide pretióso. **V.** Vitam pétiit a te, et tribuísti ei longitúdinem diérum in saéculum, et in saéculum saéculi.

Allelúja , allelúja. **V.** **Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit caput ejus. Allelúja.

In Missis votivis Tempore Paschali omittitur Graduale, et ejus loco dicitur:

Allelúja , allelúja. **V.** **Eccli. 11, 13** Oculus Dei respéxit illum in bono, et eréxit eum ab humilitáte ipsíus, et exaltávit caput ejus. Allelúja. **V.** **Eccli. 45, 9** Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangélli secúndum Matthaéum.

Matth. 22, 1-14

IN illo témpore: Loquebátur Jesus princípibus sacerdotum et pharisaéis in parábolis, dicens: Símile factum est regnum caelórum hómini regi, qui fecit núptias filio suo. Et misit servos suos vocáre invitátos ad núptias, et nolébant veníre. Iterum misit álios servos, dicens: Dícite invitátis: Ecce prándium meum parávi, tauri mei, et altília occísa sunt, et ómnia paráta: veníte ad núptias. Illi autem neglexérunt: et abiérunt, álius in villam suam, álius vero ad negotiatióem suam: réliqui vero tenuérunt servos ejus, et contuméliis afféctos occidérunt. Rex autem cum audísset, irátus est: et missis exercítibus suis, pérdidit homicidas illos, et civitátem illórum succéndit. Tunc ait servis suis: Núptiae quidem parátae sunt, sed qui invitáti erant, non fuérunt digni. Ite ergo ad éxitus viárum, et quoscúmque invenéritis, vocáte ad núptias. Et egréssi servi ejus in vias, congregavérunt omnes, quos invenérunt, malos et bonos: et implétae sunt núptiae discumbéntium. Intrávit autem rex, ut vidéret discumbéntes, et vidit ibi hóminem non vestítum veste nuptiáli Et ait illi: Amíce, quómodo huc intrásti non habens vestem nuptiálem ? At ille obmútuit. Tunc dixit rex minístris: Ligátis mánibus et pédibus ejus, míttite eum in ténebras exterióres: ibi erit fletus, et stridor déntium. Multi enim sunt vocáti, pauci vero elécti.

Offertorium Ps. 34, 13 Ego autem, cum mihi moléstí essent, induébar cilício. Humiliábam in jejúnio ánimam meam: et orátio mea in sinu meo convertétur.

Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Communio Ps. 68, 30-31 Ego sum pauper, et dolens: salus tua, Deus, suscepit me. Laudábo nomen Dei cum cántico: et magnificábo eum in laude.

Postcommunio

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

Die 19 Septembris
SS. JANUARI

Episcopi
et SOCIORUM
Martyrum

Duplex

Introitus **Ps. 36, 39**

SALUS autem justórum a Dómino: et protéctor eórum est in témpore tribulatiónis. **Ps. ibid., 1** Noli aemulári in malignántibus: neque zeláveris faciéntes iniquitátem. **V.** Glória Patri.

Oratio

DEUS, qui nos ánnua sanctórum Mártyrum tuórum Januárii et Sociórum ejus solemnitate laetificas: concéde propítius ; ut, quorum gaudémus méritis, accendámur exémpis. Per Dóminum.

Léctio Epístolae beáti Pauli Apóstoli ad Hebraeos.

Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substántiam. Nolíte itaque amittere confidéntiam vestram, quae magnam habet remuneratióem. Patiéntia enim vobis necessária est: ut voluntátem Dei faciéntes, reportéti promissióem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Ps. 33, 18-19 Clamavérunt justí, et Dóminus exaudivit eos: et ex ómnibus tribulatióibus eórum liberávit eos. *Vl.* Juxta est Dóminus his, qui tribuláto sunt corde: et húmiles spírítu salvábit. Allelúja, allelúja . *Vl.* Te Mártyrum candidátus laudat exércitus, Dómine. Allelúja.

+ Sequéntia sancti Evangélii secúndum Matthaéum.

Matth. 24, 3-13

IN illo témpore: Sedénte Jesu super montem Olivéti, accessérunt ad eum discípuli secréto, dicéntes: Dic nobis, quando haec erunt ? et quod signum advéntus tui, et consummatiónis saéculi ? Et respóndens Jesus, dixit eis: Vidéte ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis praélia et opinióes praeliórum. Vidéte, ne turbémini. Opórtet enim haec fferi, sed nondum est finis. Consúrget enim gens in gentem, et regnum in regnum, et erunt pestiléntiae, et fames, et terraemótus per loca. Haec autem ómnia inítia sunt dolórum. Tunc tradent vos in tribulatióem, et occident vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophetae surgent, et sedúcent multos. Et quóniam abundávit iniquitas, refrigéscet caritas multórum. Qui autem perseveráverit usque in finem, hic salvus erit.

Offertorium Sap. 3, 1, 2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace, allelúja.

Secreta

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis Januário et Sóciis ejus, a cunctis nos defénde periculis. Per Dóminum.

Communio Matth. 10, 27 Quod dico vobis in ténebris, dícite in lúmine, dicit Dóminus: et quod in aure audítis, praedicáte super tecta.

Postcommunio

HAEC nos commúnio, Dómine, purget a crímine ; et, intercedéntibus sanctis Martýribus tuis Januário et Sóciis ejus, caeléstis remédii fáciat esse consórtes. Per Dóminum.

* **Si hodie fuerit Sabbatum, fit de Vigilia anticipata S. Matthaei Apostoli, ut die sequenti notatur.**

Die 20 Septembris

SS. EUSTACHII et SOCIORUM
Martyrum

Duplex

Missa Sapiéntiam, de Communi plurimorum Martyrum 2 loco.

Oratio

C

DEUS, qui nos concédis sanctórum tuórum Eustáchii et Sociórum ejus natalítia cólere: da nobis in aetérna beatitúdine de eórum societáte gaudére. Per Dóminum.

Secreta

C

MÚNERA tibi, Dómine, nostrae devoti6nis off6rimus: quae et pro tu6rum tibi grata sint hon6re just6rum, et nobis salut6ria, te miser6nte, redd6ntur. Per D6minum.

Postcommunio

C

PRAESTA nobis, quaesumus, D6mine: interced6ntibus sanctis Mart6ribus tuis Eust6chio et S6ciis ejus ; ut, quod ore cont6ngimus, pura mente capi6mus. Per D6minum.

* In omnibus Missis, praeter conventualem de Festo, post Commemorationem Feriae Quatuor Temporum, si occurrat, fit Commemoratio Vigiliae S. Matthaei Apostoli, ut in Missa sequenti, et de ea, extra Quatuor Tempora, legitur Evangelium in fine. Item, extra Quatuor Tempora, ubi adest obligatio Chori, lecta post Tertiam extra Chorum Missa de Festo sine Commemoratione Vigiliae, in Choro post Nonam dicitur Missa de Vigilia cum Orationibus infra assignatis, et de Vigilia item permittuntur Missae privatae cum Commemoratione Festi et sine 3a Oratione de sancta Maria Conc6de. In Feriis vero Quatuor Temporum non dicitur Missa conventualis de Vigilia, sed de ea fit Commemoratio in Missa de Feria, et additur 3a Oratio de sancta Maria Conc6de. Missae tamen privatae dici possunt vel de Festo cum Commemoratione Feriae ac Vigiliae et cum ultimo Evangelio Feriae ; vel de Feria cum Commemoratione Festi ac Vigiliae et hujus Evangelio in fine ; vel de Vigilia cum Commemoratione pariter Festi ac Feriae et hujus Evangelio in fine.

Eadem die 20 Septembris
IN VIGILIA
S. MATTHAEI

Apostoli et Evangelistae

Introitus Ps. 51, 10 et 11

EGO autem sicut oliva fructifera in domo D6mini, speravi in miseric6rdia Dei mei: et expectabo nomen tuum, qu6niam bonum est ante conspectum sanct6rum tu6rum. Ps. *ibid.*, 3 Quid glori6ris in malitia: qui potens es in iniquitate ? V/. Gl6ria Patri.

Non dicitur Gl6ria in excelsis.

Oratio

DA, quaesumus, omnipotens Deus: ut be6ti Matthaei Ap6stoli tui et Evangelistae, quam praevenimus, veneranda sol6mnitas, et devoti6nem nobis 6ugeat, et salutem. Per D6minum.

2a Oratio de S. Maria Conc6de, et 3a contra persecutores Ecclesiae vel pro Papa.

Lectio libri Sapi6ntiae.

Eccli. 44, 25-27 ; 45, 2-4 et 6-9

BENEDICTIO D6mini super caput justii. Ideo dedit illi D6minus hereditatem, et divisit illi partem in tribus duodecim: et invenit gratiam in conspectu omnis carnis. Et magnificavit eum in timore inimic6rum, et in verbis suis monstra placavit. Glorificavit illum in conspectu regum, et jussit illi coram p6pulo suo, et ostendit illi gl6riam suam. In fide et lenitate ipsius sanctum fecit illum, et el6git eum ex omni carne. Et dedit illi coram praec6pta, et legem vitae et disciplinae, et excelsum fecit illum. St6tuit ei testam6ntum aeternum, circumcinxit eum zona justitiae: et induit eum D6minus coronam gl6riae.

Graduale Ps. 91, 13 et 14 Justus ut palma flor6bit: sicut cedrus Libani multiplicabitur in domo D6mini. V/. *Ibid.*, 3 Ad annuntiandum mane miseric6rdiam tuam, et veritatem tuam per noctem.

+ Sequ6ntia sancti Evang6lii sec6ndum Lucam.

Luc. 5, 27-32

IN illo t6mpore: Vidit Jesus publicanum n6mine Levi, sedentem ad tel6nium, et ait illi: Sequere me. Et relictis 6mnibus, surgens secutus est eum. Et fecit ei convivium magnum Levi in domo sua: et erat turba multa publican6rum, et ali6rum, qui cum illis erant discumb6ntes. Et murmurabant pharisaei, et scribae e6rum, dic6ntes ad discipulos ejus: Quare cum publicanis, et peccat6ribus manducatis et bibitis ? Et respondens Jesus, dixit ad illos: non egent qui sani sunt m6dico, sed qui male habent. Non veni vocare justos, sed peccat6res ad paenitentiam.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

APOSTÓLICI reveréntia cúlminis offeréntes tibi sacra mystéria, Dómine, quaésumus: ut beáti Matthaéi Apóstoli tui et Evangelístae suffrágiis, cujus natalítia praevenímus ; plebs tua semper et sua vota deprómat, et desideráta percípiat. Per Dóminum.

Communio Ps. 20, 6 Magna est glória ejus in salutári tuo: glóriam et magnum decórem impónes super eum, Dómine.

Postcommunio

SANCTI Apóstoli tui et Evangelístae Matthaéi, quaésumus, Dómine, supplicatióne placátus: et véniam nobis tríbue, et remédia sempitérna concéde. Per Dóminum.

Die 21 Septembris
S. MATTHAEI

Apostoli et Evangelistae

Duplex II classis

* Si hodie occurrat Feria Quatuor Temporum, in Choro post Tertiam dicitur Missa conventualis de Festo, et extra Chorum post Nonam legitur Missa de Feria, de qua tamen prohibentur Missae privatae.

Introitus **Ps. 36, 30-31**

OS justí meditábitur sapiéntiam, et lingua ejus loquétur júdicium: lex Dei ejus in corde ipsíus. **Ps. ibid., 1** Noli aemulári in malignántibus: neque zeláveris faciéntes iniquitátem. **V.** Glória Patri.

Oratio

BEÁTI Apóstoli tui et Evangelístae Matthaéi, Dómine, précibus adjuvémur: ut, quod possibilítas nostra non obtinet, ejus nobis intercessióne donétur. Per Dóminum.

Léctio Ezechiélis Prophétae.

Ezech. 1, 10-14

SIMILITÚDO vultus quátuor animálium: fácies hóminis, et fácies leónis a dextris ipsórum quátuor: fácies autem bovis a sinístris ipsórum quátuor, et fácies áquilae désuper ipsórum quátuor. Fácies eórum, et penna eórum exténtae désuper: duae pénnae singulórum jungebántur, et duae tegébant córpora eórum: et unumquódque eórum coram fácie sua ambulábat: ubi erat ímpetus spíritus, illuc gradiebántur, nec revertébántur cum ambulárent. Et similitúdo animálium, aspéctus eórum quasi carbónum ignis ardéntium, et quasi aspéctus lampadárum. Haec erat vísis discúrrens in médio animálium, splendor ignis, et de igne fulgur egrédiens. Et animália ibant et revertébántur in similitúdinem fúlgoris coruscántis.

Graduale Ps. 111, 1-2 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur.

Allelúja , allelúja. **V.** Te gloriósus Apostolórum chorus laudat, Dómine. Allelúja.

+ Sequéntia sancti Evangéllii secúndum Matthaéum.

Matth. 9, 9-13

IN illo témpore: Vidit Jesus hóminem sedéntem in telónio, Matthaéum nómine. Et ait illi: Séquere me. Et surgens, secútus est eum. Et factum est, discumbénte eo in domo, ecce multi publicáni, et peccatóres veniéntes, discumbébant cum Jesu, et discíplis ejus. Et vidéntes pharisaéi, dicébant discíplis ejus: Quare cum publicánis et peccatóribus mandúcat Magíster vester ? At Jesus áudiens, ait: Non est opus valéntibus médicus, sed male habéntibus. Eúntes autem díscite quid est: Misericórdiam volo, et non sacrificium. Non enim veni vocáre justos, sed peccatóres.

Credo.

Offertorium Ps. 20, 4-5 Posuísti, Dómine, in cápite ejus corónam de lápide pretióso: vitam pétiit a te, et

Secreta

SUPPLICATIONIBUS beáti Matthaéi Apóstoli et Evangelístae, quaésumus, Dómine, Ecclesiae tuae commendétur oblátio: cujus magníficis praedicationibus eruditur. Per Dóminum.

Praefatio de Apostolis.

Communio Ps. 20, 6 Magna est glória ejus in salutári tuo: glóriam et magnum decórem impónes super eum, Dómine.

Postcommunio

PERCÉPTIS, Dómine, sacraméntis, beáto Matthaéo Apóstolo tuo et Evangelísta interveniénte, deprecámur ; ut, quae pro ejus celebráta sunt glória, nobis proficiant ad medélam. Per Dóminum.

* In Missis votivis post Septuagesimam, omnia dicuntur ut supra, sed post Graduale, omissis Allelúja et Versu sequenti, dicitur

Tractus Ps. 20, 3-4 Desidérium animae ejus tribuísti ei: et voluntáte labiórum ejus non fraudásti eum. V/. Quóniam praevenísti eum in benedictionibus dulcédinis. V/. Posuísti in cápite ejus corónam de lápide pretiósio.

Tempore autem Paschali Missa Protexísti, de Communi Martyrum 1 loco, cum Orationibus, Epistola et Evangelio ut supra.

Die 22 Septembris

S. THOMAE DE VILLANOVA

Episcopi et Confessoris

Duplex

Missa Státuit, de Communi Confessoris Pontíficis 1 loco, cum Orationibus ut infra.

Oratio P

DEUS, qui beátum Thomam Pontíficem insígnis in páuperes misericórdiae virtúte decorásti: quaésumus ; ut, ejus intercessióne, in omnes, qui te deprecántur, divítias misericórdiae tuae benígnus effúndas. Per Dóminum.

Et fit Commemoratio Ss. Maurítii et Sociorum Martyrum.

ANNUE, quaésumus, omnípotens Deus: ut sanctórum Mártyrum tuórum Maurítii et Sociórum ejus nos laetíficet festíva solémnitas ; ut, quorum suffrágiis nítimur, eórum natalítiis gloriémur. Per Dóminum.

Secreta P

SANCTI Thomae Confessóris tui atque Pontíficis, quaésumus, Dómine, ánnua solémnitas pietáti tuae nos reddat accéptos: ut, per haec pia placatiónis officia, et illum beáta retribútio comitétur, et nobis grátiae tuae dona concíliet. Per Dóminum.

Pro Ss. Martyribus
Secreta

RÉSPICE, quaésumus, Dómine, múnera, quae in sanctórum Mártyrum tuórum Maurítii et Sociórum ejus commemoratióne deférimus: et praesta ; ut, quorum honóre sunt grata, eórum nobis fiant intercessióne perpétua. Per Dóminum.

Postcommunio P

DEUS, fidélium remunerátor animárum: praesta ; ut beáti Thomae Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

Pro Ss. Martyribus
Postcommunio

CAELÉSTIBUS refécti sacraméntis et gáudiis: súplices te rogámus, Dómine ; ut, quorum gloriámur triúmphis, protegámur auxiliis. Per Dóminum.

Eadem die 22 Septembris

Pro SS. MAURITIO ET SOCIIS
Martyribus

Missa Intret, de Communi plurimorum Martyrum 1 loco, cum Orationibus et Epistola ut infra.

Oratio P

ANNUE, quaésumus, omnípotens Deus: ut sanctórum Mártyrum tuórum Maurítii et Sociórum ejus nos laetíficet festíva solémnitas ; ut, quorum suffrágiis nítimur, eórum natalítiis gloriémur. Per Dóminum.

Léctio libri Apocalýpsis beáti Joánnis Apóstoli.

Apoc. 7, 13-17

IN diébus illis: Respóndit unus de senióribus, et dixit mihi: Hi, qui amícti sunt stolis albis, qui sunt ? et unde venérunt ? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo ejus: et qui sedet in throno, habitábit super illos: non esúrient, neque sítient ámplius, nec cadet super illos sol, neque ullus aestus: quóniam Agnus, qui in médio throni est, reget illos, et dedúcet eos ad vitae fontes aquárum: et abstérget Deus omnem lácrimam ab óculis eórum.

Secreta P

RÉSPICE, quaésumus, Dómine, múnera, quae in sanctórum Mártyrum tuórum Maurítii et Sociórum ejus commemoratióne deférimus: et praesta ; ut, quorum honóre sunt grata, eórum nobis fiant intercessióne perpétua. Per Dóminum.

Postcommunio P

CAELÉSTIBUS refécti sacraméntis et gáudiis: súplices te rogámus, Dómine ; ut, quorum gloriámur triúmphis, protegámur auxiliis. Per Dóminum.

Die 23 Septembris

S. LINI

Papae et Martyris

Semiduplex

Missa Si díligis me, de Communi Summorum Pontificum.

Oratio C

GREGEM tuum, Pastor aetérne, placátus inténde: et per beátum Linum Mártyrem tuum atque Summum Pontíficem, perpétua protectióne custódi ; quem totíus Ecclésiae praestítisti esse pastórem. Per Dóminum.

Et fit Commemoratio S. Theclae Virginis et Martyris.

Oratio

DA, quaésumus, omnípotens Deus: ut, qui beátae Theclae Vírginis et Mártyris tuae natalítia cólimus ; et ánnua solemnitáte laetémur, et tantae fidei proficiámus exémplo. Per Dóminum.

Secreta C

OBLÁTIS munéribus, quaésumus, Dómine, Ecclésiam tuam benígus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

**Pro S. Thecla
Secreta**

SÚSCIPE, Dómine, múnera, quae in beátae Theclae Vírginis et Mártyris tuae solemnitáte deférimus: cujus nos confídimus patrocínio liberári. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Pro S. Thecla
Postcommunio

AUXILIÉNTUR nobis, Dómine, sumpta mystéria: et, intercedénte beáta Thecla Vírgine et Mártire tua, sempitérna fáciant protectióne gaudére. Per Dóminum.

Eadem die 23 Septembris

Pro S. THECLA
Virgine et Martyre

Missa Loquébar, de Communi Virginum 1 loco, praeter Orationem sequentem.

Oratio P

DA, quaésumus, omnípotens Deus: ut, qui beátae Theclae Vírginis et Mártiris tuae natalítia cólimus ; et ánnua solemnitáte laetémur, et tantae fidei proficiámus exémplo. Per Dóminum.

Secreta C

SÚSCIPE, Dómine, múnera, quae in beátae Theclae Vírginis et Mártiris tuae solemnitáte deférimus: cujus nos confidimus patrocínio liberári. Per Dóminum.

Postcommunio C

AUXILIÉNTUR nobis, Dómine, sumpta mystéria: et, intercedénte beáta Thecla Vírgine et Mártire tua, sempitérna fáciant protectióne gaudére. Per Dóminum.

Die 24 Septembris
BEATAE MARIAE VIRGINIS
DE MERCEDE

Duplex majus

Missa Salve, de Communi Festorum beatae Mariae Virginis, praeter Orationem sequentem, et dicitur Credo.

Oratio P

DEUS, qui per gloriosíssimam Fílii tui Matrem, ad liberándos Christi fidéles a potestáte paganórum, nova Ecclésiám tuam prole amplificáre dignátus es: praesta, quaésumus ; ut, quam pie venerámur tanti óperis institutricem, ejus páriter méritis et intercessióne, a peccátis ómnibus et captivitate daémonis liberémur. Per eúmdem Dóminum.

Secreta C

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Postcommunio C

SUMPTIS, Dómine, salútis nostrae subsidiis: da, quaésumus, beátae Maríae semper Vírginis patrocíniis nos ubique prótegi ; in cujus veneratióne haec tuae obtúlimus majestáti. Per Dóminum.

Die 26 Septembris

SS. CYPRIANI et JUSTINAE
Virginis, Martyrum

Simplex

Missa Salus autem, de Communi plurimorum Martyrum 3 loco, cum Orationibus ut infra.

Oratio P

BEATÓRUM Mártyrum Cypriáni et Justínae nos, Dómine, fóveant continuáta praesídia: quia non désinis propítius intuéri, quos tálibus auxiliis concésseris adjuvári. Per Dóminum.

Secreta P

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio C

PRAESTA nobis, quaésumus, Dómine: intercedéntibus sanctis Martýribus tuis Cypriáno et Justína ; ut, quod ore contíngimus, pura mente capiámus. Per Dóminum.

Die 27 Septembris

SS. COSMAE et DAMIANI
Martyrum

Semiduplex

Introitus **Eccli. 44, 15 et 14**

SAPIÉNTIAM sanctórum narrent pópuli, et laudes eórum núnctiet eccléssia: nómina autem eórum vivent in saéculum saéculi. **Ps. 32, 1** Exsultáte, justi, in Dómino: rectos decet collaudátio. **Vl.** Glória Patri.

Oratio

PRAESTA, quaésumus, omnípotens Deus: ut, qui sanctórum Mártyrum tuórum Cosmae et Damiáni natalítia cólimus, a cunctis malis imminéntibus, eórum intercessiόνibus, liberémur. Per Dóminum.

Léctio libri Sapiéntiae.

Sap. 5, 16-20

JÚSTI autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accípient regnum decóris, et diadéma speciéi de manu Dómini: quóniam déxtera sua teget eos, et bráchio sancto suo deféndet illos. Accípient armatúram zelus illíus, et armábit creatúram ad últiónem inimicórum. Induet pro thoráce justítiam, et accípient pro gálea iudícium certum. Sumet scutum inexpugnábile aequitátem.

Graduale Ps. 33, 18-19 Clamavérunt justi, et Dóminus exaudivít eos: et ex ómnibus tribulatiónibus eórum liberávit eos. **Vl.** Juxta est Dóminus his, qui tribuláto sunt corde: et húmiles spírítu salvábit.

Allelúja, allelúja. **Vl.** Haec est vera fratérnitas, quae vicit mundi crímina: Christum secúta est, ínclita tenens regna caeléstia. Allelúja.

+ Sequéntia sancti Evangéllii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 5, 12-13 Gloriabúntur in te omnes, qui díligunt nomen tuum: quóniam tu, Dómine, benedíces justo: Dómine, ut scuto bonae voluntátis tuae coronásti nos.

Secreta

SANCTORUM tuorum nobis, Domine, pia non desit oratio: quae et munera nostra conciliet, et tuam nobis indulgentiam semper obtineat. Per Dominum.

Communio Ps. 78, 2 et 11 Posuerunt mortalia servorum tuorum, Domine, escas volatilibus caeli, carnes sanctorum tuorum bestiis terrae: secundum magnitudinem brachii tui posside filios morte punitorum.

Postcommunio

PROTEGAT, quaesumus, Domine, populum tuum et participatio caelestis indulgentiae convivii, et deprecatio collata Sanctorum. Per Dominum.

Die 28 Septembris
S. WENCESLAI

Ducis, Martyris

Semiduplex

Missa In virtute, **de Comuni unius Martyris 3 loco, praeter Orationem sequentem.**

Oratio P

DEUS, qui beatum Wenceslaum per martyrii palmam a terreno principatu ad caelestem gloriam transtulisti: ejus precibus nos ab omni adversitate custodi; et ejusdem tribue gaudere consortio. Per Dominum.

Secreta C

MUNERIBUS nostris, quaesumus, Domine, precibusque susceptis: et caelestibus nos munda mysteriis, et clementer exaudi. Per Dominum.

Postcommunio C

DA, quaesumus, Domine Deus noster: ut, sicut tuorum commemoratione Sanctorum temporali gratulamur officio; ita perpetuo laetemur aspectu. Per Dominum.

Die 29 Septembris

IN DEDICATIONE
S. MICHAELIS

Archangeli

Duplex I classis

Introitus **Ps. 102, 20**

BENEDICITE Dominum, omnes Angeli ejus: potentes virtute, qui facitis verbum ejus, ad audiendam vocem sermonum ejus. **Ps. ibid., 1** Benedic, anima mea, Domino: et omnia, quae intra me sunt, nomini sancto ejus. **V.** Gloria Patri.

Oratio

DEUS, qui, miro ordine, Angelorum ministeria hominumque dispensas: concede propitius; ut, a quibus tibi ministrantibus in caelo semper assistitur, ab his in terra vita nostra muniatur. Per Dominum.

Lectio libri Apocalypsis beati Joannis Apostoli.

Apoc. 1, 1-5

IN diebus illis: Significavit Deus quae oportet fieri cito, mittens per Angelum suum servo suo Joanni, qui testimonium perhibuit verbo Dei, et testimonium Jesu Christi, quaecumque vidit. Beatus qui legit et audit verba prophetiae hujus: et servat ea, quae in ea scripta sunt: tempus enim prope est. Joannes septem ecclesiis, quae sunt in Asia. Gratia vobis, et pax ab eo, qui est, et qui erat, et qui venturus est: et a septem spiritibus, qui in conspectu throni ejus sunt: et a Jesu Christo, qui est testis fidelis, primogenitus mortuorum, et princeps regum terrae, qui dilexit nos, et lavit nos a peccatis nostris in sanguine suo.

Graduale Ps. 102, 20 et 1 Benedicite Dominum, omnes Angeli ejus: potentes virtute, qui facitis verbum ejus. **V.** Benedic, anima mea, Dominum, et omnia interiora mea nomen sanctum ejus.

Allelúja , allelúja. *Vl.* Sancte Michaël Archángele, defénde nos in praélio: ut non pereámus in treméndo iudício. Allelúja.

+ Sequéntia sancti Evangéllii secúndum Matthaéum.

Matth. 18, 1-10

IN illo témpore: Accessérunt discípuli ad Jesum dicétes: Quis, putas, major est in regno caelórum ? Et ádvocans Jesus párvulum státuit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Vae mundo a scándalis. Necesse est enim ut véniant scándala: verúmtamen vae hómini illi, per quem scándalum venit. Si autem manus tua, vel pes tuus scandalízat te, abscíde eum, et prójice abs te: bonum tibi est ad vitam íngredi débilem vel claudum, quam duas manus, vel duos pedes habéntem, mitti in ignem aetérnum. Et si óculus tuus scandalízat te, érué eum, et prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusíllis: dico enim vobis quia Angeli eórum in caelis semper vident fáciem Patris mei, qui in caelis est.

Credo.

Offertorium Apoc. 8, 3 et 4 Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei, allelúja.

Secreta

HÓSTIAS tibi, Dómine, laudis offérimus, supplicíter deprecátes: ut eásdem, angélico pro nobis interveniénte suffrágio, et placátus accípias, et ad salútem nostram proveníre concédas. Per Dóminum.

Communio Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in saécula.

Postcommunio

BEÁTI Archángeli tui Michaélis intercessióne suffúlti: súpplíces te, Dómine, deprecámur ; ut, quod ore proséquimur, contingámus et mente. Per Dóminum.

* **In Missis votivis omnia ut supra, sed post Septuagesimam dicitur**

Graduale Ps. 148, 1-2 Laudáte Dóminum de caelis: laudáte eum in excélsis. *Vl.* Laudáte eum, omnes Angeli ejus: laudáte eum, omnes virtútes ejus.

Tractus Ps. 102, 20 Benedícite Dóminum, omnes Angeli ejus: poténtes virtúte, qui fáctis verbum ejus. *Vl.* **Ibid., 21-22** Benedícite Dómino, omnes virtútes ejus: ministri ejus, qui fáctis voluntátem ejus. *Vl.* Benedícite Dómino, ómnia ópera ejus: in omni loco dominatiónis ejus, bédedic, ánima mea, Dómino.

Tempore autem Paschali Missa dicitur ut in ejus Apparitione, die 8 Maji.

Die 30 Septembris

S. HIERONYMI

Presbyteri, Confessoris et Ecclesiae Doctoris

Duplex

Missa In médio, **de Communi Doctorum, cum Orationibus ut infra, et dicitur** Credo.

Oratio

P

DEUS, qui Eccléssiae tuae in exponéndis sacris Scriptúris beátum Hierónymum Confessórem tuum, Doctórem máximum providére dignátus es: praesta, quaésumus ; ut, ejus suffragántibus méritis, quod ore simul et ópere dócuit, te adjuvánte, exercére valeámus. Per Dóminum.

Secreta

P

DONIS caeléstibus da nobis, quaésumus, Dómine, líbera tibi mente servíre: ut múnera quae deférimus, interveniénte beáto Hierónymo Confessóre tuo, et medélam nobis operéntur, et glóriam. Per Dóminum.

Postcommunio

P

REPLÉTI alimónia caelésti, quaésumus, Dómine: ut, interveniénte beáto Hierónymo Confessóre tuo, misericórdiae tuae grátiam cónsequi mereámur. Per Dóminum nostrum.

FESTA OCTOBRIS

* Prima die mensis in qua fiat Officium de Feria communi, et primo resumenda non sit Missa praecedentis Dominicae impedita, in Choro post Primam dicitur Missa conventualis pro Defunctis, juxta Rubricas, et in Missis privatis, quae non sint Defunctorum, paenultimo loco dicitur Oratio Fidélium.

Die 1 Octobris **S. REMIGII**

Episcopi et Confessoris

Simplex

Missa Státuit, de Communi Confessoris Pontificis 1 loco.

Oratio

C

DA, quaésumus, omnípotens Deus: ut beáti Remíggii Confessóris tui atque Pontíficis veneránda solémnitas, et devotióne nobis áugeat, et salútem. Per Dóminum.

Secreta

C

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Postcommunio

C

PRAESTA, quaésumus, omnípotens Deus: ut, de percéptis munéribus grátias exhibéntes, intercedénte beáto Remíggio Confessóre tuo atque Pontífice, benefícia potióra sumámus. Per Dóminum.

Die 2 Octobris **SS. ANGELORUM CUSTODUM**

Duplex majus

Introitus Ps. 102, 20

BENEDÍCITE Dóminum, omnes Angeli ejus: poténtes virtúte, qui fáctis verbum ejus, ad audiéndam vocem sermónum ejus. Ps. *ibi d.*, 1 Benedic, ánima mea, Dómino: et ómnia, quae intra me sunt, nómini sancto ejus. *Vl.* Glória Patri.

Oratio

DEUS, qui ineffábili providéntia sanctos Angelos tuos ad nostram custódiám mittere dignáris: largíre supplícibus tuis ; et eórum semper protectióne deféndi, et aetérna societáte gaudére. Per Dóminum.

Léctio libri Exodi.

Exodi 23, 20-23

HAEC dicit Dóminus Deus: Ecce ego mittam Angelum meum, qui praecedat te, et custódiat in via, et introducat in locum, quem parávi. Obsérva eum, et audi vocem ejus, nec contemnéndum putes: quia non dimíttet cum peccáveris, et est nomen meum in illo. Quod si audíeris vocem ejus, et féceris ómnia, quae loquor, inimícus ero inimícis tuis, et afflígam affligéntes te: praecedétque te Angelus meus.

Graduale Ps. 90, 11-12 Angelis suis mandávit de te, ut custódiant te in ómnibus viis tuis. *Vl.* In mánibus portábunt te, ne umquam offéndas ad lápidem pedem tuum.

Allelúja, allelúja. *Vl.* Ps. 102, 21 Benedícite Dómino, omnes virtútes ejus: minístri ejus, qui fáctis voluntátem ejus. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 102, 20 Benedícite Dóminum, omnes Angeli ejus: poténtes virtúte, qui fácitis verbum ejus. *Vl.* *Ibid.*, 21-22 Benedícite Dómino, omnes virtútes ejus: ministri ejus, qui fácitis voluntátem ejus. *Vl.* Benedícite Dómino, ómnia ópera ejus: in omni loco dominatiónis ejus, bénedic, ánima mea, Dómino.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* Ps. 137, 1-2 In conspéctu Angelórum psallam tibi: adorábo ad templum sanctum tuum, et confitébor nómini tuo. Allelúja. *Vl.* Matth. 28, 2 Angelus Dómini descéndit de caelo, et accédens revólvit lápidem, et sedébat super eum. Allelúja.

+ Sequéntia sancti Evangélii secúndum Matthaéum.

Matth. 18, 1-10

IN illo témpore: Accessérunt discípuli ad Jesum, dicéntes: Quis putas, major est in regno caelórum ? Et ádvocans Jesus párvulum stáruit eum in médio eórum, et dixit: Amen dico vobis, nisi convérsi fuéritis, et efficiámini sicut párvuli, non intrábitis in regnum caelórum. Quicúmque ergo humiliáverit se sicut párvulus iste, hic est major in regno caelórum. Et qui suscéperit unum párvulum talem in nómine meo, me súscipit. Qui autem scandalizáverit unum de pusíllis istis, qui in me credunt, expedit ei, ut suspendátur mola asinária in collo ejus, et demergátur in profúndum maris. Vae mundo a scándalis. Necesse est enim ut véniant scándala: verúmtamen vae hómini illi, per quem scándalum venit. Si autem manus tua, vel pes tuus scandalízat te, abscíde eum, et prójice abs te: bonum tibi est ad vitam íngredi débilem vel claudum, quam duas manus, vel duos pedes habéntem, mitti in ignem aetérnum. Et si óculus tuus scandalízat te, érué eum, et prójice abs te: bonum tibi est cum uno óculo in vitam intráre, quam duos óculos habéntem mitti in gehénnam ignis. Vidéte ne contemnátis unum ex his pusíllis: dico enim vobis, quia Angeli eórum in caelis semper vident fáciem Patris mei, qui in caelis est.

Credo.

Offertorium Ps. 102, 20 et 21 Benedícite Dóminum, omnes Angeli ejus: ministri ejus, qui fácitis verbum ejus, ad audiéndam vocem sermónum ejus.

Secreta

SÚSCIPE, Dómine, múnera, quae pro sanctórum Angelórum tuórum veneratióne deférimus: et concéde propítius ; ut perpétuis eórum praesídiis, a praeséntibus perículis liberémur, et ad vitam perveniámus aetérnam. Per Dóminum.

Communio Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in saécula.

Postcommunio

SÚMPSIMUS, Dómine, divína mystéria, sanctórum Angelórum tuórum festivitáte laetántes: quaesumus ; ut eórum protectiÓne ab hóstium júgiter liberémur insídiis, et contra ómnia advérsa muniámur. Per Dóminum.

Die 3 Octobris

S. TERESIAE A JESU INFANTE

Virginis

Duplex

Introitus Cant. 4, 8-9

VENI de Líbano, sponsa mea, veni de Líbano, veni: vulnerásti cor meum, soror mea sponsa, vulnerásti cor meum. Ps. 112, 1 Laudáte, púeri, Dóminum: laudáte nomen Dómini. *Vl.* Glória Patri.

Oratio

DÓMINE, qui dixísti: Nisi efficiámini sicut párvuli, non intrábitis in regnum caelórum: da nobis, quaesumus ; ita sanctae Terésiae Vírginis in humilitáte et simplicitáte cordis vestígia sectári, ut praémia consequámur aetérna: Qui vivis.

Léctio Isaíae Prophétae.

Isai. 66, 12-14

HAEC dicit Dóminus: Ecce ego declinábo super eam quasi flúvium pacis, et quasi torrentem inundántem glóriam géntium, quam sugétis: ad úbera portabímíni, et super génua blandiéntur vobis. Quómodo si cui mater blandiátur, ita ego consolábor vos, et in Jerúsalem consolabímíni. Vidébitis, et gaudébit cor vestrum, et ossa vestra quasi herba germinábunt, et cognoscétur manus Dómini servis ejus.

Graduale Matth. 11, 25 Confíteor tibi, Pater, Dómine caeli et terrae, quia abscondísti haec a sapiéntibus et prudéntibus, et revelásti ea párvulis. **Vl. Ps. 70, 5** Dómine, spes mea a juventúte mea.

Allelúja, allelúja. **Vl. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte, flores, quasi lílium, et date odórem, et frondéte in grátiam, et collaudáte cánticum, et benedicite Dóminum in opéribus suis. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Cant. 2, 11-12 Jam hiems tránsiit, imber ábiit et recéssit. **Vl.** Flores apparuérunť in terra nostra, tempus putatiónis advénit: vox túrturis audíta est in terra nostra. **Vl. Jer. 31, 3** In caritáte perpétua diléxi te: ideo attráxi te, míserans tui.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Eccli. 39, 17-19** Quasi rosa plantáta super rivos aquárum fructificáte: quasi Líbanus odórem suavitátis habéte: floréte, flores, quasi lílium, et date odórem, et frondéte in grátiam, et collaudáte cánticum, et benedicite Dóminum in opéribus suis. Allelúja. **Vl. Ps. 33, 9 ; 99, 5** Gustáte, et vidéte, quóniam suávis est Dóminus: in aetérnum misericórdia ejus. Allelúja.

+ Sequéntia sancti Evangéllii secúndum Matthaéum.

Matth. 18, 1-4

IN illo témpore: Accessérunt discípuli ad Jesum, dicéntes: Quis, putas, major est in regno caelórum ? Et ádvocans Jesus párvulum, stáruit eum in médio eórum, et dixit: Amen dico vobis, nisi convérsi fuéritis, et efficiámíni sicut párvuli, non intrábíitis in regnum caelórum. Quicúmque ergo humiliáverit se sicut párvulus iste, hic est maj or in regno caelórum.

Offertorium Luc. 1, 46-48 et 49 Magníficat ánima mea Dóminum: et exsultávit spíritus meus in Deo salutári meo: quia respéxit humilitátem ancíllae suae: fecit mihi magna qui potens est.

Secreta

SACRIFÍCIUM nostrum tibi, Dómine, quaésumus, sanctae Terésiae Vírginis tuae precátio sancta concíliet: ut, in cujus honóre solémniter exhibétur, ejus méritis efficiátur accéptum. Per Dóminum.

Communio Deut. 32, 10-12 Circumdúxit eam, et dócuit: et custodívit quasi pupíllam óculi sui. Sicut áquila expándit alas suas, et assúmpsit eam, atque portávit in húmeris suis. Dóminus solus dux ejus fuit.

Postcommunio

ILLO nos, Dómine, amóris igne caeléste mystérium inflámmet: quo sancta Terésia Virgo tua se tibi pro homínibus caritátis víctmam devovit. Per Dóminum.

Die 4 Octobris
S. FRANCISCI

Confessoris

Duplex majus

Introitus Gal. 6, 14

MIHI autem absit gloriári, nisi in cruce Dómini nostri Jesu Christi, per quem mihi mundus crucifíxus est, et ego mundo. **Ps. 141, 2** Voce mea ad Dóminum clamávi: voce mea ad Dóminum deprecátus sum. **Vl.** Glória Patri.

Oratio

DEUS, qui Ecclésiám tuam, beáti Francísci méritis fetu novae prolis amplíficas: tríbue nobis ; ex ejus imitatióne, terréna despícere, et caeléstium donórum semper participatióne gaudére. Per Dóminum.

Léctio Epístolae beáti Pauli Apóstoli ad Gálatas.

Gal. 6, 14-18

FRATRES: Mihi autem absit gloriári, nisi in cruce Dómini nostri Jesu Christi: per quem mihi mundus crucifíxus est, et ego mundo. In Christo enim Jesu neque circumcísio áliquíd valet, neque praepútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israél Dei. De cétero nemo mihi moléstus sit: ego enim stígmata Dómini Jesu in córpore meo porto. Grátia Dómini nostri Jesu Christi cum spírítu vestro, fratres. Amen.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **Vl.** Lex Dei ejus in corde ipsíus: et non supplantabúntur gressus ejus.

Allelúja, allelúja. **Vl.** Francíscus pauper et húmilis caelum dives ingréditur, hymnis caeléstibus honorátur. Allelúja.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **Vl.** Francíscus pauper et húmilis caelum dives ingréditur, hymnis caeléstibus honorátur. Allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja.

+ Sequéntia sancti Evangélii secúndum Matthaéum.

Matth. 11, 25-30

IN illo témpore: Respóndens Jesus, dixit: Confíteor tibi, Pater, Dómine caeli et terrae, quia abscondísti haec a sapiéntibus et prudéntibus, et revelásti ea párvulis. Ita, Pater: quóniam sic fuit plácitum ante te. Omnia mihi trádicta sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis, et oneráti estis, et ego refíciam vos. Tóllite jugum meum super vos, et discite a me, quia mitis sum, et húmilis córde: et inveniétis réquiem animábus vestris. Jugum enim meum suáve est, et onus meum leve.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

MÚNERA tibi, Dómine, dicáta sanctífica: et, intercedénte beáto Francíscó, ab omni nos culpárum labe purífica. Per Dóminum.

Communio Luc. 12, 42 Fidélis servus et prudens, quem constítuit dóminus super famíliam suam: ut det illis in témpore trítici mensúram.

Postcommunio

ECCLÉSIAM tuam, quaésumus, Dómine, grátia caeléstis amplíficet: quam beáti Francísci Confessóris tui illumináre voluísti gloriósis méritis et exémplic. Per Dóminum.

Die 5 Octobris

SS. PLACIDI ET SOCIORUM

Martyrum

Simplex

Missa Salus autem, **de Communi plurimorum Martyrum 3 loco, cum Orationibus ut infra.**

Oratio

P

DEUS, qui nos concédís sanctórum Mártyrum tuórum Plácidi et Sociórum ejus natalítia cólere: da nobis in aetérna beatitúdine de eórum societáte gaudére. Per Dóminum.

Secreta

P

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et

nobis salutária, te miseránte, reddántur. Per Dóminum.

Postcommunio

P

PRAESTA nobis, quaésumus, Dómine: intercedéntibus sanctis Martýribus tuis Plácido et Sóciis ejus ; ut, quod ore contíngimus, pura mente capiámus. Per Dóminum.

Die 6 Octobris

S. BRUNONIS

Confessoris

Duplex

Missa Os justi, de Communi Confessoris non Pontificis 1 loco, cum Orationibus ut infra.

Oratio

P

SANCTI Brunónis Confessóris tui, quaésumus, Dómine, intercessiónibus adjuvémur: ut, qui majestátem tuam grávitèr delinquéndo offéndimus, ejus méritis et précibus, nostrórum delictórum véniam consequámur. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Postcommunio

P

QUSUMUS, omnípotens Deus: ut, qui caeléstia aliménta percépimus, intercedénte beáto Brunóne Confessóre tuo, per haec contra ómnia advérsa muniámur. Per Dóminum.

Die 7 Octobris

**SACRATISSIMI ROSARII
BEATAE MARIAE VIRGINIS**

Duplex II classis

Introitus

GAUDEÁMUS omnes in Dómino, diem festum celebrántes sub honóre beátae Maríae Vírginis: de cujus solemnitate gaudent Angeli, et colláudant Fílium Dei. Ps. 44, 2 Eructávit cor meum verbum bonum: dico ego ópera mea Regi. V/. Glória Patri.

Oratio

DEUS, cujus Unigénitus per vitam, mortem et resurrectionem suam nobis salutis aetérnae praemia comparávit: concéde, quaésumus ; ut, haec mystéria sacratíssimo beátae Maríae Vírginis Rosário recoléntes, et imitémur quod cóntinent, et quod promíttunt, assequámur. Per eúmdem Dóminum.

Et, in Missis privatis tantum, fit Commemoratio S. Marci Papae et Confessoris.

Oratio

GREGEM tuum, Pastor aetérne, placátus inténde: et per beátum Marcum Summum Pontíficem, perpétua protectione custódi ; quem totíus Ecclésiae praestitísti esse pastórem. (Per Dóminum.)

Deinde Commemoratio Ss. Sergii, Bacchi, Marcelli et Apuleji Martyrum, ut infra.

Léctio libri Sapiéntiae.

Prov. 8, 22-24 et 32-35

DÓMINUS possédit me in iníto viárum suárum, ántequam quidquam fáceret a princípío. Ab aetérno ordináta sum, et ex antíquis, ántequam terra fieret. Nondum erant abýssi, et ego jam concépta eram. Nunc ergo, filii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me, et qui vígilat ad fores meas quotidie, et obsérvat ad postes óstii mei. Qui me invénerit, invéniet vitam, et háuriet salutem a Dómino.

Graduale Ps. 44, 5, 11 et 12 Propter veritatem, et mansuetudinem, et justitiam: et deducet te mirabiliter dextera tua. **V.** Audi, filia, et vide, et inclina aurem tuam: quia concupivit Rex speciem tuam.

Allelúja, allelúja. V. Solémnitas gloriósae Vírginis Maríae ex sémine Abrahae, ortae de tribu Juda, clara ex stirpe David . Allelúja.

+ Sequéntia sancti Evangélii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus, et cogitábat, qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábít in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Offertorium Eccli. 24, 25 ; 39, 17 In me grátia omnis viae et veritátis, in me omnis spes vitae et virtútis: ego quasi rosa plantáta super rivos aquárum fructificávi.

Secreta

FAC nos, quaésumus, Dómine, his munéribus offeréndis conveniénter aptári: et per sacratíssimi Rosárii mystéria sic vitam, passiónem et glóriam Unigéniti tui recólere ; et ejus digni promissionibus efficiámur: Qui tecum.

**Pro S. Marco
Secreta**

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. (Per Dóminum.)

Deinde pro Ss. Martyribus.

Praefatio de beata Maria Virgine Et te in Festivátate.

Communio Eccli. 39, 19 Floréte, flores, quasi lílium, et date odórem, et frondéte in grátiam, collaudáte cánticum, et benedícite Dóminum in opéribus suis.

Postcommunio

SANCTÍSSIMAE Genitrícis tuae, cujus Rosárium celebrámus, quaésumus, Dómine, précibus adjuvémur: ut et mysteriórum, quae cólimus, virtus percipiátur ; et sacramentórum, quae sumpsimus, obtineátur efféctus: Qui vivis.

**Pro S. Marco
Postcommunio**

REFECTIÓNE sancta enutritám gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. (Per Dóminum.)

Deinde pro Ss. Martyribus.

Eadem die 7 Octobris

Pro S. MARCO
Papa et Confessore

Missa Si díligis me, **de Communi Summorum Pontificum.**

Item eadem die 7 Octobris

Pro SS. SERGIO, BACCHO,
MARCELLO et APULEJO
Martyribus

Missa Sapiéntiam, de Communi plurimorum Martyrum 2 loco, cum Orationibus ut infra.

Oratio

P

SANCTÓRUM Mártyrum tuórum nos, Dómine, Sérgii, Bacchi, Marcélli et Apuléji beáta mérita prosequántur: et tuo semper fáciant amóre fervéntes. Per Dóminum.

Secreta

P

MAJESTÁTEM tuam nobis, Dómine, quaésumus, haec hóstia reddat immolánda placátam, tuórum digna postulatióne Sanctórum. Per Dóminum.

Postcommunio

P

SACRAMÉNTIS, Dómine, muniámur accéptis: et sanctórum Mártyrum tuórum Sérgii, Bacchi, Marcélli et Apuléji intercessióne, contra omnes nequítias irruéntes, armis caeléstibus protegámur. Per Dóminum.

Die 8 OctobrisS. BRIGITTAE

Viduae

Duplex

Introitus **Ps. 118, 75 et 120**

COGNÓVI, Dómine, quia aéquitas júdicia tua, et in veritáte tua humiliásti me: confíge timóre tuo carnes meas, a mandátis tuis tímui . **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

DÓMINE Deus noster, qui beátae Brigíttae per Fílium tuum unigénitum secréta caeléstia revelásti: ipsíus pia intercessióne da nobis fámulis tuis ; in revelatióne sempitérnae glóriae tuae gaudére laetántes. Per eúmdem Dóminum.

Léctio Epístolae beáti Pauli Apóstoli ad Timótheum.

1 Tim. 5, 3-10

CARÍSSIME: Víduas honóra, quae vere víduae sunt. Si qua autem vídua fílios aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quae autem vere vídua est, et desoláta, speret in Deum, et instet obsecratióibus, et oratióibus nocte ac die. Nam quae in delíciis est, vivens mórtua est. Et hoc praécipe ut irreprehensíbiles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur non minus sexagínta annórum, quae fúerit uníus viri uxor, in opéribus bonis testimónium habens, si fílios educávit, si hospítio recépit, si sanctórum pedes lavit, si tribulatiónem patiéntibus subministrávit, si omne opus bonum subsecúta est.

Graduale Ps. 44, 3 Diffúsa est grátia in lábiis tuis: proptérea benedíxit te Deus in aetérnum. **Vl. Ibid., 5** Propter veritátem, et mansuetúdinem, et justítiam: et dedúcet te mirábiliter délixtera tua. Allelúja, allelúja . **Vl. Ibid., 5** Spécie tua, et pulchritúdine tua inténde, prospere procéde, et regna. Allelúja.

+ Sequéntia sancti Evangélli secúndum Matthaéum.

Matth. 13, 44-52

IN illo témpore: Dixit Jesus discípulis suis parábolam hanc: Símile est regnum caelórum thesauro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni género píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt.

Sic erit in consummatione saeculi: exibunt Angeli, et separabunt malos de medio iustorum, et mittent eos in caminum ignis: ibi erit fletus, et stridor dentium. Intellexistis haec omnia? Dicunt ei: Etiam. Ait illis: Ideo omnis scriba doctus in regno caelorum similis est homini patrifamilias, qui profert de thesauro suo nova et vetera.

Offertorium Ps. 44, 3 Diffusa est gratia in labiis tuis: propterea benedixit te Deus in aeternum, et in saeculum saeculi.

Secreta

ACCÉPTA tibi sit, Dómine, sacratae plebis oblatio pro tuorum honore Sanctorum: quorum se méritis de tribulatione percepisse cognoscit auxilium. Per Dóminum.

Communio Ps. 44, 8 Dilexisti iustitiam, et odisti iniquitatem: propterea unxit te Deus, Deus tuus, oleo laetitiae prae consortibus tuis.

Postcommunio

C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 9 Octobris

S. JOANNIS LEONARDI

Confessoris

Duplex

Introitus **Eccl. 42, 15-16**

IN sermónibus Dómini ópera ejus: sol illúminans per ómnia respéxit, et glória Dómini plenum est opus ejus. **Ps. 95, 1** Cantáte Dómino cánticum novum: cantáte Dómino, omnis terra. **Vl.** Glória Patri.

Oratio

DEUS, qui beátum Joánnem Confessórem tuum, ad fidem in géntibus propagándam mirabíliter excitáre dignátus es, ac per eum in erudiéndis fidélibus novam in Ecclesia tua famíliam congregásti: da nobis fámulis tuis; ita ejus institútis profícere, ut praemia consequámur aeterna. Per Dóminum.

Et fit Commemoratio Ss. Dionysii, Episcopi et Martyris ac Rustici et Eleutherii Martyrum.

Oratio

DEUS, qui hodiérna die beátum Dionýsium Mártirem tuum atque Pontíficem, virtúte constántiae in passióne roborásti, quique illi, ad praedicándum géntibus glóriam tuam, Rústicum et Eleuthérium sociáre dignátus es: tríbue nobis, quaesumus; eórum imitatioe, pro amóre tuo próspéra mundi despícere, et nulla ejus advérsa formidáre. Per Dóminum.

Lectio Epístolae beáti Pauli Apóstoli ad Corínthios.

2 Cor. 4, 1-6 et 15-18

FRATRES: Habéntes administratióem juxta quod misericórdiam consecúti sumus, non defícimus, sed abdicámus occúlta dedécoris, non ambulátes in astútia, neque adulterátes verbum Dei, sed in manifestatióne veritátis commendátes nosmetípsos ad omnem consciéntiam hóminum coram Deo. Quod si étiam opértum est Evangélium nostrum: in iis, qui péreunt, est opértum: in quibus Deus hujus saeculi excaecávit mentes infidélium, ut non fúlgeat illis illuminatió Evangélii glóriae Christi, qui est imágo Dei. Non enim nosmetípsos praedicámus, sed Jesum Christum Dóminum nostrum: nos autem servos vestros per Jesum: quóniam Deus, qui dixit de ténebris lucem splendescere, ipse illúxit in córdibus nostris ad illuminatióem sciéntiae claritátis Dei, in fácie Christi Jesu. Omnia enim propter vos: ut grátia abúndans, per multos in gratiárum actióne, abúndet in glóriam Dei. Propter quod non defícimus: sed licet is, qui foris est, noster homo corrumpátur: tamen is, qui intus est, renovátur de die in diem. Id enim, quod in praesénti est momentáneum et leve tribulatióis nostrae, supra modum in sublimitáte aeternum glóriae pondus operátur in nobis, non contemplántibus nobis quae vidéntur, sed quae non vidéntur. Quae enim vidéntur, temporália sunt: quae autem non vidéntur, aeterna sunt.

Graduale Ps. 72, 21; 68, 10 Inflammátum est cor meum, et renes mei commutáti sunt: zelus domus tuae comédit me. **Vl. Isai. 49, 2** Pósuit os meum quasi gládium acútum: in umbra manus suae protéxit me, et

pósuit me sicut sagittam eléctam.

Allelúja, allelúja . *Vl. Ps. 70, 7* Tamquam prodígium factus sum multis: et tu adjútor fortis. Allelúja.

In Missis votivis p ost Septuagesimam, omissis Allelúja et Versu sequenti, dicitur

Tractus Ps. 54, 3-4 et 17 Contristátus sum in exercitatióne mea: et conturbátus sum a voce inimíci, et a tribulatióne peccatóris. *Vl.* Quóniam declinavérunt in me iniquitátes: et in ira molésti erant mihi. *Vl.* Ego autem ad De um clamávi: et Dóminus salvábit me.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Ps. 51, 10* Sicut olíva fructífera in domo Dei, sperávi in misericórdia Dei in aetérnum: et in saéculum saéculi. Allelúja. *Vl. Ps. 61, 8* In Deo salutáre meum, et glória mea: Deus auxiliíi mei, et spes mea in Deo est. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infirmos qui in illa sunt, et dícite illis: Appropinquávit in vos regnum Dei.

Offertorium Col. 1, 25 Christi factus sum ego mínister secúndum dispensatiónem Dei, quae data est mihi, ut ímpleam verbum Dómini.

Secreta

SÚSCIPE, Dómine, oblatiÓnem mundam salutáris hóstiae: et praesta ; ut intercedénte beáto Joánne Confessóre tuo, ubique géntium júgiter offerátur. Per Dóminum.

Pro Ss. Martyribus

Secreta

OBLÁTA tibi, Dómine, múnera pópuli tui, pro tuórum honóre Sanctórum, súscipe propítius, quaésumus: et eórum nos intercessióne sanctífica. Per Dóminum.

Communio Philipp. 3, 7 Quae mihi fuérunt lucra, haec arbitrátus sum propter Christum detriménta.

Postcommunio

PRETIÓSI córporis, et ságuinis tui sacris refécti mystériis, Dómine, adprecámur: ut beáti Joánnis Confessóris tui exémplo, studeámus confitéri quod crédidit, et ópere exercére quod dócuit: Qui vivis.

Pro Ss. Martyribus

Postcommunio

SUMPTIS, Dómine, sacraméntis, quaésumus: ut, intercedéntibus beátis Martýribus tuis Dionýsio, Rústico et Eleuthério, ad redemptiÓnis aetérnae proficiámus augméntum. Per Dóminum.

Eadem die 9 Octobris

Pro SS. DIONYSIO
Episcopo et martyre
ac RUSTICO et ELEUTHERIO
Martyribus

Introitus **Eccli. 44, 15 et 14**

SAPIÉNTIAM sanctórum narrent pópuli, et laudes eórum nún tiet ecclé sia: nómina autem eórum vivent in saéculum saéculi. **Ps. 32, 1** Exsultáte, justi, in Dómino: rectos decet collaudátió. *Vl.* Glória Patri.

Oratio

DEUS, qui hodierna die beátum Dionýsium Mártýrem tuum atque Pontíficem, virtúte constántiae in passióne roborásti, quique illi, ad praedicándum géntibus glóriam tuam, Rústicum et Eleuthérium sociáre dignátus es: tríbue nobis, quaesumus ; eórum imitatióne, pro amóre tuo próspere mundi despícere, et nulla ejus advérsa formidáre. Per Dóminum.

Léctio Actuum Apostolorum.

Act. 17, 22-34

IN diébus illis: Stans Paulus in médio Areopági, ait: Viri Athenienses, per ómnia quasi supersticiosiores vos vídeo. Praetériens enim, et videns simulácre vestra, invéni et aram, in qua scriptum erat: Ignóto Deo. Quod ergo ignorátes cólitis, hoc ego annúntio vobis. Deus, qui fecit mundum, et ómnia, quae in eo sunt, hic caeli et terrae cum sit Dóminus, non in manufáctis templis hábitat, nec mánibus humánis cólitur índigens áliquo, cum ipse det ómnibus vitam, et inspiratiónem, et ómnia: fecítque ex uno omne genus hóminum inhabitáre super univérsam fáciem térrae, definiens statúta témpora, et términos habitatiónis eórum, quaerere Deum, si forte attréctent eum, aut invéniant, quamvis non longe sit ab unoquoque nostrum. In ipso enim vívimus, et movémur, et sumus: sicut et quidam vestrórum poëtárum dixerunt: Ipsius enim et genus sumus. Genus ergo cum simus Dei, non debémus aestimáre auro, aut argénto, aut lápidi, sculptúrae artis, et cogitatiónis hóminis, Divinum esse símile. Et témpora quidem hujus ignorántiae despiciens Deus, nunc annúntiat homínibus ut omnes ubíque paeniténtiam agant, eo quod státuit diem, in quo judicatúrus est orbem in aequitáte, in viro, in quo státuit, fidem praebens ómnibus, súscitans eum a mórtuis. Cum audissent autem resurrectiónem mortuórum, quidam quidem irridébant, quidam vero dixerunt: Audiémus te de hoc íterum. Sic Paulus exívit de médio eórum. Quidam vero viri adhaeréntes ei, credidérunt: in quibus et Dionýsius Areopagíta, et múlier nómine Dámaris, et álii cum eis.

Graduale Ps. 123, 7-8 Anima nostra, sicut passer, erépta est de láqueo venántium. **Vl.** Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram.

Allelúja, allelúja. **Vl. Ps. 67, 4** Justi epuléntur, et exsúltent in conspéctu Dei: et delecténtur in laetítia. Allelúja.

+ Sequéntia sancti Evangélii secúndum Lucam.

Luc. 12, 1-8

IN illo témpore: Dixit Jesus discipulis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque absconditum, quod non sciátur. Quóniam, quae in ténebris dixístis, in lúmine dicéntur: et quod in aurem locúti estis in cubículis, praedicábitur in tectis. Dico autem vobis amícis meis: Ne terreámini ab his qui occídunt corpus, et post haec non habent ámplius quid fáciant. Osténdam autem vobis quem timeátis: timéte eum, qui, postquam occiderit, habet potestátem míttre in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in oblivióne coram Deo ? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis, quicumque conféssus fúerit me coram homínibus, et Fílius hóminis confitétur illum coram Angelis Dei.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatiónes Dei in fáucibus eórum, allelúja.

Secreta

OBLÁTA tibi, Dómine, múnera pópuli tui, pro tuórum honóre Sanctórum, súscipe propítius, quaesumus: et eórum nos intercessióne sanctífica. Per Dóminum.

Communio Luc. 12, 4 Dico autem vobis amícis meis: ne terreámini ab his, qui vos persequúntur.

Postcommunio

SUMPTIS, Dómine, sacraméntis, quaesumus: ut, intercedéntibus beátis Martýribus tuis Dionýsio, Rústico et Eleuthério, ad redemptiónis aetérnae proficiámus augméntum. Per Dóminum.

Die 10 Octobris
S. FRANCISCI BORGIAE

Confessoris

Semiduplex

Missa Os justi, de Communi Abbatum, cum Orationibus ut infra.

Oratio P

DÓMINE Jesu Christe, verae humilitátis et exéplar et praémium: quaésumus ; ut, sicut beátum Francíscum in terréni honóris contéptu imitatórem tui gloriósum effecísti, ita nos ejúsdem imitatiónis et glóriæ tríbuas esse consórtes: Qui vivis.

Secreta P

SACRIS altáribus, Dómine, hóstias superpóitas sanctus Francíscus, quaésumus, in salútem nobis proveníre depóscat. Per Dóminum.

Postcommunio P

PRÓTEGAT nos, Dómine, cum tui perceptióne sacraménti beátus Francíscus, pro nobis intercedéndo: ut et conversatiónis ejus experiámur insígnia, et intercessiónis percipiámus suffrágia. Per Dóminum.

Die 11 Octobris
MATERNITATIS
BEATAE MARIAE VIRGINIS

Duplex II classis

Introitus **Isai. 7, 14**

ECCE Virgo concípiet, et páriet Fílium, et vocábitur nomen ejus Emmánuel. **Ps. 97, 1** Cantáte Dómino cánticum novum, quia mirabília fecit. **Vl.** Glória Patri.

Oratio

DEUS, qui de beátae Maríae Vírginis útero Verbum tuum, Angelo nuntiánte, carnem suscípere voluísti: praesta supplicibus tuis ; ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Léctio libri Sapiéntiae.

Eccli. 24, 23-31

EGO quasi vitis fructificávi suavitátem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatiónes saeculórum. Qui edunt me, adhuc esúriunt: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Isai. 11, 1-2 Egrediétur virga Jesse, et flos de radíce ejus ascéndet. **Vl.** Et requiéscet super eum Spíritus Dómini.

Allelúja, allelúja. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja.

+ Sequéntia sancti Evangélii secúndum Lucam.

Luc. 2, 43-51

IN illo témpore: Cum redírent, remánsit puer Jesus in Jerúsalem, et non cognóverunt paréntes ejus. Existimántes autem illum esse in comitátu, venérunt iter diéi, et requirébant eum inter cognátos, et notos. Et non inveniéntes, regréssi sunt in Jerúsalem, requiréntes eum. Et factum est, post tríduum invenérunt illum in templo sedéntem in médio doctórum, audiéntem illos, et interrogántem eos. Stupébant autem omnes, qui eum audiébant super prudéntia, et respónsis ejus. Et vidéntes admiráti sunt. Et dixit mater ejus ad illum: Fili, quid fecísti nobis sic ? ecce pater tuus, et ego doléntes quaerebámus te. Et ait ad illos: Quid est quod me quaerebátis ? nesciebátis quia in his quae Patris mei sunt, opórtet me esse ? Et ipsi non intellexérunt verbum quod locútus est ad eos. Et descéndit cum eis, et venit Názaeth: et erat súbditus illis.

Credo.

Offertorium Matth. 1, 18 Cum esset desponsáta mater ejus María Joseph, invénta est in útero habens de Spíritu Sancto.

Secreta

TUA, Dómine, propitiatióne, et beátae Maríae semper Vírginis Unigéniti tui Matris intercessióne, ad perpétuam atque praeséntem haec oblátio nobis proficiat prosperitátem et pacem. Per eúmdem Dóminum.

Praefatio de beata Maria Virgine Et te in Festivátate.

Communio Beáta víscera Maríae Vírginis, quae portavérunt aetérni Patris Fílium.

Postcommunio

HAEC nos commúnio, Dómine, purget a crímine: et, intercedénte beáta Vírgine Dei Genitríce María, caeléstis remédii fáciat esse consórtes. Per eúmdem Dóminum nostrum.

Die 13 Octobris
S. EDUARDI

Regis, Confessoris

Semiduplex

Missa Os justi, **de Communi Confessoris non Pontificis 1 loco, praeter Orationem sequentem.**

Oratio P

DEUS, qui beátum regem Eduárdum Confessórem tuum, aeternitátis glória coronásti: fac nos, quaesumus ; ita eum venerári in terris, ut cum eo regnáre possímus in caelis. Per Dóminum.

Secreta C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus, et futúris. Per Dóminum.

Postcommunio C

REFÉCTI cibo potúque caelésti, Deus noster, te súpplíces exorámus: ut, in cujus haec commemoratióne percépimus, ejus muniámur et précibus. Per Dóminum.

Die 14 Octobris
S. CALLISTI I

Papae et Martyris

Duplex

Missa Si díligis me, **de Communi Summorum Pontificum, praeter Orationes sequentes.**

Oratio P

DEUS, qui nos cónspicis ex nostra infirmitáte defícere: ad amórem tuum nos misericórditer per Sanctórum tuórum exéempla restáura. Per Dóminum.

Secreta P

MÝSTICA nobis, Dómine, prosit oblátio: quae nos et a reátibus nostris expédíat, et perpétua salvatióne confímet. Per Dóminum.

Postcommunio P

QUSUMUS omnípotens Deus: ut reátus nostros múnere sacráta puríficent, et recte vivéndi nobis operéntur efféctum. Per Dóminum.

Die 15 Octobris

Die 15 OctobrisS. TERESIAE

Virginis

Duplex

Missa Dilexisti, **de Communi Virginum 3 loco, praeter Orationem sequentem.**

Oratio P

EXÁUDI nos, Deus salutáris noster: ut, sicut de beátae Terésiae Vírginis tuae festivitáte gaudémus ; ita caeléstis ejus doctrínae pábulo nutriámur, et piae devotiónis erudiámur afféctu. Per Dóminum.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Postcommunio C

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 16 OctobrisS. HEDWIGIS

Viduae

Semiduplex

Missa Cognóvi, **de Communi non Virginum 2 loco, praeter Orationem sequentem.**

Oratio P

DEUS, qui beátam Hedwígem a saéculi pompa ad húmílem tuae Crucis sequélam toto corde transíre docuísti: concéde ; ut ejus méritis et exémplo discámus peritúras mundi calcáre delicias, et in amplexu tuae Crucis ómnia nobis adversántia superáre: Qui vivis.

Secreta C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Postcommunio C

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 17 OctobrisS. MARGARITAE MARIAE ALACOQUE

Virginis

Duplex

Introitus **Cant. 2, 3**

SUB umbra illíus, quem desideráveram, sedi: et fructus ejus dulcis gútturi meo. **Ps. 83, 2-3** Quam dilécta tabernácula tua, Dómine virtútum ! concupíscit, et déficit ánima mea in átria Dómini. **V.** Glória Patri.

Oratio

DÓMINE Jesu Christe, qui investigábiles divítias Cordis tui beátae Margarítae Maríae Vírgini mirabíliter revelásti: da nobis ejus méritis et imitatióne ; ut, te in ómnibus et super ómnia diligétes, jugem in eódem Corde tuo mansiónem habére mereámur: Qui vivis.

Léctio Epístolae beáti Pauli Apóstoli ad Ephésios.

Ephes. 3, 8-9 et 14-19

FRATRES, mihi ómnium sanctórum mínimo data est grátia haec, in gentibus evangelizáre investigábiles divítias Christi, et illumináre omnes, quae sit dispensátio sacraménti absconditi a saéculis in Deo, qui ómnia creávit. Hujus rei grátia flecto génua mea ad Patrem Dómini nostri Jesu Christi, ex quo omnis paternitas in caelis et in terra nominátur, ut det vobis secúndum divítias glóriæ suae, virtúte corroborári per Spíritum ejus in interiorem hóminem: Christum habitáre per fidem in córdibus vestris: in caritáte radicáti et fundáti, ut possitis comprehéndere, cum ómnibus sanctis, quae sit latitúdo, et longitúdo, et sublímitas, et profúndum: scire étiam supereminéntem sciéntiae caritátem Christi, ut impleámini in omnem plenitúdinem Dei.

Graduale Cant. 8, 7 Aquae multae non potuerunt exstinguere caritátem, nec flúmina óbruent illam. **V/. Ps. 72, 26** Defécit caro mea, et cor meum: Deus cordis mei, et pars mea Deus in aetérnum. Allelúja, allelúja. **V/. Cant. 7, 10** Ego dilécto meo, et ad me convérsio ejus. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 83, 3-4 Cor meum, et caro mea exsultaverunt in Deum vivum. **V/.** Etenim passer invenit sibi domum: et turtur nidum sibi, ubi ponat pullos suos. **V/.** Altária tua, Dómine virtútum: Rex meus, et Deus meus.

Tempore autem Paschali omittitur Graduale, et ejus loco dicitur:

Allelúja, allelúja. **V/. Prov. 9, 5** Veníte, comedite panem meum, et bibite vinum quod míscui vobis. Allelúja. **V/. Ps. 30, 20** Quam magna multitúdo dulcedinis tuae, Dómine, quam abscondísti timéntibus te. Allelúja.

+ Sequéntia sancti Evangélii secúndum Matthaéum.

Matth. 11, 25-30

IN illo témpore: Respóndens Jesus, dixit: Confíteor tibi, Pater, Dómine caeli et terrae, quia abscondísti haec a sapiéntibus et prudéntibus, et revelásti ea párvulis. Ita Pater: quóniam sic fuit plácitum ante te. Omnia mihi trádita sunt a Patre meo. Et nemo novit Fílium, nisi Pater: neque Patrem quis novit, nisi Fílius, et cui volúerit Fílius reveláre. Veníte ad me omnes, qui laborátis et oneráti estis, et ego reficiam vos. Tóllite jugum meum super vos, et discite a me quia mitis sum et húmilis córde: et inveniétis réquiem animábus vestris. Jugum enim meum suáve est, et onus meum leve.

Offertorium Zach. 9, 17 Quid bonum ejus est, et quid pulchrum ejus, nisi fruméntum electórum, et vinum gérmans vírgines ?

Secreta

ACCÉPTA tibi sint, Dómine, plebis tuae múnera: et concéde ; ut ignis ille divínus nos inflámmet, quo, de Corde Fílii tui emísso, beáta Margaríta María veheménter aestuávit. Per eúndem Dóminum.

Communio Cant. 6, 2 EGO dilécto meo, et diléctus meus mihi, qui páscitur inter lília.

Postcommunio

CÓRPORIS et Sánguini tui, Dómine Jesu, súmptis mystériis: concéde nobis, quaésumus, beáta Margaríta María Vírgine intercedénte ; ut, supérbis saéculi vanitátibus exútis, mansuetúdinem et humilitátem Cordis tui indúere mereámur: Qui vivis.

Die 18 Octobris
S. LUCAE

Evangelistae

Duplex II classis

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam, et resurrecciónem meam. **V/.** Glória Patri.

Oratio

INTERVÉNIAT pro nobis, quaésumus, Dómine, sanctus tuus Lucas Evangelísta: qui crucis mortificatiónem

júgiter in suo córpore, pro tui nóminis honóre, portávit. Per Dóminum.

Léctio Epístolae beáti Pauli Apóstoli ad Corínthios.

2 Cor. 8, 16-24

FRATRES: Grátias ago Deo, qui dedit eámdem sollicitúdinem pro vobis in corde Titi, quóniam exhortatióem quidem suscepit: sed cum sollicitior esset, sua voluntáte profectus est ad vos. Mísimus étiam cum illo fratrem, cujus laus est in Evangélio per omnes ecclésiias: non solum autem, sed et ordinátus est ab ecclésiis comes peregrinatiónis nostrae in hanc grátiam, quae ministrátur a nobis ad Dómini glóriam, et destinátam voluntátem nostram: devitátes hoc, ne quis nos vitúperet in hac plenitúdine, quae ministrátur a nobis. Providémus enim bona non solum coram Deo, sed étiam coram homínibus. Mísimus autem cum illis et fratrem nostrum, quem probávimus in multis saepe sollicitum esse: nunc autem multo sollicitiorem, confidéntia multa in vos, sive pro Tito, qui est sócius meus, et in vos adjútor, sive fratres nostri, Apóstoli ecclesiárum, glória Christi. Ostensióem ergo, quae est caritátis vestrae et nostrae glóriae pro vobis, in illos osténdite in fáciem ecclesiárum.

Graduale Ps. 18, 5 et 2 In omnem terram exívit sonus eórum: et in fines orbis terrae verba eórum. **V.** Caeli enárrant glóriam Dei: et ópera mánuum ejus annúntiat firmaméntum.

Allelúja, allelúja. **V.** Joann. 15, 16 Ego vos elégi de mundo, ut eátis, et fructum afferátis, et fructus vester máneat. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce, ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte, edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Credo.

Offertorium Ps. 138, 17 Mihi autem nimis honoráti sunt amíci tui, Deus: nimis confortátus est principátus eórum.

Secreta

DONIS caeléstibus da nobis, quaésumus, Dómine, líbera tibi mente servíre: ut múnera quae deférimus, interveniénte beáto Evangelísta tuo Luca, et medélam nobis operéntur, et glóriam. Per Dóminum.

Praefatio de Apostolis.

Communio Matth. 19, 28 Vos, qui secúti estis me, sedébitis super sedes, judicátes duódecim tribus Israël.

Postcommunio

PRAESTA, quaésumus, omnípotens Deus: ut, quod de sancto altári tuo accépimus, précibus beáti Evangelístae tui Lucae sanctíficet ánimas nostras, per quod tuti esse possímus. Per Dóminum.

* In Missis votivis post Septuagesimam, omnia dicuntur ut supra, sed post Graduale, omissis Allelúja, et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **V.** Quóniam praevenísti eum in benedictiónibus dulcédinis. **V.** Posuísti in cápite ejus coronam de lápide pretiósio.

Tempore autem Paschali, Missa Protexísti, de Comuni Martyrum 1 loco, cum Oracionibus, Epístola et Evangelio ut supra.

Die 10 Octobris

Die 19 Octobris

S. PETRI DE ALCANTARA

Confessoris

Duplex

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. ibid., 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

DEUS, qui beátum Petrum Confessórem tuum admirábilis paeniténtiae et altíssimae contemplatiónis múnere illustráre dignátus es: da nobis, quaesumus ; ut, ejus suffragántibus méritis, carne mortificáti, facílius caeléstia capiámus. Per Dóminum.

Léctio Epístolae beáti Pauli Apóstoli ad Philippénes.

Philipp. 3, 7-12

FRATRES: Quae mihi fuérunt lucra, haec arbitrátus sum propter Christum detriménta. Verúmtamen exístimo ómnia detriméntum esse propter eminentem sciéntiam Jesu Christi Dómini mei: propter quem ómnia detriméntum feci, et árbitor ut stercora, ut Christum lucrifáciam, et invéniam in illo, non habens meam justítiam, quae ex lege est, sed illam, quae ex fide est Christi Jesu: quae ex Deo est justítia in fide, ad cognoscéndum illum, et virtútem resurrectiόνis ejus, et societátem passiónum illíus: configurátus morti ejus: si quo modo occúrram ad resurrectiόνem, quae est ex mórtuis: non quod jam accéperim, aut jam perféctus sim: sequor autem, si quo modo comprehéndam, in quo et comprehénsus sum a Christo Jesu.

Graduale Ps. 36, 30-31 Os justi meditábitur sapiéntiam, et lingua ejus loquétur judícium. **Vl.** Lex Dei ejus in corde ipsíus: et non supplantabúntur gressus ejus.

Allelúja, allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja.

+ Sequéntia sancti Evangéllii secúndum Lucam.

Luc. 12, 32-34

IN illo témpore: Dixit Jesus discíplis suis: Nolíte timére, pusíllus grex, quia complácuít Patri vestro dare vobis regnum. Véndite quae possidétis, et date eleemósynam. Fácite vobis sácculos, qui non veteráscunt, thesáurum non deficiéntem in caelis: quo fur non apprópiat, neque tínea corrúmpit. Ubi enim thesáurus vester est, ibi et cor vestrum erit.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei.

Secreta

PRAESTA nobis, quaesumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Communio Matth. 19, 28 et 29 Amen dico vobis: quod vos, qui reliquistis ómnia, et secúti estis me, céntuplum accipiétis, et vitam aetérnam possidébitis.

Postcommunio

QUSUMUS, omnípotens Deus: ut, qui caeléstia aliménta percépimus, intercedénte beáto Petro Confessóre tuo, per haec contra ómnia advérsa muniámur. Per Dóminum.

Die 20 Octobris

S. JOANNIS CANTII

Confessoris

Duplex

Introitus **Eccli. 18, 12-13**

MISERÁTIO hóminis circa próximum: misericórdia autem Dei super omnem carnem. Qui misericórdiam habet, docet et érudit quasi pastor gregem suum. **Ps. 1, 1** Beátus vir, qui non ábiit in consílio impiórum, et in

via peccatorum non stetit, et in cathedra pestilentiae non sedit. **VI.** Glória Patri.

Oratio

DA, quaesumus, omnipotens Deus: ut, sancti Joannis Confessoris exemplo in scientia Sanctorum proficientes, atque aliis misericordiam exhibentes; ejus meritis, indulgentiam apud te consequamur. Per Dominum.

Lectio Epistolae beati Jacobi Apostoli.

Jac. 2, 12-17

CARÍSSIMI: Sic loquimini, et sic facite sicut per legem libertatis incipientes judicari. Judicium enim sine misericordia illi, qui non fecit misericordiam: superexaltat autem misericordia judicium. Quid proderit, fratres mei, si fidem quis dicat se habere, opera autem non habeat? Numquid poterit fides salvare eum? Si autem frater et soror nudi sint, et indigeant victu quotidiano, dicat autem aliquis ex vobis illis: Ite in pace, calefacimini et saturamini: non dederitis autem eis, quae necessaria sunt corpori, quid proderit? Sic et fides, si non habeat opera, mortua est in semetipsa.

Graduale Ps. 106, 8-9 Confiteantur Domino misericordiae ejus: et mirabilia ejus filiis hominum. **VI.** Quia satiavit animam inanem: et animam esurientem satiavit bonis.

Allelúja, allelúja. **VI. Prov. 31, 20** Manum suam aperuit inopi: et palmas suas extendit ad pauperem. Allelúja.

In Missis votivis Tempore Paschali omittitur Graduale, et ejus loco dicitur:

Allelúja, allelúja. **VI. Prov. 31, 20** Manum suam aperuit inopi: et palmas suas extendit ad pauperem. Allelúja. **VI. Ps. 111, 1** Beatus vir, qui timet Dominum: in mandatis ejus cupit nimis. Allelúja.

+ Sequentia sancti Evangelii secundum Lucam.

Luc. 12, 35-40

IN illo tempore: Dixit Jesus discipulis suis: Sint lumbi vestri praecincti, et lucernae ardentes in manibus vestris, et vos similes hominibus expectantibus dominum suum, quando revertatur a nuptiis: ut, cum venerit et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinet se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sciret paterfamilias, qua hora fur veniret, vigilaret utique, et non sineret perfodi domum suam. Et vos estote parati, quia qua hora non putatis, Filius hominis veniet.

Offertorium Job 29, 14-16 Justitia indutus sum, et vestivi me, sicut vestimento et diademate, iudicio meo. Oculus fui caeco, et pes claudus: pater eram pauperum.

Secreta

HAS, quaesumus, Domine, hostias sancti Joannis Confessoris tui meritis benignus assume: et praesta; ut te super omnia, et omnes propter te diligentes, corde tibi et opere placeamus. Per Dominum.

Communio Luc. 6, 38 Date, et dabitur vobis: mensuram bonam, et confertam, et coagitatam, et supereffluentem dabunt in sinum vestrum.

Postcommunio

PRETIÓSI corporis et sanguinis tui, Domine, pasti delictis, tuam supplices deprecamur clementiam: ut, sancti Joannis Confessoris tui meritis et exemplis, ejusdem caritatis imitatores effecti, consortes simus et gloriae: Qui vivis.

Die 21 Octobris
S. HILARIONIS

Abbatis

Simplex

Missa Os justi, de Communi Abbatum.

Oratio

C

INTERCÉSSIO nos, quaesumus, Dómine, beáti Hilariónis Abbátis comméndet: ut, quod nostris méritis non valémus, ejus patrocínio assequámur. Per Dóminum.

Et fit Commemoratio Ss. Ursulae et Sociarum Virginum et Martyrum.

Oratio

DA nobis, quaesumus, Dómine Deus noster, sanctárum Vírginum et Mátyrum tuárum Ursulae et Sociárum ejus palmas incessábili devotióne venerári: ut, quas digna mente non póssumus celebráre, humílibus saltem frequentémus obséquii. Per Dóminum.

Secreta

C

SACRIS altáribus, Dómine, hóstias superpósitas sanctus Hiláron Abbas, quaesumus, in salútem nobis proveníre depóscat. Per Dóminum.

**Pro Ss. Virginibus
Secreta**

INTÉNDE, quaesumus, Dómine, múnera altáribus tuis pro sanctárum Vírginum et Mátyrum tuárum Ursulae et Sociárum ejus festivitáte propósita: ut, sicut per haec beáta mystéria illis glóriam contulísti; ita nobis indulgéntiam largiáris. Per Dóminum.

Postcommunio

C

PRÓTEGAT nos, Dómine, cum tui perceptióne sacraménti beátus Hiláron Abbas, pro nobis intercedéndo: ut, et conversatiónis ejus experiámur insígnia, et intercessiúnis percipiámus suffrágia. Per Dóminum.

**Pro Ss. Virginibus
Postcommunio**

PRAESTA nobis, quaesumus, Dómine: intercedéntibus sanctis Vírginibus et Mátyribus tuis Ursula et Sociábus ejus; ut, quod ore contíngimus, pura mente capiámus. Per Dóminum.

Eadem die 21 Octobris

Pro SS. URSULA et SOCIABUS
Virginibus et Martyribus

Missa Loquébar, de Communi Virginum 1 loco, cum Orationibus ut supra.

Die 24 Octobris S. RAPHAELIS

Archangeli

Duplex majus

Introitus **Ps. 102, 20**

BENEDÍCITE Dóminum, omnes Angeli ejus: poténtes virtúte, qui fácitis verbum ejus, ad audiéndam vocem sermónum ejus. **Ps. ibid., 1** Benedic, ánima mea, Dómíno: et ómnia, quae intra me sunt, nómini sancto ejus. **V.** Glória Patri.

Oratio

DEUS, qui beátum Raphaélem Archángelum Tobíae fámulo tuo cómitem dedísti in via: concéde nobis fámulis tuis; ut ejúsdem semper protegámur custódia, et muniámur auxilió. Per Dóminum.

Léctio libri Tobíae.

Tob. 12, 7-15

IN diébus illis: Dixit Angelus Ráphaél ad Tobíam: Sacraméntum regis abscondere bonum est: ópera autem Dei reveláre et confitéri honoríficum est. Bona est orátio cum jejúnio et eleemósyna magis quam thesáuros auri recóndere: quóniam eleemósyna a morte líberat, et ipsa est, quae purgat peccáta, et facit inveníre misericórdiam et vitam aetérnam. Qui autem faciunt peccátum, et iniquitátem, hostes sunt ánimae suae. Manifésto ergo vobis veritátem, et non abscondam a vobis occúltum sermónem. Quando orábas cum

lácrimis, et sepeliébas mórtuos, et derelinquébas prándium tuum, et mórtuos abscondébas per diem in domo tua, et nocte sepeliébas eos, ego óbtuli oratiónem tuam Dómino. Et quia accéptus eras Deo, necesse fuit ut tentátio probáret te. Et nunc misit me Dóminus ut curárem te, et Saram uxórem filii tui a daemónio liberárem. Ego enim sum Ráphaël Angelus, unus ex septem, qui astámus ante Dóminum.

Graduale Tob. 8, 3 Angelus Dómini Ráphaël apprehéndit, et ligávit daémonem. **Vl. Ps. 146, 5** Magnus Dóminus noster, et magna virtus ejus.

Allelúja, allelúja. **Vl. Ps. 137, 1-2** In conspéctu Angelórum psallam tibi: adorábo ad templum sanctum tuum, et confítebor nómini tuo, Dómine. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 148, 2 Laudáte Dóminum, omnes Angeli ejus: laudáte eum, omnes virtútes ejus. **Vl. Ps. 102, 21** Benedícite Dóminum, omnes virtútes ejus: ministri ejus, qui fácitis voluntátem ejus.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 102, 1** Bénedic, ánima mea, Dóminum: et ómnia interióra mea nomen sanctum ejus. Allelúja. **Vl. Tob. 3, 25 ; 5, 11** Missus est Angelus Dómini sanctus Ráphaël a Deo ad Tobíam, et salutávit eum, et dixit: Gáudium sit tibi semper. Allelúja.

+ Sequéntia sancti Evangéllii secúndum Joánnem.

Joann. 5, 1-4

IN illo témpore: Erat dies festus Judaeórum, et ascéndit Jesus Jerosólymam. Est autem Jerosólymis Probática piscína, quae cognominátur hebráice Bethsáida, quinque pórticus habens. In his jacébat multitúdo magna languéntium, caecórum, claudórum, aridórum expectántium aquae motum. Angelus autem Dómini descendébat secúndum tempus in piscinam, et movebátur aqua. Et qui prior descendísset in piscinam post motiÓnem aquae, sanus fiébat a quacúmque detinebátur infirmitáte.

Credo.

Offertorium Apoc. 8, 3 et 4 Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei.

Secreta

HÓSTIAS tibi, Dómine, laudis offérimus, supplíciter deprecánte: ut eásdem, angélico pro nobis interveniénte suffrágio, et placátus accípias, et ad salutem nostram proveníre concédas. Per Dóminum.

Communio Dan. 3, 58 Benedícite, omnes Angeli Dómini, Dóminum: hymnum dícite, et superexaltáte eum in saécula.

Postcommunio

DIRÍGERE dignáre, Dómine Deus, in adjutórium nostrum sanctum Raphaélem Archángelum: et, quem tuae majestáti semper assístere crédimus, tibi nostras exíguas preces benedicéndas assignet. Per Dóminum.

Dominica ultima Octobris

IN FESTO
DOMINI NOSTRI
JESU CHRISTI REGIS

Duplex I classis

Introitus **Apoc. 5, 12 ; 1, 6**

DIGNUS est Agnus, qui occísus est, accíperere virtútem, et divinitátem, et sapiéntiam, et fortitúdinem, et honórem. Ipsi glória et impérium in saécula saeculórum. **Ps. 71, 1** Deus, judícium tuum Regi da: et justítiam tuam Fílio Regis. **Vl. Glória Patri.**

Oratio

OMNÍPOTENS sempitérne Deus, qui in dilécto Fílio tuo, universórum Rege, ómnia instauráre voluísti: concéde propítius ; ut cunctae famíliae géntium, peccáti vúlneris disgregátae, ejus suavíssimo subdántur império. Qui tecum vivit.

Et fit Commemoratio Dominicae occurrentis.

Léctio Epístolae beáti Pauli Apóstoli ad Colossenses.
Coloss. 1, 12-20

FRATRES: Grátias ágimus Deo Patri, qui dignos nos fecit in partem sortis sanctórum in lúmine: qui erípuit nos de potestáte tenebrárum, et tránstulit in regnum Fílii dilectiónis suae, in quo habémus redemptiónem per sánguinem ejus, remissionem peccatórum: qui est imágo Dei invisibilis, primogénitus omnis creatúrae: quóniam in ipso cóndita sunt univérsa in caelis et in terra, visibília et invisibília, sive throni, sive dominationes, sive principátus, sive potestátes: ómnia per ipsum, et in ipso creáta sunt: et ipse est ante omnes, et ómnia in ipso constant. Et ipse est caput córporis Ecclésiae, qui est principium, primogénitus ex mórtuis: ut sit in ómnibus ipse primátum tenens ; quia in ipso complácuit omnem plenitúdinem inhabitáre ; et per eum reconciliáre ómnia in ipsum, pacíficans per sánguinem crucis ejus, sive quae in terris, sive quae in caelis sunt, in Christo Jesu Dómino nostro.

Graduale Ps. 71, 8 et 11 Dominábitur a mari usque ad mare, et a flúmine usque ad términos orbis terrárum. *Vl.* Et adorábunt eum omnes reges terrae: omnes gentes sérvient ei. Allelúja , allelúja. *Vl.* Dan. 7, 14 Potéstas ejus, potéstas aetérna, quae non auferétur: et regnum ejus, quod non corrumpétur. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 88, 27-28 et 30 Ipse invocábit me: Pater meus es tu: Deus meus, et suscéptor salútis meae. *Vl.* Et ego primogénitum ponam illum, excélsam prae régibus terrae. *Vl.* Et ponam in saéculum saéculi semen ejus: et thronum ejus sicut dies caeli.

Tempore autem Paschali omittitur Graduale, et ejus loco dicitur:

Allelúja , allelúja. *Vl.* Dan. 7, 14 Potéstas ejus, potéstas aetérna, quae non auferétur: et regnum ejus, quod non corrumpétur. Allelúja. *Vl.* Apoc. 19, 16 Habet i n vestiménto et in fémore suo scriptum: Rex regum, et Dóminus dominántium. Allelúja.

+ Sequéntia sancti Evangéllii secúndum Joánnem.
Joann. 18, 33-37

IN illo témpore: Dixit Pilátus ad Jesum: Tu es Rex Judaeórum ? Respóndit Jesus: A temetípso hoc dicis, an álíi dixerunt tibi de me ? Respóndit Pilátus: Numquid ego Judaeus sum ? Gens tua et pontífices tradidérunt te mihi: quid fecísti ? Respóndit Jesus: Regnum meum non est de hoc mundo. Si ex hoc mundo esset regnum meum, ministri mei útique decertárent, ut non tráderer Judaeis: nunc autem regnum meum non est hinc. Dixit ítaque ei Pilátus: Ergo Rex es tu ? Respóndit Jesus: Tu dicis quia Rex sum ego. Ego in hoc natus sum, et ad hoc veni in mundum, ut testimónium perhíbeam veritáti: omnis qui est ex veritáte, audit vocem meam.

Credo.

Offertorium Ps. 2, 8 Póstula a me, et dabo tibi gentes hereditátem tuam, et possessiónem tuam términos terrae.

Secreta

HÓSTIAM tibi, Dómine, humánae reconciliatiónis offérimus: praesta, quaesumus ; ut quem sacrificiis praeséntibus immolámus, ipse cunctis géntibus unitátis et pacis dona concédatur, Jesus Christus Fílius tuus Dóminus noster: Qui tecum.

Et fit Commemoratio Dominicae occurrentis.

Praefatio propria.

Communio Ps. 28, 10 et 11 Sedébit Dóminus Rex in aetérnum: Dóminus benedícet pópulo suo in pace.

Postcommunio

IMMORTALITÁTIS alimóniam consecúti, quaesumus, Dómine: ut, qui sub Christi Regis vexíllis militáre gloriámur, cum ipso, in caelésti sede, júgiter regnáre possimus: Qui tecum.

Et fit Commemoratio Dominicae occurrentis, cujus Evangelium legitur in fine.

Die 25 Octobris

SS. CHRYSANTHI et DARIAE
Martyrum

Simplex

Introitus Ps. 78, 11, 12 et 10

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. Ps. *ibid.*, 1 Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiam. *Vl.* Glória Patri.

Oratio

BEATÓRUM Mártyrum tuórum, Dómine, Chrysánthi et Daríae, quaesumus, adsit nobis orátio: ut, quos venerámur obséquio, eórum píum júgiter experiámur auxiliúm. Per Dóminum.

Léctio Epístolae beáti Pauli Apóstoli ad Corínthios.

2 Cor. 6, 4-10

FRATRES: Exhibeámus nosmetípsos sicut Dei minístros in multa patiéntia, in tribulatió nibus, in necessitatibus, in angústis, in plagis, in carcéribus, in seditiúnibus, in labóribus, in vigíliis, in jejúniis, in castitáte, in sciéntia, in longanimitáte, in suavitáte, in Spírítu Sancto, in caritáte non ficta, in verbo veritátis, in virtúte Dei, per arma justítiae a dextris, et a sinístris: per glóriam et ignobilitátem: per infámiam et bonam famam: ut seductóres, et veráces: sicut qui ignóti, et cógniti: quasi moriéntes, et ecce vívimus: ut castigáti, et non mortificáti: quasi tristes, semper autem gaudéntes: sicut egéntes, multos autem locupletántes: tamquam nihil habéntes, et ómnia possidéntes.

Graduale Exodi 15, 11 Gloriósus Deus in sanctis suis: mirábilis in majestáte, fáciens prodígia. *Vl.* *Ibid.*, 6 Dextera tua, Dómine, glorificáta est in virtúte: dextera manus tua confrégit inimícos.

Allelúja, allelúja. *Vl.* Eccli. 44, 14 Córpora sanctórum in pace sepúlta sunt, et nómina eórum vivent in generatió nem et generatió nem. Allelúja.

+ Sequéntia sancti Evangélii secúndum Lucam.

Luc. 11, 47-51

IN illo témpore: Dicébat Jesus scribis et pharisaéis: Vae vobis, qui aedificátis monuménta prophetárum: patres autem vestri occidérunt illos. Profécto testificámini quod consentítis opéribus patrum vestrórum: quóniam ipsi quidem eos occidérunt, vos autem aedificátis eórum sepúlra. Proptérea et sapiéntia Dei dixit: Mittam ad illos prophétas et apóstolos, et ex illis occídent et persequéntur: ut inquirátur sanguis ómnium prophetárum, qui effúsus est a constitutió ne mundi a generatió ne ista, a ságuine Abel usque ad sánguine Zacharía e, qui périit inter altáre et aedem. Ita dico vobis, requirétur ab hac generatió ne.

Offertorium Ps. 67, 36 Mirábilis Deus in sanctis suis: Deus Israél, ipse dabit virtútem et fortitúdinem plebi suae: benedíctus Deus, allelúja.

Secreta

PÓPULI tui, quaesumus, Dómine, tibi grata sit hóstia, quae in natalítis sanctórum Mártyrum tuórum, Chrysánthi et Daríae solémniter immolátur. Per Dóminum.

Communio Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

MÝSTICIS, Dómine, repléti sumus votis et gáudiis: praesta, quaesumus, ut intercessiúnibus sanctórum Mártyrum tuórum, Chrysánthi et Daríae, quae temporáliter ágimus, spirituáliter consequámur. Per Dóminum.

Die 26 Octobris
S. EVARISTI

Papae et Martyris

Simplex

Missa Si diligis me, de **Communi Summorum Pontificum**.

Oratio C

GREGEM tuum, Pastor aetérne, placátus inténde: et per beátum Evarístum Mátyrem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increméta libertátis accípiat, et in religiónis integritáte persístat. Per Dóminum.

* Si hodie fuerit Sabbatum, fit de Vigilia anticipata Ss. Simonis et Judae Apostolorum, ut die sequenti notatur, sed dicitur 2a Oratio de S. Evaristo, et 3a de sancta Maria Concéde.

Die 27 Octobris
IN VIGILIA

SS. SIMONIS et JUDAE
Apostolorum

Introitus **Ps. 78, 11, 12 et 10**

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunnt templum sanctum tuum: posuérunnt Jerúsalem in pomórum custódiám. **V/.** Glória Patri.

Non dicitur Glória in excélsis.

Oratio

CONCÉDE, quaésumus, omnípotens Deus: ut, sicut Apostolórum tuórum Simónis et Judae gloriósa natalítia praevenímus ; sic ad tua benefícia promerénda, majestátem tuam pro nobis ipsi praeveníant. Per Dóminum.

2a Oratio de sancta Maria Concéde, 3a contra persecutores Ecclesiae vel pro Papa.

Léctio Epístolae beáti Pauli Apóstoli ad Corínthios.

1 Cor. 4, 9-14

FRATRES: Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis caédimur, et instábiles sumus, et laborámus operántes má nibus nostris: maledícimur, et benedícimus: persecutió nem pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómni um peripséma usque adhuc. Non ut confúndam vos, haec scribo, sed ut filios meos caríssimos móneo: in Christo Jesu Dómino nostro.

Graduale Ps. 78, 10 et 2 Víndica, Dómine, sánguinem sanctórum tuórum, qui effúsus est. **V/.** Posuérunnt mortália servórum tuórum, Dómine, escas volatílibus caeli: carnes sanctórum tuórum béstiis terrae.

+ Sequéntia sancti Evangéllii secúndum Joánnem.

Joann. 15, 1-7

IN illo tēpore: Dixit Jesus discipulis suis: Ego sum vitis vera: et Pater meus agrīcola est. Omnem pālmitem in me non ferēntem fructum, tol let eum: et omnem, qui fert fructum, purgābit eum, ut fructum plus āfferat. Jam vos mundi estis propter sermōnem, quem locūtus sum vobis. Manēte in me: et ego in vobis. Sicut palmes non potest ferre fructum a semetīpso, nisi mánserit in vite: sic nec vos, nisi in me manseritis. Ego sum vitis, vos pālmites: qui manet in me, et ego in eo, hic fert fructum multum: quia sine me nihil potēstis fácere. Si quis in me non mánserit: mittētur foras sicut palmes, et arēscet, et cōlligent eum, et in ignem mittent, et ardet. Si manseritis in me, et verba mea in vobis mánserint: quodcūque volueritis petētis, et fiet vobis.

Offertorium Ps. 149, 5-6 Exsultābunt sancti in glória, laetabūntur in cubīlibus suis: exaltatiōnes Dei in fáucibus eōrum.

Secreta

MUNÉRIBUS nostris, Dómine, sanctórum Apostolórum tuórum Simónis et Judae festa praecedimus: te suppliciter deprecāntes ; ut, quae consciētiaē nostrae praepediūntur obstāculis, illórum méritis grata reddāntur. Per Dóminum.

Communio Ps. 78, 2 et 11 Posuerunt mortália servórum tuórum, Dómine, escas volatīlibus caeli, carnes sanctórum tuórum béstiis terrae: secūndum magnitudinem bráchii tui pōsside filios morte punitórum.

Postcommunio

SUMPTO, Dómine, sacramēto, suppliciter deprecāmur: ut, intercedēntibus beātis Apóstolis tuis Simóne et Juda, quod temporáliter gérimus, ad vitam capiāmus aetérnam. Per Dóminum.

Die 28 Octobris

SS. SIMONIS et JUDAE
Apostolorum

Duplex II classis

Introitus **Ps. 138, 17**

MIHI autem nimis honorāti sunt amīci tui, Deus: nimis confortātus est principátus eōrum. **Ps. ibid., 1-2**
Dómine, probásti me, et cognovísti me: tu cognovísti sessiōnem meam, et resurrectiōnem meam. **VI.** Glória Patri.

Oratio

DEUS, qui nos per beátos Apóstolos tuos Simónem et Judam ad agnitiōnem tui nóminis venīre tribuísti: da nobis eōrum glóriam sempitérnam et proficiēdo celebrāre, et celebrāndo proficere. Per Dóminum.

Lectio Epístolae beāti Pauli Apóstoli ad Ephésios.

Ephes. 4, 7-13

FRATRES: Unicuíque nostrum data est grátia secūndum mensúram donatiōnis Christi. Propter quod dicit: Ascēdens in altum, captívam duxit captivitatem: dedit dona homínibus. Quod autem ascēdit, quid est, nisi quia et descēdit primū in inferiōres partes terrae ? Qui descēdit, ipse est et qui ascēdit super omnes caelos, ut impleret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres ad consummatiōnem sanctórum in opus ministérii, in aedificatiōnem cōporis Christi: donec occurrāmus omnes in unitatem fidei et agnitiōnis Filii Dei, in virum perféctum, in mensúram aetátis plenitudinis Christi.

Graduale Ps. 44, 17-18 Constítues eos príncipes super omnem terram: mémoires erunt nóminis tui, Dómine. **VI.** Pro pátribus tuis nati sunt tibi filii: propterea pópuli confitebūntur tibi. Allelúja , allelúja. **VI.** **Ps. 138, 17** Nimis honorāti sunt amīci tui, Deus: nimis confortātus est principátus eōrum. Allelúja.

+ Sequēntia sancti Evangélii secūndum Joánnem.

Joann. 15, 17-25

IN illo tēpore: Dixit Jesus discipulis suis: Haec mando vobis, ut diligátis ínvicem. Si mundus vos odit: scitote quia me priórem vobis odio hábuit. Si de mundo fuissētis: mundus quod suum erat diligeret: quia vero de mundo non estis, sed ego elégi vos de mundo, propterea odit vos mundus. Mementote sermónis

mei, quem ego dixi vobis: Non est servus major dómno suo. Si me persecúti sunt, et vos persequéntur: si sermónem meum servavérunt, et vestrum servábunt. Sed haec ómnia fácient vobis propter nomen meum: quia nésciunt eum, qui misit me. Si non veníssem, et locútus fuíssem eis, peccátum non habérent: nunc autem excusatióem non habent de peccáto suo. Qui me odit: et Patrem meum odit. Si ópera non fecíssem in eis, quae nemo álius fecit, peccátum non habérent; nunc autem et vidérunt, et odérunt et me, et Patrem meum. Sed ut adimpleátur sermo, qui in lege eórum scriptus est: Quia ódio habuérunt me gratis

Credo.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

GLÓRIAM, Dómine, sanctorum Apostolorum tuorum Simónis et Judae perpétuam venerántes: quaesumus; ut eam, sacris mystériis expiáti, dígnius celebrémus. Per Dóminum.

Praefatio de Apostolis.

Communio Matth. 19, 28 Vos qui secúti estis me, sedébitis super sedes, iudicántes duódecim tribus Israél.

Postcommunio

PERCÉPTIS, Dómine, sacraméntis, suppliciter exorámus; ut, intercedéntibus beáti Apóstolis tuis Simóne et Juda, quae pro illórum veneránda gérimus passióne, nobis proficiant ad medélam. Per Dóminum.

* In Missis votivis omnia dicuntur ut supra, sed post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. *V.* Eúntes ibant et flebant, mitténtes sémina sua. *V.* Veniéntes autem vénient cum exsultatióne, portántes manípulos suos.

Tempore autem Paschali Missa Sancti tui, de Communi Martyrum 2 loco, cum Orationibus, Epistola et Evangelio ut supra.

Die 30 Octobris

* Si hodie fuerit Sabbatum, Missa dicitur de Vigilia Omnium Sanctorum, ut sequenti die notatur.

Die 31 Octobris IN VIGILIA OMNIUM SANCTORUM

Introitus Sap. 3, 8

JÚDICANT sancti gentes, et dominántur pópulis: et regnábít Dóminus Deus illórum in perpétuum. Ps. 32, 1 Exultáte, iusti, in Dómino: rectos decet collaudátio. *V.* Glória Patri.

Non dicitur Glória in excélsis.

Oratio

DÓMINE Deus noster, multiplíca super nos grátiam tuam: et, quorum praevenímus gloriósa solémnia, tríbe súbsequi in sancta professióne laetítiam. Per Dóminum.

2a Oratio de Spiritu Sancto et 3a contra persecutores Ecclesiae vel pro Papa.

Léctio libri Apocalýpsis beáti Joánnis Apóstoli.

Apoc. 5, 6-12

IN diébus illis: Ecce ego Joánnes vidi in médio throni, et quátuor animálium, et in médio seniórum, Agnum stantem tamquam occísus, habéntem córnua septem, et óculos septem: qui sunt septem spíritus Dei, missi in omnem terram. Et venit: et accépit de dextera sedéntis in throno librum. Et cum aperuísset librum, quátuor animália et vigintiquátuor senióres cecidérunt coram Agno, habéntes sínguli cítharas, et phíalas áureas plenas odoramentórum, quae sunt oratiónes sanctorum: et cantábant cánticum novum, dicéntes:

Dignus es, Dómine, accípere librum, et aperíre signácula ejus: quóniam occísus es, et redemísti nos Deo in ságuine tuo ex omni tribu, et lingua, et pópulo, et natióne: et fecisti nos Deo nostro regnum et sacerdótes: et regnábimus super terram. Et vidi, et audívi vocem Angelórum multórum in circúitu throni, et animálium, et seniórum: et erat númerus eórum míllia míllium, dicéntium voce magna: Dignus est Agnus, qui occísus est, accípere virtútem, et divinitátem, et sapiéntiam, et fortitúdinem, et honórem, et glóriam, et benedictiónem, in saécula saeculórum. Amen.

Graduale Ps. 149, 5 et 1 Exsultábunt sancti in glória, laetabúntur in cubílibus suis. **Vl.** Cantáte Dómino cánticum novum, laus ejus in ecclésia sanctórum.

+ Sequéntia sancti Evangéllii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse elevátis óculis in discípuulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejícerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatiónes Dei in fáucibus eórum.

Secreta

ALTÁRE tuum, Dómine, munéribus cumulámus oblátis: da, quaésumus ; ut ad salútem nostram, ómnium Sanctórum tuórum precatióne, proficiant, quorum solémnia ventúra praecúrrimus. Per Dóminum.

Communio Sap. 3, 1-2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace.

Postcommunio

SACRAMÉNTIS, Dómine, et gáudiis optatae celebritátis explétis: quaésumus ; ut eórum précibus adjuvémur, quorum recordatióibus exhibéntur. Per Dóminum.

FESTA NOVEMBRIS

Die 1 Novembris

IN FESTO OMNIUM SANCTORUM

Duplex I classis cum Octava communi

Introitus

GAUDEÁMUS omnes in Dómino, diem festum celebrántes sub honóre Sanctórum ómnium: de quorum solemnitate gaudent Angeli, et colláudant Fílium Dei. **Ps. 32, 1** Exsultáte, justi, in Dómino: rectos decet collaudátio. **Vl.** Glória Patri.

Oratio

OMNÍPOTENS sempitérne Deus, qui nos ómnium Sanctórum tuórum mérita sub una tribuísti celebritate venerári: quaésumus ; ut desiderátum nobis tuae propitiatiónis abundántiam, multiplicátis intercessóribus, largiáris. Per Dóminum.

Léctio libri Apocalýpsis beáti Joánnis Apóstoli.

Apoc. 7, 2-12

IN diébus illis: Ecce ego Joánnes vidi álterum Angelum ascendéntem ab ortu solis, habéntem signum Dei vivi: et clamávit voce magna quátuor Angelis, quibus datum est nocére terrae et mari, dicens: Nolíte nocére terrae et mari, neque arbóribus, quoadúsque signémus servos Dei nostri in fróntibus eórum. Et audívi númerum signatórum, centum quadragínta quátuor míllia signáti, ex omni tribu filiórum Israél. Ex tribu Juda

duódecim míllia signáti. Ex tribu Ruben duódecim míllia signáti. Ex tribu Gad duódecim míllia signáti. Ex tribu Aser duódecim míllia signáti. Ex tribu Népthali duódecim míllia signáti. Ex tribu Manásse duódecim míllia signáti. Ex tribu Símeon duódecim míllia signáti. Ex tribu Levi duódecim míllia signáti. Ex tribu Issachar duódecim míllia signáti. Ex tribu Zábulon duódecim míllia signáti. Ex tribu Joseph duódecim míllia signáti. Ex tribu Bénjamin duódecim míllia signáti. Post haec vidi turbam magnam, quam dinumeráre nemo póterat, ex ómnibus géntibus, et tríbubus, et pópulis, et linguis: stantes ante thronum, et in conspéctu Agni, amícti stolis albis, et palmae in mánibus eórum: et clamábant voce magna, dicéntes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quátuor animálium: et cecidérunt in conspéctu throni in fácies suas, et adoravérunt Deum, dicéntes: Amen. Benedíctio, et cláritas, et sapiéntia, et gratiárum áctio, honor, et virtus, et fortitúdo Deo nostro in saécula saeculórum. Amen.

Graduale Ps. 33, 10 et 11 Timéte Dóminum, omnes sancti ejus: quóniam nihil deest timéntibus eum. **V/.** Inquiréntes autem Dóminum, non defícient omni bono.

Allelúja, allelúja. **V/.** **Matth. 11, 28** Veníte ad me, omnes qui laborátis, et oneráti estis: et ego refíciam vos. Allelúja.

+ Sequéntia sancti Evangélii secúndum Matthaéum.

Matth. 5, 1-12

IN illo témpore: Videns Jesus turbas, ascéndit in montem, et cum sedísset, accessérunt ad eum discípuli ejus, et apériens os suum, docébat eos, dicens: Beáti páuperes spírítu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in caelis.

Credo.

Offertorium Sap. 3, 1-2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace, allelúja.

Secreta

MÚNERA tibi, Dómine, nostrae devotiónis offérimus: quae et pro cunctórum tibi grata sint honóre justórum, et nobis salutária, te miseránte, reddántur. Per Dóminum.

Communio Matth. 5, 8-10 Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutiónem patiúntur propter justítiam, quóniam ipsórum est regnum caelórum.

Postcommunio

DA, quaésumus, Dómine, fidélibus pópulis ómnium Sanctórum semper veneratióne laetári: et eórum perpétua supplicatióne muníri. Per Dóminum.

* **Infra Octavam Missa ut in Festo, et pro Orationibus juxta diversitatem Temporum assignatis, dicitur 2a Oratio de Spiritu Sancto, 3a contra persecutores Ecclesiae, vel pro Papa.**

MISSA VOTIVA **DE OMNIBUS SANCTIS**

Extra Tempus Paschale

Introitus **Sap. 3, 8**

JÚDICANT sancti gentes, et dominántur pópulis: et regnábít Dóminus Deus illórum in perpétuum. **Ps. 32, 1** Exsultáte, justi, in Dómino: rectos decet collaudátio. **V/.** Glória Patri.

Vel Tempore Paschali

Introitus **Ps. 144, 10-11**

SANCTI tui, Dómine, benedícent te: glóriam regni tui dicent, allelúja, allelúja. **Ps. ibid., 1** Exaltábo te, Deus

meus Rex: et benedicam nómini tuo in saéculum, et in saéculum saéculi. *Vl.* Glória Patri.

Oratio

CONCÉDE, quaésumus, omnípotens Deus: ut intercéssio sanctae Dei Genitrícis Maríae, sanctórumque ómnium Apostolórum, Mártýrum, Confessórum, atque Vírginum et ómnium electórum tuórum, nos ubíque laetíficet ; ut, dum eórum mérita recólimus, patrocínia sentiámus. Per eúmdem Dóminum.

2a Oratio de Spiritu Sancto, et 3a contra persecutores Ecclesiae, vel pro Papa.

Léctio libri Apocalýpsis beáti Joánnis Apóstoli.

Apoc. 7, 2-12

IN diébus illis: Ecce ego Joánnes vidi álterum Angelum ascendéntem ab ortu solis, habéntem signum Dei vivi: et clamávit voce magna quátuor Angelis, quibus datum est nocére terrae et mari, dicens: Nolíte nocére terrae et mari, neque arbóribus, quoadúsque signémus servos Dei nostri in fróntibus eórum. Et audívi númerum signatórum, centum quadragínta quátuor míllia signáti, ex omni tribu filiórum Israël. Ex tribu Juda duódecim míllia signáti. Ex tribu Ruben duódecim míllia signáti. Ex tribu Gad duódecim míllia signáti. Ex tribu Aser duódecim míllia signáti. Ex tribu Népthali duódecim míllia signáti. Ex tribu Manásse duódecim míllia signáti. Ex tribu Símeon duódecim míllia signáti. Ex tribu Levi duódecim míllia signáti. Ex tribu Issachar duódecim míllia signáti. Ex tribu Zábulon duódecim míllia signáti. Ex tribu Joseph duódecim míllia signáti. Ex tribu Bénéjamin duódecim míllia signáti. Post haec vidi turbam magnam, quam dinumeráre nemo póterat, ex ómnibus géntibus, et tribubus, et pópulis, et linguis: stantes ante thronum, et in conspéctu Agni, amícti stolis albis, et palmae in mánibus eórum: et clamábant voce magna, dicéntes: Salus Deo nostro, qui sedet super thronum, et Agno. Et omnes Angeli stabant in circúitu throni, et seniórum, et quátuor animálium: et cecidérunt in conspéctu throni in fácies suas, et adoravérunt Deum, dicéntes: Amen. Benedíctio, et cláritas, et sapiéntia, et gratiárum áctio, honor, et virtus, et fortitúdo Deo nostro in saécula saeculórum. Amen.

Graduale Ps. 33, 10 et 11 Timéte Dóminum, omnes sancti ejus: quóniam nihil deest timéntibus eum. *Vl.* Inquiréntes autem Dóminum, non defíciant omni bono.

Allelúja, allelúja. *Vl. Matth. 11, 28* Veníte ad me, omnes qui laborátis, et oneráti estis: et ego reficiam vos. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. *Vl.* Eúntes ibant et flebant, mitténtes sémina sua. *Vl.* Veniéntes autem vénient cum exsultatióne, portántes manípulos suos.

Tempore autem Paschali, omittitur Graduale, et ejus loco dicitur:

Allelúja, allelúja. *Vl.* Sancti tui, Dómine, florébunt sicut lílium: et sicut odor bálsami erunt ante te. Allelúja. *Vl. Ps. 115, 15* Pretiósá in conspéctu Dómini mors sanctórum ejus. Allelúja.

+ Sequéntia sancti Evangélii secúndum Matthaéum.

Matth. 5, 1-12

IN illo témpore: Videns Jesus turbas, ascéndit in montem, et cum sedísset, accessérunt ad eum discípuli ejus, et apériens os suum, docébat eos, dicens: Beáti páuperes spírítu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in caelis.

Offertorium Sap. 3, 1-2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace, allelúja.

Tempore Paschali dicitur sequens:

Offertorium Ps. 31, 11 Laetámini in Dómino, et exsultáte, justí: et gloriámmini, omnes recti corde, allelúja, allelúja.

Secreta

OBLÁTIS, Dómine, placáre munéribus: et, intercedénte beáta María semper Vírgine, cum ómnibus Sanctis tuis, a cunctis nos defénde perículis. Per Dóminum.

Communio Matth. 5, 8-10 Beáti mundo corde, quóniam ipsi Deum vidébunt: beáti pacífici, quóniam filii Dei vocabúntur: beáti qui persecutióem patiúntur propter justítiam, quóniam ipsórum est regnum caelórum.

Tempore Paschali dicitur sequens:

Communio Ps. 32, 1 Gaudéte, justi, in Dómino, allelúja: rectos decet collaudátio, allelúja.

Postcommunio

SÚMPSIMUS, Dómine, beátae Maríae semper Vírginis et ómnium Sanctórum tuórum memóriam recoléntes, sacraménta caeléstia: praesta, quaesumus ; ut, quod temporáliter gérimus, aetérnis gáudiis consequámur. Per Dóminum.

Die 2 Novembris

Vel, si in Dominicam inciderit, die 3 sequenti

IN COMMEMORATIONE OMNIUM FIDELIUM DEFUNCTORUM

Duplex

* Hac die quivis Sacerdos tres Missas celebrare potest. Qui unam dumtaxat Missam celebrat, primam legit: eamdem adhibet qui Missam cum cantu celebrat, facta ei potestate anticipandae secundae ac tertiae.

AD PRIMAM MISSAM

Introitus **4 Esdr. 2, 34 et 35**

RÉQUIEM aetérnam dona eis, Dómine: et lux perpétua lúceat eis. Ps. 64, 2-3 Te decet hymnus, Deus, in Sion, et tibi reddétur votum in Jerúsalem: exáudi oratióem meam, ad te omnis caro véniet.

Deinde absolute repetitur Réquiem aetérnam usque ad Psalmum.

Oratio

FIDÉLIUM, Deus, ómnium cónditor et redémptor: animábus famulórum, famularúmque tuárum remissionem cunctórum tríbe peccatórum ; ut indulgéntiam, quam semper optavérunt, piis supplicatióibus consequántur: Qui vivis.

Léctio Epístolae beáti Pauli Apóstoli ad Corínthios.

1 Cor. 15, 51-57

FRATRES: Ecce mystérium vobis dico: Omnes quidem resurgémus, sed non omnes immutábimur. In moménto, in ictu óculi, in novíssima tuba: canet enim tuba, et mórtui resúrgent incorrúpti: et nos immutábimur. Opórtet enim corruptíbile hoc indúere incorruptiódinem: et mortále hoc indúere immortalitátem. Cum autem mortále hoc indúerit immortalitátem, tunc fiet sermo, qui scriptus est: Absórpta est mors in victória. Ubi est, mors, victória tua ? ubi est, mors, stímulus tuus ? Stímulus autem mortis peccátum est: virtus vero peccáti lex. Deo autem grátias, qui dedit nobis victóriam per Dóminum nostrum Jesum Christum.

Graduale 4 Esdr. 2, 34 et 35 Réquiem aetérnam dona eis, Dómine: et lux perpétua lúceat eis. **V/. Ps. 111, 7** In memória aetérna erit justus: ab auditióne mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **V/.** Et grátia tua illis succurrénte, mereántur evádere júdicium ultiónis. **V/.** Et lucis aetérnae beatitúdine pérfrui.

Sequentia

DIES irae, dies illa,

Solvét saeclum in favílla:

Teste David cum Sibýlla.

Quantus tremor est futúrus,

Quando júdex est ventúrus,

Cuncta stricte discussúrus !

Tuba, mirum spargens sonum

Per sepúlcrá regiónum,

Coget omnes ante thronum.

Mors stupébit, et natúra,

Cum resúrget creatúra,

Judicánti responsúra.

Liber scriptus proferétur,
In quo totum continétur,
Unde mundus judicétur.

Judex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus ?

Quem patrónum rogatúrus,
Cum vix justus sit secúrus ?

Rex treméndae majestátis,
Qui salvándos salvas gratis,
Salva me, fons pietátis.

Recordáre, Jesu pie,
Quod sum causa tuae viae:
Ne me perdas illa die.

Quaerens me, sedísti lassus:
Redemísti Crucem passus:
Tantus labor non sit cassus.

Juste judex ultiónis,
Donum fac remissiónis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meae non sunt dignae:
Sed tu bonus fac benígne,
Ne perénni cremer igne.

Inter oves locum praesta,
Et ab haedis me sequéstra,
Státuens in parte dextra.

Confutátis maledíctis,
Flammis ácribus addíctis,
Voca me cum benedíctis.

Oro supplex et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favílla

Judicándus homo reus:
Huic ergo parce, Deus.

Pie Jesu Dómine,
Dona eis réquiem. Amen.

+ Sequéntia sancti Evangélii secúndum Joánnem.

Joann. 5, 25-29

IN illo témpore: Dixit Jesus turbis Judaeórum: Amen, amen dico vobis, quia venit hora, et nunc est, quando mórtui áudient vocem Fílii Dei: et qui audierint, vivent. Sicut enim Pater habet vitam in semetípso, sic dedit et Fílio habére vitam in semetípso: et potestátem dedit ei judícium fácere, quia Fílius hóminis est. Nolíte mirári hoc, quia venit hora, in qua omnes, qui in monuméntis sunt, áudient vocem Fílii Dei: et procédent, qui bona fecérunt, in resurrectiόνem vitae: qui vero mala egérunt, in resurrectiόνem judícii.

Offertorium Dómine Jesu Christe, Rex glóriæ, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repraeséntet eas in lucem sanctam: * Quam olim Abrahae promisísti, et sémini ejus. **V.** Hóstias et preces tibi, Dómine, laudis offerimus: tu súscipe pro animábus illis, quarum hódie memóriam fácimus: fac eas, Dómine, de morte transire ad vitam. **Q.** Quam olim Abrahae promisísti, et sémini ejus.

Secreta

HÓSTIAS, quaesumus, Dómine, quas tibi pro animabus famulorum, famularumque tuarum offerimus, propitiatus intende: ut, quibus fidei christianae meritum contulisti, dones et praemium. Per Dóminum.

Praefatio Defunctorum.

* In prima et secunda Missa, si Sacerdos aliam Missam sit celebraturus, sumpto divino Sanguine, non purificat neque abstergit Calicem, sed eum ponit super Corporale, et Palla tegit; dein, junctis manibus, dicit in medio Altaris: Quod ore sumpsimus, etc., et subinde in vase cum aqua parato digitos abluit, dicens: Corpus tuum, Dómine, etc., et abstergit. Hisce peractis, Calicem super Corporale adhuc manentem, deducta Palla, iterum disponit et cooperit, uti mos est, scilicet primum Purificatorio linteo, deinde Patena cum Hostia consecranda et Palla, ac demum velo. Si vero praedictas Missas cum intermissione sit celebraturus, potest in prioribus Missis duas ablutiones a Rubricis praescriptas sumere, sed tantum adhibita aqua.

Communio 4 Esdr. 2, 35 et 34 Lux aeterna luceat eis, Dómine: * Cum Sanctis tuis in aeternum: quia pius es. *Vl.* Réquiem aeternam dona eis, Dómine: et lux perpetua luceat eis. Cum Sanctis tuis in aeternum: quia pius es.

Postcommunio

ANIMABUS, quaesumus, Dómine, famulorum, famularumque tuarum oratio proficiat supplicantium: ut eas et a peccatis omnibus exuas, et tuae redemptionis facias esse particeps: Qui vivis.

* Debet Sacerdos ante sequentes Missas Confessionem dicere. In fine autem cujuslibet Missae, dicto Dóminus vobiscum, dicitur: Requiescant in pace. *R/.* Amen.

* Et non datur benedictio: sed dicto secreto Placeat tibi, sancta Trinitas, etc., et osculato Altari, legitur Evangelium S. Joannis In principio erat Verbum, etc., ut moris est.

IN COMMEMORATIONE OMNIUM FIDELIUM DEFUNCTORUM

AD SECUNDAM MISSAM

Introitus 4 Esdr. 2, 34 et 35

RÉQUIEM aeternam dona eis, Dómine: et lux perpetua luceat eis. Ps. 64, 2-3 Te decet hymnus, Deus, in Sion, et tibi reddetur votum in Jerúsalem: exaudi orationem meam, ad te omnis caro veniet. Réquiem aeternam.

Oratio

DEUS, indulgentiarum Dómine: da animabus famulorum famularumque tuarum refrigerii sedem, quietis beatitudinem, et luminis claritatem. Per Dóminum.

Lectio libri Machabaeorum.

2 Mach. 12, 43-46

IN diebus illis: Vir fortissimus Judas, facta collatione, duodecim millia drachmas argenti misit Jerosolymam, offerri pro peccatis mortuorum sacrificium, bene et religiose de resurrectione cogitans (nisi enim eos, qui ceciderant, resurrecturos speraret, superfluum videretur, et vanum orare pro mortuis): et quia considerabat quod hi, qui cum pietate dormitionem acciperant, optimam haberent repositam gratiam. Sancta ergo, et salubris cogitatio pro defunctis exorare, ut a peccatis solvantur.

Graduale 4 Esdr. 2, 34 et 35 Réquiem aeternam dona eis, Dómine: et lux perpetua luceat eis. *Vl.* Ps. 111, 7 In memoria aeterna erit justus: ab auditione mala non timebit.

Tractus Absolve, Dómine, animas omnium fidelium defunctorum ab omni vinculo delictorum. *Vl.* Et gratia tua illis succurrente, mereantur evadere iudicium ultionis. *Vl.* Et lucis aeternae beatitudine perfrui.

Sequentia

DIES irae, dies illa,
Solvat saeculum in favilla:
Teste David cum Sibylla.
Quantus tremor est futurus,
Quando iudex est venturus,
Cuncta stricte discussurus!

Tuba, mirum spargens sonum
Per sepúlcrá regiónum,
Coget omnes ante thronum.

Mors stupébit, et natúra,
Cum resúrget creatúra,
Judicánti responsúra.

Liber scriptus proferétur,
In quo totum continétur,
Unde mundus judicétur.

Judex ergo cum sedébit,
Quidquid latet, apparébit:
Nil inúltum remanébit.

Quid sum miser tunc dictúrus ?

Quem patrónum rogáturus,
Cum vix justus sit secúrus ?

Rex treméndaie majestátis,
Qui salvándos salvás gratis,
Salva me, fons pietátis.

Recordáre, Jesu pie,
Quod sum causa tuae viae:
Ne me perdas illa die.

Quaerens me, sedísti lassus:
Redemísti Crucem passus:
Tantus labor non sit cassus.

Juste judex ultiónis,
Donum fac remissionis
Ante diem ratiónis.

Ingemísco, tamquam reus:
Culpa rubet vultus meus:
Supplicánti parce, Deus.

Qui Mariám absolvísti,
Et latrónem exaudísti,
Mihi quoque spem dedísti.

Preces meae non sunt dignae:
Sed tu bonus fac benígne,
Ne perénni cremer igne.

Inter oves locum praesta,
Et ab haedis me sequéstra,
Státuens in parte dextra.

Confutátis maledíctis,
Flammis ácribus addíctis,
Voca me cum benedíctis.

Oro supplex et acclínis,
Cor contrítum quasi cinis:
Gere curam mei finis.

Lacrimósa dies illa,
Qua resúrget ex favilla
Judicándus homo reus:

Huic ergo parce, Deus.

Pie Jesu Dómine,
Dona eis réquiem. Amen.

+ Sequéntia sancti Evangélii secúndum Joánnem.

Joann. 6, 37-40

IN illo témpore: Dixit Jesus turbis Judaeórum: Omne, quod dat mihi Pater, ad me véniet: et eum, qui venit ad me, non ejiám foras: quia descénderi de caelo, non ut fáciám voluntátem meam, sed voluntátem ejus, qui misit me. Haec est autem volúntas ejus, qui misit me, Patris: ut omne, quod dedit mihi, non perdam ex eo, sed resúscitem illud in novíssimo die. Haec est autem volúntas Patris mei, qui misit me: ut omnis, qui videt Fílium, et credit in eum, hábeat vitam aetérnam, et ego resuscitábo eum in novíssimo die.

Offertorium Dómine Jesu Christe, Rex glóriae, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaél repraeséntet eas in lucem sanctam: * Quam olim Abrahae promisísti, et sémini

ejus. **V/.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahæe promisísti, et sémini ejus.

* In secunda et tertia Missa Sacerdos, si primam Missam celebraverit, ad Offertorium deveniens, ablato velo de Calice, hunc parumper versus cornu Epistolæ collocat, sed non extra Corporale ; factaque Hostiæ oblatione, non abstergit Calicem Purificatorio, sed eum intra Corporale relinquens leviter elevat, vinumque et aquam eidem caute infundit, ipsumque Calicem, nullatenus ab intus abstersum, more solito offert.

Secreta

PROPITIÁRE, Dómine, supplicatióibus nostris, pro animábus famulórum, famularúmque tuárum, pro quibus tibi offérimus sacrificium laudis: ut eas Sanctórum tuórum consórtio sociáre dignéris. Per Dóminum.

Praefatio Defunctorum.

Communio 4 Esdr. 2, 35 et 34 Lux aetérna lúceat eis, Dómine: * Cum Sanctis tuis in aetérnum: quia pius es. **V/.** Réquiem aetérnam dona eis, Dómine: et lux perpétua lúceat eis. **C**um Sanctis tuis in aetérnum: quia pius es.

Postcommunio

PRAESTA, quaesumus, Dómine: ut ánimæ famulórum, famularúmque tuárum, his purgátae sacrificiis, indulgéntiam páriter et réquiem cápian sempitérnam. Per Dóminum.

IN COMMEMORATIONE OMNIUM FIDELIUM DEFUNCTORUM

AD TERTIAM MISSAM

Introitus 4 Esdr. 2, 34 et 35

RÉQUIEM aetérnam dona eis, Dómine: et lux perpétua lúceat eis. Ps. 64, 2-3 Te decet hymnus, Deus, in Sion, et tibi reddétur votum in Jerúsalem: exáudi oratióem meam, ad te omnis caro véniet. **R**équiem aetérnam.

Oratio

DEUS, vénia largítor, et humánae salútis amátor: quaesumus cleméntiam tuam ; ut ánimas famulórum famularúmque tuárum, quae ex hoc saéculo transiérunt, beáta María semper Vírgine intercedénte cum ómnibus Sanctis tuis, ad perpétuae beatitúdinis consórtium perveníre concédas. Per Dóminum.

Léctio libri Apocalýpsis beáti Joánnis Apóstoli.

Apoc. 14, 13

IN diébus illis: Audívi vocem de caelo, dicéntem mihi: Scribe: Beáti mórtui, qui in Dómino moriúntur. Amodo jam dicit Spíritus, ut requiéscent a labóribus suis: ópera enim illórum sequúntur illos.

Graduale 4 Esdr. 2, 34 et 35 Réquiem aetérnam dona eis, Dómine: et lux perpétua lúceat eis. **V/.** Ps. 111, 7 In memória aetérna erit justus: ab auditióne mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **V/.** Et grátia tua illis succurrénte, mereántur evádere júdicium ultiónis. **V/.** Et lucis aetérnae beatitúdine péfrui.

Sequentia

DIES irae, dies illa,
Solvét saeclum in favílla:
Teste David cum Sibýlla.
Quantus tremor est futúrus,
Quando júdex est ventúrus,
Cuncta stricte discussúrus !
Tuba, mirum spargens sonum
Per sepúlra regiónum,
Coget omnes ante thronum.
Mors stupébit, et natúra,
Cum resúrget creatúra,
Judicánti responsúra.

Liber scriptus proferetur,
In quo totum continetur,
Unde mundus judicetur.
Judex ergo cum sedébit,
Quidquid latet, apparébit:
Nil inúltum remanébit.
Quid sum miser tunc dictúrus ?
Quem patrónum rogatúrus,
Cum vix justus sit secúrus ?
Rex treméndae majestátis,
Qui salvándos salvas gratis,
Salva me, fons pietátis.
Recordáre, Jesu pie,
Quod sum causa tuae viae:
Ne me perdas illa die.
Quaerens me, sedísti lassus:
Redemísti Crucem passus:
Tantus labor non sit cassus.
Juste judex ultiónis,
Donum fac remissiónis
Ante diem ratiónis.
Ingemísco, tamquam reus:
Culpa rubet vultus meus:
Supplicánti parce, Deus.
Qui Mariám absolvísti,
Et latrónem exaudísti,
Mihi quoque spem dedísti.
Preces meae non sunt dignae:
Sed tu bonus fac benígne,
Ne perénni cremer igne.
Inter oves locum praesta,
Et ab haedis me sequéstra,
Státuens in parte dextra.
Confutátis maledíctis,
Flammis ácribus addíctis,
Voca me cum benedíctis.
Oro supplex et acclínis,
Cor contrítum quasi cinis:
Gere curam mei finis.
Lacrimósa dies illa,
Qua resúrget ex favílla
Judicándus homo reus:
Huic ergo parce, Deus.
Pie Jesu Dómine,
Dona eis réquiem. Amen.

+ Sequéntia sancti Evangéllii secúndum Joánnem.

Joann. 6, 51-55

IN illo témpore: Dixit Jesus turbis Judaeórum: Ego sum panis vivus, qui de caelo descéndi. Si quis manducáverit ex hoc pane, vivet in aetérnum: et panis, quem ego dabo, caro mea est pro mundi vita. Litigábant ergo Judaéi ad ínvicem, dicéntes: Quómodo potest hic nobis carnem suam dare ad manducándum ? Dixit ergo eis Jesus: Amen, amen dico vobis: nisi manducavéritis carnem Fílii hóminis, et bibéritis ejus sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam aetérnam: et ego resuscitábo eum in novíssimo die.

Offertorium Dómine Jesu Christe, Rex glóriæ, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repraeséntet eas in lucem sanctam: * Quam olim Abrahae promisísti, et sémini ejus. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q.** Quam olim Abrahae promisísti, et sémini ejus.

Secreta

DEUS, cujus misericórdiae non est númerus, súscipe propítius preces humilitátis nostrae: et animábus ómnium fidélium defunctorum, quibus tui nóminis dedísti confessiónem, per haec sacraménta salutis nostrae, cunctórum remissiónem tríbue peccatórum. Per Dóminum.

Praefatio Defunctorum.

Communio 4 Esdr. 2, 35 et 34 Lux aetérna lúceat eis, Dómine: * Cum Sanctis tuis in aetérnum: quia pius es. **V.** Réquiem aetérnam dona eis, Dómine: et lux perpétua lúceat eis. **Cum Sanctis tuis in aetérnum: quia pius es.**

Postcommunio

PRAESTA, quaésumus, omnípotens et miséricors Deus: ut ánimae famulórum, famularúmque tuárum, pro quibus hoc sacrificium laudis tuae obtúlimus majestáti ; per hujus virtútem sacraménti a peccátis ómnibus expiátae, lucis perpétuae, te miseránte, recipiant beatitúdinem. Per Dóminum.

Die 4 Novembris S. CAROLI

Episcopi et Confessoris

Duplex

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdótii dígnitas in aetérnum. **Ps. 131, 1** Meménto, Dómine, David: et omnis mansuetúdinis ejus. **V.** Glória Patri.

Oratio

ECCLÉSIAM tuam, Dómine, sancti Cároli Confessoris tui atque Pontíficis contínua protectióne custódi: ut, sicut illum pastorális sollicitúdo gloriósum réddidit ; ita nos ejus intercessio in tuo semper fáciat amóre fervétes. Per Dóminum.

Et fit Commemoratio Octavae Omnium Sanctorum.

Deinde fit Commemoratio Ss. Vitalis et Agricolae Martyrum.

Oratio

PRAESTA, quaésumus, omnípotens Deus: ut, qui sanctorum Mártyrum tuórum Vitális et Agricolae solémnia cólimus, eórum apud te intercessiónibus adjuvémur. Per Dóminum.

Léctio libri Sapiéntiae.

Eccli. 44, 16-27 ; 45, 3-20

ECCE sacérdos magnus, qui in diébus suis plácuit Deo, et invéntus est justus: et in témpore iracúndiae factus est reconciliátió. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictiónem ómnium géntium dedit illi, et testaméntum suum confirmávit super caput ejus. Agnóvit eum in benedictiónibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriae. Státuit illi testaméntum aetérnum, et dedit illi sacerdótium magnum: et beatificávit illum in glória. Fungi sacerdótió, et habére laudem in nómine ipsíus, et offérre illi incénsum dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuit Deo. **V.** **Ibid., 20** Non est invéntus símilis illi, qui conserváret legem Excélsi.

Allelúja, allelúja. **V.** **Ps. 109, 4** Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Matthaéum.

Matth. 25, 14-23

IN illo témpore: Dixit Jesus discíplis suis parábolam hanc: Homo pégre proficiscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Símiliter qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratiónerum cum eis. Et accédens qui quinque talénta accéperat, obtulit

ália quinque talénta, dicens: Dómine, quinque talénta tradidísti mihi, ecce ália quinque superlucrátus sum. Ait illi dóminus ejus: Euge serve bone, et fidélis, quia super pauca fuísti fidélis, super multa te constítuam: intra in gáudium dómni tui. Accessit autem et qui duo talénta accéperat, et ait: Dómine, duo talénta tradidísti mihi, ecce ália duo lucrátus sum. Ait illi dóminus ejus: Euge serve bone, et fidélis, quia super pauca fuísti fidélis, super multa te constítuam: intra in gáudium dómni tui.

Crede, racione Octavae.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

**Pro Ss. Martyribus
Secreta**

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Communio Luc. 12, 42 Fidélis servus et prudens, quem constítuit dóminus super famíliam suam: ut det illis in témpore trítici mensúram.

Postcommunio

PRAESTA, quaésumus, omnípotens Deus: ut, de percéptis munéribus grátias exhibéntes, intercedénte beáto Cárolo Confessóre tuo atque Pontífice, benefícia potióra sumámus. Per Dóminum.

**Pro Ss. Martyribus
Postcommunio**

HAEC nos commúnio, Dómine, purget a crímine: et, intercedéntibus sanctis Martýribus tuis Vitále et Agrícola, caeléstis remédii fáciat esse consórtes. Per Dóminum.

Eadem die 4 Novembris

Pro SS. VITALE et AGRICOLA
Martyribus

Introitus **Eccli. 44, 15 et 14**

SAPIÉNTIAM sanctorum narrent populi, et laudes eorum nuntiet ecclesia: nomina autem eorum vivent in saeculum saeculi. **Ps. 32, 1** Exsultate, justi, in Domino: rectos decet collaudatio. **Vl.** Glória Patri.

Oratio

PRAESTA, quaésumus, omnípotens Deus: ut, qui sanctorum Mátyrum tuorum Vitális et Agricolae solémnia cólimus, eorum apud te intercessiónibus adjuvémur. Per Dóminum.

Léctio Epístolae beáti Pauli Apóstoli ad Hebraeos.

Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis et tribulatióibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem et manéntem substántiam. Nolíte itaque amíttere confidéntiam vestram, quae magnam habet remuneratióem. Patiéntia enim vobis necessária est: ut voluntátem Dei faciéntes, reportétiis promissióem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Ps. 123, 7-8 Anima nostra, sicut passer, erépta est de láqueo venántium. **Vl.** Láqueus contrítus est, et nos liberáti sumus: adjutórium nostrum in nómine Dómni, qui fecit caelum et terram.

Allelúja, allelúja. **Vl. Ps. 67, 4** Justi epuléntur, et exsúltent in conspéctu Dei: et delecténtur in laetitia. Allelúja.

+ Sequéntia sancti Evangélii secúndum Matthaéum.

Math. 16, 24-27

IN illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómini, si mundum unívrsum lucrétur, ánimae vero suae detriméntum patiátur? Aut quam dabit homo commutatióem pro ánima sua? Filius enim hóminis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatióes Dei in fáucibus eórum, allelúja.

Secreta

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis Vitále et Agrícola, a cunctis nos defénde perículis. Per Dóminum.

Communio Luc. 12, 4 Dico autem vobis amícis meis: Ne terreámini ab his, qui vos persecúntur.

Postcommunio

HAEC nos commúnio, Dómine, purget a crimine: et, intercedéntibus sanctis Martýribus tuis Vitále et Agrícola, caeléstis remédii fáciat esse consórtes. Per Dóminum.

Die 8 Novembris IN OCTAVA OMNIUM SANCTORUM

Duplex majus

Missa ut in Festo, et fit Commemoratio Ss. Quatuor Coronatorum Martyrum, ut in Missa sequenti.

Eadem die 8 Novembris

Pro SS. QUATUOR CORONATIS Martyribus

Introitus **Ps. 78, 11, 12 et 10**

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. **Ps. ibid., 1** Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiam. **V.** Glória Patri.

Oratio

PRAESTA, quaésumus, omnípotens Deus: ut, qui gloriósos Mártyres fortes in sua confessiόe cognóvimus, pios apud te in nostra intercessiόe sentiámus. Per Dóminum.

Léctio Epístolae beáti Pauli Apóstoli ad Hebraeos.

Hebr. 11, 33-39

FRATRES: Sancti per fidem vicérunt regna, operáti sunt justítiam adépti sunt repromissiόes, obturavérunt ora leónum, exstinxérunt ímpetum ignis, effugerunt áciem gládii, convaluérunt de infirmitáte, fortes facti sunt in bello, castra vertérunt exterórum: accepérunt mulíeres de resurrectiόe mórtuos suos: álíi autem distéti sunt, non suscipiéntes redemptiόem, ut meliόrem invenírent resurrectiόem: álíi vero ludíbria, et vérbera expéti, ínsuper et víncula, et cárceres: lapidáti sunt, secti sunt, tentáti sunt, in occisiόe gládii mórtui sunt: circuíerunt in melótiis, in péllibus caprínis, egéntes, angustiáti, afflícti: quibus dignus non erat mundus: in solitudínibus errántes, in móntibus, et spelúncis, et in cavérnis terrae. Et hi omnes testimóio fídei probáti, invénti sunt in Christo Jesu Dómino nostro.

Graduale Exodi 15, 11 Gloriósus Deus in sanctis suis: mirábilis in majestáte, fáciens prodígia. **V.** **Ibid., 6** Dextera tua, Dómine, glori ficáta est in virtúte: dextera manus tua confrégit inimícos. Allelúja, allelúja. **V.** **Eccli. 44, 14** Córpora sanctórum in pace sepúlta sunt: et nómina eórum vivent in

generatióem et generatióem. Allelúja.

+ Sequéntia sancti Evangélii secúndum Matthaéum.

Matth. 5, 1-12

IN illo témpore: Videns Jesus turbas, ascéndit in montem, et cum sedisset, accessérunt ad eum discipuli ejus, et apériens os suum, docébat eos, dicens: Beáti páuperes spírítu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutióem patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte, et exsultáte, quóniam merces vestra copiósa est in caelis.

Offertorium Ps. 67, 36 Mirábilis Deus in sanctis suis: Deus Israèl, ipse dabit virtútem, et fortitúdinem plebi suae: benedíctus Deus, allelúja.

Secreta

BENEDÍCTIO tua, Dómine, larga descéndat: quae et múnera nostra, deprecántibus sanctis Martíribus tuis, tibi reddat accépta, et nobis sacraméntum redemptióis effíciat. Per Dóminum.

Communio Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

CAELÉSTIBUS refécti sacraméntis et gáudiis: súplices te, Dómine, deprecámur ; ut quorum gloriámur triúmphis, protegámur auxiliis. Per Dóminum.

Die 9 Novembris
IN DEDICATIONE
ARCHIBASILICAE
SSMI SALVATORIS

Duplex II classis

Missa Terríbilis, de Communi Dedicatióis Ecclesiae.
Et, in Missis privatis tantum, fit Commemoratio S. Theodori Martyris, ut in Missa sequenti.

Eadem die 9 Novembris

Pro S. THEODORO
Martyre

Missa Laetábitur, de Communi unius Martyris 4 loco, cum Orationibus ut infra.

Oratio P

DEUS, qui nos beáti Theodóri Mátyris tui confessióne gloriósa circúmdas et prótegis: praesta nobis ex ejus imitatióne proficere, et oratióne fulcíri. Per Dóminum.

Secreta P

SÚSCIPE, Dómine, fidélium preces cum oblatiúnibus hostiárum: et, intercedénte beáto Theodóro Mátyre tuo, per haec piaev devotióis offícia ad caeléstem glóriam transeámus. Per Dóminum.

Postcommunio P

PRAESTA nobis, quaesumus, Dómine: intercedénte beáto Theodóro Mátyre tuo ; ut, quod ore contíngimus, pura mente capiámus. Per Dóminum.

Die 10 Novembris
S. ANDREAE AVELLINI

Confessoris

Duplex

Missa Os justi, de Communi Confessoris non Pontificis 1 loco, praeter Orationem sequentem.

Oratio

P

DEUS, qui in corde beáti Andréae Confessoris tui, per árduum quotidie in virtútibus proficiéndi votum, admirábiles ad te ascensiónes disposuísti: concéde nobis, ipsíus méritis et intercessióne, ita ejúsdem grátiae partícipes fieri ; ut, perfectióra semper exsequéntes, ad glóriae tuae fastígium feliciter perducámur. Per Dóminum.

Et fit Commemoratio Ss. Tryphonis ac Respicii Martyrum et Nymphae Virginis et Martyris.

Oratio

FAC nos, quaésumus, Dómine, sanctórum Mártyrum tuórum Tryphónis, Respicii et Nymphae semper festa sectári: quorum suffrágiis, protectiónis tuae dona sentiámus. Per Dóminum.

Secreta

C

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confidimus, et futúris. Per Dóminum.

Pro Ss. Martyribus
Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Postcommunio

C

REFÉCTI cibo potúque caelésti, Deus noster, te súpplícés exorámus: ut, in cujus haec commemoratióne percépimus, ejus muniámur et précibus. Per Dóminum.

Pro Ss. Martyribus
Postcommunio

PRAESTA nobis, quaésumus, Dómine: intercedéntibus sanctis Martýribus tuis Tryphóne, Respicio et Nympha ; ut, quod ore contíngimus, pura mente capiámus. Per Dóminum.

Eadem die 10 Novembris

Pro SS. TRYPHONE ac RESPICIO
Martyribus
et NYMPHA
Virgine et Martyre

Introitus Ps. 33, 18

CLAMAVÉRUNT justí, et Dóminus exaudivit eos: et ex ómnibus tribulatióibus eórum liberávit eos. Ps. *ibid.*, 2 Benedícam Dóminum in omni témpore: semper laus ejus in ore meo. *Vl.* Glória Patri.

Oratio

FAC nos, quaésumus, Dómine, sanctórum Mártyrum tuórum Tryphónis, Respicii et Nymphae semper festa sectári: quorum suffrágiis, protectiónis tuae dona sentiámus. Per Dóminum.

Léctio Epístolae beáti Pauli Apóstoli ad Romános.

Rom. 8, 18-23

FRATRES: Exístimo quod non sunt condígnae passiónes hujus témporis ad futúram glóriam, quae revelábitur in nobis. Nam exspectátió creatúrae, revelatiónem filiórum Dei exspectat. Vanitáti enim creatúra subjécta est non volens, sed propter eum, qui subjécit eam in spe: quia et ipsa creatúra liberábitur a servitúte corruptiúnis, in libertátem glóriae filiórum Dei. Scimus enim quod omnis creatúra ingemíscit, et párturit usque adhuc. Non solum autem illa, sed et nos ipsi primitias spíritus habéntes: et ipsi intra nos gémimus adoptiúnem filiórum Dei exspectántes, redemptiúnem córporis nostri: in Christo Jesu Dómino nostro.

Graduale Ps. 78, 10 et 2 Vindica, Dómine, sánguinem sanctórum tuórum, qui effúsus est. **V/.** Posuérunt mortália servórum tuórum, escas volatílibus caeli: carnes sanctórum tuórum béstiis terrae. Allelúja, allelúja. **V/.** **Ps. 115, 15** Pretiósá in conspéctu Dómini mors sanctórum ejus. Allelúja.

+ Sequéntia sancti Evangéllii secúndum Lucam.

Luc. 12, 1-8

IN illo témpore: Dixit Jesus discipulis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque abscondítum, quod non sciátur. Quóniam, quae in ténebris dixístis, in lúmine dicéntur: et quod in aurem locúti estis in cubículis, praedicábitur in tectis. Dico autem vobis amícis meis: Ne terreámini ab his, qui occídunt corpus, et post haec non habent ámplius quid fáciant. Osténdam autem vobis quem timeátis: timéte eum, qui postquam occíderit, habet potestátem mittere in gehénnam. Ita dico vobis: hunc timéte. Nonne quinque pásseres véneunt dipóndio, et unus ex illis non est in obliuóne coram Deo ? Sed et capílli cápitis vestri omnes numeráti sunt. Nolíte ergo timére: multis passéribus pluris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitébatur illum coram Angelis Dei.

Offertorium Ps. 31, 11 Laetámini in Dómino, et exsultáte, iusti: et gloriámini, omnes recti corde.

Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Communio Matth. 12, 50 Quicúmque fécerit voluntátem Patris mei, qui in caelis est: ipse meus frater, et soror, et mater est, dicit Dóminus.

Postcommunio

PRAESTA nobis, quaesumus, Dómine: intercedéntibus sanctis Martýribus tuis Tryphóne, Respício et Nympha ; ut, quod ore contingimus, pura mente capiámus. Per Dóminum.

Die 11 Novembris
S. MARTINI

Episcopi et Confessoris

Duplex

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotíi dígnitas in aetérnum. **Ps. 131, 1** Meménto, Dómine, David: et omnis mansuetúdinis ejus. **V/.** Glória Patri.

Oratio

DEUS, qui cónspicis, quia ex nulla nostra virtúte subsístimus: concéde propítius ; ut, intercessióne beáti Martíni Confessóris tui atque Pontíficis, contra ómnia advérsa muniámur. Per Dóminum.

Et fit Commemoratio S. Mennae Martyris.

Oratio

PRAESTA, quaesumus, omnípotens Deus: ut, qui beáti Mennae Mártiris tui natalítia cólimus, intercessióne ejus, in tui nóminis amóre roborémur. Per Dóminum.

Léctio libri Sapiéntiae.

Eccli. 44, 16-27 ; 45, 3-20

ECCE sacerdos magnus, qui in diébus suis plácuít Deo, et invéntus est justus: et in témpore iracúndiae factus est reconciliátió. Non est invéntus símilis illi, qui conservávit legem Excélsi. Ideo jurejurándo fecit illum Dóminus créscere in plebem suam. BenedictiÓNem ómnium géntium dedit illi, et testaméntum suum confirmávit super caput ejus. Agnóvit eum in benedictiÓNibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriae. Státuit illi testaméntum aetérnum, et dedit illi sacerdotíum magnum: et beatificávit illum in glória. Fungi sacerdotío, et habére laudem in nómine ipsíus: et offérre illi incénsus dignum in odórem suavitátis.

Graduale Eccli. 44, 16 Ecce sacerdos magnus, qui in diebus suis placuit Deo. **V/. Ibid., 20** Non est inventus similis illi, qui conservaret legem Excelsi.

Allelúja , allelúja. **V/.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationes et Virtútes. Allelúja.

In Missis votivis Tempore Paschali omittitur Graduale, et ejus loco dicitur:

Allelúja , allelúja. **V/.** Beátus vir, sanctus Martínus, urbis Turónis Epíscopus, requiévít: quem suscepérunt Angeli atque Archángeli, Throni, Dominationes et Virtútes. Allelúja. **V/.** Hic est sacerdos, quem coronávit Dóminus. Allelúja.

+ Sequéntia sancti Evangélii secúndum Lucam.

Luc. 11, 33-36

IN illo témpore: Dixit Jesus discíplis suis: Nemo lucérnam accéndit, et in abscóndito ponit, neque sub módio: sed supra candelábrum, ut qui ingrediúntur, lumen vídeant. Lucérna córporis tui est óculus tuus. Si óculus tuus fúerit simplex, totum corpus tuum lícidum erit ; si autem nequam fúerit, étiam corpus tuum tenebrósum erit. Vide ergo, ne lumen, quod in te est, ténebrae sint. Si ergo corpus tuum totum lícidum fúerit, non habens áliquam partem tenebrárum, erit lícidum totum, et sicut lucérna fulgóris illuminábit te.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus.

Secreta

SANCTÍFICA, quaésumus, Dómine Deus, haec múnera, quae in solemnitate sancti Antístitis tui Martíni offérimus: ut per ea, vita nostra inter advérsa et próspéra ubíque dirigátur. Per Dóminum.

Pro S. Menna

Secreta

MUNÉRIBUS nostris, quaésumus, Dómine, precíbúsq; suscéptis: et caeléstibus nos munda mystériis, et cleménter exáudi. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum.

Postcommunio

PRAESTA, quaésumus, Dómine: Deus noster: ut, quorum festivitáte votíva sunt sacraménta, eórum intercessióne salutária nobis reddántur. Per Dóminum.

Pro S. Menna

Postcommunio

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur offício ; ita perpétuo laetémur aspéctu. Per Dóminum.

Eadem die 11 Novembris

Pro S. MENNA
Martyre

Missa Laetábitur, **de Communi unius Martyris 4 loco, cum Orationibus ut supra.**

Die 12 Novembris

S. MARTINI I

Papae et Martyris

Semiduplex

Missa Si díligis me, **de Communi Summorum Pontificum.**

Oratio

C

GREGEM tuum, Pastor aetérne, placátus inténde: et per beátum Martínium Mártirem tuum atque Summum Pontíficem, perpétua protectióne custódi ; quem totíus Ecclésiæ praestítisti esse pastórem. Per Dóminum.

Secreta C

OBLÁTIS munéribus, quaésumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio C

REFECTIÓNÉ sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Die 13 Novembris
S. DIDACI

Confessoris

Semiduplex

Missa Justus, de Communi Confessoris non Pontificis 2 loco, praeter Orationem sequentum.

Oratio P

OMNÍPOTENS sempitérne Deus, qui dispositióne mirábili infírma mundi éligis, ut fórtia quaeque confúndas: concéde propítius humilitáti nostrae: ut, piis beáti Dídaci Confessóris tui précibus, ad perénnem in caelis glóriam sublimári mereámur. Per Dóminum.

Secreta C

PRAESTA nobis, quaésumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio C

QUSUMUS, omnípotens Deus: ut, qui caeléstia aliménta percépimus, intercedénte beáto Dídaco Confessóre tuo, per haec contra ómnia advérsa muniámur. Per Dóminum.

Die 14 Novembris
S. JOSAPHAT

Episcopi et Martyris

Duplex

Introitus

GAUDEÁMUS omnes in Dómino, diem festum celebrántes sub honóre beáti Jósaphat Mártiris: de cujus passióne gaudent Angeli, et colláudant Fílium Dei. Ps. 32, 1 Exsultáte, justi, in Dómino: rectos decet collaudátio. V/. Glória Patri.

Oratio

EXCITA, quaésumus, Dómine, in Ecclésia tua Spíritum , quo replétus beátus Jósaphat Martyr et Póntifex tuus ánimam suam pro óvibus pósuit: ut, eo intercedénte, nos quoque eódem Spíritu moti ac roboráti, ánimam nostram pro frátribus pónere non vereámur. Per Dóminum **in unitáte ejúsdem**

Spíritus Sancti.

Léctio Epístolae beáti Pauli Apóstoli ad Hebraeos.

Hebr. 5, 1-6

FRATRES: Omnis póntifex ex homínibus assúptus, pro homínibus constitúitur in iis, quae sunt ad Deum: ut offerat dona, et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut póntifex fieret: sed qui locútus est ad eum: Fílius meus es tu, ego

hódie genui te. Quemádmódu et in álio loco dicit: Tu es sacérdos in aetérnum, secúndum órduem Melchisedech.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **V.** Nihil profíciet inimícus in eo, et fílius iniquitátis non nocébit ei.

Allelúja , allelúja. **V.** Hic est sacérdos, quem coronávit Dóminus. Allelúja.

+ Sequéntia sancti Evangéllii secúndum Joánnem.

Joann. 10, 11-16

IN illo témpore: Dixit Jesus pharisaéis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognóscó meas, et cognóscunt me meae. Sicut novit me Pater, et ego agnóscó Patrem: et ánimam meam pono pro óvibus meis. Et álias oves hábeo, quae non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Offertorium Joann. 15, 13 Majórem caritátem nemo habet, ut ánimam suam ponat quis pro amícis suis.

Secreta

CLEMENTÍSSIME Deus, múnera haec tua benedictióne perfúnde, et nos in fide confírma: quam sanctus Jósaphat Martyr et Póntifex tuus, effúso ságuine, assérui. Per Dóminum.

Communio Joann. 10, 14 Ego sum pastor bonus, et cognóscó oves meas, et cognóscunt me meae.

Postcommunio

SPÍRITUM, Dómine, fortitúdinis haec nobis tríbuat mensa caeléstis: quae sancti Jósaphat Mártiris tui atque Pontíficis vitam pro Ecclésiae honóre júgiter áluit ad victóriam. Per Dóminum.

* **In Missis votivis omnia dicuntur ut supra, cum Introitu tamen, et post Septuagesimam Tractu Desidérium ex Missa Státuit, de Communi unius Martyris 1 loco ; Tempore autem Paschali omnia item ut supra, sed cum Introitu et Allelúja cum suis Versibus post Epistolam ex Missa Protexísti, de Communi Martyrum 1 loco.**

Die 15 Novembris
S. ALBERTI MAGNI

Episcopi, Confessoris et Ecclesiae Doctoris

Duplex

Missa In médio, **de Communi Doctorum, cum Orationibus ut infra, et dicitur** Credo.

Oratio P

DEUS, qui beátum Albértum Pontíficem tuum atque Doctórem in humana sapiéntia divínae fidei subjiciénda magnum effecísti: da nobis, quaesumus, ita ejus magistérii inhaerére vestígiis, ut luce perfécta fruámur in caelis. Per Dóminum.

Secreta P

SACRIFÍCIIS praeséntibus, Dómine, quaesumus, inténde placátus: ut quod Passiónis Fílii tui Dómini nostri mystério gérimus, beáti Albéti intercessióne et exémplo, pio consequámur afféctu. Per eúmdem Dóminum.

Postcommunio P

PER haec sancta quae súmpsimus, ab hóstium nos, Dómine, impugnatione defénde: et intercedénte beáto Albérto, Confessóre tuo atque Pontífice, perpétua pace respiráre concéde. Per Dóminum.

Die 16 Novembris
S. GERTRUDIS

Virginis

Duplex

Missa Dilexisti, de Communi Virginum 3 loco, praeter Orationem sequentem.

Oratio

P

DEUS, qui in corde beatae Gertrúdis Vírginis jucúndam tibi mansiónem praeparásti: ipsíus méritis et intercessióne ; cordis nostri máculas cleménter abstérge ; et ejúsdem tríbue gaudére consórtio. Per Dóminum.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Postcommunio

C

SATIÁSTI, Dómine, famíliam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Die 17 Novembris**S. GREGORII THAUMATURGI**

Episcopi et Confessoris

Semiduplex

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotií dignitas in aetérnum. **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DA, quaésumus, omnípotens Deus: ut beáti Gregórii Confessoris tui atque Pontíficis veneránda solémnitas, et devotióne nobis áugeat, et salútem. Per Dóminum.

Léctio libri Sapiéntiae.

Eccli. 44, 16-27 et 45, 3-20

ECCE sacérdos magnus, qui in diébus suis plácuít Deo, et invéntus est justus: et in témpore iracúndiae factus est reconciliátió. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictióne omniúm géntium dedit illi, et testaméntum suum confirmávit super caput ejus. Agnóvit eum in benedictiúnibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriae. Státuit illi testaméntum aetérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus: et offérre illi incénsus dignum in odórem suavitatís.

Graduale Eccli. 44, 16 Ecce sacérdos magnus, qui in diébus suis plácuít Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Marcum.

Marc. 11, 22-24

IN illo témpore: Respóndens Jesus discipulis suis, ait illis: Habéte fidem Dei. Amen dico vobis, quia quicúmque díxerit huic monti: Tóllere, et míttre in mare, et non haesitáverit in corde suo, sed credíderit, quia quodcúmque díxerit, fiat, fiet ei. Proptérea dico vobis: Omnia quaecúmque orántes pétitis, crédite quia accipiétis, et evénient vóbis.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia

Communio Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram.

Postcommunio

PRAESTA, quaésumus, omnipotens Deus: ut, de percéptis munéribus grátias exhibéntes, intercedénte beáto Gregório Confessóre tuo atque Pontífice, beneficia potióra sumámus. Per Dóminum.

Die 18 Novembris
IN DEDICATIONE
BASILICARUM
SS. PETRI ET PAULI

Apostolorum

Duplex majus

Missa Terribilis, **de Communi Dedicacionis Ecclesiae.**

Die 19 Novembris
S. ELISABETH

Viduae

Duplex

Missa Cognóvi, **de Communi non Virginum 2 loco, praeter Orationem sequentem.**

Oratio

P

TUÓRUM corda fidélium, Deus miserátor, illústra: et, beátae Elísabeth précibus gloriósis ; fac nos próspéra mundi despícere, et caelésti semper consolatióne gaudére. Per Dóminum.

Et fit Commemoratio S. Pontiani Papae et Martyris.

Oratio

GREGEM tuum, Pastor aetérne, placátus inténde: et per beátum Pontíanum Mártyrem tuum atque Summum Pontíficem, perpétua protectióne custódi ; quem totíus Ecclésiae praestitísti esse pastórem. Per Dóminum.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Pro S. Pontiano
Secreta

OBLÁTIS munéribus, quaésumus, Dómine, Ecclésiam tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Postcommunio

C

SATIÁSTI, Dómine, familiam tuam munéribus sacris: ejus, quaésumus, semper interventióne nos réfove, cujus solémnia celebrámus. Per Dóminum.

Pro S. Pontiano
Postcommunio

REFECTIÓNE sancta enutrítam gubérna, quaésumus, Dómine, tuam placátus Ecclésiam: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Eadem die 19 Novembris

Pro S. PONTIANO
Papa et Martyre

Missa Si dīligis me, de **Communi Summorum Pontificum**.

Die 20 Novembris
S. FELICIS DE VALOIS

Confessoris

Duplex

Missa Justus, de **Communi Confessoris non Pontificis 2 loco, praeter Orationem sequentem**.

Oratio P

DEUS, qui beátum Felícem Confessórem tuum ex erémo ad munus rediméndi captívos caelítus vocáre dignátus es: praesta, quaesumus ; ut per grátiam tuam ex peccatórum nostrórum captivítate, ejus intercessióne, liberáti, ad caeléstem pátriam perducámur. Per Dóminum.

Secreta C

PRAESTA nobis, quaesumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio C

QUSUMUS, omnípotens Deus: ut, qui caeléstia aliménta percépimus, intercedénte beáto Felíce Confessóre tuo, per haec contra ómnia advérta muniámur. Per Dóminum.

Die 21 Novembris
IN PRAESENTATIONE
BEATAE MARIAE VIRGINIS

Duplex majus

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DEUS, qui beátam Mariám semper Vírginem, Spíritus Sancti habitáculum, hodiérna die in templo praesentári voluísti: praesta, quaesumus ; ut, ejus intercessióne, in templo glóriae tuae praesentári mereámur. Per Dóminum **in unitáte ejúsdem**.

Léctio libri Sapiéntiae.

Eccli. 24, 14-16

AB iníto, et ante saécula creáta sum, et usque ad futúrum saeculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo.

Allelúja , allelúja. **Vl.** Post partum, Virgo, invioláta permansísti: Dei Génitrix, intercède pro nobis. Allelúja.

+ Sequéntia sancti Evangéllii secúndum Lucam.

Luc. 11, 27-28

IN illo témpore: Loquénste Jesu ad turbas, extóllens vocem quaedam múlter de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Credo.

Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Praesentatióne.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SUMPTIS, Dómine, salútis nostrae subsidiis: da, quaesumus, beátae Maríae semper Vírginis patrocíniis nos ubique prótegi; in cuius veneratióne haec tuae obtúlimus majestáti. Per Dóminum.

Die 22 Novembris
S. CAECILIAE

Virginis et Martyris

Duplex

Introitus **Ps. 118, 46-47**

LOQUÉBAR de testimoniis tuis in conspéctu regum, et non confundébar: et meditábar in mandátis tuis, quae diléxi nimis. Ps. *ibid.*, 1 Beáti immaculáti in via: qui ámbulant in lege Dómini. **V.** Glória Patri.

Oratio

DEUS, qui nos ánnua beátae Caecíliae Vírginis et Mártyris tuae solemnitate laetificas: da, ut quam venerámur offício, étiam piaie conversatiónis sequámur exémplo. Per Dóminum.

Léctio libri Sapiéntiae.

Eccli. 51, 13-17

DÓMINE Deus meus, exaltásti super terram habitatióne meam, et pro morte defluente deprecáta sum. Invocávi Dóminum patrem Dómini mei, ut non derelinquat me in die tribulatiónis meae, et in témpore superbórum sine adjutório. Laudábo nomen tuum assídue, et collaudábo illud in confessióne, et exaudíta est orátio mea. Et liberásti me de perditióne, et eripuísti me de témpore iníquo. Propterea confitébtor, et laudem dicam tibi, Dómine Deus noster.

Graduale Ps. 44, 11 et 12 Audi, fília, et vide, et inclína aurem tuam: quia concupívit rex spéciem tuam. **V.** *Ibid.* 5. Spécie tua, et pulchritúdine tua inténde, prospere procéde, et regna.

Allelúja, allelúja. **V.** **Matth. 25, 4 et 6** Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino. Allelúja.

+ Sequéntia sancti Evangélii secúndum Matthaéum.

Matth. 25, 1-13

IN illo témpore: Dixit Jesus discípulis suis parábola hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciente sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quae paratae erant, intravérunt cum eo ad nuptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigiláte itaque, quia nescítis diem, neque horam.

Offertorium Ps. 44, 15 et 16 Afferéntur Regi vírgines post eam: próximae ejus afferéntur tibi in laetitia et

exultatióne: adducéntur in templum Regi Dómino.

Secreta

HAEC hóstia, Dómine, placatiónis et laudis, quaesumus: ut, intercedénte beáta Caecília Vírgine et Máryre tua, nos propitiatióne tua dignos semper effíciat. Per Dóminum.

Communio Ps. 118, 78 et 80 Confundántur supérbi, quia injúste iniquitátem fecérunt in me: ego autem in mandátis tuis exercébor, in tuis justificatió nibus, ut non confúndar.

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

Die 23 Novembris

S. CLEMENTIS I

Papae et Martyris

Duplex

Introitus **Isai. 59, 21 ; 56, 7**

DICIT Dóminus: Sermónes mei, quos dedi in os tuum, non deficiént de ore tuo: et múnera tua accépta erunt super altáre meum. **Ps. 111, 1** Beátus vir, qui timet Dóminum: in mandátis ejus cupit nimis. **VI.** Glória Patri.

Oratio

GREGEM tuum, Pastor aetérne, placátus inténde: et per beátum Cleméntem Máryrem tuum atque Summum Pontíficem, perpétua protectióne custódi ; quem totíus Ecclésiae praestítisti esse pastórem. Per Dóminum.

Et fit Commemoratio S. Felicitatis Martyris.

Oratio

PRAESTA, quaesumus, omnípotens Deus: ut, beátae Felicitátis Máryris tuae solémnia recenséntes, méritis ipsíus protegámur et précibus. Per Dóminum.

Léctio Epístolae beáti Pauli Apóstoli ad Philippénes.

Philipp. 3, 17-21 ; 4, 1-3

FRATRES: Imitatóres mei estóte, et observáte eos qui ita ámbulant, sicut habétis formam nostram. Multi enim ámbulant, quos saepe dicébam vobis (nunc autem et flens dico) inimícos crucis Christi: quorum finis intéritus: quorum Deus venter est: et glória in confusióne ipsórum, qui terréna sápiunt. Nostra autem conversátió in caelis est: unde étiam Salvatórem exspectámus Dóminum nostrum Jesum Christum, qui reformábit corpus humilitátis nostrae, configurátum córpori claritátis suae, secúndum operatióne m qua étiam possit subjícere sibi ómnia. Itaque, fratres mei caríssimi, et desideratíssimi, gáudium meum, et coróna mea: sic state in Dómino, caríssimi. Evódiam rogo, et Sýntychen déprecor idípsum sápere in Dómino. Etiam rogo et te, germáne compar, ádjuva illas, quae mecum laboravérunt in Evangélio cum Cleménte, et céteris adjutóribus meis, quorum nómina sunt in libro vitae.

Graduale Ps. 106, 32, 31 Exáltent eum in ecclésia plebis: et in cáthedra seniórum laudent eum. **VI.** Confíteántur Dómino misericórdiae ejus: et mirábília ejus filiis hóminum. Allelúja , allelúja. **VI. Matth. 16, 18** Tu es Petrus, et super hanc petram aedificábo Ecclésiam meam. Allelúja.

+ Sequéntia sancti Evangélli secúndum Matthaéum.

Matth. 16, 13-19

IN illo témpore: Venit Jesus in partes Caesaráe Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixerunt: Alii Joánnem Baptistam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus, Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiam meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque

sólveris super terram, erit solútum et in caelis.

Offertorium Jerem. 1, 9-10 Ecce dedi verba mea in ore tuo: ecce constítui te super gentes et super regna, ut evéllas et déstruas, et aedífices et plantas.

Secreta

OBLÁTIS munéribus, quaésumus, Dómine, Ecclésiám tuam benígnum illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

**Pro S. Felicitate
Secreta**

VOTA pópuli tui, Dómine, propitiátus inténde: et, cujus nos tríbuis solénnia celebráre, fac gaudére suffrágiis. Per Dóminum.

Praefatio de Apostolis.

Communio Matth. 16, 18 Tu es Petrus, et super hanc petram aedificábo Ecclésiám meam.

Postcommunio

REFECTIÓNE sancta enutrítam gubérna, quaésumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

**Pro S. Felicitate
Postcommunio**

SÚPPLICES te rogámus, omnípotens Deus: ut, intercedéntibus Sanctis tuis, et tua in nobis dona múltiples, et témpora nostra dispónas. Per Dóminum.

Eadem die 23 Novembris

**Pro S. FELICITATE
Martyre**

Missa Me expectavérunt, **de Communi non Virginum 1 loco, cum Orationibus ut infra.**

Oratio P

PRAESTA, quaésumus, omnípotens Deus: ut, beátae Felicitátis Mártyris tuae solénnia recenséntes, méritis ipsíus protegámur et précibus. Per Dóminum.

Secreta P

VOTA pópuli tui, Dómine, propitiátus inténde: et, cujus nos tríbuis solénnia celebráre, fac gaudére suffrágiis. Per Dóminum.

Postcommunio P

SÚPPLICES te rogámus, omnípotens Deus: ut, intercedéntibus Sanctis tuis, et tua in nobis dona múltiples, et témpora nostra dispónas. Per Dóminum.

Die 24 Novembris
S. JOANNIS A CRUCE

Confessoris et Ecclesiae Doctoris

Duplex

Missa In médio, **de Communi Doctorum, praeter Orationem sequentem, et dicitur** Credo.

Oratio P

DEUS, qui sanctum Joánnem Confessórem tuum atque Doctórem, perféctae sui abnegatiónis et Crucis amatórem exímium effecísti: concéde ; ut, ejus imitatióni júgiter inhaeréntes, glóriam assequámur aetérnam. Per Dóminum.

Et fit Commemoratio S. Chrysogoni Martyris.

Oratio

ADÉSTO, Dómine, supplicatióibus nostris: ut, qui ex iniquitáte nostra reos nos esse cognóscimus, beáti Chrysógoni Mátyris tui intercessióne liberémur. Per Dóminum.

Secreta C

SANCTI Joánnis Confessóris tui atque Doctóris nobis, Dómine, pia non desit orátio: quae et múnera nostra concíliet et tuam nobis indulgéntiam semper obtíneat. Per Dóminum.

Pro S. Chrysogono
Secreta

OBLÁTIS, quaésumus, Dómine, placáre munéribus: et, intercedénte beáto Chrysógono Mátyre tuo, a cunctis nos defénde perículis. Per Dóminum.

Postcommunio C

UT nobis, Dómine, tua sacrificia dent salútem: beátus Joánnes Conféssor tuus et Doctor egrégíus, quaésumus, precátor accédát. Per Dóminum.

Pro S. Chrysogono
Postcommunio

TUI, Dómine, perceptióne sacraménti, et a nostris mundémur occúltis, et ab hóstium liberémur insídiis. Per Dóminum.

Eadem die 24 Novembris

Pro S. CHRYSOGONO
Martyre

Missa In virtúte, de Communi unius Martyris 3 loco, cum Orationibus ut supra.

Die 25 Novembris
S. CATHARINAE

Virginis et Martyris
Duplex

Missa Loquébar, de Communi Virginum 1 loco, praeter Orationem sequentem.

Oratio P

DEUS, qui dedísti legem Móysi in summitáte montis Sínai, et in eódem loco per sanctos Angelos tuos corpus beátae Catharínae Vírginis et Mátyris tuae mirabíliter collocásti: praesta, quaésumus ; ut, ejus méritis et intercessióne, ad montem, qui Christus est, perveníre valeámus: Qui tecum.

Secreta C

SÚSCIPE, Dómine, múnera, quae in beátae Catharínae Vírginis et Mátyris tuae solemnitate deférimus: cujus nos confídimus patrocínio liberári. Per Dóminum.

Postcommunio C

AUXILIÉNTUR nobis, Dómine, sumpta mystéria: et, intercedénte beáta Catharína Vírgine et Mátyre tua, sempitérna fáciant protectióne gaudére. Per Dóminum.

Die 26 Novembris
S. SILVESTRI

Abbatis
Duplex

Missa Os justi, de Communi Abbatum, cum Orationibus ut infra.

Oratio

P

CLEMENTÍSSIME Deus, qui sanctum Silvéstrum Abbátem, saeculi hujus vanitátem in apérto túmulo pie meditántem, ad erémum vocáre, et praecláris vitae méritis decoráre dignátus es: te súpplíces exorámus ; ut, ejus exémplo terréna despiciéntes, tui consórtio perfruámur aetérno. Per Dóminum.

Et fit Commemoratio S. Petri Alexandrini Episcopi et Martyris.

Oratio

INFIRMITÁTEM nostram réspice, omnipotens Deus: et, quia pondus própriae actiónis gravat, beáti Petri Mátyris tui atque Pontíficis intercéssio gloriósa nos prótegat. Per Dóminum.

Secreta

P

QUSUMUS, Dómine: ut, dum haec múnera divínae majestáti tuae reverénter offérimus ; pia mentis praeparatióne et cordis puritáte, beáti Silvéstri Abbátis imitatóres effécti, corpus et sánguinem Fílii tui sancte percípere mereámur: Qui tecum.

**Pro S. Petro
Secreta**

HÓSTIAS tibi, Dómine, beáti Petri Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

P

DIVÍNA dape reféctis tríbue, quaesumus, Dómine: sancti Silvéstri Abbátis vestígiis ita inhaerére ; ut copiósam mercédem in regno glóriæ tuæ cum Sanctis habeámus. Per Dóminum.

**Pro S. Petro
Postcommunio**

REFÉCTI participatióne múnemis sacri, quaesumus, Dómine Deus noster: ut, cujus exséquimur cultum, intercedénte beáto Petro Mátyre tuo atque Pontífice, sentiámus efféctum. Per Dóminum.

Eadem die 26 Novembris

Pro S. PETRO ALEXANDRINO
Episcopo et Martyre

Missa Státuit, de Communi unius Martyris 1 loco.

**COMMUNE
SANCTORUM**

IN VIGILIIS APOSTOLORUM

Introitus **Ps. 51, 10 et 11**

EGO autem, sicut oliva fructífera in domo Dómini, sperávi in misericórdia Dei mei: et exspectábo nomen tuum, quóniam bonum est ante conspéctum sanctorum tuórum. **Ps. ibid., 3** Quid gloriáris in malítia: qui potens es in iniquitáte ? **V/.** Glória Patri.

Non dicitur Glória in excélsis.

Oratio

DA, quaesumus, omnipotens Deus: ut beáti **N.** Apóstoli tui, quam praevenímus, veneránda solémnitas, et devotióne nobis áugeat, et salútem. Per Dóminum.

*** Si tamen praecedens Oratio dicta jam fuerit in Missa vel Commemoratione de Communi Confessoris Pontíficis, tunc dicatur sequens**

Oratio

QUSUMUS, omnipotens Deus: ut beátus N. Apóstolus, cujus praevenimus festivitatem, tuum pro nobis implóret auxiliúm ; ut a nostris reátibus absolúti, a cunctis étiam periculis eruámur. Per Dóminum.

Deinde, juxta Rubricas, dicuntur 2a et 3a Oratio pro Vigiliis assignatae.

Léctio libri Sapiéntiae.

Eccli. 44, 25-27 ; 45, 2-4 et 6-9

BENEDÍCTIO Dómini super caput justi. Ideo dedit illi Dóminus hereditátem, et dívísit illi partem in tríbus duódecim: et invénit grátiam in conspéctu omnis carnis. Et magnificávit eum in timóre inimicórum, et in verbis suis monstra placávit. Glorificávit illum in conspéctu regum, et jussit illi coram pópulo suo, et osténdit illi glóriam suam. In fide et lenitáte ipsíus sanctum fecit illum, et elégit eum ex omni carne. Et dedit illi coram praecépta, et legem vitae, et disciplínae, et excélsum fecit illum. Státuit ei testaméntum aetérnum, circumcínxit eum zona justítiae: et índuit eum Dóminus corónam glóriae.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. V/. Ibid., 3 Ad annuntiándum mane misericórdiam tuam, et veritátem tuam per noctem.

+ Sequéntia sancti Evangélli secúndum Joánnem.

Joann. 15, 12-16

IN illo témpore: Dixit Jesus discípulis suis: Hoc est praecéptum meum, ut diligátis ínicem, sicut diléxi vos. Majórem hac dilectiónem nemo habet, ut ánimam suam ponat quis pro amícis suis. Vos amíci mei estis, si fecéritis quae ego praecipio vobis. Jam non dicam vos servos: quia servus nescit quid fáciat dóminus ejus. Vos autem dixi amícos: quia ómnia quaecúmque audívi a Patre meo, nota feci vobis. Non vos me elegístis: sed ego elégi vos, et pósui vos, ut eátis, et fructum afferátis: et fructus vester máneat: ut quodcúmque petiéritis Patrem in nómine meo, det vobis.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

APOSTÓLICI reveréntia cúlminis offeréntes tibi sacra mystéria, Dómine, quaesumus: ut beáti N. Apóstoli tui suffrágiis, cujus natalítia praevenimus ; plebs tua semper et sua vota deprómat, et desideráta percípiat. Per Dóminum.

Communio Ps. 20, 6 Magna est glória ejus in salutári tuo: glóriam et magnum decórem impónes super eum, Dómine.

Postcommunio

SANCTI Apóstoli tui N., quaesumus, Dómine, supplicatióne placátus: et véniam nobis tríbue, et remédia sempitérna concéde. Per Dóminum.

* In singulis Communibus, Epistolae et Evangelia quae habentur, sive in ipsis Missis, sive ad calcem totius Communis, sumi possunt in qualibet Missa de eodem Comuni, dummodo tamen certa Missa dicenda in casu prouti jacet, vel certa Epistola aut certum Evangelium in Missali non fuerint assignata.

TEMPORE PASCHALI

* Pro Comuni unius aut plurium Summorum Pontificum, Confessorum Pontificum et non Pontificum, Doctorum, Abbatum, Virginum et non Virginum, Dedicatiónis Ecclesiae, et Festorum beatae Mariae Virginis, necnon in omnibus Missis votivis, nisi aliter suo loco notetur, Tempore Paschali omnia dicuntur ut reliquo anni tempore, addito tamen duplici Allelúja ad Antiphonam Introitus, et uno Allelúja in fine Offertorii et Communionis, ubi non habetur. Post Epistolam vero omittitur Graduale, et ejus loco dicuntur Allelúja cum suis Versibus, ut singulis locis notatur.

COMMUNE
UNIUS AUT PLURIUM
SUMMORUM PONTIFICUM

Introitus **Joann. 21, 15-17**

SI díligis me, Simon Petre, pasce agnos meos, pasce oves meas. (T. P. Allelúja, allelúja.) **Ps. 29, 1**
Exaltábo te, Dómine, quóniam suscepísti me, nec delectásti inimícos meos super me. **Vl.** Glória Patri.

Oratio

GREGEM tuum, Pastor aetérne, placátus inténde: et per beátum **N.** (Mártyrem tuum atque) Summum Pontíficem, perpétua protectióne custódi ; quem totíus Ecclésiae praestítísti esse pastórem. Per Dóminum.

Pro pluribus

Oratio

GREGEM tuum, Pastor aetérne, placátus inténde: et per beátos **N.** et **N.** (Mártyres tuos atque) Summos Pontífices, perpétua protectióne custódi ; quos totíus Ecclésiae praestítísti esse pastóres. Per Dóminum.

Si vero agenda sit Commemoratio alterius Summi Pontificis, dicitur sequens

Oratio

DEUS, qui Ecclésiam tuam, in apostólicae petrae soliditáte fundátam, ab infernárum éruis terróre portárum: praesta, quaesumus ; ut, intercedénte beáto **N.** (Mártyre tuo atque) Summo Pontífice, in tua veritáte persístens, contínua securitáte muniátur. Per Dóminum.

Léctio Epístolae beáti Petri Apóstoli.

1 Petri 5, 1-4 et 10-11

CARÍSSIMI: Senióres, qui in vobis sunt, óbsecro, consénior et testis Christi passiónum, qui et ejus, quae in futúro revelánda est, glóriae comunicátor: páscite qui in vobis est gregem Dei, providéntes non coácte, sed spontáneae, secúndum Deum, neque turpis lucri grátia, sed voluntárie ; neque ut dominántes in cleris, sed forma facti gregis ex ánimo. Et, cum apparúerit princeps pastórum, percipiétis immarcescibilem glóriae corónam. Deus autem omnis grátiae, qui vocávit nos in aetérnam suam glóriam in Christo Jesu, módicum passus ipse perficiet, confirmábit, solidabítque. Ipsi glória, et impérium in saécula saeculórum. Amen.

Graduale Ps. 106, 32, 31 Exáltent eum in ecclésia plebis: et in cáthedra seniórum laudent eum. **Vl.** Confiteántur Dómino misericórdiae ejus ; et mirabília ejus filiis hóminum. Allelúja , allelúja. **Vl. Matth. 16, 18** Tu es Petrus, et super hanc petram aedificábo Ecclésiam meam. Allelúja.

Post Septuagesimam, omissis Allelúja et Versu sequenti, dicitur

Tractus Ps. 39, 10-11 Annuntiávi justítiam tuam in ecclésia magna, ecce lábia mea non prohibébo: Dómine, tu scisti. **Vl.** Justítiam tuam non abscondi in corde meo: veritátem tuam et salutáre tuum dixi. **Vl.** Non abscondi misericórdiam tuam et veritátem tuam a concílio multo.

Tempore autem Paschali omittitur Graduale, et ejus loco dicitur

Allelúja , allelúja. **Vl. Matth. 16, 18** Tu es Petrus, et super hanc petram aedificábo Ecclésiam meam. Allelúja. **Vl. Ps. 44, 17, 18** Constitues eos príncipes super omnem terram: mémoires erunt nóminis tui, Dómine. Allelúja.

+ Sequéntia sancti Evangélii secúndum Matthaéum.

Matth. 16, 13-19

IN illo témpore: Venit Jesus in partes Caesaréae Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixérunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus, Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiam meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Offertorium Jerem. 1, 9-10 Ecce dedi verba mea in ore tuo: ecce constítui te super gentes et super regna, ut evéllas et déstruas, et aedífices et plantas. (T. P. Allelúja.)

Secreta

OBLÁTIS munéribus, quaesumus, Dómine, Ecclésiám tuam benígnus illúmina: ut, et gregis tui proficiat ubíque succéssus, et grati fiant nómini tuo, te gubernánte, pastóres. Per Dóminum.

Alia Secreta, ut supra:

MÚNERA, quae tibi, Dómine, laetántes offérimus, súscipe benígnus, et praesta: ut, intercedénte beáto **N.**, Ecclésia tua et fídei integritáte laetétur, et témporum tranquillitáte semper exsúltet. Per Dóminum.

Praefatio Apostolorum.

Communio Matth. 16, 18 Tu es Petrus, et super hanc petram aedificábo Ecclésiám meam. (**T. P.** Allelúja.)

Postcommunio

REFECTIÓNE sancta enutrítam gubérna, quaesumus, Dómine, tuam placátus Ecclésiám: ut poténti moderatióne dirécta, et increménta libertátis accípiat, et in religiónis integritáte persístat. Per Dóminum.

Alia Postcommunio, ut supra:

MULTÍPLICA, quaesumus, Dómine, in Ecclésia tua spíritum grátiae, quem dedísti: ut, beáti **N.** (Mártyris tui atque) Summi Pontíficis deprecatióne, nec pastóri obediéntia gregis, nec gregi desit cura pastóris. Per Dóminum.

COMMUNE UNIUS MARTYRIS

Extra Tempus Paschale

I PRO MARTYRE PONTIFICE

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotíi dígnitas in aetérnum. **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

INFIRMITÁTEM nostram réspice, omnípotens Deus: et, quia pondus própriae actiónis gravat, beáti **N.** Mártyris tui atque Pontíficis intercéssio gloriósa nos prótegat. Per Dóminum.

Léctio Epístolae beáti Jacóbi Apóstoli.

Jac. 1, 12-18

CARÍSSIMI: Beátus vir, qui suffert tentatiónem: quóniam cum probátus fúerit, accípiet corónam vitae, quam repromísit Deus diligéntibus se. Nemo cum tentátur, dicat, quóniam a Deo tentátur: Deus enim intentátor malórum est: ipse autem néminem tentat. Unusquisque vero tentátur a concupiscéntia sua abstráctus et illéctus. Deínde concupiscéntia cum concéperit, parit peccátum: peccátum vero cum consummátum fúerit, génerat mortem. Nolíte ítaque erráre, fratres mei dilectíssimi. Omne datum óptimum, omne donum perféctum desúrsum est, descéndens a Patre lúminum, apud quem non est transmutátió, nec vicissitúdinis obumbrátió. Voluntárie enim génuít nos verbo veritátis, ut simus inítium áliquod creatúrae ejus.

Graduale Ps. 88, 21-23 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **Vl.** Nihil proficiet inimícus in eo, et fílius iniquitátis non nocébit ei.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **Vl.** Quóniam praevenísti eum in benedictiόνibus dulcédinis. **Vl.** Posuísti in cápite ejus corónam de lápide pretiósio.

+ Sequéntia sancti Evangéllii secúndum Lucam.

Luc. 14, 26-33

IN illo tēpore: Dixit Jesus turbis: Si quis venit ad me, et non odit patrem suum, et matrem, et uxórem, et filios, et fratres, et soróres, adhuc autem et ánimam suam, non potest meus esse discipulus. Et qui non bájulat crucem suam, et venit post me, non potest meus esse discipulus. Quis enim ex vobis volens turrim aedificáre, non prius sedens cóputat sumptus, qui necessarij sunt, si hábeat ad perficiéndum ; ne, posteaquam posúerit fundaméntum, et non potúerit perfícere, omnes, qui vident, incípiant illúdere ei, dicéntes: Quia hic homo coepit aedificáre, et non pótuit consummáre ? Aut quis rex itúrus committere bellum advérsus álium regem, non sedens prius cógitat, si possit cum decem millibus occurrere ei, qui cum vigínti millibus venit ad se ? Alióquin, adhuc illo longe agénte, legatiónem mittens, rogat ea, quae pacis sunt. Sic ergo omnis ex vobis, qui non renúnciat ómnibus, quae póssidet, non potest meus esse discipulus.

Offertorium Ps. 88, 25 Véritas mea et misericórdia mea cum ipso: et in nómine meo exaltábitur cornu ejus.

Secreta

HÓSTIAS tibi, Dómine, beáti **N.** Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Communio Ps. 88, 36 et 37-38 Semel jurávi in sancto meo: Semen ejus in aetérnum manébit, et sedes ejus sicut sol in conspéctu meo, et sicut luna perfécta in aetérnum, et testis in caelo fidélis.

Postcommunio

REFÉCTI participatióne múneris sacri, quaesumus, Dómine Deus noster: ut, cujus exséquimur cultum, intercedénte beáto **N.** Mátyre tuo atque Pontífice, sentiámus efféctum. Per Dóminum.

COMMUNE UNIUS MARTYRIS

Extra Tempus Paschale

II PRO MARTYRE PONTIFICE

Altera Missa

Introitus **Dan. 3, 84 et 87**

SACERDÓTES Dei, benedícite Dóminum: sancti et húmiles corde, laudáte Deum. **Ibid., 57** Benedícite, ómnia ópera Dómini, Dómino: laudáte et superexaltáte eum in saécula. **V.** Glória Patri.

Oratio

DEUS, qui nos beáti **N.** Mátyris tui atque Pontíficis ánnua solemnitate laetíficas: concéde propítius ; ut, cujus natalítia cólimus, de ejúsdem étiam protectiόne gaudeámus. Per Dóminum.

Léctio Epístolae beáti Pauli Apóstoli ad Corínthios.

2 Cor. 1, 3-7

FRATRES: Benedictus Deus et Pater Dómini nostri Jesu Christi, Pater misericordiárum, et Deus totíus consolatiónis, qui consolátur nos in omni tribulatióne nostra: ut possímus et ipsi consolári eos, qui in omni pressúra sunt, per exhortatiónem, qua exhortámur et ipsi a Deo. Quóniam sicut abúndant passiónes Christi in nobis: ita et per Christum abúndat consolatió nostra. Sive autem tribulámur pro vestra exhortatióne et salúte, sive consolámur pro vestra consolatióne, sive exhortámur pro vestra exhortatióne et salúte, quae operátur tolerántiam earúmdem passiónum, quas et nos pátimur: ut spes nostra firma sit pro vobis: sciéntes quod sicut sócii passiónum estis, sic éritis et consolatiónis: in Christo Jesu Dómino nostro.

Graduale Ps. 8, 6-7 Glória et honóre coronásti eum. **V.** Et constituísti eum super ópera mánuum tuárum, Domine. Allelúja, allelúja. **V.** Hic est sacérdos, quem coronávit Dóminus. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangélii secúndum Matthaéum.
Matth. 16, 24-27

IN illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimae vero suae detriméntum patiátur? Aut quam dabit homo commutatióem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

MÚNERA tibi, Dómine, dicáta sanctífica: et, intercedénte beáto **N.** Mártire tuo atque Pontífice, per éadem nos placátus inténde. Per Dóminum.

Communio Ps. 20, 4 Posuísti, Dómine, in cápíte ejus corónam de lápide pretiósó.

Postcommunio

HAEC nos commúnio, Dómine, purget a crímíne: et, intercedénte beáto **N.** Mártire tuo atque Pontífice, caeléstis remédii fáciat esse consórtes. Per Dóminum.

COMMUNE UNIUS MARTYRIS

Extra Tempus Paschale

III
PRO MARTYRE NON PONTIFICE

Introitus **Ps. 20, 2-3**

IN virtúte tua, Dómine, laetábitur justus: et super salutáre tuum exsultábit veheménter: desidérium ánimae ejus tribuísti ei. **Ps. ibid., 4** Quóniam praevenísti eum in benedictiónibus dulcédinis: posuísti in cápíte ejus corónam de lápide pretiósó. **Vl.** Glória Patri.

Oratio

PRAESTA, quaesumus, omnipotens Deus: ut, qui beáti **N.** Mártiris tui natalítia cólimus, intercessióne ejus, in tui nóminis amóre roborémur. Per Dóminum.

Léctio libri Sapiéntiae.
Sap. 10, 10-14

JUSTUM dedúxit Dóminus per vias rectas, et osténdit illi regnum Dei, et dedit illi sciéntiam sanctorum: honestávit illum in labóribus, et complévit labóres illius. In fraude circumveniéntium illum áffuit illi, et honestum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem aetérnam, Dóminus Deus noster.

Graduale Ps. 111, 1-2 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur.
 Allelúja, allelúja. **Vl. Ps. 20, 4** Posuísti, Dómine, super caput ejus corónam de lápide pretiósó. Allelúja.

Post Septuagesimam, omissis Allelúja et Versu sequenti, dicitur

Tractus Ps. 20, 3-4 Desidérium ánimae ejus tribuísti ei: et voluntáte labiórum ejus non fraudásti eum. **Vl.** Quóniam praevenísti eum in benedictiónibus dulcédinis. **Vl.** Posuísti in cápíte ejus corónam de lápide pretiósó.

+ Sequéntia sancti Evangélii secúndum Matthaéum.

Matth. 10, 34-42

IN illo tēpore: Dixit Jesus discipulis suis: Nolíte arbitrári quia pacem vénerim mittere in terram: non veni pacem mittere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem aut matrem plus quam me, non est me dignus: et qui amat fílium aut fíliam super me, non est me dignus. Et qui non áccipit crucem suam, et séquitur me, non est me dignus. Qui invénit ánimam suam, perdet illam: et qui perdíderit ánimam suam propter me, invéniet eam. Qui récipit vos, me récipit: et qui me récipit, récipit eum, qui me misit. Qui récipit prophétam in nómine prophétae, mercédem prophétae accípiet: et qui récipit justum in nómine justi, mercédem justi accípiet. Et quicumque potum déderit uni ex mínimis istis cálicem aquae frígidae tantum in nómine discipuli: amen dico vobis, non perdet mercédem suam.

Offertorium Ps. 8, 6-7 Glória et honóre coronásti eum: et constituísti eum super ópera mánuum tuárum, Dómine.

Secreta

MUNÉRIBUS nostris, quaésumus, Dómine, precibúsq;e suscéptis: et caeléstibus nos munda mystériis, et cleménter exáudi. Per Dóminum.

Communio Matth. 16, 24 Qui vult veníre post me, ábneget semetípsum, et tollat crucem suam, et sequátur me.

Postcommunio

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur offício ; ita perpétuo laetémur aspéctu. Per Dóminum.

COMMUNE UNIUS MARTYRIS

Extra Tempus Paschale

IV
PRO MARTYRE NON PONTIFICE

Altera Missa

Introitus **Ps. 63, 11**

LAETÁBITUR justus in Dómino, et sperábit in eo: et laudabúntur omnes recti corde. **Ps. ibid., 2** Exáudi, Deus, oratióem meam cum déprecor: a timóre inimíci éripe ánimam meam. **V.** Glória Patri.

Oratio

PRAESTA, quaésumus, omnípotens Deus: ut, intercedénte beáto **N.** Mártire tuo, et a cunctis adversitatibus liberémur in córpore, et a pravis cogitatióibus mundémur in mente. Per Dóminum.

Léctio Epístolae beáti Pauli Apóstoli ad Timótheum.

2 Tim. 2, 8-10 ; 3, 10-12

CARÍSSIME: Memor esto, Dóminum Jesum Christum resurrexisse a mórtuis ex sémine David, secúndum Evangélium meum, in quo labóro usque ad víncula, quasi male óperans: sed verbum Dei non est alligátum. Ideo ómnia sustíneo propter eléctos, ut et ipsi salútem consequántur, quae est in Christo Jesu, cum glória caelésti. Tu autem assecútus es meam doctrínam, institutióem, propósitum, fidem, longanimitátem, dilectiόem, patiéntiam, persecutiόnes, passióes: quália mihi facta sunt Antiochíae, Icónii et Lystris: quales persecutiόnes sustínui, et ex ómnibus erípuit me Dóminus. Et omnes, qui pie volunt vívere in Christo Jesu, persecutiόnem patiéntur.

Graduale Ps. 36, 24 Justus cum cecíderit, non collidétur: quia Dóminus suppónit manum suam. **V.** **Ibid., 26** Tota die miserétur, et cómmodat: et semen ejus in benedictiόe erit. Allelúja, allelúja. **V.** **Joann. 8, 12** Qui séquitur me, non ámbulat in ténebris: sed habébit lumen vitae aetérnae. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in saéculum saéculi.

+ Sequéntia sancti Evangéllii secúndum Matthaéum.

Matth. 10, 26-32

IN illo témpore: Dixit Jesus discíplis suis: Nihil est opértum, quod non revelábitur ; et occúltum, quod non sciétur. Quod dico vobis in ténebris, dícite in lúmine: et quod in aure audítis, praedicáte super tecta. Et nolíte timére eos, qui occídunt corpus, ánimam autem non possunt occídere ; sed pótius timéte eum, qui potest et ánimam et corpus pérdere in gehénnam. Nonne duo pásseres asse véneunt: et unus ex illis non cadet super terram sine Patre vestro ? Vestri autem capílli cápitis omnes numeráti sunt. Nolíte ergo timére: multis passéribus meliôres estis vos. Omnis ergo, qui confitébitur me coram homínibus, confitébor et ego eum coram Patre meo, qui in caelis est.

* Post Septuagesimam in fine sequentis Offertorii Allelúja omittitur.

Offertorium Ps. 20, 4-5 Posuísti, Dómine, in cápite ejus corónam de lápide pretiôso: vitam pétiit a te, et tribuísti ei, allelúja.

Secreta

ACCÉPTA sit in conspéctu tuo, Dómine, nostra devótió: ut ejus nobis fiat supplicatióne salutáris, pro cujus solemnitate defértur. Per Dóminum.

Communio Joann. 12, 26 Qui mihi ministrat, me sequátur: et ubi ego sum, illic et mínister meus erit.

Postcommunio

REFÉCTI participatióne múneris sacri, quaesumus, Dómine Deus noster: ut, cujus exséquimur cultum, intercedente beáto N. Mártire tuo, sentiámus efféctum. Per Dóminum.

* Item aliae Epistolae et aliud Evangelium de Communi unius Martyris extra Tempus Paschale:

Léctio Epístolae beáti Jacóbi Apóstoli.

Jac. 1, 2-12

CARÍSSIMI: Omne gáudium existimáte, cum in tentatiónes várias incidéritis: sciéntes, quod probátió fidei vestrae patiéntiam operátur. Patiéntia autem opus perféctum habet: ut sitis perfécti et íntegri in nullo deficiéntes. Si quis autem vestrum índiget sapiéntia, póstulet a Deo, qui dat ómnibus affluénter, et non impróperat: et dábitur ei. Póstulet autem in fide nihil haésitans: qui enim haésitat, símilis est flúctui maris, qui a vento movétur et circumfértur. Non ergo aéstimet homo ille quod accípiat áliquíd a Dómino. Vir duplex ánimo incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos feni transibit: exórtus est enim sol cum ardóre, et arefécit fenum, et flos ejus decídit, et decor vultus ejus depériit: ita et dives in itinéribus suis marcéscet. Beátus vir, qui suffert tentatióne: quóniam cum probátus fúerit, accípiet corónam vitae, quam repromísit Deus diligéntibus se.

Vel Epístola Communicántes Christi passióne, ut pro Ss. Gervasio et Protasio Martyribus habetur, die 19 Junii.

Evangelium Nisi granum fruménti, ut in Festo S. Laurentii Martyris, die 10 Augusti.

COMMUNE PLURIMORUM MARTYRUM

Extra Tempus Paschale

I PRO PLURIBUS MARTYRIBUS

Introitus Ps. 78, 11, 12 et 10

INTRET in conspéctu tuo, Dómine, gémitus compeditórum: redde vicínis nostris séptuplum in sinu eórum: víndica sánguinem sanctórum tuórum, qui effúsus est. Ps. *ibid.*, 1 Deus, venérunt gentes in hereditátem tuam: polluérunt templum sanctum tuum: posuérunt Jerúsalem in pomórum custódiam. *V.* Glória Patri.

Oratio

BEATÓRUM Mártirum paritérque Pontíficum N. et N. nos, quaesumus, Dómine, festa tueántur: et eórum comméndet orátió veneránda. Per Dóminum.

* Si non fuerint Pontifices, dicitur Oratio ut in sequenti Missa.

Lectio libri Sapiéntiae.
Sap. 3, 1-8

JUSTÓRUM ánimae in manu Dei sunt, et non tanget illos torméntum mortis. Visi sunt óculis insipiéntium mori: et aestimáta est afflíctio éxitus illórum: et quod a nobis est iter, exterminium: illi autem sunt in pace. Et si coram homínibus torménta passi sunt, spes illórum immortalitáte plena est. In paucis vexáti, in multis bene disponéntur: quóniam Deus tentávit eos, et invénit illos dignos se. Tamquam aurum in fornáce probávit illos, et quasi holocáusti hóstiam accépit illos, et in témpore erit respéctus illórum. Fulgébunt justí, et tamquam scintíllae in arundinétó discúrrunt. Judicábunt nátiónes, et dominabúntur pópulis, et regnábít Dóminus illórum in perpétuum.

Graduale Exodi 15, 11 Gloriosus Deus in sanctis suis: mirábilis in majestáte, fáciens prodígia. *Vl. Ibid., 6* Déxtera tua, Dómine, glorificáta est in virtúte: déxtera manus tua confrégit inimícos. Allelúja, allelúja. *Vl. Eccli. 44, 14* Córpora sanctórum in pace sepúlta sunt: et nómina eórum vivent in generatiónem et generatiónem. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in gáudio metent. *Vl.* Eúntes ibant et flebant, mitténtes sémina sua. *Vl.* Veniéntes autem vénient cum exsultatióne, portántes manípulos suos.

+ Sequéntia sancti Evangélii secúndum Lucam.
Luc. 21, 9-19

IN illo témpore: Dixit Jesus discíplis suis: Cum audiéritis praélia et seditiões, nolíte terréri: opórtet primum haec fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terraemótus magni erunt per loca, et pestiléntiae, et fames, terrorésque de caelo, et signa magna erunt. Sed ante haec ómnia injícient vobis manus suas, et persequéntur, tradéntes in synagógas et custódias, trahéntes ad reges et praesides propter nomen meum: contínget autem vobis in testimónium. Pónite ergo in córdibus vestris non praemedítari quemádmódu respondeátis. Ego enim dabo vobis os et sapiéntiam, cui non póterunt resístere, et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte affícient ex vobis: et éritis ódio ómnibus propter nomen meum: et capíllus de cápíte vestro non períbit. In patiéntia vestra possidébitis ánimas vestras.

* Post Septuagesimam in fine sequentis Offertorii Allelúja omittitur.

Offertorium Ps. 67, 36 Mirábilis Deus in sanctis suis: Deus Israèl, ipse dabit virtútem et fortitúdinem plebi suae: benedíctus Deus, allelúja.

Secreta

ADÉSTO, Dómine, supplicatióibus nostris, quas in Sanctórum tuórum commemoratióne deférimus: ut, qui nostrae justítiae fidúciam non habémus, eórum qui tibi placuérent, méritis adjuvémur. Per Dóminum.

Communio Sap. 3, 4, 5 et 6 Et si coram homínibus torménta passi sunt, Deus tentávit eos: tamquam aurum in fornáce probávit eos, et quasi holocáusta accépit eos.

Postcommunio

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

COMMUNE
PLURIMORUM MARTYRUM

Extra Tempus Paschale

II
PRO PLURIBUS MARTYRIBUS

Altera Missa

Introitus **Eccli. 44, 15 et 14**

SAPIÉNTIAM sanctórum narrent pópuli, et laudes eórum nuntiet ecclésia: nómina autem eórum vivent in saeculum saeculi. **Ps. 32, 1** Exsultáte, justi, in Dómino: rectos decet collaudátio. **Vl.** Glória Patri.

Oratio

DEUS, qui nos concédís sanctórum Mártyrum tuórum **N.** et **N.** natalítia cólere: da nobis in aetérna beatitúdine de eórum societáte gaudére. Per Dóminum.

* **Si fuerint Pontifices, dicatur Oratio praecedentis Missae ; quod et in sequentibus servetur.**

Léctio libri Sapiéntiae.

Sap. 5, 16-20

JÚSTI autem in perpétuum vivent, et apud Dóminum est merces eórum, et cogitátio illórum apud Altíssimum. Ideo accípiet regnum decóris, et diadéma speciéi de manu Dómini: quóniam délixera sua teget eos, et bráchio sancto suo deféndet illos. Accípiet armatúram zelus illíus, et armábit creatúram ad uliónem inimicórum. Induet pro thoráce justítiam, et accípiet pro gálea judícium certum. Sumet scutum inexpugnábile, aequitátem.

Graduale Ps. 123, 7-8 Anima nostra, sicut passer, erépta est de láqueo venántium. **Vl.** Láqueus contrítus est, et nos liberáti sumus: adjutórium nostrum in nómine Dómini, qui fecit caelum et terram.

Allelúja, allelúja. **Vl. Ps. 67, 4** Justi epuléntur, et exsúltent in conspéctu Dei: et delecténtur in laetítia. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **Vl.** Eúntes ibant et flebant, mitténtes sémina sua. **Vl.** Veniéntes autem vénient cum exsultatióne, portántes manípulos suos.

+ Sequéntia sancti Evangéllii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tângere: quia virtus de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim me rces vestra multa est in caelo.

* **Post Septuagesimam in fine sequentis Offertorii Allelúja omittitur.**

Offertorium Ps. 149, 5-6 Exsultábunt sancti in glória, laetabúntur in cubílibus suis: exaltatiónes Dei in fáucibus eórum, allelúja.

Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

Communio Luc. 12, 4 Dico autem vobis amícis meis: Ne terreámini ab his, qui vos persequúntur.

Postcommunio

PRAESTA nobis, quaesumus, Dómine: intercedéntibus sanctis Martýribus tuis **N.** et **N.**; ut, quod ore contíngimus, pura mente capiámus. Per Dóminum.

COMMUNE
PLURIMORUM MARTYRUM

Extra Tempus Paschale

III
PRO PLURIBUS MARTYRIBUS

Tertia Missa

Introitus **Ps. 36, 39**

SALUS autem justórum a Dómino: et protéctor eórum est in témpore tribulatiónis. **Ps. ibid., 1** Noli aemulári in malignántibus: neque zeláveris faciéntes iniquitátem. **VI.** Glória Patri.

Oratio

DEUS, qui nos ánnua sanctórum Mártyrum tuórum **N.** et **N.** solemnitate laetíficas: concéde propítius ; ut, quorum gaudémus méritis, accendámur exémpis. Per Dóminum.

Léctio Epístolae beáti Pauli Apóstoli ad Hebraeos.

Hebr. 10, 32-38

FRATRES: Rememorámini prístinos dies, in quibus illumináti, magnum certámen sustinuístis passiónum: et in áltero quidem oppróbriis, et tribulatió nibus spectáculum facti: in áltero autem sócii táliter conversántium effécti. Nam et vinctis compássi estis, et rapínam bonórum vestrórum cum gáudio suscepístis, cognoscéntes vos habére meliórem, et manéntem substántiam. Nolíte itaque amittere confidéntiam vestram, quae magnam habet remuneratió nem. Patiéntia enim vobis necessária est: ut voluntátem Dei faciéntes, reportétis promissió nem. Adhuc enim módicum aliquántulum, qui ventúrus est, véniet, et non tardábit. Justus autem meus ex fide vivit.

Graduale Ps. 33, 18-19 Clamavérunt justí, et Dóminus exaudivit eos: et ex ómnibus tribulatió nibus eórum liberávit eos. **VI.** Juxta est Dóminus his, qui tribuláto sunt corde: et húmiles spírítu salvábit. Allelúja, allelúja . **VI.** Te Mártyrum candidátus laudat exércitus, Dómine. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in gáudio metent. **VI.** Eúntes ibant et flebant, mitténtes sémina sua. **VI.** Veniéntes autem vénient cum exsultatió ne, portántes manipulos suos.

+ Sequéntia sancti Evangélii secúndum Lucam.

Luc. 12, 1-8

IN illo témpore: Dixit Jesus discípulis suis: Atténdite a ferménto pharisaeórum, quod est hypócrisis. Nihil autem opértum est, quod non revelétur: neque abscónditum, quod non sciátur. Quóniam, quae in ténebris dixístis, in lúmine dicéntur: et quod in aures locúti estis in cubiculis, praedicábitur in tectis. Dico autem vobis amícis meis: Ne terreámini ab his, qui occídunt corpus, et post haec non habent ámplius quid fáciant. Osténdam autem vobis quem timeátis: timeíte eum, qui, postquam occiderit, habet potestátem míttre in gehénnam ; ita dico vobis, hunc timeíte. Nonne quinque pásseres véneunt dipóndio, et unus ex illis non est in oblivió ne coram Deo ? Sed et capílli cápitis vestri omnes numeráti sunt. Nolíte ergo timeíte: multis passéribus plu ris estis vos. Dico autem vobis: Omnis quicúmque conféssus fúerit me coram homínibus, et Fílius hóminis confitétur illum coram Angelis Dei.

* **Post Septuagesimam in fine sequentis Offertorii Allelúja omittitur.**

Offertorium Sap. 3, 1, 2 et 3 Justórum ánimae in manu Dei sunt, et non tanget illos torméntum malítiae: visi sunt óculis insipiéntium mori: illi autem sunt in pace, allelúja.

Secreta

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis **N.** et **N.**, a cunctis nos defénde perículis. Per Dóminum.

Communio Matth. 10, 27 Quod dico vobis in ténebris, dícite in lúmine, dicit Dóminus: et quod in aures audítis, praedicáte super tecta.

Postcommunio

HAEC nos commúnio, Dómine, purget a crímine ; et, intercedéntibus sanctis Martýribus tuis **N.** et **N.**, caeléstis remédii fáciat esse consórtes. Per Dóminum.

* Item aliae Epistolae et Evangelia pro pluribus Martyribus:

Epistola Réddidit Deus justis mercédem labórum suórum, ut in Festo Ss. Nazarii et Sociorum Martyrum, die 28 Julii.

Epistola Justificáti ex fide, ut in Festo Ss. Marci et Marcelliani Martyrum, die 18 Junii.

Epistola Exístimo quod non sunt condígnae passiónes, ut pro Ss. Tryphone et Sociis Martyribus habetur, die 10 Novembris.

Epistola Exhibeámus nosmetípsos, ut in Festo Ss. Abdon et Sennen Martyrum, die 30 Julii.

Epistola Sancti per fidem, ut in Festo Ss. Fabiani Papae et Sebastiani Martyrum, die 20 Januarii.

Epistola Respóndit unus de senióriibus, ut pro Ss. Mauritio et Sociis Martyribus habetur, die 22 Septembris.

+ Sequéntia sancti Evangélii secúndum Matthaéum.
Matth. 24, 3-13

IN illo témpore: Sedénte Jesu super montem Olivéti, accessérunt ad eum discípuli secréto, dicétes: Dic nobis, quando haec erunt ? et quod signum advéntus tui et consummationis saéculi ? Et respóndens Jesus, dixit eis: Vidéte ne quis vos sedúcat. Multi enim vénient in nómine meo, dicétes: Ego sum Christus: et multos sedúcent. Auditúri enim estis praélia, et opiniónes praeliórum. Vidéte, ne turbémini. Opórtet enim haec fferi, sed nondum est finis. Consúrget enim gens in gentem, et regnum in regnum, et erunt pestiléntiae, et fames, et terraemótus per loca. Haec autem ómnia, inítia sunt dolórum. Tunc tradent vos in tribulatiónem, et occident vos: et éritis ódio ómnibus géntibus propter nomen meum. Et tunc scandalizabúntur multi, et ínvicem tradent, et ódio habébunt ínvicem. Et multi pseudoprophéetae surgent, et sedúcent multos. Et quóniam abundávit iniquitas, refrigéscet caritas multórum. Qui autem perseveráverit usque in finem, hic salvus erit.

Evangelium Videns Jesus turbas, ascéndit, ut in Festo Omnium Sanctorum, die 1 Novembris.

Evangelium Confíteor tibi, Pater, ut in Festo S. Francisci Confessoris, die 4 Octobris.

Evangelium Vae vobis, qui aedificátis, ut in Festo Ss. Marci et Marcelli ani Martyrum, die 18 Junii.

Evangelium Qui vos audit, me audit, ut in Festo Ss. Viti et Sociorum Martyrum, die 15 Junii.

COMMUNE MARTYRUM

Tempore Paschali

I PRO UNO MARTYRE

Introitus Ps. 63, 3

PROTEXISTI me, Deus, a convéntu malignántium, allelúja: a multitudíne operántium iniquitátem, allelúja, allelúja. Ps. *ibid.*, 2 Exáudi, Deus, oratiónem meam cum déprecor: a timóre inimíci éripe ánimam meam. *Vl.* Glória Patri.

1 Pro Martyre Pontifice
Oratio

INFIRMITÁTEM nostram réspice, omnípotens Deus: et, quia pondus própriae actiÓnis gravat, beáti **N.** Mártiris tui atque Pontíficis intercésio gloriÓsa nos prótegit. Per Dóminum.

2 Item alia Oratio

DEUS, qui nos beáti **N.** Mártiris tui atque Pontíficis ánnua solemnitate laetíficas: concéde propítius ; ut, cujus natalítia cólimus, de ejúsdem étiam protectiÓne gaudeámus. Per Dóminum.

3 Pro Martyre tantum
Oratio

PRAESTA, quaésumus, omnípotens Deus: ut, qui beáti **N.** Mártiris tui natalítia cólimus, intercessiÓne ejus, in tui nóminis amóre roborémur. Per Dóminum.

4 Item alia Oratio

PRAESTA, quaésumus, omnípotens Deus: ut, intercedénte beáto **N.** Mártire tuo, et a cunctis adversitatibus liberémur in córpore, et a pravis cogitatiÓnibus mundémur in mente. Per Dóminum.

Lectio libri Sapiéntiae.

Sap. 5, 1-5

STABUNT iusti in magna constantia adversus eos, qui se angustiaverunt, et qui abstulerunt labores eorum. Videntes turbabuntur timore horribili, et mirabuntur in subitacione insperatae salutis, dicentes intra se, paenitentiam agentes, et prae angustia spiritus gementes: Hi sunt, quos habuimus aliquando in derisum, et in similitudinem improperii. Nos insensati vitam illorum aestimabamus insaniam, et finem illorum sine honore: ecce quomodo computati sunt inter filios Dei, et inter sanctos sors illorum est.

Vel Epistola B. Pauli Apostoli ad Timotheum Memor esto, ut in Missa Laetabitur, de Communi unius Martyris 4 loco.

Allelúja, allelúja. **Vl. Ps. 88, 6** Confitebuntur caeli mirabilia tua, Dómine: etenim veritatem tuam in ecclesia sanctorum. Allelúja. **Ps. 20, 4** Posuisti, Dómine, super caput ejus coronam de lapide pretioso. Allelúja.

+ Sequéntia sancti Evangelii secundum Joannem.

Joann. 15, 1-7

IN illo tempore: Dixit Jesus discipulis suis: Ego sum vitis vera, et Pater meus agricola est. Omnem palmitem in me non ferentem fructum, tollet eum: et omnem, qui fert fructum, purgabit eum, ut fructum plus afferat. Jam vos mundi estis propter sermonem, quem locutus sum vobis. Manete in me, et ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit: mittetur foras sicut palmes, et ardescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis.

Offertorium **Ps. 88, 6** Confitebuntur caeli mirabilia tua, Dómine: et veritatem tuam in ecclesia sanctorum, allelúja, allelúja.

1 Pro Martyre Pontifice Secreta

HÓSTIAS tibi, Dómine, beáti **N.** Mátyris tui atque Pontificis dicatas méritis, benígnus assúme: et ad perpétuum nobis tríbue proveníre subsídium. Per Dóminum.

2 Item alia Secreta

MÚNERA tibi, Dómine, dicata sanctífica: et, intercedente beáto **N.** Mátyre tuo atque Pontífice, per eadem nos placatus inténde. Per Dóminum.

3 Pro Martyre tantum Secreta

MUNÉRIBUS nostris, quaesumus, Dómine, precibusque susceptis: et caelestibus nos munda mysteriis, et clementer exaudi. Per Dóminum.

4 Item alia Secreta

ACCÉPTA sit in conspectu tuo, Dómine, nostra devotio: ut ejus nobis fiat supplicacione salutáris, pro cuius solemnitate defertur. Per Dóminum.

Communio **Ps. 63, 11** Laetabitur justus in Dómino, et sperabit in eo: et laudabuntur omnes recti corde, allelúja, allelúja.

1 Pro Martyre Pontifice Postcommunio

REFÉCTI participacione muneris sacri, quaesumus, Dómine Deus noster: ut, cuius exsequimur cultum, intercedente beáto **N.** Mátyre tuo atque Pontífice, sentiámus effectum. Per Dóminum.

2 Item alia Postcommunio

HAEC nos commúnio, Dómine, purget a crimine: et, intercedente beáto **N.** Mátyre tuo atque Pontífice, caelestis remedii faciat esse consortes. Per Dóminum.

3 Pro Martyre tantum

Postcommunio

DA, quaesumus, Domine Deus noster: ut, sicut tuorum commemoratióne Sanctorum temporáli gratulamur officio ; ita perpétuo laetemur aspéctu. Per Dóminum.

4 Item alia Postcommunio

REFÉCTI participatióne muneris sacri, quaesumus, Domine Deus noster: ut, cujus exsequimur cultum, intercedente beáto N. Mártire tuo, sentiámus effectum. Per Dóminum.

* Epistola prima et Evangelium quae pro uno Martyre Tempore Paschali habentur, dici possunt etiam pro pluribus Martyribus, et vicissim ; dummodo tamen certa Missa vel certa Epistola aut Evangelium in Missali non fuerint assignata.

COMMUNE MARTYRUM

Tempore Paschali

II
PRO PLURIBUS MARTYRIBUS

Introitus Ps. 144, 10-11

SANCTI tui, Domine, benedícent te: glóriam regni tui dicent, allelúja, allelúja. Ps. *ibid.*, 1 Exaltábo te, Deus meus Rex: et benedicam nómini tuo in saeculum, et in saeculum saeculi. *Vl.* Glória Patri.

1 Pro pluribus Martyribus Pontificibus
Oratio

BEATÓRUM Mátyrum paritérque Pontíficum N. et N. nos, quaesumus, Domine, festa tueántur: et eórum comméndet orátio veneránda. Per Dóminum.

2 Pro pluribus Martyribus tantum
Oratio

DEUS, qui nos concédís sanctorum Mátyrum tuorum N. et N. natalítia cólere: da nobis in aetérna beatitúdine de eórum societáte gaudére. Per Dóminum.

3 Item alia Oratio

DEUS, qui nos ánnua sanctorum Mátyrum tuorum N. et N. solemnítate laetíficas: concéde propítius ; ut, quorum gaudémus méritis, accendámur exémpis. Per Dóminum.

Léctio Epístolae beáti Petri Apóstoli.

1 Petr. 1, 3-7

BENEDÍCTUS Deus et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectiónem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in caelis in vobis, qui in virtúte Dei custodímmini per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatióibus: ut probátio vestrae fidei multo pretiósior sit auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Allelúja, allelúja. *Vl.* Sancti tui, Domine, florébunt sicut lílium: et sicut odor bálsami erunt ante te. Allelúja. *Vl.* Ps. 115, 15 Pretiósia in conspéctu Dómini mors sanctorum ejus. Allelúja.

+ Sequéntia sancti Evangéllii secúndum Joánnem.

Joann. 15, 5-11

IN illo témpore: Dixit Jesus discipulis suis: Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánserit, mittétur foras sicut palmes, et aréscet, et cólligent eum, et in ignem mittent, et ardet. Si mánséritis in me, et verba mea in vobis mánsérint: quodcúmque voluérítis, petétis, et fiet vobis. In hoc clarificátus est Pater meus, ut fructum plúrimum afferátis, et efficiámmini mei discipuli. Sicut diléxit me Pater, et ego diléxi vos. Manéte in dilectiáne mea. Si praecépta mea servavérítis, manébitis in dilectiáne mea, sicut et ego Patris mei praecépta servávi, et máneo in ejus dilectiáne. Haec locútus sum vobis, ut gáudium meum in vobis sit, et gáudium vestrum impleátur.

Offertorium Ps. 31, 11 Laetámmini in Dómino, et exsultáte, justi: et gloriámmini, omnes recti corde, allelúja,

1 Pro pluribus Martyribus Pontificibus
Secreta

ADÉSTO, Dómine, supplicatióibus nostris, quas in Sanctórum tuórum commemoratióne deférimus: ut, qui nostrae justítiae fidúciam non habémus, eórum qui tibi placuérunt, méritis adjuvémur. Per Dóminum.

2 Pro pluribus Martyribus tantum
Secreta

MÚNERA tibi, Dómine, nostrae devotiónis offérimus: quae et pro tuórum tibi grata sint honóre justórum, et nobis salutária, te miseránte, reddántur. Per Dóminum.

3 Item alia Secreta

OBLÁTIS, quaésumus, Dómine, placáre munéribus: et, intercedéntibus sanctis Martýribus tuis **N.** et **N.**, a cunctis nos defénde perículis. Per Dóminum.

Communio Ps. 32, 1 Gaudéte, justi, in Dómino, allelúja: rectos decet collaudátio, allelúja.

1 Pro pluribus Martyribus Pontificibus
Postcommunio

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

2 Pro pluribus Martyribus tantum
Postcommunio

PRAESTA nobis, quaésumus, Dómine: intercedéntibus sanctis Martýribus tuis **N.** et **N.**; ut, quod ore contíngimus, pura mente capiámus. Per Dóminum.

3 Item alia Postcommunio

HAEC nos commúnio, Dómine, purget a crímine: et, intercedéntibus sanctis Martýribus tuis **N.** et **N.**, caeléstis remédii fáciat esse consórtes. Per Dóminum.

* **In Communi Martyrum Tempore Paschali, alia Epistola, et Evangelium:**

Léctio libri Apocalýpsis beáti Joánnis Apóstoli.
Apoc. 19, 1-9

IN diébus illis: Post haec ego Joánnes audivi quasi vocem turbárum multárum in caelo, dicéntium: Allelúja: salus, et glória, et virtus Deo nostro est: quia vera et justa judícia sunt ejus, qui judicávit de meretríce magna, quae corrúpit terram in prostitutióne sua, et vindicávit sánguinem servórum suórum de mánibus ejus. Et iterum dixerunt: Allelúja. Et fumus ejus ascéndit in saécula saeculórum. Et ceciderunt senióres vigintiquátuor, et quátuor animália, et adoravérunt Deum sedéntem super thronum, dicéntes: Amen: Allelúja. Et vox de throno exívit, dicens: Laudem dícite Deo nostro omnes servi ejus; et qui tímétis eum, pusílli et magni. Et audivi quasi vocem turbae magnae, et sicut vocem aquárum multárum, et sicut vocem tonitruórum magnórum dicéntium: Allelúja: quóniam regnávit Dóminus Deus noster omnípotens. Gaudeámus, et exsultémus, et demus glóriam ei: quia venérunt nuptiae Agni, et uxor ejus praeparávit se. Et datum est illi ut coopériat se býssino splendénti, et cándido. Býssinum enim justificatiónes sunt Sanctórum. Et dixit mihi: Scribe: Beáti, qui ad cenam nuptiárum Agni vocáti sunt.

+ Sequéntia sancti Evangélii secúndum Joánnem.
Joann. 16, 20-22

IN illo témpore: Dixit Jesus discípulis suis: Amen, amen dico vobis: quia plorábitis, et flébitis vos, mundus autem gaudébit: vos vero contristabímmini, sed tristítia vestra vertétur in gáudium. Múlier cum parit, tristítiam habet, quia venit hora ejus: cum autem pepérerit púerum, jam non méminit pressúrae propter gáudium: quia natus est homo in mundum. Et vos ígitur nunc quidem tristítiam habétis, íterum autem vidébo vos, et gaudébit cor vestrum: et gáudium vestrum nemo tollet a vobis.

* **Pro Communi Confessorum Pontificum et non Pontificum, Doctorum, Abbatum, Virginum et non Virginum, Dedicatiónis Ecclesiae, et Festorum beatae Mariae Virginis, necnon in omnibus Missis votivis, nisi aliter suo loco notetur, Tempore Paschali omnia dicuntur ut reliquo anni tempore, addito tamen duplici Allelúja ad Antiphonam Introitus et uno Allelúja in fine Offertorii et Communiónis, ubi non habetur. Post Epistolam vero**

omittitur Graduale, et ejus loco dicuntur Allelúja **cum suis Versibus, ut singulis locis notatur.**

COMMUNE
CONFESSORIS PONTIFICIS

I
PRO CONFESORE PONTIFICE

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotii dignitas in aetérnum.
(T. P. Allelúja, allelúja.) **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DA, quaesumus, omnipotens Deus: ut beáti **N.** Confessoris tui atque Pontificis veneránda solémnitas, et devotióne nobis áugeat, et salútem. Per Dóminum.

Léctio libri Sapiéntiae.

Eccli. 44, 16-27 ; 45, 3-20

ECCE sacérdos magnus, qui in diébus suis plácuít Deo, et invéntus est justus: et in témpore iracúndiae factus est reconciliátió. Non est invéntus símilis illi, qui conservávit legem Excélsi. Ideo jurejurádo fecit illum Dóminus créscere in plebem suam. Benedictióne omnium géntium dedit illi, et testaméntum suum confirmávit super caput ejus. Agnóvit eum in benedictiönibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam glóriæ. Státuit illi testaméntum aetérnum, et dedit illi sacerdotium magnum: et beatificávit illum in glória. Fungi sacerdotio, et habére laudem in nómine ipsíus: et offérre illi incénsus dignum in odórem suavitátis.

Graduale Eccli. 44, 16 Ecce sacérdos magnus, qui in diébus suis plácuít Deo. **Vl. Ibid., 20** Non est invéntus símilis illi, qui conserváret legem Excélsi.

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátió rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 109, 4** Tu es sacérdos in aetérnum, secúndum órđinem Melchisedech. Allelúja. **Vl.** Hic est sacérdos, quem coronávit Dóminus. Allelúja.

+ Sequéntia sancti Evangélli secúndum Matthaéum.

Math. 25, 14-23

IN illo témpore: Dixit Jesus discíplis suis parábolam hanc: Homo pégre proficiscens, vocávit servos suos, et trádidit illis bona sua. Et uni dedit quinque talénta, álii autem duo, álii vero unum, unicuíque secúndum própriam virtútem, et proféctus est statim. Abiit autem qui quinque talénta accéperat, et operátus est in eis, et lucrátus est ália quinque. Simíliter et qui duo accéperat, lucrátus est ália duo. Qui autem unum accéperat, ábiens fodit in terram, et abscondit pecúniám dómini sui. Post multum vero témporis venit dóminus servórum illórum, et pósuit ratióne cum eis. Et accédens qui quinque talénta accéperat, obtulit ália quinque talénta, dicens: Dómine, quinque talénta tradidisti mihi, ecce ália quinque superlucrátus sum. Ait illi dóminus ejus: Euge serve bone et fidéls, quia super pauca fuísti fidéls, super multa te constítuam: intra in gáudium dómini tui. Accessit autem et qui duo talénta accéperat, et ait: Dómine, duo talénta tradidisti mihi, ecce ália duo lucrátus sum. Ait illi dóminus ejus: Euge, serve bone et fidéls, quia super pauca fuísti fidéls, super multa te constítuam: intra in gáudium dómini tui.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. (T. P. Allelúja.)

Secreta

SANCTI tui, quaesumus, Domine, nos ubique laetificent: ut, dum eorum merita recolumus, patrocinia sentiamus. Per Dominum.

Communio **Luc. 12, 42** Fidelis servus et prudens, quem constituit dominus super familiam suam: ut det illis in tempore tritici mensuram. (T. P. Allelúja.)

Postcommunio

PRAESTA, quaesumus, omnipotens Deus: ut, de perceptis muneribus gratias exhibentes, intercedente beato N. Confessore tuo atque Pontifice, beneficia potiora sumamus. Per Dominum.

COMMUNE CONFESSORIS PONTIFICIS

II PRO CONFESSORE PONTIFICE

Altera Missa

Introitus **Ps. 131, 9-10**

SACERDOTES tui, Domine, induant iustitiam, et sancti tui exultent: propter David servum tuum, non avertas faciem Christi tui. (T. P. Allelúja, allelúja.) **Ps. ibid., 1** Meménto, Domine, David: et omnis mansuetudinis ejus. **Vl.** Glória Patri.

Oratio

EXÁUDI, quaesumus, Domine, preces nostras, quas in beati N. Confessoris tui atque Pontificis solemnitate deférimus: et, qui tibi digne méruit famulári, ejus intercedéntibus méritis, ab ómnibus nos absolve peccátis. Per Dominum.

Lectio Epístolae beati Pauli Apóstoli ad Hebraeos.

Hebr. 7, 23-27

FRATRES: Plures facti sunt sacerdotes, idcirco quod morte prohiberéntur permanere: Jesus autem, eo quod máneat in aeternum, sempiternum habet sacerdotium. Unde et salvare in perpetuum potest accedentes per semetipsum ad Deum: semper vivens ad interpellandum pro nobis. Talis enim decébat, ut nobis esset pónifex, sanctus, innocens, impollútu, segregátus a peccatóribus, et excelsior caelis factus: qui non habet necessitatem quotidie, quemádmódu sacerdotés, prius pro suis delictis hóstias offerre, deinde pro pópuli: hoc enim fecit semel, seipsum offerendo, Jesus Christus Dominus noster.

Graduale Ps. 131, 16-17 Sacerdotes ejus induam salutári: et sancti ejus exsultatióne exsultábunt. **Vl.** Illuc producám cornu David: parávi lucérnam Christo meo.

Allelúja, allelúja. **Vl.** **Ps. 109, 4** Jurávit Dominus, et non paenitébit eum: Tu es sacerdos in aeternum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saeculum saeculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** **Ps. 109, 4** Jurávit Dominus, et non paenitébit eum: Tu es sacerdos in aeternum, secúndum órđinem Melchisedech. Allelúja. **Vl.** **Eccli. 45, 9** Amávit eum Dominus, et ornávit eum: stolam glóriae índuit eum. Allelúja.

+ Sequéntia sancti Evangélíi secúndum Matthaéum.

Matth. 24, 42-47

IN illo tempore: Dixit Jesus discípulis suis: Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamilias, qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti: quia qua nescítis hora, Fílius hóminis ventúrus est. Quis,

putas, est fidelis servus et prudens, quem constituit dominus suus super familiam suam, ut det illis cibum in tempore ? Beatus ille servus, quem, cum venerit dominus ejus, invenerit sic facientem. Amen dico vobis, quoniam super omnia bona sua constituet eum.

Offertorium Ps. 88, 25 Veritas mea, et misericordia mea cum ipso: et in nomine meo exaltabitur cornu ejus. (T. P. Allelúja.)

Secreta

SANCTI N. Confessoris tui atque Pontificis, quaesumus, Domine, annua sollemnitas pietati tuae nos reddat acceptos: ut per haec pia placationis officia, et illum beata retributio comitetur, et nobis gratiae tuae dona conciliet. Per Dominum.

Communio Matth. 24, 46-47 Beatus servus, quem, cum venerit dominus, invenerit vigilantem: amen dico vobis, super omnia bona sua constituet eum. (T. P. Allelúja.)

Postcommunio

DEUS, fidelium remunerator animarum: praesta ; ut beati **N.** Confessoris tui atque Pontificis, cujus venerandam celebramus festivitatem, precibus indulgentiam consequamur. Per Dominum.

* **Item aliae Epistolae et Evangelia pro Confessore Pontifice:**

Lectio Epistolae beati Pauli Apostoli ad Hebraeos.

Hebr. 5, 1-4

FRATRES: Omnis pontifex ex hominibus assumptus, pro hominibus constituitur in iis, quae sunt ad Deum, ut offerat dona et sacrificia pro peccatis: qui condolere possit iis, qui ignorant et errant: quoniam et ipse circumdatus est infirmitate: et propterea debet, quemadmodum pro populo, ita etiam et pro semetipso offerre pro peccatis. Nec quisquam sumit sibi honorem, sed qui vocatur a Deo, tamquam Aaron.

Epistola Mementote praepositorum, **ut in Festo S. Nicolai Episcopi et Confessoris, die 6 Decembris.**

Evangelium Nemo lucernam accendit, **ut in Festo S. Martini Episcopi et Confessoris, die 11 Novembris.**

Evangelium Videte, vigilate, et orate, **ut in Anniversario Electionis et Consecrationis Episcopi.**

COMMUNE DOCTORUM

Introitus **Eccli. 15, 5**

IN medio Ecclesiae aperuit os ejus: et implevit eum Dominus spiritu sapientiae, et intellectus: stolam gloriae induit eum. (T. P. Allelúja, allelúja.) **Ps. 91, 2** Bonum est confiteri Domino: et psallere nomini tuo, Altissime. **V.** Gloria Patri.

Oratio

DEUS, qui populo tuo aeternae salutis beatum **N.** ministrum tribuisti: praesta, quaesumus ; ut, quem Doctorem vitae habuimus in terris, intercessorem habere mereamur in caelis. Per Dominum.

Lectio Epistolae beati Pauli Apostoli ad Timotheum.

2 Tim. 4, 1-8

CARISSIME: Testificor coram Deo, et Jesu Christo, qui judicaturus est vivos et mortuos, per adventum ipsius, et regnum ejus: praedica verbum, insta opportune, importune: argue, obsecra, increpa in omni patientia, et doctrina. Erit enim tempus, cum sanam doctrinam non sustinebunt, sed ad sua desideria coaccervabunt sibi magistros, prurientes auribus, et a veritate quidem auditum avertent, ad fabulas autem convertentur. Tu vero vigila, in omnibus labora, opus fac Evangelistae, ministerium tuum imple. Sobrius esto. Ego enim jam delibor, et tempus resolutionis meae instat. Bonum certamen certavi, cursum consummavi, fidem servavi. In reliquo repocita est mihi corona justitiae, quam reddet mihi Dominus in illa die, justus iudex: non solum autem mihi, sed et iis, qui diligunt adventum ejus.

Graduale Ps. 36, 30-31 Os justi meditabitur sapientiam, et lingua ejus loquetur iudicium. **V.** Lex Dei ejus in corde ipsius: et non supplantabuntur gressus ejus.

Allelúja , allelúja. **V.** **Eccli. 45, 9** Amavit eum Dominus, et ornavit eum: stolam gloriae induit eum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. *V.* Potens in terra erit semen ejus: generátio rectórum benedicétur. *V.* Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja , allelúja. *V.* Eccli. 45, 9 Amávit eum Dóminus, et ornávit eum: stolam glóriæ induit eum. Allelúja. *V.* Osee 14, 6 Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangéllii secúndum Matthaéum.

Matth. 5, 13-19

IN illo témpore: Dixit Jesus discíplis suis: Vos estis sal terrae. Quod si sal evanúerit, in quo saliétur ? Ad níhilum valet ultr a, nisi ut mittátur foras, et conculcétur ab homínibus. Vos estis lux mundi. Non potest civitas abscondi supra montem pósita. Neque accéndunt lucérnam, et ponunt eam sub módio, sed super candelábrum, ut lúceat ómnibus qui in domo sunt. Sic lúceat lux vestra coram homínibus, ut vídeant ópera vestra bona, et gloríficent Patrem vestrum, qui in caelis est. Nolíte putáre, quóniam veni sólvare legem, aut prophétas: non veni sólvare, sed adimplére. Amen quippe dico vobis, donec tránseat caelum et terra, jota unum, aut unus apex non praeteríbit a lege, donec ómnia fiant. Qui ergo sólverit unum de mandátis istis mínimis, et docúerit sic hómines, mínimus vocábitur in regno caelórum: qui autem fécerit, et docúerit, hic magnus vocábitur in regno caelórum.

Credo.

Offertorium Ps. 91, 13 Justus ut palma florébit: sicut cedrus, quae in Líbano est, multiplicábitur. (T. P. Allelúja.)

Pro Doctore Pontifice
Secreta

SANCTI N. Pontíficis tui atque Doctóris nobis, Dómine, pia non desit orátio: quae et múnere nostra concíliet ; et tuam nobis indulgéntiam semper obtíneat. Per Dóminum.

Pro Doctore non Pontifice
Secreta

SANCTI N. Confessóris tui atque Doctóris nobis, Dómine, pia non desit orátio: quae et múnere nostra concíliet ; et tuam nobis indulgéntiam semper obtíneat. Per Dóminum.

Communio Luc. 12, 42 Fidélis servus et prudens, quem constituit dóminus super fámiliam suam: ut det illis in témpore trítici mensúram. (T. P. Allelúja.)

Pro Doctore Pontifice
Postcommunio

UT nobis, Dómine, tua sacrificia dent salútem: beátus N. Póntifex tuus et Doctor egrégius, quaésumus, precátor accédát. Per Dóminum.

Pro Doctore non Pontifice
Postcommunio

UT nobis, Dómine, tua sacrificia dent salútem: beátus N. Conféssor tuus et Doctor egrégius, quaésumus, precátor accédát. Per Dóminum.

* Item alia Epistola pro Doctoribus:

Léctio libri Sapiéntiae.
Eccli. 39, 6-14

JUSTUS cor suum tradet ad vigilándum dilúculo ad Dóminum, qui fecit illum, et in conspéctu Altíssimi deprecábitur. Apériet os suum in oratióne, et pro delíctis suis deprecábitur. Si enim Dóminus magnus volúerit, spírítu intelligéntiae replébit illum: et ipse tamquam imbres mittet elóquia sapiéntiae suae, et in oratióne confitébatur Dómino: et ipse díriget consílium ejus et disciplinam, et in abscondítis suis consiliábitur.

Ipse palam fáciat disciplinam doctrínae suae, et in lege testaménti Dómini gloriábitur. Collaudábunt multi sapiéntiam ejus, et usque in saéculum non delébitur. Non recédet memória ejus, et nomen ejus requirétur a generatióne in generatióem. Sapiéntiam ejus enarrábunt gentes, et laudem ejus enuntiábit ecclésia.

COMMUNE
CONFESSORIS NON PONTIFICIS

I
PRO CONFESORE NON PONTIFICE

Introitus **Ps. 36, 30-31**

OS justi meditábitur sapiéntiam, et lingua ejus loquétur júdicium: lex Dei ejus in corde ipsíus. (T. P. Allelúja, allelúja.) **Ps. ibid., 1** Noli aemulári in malignántibus: neque zeláveris faciéntes iniquitátem. **V.** Glória Patri.

Oratio

DEUS, qui nos beáti **N.** Confessorís tui ánnua solemnitate laetíficas: concéde propítius ; ut, cujus natalítia cólimus, étiam actiões imitémur. Per Dóminum.

Léctio libri Sapiéntiae.

Eccli. 31, 8-11

BEÁTUS vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum ? fecit enim mirabília in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est transgréssus: fácere mala, et non fecit: ídeo stabilíta sunt bona illíus in Dómino, et eleemósynas illíus enarrábit omnis ecclésia sanctórum.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **V.** **Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **V.** **Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vitae. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátió rectórum benedicétur. **V.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **V.** **Jac. 1, 12** Beátus vir, qui suffert tentatióem: quóniam cum probátus fúerit, accípiet corónam vitae. Allelúja. **V.** **Eccli. 45, 9** Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangélíi secúndum Lucam.

Luc. 12, 35-40

IN illo témpore: Dixit Jesus discipulis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum vénerit et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod praecínget se, et fáciat illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

LAUDIS tibi, Dómine, hóstias immolámus in tuórum commemoratióne Sanctórum: quibus nos et praeséntibus éxui malis confídimus et futúris. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constituet eum. (T. P. Allelúja.)

Postcommunio

REFÉCTI cibo potúque caelésti, Deus noster, te súpplikes exorámus: ut, in cujus haec commemoratióne percépimus, ejus muniámur et précibus. Per Dóminum.

COMMUNE
CONFESSORIS NON PONTIFICIS

II
PRO CONFESSORE NON PONTIFICE

Altera Missa

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Allelúja, allelúja.) **Ps. ibid., 2** Bonum est confitéri Dómino: et psállere nómini tuo, Altíssime. **Vl.** Glória Patri.

Oratio

ADÉSTO, Dómine, supplicatióibus nostris, quas in beáti **N.** Confessóris tui solemnitate deférimus: ut, qui nostrae justítiae fidúciam non habémus, ejus, qui tibi plácuít, précibus adjuvémur. Per Dóminum.

Léctio Epístolae beáti Pauli Apóstoli ad Corínthios.

1 Cor. 4, 9-14

FRATRES: Spectáculum facti sumus mundo, et Angelis, et homínibus. Nos stulti propter Christum, vos autem prudéntes in Christo: nos infirmi, vos autem fortes: vos nóbiles, nos autem ignóbiles. Usque in hanc horam et esurímus, et sitímus, et nudi sumus, et cólaphis caedimur, et instábiles sumus, et laborámus operántes mánibus nostris: maledícimur, et benedícimus: persecutiónem pátimur, et sustinémus: blasphemámur, et obsecrámus: tamquam purgaménta hujus mundi facti sumus, ómnium peripséma usque adhuc. Non ut confúndam vos, haec scribo, sed ut filios meos caríssimos móneo: in Christo Jesu Dómino nostro.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **Vl.** Lex Dei ejus in corde ipsíus: et non supplantabúntur gressus ejus.

Allelúja, allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja. **Vl. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangéllii secúndum Lucam.

Luc. 12, 32-34

IN illo témpore: Dixit Jesus discíplulis suis: Nolíte timére, pusíllus grex, quia complácuít Patri vestro dare vobis regnum. Véndite quae possidétis, et date eleemósynam. Fácite vobis sácculos, qui non veteráscunt, thesáurum non deficiéntem in caelis: quo fur non apprópiat, neque tínea corrúmpit. Ubi enim thesáurus vester est, ibi et cor vestrum erit.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei. (T. P. Allelúja.)

Secreta

PRAESTA nobis, quaesumus, omnipotens Deus: ut nostrae humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Communio Matth. 19, 28 et 29 Amen dico vobis, quod vos, qui reliquistis omnia, et secuti estis me, centuplum accipietis, et vitam aeternam possidebitis. (T. P. Alleluja.)

Postcommunio

QUSUMUS, omnipotens Deus: ut, qui caelestia alimenta percipimus, intercedente beato N. Confessore tuo, per haec contra omnia adversa muniamur. Per Dominum.

* **Item alia Epistola et Evangelium pro Confessore non Pontifice:**

Epistola Quae mihi fuerunt lucra, ut in Festo S. Francisci de Paula Confessoris, die 2 Aprilis.

Evangelium Homo quidam nobilis, ut in Festo S. Ludovici Confessoris, die 25 Augusti.

COMMUNE ABBATUM

Introitus **Ps. 36, 30-31**

OS justi meditabitur sapientiam, et lingua ejus loquetur iudicium: lex Dei ejus in corde ipsius. (T. P. Alleluja, alleluja.) **Ps. ibid., 1** Noli aemulari in malignantibus: neque zelaveris facientes iniquitatem. **V.** Gloria Patri.

Oratio

INTERCESSIO nos, quaesumus, Domine, beati N. Abbatis commendet: ut, quod nostris meritis non valemus, ejus patrocinio assequamur. Per Dominum.

Lectio libri Sapientiae.

Eccli. 45, 1-6

DILECTUS Deo et hominibus, cujus memoria in benedictione est. Similem illum fecit in gloria sanctorum, et magnificavit eum in timore inimicorum, et in verbis suis monstra placavit. Glorificavit illum in conspectu regum, et jussit illi coram populo suo, et ostendit illi gloriam suam. In fide et lenitate ipsius sanctum fecit illum, et elegit eum ex omni carne. Audivit enim eum, et vocem ipsius, et induxit illum in nubem. Et dedit illi coram praecipua, et legem vitae et disciplinae.

Graduale Ps. 20, 4-5 Domine, praevenisti eum in benedictionibus dulcedinis: posuisti in capite ejus coronam de lapide pretioso. **V.** Vitam petiit a te, et tribuisti ei longitudinem dierum in saeculum saeculi. Alleluja, alleluja. **V./ Ps. 91, 13** Justus ut palma florabit: sicut cedrus Libani multiplicabitur. Alleluja.

Post Septuagesimam, omissis Alleluja et Versu sequenti, dicitur

Tractus Ps. 111, 1-3 Beatus vir, qui timet Dominum: in mandatis ejus cupit nimis. **V.** Potens in terra erit semen ejus: generatio rectorum benedicetur. **V.** Gloria et divitiae in domo ejus: et justitia ejus manet in saeculum saeculi.

Tempore autem Paschali omittitur Graduale, et ejus loco dicitur:

Alleluja, alleluja. **V./ Ps. 91, 13** Justus ut palma florabit: sicut cedrus Libani multiplicabitur. Alleluja. **V./ Osee 14, 6** Justus germinabit sicut lilius: et florabit in aeternum ante Dominum. Alleluja.

+ Sequentia sancti Evangelii secundum Matthaum.

Matth. 19, 27-29

IN illo tempore: Dixit Petrus ad Jesum: Ecce nos reliquimus omnia, et secuti sumus te: quid ergo erit nobis? Jesus autem dixit illis: Amen dico vobis, quod vos, qui secuti estis me, in regeneratione, cum sederit Filius hominis in sede majestatis suae, sedebitis et vos super sedes duodecim, judicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidebit.

Offertorium Ps. 20, 3 et 4 Desiderium animae ejus tribuisti ei, Domine, et voluntate labiorum ejus non

fraudásti eum: posuísti in cápite ejus corónam de lápide pretióso. (T. P. Allelúja.)

Secreta

SACRIS altáribus, Dómine, hóstias superpósitas sanctus N. Abbas, quaésumus, in salútem nobis provenire depóscat. Per Dóminum.

Communio Luc. 12, 42 Fidélis servus et prudens, quem constituit dóminus super familiam suam: ut det illis in témpore trítici mensúram. (T. P. Allelúja.)

Postcommunio

PRÓTEGAT nos, Dómine, cum tui perceptióne sacraménti beátus N. Abbas, pro nobis intercedéndo: ut et conversatióne ejus experiámur insígnia, et intercessióne percipiámus suffrágia. Per Dóminum.

COMMUNE VIRGINUM

I PRO VIRGINE ET MARTYRE

Introitus Ps. 118, 46-47

LOQUÉBAR de testimoniis tuis in conspéctu regum, et non confundébar: et meditábar in mandátis tuis, quae diléxi nimis. (T. P. Allelúja, allelúja.) Ps. *ibid.*, 1 Beáti immaculáti in via: qui ámbulant in lege Dómini. *Vl.* Glória Patri.

Oratio

DEUS, qui inter cétera poténtiae tuae miracula étiam in sexu frágtili victóriam mártýrii contulísti: concéde propítius ; ut, qui beatae N. Virgínis et Mártýris tuae natalítia cólimus, per ejus ad te exémpa gradiámur. Per Dóminum.

Léctio libri Sapiéntiae.

Eccli. 51, 1-8 et 12

CONFITÉBOR tibi, Dómine rex, et collaudábo te Deum salvatórem meum. Confitébor nómini tuo: quóniam adjútor, et protéctor factus es mihi, et liberásti corpus meum a perditióne, a láqueo linguae iníquae, et a lábiis operántium mendácium, et in conspéctu astántium factus es mihi adjútor. Et liberásti me secúndum multítudinem misericórdiae nóminis tui a rugiéntibus, praeparátis ad escam, de mánibus quaeréntium ánimam meam, et de portis tribulatiónum, quae circumdedérunt me: a pressúra flammae, quae circúmdedit me, et in médio ignis non sum aestuáta: de altítudine ventris ínferi, et a lingua coínquináta, et a verbo mendácii, a rege iníquo, et a lingua injústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 44, 8 Diléxísti justítiam, et odísti iniquitátem. *Vl.* Proptérea unxit te Deus, Deus tuus, óleo laetítiae. Allelúja, allelúja. *Vl.* *Ibid.*, 15 et 16 Adducéntur Regi vírgines post eam: próximae ejus afferéntur tibi in laetítia. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum: pro cujus amóre sánguinem tuum fudísti. *Vl.* Ps. 44, 8 et 5 Diléxísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. *Vl.* Spécie tua, et pulchritúde tua inténde, próspere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* Ps. 44, 15 et 16 Adducéntur Regi vírgines post eam: próximae ejus afferéntur tibi in laetítia. Allelúja. *Vl.* *Ibid.*, 5 Spécie tua, et pulchritúde tua inténde, próspere procéde, et regna. Allelúja.

+ Sequéntia sancti Evangéllii secúndum Matthaéum.

Matth. 25, 1-13

IN illo témpore: Dixit Jesus discíplis suis parábolum hanc: Símile erit regnum caelórum decem virgínibus:

quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quae parátæ erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nésco vos. Vigilate ítaque, quia nescitis diem neque horam.

Offertorium Ps. 44, 15 et 16 Afferéntur Regi vírgines post eam: próximæ ejus afferéntur tibi in laetítia et exsultatióne: adducéntur in templum Regi Dómino. (T. P. Allelúja.)

Secreta

SÚSCIPE, Dómine, múnera, quae in beátæ **N.** Vírginis et Mártiris tuæ solemnitate deférimus: cujus nos confidimus patrocinio liberári. Per Dóminum.

Communio Ps. 118, 78 et 80 Confundántur supérbi, quia injúste iniquitátem fecérunt in me: ego autem in mandátis tuis exercébór, in tuis justificatióibus, ut non confúndar. (T. P. Allelúja.)

Postcommunio

AUXILIÉNTUR nobis, Dómine, sumpta mystéria: et, intercedénte beáta **N.** Vírgine et Mártire tua, sempitérna fáciant protectióne gaudére. Per Dóminum.

COMMUNE VIRGINUM

II PRO VIRGINE ET MARTYRE

Altera Missa

Introitus **Ps. 118, 95-96**

ME exspectavérunt peccatóres, ut pérderent me: testimónia tua, Dómine, intelléxi: omnis consummatiónis vidi finem: latum mandátum tuum nimis. (T. P. Allelúja, allelúja.) **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

INDULGÉNTIAM nobis, quaésumus, Dómine, beáta **N.** Virgo et Martyr implóret: quae tibi grata semper éxstitit, et mérito castitátis, et tuæ professióne virtútis. Per Dóminum.

Léctio libri Sapiéntiae.

Eccli. 51, 13-17

DÓMINE Deus meus, exaltásti super terram habitatióem meam, et pro morte defluénte deprecáta sum. Invocávi Dóminum patrem Dómini mei, ut non derelínquat me in die tribulatióis meae, et in témpore superbórum sine adjutório. Laudábo nomen tuum assidue, et collaudábo illud in confessióne, et exaudíta est orátio mea. Et liberásti me de perditióne, et eripuísti me de témpore iníquo. Proptérea confitébor, et laudem dicam tibi, Dómine Deus noster.

Graduale Ps. 45, 6 et 5 Adjuvábít eam Deus vultu suo: Deus in médio ejus, non commovébitur. **Vl.** Flúminis ímpetus laetificat civitátem Dei: sanctificávit tabernáculum suum Altíssimus. Allelúja, allelúja. **Vl.** Haec est virgo sápiens, et una de número prudéntum. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum: pro cujus amóre sánguinem tuum fudísti. **Vl.** **Ps. 44, 8 et 5** Dilixisti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **Vl.** Spécie tua, et pulchritúdine tua inténde, próspere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja. *VI.* Haec est virgo sápiens, et una de número prudéntum. Allelúja. *VI. Sap. 4, 1* O quam pulchra est casta generátio cum claritáte ! Allelúja.

+ Sequéntia sancti Evangéllii secúndum Matthaéum.
Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem, qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saeculum saeculi. (*T. P. Allelúja.*)

Secreta

HÓSTIAS tibi, Dómine, beátae *N.* Vírginis et Mártiris tuae dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Communio Ps. 118, 121, 122 et 128 Feci iudícium et justítiam, Dómine, non calumniéntur mihi supérbi: ad ómnia mandáta tua dirigébar, omnem viam iniquitátis ódio hábui. (*T. P. Allelúja.*)

Postcommunio

DIVÍNI múnere largitáte satiáti, quaesumus, Dómine Deus noster: ut, intercedente beáta *N.* Vírgine et Mártire tua, in ejus semper participatióne vivámus. Per Dóminum.

* *Item aliud Evangelium:*

+ Sequéntia sancti Evangéllii secúndum Matthaéum.
Matth. 19, 3-12

IN illo témpore: Accessérunt ad Jesum pharisaéi tentántes eum, et dicéntes: Si licet hómini dimíttere uxórem suam quacúmque ex causa ? Qui respóndens, ait eis: Non legístis, quia, qui fecit hóminem ab inítio, másculum et féminam fecit eos ? et dixit: Propter hoc dimíttet homo patrem et matrem, et adhaerébit uxóri suae, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet. Dicunt illi: Quid ergo Móyses mandávit dare libéllum repúdií, et dimíttere ? Ait illis: Quóniam Móyses ad durítiam cordis vestri permísit vobis dimíttere uxóres vestras: ab inítio autem non fuit sic. Dico autem vobis, quia quicúmque dimíserit uxórem suam, nisi ob fornicatióem, et áliam dúxerit, moechátur: et qui dimíssam dúxerit, moechátur. Dicunt ei discípluli ejus: Si ita est causa hóminis cum uxóre, non expédit núbere. Qui dixit illis: Non omnes cápiunt verbum istud, sed quibus datum est. Sunt enim eunúchi, qui de matris útero sic nati sunt: et sunt eunúchi, qui facti sunt ab homínibus: et sunt eunúchi, qui seípsos castravérunt propter regnum caelórum. Qui potest cápere, cápiat.

* *Pro pluribus Virginitibus Martyribus Missa dicitur ut supra, cum Epistola De virginitibus ex Missa Vultum tuum, de Comuni Virginum 4 loco, et Orationibus ut infra.*

Oratio

DA nobis, quaesumus, Dómine Deus noster, sanctárum Vírginum et Mátyrum tuárum *N.* et *N.* palmas incessábili devotióne venerári: ut, quas digna mente non pössumus celebráre, humílibus saltem frequentémus obséquiiis. Per Dóminum.

Secreta

INTÉNDE, quaesumus, Dómine, múnere altáribus tuis pro sanctárum Vírginum et Mátyrum tuárum *N.* et *N.* festivitáte propósita: ut, sicut per haec beáta mystéria illis glóriam contulísti ; ita nobis indulgéntiam

Postcommunio

PRAESTA nobis, quaesumus, Dómine: intercedéntibus sanctis Virgínibus et Martýribus tuis **N.** et **N.:** ut, quod ore contíngimus, pura mente capiámus. Per Dóminum.

COMMUNE VIRGINUM

III

PRO VIRGINE TANTUM

Introitus **Ps. 44, 8**

DILEXISTI justítiam, et odisti iniquitátem: propterea unxit te Deus, Deus tuus, óleo laetítiae prae consórtibus tuis. (T. P. Allelúja, allelúja.) **Ps. ibid., 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

EXÁUDI nos, Deus salutáris noster: ut, sicut de beátae **N.** Virgínis tuae festivitáte gaudémus ; ita pia devotiónis erudiámur afféctu. Per Dóminum.

Léctio Epístolae beáti Pauli Apóstoli ad Corínthios.

2 Cor. 10, 17-18 ; 11, 1-2

FRATRES: Qui gloriátur, in Dómino gloriétur. Non enim qui seípsum comméndat, ille probátus est: sed quem Deus comméndat. Utinam sustinerétis módicum quid insipiéntiae meae, sed et supportáte me: aémulor enim vos Dei aemulatióne. Despóndi enim vos uni viro vírginem castam exhibére Christo.

Graduale Ps. 44, 5 Spécie tua, et pulchritúdine tua inténde, prospere procéde, et regna. **Vl.** Propter veritátem, et mansuetúdinem, et justítiam: et dedúcet te mirábiliter dextera tua.

Allelúja, allelúja. **Vl. Ibid., 15 et 16** Adducéntur Regi vírgines post eam: próximae ejus afferéntur tibi in laetítia. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 11 et 12 Audi, fília, et vide, et inclína aurem tuam: quia concupívit Rex spéciem tuam. **Vl. Ibid., 13 et 10** Vultum tuum deprecabúntur omnes dívites plebis: fíliae regum in honóre tuo. **Vl. Ibid., 15-16** Adducéntur Regi vírgines post eam: próximae ejus afferéntur tibi. **Vl.** Afferéntur in laetítia, et exsultatióne: adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 44, 15 et 16** Adducéntur Regi vírgines post eam: próximae ejus afferéntur tibi in laetítia. Allelúja. **Vl. Ibid., 5** Spécie tua, et pulchritúdine tua inténde, prospere procéde, et regna. Allelúja.

+ Sequéntia sancti Evangélíi secúndum Matthaéum.

Matth. 25, 1-13

IN illo témpore: Dixit Jesus discíplis suis parábolam hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quae paratae erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescítis diem, neque horam.

Offertorium Ps. 44, 10 Fíliae regum in honóre tuo, ástitit regína a dextris tuis in vestítu deauráto, circúmdata varietáte. (T. P. Allelúja.)

Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliúm. Per Dóminum.

Communio Matth. 25, 4 et 6 Quinque prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit: exíte óbviám Christo Dómino. (T. P. Allelúja.)

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

COMMUNE VIRGINUM**IV**
PRO VIRGINE TANTUM**Altera Missa**

Introitus **Ps. 44, 13, 15 et 16**

VULTUM tuum deprecabúntur omnes dívites plebis: adducéntur Regi vírgines post eam: próxímae ejus adducéntur tibi in laetítia et exsultatióne. (T. P. Allelúja, allelúja.) **Ps. ibid., 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

EXÁUDI nos, Deus salutáris noster: ut, sicut de beátae **N.** Vírginis tuae festivitáte gaudémus ; ita pia devotiónis erudiámur afféctu. Per Dóminum.

Léctio Epístolae beáti Pauli Apóstoli ad Corínthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existímo ergo hoc bonum esse propter instántem necessitátem, quóniam bonum est hómíni sic esse. Alligátus es uxóri ? noli quaerere solutióne. Solútu es ab uxóre ? noli quaerere uxórem. Si autem accéperis uxórem, non peccásti. Et si núpserit virgo, non peccávit: tribulatióne tamen carnis habébunt hujúsmodi. Ego autem vobis parco. Hoc ítaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes, et qui utúntur hoc mundo, tamquam non utántur: praéterit enim figúra hujus mundi. Volo autem vos sine sollicitúdi-ne esse. Qui sine uxóre est, sollícitus est, quae Dómini sunt, quómodo pláceat Deo. Qui autem cum uxóre est, sollícitus est, quae sunt mundi, quómodo pláceat uxóri, et divísus est. Et múlíer innúpta, et virgo cógitat quae Dómini sunt, ut sit sancta córpore, et spírítu: in Christo Jesu Dómino nostro.

Graduale Ps. 44, 12 Concupívit Rex decórem tuum, quóniam ipse est Dóminus Deus tuus. **Vl. Ibid., 11** Audi, fília, et vide, et inclína aurem tuam. Allelúja, allelúja. **Vl.** Haec est virgo sápiens, et una de número prudéntum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 12, 13 et 10 Quia concupívit Rex spéciem tuam. **Vl.** Vultum tuum deprecabúntur omnes dívites plebis: fíliae regum in honóre tuo. **Vl. Ibid., 15-16** Adducéntur Regi vírgines post eam: próxímae ejus afferéntur tibi. **Vl.** Afferéntur in laetítia, et exsultatióne: adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** Haec est virgo sápiens, et una de número prudéntum. Allelúja. **Vl. Sap. 4, 1** O quam pulchra est casta generátio cum claritáte ! Allelúja.

+ Sequéntia sancti Evangélii secúndum Matthaéum.
Matth. 13, 44-52

IN illo tēpore: Dixit Jesus discipulis suis parabolam hanc: Símile est regnum caelórum thesáuro abscondito in agro: quem, qui invénit homo, abscondit, et prae gáudio illius vadit, et vendit univérſa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretióſa margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni gēnere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Vel Evangelium:

+ Sequéntia sancti Evangélii secúndum Matthaéum.

Matth. 25, 1-13

IN illo tēpore: Dixit Jesus discipulis suis parabolam hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornávérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non suffíciat nobis et vobis, ite pótius ad vendéntes, et émite vobis. Dum autem irent émere, venit sponsus: et quae paratae erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescítis diem neque horam.

Offertorium Ps. 44, 15 et 16 Afferéntur Regi vírgines post eam: próximae ejus afferéntur tibi in laetitia et exultatione: adducéntur in templum Regi Dómino. (T. P. Allelúja.)

Secreta

ACCÉPTA tibi sit, Dómine, sacratae plebis oblátio pro tuórum honóre Sanctórum: quorum se méritis de tribulatione percepisse cognóscit auxiliúm. Per Dóminum.

Communio Matth. 13, 45-46 Símile est regnum caelórum hómini negotiatóri, quaerénti bonas margarítas: invénta autem una pretióſa margaríta, dedit ómnia sua, et comparávit eam. (T. P. Allelúja.)

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

COMMUNE NON VIRGINUM

I PRO MARTYRE NON VIRGINE

Introitus Ps. 118, 95-96

ME exspectavérunt peccatóres, ut pérderent me: testimónia tua, Dómine, intelléxi: omnis consummationis vidi finem: latum mandátum tuum nimis. (T. P. Allelúja, allelúja.) Ps. *ibid.*, 1 Beáti immaculáti in via: qui ámbulant in lege Dómini. V/. Glória Patri.

Oratio

DEUS, qui inter cétera poténtiae tuae mirácula étiam in sexu frágili victóriam martýrii contulísti: concéde propítius ; ut, qui beatae N. Mártiris tuae natalítia cólimus, per ejus ad te exémpa gradiámur. Per Dóminum.

Léctio libri Sapiéntiae.

Eccli. 51, 1-8 et 12

CONFITÉBOR tibi, Dómine rex, et collaudábo te Deum salvatórem meum. Confitébor nómini tuo: quóniam adjútor et protéctor factus es mihi, et liberásti corpus meum a perditioe, a láqueo linguae iniquae, et a lábiis operántium mendácium, et in conspéctu astántium factus es mihi adjútor. Et liberásti me secúndum

multitudinem misericórdiae nóminis tui a rugiéntibus, praeparátis ad escam, de mánibus quaeréntium ánimam meam, et de portis tribulatiónum, quae circumdedérunt me: a pressúra flammae, quae circúmdedit me, et in médio ignis non sum aestuáta: de altitúdine ventris ínferi, et a lingua coinquináta, et a verbo mendáccii, a rege íniquo, et a lingua ínjústa: laudábit usque ad mortem ánima mea Dóminum: quóniam éruis sustinéntes te, et líberas eos de mánibus géntium, Dómine Deus noster.

Graduale Ps. 44, 8 Dilexísti justítiam, et odísti iniquitátem. **VI.** Proptérea unxit te Deus, Deus tuus, óleo laetítiae.
Allelúja, allelúja . **VI.** **Ibid., 5** Spécie tua et pulchritúdine tua inténde, prospere procéde, et regna. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum: pro cujus amóre sánguinem tuum fudísti. **VI.** **Ps. 44, 8 et 5** Dilexísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **VI.** Spécie tua et pulchritúdine tua inténde, prospere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja . **VI.** **Ps. 44, 5** Spécie tua et pulchritúdine tua inténde, prospere procéde, et regna. Allelúja. **VI.** Propter veritátem, et mansuetúdinem, et justítiam: et dedúcet te mirábíliter dextera tua. Allelúja.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discíplulis suis parábolam hanc: Símile est regnum caelórum thesáuro abscondito in agro: quem, qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómíni negotiatóri, quaerénti bonas margarítas. Invénta autem una pretiósa margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni género píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras miserunt. Sic erit in consummatione saeculi: exíbut Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómíni patrifamílias, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saeculi. (T. P. Allelúja.)

Secreta

SÚSCÍPE, Dómine, múnera, quae in beátae **N.** Máryris tuae solemnitate deférimus: cujus nos confídimus patrocínio liberári. Per Dóminum.

Communio Ps. 118, 161-162 Príncipes persecúti sunt me gratis, et a verbis tuis formidávit cor meum: laetábor ego super elóquia tua, quasi qui invénit spólia multa. (T. P. Allelúja.)

Postcommunio

AUXILIÉNTUR nobis, Dómine, sumpta mystéria: et, intercedénte beáta **N.** Máryre tua, sempitérna fáciant protectióne gaudére. Per Dóminum.

* **Pro pluribus Martyribus, quae non sint Virgines, dicatur Missa ut supra, cum Orationibus ut infra:**

Oratio

DA nobis, quaesumus, Dómine Deus noster, sanctárum Máryrum tuárum **N.** et **N.** palmas incessábili devotióne venerári: ut, quas digna mente non póssumus celebráre, humílibus saltem frequentémus obséquijs. Per Dóminum.

Secreta

INTÉNDE, quaesumus, Dómine, múnera altáribus tuis pro sanctárum Máryrum tuárum **N.** et **N.** festivitáte

propósita: ut, sicut per haec beáta mystéria illis glóriam contulísti ; ita nobis indulgéntiam largiáris. Per Dóminum.

Postcommunio

PRAESTA nobis, quaesumus, Dómine: intercedéntibus sanctis Martýribus tuis **N.** et **N.:** ut, quod ore contíngimus, pura mente capiámus. Per Dóminum.

COMMUNE NON VIRGINUM

II PRO NEC VIRGINE NEC MARTYRE

Introitus **Ps. 118, 75 et 120**

COGNÓVI, Dómine, quia aéquitas júdicia tua, et in veritáte tua humiliásti me: confíge timóre tuo carnes meas, a mandátis tuis tímui. (**T. P.** Allelúja, allelúja.) **Ps. ibid., 1** Beáti immaculáti in via: qui ámbulant in lege Dómini. **V.** Glória Patri.

Oratio

EXÁUDI nos, Deus salutáris noster: ut, sicut de beátae **N.** festivitáte gaudémus ; ita piae devotiónis erudiámur afféctu. Per Dóminum.

Léctio libri Sapiéntiae.

Prov. 31, 10-31

MULÍEREM fortem quis invéniet ? Procul, et de últimis fínibus prétium ejus. Confídit in ea cor viri sui, et spóliis non indigébit. Reddet ei bonum, et non malum, ómnibus diébus vitae suae. Quaesívít lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque praedam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit véneam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómui suae a frigóribus nivis: omnes enim doméstici ejus vestíti sunt duplícibus. Stragulátam vestem fecit sibi: byssus, et púrpura induméntum ejus. Nóbilis in portis vir ejus, quando séderit cum senatóribus terrae. Síndonem fecit et véndidit, et cíngulum trádidit Chananaéo. Fortitúdo et decor induméntum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otíosa non comédit. Surrexérunt fílii ejus, et beatíssimam praedicavérunt: vir ejus, et laudávit eam. Multae fíliae congregavérunt divítias: tu supergréssa es univérsas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in aetérnum. **V.** Propter veritátem, et mansuetúdinem, et justítiam: et dedúcet te mirabíliter délixtera tua.

Allelúja, allelúja . **V.** **Ibid., 5** Spécie tua et pulchritúdine tua inténde, prospere procéde, et regna. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum. **V.** **Ps. 44, 8 et 5** Diléxísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **V.** Spécie tua et pulchritúdine tua inténde, prospere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja . **V.** **Ps. 44, 5** Spécie tua et pulchritúdine tua inténde, prospere procéde, et regna. Allelúja. **V.** Propter veritátem, et mansuetúdinem, et justítiam: et dedúcet te mirabíliter délixtera tua. Allelúja.

+ Sequéntia sancti Evangélii secúndum Matthaéum.

Math. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscóndito in agro: quem, qui invénit homo, abscóndit, et prae gáudio illius vadit, et vendit univérsa, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum

símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exhibunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scriba doctus in regno caelórum símilis est hómíni patrifamílias, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saeculum saeculi. (T. P. Allelúja.)

Secreta

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Communio Ps. 44, 8 Dilexísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. (T. P. Allelúja.)

Postcommunio

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

* **Item alia Epistola pro Vidua:**

Léctio Epístolae beáti Pauli Apóstoli ad Timótheum.
1 Tim. 5, 3-10

CARÍSSIME: Víduas honóra, quae vere víduae sunt. Si qua autem vídua filios, aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quae autem vere vídua est, et desoláta, speret in Deum, et instet obsecrationibus et orationibus nocte ac die. Nam quae in delíciis est, vivens mórtua est. Et hoc praécipe ut irreprehensibiles sint. Si quis autem suórum, et máxime domesticórum curam non habet, fidem negávit, et est infidéli detérior. Vídua eligátur non minus sexagínta annórum, quae fúerit unius viri uxor, in opéribus bonis testimónium habens, si filios educávit, si hospítio recépit, si sanctórum pedes lavit, si tribulatiónem patiéntibus subministrávit, si omne opus bonum subsequéta est.

COMMUNE DEDICATIONIS ECCLESIAE

Introitus **Gen. 28, 17**

TERRÍBILIS est locus iste: hic domus Dei est, et porta caeli: et vocábitur aula Dei. (T. P. Allelúja, allelúja.)
Ps. 83, 2-3 Quam dilécta tabernácula tua, Dómine virtútum ! concupíscit, et déficit ánima mea in átria Dómini. *V.* Glória Patri.

1 Oratio

DEUS, qui nobis per síngulos annos hujus sancti templi tui consecrationis réparas diem, et sacris semper mystériis repraeséntas incólumes: exáudi preces pópuli tui, et praesta ; ut, quisquis hoc templum beneficia petíturus ingréditur, cuncta se impetrásse laetétur. Per Dóminum.

* **In ipsa die Dedicacionis Ecclesiae et per Octavam, et quando varianda est Oratio, dicitur sequens**

2 Oratio

DEUS, qui invisíbiliter ómnia cóntines, et tamen pro salúte géneris humáni signa tuae poténtiae visíbiliter osténdis: templum hoc poténtia tuae inhabitatiónis illústra, et concéde ; ut omnes, qui huc deprecáturi convéniunt, ex quacúmque tribulatióne ad te clamáverint, consolatiónis tuae beneficia consequántur. Per Dóminum.

Léctio libri Apocalýpsis beáti Joánnis Apóstoli.
Apoc. 21, 2-5

IN diébus illis: Vidi sanctam civitátem Jerúsalem novam descendéntem de caelo a Deo, parátam sicut sponsam ornátam viro suo. Et audívi vocem magnam de throno dicéntem: Ecce tabernáculum Dei cum

homínibus, et habitábit cum eis. Et ipsi pópulus ejus erunt, et ipse Deus cum eis erit eórum Deus: et abstérget Deus omnem lácrimam ab óculis eórum: et mors ultra non erit, neque luctus, neque clamor, neque dolor erit ultra, quia prima abiérunt. Et dixit qui sedébat in throno: Ecce nova fácio ómnia.

Graduale Locus iste a Deo factus est, inaestimábile sacraméntum, irreprehensíbilis est. **V/.** Deus, cui astat Angelórum chorus, exáudi preces servórum tuórum.

Allelúja , allelúja. **V/.** Ps. 137, 2 Adorábo ad templum sanctum tuum: et confitébor nómini tuo. Allelúja.

Post Septuagesimam, omissis Allelúja et Versu sequenti, dicitur

Tractus Ps. 124, 1-2 Qui confídunt in Dómino, sicut mons Sion: non commovébitur in aetérnum, qui hábitat in Jerúsalem. **V/.** Montes in circúitu ejus: et Dóminus in circúitu pópuli sui, ex hoc nunc et usque in saéculum.

Tempore autem Paschali omittitur Graduale, et ejus loco dicitur:

Allelúja , allelúja. **V/.** Ps. 137, 2 Adorábo ad templum sanctum tuum: et confitébor nómini tuo. Allelúja. **V/.** Bene fundáta est domus Dómini supra firmam petram. Allelúja.

+ Sequéntia sancti Evangéllii secúndum Lucam.

Luc. 19, 1-10

IN illo témpore: Ingréssus Jesus perambulábat Jéricho. Et ecce vir nómine Zachaéus: et hic princeps erat publicanórum, et ipse dives: et quaerébat vidére Jesum, quis esset: et non póterat prae turba, quia statúra pusíllus erat. Et praecúrrens ascéndit in árborem sycómorum, ut vidéret eum ; quia inde erat transitúrus. Et cum veníset ad locum ; suspíciens Jesus vidit illum, et dixit ad eum: Zachaée, festínans descénde ; quia hódie in domo tua opórtet me manére. Et festínans descéndit, et excépit illum gaudens. Et cum vidérent omnes, murmurábant, dicéntes, quod ad hóminem peccatórem devertíset. Stans autem Zachaéus, dixit ad Dóminum: Ecce dimídium bonórum meórum, Dómine, do paupéribus: et si quid áliquem defraudávi, reddo quádruplum. Ait Jesus ad eum: Quia hódie salus dómui huic facta est: eo quod et ipse fílius sit Abrahae. Venit enim Fílius hóminis quaérere, et salvum fácere, quod perierat.

Credo.

Offertorium 1 Paral. 29, 17 et 18 Dómine Deus, in simplicitáte cordis mei laetus óbtuli univérsa ; et pópulum tuum, qui repértus est, vidi cum ingénti gáudio: Deus Israël, custódi hanc voluntátem, allelúja.

* **In Ecclesia ipsa dedicata.**

1 Secreta

ANNUE, quaésumus, Dómine, précibus nostris: ut, quicúmque intra templi hujus, cujus anniversárium dedicatiónis diem celebrámus, ámbitum continémur, plena tibi atque perfécta córporis et ánimae devotióne placeámus ; ut, dum haec vota praeséntia réddimus, ad aetérna praémia, te adjuvánte, perveníre mereámur. Per Dóminum.

Extra Ecclesiam ipsam dedicatam.

1 Secreta

ANNUE, quaésumus, Dómine, précibus nostris ; ut, dum haec vota praeséntia réddimus, ad aetérna praémia, te adjuvánte, perveníre mereámur. Per Dóminum.

* **In ipsa die Dedicatiónis Ecclesiae, et quando varianda est Oratio.**

2 Secreta

DEUS, qui sacrandórum tibi auctor es múnere, effúnde super hanc oratiónis domum benedictiónem tuam: ut ab ómnibus in ea invocántibus nomen tuum, defensiónis tuae auxiliúm sentiátur. Per Dóminum.

* **Praefatio communis, quae dicitur, etiam Tempore Quadragesimae, etsi occurrant Commemoratio aliqua aut Octava communis Praefationem propriam habentes, quae non sint de aliquo Mysterio Domini.**

Communio Matth. 21, 13 Domus mea domus oratiónis vocábitur, dicit Dóminus: in ea omnis, qui petit,

accipit: et qui quaerit, invenit, et pulsanti aperiétur. (T. P. Allelúja.)

1 Postcommunio

DEUS, qui de vivis et eléctis lapídibus aetérnum majestáti tuae praéparas habitáculum: auxiliáre pópulo tuo supplicánti ; ut, quod Ecclesiae tuae corporálibus próficit spátiis, spirituálibus amplificétur augméntis. Per Dóminum.

* In ipsa die Dedicacionis et quando varianda est Oratio.

2 Postcommunio

QUSUMUS, omnípotens Deus: ut in hoc loco, quem nómini tuo indígni dedicávimus, cunctis peténtibus aures tuae pietátis accómodes. Per Dóminum.

* In ipsa Dedicacione Ecclesiae dicitur praecedens Missa cum Oratione Deus, qui invisibíliter, cum respectiva Secreta et Postcommunione, ut supra ; et sub unica conclusione cum prima additur Oratio Mysteriorum vel Sancti, in cujus honorem Ecclesia dedicatur.

* Per Octavam Missa dicitur ut in Festo, sed infra Octavam adduntur, juxta Rubricas, Orationes pro Temporibus diversitate assignatae, nempe 2a de sancta Maria ex Missa votiva de Tempore currenti, 3a contra persecutores Ecclesiae, vel pro Papa.

* In die Dedicacionis Altaris dicitur Missa ut in Dedicacione Ecclesiae, praeter Orationes saquentes: quibus similiter, si agatur de Altari fixo, additur sub unica conclusione Oratio Mysteriorum vel Sancti, in cujus honorem Altare dedicatur.

Oratio

DEUS, qui ex omni coaptatióne Sanctórum, aetérnum tibi condis habitáculum: da aedificatióni tuae increménta caeléstia ; ut quorum hic relíquias pio amóre compléctimur, eórum semper méritis adjuvémur. Per Dóminum.

Secreta

DESCÉNDAT, quaésumus, Dómine Deus noster, Spíritus tuus Sanctus super hoc altare: qui, et pópuli tui dona sanctificet, et suméntium corda dignánter emúndet. Per Dóminum **in unitáte ejúsdem.**

Postcommunio

OMNÍPOTENS sempitérne Deus, altáre hoc nómini tuo dedicátum, caeléstis virtútis benedictióne sanctífica: et ómnibus in te sperántibus auxilií tui munus osténde ; ut, et hic sacramentórum virtus, et votórum obtineátur efféctus. Per Dóminum.

COMMUNE FESTORUM **BEATAE MARIAE VIRGINIS**

Introitus **Sedulus**

SALVE, sancta parens, eníxa puérpera Regem: qui caelum terrámque regit in saécula saeculórum. (T. P. Allelúja, allelúja.) Ps. 44, 2 Eructávit cor meum verbum bonum: dico ego ópera mea Regi. V/. Glória Patri.

Oratio

CONCÉDE nos fámulos tuos, quaésumus, Dómine Deus, perpétua mentis et córporis sanitate gaudére: et, gloriósa beátae Maríae semper Vírginis intercessióne, a praesénti liberári tristítia, et aetérna pérfrui laetítia. Per Dóminum.

Léctio libri Sapiéntiae.

Eccli. 24, 14-16

AB iníto et ante saécula creáta sum, et usque ad futúrum saeculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo María: quae sine tactu pudóris invénta es mater Salvatóris. *Vl.* Virgo Dei Génitrix, quem totus non capit orbis, in tua se clausit víscera factus homo. Allelúja, allelúja. *Vl.* Post partum, Virgo, invioláta permansísti: Dei Génitrix, intercède pro nobis. Allelúja.

* **In Adventu, loco Versus praecedentis, dicitur:**

Allelúja, allelúja. *Vl.* **Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haéreses sola interemísti. *Vl.* Quae Gabriélis Archángeli dictis credidísti. *Vl.* Dum Virgo Deum et hóminem genuísti: et post partum, Virgo, invioláta permansísti. *Vl.* Dei Génitrix, intercède pro nobis.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* **Num. 17, 8** Virga Jesse flóruit: Virgo Deum et hóminem genuit: pacem Deus réddidit, in se reconcílians ima summis. Allelúja. *Vl.* **Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangélii secúndum Lucam.

Luc. 11, 27-28

IN illo témpore: Loquén-te Jesu ad turbas, extóllens vocem quaedam múlier de turba, dixit illi: Beátus venter, qui te portávit, et úbera, quae suxísti. At ille dixit: Quiním-mo beáti, qui áudiunt verbum Dei, et custódiunt illud.

Credo.

Offertorium **Luc. 1, 28 et 42** Ave, María, grátia plena: Dóminus tecum: benedícta tu in muliéribus, et benedíctus fructus ventris tui. (T. P. Allelúja.)

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Communio Beáta víscera Maríae Vírginis, quae portavérunt aetérni Patris Fílium. (T. P. Allelúja.)

Postcommunio

SUMPTIS, Dómine, salútis nostrae subsidiis: da, quaésumus, beátae Maríae semper Vírginis patrocíniis nos ubique prótegi; in cujus veneratióne haec tuae obtúlimus majestáti. Per Dóminum.

MISSAE DE SANCTA MARIA IN SABBATO

quae dici etiam possunt aliis diebus
ut votivae de B. Maria Virgine,
juxta Rubricas vel, ex Indulto, pro Temporum diversitate

! IN ADVENTU USQUE AD NATIVITATEM DOMINI

In Sabbato non impedito vel, in Missis votivis, a Feria II post Dominicam I Adventus usque ad diem 23 Decembris inclusive, juxta Rubricas; et, ex Indulto, toto Tempore Adventus.

Introitus **Isai. 45, 8**

RORÁTE, caeli, désuper, et nubes pluant justum: aperiátur terra, et gérmínet Salvatórem. **Ps. 84, 2**

Benedixisti, Dómine, terram tuam: avertísti captivitátem Jacob. *Vl.* Glória Patri.

Et in Sabbato dicitur Glória in excélsis.

Oratio

DEUS, qui de beátae Maríae Vírginis útero Verbum tuum, Angelo nuntiánte, carnem suscipere voluísti: praesta supplicibus tuis ; ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

2a Oratio de Feria Adventus.

3a de Spiritu Sancto.

Léctio Isaíae Prophétae.

Isai. 7, 10-15

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsis supra. Et dixit Achaz: Non petam, et non tentábo Dóminum. Et dixit: Audíte ergo domus David: Numquid parum vobis est, moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce Virgo concípiet, et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum, et elígere bonum.

Graduale Ps. 23, 7 Tóllite portas, príncipes, vestras: et elevámini, portae aeternáles: et introíbit Rex glóriæ. *Vl. Ibid. 3-4* Quis ascéndet in montem Dómini ? aut quis stabit in loco sancto ejus ? Innocens mánibus et mundo corde.

Allelúja, allelúja. *Vl. Luc. 1, 28* Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangéllii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus, et cogitábat, qualis esset ista salutátio. Et ait Angelus ei: Ne timeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

IN méntibus nostris, quaésumus, Dómine, verae fídei sacraménta confírma: ut, qui concéptum de Vírgine Deum verum et hómínem confitémur ; per ejus salutíferae resurrectiónis poténtiam, ad aetérnam mereámur perveníre laetítiam. Per eúmdem Dóminum.

2a Secreta de Feria.

Praefatio de beata Maria Virgine Et te in Veneratióne.

Communio Isai. 7, 14 Ecce virgo concípiet, et páriet filium: et vocábitur nomen ejus Emmánuel.

Postcommunio

GRÁTIAM tuam, quaésumus, Dómine, méntibus nostris infúnde: ut qui, Angelo nuntiánte, Christi Fílii tui incarnatiónem cognóvimus ; per passiónem ejus et crucem, ad resurrectiónis glóriam perducámur. Per eúmdem Dóminum.

2a Postcommunio de Feria.

**MISSAE DE SANCTA MARIA
IN SABBATO**

**quae dici etiam possunt aliis diebus
ut votivae de B. Maria Virgine,
juxta Rubricas vel, ex Indulto, pro Temporibus diversitate**

**II
A NATIVITATE DOMINI
USQUE AD PURIFICATIONEM**

A Sabbato post Octavam Epiphaniae usque ad Sabbatum ante Purificationem beatae Mariae Virginis, vel, in Missis votivis, a die 26 Dec embri usque ad diem 1 Februarii inclusive, juxta Rubricas ; et, ex Indulto, a Nativitate Domini usque ad Purificationem beatae Mariae Virginis pariter inclusive.

Introitus Ps. 44, 13 et 15-16

VULTUM tuum deprecabuntur omnes divites plebis: adducuntur Regi virgines post eam: proxima eius adducuntur tibi in laetitia et exultatione. Ps. *ibid.*, 2 Eructavit cor meum verbum bonum: dico ego opera mea Regi. V/. Glória Patri.

Et in Sabbato dicitur Glória in excelsis.

Oratio

DEUS, qui salutis aeternae, beatae Mariae virginitate fecunda, humano generi praemia praestitisti: tribue, quaesumus ; ut ipsam pro nobis intercedere sentiamus, per quam meruimus auctorem vitae suscipere, Dominum nostrum Jesum Christum Filium tuum: Qui tecum vivit.

Et dicitur, juxta Rubricas, 2a Oratio de Spiritu Sancto, 3a contra persecutores Ecclesiae vel pro Papa.

Lectio Epistolae beati Pauli Apostoli ad Titum.
Tit. 3, 4-7

CARÍSSIME: Appáruit benignitas et humanitas Salvatoris nostri Dei: non ex operibus justitiae, quae fecimus nos, sed secundum suam misericordiam salvos nos fecit per lavacrum regenerationis et renovationis Spiritus Sancti, quem effudit in nos abunde per Jesum Christum Salvatorem nostrum: ut justificati gratia ipsius, heredes simus secundum spem vitae aeternae: in Christo Jesu Domino nostro.

Graduale Ps. 44, 3 Speciosus forma prae filiis hominum: diffusa est gratia in labiis tuis. V/. *Ibid.* 2 Eructavit cor meum verbum bonum, dico ego opera mea Regi: lingua mea calamus scribae, velociter scribentis. Allelúja , allelúja. V/. Post partum, Virgo, inviolata permansisti: Dei Génitrix, intercede pro nobis. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haereses sola interemisti. V/. Quae Gabriélis Archángeli dictis credidisti. V/. Dum Virgo Deum et hominem genuisti: et post partum, Virgo, inviolata permansisti. V/. Dei Génitrix, intercede pro nobis.

+ Sequentia sancti Evangelii secundum Lucam.
Luc. 2, 15-20

IN illo tempore: Pastores loquebantur ad invicem: Transeamus usque Bethlehém, et videamus hoc verbum, quod factum est, quod Dominus ostendit nobis. Et venerunt festinantes: et invenérunt Mariam, et Joseph, et infantem positum in praesepio. Videntes autem cognoverunt de verbo, quod dictum erat illis de puero hoc. Et omnes, qui audierunt, mirati sunt: et de his, quae dicta erant a pastoribus ad ipsos. María autem conservabat omnia verba haec, conferens in corde suo. Et reversi sunt pastores glorificantes et laudantes Deum in omnibus, quae audierant et viderant, sicut dictum est ad illos.

Offertorium Felix namque es, sacra Virgo María, et omni laude dignissima: quia ex te ortus est sol justitiae, Christus Deus noster.

Secreta

TUA, Dómine, propitiatióne, et beatae Maríae semper Vírginis intercessióne, ad perpétuam atque praesentem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Veneratióne.

Communio Beáta víscera Maríae Vírginis, quae portavérunt aetérni Patris Fílium.

Postcommunio

HAEC nos commúnio, Dómine, purget a crímine: et, intercedénte beáta Vírgine Dei Genitríce María, caeléstis remédii fáciat esse consórtes. Per eúmdem Dóminum.

MISSAE DE SANCTA MARIA
IN SABBATO

quae dici etiam possunt aliis diebus
ut votivae de B. Maria Virgine,
juxta Rubricas vel, ex Indulto, pro Temporum diversitate

III
A PURIFICATIONE
USQUE AD PASCHA

A Sabbato post Purificationem beatæ Mariæ Virginis usque ad Sabbatum post Dominicam Sexagesimæ vel, in Missis votivis, post Purificationem beatæ Mariæ Virginis usque ad Sabbatum post Dominicam Passionis inclusive, juxta Rubricas ; et, ex Indulto, usque ad Feriam IV Majoris Hebdomadae pariter inclusive.

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Et in Sabbato dicitur Glória in excélsis.

Oratio

CONCÉDE nos fámulos tuos, quaésumus, Dómine Deus, perpétua mentis et córporis sanitáte gaudére: et, gloriósa beatae Maríae semper Vírginis intercessióne, a praesénti liberári tristítia, et aetérna pérfrui laetítia. Per Dóminum.

2a Oratio de Spiritu Sancto, 3a contra persecutores Ecclesiae vel pro Papa.

Léctio libri Sapiéntiae.
Eccli. 24, 14-16

AB iníto et ante saécula creáta sum, et usque ad futúrum saéculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja, allelúja. **Vl. Num. 17, 8** Virga Jesse flóruit: Virgo Deum et hómínem genuit: pacem Deus réddidit, in se reconcílians ima summis. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haéreses sola interemísti. **Vl.** Quae Gabriélis Archángeli dictis credidísti. **Vl.** Dum Virgo Deum et hómínem genuísti: et post partum, Virgo, invioláta permansísti. **Vl.** Dei Génitrix, intercède pro nobis.

+ Sequéntia sancti Evangéllii secúndum Lucam.

Luc. 11, 27-28

IN illo témpore: Loquente Jesu ad turbas, extóllens vocem quaedam múlter de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Offertorium Felix namque es, sacra Virgo María, et omni laude digníssima: quia ex te ortus est sol justítiae, Christus Deus noster.

Secreta

TUA, Dómine, propitiatióne, et beatae Maríae semper Vírginis intercessióne, ad perpétuam atque praesentem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Veneratióne.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SUMPTIS, Dómine, salútis nostrae subsidiis: da, quaesumus, beatae Maríae semper Vírginis patrociniis nos ubique prótegi; in cujus veneratióne haec tuae obtúlimus majestáti. Per Dóminum.

**MISSAE DE SANCTA MARIA
IN SABBATO**

**quae dici etiam possunt aliis diebus
ut votivae de B. Maria Virgine,
juxta Rubricas vel, ex Indulto, pro Temporum diversitate**

**IV
A PASCHA
USQUE AD PENTECOSTEN**

A Sabbato post Dominicam in Albis usque ad Sabbatum post Dominicam IV post Pascha vel, in Missis votivis, a Feria IV post Pascha usque ad Sabbatum infra Octavam Pentecostes inclusive, juxta Rubricas; et, ex Indulto, toto Tempore Paschali.

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum, allelúja, allelúja. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Et in Sabbato dicitur Glória in excélsis.

Oratio

CONCÉDE nos fámulos tuos, quaesumus, Dómine Deus, perpétua mentis et córporis sanitáte gaudére: et, gloriósa beatae Maríae semper Vírginis intercessióne, a praesenti liberári tristítia, et aetérna pérfrui laetítia. Per Dóminum.

2a Oratio de Spiritu Sancto, 3a contra persecutores Ecclesiae vel pro Papa.

Léctio libri Sapiéntiae.

Eccli. 24, 14-16

AB iníto et ante saécula creáta sum, et usque ad futúrum saéculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenítudine sanctórum deténtio mea.

Allelúja, allelúja. **Vl. Num. 17, 8** Virga Jesse flóruit: Virgo Deum et hómitem génuít: pacem Deus réddidit, in

se reconcilians ima summis. Allelúja. *Vl. Luc. 1, 28* Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangélii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidisset ergo Jesus matrem, et discípulum stantem, quem diligébat, dicit matri suae: Múlier, ecce filius tuus. Deínde dicit discípulo: Ecce mater tua. Et ex illa hora accépit eam discípulus in sua.

Offertorium Beáta es, Virgo María, quae ómnium portásti Creatórem: genuísti qui te fecit, et in aetérnum pérmanes Virgo, allelúja.

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Veneratióne.

Communio Beáta víscera Maríae Vírginis, quae portavérunt aetérni Patris Fílium, allelúja.

Postcommunio

SUMPTIS, Dómine, salútis nostrae subsidiis: da, quaesumus, beátae Maríae semper Vírginis patrociniis nos ubique prótegi; in cujus veneratióne haec tuae obtúlimus majestáti. Per Dóminum.

MISSAE DE SANCTA MARIA IN SABBATO

quae dici etiam possunt aliis diebus
ut votivae de B. Maria Virgine,
juxta Rubricas vel, ex Indulto, pro Temporum diversitate

V A PENTECOSTE USQUE AD ADVENTUM

A Sabbato post Octavam Sacratissimi Cordis Jesu usque ad Sabbatum ante Dominicam I Adventus vel, in Missis votivis, a Feria II post Festum Ssmae Trinitatis, et, ex Indulto, a Festo ejusdem Ssmae Trinitatis usque ad Sabbatum ante Dominicam I Adventus.

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum. *Ps. 44, 2* Eructávit cor meum verbum bonum: dico ego ópera mea Regi. *Vl. Glória Patri.*

Et in Sabbato dicitur Glória in excélsis.

Oratio

CONCÉDE nos fámulos tuos, quaesumus, Dómine Deus, perpétua mentis et córporis sanitate gaudére: et, gloriósa beátae Maríae semper Vírginis intercessióne, a praesénti liberári tristítia, et aetérna pérfrui laetítia. Per Dóminum.

2a Oratio de Spiritu Sancto, 3a contra persecutores Ecclesiae vel pro Papa.

Léctio libri Sapiéntiae.

Eccli. 24, 14-16

AB iníto et ante saécula creáta sum, et usque ad futúrum saéculum non désinam, et in habitatióne sancta coram ipso ministrávi. Et sic in Sion firmáta sum, et in civitate sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenítudine sanctórum deténtio mea.

Graduale Benedícta et venerábilis es, Virgo María: quae sine tactu pudóris invénta es mater Salvatóris. *Vl.* Virgo Dei Génitrix, quem totus non capit orbis, in tua se clausit víscera factus homo. Allelúja , allelúja. *Vl.* Post partum, Virgo, invioláta permansísti: Dei Génitrix, intercède pro nobis. Allelúja.

+ Sequéntia sancti Evangéllii secúndum Lucam.
Luc. 11, 27-28

IN illo témpore: Loquénste Jesu ad turbas, extóllens vocem quaedam múlier de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Offertorium **Luc. 1, 28 et 42** Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Veneratióne.

Communio Beáta víscera Maríae Vírginis, quae portavérunt aetérni Patris Fílium.

Postcommunio

SUMPTIS, Dómine, salútis nostrae subsidiis: da, quaesumus, beátae Maríae semper Vírginis patrocíniis nos ubique prótegi ; in cuius veneratióne haec tuae obtúlimus majestáti. Per Dóminum.

* Si tamen Missa de sancta Maria in Sabbato dici debeat infra Octavas simplices ejusdem beatae Mariae Virginis, dicitur ut in Festo respectivo, cum 2a tamen et 3a Oratione, ut supra pro diversitate Temporum notatur, et sine Credo, juxta Rubricas.

MISSAE VOTIVAE

I MISSAE VOTIVAE

Quae loco conventualis de Feria communi
in Choro suffici possunt

* Singulis per hebdomadam diebus, quando fit Officium de Feria (exceptis Feriis Adventus extra Sabbatum, Quadragesimae, Quatuor Temporum, Rogationum et Vigiliarum) , et primo resumenda non sit Missa Dominicae praecedentis impedita, neque dicenda Missa conventualis Defunctorum, juxta Rubricas ; pro Missa conventuali dici potest una ex sequentibus Missis votivis, prout per hebdomadam disponuntur, et in eis fit Commemoratio Ferae de qua factum est Officium, et additur Oratio pro diversitate Temporum assignata, juxta Rubricas.

Feria II

MISSA DE SSMA TRINITATE

Introitus **Tob. 12, 6**
BENEDÍCTA sit sancta Trínitas, atque indivisa únitas: confitébimur ei, quia fecit nobíscum misericórdiam suam. (T. P. Allelúja, allelúja.) **Ps. 8, 2** Dómine Dóminus noster: quam admirábile est nomen tuum in univérta terra ! *Vl.* Glória Patri.

Oratio

OMNÍPOTENS sempitérne Deus, qui dedísti fámulis tuis in confessióne verae fídei, aetérnae Trinitátis glóriam agnóscere, et in poténtia majestátis adoráre unitátem: quaesumus ; ut ejúsdem fídei firmitáte, ab ómnibus semper muniámur advérsis. Per Dóminum.

Léctio Epístolae beáti Pauli Apóstoli ad Corinthios.

2 Cor. 13, 11 et 13

FRATRES: Gaudéte, perfécti estóte, exhortámini, idem sápite, pacem habéte, et Deus pacis et dilectiónis erit vobíscum. Grátia Dómini nostri Jesu Christi, et caritas Dei, et comunicátio Sancti Spíritus sit cum ómnibus vobis. Amen.

Graduale Dan. 3, 55-56 Benedíctus es, Dómine, qui intuéris abýssos, et sedes super Chérubim. *Vl.* Benedíctus es, Dómine, in firmaménto caeli, et laudábilis in saécula.

Allelúja, allelúja. *Vl. Ibid., 52* Benedíctus es, Dómine, Deus patrum nostrórum, et laudábilis in saécula. Allelúja.

Post Septuagesimam, omissis Allelúja et Versu sequenti, dicitur

Tractus Te Deum Patrem ingénitum, te Fílium unigénitum, te Spíritum Sanctum Paráclitum, sanctam et individuam Trinitátem, toto corde confitémur, laudámus, atque benedicimus. *Vl.* Quóniam magnus es tu, et fáciens mirabilia: tu es Deus solus. *Vl.* Tibi laus, tibi glória, tibi gratiárum áctio in saécula sempitérna, o beáta Trínitas.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Dan. 3, 52* Benedíctus es, Dómine, Deus patrum nostrórum, et laudábilis in saécula. Allelúja. *Vl.* Benedicámus Patrem, et Fílium cum Sancto Spíritu. Allelúja.

+ Sequéntia sancti Evangélíi secúndum Joánnem.

Joann. 15, 26-27 ; 16, 1-4

IN illo témpore: Dixit Jesus discípulis suis: Cum vénerit Paráclitus, quem ego mittam vobis a Patre, Spíritum veritátis, qui a Patre procedit, ille testimónium perhibébit de me: et vos testimónium perhibébitis, quia ab initio mecum estis. Haec locútus sum vobis, ut non scandalizémini. Absque synagógis fácient vos: sed venit hora, ut omnis, qui interfícit vos, arbitrétur obséquium se praestáre Deo. Et haec fácient vobis, quia non novérunt Patrem neque me. Sed haec locútus sum vobis, ut, cum vénerit hora eórum, reminiscámini, quia ego dixi vobis.

Offertorium Tob. 12, 6 Benedíctus sit Deus Pater, unigenítusque Dei Fílius, Sanctus quoque Spíritus: quia fecit nobíscum misericórdiam suam. (T. P. Allelúja.)

Secreta

SANCTÍFICA, quaesumus, Dómine Deus noster, per tui sancti nóminis invocatióne, hujus oblatiónis hóstiam: et per eam nosmetípsos tibi pérface munus aetérnum. Per Dóminum.

Praefatio de Ssma Trinitate.

Communio Tob. 12, 6 Benedicimus Deum caeli, et coram ómnibus vivéntibus confitébimur ei: quia fecit nobíscum misericórdiam suam. (T. P. Allelúja.)

Postcommunio

PROFÍCIAT nobis ad salútem córporis et ánimae, Dómine Deus noster, hujus sacraménti suscéptio: et sempitérnae sanctae Trinitátis, ejusdémque individuae unitátis conféssio. Per Dóminum.

MISSAE VOTIVAE

Quae loco conventualis de Feria communi

in Choro suffici possunt

Feria III

**MISSA
DE ANGELIS**Introitus **Ps. 102, 20**

BENEDÍCITE Dóminum, omnes Angeli ejus: poténtes virtúte, qui fácitis verbum ejus, ad audiéndam vocem sermónum ejus. (T. P. Allelúja, allelúja.) **Ps. ibid., 1** Bénedic, ánima mea, Dómino: et ómnia, quae intra me sunt, nómini sancto ejus. **Vl.** Glória Patri.

Et semper dicitur Glória in excélsis.**Oratio**

DEUS, qui, miro órdine, Angelórum ministéria hominúmque dispénsas: concéde propítius ; ut, a quibus tibi minisrántibus in caelo semper assístitur, ab his in terra vita nostra muniátur. Per Dóminum.

Léctio libri Apocalýpsis beáti Joánnis Apóstoli.

Apoc. 5, 11-14

IN diébus illis: Audívi vocem Angelórum multórum in circúitu throni, et animálium, et seniórum: et erat númerus eórum míllia míllium, dicéntium voce magna: Dignus est Agnus, qui occísus est, accipere virtútem, et divinitátem, et sapiéntiam, et fortitúdinem, et honórem, et glóriam et benedictiónem. Et omnem creatúram, quae in caelo est, et super terram, et sub terra, et quae sunt in mari, et quae in eo: omnes audívi dicéntes: Sedénti in throno, et Agno: benedictio, et honor, et glória, et potéstas in saécula saeculórum. Et quátuor animália dicébant: Amen. Et viginti quátuor senióres cecidérunt in fácies suas: et adoravérunt vivéntem in saécula saeculórum.

Graduale Ps. 148, 1-2 Laudáte Dóminum de caelis: laudáte eum in excélsis. **Vl.** Laudáte eum, omnes Angeli ejus: laudáte eum, omnes virtútes ejus.

Allelúja, allelúja. **Vl. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitebor nómini tuo. Allelúja.

Post Septuagesimam, omissis Allelúja et Versu sequenti, dicitur

Tractus Ps. 102, 20 Benedícite Dóminum, omnes Angeli ejus: poténtes virtúte, qui fácitis verbum ejus. **Vl. Ibid., 21-22** Benedícite Dómino, omnes virtútes ejus: ministri ejus, qui fácitis voluntátem ejus. **Vl.** Benedícite Dómino, ómnia ópera ejus: in omni loco dominatiónis ejus, bénedic, ánima mea, Dómino.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 137, 1-2** In conspéctu Angelórum psallam tibi: adorábo ad templum sanctum tuum, et confitebor nómini tuo. Allelúja. **Vl. Matth. 28, 2** Angelus Dómini descendit de caelo, et accédens revólvit lápidem, et sedébat super eum. Allelúja.

+ Sequéntia sancti Evangéllii secúndum Joánnem.

Joann. 1, 47-51

IN illo témpore: Vidit Jesus Nathánaël veniéntem ad se, et dicit de eo: Ecce vere Israélita, in quo dolus non est. Dicit ei Nathánaël: Unde me nosti ? Respóndit Jesus, et dixit ei: Priúsquam te Philíppus vocáret, cum esses sub ficu, vidi te. Respóndit ei Nathánaël, et ait: Rabbi, tu es Fílius Dei, tu es Rex Israél. Respóndit Jesus, et dixit ei: Quia dixi tibi: Vidi te sub ficu, credis: majus his vidébis. Et dicit ei: Amen, amen dico vobis, vidébitis caelum apértum, et Angelos Dei ascendéntes et descendéntes supra Fílium hóminis.

Offertorium Apoc. 8, 3 et 4 Stetit Angelus juxta aram templi, habens thuríbulum áureum in manu sua, et data sunt ei incénsa multa: et ascéndit fumus arómatum in conspéctu Dei. (T. P. Allelúja.)

Secreta

HÓSTIAS tibi, Dómine, laudis offérimus, supplíciter deprecántes: ut eásdem, angélico pro nobis interveniéntem suffrágio, et placátus accípias, et ad salútem nostram proveníre concédas. Per Dóminum.

Communio Angeli, Archángeli, Throni et Dominatiónes, Principátus et Potestátes, Virtútes caelórum, Chérubim atque Séraphim, Dóminum benedícite in aetérnum. (T. P. Allelúja.)

Postcommunio

REPLĒTI, Dómine, benedictióne caelēsti, suppliciter implorámus: ut, quod frágili celebrámus officio, sanctorum Angelórum atque Archangelórum nobis prodésse sentiámus auxilio. Per Dóminum.

MISSAE VOTIVAE**Quae loco conventualis de Feria communi**

in Choro suffici possunt

Feria IV**MISSA****DE S. JOSEPH**

Introitus **Ps. 32, 20-21**

ADJÚTOR et protéctor noster est Dóminus: in eo laetábitur cor nostrum, et in nómine sancto ejus sperávimus. (T. P. Allelúja, allelúja.) **Ps. 79, 2** Qui regis Israël, inténde: qui dedúcis velut ovem, Joseph. **Vl.** Glória Patri.

Oratio

DEUS, qui ineffábili providéntia beátum Joseph sanctíssimae Genitrícis tuae sponsum elígere dignátus es: praesta, quaesumus ; ut, quem protectórem venerámur in terris, intercessórem habére mereámur in caelis: Qui vivis.

* **Si dicenda sit Oratio ad poscenda suffragia Sanctorum, in Oratione et Postcommunione omittantur verba beáto Joseph.**

Léctio libri Génesis.

Gen. 49, 22-26

FÍLIUS accrésceus Joseph, fílius accrésceus, et decórus aspéctu: fíliae discurrerunt super murum. Sed exasperaverunt eum, et jurgáti sunt, invideruntque illi habétes jácula. Sedit in forti arcus ejus, et dissolúta sunt víncula brachiórum et mánuum illíus per manus poténtis Jacob: inde pastor egressus est, lapis Israël. Deus patris tui erit adjútor tuus, et Omnípotens benedícet tibi benedictiónibus caeli désuper, benedictiónibus abyssi jacéntis deórsum, benedictiónibus úberum et vulvae. Benedictiónes patris tui confortátae sunt benedictiónibus patrum ejus, donec veníret desidérium cóllium aeternórum: fiant in cápite Joseph, et in vértice Nazaraei inter fratres suos.

Graduale Ps. 20, 4-5 Dómine, praevenísti eum in benedictiónibus dulcédinis: posuísti in cápite ejus corónam de lápide pretiósio. **Vl.** Vitam pétiit a te, et tribuísti ei longitúdinem diérum in saéculum saéculi. Allelúja, allelúja. **Vl.** Fac nos innócuam, Joseph, decúrre vitam: sitque tuo semper tuta patrocínio. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedícétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** De quacúmque tribulatióne clamáverint ad me, exáudiam eos, et ero protéctor eórum semper. Allelúja. **Vl.** Fac nos innócuam, Joseph, decúrre vitam: sitque tuo semper tuta patrocínio. Allelúja.

+ Sequéntia sancti Evangélii secúndum Lucam.

Luc. 3, 21-23

IN illo témpore: Factum est autem cum baptizarétur omnis pópulus, et Jesu baptizáto et oránte, apértum est caelum: et descéndit Spíritus Sanctus corporáli spécie sicut colúmba in ipsum: et vox de caelo facta est: Tu es Fílius meus diléctus, in te complácu mihi. Et ipse Jesus erat incipiens quasi annórum trigínta, ut putabátur, fílius Joseph.

Offertorium Ps. 147, 12 et 13 Lauda, Jerúsalem, Dóminum: quóniam confortávit seras portárum tuárum, benedíxit fíliis tuis in te . (T. P. Allelúja.)

Secreta

SANCTÍSSIMAE Genitrícis tuae sponsi patrocínio suffúlti, rogámus, Dómine, cleméntiam tuam: ut corda nostra fácias terréna cuncta despícere, ac te verum Deum perfécta caritáte dilígere: Qui vivis.

Praefatio de sancto Joseph Et te in Veneratióne.

Communio Matth. 1, 16 Jacob autem génuít Joseph virum Maríae, de qua natus est Jesus, qui vocátur Christus. (T. P. Allelúja.)

Postcommunio

DIVÍNI múnere fonte refécti, quaésumus, Dómine Deus noster: ut, sicut nos facis beáti Joseph protectióne gaudére ; ita, ejus méritis et intercessióne, caeléstis glóriæ fácias esse partícipes. Per Dóminum.

MISSAE VOTIVAE

Quae loco conventualis de Feria communi

in Choro suffici possunt

Item Feria IV

MISSA

DE SS. PETRO ET PAULO

Apostolorum

Extra Tempus Paschale

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2** Dómine, probásti me, et cognovísti me: tu cognovísti sessiónem meam et resurrectiónem meam. **V.** Glória Patri.

Oratio

DEUS, cujus dextera beátum Petrum ambulántem in flúctibus, ne mergerétur, eréxit, et coapóstolum ejus Paulum, tértio naufragántem, de profúndo pélagi liberávit: exáudi nos propítus, et concéde ; ut, ambórum méritis, aeternitátis glóriam consequámur: Qui vivis.

* **Si dicenda sit Oratio ad poscenda suffragia Sanctorum, in Oratione et Postcommunione omittantur verba** beátis Apóstolis tuis Petro et Paulo.

Léctio Actuum Apostolórum.

Act. 5, 12-16

IN diébus illis: Per manus Apostolórum fiébant signa, et prodígia multa in plebe. Et erant unánimiter omnes in pórticu Salomónis. Ceterórum autem nemo audébat se conjúgere illis: sed magnificábat eos pópulus. Magis autem augebátur credéntium in Dómino multitúdo virórum ac mulierum, ita ut in platéas ejícerent infirmos, et pónerent in léctulis et grabátis, ut, veniénte Petro, saltem umbra illíus obumbráret quemquam illórum, et liberaréntur ab infirmitátibus suis. Concurrébat autem et multitúdo vicinárum civitátum Jerúsalem, afferéntes aegros, et vexátos a spirítibus immúndis: qui curabántur omnes.

Graduale Ps. 44, 17-18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi fílii: proptérea pópuli confitebúntur tibi. Allelúja , allelúja. **V.** **Ps. 138, 17** Nimis honoráti sunt amíci tui, Deus: nimis confortátus est principátus eórum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manipulos suos.

+ Sequéntia sancti Evangélii secúndum Matthaéum.
Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israël. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

OFFÉRIMUS tibi, Dómine, preces et múnera: quae, ut tuo sint digna conspéctu, Apostolórum tuórum Petri et Pauli précibus adjuvémur. Per Dóminum.

Praefatio de Apostolis.

Communio Matth. 19, 28 Vos, qui secúti estis me, sedébitis super sedes, judicántes duódecim tribus Israël.

Postcommunio

PRÓTEGE, Dómine, pópulum tuum: et Apostolórum tuórum Petri et Pauli patrocínio confidéntem, perpétua defénsiõe consérva. Per Dóminum.

* **Tempore Paschali dicitur Missa ut in Festo S. Marci, die 25 Aprilis, praeter Orationes, Epistolam et Evangelium, quae dicuntur ut supra.**

MISSAE VOTIVAE

Quae loco conventualis de Feria communi

in Choro suffici possunt

Similiter Feria IV

MISSA

DE OMNIBUS SS. APOSTOLIS

Extra Tempus Paschale

Introitus **Ps. 138, 17**

MIHI autem nimis honoráti sunt amíci tui, Deus: nimis confortátus est principátus eórum. **Ps. ibid., 1-2**
 Dómine, probásti me, et cognóvisti me: tu cognóvisti sessiõem meam et resurrectiõem meam. **V.** Glória Patri.

Oratio

DEUS, qui nos per beátos Apóstolos tuos ad agnitiõem tui nóminis veníre tribuísti: da nobis ; eórum glóriam sempitérnam et proficiéndo celebráre, et celebrándo proficere. Per Dóminum.

Léctio Epístolae beáti Pauli Apóstoli ad Ephésios.

Ephes. 4, 7-13

FRATRES: Unicúique nostrum data est grátia secúndum mensúram donatiónis Christi. Propter quod dicit: Ascéndens in altum, captívam duxit captivitátem: dedit dona homínibus. Quod autem ascéndit, quid est, nisi quia et descéndit primum in inferiões partes terrae ? Qui descéndit, ipse est et qui ascéndit super omnes caelos, ut impléret ómnia. Et ipse dedit quosdam quidem apóstolos, quosdam autem prophétas, álios vero evangelístas, álios autem pastóres et doctóres, ad consummatiõem sanctórum in opus ministérii, in aedificatiõem córporis Christi: donec occurrámus omnes in unitátem fidei et agnitiónis Fílii Dei, in virum perféctum, in mensúram aetátis plenitúdinis Christi.

Graduale Ps. 44, 17 et 18 Constítues eos príncipes super omnem terram: mémores erunt nóminis tui, Dómine. **V.** Pro pátribus tuis nati sunt tibi fílii: proptérea pópuli confitebúntur tibi.

Allelúja , allelúja. *V/. Ps. 138, 17* Nímis honoráti sunt amíci tui, Deus: nímis confortátus est principátus eórum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui sémant in lácrimis, in gáudio metent. *V/.* Eúntes ibant et fle bant, mitténtes sémina sua. *V/.* Veniéntes autem vénient cum exsultatióne, portántes manípulos suos.

+ Sequéntia sancti Evangéllii secúndum Matthaéum.

Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

Offertorium Ps. 18, 5 In omnem terram exívit sonus eórum: et in fines orbis terrae verba eórum.

Secreta

GLÓRIAM, Dómine, sanctórum Apostolórum tuórum perpétuam venerántes: quaesumus ; ut eam, sacris mystériis expiáti, dígnius celebrémus. Per Dóminum.

Praefatio de Apostolis.

Communio Matth. 19, 28 Vos, qui secúti estis me, sedébitis super sedes, judicántes duódecim tribus Israél.

Postcommunio

PERCÉPTIS, Dómine, sacraméntis, suppliciter exorámus: ut, intercedéntibus beátis Apóstolis tuis ; quae pro illórum veneránda gérimus passióne, nobis proficiant ad medélam. Per Dóminum.

Tempore Paschali

Missa ut supra, praeter sequentia:

Introitus Ps. 63, 3

PROTEXÍSTI me, Deus, a convéntu malignántium, allelúja: a multítudine operántium iniquitátem, allelúja, allelúja. *Ps. ibid., 2* Exáudi, Deus, oratióne meam cum déprecor: a timóre inimíci éripe ánimam meam. *V/.* Glória Patri.

Post Epistolam:

Allelúja, allelúja. *V/. Ps. 88, 6* Confitebúntur caeli mirabília tua, Dómine: étenim veritátem tuam in ecclésia sanctórum. Allelúja. *V/. Joann. 15, 16* Ego vos elégi de mundo, ut eátis, et fructum afferátis, et fructu s vester máneat. Allelúja.

Offertorium Ps. 44, 17-18 Constítues eos príncipes super omnem terram: mémoires erunt nóminis tui, Dómine, in omni progénie et generatióne, allelúja, allelúja.

Communio Ps. 18, 5 In omnem terram exívit sonus eórum: et in fines orbis terrae verba eórum, allelúja, allelúja.

* **Praecedentes Missae, tum intra, tum extra Tempus Paschale, sumi etiam possunt pro votiva alicujus sancti Apostoli, de quo in Missali non habeatur Missa propria: Orationes autem, in casu, dicuntur ut infra:**

Oratio

MAJESTÁTEM tuam, Dómine, suppliciter exorámus: ut, sicut Ecclésiae tuae beátus **N.** Apóstolus éxstitit

praedicátor et rector ; ita apud te sit pro nobis perpétuus intercésor. Per Dóminum.

Secreta

SACRIFÍCIUM nostrum tibi, Dómine, quaésumus, beáti **N.** Apóstoli precátio sancta conciliet: ut, in cuius honóre solémniter exhibétur, ejus méritis efficiátur accéptum. Per Dóminum.

Postcommunio

SÚMPSIMUS, Dómine, divína mystéria, beáti **N.** Apóstoli memória laetántes: quae, sicut tuis Sanctis ad glóriam, ita nobis, quaésumus, ad véniam prodésse perfícias. Per Dóminum.

* Similiter Feria IV dici potest Missa conventualis de Patrono principali Oppidi vel Civitatis, Dioecesis, Provinciae et Nationis, vel etiam de Titulari Ecclesiae propriae, et de Titulo vel Sancto Fundatore Ordinis seu Congregationis.

MISSAE VOTIVAE

Quae loco conventualis de Feria communi

in Choro suffici possunt

Feria V

MISSA DE SPIRITU SANCTO

Introitus **Sap. 1, 7**

SPÍRITUS Dómini replévit orbem terrárum: et hoc quod cóninet ómnia, sciéntiam habet vocis. (**T. P.** Allelúja, allelúja.) **Ps. 67, 2** Exsúrgat Deus, et dissipéntur inimíci ejus: et fúgiant, qui odérunt eum, a fácie ejus. **Vl.** Glória Patri.

Oratio

DEUS, qui corda fidélium Sancti Spíritus illustratióne docuísti: da nobis in eódem Spíritu recta sápere ; et de ejus semper consolatióne gaudére. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus Sancti.

Léctio Actuum Apostolórum.

Act. 8, 14-17

IN diébus illis: Cum audissent Apóstoli, qui erant Jerosólymis, quod recepisset Samaría verbum Dei, miserunt ad eos Petrum et Joánnem. Qui cum venissent, oravérunt pro ipsis ut accíperent Spíritum Sanctum: nondum enim in quemquam illórum vénerat, sed baptizáti tantum erant in nómine Dómini Jesu. Tunc imponébant manus super illos, et accipiébant Spíritum Sanctum.

Graduale Ps. 32, 12 et 6 Beáta gens, cujus est Dóminus Deus eórum: pópulus, quem elégit Dóminus in hereditátem sibi. **Vl.** Verbo Dómini caeli firmáti sunt: et Spíritu oris ejus omnis virtus eórum.

Allelúja, a llelúja. (**Hic genuflectitur**) **Vl.** Veni, Sancte Spíritus, reple tuórum corda fidélium: et tui amóris in eis ignem accénde. Allelúja.

Post Septuagesimam, omissis Allelúja et Versu sequenti, dicitur

Tractus Ps. 103, 30 Emítte Spíritum tuum, et creabúntur: et renovábis fáciem terrae. **Vl.** O quam bonus et suávis est, Dómine, Spíritus tuus in nobis ! (**Hic genuflectitur**) **Vl.** Veni, Sancte Spíritus, reple tuórum corda fidélium: et tui amóris in eis ignem accénde.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** **Ps. 103, 30** Emítte Spíritum tuum, et creabúntur: et renovábis fáciem terrae. Allelúja. (**Hic genuflectitur**) **Vl.** Veni, Sancte Spíritus, reple tuórum corda fidélium: et tui amóris in eis ignem accénde.

+ Sequéntia sancti Evangéllii secúndum Joánnem.

Joann. 14, 23-31

IN illo témpore: Dixit Jesus discíplis suis: Si quis díligit me, sermónem meum servábit, et Pater meus

díliget eum, et ad eum veniémus, et mansiónem apud eum faciémus: qui non díligit me, sermónes meos non servat. Et sermónem quem audístis, non est meus: sed ejus, qui misit me, Patris. Haec locútus sum vobis, apud vos manens. Paráclitus autem Spíritus Sanctus, quem mittet Pater in nómine meo, ille vos docébit ómnia, et súgget vobis ómnia, quaecúmque díxero vobis. Pacem relínquo vobis, pacem meam do vobis: non quómodo mundus dat, ego do vobis. Non turbétur cor vestrum, neque formídet. Audístis quia ego dixi vobis: Vado, et vénio ad vos. Si diligerétis me, gauderétis útique, quia vado ad Patrem: quia Pater major me est. Et nunc dixi vobis priúsquam fiat: ut cum factum fúerit, credátis. Jam non multa loquar vobíscum. Venit enim princeps mundi hujus, et in me non habet quidquam. Sed ut cognóscat mundus, quia díligo Patrem, et sicut mandátum dedit mihi Pater, sic fácio.

Offertorium Ps. 67, 29-30 Confírma hoc, Deus, quod operátus es in nobis: a templo tuo, quod est in Jerúsalem, tibi ófferent reges múnera. (T. P. Allelúja.)

Secreta

MÚNERA, quaésumus, Dómine, obláta sanctífica: et corda nostra Sancti Spíritus illustratióne emúnda. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti.

Communio Act. 2, 2 et 4 Factus est repénte de caelo sonus, tamquam adveniéntis spíritus veheméntis, ubi erant sedéntes, et repléti sunt omnes Spíritu Sancto, loquéntes magnália Dei. (T. P. Allelúja.)

Postcommunio

SANCTI Spíritus, Dómine, corda nostra mundet infúσιο: et sui roris íntima aspersione fecúndet. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti.

MISSAE VOTIVAE

Quae loco conventualis de Feria communi

in Choro suffici possunt

Item Feria V

MISSA

DE SANCTISSIMO

EUCCHARISTIAE SACRAMENTO

Introitus **Ps. 80, 17**

CIBÁVIT eos ex ádipe fruménti: et de petra, melle saturávit eos. (T. P. Allelúja, allelúja.) **Ps. ibid., 2**
Exsultáte Deo adjutori nostro: jubiláte Deo Jacob. **Vl.** Glória Patri.

Oratio

DEUS, qui nobis sub Sacraménto mirábili passiónis tuae memóriam reliquisti: tríbue, quaésumus, ita nos Córporis et Sánguinis tui sacra mystéria venerári ; ut redemptionis tuae fructum in nobis júgiter sentiámus: Qui vivis.

Léctio Epístolae beáti Pauli Apóstoli ad Corínthios.

1 Cor. 11, 23-29

FRATRES: Ego enim accépi a Dómino quod et tradidi vobis, quóniam Dóminus Jesus in qua nocte tradebátur, accépit panem, et grátias agens fregit, et dixit: Accípite et manducáte: hoc est corpus meum, quod pro vobis tradétur: hoc fácite in meam commemoratióne. Simíliter et cálicem, postquam cenávit, dicens: Hic calix novum testaméntum est in meo ságuine. Hoc fácite, quotiescúmque bibétis, in meam commemoratióne. Quotiescúmque enim manducábitis panem hunc, et cálicem bibétis, mortem Dómini annuntiábitis, donec véniat. Itaque quicúmque manducáverit panem hunc, vel bíberit cálicem Dómini indígne, reus erit córporis et sánguinis Dómini. Probet autem seípsum homo: et sic de pane illo edat, et de cálice bibat. Qui enim mandúcat, et bibit indígne, júdicium sibi mandúcat, et bibit: non dijúdicans corpus Dómini.

Graduale Ps. 144, 15-16 Oculi ómnium in te sperant, Dómine: et tu das illis escam in témpore opportúno. **Vl.** Aperis tu manum tuam: et imples omne ánimam benedictiόne.

Allelúja, allelúja. **Vl. Joann. 6, 56-57** Caro mea vere est cibus, et sanguis meus vere est potus: qui mandúcat meam carnem, et bibit meum ságuinem, in me manet, et ego in eo. Allelúja.

Post Septuagesimam, omissis Allelúja et Versu sequenti, dicitur

Tractus Malach. 1, 11 Ab ortu solis usque ad occásum, magnum est nomen meum in gentibus. *V/.* Et in omni loco sacrificátur, et offértur nómini meo oblátio munda: quia magnum est nomen meum in géntibus. *V/.* Prov. 9, 5 Veníte, comédite panem meum: et bíbite vinum, quod míscui vobis.

Tempore autem Paschali omittitur Graduale, et ejus loco dicitur:

Allelúja , allelúja. *V/.* Luc. 24, 35 Cognovérunt discípuli Dóminum Jesum in fractióne panis. Allelúja. *V/.* Joann. 6, 56-57 Caro mea vere est cibus, et sanguis meus vere est potus: qui mandúcat meam carnem, et bibit meum sánguinem, in me manet, et ego in eo. Allelúja.

+ Sequéntia sancti Evangélii secúndum Joánnem.

Joann. 6, 55-59

IN illo témpore: Dixit Jesus turbis Judaeórum: Caro mea vere est cibus, et sanguis meus vere est potus. Qui mandúcat meam carnem, et bibit meum sánguinem, in me manet, et ego in illo. Sicut misit me vivens Pater, et ego vivo propter Patrem: et qui mandúcat me, et ipse vivet propter me. Hic est panis, qui de caelo descéndit. Non sicut manducavérunt patres vestri manna, et mórtui sunt. Qui mandúcat hunc panem, vivet in aetérnum.

Offertorium Levit. 21, 6 Sacerdótes Dómini incénsum et panes offerunt Deo: et ídeo sancti erunt Deo suo, et non pólluent nomen ejus. (T. P. Allelúja.)

Secreta

ECCLÉSIAE tuae, quaésumus, Dómine, unitátis et pacis propítius dona concéde: quae sub oblátis munéribus mýstice designántur. Per Dóminum.

Praefatio de Nativitate.

Communio 1 Cor. 26-27 Quotiescúmque manducábitis panem hunc, et cálicem bibétis, mortem Dómini annuntiábitis, donec véniat: ítaque quicúmque manducáverit panem, vel bíberit cálicem Dómini indígne, reus erit córporis et ságuinis Dómini. (T. P. Allelúja.)

Postcommunio

FAC nos, quaésumus, Dómine, divinitátis tuae sempitérna fruitióne repléri: quam pretiósí Córporis et Ságuinis tui temporális percéptio praefigúrat: Qui vivis.

MISSAE VOTIVAE

Quae loco conventualis de Feria communi

in Choro suffici possunt

Similiter Feria V

MISSA

DE D. N. JESU CHRISTO

SUMMO ET AETERNO SACERDOTE

Introitus Ps. 109, 4

JURÁVIT Dóminus, et non paenitébit eum: Tu es sacérdos in aetérnum secúndum órđinem Melchisedech. (T. P. Allelúja, allelúja.) Ps. *ibid.*, 1 Dixit Dóminus Dómino meo: Sede a dextris meis. *V/.* Glória Patri.

Oratio

DEUS, qui ad majestátis tuae glóriam et géneris humáni salútem, Unigénitum tuum summum atque aetérnum constituísti Sacerdótem: praesta ; ut quos minístros et mysteriórum suórum dispensatóres elégit, in accépto ministério adimpléndo fidéles inveniántur. Per eúmdem Dóminum.

Léctio Epístolae beáti Pauli Apóstoli ad Hebraeos.

Hebr. 5, 1-11

FRATRES: Omnis pón̄tifex ex homínibus assúptus, pro homínibus constitúitur in iis, quae sunt ad Deum, ut ófferat dona et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut pón̄tifex fieret, sed qui locútus est ad eum: Fílius meus es tu, ego hódie génui te. Quemádmódu et in álío loco dicit: Tu es sacérdos in aetérnum, secúndum órđinem Melchisedech. Qui in diébus carnis suae preces, supplicationésque ad eum, qui possit illum salvum fácere a morte, cum clamóre válido et lácrimis ófferens, exaudítus est pro sua reveréntia. Et quidem, cum esset Fílius Dei, dídicit ex iis, quae passus est, obediéntiam: et consummátus, factus est ómnibus obtemperántibus sibi causa salutis aetérnae, appellátus a Deo pón̄tifex juxta órđinem Melchisedech. De quo nobis grandis sermo, et ininterpretábilis ad dicéndum.

Graduale Luc. 4, 18 Spíritus Dómini super me, propter quod unxit me: **Vl.** Evangelizáre paupéribus misit me, sanáre contrítos corde.

Allelúja , allelúja. **Vl. Hebr. 7, 24** Jesus autem, eo quod máneat in aetérnum, sempitérnum habet sacerdotíum. Allelúja.

Post Septuagesimam, omissis Allelúja et Versu sequenti, dicitur

Tractus Ps. 9, 34-36 Exsúrge, Dómine Deus, exaltétur manus tua: ne obliviscáris páuperum. **Vl.** Vide quóniam tu labórem et dolórem consíderas. **Vl.** Tibi derelíctus est pauper: órphano tu eris adjútor.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Hebr. 7, 24** Jesus autem, eo quod máneat in aetérnum, sempitérnum habet sacerdotíum. Allelúja. **Vl. Luc. 4, 18** Spíritus Dómini super me ; propter quod unxit me, evangelizáre paupéribus misit me, sanáre contrítos corde. Allelúja.

+ Sequéntia sancti Evangélíi secúndum Lucam.

Luc. 22, 14-20

IN illo témpore: Discúbuit Jesus, et duódecim Apóstoli cum eo. Et ait illis: Desidério desiderávi hoc Pascha manducáre vobíscum, ántequam pátiar. Dico enim vobis, quia ex hoc non manducábo illud, donec impleátur in regno Dei. Et accépto cálice, grátias egit, et dixit: Accípíte et dividíte inter vos. Dico enim vobis quod non bibam de generatióne vitis, donec regnum Dei véniat. Et accépto pane, grátias egit, et fregit, et dedit eis, dicens: Hoc est corpus meum, quod pro vobis datur: hoc fácíte in meam commemoratiónem. Simíliter et cálicem, postquam cenávit, dicens: Hic est calix novum testaméntum in ságuine meo, qui pro vobis fundétur.

Offertorium Hebr. 10, 12-14 Christus unam pro peccátis ófferens hóstiam, in sempitérnum sedet in déxtera Dei: una enim oblatiόne consummávit in aetérnum sanctificátos. **(T. P. Allelúja.)**

Secreta

HAEC múnera, Dómine, mediátor noster Jesus Christus tibi reddat accépta ; et nos, una secum, hóstias tibi gratas exhíbeat: Qui tecum.

Praefatio de Cruce.

Communio 1 Cor. 11, 24-25 Hoc corpus, quod pro vobis tradétur: hic calix novi testaménti est in meo ságuine, dicit Dóminus: hoc fácíte, quotiescúmque súmitis, in meam commemoratiónem. **(T. P. Allelúja.)**

Postcommunio

VIVÍFICET nos, quaésumus, Dómine, divína, quam obtúlimus et súmpsimus, hóstia ; ut perpétua tibi caritate conjúnti, fructum, qui semper máneat, afferámus. Per Dóminum.

MISSAE VOTIVAE

Quae loco conventualis de Feria communi

in Choro suffici possunt

Feria VI**MISSA
DE SANCTA CRUCE**Introitus **Gal. 6, 14**

NOS autem gloriári opórtet in Cruce Dómini nostri Jesu Christi: in quo est salus, vita et resurrectio nostra: per quem salváti et liberáti sumus. (T. P. Allelúja, allelúja.) **Ps. 66, 2** Deus misereátur nostri, et benedícat nobis: illúminet vultum suum super nos, et misereátur nostri. **V.** Glória Patri.

**Extra Tempus Paschale
Oratio**

DEUS, qui unigéniti Fílii tui pretiósó sáanguine, vivíficæ Crucis vexíllum sanctificáre voluísti: concéde, quaésumus ; eos, qui ejúsdem sanctæ Crucis gaudent honóre, tua quoque ubíque protectióne gaudére. Per eúmdem Dóminum.

**Tempore Paschali
Oratio**

DEUS, qui pro nobis Fílium tuum Crucis patíbulum subíre voluísti, ut inimíci a nobis expélleres potestátem: concéde nobis, fámulis tuis ; ut resurrectiósni grátiam consequámur. Per eúmdem Dóminum.

**Léctio Epístolæ beáti Pauli Apóstoli ad Philippénes.
Phil. 2, 8-11**

FRATRES: Christus factus est pro nobis obédiens usque ad mortem, mortem autem crucis. Propter quod et Deus exaltávit illum, et donávit illi nomen, quod est super omne nomen: (**hic genuflectitur**) ut in nómine Jesu omne genu flectátur caeléstium, terréstrium et infernórum, et omnis lingua confiteátur, quia Dóminus Jesus Christus in glória est Dei Patris.

Graduale Ibid., 8-9 Christus factus est pro nobis obédiens usque ad mortem, mortem autem Crucis. **V.** Propter quod et Deus exaltávit illum, et dedit illi nomen, quod est super omne nomen. Allelúja, allelúja. **V.** Dulce lignum, dulces clavos, dúlcia ferens póndera: quae sola fuísti digna sustinére Regem caelórum et Dóminum. Allelúja.

Post Septuagesimam, omissis Allelúja et Versu sequenti, dicitur

Tractus Adorámus te, Christe, et benedícimus tibi: quia per Crucem tuam redemísti mundum. **V.** Tuam Crucem adorámus, Dómine, tuam gloriósam recólimus passiónem: miserére nostri, qui passus es pro nobis. **V.** O Crux benedícta, quae sola fuísti digna portáre Regem caelórum et Dóminum.

Tempore autem Paschali omittitur Graduale, et ejus loco dicitur:

Allelúja, allelúja. **V.** **Ps. 95, 10** Dícite in géntibus, quia Dóminus regnávit a ligno. Allelúja. **V.** Dulce lignum, dulces clavos, dúlcia ferens póndera: quae sola fuísti digna sustinére Regem caelórum et Dóminum. Allelúja.

**+ Sequéntia sancti Evangélii secúndum Matthaéum.
Matth. 20, 17-19**

IN illo témpore: Assúmpsit Jesus duódecim discípulos secréto, et ait illis: Ecce ascéndimus Jerosólymam, et Fílius hóminis tradétur princípibus sacerdotum et scribis, et condemnábunt eum morte, et tradent eum géntibus ad illudéndum, et flagellándum, et crucifigéndum, et tértia die resúrget.

Offertorium Prótege, Dómine, plebem tuam, per signum sanctæ Crucis, ab ómnibus insídiis inimicórum ómnium: ut tibi gratam exhibeámus servitútem, et acceptábile fiat sacrificium nostrum. (T. P. Allelúja.)

Secreta

HAEC oblátio, Dómine, quaésumus, ab ómnibus nos purget offénsis: quae in ara Crucis étiam totíus mundi tulit offénsam. Per eúmdem Dóminum.

Praefatio de Cruce.

Communio Per signum Crucis de inimicis nostris libera nos, Deus noster. (T. P. Allelúja.)

Postcommunio

ADÉSTO nobis, Dómine Deus noster: et quos sanctae Crucis laetári facis honóre, ejus quoque perpétuis defénde subsidiis. Per Dóminum.

MISSAE VOTIVAE

Quae loco conventualis de Feria communi

in Choro suffici possunt

Item Feria VI

MISSA

DE PASSIONE DOMINI

Introitus **Philipp. 2, 8-9**

HUMILIÁVIT semetípsum Dóminus Jesus Christus usque ad mortem, mortem autem crucis: propter quod et Deus exaltávit illum, et donávit illi nomen, quod est super omne nomen. (T. P. Allelúja, allelúja.) **Ps. 88, 2** Misericórdias Dómini in aetérnum cantábo: in generatióem et generatióem. **Vl.** Glória Patri.

Oratio

DÓMINE Jesu Christe, qui de caelis ad terram de sinu Patris descendísti, et sánguinem tuum pretiósium in remissionóem peccatórum nostrórum fudísti: te humíliter deprecámur ; ut in die judícii, ad dexteram tuam audíre mereámur: Veníte, benedícti: Qui cum eódem Deo Patre et Spíritu Sancto vivis et regnas Deus, per ómnia saécula saeculórum.

Léctio Zacharíaе Prophétae.

Zach. 12, 10-11 ; 13, 6-7

HAEC dicit Dóminus: Effúdam super domum David, et super habitatóres Jerúsalem spíritum grátiae et precum: et aspicient ad me, quem confixerunt: et plangent eum planctu quasi super unigénitum, et dolébut super eum, ut doléri solet in morte primogéniti. In die illa magnus erit planctus in Jerúsalem, et dicétur: Quid sunt plagae istae in médio mánuum tuárum ? Et dicet: His plagátus sum in domo eórum, qui diligébant me. Frámea, suscitáre super pastórem meum, et super virum cohaeréntem mihi, dicit Dóminus exercítuum: pércute pastórem, et di spergéntur oves: ait Dóminus omnipotens.

Graduale Ps. 68, 21-22 Improperium expectávit cor meum, et misériam: et sustínui, qui simul mecum contristarétur, et non fuit: consolántem me quaesívi, et non invéni. **Vl.** Dedérunt in escam meam fel, et in siti mea potavérunt me acéto.

Allelúja, allelúja. **Vl.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúja.

Post Septuagesimam, omissis Allelúja et Versu sequenti, dicitur

Tractus Isai. 53, 4-5 Vere languóres nostros ipse tulit, et dolóres nostros ipse portávit. **Vl.** Et nos putávimus eum quasi leprósum, et percússum a Deo, et humiliátum. **Vl.** Ipse autem vulnerátus est propter iniquitátes nostras, attrítus est propter scélera nostra. **Vl.** Disciplína pacis nostrae super eum: et livóre ejus sanáti sumus.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisióem. Allelúja. **Vl.** Tibi glória, hosánna: tibi triúmphus et victória: tibi summae laudis et honóris coróna. Allelúja.

+ Sequéntia sancti Evangélii secúndum Joánnem.

Joann. 19, 28-35

IN illo témpore: Sciens Jesus quia ómnia consummáta sunt, ut consummarétur Scriptúra, dixit: Sítio. Vas

ergo erat pōsitum acēto plenum. Illi autem spōngiam plenam acēto, hyssōpo circumponētes, obtulērunt ori ejus. Cum ergo accepisset Jesus acētum, dixit: Consummātum est. Et inclināto cāpite trādīdit spīritum. Judaēi ergo (quōniam Parascēve erat) ut non remanērent in cruce cōrpora sabbato (erat enim magnus dies ille sabbati), rogavērunt Pilātum, ut frangerētur eōrum crura, et tollerētur. Venērunt ergo milites: et primi quidem fregērunt crura, et altērius, qui crucifixus est cum eo. Ad Jesum autem cum venissent, ut vidērunt eum jam mōrtuum, non fregērunt ejus crura, sed unus mīlitum lāncea latus ejus aperuit, et continuo exīvit sanguis et aqua. Et qui vidit, testimōnium perhibuit: et verum est testimōnium ejus.

Offertorium Insurrexērunt in me viri inīqui: absque misericōrdia quaesiērunt me interficere: et non pepercērunt in faciē meam spūere: lānceis suis vulneravērunt me, et concūssa sunt ōmnia ossa mea. (T. P. Allelūja.)

Secreta

OBLĀTUM tibi, Dōmine, sacrificium, intercedēte unigēniti Filii tui passiōne, vivificet nos semper, et mūniat: Qui tecum vivit.

Praefatio de Cruce.

Communio Ps. 21, 17-18 Foderunt manus meas et pedes meos: dinumeravērunt ōmnia ossa mea. (T. P. Allelūja.)

Postcommunio

DŌMINE Jesu Christe, Fili Dei vivi, qui hora sexta pro redemptiōne mundi Crucis patibulum ascendisti, et sāguinem tuum pretiōsum in remissiōnem peccatōrum nostrōrum fudisti: te humiliter deprecāmur; ut post ōbitum nostrum, paradīsi jānuas nos gaudēter introīre concēdas: Qui vivis.

* In Sabbato dicitur Missa de sancta Maria, ut supra post Commune Festorum ejusdem beatae Mariae Virginis habetur.

* Extra Missam conventualem, qualibet die non impedita juxta Rubricas, dici possunt Missae votivae, quae pro singulis hebdomadae diebus loco Missae conventualis assignantur, ut supra. Item dici possunt Missae votivae de Conceptione immaculata et de Septem Doloribus beatae Mariae Virginis, necnon de omnibus Sanctis canonizatis, in Mart yrologio Romano descriptis, pro quibus Missa sumitur, sive propria, si habeatur, sive de Communi, mutatis mutandis, ut in Proprio Sanctorum assignatur. Quod si in Calendario non inscribantur, omnia dicuntur de Communi, ad libitum Sacerdotis. Insuper, juxta diversitatem casuum, dici possunt Missae votivae ad diversa, ut infra, cauto tamen quod Missae in die Creationis et Coronationis Papae et in eorum dierum Anniversario, nec non in Anniversario Electionis vel, si Episcopus ex alia Sede translatus fuerit, Translationis, et Consecrationis Episcopi, uti privatae celebrari nequeunt, sed de iis fit Commemoratio, prouti habetur in Additionibus et Variationibus in Rubricis Missalis Tit. II, num. 4-5.

II

MISSAE VOTIVAE AD DIVERSA

MISSA

PRO ELIGENDO SUMMO PONTIFICE

Dicitur Missa de Spiritu Sancto ut supra, vel ut sequitur.

Introitus 1 Reg. 2, 35

SUSCITĀBO mihi sacerdotē fidēlem, qui juxta cor meum et ānimam meam faciē: et aedificābo ei domum fidēlem, et ambulābit coram Christo meo cunctis diēbus. (T. P. Allelūja, allelūja.) Ps. 131, 1 Memēto, Dōmine, David: et omnis mansuetūdinis ejus. V/. Glōria Patri.

Oratio

SŪPPLICI, Dōmine, humilitāte depōscimus: ut sacrosāctae Romānae Ecclēsiae concēdat Pontificem illum tua immēnsa pietas; qui et pio in nos stūdio semper tibi plācitus, et tuo pōpulo pro salūbri regīmine sit assīdue ad glōriam tui nōminis reverēdus. Per Dōminum.

Lectio Epistolae beāti Pauli Apōstoli ad Hebraeos.

Hebr. 4, 16; 5, 1-7

FATRES: Adeámus cum fidúcia ad thronum grátiae, ut misericórdiam consequámur, et grátiam inveniámus in auxilió opportúno. Omnis namque pónטיפex ex homínibus assúptus, pro homínibus constitúitur in iis, quae sunt ad Deum, ut ófferat dona, et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit, ut pónטיפex fieret, sed qui locútus est ad eum: Fílius meus es tu, ego hódie génui te. Quemádmódum et in álío loco dicit: Tu es sacérdos in aetérnum, secúndum órđinem Melchisedech. Qui in diébus carnis suae preces supplicationésque ad eum, qui possit illum salvum fácere a morte, cum clamóre válido et lácrimis ófferens, exaudítus est pro sua reveréntia.

Graduale Levit. 21, 10 Pónטיפex sacérdos magnus inter fratres suos, super cuius caput fustum est unctiónis óleum, et cuius manus in sacerdotío consecrátae sunt, vestitúsque est sanctis véstibus: débuit per ómnia frátribus similári. **V/. Hebr. 2, 17** Ut miséricors fieret, et fidélis pónטיפex ad Deum: ut repropitiáret delícta pópuli.
Allelúja , allelúja. **V/. Levit. 21, 8** Sacérdos sit sanctus, sicut et ego sanctus sum, Dóminus, qui sanctífico vos. Allelúja.

Post Septuagesimam, omissis Allelúja et Versu sequenti, dicitur

Tractus Ps. 131, 8-10 Surge, Dómine, in réquiem tuam: tu et arca sanctificatiónis tuae. **V/. Sacerdótes tui induántur justítiam, et sancti tui exsúltent. V/. Propter David servum tuum, non avértas fáciem Christi tui.**

Tempore autem Paschali omittitur Graduale, et ejus loco dicitur:

Allelúja , allelúja. **V/. Levit. 21, 8** Sacérdos sit sanctus, sicut et ego sanctus sum, Dóminus, qui sanctífico vos. Allelúja. **V/. Joann. 10, 14** Ego sum pastor bonus: et cognóscó oves meas, et cognóscunt me meae. Allelúja.

+ Sequéntia sancti Evangéllii secúndum Joánnem.

Joann. 14, 15-21

IN illo témpore: Dixit Jesus discípulis suis: Si dilígitis me, mandáta mea serváte. Et ego rogábo Patrem, et álíum Paráclitum dabit vobis, ut máneat vobíscum in aetérnum, Spíritum veritátis, quem mundum non potest accípere, quia non videt eum nec scit eum. Vos autem cognoscétis eum: quia apud vos manébit, et in vobis erit. Non relínquam vos órphanos: véniam ad vos. Adhuc módicum, et mundus me jam non videt. Vos aurem vidétis me, quia ego vivo, et vos vivétis. In illo die vos cognoscétis quia ego sum in Patre meo, et vos in me, et ego in vobis. Qui habet mandáta mea et servat ea: ille est, qui diligit me. Qui autem diligit me, diligétur a Patre meo: et ego dilígam eum, et manifestábo ei meípsum.

Offertorium 3 Esdrae 5, 40 Non participéntur sancta, donec exsúrgat pónטיפex in ostensiónem, et veritátem. (T. P. Allelúja.)

Secreta

TUAE nobis, Dómine, abundántia pietátis indúlgeat: ut per sacra múnera, quae tibi reverénter offérimus, gratum majestáti tuae Pontíficem sanctae matris Ecclésiae regímíni praeésse gaudeámus. Per Dóminum.

Communio Exodi 29, 29-30 Veste sancta utétur pónטיפex, qui fúerit constitútus, et ingrediétur tabernáculum testimónii, ut minístret in sanctuário. (T. P. Allelúja.)

Postcommunio

PRETIÓSI córporis et sánguinis tui nos, Dómine, sacraménto reféctos, mirífica tuae majestátis grátia de illíus summi Pontíficis concessióne laetíficet: qui et plebem tuam virtútibus ínstruat, et fidélium mentes spirituálium arómatum odóre perfúndat: Qui vivis.

MISSAE VOTIVAE AD DIVERSA

IN DIE
CREATIONIS ET CORONATIONIS
PAPAE
et in eorum dierum Anniversario

* In die Creationis et Coronationis Summi Pontificis et in eorum dierum Anniversario canitur, ad modum votivae solemniss, juxta Rubricas, sequens Missa.

Introitus Eccli. 45, 30

STÁTUIT ei Dóminus testaméntum pacis, et príncipem fecit eum: ut sit illi sacerdotíi dígnitas in aetérnum. (T. P. Allelúja, allelúja.) Ps. 131, 1 Meménto, Dómine, David: et omnis mansuetúdinis ejus. V/. Glória Patri.

Oratio

DEUS, ómnium fidélium pastor et rector, fámulum tuum N., quem pastórem Ecclésiae tuae praeesse voluísti, propítius réspice: da ei, quaesumus, verbo et exémplo, quibus praeest, profícere ; ut ad vitam, una cum grege sibi crédito, pervéniat sempitérnam. Per Dóminum.

Léctio Epístolae beáti Petri Apóstoli.

1 Petr. 1, 1-7

PETRUS Apóstolus Jesu Christi, eléctis ádvenis dispersiónis Ponti, Galátiae, Cappadóciae, Asiae et Bithýniae, secúndum praesciéntiam Dei Patris, in sanctificatióne Spíritus, in obediéntiam, et aspersionem sánguinis Jesu Christi: grátia vobis et pax multiplicétur. Benedíctus Deus, et Pater Dómini nostri Jesu Christi, qui secúndum misericórdiam suam magnam regenerávit nos in spem vivam, per resurrectionem Jesu Christi ex mórtuis, in hereditátem incorruptibilem, et incontaminátam, et immarcescibilem, conservátam in caelis in vobis, qui in virtúte Dei custodímur per fidem in salutem, parátam revelári in témpore novíssimo. In quo exultábitis, módicum nunc si opórtet contristári in váriis tentatióibus: ut probatio vestrae fidei multo pretiósior auro (quod per ignem probátur) inveniátur in laudem, et glóriam, et honórem, in revelatióne Jesu Christi Dómini nostri.

Graduale Ps. 106, 32 et 31 Exáltent eum in ecclésia plebis: et in cáthedra seniórum laudent eum. V/.

Confiteántur Dómino misericórdiae ejus, et mirabilia ejus fíliis hóminum.

Allelúja , allelúja. V/. Matth. 16, 18 Tu es Petrus, et super hanc petram aedificábo Ecclésiam meam. Allelúja.

Post Septuagesimam, omissis Allelúja et Versu sequenti, dicitur

Tractus Matth. 16, 18-19 Tu es Petrus, et super hanc petram aedificábo Ecclésiam meam. V/. Et portae inferi non praevalébunt advérsus eam: et tibi dabo claves regni caelórum. V/. Quodcúmque ligáveris super terram, erit ligátum et in caelis. V/. Et quodcúmque sólveris super terram, erit solútum et in caelis.

Tempore autem Paschali, omittitur Graduale, et ejus loco dicitur:

Allelúja, allelúja. V/. Ps. 106, 8 Confiteántur Dómino misericórdiae ejus, et mirabilia ejus fíliis hóminum.

Allelúja. V/. Matth. 16, 18 Tu es Petrus, et super hanc petram aedificábo Ecclésiam meam. Allelúja.

+ Sequéntia sancti Evangélii secúndum Matthaéum.

Matth. 16, 13-19

IN illo témpore: Venit Jesus in partes Caesaréae Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixérunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dicitis ? Respóndens Simon Petrus, dixit: Tu es Christus Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiam meam, et portae inferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Offertorium Matth. 16, 18-19 Tu es Petrus, et super hanc petram aedificábo Ecclésiam meam: et portae inferi non praevalébunt advérsus eam: et tibi dabo claves regni caelórum. (T. P. Allelúja.)

Secreta

OBLÁTIS, quaesumus, Dómine, placáre munéribus: et fámulum tuum N., quem pastórem Ecclésiae tuae

praeesse voluisti, assidua protectione gubernata. Per Dominum nostrum.

Praefatio de Apostolis.

Communio Matth. 16, 18 Tu es Petrus, et super hanc petram aedificabo Ecclesiam meam. (T. P. Allelúja.)

Postcommunio

HAEC nos, quaesumus, Domine, divini sacramenti percipio protegat: et famulum tuum **N.**, quem pastorem Ecclesiae tuae praeesse voluisti; una cum commisso sibi grege, salvet semper, et muniat. Per Dominum.

MISSAE VOTIVAE AD DIVERSA

IN CONSECRATIONE EPISCOPI

* Missa dicitur de Officio diei, sed sub unica conclusione cum 1a Oratione adduntur sequentes Orationes: et infra Actionem dicitur Hanc igitur, ut infra.

Oratio

ADÉSTO supplicationibus nostris, omnipotens Deus: ut, quod humilitatis nostrae gerendum est ministerio, tuae virtutis impleatur effectu. Per Dominum.

Secreta

Consecrator dicit:

SÚSCIPE, Domine, munera, quae tibi offerimus pro hoc famulo tuo: ut propitius in eo tua dona custodias. Per Dominum.

Consecratus dicit:

SÚSCIPE, Domine, munera, quae tibi offerimus pro me famulo tuo: ut propitius in me tua dona custodias. Per Dominum.

Infra Actionem

Consecrator dicit:

HANC igitur oblationem servitutis nostrae, sed et cunctae familiae tuae, quam tibi offerimus etiam pro hoc famulo tuo, quem ad Episcopatus ordinem promovere dignatus es, quaesumus, Domine, ut placatus accipias, et propitius in eo tua dona custodias: ut, quod divino munere consecutus est, divinis effectibus exsequatur: diesque nostros in tua pace disponas, atque ab aeterna damnatione nos eripi, et in electorum tuorum iubeas grege numerari. Per Christum Dominum nostrum. Amen.

Consecratus dicit:

HANC igitur oblationem servitutis nostrae, sed et cunctae familiae tuae, quam tibi offerimus etiam pro me famulo tuo, quem ad Episcopatus ordinem promovere dignatus es, quaesumus, Domine, ut placatus accipias, et propitius in me tua dona custodias: ut, quod divino munere consecutus sum, divinis effectibus exsequar: diesque nostros in tua pace disponas, atque ab aeterna damnatione nos eripi, et in electorum tuorum iubeas grege numerari. Per Christum Dominum nostrum. Amen.

Postcommunio

PLENUM, quaesumus, Domine, in nobis remedium tuae miserationis operare: ac tales nos esse perfice propitius, et sic fovéri; ut tibi in omnibus placere valeamus. Per Dominum.

MISSAE VOTIVAE AD DIVERSA

IN ANNIVERSARIO ELECTIONIS ET CONSECRATIONIS EPISCOPI

* In Anniversario Electionis Episcopi, vel, si Episcopus ex alia Sede translatus fuerit, Translationis, nec non

in Anniversario Consecrationis ejusdem, in ecclesiis Cathedralibus et Collegiatis Dioecesis, accedente Episcopi mandato, dicitur ad modum votivae solemniss, juxta Rubricas, sequens Missa.

Introitus **Ps. 131, 9-10**

SACERDÓTES tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. (T. P. Allelúja, allelúja.) **Ps. ibid., 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, ómnium fidélium pastor et rector, fámulum tuum **N.**, quem pastórem ecclésiae **N.** praeésse voluísti, propítius réspice: da ei, quaesumus, verbo et exémplo, quibus praeest, proficere ; ut ad vitam, una cum grege sibi crédito, pervéniat sempitérnam. Per Dóminum.

Léctio Epístolae beáti Pauli Apóstoli ad Hebraeos.

Hebr. 5, 1-4

FRATRES: Omnis pónitífex ex homínibus assúptus, pro homínibus constitúitur in iis, quae sunt ad Deum: ut ófferat dona et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Graduale Ps. 131, 16-17 Sacerdótes ejus índuam salutári: et sancti ejus exsultatióne exsultábunt. **Vl.** Illuc prodúcam cornu David: parávi lucérnam Christo meo.

Allelúja , allelúja. **Vl.** **Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja , allelúja. **Vl.** **Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja. **Vl.** **Eccli. 45, 9** Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangéllii secúndum Marcum.

Marc. 13, 33-37

IN illo témpore: Dixit Jesus discípulis suis: Vidéte, vigiláte, et oráte: nescítis enim quando tempus sit. Sicut homo, qui pégre proféctus relíquit domum suam, et dedit servis suis potestátem cujúsque óperis, et janitóri praecépít ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repénte, invéniat vos dormiéntes. Quod autem vobis dico, ómnibus dico: Vigiláte.

Credo.

Offertorium Ps. 88, 25 Véritas mea et misericórdia mea cum ipso: et in nómine meo exaltábitur cornu ejus. (T. P. Allelúja.)

Secreta

OBLÁTIS, quaesumus, Dómine, placáre munéribus: et fámulum tuum **N.**, quem pastórem ecclésiae **N.** praeésse voluísti, assídua protectióne gubérna. Per Dóminum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constítuet eum. (T. P. Allelúja.)

Postcommunio

HAEC nos, quaesumus, Domine, divini sacramenti percipio protegat: et famulum tuum **N.**, quem pastorem ecclesiae **N.** praeesse voluisti; una cum commisso sibi grege, salvet semper, et muniat. Per Dominum.

MISSAE VOTIVAE AD DIVERSA

IN COLLATIONE SACRORUM ORDINUM

* In Sabbatis Quatuor Temporum et in Sabbato infra Hebdomadam IV Quadragesimae, Missa dicitur de Sabbato, et reliquis diebus de Officio diei; sed sub unica conclusione cum 1a Oratione adduntur sequentes:

Oratio

EXAUDI, quaesumus, Domine, supplicum preces, et devoto tibi pectore famulantes, perpetua defensione custodi: ut nullis perturbacionibus impediti, liberam servitum tuis semper exhibeamus officii. Per Dominum.

Secreta

TUIS, quaesumus, Domine, operare mysteriis: ut haec tibi munera dignis mentibus offeramus. Per Dominum.

Postcommunio

QUOS tuis, Domine, reficis sacramentis, continuis attolle benignus auxiliis: ut tuae redemptionis effectum, et mysteriis capiamus, et moribus: Qui vivis et regnas.

MISSAE VOTIVAE AD DIVERSA

IN BENEDICTIONE ABBATIS

* Missa dicitur de Officio diei, sed sub unica conclusione cum 1a Oratione adduntur sequentes Orationes:

Oratio

Pontifex dicit:

CONCEDE, quaesumus, Domine, huic famulo tuo: ut praedicando et exercendo quae recta sunt, per exemplum bonorum operum animos suorum instruat subjectorum; et aeternae remunerationis mercedem a te piissimo Pastore percipiat. Per Dominum.

Electus dicit:

CONCEDE, quaesumus, Domine, mihi famulo tuo: ut praedicando et exercendo quae recta sunt, per exemplum bonorum operum animos meorum instruat subjectorum; et aeternae remunerationis mercedem a te piissimo Pastore percipiam. Per Dominum.

Secreta

Pontifex dicit:

MUNERA nostra, quaesumus, Domine, suscipe placatus: et hunc famulum tuum semper et ubique misericorditer protege. Per Dominum.

Abbas dicit:

MUNERA, quaesumus, Domine, suscipe placatus: et me famulum tuum semper et ubique misericorditer protege. Per Dominum.

Postcommunio

Pontifex dicit:

HAEC nos communitio, Domine, purget a crimine; et hunc famulum tuum benigna pietate conservet. Per Dominum.

Abbas dicit:

HAEC nos commúnio, Dómine, purget a crímine ; et me fámulum tuum benígna pietáte consérvet. Per Dóminum.

MISSAE VOTIVAE AD DIVERSA

IN BENEDICTIONE ABBATISSAE

* Missa dicitur de Officio diei, sed sub unica conclusione cum 1a Oratione adduntur sequentes Orationes:

Oratio

DA, quaesumus, Dómine, huic fámulae tuae, quam virginitátis honóre dignátus es decoráre, inchoáti óperis consummátum efféctum: et, ut perféctam tibi ófferat plenitúdinem, inítia sua perducere mereátur ad finem. Per Dóminum.

Secreta

OBLÁTIS hóstiis, quaesumus, Dómine, praesénti fámulae tuae perseverántiam perpétuae virginitátis accómmoda: ut, apértis jánuis, summi Regis advéntu, regnum caeléste cum laetítia mereátur intráre. Per Dóminum.

Postcommunio

RÉSPICE, Dómine, fámulae tuae tibi débitam servitútem, ut inter humanae fragilitátis incérta, nullis adversitátibus opprimátur, quae de tua protectióne confidit. Per Dóminum.

MISSAE VOTIVAE AD DIVERSA

IN BENEDICTIONE ET CONSECRATIONE VIRGINUM

* Missa dicitur de Officio diei, sed sub unica conclusione cum 1a Oratione adduntur sequentes Orationes:

Oratio

DA, quaesumus, Dómine, his famulábus tuis, quas virginitátis honóre dignátus es decoráre, inchoáti óperis consummátum efféctum: et, ut perféctam tibi ófferant plenitúdinem, inítia sua perducere mereántur ad finem. Per Dóminum.

Secreta

OBLÁTIS hóstiis, quaesumus, Dómine, praeséntibus famulábus tuis perseverántiam perpétuae virginitátis accómmoda: ut, apértis jánuis, summi Regis advéntu, regnum caeléste cum laetítia mereántur intráre. Per Dóminum.

Postcommunio

DEUS, qui habitáculum tuum in corde pudíco fundásti: réspice super has fámulas tuas ; et quae castigatióibus assídus póstulant, tua consolatíone percípant. Per Dóminum.

MISSAE VOTIVAE AD DIVERSA

IN BENEDICTIONE COEMETERII

* Missa dicitur de Officio diei, sed sub unica conclusione cum 1a Oratione adduntur sequentes Orationes:

Oratio

DEUS, cujus miseratióne ánimae fidélium requiescunt: huic coemetério, quaesumus, Dómine, Angelum tuum sanctum députa custódem, et quorum quarúmque córpora hic sepeliúntur, ánimas eórum ab ómnibus absólve vínculis delictórum ; ut in te semper cum Sanctis tuis sine fine laeténtur. Per Dóminum.

Secreta

MÚNERA, Dómine, obláta sanctífica: et, qui te ipsum in sepúlcro poni voluísti, et exéplum resurgéndi fidélibus tuis largíri dignátus es, da, quaésumus, fidélium tuórum animábus hic in te quiescéntium véniam peccatórum ; ut haec salutáris hóstia sit remédium et réquies animárum eórum et córporum: Qui vivis.

Postcommunio

MUNÉRIBUS sacris satiáti, quaésumus, Dómine Deus noster: ut plebs tua, quae in futúro a morte córporis resurrectúra créditur, te miseránte, a morte ánimae resúrgere mereátur. Per Dóminum.

MISSAE VOTIVAE AD DIVERSA

IN RECONCILIATIONE ECCLESIAE ET COEMETERII

* Missa dicitur de Officio diei, sed sub unica conclusione cum 1a Oratione adduntur sequentes Orationes:

Oratio

DEUS, qui dixísti: Domus mea domus oratiónis vocábitur: domum istam infidélium spurcítis contaminátam mundáre et sanctificáre dignéris ; et ómnium preces et vota hoc in loco ad te clamántium cleméner exáudias, et benígnus suscípias. Per Dóminum.

Secreta

HAEC hóstia, quaésumus, Dómine, et locum istum ab ómnibus immundítis expúrget: et supplicatiónes nostras semper et ubíque reddat tibi accéptas. Per Dóminum.

Postcommunio

PERCIPIÉNTES, Dómine, múnera salutís aetérnae, súplices exorámus: ut templum hoc et coemetérium, ab infidélium inquinaméntis emundátum, benedictióne tua máneat sanctificátum ; et péctora nostra ab omni sorde vitiórum alienáta tibi que devóta semper existant. Per Dóminum.

MISSAE VOTIVAE AD DIVERSA

MISSA PRO SPONSO ET SPONSA

* Si solemnitas nuptiarum, intra Missam, facienda sit die Dominica, vel alio die Festo, sive de praecepto, licet suppresso, sive Duplici I vel II classis, aut in Octavis Epiphaniae, Paschatis, Pentecostes aut Corporis Christi, vel in Feriis ac Vigiliis privilegiatis, dicatur Missa de Officio occurrenti, cum Glória in excelsis et Credo, si illa Missa id requirat, et cum Commemoratione sequentis Missae pro Sponso et Sponsa, et reliquis, quae pro Communionem, et complemento benedictionis in ea habentur. Si autem solemnitas nuptiarum, intra Missam, facienda sit aliis diebus, etiamsi in iis occurrat Festum Duplex majus vel minus, dicatur sequens Missa votiva pro Sponso et Sponsa, praeterquam in Commemoratione Omnium Fidelium Defunctorum, in qua et Missa votiva et solemnitas nuptialis prohibentur.

Introitus Tob. 7, 15 ; 8, 19

DEUS Israél conjúngat vos: et ipse sit vobíscum, qui misértus est duóbus únícis: et nunc, Dómine, fac eos plénius benedícere te. (T. P. Allelúja, allelúja.) Ps. 127, 1 Beáti omnes qui timent Dóminum: qui ámbulant in viis ejus. V/. Glória Patri.

Oratio

EXÁUDI nos, omnípotens et miséricors Deus: ut, quod nostro ministrátur officio, tua benedictióne pótius impleátur. Per Dóminum nostrum.

Léctio Epístolae beáti Pauli Apóstoli ad Ephésios.

Ephes. 5, 22-33

FRATRES: Mulíeres viris suis súbditae sint, sicut Dómino: quóniam vir caput est mulíeris: sicut Christus caput est Ecclésiae: ipse, salvátor córporis ejus. Sed sicut Ecclésia subjécta est Christo, ita et mulíeres viris suis in ómnibus. Viri, dilígite uxóres vestras, sicut et Christus diléxit Ecclésiam, et seípsum trádídít pro ea, ut

illam sanctificáret, mundans lavácro aquae in verbo vitae, ut exhibéret ipse sibi gloriósam Ecclésiám, non habéntem máculam, aut rugam, aut áliquid hujúsmodi, sed ut sit sancta et immaculáta. Ita et viri debent diligere uxóres suas, ut córpora sua. Qui suam uxórem diligit, seípsum diligit. Nemo enim umquam carnem suam ódio hábuit: sed nutrit, et fovet eam, sicut et Christus Ecclésiám: quia membra sumus córporis ejus, de carne ejus et de óssibus ejus. Propter hoc relínquet homo patrem et matrem suam, et adhaerébit uxóri suae: et erunt duo in carne una. Sacraméntum hoc magnum est, ego autem dico in Christo et in Ecclésia. Verúmtamen et vos sínguli, unusquísque uxórem suam, sicut seípsum díligat: uxor autem tímeat virum suum.

Graduale Ps. 127, 3 Uxor tua sicut vitis abúndans in latéribus domus tuae. **Vl.** Fílii tui sicut novéllae olivárum in circúitu mensae tuae.

Allelúja, allelúja. **Vl. Ps. 19, 3** Mittat vobis Dóminus auxiliúm de sancto: et de Sion tueátur vos. Allelúja.

Post Septuagesimam, omissis Allelúja et Versu sequenti, dicitur

Tractus Ps. 127, 4-6 Ecce sic benedicétur omnis homo, qui timet Dóminum. **Vl.** Benedícat tibi Dóminus ex Sion: et vídeas bona Jerúsalem ómnibus diébus vitae tuae. **Vl.** Et vídeas fílios filiórú tuórum: pax super Israël.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 19, 3** Mittat vobis Dóminus auxiliúm de sancto: et de Sion tueátur vos. Allelúja. **Vl. Ps. 133, 3** Benedícat vobis Dóminus ex Sion: qui fecit caelum et terram. Allelúja.

+ Sequéntia sancti Evangélii secúndum Matthaéum.

Matth. 19, 3-6

IN illo témpore: Accessérunt ad Jesum pharisaéi tentántes eum, et dicéntes: Si licet hómini dimíttere uxórem suam quacúmque ex causa ? Qui respóndens, ait eis: Non legístis, quia qui fecit hóminem ab ínítio, másculum et féminam fecit eos ? et dixit: Propter hoc dimíttet homo patrem et matrem, et adhaerébit uxóri suae, et erunt duo in carne una. Itaque jam non sunt duo, sed una caro. Quod ergo Deus conjúnxit, homo non séparet.

Offertorium Ps. 30, 15-16 In te sperávi, Dómine: dixi: Tu es Deus meus: in mánibus tuis témpora mea. **(T. P. Allelúja.)**

Secreta

SÚSCIBE, quaésumus, Dómine, pro sacra connúbii lege munus oblátum: et, cujus largítor es óperis, esto dispósitor. Per Dóminum.

* **Dicto Pater noster, Sacerdos antequam dicat** Líbera nos, quaésumus, Dómine, **stans in cornu Epistolae versus Sponsum et Sponsam ante Altare genuflexos, dicit super eos sequentes Orationes:**

Orémus. **Oratio**

PROPITIÁRE, Dómine, supplicatióibus nostris, et institútis tuis, quibus propagatióem humáni géneris ordinásti, benignus assiste: ut, quod te auctóre júngitur, te auxiliánte servétur. Per Dóminum.

Oremus.

DEUS, qui potestáte virtútis tuae de níhilo cuncta fecísti: qui dispósitis universitátis exórdiis, hómini ad imáginem Dei facto, ídeo inseparábile muléris adjutórium condidísti, ut femíneo córpori de viríli dares carne princípium, docens quod ex uno placúisset instítui, numquam licére disjúngi: Deus, qui tam excelléti mystério conjugálem cópulam consecrásti, ut Christi et Ecclésiae sacraméntum praesignáres in fo édere nuptiárum: Deus, per quem mulier júngitur viro, et societas princípáliter ordináta, ea benedictiÓne donátur, quae sola nec per originális peccáti poenam, nec per dilúvii est abláta sentétiám: respice propítius super hanc fámulam tuam, quae maritáli júngénda consórtio, tua se éxpetit protectiÓne muníri: sit in ea jugum dilectiÓnis et pacis: fidélis et casta nubat in Christo, imitatríxque sanctárum permáneat femínarum: sit amábilis viro suo, ut Rachel: sápiens, ut Rebécca: longaeva et fidélis, ut Sara: nihil in ea ex áctibus suis ille auctor praevaricatiÓnis usúrpet: nexa fídei mandatísque permáneat: uni thoro juncta, contáctus illícitos fúgiat: múniat infirmitátem suam róbre disciplínae: sit verecúndia gravis, pudóre venerábilis, doctrínis caeléstibus erudíta: sit fecúnda in sóbole, sit probáta et ínnocens: et ad beatórum réquiem, atque ad caeléstia regna pervéniat: et vídeant ambo fílios filiórú suórum, usque in tértiam et quartam generatiÓnem, et ad optátam pervéniant senectútem. Per eúmdem Dóminum.

* **Tunc Sacerdos reversus ad medium Altaris dicat** Libera nos, quaesumus, Domine, **et reliqua more solito ; et postquam sumpserit Sanguinem, communicet Sponsos: et prosequatur Missam.**

Communio Ps. 127, 4 et 6 Ecce sic benedicetur omnis homo, qui timet Dominum: et videas filios filiorum tuorum: pax super Israë. (T. P. Allelúja.)

Postcommunio

QUSUMUS, omnipotens Deus: instituta providentiae tuae pio favore comitare ; ut, quos legitima societate connectis, longaeva pace custodias. Per Dominum.

* **Dicto** Benedicamus Domino, **vel, si Missae illius diei conveniat, Ite, Missa est, Sacerdos antequam populo benedicat, conversus ad Sponsum et Sponsam, dicat:**

DEUS Abraham, Deus Isaac, et Deus Jacob sit vobiscum: et ipse adimpleat benedictionem suam in vobis: ut videatis filios filiorum vestrorum usque ad tertiam et quartam generationem, et postea vitam aeternam habeatis sine fine: adjuvante Domino nostro Jesu Christo, qui cum Patre et Spiritu Sancto vivit et regnat Deus, per omnia saecula saeculorum. **R/. Amen.**

* **Moneat eos Sacerdos sermone gravi, ut sibi invicem servent fidem: orationis tempore, et praesertim jejuniorum ac solemnitatum, casti maneant: et vir uxorem, atque uxor virum diligat: et in timore Dei permaneant. Postea eos aspergat aqua benedicta, et dicto** Placet tibi, sancta Trinitas, **det benedictionem: et legat, ut solitum est, Evangelium S. Joannis: In principio erat Verbum, vel aliud, juxta Rubricas.**

MISSAE VOTIVAE AD DIVERSA

MISSA PRO FIDEI PROPAGATIONE

Introitus **Ps. 66, 2-3**

DEUS misereatur nostri, et benedicat nobis: illuminet vultum suum super nos, et misereatur nostri: ut cognoscamus in terra viam tuam, in omnibus gentibus salutare tuum. (T. P. Allelúja, allelúja.) **Ps. ibid., 4** Confiteantur tibi populi, Deus: confiteantur tibi populi omnes. **V/. Glória Patri.**

Oratio

DEUS, qui omnes homines vis salvos fieri, et ad agnitionem veritatis venire: mitte, quaesumus, operarios in messem tuam, et da eis cum omni fiducia loqui verbum tuum ; ut sermo tuus currat et clarificetur, et omnes gentes cognoscant te solum Deum verum, et quem misisti Jesum Christum Filium tuum, Dominum nostrum: Qui tecum vivit et regnat.

Lectio libri Sapientiae.

Eccli. 36, 1-10 et 17-19

MISERERE nostri, Deus omnium, et respice nos, et ostende nobis lucem miseracionum tuarum: et immitte timorem tuum super gentes, quae non exquisierunt te, ut cognoscant quia non est Deus nisi tu, et enarrent magnalia tua. Alleva manum tuam super gentes alienas, ut videant potentiam tuam. Sicut enim in conspectu eorum sanctificatus es in nobis, sic in conspectu nostro magnificaberis in eis, ut cognoscant te, sicut et nos cognovimus, quoniam non est Deus praeter te, Domine. Innova signa, et immuta mirabilia. Glorifica manum et brachium dextrum. Excita furorem, et effunde iram. Tolle adversarium, et afflige inimicum. Festina tempus, et memento finis, ut enarrent mirabilia tua. Da testimonium his, qui ab initio creaturae tuae sunt, et suscita praedicationes, quas locuti sunt in nomine tuo prophetae priores. Da mercedem sustinentibus te, ut prophetae tui fideles inveniuntur: et exaudi orationes servorum tuorum, secundum benedictionem Aaron de populo tuo, et dirige nos in viam justitiae, et sciant omnes, qui habitant terram, quia tu es Deus conspexor saeculorum.

Graduale Ps. 66, 6-8 Confiteantur tibi populi, Deus: confiteantur tibi populi omnes: terra dedit fructum suum. **V/. Benedicat nos Deus, Deus noster, benedicat nos Deus: et metuant eum omnes fines terrae. Allelúja , allelúja. V/. Ps. 99, 1** Jubilate Deo, omnis terra: servite Domino in laetitia: introite in conspectu ejus, in exultatione. Allelúja.

Post Septuagesimam, omissis Allelúja et Versu sequenti, dicitur

Tractus Ps. 95, 3-5 Annuntiáte inter gentes glóriam Dómini, in ómnibus pópulis mirabília ejus. *V/.* Quóniam magnus Dóminus, et laudábilis nimis: terríbilis est super omnes deos. *V/.* Quóniam omnes dii géntium daemónia: Dóminus autem caelos fecit.

Tempore autem Paschali omittitur Graduale, et ejus loco dicitur:

Allelúja , allelúja. *V/.* Ps. 99, 1-2 Jubiláte Deo, omnis terra: servíte Dómino in laetítia: introíte in conspéctu ejus, in exsultatióne. Allelúja. *V/.* Scitóte quóniam Dóminus ipse est Deus: ipse fecit nos, et non ipsi nos. Allelúja.

+ Sequéntia sancti Evangéllii secúndum Matthaéum.

Matth. 9, 35-38

IN illo témpore: Circuibat Jesus omnes civitátes et castélla, docens in synagógis eórum, et praedicans Evangélium regni, et curans omnem languórem et omnem infirmitátem. Videns autem turbas, misértus est eis: quia erant vexáti et jacéntes sicut oves non habéntes pastórem. Tunc dicit discípulis suis: Messis quidem multa, operárii autem pauci. Rogáte ergo Dóminum messis, ut mittat operários in messem suam.

Offertorium Ps. 95, 7-9 Afférte Dómino, pátriae géntium, afférte Dómino glóriam et honórem, afférte Dómino glóriam nómini ejus: tollite hóstias, et introíte in átria ejus: adoráte Dóminum in átrio sancto ejus. (T. P. Allelúja.)

Secreta

PROTÉCTOR noster áspice Deus, et réspice in fáciem Christi tui, qui dedit redemptiónem semetípsum pro ómnibus: et fac ; ut ab ortu solis usque ad occásum magnificétur nomen tuum in géntibus, ac in omni loco sacrificétur et offerátur nómini tuo oblátio munda. Per eúmdem Dóminum.

Communio Ps. 116, 1-2 Laudáte Dóminum, omnes gentes: laudáte eum, omnes pópuli: quóniam confirmáta est super nos misericórdia ejus, et véritas Dómini manet in aetérnum. (T. P. Allelúja.)

Postcommunio

REDEMPTIÓNIS nostrae múnere vegetáti: quaesumus, Dómine ; ut hoc perpétuae salútis auxílio, fides semper vera proficiat. Per Dóminum.

* Item alia Epistola

Léctio Epístolae beáti Pauli Apóstoli ad Timótheum.

1 Tim. 2, 1-7

OBSECRO primum ómnium fieri obsecratiónes, oratiónes, postulatiónes, gratiárum actiões, pro ómnibus homínibus: pro régibus et ómnibus qui in sublimitáte sunt, ut quiétam et tranquillam vitam agámus, in omni pietáte et castitáte ; hoc enim bonum est et accéptum coram Salvatóre nostro Deo, qui omnes hómines vult salvos fieri, et ad agnitiónem veritátis veníre. Unus enim Deus, unus et mediátor Dei et hóminum, homo Christus Jesus: qui dedit redemptiónem semetípsum pro ómnibus, testimónium tempóribus suis: in quo pósitus sum ego praedicátor et apóstolus (veritátem dico, non méntior), doctor géntium in fide et veritáte.

MISSAE VOTIVAE AD DIVERSA

MISSA CONTRA PAGANOS

Introitus Ps. 43, 23-24 et 25-26

EXSÚRGE, quare obdórmis, Dómine ? exsúrge, et ne repéllas in finem: quare fáciem tuam avértis, oblivísceris tribulatióem nostram ? Adhaésit in terra venter noster: exsúrge, Dómine, ádjuva nos, et líbera nos. (T. P. Allelúja, allelúja) Ps. *ibid.*, 2 Deus, áuribus nostris audívimus: patres nostri annuntiavérunt nobis. *V/.* Glória Patri.

Oratio

OMNÍPOTENS sempitérne Deus, in cujus manu sunt ómnium potestátes et ómnium jura regnórum: réspice

in auxiliū christianōrum ; ut gentes paganōrum, quae in sua feritate confidunt, dexterāe tuae potētia conterantur. Per Dōminum.

Lectio libri Esther.
Esth. 13, 8-11, et 15-17

IN diēbus illis: Orāvit Mardocheus ad Dōminum, dicens: Dōmine, Dōmine Rex omnipotens, in ditiōne enim tua cuncta sunt pōsita, et non est qui possit tuae resistere voluntāti, si decreveris salvāre Israēl. Tu fecisti caelum et terram, et quidquid caeli āmbitu continetur. Dōminus ōnium es, nec est qui resistat majestāti tuae. Et nunc, Dōmine Rex, Deus Abraham, miserere pōpuli tui, quia volunt nos inimici nostri pērdere, et hereditatem tuam delēre. Nec despicias partem tuam, quam redemisti tibi de AEGYPTO. Exaudi deprecationem meam, et propitius esto sorti et funiculo tuo, et convēte luctum nostrum in gāudium, ut vivētes laudēmus nomen tuum, Dōmine, et ne claudas ora te canēntium, Dōmine, Deus noster.

Graduale Ps. 82, 19 et 14 Sciant gentes, quōniam nomen tibi Deus: tu solus Altīssimus super omnem terram. V/. Deus meus, pone illos ut rotam, et sicut stīpulam ante faciē venti. Allelūja, allelūja. V/. Ps. 79, 3 Excita, Dōmine, potēntiam tuam, et veni: ut salvos faciās nos. Allelūja.

Post Septuagesimam, omissis Allelūja et Versu sequenti, dicitur

Tractus Ps. 78, 9-11 Adjuva nos, Deus salutāris noster: et propter honōrem nōminis tui, Dōmine, libera nos: et propitius esto peccātis nostris, propter nomen tuum. V/. Ne quando dicant gentes: Ubi est Deus eōrum ? et innotēscat in natiōnibus coram ōculis nostris V/. Vīndica sānguinem servōrum tuōrum, qui effūsus est: intret in conspectu tuo gēmitus compeditōrum.

Tempore autem Paschali omittitur Graduale, et ejus loco dicitur:

Allelūja, allelūja. V/. Ps. 79, 3 Excita, Dōmine, potēntiam tuam, et veni: ut salvos faciās nos. Allelūja. V/. Ibid., 15-16 Deus virtūtum, convētere, respice de caelo et vide, et visita vineam istam: et pērfice eam, quam plantāvit dextera tua. Allelūja.

+ Sequēntia sancti Evangēlii secūndum Lucam.
Luc. 11, 5-13

IN illo tēpore: Dixit Jesus discipulis suis: Quis vestrum habēbit amicum, et ibit ad illum mēdia nocte, et dicet illi: Amice, cōmmoda mihi tres panes, quōniam amicus meus venit de via ad me, et non habeo, quod ponam ante illum: et ille deīntus respōndens, dicat: Noli mihi molēstus esse, jam ōstium clausum est, et pūeri mei mecum sunt in cubili, non possum surgere et dare tibi. Et si ille perseverāverit pulsans: dico vobis, et si non dabit illi surgens eo quod amicus ejus sit, propter improbitatem tamen ejus surget, et dabit illi quotquot habet necessarios. Et ego dico vobis: Pētite, et dābitur vobis: quaērite, et inveniētis: pulsāte, et aperiētur vobis. Omnis enim qui petit, āccipit: et qui quaerit, invenit: et pulsānti aperiētur. Quis autem ex vobis patrem petit panem: numquid lapidem dabit illi ? Aut piscem: numquid pro pisce serpēntem dabit illi ? Aut si petierit ovum: numquid pōrriget illi scorpionem ? Si ergo vos cum sitis mali, nostis bona data dare filiis vestris: quanto magis Pater vester de caelo dabit spīritum bonum petēntibus se ?

Offertorium Ps. 17, 28 et 32 Pōpulum hūmitem salvum faciēs: et ōculos superbōrum humiliābis: quōniam quis Deus praeter te, Dōmine ? (T. P. Allelūja.)

Secreta

SACRIFÍCIUM, Dōmine, quod immolāmus, intēde: ut propugnātōres tuos ab omni éruas paganōrum nequītia, et in tuae protectiōnis securitate constituas. Per Dōminum.

Communio Ps. 118, 81, 84 et 86 In salutāri tuo ānima mea, et in verbum tuum sperāvi: quando faciēs de persecūntibus me iudiciū ? Inīqui persecūti sunt me, ādjuva me, Dōmine Deus meus. (T. P. Allelūja.)

Postcommunio

PROTÉCTOR noster aspice Deus: et propugnātōres tuos a paganōrum defēde periculis: ut, omni perturbatiōne submōta, liberis tibi mēntibus deserviant. Per Dōminum.

MISSAE VOTIVAE AD DIVERSA

MISSA
AD TOLLENDUM SCHISMA

Introitus **Ps. 105, 47**

SALVOS nos fac, Dómine Deus noster, et cóngrega nos de natióibus: ut confiteámur nómini sancto tuo, et gloriémur in laude tua. (T. P. Allelúja, allelúja.) **Ps. ibid., 1** Confitémini Dómino, quóniam bonus: quóniam in saéculum misericórdia ejus. **Vl.** Glória Patri.

Oratio

DEUS, qui erráta córrigis et dispérsa cóngregas, et congregáta consérvas: quaésumus, super pópulum christiánum tuae uniónis grátiam cleménter infúnde ; ut, divisióne rejécta, vero pastóri Ecclésiae tuae se úniens, tibi digne váleat famulári. Per Dóminum.

Léctio Epístolae beáti Pauli Apóstoli ad Ephésios.

Ephes. 4, 1-7 et 13-21

FRATRES: Obsecro vos, ut digne ambulétis vocatióne qua vocáti estis, cum omni humilitáte et mansuetúdone, cum paciéntia, supportántes ínvicem in caritáte, sollíciti serváre unitátem spíritus in vínculo pacis. Unum corpus, et unus spíritus, sicut vocáti estis in una spe vocatiónis vestrae. Unus Dóminus, una fides, unum baptísma. Unus Deus et Pater ómnium, qui est super omnes, et per ómnia, et in ómnibus nobis. Unicuíque autem nostrum data est grátia secúndum mensúram donatiónis Christi: donec occurrámus omnes in unitátem fidei et agnitiónis Filii Dei, in virum perféctum, in mensúram aetátis plenitúdinis Christi: ut jam non simus párvuli fluctuántes, et circumferámur omni vento doctrínae in nequítia hóminum, in astútia ad circumventiόνem erróris. Veritátem autem faciéntes in caritáte, crescámus in illo per ómnia, qui est caput Christus: ex quo totum corpus compáctum et connéxum per omnem junctúram subministratiónis, secúndum operatióne in mensúram uniuscujúsque membri, augméntum córporis facit in aedificatióne sui in caritáte. Hoc ígitur dico et testificor in Dómino, ut jam non ambulétis, sicut et gentes ámbulant in vanitáte sensus sui, ténebris obscurátum habéntes intelléctum, alienáti a vita Dei per ignorántiam quae est in illis, propter caecitátem cordis ipsórum, qui desperántes, semetípsos tradidérunt impudicítiae in operatióne immundítiae omnis, in avarítiam. Vos autem non ita didicístis Christum: si tamen illum audístis, et in ipso edócti estis, sicut est véritas in Christo Jesu Dómino nostro.

Graduale Ps. 121, 6-7 Rogáte quae ad pacem sunt Jerúsalem: et abundántia diligéntibus te. **Vl.** Fiat pax in virtúte tua: et abundántia in túrribus tuis.

Allelúja , allelúja. **Vl. Ps. 147, 12** Lauda, Jerúsalem, Dóminum: lauda Deum tuum, Sion. Allelúja.

Post Septuagesimam, omissis Allelúja et Versu sequenti, dicitur

Tractus Ps. 75, 2-4 Notus in Judaéa Deus, in Israél magnum nomen ejus. **Vl.** Et factus est in pace locus ejus, et habitátio ejus in Sion. **Vl.** Ibi confrégit poténtias árcuum, scutum, gládium et bellum.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Ps. 147, 12** Lauda, Jerúsalem, Dóminum: lauda Deum tuum, Sion. Allelúja. **Vl. Ibid., 14** Qui pósuit fines tuos pacem, et ádipe fruménti sátiat te. Allelúja.

+ Sequéntia sancti Evangélii secúndum Joánnem.

Joann. 17, 1 et 11-23

IN illo témpore: Sublevátis Jesus óculis in caelum, dixit: Pater sancte, serva eos in nómine tuo, quos dedísti mihi: ut sint unum, sicut et nos. Cum essem cum eis, ego servábam eos in nómine tuo. Quos dedísti mihi, custodívi: et nemo ex eis périit, nisi fílius perditiónis, ut Scriptúra impleátur. Nunc autem ad te vénio: et haec loquor in mundo, ut hábeant gáudium meum implétum in semetípsis. Ego dedi eis sermónem tuum, et mundus eos ódio hábuit, quia non sunt de mundo, sicut et ego non sum de mundo. Non rogo, ut tollas eos de mundo, sed ut serves eos a malo. De mundo non sunt, sicut et ego non sum de mundo. Sanctífica eos in veritáte. Sermo tuus véritas est. Sicut tu me misísti in mundum, et ego misi eos in mundum. Et pro eis ego sanctífico meípsam, ut sint et ipsi sanctificáti in veritáte. Non pro eis autem rogo tantum, sed et pro eis, qui creditúri sunt per verbum eórum in me: ut omnes unum sint, sicut tu, Pater, in me, et ego in te, ut et ipsi in nobis unum sint: ut credat mundus, quia tu me misísti. Et ego claritátem, quam dedísti mihi, dedi eis, ut sint unum, sicut nos unum sumus. Ego in eis, et tu in me, ut sint consummáti in unum.

Offertorium Rom. 15, 5-6 Det vobis Deus idípsum sápere in altérutrum: ut unánimes uno ore honorificétis Deum nostrum. (T. P. Allelúja.)

Secreta

MÚNERA haec pro unióne pópuli christiáni tibi, Dómine, obláta sanctífica: per quae unitátis et pacis in Ecclésia tua nobis dona concédas. Per Dóminum.

Communio 1 Cor. 10, 17 Unus panis, et unum corpus multi sumus, omnes qui de uno pane et de uno cálice participámus. (T. P. Allelúja.)

Postcommunio

HAEC tua, Dómine, sumpta sacra commúnio: sicut fidélium in te uniónem praesígnat ; sic in tua Ecclésia unitátis, quaesumus, operétur efféctum. Per Dóminum.

MISSAE VOTIVAE AD DIVERSA

MISSA TEMPORE BELLI

Introitus **Ps. 24, 6, 3 et 22**

REMINÍSCERE miseratiónum tuárum, Dómine, et misericórdiae tuae, quae a saéculo sunt: ne umquam dominéntur nobis inimíci nostri: líbera nos, Deus Israël, ex ómnibus angústiiis nostris. (T. P. Allelúja, allelúja.)
) **Ps. ibid., 1-2** Ad te, Dómine, levávi ánimam meam: Deus meus, in te confído, non erubéscam. **Vl.** Glória Patri.

Oratio

DEUS, qui cónteris bella, et impugnatóres in te sperántium poténtia tuae defensiónis expúgnas: auxiliáre fámulis tuis, implorántibus misericórdiam tuam ; ut, inimicórum suórum feritáte depréssa, incessábili te gratiárum actióne laudémus. Per Dóminum.

Léctio Jeremíae Prophetae.

Jerem. 42, 1, 2 et 7-12

IN diébus illis: Accessérunt omnes príncipes bellatórum: dixerúntque ad Jeremíam prophétam: Ora pro nobis ad Dóminum Deum tuum. Et factum est verbum Dómini ad Jeremíam. Vocavítque omnes príncipes bellatórum, et univérsum pópulum a mínimo usque ad magnum. Et dixit ad eos: Haec dicit Dóminus Deus Israël, ad quem misístis me, ut prostérnerem preces vestras in conspéctu ejus: Si quiescéntes manséritis in terra hac, aedificábo vos, et non déstruam ; plantábo, et non evéllam: jam enim placátus sum super malo, quod feci vobis. Nolíte timére a fácie regis Babylónis, quem vos pávidi formidátis ; nolíte metúere eum, dicit Dóminus: quia vobíscum sum ego, ut salvos vos fáciam, et éruam de manu ejus. Et dabo vobis misericórdias, et miserébor vestri, et habitáre vos fáciam in terra vestra: dicit Dóminus omnipotens.

Graduale Ps. 76, 15-16 Tu es Deus, qui facis mirabília solus: notam fecísti in géntibus virtútem tuam. **Vl.** Liberásti in bráchio tuo pópulum tuum, fílios Israël et Joseph.

Allelúja , allelúja. **Vl. Ps. 58, 2** Eripe me de inimícis meis, Deus meus: et ab insurgéntibus in me líbera me. Allelúja.

Post Septuagesimam, omissis Allelúja et Versu sequenti, dicitur

Tractus Ps. 102, 10 Dómine, non secúndum peccáta nostra, quae fécimus nos: neque secúndum iniquitátes nostras retríbuas nobis. **Vl. Ps. 78, 8-9** Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. **Vl.** Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Ps. 58, 2** Eripe me de inimícis meis, Deus meus: et ab insurgéntibus in me líbera me. Allelúja. **Vl. Ibid., 17** Ego autem cantábo fortitúdinem tuam: et exsultábo mane misericórdiam tuam. Allelúja.

+ Sequéntia sancti Evangélii secúndum Matthaéum.

Matth. 24, 3-8

IN illo témpore: Accessérunt ad Jesum discípuli secréto, dicéntes: Dic nobis, quando haec erunt ? et quod signum advéntus tui, et consummationis saéculi ? Et respóndens Jesus, dixit eis: Vidéte, ne quis vos sedúcat. Multi enim vénient in nómine meo, dicéntes: Ego sum Christus: et multos sedúcent. Auditúri enim estis praélia, et opiniónes praeliórum. Vidéte ne turbémini. Opórtet enim haec fieri, sed nondum est finis. Consúrget enim gens in gentem, et regnum in regnum, et erunt pestiléntiae, et fames, et terraemótus per loca. Haec autem ómnia, inítia sunt dolórum.

Offertorium Ps. 17, 28 et 32 Pópulum húmitem salvum fácies, Dómine, et óculos superbórum humiliábis: quóniam quis Deus praeter te, Dómine ? (T. P. Allelúja.)

Secreta

SACRIFÍCIUM, Dómine, quod immolámus, inténde placátus: ut ab omni nos éruat bellórum nequítia, et in tuae protectiÓnis securitáte constítuat. Per Dóminum.

Communio Ps. 30, 3 Inclína aurem tuam: accélera, ut erípias nos. (T. P. Allelúja.)

Postcommunio

DEUS, regnórum ómnium regúmque dominátor, qui nos et percutiéndó sanas et ignoscéndo consérvas: praeténde nobis misericórdiam tuam ; ut tranquillitáte pacis, tua potestáte serváta, ad remédia correctiÓnis utámur. Per Dóminum.

MISSAE VOTIVAE AD DIVERSA

MISSA PRO PACE

Introitus **Eccli. 36, 18**

DA pacem, Dómine, sustinéntibus te, ut prophétae tui fidéles inveniántur: exáudi preces servi tui, et plebis tuae Israél. (T. P. Allelúja, allelúja.) **Ps. 121, 1** Laetátus sum in his, quae dicta sunt mihi: in domum Dómini íbimus. **V.** Glória Patri.

Oratio

DEUS, a quo sancta desidéria, recta consília et justa sunt ópera: da servis tuis illam, quam mundus dare non potest, pacem ; ut et corda nostra mandátis tuis dédita, et, hóstium subláta formídine, témpora sint tua protectione tranquílla. Per Dóminum.

Léctio libri Machabaeórum.

2 Mach. 1, 1-5

FRÁTRIBUS qui sunt per AEGýptum, Judaéis, salútem dicunt fratres, qui sunt in Jerosólymis Judaéi et qui in regiÓne Judaéae, et pacem bonam. Benefáciat vobis Deus, et memínerit testaméti sui, quod locútus est ad Abraham, et Isaac, et Jacob, servórum suórum fidélium: et det vobis cor ómnibus ut colátis eum, et faciátis ejus voluntátem, corde magno et ánimo voléti. Adapériat cor vestrum in lege sua et in praecéptis suis, et fáciat pacem. Exáudiat oratiÓnes vestras, et reconciliétur vobis, nec vos déserat in témpore malo, Dóminus Deus noster.

Graduale Ps. 121, 6-7 Rogáte quae ad pacem sunt Jerúsalem: et abundántia diligéntibus te. **V.** Fiat pax in virtúte tua: et abundántia in túribus tuis.

Allelúja , allelúja. **V.** **Ps. 147, 12** Lauda, Jerúsalem, Dóminum: lauda Deum tuum, Sion. Allelúja.

Post Septuagesimam, omissis Allelúja et Versu sequenti, dicitur

Tractus Ps. 75, 2-4 Notus in Judaéa Deus, in Israél magnum nomen ejus. **V.** Et factus est in pace locus ejus, et habitátio ejus in Sion. **V.** Ibi confrégit poténtias árcuum, scutum, gládium et bellum.

Tempore autem Paschali omittitur Graduale, et ejus loco dicitur:

Allelúja , allelúja. *V/. Ps. 147, 12* Lauda, Jerúsalem, Dóminum: lauda Deum tuum, Sion. Allelúja. *V/. Ibid., 14* Qui pósuit fines tuos pacem, et ádipe fruménti sátiat te. Allelúja.

+ Sequéntia sancti Evangélii secúndum Joánnem.
Joann. 20, 19-23

IN illo témpore: Cum sero esset die illo, una sabbatórum, et fores essent clausae, ubi erant discípuli congregáti propter metum Judaeórum: venit Jesus, et stetit in médio, et dixit eis: Pax vobis. Et cum hoc dixisset, osténdit eis manus, et latus. Gavísi sunt ergo discípuli, viso Dómino. Dixit ergo eis íterum: Pax vobis. Sicut misit me Pater, et ego mitto vos. Haec cum dixisset, insufflávit, et dixit eis: Accípite Spíritum Sanctum: quorum remiséritis peccáta, remittúntur eis: et quorum retinuéritis, reténta sunt.

Offertorium Ps. 134, 3 et 6 Laudáte Dóminum, quia benígnus est: psállite nómini ejus, quóniam suávis est: ómnia quaecúmque vóluit, fecit in caelo et in terra. (*T. P. Allelúja.*)

Secreta

DEUS, qui credétes in te pópulos nullis sinis cóncuti terróribus: dignáre preces et hóstias dicátae tibi plebis suscípere ; ut pax a tua pietáte concéssa, christianórum fines ab omni hoste fáciat esse secúros. Per Dóminum.

Communio Joann. 14, 27 Pacem relínquo vobis: pacem meam do vobis, dicit Dóminus. (*T. P. Allelúja.*)

Postcommunio

DEUS, auctor pacis et amátor, quem nosse vívere, cui servíre regnáre est: prótege ab ómnibus impugnationibus súpplikes tuos ; ut, qui in defénsiõe tua confídimus, nullíus hostilitátis arma timeámus. Per Dóminum.

MISSAE VOTIVAE AD DIVERSA

MISSA PRO VITANDA MORTALITATE

Introitus *2 Reg. 24, 16*

RECORDÁRE, Dómine, testaménti tui, et dic Angelo percutiénti: Cesset jam manus tua, et non desolétur terra, et ne perdas omnem ánimam vivéntem. (*T. P. Allelúja, allelúja.*) *Ps. 79, 2* Qui regis Israël, inténde: qui dedúcis, velut ovem, Joseph. *V/. Glória Patri.*

Oratio

DEUS, qui non mortem, sed paeniténtiam desíderas peccatórum: pópulum tuum ad te reverténtem propítius respice ; ut, dum tibi devótus exsístit, iracúndiae tuae flagélla ab eo cleménter amóveas. Per Dóminum.

Léctio Libri Regum.
2 Reg. 24, 15-19 et 25

IN diébus illis: Immísit Dóminus pestiléntiam in Israël, de mane usque ad tempus constitútum, et mórtui sunt ex pópulo, a Dan usque ad Bersabée, septuagínta míllia virórum. Cumque extendísset manum suam Angelus Dómini super Jerúsalem, ut dispénderet eam, misértus est Dóminus super afflictiónem, et ait Angelo percutiénti pópulum: Súfficit: nunc cóntine manum tuam. Erat autem Angelus Dómini juxta áream Aréuna Jebusaéi. Dixítque David ad Dóminum, cum vidísset Angelum caedéntem pópulum: Ego sum qui peccávi, ego iníque egi: isti, qui oves sunt, quid fecérunt ? Vertátur, óbsecro, manus tua contra me, et contra domum patris meí. Venit autem Gad prophéta ad David in die illa, et dixit ei: Ascénde, constítue altáre Dómino in área Aréuna Jebusaéi. Et ascéndit David juxta sermónem Gad, quem praecéperat ei Dóminus. Et aedificávit altáre Dómino, et obtulit holocáusta et pacífica: et propitiátus est Dóminus terrae, et cohíbita est plaga ab Israël.

Graduale Ps. 106, 20-21 Misit Dóminus verbum suum, et sanávit eos: et erípuit eos de morte eórum. *V/. Confiteántur Dómino misericórdiae ejus: et mirábília ejus filiis hóminum.*
Allelúja , allelúja. *V/. Ps. 68, 2* Salvum me fac, Deus, quóniam intravérunt aquae usque ad ánimam meam.

Post Septuagesimam, omissis Allelúja et Versu sequenti, dicitur

Tractus Ps. 102, 10 Dómine, non secúndum peccáta nostra, quae fécimur nos: neque secúndum iniquitátes nostras retríbuas nobis. *Vl. Ps. 78, 8-9* Dómine, ne memíneris iniquitátum nostrárum antiquárum: cito anticipent nos misericórdiae tuae, quia páuperes facti sumus nimis. *Vl.* Adjuva nos, Deus salutáris noster: et propter glóriam nóminis tui, Dómine, líbera nos: et propítius esto peccátis nostris, propter nomen tuum.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Ps. 68, 2* Salvum me fac, Deus, quóniam intravérunt aquae usque ad ánimam meam. Allelúja. *Vl. Zach. 8, 7 et 8* Salvábo pópulum meum Israél in die malo, et ero eis in Deum, in veritáte et justítia. Allelúja.

+ Sequéntia sancti Evangéllii secúndum Lucam.

Luc. 4, 38-44

IN illo témpore: Surgens Jesus de synagóga, introívit in domum Simónis. Socrus autem Simónis tenebátur magnis fébribus: et rogavérunt illum pro ea. Et stans super illam, imperávit febrí: et dimísit illam. Et contínuo surgens, ministrábat illis. Cum autem sol occidísset, omnes qui habébant infirmos váriis languóribus, ducébant illos ad eum. At ille síngulis manus impónens, curábat eos. Exíbant autem daemónia a multis, clamántia, et dicéntia: Quia tu es Fílius Dei: et íncrepans non sinébat ea loqui, quia sciébant ipsum esse Christum. Facta autem die egressus ibat in desértum locum, et turbae requirébant eum, et venérunt usque ad ipsum: et detinébant illum, ne discéderet ab eis. Quibus ille ait: Quia et áliis civitátibus opórtet me evangelizáre regnum Dei: quia ídeo missus sum. Et erat praedicans in synagógis Galilaéae.

Offertorium Num. 16, 48 Stetit pónitífex inter mórtuos et vivos, habens thuríbulum áureum in manu sua: et offerens incénsi sacrificium, placávit iram Dei, et cessávit quassátio a Dómino. (T. P. Allelúja.)

Secreta

SUBVÉNIAT nobis, quaésumus, Dómine, sacrificii praeséntis oblátio: quae nos et ab erróribus univérsis poténter absólvat, et a totíus erípiat perditiónis incúrsu. Per Dóminum.

Communio Luc. 6, 17, 18 et 19 Multitúdo languéntium, et qui vexabántur a spirítibus immúndis, veniébant ad eum: quia virtus de illo exibat, et sanábat omnes. (T. P. Allelúja.)

Postcommunio

EXÁUDI nos, Deus salutáris noster: et pópulum tuum ab iracúndiae tuae terróribus líberum, et misericórdiae tuae fac largitáte secúrum. Per Dóminum.

MISSAE VOTIVAE AD DIVERSA

MISSA AD POSTULANDAM GRATIAM SPIRITUS SANCTI

Dicitur Missa de Spiritu Sancto, ut supra, cum Orationibus ut infra.

Oratio

DEUS, cui omne cor patet et omnis volúntas lóquitur, et quem nullum latet secrétum: purífica per infusióem Sancti Spíritus cogitatióes cordis nostri; ut te perfécte dilígere, et digne laudáre mereámur. Per Dóminum nostrum Jesum Christum Fílium tuum, qui tecum vivit et regnat in unitáte ejúsdem Spíritus Sancti.

Secreta

HAEC oblátio, quaésumus, Dómine, cordis nostri máculas emúndet: ut Sancti Spíritus digna efficiátur habitátio. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti.

Postcommunio

CONCÉDE, quaesumus, omnipotens Deus, Sanctum nos Spíritum votis promereri sédulis: quatenus, ejus grátia, et ab ómnibus liberémur tentatióibus, et peccatórum nostrórum indulgéntiam percípere mereámur. Per Dóminum nostrum Jesum Christum Filium tuum: Qui tecum vivit et regnat in unitáte ejúsdem Spíritus Sancti.

MISSAE VOTIVAE AD DIVERSAMISSAPRO REMISSIONE PECCATORUM

Introitus Sap. 11, 24, 25 et 27

MISERÉRIS ómnium, Dómine, et nihil odisti eórum quae fecísti, dissímulans peccáta hóminum propter paeniténtiam et parcens illis: quia tu es Dóminus Deus noster. (T. P. Allelúja, allelúja.) Ps. 56, 2 Miserére mei, Deus, miserére mei: quóniam in te confídit ánima mea. V/. Glória Patri.

Oratio

EXÁUDI, quaesumus, Dómine, súpplícum preces, et confiténtium tibi parce peccátis: ut páriter nobis indulgéntiam tríbuas benígnus, et pacem. Per Dóminum.

Léctio Epístolae beáti Pauli Apóstoli ad Romános.

Rom. 7, 22-25

FRATRES: Condeléctor legi Dei secúndum interiorem hóminem: vídeo autem áliam legem in membris meis, repugnántem legi mentis meae, et captivántem me in lege peccáti, quae est in membris meis. Infélix ego homo, quis me liberábit de córpore mortis hujus ? Grátia Dei per Jesum Christum Dóminum nostrum.

Graduale Ps. 78, 9-10 Propítius esto, Dómine, peccátis nostris: ne quando dicant gentes: Ubi est Deus eórum ? V/. Ibid., 9 Adjuva nos, Deus salutáris noster: et propter honórem nóminis tui, Dómine, libera nos. Allelúja, allelúja. V/. Ps. 7, 12 Deus judex justus, fortis et pátiens: numquid iráscitur per síngulos dies ? Allelúja.

Post Septuagesimam, omissis Allelúja et Versu sequenti, dicitur

Tractus Ps. 129, 1-4 De profúndis clamávi ad te, Dómine: Dómine, exáudi vocem meam. V/. Fiant aures tuae intendéntes in oratióem servi tui. V/. Si iniquitátes observáveris, Dómine: Dómine, quis sustinébit ? V/. Quia apud te propitiátio est: et propter legem tuam sustínui te, Dómine.

Tempore autem Paschali omittitur Graduale, et ejus loco dicitur:

Allelúja, allelúja. V/. Ps. 7, 12 Deus judex justus, fortis et pátiens: numquid iráscétur per síngulos dies ? Allelúja. V/. Ps. 50, 10 Audítui meo dabis gáudium, et laetítiam: et exultábunt ossa humiliáta. Allelúja.

+ Sequéntia sancti Evangéllii secúndum Lucam.

Luc. 11, 9-13

IN illo témpore: Dixit Jesus discíplis suis: Péttite, et dábitur vobis: quaérite, et inveniétis: pulsáte, et aperiétur vobis. Omnis enim qui petit, áccipit: et qui quaerit, ínvenit: et pulsánti aperiétur. Quis autem ex vobis patrem petit panem: numquid lápidem dabit illi ? Aut pisces: numquid pro pisce serpéntem dabit illi ? Aut si petierit ovum: numquid pórriget illi scorpiónem ? Si ergo vos, cum sitis mali, nostis bona data dare fíliis vestris: quanto magis Pater vester de caelo dabit spíritum bonum peténtibus se ?

Offertorium Ps. 101, 2 Dómine, exáudi oratióem meam: et clamor meus ad te pervéniat. (T. P. Allelúja.)

Secreta

HÓSTIAS tibi, Dómine, placatiónis et laudis offérimus: ut et delícta nostra miserátus absólvas, et nutántia corda tu dírigas. Per Dóminum.

Communio Luc. 11, 9-10 Péttite, et accipiétis: quaérite, et inveniétis: pulsáte, et aperiétur vobis. Omnis enim

qui petit, accipit: et qui quaerit, invenit: et pulsánti aperiétur. (T. P. Allelúja.)

Postcommunio

PRAESTA nobis, aetérne Salvátor: ut, percipiéntes hoc múnere véniam peccatórum, deinceps peccáta vitémus. Per Dóminum.

MISSAE VOTIVAE AD DIVERSA

MISSA PRO PEREGRINANTIBUS ET ITER AGENTIBUS

Introitus Ps. 25, 11-12

RÉDIME me, Dómine, et miserére mei: pes enim meus stetit in via recta: in ecclésiis benedícam Dóminum. (T. P. Allelúja, allelúja.) Ps. *ibid.*, 1 Júdica me, Dómine, quóniam ego in innocentia mea ingressus sum: et in Dómino sperans non infirmábor. V/. Glória Patri.

Oratio

ADÉSTO, Dómine, supplicatióibus nostris: et viam famulórum tuórum in salutis tuae prosperitate dispóne ; ut inter omnes viae et vitae hujus varietates, tuo semper protegántur auxilio. Per Dóminum.

Léctio libri Génesis.

Gen. 28, 10-12, 13-15, 18 et 20-22

IN diébus illis: Egressus Jacob de Bersabée, pergébat Haran. Cumque venisset ad quemdam locum, et vellet in eo requiescere post solis occúbítum, tulit de lapídibus qui jacébant, et supponens cápiti suo, dormívit in eódem loco. Vidítque in somnis Dóminum dicéntem sibi: Ego sum Dóminus Deus Abraham patris tui, et Deus Isaac: terram, in qua dormis, tibi dabo et sémini tuo. Erítque semen tuum quasi pulvis terrae: dilatáberis ad Occidéntem, et Oriéntem, et Septentríonem, et Merídiem: et benedicéntur in te et in sémine tuo cunctae tribus terrae. Et ero custos tuus quocúmque perréxeris, et redúcam te in terram hanc ; nec dimíttam nisi complévero univérsa quae dixi. Surgens ergo Jacob mane, tulit lápidem, quem supposúerat cápiti suo, et eréxit in título, fundens óleum désuper. Vovit étiam votum, dicens: Si fúerit Deus mecum, et custodíerit me in via per quam ego ámbulo, et déderit mihi panem ad vescéndum, et vestiméntum ad induéndum, reversúsque fúero prospere ad domum patris mei: erit mihi Dóminus in Deum, et lapis iste, quem eréxi in título, vocábitur domus Dei: cunctorúmque, quae déderis mihi, décimas offeram tibi.

Graduale Ps. 22, 4 Si ámbulem in médio umbrae mortis, non timébo mala: quóniam tu mecum es, Dómine. V/. Virga tua, et báculus tuus, ipsa me consoláta sunt.

Allelúja , allelúja. V/. Ps. 118, 133 Gressus meos dirige secúndum elóquium tuum: ut non dominétur mei omnis injustítia. Allelúja.

Post Septuagesimam, omissis Allelúja et Versu sequenti, dicitur

Tractus Ps. 90, 11-13 Angelis suis Deus mandávit de te, ut custódiant te in ómnibus viis tuis. V/. In mánibus portábunt te, ne umquam offéndas ad lápidem pedem tuum. V/. Super áspidem et basilíscum ambulábis, et conculcábis leónem et dracónem.

Tempore autem Paschali omittitur Graduale, et ejus loco dicitur:

Allelúja , allelúja. V/. Ps. 118, 133 Gressus meos dirige secúndum elóquium tuum: ut non dominétur mei omnis injustítia. Allelúja. V/. Ps. 121, 1 Laetátus sum in his, quae dicta sunt mihi: in domum Dómini íbimus. Allelúja.

+ Sequéntia sancti Evangélii secúndum Matthaéum.

Matth. 10, 7-14

IN illo témpore: Dixit Jesus discípulis suis: Eúntes, praedicáte, dicéntes: Quia appropinquávit regnum caelórum. Infirmos curáte, mórtuos suscitáte, leprósos mundáte, daémones eijcíte: gratis accepístis, gratis date. Nolíte possidére aurum, neque argéntum, neque pecúniám in zonis vestris: non peram in via, neque duas túnicas, neque calceaménta, neque vírgam: dignus enim est operárius cibo suo. In quacúmque

autem civitatem, aut castellum intraveritis, interrogate quis in ea dignus sit: et ibi manete donec exeatis. Intrantes autem in domum, salutate eam, dicentes: Pax huic domui. Et si quidem fuerit domus illa digna, veniet pax vestra super eam: si autem non fuerit digna, pax vestra revertetur ad vos. Et quicumque non receperit vos, neque audierit sermones vestros: exeuntes foras de domo, vel de civitate, excutite pulverem de pedibus vestris.

Offertorium Ps. 16, 5 et 6-7 Perfice gressus meos in semitis tuis, ut non moveantur vestigia mea: inclina aurem tuam mihi, et exaudi verba mea: mirifica misericordias tuas, qui salvos facis sperantes in te, Domine. (T. P. Alleluja.)

Secreta

PROPITIARE, Domine, supplicationibus nostris, et has oblationes, quas tibi offerimus pro famulis tuis, benignus assume: ut viam illorum et praecedente gratia tua dirigas, et subsequente comitari digneris; ut de actu atque incolumitate eorum, secundum misericordiae tuae praesidia gaudeamus. Per Dominum.

Communio Ps. 118, 4-5 Tu mandasti mandata tua custodiri nimis: utinam dirigantur viae meae, ad custodiendas justificationes tuas. (T. P. Alleluja.)

Postcommunio

TUA, Domine, sacramenta quae sumpsimus, famulos tuos in te sperantes custodiant: et contra omnes adversos tueantur incursus. Per Dominum.

MISSAE VOTIVAE AD DIVERSA

MISSA PRO INFIRMIS

Introitus **Ps. 54, 2-3**

EXAUDI, Deus, orationem meam, et ne despexeris deprecationem meam: intende in me, et exaudi me. (T. P. Alleluja, alleluja.)

Ps. ibid., 3-4 Contristatus sum in exercitatione mea: et conturbatus sum a voce inimici, et a tribulatione peccatoris. **Vl.** Gloria Patri.

1 Pro pluribus infirmis Oratio

OMNIPOTENS sempiternus Deus, salus aeterna credentium: exaudi nos pro famulis tuis infirmis, pro quibus misericordiae tuae imploramus auxilium; ut, reddita sibi sanitate, gratiarum tibi in Ecclesia tua referant actiones. Per Dominum.

2 Pro uno infirmo Oratio

OMNIPOTENS sempiternus Deus, salus aeterna credentium: exaudi nos pro famulo tuo infirmo, pro quo (famula tua infirma, pro qua) misericordiae tuae imploramus auxilium; ut, reddita sibi sanitate, gratiarum tibi in Ecclesia tua referant actiones. Per Dominum.

Lectio Epistolae beati Jacobi Apostoli.

Jac. 5, 13-16

CARISSIMI: Tristatur aliquis vestrum? oret. Aequo animo est? psallat. Infirmatur quis in vobis? inducat presbyteros Ecclesiae, et orent super eum, ungentes eum oleo in nomine Domini: et oratio fidei salvabit infirmum, et alleviabit eum Dominus; et si in peccatis sit, remittentur ei. Confitemini ergo alterutrum peccata vestra, et orate pro invicem, ut salvemini.

Graduale Ps. 6, 3-4 Miserere mihi, Domine, quoniam infirmus sum: sana me, Domine. **Vl.** Conturbata sunt omnia ossa mea: et anima mea turbata est valde.

Alleluja, alleluja. **Vl. Ps. 101, 2** Domine, exaudi orationem meam, et clamor meus ad te perveniat. Alleluja.

Post Septuagesimam, omissis Alleluja et Versu sequenti, dicitur

Tractus Ps. 30, 10-11 Miserere mei, Domine, quoniam tribulor: conturbatus est in ira oculus meus, anima

mea, et venter meus. *V.* Quóniam defécit in dolóre vita mea, et anni mei in gemítibus. *V.* Infirmáta est in paupertáte virtus mea: et ossa mea conturbáta sunt.

Tempore autem Paschali omittitur Graduale, et ejus loco dicitur:

Allelúja , allelúja. *V.* **Ps. 101, 2** Dómine, exáudi oratióem meam: et clamor meus ad te pervéniat. Allelúja. *V.* **Ps. 27, 7** In Deo sperávit cor meum, et adjútus sum: et reflóruit caro mea, et ex voluntáte mea confitébör ei. Allelúja.

+ Sequéntia sancti Evangéllii secúndum Matthaéum.

Matth. 8, 5-13

IN illo témpore: Cum introísset Jesus Caphárnaum, accéssit ad eum centúrio, rogans eum, et dicens: Dómine, puer meus jacet in domo paralýticus, et male torquétur. Et ait illi Jesus: Ego véniam, et curábo eum. Et respóndens centúrio, ait: Dómine, non sum dignus, ut intres sub tectum meum: sed tantum dic verbo, et sanábitur puer meus. Nam et ego homo sum sub potestáte constitútus, habens sub me mílites, et dico huic: Vade, et vadit; et álii: Veni, et venit; et servo meo: Fac hoc, et facit. Audiens autem Jesus, mirátus est, et sequéntibus se dixit: Amen dico vobis, non invéni tantam fidem in Israël. Dico autem vobis, quod multi ab Oriénte et Occidénte vénient, et recúmbent cum Abraham, et Isaac, et Jacob in regno caelórum: filii autem regni ejiéuntur in ténebras exterióres: ibi erit fletus et stridor déntium. Et dixit Jesus centurióni: Vade, et sicut credidísti, fiat tibi. Et sanátus est puer in illa hora.

Offertorium Ps. 54, 2-3 Exáudi, Deus, oratióem meam, et ne despéxeris deprecatióem meam: inténde in me, et exáudi me. (**T. P.** Allelúja.)

1 Pro pluribus infirmis

Secreta

DEUS, cujus nútibus vitæ nostræ moménta decúrrunt: súscipe preces et hóstias famulórum tuórum, pro quibus aegrotántibus misericórdiam tuam implorámus; ut, de quórum perículo metúimus, de eórum salúte laetémur. Per Dóminum.

2 Pro uno infirmo

Secreta

DEUS, cujus nútibus vitæ nostræ moménta decúrrunt: súscipe preces et hóstias famuli tui, pro quo (fámulae tuæ, pro qua) aegrotánte misericórdiam tuam implorámus; ut, de cujus perículo metúimus, de ejus salúte laetémur. Per Dóminum.

Communio Ps. 30, 17-18 Illúmina fáciem tuam super servum tuum, et salvum me fac in tua misericórdia: Dómine, non confúndar, quóniam invocávi te. (**T. P.** Allelúja.)

1 Pro pluribus infirmis

Postcommunio

DEUS, infirmitátis humánae singuláre praesídium: auxilií tui super infirmos fámulos tuos osténde virtútem; ut, ope misericórdiae tuæ adjúti, Ecclésiæ tuæ sanctæ incólumes repraesentári mereántur. Per Dóminum.

2 Pro uno infirmo

Postcommunio

DEUS, infirmitátis humánae singuláre praesídium: auxilií tui super infirmum fámulum tuum (infirmam fámulam tuam) osténde virtútem; ut, ope misericórdiae tuæ adjútus (adjúta), Ecclésiæ tuæ sanctæ incólumis repraesentári mereátur. Per Dóminum.

* **Pro infirmo qui proximus est morti, dicuntur sequentes Orationes:**

Oratio

OMNÍPOTENS et miséricors Deus, qui humano géneri et salútis remédia, et vitæ aetérnae múnera contulísti: réspice propítius fámulum tuum (fámulam tuam) infirmitáte córporis laborántem, et ánimam réfove, quam creásti; ut in hora éxitus illíus, absque peccáti mácula tibi Creatóri suo per manus sanctórum Angelórum repraesentári mereátur. Per Dóminum.

Secreta

SÚSCIPLE, quaesumus, Dómine, hóstiam, quam tibi offerimus pro fámulo tuo (fámula tua) in extrémó vitae constitúto (constitúta): et concéde, ut per eam univérsa illíus purgéntur delícta ; ut, qui (quae) tuae dispositiÓNis flagéllis in hac vita attéritur, in futúra réquiem consequátur aetérnam. Per Dóminum.

Postcommunio

QUSUMUS cleméntiam tuam, omnípotens Deus, ut per hujus virtútem sacraménti, fámulum tuum (fámulam tuam) grátia tua confirmáre dignéris: ut in hora mortis ejus non praeváleat contra eum (eam) adversárius: sed cum Angelis tuis tránsitum habére mereátur ad vitam. Per Dóminum.

* Eadem Oratio dici potest in plurali.

MISSAE VOTIVAE AD DIVERSA

MISSA AD POSTULANDAM GRATIAM BENE MORIENDI

Introitus Ps. 12, 4

ILLÚMINA óculos meos, ne umquam obdórmiam in morte, ne quando dicat inimícus meus: Praeválui advérsus eum. (T. P. Allelúja, allelúja.) Ps. *ibid.*, 1 Usquequo, Dómine, obliviscéris me in finem ? úsquequo avértis fáciem tuam a me ? V/. Glória Patri.

Oratio

OMNÍPOTENS et miséricors Deus, qui humano géneri et salutis remédia, et vitae aetérnae múnera contulísti: respice propítius nos fámulos tuos, et ánimas réfove, quas creásti ; ut in hora éxitus eárum, absque peccáti mácula tibi Creatóri suo per manus sanctórum Angelórum repraesentári mereántur. Per Dóminum.

Léctio Epístolae beáti Pauli Apóstoli ad Romános.

Rom. 14, 7-12

FRATRES: Nemo nostrum sibi vivit, et nemo sibi móritur. Sive enim vívimus, Dómino vívimus: sive mórimur, Dómino mórimur. Sive ergo vívimus, sive mórimur, Dómini sumus. In hoc enim Christus mórtuus est et resurréxit: ut et mortuórum, et vivórum dominétur. Tu autem quid júdicas fratrem tuum ? aut tu quare spernis fratrem tuum ? Omnes enim stábimus ante tribúnal Christi. Scriptum est enim: Vivo ego, dicit Dóminus, quóniam mihi flectétur omne genu: et omnis lingua confitébatur Deo. Itaque unusquisque nostrum pro se ratióem reddet Deo.

Graduale Ps. 22, 4 Si ámbulem in médio umbrae mortis, non timébo mala: quóniam tu mecum es, Dómine. V/. Virga tua et báculo tuus, ipsa me consoláta sunt.

Allelúja, allelúja. V/. Ps. 30, 2-3 In te, Dómine, sperávi, non confúndar in aetérnum: in justítia tua líbera me, et éripe me: inclína ad me aurem tuam, accélera, ut erípias me. Allelúja.

Post Septuagesimam, omissis Allelúja et Versu sequenti, dicitur

Tractus Ps. 24, 17-18 et 1-4 De necessitátibus meis éripe me, Dómine: vide humilitátem meam et labórem meum: et dimitte ómnia peccáta mea. V/. Ad te, Dómine, levávi ánimam meam: Deus meus, in te confído, non erubéscam: neque irrídeant me inimíci mei. V/. Etenim univérsi, qui te expéctant, non confundéntur: confundántur omnes faciéntes vana.

Tempore autem Paschali omittitur Graduale, et ejus loco dicitur:

Allelúja, allelúja. V/. Ps. 113, 1 In éxitu Israél de AEgypto, domus Jacob de pópulo bárbaro. Allelúja. V/. Ps. 107, 2 Parátum cor meum, Deus, parátum cor meum: cantábo et psallam tibi, glória mea. Allelúja.

+ Sequéntia sancti Evangéllii secúndum Lucam.

Luc. 21, 34-36

IN illo témpore: Dixit Jesus discíplis suis: Atténdite vobis, ne forte gravéntur corda vestra in crápula, et ebrietáte, et curis hujus vitae: et supervéniat in vos repentina dies illa: tamquam láqueus enim supervéniet

in omnes, qui sedent super fáciem omnis terrae. Vigiláte itaque, omni témpore orántes, ut digni habeámini fúgere ista ómnia, quae futúra sunt, et stare ante Fílium hóminis.

Offertorium Ps. 30, 15-16 In te sperávi, Dómine ; dixi: Tu es Deus meus: in mánibus tuis témpora mea. (T. P. Allelúja.)

Secreta

SÚSCIBE, quaésumus, Dómine, hóstiam, quam tibi offérimus pro extrémó vitae nostrae, et concéde: ut per eam univérsa nostra purgéntur delícta ; ut, qui tuae dispositiÓNis flagéllis in hac vita attérimur, in futúra réquiem consequámur aetérnam. Per Dóminum.

Communio Ps. 70, 16-17 et 18 Dómine, memorábor justítiae tuae solíus: Deus, docuísti me a juventúte mea: et usque in senéctam et sénium, Deus, ne derelínquas me. (T. P. Allelúja.)

Postcommunio

QUSUMUS cleméntiam tuam, omnípotens Deus, ut per hujus virtútem sacraménti nos fámulos tuos grátia tua confirmáre dignéris: ut in hora mortis nostrae non praeváleat contra nos adversárius ; sed cum Angelis tuis tránsitum habére mereámur ad vitam. Per Dóminum.

MISSAE VOTIVAE AD DIVERSA

MISSA PRO QUACUMQUE NECESSITATE

Introitus

SALUS pópuli ego sum, dicit Dóminus: de quacúmque tribulatiÓne clamáverint ad me, exáudiam eos: et ero illórum Dóminus in perpétuum. (T. P. Allelúja, allelúja.) Ps. 77, 1 Atténdite, pópule meus, legem meam: inclináte aurem vestram i n verba oris mei. V/. Glória Patri.

Oratio

INEFFÁBILEM misericórdiam tuam, Dómine, nobis cleméter osténde: ut simul nos et a peccátis ómnibus éxuas ; et a poenis, quas pro his merémur, erípias. Per Dóminum.

Léctio Jeremíae Prophetae.

Jerem. 14, 7-8 et 9

SI iniquitátes nostrae respónderint nobis: Dómine, fac propter nomen tuum, quóniam multae sunt aversiÓnes nostrae: tibi peccávimus. Exspectátió Israél, salvátor ejus in témpore tribulatiÓnis. Tu autem in nobis es, Dómine, et nomen tuum invocátum est super nos, ne derelínquas nos, Dóminus Deus noster.

Graduale Ps. 43, 8-9 Liberásti nos, Dómine, ex affligéntibus nos: et eos, qui nos odérunt, confudísti. V/. In Deo laudábimur tota die, et in nómine tuo confitébimur in saécula. Allelúja, allelúja. V/. Ps. 78, 9-10 Propítius esto, Dómine, peccátis nostris: ne quando dicant gentes: Ubi est Deus eórum ? Allelúja.

Post Septuagesimam, omissis Allelúja et Versu sequenti, dicitur

Tractus Ps. 24, 17-18 et 1-4 De necessitatibus meis éripe me, Dómine: vide humilitátem meam, et labórem meum: et dimítte ómnia peccáta mea. V/. Ad te, Dómine, levávi ánimam meam: Deus meus, in te confído, non erubéscam: neque irrideant me inimíci mei. V/. Etenim univérsi qui te expéctant, non confundéntur: confundántur omnes faciéntes vana.

Tempore autem Paschali omittitur Graduale, et ejus loco dicitur:

Allelúja, allelúja. V/. Ps. 78, 9-10 Propítius esto, Dómine, peccátis nostris: ne quando dicant gentes: Ubi est Deus eórum ? Allelúja. V/. Ps. 30, 8 Exsultábo et laetábó in misericórdia tua, quóniam respexísti humilitátem meam: salvásti de necessitatibus ánimam meam. Allelúja.

+ Sequéntia sancti Evangélii secúndum Marcum.

Marc. 11, 22-26

IN illo tēpore: Dixit Jesus discipulis suis: Habéte fidem Dei. Amen dico vobis, quia quicumque dixerit huic monti: Tóllere, et mittere in mare, et non haesitáverit in corde suo, sed crediderit, quia quodcumque dixerit, fiat, fiet ei. Propterea dico vobis: Omnia quaecumque orántes pétitis, créдите quia accipiétis, et evénient vóbis. Et cum stábitis ad orándum, dimíttite, si quid habétis advérsus áliquem: ut et Pater vester, qui in caelis est, dimíttat vobis peccáta vestra. Quod si vos non dimiserítis: nec Pater vester, qui in caelis est, dimíttet vobis peccáta vestra.

Offertorium Ps. 137, 7 Si ambulávero in médio tribulatiónis, vivificábis me, Dómine: et super iram inimicórum meórum exténdes manum tuam, et salvum me fáciet dextera tua. (T. P. Allelúja.)

Secreta

PURÍFICET nos, Dómine, quaésumus, múneris praeséntis oblátio: et dignos sacra participatióne perficiat. Per Dóminum.

Communio Ps. 118, 49-50 Meménto verbi tui servo tuo, Dómine, in quo mihi spem dedísti: haec me consoláta est in humilitáte mea. (T. P. Allelúja.)

Postcommunio

PRAESTA, quaésumus, Dómine: ut, terrénis afféctibus expiáti, ad supérni plenitúdinem sacraménti, cujus libávimus sancta, tendámus. Per Dóminum.

MISSAE VOTIVAE AD DIVERSA**MISSA
PRO GRATIARUM ACTIONE**

* Dicitur Missa de Ssma Trinitate, vel de Spiritu Sancto, vel de beata Maria Virgine, aut de aliquo Sancto canonizato, in Martyrologio Romano descripto, additis, sub unica conclusione etiam in Missis privatis, sequentibus Orationibus.

Oratio

DEUS, cujus misericórdiae non est númerus, et bonitátis infínitus est thesáurus: piíssimae majestáti tuae pro collátis donis grátias ágimus, tuam semper cleméntiam exorántes ; ut, qui peténtibus postuláta concédís, eósdem non déserens, ad praémia futúra dispónas. Per Dóminum.

Secreta

ODÓREM, Dómine, sacrificii hujus cum gratiárum actiúnibus súscipe, et praesta: ut quos exaudíre et incólumes serváre dignátus es, ab omni in pósterum adversitáte custódias ; et in tuo servítio et amóre concrécant. Per Dóminum.

Postcommunio

DEUS, qui néminem in te sperántem, nímium afflígi permíttis, sed pium précibus praestas audítum: pro postulatióibus nostris votisque suscéptis grátias ágimus, te piíssime deprecántes ; ut per haec quae súmpsimus, a cunctis éripi mereámur advérsis. Per Dóminum.

ORATIONES DIVERSAE**DICENDAE AD LIBITUM
JUXTA RUBRICAS****1
AD POSCENDA SUFFRAGIA**

Oratio

CONCÉDE, quaesumus, omnipotens Deus: ut intercessio sanctae Dei Genitricis Mariae, sanctorumque omnium Apostolorum, Martyrum, Confessorum, atque Virginum, et omnium electorum tuorum, nos ubique laetificet; ut, dum eorum merita recolimus, patrocinia sentiamus. Per eundem Dominum.

Secreta

OBLÁTIS, Dómine, placare munéribus: et, intercedente beata María semper Virgine, cum omnibus Sanctis tuis, a cunctis nos defénde perículis. Per Dóminum.

Postcommunio

SÚMPSIMUS, Dómine, beatae Mariae semper Virginis et omnium Sanctorum tuorum memoriam recolentes, sacramenta caelestia: praesta, quaesumus; ut, quod temporaliter gerimus, aeternis gaudiis consequamur. Per Dóminum.

2
Alia Oratio ut supra

Oratio

A CUNCTIS nos, quaesumus, Dómine, mentis et corporis defénde perículis: et, intercedente beata et gloriosa semper Virgine Dei Genitrice María, cum beato Joseph, beatis Apóstolis tuis Petro et Paulo, atque beato N. et omnibus Sanctis, salutem nobis tribue benignus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte. Per eundem Dóminum.

* In praefata Oratione A cunctis, sicut et in ejus Postcommunione ad litteram N. exprimitur nomen Titularis propriae Ecclesiae, dummo do Titulus non sit Persona divina, vel Mysterium Domini, aut de ipso Titulo non dicatur Missa, aut facta non sit Commemoratio, aut illius nomen non sit in eadem Oratione A cunctis expressum; ac nomina sanctorum Angelorum, et sancti Joannis Baptistae, si Titulares fuerint, praeponuntur nomini sancti Joseph. In hisce autem omnibus casibus omittuntur verba atque beato N. Si vero Missa vel Commemoratio fuerint de sancto Joseph aut de sanctis Apóstolis Petro et Paulo, in Oratione et Postcommunione omittuntur verba quae eos respiciunt.

Secreta

EXÁUDI nos, Deus, salutáris noster: ut, per hujus sacraménti virtútem, a cunctis nos mentis et corporis hóstibus tueáris; grátiam tribuens in praesénti, et glóriam in futúro. Per Dóminum.

Postcommunio

MUNDET et múniat nos, quaesumus, Dómine, divíni sacraménti munus oblátum: et, intercedente beata Virgine Dei Genitrice María, cum beato Joseph, beatis Apóstolis tuis Petro et Paulo, atque beato N. et omnibus Sanctis; a cunctis nos reddat et perversitatibus expiátos, et adversitatibus expeditos. Per eundem Dóminum.

* Vel, si Missa aut Commemoratio fuerint de sancta Maria:

Oratio

A CUNCTIS nos, quaesumus, Dómine, mentis et corporis defénde perículis: et, intercedente beato Joseph, cum beatis Apóstolis tuis Petro et Paulo, atque beato N. et omnibus Sanctis, salutem nobis tribue benignus et pacem; ut, destrúctis adversitatibus et erróribus univérsis, Ecclésia tua secúra tibi sérviat libertáte. Per Dóminum.

Secreta

EXÁUDI nos, Deus, salutáris noster: ut, per hujus sacraménti virtútem, a cunctis nos mentis et corporis hóstibus tueáris; grátiam tribuens in praesénti, et glóriam in futúro. Per Dóminum.

Postcommunio

MUNDET et múniat nos, quaésumus, Dómine, divíni sacraménti munus oblátum: et, intercedénte beáto Joseph, cum beátis Apóstolis tuis Petro et Paulo, atque beato **N.** et ómnibus Sanctis ; a cunctis nos reddat et perversitatibus expiátos, et adversitatibus expeditos. Per Dóminum.

3 Pro omni gradu Ecclesiae

Oratio

OMNÍPOTENS sempitérne Deus, cujus Spíritu totum corpus Ecclesiae sanctificátur et régitur: exáudi nos pro univéris ordínibus supplicántes ; ut, grátiae tuae múnere, ab ómnibus tibi grádibus fidéliter serviátur. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem.

Secreta

DA fámulis tuis, Dómine, indulgéntiam peccatórum, consolatióem vitae, gubernatióem perpétuam: ut, tibi serviéntes, ad tuam júgiter misericórdiam pervenire mereántur. Per Dóminum.

Postcommunio

LÍBERA, quaésumus, Dómine, a peccátis et hóstibus fámulos tuos, tibi supplicántes: ut, in sancta conversatióne vivéntes, nullis affciántur advérsis. Per Dóminum.

4 Pro Papa

Oratio

DEUS, ómnium fidélium pastor et rector, fámulum tuum **N.**, quem pastórem Ecclesiae tuae praeesse voluísti, propítius respice: da ei, quaésumus, verbo et exémplo, quibus praeest, proficere ; ut ad vitam, una cum grege sibi crédito, perveniat sempitérnam. Per Dóminum.

Secreta

OBLÁTIS, quaésumus, Dómine, placáre munéribus: et fámulum tuum **N.**, quem pastórem Ecclesiae tuae praeesse voluísti, assídua protectióe gubérna. Per Dóminum.

Postcommunio

HAEC nos, quaésumus, Dómine, divíni sacraménti percéptio prótegat: et fámulum tuum **N.**, quem pastórem Ecclesiae tuae praeesse voluísti ; una cum commísso sibi grege, salvet semper, et múniat. Per Dóminum.

5 Pro Imperatore

Oratio

DEUS, regnórum ómnium, et christiáni máxime protéctor impérii: da servo tuo imperatóri nostro **N.** triúmphum virtútis tuae sciénter excólere ; ut, qui tua institutióne est princeps, tuo sit semper múnere potens. Per Dóminum.

* **Si non est coronatus, dicatur:** elécto imperatóri.

Secreta

SÚSCIPE, Dómine, preces et hóstias Ecclesiae tuae, pro salúte fámuli tui supplicántis: et in protectióe fidélium populórum, antíqua bráchii tui operáre miracula ; ut, superátis pacis inimícis, secúra tibi sérviat christiána libértas. Per Dóminum.

Postcommunio

DEUS, qui ad praedicándum aetérni Regis Evangélium, Románum impérium praeparásti: praeténde fámulo tuo imperatóri nostro **N.** arma caeléstia ; ut pax ecclesiárum nulla turbétur tempestáte bellórum. Per Dóminum.

6 Pro Rege

Oratio

QUSUMUS, omnípotens Deus: ut fámulus tuus **N.**, rex noster, qui tua miseratióne suscepit regni gubernácula, virtútum étiam ómnium percípiat increménta ; quibus decénter ornátus, et vitiórum monstra devitáre, et ad te, qui via, véritas, et vita es, gratiósus váleat pervenire. Per Dóminum.

Secreta

MÚNERA, Dómine, quaésumus, obláta sanctífica: ut et nobis Unigéniti tui corpus et sanguis fiant ; et regi nostro ad obtinéndam ánima, corporisque salútem, et peragéndum injúctum offícium, te largiénte, usquequáque proficiant. Per eúmdem Dóminum.

Postcommunio

HAEC, Dómine, oblátio salutáris fámulum tuum **N.**, regem nostrum, ab ómnibus tueátur advérsis: quátenuis et ecclesiásticae pacis obtíneat tranquillitátem ; et post hujus témporis decúrsum, ad aetérnam pervéniat hereditátem. Per Dóminum.

7 Pro praelatis et congregationibus eis commissis

Oratio

OMNÍPOTENS sempitérne Deus, qui facis mirabília magna solus: praeténde super fámulos tuos, et super congregatiónes illis commíssas, spíritum grátiae salutáris ; et, ut in veritáte tibi compláceant, perpétuum eis rorem tuae benedictiónis infúnde. Per Dóminum.

Secreta

HÓSTIAS, Dómine, famulórum tuórum placátus inténde: et quas in honórem nóminis tui devóta mente pro eis celebrámus, profícere sibi séntiant ad medélam. Per Dóminum.

Postcommunio

QUOS caelésti récreas múnere, perpétuo, Dómine, comitáre praesídio: et, quos fovére non désinis, dignos fíeri sempitérna redemptiόne concéde. Per Dóminum.

8 Pro congregatione et familia

Oratio

DEFÉNDE, quaésumus, Dómine, beáta María semper Vírgine intercedénte, istam ab omni adversitáte famíliam: et toto corde tibi prostrátam, ab hóstium propítius tuére cleménter insídiis. Per Dóminum.

Secreta

SÚSCIPE, quaésumus, omnípotens Deus, oblatiόnem nostrae devotiόnis: et per virtútem hujus sacraménti, fámulos tuos a cunctis adversitatibus prótege. Per Dóminum.

Postcommunio

SUMPTIS redemptiόnis nostrae munéribus: praesta, quaésumus, miséricors Deus ; eórum nobis celebratiόne, tuae protectiόnis contra omnes adversitatés subsidiū. Per Dóminum.

9 Pro concordia in congregatione servanda

Oratio

DEUS, largitor pacis, et amator caritatis: da famulis tuis veram cum tua voluntate concordiam; ut ab omnibus, quae nos pulsant, tentationibus liberemur. Per Dominum.

Secreta

HIS sacrificiis, Domine, quaesumus, concede placatus: ut, qui propriis oramus absolvi delictis, non gravemur externis. Per Dominum.

Postcommunio

SPIRITUM nobis, Domine, tuae caritatis infunde: ut, quos uno pane caelesti satiasti, tua facias pietate concordes. Per Dominum... in unitate ejusdem.

10

Contra persecutores Ecclesiae

Oratio

ECCLÉSIAE tuae, quaesumus, Domine, preces placatus admittite: ut, destructis adversitatibus et erroribus universis, secura tibi serviat libertate. Per Dominum.

Secreta

PROTEGE nos, Domine, tuis mysteriis servientes: ut, divinis rebus inhaerentes, et corpore tibi famulemur, et mente. Per Dominum.

Postcommunio

QUOSUMUS, Domine Deus noster: ut, quos divina tribuis participatione gaudere, humanis non sinas subjacere periculis. Per Dominum.

11

**Contra persecutores
et male agentes**

Oratio

HÓSTIUM nostrorum, quaesumus, Domine, elide superbiam: et eorum contumaciam dexterarum tuae virtute prosterne. Per Dominum.

Secreta

HUJUS, Domine, virtute mysterii, et a propriis mundemur occultis, et ab inimicorum liberemur insidiis. Per Dominum.

Postcommunio

PROTECTOR noster aspice, Deus, et ab inimicorum nos defende periculis: ut, omni perturbatione submota, liberis tibi mentibus serviamus. Per Dominum.

12

Pro quacumque necessitate

* **Omittitur Dominica 22a post Pentecosten.**

Oratio

DEUS, refugium nostrum et virtus: adesto piis Ecclesiae tuae precibus, auctor ipse pietatis, et praesta; ut, quod fideliter petimus, efficaciter consequamur. Per Dominum.

Secreta

DA, misericors Deus: ut haec salutaris oblatio et a propriis nos reatibus indesinenter expediat, et ab

ómnibus tueátur advérsis. Per Dóminum.

Postcommunio

SÚMPSIMUS, Dómine, sacri dona mystérii, humíliter deprecántes: ut, quae in tui commemoratióem nos fácere praecepísti, in nostrae proficiant infirmitátis auxiliúm: Qui vivis.

13

Pro quacumque tribulatione

Oratio

NE despicias, omnipotens Deus, pópulum tuum in afflictióné clamántem: sed propter glóriam nóminis tui, tribulátis succúrre placátus. Per Dóminum.

Secreta

SÚSCIPE, Dómine, propítius hóstias, quibus et te placári voluísti, et nobis salútem poténti pietáte restítui. Per Dóminum.

Postcommunio

TRIBULATIÓEM nostram, quaesumus, Dómine, propítius respice: et iram tuae indignatiónis, quam juste merémur, avérte. Per Dóminum.

14

Tempore famis

Oratio

DA nobis, quaesumus, Dómine, piae supplicatiónis efféctum: et famem propitiátus avérte ; ut mortálium corda cognóscant, et te indignánte tália flagélla prodíre, et te miseránte cessáre. Per Dóminum.

Secreta

DEUS, qui humáni géneris utrámque substántiam, praeséntium múnerum et aliménto végetas, et rénovas sacraménto: tríbue, quaesumus ; ut eórum et corpóribus nostris subsidiúm non desit, et méntibus. Per Dóminum.

Postcommunio

GUBÉRNA, quaesumus, Dómine, temporálibus aliméntis: quos dignáris aetérnis informáre mystériis. Per Dóminum.

15

Tempore terraemotus

Oratio

OMNÍPOTENS sempitérne Deus, qui respicis terram et facis eam trémere: parce metuéntibus, propitiáre supplícibus ; ut, cujus iram terrae fundaménta concutiéntem expávimus, cleméntiam contritiónes ejus sanántem júgiter sentiámus. Per Dóminum.

Secreta

DEUS, qui fundásti terram super stabilitátem suam, súscipe oblatiões et preces pópuli tui: ac, treméntis terrae perículis pénitus amótiis, divínae tuae iracúndiae terróres in humanae salútis remédia convérte ; ut, qui de terra sunt et in terram reverténtur, gaudeant se fieri sancta conversatióne caeléstes. Per Dóminum.

Postcommunio

TUÉRE nos, Dómine, quaesumus, tua sancta suméntes: et terram, quam vídimus nostris iniquitátibus treméntem, supérno múnere firma ; ut mortálium corda cognóscant, et te indignánte tália flagélla prodíre, et te miseránte, cessáre. Per Dóminum.

16

Ad petendam pluviam

Oratio

DEUS, in quo vivimus, movemur et sumus: pluviam nobis tribue congruentem ; ut, praesentibus subsidiis sufficienter adjuti, sempiterna fiducialius appetamus. Per Dominum.

Secreta

OBLATIS, quaesumus, Domine, placare munibus: et opportunum nobis tribue pluviae sufficientis auxilium. Per Dominum.

Postcommunio

DA nobis, quaesumus, Domine, pluviam salutarem: et aridam terrae faciem fluentis caelestibus dignanter infunde. Per Dominum.

17

Ad postulandam serenitatem

Oratio

AD te nos, Domine, clamantes exaudi: et aëris serenitatem nobis tribue supplicantes ; ut, qui juste pro peccatis nostris affligimur, misericordia tua praeveniente, clementiam sentiamus. Per Dominum.

Secreta

PRAEVENIAT nos, quaesumus, Domine, gratia tua semper, et subsequatur: et has oblationes, quas pro peccatis nostris nomini tuo consecrandas deferimus, benignus assume ; ut, per intercessionem Sanctorum tuorum, cunctis nobis proficiant ad salutem. Per Dominum.

Postcommunio

QUSUMUS, omnipotens Deus, clementiam tuam: ut inundantiam coerceas imbrum, et hilaritatem vultus tui nobis impertiri digneris. Per Dominum.

18

Ad repellendas tempestates

Oratio

A DOMO tua, quaesumus, Domine, spiritales nequities repellantur: et aërearum discédant malignitas tempestatum. Per Dominum.

Secreta

OFFERIMUS tibi, Domine, laudes et munera, pro concessis beneficiis gratias referentes, et pro concedendis semper suppliciter deprecantes. Per Dominum.

Postcommunio

OMNIPOTENS sempiternus Deus, qui nos et castigando sanas et ignoscendo conservas: praesta supplicibus tuis ; ut et tranquillitatibus hujus optatae consolationis laetemur, et dono tuae pietatis semper utamur. Per Dominum.

19

TEMPORE pestis animalium

Oratio

DEUS, qui laboribus hominum etiam de mutis animalibus solatia subrogasti: supplices te rogamus ; ut, sine quibus non alitur humana conditio, nostris facias usibus non perire. Per Dominum.

Secreta

SACRIFICIIS, Dómine, placátus oblátis: opem tuam nostris tempóribus cleménter impénde. Per Dóminum.

Postcommunio

BENEDICTIÓNEM tuam, Dómine, pópulus fidélis accípiat, qua córpore salvétur, et mente: et cóngruam tibi exhibeat servitútem, et propitiatiónis tuae benefícia semper invéniat. Per Dóminum.

20**Pro seipso Sacerdote****Oratio**

OMNÍPOTENS et miséricors Deus, humilitátis meae preces benígnus inténde: et me fámulum tuum, quem, nullis suffragántibus méritis, sed imménsa cleméntiae tuae largitáte, caeléstibus mystériis servíre tribuísti, dignum sacris altáribus fac ministrum ; ut, quod mea voce deprómitur, tua sanctificatióne firmétur. Per Dóminum.

Secreta

HUJUS, Dómine, virtúte sacraménti, peccatórum meórum máculas abstérge: et praesta ; ut ad exsequéndum injúcti officii ministérium, me tua grátia dignum effíciat. Per Dóminum.

Postcommunio

OMNÍPOTENS sempitérne Deus, qui me peccatórem sacris altáribus astáre voluísti, et sancti nóminis tui laudáre poténtiam: concéde propítius, per hujus sacraménti mystérium, meórum mihi véniam peccatórum ; ut tuae majestáti digne mérear famulári. Per Dóminum.

21**Pro petitione lacrimarum****Oratio**

OMNÍPOTENS et mitíssime Deus, qui sitiénti pópulo fontem vivéntis aquae de petra produxísti: educ de cordis nostri durítia lácrimas compunctiúnis ; ut peccáta nostra plángere valeámus, remissionémque eórum, te miseránte, mereámur accípere. Per Dóminum.

Secreta

HANC oblatiónem, quaésumus, Dómine Deus, quam tuae majestáti pro peccátis nostris offérimus, propítius réspice: et produc de óculis nostris lacrimárum flúmina, quibus débita flammárum incéndia valeámus exstíngere. Per Dóminum.

Postcommunio

GRÁTIAM Spíritus Sancti, Dómine Deus, córdibus nostris cleménter infúnde: quae nos gemítibus lacrimárum effíciat máculas nostrórum dilúere peccatórum ; atque optátae nobis, te largiénte, indulgéntiae praestet efféctum. Per Dóminum **in unitáte ejúsdem.**

22**Pro remissione peccatorum****Oratio**

DEUS, qui nullum réspuis, sed quantúmvis peccántibus, per paeniténtiam pia miseratióne placáris: réspice propítius ad preces humilitátis nostrae, et illúmina corda nostra ; ut tua valeámus implére praecépta. Per Dóminum.

Secreta

PRAESENS sacrificium, Dómine, quod tibi pro delictis nostris offérimus, sit tibi munus accéptum: et tam vivéntibus quam defúntis profíciat ad salútem. Per Dóminum.

Postcommunio

EXÁUDI preces famíliæ tuæ, omnípotens Deus: et præsta ; ut sancta hæc, quæ a te sumpsimus, incorrupta in nobis, te donante, serventur. Per Dóminum.

23**Pro publice pAEnitentibus****Oratio**

OMNÍPOTENS sempitærne Deus, confiténtibus tibi fámulis tuis pro tua pietáte reláxa peccáta: ut non ámplius eis nóceat consciéntiæ reátus ad poenam, quam indulgéntia tuæ propitiatiónis prosit ad véniam. Per Dóminum.

Secreta

PRAESTA, quaesumus, omnípotens et miséricors Deus: ut hæc salutáris oblátio fámulos tuos et a própriis reátibus indesinenter expédiat, et ab ómnibus tueátur advérsis. Per Dóminum.

Postcommunio

OMNÍPOTENS et miséricors Deus, qui omnem ánimam paeniténtem et confiténtem tibi, magis vis emendáre quam pérdere: réspice super hos fámulos tuos ; et per hæc sancta sacraménta quæ sumpsimus, avérte ab eis iram indignatiónis tuæ, et ómnia eórum peccáta dimítte. Per Dóminum.

24**Pro tentatis et tribulatis****Oratio**

DEUS, qui justificas ípium, et non vis mortem peccatóris, majestátem tuam suppliciter deprecámur: ut fámulos tuos de tua misericórdia confidéntes, caelésti prótegas benígnus auxílio, et assídua protectióne consérves ; ut tibi júgiter famuléntur, et nullis tentatióibus a te separéntur. Per Dóminum.

Secreta

HUJUS, quaesumus, Dómine, virtúte mystérii, et a própriis nos munda delíctis, et fámulos tuos ab ómnibus absólve peccátis. Per Dóminum.

Postcommunio

PURÍFICENT nos, quaesumus, Dómine, sacraménta quæ sumpsimus: et fámulos tuos ab omni culpa líberos esse concéde ; ut, qui consciéntiæ reátu constringúntur, caeléstis remédii plenitúdine gloriéntur. Per Dóminum.

25**Ad repellendas
malas cogitationes****Oratio**

OMNÍPOTENS et mitíssime Deus, réspice propítius ad preces nostras: et líbera corda nostra de malárum tentatióibus cogitatiónum: ut Sancti Spíritus dignum fieri habitáculum mereámur. Per Dóminum **in**
unitáte ejúsdem.

Secreta

HAS tibi, Dómine, offérimus oblatiónes pro salúte nostra: quátenus ánimas nostras ab immúndis cogitatióibus purges, illaesásque custódiás, et Sanc ti Spíritus grátia illumináre dignéris. Per Dóminum **in**
unitáte ejúsdem.

Postcommunio

DEUS, qui illúminas omnem hóminem veniéntem in hunc mundum: illúmina, quaésumus, corda nostra grátiae tuae splendóre ; ut digna ac plácita majestáti tuae cogitáre semper, et te sincére dilígere valeámus. Per Dóminum.

26

Ad postulandam continentiam

Oratio

URE igne Sancti Spíritus renes nostros et cor nostrum, Dómine: ut tibi casto córpore serviámus, et mundo corde placeámus. Per Dóminum **in unitáte ejúsdem.**

Secreta

DIRÚMPE, Dómine, víncula peccatórum nostrórum: et, ut sacrificáre tibi hóstiam laudis absolúta libertáte ac munda mente possímus, retríbue quae ante tribuísti ; et salva nos per indulgéntiam, quos dignátus es salváre per grátiam. Per Dóminum.

Postcommunio

DÓMINE, adjútor et protéctor noster, ádjuva nos: et reflóreat cor et caro nostra vigóre pudicítiae, et castimóniae novitáte ; ut per hoc sacrificium, quod tuae obtúlimus pietáti, ab ómnibus tentatióibus emundémur. Per Dóminum.

27

Ad postulandam humilitatem

Oratio

DEUS, qui supérbis resístis, et grátiam praestas humílibus: concéde nobis verae humilitátis virtútem, cujus in se formam fidélibus Unigénitus tuus exhibuit ; ut numquam indignatióem tuam provocémus eláti, sed pótius grátiae tuae capiámus dona subjécti. Per eúmdem Dóminum.

Secreta

HAEC oblátio, Dómine, quaésumus, verae nobis humilitátis grátiam obtíneat: simúlque a córdibus nostris concupiscéntiam carnis et oculórum, atque ambitióem saéculi áuferat ; quátenus sóbrie, juste, piéque vivéntes, praémia consequámur aetérna. Per Dóminum.

Postcommunio

HUJUS, Dómine, sacraménti percéptio peccatórum nostrórum máculas abstérget: et nos per humilitátis exhibitiónem ad caeléstia regna perdúcat. Per Dóminum.

28

Ad postulandam patientiam

Oratio

DEUS, qui Unigéniti tui paciéntia antíqui hostis contrivísti supérbiam: da nobis, quaésumus, quae idem pie pro nobis pértulit, digne recólere ; sicque, exémplo ejus, nobis adversántia aequanímiter toleráre. Per eúmdem Dóminum.

Secreta

MÚNERA nostrae oblatiónis, quaésumus, Dómine, suscipe placátus: quae, ut nobis paciéntiae donum largíri dignéris, majestáti tuae devóta offérimus actiÓne. Per Dóminum.

Postcommunio

MYSTÉRIA, Dómine, sacrosáncta quae sumpsimus, amíssam nobis, quaésumus, reconcíliant grátiam: atque munus paciéntiae in illátis ómnibus, semper et ubíque protegéndo, impértiant. Per Dóminum.

29Ad postulandam caritatem

Oratio

DEUS, qui diligéntibus te facis cuncta prodésse: da córdibus nostris inviolábilem tuae caritátis afféctum ; ut desidéria, de tua inspiratióne concépta, nulla possint tentatióne mutári. Per Dóminum.

Secreta

DEUS, qui nos ad imáginem tuam sacraméntis rénovas et praecéptis: pérfice gressus nostros in sémitis tuis ; ut caritátis donum, quod fecísti a nobis sperári, per haec, quae offérimus sacrificia, fácias veráciter apprehénderi. Per Dóminum.

Postcommunio

SANCTI Spíritus grátia, quaesumus, Dómine, corda nostra illúminet: et perféctae caritátis dulcédine abundánter reficiat. Per Dóminum **in unitáte ejúsdem.**

30Pro devotis amicis

Oratio

DEUS, qui caritátis dona per grátiam Sancti Spíritus tuórum fidélium córdibus infudísti: da fámulis et famulábus tuis, pro quibus tuam deprecámur cleméntiam, salútem mentis et cóporis ; ut te tota virtúte díligant et, quae tibi plácita sunt, tota dilectiÓne perficiant. Per Dóminum... in unitáte ejúsdem.

Secreta

MISERÉRE, quaesumus, Dómine, fámulis et famulábus tuis, pro quibus hoc sacrificium laudis tuae offérimus majestáti: ut, per haec sancta, supérnae benedictiÓnis grátiam obtíneant, et glóriam aetérnae beatitúdinis acquirant. Per Dóminum.

Postcommunio

DIVÍNA libántes mystéria, quaesumus, Dómine: ut haec salutária sacraménta illis proficiant ad prosperitátem et pacem ; pro quorum quarúmque dilectiÓne haec tuae obtúlimus majestáti. Per Dóminum.

31Pro inimicis

Oratio

DEUS, pacis caritátisque amátor et custos: da ómnibus inimícis nostris pacem caritatémque veram ; et cunctórum eis remissiónem tríbue peccatórum, nosque ab eórum insídiis poténter éripe. Per Dóminum.

Secreta

OBLÁTIS, quaesumus, Dómine, placáre munéribus: et nos ab inimícis nostris cleménter éripe, eisque indulgéntiam tríbue delictórum. Per Dóminum.

Postcommunio

HAEC nos commúnio, Dómine, éruat a delictis: et ab inimicórum deféndat insídiis. Per Dóminum.

32Pro constituto in carcere,
vel in captivitate

Oratio

DEUS, qui beátum Petrum Apóstolum a vínculis absolútum, illaésam abíre fecísti: fámuli tui in captivitate pósiti víncula absólve ; eúmque ipsíus méritis illaésam abíre concéde. Per Dóminum.

Secreta

SUPER has, quaesumus, Domine, hostias benedictio copiosa descendat: quae captivi hujus vincula solvat, et de ejus liberatione nos cito laetificet. Per Dominum.

Postcommunio

PRECES nostras, quaesumus, Domine, clementer exaudi: et per haec sacramenta quae sumpsimus, famulum tuum a vinculis suae captivitatis absolvet. Per Dominum.

Eadem Oratio in plurali.**Oratio**

DEUS, qui beatum Petrum Apostolum a vinculis absolutum, illaesum abire fecisti: famulorum tuorum in captivitate positorum vincula absolvet; eosque ipsius meritis illaesos abire concede. Per Dominum.

Secreta

SUPER has, quaesumus, Domine, hostias benedictio copiosa descendat: quae captivorum horum vincula solvat, et de eorum liberatione nos cito laetificet. Per Dominum.

Postcommunio

PRECES nostras, quaesumus, Domine, clementer exaudi: et per haec sacramenta quae sumpsimus, famulos tuos a vinculis suae captivitatis absolvet. Per Dominum.

33**Pro navigantibus****Oratio**

DEUS, qui transtulisti patres nostros per Mare Rubrum, et transvexisti eos per aquam nimiam, laudem tui nominis decantantes: te suppliciter deprecamur; ut in navi famulos tuos, repulsis adversitatibus, portu semper optabili cursuque tranquillo tuearis. Per Dominum.

Secreta

SUSCIPE, quaesumus, Domine, preces famulorum tuorum, cum oblationibus hostiarum: et eos, pro quibus tua mysteria celebramus, ab omnibus defende periculis. Per Dominum.

Postcommunio

SANCTIFICATI divino mysterio, majestatem tuam, Domine, suppliciter deprecamur, et petimus: ut famulos tuos, quos donis facis caelestibus memorari; per lignum sanctae Crucis, et a peccatis abstrahas, et a periculis cunctis miseratus eripias. Per Dominum.

34**Pro salute vivorum****Oratio**

PRAETENDE, Domine, fidelibus tuis dexteram caelestis auxilii: ut te toto corde perquirant, et quae digne postulant, consequi mereantur. Per Dominum.

Secreta

PROPITIARE, Domine, supplicationibus nostris, et has oblationes fidelium tuorum, quas tibi pro incolumitate eorum offerimus, benignus assume: et, ut nullus sit irritum votum, nullus vacua postulatio, praesta, quaesumus; ut, quod fideliter petimus, efficaciter consequamur. Per Dominum.

Postcommunio

DA fidelibus tuis, quaesumus, Domine, in tua fide et sinceritate constantiam: ut, in caritate divina firmati, nullis tentationibus ab ejus integritate vellantur. Per Dominum.

35**Pro vivis et defunctis****Oratio**

OMNÍPOTENS sempitérne Deus, qui vivórum domináris simul et mortuórum, omniúmque miseréris, quos tuos fide et ópere futúros esse prae-nóscis: te súpplīces exorámus ; ut, pro quibus effúndere preces decrévimus, quosque vel praesens saéculum adhuc in carne rétinēt, vel futúrum jam exútos córpore suscepit, intercedéntibus ómnibus Sanctis tuis, pietátis tuae cleméntia ómnium delictórum suórum véniam consequántur. Per Dóminum.

Secreta

DEUS, cui soli cógnitus est númerus electórum in supérna felicitáte locándus: tríbue, quaésumus ; ut, intercedéntibus ómnibus Sanctis tuis, universórum, quos in oratióne commendátos suscepimus, et ómnium fidélium nómina, beátae praedestinatiónis liber adscrípta retíneat. Per Dóminum.

Postcommunio

PURÍFICENT nos, quaésumus, omnípotens et miséricors Deus, sacraménta quae sumpsimus: et, intercedéntibus ómnibus Sanctis tuis, praesta ; ut hoc tuum sacraméntum non sit nobis reátus ad poenam, sed intercessio salutáris ad véniam: sit ablútio scélerum, sit fortitúdo fragílium, sit contra ómnia mundi perícula firmaméntum: sit vivórum atque mortuórum fidélium remissio ómnium delictórum. Per Dóminum.

MISSAE DEFUNCTORUM

IN COMMEMORATIONE OMNIUM FIDELIUM DEFUNCTORUM

- * Hac die dicuntur Missae, uti habentur in Proprio Sanctorum ad diem 2 Novembris.
- * Pro Defuncto Summo Pontifice, tum in die obitus, seu depositionis, tum in anniversario, dicitur prima Missa ex iis quae habentur in Commemoratione omnium Fidelium Defunctorum, adhibitis tamen Orationibus, quae infra habentur inter Orationes diversas. Idem servatur pro defunctis Cardinalibus, Episcopis et Sacerdotibus, cum Orationibus propriis item ut infra inter Orationes diversas.

IN DIE OBITUS SEU DEPOSITIONIS DEFUNCTI

Introitus **4 Esdr. 2, 34 et 35**

RÉQUIEM aetérnam dona eis, Dómine: et lux perpétua lúceat eis. Ps. 64, 2-3 Te decet hymnus, Deus, in Sion, et tibi reddétur votum in Jerúsalem: exáudi oratióne meam, ad te omnis caro véniet. Réquiem aetérnam.

Oratio

DEUS, cui próprium est miseréri semper et párcere, te súpplīces exorámus pro ánima fámuli tui **N.** (fámulae tuae **N.**), quam hódie de hoc saéculo migráre jussísti: ut non tradas eam in manus inimíci, neque obliviscáris in finem, sed júbeas eam a sanctis Angelis súscipi et ad pátriam paradísi perdúci ; ut, quia in te sperávit et crédidit, non poenas inférni sustíneat, sed gáudia aetérna possídeat. Per Dóminum.

In die III, VII et XXX

Oratio

QUSUMUS, Dómine, ut ánimae fámuli tui **N.** (fámulae tuae **N.**), cujus depositiÓnis diem tértium (vel séptimum, vel trigésimum) commemorámus, Sanctórum atque electórum tuórum largíri dignéris consórtium: et rorem misericórdiae tuae perénnem infúndas. Per Dóminum.

Lectio Epistolae beati Pauli Apostoli ad Thessalonicenses.

1 Thess. 4, 13-18

FRATRES: Nolumus vos ignorare de dormientibus, ut non contristemini, sicut et ceteri, qui spem non habent. Si enim credimus quod Jesus mortuus est, et resurrexit: ita et Deus eos, qui dormierunt per Jesum, adducet cum eo. Hoc enim vobis dicimus in verbo Domini, quia nos, qui vivimus, qui residui sumus in adventum Domini, non praeveniemus eos, qui dormierunt. Quoniam ipse Dominus in jussu, et in voce Archangeli, et in tuba Dei descendet de caelo: et mortui, qui in Christo sunt, resurgent primi. Deinde nos, qui vivimus, qui relinquimur, simul rapiemur cum illis in nubibus obviam Christo in aera, et sic semper cum Domino erimus. Itaque consolamini invicem in verbis istis.

Graduale 4 Esdr. 2, 34 et 35 Réquiem aeternam dona eis, Domine: et lux perpetua luceat eis. *Vl. Ps. 111, 7* In memoria aeterna erit justus: ab auditione mala non timebit.

Tractus Absolve, Domine, animas omnium fidelium defunctorum ab omni vinculo delictorum. *Vl.* Et gratia tua illis succurrente, mereantur evadere iudicium ultionis. *Vl.* Et lucis aeternae beatitudine perfrui.

Sequentia

DIES irae, dies illa,
Solvat saeculum in favilla:
Teste David cum Sibylla.
Quantus tremor est futurus,
Quando iudex est venturus,
Cuncta stricte discussurus !
Tuba, mirum spargens sonum
Per sepulcra regionum,
Coget omnes ante thronum.
Mors stupébit, et natura,
Cum resurget creatura,
Judicanti responsura.
Liber scriptus proferetur,
In quo totum continetur,
Unde mundus iudicetur.
Judex ergo cum sedébit,
Quidquid latet, apparébit:
Nil inúltum remanébit.
Quid sum miser tunc dicturus ?
Quem patrónum rogaturus,
Cum vix justus sit securus ?
Rex treméndae majestátis,
Qui salvándos salvas gratis,
Salva me, fons pietátis.
Recordáre, Jesu pie,
Quod sum causa tuae viae:
Ne me perdas illa die.
Quaerens me, sedísti lassus:
Redemísti Crucem passus:
Tantus labor non sit cassus.
Juste iudex ultiónis,
Donum fac remissionis
Ante diem ratiónis.
Ingemísco, tamquam reus:
Culpa rubet vultus meus:
Supplicánti parce, Deus.
Qui Mariám absolvísti,
Et latrónem exaudísti,
Mihi quoque spem dedísti.
Preces meae non sunt dignae:
Sed tu bonus fac benígne,
Ne perénni cremer igne.
Inter oves locum praesta,
Et ab haedis me sequéstra,
Státuens in parte dextra.
Confutátis maledíctis,
Flammis ácribus addíctis,

Voca me cum benedíctis.
Oro supplex et acclínis,
Cor contrítum quasi cinis:
Gere curam mei finis.
Lacrimósa dies illa,
Qua resúrget ex favílla
Judicándus homo reus:
Huic ergo parce, Deus.
Pie Jesu Dómine,
Dona eis réquiem. Amen.

+ Sequéntia sancti Evangéllii secúndum Joánnem.
Joann. 11, 21-27

IN illo témpore: Dixit Martha ad Jesum: Dómine, si fuísses hic, frater meus non fuíisset mórtuus: sed et nunc scio, quia quaecúmque popósceris a Deo, dabit tibi Deus. Dicit illi Jesus: Resúrget frater tuus. Dicit ei Martha: Scio quia resúrget in resurrectióne in novíssimo die. Dixit ei Jesus: Ego sum resurrectio et vita: qui credit in me, étiam si mórtuus fúerit, vivet: et omnis qui vivit, et credit in me, non moriétur in aetérnum. Credis hoc ? Ait illi: Utique, Dómine, ego credídi, quia tu es Christus Fílius Dei vivi, qui in hunc mundum venísti.

Offertorium Dómine Jesu Christe, Rex glóriæ, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaél repraeséntet eas in lucem sanctam: * Quam olim Abrahae promisísti, et sémini ejus. **VI.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Quam** olim Abrahae promisísti, et sémini ejus.

Secreta

PROPITIÁRE, quaésumus, Dómine, ánimae fámuli tui **N.** (fámulae tuae **N.**), pro qua hóstiam laudis tibi immolámus, majestátem tuam supplíciter deprecántes: ut, per haec pia placatiónis offícia, perveníre mereátur ad réquiem sempitérnam. Per Dóminum.

In die III, VII et XXX

Secreta

MÚNERA, quaésumus, Dómine, quae tibi pro ánima fámuli tui **N.** (fámulae tuae **N.**), offérimus, placátus inténde: ut, remédiis purgáta caeléstibus, in tua pietáte requiéscat. Per Dóminum.

Praefatio Defunctorum.

Communio 4 Esdr. 2, 35 et 34 Lux aetérna lúceat eis, Dómine: * Cum Sanctis tuis in aetérnum: quia pius es. **VI.** Réquiem aetérnam dona eis, Dómine: et lux perpétua lúceat eis. **Cum** Sanctis tuis in aetérnum: quia pius es.

Postcommunio

PRAESTA, quaésumus, omnípotens Deus: ut ánima fámuli tui **N.** (fámulae tuae **N.**), quae hódie de hoc saéculo migrávit, his sacrificiis purgáta et a peccátis expedita, indulgéntiam páriter et réquiem cápiat sempitérnam. Per Dóminum.

In die III, VII et XXX

Postcommunio

SÚSCIPE, Dómine, preces nostras pro ánima fámuli tui **N.** (fámulae tuae **N.**): ut, si quae ei máculae de terrénis contágiis adhaesérunt, remissiónis tuae misericórdia deleántur. Per Dóminum.

* **In die tertio, septimo et trigesimo depositionis defuncti, dicitur Missa ut supra, exceptis Orationibus, ibidem notatis.**

**IN ANNIVERSARIO
DEFUNCTORUM**

Introitus 4 Esdr. 2, 34 et 35

RÉQUIEM aeternam dona eis, Dómine: et lux perpétua lúceat eis. Ps. 64, 2-3 Te decet hymnus, Deus, in Sion, et tibi reddétur votum in Jerúsalem: exáudi oratióem meam, ad te omnis caro véniet. Réquiem aeternam.

Pro uno Defuncto vel una Defuncta
Oratio

DEUS, indulgentiarum Dómine: da animae fámuli tui **N.** (fámulae tuae **N.**), cujus anniversárium depositiõnis diem commemorámus, refrigerií sedem, quiétis beatitúdinem, et lúminis claritátem. Per Dóminum.

Pro pluribus Defunctis
Oratio

DEUS, indulgentiarum Dómine: da animábus famulorum famularúmque tuárum, quorum anniversárium depositiõnis diem commemorámus, refrigerií sedem, quiétis beatitúdinem, et lúminis claritátem. Per Dóminum.

Léctio libri Machabaeorum.
2 Mach. 12, 43-46

IN diébus illis: Vir fortíssimus Judas, facta collatióne, duódecim míllia drachmas argénti misit Jerosólymam, offérri pro peccátis mortuorum sacrificium, bene et religióse de resurrectiõe cógitans (nisi enim eos, qui ceciderant, resurrectúros speráret, supérfluum viderétur et vanum oráre pro mórtuis): et quia considerábat quod hi, qui cum pietáte dormitióem accéperant, óptimam habérent repósitam grátiam. Sancta ergo et salúbris est cogitátiõ pro defúntcis exoráre, ut a peccátis solvántur.

Graduale 4 Esdr. 2, 34 et 35 Réquiem aeternam dona eis, Dómine: et lux perpétua lúceat eis. **V.** Ps. 111, 7 In memória aeterna erit justus: ab auditiõe mala non timébit.

Tractus Absólve, Dómine, ánimas ómnium fidélium defunctorum ab omni vínculo delictórum. **V.** Et grátia tua illis succurrénte, mereántur evádere júdicium ultiõnis. **V.** Et lucis aeternae beatitúdine pérfrui.

Sequentia

DIES irae, dies illa,
Solvét saeculum in favílla:
Teste David cum Sibýlla.
Quantus tremor est futúrus,
Quando judex est ventúrus,
Cuncta stricte discussúrus !
Tuba, mirum spargens sonum
Per sepúlcrá regiõnum,
Coget omnes ante thronum.
Mors stupébit, et natúra,
Cum resúrget creatúra,
Judicánti responsúra.
Liber scriptus proferétur,
In quo totum continétur,
Unde mundus judicétur.
Judex ergo cum sedébit,
Quidquid latet, apparébit:
Nil inúltum remanébit.
Quid sum miser tunc dictúrus ?
Quem patrónum rogatúrus,
Cum vix justus sit secúrus ?
Rex treméndae majestátis,
Qui salvándos salvas gratis,
Salva me, fons pietátis.
Recordáre, Jesu pie,
Quod sum causa tuae viae:
Ne me perdas illa die.
Quaerens me, sedísti lassus:
Redemísti Crucem passus:
Tantus labor non sit cassus.
Juste judex ultiõnis,
Donum fac remissiõnis
Ante diem ratiõnis.

Ingemisco, tamquam reus:
Culpa rubet vultus meus:
Supplicánti parce, Deus.
Qui Mariám absolvísti,
Et latrónem exaudísti,
Mihi quoque spem dedísti.
Preces meae non sunt dignae:
Sed tu bonus fac benígne,
Ne perénni cremer igne.
Inter oves locum praesta,
Et ab haedis me sequéstra,
Státuens in parte dextra.
Confutátis maledíctis,
Flammis ácribus addíctis,
Voca me cum benedíctis.
Oro supplex et acclínis,
Cor contrítum quasi cinis:
Gere curam mei finis.
Lacrimósa dies illa,
Qua resúrget ex favílla
Judicándus homo reus:
Huic ergo parce, Deus.
Pie Jesu Dómine,
Dona eis réquiem. Amen.

+ Sequéntia sancti Evangélii secúndum Joánnem.

Joann. 6, 37-40

IN illo témpore: Dixit Jesus turbis Judaeórum: Omne, quod dat mihi Pater, ad me véniet: et eum, qui venit ad me, non ejiciam foras: quia descéndi de caelo, non ut fáciam voluntátem meam, sed voluntátem ejus, qui misit me. Haec est autem volúntas ejus, qui misit me, Patris: ut omne, quod dedit mihi, non perdam ex eo, sed resúscitem illud in novíssimo die. Haec est autem volúntas Patris mei, qui misit me: ut omnis, qui videt Fílium et credit in eum, hábeat vitam aetérnam, et ego resuscitábo eum in novíssimo die.

Offertorium Dómine Jesu Christe, Rex glóriæ, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repraeséntet eas in lucem sanctam: * Quam olim Abrahae promisísti, et sémini ejus. **Vl.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fáci-mus: fac eas, Dómine, de morte transíre ad vitam. **Q**uam olim Abrahae promisísti, et sémini ejus.

Pro uno Defuncto vel una Defuncta
Secreta

PROPITIÁRE, Dómine, supplicatió-nibus nostris, pro ánima fámuli tui **N.** (fámulae tuae **N.**), cujus hódie ánnua dies ágitur: pro qua tibi offérimus sacrificium laudis ; ut eam Sanctórum tuórum consórtio sociáre dignéris. Per Dóminum.

Pro pluribus Defunctis
Secreta

PROPITIÁRE, Dómine, supplicatió-nibus nostris, pro animábus famulórum famularúmque tuárum, quorum hódie ánnua dies ágitur: pro quibus tibi offérimus sacrificium laudis ; ut eas Sanctórum tuórum consórtio sociáre dignéris. Per Dóminum.

Praefatio Defunctorum.

Communio 4 Esdr. 2, 35 et 34 Lux aetérna lúceat eis, Dómine: * Cum Sanctis tuis in aetérnum: quia pius es. **Vl.** Réquiem aetérnam dona eis, Dómine: et lux perpétua lúceat eis. **C**um Sanctis tuis in aetérnum: quia pius es.

Pro uno Defuncto vel una Defuncta
Postcommunio

PRAESTA, quaésumus, Dómine: ut ánima fámuli tui **N.** (fámulae tuae **N.**), cujus anniversárium depositi-ónis

diem commemorámus ; his purgáta sacrificiis, indulgéntiam páriter et réquiem cápiat sempitérnam. Per Dóminum.

**Pro pluribus Defunctis
Postcommunio**

PRAESTA, quaésumus, Dómine: ut ánimae famulórum famularúmque tuárum, quorum anniversárium depositiónis diem commemorámus ; his purgátae sacrificiis, indulgéntiam páriter et réquiem cápíant sempitérnam. Per Dóminum.

IN MISSIS QUOTIDIANIS
DEFUNCTORUM

Introitus **4 Esdr. 2, 34 et 35**

RÉQUIEM aetérnam dona eis, Dómine: et lux perpétua lúceat eis. Ps. 64, 2-3 Te decet hymnus, Deus, in Sion, et tibi reddétur votum in Jerúsalem: exáudi oratióem meam, ad te omnis caro véniet. Réquiem aetérnam.

* Si Missa applicetur pro Defunctis in genere, dicuntur sequentes Orationes ; si vero applicetur pro Defunctis certo designatis, prima dicitur pro iisdem Defunctis (deficiente vel ignorata designatione dicitur Oratio Deus, véniae largitor) , secunda ad libitum, tertia Fidélium pro omnibus Defunctis.

**Pro defunctis Episcopis seu Sacerdotibus
Oratio**

DEUS, qui inter apostólicos Sacerdótes, fámulos tuos pontificáli seu sacerdotáli fecísti dignitáte vigére: praesta, quaésumus ; ut eórum quoque perpétuo aggregéntur consórtio. Per Dóminum.

**Pro defunctis fratribus, propinquis et benefactoribus
Oratio**

DEUS, véniae largitor et humánae salútis amátor: quaésumus cleméntiam tuam ; ut nostrae congregatiónis fratres, propinquos et benefactóres, qui ex hoc saéculo transiérunt, beáta María semper Vírgine intercedénte cum ómnibus Sanctis tuis, ad perpétuae beatitúdinis consórtium pervenire concédas. (Per Dóminum).

**Pro omnibus fidelibus defunctis
Oratio**

FIDÉLIUM, Deus, ónium cónditor et redemptor: animábus famulórum famularúmque tuárum remissionem cunctórum tríbe peccatórum ; ut indulgéntiam, quam semper optavérunt, piis supplicatióibus consequántur: Qui vivis.

Léctio libri Apocalýpsis beáti Joánnis Apóstoli.
Apoc. 14, 13

IN diébus illis: Audívi vocem de caelo, dicéntem mihi: Scribe: Beáti mórtui, qui in Dómino moriúntur. Amodo jam dicit Spíritus, ut requiéscent a labóribus suis: ópera enim illórum sequúntur illos.

Graduale 4 Esdr. 2, 34 et 35 Réquiem aetérnam dona eis, Dómine: et lux perpétua lúceat eis. **V/. Ps. 111, 7** In memória aetérna erit justus: ab auditióne mala non timébit.

Tractus Absólve, Dómine, ánimas ónium fidélium defunctorúm ab omni vínculo delictórum. **V/. Et grátia** tua illis succurrénte, mereántur evádere júdicium ultiónis. **V/. Et lucis aetérnae beatitúdine pérfrui.**

**Sequentia,
quae in Missis lectis omitti potest ad libitum Sacerdotis.**

DIES irae, dies illa,
Solvat saeculum in favilla:
Teste David cum Sibylla.
Quantus tremor est futurus,
Quando iudex est venturus,
Cuncta stricte discussurus !
Tuba, mirum spargens sonum
Per sepúlcrá regiónum,
Coget omnes ante thronum.
Mors stupébit, et natúra,
Cum resúrget creatúra,
Judicánti responsúra.

Liber scriptus proferetur,
In quo totum continetur,
Unde mundus judicetur.
Judex ergo cum sedébit,
Quidquid latet, apparébit:
Nil inúltum remanébit.
Quid sum miser tunc dictúrus ?
Quem patrónum rogatúrus,
Cum vix justus sit secúrus ?
Rex treméndae majestátis,
Qui salvándos salvas gratis,
Salva me, fons pietátis.
Recordáre, Jesu pie,
Quod sum causa tuae viae:
Ne me perdas illa die.
Quaerens me, sedísti lassus:
Redemísti Crucem passus:
Tantus labor non sit cassus.
Juste judex ultiónis,
Donum fac remissiónis
Ante diem ratiónis.
Ingemísco, tamquam reus:
Culpa rubet vultus meus:
Supplicánti parce, Deus.
Qui Mariám absolvísti,
Et latrónem exaudísti,
Mihi quoque spem dedísti.
Preces meae non sunt dignae:
Sed tu bonus fac benígne,
Ne perénni cremer igne.
Inter oves locum praesta,
Et ab haedis me sequéstra,
Státuens in parte dextra.
Confutátis maledíctis,
Flammis ácribus addíctis,
Voca me cum benedíctis.
Oro supplex et acclínis,
Cor contrítum quasi cinis:
Gere curam mei finis.
Lacrimósa dies illa,
Qua resúrget ex favílla
Judicándus homo reus:
Huic ergo parce, Deus.
Pie Jesu Dómine,
Dona eis réquiem. Amen.

+ Sequéntia sancti Evangéllii secúndum Joánnem.

Joann. 6, 51-55

IN illo témpore: Dixit Jesus turbis Judaeórum: Ego sum panis vivus, qui de caelo descéndi. Si quis manducáverit ex hoc pane, vivet in aetérnum: et panis, quem ego dabo, caro mea est pro mundi vita. Litigábant ergo Judaéi ad ínvicem, dicéntes: Quómodo potest hic nobis carnem suam dare ad manducándum ? Dixit ergo eis Jesus: Amen, amen dico vobis: nisi manducavéritis carnem Fílii hóminis, et bibéritis ejus sánguinem, non habébitis vitam in vobis. Qui mandúcat meam carnem, et bibit meum sánguinem, habet vitam aetérnam: et ego resuscitábo eum in novíssimo die.

Offertorium Dómine Jesu Christe, Rex glóriæ, líbera ánimas ómnium fidélium defunctorum de poenis inférni et de profúndo lacu: líbera eas de ore leónis, ne absórbeat eas tártarus, ne cadant in obscúrum: sed sígnifer sanctus Míchaël repraeséntet eas in lucem sanctam: * Quam olim Abrahae promisísti, et sémini ejus. **V.** Hóstias et preces tibi, Dómine, laudis offérimus: tu súscipe pro animábus illis, quarum hódie memóriam fácimus: fac eas, Dómine, de morte transíre ad vitam. **Q**uam olim Abrahae promisísti, et sémini ejus.

Pro defunctis Episcopis seu Sacerdotibus

Secreta

SÚSCIPE, Dómine, quaesumus, pro animabus famulorum tuorum Pontificum seu Sacerdotum, quas offerimus, hostias: ut, quibus in hoc saeculo pontificale seu sacerdotale donasti meritum, in caelesti regno Sanctorum tuorum iubeas jungi consortio. Per Dominum.

Pro defunctis fratribus, propinquis et benefactoribus
Secreta

DEUS, cujus misericordiae non est numerus, suscipe propitius preces humilitatis nostrae: et animabus fratrum, propinquorum et benefactorum nostrorum, quibus tui nominis dedisti confessionem, per haec sacramenta salutis nostrae, cunctorum remissionem tribue peccatorum. (Per Dominum).

Pro omnibus fidelibus defunctis
Secreta

HÓSTIAS, quaesumus, Dómine, quas tibi pro animabus famulorum, famularumque tuarum offerimus, propitiatus intende: ut, quibus fidei christianae meritum contulisti, dones et praemium. Per Dominum.

Praefatio Defunctorum.

Communio 4 Esdr. 2, 35 et 34 Lux aeterna luceat eis, Dómine: * Cum Sanctis tuis in aeternum: quia pius es. **V.** Requiem aeternam dona eis, Dómine: et lux perpetua luceat eis. **Cum Sanctis tuis in aeternum:** quia pius es.

Pro defunctis Episcopis seu Sacerdotibus
Postcommunio

PROSIT, quaesumus, Dómine, animabus famulorum tuorum Pontificum seu Sacerdotum, misericordiae tuae implorata clementia: ut ejus, in quo speraverunt et crediderunt, aeternum capiant, te miserante, consortium. Per Dominum.

Pro defunctis fratribus, propinquis et benefactoribus
Postcommunio

PRAESTA, quaesumus, omnipotens et misericors Deus: ut animae fratrum, propinquorum et benefactorum nostrorum, pro quibus hoc sacrificium laudis tuae obtulimus majestati; per hujus virtutem sacramenti a peccatis omnibus expiatae, lucis perpetuae, te miserante, recipiant beatitudinem. (Per Dominum).

Pro omnibus fidelibus defunctis
Postcommunio

ANIMÁBUS, quaesumus, Dómine, famulorum famularumque tuarum oratio proficiat supplicantium: ut eas et a peccatis omnibus exuas, et tuae redemptionis facias esse partícipes. Qui vivis.

ORATIONES DIVERSAE
PRO DEFUNCTIS

1
Pro defuncto Summo Pontifice

Oratio

DEUS, qui inter summos Sacerdotes famulum tuum **N.** ineffabili tua dispositione connumerari voluisti: praesta, quaesumus; ut, qui Unigeniti Filii tui vices in terris gererat, sanctorum tuorum Pontificum consortio perpetuo aggregetur. Per eundem Dominum.

Secreta

SÚSCIPE, Dómine, quaesumus, pro anima famuli tui **N.**, Summi Pontificis, quas offerimus, hostias: ut, cui in hoc saeculo pontificale donasti meritum, in caelesti regno Sanctorum tuorum iubeas jungi consortio. Per Dominum.

Postcommunio

PROSIT, quaesumus, Dómine, animae famuli tui **N.**, Summi Pontificis, misericordiae tuae implorata clementia: ut ejus, in quo speravit et credidit, aeternum capiat, te miserante, consortium. Per Dominum.

2 Pro defuncto Episcopo

Oratio

DEUS, qui inter apostólicos Sacerdótes fámulum tuum **N.** pontificáli fecísti dignitáte vigére: praesta, quaésumus ; ut eórum quoque perpétuo aggregétur consórtio. Per Dóminum.

Secreta

SÚSCIPE, Dómine, quaésumus, pro ánima fámuli tui **N.** Pontíficis, quas offérimus, hóstias: ut, cui in hoc saéculo pontificále donásti méritum, in caelésti regno Sanctórum tuórum júbeas jungi consórtio. Per Dóminum.

Postcommunio

PROSIT, quaésumus, Dómine, ánimae fámuli tui **N.** Pontíficis, misericórdiae tuae imploráta cleméntia: ut ejus, in quo sperávit et crédidit, aetérnum cápiat, te miseránte, consórtium. Per Dóminum.

* Si pro pluribus, Orationes dicuntur ut infra:

Oratio

DEUS, qui inter apostólicos Sacerdótes fámulos tuos **N.** et **N.** pontificáli fecísti dignitáte vigére: praesta, quaésumus ; ut eórum quoque perpétuo aggregétur consórtio. Per Dóminum.

Secreta

SÚSCIPE, Dómine, quaésumus, pro animábus famulórum tuórum **N.** et **N.** Pontíficum, quas offérimus, hóstias: ut, quibus in hoc saéculo pontificále donásti méritum, in caelésti regno Sanctórum tuórum júbeas jungi consórtio. Per Dóminum.

Postcommunio

PROSIT, quaésumus, Dómine, animábus famulórum tuórum **N.** et **N.** Pontíficum misericórdiae tuae imploráta cleméntia: ut ejus, in quo speravérunt et credidérunt, aetérnum cápian, te miseránte, consórtium. Per Dóminum.

3 Pro Episcopo Cardinali defuncto, vel Presbytero Cardinali, qui episcopali dignitate auctus fuerit

Oratio

DEUS, qui inter apostólicos Sacerdótes fámulum tuum **N.**, Episcopum (**Presbýterum**) Cardinálem, pontificáli fecísti dignitáte vigére: praesta, quaésumus ; ut eórum quoque perpétuo aggregétur consórtio. Per Dóminum.

Secreta

SÚSCIPE, Dómine, quaésumus, pro ánima fámuli tui **N.**, Epíscopi (**Presbýteri**) Cardinális, quas offérimus hóstias: ut, cui in hoc saéculo pontificále donásti méritum, in caelésti regno Sanctórum tuórum júbeas jungi consórtio. Per Dóminum.

Postcommunio

PROSIT, quaésumus, Dómine, ánimae fámuli tui **N.**, Epíscopi (**Presbýteri**) Cardinális, misericórdiae tuae imploráta cleméntia: ut ejus, in quo sperávit et crédidit, aetérnum cápiat, te miseránte, consórtium. Per Dóminum.

4 Pro Presbytero Cardinali, qui eniscopalí dignitate auctus non fuerit.

**qui episcopali dignitate auctus non fuerit,
vel pro Diacono Cardinali,
qui fuerit Sacerdos**

Oratio

DEUS, qui inter apostólicos Sacerdótes fámulum tuum **N.**, Presbýterum (Diáconum) Cardinálem, sacerdotáli fecísti dignitate vigére: praesta, quaesumus ; ut eórum quoque perpétuo aggregétur consórtio. Per Dóminum.

Secreta

SÚSCIPE, Dómine, quaesumus, pro ánima fámuli tui **N.**, Presbýteri (Diáconi) Cardinális, quas offérimus, hóstias: ut, cui in hoc saéculo sacerdotále donásti méritum, in caelésti regno Sanctórum tuórum júbeas jungi consórtio. Per Dóminum.

Postcommunio

PROSIT, quaesumus, Dómine, ánimae fámuli tui **N.**, Presbýteri (Diáconi) Cardinális, misericórdiae tuae imploráta cleméntia: ut ejus, in quo sperávit et crédidit, aetérnum cápiat, te miseránte, consórtium. Per Dóminum.

**5
Pro Diacono Cardinali,
qui in ordine presbyteratus non fuerit constitutus**

Oratio

INCLÍNA, Dómine, aurem tuam ad preces nostras, quibus misericórdiam tuam súpplíces deprecámur: ut ánimam fámuli tui **N.**, Diáconi Cardinális, quam de hoc saéculo migráre jussísti, in pacis ac lucis regione constítuas, et Sanctórum tuórum júbeas esse consórtem. Per Dóminum.

Secreta

ANNUE nobis, quaesumus, Dómine, ut ánimae fámuli tui **N.**, Diáconi Cardinális, haec prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

ABSÓLVE, quaesumus, Dómine, ánimam fámuli tui **N.**, Diáconi Cardinális, ab omni vínculo delictórum: ut in resurrecciónis glória inter Sanctos et eléctos tuos resuscitátus respíret. Per Dóminum.

**6
Item pro defuncto Episcopo**

Oratio

DA nobis, Dómine, ut ánimam fámuli tui **N.** Epíscopi, quam de hujus saéculi eduxísti laborióso certámine, Sanctórum tuórum tríbuas esse consórtem. Per Dóminum.

Secreta

ANNUE nobis, quaesumus, Dómine, ut ánimae fámuli tui **N.** Epíscopi haec prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

HIS sacrificíis, quaesumus, omnípotens Deus, purgáta ánima fámuli tui **N.** Epíscopi, ad indulgéntiam et refrigeríum sempitérnum perveníre mereátur. Per Dóminum.

* Si pro pluribus, Orationes dicuntur ut infra:

Oratio

DA nobis, Dómine, ut ánimas famulórum tuórum **N.** et **N.** Pontíficum, quas de hujus saéculi eduxísti

laborioso certamine, Sanctorum tuorum tribuas esse consortes. Per Dominum.

Secreta

ANNUE nobis, quaesumus, Domine, ut animabus famulorum tuorum **N.** et **N.** Pontificum haec prosit oblatio: quam immolando, totius mundi tribuisti relaxari delicta. Per Dominum.

Postcommunio

HIS sacrificiis, quaesumus, omnipotens Deus, purgatae animae famulorum tuorum **N.** et **N.** Pontificum, ad indulgentiam et refrigerium sempiternum pervenire mereantur. Per Dominum.

7

Pro defuncto Sacerdote

Oratio

DEUS, qui inter apostolicos Sacerdotes famulum tuum **N.** sacerdotali fecisti dignitate vigere: praesta, quaesumus ; ut eorum quoque perpetuo aggregentur consortio. Per Dominum.

Secreta

SUSCIPE, Domine, quaesumus, pro anima famuli tui **N.** Sacerdotis, quas offerimus, hostias: ut, cui in hoc saeculo sacerdotale donasti meritum, in caelesti regno Sanctorum tuorum iubeas jungi consortio. Per Dominum.

Postcommunio

PROSIT, quaesumus, Domine, animae famuli tui **N.** Sacerdotis, misericordiae tuae implorata clementia: ut ejus, in quo speravit et credidit, aeternum capiat, te miserante, consortium. Per Dominum.

* **Si pro pluribus, Orationes dicuntur ut infra:**

Oratio

DEUS, qui inter apostolicos Sacerdotes famulos tuos **N.** et **N.** sacerdotali fecisti dignitate vigere: praesta, quaesumus ; ut eorum quoque perpetuo aggregentur consortio. Per Dominum.

Secreta

SUSCIPE, Domine, quaesumus, pro animabus famulorum tuorum **N.** et **N.** Sacerdotum, quas offerimus hostias: ut, quibus in hoc saeculo sacerdotale donasti meritum, in caelesti regno Sanctorum tuorum iubeas jungi consortio. Per Dominum.

Postcommunio

PROSIT, quaesumus, Domine, animabus famulorum tuorum **N.** et **N.** Sacerdotum misericordiae tuae implorata clementia: ut ejus, in quo speraverunt et crediderunt, aeternum capiant, te miserante, consortium. Per Dominum.

8

Item pro defuncto Sacerdote

Oratio

PRAESTA, quaesumus, Domine: ut anima famuli tui **N.** Sacerdotis, quem, in hoc saeculo commorantem, sacris muneribus decorasti ; in caelesti sede gloriosa semper exsultet. Per Dominum.

Secreta

SUSCIPE, Domine, quaesumus, pro anima famuli tui **N.** Sacerdotis, quas offerimus, hostias: ut, cui sacerdotale donasti meritum, dones et praemium. Per Dominum.

Postcommunio

PRAESTA, quaesumus, omnipotens Deus: ut animam famuli tui **N.** Sacerdotis in congregatióne justórum aetérnae beatitúdinis júbeas esse consórtem. Per Dóminum.

* **Si pro pluribus, Orationes dicuntur ut infra:**

Oratio

PRAESTA, quaesumus, Dómine: ut animae famulórum tuórum **N.** et **N.** Sacerdotum, quos, in hoc saéculo commorántes, sacris munéribus decorásti ; in caelésti sede gloriósae semper exsúltent. Per Dóminum.

Secreta

SÚSCIPE, Dómine, quaesumus, pro animábus famulórum tuórum **N.** et **N.** Sacerdotum, quas offérimus, hóstias: ut, quibus sacerdotále donásti méritum, dones et praémium. Per Dóminum.

Postcommunio

PRAESTA, quaesumus, omnipotens Deus: ut ánimas famulórum tuórum **N.** et **N.** Sacerdotum in congregatióne justórum aetérnae beatitúdinis júbeas esse consórtes. Per Dóminum.

9

Pro uno defuncto

Oratio

INCLÍNA, Dómine, aurem tuam ad preces nostras, quibus misericórdiam tuam súplices deprecámur: ut animam famuli tui **N.**, quam de hoc saéculo migráre jussísti ; in pacis ac lucis regióne constítuas, et Sanctorum tuórum júbeas esse consórtem. Per Dóminum.

Secreta

ANNUE nobis, quaesumus, Dómine, ut animae famuli tui **N.** haec prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

ABSÓLVE, quaesumus, Dómine, animam famuli tui **N.** ab omni vínculo delictórum: ut in resurrectionis glória inter Sanctos et eléctos tuos resuscitátus respíret. Per Dóminum.

* **Si pro pluribus, Orationes dicuntur ut infra:**

Oratio

INCLÍNA, Dómine, aurem tuam ad preces nostras, quibus misericórdiam tuam súplices deprecámur: ut ánimas famulórum tuórum **N.** et **N.** quas de hoc saéculo migráre jussísti ; in pacis ac lucis regióne constítuas, et Sanctorum tuórum júbeas esse consórtes. Per Dóminum.

Secreta

ANNUE nobis, quaesumus, Dómine, ut animábus famulórum tuórum **N.** et **N.** haec prosit oblátio: quam immolándo, totíus mundi tribuísti relaxári delícta. Per Dóminum.

Postcommunio

ABSÓLVE, quaesumus, Dómine, ánimas famulórum tuórum **N.** et **N.** ab omni vínculo delictórum: ut in resurrectionis glória inter Sanctos et eléctos tuos resuscitáti respírent. Per Dóminum.

10

Pro una defuncta

Oratio

QUSUMUS, Dómine, pro tua pietáte miserére animae famulae tuae **N.:** et a contágiis mortalitátis exútam, in aetérnae salvatiónis partem restítue. Per Dóminum.

Secreta

HIS sacrificiis, quaesumus, Domine, anima famulae tuae **N.** a peccatis omnibus exuatur, sine quibus a culpa nemo liber existit: ut, per haec pia placationis officia, perpetuam misericordiam consequatur. Per Dominum.

Postcommunio

INVENIAT, quaesumus, Domine, anima famulae tuae **N.** lucis aeternae consortium: cujus perpetuae misericordiae consecuta est sacramentum. Per Dominum.

* **Si pro pluribus, Orationes dicuntur ut infra:**

Oratio

QUSUMUS, Domine, pro tua pietate miserere animabus famularum tuarum **N.** et **N.:** et a contagiis mortalitatis exutas, in aeternae salvationis partem restitue. Per Dominum.

Secreta

HIS sacrificiis, quaesumus, Domine, animae famularum tuarum **N.** et **N.** a peccatis omnibus exuantur, sine quibus a culpa nemo liber existit: ut, per haec pia placationis officia, perpetuam misericordiam consequantur. Per Dominum.

Postcommunio

INVENIANT, quaesumus, Domine, animae famularum tuarum **N.** et **N.** lucis aeternae consortium: cujus perpetuae misericordiae consecutae sunt sacramentum. Per Dominum.

11**Pro patre et matre****Oratio**

DEUS, qui nos patrem et matrem honorare praecepisti: miserere clementer animabus patris et matris meae (parentum nostrorum), eorumque peccata dimitte; meque (nosque) eos in aeternae claritatis gaudio fac videre. Per Dominum.

Secreta

SUSCIPE, sacrificium, Domine, quod tibi pro animabus patris et matris meae (parentum nostrorum) offero: eisque gaudium sempiternum in regione vivorum concede; meque (nosque) cum illis felicitati Sanctorum conjunge. Per Dominum.

Postcommunio

CAELSTIS participatio sacramenti, quaesumus, Domine, animabus patris et matris meae (parentum nostrorum) requiem et lucem obtineat perpetuam: meque (nosque) cum illis gratia tua coronet aeterna. Per Dominum.

12**Pro patre tantum****Oratio**

DEUS, qui nos patrem et matrem honorare praecepisti: miserere clementer animae patris mei (nostri), ejusque peccata dimitte; meque (nosque) eum in aeternae claritatis gaudio fac videre. Per Dominum.

Secreta

SUSCIPE, sacrificium, Domine, quod tibi pro anima patris mei (nostri) offero: eique gaudium sempiternum in regione vivorum concede; meque (nosque) cum illo felicitati Sanctorum conjunge. Per Dominum.

Postcommunio

CAELÉSTIS participátio sacraménti, quaésumus, Dómine, ánimae patris mei (nostri) réquiem et lucem obtíneat perpétuam: meque (nosque) cum illo grátia tua corónet aetérna. Per Dóminum.

13**Pro matre tantum****Oratio**

DEUS, qui nos patrem et matrem honoráre praecepísti: miserére cleménter ánimae matris meae (nostrae), ejúsque peccáta dimítte ; meque (nosque) eam in aetérnae claritátis gáudio fac vidére. Per Dóminum.

Secreta

SÚSCIPE, sacrificium, Dómine, quod tibi pro ánima matris meae (nostrae) óffero: eíque gáudium sempitérnum in regióné vivórum concéde ; meque (nosque) cum illa felicitáti Sanctórum conjúge. Per Dóminum.

Postcommunio

CAELÉSTIS participátio sacraménti, quaésumus, Dómine, ánimae matris meae (nostrae) réquiem et lucem obtíneat perpétuam: meque (nosque) cum illa grátia tua corónet aetérna. Per Dóminum.

14**Pro defúntis fratribus, propinquis, et benefactoribus****Oratio**

DEUS, véniae largítor, et humánae salútis amátor: quaésumus cleméntiam tuam ; ut nostrae congregatiónis fratres, propínquos et benefactóres, qui ex hoc saéculo transiérunt, beáta María semper Vírgine intercedénte cum ómnibus Sanctis tuis, ad perpétuae beatitúdinis consórtium perveníre concédas. Per Dóminum.

Secreta

DEUS, cujus misericórdiae non est númerus, súscipe propítius preces humilitátis nostrae: et animábus fratrum, propinquórum et benefactórum nostrórum, quibus tui nóminis dedísti confessiÓNem, per haec sacraménta salútis nostrae, cunctórum remissiónem tribue peccatórum. Per Dóminum.

Postcommunio

PRAESTA, quaésumus, omnípotens et miséricors Deus: ut ánimae fratrum, propinquórum et benefactórum nostrórum, pro quibus hoc sacrificium laudis tuae obtúlimus majestáti ; per hujus virtútem sacraménti a peccátis ómnibus expiátae, lucis perpétuae, te miseránte, recípiant beatitúdinem. Per Dóminum.

15**Pro his, qui in coemeterio requiescunt****Oratio**

DEUS, cujus miseratióne ánimae fidélium requiéscent: fámulis et famulábus tuis, et ómnibus hic et ubíque in Christo quiescéntibus, da propítius véniam peccatórum ; ut, a cunctis reátibus absolúti, tecum sine fine laeténtur. Per eúmdem Dóminum.

Secreta

PRO animábus famulórum famularúmque tuárum, et ómnium catholicórum hic et ubíque in Christo dormiéntium, hóstiam, Dómine, súscipe benígnus oblátam: ut hoc sacrificio singulári, vínculis horréndaé mortis exúti, vitam mereántur aetérnam. Per eúmdem Dóminum.

Postcommunio

DEUS, fidélium lumen animárum, adésto supplicatióibus nostris: et da fámulis et famulábus tuis, quorum córpora hic et ubíque in Christo requiéscent, refrigerii sedem, quiétis beatitúdinem, et lúminis claritátem. Per eúmdem Dóminum.

16**Pro pluribus defunctis****Oratio**

DEUS, cui primum est misereri semper et parcere: propitiare animabus famulorum, famularumque tuarum, et omnia eorum peccata dimitte; ut mortalitatis vinculis absolutae, transire mereantur ad vitam. Per Dominum.

Secreta

ANNUE nobis, quaesumus, Domine, ut animabus famulorum famularumque tuarum haec prosit oblatio: quam immolando, totius mundi tribuisti relaxari delicta. Per Dominum.

Postcommunio

DEUS, cui soli competit medicinam praestare post mortem: praesta, quaesumus; ut animae famulorum famularumque tuarum, terrenis exitae contagiis, in tuae redemptionis parte numerentur: Qui vivis.

17**Item pro pluribus defunctis****Oratio**

ANIMABUS, quaesumus, Domine, famulorum famularumque tuarum misericordiam concede perpetuam: ut eis proficiat in aeternum, quod in te speraverunt et crediderunt. Per Dominum.

Secreta

HIS, Domine, quaesumus, placatus intende munibus: et, quod ad laudem tui nominis supplicantes offerimus, ad indulgentiam proficiat defunctorum. Per Dominum.

Postcommunio

SUPPLICES, Domine, pro animabus famulorum famularumque tuarum preces effundimus: obsecrantes; ut, quicquid conversatione contraxerunt humana, clementer indulgeas, et eas in tuorum sede laetantium constituas redemptorum. Per Dominum.

RITUS ABSOLUTIONIS**IN EXSEQUIIS****PRAESENTE DEFUNCTI CORPORE****EX RITUALI ROMANO**

* **Finita Missa, Celebrans, depositis casula seu planeta et manipulo in plano ad cornu Epistolae, accipit pluviale nigri coloris, Diacono et Subdiacono paratis remanentibus, depositis tamen manipulis. Tum Subdiaconus accipit Crucem et, praecedentibus duobus acolythis, uno cum thuribulo et navicula incensi, alio cum vase aquae benedictae et aspersorio, accedit ad feretrum et se sistit ad caput defuncti cum Cruce, medius inter duos acolythos seu ceroferarios cum candelabris et candelis accensis. Post eum omnes alii de Clero veniunt ordinatim in gradu suo cum candelis accensis, et stant in circuitu feretri: ultimo loco sequitur Celebrans cum Diacono a sinistris et, facta prius reverentia Altari, sistit se contra Crucem ad pedes defuncti, retro astantibus ei a sinistris duobus acolythis, uno cum thuribulo et navicula incensi, altero cum vase aquae benedictae et aspersorio. Tunc, Diacono tenente librum, junctis manibus absolute dicit sequentem Orationem (nulla numeri aut generis facta mutatione, etiamsi pro pluribus aut pro femina dicatur):**

Oratio

NON intres in iudicium cum servo tuo, Domine, quia nullus apud te justificabitur homo, nisi per te omnium peccatorum ei tribuatur remissio. Non ergo eum, quaesumus, tua iudicialis sententia premat, quem tibi vera supplicatio fidei christianae commendat: sed, gratia tua illi succurrente, mereatur evadere iudicium ultionis, qui, dum viveret, insignitus est signaculo sanctae Trinitatis: Qui vivis et regnas in saecula saeculorum.
R/. Amen.

Deinde, Cantore incipiente, Clerus circumstans cantat sequens Responsorium:

LÍBERA me, Dómine, * de morte aetérna, in die illa treménda: * Quando caeli movéndi sunt et terra: * Dum véneris iudicáre saéculum per ignem. *V/.* Tremens factus sum ego, et tímeo, dum discússio vénerit, atque ventúra ira. * Quando caeli movéndi sunt et terra. *V/.* Dies illa, dies irae, calamitátis et misériae, dies magna et amára valde. * Dum véneris iudicáre saéculum per ignem. *V/.* Réquiem aetérnam dona eis, Dómine: et lux perpétua lúceat eis.

Repetitur Líbera me, Dómine, *usque ad V/.* Tremens.

Dum repetitur praedictum Responsorium, Sacerdos, Diacono ministrante, accipit incensum de navicula et ponit in thuribulum, benedicens illud more solito. Finito Responsorio,

Cantor cum primo Choro dicit:

Kýrie, eléison.

Et secundus Chorus respondet:

Christe, eléison.

Deinde omnes simul dicunt:

Kýrie, eléison.

Mox Sacerdos dicit alta voce:

Pater noster.

Et secreto continuatur ab omnibus. Ipse interim accipit de manu Diaconi aspersorium aquae benedictae, eodemque Diacono comitante a dexteris et anteriorem fimbriam pluvialis sublevante, circumiens feretrum, aspergit corpus defuncti aqua benedicta, ter a parte sinistra cadaveris et ter a dextera. Cum transit ante Altare et ante Crucem, quae est ex advérso, profunde se inclinat, Diacono genuflectente; si transit ante Sacramentum, genuflectit. Deinde, reversus ad locum suum, Diacono ministrante, accipit thuribulum, et eodem modo quo asperserat, circuit feretrum, et corpus incensat; postea, reddito thuribulo, stans in loco suo, Diacono librum apertum ante ipsum tenente, junctis manibus dicit:

V/. Et ne nos indúcas in tentatiónem. *R/.* Sed líbera nos a malo. *V/.* A porta ínferi. *R/.* Erue, Dómine, ánimam ejus (ánimas eórum). *V/.* Requíescat (requíescant) in pace. *R/.* Amen.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

DEUS, cui próprium est miseréri semper et párcere, te súpplíces exorámus pro ánima fámuli tui **N.** (fámulae tuae **N.**), quam hódie de hoc saéculo migráre jussísti: ut non tradas eam in manus inimíci, neque obliviscáris in finem, sed júbeas eam a sanctis Angelis súscipi et ad pátriam paradísi perdúci; ut, quia in te sperávit et crédidit, non poenas inférni sustíneat, sed gáudia aetérna possideat. Per Christum Dóminum nostrum.
R/. Amen.

Si defunctus fuerit Sacerdos vel Episcopus, in Oratione dicatur: pro ánima fámuli tui **N.** Sacerdótis vel Epíscopi, quam *etc.*

Finita Oratione, corpus defertur ad sepulcrum, si tunc deferendum sit; dum autem portatur, vel in eodem loco, si tunc non portetur, Clerici cantant Antiphonam:

IN paradísium * dedúcant te Angeli: in tuo advéntu suscípiant te Mártýres, et perdúcant te in civitátem sanctam Jerúsalem. Chorus Angelórum te suscípiat, e t cum Lázaro quondam páupere aetérnam hábeas réquiem.

Cum autem pervenerit ad sepulcrum, si non sit benedictum, Sacerdos illud benedicit, dicens hanc Orationem:

Orémus. **Oratio**

DEUS, cujus miseratióne ánimae fidélium requíescunt, hunc túmulum bene+dícere dignáre, eíque Angelum tuum sanctum députa custódem: et quorum quarúmque córpora hic sepeliúntur, ánimas eórum ab ómnibus

absólve vínculis delictórum ; ut in te semper cum Sanctis tuis sine fine laeténtur. Per Christum Dóminum nostrum.

R/. Amen.

Si sepulcrum pro uno tantum inserviat, dicatur: et cujus corpus hic sepélitur, ánimam ejus **laetétur**.

Dicta Oratione, Sacerdos aqua benedicta aspergat, deinde incenset corpus defuncti et tumulum.

Quod si sepulcrum jam sit benedictum, omittitur tum benedictio sepulcri, tum aspersio et incensatio corporis ac tumuli.

Deinde, etiamsi corpus tunc ad sepulturam delatum non fuerit, Sacerdos prosequatur Officium, ut infra, quod numquam omittitur ; et intonet Antiphonam:

EGO sum.

Canticum Zachariae

Luc. 1, 68-79

BENEDÍCTUS Dóminus Deus Israël: * quia visitávit, et fecit redemptiónem plebis suae.

Et eréxit cornu salutis nobis, * in domo David púeri sui.

Sicut locútus est per os sanctórum, * qui a saéculo sunt prophetárum ejus:

Salútem ex inimícis nostris, * et de manu ómnium qui odérunt nos:

Ad faciéndam misericórdiam cum pátribus nostris: * et memorári testaménti sui sancti.

Jusjurándum, quod jurávit ad Abraham patrem nostrum, * datúrum se nobis:

Ut sine timóre, de manu inimicórum nostrórum liberáti: * serviámus illi:

In sanctitáte et justítia coram ipso, * ómnibus diébus nostris.

Et tu puer, prophéta Altíssimi vocáberis: * praeíbis enim ante fáciem Dómini, paráre vias ejus.

Ad dandam sciéntiam salutis plebi ejus, * in remissionem peccatórum eórum.

Per víscera misericórdiae Dei nostri: * in quibus visitávit nos, óriens ex alto:

Illumináre his qui in ténebris et in umbra mortis sedent: * ad dirigéndos pedes nostros in viam pacis.

Réquiem aetérnam * dona ei, Dómine.

Et lux perpétua * luceat ei.

Et repetitur Antiphona:

EGO sum resurrectio et vita: qui credit in me, étiam si mórtuus fúerit, vivet: et omnis qui vivit, et credit in me, non moriétur in aetérnum.

Postea Sacerdos dicit:

Kýrie, eléison.

Chorus prosequitur:

Christe, eléison. Kýrie, eléison.

Sacerdos:

Pater noster.

Interim corpus, quin circumeat, aspergit.

V/. Et ne nos indúcas in tentatiónem.

R/. Sed líbera nos a malo.

V/. A porta ínferi.

R/. Erue, Dómine, ánimam ejus.

V/. Requiéscat in pace.

R/. Amen.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

FAC, quaésumus, Dómine, hanc cum servo tuo defúncto (ancílla tua defúncta) misericórdiam, ut factórum suórum in poenis non recípiat vicem, qui (quae) tuam in votis tenuit voluntátem: ut, sicut hic eum (eam) vera fides junxit fidélium turmis ; ita illic eum (eam) tua miserátio sóciet angélicis choris. Per Christum Dóminum nostrum.

R/. Amen.

Deinde Celebrans, faciens crucem manu dextera super feretrum, dicit:

V/. Réquiem aetérnam dona ei (eis), Dómine.

R/. Et lux perpétua luceat ei (eis).

V/. Requiéscat (requiéscant) in pace.

R/. Amen.

Celebrans dicit recto tono:

V/. Anima ejus et ánimae ómnium fidélium defunctorum per misericórdiam Dei requiéscant in pace.

R/. Amen.

Deinde cum a sepulcro in ecclesiam vel ab ecclesia in sacristiam, praecedente Cruce, revertuntur, Celebrans inchoat sine cantu Antiphonam Si iniquitates, et cum Clero recitat Psalmum sequentem:

Psalmus 129

DE profúndis clamávi ad te, Dómine: * Dómine, exáudi vocem meam:

Fiant aures tuae intendéntes, * in vocem deprecationis meae.

Si iniquitates observáveris, Dómine: * Dómine, quis sustinébit ?

Quia apud te propitiatio est: * et propter legem tuam sustínui te, Dómine.

Sustínuit ánima mea in verbo ejus: * sperávit ánima mea in Dómino.

A custódia matutína usque ad noctem, * speret Israël in Dómino.

Quia apud Dóminum misericórdia: * et copiósa apud eum redemptio.

Et ipse rédimet Israël, * ex ómnibus iniquitatibus ejus.

Réquiem aetérnam * dona eis, Dómine.

Et lux perpétua * lúceat eis.

Et ab omnibus repetitur tota Antiphona:

SI iniquitates observáveris, Dómine: Dómine, quis sustinébit ?

Deinde in sacristia Sacerdos, antequam paramentis exuatur, dicit sequentes Preces:

Kýrie, eléison.

Christe, eléison.

Kýrie, eléison.

Pater noster secreto usque ad

V/. Et ne nos indúcas in tentatiónem.

R/. Sed líbera nos a malo.

V/. A porta ínferi.

R/. Erue, Dómine, ánimas eórum.

V/. Requiéscant in pace.

R/. Amen.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

FIDÉLIUM, Deus, ómnium cónditor et redemptor: animábus famulórum famularúmque tuárum remissionem cunctórum tribue peccatórum ; ut indulgéntiam, quam semper optavérunt, piis supplicatióibus consequántur: Qui vivis et regnas in saécula saeculórum.

R/. Amen.

V/. Réquiem aetérnam dona eis, Dómine.

R/. Et lux perpétua luceat eis.

V/. Requiéscant in pace.

R/. Amen.

RITUS ABSOLUTIONIS

IN EXSEQUIIS
ABSENTE DEFUNCTI CORPORE

EX RITUALI ROMANO

* Hic ritus servatur pro defunctis adultis, tam Clericis quam laicis, quando Exsequiae fiunt absente defuncti corpore, sive in die tertio, septimo, trigesimo et anniversario ab obitu vel depositione defuncti, sive in alio die.

Post Missam, Celebrans, deponit planetam et manipulum in plano ad cornu Epistolae, accipit pluviale nigri coloris et, praecedentibus duobus acolythis, uno cum navicula incensi et thuribulo, altero cum vasculo aquae benedictae et aspersorio, post eos Subdiacono cum Cruce, et duobus ceroferariis cum luminaribus accensis, et Clero, accedit cum Diacono a sinistris ad locum tumuli. Subdiaconus cum Cruce sistit se ad pedes tumuli seu lecticae mortuorum contra Altare, medius inter dictos acolythos tenentes luminaria ; Celebrans vero ex alia parte in capite loci inter Altare et tumulum, aliquantulum versus cornu Epistolae, ita ut Crucem Subdiaconi respiciat ; a sinistris ejus Diaconus, et prope eum alii duo acolythi deferentes thuribulum et vas aquae benedictae. Tunc, omissa Oratione *Non intres*, etc., a Clero circumstante cantatur *R/. Libera me, Dómine*, etc., ut supra. Interim ministrantur incensum, benedicitur, et imponitur in thuribulum.

Postea dicitur:

Kýrie, eléison. Christe, eléison. Kýrie, eléison.

Mox Sacerdos dicit *Pater noster*, quod dum secreto continuatur, accipit aspersorium, et circuit tumulum aspergens, atque incensans eodem modo, ut supra dictum est.

Postea dicit:

V/. Et ne nos indúcas in tentatiónem. *R/*. Sed líbera nos a malo. *V/*. A porta ínferi. *R/*. Erue, Dómine, ánimam ejus (ánimas eórum *vel* eárum.) *V/*. Requíescat (requiéscent) in pace. *R/*. Amen.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

ABSÓLVE, quaésumus, Dómine, ánimam fámuli tui *N.* (fámulae tuae *N.*, *vel* ánimas famulórum tuórum *N.* et *N.*, *vel* ánimas famulárum tuárum *N.* et *N.*, *vel* ánimas famulórum famularúmque tuárum) ab omni vínculo delictórum: ut in resurrectiÓnis glória, inter Sanctos et eléctos tuos resuscitátus (-a) respíret (resuscitáti *vel* resuscitátae respírent). Per Christum Dóminum nostrum.

R/. Amen.

Si defunctus fuerit Sacerdos *vel* Episcopus, in Oratione exprimitur nomen dignitatis.

Loco praecedentis Orationis, Celebrans dicere potest Orationem, quae dicta est in Missa, *vel* aliam convenientem, ut supra (Orationes diversae pro Defunctis), *adhibita tamen conclusione brevi*.

Deinde Celebrans, faciens crucem manu dextera super tumulum, dicit:

V/. Réquiem aetérnam dona ei (eis), Dómine.

R/. Et lux perpétua luceat ei (eis).

Et, dicto per Cantores:

V/. Requíescat (requiéscent) in pace.

R/. Amen.

Celebrans dicit recto tono:

V/. Anima ejus (Animae eórum *vel* eárum) et ánimae ómnium fidélium defunctórum per misericórdiam Dei requiéscent in pace.

R/. Amen.

Deinde cum in sacristiam, praecedente Cruce, revertuntur, Celebrans inchoat sine cantu Antiphonam Si iniquitátes, et cum Clero recitat Psalmum De profúndis ; postea ab omnibus repetitur Antiphona Si

iniquitates, et in sacristia dicuntur sequentes Preces:

Kýrie, eléison.

Christe, eléison.

Kýrie, eléison.

Pater noster secreto usque ad

V/. Et ne nos indúcas in tentatiónem.

R/. Sed líbera nos a malo.

V/. A porta ínferi.

R/. Erue, Dómine, ánimas eórum.

V/. Requiéscant in pace.

R/. Amen.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

FIDÉLIUM, Deus, ómnium cónditor et redémpstor: animábus famulórum famularúmque tuárum remissiónem cunctórum tríbe peccatórum ; ut indulgéntiam, quam semper optavérunt, piis supplicatióibus consequántur: Qui vivis et regnas in saécula saeculórum.

R/. Amen.

V/. Réquiem aetérnam dona eis, Dómine.

R/. Et lux perpétua luceat eis.

V/. Requiéscant in pace.

R/. Amen.

Quod si Absolutio facta fuerit pro omnibus fidelibus defunctis, Versus Animae eorum, Antiphona Si iniquitates et Psalmus cum Precibus non dicuntur.

ORDO AD FACIENDAM ET ASPERGENDAM AQUAM BENEDICTAM

!

BENEDICTIO AQUAE

Die Dominica, in Sacristia praeparato sale et aqua benedicenda, Sacerdos celebraturus Missam, vel alius ad id deputatus, Alba vel Superpelliceo indutus cum Stola circa collum, primo dicit:

V/. Adjutórium nostrum in nómine Dómini.

R/. Qui fecit caelum et terram.

Deinde absolute incipit exorcismum salis.

EXORCÍZO te, creatúra salis, per Deum + vivum, per Deum + verum, per Deum + sanctum: per Deum, qui te per Eliséum prophétam in aquam mitti iussit, ut sanarétur sterílitas aquae: ut efficiáris sal exorcizátum in salútem credéntium: et sis ómnibus suméntibus te sánitas ánimaie et córporis: et effúgiat atque discédát a loco, in quo aspérsum fúeris, omnis phantásia et nequítia, vel versútia diabólicae fraudis, omnisque spírítus immúndus, adjurátus per eum, qui ventúrus est iudicáre vivos et mórtuos, et saéculum per ignem. R/. Amen.

Orémus. **Oratio**

IMMÉNSAM cleméntiam tuam, omnípotens aetérne Deus, humíliter implorámus: ut hanc creatúram salis, quam in usum géneris humáni tribuísti, bene+dícere, et sancti+ficáre tua pietáte dignéris ; ut sit ómnibus suméntibus salus mentis et córporis: et, quidquid ex eo tactum vel respérsum fúerit, cáreat omni

immundítia, omníque impugnatíone spiritalís nequítiae. Per Dóminum. **R/.** Amen.

Exorcismus aquae: et dicitur absolute:

EXORCÍZO te, creatúra aquae, in nómine Dei + Patris omnipoténtis, et in nómine Jesu + Christi Filii ejus Dómini nostri, et in virtúte Spíritus + Sancti: ut fias aqua exorcizáta ad effugándam omnem potestátem inimíci, et ipsum inimícum eradicáre et explantáre váleas cum ángelis suis apostáticis, per virtútem ejúsdem Dómini nostri Jesu Christi: qui ventúrus est judicáre vivos et mórtuos, et saéculum per ignem. **R/.** Amen.

Orémus. **Oratio**

DEUS, qui ad salútem humáni géneris, máxima quaeque sacraménta in aquárum substántia condidísti: adésto propítius invocatióibus nostris et eleménto huic, multimodis purificatióibus praeparáto, virtútem tuae bene+dictionís infúnde: ut creatúra tua, mystériis tuis sérviens, ad abigéndo daémones, morbósque pelléndo, divínae grátiae sumat efféctum; ut, quidquid in dómibus vel in locis fidélium haec unda respéserit, cáreat omni immundítia, liberétur a noxa: non illic resídeat spíritus péstilens, non aura corrúmpens: discédant omnes insídiae laténtis inimíci; et si quid est, quod aut incolumitáti habitántium ínvadet aut quiéti, aspersione hujus aquae effúgiat; ut salúbritas, per invocatiónem sancti tui nóminis expétita, ab ómnibus sit impugnatíonibus defénsa. Per Dóminum. **R/.** Amen.

Hic ter mittat sal in aquam in modum crucis, dicendo semel:

COMMÍXTIO salis et aquae páriter fiat in nómine Pa+tris, et Fí+lii, et Spíritus + Sancti. **R/.** Amen.

V/. Dóminus vobíscum.

R/. Et cum spírítu tuo.

Orémus. **Oratio**

DEUS, invictae virtútis auctor et insuperábilis impérii rex ac semper magníficus triumphátor: qui advérsae dominatiónis vires réprimis, qui inimíci rugiéntis saevítiam súperas, qui hostíles nequítias poténter expúgnas: te, Dómine, treméntes et súpplíces deprecámur ac pétimus: ut hanc creatúram salis et aquae dignánter aspicias, benígnus illústres, pietátis tuae rore sanctífices; ut, ubicúmque fúerit aspérsa, per invocatiónem sancti nóminis tui, omnis infestátió immúndi spíritus abigátur: terrórque venenósi serpéntis procul pellátur: et praeséntia Sancti Spíritus nobis, misericórdiam tuam poscéntibus, ubíque adésse dignétur. Per Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti Deus, per ómnia saécula saeculórum. **R/.** Amen.

II

ASPERSIO AQUAE BENEDICTAE

PER ANNUM

Sacerdos celebraturus, indutus Pluviali coloris Officio convenientis, accedit ad Altare, et ibi ad gradus cum Ministris genuflexus, etiam Tempore Paschali, accipit a Diacono aspersorium, et primo ter aspergit Altare, deinde se, et erectus Ministros, incipiens Antiphonam Aspérges me. Et Chorus prosequitur: Dómine, hyssópo, etc., ut infra. Interim Celebrans aspergit Clerum, deinde populum, dicens submissa voce cum Ministris Psalmum Miserére mei, Deus.

ASPÉRGES me, * Dómine, hyssópo, et mundábor: lavábis me, et super nivem dealbábor. **Ps. 50, 3** Miserére mei, Deus, secúndum magnam misericórdiam tuam. **V/.** Gloria Patri.

Et repetitur Ant. Aspérges me.

Finita Antiphona supradicto modo, Sacerdos, qui aspérit aquam, reversus ad Altare, stans ante gradus Altaris, junctis manibus dicat:

V/. Osténde nobis, Dómine, misericórdiam tuam.

R/. Et salutáre tuum da nobis.

V/. Dómine, exáudi oratiónem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

EXÁUDI nos, Dómine sancte, Pater omnípotens, aetérne Deus: et mittere dignéris sanctum Angelum tuum de caelis; qui custódiat, fóveat, próteget, vísitet atque deféndat omnes habitántes in hoc habitáculo. Per

Christum Dóminum nostrum. **R/.** Amen.

TEMPORE PASSIONIS

Dominica de Passione et Dominica Palmarum non dicitur Glória Patri post Psalmum Miserére, sed repetitur immediate Antiphona Aspérges me.

TEMPORE PASCHALI

A Dominica Paschae usque ad Pentecosten inclusive, loco Ant. Aspérges me et Psalmi Miserére, cantatur sequens

VIDI aquam * egrediéntem de templo, a látere dextro, allelúja: et omnes, ad quos pervénit aqua ista, salvi facti sunt, et dicent: allelúja, allelúja. **Ps. 117, 1** Confitémini Dómino, quóniam bonus: quóniam in saéculum misericórdia ejus. **V/.** Glória Patri.

Repetitur Ant. Vidi aquam egrediéntem.

Finita Antiphona supradicto modo, Sacerdos qui aspersit aquam, reversus ad Altare, stans ante gradus Altaris, junctis manibus, dicat:

V/. Osténde nobis, Dómine, misericórdiam tuam, allelúja.

R/. Et salutáre tuum da nobis, allelúja.

V/. Dómine, exáudi oratióem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus. **Oratio**

EXÁUDI nos, Dómine sancte, Pater omnípotens, aetérne Deus: et míttere dignéris sanctum Angelum tuum de caelis ; qui custódiat, fóveat, prótegat, vísitet atque deféndat omnes habitántes in hoc habitáculo. Per Christum Dóminum nostrum. **R/.** Amen.

* In Dominica vero Trinitatis resumitur Ant. Aspérges me, Dómine, etc., ut supra.

* In die sancto Paschae et Pentecostes, ubi est Fons baptismalis, fit aspersione cum aqua pridie benedicta in Fonte Baptismi, et ante infusionem Olei et Chrismatis accepta.

APPENDIX

!

BENEDICTIONES DIVERSAE

EX RITUALI ROMANO

BENEDICTIO AGNI IN PASCHA

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

DEUS, qui per fámulum tuum Móysen, in liberatióne pópuli tui de AEgýpto, agnum occídi jussísti in similitúdinem Dómini nostri Jesu Christi, et utrósque postes domórum de sáanguine ejúsdem agni perúngi praecepísti: ita bene+dícere, et sancti+ficáre dignéris hanc creatúram carnis, quam nos fámuli tui ad laudem tuam súmere desiderámus, per resurrecciónem ejúsdem Dómini nostri Jesu Christi: Qui tecum vivit et regnat in saécula saeculórum. **R/.** Amen.

Et aspergatur aqua benedicta.

BENEDICTIO OVORUM

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

SUBVÉNIAT, quaésumus, Dómine, tuae bene+dictionis grátia huic ovórum creatúrae: ut cibus salúbris fiat fidélibus tuis, in tuárum gratiárum actióne suméntibus, ob resurrectiónem Dómini nostri Jesu Christi: Qui tecum vivit et regnat in saécula saeculórum. **R/.** Amen.

Et aspergantur aqua benedicta.

BENEDICTIO PANIS

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

DÓMINE, sancte Pater, omnípotens aetérne Deus, bene+dícere dignéris hunc panem tua sancta spirituáli benedictióne: ut sit ómnibus suméntibus salus mentis et córporis ; atque contra omnes morbos et univérsas inimicórum insídias tutámen. Per Dóminum n ostrum Jesum Christum Fílium tuum, panem vivum, qui de caelo descéndit, et dat vitam et salútem mundo: et tecum vivit et regnat in unitáte Spírítus Sancti Deus: per ómnia saécula saeculórum. **R/.** Amen.

Et aspergatur aqua benedicta.

BENEDICTIO NOVORUM FRUCTUUM

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

BÉNE+DIC, Dómine, hos novos fructus **N.** et praesta: ut, qui ex eis in tuo sancto nómine vescéntur, córporis et ánimae salúte potiántur. Per Christum Dóminum nostrum. **R/.** Amen.

Et aspergantur aqua benedicta.

BENEDICTIO AD QUODCUMQUE COMESTIBILE

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

BÉNE+DIC, Dómine, creatúram istam **N.**, ut sit remédium salutáre géneri humáno: et praesta per invocatióne sancti nóminis tui ; ut, quicúmque ex ea sumpserint, córporis sanitátem, et ánimae tutelam percípian. Per Christum Dóminum nostrum. **R/.** Amen.

Et aspergatur aqua benedicta.

BENEDICTIO CANDELARUM

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

DÓMINE Jesu Christe, Fili Dei vivi, béne+dic candélas istas supplicatióibus nostris: infúnde eis, Dómine, per virtútem sanctae Cru+cis, benedictiónem caeléstem, qui eas ad repelléndas ténébras humano géneri tribuísti: talémque benedictiónem signáculo sanctae Cru+cis accípiant, ut, quibuscúmque locis accénsae sive pósitae fúerint, discédant príncipes tenebrárum, et contremíscant, et fúgiant pávidi cum ómnibus ministris suis ab habitatióibus illis: nec praesúmant ámplius inquietáre aut molestáre serviéntes tibi omnipoténti Deo: Qui vivis et regnas in saécula saeculórum. **R/.** Amen.

Et aspergantur aqua benedicta.

BENEDICTIO AD OMNIA

Haec benedictionis formula adhiberi potest a quovis Sacerdote pro omnibus rebus, de quibus specialis benedictio non habetur in Rituali Romano.

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

DEUS, cujus verbo sanctificántur ómnia, bene+dictionem tuam effúnde super creatúram istam (**vel** creatúras istas): et praesta ; ut, quisquis ea (**vel** eis) secúndum legem et voluntátem tuam cum gratiárum actiÓne usus fúerit, per invocatiÓnem sanctíssimi Nóminis tui, córporis sanitátem et ánimae tutelám, te auctóre, percípiat. Per Christum Dóminum nostrum. **R/.** Amen.

Et aspergatur (**vel** aspergantur) aqua benedicta.

||

BENEDICTIONES

AB EPISCOPIS

VEL ALIIS

FACULTATEM HABENTIBUS

FACIENDAE

EX RITUALI ROMANO

BENEDICTIO

SACERDOTALIUM INDUMENTORUM

V/. Adjutórium nostrum in nómine Dómini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

OMNÍPOTENS sempitérne Deus, qui per Móysen fámulum tuum pontificália et sacerdotália seu levítica vestiménta, ad expléndum in conspéctu tuo ministérium eórum, ad honórem et decórem nóminis tui fieri decrevísti: adésto propítius invocatióibus nostris: ut haec induménta sacerdotália, désuper irrigánte grátia tua, ingénti benedictiÓne per nostrae humilitátis servítium puri+ficáre, bene+dícere et conse+cráre dignéris: ut divinis cúltribus et sacris mystériis apta et benedícta exsístant: his quoque sacris véstibus Pontífices, et Sacerdótes, seu Levítas tui indúti, ab ómnibus impulsiónibus seu tentatióibus malignórum spírítuum muníti et defénsi esse mereántur: tuisque mystériis apte et condígne servíre et inhaerére, atque in his tibi plácite et devóte perseveráre tríbue. Per Christum Dóminum nostrum. **R/.** Amen.

Orémus

DEUS, invíctae virtútis triumphátor, et ómnium rerum creátor ac sanctificátor: inténde propítius preces nostras ; et haec induménta levíticae, sacerdotális, et pontificális glóriae, ministris tuis fruénda, tuo ore próprio bene+dícere, sancti+ficáre et conse+cráre dignéris: omnésque eis uténtes, tuis mystériis aptos, et tibi in eis devóte ac laudabíliter serviéntes, gratos effícere dignéris. Per Christum Dóminum nostrum. **R/.** Amen.

Orémus

DÓMINE Deus omnipotens, qui vestiménta Pontíficibus, Sacerdótibus et Levítis, in usum tabernáculi

foederis necessaria, Moysen famulum tuum agere jussisti, eumque spiritu sapientiae ad id peragendum replevisti: haec vestimenta in usum et cultum mysterii tui bene+dicere, sancti+ficare et conse+crare digneris: atque ministros altaris tui, qui ea induerint, septiformis Spiritus gratia dignanter repleri atque castitatis stola, beata facias cum bonorum fructu operum ministerii congruentis immortalitate vestiri. Per Dominum... in unitate ejusdem Spiritus. **R/.** Amen.

Et aspergantur aqua benedicta.

**BENEDICTIO MAPPARUM
ET TOBALEARUM ALTARIS**

V/. Adjutorium nostrum in nomine Domini.

R/. Qui fecit caelum et terram.

V/. Dominus vobiscum.

R/. Et cum spiritu tuo.

Orémus

EXÁUDI, Domine, preces nostras, et haec linteamina sacri altaris úsui praeparata bene+dicere, et sancti+ficare digneris. Per Christum Dominum nostrum. **R/.** Amen.

Orémus

DÓMINE Deus omnipotens, qui Moysen famulum tuum ornamenta et linteamina facere per quadraginta dies docuisti: quae etiam Maria texuit et fecit in usum ministerii tabernaculi foederis; bene+dicere, sancti+ficare et conse+crare digneris haec linteamina ad tegendum, involvendumque altare gloriosissimi Filii tui Domini nostri Jesu Christi: Qui tecum vivit et regnat in unitate Spiritus Sancti Deus: per omnia saecula saeculorum. **R/.** Amen.

Et aspergantur aqua benedicta.

**BENEDICTIO
PALLAE ET CORPORALIS**

V/. Adjutorium nostrum in nomine Domini.

R/. Qui fecit caelum et terram.

V/. Dominus vobiscum.

R/. Et cum spiritu tuo.

Orémus

CLEMENTÍSSIME Domine, cujus inenarrabilis est virtus, cujus mysteria arcánis mirabilibus celebrantur: tribue, quaesumus; ut hoc linteamen tuae propitiacionis bene+dictione sanctificetur ad consecrandum super illud Corpus et Sanguinem Dei et Domini nostri Jesu Christi Filii tui: Qui tecum vivit et regnat in unitate Spiritus Sancti Deus: per omnia saecula saeculorum. **R/.** Amen.

Orémus

OMNÍPOTENS sempiterno Deus, bene+dicere, sancti+ficare et conse+crare digneris linteamen istud ad tegendum, involvendumque Corpus et Sanguinem Domini nostri Jesu Christi Filii tui: Qui tecum vivit et regnat in unitate Spiritus Sancti Deus: per omnia saecula saeculorum. **R/.** Amen.

Orémus

OMNÍPOTENS Deus, manibus nostris opem tuae benedictionis infunde: ut per nostram bene+dictionem hoc linteamen sanctificetur, et Corporis ac Sanguinis Redemptoris nostri novum sudarium, Spiritus Sancti gratia, efficiatur. Per eundem Dominum nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus: per omnia saecula saeculorum. **R/.** Amen.

Et aspergantur aqua benedicta.

**BENEDICTIO
TABERNACULI SEU VASCULI**

pro sacrosancta Eucharistia conservanda.

V/. Adjutorium nostrum in nomine Domini.

R/. Qui fecit caelum et terram.

V/. Dóminus vobíscum.

R/. Et cum spírítu tuo.

Orémus

OMNÍPOTENS sempitérne Deus, majestátem tuam súplices deprecámur: ut vásculum hoc, pro Cópore Fílii tui Dómini nostri Jesu Christi in eo condéndo fabricátum, bene+dictionis tuae grátia dicáre dignéris. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia saécula saeculórum. R/. Amen.

Et aspergantur aqua benedicta.

III

FORMA

CONFIRMATIONIS

ET

CONSECRATIONIS

PATENAE ET CALICIS

E PONTIFICALI ROMANO

DE CONFIRMATIONE

Pontifex supra rochetum, paratus amictu, stola et pluviali albi coloris, cum mitra et baculo pastoralis, vel, si hoc Sacramentum minus solemniter conferatur, stola alba et mitra simplici paratus, accedit ad faldistorium ante medium altaris, si sit in aliqua Capella, aut in alio convenienti loco sibi paratum, et sedens brevi sermone alloquitur adstantes et Confirmandos.

Quo facto, lavat manus: deinde, deposita mitra, surgit, et versa facie ad Confirmandos ante se genuflexos, junctis manibus dicit:

SPÍRITUS Sanctus supervéniat in vos, et virtus Altíssimi custódiat vos a peccátis. R/. Amen.

Deinde, signans se manu dextera a fronte ad pectus signo crucis, dicit:

V/. Adjutórium nostrum in nómine Dómini.

R/. Qui fecit caelum et terram.

V/. Dómine, exáudi oratióem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Tunc, extensis versus Confirmandos manibus, dicit:

Orémus

OMNÍPOTENS sempiternus Deus, qui regeneráre dignátus es hos fámulos tuos ex aqua et Spíritu Sancto, quique dedisti eis remissionem ómnium peccatórum: emítte in eos septifórmem Spíritum tuum Sanctum Paráclitum de caelis. R/. Amen.

Spíritum sapiéntiae et intelléctus.

R/. Amen.

Spíritum consílii et fortitúdinis.

R/. Amen.

Spíritum sciéntiae et pietátis.

R/. Amen.

ADÍMPLE eos Spíritu timóris tui, et consígna eos signo Cru+cis Christi, in vitam propitiátus aetérnam. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti Deus, per ómnia saécula saeculórum. R/. Amen.

Pontifex, accepta mitra, sedet in faldistorio, et, inquisito cujuslibet Confirmandi nomine, sibi per patrum vel matrum flexis genibus praesentati, et summitate pollicis dexterae manus Chrismate intincta, dicit:

N. Signo te signo Cru+cis:

quod dum dicit, producit pollice signum crucis in fronte illius ; deinde prosequitur:

Et confírmo te Chrismate salutis: In nómine Pa+tris, et Fí+lii, et Spíritus + Sancti.

R/. Amen.

Et leviter eum in maxilla caedit, dicens:

Pax tecum.

Uctione peracta, Pontifex tergit cum mica panis, et lavat pollicem et manus super pelvim ; et aqua lotionis cum pane funditur in piscinam sacrarii.

Interim, dum lavat manus, legitur a ministris vel cantatur sequens

Ant. Confirma hoc, Deus, quod operatus es in nobis a templo sancto tuo, quod est in Jerúsalem.

V/. Glória Patri, et Fílio, et Spíritui Sancto.

R/. Sicut erat in principio, et nunc, et semper: et in saécula saeculórum. Amen.

Deinde repetitur Antiphona Confirma hoc. Qua repetita, Pontifex, deposita mitra, surgit, et stans versus ad altare, junctis ante pectus manibus, dicit:

V/. Osténde nobis, Dómine, misericórdiam tuam.

R/. Et salutáre tuum da nobis.

V/. Dómine, exáudi oratióem meam.

R/. Et clamor meus ad te véniat.

V/. Dóminus vobíscum.

R/. Et cum spírítu tuo.

Orémus

DEUS, qui Apóstolis tuis Sanctum dedísti Spíritum et per eos eorúmque successóres céteris fidélibus tradéndum esse voluísti: réspice propítius ad humilitátis nostrae famulátum, et praesta ; ut eórum corda, quorum frontem sacro Chrísmate delinívimus et signo sanctae Crucis signávimus, idem Spíritus Sanctus, in eis supervéniens, templum glóriæ suae dignánter inhabitándo perfíciat: Qui cum Patre et eódem Spírítu Sancto vivis et regnas Deus, in saécula saeculórum. R/. Amen.

Deinde dicit:

Ecce sic benedicétur omnis homo, qui timet Dóminum.

Et vertens se ad Confirmatos, et faciens super eos signum crucis, dicit:

Bene+dícat vos Dóminus ex Sion: ut videátis bona Jerúsalem ómnibus diébus vitae vestrae, et habeátis vitam aetérnam. R/. Amen.

Expedita Confirmatione, Pontifex sedens, accepta mitra, patrinis et matrinis annuntiat, quod instruant filios suos bonis moribus, quod fugiant mala, et faciant bona, et doceant eos Credo in Deum, et Pater noster, et Ave, María, quoniam ad hoc sunt obligati.

DE PATENAE ET CALICIS CONSECRATIONE

Pontifex ad consecrationem Calicis, vel cujuslibet indumenti, seu ornamentum ecclesiastici procedere volens, debet semper stolam circa collum habere, et mitram tenere poterit ubi convenit. Quandocumque eni m Episcopalia agit, episcopalibus, non sacerdotalibus, debet esse paramentis ornatus. Omnium quoque mobilium Benedictiones hujusmodi possunt fieri, ubi Pontifici placuerit, et omni die.

In Patenae igitur consecratione, pro qua parandum est sanctum Chrisma, et vas aquae benedictae cum aspersorio, Pontifex stans cum mitra, dicit:

V/. Adjutórium nostrum in nómine Dómini.

R/. Qui fecit caelum et terram.

ORÉMUS, fratres caríssimi, ut divínae grátiae benedíctio cónsecret, et sanctíficet hanc Paténam (has Paténas) ad confringéndum in ea (eis) corpus Dómini nostri Jesu Christi, qui crucis passióem sustínuit pro nostrum ómnium salúte.

Tum, deposita mitra, dicit:

V/. Dóminus vobíscum.

R/. Et cum spírítu tuo.

Orémus

OMNÍPOTENS sempitérne Deus, qui legálium institútor es hostiárum, quique inter eas conspérsam similáginem deférrí in paténis áureis et argénteis ad altáre tuum jussísti: bene+dícere, sancti+ficáre et conse+cráre dignéris hanc Paténam (has Paténas), in administratióem Eucharístiae Jesu Christi Fílii tui, qui pro

nostra omniúmque salúte seípsum tibi Deo Patri in patíbulo crucis elégit immolári, ac tecum vivit et regnat in unitáte Spíritus Sancti Deus, per ómnia saécula saeculórum. *R/.* Amen.

Tum Pontifex, accepta mitra, facit cum pollice dexteræ manus Chrismate intincto crucem super Patenam (singulas Patenas) ab ora in oram, et mox linit et perungit totam ejus (cujusque) superficiem cum ipso pollice, dicens:

CONSE+CRÁRE et sancti+ficáre dignéris, Dómine Deus, Paténam hanc per istam unctiónem et nostram bene+dictionem in Christo Jesu Dómino nostro: Qui tecum vivit et regnat in unitáte Spíritus Sancti Deus, per ómnia saécula saeculórum. *R/.* Amen.

Deinde, stans adhuc cum mitra procedit ad benedictionem Calicis, dicens:

ORÉMUS, fratres caríssimi, ut Deus et Dóminus noster Cálicem istum (Cálices istos) in usum ministérii sui consecrándum (consecrándos), caeléstis grátiae inspiratióne sanctíficet: et ad humanam consecratióne plenitúdinem divíni favóris accómmodat. Per Christum Dóminum nostrum. *R/.* Amen.

Tum. deposita mitra. dicit:

V/. Dóminus vobíscum.

R/. Et cum spírítu tuo.

Orémus

DIGNÁRE, Dómine Deus noster, Cálicem hunc (Cálices hos) bene+dícere, in usum ministérii tui pia famulátus devotióne formátum (formátos), et ea sancti+ficatióne perfúndere, qua Melchisedech fámuli tui sacrátum cálicem perfudísti: et quod arte vel metálli natúra éffici non potest altáribus tuis dignum, fiat tua bene+dictione sanctificátum. Per Christum Dóminum nostrum. *R/.* Amen.

Deinde, accepta mitra, facit crucem cum pollice dexteræ manus de Chrismate intra ipsum Calicem (singulos Calices) a labio ejus (cujusque) in labium, et mox linit et perungit interius ipsum totum, dicens:

CONSE+CRÁRE, et sancti+ficáre dignéris, Dómine Deus, Cálicem hunc per istam unctiónem et nostram bene+dictionem in Christo Jesu Dómino nostro: Qui tecum vivit et regnat in unitáte Spíritus Sancti Deus, per ómnia saécula saeculórum. *R/.* Amen.

Tum, deposita mitra, dicit super Calices et Patenas:

V/. Dóminus vobíscum.

R/. Et cum spírítu tuo.

Orémus

OMNÍPOTENS sempitérne Deus, mánibus nostris, quaésumus, opem tuæ benedictiõnis infúnde: ut per nostram bene+dictionem hoc Vásculum et Patena (haec Váscula et Paténae) sanctificéntur, et Córporis et Sánguini Dómini nostri Jesu Christi novum sepúlcrum Sancti Spíritus grátia efficiántur. Per eúmdem Dóminum nostrum Jesum Christum Fílium tuum: Qui tecum vivit et regnat in unitáte ejúsdem Spíritus Sancti Deus, per ómnia saécula saeculórum. *R/.* Amen.

Demum aspergit Calicem et Patenam (Calices et Patenas) cum aqua benedicta, quod fieri debet in omnibus quarumlibet benedictionibus rerum. Quo facto, abstergi facit per aliquem Sacerdotem Patenas et Calices cum mica panis, et bene mundari: deinde extersiones projiciuntur in ignem, vel sacrarium.

MISSAE PRO ALIQUBUS LOCIS

I PROPRIUM SANCTORUM PRO ALIQUBUS LOCIS

UBI EX INDULTO SANCTAE SEDIS CONCESSUM EST

MISSAE PRO ALIQUIBUS LOCIS**FESTA DECEMBRIS**

Die 10 Decembris

IN TRANSLATIONE ALMAE DOMUS**B. MARIAE VIRGINIS**Introitus **Gen. 28, 17**

TERRIBILIS est locus iste: hic domus Dei est, et porta caeli: et vocábitur aula Dei. **Ps. 83, 2-3** Quam dilécta tabernácula tua, Dómine virtútum ! concupíscit, et déficit ánima mea in átria Dómini. **Vl.** Glória Patri.

Oratio

DEUS, qui beátae Maríae Vírginis domum per incarnáti Verbi mystérium misericórditer consecrásti, eámque in sinu Ecclésiae tuae mirabíliter collocásti: concéde ; ut, segregáti a tabernáculis peccatórum, digni efficiámur habitatóres domus sanctae tuae. Per eúndem Dóminum.

Léctio libri Sapiéntiae.

Eccli. 24, 11-13 et 15-20

IN ómnibus réquiem quaesívi, et in hereditáte Dómini morábor. Tunc praecépit, et dixit mihi Creátor ónium, et qui creávit me, requiévít in tabernáculo meo, et dixit mihi: In Jacob inhábita, et in Israél hereditáre, et in eléctis meis mitte radíces. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctórum deténtio mea. Quasi cedrus exaltáta sum in Líbano et quasi cypréssus in monte Sion: quasi palma exaltáta sum in Cades, et quasi plantátio rosae in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum et bálsamum aromatízans odórem dedi: quasi myrrha elécta dedi suavitátem odóris.

Graduale Ps. 26, 4 Unam pétii a Dómino, hanc requíram, ut inhábitem in domo Dómini ómnibus diébus vitae meae. **Vl.** Ut vídeam voluptátem Dómini, et vísitem templum ejus.

Allelúja , allelúja. **Vl. Ps. 83, 5** Beáti qui hábitant in domo tua, Dómine: in saécula saeculórum laudábunt te. Allelúja.

Post Septuagesimam, omissis Allelúja et Versu sequenti, dicitur

Tractus Vl. Ps. 83, 5 et 11 Beáti qui hábitant in domo tua, Dómine: in saécula saeculórum laudábunt te. **Vl.** Mélior est dies una in átriis tuis super míllia. **Vl.** Elégi abjéctus esse in domo Dei mei: magis quam habitáre in tabernáculis peccatórum.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Ps. 83, 5 et 11** Beáti qui hábitant in domo tua, Dómine: in saécula saeculórum laudábunt te. Allelúja. **Vl.** Mélior est dies una in átriis tuis super míllia. Allelúja.

+ Sequéntia sancti Evangélii secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth cognáta tua, et ipsa concépit filium in senectúte sua: et hic mensis sextus est illi, quae vocátur stérilis: quia non erit impossíbile apud Deum omne verbum. Dixit autem María: Ecce ancílla Dómini, fiat mihi secúndum verbum tuum.

Credo.

Offertorium Ps. 5, 8 Introíbo in domum tuam, adorábo ad templum sanctum tuum, et confitébor nómini tuo.

Secreta

ACCIPE, quaesumus, Dómine, múnera in hac sacra domo dignánter obláta: et, beátae Maríae Vírginis suffragántibus méritis, ad nostrae salútis auxiliúm proveníre concéde. Per Dóminum.

Praefatio de beata Maria Virgine Et te in Festivitate.

Communio Prov. 8, 34-35 Beátus qui audit me, et qui vígilat ad fores meas quotidie, et observat ad postes óstii mei. Qui me invénerit, invéniet vitam, et háuriet salutem a Dómino.

Postcommunio

QUSUMUS, Dómine Deus noster: ut sacrosáncta mystéria, quae pro reparatiónis nostrae munímine contulísti, intercedénte beáta María semper Vírgine, et praesens nobis remédiúm esse fácias, et futúrum. Per Dóminum.

* **Si haec Missa dicatur Feria IV Quatuor Temporum Adventus, in fine legitur Evangelium S. Joannis** In principio.

MISSAE PRO ALIQUIBUS LOCIS

Die 18 Decembris

IN EXPECTATIONE PARTUS
B. MARIAE VIRGINIS

Introitus **Isai. 45, 8**

RORÁTE, caeli, désuper, et nubes pluant justum: aperiátur terra, et gérmínet Salvatórem. **Ps. 18, 2** Caeli enárrant glóriam Dei: et ópera mánuum ejus annúnciat firmaméntum. **Vl.** Glória Patri.

Oratio

DEUS, qui de beátae Maríae Vírginis útero Verbum tuum, Angelo nuntiánte, carnem suscípere voluísti: praesta supplícibus tuis ; ut, qui vere eam Genitricem Dei crédimus, ejus apud te intercessiónibus adjuvémur. Per eúmdem Dóminum.

Léctio Isaíae Prophétae.

Isai. 7, 10-15

IN diébus illis: Locútus est Dóminus ad Achaz, dicens: Pete tibi signum a Dómino Deo tuo in profúndum inférni, sive in excélsu supra. Et dixit Achaz: Non petam, et non tentábo Dóminum. Et dixit: Audíte ergo, domus David: Numquid parum vobis est, moléstos esse homínibus, quia molésti estis et Deo meo ? Propter hoc dabit Dóminus ipse vobis signum. Ecce Virgo concípíet, et páriet filium, et vocábitur nomen ejus Emmánuel. Butýrum et mel cómedet, ut sciat reprobáre malum et elígere bonum.

Graduale Ps. 23, 7 et 3-4 Tóllite portas, príncipes, vestras: et elevámini, portae aeternáles: et introíbit Rex glóriae. **Vl.** Quis ascéndet in montem Dómini ? aut quis stabit in loco sancto ejus ? Innocens mánibus et mundo corde.

Allelúja, allelúja. **Vl. Luc. 1, 31** Ecce virgo concípíet, et páriet filium Jesum Christum. Allelúja.

+ Sequéntia sancti Evangélíi secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípíes in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi. Ideóque et quod nascétur ex te Sanctum, vocábitur Fílius Dei. Et ecce Elísabeth

cognáta tua, et ipsa concépit fílium in senectúte sua: et hic mensis sextus est illi, quae vocátur stérilis: quia non erit impossibile apud Deum omne verbum. Dixit autem María: Ecce ancilla Dómini, fiat mihi secúndum verbum tuum.

Credo.

Offertorium Luc. 1, 28 et 42 Ave, María, grátia plena: Dóminus tecum: benedícta tu in muliéribus, et benedíctus fructus ventris tui.

Secreta

IN méntibus nostris, quaésumus, Dómine, verae fidei sacraménta confírma: ut, qui concéptum de Vírgine Deum verum et hóminem confitémur ; per ejus salutíferae resurrectiónis poténtiam, ad aetérnam mereámur pervenire laetítiam. Per eúmdem Dóminum.

Praefatio de beata Maria Virgine Et te in Exspectatióne.

Communio Isai. 7, 14 Ecce virgo concípíet, et páriet fílium: et vocábitur nomen ejus Emmánuel.

Postcommunio

GRÁTIAM tuam, quaésumus, Dómine, méntibus nostris infúnde: ut qui, Angelo nuntiánte, Christi Fílii tui incarnatióem cognóvimus ; per passióem ejus et crúcem, ad resurrectiónis glóriam perducámur. Per eúmdem Dóminum nostrum.

* **Si haec Missa dicatur Feria IV Quatuor Temporum Adventus, in fine legitur Evangelium S. Joannis** In princípío.

MISSAE PRO ALIQUIBUS LOCIS

FESTA JANUARI

Die 23 Januarii

IN DESPONSATIONE B. MARIAE V. CUM S. JOSEPH

Introitus **Sedulus**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

FÁMULIS tuis, quaésumus, Dómine, caeléstis grátiae munus impertíre: ut, quibus beátae Vírginis partus éxstitit salútis exórdium ; desponsatiónis ejus votíva solémnitas, pacis tríbuat increméntum. Per Dóminum.

Et fit Commemoratio S. Joseph.

Oratio

SANCTÍSSIMAE Genitrícis tuae Sponsi, quaésumus, Dómine, méritis adjuvémur: ut, quod possibilitas nostra non óbtinet, ejus nobis intercessióne donétur: Qui vivis.

Léctio libri Sapiéntiae.

Prov. 8, 22-35

DÓMINUS possédit me in inítio viárum suárum, ántequam quidquam fáceret a princípío. Ab aetérno ordináta sum, et ex antíquis, ántequam terra fíeret. Nondum erant abýssi, et ego jam concépta eram: necdum fontes aquárum erúperant: necdum montes gravi mole constíterant: ante colles ego parturiébar: adhuc terram non fécerat, et flúmina, et cárdines orbis terrae. Quando praeparábat caelos, áderam: quando certa lege et gyro vallábat abýssos: quando aéthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terrae. Cum eo eram cuncta compónens: et delectábar per síngulos dies, ludens coram eo omni témpore: ludens in orbe terrárum: et delíctiae meae esse cum fíliis hóminum. Nunc ergo, fílii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me, et qui vígilat ad fores meas quotídie, et obsérvat ad postes óstii mei. Qui me invénerit,

invéniet vitam, et háuriet salútem a Dómino.

Graduale Benedícta et venerábilis es, Virgo María: quae sine tactu pudóris invénta es mater Salvatóris. *Vl.* Virgo Dei Génitrix, quem totus non capit orbis, in tua se clausit víscera factus homo. Allelúja, allelúja. *Vl.* Felix es, sacra Virgo María, et omni laude digníssima: quia ex te ortus est sol justítiae, Christus Deus noster. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haéreses sola interemísti. *Vl.* Quae Gabriélis Archángeli dictis credidísti. *Vl.* Dum Virgo Deum et hóminem genuísti: et post partum, Virgo, invioláta permansísti. *Vl.* Dei Génitrix, intercède pro nobis.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* Virgo Dei Génitrix, quem totus non capit orbis, in tua se clausit víscera factus homo. Allelúja. *Vl.* Felix es, sacra Virgo María, et omni laude digníssima: quia ex te ortus est sol justítiae, Christus Deus noster. Allelúja.

+ Sequéntia sancti Evangélii secúndum Matthaéum.

Matth. 1, 18-21

CUM esset desponsáta mater Jesu María Joseph, ántequam convenírent, invénta est in útero habens de Spíritu Sancto. Joseph autem vir ejus, cum esset justus, et nollet eam tradúcere, vóluit occúlte dimítttere eam. Haec autem eo cogitánte, ecce Angelus Dómini appáruit in somnis ei, dicens: Joseph, fili David, noli timére accípere Mariám cónjugem tuam: quod enim in ea natum est, de Spíritu Sancto est. Páriet autem fílium: et vocábis nomen ejus Jesum: ipse enim salvum fáciat pópulum suum a peccátis eórum.

Credo.

Offertorium Beáta es, Virgo María, quae ómnium portásti Creatórem: genuísti qui te fecit, et in aetérnum pérmanes Virgo.

Secreta

UNIGÉNITI tui, Dómine, nobis succúrrat humanitas: ut, qui natus de Vírgine, matris integritátem non mínuit, sed sacrávit ; in Desponsatiónis ejus solénniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster: Qui tecum.

**Pro S. Joseph
Secreta**

DÉBITUM tibi, Dómine, nostrae réddimus servitútis, suppliciter exorántes: ut, suffrágiis beáti Joseph, Sponsi Genitricis Fílii tui Jesu Christi Dómini nostri, in nobis tua múnere tueáris, ob cujus venerándam commemoratióem laudis tibi hóstias immolámus. Per eúndem Dóminum.

Praefatio de beata Maria Virgine Et te in Desponsatióne.

Communio Beáta víscera Mariáe Vírginis, quae portavérunt aetérni Patris Fílium.

Postcommunio

SÚMPSIMUS, Dómine, celebritátis ánnuae votíva sacraménta: praesta, quaésumus ; ut et temporális vitae nobis remédia praébeant, et aetérnae. Per Dóminum.

**Pro S. Joseph
Postcommunio**

ADÉSTO nobis, quaésumus, miséricors Deus: et, intercedénte pro nobis beáto Joseph Confessóre, tua circa nos propitiátus dona custódi. Per Dóminum.

MISSAE PRO ALIQUIBUS LOCIS

Eadem die 23 Januarii

S. ILDEFONSI

Episcopi et Confessoris

Missa In médio, **de Communi Doctorum, sine Credo, et cum Orationibus ut infra.**

Oratio

P

DEUS, qui per gloriosíssimam Fílii tui Matrem beátum Ildéfonsum Confessórem tuum atque Pontíficem, misso de thesáuris caeléstibus múnere, decorásti: concéde propítius ; ut, per ejus preces et mérita, múnera capiámus aetérna. Per eúmdem Dóminum.

Secreta

P

SANCTI Ildéfonsi Confessóris tui atque Pontíficis, quaésumus, Dómine, ánnua solémnitas pietáti tuae nos reddat accéptos: ut, per haec piae placatiónis officia, et illum beáta retribútio comitétur, et nobis grátiae tuae dona concíliet. Per Dóminum.

Postcommunio

P

DEUS, fidélium remunerátor animárum: praesta ; ut beáti Ildéfonsi Confessóris tui atque Pontíficis, cujus venerándam celebrámus festivitátem, precibus indulgéntiam consequámur. Per Dóminum.

MISSAE PRO ALIQUIBUS LOCIS**FESTA FEBRUARII**

Die 17 Februarii

FUGAE D. N. J. C. IN AEGYPTUMIntroitus **Matth. 2, 13**

ANGELUS Dómini appáruit in somnis Joseph, dicens: Surge, et áccipe púerum et matrem ejus, et fuge in AEGýptum. **Ps. 54, 8** Ecce elongávi fúgiens: et mansi in solitúdine. **Vl.** Glória Patri.

Oratio

PROTÉCTOR in te sperántium, Deus, qui Unigénitum tuum Redemptórem nostrum ex Heródis gládio, fuga in AEGýptum, erípere voluísti: concéde nobis fámulis tuis, beatíssima semper Vírgine ejus matre María intercedénte ; ut, ab ómnibus mentis et córporis perículis liberáti, ad caeléstem pátriam perveníre mereámur. Per eúmdem Dóminum.

Léctio Isaíae Prophétae.

Isai. 19, 20-22

IN diébus illis: Clamábunt ad Dóminum a fácie tribulántis, et mittet eis salvatórem et propugnatórem, qui liberet eos. Et cognoscétur Dóminus ab AEGýpto, et cognóscet AEGýptii Dóminum in die illa, et colent eum in hóstiis, et in munéribus, et vota vovébunt Dómino, et solvent. Et percútiét Dóminus AEGýptum plaga, et sanábit eam: et reverténtur ad Dóminum, et placábitur eis, et sanábit eos Dóminus Deus noster.

Graduale Ps. 90, 11-12 Angelis suis mandávit de te: ut custódiánt te in ómnibus viis tuis. **Vl.** In mánibus portábunt te, ne umquam offéndas ad lápidem pedem tuum.

Allelúja , allelúja. **Vl. Matth. 2, 13** Angelus Dómini appáruit in somnis Joseph, dicens: Surge, et áccipe púerum et matrem ejus, et fuge in AEGýptum. Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Matth. 2, 13 Angelus Dómini appáruit in somnis Joseph, dicens: Surge, et áccipe púerum, et matrem ejus, et fuge in AEGýptum. **Vl.** Et esto ibi usque dum dicam tibi. **Vl.** Futúrum est enim ut Heródes quaerat púerum ad perdéndum eum.

Tempore autem Paschali, omittitur Graduale, et ejus loco dicitur:

Allelúja , allelúja. **Vl. Matth. 2, 13** Angelus Dómini appáruit in somnis Joseph, dicens: Surge, et áccipe púerum et matrem ejus, et fuge in AEGýptum. Allelúja. **Vl.** Et esto ibi usque dum dicam tibi. Allelúja.

+ Sequéntia sancti Evangélii secúndum Matthaéum.
Matth. 2, 13-15

IN illo témpore: Angelus Dómini appáruit in somnis Joseph, dicens: Surge, et áccipe púerum, et matrem ejus, et fuge in AEGýptum, et esto ibi usque dum dicam tibi. Futúrum est enim ut Heródes quaerat púerum ad perdéndum eum. Qui consúrgens accépit púerum, et matrem ejus nocte, et secéssit in AEGýptum: et erat ibi usque ad óbitum Heródis: ut adimplerétur quod dictum est a Dómino per prophétam dicéntem: Ex AEGýpto vocávi Fílium meum.

Credo.

Offertorium Isai. 19, 21 Cognoscétur Dóminus ab AEGýpto, et cognóscet AEGýptii Dóminum in die illa, et colent eum in hóstiis et in munéribus, et vota vovébunt Dómino, et solvent.

Secreta

LAUDIS tibi, Dómine, hóstias immolámus, suppliciter deprecátes: ut, qui cum beatíssima matre Vírgine María in AEGýptum exsul deférri voluísti ; éxsules nos, eádem beáta Vírgine intercedénte, ad caeléstem pátriam benígnus perdúcas: Qui vivis.

Praefatio de Nativitate.

Communio Matth. 2, 15 Et erat ibi usque ad óbitum Heródis: ut adimplerétur quod dictum est a Dómino per prophétam dicéntem: Ex AEGýpto vocávi fílium meum.

Postcommunio

LARGÍRE sénsibus nostris, omnípotens Deus: ut per temporálem Fílii tui fugam, quam mystéria veneránda testántur, vitam te nobis dedísse perpétuam confidámus. Per eúmdem Dóminum.

MISSAE PRO ALIQUIBUS LOCIS

Die 26 vel 27 Februarii

S. MARGARITAE DE CORTONA

Paenitentis

Introitus **Ps. 118, 75 et 120**

COGNÓVI, Dómine, quia aéquitas judícia tua, et in veritáte tua humiliásti me: confíge timóre tuo carnes meas, a mandátis tuis tímui. **Ps. ibid., 1** Beáti immaculáti in via: qui ámbulant in lege Dómini. **VI.** Glória Patri.

Oratio

DEUS, qui fámulam tuam Margarítam de perditiónis via ad salútis trámitem misericórditer deduxísti: eádem nobis miseratióne concéde ; ut, quam prius errántem sectári non erubúimus, mox paeniténtem ímpigre sequi gloriémur. Per Dóminum.

Léctio libri Sapiéntiae.

Cant. 3, 2-5 ; 8, 6-7

SURGAM, et circuíbo civitátem: per vicos et platéas quaeram quem díligit ánima mea: quaesívi illum, et non invéni. Invenérunt me vígiles, qui custódiunt civitátem: Num quem díligit ánima mea, vidístis ? Páululum cum pertransíssem eos, invéni quem díligit ánima mea: ténui eum nec dimíttam, donec introdúcam illum in domum matris meae, et in cubículum genitrícis meae. Adjúro vos, fíliae Jerúsalem, per cápreas cervósque campórum, ne suscitétis, neque evigiláre faciátis diléctam donec ipsa velit. Pone me ut signáculum super cor tuum, ut signáculum super bráchium tuum: quia fortis est ut mors diléctio, dura sicut inférnus aemulátio: lámpades ejus lámpades ignis atque flammárum. Aquae multae non potuérunt exstínguere caritátem, nec flúmina óbruunt illam: si déderit homo omnem substántiam domus suae pro dilectiÓne, quasi nihil despíciat eam.

Graduale Ps. 44, 3 et 5 Diffúsa est grátia in lábiis tuis: proptérea benedíxit te Deus in aetérnum. **VI.** Propter veritátem, et mansuetúdinem, et justítiam: et dedúcet te mirabíliter dextera tua. Allelúja, allelúja . **VI. Ibid., 5** Spécie tua et pulchritúdine tua inténde, prospere procéde, et regna. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum. **V/. Ps. 44, 8 et 5** Dilexisti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **V/.** Spécie tua et pulchritúdine tua inténde, próspere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja . **V/. Ps. 44, 5** Spécie tua et pulchritúdine tua inténde, próspere procéde, et regna. Allelúja. **V/.** Propter veritátem, et mansuetúdinem, et justítiam: et dedúcet te mirábiliter dextera tua. Allelúja.

+ Sequéntia sancti Evangéllii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illius vadit, et vendit univérta, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummátione saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 44, 3 Diffúsa est grátia in lábiis tuis: proptérea benedíxit te Deus in aetérnum, et in saéculum saéculi.

Secreta

PLACATIÓNIS hóstia, quam tibi offérimus, Dómine, beátae Margarítae interveniénte suffrágio, optátae nobis indulgéntiae plenitúdinem largiátur. Per Dóminum.

Communio Ps. 44, 8 Dilexísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis.

Postcommunio

UBERES, Dómine, sanctae tuae Margarítae lácrimae durítiem nostri cordis emólliant: ut, per hujus virtútem sacraménti, débitas reátibus flammis incessánti fletu exstinguámus Per Dóminum.

MISSAE PRO ALIQUIBUS LOCIS

Feria III

post Dominicam in Septuagesima

ORATIONIS D. N. J. C.

Introitus **Ps. 54, 5-6**

COR meum conturbátum est in me, et formído mortis cécidit super me. Timor et tremor venérunt super me. **Ps. 68, 2** Salvum me fac, Deus: quóniam intravérunt aquae usque ad ánimam meam. **V/.** Glória Patri.

Oratio

DÓMINE Jesu Christe, qui in horto verbo et exémplo nos oráre docuísti, ad tentatiónum perícula superánda: concéde propítius ; ut nos, oratióni semper inténti, ejus copiósus fructum cónsequi mereámur: Qui vivis et regnas cum Deo Patre in unitáte Spíritus Sancti Deus.

Léctio Epístolae beáti Pauli Apóstoli ad Hebraeos.

Hebr. 5, 5-10

FRATRES: Christus non semetípsum clarificávit ut pónitífex fíeret: sed qui locútus est ad eum: Fílius meus es tu, ego hódie génui te. Quemádmódum et in álio loco dicit: Tu es sacérdos in aetérnum, secúndum órđinem Melchisedech. Qui in diébus carnis suae preces, supplicatiónesque ad eum, qui possit illum

salvum fácere a morte, cum clamóre válido et lácrimis ófferens, exaudítus est pro sua reveréntia: et quidem cum esset Fílius Dei, dídicit ex iis, quae passus est, obediéntiam: et consummátus, factus est ómnibus obtemperántibus sibi, causa salutis aetérnae, appellátus a Deo pónitífex juxta órđinem Melchisedech.

Graduale Ps. 87, 4-5 Repléta est malis ánima mea, et vita mea inférno appropinquávit. **V/.** AEstimátus sum cum descendéntibus in lacum, factus sum sicut homo sine adjutório.

Tractus Ps. 68, 17 et 18 Exáudi me, Dómine, quóniam benigna est misericórdia tua. **V/.** Et ne avértas fáciem tuam a púero tuo: quóniam tribulor, velóciter exáudi me. **V/.** **Ps. 21, 12** Ne discésseris a me: quóniam tribulátio próxima est: quóniam non est qui ádjuvet.

In Missis per annum Graduale ut supra, et omissis Tractu, dicitur:

Allelúja, allelúja . **V/.** **Ps. 21, 25** Dóminus non avértit fáciem suam a me: et cum clamárem ad eum, exaudívit me. Allelúja.

Tempore autem Paschali, omissis Graduali et Tractu, dicitur:

Allelúja, allelúja . **V/.** **Ps. 27, 6-7** Benedíctus Dóminus: quóniam exaudívit vocem deprecationis meae. **V/.** Dóminus adjútor meus et protéctor meus: in ipso sperávit cor meum, et adjútus sum. Allelúja.

+ Sequéntia sancti Evangéllii secúndum Lucam.

Luc. 22, 39-44

IN illo témpore: Egréssus Jesus ibat, secúndum consuetúdinem, in montem Olivárum. Secúti sunt autem illum et discípuli. Et cum pervénisset ad locum, dixit illis: Oráte, ne intrétis in tentatiónem. Et ipse avúlsus est ab eis quantum jactus est lápidis, et pósitis génibus orábat, dicens: Pater, si vis, transfer cálicem istum a me: verúmtamen non mea volúntas, sed tua fiat. Appáruit autem illi Angelus de caelo, confórtans eum. Et factus in agonía, prólixius orábat. Et factus est sudor ejus, sicut guttae sánguinis decurréntis in terram.

Credo.

Offertorium Ps. 68, 2 Salvum me fac, Deus: quóniam intravérunt aquae usque ad ánimam meam.

Secreta

HUJUS sancti sacrificii méritis fac nos, quaésumus, Dómine, divína institutióne formátos curam oratióni tam efficáciter impéndere: ut Jesus Christus Fílius tuus in éxitu nostro vígiles nos et a culpa solútos invéniat: Qui tecum.

Praefatio de Cruce.

Communio Matth. 26, 41 Vigilate et oráte, ut non intrétis in tentatiónem: spíritus quidem promptus est, caro autem infírma.

Postcommunio

REFÉCTI alimónia caelésti, súplices te rogámus, Pater omnípotens: ut, per unigéniti Fílii tui oratiónis virtútem, nos in tantis córporis et ánimaie periculis constitúti, ad caeléstia regna secúre pervenire mereámur. Per eúmdem Dóminum.

MISSAE PRO ALIQUIBUS LOCIS

Feria III

post Dominicam in Sexagesima

IN COMMEMORATIONE PASSIONIS D. N. J. C.

Missa Humiliávit, quae habetur inter votivas circa finem Missalis, praeter Orationem sequentem:

Oratio

P

OMNÍPOTENS sempitérne Deus, qui humáno géneri, ad imitándum humilitátis exéplum, Salvatórem nostrum carnem súmeri et crucem subíre fecísti: concéde propítius ; ut, sicut solénnem

Commemoratióem Passi6nis ejus celebrámus, ita et paciéntiae ipsius habére documénta, et resurrecti6nis cons6rtia mereámur. Per eúmdem D6minum nostrum.

Et dicitur Credo.

MISSAE PRO ALIQUIBUS LOCIS

Feria VI

post Cineres

SACRAE SPINEAE CORONAE D. N. J. C.

Introitus **Cant. 3, 11**

EGREDÍMINI et vidéte, fíliae Sion, regem Salom6nem in diadémate, quo coronávit eum mater sua, parans crucem Salvatóri suo. **Ps. 8, 6-7** Gl6ria et hon6re coronásti eum, D6mine: et constituísti eum super 6pera mánuum tuárum. **Vl.** Gl6ria Patri.

Oratio

PRAESTA, quaesumus, omnípotens Deus: ut, qui in memóriam passi6nis D6mini nostri Jesu Christi Cor6nam ejus spíneam venerámur in terris, ab ipso gl6ria et hon6re conorári mereámur in caelis: Qui tecum vivit.

Lectio libri Sapiéntiae.

Cant. 3, 7-11 ; 4, 1 et 8

LÉCTULUM Salom6nis sexagínta fortes ámbiunt ex fortíssimis Israël: omnes tenétes gládios, et ad bella doctíssimi: uniuscujúsque ensis super femur suum propter tim6res noctúrnos. Férculum fecit sibi rex Sálomon de lignis Líbani: colúmnas ejus fecit argénteas, reclinatorium áureum, ascénsus purpúreum: média caritate constrávit propter fílias Jerúsalem. Egredímini et vidéte, fíliae Sion, regem Salom6nem in diadémate, quo coronávit illum mater sua in die desponsati6nis illíus, et in die laetítiae cordis ejus. Quam pulchra es, amíca mea, quam pulchra es ! Oculi tui columbárum, absque eo quod intrínsecus latet. Veni de Líbano, sponsa mea, veni de Líbano, veni: coronáberis.

Graduale Eccli. 45, 14 Cor6na áurea super caput ejus: expréssa signo sanctitátis, gl6ria hon6ris, et opus fortitúdinis. **Vl. Ps. 20, 4** Qu6niam praevenísti eum in benedicti6nibus dulcédinis: posuísti in cápite ejus cor6nam de lápide preti6so.

Tractus Isai. 61, 10 Induit eum D6minus vestiméntis salútis, et induménto justítiae, quasi sponsum decorátum cor6na. **Vl. Isai. 28, 5** Cor6na tribulati6nis efflóruit in cor6nam gl6riae, et sertum exsultati6nis. **Vl. Sap. 5, 17** Accépit regnum dec6ris, diadéma speciéi.

In Missis per annum post Graduale, omisso Tractu, dicitur:

Allelúja , allelúja. **Vl. Isai. 28, 5** Cor6na tribulati6nis efflóruit in cor6nam gl6riae, et sertum exsultati6nis. Allelúja.

Tempore autem Paschali, omissis Graduali et Tractu, dicitur:

Allelúja, allelúja. **Vl. Eccli. 45, 14** Cor6na áurea super caput ejus: expréssa signo sanctitátis, gl6ria hon6ris, et opus fortitúdinis. Allelúja. **Vl.** Tibi gl6ria, hosánna: tibi triúmplus et vict6ria: tibi summae laudis et hon6ris cor6na. Allelúja.

+ Sequéntia sancti Evangélii secúndum Joánnem.

Joann. 19, 1-5

IN illo témpore: Apprehéndit Pilátus Jesum, et flagellávit. Et mílites plectétes cor6nam de spinis, imposuérunť cápiti ejus: et veste purpúrea circumdedérunt eum. Et veniébant ad eum, et dicébant: Ave, Rex Judae6rum: et dabant ei álapas. Exívit ergo íterum Pilátus foras, et dicit eis: Ecce addúco vobis eum foras, ut cognoscátis, quia nullam invénio in eo causam. Exívit ergo Jesus portans cor6nam spíneam, et purpúreum vestiméntum.

Credo.

Offertorium Tuam Cor6nam adorámus, D6mine: tuam glori6sam recólimus passi6nam.

Secreta

TUÓRUM mílitum, Rex omnípotens, virtútem róborá: ut, quos in hujus mortalitátis stádio unigéniti Filii tui Coróna laetíficat ; consummáto cursu certáminis, immortalitátis bravíum apprehéndant. Per eúmdem Dóminum.

Praefatio de Cruce.

Communio Prov. 4, 9 Laetáre, mater nostra, quia dabit Dóminus cápiti tuo augménta gratiárum, et coróna ínclita próteget te.

Postcommunio

SÚPPLICES te rogámus, omnípotens Deus: ut haec sacraménta quae sumpsimus, per sacrosánctae Filii tui Corónae, cujus solémnia recensémus, virtútem, nobis profícient ad medélam. Per eúmdem Dóminum.

MISSAE PRO ALIQUIBUS LOCIS**Feria VI**

post Dominicam primam Quadragesimae

SACRORUM LANCEAE ET CLAVORUM**D. N. J. C.**

Introitus **Ps. 21, 17-18 et 15**

FODÉRUNT manus meas, et pedes meos: dinumeravérunt ómnia ossa mea: et sicut aqua effúsus sum. **Ps. ibid., 15** Factum est cor meum tamquam cera liquéscens, in médio ventris mei. **Vl.** Glória Patri.

Oratio

DEUS, qui in assúptae carnis infirmitáte Clavis affígi et Láncea vulnerári pro mundi salúte voluísti: concéde propítius ; ut, qui eorúmdem Clavorum et Lánceae solémnia venerámur in terris, de glorióso victóriae tuae triúmpho gratulémur in caelis: Qui vivis.

Léctio Zacharíaе Prophétae.

Zach. 12, 10-11 ; 13, 6-7

HAEC dicit Dóminus: Effúndam super domum David, et super habitatóres Jerúsalem spíritum grátiae et precum: et aspicient ad me, quem confixerunt: et plangent eum planctu quasi super unigénitum, et dolébunt super eum, ut doléri solet in morte primogéniti. In die illa magnus erit planctus in Jerúsalem, et dicétur: Quid sunt plagae istae in médio mánuum tuárum ? Et dicet: His plagátus sum in domo eórum, qui diligébant me. Frámea, suscitáre super pastórem meum, et super virum cohaeréntem mihi, dicit Dóminus exercítuum: pércute pastórem, et dispergéntur oves: ait Dóminus omnípotens.

Graduale Ps. 68, 21-22 Impropérium expectávit cor meum, et misériam: et sustínui, qui simul mecum contristarétur, et non fuit: consolántem me quaesívi, et non invéni. **Vl.** Dedérunt in escam meam fel, et in siti mea potavérunt me acéto.

Tractus Isai. 53, 4-5 Vere languóres nostros ipse tulit, et dolóres nostros ipse portávit. **Vl.** Et nos putávimus eum quasi leprósum, et percússum a Deo, et humiliátum. **Vl.** Ipse autem vulnerátus est propter iniquitátes nostras, attrítus est propter scélera nostra. **Vl.** Disciplína pacis nostrae super eum: et livóre ejus sanáti sumus.

In Missis per annum post Graduale, omissio Tractu, dicitur:

Allelúja, allelúja. **Vl.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúja.

Tempore autem Paschali, omissio Graduali et Tractu, dicitur:

Allelúja, allelúja. **Vl.** Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúja. **Vl.** Tibi glória, hosánna: tibi triúmphus et victória: tibi summae laudis et honóris coróna. Allelúja.

+ Sequéntia sancti Evangélii secúndum Joánnem.

Joann. 19, 28-35

IN illo tēpore: Sciens Jesus, quia ómnia consummáta sunt, ut consummarétur Scriptúra, dixit: Sítio. Vas ergo erat pósito acéto plenum. Illi autem spóngiam plenam acéto, hyssópo circumponéntes, obtulérunt ori ejus. Cum ergo accepisset Jesus acétum, dixit: Consummátum est. Et inclináto cápite trádidit spíritum. Judaéi ergo (quóniam Parascéve erat) ut non remanérent in cruce córpora sábbato (erat enim magnus dies ille sábbati), rogavérunt Pilátum, ut frangeréntur eórum crura, et tolleréntur. Venérunt ergo mílites: et primi quidem fregérunt crura, et altérius, qui crucifixus est cum eo. Ad Jesum autem cum venissent, ut vidérunt eum jam mórtuum, non fregérunt ejus crura, sed unus mílitum lancea latus ejus apéruit, et contínuo exívit sanguis, et aqua. Et qui vidit, testimónium perhíbuit: et verum est testimónium ejus.

Credo.

Offertorium Insurrexérunt in me viri iníqui: absque misericórdia quaesiérunt me interfícere: et non pepercérunt in fáciem meam spúere: lanceis suis vulneravérunt me, et concússa sunt ómnia ossa mea.

Secreta

SANCTÍFICET nos, quaésumus, Dómine, hoc sanctum et immaculátum sacrificium vespertinum: quod unigénitus Fílius tuus in Cruce obtulit pro salúte mundi: Qui tecum.

Praefatio de Cruce.

Communio Vidébunt in quem transfixérunt, cum moveréntur fundaménta terrae.

Postcommunio

DÓMINE Jesu Christe, qui temetípsum in Cruce holocáustum immaculátum et spontáneum Deo Patri obtulisti: quaésumus ; ut ejúsdem sacrificii oblátio veneránda indulgéntiam nobis obtíneat, et glóriam sempitérnam: Qui vivis et regnas cum eódem Deo Patre.

MISSAE PRO ALIQUIBUS LOCIS**Feria VI**

post Dominicam II Quadragesimae

SACRATISSIMAE SINDONIS**D. N. J. C.**

Introitus **Philipp. 2, 8-9**

HUMILIÁVIT semetípsum Dóminus Jesus Christus usque ad mortem, mortem autem crucis: propter quod et Deus exaltávit illum, et donávit illi nomen, quod est super omne nomen. **Ps. 88, 2** Misericórdias Dómini in aetérnum cantábo: in generatióem et generatióem annuntiábo veritátem tuam in ore meo. **Vl.** Glória Patri.

Oratio

DEUS, qui nobis in sancta Síndone, qua corpus tuum sacratíssimum, e Cruce depósito, a Joseph involútum fuit, passiónis tuae vestigia reliquisti: concéde propítius ; ut per mortem et sepultúram tuam, ad resurrectiόνis glóriam perducámur: Qui vivis.

Léctio Isaíae Prophétae.

Isai. 62, 11 ; 63, 1-7

HAEC dicit Dóminus Deus: Dícite fíliae Sion: Ecce Salvátor tuus venit: ecce merces ejus cum eo. Quis est iste, qui venit de Edom, tinctis véstibus de Bosra ? Iste formósus in stola sua, grádiens in multitudíne fortitúdinis suae. Ego, qui loquor justítiam, et propugnátor sum ad salvándum. Quare ergo rubrum est induméntum tuum, et vestiménta tua sicut calcántium in torculári ? Tórcular calcávi solus, et de géntibus non est vir mecum: calcávi eos in furóre meo, et conculcávi eos in ira mea: et aspérsus est sanguis eórum super vestiménta mea, et ómnia induménta mea inquinávi. Dies enim ultiónis in corde meo, annus redemptiόνis meae venit. Circumspéxi, et non erat auxiliátor: quaesívi, et non fuit qui adjuváret: et salvávit mihi bráchium meum, et indignátio mea ipsa auxiliáta est mihi. Et conculcávi pópulos in furóre meo, et inebriávi eos in indignatióne mea, et detráxi in terram virtútem eórum. Miseratiónum Dómini recordábor, laudem Dómini super ómnibus, quae réddidit nobis Dóminus Deus noster.

Graduale Ps. 68, 21-22 Impropérium exspectávit cor meum, et misériam: et sustínui, qui simul mecum

contristarétur, et non fuit: consolántem me quaesívi, et non invéni. *Vl.* Dedérunt in escam meam fel, et in siti mea potavérunt me acéto.

Tractus Isai. 53, 4-5 Vere languóres nostros ipse tulit, et dolóres nostros ipse portávit. *Vl.* Et nos putávimus eum quasi leprósum, et percússum a Deo, et humiliátum. *Vl.* Ipse autem vulnerátus est propter iniquitátes nostras, attrítus est propter scélera nostra. *Vl.* Disciplína pacis nostrae super eum: et livóre ejus sanáti sumus.

In Missis per annum post Graduale, omissio Tractu, dicitur:

Allelúja, allelúja. *Vl.* Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúja.

Tempore autem Paschali, omissis Graduali et Tractu, dicitur:

Allelúja, allelúja. *Vl.* Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúja. *Vl.* Tibi glória, hosánna: tibi triúmphus et victória: tibi summae laudis et honoris coróna. Allelúja.

+ Sequéntia sancti Evangélii secúndum Marcum.

Marc. 15, 42-46

IN illo témpore: Cum jam sero esset factum (quia erat Parascéve, quod est ante sábbatum) venit Joseph ab Arimathaéa, nóbilis decúrio, qui et ipse erat exspéctans regnum Dei, et audácter introívit ad Pilátum, et pétiit corpus Jesu. Pilátus autem mirabátur si jam obiisset. Et accersíto centurióne, interrogávit eum si jam mórtuus esset. Et cu m cognovisset a centurióne, donávit corpus Joseph. Joseph autem mercátus síndonem, et depónens eum invólvit sídone, et pósuit eum in monuménto, quod erat excísum de petra, et advólvit lápidem ad óstium monuménti.

Credo.

Offertorium Levit. 16, 2 et 5 Ingréssus Aaron tabernáculum, ut holocáustum offérret super altáre pro peccátis filiórum Israël, túnica línea indútus est.

Secreta

ACCÉPTA tibi, Dómine, sint haec múnera: cui pro mundi salúte grata éxstitit Fílii tui pássio gloriósa: Qui tecum vivit.

Praefatio de Cruce.

Communio Marc. 15, 46 Joseph autem mercátus síndonem, et depónens eum invólvit sídone.

Postcommunio

SATIÁSTI, Dómine, famíliam tuam munéribus sacris: quaesumus ; ut, per temporálem Fílii tui mortem, quam mystéria veneránda testántur, vitam te nobis dedísse perpétuam confidámus. Per eúmdem Dóminum.

MISSAE PRO ALIQUIBUS LOCIS

Feria VI

post Dominicam III Quadragesimae

SACRORUM QUINTQUE VULNERUM

D. N. J. C.

Missa Humiliávit, quae habetur inter votivas circa finem Missalis, cum Orationibus ut infra ; et dicitur Credo.

Oratio

P

DEUS, qui unigéniti Fílii tui passióne et, per quinque Vúlnera ejus, sánguinis effusióne, humánam natúram peccáto pérditam reparásti: tríbue nobis, quaesumus ; ut, qui ab eo suscepta Vúlnera venerámur in terris, ejúsdem pretiosíssimi sánguinis fructum cónsequi mereámur in caelis. Per eúmdem Dóminum.

Secreta

P

MAJESTÁTI tuae, quaesumus, Dómine, accépta sint dona: in quibus ipsa Unigéniti tui Vúlnera tibi offérimus, nostrae prétia libertátis. Per eúmdem Dóminum.

Postcommunio

P

REFÉCTI vitálibus alimóniis, quaesumus, Dómine Deus noster: ut qui Vúlnera Dómini nostri Jesu Christi hódie devóte cólimus ; haec in nostris córdibus impréssa, móribus et vita teneámus. Per eúmdem Dóminum.

MISSAE PRO ALIQUIBUS LOCIS

Feria VI

post Dominicam IV Quadragesimae

PRETIOSISSIMI SANGUINIS

D. N. J. C.

Missa Redemísti, ut in Missali, die 1 Julii.

MISSAE PRO ALIQUIBUS LOCIS

FESTA MARTII

Die 22 Martii

S. CATHARINAE FLISCAE ADURNAE

Viduae

Introitus **Ps. 41, 3**

SITIVIT ánima mea ad Deum fortem vivum: quando véniam et apparébo ante fáciem Dei ? **Ps. ibid., 2**
Quemádmmodum desiderat cervus ad fontes aquárum: ita desiderat ánima mea ad te, Deus. **Vl.** Glória Patri.

Oratio

DEUS, qui beátam Catharínam, in contemplánda Fílii tui passióne, divíni amoris igne flagráre fecísti: quaesumus ; ut, ipsa intercedénte, tuae in nobis flammam caritátis accéndas, et eúsdem passiónis, partícipes dignánte efficias. Per eúmdem Dóminum.

Léctio libri Sapiéntiae.

Prov. 31, 10-31

MULÍEREM fortem quis invéniet ? Procul, et de últimis fínibus prétium ejus. Confídit in ea cor viri sui, et spóliis non indigébit. Reddet ei bonum, et non malum, ómnibus diébus vitae suae. Quaesívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque praedam domésticis suis, et cibária ancíllis suis. Considerávit agrum, et emit eum: de fructu mánuum suárum plantávit víneam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiatio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fustum. Manum suam apéruit inopi, et palmas suas exténdit ad páuperem. Non timébit dómui suae a frigóribus nivis: omnes enim doméstici ejus vestíti sunt duplícibus. Stragulatam vestem fecit sibi: byssus, et púrpura induméntum ejus. Nóbilis in portis vir ejus, quando séderit cum senatóribus terrae. Síndonem fecit et véndidit, et cingulum trádidit Chananaéo. Fortitúdo et decor induméntum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otíosa non comédit. Surrexérunt fílii ejus, et beatíssimam praedicavérunt: vir ejus, et laudávit eam. Multae fíliae congregavérunt divítias: tu supergréssa es univérsas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

Graduale Ps. 44, 3 Diffúsa est grátia in lábiis tuis: proptérea benedíxit te Deus in aetérnum. **Vl. Ibid., 5**
Propter veritátem, et mansuetúdinem, et justítiam: et dedúcet te mirábiliter dextera tua.

Allelúja, allelúja . **Vl. Ps. 72, 25-26** Quid mihi est in caelo ? et a te quid vólui super terram ? Defécit caro mea, et cor meum: Deus cordis mei et pars mea Deus in aetérnum. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum. **Vl. Ps. 44, 8 et 5** Dilexísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus

tuis. *Vl.* Spécie tua et pulchritudine tua inténde, prospere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja . *Vl.* *Ps. 72, 25-26* Quid mihi est in caelo ? et a te quid vólui super terram ? Defécit caro mea, et cor meum: Deus cordis mei et pars mea Deus in aetérnum. Allelúja. *Vl.* Concáluit cor meum intra me: et in meditatióne mea exardéscet ignis. Allelúja.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discipulis suis parábolam hanc: Símile est regnum caelórum thesáuro abscondito in agro: quem, qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scriba doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 107, 2 Parátum cor meum, Deus, parátum cor meum: cantábo, et psállam in glória mea.

Secreta

HIS sacrificiis, quaesumus, omnipotens Deus, propitiatus inténde: et, beáta Catharina intercedente, spíritum in nobis tuae dilectiónis accénde. Per Dóminum.

Communio Ps. 83, 3 Cor meum et caro mea exsultavérunt in Deum vivum.

Postcommunio

SÚPPLICES te rogámus, omnipotens Deus: ut, quos tuis refícere dignátus es sacraméntis, intercedente beáta Catharina, tríbuas pro tui amóre terréna despícere ; et caeléstium semper participatióne gaudere. Per Dóminum.

MISSAE PRO ALIQUIBUS LOCIS

FESTA APRILIS

S. BENEDICTI JOSEPHI LABRE

Die 16 Aprilis

Confessoris

Introitus *Jer. 12, 7 ; Ps. 85, 1 ; 26, 10*

RELÍQUI domum meam: dimísi hereditátem meam: inops et pauper ego sum: Dóminus autem assúmpsit me. (*T. P.* Allelúja, allelúja.) *Ps. 41, 2* Quemádmódum desíderat cervus ad fontes aquárum, ita desíderat ánima mea ad te, Deus. *Vl.* Glória Patri.

Oratio

DEUS, qui sanctum Benedíctum Joséphum Confessórem tuum, humilitátis stúdio et paupertátis amóre, tibi uni adhaerere fecisti: da nobis ejus suffragántibus méritis ; terréna cuncta despícere, et caeléstia semper inquirere. Per Dóminum.

Léctio Epístolae beáti Pauli Apóstoli ad Timótheum.

1 Tim. 6, 6-12

CARÍSSIME: Est quaestus magnus píetas cum sufficiéntia. Nihil enim intúlimus in hunc mundum: haud dúbium quod nec auférre quid póssumus. Habéntes autem aliménta, et quibus tegámur, his conténti simus. Nam qui volunt dívites fíeri, íncidunt in tentatiónem, et in láqueum diáboli, et desidéria multa inútilia et nocíva, quae mergunt hómines in intéritum et perditiónem. Radix enim ómnium malórum est cupiditas: quam quidam appeténtes, erravérunt a fide, et inseruérunt se dolóribus multis. Tu autem, o homo Dei, haec fuge: sectáre vero justítiam, pietátem, fidem, caritátem, paciéntiam, mansuetúdinem. Certa bonum certámen

fídei, apprehénde vitam aetérnam.

Graduale Ps. 39, 5 et 18 Beátus vir, cujus est nomen Dómini spes ejus, et non respéxit in vanitátes et insánias falsas. *Vl.* Ego autem mendícus sum et pauper: Dóminus sollícitus est mei. Adjútor meus, et protéctor meus tu es.

Allelúja, allelúja. *Vl. Ps. 38, 13* Exáudi oratióem meam, Dómine, et deprecatióem meam: áuribus pércipe lácrimas meas: quóniam ádvena ego sum apud te, et peregrínus. Allelúja.

Post Septuagesimam, omissis Allelúja et Versu sequenti, dicitur

Tractus 1 Joann 2, 15, 16 et 17 Nolíte dilígere mundum, neque ea quae in mundo sunt. Si quis diligit mundum, non est caritas Patris in eo. *Vl.* Omne, quod est in mundo, concupiscéntia carnis est, et concupiscéntia oculórum, et supérbia vitae. *Vl.* Et mundus transit, et concupiscéntia ejus: qui autem facit voluntátem Dei, manet in aetérnum.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Ps. 112, 5-6* Quis sicut Dóminus Deus noster, qui in altis hábitat, et humília respicit in caelo et in terra? Allelúja. *Vl. Ibid., 7-8* Súscitans a terra ínopem, et de stércore érigens páuperem: ut cóllocet eum cum princípibus, cum princípibus pópuli sui. Allelúja.

+ Sequéntia sancti Evangélii secúndum Matthaéum.

Matth. 16, 24-27

IN illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimae vero suae detriméntum patiátur? Aut quam dabit homo commutatióem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera ejus.

Offertorium Hebr. 13, 14 et 15 Non habémus hic manéntem civitátem, sed futúram inquírimus: offerámus ergo hóstiam laudis semper Deo, fructum labiórum confiténtium nómini ejus. (T. P. Allelúja.)

Secreta

OBLÁTA múnera, clementíssime Deus, propítius respice: et, sancti Benedícti Joséphi Confessóris tui interveniéntis suffrágio, in salútem nobis proveníre concéde. Per Dóminum.

Communio Matth. 5, 3 et 8 Beáti páuperes spírítu, quóniam ipsórum est regnum caelórum: beáti mundo corde, quóniam ipsi Deum vidébunt. (T. P. Allelúja.)

Postcommunio

SACRIS, Dómine, refécti munéribus; quaesumus; ut sancti Benedícti Joséphi Confessóris tui virtútes imitémur, cujus póscimus méritis adjuvári. Per Dóminum.

MISSAE PRO ALIQUIBUS LOCIS

Die 26 Aprilis

B. MARIAE VIRGINIS DE BONO CONSILIO

Introitus

GAUDEÁMUS omnes in Dómino, diem festum celebrántes sub honóre beátae Maríae Vírginis, Boni Consílii Matris: de cujus solemnitate gaudent Angeli, et colláudant Fílium Dei. (T. P. Allelúja, allelúja.) **Ps. 44, 2** Eructávit cor meum verbum bonum: dico ego ópera mea Regi. *Vl.* Glória Patri.

Oratio

DEUS, qui Genitrícem dilécti Fílii tui matrem nobis dedísti, ejúsque speciósam Imáginem mira apparitióne clarificáre dignátus es: concéde, quaesumus; ut, ejúsdem mónitis júgiter inhaeréntes, secúndum cor tuum vívere, et ad caeléstem pátriam felíciter perveníre valeámus. Per eúmdem Dóminum.

Lectio libri Sapiéntiae.

Eccli. 24, 23-31

EGO quasi vitis fructificávi suavitétem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spiritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Prov. 8, 12 et 34 Ego sapiéntia hábito in consílio, et erudítis intérsu cogitatióibus. **V/.** Beátus homo qui audit me, et vígilat ad fores meas quotídie, et obsérvat ad postes óstii mei. Allelúja, allelúja. **V/.** **Ibid., 35** Qui me invénerit, invéniet vitam, et háuriet salútem a Dómino. Allelúja.

Post Septuagesimam, omissis Allelúja et Versu sequenti, dicitur

Tractus Prov. 8, 14, 17, et 20-21 Meum est consílium et aequitas, mea est prudéntia, mea est fortitúdo. **V/.** Ego diligéntes me díligo: et qui mane vígilant ad me, invénient me. **V/.** In viis justítiae ámbulo, in médio semitárum judícii. **V/.** Ut ditem diligéntes me, et thesáuros eórum répleam.

Tempore autem Paschali omittitur Graduale, et ejus loco dicitur:

Allelúja , allelúja. **V/.** **Luc. 1, 28** Ave, María, grátia plena: Dóminus tecum: benedícta tu in muliéribus. Allelúja. **V/.** Per te, Dei Génitrix, nobis est vita pérdita data: quae de caelo suscepísti prolem, et mundo genuísti Salvatórem. Allelúja.

+ Sequéntia sancti Evangélii secúndum Lucam.

Luc. 1, 26-33

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingressus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis.

Credo.

Offertorium Jerem. 18, 20 Recordáre, Vírgo Mater, in conspéctu Dei, ut loquáris pro nobis bona, et ut avértat indignatióem suam a nobis. **(T. P. Allelúja.)**

Secreta

SANCTÍFICA, Dómine, quaesumus, obláta libámina: et beátae Dei Genitricis Maríae, Boni Consílii Matris, salubérrima intercessióne, nobis salutária fore concéde. Per eúmdem Dóminum.

Praefatio de beata Maria Virgine Et te in Festivitate.

Communio Regína mundi digníssima, María Virgo perpétua, intercéde pro nostra pace et salúte, quae genuísti Christum Dóminum Salvatórem ómnium. **(T. P. Allelúja.)**

Postcommunio

ADJUVET nos, quaesumus, Dómine, gloriósae tuae Genitricis sempérque Vírginis Maríae, Matris Boni Consílii, intercésio veneránda: ut, quos perpétuis cumulávit beneficiis ; ea quae agénda sunt júgiter vidére fáciat, et ad implénda quae víderint convaléscere: Qui vivis.

MISSAE PRO ALIQUIBUS LOCIS

FESTA MAJI

Die 15 Maji

S. ISIDORI AGRICOLAE

Confessoris

Introitus **Ps. 91, 13-14**

JUSTUS ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. (T. P. Allelúja, allelúja.) **Ps. ibid., 2** Bonum est confitéri Dómino: et psállere nómini tuo, Altíssime. **V.** Glória Patri.

Oratio

DA nobis, quaésumus, miséricors Deus: beáto Isidóro agrícóla Confessóre tuo intercedénte, supérbe non sápere ; sed ejus méritis et exémpis, plácita tibi semper humilitáte deservíre. Per Dóminum.

Léctio Epístolae beáti Jacóbi Apóstoli.

Jac. 5, 7-8, 11 et 16-18

PATIÉNTES estóte, fratres, usque ad advéntum Dómini. Ecce agrícóla expéctat pretiósum fructum terrae, patiénter ferens donec accípiat temporáneum et serótinum. Patiéntes ígitur estóte et vos, et confirmáte corda vestra: quóniam advéntus Dómini appropinquávit. Ecce beatificámus eos, qui sustinuérunt. Sufferéntiam Job audístis, et finem Dómini vidístis, quóniam miséricors Dóminus est, et miserátor. Confitémini ergo altérutrum peccáta vestra, et oráte pro ínicem, ut salvémini: multum enim valet deprecátio justí assídua. Elías homo erat símilis nobis passíbilis: et oratióne orávit ut non plúeret super terram, et non pluit annos tres et menses sex. Et rursus orávit: et caelum dedit plúviam, et terra dedit fructum suum.

Graduale Ps. 36, 30-31 Os justí meditábitur sapiéntiam, et lingua ejus loquétur judícium. **V.** Lex Dei ejus in corde ipsíus: et non supplantabúntur gressus ejus.

Allelúja, allelúja. **V. Ps. 111, 1** Beátus vir, qui timet Dóminum: in mandátis ejus cupit nimis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Ps. 111, 1** Beátus vir, qui timet Dóminum: in mandátis ejus cupit nimis. Allelúja. **V. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangéllii secúndum Joánnem.

Joann. 15, 1-7

IN illo témpore: Dixit Jesus discíplis suis: Ego sum vitis vera: et Pater meus agrícóla est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánsert in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánsert, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánserint: quodcúmque voluérítis petétis, et fiet vobis.

Offertorium Ps. 20, 2-3 In virtúte tua, Dómine, laetábitur justus, et super salutáre tuum exsultábit veheménter: desidérium ánimae ejus tribuísti ei. (T. P. Allelúja.)

Secreta

PROPITIÁRE, Dómine, supplicatióibus nostris, et has pópuli tui oblatiões benígus assúme: ut, intercedénte beáto Isidóro Confessóre tuo, quod fidéliter pétimus, effícaciter consequámur. Per Dóminum.

Communio Matth. 19, 28 et 29 Amen dico vobis, quod vos, qui reliquístis ómnia et secúti estis me, céntuplum accipiétis, et vitam aetérnam possidébitis. (T. P. Allelúja.)

Postcommunio

SIT nobis, Dómine, reparátio mentis et córporis caeléstae mystérium: et praesta ; ut, cujus exséquimur cultum, intercedénte sancto Isidóro Confessóre tuo, sentiámus efféctum. Per Dóminum.

MISSAE PRO ALIQUIBUS LOCIS**S. JOANNIS NEPOMUCENI**

Die 16 Maji

Martyris

Introitus **Eccli. 51, 30**

DEDIT mihi Dóminus linguam mercédem meam: et in ipsa laudábo eum. (T. P. Allelúja, allelúja.) **Ps. 38, 2**
Dixi: Custódiám vias meas, ut non delínquam in lingua mea. **Vl.** Glória Patri.

Oratio

DEUS, qui ob invíctum beáti Joánnis sacramentále siléntium nova Ecclésiam tuam martýrii coróna decorásti: da ; ut, ejus exémplo et intercessióne, ori nostro custódiám ponéntes, beátis, qui lingua non sunt lapsi, annumerémur. Per Dóminum.

Léctio libri Sapiéntiae.

Eccli. 21, 26-31

STULTUS a fenéstra respíciat in domum: vir autem eruditus foris stabit. Stultítia hóminis auscultáre per óstium: et prudens gravábitur contumélia. Lábía imprudéntium stulta narrábunt: verba autem prudéntium statéra ponderabúntur. In ore fatuórum cor illórum: et in corde sapiéntium os illórum. Dum maledícit ímpius diabólum, maledícit ipse ánimam suam. Susúrro coinquinábit ánimam suam, et in ómnibus odiétur: et qui cum eo mánserit, odiósus erit: táctus et sensátus honorábitur.

Graduale Prov. 11, 13 Qui ámbulat fraudulénter, revélat arcána: qui autem fidélis est ánimi, celat. **Vl. Ps. 14, 1 et 3** Dómine, quis habitábit in tabernáculo tuo, aut quis requiescet in monte sancto tuo ? Qui non egit dolum in lingua sua: nec fecit próximo suo malum.

Allelúja, allelúja. **Vl. Eccli. 25, 11** Beátus, qui lingua sua non est lapsus, et qui non servívit indignis se. Allelúja.

Post Septuagesimam, omissis Allelúja et Versu sequenti, dicitur

Tractus Jac. 1, 26 ; 3, 2 et 7-8 Si quis putat se religiósus esse, non refrénans linguam suam, sed sedúcens cor suum, hujus vana est relígio. **Vl.** Si quis in verbo non offéndit, hic perféctus est vir. **Vl.** Omnis enim natúra bestiárum domántur, et dómita sunt a natúra humana: linguam autem nullus hóminum domáre potest.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Eccli. 25, 11** Beátus, qui lingua sua non est lapsus, et qui non servívit indignis se. Allelúja. **Vl. Prov. 10, 31** Lingua pravórum períbit: lingua autem sapiéntium est sánitas. Allelúja.

+ Sequéntia sancti Evangélii secúndum Matthaéum.

Matth. 11, 2-10

IN illo témpore: Cum audisset Joánnes in vínculis ópera Christi, mittens duos de discíplis suis, ait illi: Tu es, qui ventúrus es, an álium exspectámus ? Et respóndens Jesus, ait illis: Eúntes renuntiáte Joánni, quae audístis, et vidístis. Caeci vident, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus est, qui non fúerit scandalizátus in me. Illis autem abeúntibus, coepit Jesus dícere ad turbas de Joánnem: Quid exístis in desértum vidére ? arúndinem vento agitátam ? Sed quid exístis vidére ? hóminem móllibus vestítum ? Ecce qui móllibus vestiúntur, in dómibus regum sunt. Sed quid exístis vidére ? prophétam ? Etiam dico vobis, et plus quam prophétam. Hic est enim, de quo scriptum est: Ecce ego mitto Angelum meum ante fáciem tuam, qui praeparábit viam tuam ante te.

Offertorium Eccli. 42, 1 Non dúplices sermónem de revelatióne sermónis abscónditi, et eris vere sine confusióne: et invénies grátiam in conspéctu ómnium hóminum. (T. P. Allelúja.)

Secreta

HAEC tua, Dómine, sacra mystéria illum in nobis, quaesumus, ignem accendant: quo inclitus Martyr et Sacerdos tuus Joánnes, ea peragendo, flagrabat. Per Dóminum.

Communio Isai. 6, 6-7 Volávit ad me unus de Séraphim: et in manu ejus cálculus, quem túlerat de altári, et tétigit os meum. (T. P. Allelúja.)

Postcommunio

FRAGILITÁTEM nostram, Dómine, caeléstis haec mensa fórtium pane confírmes: qui beáti Mátyris et Sacerdotís tui Joánnis tentátam contra honórem sacraménti constántiam, júgiter áluit ad victóriam. Per Dóminum.

MISSAE PRO ALIQUIBUS LOCIS**S. RITAE A CASSIA**

Die 22 Maji

Viduae

Introitus **Ps. 117, 19 et 22**

APERÍTE mihi portas justítiae, ingressus in eas confitébor Dómino: lápidem, quem reprobavérunt aedificántes, hic factus est in caput ánguli. (T. P. Allelúja, allelúja.) **Ps. ibid., 1** Confitémini Dómino quóniam bonus: quóniam in saeculum misericórdia ejus. **V.** Glória Patri.

Oratio

DEUS, qui sanctae Ritae tantam grátiam conférre dignátus es, ut inimícos dilígeret et in corde ac fronte caritátis et passiónis tuae signa portáret: da nobis, quaesumus, ejus intercessióne et méritis ; inimícis nostris sic párcere, et passiónis tuae dolóres contemplári, ut promíssa mítibus ac lugéntibus praemia consequámur: Qui vivis.

Léctio libri Sapiéntiae.

Cant. 2, 1-13

EGO flos campi, et lílium convállium. Sicut lílium inter spinas, sic amíca mea inter fílias. Sicut malus inter ligna silvárum, sic diléctus meus inter fílios. Sub umbra illíus, quem desideráveram, sedi: et fructus ejus dulcis gútturi meo. Introduxit me in cellam vináriam, ordinávit in me caritátem. Fulcite me flóribus, stipáte me malis: quia amóre lángueo. Laeva ejus sub cápite meo, et dextera illíus amplexábitur me. Adjúro vos, filiae Jerúsalem, per cápreas, cervósque campórum, ne suscitétis, neque evigiláre faciátis diléctam, quoadúsque ipsa velit. Vox dilécti mei, ecce iste venit sáliens in móntibus, transíliens colles: símilis est diléctus meus cápreae, hinnulóque cervórum. En ipse stat post paríetem nostrum, respiciens per fenéstas, prospiciens per cancellos. En diléctus meus lóquitur mihi: Surge, própéra, amíca mea, colúmba mea, formósa mea, et veni. Jam enim hiems tránsiit, imber ábiit et recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: véneae floréntes dedérunt odórem suum. Surge, amíca mea, speciósa mea, et veni.

Graduale Ps. 117, 6 Dóminus mihi adjútor: non timébo quid fáciat mihi homo. **V.** **Ps. 115, 16-17** Dirupísti víncula mea: tibi sacrificábo hóstiam laudis, et nomen Dómini invocábo.

Allelúja, allelúja. **V.** **Ibid., 18-19** Vota mea Dómino reddam in conspéctu omnis pópuli ejus: in átriis domus Dómini, in médio tui, Jerúsalem. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum. **V.** **Ps. 44, 8 et 5** Dilixísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **V.** Spécie tua, et pulchritúdine tua inténde, prospere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja. **V.** **Eccli. 24, 18** Quasi palma exaltáta sum in Cades, et quasi plantátio rosae in Jéricho. Allelúja. **V.** **Ibid., 20** Sicut cinnamómum, et bálsamum aromatízans odórem dedi: quasi myrrha elécta dedi suavitátem odóris. Allelúja.

+ Sequéntia sancti Evangéllii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem, qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saeculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Gen. 40, 9-10 Vidébam coram me vitem, in qua erant tres propáginés, créscere paulátim in gemmas, et post flores uvas maturéscere. (T. P. Allelúja.)

Secreta

CORDA nostra, quaésumus, Dómine, sanctae Ritae méritis, supérni dolóris spina confíge: ut, a peccátis ómnibus tua grátia liberáti, sacrificáre tibi hóstiam laudis pura mente valeámus. Per Dóminum.

Communio Ps. 20, 4 Praevenísti eam, Dómine, in benedictiónibus dulcédinis: posuísti in cápite ejus corónam de lápide pretiósó. (T. P. Allelúja.)

Postcommunio

CAELÉSTIBUS, Dómine, pasti delíciis, súplices te rogámus: ut, intercedénte sancta Rita, caritátis et passiónis tuae in méntibus nostris signa ferámus, et perpétuae pacis fructu júgiter perfruámur. Per Dóminum.

MISSAE PRO ALIQUIBUS LOCIS

S. JOANNIS BAPTISTAE DE ROSSI

Die 23 Maji

Confessoris

Introitus **Deut. 15, 11**

PRAECÍPIO tibi, ut apérias manum fratri tuo egnéno et páuperi, qui tecum versátur in terra. (T. P. Allelúja, allelúja.) **Ps. 40, 2** Beátus, qui intélligit super egnénum et páuperem: in die mala liberábit eum Dóminus. **Vl.** Glória Patri.

Oratio

DEUS, qui sanctum Joánnem Baptístam Confessórem tuum, in evangelizándis paupéribus, caritáte et patientia decorásti: concéde, quaésumus ; ut, cujus pia mérita venerámur, virtútum quoque imitémur exéempla. Per Dóminum.

Léctio libri Job.

Job 29, 1 et 8-18

IN diébus illis: Addidit Job, assúmens parábolam suam, et dixit: Vidébant me júvenes, et abscondebantur: et senes assurgéntes stabant. Príncipes cessábant loqui, et dígitum superponébant ori suo. Vocem suam cohibébant duces, et lingua eórum gútturi suo adhaerébat. Auris áudiens beatificábat me, et óculus videns testimónium reddébat mihi: eo quod liberássem páuperem vociferántem, et pupillum, cui non esset adjútor. Benedíctio peritúri super me veniébat, et cor víduae consolátus sum. Justítia indútus sum: et vestívi me, sicut vestiméto et diadémate, judício meo. Oculus fui caeco, et pes claudó. Pater eram páuperum: et causam quam nesciébam, diligentíssime investigábam. Conterébam molas iníqui, et de déntibus illíus auferébam praedam. Dicebámque: In nídulo meo móriar, et sicut palma multiplicábo dies.

Graduale Eccli. 4, 1 Fili, eleemósynam páuperis ne defráudes, et óculos tuos ne transvértas a páupere. **Vl. Ibid., 7, 39** Non te pígeat visitáre infirmum: ex his enim in dilectione firmáberis. Allelúja, allelúja. **Vl. Isai. 58, 7** Frange esuriénti panem tuum, et egnéno vagósque induc in domum tuam:

cum videris nudum, óperi eum, et carnem tuam ne despexeris. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V/.** Potens in terra erit semen ejus: generatio rectórum benedicétur. **V/.** Glória et divítiae in domo ejus: et justítia ejus manet in saeculum saeculi.

Tempore autem Paschali omittitur Graduale, et ejus loco dicitur:

Allelúja, allelúja. **V/.** **Ps. 73, 21** Ne avertátur húmilis factus confúsus: pauper et inops laudábunt nomen tuum. Allelúja. **V/.** **Prov. 31, 20** Manum suam aperuit ínopi, et palmas suas exténdit ad páuperem. Allelúja.

+ Sequéntia sancti Evangéllii secúndum Matthaéum.

Matth. 25, 31-40

IN illo témpore: Dixit Jesus discíplulis suis: Cum vénerit Fílius hóminis in majestáte sua, et omnes Angeli cum eo, tunc sedébit super sedem majestátis suae: et congregabúntur ante eum omnes gentes, et separábit eos ab ínvicem, sicut pastor ségregat oves ab haedis: et státuet oves quidem a dextris suis, haedos autem a sinístris. Tunc dicet Rex his, qui a dextris ejus erunt: Veníte benedícti Patris mei, possidéte parátum vobis regnum a constitutióne mundi. Esurívi enim, et dedístis mihi manducáre: sitívi, et dedístis mihi bíbere: hospes eram, et collegístis me: nudus, et cooperuístis me: infírmus, et visitástis me: in cárcere eram, et venístis ad me. Tunc respondébunt ei justí, dicéntes: Dómine, quando te vídimus esuriéntem, et pávimus te: sitiéntem, et dédimus tibi potum ? quando autem te vídimus hóspitem, et collégimus te: aut nudum, et cooperuístis me ? aut quando te vídimus infírmum, aut in cárcere, et vénimus ad te ? Et respóndens Rex, dicet illis: Amen dico vobis: quámdui fecístis uni ex his frátribus meis mínimis, mihi fecístis.

Offertorium Jac. 1, 27 Relígio munda et immaculáta apud Deum et Patrem, haec est: Visitáre pupíllas et víduas in tribulatióne eórum, et immaculátum se custodíre ab hoc saeculo. **(T. P. Allelúja.)**

Secreta

OBLÁTUM tibi munus, quaesumus, Dómine, in odórem suavítatis ascéndat: et, sancto Joánni Baptísta Confessóre tuo intercedénte, nos córporis et mentis puríficet. Per Dóminum.

Communio 2 Tim. 2, 24-25 Servum autem Dómini non opórtet litigáre: sed mansuétum esse ad omnes, docíblem, paciéntem, cum modéstia corripíentem eos, qui resístunt verítati. **(T. P. Allelúja.)**

Postcommunio

CAELÉSTIS, Dómine, participatio sacraménti, sancti Joánnis Baptístae Confessóris tui suffragántibus méritis, fidéles tuos mundet et múniat: ac bonis opéribus júgiter praestet esse inténtos. Per Dóminum.

MISSAE PRO ALIQUIBUS LOCIS

Die 24 Maji

B. MARIAE VIRGINIS

TITULO

AUXILIUM CHRISTIANORUM

Introitus **Sedulius**

SALVE, sancta parens, eníxa puérpera Regem: qui caelum terrámque regit in saecula saeculórum. **(T. P. Allelúja, allelúja.)** **Ps. 44, 2** Eructávit cor meum verbum bonum: dico ego ópera mea Regi. **V/.** Glória Patri.

Oratio

OMNÍPOTENS et miséricors Deus, qui ad defénsiónem pópuli christiáni in beatíssima Vírgine María perpétuum auxiliúm mirabíliter constituísti: concéde propítius ; ut, tali praesídio muniti certántes in vita, victóriam de hoste málgno cónsequi valeámus in morte. Per Dóminum.

Léctio libri Sapiéntiae.

Eccli. 24, 14-16

AB iníto et ante saécula creáta sum, et usque ad futúrum saéculum non désinam, et in habitatióne sancta coram ipso ministrávi. Et sic in Sion firmáta sum, et in civitáte sanctificáta simíliter requiévi, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenítudine sanctórum deténtio mea.

Graduale Benedícta et venerábilis es, Virgo María, quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja , allelúja. **Vl.** Post partum, Virgo, invioláta permansísti: Dei Génitrix, intercède pro nobis. Allelúja.

Tempore Adventus, loco Versus praecedentis, dicitur:

Allelúja, allelúja. **Vl. Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haéreses sola interemísti. **Vl.** Quae Gabriélis Archángeli dictis credidísti. **Vl.** Dum Virgo Deum et hóminem genuísti: et post partum, Virgo, invioláta permansísti. **Vl.** Dei Génitrix, intercède pro nobis.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Num. 17, 8** Virga Jesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúja. **Vl. Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangélii secúndum Lucam.

Luc. 11, 27-28

IN illo témpore: Loquénte Jesu ad turbas, extóllens vocem quaedam mulier de turba, dixit illi: Beátus venter, qui te portávit, et úbera, quae suxísti. At ille dixit: Quinímmo beáti, qui áudiunt verbum Dei, et custódiunt illud.

Credo.

Offertorium **Luc. 1, 28 et 42** Ave, María, grátia plena: Dóminus tecum: benedícta tu in muliéribus, et benedíctus fructus ventris tui . (T. P. Allelúja.)

Secreta

PRO religiónis christiánae triúmpho hóstias placatiónis tibi, Dómine, immolámus: quae, ut nobis proficiant, opem auxiliátrix Virgo praestet ; per quam talis perfécta est victória. Per Dóminum.

Praefatio de beata Maria Virgine Et te in Festivátate.

Communio Beáta víscera Maríae Vírginis, quae portavérunt aetérni Patris Fílium. (T. P. Allelúja.)

Postcommunio

ADÉSTO, Dómine, pópulis, qui participatióne córporis et ságuinis tui reficiúntur: ut, sanctíssima tua Genitríce auxiliánte, ab omni malo et perículo liberéntur, et in omni ópere bono custodiántur: Qui vivis.

MISSAE PRO ALIQUIBUS LOCIS

Die 30 Maji

S. FERDINANDI

Regis, Confessoris

Missa Justus, **de Communi Confessoris non Pontificis 2 loco, praeter Orationem sequentem.**

Oratio

P

DEUS, qui beáto Confessóri tuo Ferdinándo praeliári praélia tua et fídei inimícos superáre dedísti: concéde ; ut, ejus nos intercessióne muníti, ab hóstibus mentis et córporis liberémur. Per Dóminum.

Secreta

C

PRAESTA nobis, quaesumus, omnipotens Deus: ut nostrae humilitatis oblatio, et pro tuorum tibi grata sit honore Sanctorum, et nos corpore pariter et mente purificet. Per Dominum.

Postcommunio

C

QUSUMUS, omnipotens Deus: ut, qui caelestia alimenta percipimus, intercedente beato Ferdinando Confessore tuo, per haec contra omnia adversa muniamur. Per Dominum.

MISSAE PRO ALIQUIBUS LOCIS

Die 30 Maji

S. JOANNAE DE ARC

Virginis

Introitus **Exodi 15, 1 et 2**

CANTEMUS Domino: gloriose enim magnificatus est. Fortitudo mea et laus mea Dominus, et factus est mihi in salutem. (T. P. Allelúja, allelúja.) **Ps. 97, 1** Cantate Domino canticum novum, quia mirabilia fecit. **V.** Glória Patri.

Oratio

DEUS, qui beatam Joannam Virginem ad fidem ac patriam tuendam mirabiliter suscitasti: da, quaesumus, ejus intercessione; ut Ecclesia tua, hostium superatis insidiis, perpetua pace fruatur. Per Dominum.

Lectio libri Sapientiae.

Sap. 8, 9-15

PROPÓSUI sapientiam adducere mihi ad convivendum: sciens quoniam mecum communicabit de bonis, et erit allocutio cogitationis et taedii mei. Habébo, propter hanc, claritatem ad turbas, et honorem apud seniores juvenis: et acutus inveniar in iudicio, et in conspectu potentium admirabilis ero, et facies principum mirabuntur me: tacentem me sustinebunt, et loquentem me respicient, et sermocinante me plura, manus ori suo imponent. Praeterea habébo, per hanc, immortalitatem: et memoriam aeternam his, qui post me futuri sunt, relinquam. Dispónam populos: et nationes mihi erunt subditae. Timebunt me audientes reges horrendi: in multitudinem videbor bonus, et in bello fortis.

Graduale Judic. 5, 8-11 Nova bella elegit Dominus, et portas hostium ipse subvertit. **V.** Ubi collisi sunt currus, et hostium suffocatus est exercitus, ibi narrentur justitiae Domini, et clementia ejus in fortes Israël. Allelúja, allelúja. **V.** **Judith 13, 17-18** Laudate Dominum Deum nostrum, qui non deseruit sperantes in se, et in me ancilla sua adimplevit misericordiam suam, quam promisit domui Israël. Allelúja.

Post Septuagesimam, omissis Allelúja et Versu sequenti, dicitur

Tractus V. Judith 6, 15 Benedictus es, Domine, qui non derelinquis praesumentes de te: et praesumentes de se, et de sua virtute gloriantes, humilias. **V.** **2 Machab. 1, 5** Exaudivit Dominus orationem puellae suae, qua oravit pro nobis, ut reconcilietur nobiscum Deus. **V.** **Judith 15, 11; 8, 29** Fecisti viriliter, et confortatum est cor tuum: manus Domini confortavit te, et ideo eris benedicta in aeternum. **V.** Nunc ergo ora pro nobis, quoniam mulier sancta es, et timens Deum.

Tempore autem Paschali omittitur Graduale, et ejus loco dicitur:

Allelúja, allelúja. **V.** **Judith 15, 11** Fecisti viriliter, et confortatum est cor tuum: manus Domini confortavit te, et ideo eris benedicta in aeternum. Allelúja. **V.** **Ibid. 8, 29** Nunc ergo ora pro nobis, quoniam mulier sancta es, et timens Deum. Allelúja.

+ Sequentia sancti Evangelii secundum Matthaéum.

Matth. 16, 24-27

IN illo tempore: Dixit Jesus discipulis suis: Si quis vult post me venire, abneget semetipsum, et tollat crucem suam, et sequatur me. Qui enim voluerit animam suam salvam facere, perdet eam: qui autem perdidit animam suam propter me, inveniet eam. Quid enim prodest homini, si mundum universum lucratur, animae vero suae detrimentum patiatur? Aut quam dabit homo commutationem pro anima sua?

Filius enim hominis venturus est in gloria Patris sui cum Angelis suis: et tunc reddet unicuique secundum opera ejus.

Offertorium Judith 15, 10 Benedixerunt eam omnes una voce, dicentes: Tu gloria Jerúsalem, tu laetitia Israël, tu honorificentia populi nostri. (T. P. Allelúja.)

Secreta

HAEC hostia salutaris, Domine, illum nobis in rebus arduis conferat fortitudinem, cujus beata Joáanna, sub tanta discriminum varietate, tam insignia praebuit exempla: ut, ad inimicos repellendos, etiam belli pericula subire non dubitaverit. Per Dóminum.

Communio Ps. 22, 4 Si ambulávero in médio umbrae mortis, non timébo mala, quóniam tu mecum es, Domine Jesu. (T. P. Allelúja.)

Postcommunio

CAELÉSTI pane refectos, qui tóties beatam Joánnam áluit ad victóriam: praesta, quaesumus, omnipotens Deus ; ut hoc salútis aliméntum de inimicis nostris victóres nos efficiat. Per Dóminum.

MISSAE PRO ALIQUIBUS LOCIS

Die 31 Maji

B. MARIAE VIRGINIS REGINAE SANCTORUM OMNIUM ET MATRIS PULCHRAE DILECTIONIS

Introitus

EGREDÍMINI et vidéte, filiae Sion, Regínam vestram, quam laudant astra matutína: cujus pulchritúdinem sol et luna mirántur, et júbilant omnes filii Dei. (T. P. Allelúja, allelúja.) Ps. 83, 2-3 Quam dilécta tabernacula tua, Domine virtútum ! concupíscit, et déficit ánima mea in átria Dómini. V/. Glória Patri.

Oratio

DEUS, qui beatíssimam Vírginem Mariám, ómnium Sanctórum Regínam, et Matrem pulchrae dilectiónis, nos venerári tribuísti: concéde propítius ; ut, ipsa protegénte, te in ómnibus et super ómnia diligámus in terris, et Sanctórum tuórum felíci consórtio perfruámur in caelis. Per Dóminum.

Léctio libri Sapiéntiae.

Eccli. 24, 22-31

EGO quasi terebínthus exténderam ramos meos, et rami mei honóris et grátiae. Ego quasi vitis fructificávi suavitétem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatiónes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale 1 Machab. 6, 14-15 Praepósuit eam Dóminus super univérsum regnum suum, et dedit ei diadéma, ut filium suum nutríret, et regnáret. V/. Eccli. 45, 14 Coróna áurea super caput ejus, expréssa signo sanctitátis, glória honóris, et opus fortitúdinis.

Allelúja, allelúja. V/. Cant. 5, 1 ; 4, 11 Veni, Regína nostra, veni, Dómina, in hortum tuum. Odor vestimentórum tuórum super ómnia arómata. Allelúja.

Post Septuagesimam, omissis Allelúja et Versu sequenti, dicitur

Tractus Cant. 5, 1 ; 4, 11 Veni, Regína nostra, veni, Dómina, in hortum tuum. V/. Favus distíllans lábia tua, mel et lac sub lingua tua. V/. Et odor vestimentórum tuórum sicut odor thuris.

Tempore autem Paschali omittitur Graduale, et ejus loco dicitur:

Allelúja, allelúja. V/. Cant. 2, 14 Osténde mihi fáciem tuam, sonet vox tua in áuribus meis: vox enim tua

dulcis, et fácies tua decóra. Allelúja. *Vl. Ibid. 4, 11* Favus distíllans lábia tua, mel et lac sub lingua tua, et odor vestimentórum tuórum sicut odor thuris. Allelúja.

+ Sequéntia sancti Evangéllii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidíset ergo Jesus matrem, et discípulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Prov. 9, 4-5 Si quis est párvulus, véniat ad me, et insipiéntibus locúta est: Veníte, comédite panem meum, et bíbite vinum quod míscui vobis, allelúja.

Secreta

LAUDIS tibi, Dómine, hóstias immolámus, de Genitrícis Fílii tui glória laetántes: cujus suffúlti praesídio, et praeséntibus éxui malis confidimus, et futúris. Per eúndem Dóminum.

Praefatio de beata Maria Virgine Et te in Festivátate.

Communio Regína mundi digníssima, María Virgo perpétua, intercéde pro nostra pace et salúte, quae genuísti Christum Dóminum Salvatórem ómnium. (*T. P. Allelúja.*)

Postcommunio

CAELÉSTIBUS pasti delíciis, te súpplícis deprecámur, Dómine Deus noster: ut sicut nobis beatíssima Fílii tui Genitríce tutelam et praesídium constituísti ; ita ejus solémnia celebrántibus aetérnae glóriae corónam retríbuas. Per eúndem Dóminum.

MISSAE PRO ALIQUIBUS LOCIS

Eadem die 31 Maji

B. MARIAE VIRGINIS OMNIUM GRATIARUM MEDIATRICIS

Introitus *Hebr. 4, 16*

ADEÁMUS cum fidúcia ad thronum grátiae, ut misericórdiam consequámur, et grátiam inveníamus in auxílio oportúno. (*T. P. Allelúja, allelúja.*) *Ps. 120, 1* Levávi óculos meos in montes: unde véniet auxílium mihi. *Vl. Glória Patri.*

Oratio

DÓMINE Jesu Christe, noster apud Patrem mediátor, qui beatíssimam Vírginem matrem tuam, matrem quoque nostram et apud te mediátricem constituére dignátus es: concéde propítius ; ut quisquis ad te beneficia petitúrus accésserit, cuncta se per eam impetrásse laetétur: Qui vivis et regnas cum eódem Deo Patre.

Léctio Isaíae Prophétae.

Isai. 55, 1-3 et 5

OMNES sitiéntes, veníte ad aquas: et qui non habétis argéntum, properáte, émite et comédite: veníte, émite absque argéto et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte ? audíte, audiéntes me, et comédite bonum, et delectábitur in crassitúdine ánima vestra. Inclínáte aurem vestram, et veníte ad me: audíte, et vivet ánima vestra. Ecce gentem, quam nesciébas, vocábis: et gentes, quae te non cognovérunt, ad te current propter Dóminum Deum tuum, et Sanctum Israël, quia gloricávit te.

Graduale Eccli. 24, 25-26 In me grátia omnis viae et veritátis, in me omnis spes vitae et virtútis. *Vl. Transíte ad me, omnes qui concupíscitis me, et a generatióne meis implémini. Allelúja, allelúja. Vl. Salve, Mater misericórdiae, Mater spei et grátiae, o María. Allelúja.*

Post Septuagesimam, omissis Allelúja et Versu sequenti, dicitur

Tractus Ap. 22, 16-17 Ego sum radix et genus David, stella pléndida et matutína. *V.* Et spíritus et sponsa dicunt: Veni. Et qui audit, dicat: Veni. *V.* Et qui sitit, véniat ; et qui vult, accípiat aquam vitae gratis.

Tempore autem Paschali omittitur Graduale, et ejus loco dicitur:

Allelúja, allelúja. *V.* Isai. 60, 4 Leva in circúitu óculos tuos, et vide: omnes isti congregáti sunt, venérunt tibi. Allelúja. *V.* Fílii tui de longe vénient, et fíliae tuae de látere surgent. Allelúja.

+ Sequéntia sancti Evangéllii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis. (T. P. Allelúja.)

Secreta

MATRIS tuae ac mediatrícis nostrae précibus, Dómine, quaésumus: haec hostiárum oblátio nosmetípsos, tua grátia largiénte, tibi perfíciat munus aetérnum: Qui vivis.

Praefatio de beata Maria Virgine Et te in Festivátate.

Communio Esther 15, 17 Valde mirábilis es, o María, et fácies tua plena est gratiárum. (T. P. Allelúja.)

Postcommunio

SUBVÉNIAT nobis, Dómine, beátae Maríae Matris tuae ac nostrae mediatrícis orátio: ut per haec sacrosáncta commércia, tua grátia largiénte, ad redemptiónis aetérnae proficiámus augméntum: Qui vivis.

MISSAE PRO ALIQUIBUS LOCIS

Eadem die 31 Maji

B. MARIAE VIRGINIS DOMINAE NOSTRAE A S. CORDE JESU

Introitus Ps. 9, 3 et 11

LAETÁBOR et exsultábo in te: sperent in te qui novérunt nomen tuum, quóniam non derelínquis quaeréntes te. (T. P. Allelúja, allelúja.) Ps. *ibid.*, 2 Confitébor tibi, Dómine, in toto corde meo: narrábo ómnia mirabília tua. *V.* Glória Patri.

Oratio

DÓMINE Jesu Christe, qui beáta María Vírgine intercedénte, in nos divítias Cordis tui dignáris effúndere: concéde, quaésumus ; ut, quod in ejúsdem Vírginis veneratióne depóscimus, te propitiánte cónsequi mereámur: Qui vivis.

Léctio libri Sapiéntiae.

Eccli. 24, 23-31

EGO quasi vitis fructificávi suavítatem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatiónes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Benedícta et venerábilis es, Virgo María: quae sine tactu pudóris invénta es mater Salvatóris. *Vl.* Virgo Dei Génitrix, quem totus non capit orbis, in tua se clausit víscera factus homo. Allelúja, allelúja. *Vl. Num. 17, 8* Virga Jesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúja.

Post Septuagesimam, omissis Allelúja et Versu sequenti, dicitur

Tractus Luc. 1, 46-50 Magníficat ánima mea Dóminum: et exsultávit spíritus meus in Deo salutári meo. *Vl.* Quia respéxit humilitátem ancíllae suae: ecce enim ex hoc beátam me dicent omnes generatiónes. *Vl.* Quia fecit mihi magna qui potens est: et sanctum nomen ejus. *Vl.* Et misericórdia ejus a progénie in progénies tíméntibus eum.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Num. 17, 8* Virga Jesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúja. *Vl. Luc. 1, 28* Ave, María, grátia plena: Dóminus tecum: benedícta tu in muliéribus. Allelúja.

+ Sequéntia sancti Evangélii secúndum Joánnem.

Joann. 2, 1-11

IN illo témpore: Núptiae factae sunt in Cana Galilaéae: et erat mater Jesu ibi. Vocátus est autem et Jesus, et discípuli ejus ad núptias. Et deficiénte vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlier ? nondum venit hora mea. Dicit mater ejus minístris: Quodcúmque díxerit vobis, fácite. Erant autem ibi lapídaeae hýdriae sex pósitae secúndum purificatiónem Judaeórum, capiéntes síngulae metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit initium signórum Jesus in Cana Galilaéae: et manifestávit glóriam suam, et credidérunt in eum discípuli ejus.

Credo.

Offertorium Jerem. 18, 20 Recordáre, Virgo Mater Dei, dum stéteris in conspéctu Dómini, ut loquáris pro nobis bona. (T. P. Allelúja.)

Secreta

INTERCÉSSIO, quaésumus, Dómine, beátae Maríae semper Vírginis múnera nostra comméndet: nosque in ejus veneratióne sacratíssimo unigéniti Filii tui Cordi reddat accéptos: Qui tecum vivit.

Praefatio de beata Maria Virgine Et te in Festivátate.

Communio Eccli. 24, 25 In me grátia omnis viae et veritátis, in me omnis spes vitae et virtútis. (T. P. Allelúja.)

Postcommunio

COGNÓSCIMUS, Dómine Jesu, tuae circa nos cleméntiae largitátem: et ídeo, beáta María Vírgine apud Cor tuum intercedénte, fiduciálius exorámus ; ut, quos páscere non désinis imméritos, et digne tibi servíre perficias et donis uberióribus prosequáris: Qui vivis.

MISSAE PRO ALIQUIBUS LOCIS

Sabbato

infra Octavam Ascensionis

B. MARIAE VIRGINIS REGINAE APOSTOLORUM

Introitus **Ps. 86, 1-3**

FUNDAMÉNTA ejus in móntibus sanctis: díligit Dóminus portas Sion super ómnia tabernácula Jacob.

Gloriosa dicta sunt de te, civitas Dei. (T. P. Allelúja, allelúja.) Ps. 133, 1 Ecce nunc benedicite Dóminum, omnes servi Dómini: qui statis in domo Dómini, in átriis domus Dei nostri. V/. Glória Patri.

Oratio

DEUS, qui Apóstolis tuis cum María Matre Jesu unanimiter orántibus, Sanctum dedísti Spíritum: da nobis ; ut, eádem Matre nostra et Apostolorum Regína protegénte, majestáti tuae fidéliter servíre, et nóminis tui glóriam verbo et exémplo diffúndere valeámus. Per eúndem Dóminum **in unitáte ejúsdem.**

Léctio Actuum Apostolorum.

Act. 1, 1-14

PRIMUM quidem sermónem feci de ómnibus, o Theóphile, quae coepit Jesus fácere et docére, usque in diem, qua, praecípiens Apóstolis per Spíritum Sanctum, quos elégit, assúptus est: quibus et praebuit seípsum vivum post passiónem suam in multis arguméntis, per dies quadragínta appárens eis, et loquens de regno Dei. Et convéscens, praecépit eis ab Jerosólymis ne discéderent, sed exspectárent promissiónem Patris, quam audístis (inquit) per os meum: quia Joánnes quidem baptizávit aqua, vos autem baptizabímíni Spíritu Sancto non post multos hos dies. Igitur qui convénerant, interrogábant eum, dicéntes: Dómine, si in témpore hoc restítues regnum Israél ? Dixit autem eis: Non est vestrum nosse témpora vel moménta, quae Pater pósuit in sua potestáte: sed accipiétis virtútem superveniéntis Spíritus Sancti in vos, et éritis mihi testes in Jerúsalem, et omni Judaéa, et Samaría, et usque ad últimum terrae. Et cum haec dixisset, vidéntibus illis, elevátus est, et nubes suscepit eum ab óculis eórum. Cumque intueréntur in caelum eúntem illum, ecce duo viri astitérunt juxta illos in véstibus albis, qui et dixerunt: Viri Galilaéi, quid statis aspiciéntes in caelum ? Hic Jesus, qui assúptus est a vobis in caelum, sic véniet, quemádmódu vidístis eum eúntem in caelum. Tunc revérsi sunt Jerosólymam a monte, qui vocátur Olivéti, qui est juxta Jerúsalem, sábbati habens iter. Et cum introissent in cenáculum, ascendérunt ubi manébant Petrus, et Joánnes, Jacóbus, et Andréas, Philipppus, et Thomas, Bartholomaeus, et Matthaéus, Jacóbus Alphaéi, et Simon Zelótes, et Judas Jacóbi. Hi omnes erant perseverántes unianímiter in oratióne cum muliéribus, et María Matre Jesu, et frátribus ejus.

Graduale Porta caeli et stella maris es, Virgo María, Regis aetérni Mater ac Regína nostra. V/. Gratos nos redde Fílio tuo: quia omnis virtus et decor et glória ex te respléndet.

Allelúja, allelúja. V/. Num. 17, 8 Virga Jesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúja.

Post Septuagesimam, omissis Allelúja et Versu sequenti, dicitur

Tractus Sub tuum praesídium confúgimus, sancta Dei Génitrix. V/. Súscipe nos, Mater nostra, Regína nostra: roga Fílium tuum Dóminum messis, ut mittat operários in messem suam. V/. Ut confiteántur illi pópuli omnes, ac beátam te dic ant omnes generatiónes. V/. Tu véniae vena, tu grátiae mater, tu spes mundi, exáudi nos clamántes ad te.

Tempore autem Paschali omittitur Graduale, et ejus loco dicitur:

Allelúja, allelúja. V/. Num. 17, 8 Virga Jesse flóruit: Virgo Deum et hóminem génuít: pacem Deus réddidit, in se reconcílians ima summis. Allelúja. V/. Judith 13, 17-18 Laudáte Dóminum Deum nostrum, qui non deséruit sperántes in se: et in me ancilla sua adimplévit misericórdiam suam, quam promísit dómui Israél: et interfécit in manu mea hostem pópuli sui. Allelúja.

+ Sequéntia sancti Evangélii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Judic. 5, 3 et 7-8 Ego sum, ego sum quae Dómíno canam, psallam Dómíno Deo Israél. Cessavérunt fortes in Israél, et quievérunt: donec súrgeret mater in Israél. Nova bella elégit Dóminus, et portas hóstium ipse subvértit. (T. P. Allelúja.)

Secreta

TUA, Dómine, propitiatióne, et beatae Maríae semper Vírginis intercessióne haec nostra obtíneat oblátio: ut Ecclésia tua fidélium número crescat, et júgiter fúlgeat varietáte virtútum. Per Dóminum.

Praefatio de beata Maria Virgine Et te in Festivitate.

Communio Beáta Mater et intácta Virgo, gloriósa Regína mundi, intercède pro nobis ad Dóminum: tu enim glória Jerúsalem, tu laetítia Israël, tu honorificéntia pópuli nostri. (T. P. Allelúja.)

Postcommunio

SUMPTIS, Dómine, salútis nostrae subsidiis: da nobis, quaesumus, beatae Maríae semper Vírginis ac Reginae Apostolorum patrocínio, perseverántem in tua voluntáte famulátum ; ut Ecclésia tua novis semper proficiat increméntis. Per Dóminum.

MISSAE PRO ALIQUIBUS LOCIS**Feria V**

infra Octavam Sacratissimi Cordis Jesu

EUCCHARISTICI CORDIS JESU

* In Missis Votivis extra Tempus Paschale omittuntur Allelúja ad Introitum, Offertorium et Communionem.

Introitus **Joann. 13, 1**

SCIENS Jesus quia venit hora ejus ut tránseat ex hoc mundo ad Patrem: cum dilexisset suos, qui erant in mundo, in finem diléxit eos. Allelúja, allelúja. **Ps. 97, 1** Cantáte Dómino cánticum novum: quia mirabilia fecit. **Vl.** Glória Patri.

Oratio

DÓMINE Jesu Christe, qui divítias amóris tui erga hómines effúdens Eucharístiae Sacraméntum condidísti: da nobis, quaesumus ; ut amantíssimum Cor tuum dilígere, et tanto Sacraménto digne semper uti valeámus: Qui vivis.

Léctio Epístolae beáti Pauli Apóstoli ad Ephésios.

Ephes. 3, 8-19

FRATRES: Mihi ómnium sanctórum mínimo data est grátia haec, in géntibus evangelizáre investigábiles divítias Christi: et illumináre omnes, quae sit dispensátio sacraménti absconditi a saeculis in Deo, qui ómnia creávit: ut innotéscat principátibus et potestátibus in caeléstibus per Ecclésiam, multifórmis sapiéntia Dei: secúndum praefinitiónem saeculórum, quam fecit in Christo Jesu Dómino nostro, in quo habémus fidúciam, et accéssum in confidéntia per fidem ejus. Propter quod peto ne deficiátis in tribulatióibus meis pro vobis ; quae est glória vestra. Hujus rei grátia flecto génuá mea ad Patrem Dómini nostri Jesu Christi, ex quo omnis patérnitas in caelis et in terra nominátur: ut det vobis secúndum divítias glóriæ suae, virtúte corroborári per Spíritum ejus in interiorem hóminem: Christum habitáre per fidem in córdibus vestris: in caritate radicáti et fundáti: ut possítis conprehéndere, cum ómnibus sanctis, quae sit latitúdo, et longitúdo, et sublímities et profúndum: scire étiam supereminéntem sciéntiae caritátem Christi, ut impleámini in omnem plenitúdinem Dei.

Graduale Isai. 12, 6 Exsúlta et lauda habitátio Sion, quia magnus in médio tui Sanctus Israël. **Vl. Ibid., 4** Notas fácite in pópulis adinventiões ejus.

Allelúja, allelúja. **Vl. Zach. 9, 17** Quid bonum ejus est, et quid pulchrum ejus, nisi fruméntum electórum et vinum gérmínans vírgines ? Allelúja.

In Missis votivis post Septuagesimam, omissis Allelúja et Versu sequenti, dicitur

Tractus Ps. 35, 8-10 Fílii hóminum in tégmíne alárum tuárum, Dómine, sperábunt. **Vl.** Inebriabúntur ab ubertáte domus tuae: et torrénste voluptátis tuae potábis eos. **Vl.** Quóniam apud te est fons vitae: et in lúmíne tuo vidébimus lumen.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Zach. 9, 17* Quid bonum ejus est, et quid pulchrum ejus, nisi frumentum electorum et vinum germinans virgines ? Allelúja. *Vl. Ps. 67, 4 et 11* Justi epulentur, et exsultent in conspectu Dei. Parasti in dulcedine tua pauperi, Deus. Allelúja.

+ Sequentia sancti Evangelii secundum Lucam.

Luc. 22, 15-20

IN illo tempore: Dixit Jesus discipulis suis: Desiderio desideravi hoc pascha manducare vobiscum, antequam patiar. Dico enim vobis, quia ex hoc non manducabo illud, donec impleatur in regno Dei. Et accepto calice, gratias egit, et dixit: Accipite et dividite inter vos. Dico enim vobis quod non bibam de generatione vitis, donec regnum Dei veniat. Et accepto pane, gratias egit, et fregit, et dedit eis, dicens: Hoc est corpus meum, quod pro vobis datur: hoc facite in meam commemorationem. Similiter et calicem, postquam cenavit, dicens: Hic est calix novum testamentum in sanguine meo, qui pro vobis fundetur.

Credo.

Offertorium Ps. 30, 20 Quam magna multitudo dulcedinis tuae, Domine, quam abscondisti timéntibus te ! Allelúja.

Secreta

TUÉRE nos, Domine, tua tibi holocausta offerentes: ad quae ut ferventius corda nostra praeparentur, flammis adure tuae divinae caritatis: Qui vivis.

Praefatio de Sacratissimo Corde Jesu.

Communio Matth. 28, 20 Ecce ego vobiscum sum omnibus diebus usque ad consummationem saeculi: dicit Dominus. Allelúja.

Postcommunio

DIVINIS donis Cordis tui satiati: quaesumus, Domine Jesu, ut in tui semper amore permanere et usque in finem crescere mereamur: Qui vivis.

MISSAE PRO ALIQUIBUS LOCIS

FESTA JUNII

Die 9 Junii

B. MARIAE VIRGINIS MATRIS DE GRATIA

Missa Vultum tuum, ut in Festo Ssmi Nominis Mariae, die 12 Septembris, praeter sequentia.

Oratio

P

DEUS, qui humano generi beatae Mariae virginitate fecunda reparacionis gratiam contulisti: concede ; ut, quam gratiae Matrem appellamus in terris, ejus felici consortio perenniter perfruamur in caelis. Per Dominum.

Tempore Adventus post Graduale dicitur:

Allelúja, allelúja. *Vl. Luc. 1, 28* Ave, María, grátia plena: Dóminus tecum: benedícta tu in mulieribus. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haereses sola interemisti. *Vl.* Quae Gabriélis Archángeli dictis credidisti. *Vl.* Dum Virgo Deum et hóminem genuisti: et post partum, Virgo, invioláta permansisti. *Vl.* Dei Génitrix, intercède pro nobis.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Num. 17, 8* Virga Jesse flóruit: Virgo Deum et hóminem genuit: pacem Deus réddidit, in se reconcilians ima summis. Allelúja. *Vl. Luc. 1, 28* Ave, María, grátia plena: Dóminus tecum: benedícta tu

MISSAE PRO ALIQUIBUS LOCIS

S. JOANNIS FRANCISCI REGIS

Die 16 Junii

Confessoris

Introitus **Luc. 4, 18 et 19**

SPÍRITUS Dómini super me: propter quod unxit me: evangelizáre paupéribus misit me, sanáre contrítos corde, praedicáre annum Dómini accéptum, et diem retributiónis. **Ps. 9, 33** Exsúrge, Dómine Deus, exaltétur manus tua: ne obliviscáris páuperum. **Vl.** Glória Patri.

Oratio

DEUS, qui ad plúrimos pro salúte animárum perferéndo labóres, beátum Joánnem Francíscum Confessórem tuum mirábili caritáte et invicta paciéntia decorásti: concéde propítius ; ut, ejus exéplis instrúcti, et intercessiúnibus adjúti, aetérnae vitae praémia consequámur. Per Dóminum.

Léctio Epístolae beáti Pauli Apóstoli ad Thessalonicénses.

1 Thess. 2, 2-9

FRATRES: Fidúciam habúimus in Deo nostro loqui ad vos Evangélium Dei in multa sollicitúdine. Exhortátio enim nostra non de erróre, neque de immundítia, neque in dolo, sed sicut probáti sumus a Deo, ut crederétur nobis Evangélium: ita lóquimur, non quasi homínibus placéntes, sed Deo, qui probat corda nostra. Neque enim aliquándo fúimus in sermóne adulationis, sicut scitis: neque in occasiúne avarítiae: Deus testis est: nec quaeréntes ab homínibus glóriam, neque a vobis, neque ab áliis. Cum possémus vobis óneri esse ut Christi Apóstoli: sed facti sumus párvuli in médio vestrum, tamquam si nutrix fóveat filios suos. Ita desiderántes vos, cúpide volebámus trádere vobis non solum Evangélium Dei, sed étiam ánimas nostras: quóniam caríssimi nobis facti estis. Mémoires enim estis, fratres, labóris nostri, et fatigatiónis: nocte ac die operántes, ne quem vestrum gravarémus, praedicávimus in vobis Evangélium Dei.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem. Allelúja , allelúja. **Vl. Ps. 67, 12** Dóminus dabit verbum evangelizántibus, virtúte multa. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja , allelúja. **Vl. Ps. 67, 12** Dóminus dabit verbum evangelizántibus, virtúte multa. Allelúja. **Vl. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélii secúndum Matthaéum.

Matth. 9, 35-38

IN illo témpore: Circuibat Jesus omnes civitátes et castélla, docens in synagógis eórum, et praedicans Evangélium regni, et curans omnem languórem, et omnem infirmitátem. Videns autem turbas, misértus est eis: quia erant vexáti, et jacéntes sicut oves non habéntes pastórem. Tunc dicit discipulis suis: Messis quidem multa, operárii autem pauci. Rogáte ergo dóminum messis, ut mittat operários in messem suam.

Offertorium Job 29, 13 et 15-16 Benedíctio peritúri super me veniébat, et cor víduae consolátus sum: óculus fui caeco, et pes claudó: pater eram páuperum.

Secreta

CARITÁTIS víctima, quam immolántes offérimus, sit nobis, Dómine, te miseránte, propitiábilis: et, beáti Joánnis Francísci précibus et méritis, ad obtinéndum paciéntiae et caritátis augméntum, éfficax et salutáris. Per eúmdem Dóminum.

Communio Isai. 52, 7 Quam pulchri super montes pedes annuntiántis et praedicántis pacem: annuntiántis bonum, praedicántis salútem.

Postcommunio

CRESCAT in nobis, Dómine, pietátis tuae efféctus salutáris: ut, caelésti pábulo refécti et Sanctórum exémpis accénsi, ad aetérnae salútis portum, te misericórditer protegénte, et beáto Joánne Francisco intercedénte, felíciter pervenire valeámus. Per Dóminum.

MISSAE PRO ALIQUIBUS LOCIS

Die 27 Junii

**B. MARIAE VIRGINIS
DE PERPETUO SUCCURSU**

Introitus

GAUDEÁMUS omnes in Dómino, diem festum celebrántes sub honóre beátae Maríae Vírginis: de cujus solemnitate gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DÓMINE Jesu Christe, qui Genitrícem tuam Maríam, cujus insígnem venerámur imáginem, Matrem nobis dedísti perpétuo succurrere parátam: concéde, quaesumus ; ut nos, maternam ejus opem assídue implorántes, redemptionis tuae fructum perpétuo experíri mereámur: Qui vivis.

Léctio libri Sapiéntiae.

Eccli. 24, 23-31

EGO quasi vitis fructificávi suavitátem odóris: et flores mei, fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae et virtútis. Transíte ad me, omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatiónes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale Cant. 6, 3 et 9 Tota formósa et suávis es, fília Sion, pulchra ut luna, elécta ut sol, terríbilis ut castrórum ácies ordináta. **Vl. Judith 13, 22** Benedixit te Dóminus in virtúte sua, quia per te ad níhilum redégit inimícos nostros.

Allelúja, allelúja. **Vl. Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

Post Septuagesimam, omissis Allelúja et Versu sequenti, dicitur

Tractus Prov. 8, 17-19 Ego diligéntes me díligo: et qui mane vígilant ad me, invénient me. **Vl.** Mecum sunt divítiae et glória, opes supérbae et justítia. **Vl.** Mélior est enim fructus meus auro et lápide pretióso, et genímína mea argénto elécto.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Luc. 1, 28** Ave, María, grátia plena: Dóminus tecum: benedícta tu in muliéribus.

Allelúja. **Prov. 8, 34** Beátus homo, qui audit me, et qui vígilat ad fores meas quotidie, et obsérvat ad postes óstii mei. Allelúja.

+ Sequéntia sancti Evangéllii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discípulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

TUA, Dómine, propitiatióne, et beátae Vírginis et Matris Maríae intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Communio Regína mundi digníssima, María Virgo perpétua, intercède pro nostra pace et salúte, quae genuísti Christum Dóminum Salvatórem ómnium.

Postcommunio

ADJUVET nos, quaesumus, Dómine, immaculátae Genitrícis tuae, sempérque Vírginis Maríae intercessio veneránda: ut, quos perpétuis cumulávit beneficiis, a cunctis periculis absolutos, sua fáciat pietáte concórdes: Qui vivis.

MISSAE PRO ALIQUIBUS LOCIS

FESTA JULII

Die 4 Julii

IN COMMEMORATIONE OMNIUM SS. SUMMORUM PONTIFICUM

Introitus **Ps. 49, 5-6 et 7**

CONGREGÁTE illi sanctos ejus, qui ordinavérunt testaméntum ejus super sacrificia. Et annuntiábunt caeli justítiam ejus: quia Deus tuus ego sum. **Ps. ibid., 1** Deus deórum Dóminus locútus est: et vocávit terram. **V.** Glória Patri.

Oratio

DEUS, qui pópulis tuis indulgéntia cónsulis, et amóre domináris: da spíritum sapiéntiae, suffragántibus méritis Antístitum Ecclésiae tuae, quibus dedísti régimen disciplínae ; ut de proféctu sanctárum óvium fiant gáudia aetérna pastórum. Per Dóminum.

Léctio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praeposítórum vestrórum, qui vobis locúti sunt verbum Dei: quorum intuéntes éxítum conversatiónis, imitámini fidem. Jesus Christus heri et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilíre cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem et communiónis nolíte oblivisci: tálibus enim hóstiis promerétur Deus. Obedíte praeposítis vestris, et subjacéte eis. Ipsi enim pervígilant, quasi ratióem pro animábus vestris redditúri.

Graduale Ps. 131, 16-17 Sacerdótes ejus índuam salutári: et sancti ejus exsultatióne exsultábunt. **V.** Illuc producám cornu David: parávi lucérnam Christo meo.

Allelúja , allelúja. **V.** **Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória et divítiae in domo ejus: et justítia ejus manet in

Tempore autem Paschali omittitur Graduale, et ejus loco dicitur:

Allelúja , allelúja. *V/. Ps. 109, 4* Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja. *V/. Eccli. 45, 9* Amávit eum Dóminus, et ornávit eum: stolam glóriae índuit eum. Allelúja.

+ Sequéntia sancti Evangéllii secúndum Matthaéum.
Matth. 16, 13-19

IN illo témpore: Venit Jesus in partes Caesaréae Philíppi, et interrogábat discípulos suos, dicens: Quem dicunt hómines esse Fílium hóminis ? At illi dixerunt: Alii Joánnem Baptístam, álii autem Elíam, álii vero Jeremíam, aut unum ex prophétis. Dicit illis Jesus: Vos autem quem me esse dícitis ? Respóndens Simon Petrus, dixit: Tu es Christus, Fílius Dei vivi. Respóndens autem Jesus, dixit ei: Beátus es, Simon Bar Jona: quia caro et sanguis non revelávit tibi, sed Pater meus, qui in caelis est. Et ego dico tibi, quia tu es Petrus, et super hanc petram aedificábo Ecclésiám meam, et portae ínferi non praevalébunt advérsus eam. Et tibi dabo claves regni caelórum. Et quodcúmque ligáveris super terram, erit ligátum et in caelis: et quodcúmque sólveris super terram, erit solútum et in caelis.

Credo.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

UNIGÉNITI Fílii tui, quam tibi, Deus Pater omnípotens, in honórem sanctórum Pontíficum offérimus, immaculáta hóstia, prosit nobis ad medélam percipiéndam. Per eúmdem Dóminum.

Praefatio de Apostolis.

Communio Ps. 88, 25 Véritas mea et misericórdia mea cum ipso: et in nómine meo exaltábitur cornu ejus.

Postcommunio

DA, quaesumus, Dómine, fidélibus pópulis: sanctórum Pontíficum tuórum semper veneratióne laetári: et eórum perpétua supplicatióne muníri. Per Dóminum.

MISSAE PRO ALIQUIBUS LOCIS

S. LAURENTII A BRUNDUSIO

Die 7 Julii

Confessoris

Introitus *Eccl. 42, 15-16*

IN sermónibus Dómini ópera ejus: sol illúminans per ómnia respéxit, et glória Dómini plenum est opus ejus. *Ps. 67, 2* Exsúrgat Deus, et dissipéntur inimíci ejus, et fúgiant, qui odérunt eum, a fácie ejus. *V/. Glória Patri.*

Oratio

DEUS, qui, ad árdua quaeque pro nóminis tui glória et animárum salúte, beáto Lauréntio Confessóri tuo spíritum consíllii et fortitúdinis contulísti: da nobis in eódem spíritu et agénda cognóscere, et cógnita, ejus intercessióne, perfícere. Per Dóminum.

Léctio Epístolae beáti Pauli Apóstoli ad Corínthios.
2 Cor. 5, 14-21

FRATRES: Cáritas Christi urget nos: aestimántes hoc, quóniam si unus pro ómnibus mórtuus est, ergo omnes mórtui sunt: et pro ómnibus mórtuus est Christus: ut, et qui vivunt, jam non sibi vivant, sed ei, qui pro ipsis mórtuus est et resurréxit. Itaque nos ex hoc néminem nóvimus secúndum carnem. Et si cognóvimus secúndum carnem Christum: sed nunc jam non nóvimus. Si qua ergo in Christo nova creatúra, vétera transiérunt: ecce facta sunt ómnia nova. Omnia autem ex Deo, qui nos reconciliávit sibi per Christum: et

dedit nobis ministérium reconciliatiónis. Quóniam quidem Deus erat in Christo mundum reconcilians sibi, non réputans illis delícta ipsórum, et pósuit in nobis verbum reconciliatiónis. Pro Christo ergo legatióne fúngimur, tamquam Deo exhortánte per nos. Obsecrámus pro Christo, reconciliámini Deo. Eum, qui non nóverat peccátum, pro nobis peccátum fecit, ut nos efficerémur justítia Dei in ipso.

Graduale Exodi 15, 2 et 3 Fortitúdo mea et laus mea Dóminus, et factus est mihi in salútem: iste Deus meus, et glorificábo eum. *V/.* Dóminus quasi vir pugnátor: omnipotens nomen ejus.

Allelúja, allelúja . **Eccli. 46, 6** Invocávit Altíssimum poténtem in oppugnándo inimícos úndique: et audívit illum magnus et sanctus Deus . Allelúja.

In Missis votivis p ost Septuagesimam, omissis Allelúja et Versu sequenti, dicitur

Tractus Judith 16, 2-4 Modulámini Dómino psalmum novum ; exaltáte, et invocáte nomen ejus. *V/.*

Dóminus cónterens bella, Dóminus nomen est illi. *V/.* Qui pósuit castra sua in médio pópuli sui, ut eríperet nos de manu ómnium inimicórum nostrórum.

Tempore autem Paschali omittitur Graduale, et ejus loco dicitur:

Allelúja, allelúja. **Eccli. 46, 6** Invocávit Altíssimum poténtem in oppugnándo inimícos úndique: et audívit illum magnus et sanctus Deus. Allelúja. *V/.* **Judith 16, 3-4** Dóminus cónterens bella, Dóminus nomen est illi: qui pósuit castra sua in médio pópuli sui. Allelúja.

+ Sequéntia sancti Evangéllii secúndum Lucam.

Luc. 9, 1-6

IN illo témpore: Convocáti Jesus duódecim Apóstolis, dedit illis virtútem et potestátem super ómnia daemónia, et ut languóres curárent. Et misit illos praedicáre regnum Dei, et sanáre infirmos. Et ait ad illos: Nihil tuléritis in via, neque virgam, neque peram, neque panem, neque pecúniam, neque duas túnicas habeáti. Et in quacúmque domum intravéritis, ibi manéte, et inde ne exeáti. Et quicumque non recéperint vos, exeúntes de civitáte illa, étiám púlverem pedum vestrórum excúte in testimónium supra illos. Egréssi autem circuíbant per castélla, evangelizántes et curántes ubique.

Offertorium Isai. 49, 2 Pósuit os meum quasi gládium acútum: in umbra manus suae protéxit me, et pósuit me sicut sagíttam eléctam.

Secreta

AD caeléste convívium fac nos, Deus, salutáribus paeniténtiae lácrimis dignos accédere: quod beáto Lauréntio vitae candor suavíssimum efficiébat. Per Dóminum.

Communio Sap. 8, 11 In conspéctu poténtium admirábilis ero, et fácies princípum mirabúntur me.

Postcommunio

DIVINITÁTIS tuae, Dómine, sempitérna fruitióne satiémur: quam beátus Lauréntius in sacro altáris mystério praegustábat. Per Dóminum.

MISSAE PRO ALIQUIBUS LOCIS

S. VERONICAE DE JULIANIS

Die 9 Julii

Virginis

Missa Dilexísti, de Comuni Virginum 3 loco, cum Orationibus ut infra.

Oratio P

DÓMINE Jesu Christe, qui beátam Verónicam Vírginem passiónis tuae signis mirábilem effecísti: concéde propítius ; ut, carnem crucifigéntes, ad gáudia aetérna perveníre mereámur: Qui vivis.

Secreta P

SÚSCIPe, miséricors Deus, quas tibi humíliter offérimus, laudis hóstias: et, interveniénte beáta Verónica

Vírgine tua, fac eas nobis ad perpétuum proveníre subsidiúm. Per Dóminum.

Postcommunio

P

CAELÉSTI múnere roborátos fac nos, quaésumus, Dómine Deus noster: beátae Verónicae Vírginis tuae et exémplic instrui, et patrocíniis adjuvári. Per Dóminum.

MISSAE PRO ALIQUIBUS LOCIS

Die 17 Julii

HUMILITATIS B. MARIAE VIRGINIS

Introitus **Sedulius**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DEUS, qui humília réspicis, et alta a longe cognóscis: da fámulis tuis humilitátem beátae Maríae semper Vírginis puro corde sectári ; quae virginitáte plácuit, humilitáte concépit Dóminum nostrum Jesum Christum Fílium tuum. Qui tecum.

Léctio libri Sapiéntiae.

Eccli. 24, 11-13 et 15-20

IN ómnibus réquiem quaesívi, et in hereditáte Dómini morábor. Tunc praecépit, et dixit mihi Creátor ómnium: et qui creávit me requiévít in tabernáculo meo, et dixit mihi: in Jacob inhábita, et in Israél hereditáre, et in eléctis meis mitte radíces. Et sic in Sion firmáta sum, et in civitáte sanctificáta simíliter requiéví, et in Jerúsalem potéstas mea. Et radicávi in pópulo honorificáto, et in parte Dei mei heréditas illíus, et in plenitúdine sanctorum deténtio mea. Quasi cedrus exaltáta sum in Líbano, et quasi cypréssus in monte Sion: quasi palma exaltáta sum in Cades, et quasi plantátio rosae in Jéricho. Quasi olíva speciósa in campis, et quasi plátanus exaltáta sum juxta aquam in platéis. Sicut cinnamómum et bálsamum aromatizans odórem dedi: quasi myrrha elécta dedi suavitétem odóris.

Graduale Benedícta et venerábilis es, Virgo María: quae sine tactu pudóris invénta es mater Salvatóris. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja , allelúja. **Vl.** Post partum, Virgo, invioláta permansísti: Dei Génitrix, intercède pro nobis. Allelúja.

Tempore Adventus, loco Versus praecedentis, dicitur:

Allelúja, allelúja. **Vl.** **Luc. 1, 28** Ave, María, grátia plena: Dóminus tecum: benedícta tu in muliéribus. Allelúja.

Post Septuagesimam, omissis Allelúja et Versu sequenti, dicitur

Tractus Gaude, María Virgo, cunctas haéreses sola interemísti. **Vl.** Quae Gabriélis Archángeli dictis credidísti. **Vl.** Dum Virgo Deum et hóminem genuísti: et post partum, Virgo, invioláta permansísti. **Vl.** Dei Génitrix, intercède pro nobis.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** Virgo Dei Génitrix, quem totus non capit orbis, in tua se clausit víscera factus homo. Allelúja. **Vl.** Post partum, Virgo, invioláta permansísti: Dei Génitrix, intercède pro nobis. Allelúja.

+ Sequéntia sancti Evangélíi secúndum Lucam.

Luc. 1, 26-38

IN illo témpore: Missus est Angelus Gábriel a Deo in civitátem Galilaéae, cui nomen Náza-reth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus: et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries fílium, et vocábis nomen ejus Jesum. Hic erit magnus, et Fílius Altíssimi vocábitur, et dabit illi Dóminus Deus sedem David patris ejus: et regnábit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognóscó ? Et respóndens Angelus, dixit ei: Spíritus Sanctus supervéniet in te, et virtus

Altissimi obumbrabit tibi. Ideoque et quod nascetur ex te Sanctum, vocabitur Filius Dei. Et ecce Elisabeth cognata tua, et ipsa concepit filium in senectute sua: et hic mensis sextus est illi, quae vocatur sterilis: quia non erit impossibile apud Deum omne verbum. Dixit autem Maria: Ecce ancilla Domini, fiat mihi secundum verbum tuum.

Credo.

Offertorium Luc. 1, 28 et 42 Ave, Maria, gratia plena: Dominus tecum: benedicta tu in mulieribus, et benedictus fructus ventris tui.

Secreta

HAEC oblatio, quaesumus, Domine, intercedente beata Virgine Dei Genitrice Maria, verae nobis humilitatis gratiam obtineat: simulque a cordibus nostris concupiscentiam carnis et oculorum, atque ambitionem saeculi auferat; quatenus sobrie, juste pieque viventes, praemia consequamur aeterna. Per eundem Dominum.

Praefatio de beata Maria Virgine Et te in Festivitate.

Communio Beata viscera Mariae Virginis, quae portaverunt aeterni Patris Filium.

Postcommunio

HUJUS, Domine, sacramenti perceptio peccatorum nostrorum maculas abstergat: et gloriosae beatae Mariae semper Virginis intercessione, per humilitatis viam ad superna nos regna perducat. Per Dominum.

MISSAE PRO ALIQUIBUS LOCIS

Sabbato

ante Dominicam IV Julii

B. MARIAE VIRGINIS MATRIS MISERICORDIAE

Missa Salve, de Communi Festorum B. Mariae Virginis, praeter Orationem sequentem; et dicitur Credo.

Oratio P

DEUS, cujus misericordiae non est numerus: concede nobis, sanctissima unigeniti Filii tui Matre intercedente; ut hanc misericordiam largiter in terris, et gloriam consequi mereamur in caelis. Per eundem Dominum.

Secreta C

TUA, Domine, propitiatione, et beatae Mariae semper Virginis intercessione, ad perpetuam atque praesentem haec oblatio nobis proficiat prosperitatem et pacem. Per Dominum.

Praefatio de beata Maria Virgine Et te in Festivitate.

Postcommunio C

SUMPTIS, Domine, salutis nostrae subsidiis: da, quaesumus, beatae Mariae semper Virginis patrocinis nos ubique protegi; in cujus veneratione haec tuae obtulimus majestati. Per Dominum.

MISSAE PRO ALIQUIBUS LOCIS

FESTA AUGUSTI

Die 11 Augusti

S. EMIGDII

Episcopi et Martyris

Introitus Ps. 17, 8

COMMOTA est, et contrémuit terra: fundamenta montium conturbata sunt, quoniam iratus est eis. Ps. 49, 15 Invoca me in die tribulationis: eruam te, et honorificabis me. V/. Gloria Patri.

Oratio

DEUS, qui beátum Emígdium, Mártirem tuum atque Pontíficem, idolórum victória et miraculórum glória decorásti: concéde propítius ; ut, eo interveniénte, malórum spirítuum fraudes víncere et coruscáre virtútibus mereámur. Per Dóminum.

Léctio libri Apocalýpsis beáti Joánnis Apóstoli.

Apoc. 11, 13-17

IN illa hora factus est terraemótu magnus, et décima pars civitátis cécidit: et occísa sunt in terraemótu nómina hóminum septem míllia: et réliqui in timórem sunt missi, et dedérunt glóriam Deo caeli. Vae secúndum ábiit: et ecce vae tértium veniet cito. Et séptimus Angelus tuba cécinit: et factae sunt voces magnae in caelo, dicéntes: Factum est regnum hujus mundi, Dómini nostri et Christi ejus, et regnábít in saécula saeculórum: Amen. Et vigintiquátuor senióres, qui in conspéctu Dei sedent in sédibus suis, cecidérunt in fácies suas, et adoravérunt Deum, dicéntes: Grátias ágimus tibi, Dómine Deus omnípotens, qui es, et qui eras, et qui ventúrus es: quia accepísti virtútem tuam magnam, et regnásti.

Graduale Ps. 59, 6-7 Dedísti metuéntibus te significatiónem: ut fúgiant a fácie arcus. **Vl.** Ut liberéntur dilécti tui: salvum fac délixtera tua, et exáudi me.

Allelúja, allelúja. **Vl. Ps. 88, 22** Manus mea auxiliábitur ei: et bráchium meum confortábit eum. Allelúja.

Post Septuagesimam, omissis Allelúja et Versu sequenti, dicitur

Tractus Jerem. 3, 12 Non avértam fácíem meam a vobis: et non iráscar in perpétuum. **Vl. Isai. 42, 6** Dedi te in foedus pópuli, et in lucem géntium. **Vl. Ibid., 25, 4** Factus est fortitúdo páperi, fortitúdo egéno in tribulatióne sua.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Jerem. 1, 18** Dedi te in civitátem munítam, et in colúmnam férream, et in murum aéreum. Allelúja. **Vl. Eccli. 39, 20** Date nómini ejus magnificéntiam, et confitémini illi. Allelúja.

+ Sequéntia sancti Evangélii secúndum Lucam.

Luc. 21, 9-19

IN illo témpore: Dixit Jesus discípulis suis: Cum audiéritis praélia et seditiões, nolíte terréri: opórtet primum haec fieri, sed nondum statim finis. Tunc dicébat illis: Surget gens contra gentem, et regnum advérsus regnum. Et terraemótu magni erunt per loca, et pestiléntiae, et fames, terrorésque de caelo, et signa magna erunt. Sed ante haec ómnia injíciet vobis manus suas, et persequéntur, tradéntes in synagógas et custódias, trahéntes ad reges et praésides propter nomen meum: contínget autem vobis in testimónium. Pónite ergo in córdibus vestris non praemedítári quemádmódu respondeátis. Ego enim dabo vobis os et sapiéntiam, cui non póterunt resístere et contradícere omnes adversárii vestri. Tradémini autem a paréntibus, et frátribus, et cognátis, et amícis, et morte affíciant ex vobis: et éritis ódio ómnibus propter nomen meum: et capíllus de cápíte vestro non períbit. In paciéntia vestra possidébitis ánimas vestras.

Offertorium Ps. 59, 4 Commovísti, Dómine, terram, et conturbásti eam: sana contritiões ejus, quia commóta est.

Secreta

MÚNERA tibi, Dómine, obláta sanctífica: ut per ea, intercedénte beáto Emígdio Mártire tuo atque Pontífice, ab ómnibus ánimaie et córporis pérículis liberémur. Per Dóminum.

Communio Ps. 32, 8 Tímeat Dóminum omnis terra: ab eo autem commoveántur omnes inhabitántes orbem.

Postcommunio

SACRAMÉNTA, quae sumpsimus, Dómine: per intercessiόνem beáti Emígdii Mártiris tui atque Pontíficis sint nobis ad tutaméntum mentis et córporis, et ad misericórdiam tuam effícaciter consequéndam. Per Dóminum.

MISSAE PRO ALIQUIBUS LOCIS

MISSAE PRO ALIQUIBUS LOCIS

Eadem die 11 Augusti

S. PHILUMENAE

Virginis et Martyris

Missa Loquébar, de Communi Virginum 1 loco.

MISSAE PRO ALIQUIBUS LOCIS

Die 13 Augusti

B. MARIAE VIRGINIS

TITULO

REFUGIUM PECCATORUM

Missa Salve, de Communi Festorum B. Mariae Virginis, praeter Orationem sequentem ; et dicitur Credo.

Oratio

P

OMNÍPOTENS et miséricors Deus, qui in beáta semper Vírgine María peccatórum refúgium, et auxiliúm collocásti: concéde ; ut, ipsa protegénte, a culpis ómnibus absolúti, misericórdiae tuae efféctum felicem consequámur. Per Dóminum.

Secreta

C

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Postcommunio

C

SUMPTIS, Dómine, salutis nostrae subsidiis: da, quaesumus, beátae Maríae semper Vírginis patrociniis nos ubique protégi ; in cuius veneratióne haec tuae obtúlimus majestáti. Per Dóminum.

MISSAE PRO ALIQUIBUS LOCIS

Eadem die 13 Augusti

S. JOANNIS BERCHMANS

Confessoris

Introitus Ps. 118, 167

CUSTODÍVIT ánima mea testimónia tua, Dómine: et diléxit ea vehementer. Ps. *ibid.*, 1 Beáti immaculáti in via: qui ámbulant in lege Dómini. *Vl.* Glória Patri.

Oratio

CONCÉDE, quaesumus, fámulis tuis, Dómine Deus: ea innocéntiae ac fidelitátis exéempla in tuo servítio sectári ; quibus angélicus júvenis Joánnes aetátis suae florem consecrávit. Per Dóminum.

Léctio libri Sapiéntiae.

Eccli. 51, 17-25, 27-28 et 35

CONFITÉBOR, et laudem dicam tibi, Dómine Rex, et benedicam nómini Dómini. Cum adhuc júnior essem, priúsquam oberrárem, quaesívi sapiéntiam palam in oratióne mea. Ante templum postulábam pro illa, et usque in novíssimis inquirám eam. Et efflóruit tamquam praecox uva, laetátum est cor meum in ea. Ambulávit pes meus iter rectum, a juventúte mea investigábam eam. Inclinávi módice aurem meam, et excépi illam. Multam invéni in meípso sapiéntiam, et multum proféci in ea. Danti mihi sapiéntiam, dabo glóriam. Consiliátus sum enim ut fácerem illam: zelátus sum bonum, et non confúndar. Colluctáta est ánima mea in illa, et in faciéndó eam confirmátus sum. Animam meam diréxi ad illam, et in agnitióne invéni eam. Possédi cum ipsa cor ab inítio: propter hoc non derelínquar. Vidéte óculis vestris quia módicum laborávi, et invéni mihi multam réquiem.

Graduale Sap. 4, 13-14 Consummátus in brevi explévit témpora multa. *Vl.* Plácita enim erat Deo ánima

illius: propter hoc properavit educere illum de medio iniquitatum.

Allelúja , allelúja. *Vl. Ibid., 16* Condémnat autem justus mórtuus vivos ímpios, et juvéntus celérius consummáta longam vitam injústi. Allelúja.

Post Septuagesimam, omissis Allelúja et Versu sequenti, dicitur

Tractus Ps. 70, 17 Deus, docuísti me a juvéntúte mea: et usque nunc pronuntiábo mirabilia tua. *Vl. Ps. 118, 103 et 101* Quam dúlcia fáucibus meis elóquia tua, super mel ori meo ! *Vl.* Ab omni via mala prohibui pedes meos: ut custódiám verba tua.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Ps. 118, 106* Jurávi, et státui custódire júdicia justítiae tuae. Allelúja. *Vl. Ibid., 74* Qui timent te vidébunt me, et laetabúntur: quia in verba tua supersperávi. Allelúja.

+ Sequéntia sancti Evangélii secúndum Matthaéum.
Math. 19, 16-21

IN illo témpore: Ecce unus accédens ad Jesum, ait illi: Magíster bone, quid boni fáciam ut hábeam vitam aetérnam ? Qui dixit ei: Quid me intérogas de bono ? Unus est bonus, Deus. Si autem vis ad vitam íngredi, serva mandáta. Dicit illi: Quae ? Jesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia haec custodívi a juvéntúte mea, quid adhuc mihi deest ? Ait illi Jesus: Si vis perféctus esse, vade, vende quae habes, et da paupéribus, et habébis thesáurum in caelo: et veni, séquere me.

Offertorium Ps. 115, 16-17 O Dómine, quia ego servus tuus: ego servus tuus et fílius ancíllae tuae: dirupísti víncula mea: tibi sacrificábo hóstiam laudis.

Secreta

RÉSPICE, miséricors Deus, dona quae offérimus, recoléntes ánimo caritátem: qua beátus Joánnes inter haec mystéria flagrábat. Per Dóminum.

Communio Cant. 6, 2 ; 3, 4 Ego dilécto meo, et diléctus meus mihi, qui páscitur inter lília. Invéni quem díligit ánima mea: ténui eum, nec dimíttam.

Postcommunio

CAELÉSTI épulo reféctis praesta nobis, quaésumus, miséricors Deus: ut, beáti Joánnis vestígia sequéntes, víam mandatórum tuórum dilatáto corde currámus. Per Dóminum.

MISSAE PRO ALIQUIBUS LOCIS

S. ROCHI

Die 16 Augusti

Confessoris

Missa Justus, de Communi Confessoris non Pontificis 2 loco, praeter Orationem sequentem:

Oratio P

PÓPULUM tuum, quaésumus, Dómine, contínua pietáte custódi: et, beáti Rochi suffragántibus méritis, ab omni fac ánima et córporis contagióne secúrum. Per Dóminum.

Secreta C

PRAESTA nobis, quaésumus, omnípotens Deus: ut nostrae humilitátis oblátio et pro tuórum tibi grata sit honóre Sanctórum, et nos córpoze páriter et mente puríficet. Per Dóminum.

Postcommunio C

QUSUMUS, omnípotens Deus: ut, qui caeléstia aliménta percépimus, intercedénte beáto Rocho Confessóre tuo, per haec contra ómnia advérsa muniámur. Per Dóminum.

MISSAE PRO ALIQUIBUS LOCIS

Die 18 Augusti

S. HELENAE IMPERATRICIS

Viduae

Introitus **Gal. 6, 14**

MIHI autem absit gloriári, nisi in Cruce Dómini nostri Jesu Christi: per quem mihi mundus crucifíxus est, et ego mundo. **Ps. 22, 4** Virga tua et báculus tuus: ipsa me consoláta sunt. **Vl.** Glória Patri.

Oratio

DÓMINE Jesu Christe, qui locum, ubi Crux tua latébat, beátae Hélenae revelásti, ut, per eam, Ecclésiám tuam hoc pretiósó thesáuro ditáres: ejus nobis intercessióne concéde ; ut vitális ligni pretío, aetérnae vitae praemia consequámur: Qui vivis.

Léctio libri Sapiéntiae.

Prov. 31, 10-31

MULÍEREM fortem quis invéniet ? Procul, et de últimis fínibus pretium ejus. Confídit in ea cor viri sui, et spóliis non indigébit. Reddet ei bonum, et non malum ómnibus diébus vitae suae. Quaesívit lanam et linum, et operáta est consílio mánuum suárum. Facta est quasi navis institóris, de longe portans panem suum. Et de nocte surréxit, deditque praedam domésticis suis, et cibária ancillis suis. Considerávit agrum, et emit eum: de fructu mánuum suárum plantávit véneam. Accínxit fortitúdine lumbos suos, et roborávit bráchium suum. Gustávit, et vidit quia bona est negotiátio ejus: non exstinguétur in nocte lucérna ejus. Manum suam misit ad fórtia, et dígití ejus apprehendérunt fusum. Manum suam apéruit ínopi, et palmas suas exténdit ad páuperem. Non timébit dómúi suae a frigóribus nivis: omnes enim doméstici ejus vestíti sunt duplicibus. Stragulátam vestem fecit sibi: byssus, et púrpura induméntum ejus. Nóbilis in portis vir ejus, quando séderit cum senatóribus terrae. Síndonem fecit, et véndidit, et cíngulum trádidit Chananaéo. Fortitúdo et decor induméntum ejus, et ridébit in die novíssimo. Os suum apéruit sapiéntiae, et lex cleméntiae in lingua ejus. Considerávit sémitas domus suae, et panem otiósa non comédit. Surrexérunt fílii ejus, et beatíssimam praedicavérunt: vir ejus, et laudávit eam. Multae fíliae congregavérunt divítias: tu supergréssa es univérzas. Fallax grátia, et vana est pulchritúdo: múlier timens Dóminum, ipsa laudábitur. Date ei de fructu mánuum suárum: et laudent eam in portis ópera ejus.

Graduale Ps. 44, 13, 10 et 15-16 Vultum tuum deprecabúntur omnes dívites plebis: fíliae regum in honóre tuo. **Vl.** Adducéntur Regi vírgines post eam: próximae ejus afferéntur tibi. Afferéntur in laetítia, et exsultatióne: adducéntur in témplum Regis.

Allelúja , allelúja. **Vl. Ps. 111, 9** Dispérsit, dedit paupéribus: justítia ejus manet in saéculum saéculi. Allelúja.

Post Septuagesimam, omissis Allelúja et Versu sequenti, dicitur

Tractus Veni, sponsa Christi, áccipe corónam, quam tibi Dóminus praeparávit in aetérnum. **Vl. Ps. 44, 8** Diléxísti justítiam, et odísti iniquitátem: proptérea unxit te Deus, Deus tuus, óleo laetítiae prae consórtibus tuis. **Vl. Ibid., 5** Spécie tua, et pulchritúdine tua inténde, prospere procéde, et regna.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 111, 9** Dispérsit, dedit paupéribus: justítia ejus manet in saéculum saéculi. Allelúja. **Vl. Ps. 44, 5** Spécie tua, et pulchritúdine tua inténde, prospere procéde, et regna. Allelúja.

+ Sequéntia sancti Evangéllii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérza, quae habet, et emit agrum illum. Iterum símile est regnum caelórum hómini negotiátóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo

omnis scribe doctus in regno caelorum similis est homini patrifamilias, qui profert de thesauro suo nova et vetera.

Offertorium 1 Cor. 2, 2 Non enim iudicavi me scire aliud, nisi Jesum Christum, et hunc crucifixum.

Secreta

PER haec sacra mysteria concede nobis, Domine: ut, sicut beatae Helenae misericorditer tribuisti, ut Filium tuum crucifixum in corde semper gestaret; ita et nos eum in cordibus nostris perpetuo deferamus: Qui tecum vivit.

Communio Cant. 7, 8 Ascendam in palmam, et apprehendam fructus ejus.

Postcommunio

CONCEDE nobis, misericors Deus: ut, qui salutiferae Crucis tuae fructu in terra sumus recreati; per intercessionem beatae Helenae, eodem iugiter perfrui mereamur in caelis: Qui vivis.

MISSAE PRO ALIQUIBUS LOCIS

Sabbato

post Festum S. Augustini

Episcopi, Confessoris et Ecclesiae Doctoris

B. MARIAE VIRGINIS

DE CONSOLATIONE

Introitus **Ps. 44, 10**

ASTITIT Regina a dextris tuis in vestitu deaurato: circumdata varietate. **Ps. ibid., 2** Eructavit cor meum verbum bonum: dico ego opera mea Regi. **V.** Gloria Patri.

Oratio

DOMINE Jesu Christe, pater misericordiarum, et Deus totius consolationis: concede propitius; ut, sicut lumbos praecincti, purissimam Genitricem tuam Mariam sub Consolationis titulo gaudentes veneramur in terris, ita perenni ejusdem consortio perfrui mereamur in caelis: Qui vivis.

Lectio Isaiae Prophetae.

Isai. 11, 1-5

HAEC dicit Dominus Deus: Egrediatur virga de radice Jesse, et flos de radice ejus ascendet. Et requiescet super eum spiritus Domini: spiritus sapientiae et intellectus, spiritus consilii et fortitudinis, spiritus scientiae et pietatis; et replabit eum spiritus timoris Domini. Non secundum visionem oculorum iudicabit: neque secundum auditum aurium arguet: sed iudicabit in iustitia pauperes, et arguet in aequitate pro mansuetis terrae: et percutiet terram virga oris sui, et spiritu labiorum suorum interficiet impium. Et erit iustitia cingulum lumborum ejus: et fides cinctorium renum ejus.

Graduale Ps. 44, 8-9 Unxit te Deus, Deus tuus, oleo laetitiae prae consortibus tuis. **V.** Myrrha, et gutta, et casia a vestimentis tuis.

Alleluja, alleluja. **V.** **Cant. 2, 14** Sonet vox tua in auribus meis: vox enim tua dulcis, et facies tua decora. Alleluja.

Post Septuagesimam, omissis Alleluja et Versu sequenti, dicitur

Tractus Ps. 44, 12 et 18 Concupiscet Rex decorem tuum: quoniam ipse est Dominus Deus tuus, et adorabunt eum. **V.** Memores erunt nominis tui in omni generatione et generationem. **V.** Propterea populi confitebuntur tibi in aeternum: et in saeculum saeculi.

Tempore autem Paschali omittitur Graduale, et ejus loco dicitur:

Alleluja, alleluja. **V.** **Ps. 44, 9** Myrrha, et gutta, et casia a vestimentis tuis. Alleluja. **V.** **Cant. 2, 14** Sonet vox tua in auribus meis: vox enim tua dulcis, et facies tua decora. Alleluja.

+ Sequentia sancti Evangelii secundum Lucam.

Luc. 1, 39-47

IN illo tēpore: Exsurgens María ábiit in montána cum festinaciónē in civitatem Juda: et intrávit in domum Zachariae, et salutávit Elísabeth. Et factum est, ut audívit salutatióem Maríae Elísabeth, exsultávit infans in útero ejus: et repléta est Spírítu Sancto Elísabeth: et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat mater Dómini mei ad me ? Ecce enim, ut facta est vox salutatióis tuae in áuribus meis, exsultávit in gáudio infans in útero meo. Et beáta, quae credidísti, quóniam perficiéntur ea, quae dicta sunt tibi a Dómino. Et ait María: Magnificat ánima mea Dóminum: et exsultávit spírítus meus in Deo salutári meo.

Credo.

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióem suam a nobis.

Secreta

SÚSCÍPE, Dómine, munus, quod tibi offérimus, memóriam recoléntes puríssimae Vírginis Maríae, quae consolátur nos in omni tribulatióne nostra: et praesta ; ut mens nostra supérno lúmine Sancti Spírítus irradiáta, terréna despíciat, et ad caeléstia semper aspíret. Per Dóminum **in unitáte ejúsdem.**

Praefatio de beata Maria Virgine Et te in Festivátē.

Communio Jerem. 2, 32 Numquid obliviscétur virgo ornaménti sui, aut sponsa fásctiae pectorális suae ?

Postcommunio

FONS vitae, Dómine Jesu, reple mentem nostram torrénate voluptátis tuae: ut, beatíssimae semper Vírginis Maríae Consolatióis Matris praesídio terréna calcántes, caeléstibus semper recreári valeámus: Qui vivis.

MISSAE PRO ALIQUIBUS LOCIS**Sabbato**

ante Dominicam ultimam Augusti

B. MARIAE VIRGINIS**TITULO****SALUS INFIRMORUM****Introitus**

SALUS pópuli ego sum: de quacúmque tribulatióne clamáverint ad me, exáudiam eos. **Ps. 33, 2**
Benedícam Dóminum in omni tēpore: semper laus ejus in ore meo. **Vl.** Glória Patri.

Oratio

CONCÉDE nos fámulos tuos, quaesumus, Dómine Deus, perpétua mentis et córporis sanitáte gaudére: et, gloriósa beátae Maríae semper Vírginis intercessióne, a praesénti liberári tristítia, et aetérna pérfrui laetítia. Per Dóminum.

Léctio libri Sapiéntiae.

Prov. 8, 22-35

DÓMINUS possédit me in ínítio viárum suárum, ántequam quidquam fáceret a princípío. Ab aetérno ordináta sum, et ex antíquis, ántequam terra fíeret. Nondum erant abýssi, et ego jam concépta eram: necdum fontes aquárum erúperant: necdum montes gravi mole constíterant: ante colles ego parturiébar: adhuc terram non fécerat, et flúmina, et cárdines orbis terrae. Quando praeparábat caelos, áderam: quando certa lege et gyro vallábat abýssos: quando aéthera firmábat sursum, et librábat fontes aquárum: quando circúmdabat mari términum suum, et legem ponébat aquis, ne transírent fines suos: quando appendébat fundaménta terrae. Cum eo eram cuncta compónens: et delectábar per síngulos dies, ludens coram eo omni tēpore: ludens in orbe terrárum: et delíctiae meae esse cum fíliis hóminum. Nunc ergo, fílii, audíte me: Beáti, qui custódiunt vias meas. Audíte disciplínam, et estóte sapiéntes, et nolíte abjícere eam. Beátus homo, qui audit me, et qui vígilat ad fores meas quotídie, et obsérvat ad postes óstii mei. Qui me invénerit, invéniet vitam, et háuriet salutem a Dómino.

Graduale Ps. 102, 1 et 3-4 Bénedic, ánima mea, Dómino: et ómnia interióra mea nómini sancto ejus. Qui sanat omnes infirmitátes tuas, qui rédimit de intéritu vitam tuam. **V/. Ps. 117, 14** Fortitúdo mea, et laus mea Dóminus: et factus est mihi in salútem. Allelúja, allelúja. **V/. Ps. 59, 13** Da nobis, Dómine, auxiliúm de tribulatióne: quia vana salus hóminis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 117, 16-17 Déxtera Dómini fecit virtútem, déxtera Dómini exaltávit me, déxtera Dómini fecit virtútem. **V/.** Non móriar, sed vivam: et narrábo ópera Dómini. **V/. Ps. 59, 13** Da nobis, Dómine, auxiliúm de tribulatióne: quia vana salus hóminis.

Tempore autem Paschali omittitur Graduale, et ejus loco dicitur:

Allelúja, allelúja. **V/. Ps. 117, 14** Fortitúdo mea, et laus mea Dóminus: et factus est mihi in salútem. Allelúja. **V/. Ps. 59, 13** Da nobis, Dómine, auxiliúm de tribulatióne: quia vana salus hóminis. Allelúja.

+ Sequéntia sancti Evangéllii secúndum Joánnem.

Joann. 2, 1-11

IN illo témpore: Núptiae factae sunt in Cana Galilaéae: et erat mater Jesu ibi. Vocátus est autem et Jesus, et discípuli ejus ad núptias. Et deficiénte vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlier? nondum venit hora mea. Dicit mater ejus ministris: Quodcúmque díxerit vobis, fácite. Erant autem ibi lapídeae hýdriae sex pósitae secúndum purificatióem Judaeórum, capiéntes síngulae metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Jesus in Cana Galilaéae: et manifestávit glóriam suam, et credidérunt in eum discípuli ejus.

Credo.

Offertorium Jerem. 18, 20 Recordáre, Virgo Mater, dum stéteris in conspéctu Dei, ut loquáris pro nobis bona, et ut avértat indignatióem suam a nobis.

Secreta

HAEC oblátio, Dómine, per salutíferam beatíssimae unigéniti Fílii tui Genitrícis intercessiόem, nos in tua grátia confírmet, et a malis ómnibus reddat immúnes. Per eúmdem Dóminum.

Praefatio de beata Maria Virgine Et te in Festivátate.

Communio Isai. 46, 13 Dabo in Sion salútem, et in Israél glóriam meam.

Postcommunio

DIVÍNA libátio córporis et sánguinis tui, Dómine Jesu Christe, quam in honórem Genitrícis tuae devóte suscepimus, temporális vitae páriter et aetérnae múnera largiátur: Qui vivis.

MISSAE PRO ALIQUIBUS LOCIS

FESTA SEPTEMBRIS

Die 3 Septembris

B. MARIAE VIRGINIS

DIVINI PASTORIS MATRIS

Missa Salve, de Comuni Festorum beatae Mariae Virginis, praeter Orationem sequentem, et dicitur
Credo.

Oratio

P

DÓMINE Jesu Christe, pastor bone, qui pro óvibus tuis ánimam dedísti, nosque pópulum tuum et oves

páscauae tuae in cruce pendens Matri Vírgini commendásti: ipsa interveniénte concéde ; ut, te pastórem nostrum sequéntes in terris, ad páscoa aetérnae vitae perducámur in caelis: Qui vivis.

Secreta

C

TUA, Dómine, propitiatióne, et beátae Maríae semper Vírginis intercessióne, ad perpétuam atque praeséntem haec oblátio nobis proficiat prosperitátem et pacem. Per Dóminum.

Praefatio de beata Maria Virgine Et te in Festivitate.

Postcommunio

C

SUMPTIS, Dómine, salútis nostrae subsidiis: da, quaesumus, beátae Maríae semper Vírginis patrociniis nos ubique prótegi ; in cujus veneratióne haec tuae obtúlimus majestáti. Per Dóminum.

MISSAE PRO ALIQUIBUS LOCIS

Die 4 Septembris

S. ROSAE VITERBIENSIS

Virginis

Missa Dilexísti, **de Communi Virginum 3 loco, praeter Orationem sequentem.**

Oratio

P

DEUS, qui beátam Rosam sanctárum tuárum Vírginum collégio aggregáre dignátus es: tríbue nobis, quaesumus ; ut ejus précibus et méritis a culpis ómnibus expiémur, et tuae majestátis consórtio perfruámur aetérno. Per Dóminum.

Secreta

C

ACCÉPTA tibi sit, Dómine, sacrátae plebis oblátio pro tuórum honóre Sanctórum: quorum se méritis de tribulatióne percepisse cognóscit auxiliium. Per Dóminum.

Postcommunio

C

SATIÁSTI, Dómine, famíliam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dóminum.

MISSAE PRO ALIQUIBUS LOCIS

Die 9 Septembris

S. PETRI CLAVER

Confessoris

Introitus **Ps. 106, 9-10**

SATIÁVIT Dóminus ánimam inánem: sedéntes in ténebris et umbra mortis, vinctos in mendicitáte et ferro. **Ps. ibid., 8** Confiteántur Dómino misericórdiae ejus: et mirabília ejus fíliis hóminum. **V.** Glória Patri.

Oratio

DEUS, qui abréptos in servitútem Nigrítas ad agnitiónem tui nóminis vocáturus, beátum Petrum mira in eis juvándis caritáte et paciéntia roborásti: ejus nobis intercessióne concéde ; ut, quae Jesu Christi sunt quaeréntes, próximos ópere et veritáte diligámus. Per eúmdem Dóminum.

Léctio Isaíae Prophétae.

Isai. 58, 6-9 et 10

HAEC dicit Dóminus: Dissólve colligatiónes impietátis, solve fascículos depriméntes: dimítte eos, qui confrácti sunt, líberos, et omne onus dirúmpe. Frange esuriénti panem tuum, et egénos, vagósque induc in domum tuam: cum víderis nudum, óperi eum, et carnem tuam ne despéxeris. Tunc erúmpet quasi mane lumen tuum, et sánitas tua citius oriétur, et anteíbit fáciem tuam justítia tua, et glória Dómini cólliget te. Tunc invocábis, et Dóminus exáudiet: clamábis, et dicet: Ecce adsum. Cum effúderis esuriénti ánimam tuam, et ánimam afflíctam repléveris, oriétur in ténebris lux tua, et ténebrae tuae erunt sicut merídes.

Graduale Ps. 71, 12-14 Liberábit páuperem a poténte, et páuperem cui non erat adjútor: parcet páuperi et ínopi, et ánimas páuperum salvas fáciat. *Vl.* Ex usúris et iniquitáte rédimet ánimas eórum: et honorábile nomen eórum coram illo.

Allelúja, allelúja. *Vl.* **Ps. 9, 33 et 35** Exsúrge, Dómine Deus, exaltétur manus tua: ne obliviscáris páuperum: tibi derelíctus est páuper: órphano tu eris adjútor. Allelúja.

Post Septuagesimam, omissis Allelúja et Versu sequenti, dicitur

Tractus Isai. 61, 1 Misit me Dóminus ut medérem contrítis corde, et praedicárem captívis indulgéntiam. *Vl.* **1 Cor. 9, 22** Factus sum infírmis infírmus, ut infírmos lucrifácerem. *Vl.* Omnibus ómnia factus sum, ut omnes fácerem salvos.

Tempore autem Paschali omittitur Graduale, et ejus loco dicitur:

Allelúja, allelúja. *Vl.* **Ps. 123, 7** Anima nostra, sicut passer, erépta est de láqueo venántium: láqueus contrítus est, et nos liberáti sumus. Allelúja. *Vl.* **Ps. 84, 10** Prope timéntes Dóminum Deum salutáre ipsíus: ut inhábitet glória in terra nostra. Allelúja.

+ Sequéntia sancti Evangélii secúndum Lucam.

Luc. 10, 29-37

IN illo témpore: Legisperítus quidam, volens justificáre seípsum, dixit ad Jesum: Et quis est meus próxímus ? Suscípíens autem Jesus, dixit: Homo quidam descendébat ab Jerúsalem in Jéricho, et incidit in latrónes, qui étiam despoliavérunt eum: et plagis impóstitis abiérunt, semivívo relícto. Accidit autem, ut sacérdos quidam descendéret eádem via: et viso illo praeterívit. Simíliter et levíta, cum esset secus locum, et vidéret eum, pertránsiit. Samarítanus autem quidam iter fáciens, venit secus eum: et videns eum, misericórdia motus est. Et ap própíans alligávit vúlnera ejus, infúndens óleum et vinum: et impónens illum in juméntum suum, duxit in stábulum, et curam ejus egit. Et áltera die prótulit duos denários, et dedit stabulário, et ait: Curam illíus habe: et quodcúmque supererogáveris, ego cum redíero, reddam tibi. Quis horum trium vidétur tibi próxímus fúisse illi, qui incidit in latrónes ? At ille dixit: Qui fecit misericórdiam in illum. Et ait illi Jesus: Vade, et tu fac simíliter.

Offertorium Job. 29, 12-13 et 15-16 Eo quod liberássem páuperem vociferántem, et pupíllum, cui non esset adjútor, benedíctio períturi super me veniébat, et cor víduae consolátus sum: oculus fui caeco, et pes claudó: pater eram páuperum.

Secreta

CARITÁTIS víctima, quam immolántes offérimus, sit nobis, Dómine, te miseránte, propitiábilis: et, beáti Petri précibus et méritis, ad obtinéndum paciéntiae et caritátis augméntum, éfficax et salutáris. Per eúmdem Dóminum.

Communio Ezech. 34, 15-16 Ego pascam oves meas: et ego eas accubáre fáciam, dicit Dóminus Deus. Quod perierat requíram, et quod abjéctum erat redúcam, et quod confráctum fúerat alligábo, et quod infírmum fúerat consolidábo.

Postcommunio

CRESCAT in nobis, Dómine, tuae pietátis efféctus salutáris: ut, caelésti pábulo nutríti, aetérnae vitae corónam, beáto Petro intercedénte, felíciter assequámur. Per Dóminum.

MISSAE PRO ALIQUIBUS LOCIS

FESTA OCTOBRIS

Die 1 Octobris

S. GREGORII

Episcopi majoris Armeniae et Martyris

Extra Tempus Paschale Missa Státuit, de Communi unius Martyris 1 loco, praeter Orationem sequentem. Tempore autem Paschali Missa Protexísti, de Communi Martyrum 1 loco, cum Orationibus ut infra.

Oratio

P

DEUS, qui per beátum Gregórium Pontíficem et Mátyrem tuum Arméniae gentis pópulum, regémque verae fidei lucem recíperere tribuísti: da Ecclésiae tuae de tantis gaudere triúmphis, et apud te méritis ejúsdem et précibus adjuvári. Per Dóminum.

Secreta

C

HÓSTIAS tibi, Dómine, beáti Gregórii Mátyris tui atque Pontíficis dicátas méritis, benígnus assúme: et ad perpétuum nobis tríbue proveníre subsídium. Per Dóminum.

Postcommunio

C

REFÉCTI participatióne múnaris sacri, quaesumus, Dómine Deus noster: ut, cujus exsequimur cultum, intercedente beáto Gregório Mátyre tuo atque Pontífice, sentiámus efféctum. Per Dóminum.

MISSAE PRO ALIQUIBUS LOCIS

Die 16 Octobris

PURITATIS B. MARIAE VIRGINIS

Introitus **Sedulus**

SALVE, sancta parens, eníxa puérpera Regem: qui caelum terrámque regit in saécula saeculórum. **Ps. 44, 2** Eructávit cor meum verbum bonum: dico ego ópera mea Regi. **Vl.** Glória Patri.

Oratio

DA, quaesumus, omnípotens aetérne Deus: ut puríssimae Vírginis Maríae integérrimam Virginitátem festíva celebritáte venerántes, ejus intercessióne, puritátem mentis et córporis consequámur. Per Dóminum.

Léctio libri Sapiéntiae.

Cant. 2, 10-14

EN diléctus meus lóquitur mihi: Surge, própera, amíca mea, colúmba mea, formósa mea, et veni. Jam enim hiems tránsiit, imber ábiit, et recéssit. Flores apparuérunt in terra nostra, tempus putatiónis advénit: vox túrturis audíta est in terra nostra: ficus prótulit grossos suos: víneae floréntes dedérunt odórem suum. Surge, amíca mea, speciósa mea, et veni: colúmba mea in foramínibus petrae, in caverna macériae, osténde mihi fáciem tuam, sonet vox tua in áuribus meis: vox enim tua dulcis, et fácies tua decóra.

Graduale Cant. 2, 2 et 16 Sicut lílium inter spinas, sic amíca mea inter fílias. **Vl.** Diléctus meus mihi, et ego illi, qui páscitur inter lília.

Allelúja, allelúja. **Vl. Cant. 6, 9** Quae est ista, quae progréditur quasi auróra consúrgens, pulchra ut luna, elécta ut sol, terríbilis ut castrórum ácies ordináta? Allelúja.

Post Septuagesimam, omissis Allelúja et Versu sequenti, dicitur

Tractus Judith 13, 23 Benedícta es tu, Virgo María, a Dómino Deo excélsio, prae ómnibus muliéribus super terram. **Vl. Ibid. 15, 10** Tu glória Jerúsalem, tu laetítia Israél, tu honorificéntia pópuli nostri. **Vl. Cant. 4, 7** Tota pulchra es, María: et mácula originális non est in te.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Judith 15, 10** Tu glória Jerúsalem, tu laetítia Israél, tu honorificéntia pópuli nostri. Allelúja. **Vl. Cant. 4, 7** Tota pulchra es, María: et mácula originális non est in te. Allelúja.

+ Sequéntia sancti Evangélii secúndum Lucam.

Luc. 1, 26-35

IN illo témpore: Missus est Angelus Gábriel a Deo in civitátem Galilaéae, cui nomen Názareth, ad Vírginem desponsátam viro, cui nomen erat Joseph, de domo David, et nomen Vírginis María. Et ingrédus Angelus ad eam, dixit: Ave, grátia plena: Dóminus tecum: benedícta tu in muliéribus. Quae cum audísset, turbáta est in sermóne ejus, et cogitábat qualis esset ista salutátio. Et ait Angelus ei: Ne tímeas, María, invenísti enim grátiam apud Deum: ecce concípies in útero, et páries filium, et vocábis nomen ejus Jesum. Hic erit

magnus, et Fílius Altíssimi vocábitur, et dabit illi Dóminus Deus sedem David patris ejus: et regnabit in domo Jacob in aetérnum, et regni ejus non erit finis. Dixit autem María ad Angelum: Quómodo fiet istud, quóniam virum non cognosco ? Et respóndens Angelus, dixit ei: Spíritus Sanctus supervéniet in te, et virtus Altíssimi obumbrábit tibi.

Credo.

Offertorium Post partum, Virgo, invioláta permansísti: Dei Génitrix, intercède pro nobis.

Secreta

UNIGÉNITI tui, Dómine, nobis succúrrat humanitas: ut, qui natus de Vírgine, matris integritátem non mínuit, sed sacrávit ; in Puritátis ejus solémniis, nostris nos piáculis éxuens, oblatiónem nostram tibi fáciat accéptam Jesus Christus Dóminus noster: Qui tecum vivit.

Praefatio de beata Maria Virgine Et te in Festivátate.

Communio Benedícta et venerábilis es, Virgo María, quae sine tactu pudóris invénta es mater Salvatóris.

Postcommunio

SUMPTIS, Dómine, salútis nostrae subsidiis: da, quaésumus, puríssimae Vírginis Maríaе patrocíniis nos ubíque prótegi ; in cuius veneratióne haec tuae obtúlimus majestáti. Per Dóminum.

MISSAE PRO ALIQUIBUS LOCIS

Die 23 Octobris

SANCTISSIMI REDEMPTORIS

Introitus **Isai. 61, 10**

GAUDENS gaudébo in Dómino, et exsultábit ánima mea in Deo meo: quia índuit me vestiméntis salútis: et induménto justítiae circúmdedit me. **Ps. 88, 2** Misericórdias Dómini in aetérnum cantábo: in generatióem et generatióem annuntiábo veritátem tuam in ore meo. **Vl.** Glória Patri.

Oratio

DEUS, qui Unigénitum tuum mundi Redemptórem constituísti, et per eum, devícta morte, nos misericórditer ad vitam reparásti: concéde ; ut, haec benefícia recoléntes, tibi perpétua caritáte adhaerére et ejúsdem redemptiόνis fructum percípere mereámur. Per eúmdem Dóminum nostrum.

Léctio Epístolae beáti Pauli Apóstoli ad Ephésios.

Ephes. 1, 3-9

BENEDÍCTUS Deus et Pater Dómini nostri Jesu Christi, qui benedíxit nos in omni benedictiόne spirituáli in caeléstibus in Christo, sicut elégit nos in ipso ante mundi constitutiόnem, ut essémus sancti et immaculáti in conspéctu ejus in caritáte. Qui praedestinávit nos in adoptiόnem filiόrum per Jesum Christum in ipsum: secúndum propósitum voluntátis suae, in laudem glóriae grátiae suae, in qua gratificávit nos in dilécto Filio suo. In quo habémus redemptiόnem per sánguinem ejus, remissiόnem peccatórum secúndum divítias grátiae ejus, quae superabundávit in nobis in omni sapiéntia, et prudéntia: ut notum fáceret nobis sacraméntum voluntátis suae, secúndum beneplácitum ejus, quod propósuit in eo.

Graduale Ps. 85, 9-10 Omnes gentes, quascúmque fecísti, vénient, et adorábunt coram te, Dómine: et glorificábunt nomen tuum. **Vl.** Quóniam magnus es tu, et fáciens mirabília: tu es Deus solus.

Allelúja , allelúja. **Vl. Ps. 73, 12** Deus autem Rex noster ante saécula: operátus est salútem in médio terrae. Allelúja.

Post Septuagesimam, omissis Allelúja et Versu sequenti, dicitur

Tractus Isai. 53, 4-5 Vere languóres nostros ipse tulit, et dolóres nostros ipse portávit. **Vl.** Et nos putávimus eum quasi leprósum, et percússum a Deo, et humiliátum. **Vl.** Ipse autem vulnerátus est propter iniquitátes nostras, attrítus est propter scélera nostra. **Vl.** Disciplína pacis nostrae super eum: et livóre ejus sanáti sumus.

Tempore autem Paschali omittitur Graduale, et ejus loco dicitur:

Allelúja, allelúja. *VI.* Ave, Rex noster: tu solus nostros es miserátus erróres: Patri obédiens, ductus es ad crucifigéndum, ut agnus mansuétus ad occisiónem. Allelúja. *VI.* Tibi glória, hosánna: tibi triúmphus et victória: tibi summae laudis et honóris coróna. Allelúja.

+ Sequéntia sancti Evangéllii secúndum Joánnem.

Joann. 3, 13-18

IN illo témpore: Dixit Jesus Nicodémo: Nemo ascéndit in caelum, nisi qui descéndit de caelo, Fílius hóminis, qui est in caelo. Et sicut Móyses exaltávit serpéntem in desérto ; ita exaltári opórtet Fílium hóminis: ut omnis, qui credit in ipsum, non péreat, sed hábeat vitam aetérnam. Sic enim Deus diléxit mundum, ut Fílium suum unigénitum daret: ut omnis, qui credit in eum, non péreat, sed hábeat vitam aetérnam. Non enim misit Deus Fílium suum in mundum, ut júdicet mundum, sed ut salvétur mundus per ipsum. Qui credit in eum, non judicátur ; qui autem non credit, jam judicátus est: quia non credit in nómine unigéniti Fílii Dei.

Credo.

Offertorium Salus pópuli ego sum, dicit Dóminus: de quacúmque tribulatióne clamáverint ad me, exáudiam eos: et ero illórum Deus in perpétuum, (allelúja).

Secreta

SÚSCIPe, quaésumus, Dómine, oblátum redemptiÓnis aetérnae mystérium: et praesta ; ut, unigéniti Fílii tui gloriÓsis méritis intercedéntibus, vivíficet nos semper, et múniat. Per eúmdem Dóminum.

Praefatio de Cruce.

Communio Ps. 106, 8 Confiteántur Dómino misericórdiae ejus, et mirabília ejus filiis hóminum, (allelúja).

Postcommunio

CÓRPORIS tui sacri, ac pretiÓsi ságuinis, quo redémpti sumus, Dómine Jesu Christe, partícipes effécti: quaésumus ; ut in nobis tua múnera tueáris, atque a praeséntis vitae malis eréptos, ad bona perdúcas sempitérna: Qui vivis.

MISSAE PRO ALIQUIBUS LOCIS

FESTA NOVEMBRIS

Die 5 Novembris

SACRARUM RELIQUIARUM

Introitus *Ps. 33, 20-21*

MULTAE tribulatiÓnes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. *Ps. ibid., 2* Benedícam Dóminum in omni témpore: semper laus ejus in ore meo. *VI.* Glória Patri.

Oratio

AUGE in nobis, Dómine, resurrectiÓnis fidem, qui in Sanctórum tuórum Relíquiis mirabília operáris: et fac nos immortalis glóriae partícipes ; cujus in eórum cinéribus pígnota venerámur. Per Dóminum.

Léctio libri Sapiéntiae.

Eccli. 44, 10-15

HI viri misericórdiae sunt, quorum pietátes non defuérunt: cum sémine eórum pérmanent bona, heréditas sancta nepótes eórum, et in testaméntis stetit semen eórum: et fílii eórum propter illos usque in aetérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatiÓnem et generatiÓnem. Sapiéntiam ipsórum narrent pópuli, et laudem eórum núntiet Ecclésia.

Graduale Ps. 149, 5 et 1 Exsultábunt sancti in glória: laetabúntur in cubílibus suis. *VI.* Cantáte Dómino cánticum novum: laus ejus in ecclésia sanctórum.

Allelúja, allelúja. *VI.* **Ps. 67, 4** Justí epuléntur, et exsúltent in conspéctu Dei: et delecténtur in laetitia.

Post Septuagesimam, omissis Allelúja et Versu sequenti, dicitur

Tractus Ps. 125, 5-6 Qui séminant in lácrimis, in gáudio metent. *V.* Eúntes ibant et flebant, mitténtes sémina sua. *V.* Veniéntes autem vénient cum exsultatióne, portántes manípulos suos.

Tempore autem Paschali omittitur Graduale, et ejus loco dicitur:

Allelúja, allelúja. *V.* Eccli. 39, 19 Sancti tui, Dómine, florébunt sicut lílium, et sicut odor bálsami erunt ante te. Allelúja. *V.* Ps. 115, 15 Pretiósá in conspéctu Dómini mors sanctórum ejus. Allelúja.

+ Sequéntia sancti Evangéllii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósá plebis ab omni Judaéa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tângere: quia virtus de illo exíbat, et sanábat omnes. Et ipse elevátis óculis in discípulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Fílium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 67, 36 Mirábilis Deus in sanctis suis: Deus Israèl, ipse dabit virtútem et fortitúdinem plebi suae: benedíctus Deus, allelúja.

Secreta

IMPLORÁMUS, Dómine, cleméntiam tuam: ut Sanctórum tuórum, quorum Relíquias venerámur, suffragántibus méritis, hóstia, quam offérimus, nostrórum sit expiátio delictórum. Per Dóminum.

Communio Ps. 32, 1 Gaudéte, justí, in Dómino: rectos decet collaudátio.

Postcommunio

MULTÍPLICA super nos, quaésumus, Dómine, per haec sancta, quae súmpsimus, misericórdiam tuam: ut, sicut in tuórum solemnitáte Sanctórum, quorum Relíquias cólimus, pia devotióne laetámur; ita eórum perpétua societáte, te largiénte, fruámur. Per Dóminum.

MISSAE PRO ALIQUIBUS LOCIS

Die 13 Novembris

S. STANISLAI KOSTKAE

Confessoris

Introitus Sap. 4, 13-14

CONSUMMÁTUS in brevi explévit témpora multa: plácita enim erat Deo ánima illíus: propter hoc properávit edúcere illum de médio iniquitátum. Ps. 112, 1 Laudáte, púeri, Dóminum: laudáte nomen Dómini. *V.* Glória Patri.

Oratio

DEUS, qui inter cétera sapiéntiae tuae mirácula, étiam in ténera aetáte matúra sanctitátis grátiam contulísti: da, quaésumus; ut, beáti Stanislái exémplo, tempus instánter operándo rediméntes, in aetérnam ingredi réquiem festinémus. Per Dóminum.

Léctio libri Sapiéntiae.

Sap. 4, 7-16

JUSTUS, si morte praeoccupátus fúerit, in refrigério erit. Senéctus enim venerábilis est non diutúrna, neque annórum número computáta: cani autem sunt sensus hóminis, et aetas senectútis vita immaculáta. Placens Deo factus est diléctus, et vivens inter peccatóres translátus est. Raptus est ne malítia mutáret intelléctum ejus, aut ne fíctio decíperet ániam illíus. Fascinátio enim nugacitátis obscurat bona, et

inconstántia concupiscéntiae transvértit sensum sine malítia. Consummátus in brevi explévit témpora multa: plácita enim erat Deo ánima illíus: propter hoc properávit edúcere illum de médio iniquitátum: pópuli autem vidéntes, et non intelligéntes, nec ponéntes in praecórdiis tália: quóniam grátia Dei, et misericórdia est in sa nctos ejus, et respéctus in eléctos illíus. Condémnat autem justus mórtuus vivos ímpios, et juvéntus celérius consummáta longam vitam injústi.

Graduale Ps. 20, 3-4 Desidérium cordis ejus tribuísti ei: et voluntáte labiórum ejus non fraudásti eum. **Vl.** Quóniam praevenísti eum in benedictiónibus dulcédinis. Allelúja , allelúja. **Vl. Ps. 118, 152** Inítio cognóvi de testimóniis tuis, quia in aetérnum fundásti ea. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Jac. 1, 12** Beátus vir, qui suffert tentatiónem: quóniam, cum probátus fúerit, accípiet corónam vitae. Allelúja. **Vl. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangélii secúndum Matthaéum.

Matth. 19, 13-21

IN illo témpore: Obláti sunt Jesu párvuli, ut manus eis impóneret, et oráret. Discípuli autem increpábant eos. Jesus vero ait eis: Sínite párvulos, et nolíte eos prohibére ad me veníre: tálium est enim regnum caelórum. Et cum imposuísset eis manus, ábiit inde. Et ecce unus accédens, ait illi: Magíster bone, quid boni fáciam ut hábeam vitam aetérnam ? Qui dixit ei: Quid me intérogas de bono ? Unus est bonus, Deus. Si autem vis ad vitam íngredi, serva mandáta. Dicit illi: Quae ? Jesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia haec custodívi a juventúte mea: quid adhuc mihi deest ? Ait illi Jesus: Si vis perféctus esse, vade, vende quae habes, et da paupéribus, et habébis thesáurum in caelo: et veni, séquere me.

Offertorium Ps. 42, 4 Introíbo ad altáre Dei: ad Deum, qui laetíficat juventútem meam.

Secreta

ANGELÓRUM pane, quaésumus, Dómine, beáti Stanislái nos intercéssio dignos efficiat, qui eo méruiť angélica manu recreári. Per Dóminum.

Communio Eccli. 15, 3 Cibávit illum Dóminus pane vitae et intelléctus, et aqua sapiéntiae salutáris potávit illum.

Postcommunio

UT nobis, Dómine, caeléstis, quem sumpsimus, panis sit vitae: beáto Stanisláo Confessóre tuo intercedénte, quaésumus ; ut panis sit intelléctus, et potus aqua sapiéntiae salutáris. Per Dóminum.

MISSAE PRO ALIQUIBUS LOCIS

Sabbato

ante Dominicam tertiam Novembris

B. MARIAE VIRGINIS DIVINAE PROVIDENTIAE MATRIS

Introitus **Joann. 19, 26-27**

MÚLIER, ecce filius tuus, dixit Jesus matri: deínde dixit discípulo quem diligébat: Ecce mater tua. **Ps. 105, 1** Confitémini Dómino, quóniam bonus: quóniam in saéculum misericórdia ejus. **Vl.** Glória Patri.

Oratio

DEUS, cujus providéntia in sui dispositiÓne non fállitur, te súplices exorámus: ut, intercedénte beáta

Vírgine ac Genitrice Filii tui María ; nóxia cuncta submóveas, et ómnia nobis profutúra concédas. Per eúmdem Dóminum.

Léctio libri Sapiéntiae.

Eccli. 24, 1 et 4-13

SAPIÉNTIA laudábit ánimam suam, et in Deo honorábitur, et in médio pópuli sui gloriábitur. Et in multítudine electórum habébit laudem et inter benedíctos benedicétur, dicens: Ego ex ore Altíssimi prodívi primogénita ante omnem creatúram: Ego feci in caelis ut orirétur lumen indeficiens, et sicut nébula texi omnem terram: Ego in altíssimis habitávi, et thronus meus in colúmna nubis. Gyrum caeli circuívi sola, et profúndum abyssi penetrávi, in flúctibus maris ambulávi, et in omni terra steti: et in omni pópulo, et in omni gente primátum hábui: et ómnium excellentium et humílium corda virtúte calcávi: et in his ómnibus réquiem quaesívi, et in hereditáte Dómini morábor. Tunc praecépít, et dixit mihi Creátor ómnium: et qui creávit me, requiévit in tabernáculo meo, et dixit mihi: In Jacob inhábita, et in Israél hereditáre, et in eléctis meis mitte radíces.

Graduale Isai. 49, 15 Numquid oblivísci potest múlier infántem suum, ut non misereátur filio úteri sui ? **VI.** Et si illa oblíta fúerit, ego tamen non oblivíscar tui.

Allelúja , allelúja. **VI. Tob. 13, 17** Tu autem laetáberis in filiis tuis, quóniam omnes benedicéntur, et congregabúntur ad Dóminum. Allelúja.

Post Septuagesimam, omissis Allelúja et Versu sequenti, dicitur

Tractus Prov. 8, 32-35 Nunc ergo, filii, audíte me: Beáti, qui custódiunt vias meas. **VI.** Audíte disciplínam, et estóte sapiéntes, et nolíte abjícere eam. **VI.** Beátus homo qui audit me, et qui vígilat ad fores meas quotidie, et obsérvat ad postes óstii mei. **VI.** Qui me invénerit, invéniet vitam, et háuriet salútem a Dómino.

Tempore autem Paschali omittitur Graduale, et ejus loco dicitur:

Allelúja, allelúja. **VI. Isai. 66, 10 et 13** Laetámini et exultáte, omnes qui dilígitis eam. Allelúja. **VI.** Quómodo si cui mater blandiátur, ita ego consolábor vos. Allelúja.

+ Sequéntia sancti Evangéllii secúndum Joánnem.

Joann. 2, 1-11

IN illo témpore: Núptiae factae sunt in Cana Galilaeae: et erat mater Jesu ibi. Vocátus est autem et Jesus, et discípuli ejus ad núptias. Et deficiénte vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlier ? nondum venit hora mea. Dicit mater ejus ministris: Quodcúmque dixerit vobis, fácite. Erant autem ibi lapídeae hýdriae sex pósitae secúndum purificatióem Judaeórum, capiéntes síngulae metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclino. Et tulérunt. Ut autem gustávit architriclinus aquam vinum factam, et non sciébat unde esset, ministri autem sciébant, qui háuserant aquam: vocat sponsum architriclinus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit initium signórum Jesus in Cana Galilaeae: et manifestávit glóriam suam, et credidérunt in eum discípuli ejus.

Credo.

Offertorium Sap. 14, 3 Tua autem, Pater, providéntia gubérnat: quóniam dedísti et in mari viam, et inter fluctus sémitam firmíssimam.

Secreta

ADEÚNTIBUS cum fidúcia ad thronum grátiae, propitiáre nobis, Dómine Deus: ut, benigníssima divinae providéntiae, Matre intercedénte, misericórdiam consequámur, et grátiam inveniámus in auxílio oportúno. Per Dóminum.

Praefatio de beata Maria Virgine Et te in Festivitate.

Communio Ps. 127, 3 Filii tui sicut novéllae olivárum in circúitu mensae tuae.

Postcommunio

CAELÉSTIS mensae virtus, miséricors Deus, in fámulis tuis júgiter persevéret: ut, divínae providéntiae Matris intercessióne, regnum et justítiam tuam ante ómnia quaeréntes, temporálibus non destituántur auxiliis. Per Dóminum.

MISSAE PRO ALIQUIBUS LOCIS

Die 26 Novembris

S. LEONARDI A PORTU MAURITIO

Confessoris

Introitus **Isai. 58, 11**

DÓMINUS implébit splendóribus ánimam tuam, et ossa tua liberábit, et eris quasi hortus irriguus, et sicut fons aquárum, cujus non deficient aquae. **Ps. 80, 2** Exsultáte Deo adjutóri nostro: jubiláte Deo Jacob. **Vl.** Glória Patri.

Oratio

DEUS, qui in obstinátis peccatórum córdibus ad paeniténtiam flecténdis beátum Leonárdum Confessórem tuum ópere ac sermóne poténtem effecísti: da, quaesumus ; ut per ejus preces et mérita e córdibus nostris contritiónis lácrimas elícere valeámus. Per Dóminum.

Léctio Epístolae beáti Pauli Apóstoli ad Ephésios.

Ephes. 1, 3-14

BENEDÍCTUS Deus et Pater Dómini nostri Jesu Christi, qui benedíxit nos in omni benedictióne spirituáli in caeléstibus in Christo, sicut elégit nos in ipso ante mundi constitutióne, ut essémus sancti et immaculáti in conspéctu ejus in caritáte. Qui praedestinávit nos in adoptióne filiórum per Jesum Christum in ipsum: secúndum propósitum voluntátis suae, in laudem glóriae grátiae suae, in qua gratificávit nos in dilécto Filio suo. In quo habémus redemptióne per sánguinem ejus, remissionem peccatórum secúndum divítias grátiae ejus, quae superabundávit in nobis in omni sapiéntia et prudéntia: ut notum fáceret nobis sacraméntum voluntátis suae, secúndum beneplácitum ejus, quod propósuit in eo, in dispensatióne plenitúdinis témporum, instauráre ómnia in Christo, quae in caelis, et quae in terra sunt, in ipso. In quo étiam et nos sorte vocáti sumus praedestináti secúndum propósitum ejus, qui operáitur ómnia secúndum consílium voluntátis suae: ut simus in laudem glóriae ejus nos, qui ante sperávimus in Christo. In quo et vos, cum audissétis verbum veritátis, (Evangélium salútis vestrae) in quo et credéntes signáti estis Spíritus promissionis Sancto, qui est pignus hereditátis nostrae, in redemptióne acquisitióne, in laudem glóriae ipsius.

Graduale Ps. 91, 13 et 14 Justus ut palma florébit: sicut cedrus Líbani multiplicábitur in domo Dómini. **Vl. Ibid., 3** Ad annuntiándum mane misericórdiam tuam, et veritátem tuam per noctem.

Allelúja, allelúja. **Vl. Isai. 52, 7** Quam pulchri super montes pedes annuntiántis et praedicántis pacem: annuntiántis bonum, praedicántis salútem. Allelúja.

Post Septuagesimam, omissis Allelúja et Versu sequenti, dicitur

Tractus Ps. 111, 1-3 Beátus vir, qui timet Dóminum: in mandátis ejus cupit nimis. **Vl.** Potens in terra erit semen ejus: generátio rectórum benedicétur. **Vl.** Glória et divítiae in domo ejus: et justítia ejus manet in saéculum saéculi.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Ps. 111, 1** Beátus vir, qui timet Dóminum: in mandátis ejus cupit nimis. Allelúja. **Vl. Osee 14, 6** Justus germinábit sicut lílium: et florébit in aetérnum ante Dóminum. Allelúja.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit filius pacis, requiescet super illum pax vestra: sin autem, ad vos revertétur. In eádem autem domo manéte, edéntes et

bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscéperint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Offertorium 2 Cor. 3, 5-6 Non sumus sufficiéntes cogitáre áliquid a nobis, quasi ex nobis: sed sufficiéntia nostra ex Deo est, qui et idóneos nos fecit minístros novi testaménti.

Secreta

IMMACULÁTAM hóstiam tibi, Dómine, offérimus deprecánte: ut, sancti Leonárdi Confessóris interveniénte suffrágio, semper in nobis dilécti Fílii tui passiónis memória perseveret et fructus. Per eúndem Dóminum.

Communio 2 Cor. 5, 20 Pro Christo legatióne fúngimur, tamquam Deo exhortánte per nos: obsecrámus pro Christo, reconciliámini Deo.

Postcommunio

CITO anticipent nos miséricórdiae tuae, quaesumus, Dómine, intercedénte sancto Confessóre tuo Leonárdo: ut, a culpis expiáti, in electórum número esse mereámur. Per Dóminum.

MISSAE PRO ALIQUIBUS LOCIS

Eadem die 26 Novembris

S. JOANNIS BERCHMANS

Confessoris

Missa Custodívit, **ut supra, die 13 Augusti.**

MISSAE PRO ALIQUIBUS LOCIS

Die 27 Novembris

**B. MARIAE VIRGINIS IMMACULATAE
A SACRO NUMISMATE**

Introitus **Exodi 13, 9**

ERIT quasi signum in manu tua, et quasi monuméntum ante óculos tuos, et ut lex Dómini semper sit in ore tuo. **Ps. 104, 1** Confitémini Dómino, et invocáte nomen ejus: annuntiáte inter gentes ópera ejus. **Vl.** Glória Patri.

Oratio

DÓMINE Jesu Christe, qui beatíssimam Vírginem Mariám Matrem tuam ab origine immaculátam innúmeris miraculis claréscere voluísti: concéde ; ut, ejúsdem patrocínium semper imploránte, gáudia consequámur aetérna: Qui vivis.

Léctio libri Apocalýpsis beáti Joánnis Apóstoli.

Apoc. 12, 1, 5, 14 et 15-16

SIGNUM magnum appáruit in caelo: Múlier amícta sole, et luna sub pédibus ejus, et in cápíte ejus coróna stellárum duódecim. Et péperit fílium másculum, qui rectúrus erat omnes gentes in virga férrea: et raptus est fílius ejus ad Deum, et ad thronum eius. Et datae sunt mulíeri alae duae áquilae magnae ut voláret in desértum in locum suum. Et misit serpens ex ore suo post mulíerem, aquam tamquam flumen, ut eam fáceret trahi a flúmine. Et adjúvit terra mulíerem, et apéruit terra os suum, et absórbuit flumen, quod misit draco de ore suo.

Graduale Ps. 104, 5 et 27 Mementóte mirabílium ejus, quae fecit: prodígia ejus, et judícia oris ejus. **Vl.** Pósuit in ea verba signórum suórum, et prodigiórum suórum in terra. Allelúja, allelúja. **Vl. Ps. 18, 7** A summo caelo egréssio ejus, nec est qui se abscondat a calóre ejus. Allelúja.

Post Septuagesimam, omissis Allelúja et Versu sequenti, dicitur

Tractus Ps. 86, 1-2 Fundaménta ejus in móntibus sanctis: díligit Dóminus portas Sion super ómnia tabernácula Jacob. **Vl. Ibid., 3** Gloriósa dicta sunt de te, civitas Dei. **Vl. Ibid., 5** Homo natus est in ea, et ipse

Tempore autem Paschali omittitur Graduale, et ejus loco dicitur:

Allelúja, allelúja. *Vl. Judith 15, 10* Tu glória Jerúsalem, tu laetítia Israël, tu honorificéntia pópuli nostri.
Allelúja. *Vl. Cant. 4, 7* Tota pulchra es, María: et mácula originális non est in te. Allelúja.

+ Sequéntia sancti Evangélíi secúndum Joánnem.

Joann. 2, 1-11

IN illo témpore: Núptiae factae sunt in Cana Galilaéae: et erat mater Jesu ibi. Vocátus est autem et Jesus, et discípuli ejus ad núptias. Et deficiénte vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlier ? nondum venit hora mea. Dicit mater ejus minístris: Quodcúmque díxerit vobis, fácite. Erant autem ibi lapídeae hýdriae sex pósitoae secúndum purificatióem Judaeórum, capiéntes síngulae metrétas binas vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam: vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit inítium signórum Jesus in Cana Galilaéae: et manifestávit glóriam suam, et credidérunt in eum discípuli ejus.

Credo.

Offertorium Joann. 19, 27 Dixit Jesus discípulo: Ecce mater tua. Et ex illa hora accépit eam discipulus in sua.

Secreta

BEÁTA Vírgine María intercedénte, cujus précibus exorátus Jesus Christus Fílius tuus fecit inítium signórum: da nobis, Dómine Deus, sacraméntum córporis et sánguinis ejúsdem Fílii tui pura mente conficere ; ut aetérni convívii mereámur esse partícipes. Per eúmdem Dóminum.

Praefatio de beata Maria Virgine Et te in Conceptione immaculata.

Communio Eccli. 36, 6-7 et 10 Innova signa, et immúta mirabília. Glorífica manum tuam, et bráchium dexterum. Festína tempus, et meménto finis, ut enárrent mirabília tua.

Postcommunio

DÓMINE Deus omnípotens, qui per immaculátam Genitricem Fílii tui ómnia nos habére voluísti: da nobis tantae Matris auxílio, praeséntis témporis perícula devitáre ; ut vitam consequámur aetérnam. Per eúmdem Dóminum.

II
COMMUNE SANCTORUM
PRO ALIQUIBUS LOCIS

JUXTA DECRETUM S. R. C. DIEI 22 MAJI 1914

MISSAE PRO ALIQUIBUS LOCIS

COMMUNE PLURIUM
CONFESSORUM PONTIFICUM

Introitus *Ps. 131, 16-17*

SACERDÓTES Sion índuam salutári, et sancti ejus exsultatióne exsultábunt, dicit Dóminus: illuc producám cornu David, parávi lucérnam Christo meo. (T. P. Allelúja, allelúja.) *Ps. ibid., 1* Meménto, Dómine, David: et omnis mansuetúdinis ejus. *Vl. Glória Patri.*

Oratio

DEUS, qui nos beatórum **N.** et **N.** Confessórum tuórum atque Pontíficum confessiónibus gloriósis circúmdas et prótegis: da nobis, et eórum imitatióne profícere, et intercessióne gaudére. Per Dóminum.

Alia Oratio

ECCLÉSIAM tuam, Dómine, beatórum **N.** et **N.** Confessórum tuórum atque Pontíficum contínuá protectióne custódi: ut, sicut illos pastorális sollicitúdo gloriósos réddidit ; ita nos eórum intercésio in tuo semper fáciat amóre fervéntes. Per Dóminum.

Léctio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praepositórum vestrórum, qui vobis locúti sunt verbum Dei: quorum intuéntes éxítum conversatiónis, imitámini fidem. Jesus Christus heri, et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilíre cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo desérvíunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem, et communiónis nolíte oblivísci: tálibus enim hóstiis promerétur Deus. Obedíte praepósitis vestris, et subjacéte eis. Ipsi enim pervígílant, quasi ratióne pro animábus vestris redditúri.

Graduale Ps. 106, 22 et 32 Sacríficent Dómino sacrificium laudis: et annúntient ópera ejus in exsultatióne. **Vl.** Et exáltent eum in ecclésia plebis: et in cáthedra seniórum laudent eum.

Allelúja , allelúja. **Vl. 2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 131, 8-10 Surge, Dómine, in réquiem tuam: tu et arca sanctificatiónis tuae. **Vl.** Sacerdótes tui induántur justítiam, et sancti tui exsúltent. **Vl.** Propter David servum tuum, non avértas fáciem Christi tui.

Tempore autem Paschali omittitur Graduale, et ejus loco dicitur:

Allelúja , allelúja. **Vl. 2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja. **Vl. Jerem. 31, 14** Ego Dóminus inebriábo ánimam sacerdotum pinguedine: et pópulus meus bonis meis adimplébitur. Allelúja.

+ Sequéntia sancti Evangélii secúndum Marcum.

Marc. 13, 33-37

IN illo témpore: Dixit Jesus discípulis suis: Vidéte, vigiláte, et oráte: nescítis enim quando tempus sit. Sicut homo, qui pégre proféctus relíquit domum suam, et dedit servis suis potestátem cujúsque óperis, et janitóri praecépit ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repénte, invéníat vos dormiéntes. Quod autem vobis dico, ómnibus dico: Vigiláte.

Offertorium Ps. 105, 3 Beáti, qui custódiunt judícium, et fáciunt justítiam in omni témpore. **(T. P. Allelúja.)**

Secreta

MÚNERA nostra, Dómine, sacris altáribus offeréntes, quaésumus cleméntiam tuam: ut éadem, suffragántibus beatórum **N.** et **N.** Pontíficum méritis, et suprémam tibi glóriam operéntur, et ubérrimam nobis grátiam assequántur. Per Dóminum.

Alia Secreta

HANC nostrae oblatiÓnis hóstiam, Deus, gratam óculis tuae majestátis effíciant beatórum **N.** et **N.** Pontíficum expetíta suffrágia: qui digne in hoc saéculo sacrificia tibi, ac preces in salútem pópuli obtulérunt. Per Dóminum.

Communio Marc. 13, 34 Homo pégre proféctus relíquit domum suam, et dedit servis suis potestátem cujúsque óperis, et janitóri praecépit ut vígilet. **(T. P. Allelúja.)**

Postcommunio

REFECTIÓNE sacra enutrítos, fac nos, omnípotens Deus, vestígiis beatórum **N.** et **N.** Pontíficum semper insistere: qui studuérunt pérfeti devotióne te cólere, et indefessa ómnibus caritáte proficere. Per Dóminum.

Alia Postcommunio

MENSA caeléstis, omnípotens Deus, intercedéntibus beatórum **N.** et **N.** Pontíficum méritis, supérnas in ómnibus vires firmet et áugeat: ut et fidei donum íntegrum custodiámus, et per osténsus salutis trámitem ambulémus. Per Dóminum.

MISSAE PRO ALIQUIBUS LOCIS**COMMUNE PLURIUM****CONFESSORUM NON PONTIFICUM**

Introitus **Ps. 144, 10-11**

CONFITEÁNTUR tibi, Dómine, ómnia ópera tua, et sancti tui benedícant tibi: glóriam regni tui dicent, et poténtiam tuam loquéntur. (**T. P.** Allelúja, allelúja.) **Ps. ibid., 1** Exaltábo te, Deus meus Rex: et benedícam nómini tuo in saéculum, et in saéculum saéculi. **V.** Glória Patri.

Oratio

CONCÉDE, quaesumus, omnípotens Deus: ut ad meliorem vitam beatórum **N.** et **N.** Confessorum tuórum exémpa nos próvocent ; quátenus, quorum memóriam ágimus, étiam actus imitémur. Per Dóminum.

Alia Oratio

DEUS, qui nos beatórum **N.** et **N.** Confessorum tuórum méritis et intercésióne laetíficas: concéde propítius ; ut, qui tua per eos benefícia póscimus, dono tuae grátiae consequámur. Per Dóminum.

Léctio libri Sapiéntiae.

Eccli. 2, 7-13

METUÉNTES Dóminum, sustinéte misericórdiam ejus: et non deflectátis ab illo ne cadátis. Qui timétis Dóminum, crédite illi: et non evacuábitur merces vestra. Qui timétis Dóminum, speráte in illum: et in oblectatióne véniet vobis misericórdia. Qui timétis Dóminum, dilígite illum: et illuminabúntur corda vestra. Respícite, filii, natiónes hóminum: et scitóte quia nullus sperávit in Dómino, et confúsus est. Quis enim permánsit in mandátis ejus, et derelíctus est ? aut quis invocávit eum, et despéxit illum ? Quóniam pius et miséricors est Deus, et remíttet in die tribulatiónis peccáta: et protéctor est ómnibus exquiréntibus se in veritáte.

Graduale Ps. 30, 24-25 Dilígite Dóminum, omnes sancti ejus, quóniam veritátem requíret Dóminus, et retríbuet abundánter faciéntibus supérbiam. **V.** Viríliter ágite, et confortétur cor vestrum, omnes qui sperátis in Dómino.

Allelúja , allelúja. **V.** **Ps. 9, 11** Sperent in te qui novérunt nomen tuum: quóniam non dereliquísti quaeréntes te, Dómine. Allelúja.

Post Septuagesimam, omissis Allelúja et Versu sequenti, dicitur

Tractus Ps. 33, 9-11 Gustáte, et vidéte, quóniam suávis est Dóminus: beátus vir, qui sperat in eo. **V.** Timéte Dóminum, omnes sancti ejus: quóniam non est inópia timéntibus eum. **V.** Dívites eguérunt et esuriérunt: inquiréntes autem Dóminum non minuéntur omni bono.

Tempore autem Paschali omittitur Graduale, et ejus loco dicitur:

Allelúja , allelúja. **V.** **Ps. 9, 11** Sperent in te qui novérunt nomen tuum: quóniam non dereliquísti quaeréntes te, Dómine. Allelúja. **Ps. 139, 14** Justi confitebúntur nómini tuo, Dómine: et habitábunt recti cum vultu tuo. Allelúja.

+ Sequéntia sancti Evangéllii secúndum Lucam.

Luc. 12, 35-40

IN illo témpore: Dixit Jesus discípulis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a nuptiis: ut, cum

venerit, et pulsaverit, confestim aperiant ei. Beati servi illi, quos, cum venerit dominus, invenerit vigilantes: amen dico vobis, quod praecinget se, et faciet illos discumbere, et transiens ministrabit illis. Et si venerit in secunda vigilia, et si in tertia vigilia venerit, et ita invenerit, beati sunt servi illi. Hoc autem scitote, quoniam si sci ret paterfamilias, qua hora fur veniret, vigilaret utique, et non sineret perfodi domum suam. Et vos estote parati: quia qua hora non putatis, Filius hominis veniet.

Offertorium Ps. 67, 4 Justi epulentur, et exultent in conspectu Dei, et delectentur in laetitia. (T. P. Allelúja.)

Secreta

HÓSTIAS ad altare tuum offerentibus, Domine, da nobis illum pietatis affectum, quem beatis N. et N. Confessoribus tuis infudisti: ut pura mente ac fervido corde rei sacrae attendamus, et sacrificium tibi placitum nobisque proficuum immolemus. Per Dominum.

Alia Secreta

MÚNERA, Domine, oblata sanctifica: et intercedentibus beatis N. et N. Confessoribus tuis, nos per haec a peccatorum nostrorum maculis emunda. Per Dominum.

Communio Luc. 12, 37 Beati servi illi, quos, cum venerit Dominus, invenerit vigilantes: amen dico vobis, quod praecinget se, et faciet illos discumbere, et transiens ministrabit illis. (T. P. Allelúja.)

Postcommunio

TRÍBUAT nobis, omnipotens Deus, suffragantibus beatorum N. et N. Confessorum tuorum precibus, refectio sacra subsidium: ut et castitatis munditiam observemus in corpore, et lumen veritatis exhibeamus in opere. Per Dominum.

Alia Postcommunio

SÚPPLICES te rogamus, omnipotens Deus: ut, quos tuis refficis sacramentis, intercedentibus beatis N. et N. Confessoribus tuis, tibi etiam placitis moribus dignanter tribuas deservire. Per Dominum.

MISSAE PRO ALIQUIBUS LOCIS

COMMUNE PLURIUM VIRGINUM

I

Pro Virginibus et Martyribus

Introitus **Ps. 17, 31**

DEUS meus, impolluta via ejus: eloquia Domini igne examinata: protector est omnium sperantium in se. (T. P. Allelúja, allelúja.) **Ps. ibid., 2-3** Diligam te, Domine, fortitudo mea: Dominus firmamentum meum, et refugium meum, et liberator meus. **V.** Glória Patri.

Oratio

DA nobis, quaesumus, Domine Deus noster, beatarum N. et N. Virginum et Martyrum tuarum palmas incessabili devotione venerari: ut, quas digna mente celebrare non possumus, humilibus saltem frequentemus obsequiis. Per Dominum.

Alia Oratio

OMNÍPOTENS sempiterno Deus, qui beatas N. et N. virginitatis et martyrii gloria decorasti: da nobis earum precibus ita corporis et mentis severe puritatem; ut nec blanditiis carnis, nec malorum acerbitate vincamur. Per Dominum.

Lectio Epistolae beati Pauli Apostoli ad Corinthios.

2 Cor. 4, 6-11 et 16-17

FRATRES: Deus illuxit in cordibus nostris ad illuminationem scientiae claritatis Dei, in facie Christi Jesu. Habemus autem thesaurum istum in vasis fictilibus: ut sublimitas sit virtutis Dei, et non ex nobis. In omnibus tribulationem patimur, sed non angustiámur: aporiámur, sed non destituimur: persecutióem patimur, sed non derelinquimur: dejícimur, sed non perímur: semper mortificatióem Jesu in corpore nostro circumferentes, ut et vita Jesu manifestetur in corporibus nostris. Semper enim nos, qui vivimus, in mortem tradimur propter Jesum: ut et vita Jesu manifestetur in carne nostra mortali. Propter quod non defcimus: sed licet is, qui foris est, noster homo corrumpatur: tamen is, qui intus est, renovatur de die in diem. Id enim,

quod in praesenti est momentáneum et leve tribulatiónis nostrae, supra modum in sublimitate aetérnum glóriæ pondus operátur in nobis.

Graduale Ps. 43, 8-9 Salvásti enim nos, Deus, de affligéntibus nos: et odiéntes nos confudísti. **Vl.** In Deo laudábimur tota die: et in nómine tuo confitébimur in saéculum.

Allelúja, allelúja. **Vl. Apoc. 12, 11** Vicérunt dracónem propter sánguinem Agni, et propter verbum testimónii sui. Allelúja.

Post Septuagesimam, omissis Allelúja et Versu sequenti, dicitur

Tractus Ps. 144, 5-7 Magnificéntiam glóriæ sanctitátis tuæ, Dómine, loquéntur: et mirabilia tua narrábunt. **Vl.** Et virtútem terribílium tuórum dicent: et magnitúdinem tuam narrábunt. **Vl.** Memóriam abundántiæ suavitátis tuæ eructábunt: et justítia tua exsultábunt.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Apoc. 12, 11** Vicérunt dracónem propter sánguinem Agni, et propter verbum testimónii sui. Allelúja. **Vl. Sap. 4, 1 et 2** Casta generátio in perpétuum coronáta triúmphant, incoinquinatórum certáminum præmíum vincens. Allelúja.

+ Sequéntia sancti Evangélii secúndum Matthaéum.

Matth. 25, 1-13

IN illo témpore: Dixit Jesus discíplis suis parábolam hanc: Símile erit regnum caelórum decem virgínibus: quæ accipiéntes lámpadas suas, exiérunt óbviæ sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviæ ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuæ. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescítis diem, neque horam.

Offertorium Ps. 88, 16-17 Dómine, in lúmine vultus tui ambulábunt, et in nómine tuo exsultábunt tota die: et in justítia tua exaltábuntur. (T. P. Allelúja.)

Secreta

INTÉNDE, quaésumus, Dómine, múnera altáribus tuis pro beatárum Vírginum et Mártýrum tuárum **N.** et **N.** honóre própósita: ut, sicut per hæc sacra mystéria illis glóriam contulísti, ita nobis indulgéntiam largiáris. Per Dóminum.

Alia Secreta

HÓSTIA nómini tuo, Dómine, reverénter exhibita, glorióso beatárum Vírginum et Mártýrum tuárum **N.** et **N.** suffrágio commendétur: quæ se tibi gratas pudóris et fidei víctimas immolárunt. Per Dóminum.

Communio Matth. 25, 4 et 6 Prudéntes vírgines accepérunt óleum in vasis suis cum lampádibus: média autem nocte clamor factus est: Ecce sponsus venit, exíte óbviæ ei. (T. P. Allelúja.)

Postcommunio

PRAESTA nobis, quaésumus, Dómine: intercedéntibus beátis Virgínibus et Martýribus tuis **N.** et **N.**; ut, quod ore contingimus, pura mente capiámus. Per Dóminum.

Alia Postcommunio

CAELÉSTIA sacraménta, quaésumus, Dómine, suffragántibus beátis Virgínibus et Martýribus tuis **N.** et **N.**, sua nos virtúte commúniant: ut, quarum pie venerámur in fidei confessióne victóriam, imitémur in morum puritáte constántiam. Per Dóminum.

MISSAE PRO ALIQUIBUS LOCIS

MISSAE PRO ALIQUIBUS LOCIS**COMMUNE PLURIUM VIRGINUM****II****Pro Virginibus tantum**Introitus **Ps. 148, 12-14**

VÍRGINES laudent nomen Dómini, quia exaltátum est nomen ejus solius: conféssio ejus super caelum et terram. (T. P. Allelúja, allelúja.) **Ps. ibid., 1** Laudáte Dóminum de caelis: laudáte eum in excélsis. **Vl.** Glória Patri.

Oratio

CONCÉDE, quaesumus, omnipotens Deus: ut qui beatárum Virgínium **N.** et **N.** puritátem húmili venerámur obséquio ; étiam piae conversatiónis imitémur exéplum. Per Dóminum.

Alia Oratio

FIDÉLES tuos, quaesumus, Dómine, intercedéntibus beátis Virgínibus **N.** et **N.**, ita córpore et mente purífica: ut a nóxiis delectatióibus elongéntur, ac tua júgiter suavité pascántur. Per Dóminum.

Lectio Epístolae beáti Pauli Apóstoli ad Corínthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existímo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quaerere solutiónem. Solútus es ab uxóre ? noli quaerere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes, et qui utúntur hoc mundo, tamquam non utántur: praeterit enim figúra hujus mundi. Volo autem vos sine sollicitú-dine esse. Qui sine uxóre est, sollicitus est, quae Dómini sunt, quómodo pláceat Deo. Qui autem cum uxóre est, sollicitus est, quae sunt mundi, quómodo pláceat uxóri, et divisus est. Et múlter innúpta, et virgo cógitat quae Dómini sunt, ut sit sancta córpore, et spírítu: in Christo Jesu Dómino nostro.

Graduale Ps. 44, 3 et 10 Speciósus forma prae fíliis hóminum: diffúsa est grátia in lábiis tuis. **Vl.** Fíliae regum in honóre tuo: ástitit regína a dextris tuis in vestítu deauráto, circúmdata varietáte.

Allelúja, allelúja. **Vl. Sap. 4, 1** O quam pulchra est casta generátio cum claritáte: immortalis est enim memória illíus. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 14-16 Omnis glória ejus fíliae Regis ab intus, in fímbris áureis, circumamícta varietátibus. **Vl.** Adducéntur Regi vírgines post eam, próximae ejus afferéntur tibi. **Vl.** Afferéntur in laetítia et exsultatióne, adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Sap. 4, 1** O quam pulchra est casta generátio cum claritáte: immortalis est enim memória illíus. Allelúja. **Vl. Isai. 56, 5** Ego Dóminus dabo eis nomen mélius a fíliis et filiábús: nomen sempitérnum dabo eis, quod non períbit. Allelúja.

+ Sequéntia sancti Evangélii secúndum Matthaéum.

Matth. 25, 1-13

IN illo témpore: Dixit Jesus discíplis suis parábolam hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lámpádibus, non sumpsérunt óleum secum: prudéntes vero accepérunt óleum in vasis suis cum lámpádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non suffíciat nobis, et vobis, ite pótius ad vendéntes, et émite vobis. Dum autem irent émere, venit sponsus: et quae

paratae erant, intraverunt cum eo ad nuptias, et clausa est janua. Novissime vero veniunt et reliquae virgines, dicentes: Domine, Domine, aperi nobis. At ille respondens, ait: Amen dico vobis, nescio vos. Vigilate itaque, quia nescitis diem, neque horam.

Offertorium Ps. 33, 6 Accedite ad Dominum, et illuminamini: et facies vestrae non confundentur. (T. P. Allelúja.)

Secreta

MUNERIBUS tibi, Domine, pro beatarum Virginum **N.** et **N.** honore dicatis, benedictionem tuam propitius effunde: ut per eadem, et a vitis omnibus emundemur, et caelestibus deliciis impleamur. Per Dominum.

Alia Secreta

OFFERENTES tibi hostiam laudis, misericors Deus, apud majestatem tuam beatarum Virginum **N.** et **N.** suffragio commendemur: quae consonis operibus in sua virginitate jucundum tibi habitaculum praepararunt. Per Dominum.

Communio Matth. 25, 10 Venit sponsus: et virgines, quae paratae erant, intraverunt cum eo ad nuptias, et clausa est janua. (T. P. Allelúja.)

Postcommunio

SUMPTA mysteria, quaesumus, Domine, suffragantibus beatarum Virginum **N.** et **N.** meritis, incitent nos iugiter et illustrent: ut digne adventum Filii tui praestolemur, et ad supernas ejus nuptias admittamur. Per eundem Dominum.

Alia Postcommunio

CORPORIS et sanguinis tui sacra libatio, Domine, intercedentibus beatis Virginibus **N.** et **N.**, ab omnibus nos caducis rebus avertat: ut valeamus tui et sincera in terris caritate proficere, et perpetua in caelis visione gaudere: Qui vivis.

MISSAE PRO ALIQUIBUS LOCIS

COMMUNE PLURIUM NON VIRGINUM

I Pro Martyribus

Introitus **Ps. 107, 13-14**

DA nobis, Deus, auxilium de tribulatione, quia vana salus hominis: in Deo faciemus virtutem: et ipse ad nihilum deducet inimicos nostros. (T. P. Allelúja, allelúja.) **Ps. ibid., 2** Paratum cor meum, Deus, paratum cor meum: cantabo, et psallam in gloria mea. **V.** Gloria Patri.

Oratio

DEUS, cujus munere virtus in infirmitate perficitur: da omnibus, beatarum **N.** et **N.** Martyrum tuarum gloriam recolentibus; ut quae abs te sumpsérunt robur ut vincerent, abs te quoque nobis vincendi gratiam semper obtineant. Per Dominum.

Alia Oratio

DA nobis, quaesumus, Domine Deus noster, beatarum **N.** et **N.** Martyrum tuarum palmas incessabili devotione venerari: ut, quas digna mente celebrare non possumus, humilibus saltem frequentemus obsequiis. Per Dominum.

Lectio Epistolae beati Pauli Apostoli ad Corinthios.

2 Cor. 4, 6-11 et 16-17

FRATRES: Deus illuxit in cordibus nostris ad illuminationem scientiae claritatis Dei, in facie Christi Jesu. Habemus autem thesaurum istum in vasis fictilibus: ut sublimitas sit virtutis Dei, et non ex nobis. In omnibus tribulationem patimur, sed non angustiámur: aporiámur, sed non destituimur: persecutionem patimur, sed non derelinquimur: dejicimur, sed non perimur: semper mortificationem Jesu in corpore nostro circumferentes, ut et vita Jesu manifestetur in corporibus nostris. Semper enim nos, qui vivimus, in mortem tradimur propter Jesum: ut et vita Jesu manifestetur in carne nostra mortali. Propter quod non deficimus: sed licet is, qui foris est, noster homo corrumpatur: tamen is, qui intus est, renovatur de die in diem. Id enim,

quod in praesenti est momentáneum et leve tribulatiónis nostrae, supra modum in sublimitáte aetérnum glóriæ pondus operátur in nobis.

Graduale Ps. 59, 13-14 Da nobis, Deus, auxiliúm de tribulatióne, quia vana salus hóminis. **V/.** In Deo faciémus virtútem: et ipse ad níhilum dedúcet tribulátes nos.

Allelúja, allelúja. **V/.** **Apoc. 7, 14** Venérunt de tribulatióne magna, et lavérunt stolas suas, et dealbavérunt eas in sángine Agni. Allelúja.

Post Septuagesimam, omissis Allelúja et Versu sequenti, dicitur

Tractus Ps. 65, 10-12 Probásti nos, Deus: igne nos examinásti sicut examinátur argéntum. **V/.** Induxísti nos in láqueum, posuísti tribulatiónes in dorso nostro: imposuísti hómines super cápita nostra. **V/.** Transívimus per ignem et aquam: et eduxísti nos in refrigeríum.

Tempore autem Paschali omittitur Graduale, et ejus loco dicitur:

Allelúja, allelúja. **V/.** **Apoc. 7, 14** Venérunt de tribulatióne magna, et lavérunt stolas suas, et dealbavérunt eas in sángine Agni. Allelúja. **V/.** **Apoc. 12, 11-12** Non dilexérunt ánimas suas usque ad mortem: propterea laetámuni, caeli, et qui habitátis in eis. Allelúja.

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discíplis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósá margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatióne saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 104, 4 Quaérite Dóminum, et confirmámuni: quaérite fáciem ejus semper. **(T. P. Allelúja.)**

Secreta

OBLÁTA tibi, Dómine Deus, in honórem beatárum **N.** et **N.** Mátyrum tuárum dona intuére propítius: ut accéptum nostrae tibi fáciant servitútis obséquium, et oportúnum nobis tríbuant tuae protectiúnis auxiliúm. Per Dóminum.

Alia Secreta

INTÉNDE, quaésumus, Dómine, múnera altáribus tuis pro beatárum Mátyrum tuárum **N.** et **N.** honóre propósita: ut, sicut per haec sacra mystéria illis glóriam contulísti; ita nobis indulgéntiam largiáris. Per Dóminum.

Communio Matth. 13, 44 Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. **(T. P. Allelúja.)**

Postcommunio

SANCTÍFICET et róoret nos, quaésumus, Dómine, supernórum múnerum fructuósa recéptio: ut, suffragántibus beátis Martýribus tuis **N.** et **N.**, et vitiórum aéstibus obsistámus, et contra ómnium ímpetus hóstium repugnémus. Per Dóminum.

Alia Postcommunio

PRAESTA nobis, quaésumus, Dómine: intercedéntibus beátis Martýribus tuis **N.** et **N.:** ut, quod ore contíngimus, pura mente capiámus. Per Dóminum.

MISSAE PRO ALIQUIBUS LOCIS

COMMUNE PLURIUM NON VIRGINUM

COMMUNE PLURIUM NON VIRGINUM**II****Pro non Martyribus**Introitus **Ps. 79, 19**

DÓMINE Deus virtútum, non discédimus a te: vivificábis nos, et nomen tuum invocábimus. (T. P. Allelúja, allelúja.) **Ps. ibid., 2** Qui regis Israël, inténde: qui dedúcis velut ovem Joseph. **V.** Glória Patri.

Oratio

CONCÉDE, quaésumus, omnipotens Deus: ut veneránda nobis beatárum **N.** et **N.** intercéssio tríbuat caeléste subsidium ; quarum vita mirábilis ómnibus salutáre praestat exéplum. Per Dóminum.

Alia Oratio

TUÓRUM corda fidélium, Deus miserátor, illústra: et, beatárum **N.** et **N.** précibus ac méritis gloriósis ; fac nos terréna cuncta despícere, et dona caeléstia possidére. Per Dóminum.

Léctio Epístolae beáti Pauli Apóstoli ad Timótheum.

1 Tim. 2, 9-15 ; 5, 3-6

CARÍSSIME: Volo mulieres oráre in hábitu ornáto, cum verecúndia, et sobrietáte ornántes se, et non in tortis crínibus, aut auro, aut margarítis, vel veste pretiósa: sed quod decet mulieres, promitténtes pietátem per ópera bona. Múlier in siléntio discat cum omni subjectione. Docére autem mulieri non permítto, neque dominári in virum: sed esse in siléntio. Adam enim primus formátus est: deínde Heva. Et Adam non est sedúctus: múlier autem sedúcta in praevaricatione fuit. Salvábitur autem per filiórum generatióem, si permánerit in fide, et dilectione, et sanctificatione cum sobrietáte. Víduas honóra, quae vere víduae sunt. Si qua autem vídua filios aut nepótes habet: discat primum domum suam régere, et mútuam vicem réddere paréntibus: hoc enim accéptum est coram Deo. Quae autem vere vídua est, et desoláta, speret in Deum, et instet obsecrationibus, et orationibus nocte ac die. Nam quae in delíciis est, vivens mórtua est. Et hoc praécipe ut irreprehensibiles sint: in Christo Jesu Dómino nostro.

Graduale Ps. 32, 20-21 Anima nostra sústinet Dóminum: quóniam adjútor et protéctor noster est. **V.** Quia in eo laetábitur cor nostrum: et in nómine sancto ejus sperávimus.

Allelúja, allelúja. **V.** **Eccli. 1, 16** Inítium sapiéntiae timor Dómini: cum eléctis féminis gráditur, et cum justis et fidélibus agnóscitur. Allelúja.

Post Septuagesimam, omissis Allelúja et Versu sequenti, dicitur

Tractus Ps. 47, 10-12 Suscépimus Deus, misericórdiam tuam in médio templi tui. **V.** Secúndum nomen tuum, Deus, sic et laus tua in fines terrae: justítia plena est dextera tua. **V.** Laetétur mons Sion, et exsúltent filiae Judae, propter judícia tua, Dómine.

Tempore autem Paschali omittitur Graduale, et ejus loco dicitur:

Allelúja , allelúja. **V.** **Eccli. 1, 16** Inítium sapiéntiae timor Dómini: cum eléctis féminis gráditur, et cum justis et fidélibus agnóscitur. Allelúja. **V.** **Ps. 23, 6** Haec est generatio quaeréntium Dóminum, quaeréntium faciém Dei Jacob. Allelúja

+ Sequéntia sancti Evangélii secúndum Matthaéum.

Matth. 13, 44-52

IN illo témpore: Dixit Jesus discipulis suis parábolam hanc: Símile est regnum caelórum thesáuro abscondito in agro: quem qui invénit homo, abscondit, et prae gáudio illíus vadit, et vendit univérsa, quae habet, et emit agrum illum. Iterum símile est regnum caelórum hómini negotiatóri, quaerénti bonas margarítas. Invénta autem una pretiósa margaríta, ábiit, et véndidit ómnia, quae hábuit, et emit eam. Iterum símile est regnum caelórum sagénae missae in mare, et ex omni génere píscium congregánti. Quam, cum impléta esset, educéntes, et secus littus sedéntes, elegérunt bonos in vasa, malos autem foras misérunt. Sic erit in consummatione saéculi: exíbunt Angeli, et separábunt malos de médio justórum, et mittent eos in camínium ignis: ibi erit fletus, et stridor déntium. Intellexístis haec ómnia ? Dicunt ei: Etiam. Ait illis: Ideo omnis scribe doctus in regno caelórum símilis est hómini patrifamílias, qui profert de thesáuro suo nova et vétera.

Offertorium Ps. 104, 3 Laudámini in nómine sancto ejus: laetétur cor quaeréntium Dóminum. (T. P. Allelúja.)

Secreta

OFFERÉNTES tibi, Dómine Deus, hóstiam pro beatárum **N.** et **N.** honóre propósitam, te súplices exorámus: ut spem nostram in te fírmiter collocémus, et pias petitiónes cordis nostri abs te júgiter habeámus. Per Dóminum.

Alia Secreta

SACRIFÍCIUM nostrum, Dómine, suffragántibus beatárum **N.** et **N.** précibus, tibi reddátur accéptum: ut nobis idem et culpárum véniam largiátur, et meritórum cópiam operétur. Per Dóminum.

Communio Matth. 13, 45-46 Símile est regnum caelórum hómini negotiatóri, quaerénti bonas margarítas: invénta autem una pretiósá margaríta, ábiit, et véndidit ómnia quae hábuit, et emit eam. (T. P. Allelúja.)

Postcommunio

DIVÍNI operátio sacraménti, omnípotens Deus, suffragántibus beatárum **N.** et **N.** méritis, illúminet nos páriter et inflámmet: ut et sanctis júgiter desidériis ferveámus, et bonis opéribus abundémus. Per Dóminum.

Alia Postcommunio

ACCEPTÓRUM múnerum virtus, Dómine Deus, intercedéntibus beátis **N.** et **N.**, suos in nobis efféctus ímpleat: ut simul et mortális vitae subsidium cónferat, et gáudium perpétuae felicitátis obtineat. Per Dóminum.

MISSAE PROPRIAE

SANCTORUM

ECCLESIAE CATHEDRALIS

ET

DIOECESIS

LEODIENSIS

(Concordat cum originali approbato. In fidem, etc.

Ex Secretaria S. R. C., die 27 Augusti 1930.

Nihil obstat. Leodii, die 1 Decembris 1958.

Imprimatur. Leodii, die 2 Decembris 1958.)

MISSAE PROPRIAE SANCTORUM ECCLESIAE CATHEDRALIS ET DIOECESIS LEODIENSIS

PRAEFATIONES PROPRIAE

I DE ADVENTU

VERE dignum et justum est, aequum et salutáre, nos tibi semper et ubíque grátias ágere: Dómine, sancte Pater, omnípotens aetérne Deus: per Christum Dóminum nostrum. Quem pérdito hóminum géneri Salvatórem miséricors et fidélis promisísti, cujus véritas instrúeret íncios, sánctitas justificáret ímpios, virtus adjuváret infírmos. Dum ergo prope est ut véniat quem missúrus es, et dies affúlget liberatiónis nostrae, in hac promissiónum tuárum fide piis gáudiis exsultámus. Et ídeo cum Angelis et Archángelis, cum Thronis et Dominatió nibus, cumque omni milítia caeléstis exércitus, hymnum glóriae tuae cánimus, sine fine dicéntes: Sanctus

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

PRAEFATIONES PROPRIAE

**II
DE SS. SACRAMENTO**

VERE dignum et justum est, aequum et salutáre, nos tibi semper et ubique grátias ágere: Dómine, sancte Pater, omnipotens aetérne Deus: pe r Christum Dóminum nostrum. Qui, remóti carnálium victimárum umbris, Corpus et Sánguinem suum nobis in sacrificium commendávit, ut in omni loco offerátur nómini tuo, quae tibi sola complácuít, oblátio munda. In hoc ígitur inscrutábilis sapiéntiae et imménsae caritátis mystério, idípsum quod semel in Cruce perfécit, ad sacrum invítat convívium, in quo ipse cibus noster súmitur, recólitur memória Passiónis ejus, mens implétur grátia, et futúrae glóriae nobis pignus datur. Et ídeo cum Angelis et Archángelis, cum Thronis et Dominatió nibus, cumque omni milítia caeléstis exércitus, hymnum glóriae tuae cánimus, sine fine dicétes: Sanctus

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA DECEMBRIS

Die 1 Decembris

SS. LANDOALDI ET SOCIORUM

Confessorum

Simplex

Introitus **Ps. 144, 10-11**

CONFITEÁNTUR tibi, Dómine, ómnia ópera tua, et sancti tui benedícant tibi: glóriam regni tui dicent, et poténtiam tuam loquéntur. **Ps. ibid., 1** Exaltábo te, Deus meus Rex: et benedícam nómini tuo in saéculum, et in saéculum saéculi. **Vl.** Glória Patri.

Oratio

ADÉSTO, Dómine, pópulo tuo cum Sanctórum tuórum Landoáldi et Sociórum patrocínio supplicánti: ut quod própria fidúcia non praesúmit, suffragántium méritis consequámur. Per Dóminum.

Et in Adventu fit Commemoratio Feriae.

Léctio libri Sapiéntiae.

Eccli. 2, 7-13

METUÉNTES Dóminum, sustinéte misericórdiam ejus: et non deflectátis ab illo ne cadátis. Qui timétis Dóminum, créдите illi: et non evacuábitur merces vestra. Qui timétis Dóminum, speráte in illum: et in oblectatió nem véniet vobis misericórdia. Qui timétis Dóminum, dilígite illum: et illuminabúntur corda vestra. Respícite, filii, natiónes hóminum: et scitóte quia nullus sperávit in Dómino, et confúsus est. Quis enim permánsit in mandátis ejus, et derelíctus est ? aut quis invocávit eum, et despéxit illum ? Quóniam pius et miséricors est Deus, et remíttet in die tribulatió nis peccáta: et protéctor est ómnibus exquiréntibus se in veritáte.

Graduale Ps. 30, 24-25 Dilígite Dóminum, omnes sancti ejus, quóniam veritátem requíret Dóminus, et retríbuet abundánter faciéntibus supérbiam. **Vl.** Viríliter ágite, et confortétur cor vestrum, omnes qui sperátis in Dómino.

Allelúja , allelúja. **Vl. Ps. 9, 11** Sperent in te qui novérunt nomen tuum: quóniam non dereliquísti quaerétes te, Dómine. Allelúja.

*** In Missis votivis post Septuagesimam, omissis Allelúja et Versu sequenti, dicitur**

Tractus Ps. 33, 9-11 Gustáte, et vidéte, quóniam suávis est Dóminus: beátus vir, qui sperat in eo. **Vl.** Timéte Dóminum, omnes sancti ejus: quóniam non est inópia timéntibus eum. **Vl.** Dívites eguérunt et

esuriérunt: inquiréntes autem Dóminum non minuéntur omni bono.

Tempore autem Paschali omittitur Graduale, et ejus loco dicitur:

Allelúja , allelúja. V/. Ps. 9, 11 Sperent in te qui novérunt nomen tuum: quóniam non dereliquísti quaeréntes te, Dómine. Allelúja. Ps. 139, 14 Justi confitebúntur nómini tuo, Dómine: et habitábunt recti cum vultu tuo. Allelúja.

+ Sequéntia sancti Evangéllii secúndum Lucam.
Luc. 12, 35-40

IN illo témpore: Dixit Jesus discíplis suis: Sint lumbi vestri praecíncti, et lucérnae ardéntes in mánibus vestris, et vos símiles homínibus exspectántibus dóminum suum, quando revertátur a núptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod praecínget se, et fáciet illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non síneret pérfodi domum suam. Et vos estóte paráti: quia qua hora non putátis, Fílius hóminis véniet.

Offertorium Ps. 67, 4 Justi epuléntur, et exsúltent in conspéctu Dei, et delecténtur in laetítia.

Secreta

C

HÓSTIAS ad altáre tuum offeréntibus, Dómine, da nobis illum pietátis afféctum, quem beátis Landoáldo et Sóciis Confessóribus tuis infudísti: ut pura mente ac férvido corde rei sacrae attendámus, et sacrificium tibi plácitum nobísque profícuum immolémus. Per Dóminum.

In Adventu, dicitur Praefatio de Adventu.

Communio Luc. 12, 37 Beáti servi illi, quos, cum vénerit Dóminus, invénerit vigilántes: amen dico vobis, quod praecínget se, et fáciet illos discúmbere, et tránsiens ministrábit illis.

Postcommunio

C

TRÍBUAT nobis, omnípotens Deus, suffragántibus beatórum Landoáldi et Sociórum Confessórum tuórum précibus, reféctio sacra subsídium: ut et castitátis mundítiam observémus in córpore, et lumen veritátis exhibeámus in ópere. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 4 Decembris
S. BARBARAE**

Virginis et Martyris

Duplex

Missa Loquébar, de Communi Virginum 1 loco, cum Oratione ut infra:

Oratio

C

DEUS, qui inter cétera poténtiae tuae mirácula étiam in sexu frágili victóriam martýrii contulísti: concéde propítius ; ut, qui beatae Bárbarae Vírginis et Mártiris tuae natalítia cólimus, per ejus ad te exéempla gradiámur. Per Dóminum.

Et fit Commemoratio Feriae.

Praefatio de Adventu.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA JANUARI

Die 10 Januarii

B. GREGORII X

Papae et Confessoris

Duplex

Missa Si diligis me, de Communi Summorum Pontificum, praeter Orationem sequentem:

Oratio

DEUS, qui Ecclesiam tuam beati Gregorii Confessoris atque Pontificis religionis zelo et apostolicis curis amplificasti: ejus méritis et intercessióne concéde, ut fidei et sanctitátis nova semper incrementa suscipiat. Per Dóminum.

Dicitur Praefatio de Epiphaniae.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 25 Januarii

CONVERSIO S. PAULI

Apostoli

Titularis Ecclesiae Cathedralis

Duplex I classis

Missa ut in Missali.

Et dicitur Credo ; item, juxta Rubricas, Commemoratio Octavae et S. Petri et Praefatio Apostolorum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 28 Januarii

S. POPPONIS

Abbatis

Duplex

Missa Os justi, de Communi Abbatum, cum Oratione ut infra:

Oratio

C

INTERCESSIO nos, quaesumus, Dómine, beati Poppónis Abbátis comméndet: ut, quod nostris méritis non valémus, ejus patrocinio assequámur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA FEBRUARI

Die 3 Februarii

S. HADELINI

Confessoris

Duplex

Missa Os justi, de Communi Confessoris non Pontificis 1 loco, praeter Orationem et Evangelium, ut infra:

Oratio

OMNÍPOTENS sempitérne Deus, tuórum remunerátor servórum, qui nobis beátum Hadelínium aetérnae salutis minístrum praestáre voluísti: concéde nobis fámulis tuis, ut ejus adjuvémur méritis ; cujus laetámur virtútibus et exémpis. Per Dóminum.

+ Sequéntia sancti Evangélii secúndum Matthaéum.

Matth. 19, 27-29

IN illo témpore: Dixit Petrus ad Jesum: Ecce nos relíquimus ómnia, et secúti sumus te: quid ergo erit nobis ? Jesus autem dixit illis: Amen dico vobis, quod vos, qui secúti estis me, in regeneratióne, cum séderit Fílius hóminis in sede majestátis suae, sedébitis et vos super sedes duódecim, judicántes duódecim tribus Israél. Et omnis, qui relíquerit domum, vel fratres, aut soróres, aut patrem, aut matrem, aut uxórem, aut filios, aut agros, propter nomen meum, céntuplum accípiet, et vitam aetérnam possidébit.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 6 Februarii
S. AMANDI

Episcopi et Confessoris

Duplex

Missa Státuit, de Communi Confessoris Pontificis 1 loco praeter Orationem sequentem:

Oratio

SANCTI Confessóris atque Pontíficis Amándi nos, quaésumus, Dómine, fóveat pretiósa conféssio, et pia júgiter intercéssio tueáatur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 8 Februarii

S. MENGOLDI

Commemoratio

Martyris

Missa In virtúte, de Communi unius Martyris 3 loco, cum Orationibus ut infra:

Oratio

CONCÉDE, quaésumus, omnípotens Deus, ut qui beáti Mengóldi Mártyris tui solémnia cólimus, ejus précibus et méritis mereámur vultus tui lúmine decorári. Per Dóminum.

Secreta

C

MUNÉRIBUS nostris, quaésumus, Dómine, precibusque suscéptis: et caeléstibus nos munda mystériis, et cleménter exáudi. Per Dóminum.

Postcommunio

C

DA, quaésumus, Dómine Deus noster: ut, sicut tuórum commemoratióne Sanctórum temporáli gratulámur officio ; ita perpétuo laetémur aspéctu. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 13 Februarii

SS. HARLINDIS et RELINDIS

Virginum

Duplex

Introitus Ps. 148, 12-14

VÍRGINES laudent nomen Dómini, quia exaltátum est nomen ejus solíus: conféssio ejus super caelum et terram. Ps. *ibid.*, 1 Laudáte Dóminum de caelis: laudáte eum in excélsis. *Vl.* Glória Patri.

Oratio

PROPITIÁRE, quaesumus, Dómine, nobis fámulis tuis, per sanctárum Vírginum tuárum Harlínidis atque Relíndis mérita gloriósa, ut eárum pia intercessióne ab ómnibus semper protegámur advérsis. Per Dóminum.

Et in Quadragesima fit Commemoratio Feriae.

Léctio Epístolae beáti Pauli Apóstoli ad Corinthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existimo ergo hoc bonum esse propter instántem necessitátem, quóniam bonum est hómíni sic esse. Alligátus es uxóri ? noli quaérere solutiónem. Solútus es ab uxóre ? noli quaérere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudentes: et qui emunt, tamquam non possidentes, et qui utúntur hoc mundo, tamquam non utántur: praeterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est, quae Dómini sunt, quómodo pláceat Deo. Qui autem cum uxóre est, sollicitus est, quae sunt mundi, quómodo pláceat uxóri, et divisus est. Et múlier innúpta, et virgo cógitat quae Dómini sunt, ut sit sancta córpore et spírítu: in Christo Jesu Dómino nostro.

Graduale Ps. 44, 3 et 10 Speciósus forma prae fíliis hómínum: diffúsa est grátia in lábiis tuis. *Vl.* Fíliae regum in honóre tuo: ástitit regína a dextris tuis in vestítu deauráto, circúmdata varietáte.

Allelúja, allelúja. *Vl. Sap. 4, 1* O quam pulchra est casta generátio cum claritáte: immortalis est enim memória illíus. Allelúja.

** In Missis votivis post Septuagesimam, omissis Allelúja et Versu sequenti, dicitur*

Tractus Ps. 44, 14-16 Omnis glória ejus fíliae Regis ab intus, in fímbris áureis, circumamícta varietátibus.

Vl. Adducéntur Regi vírgines post eam, próximae ejus afferéntur tibi. *Vl.* Afferéntur in laetítia et exsultatióne, adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Sap. 4, 1* O quam pulchra est casta generátio cum claritáte: immortalis est enim memória illíus. Allelúja. *Vl. Isai. 56, 5* Ego Dóminus dabo eis nomen mélius a fíliis et filiábús: nomen sempitérnum dabo eis, quod non períbit. Allelúja.

+ Sequéntia sancti Evangéllii secúndum Matthaéum.

Matth. 25, 1-13

IN illo témpore: Dixit Jesus discípulis suis parábolum hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciente sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixerunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, venit sponsus: et quae paratae erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescítis diem, neque horam.

Offertorium Ps. 33, 6 Accédite ad Dóminum, et illuminámini: et fácies vestrae non confundéntur.

Secreta

C

MUNÉRIBUS tibi, Dómine, pro beatárum Vírginum Harlíndis atque Relíndis honóre dicáti, benedictiónem tuam propitiátus effúnde: ut per éadem, et a vítiis ómnibus emundémur, et caeléstibus delíciis impleámur. Per Dóminum.

Communio Matth. 25, 10 Venit sponsus: et vírgines, quae parátæ erant, intravérunt cum eo ad núptias, et clausa est jánuæ.

Postcommunio

C

SUMPTA mystéria, quaésumus, Dómine, suffragántibus beatárum Vírginum Harlíndis atque Relíndis méritis, íncitent nos júgiter et illústrent: ut digne advéntum Filii tui praestolémur, et ad supérnas ejus núptias admittámur. Per eúmdem Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 20 Februarii
S. EUCHERII**

Episcopi et Confessoris

Duplex

Missa Státuit, de Communi Confessoris Pontificis 1 loco, cum Orationibus ut infra:

Oratio

C

DA, quaésumus, omnípotens Deus: ut beáti Euchérii Confessorís tui atque Pontíficis veneránda solémnitas, et devotióne nobis áugeat, et salútem. Per Dóminum.

Et in Quadragesima fit Commemoratio Ferie.

Secreta

C

SANCTI tui, quaésumus, Dómine, nos ubíque laetíficent: ut, dum eórum mérita recólimus, patrocínia sentiámus. Per Dóminum.

Postcommunio

C

PRAESTA, quaésumus, omnípotens Deus: ut, de percéptis munéribus grátias exhibéntes, intercedénte beáto Euchério Confessóre tuo atque Pontífice, benefícia potióra sumámus. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA MARTII

Die 2 Martii

B. CAROLI BONI

Martyris

Duplex majus

Introitus **Eccli. 4, 33**

PRO justítia agonizáre pro ánima tua, et usque ad mortem certa pro justítia, et Deus expugnábit pro te inimícos tuos. **Ps. 40, 1** Beátus qui intélligit super egénum et páuperem: in die mala liberábit eum Dóminus. **V.** Glória Patri.

Oratio

OMNÍPOTENS et miséricors Deus, qui beátum Cárolum príncipem justítiae tuéndae zelo succénsum, glorióso martýrio illustráre voluísti: da nobis ejus patrocínio et exémplo ; sic omnem implére justítiam, ut

vitam consequámur aetérnam. Per Dóminum.

Et in Quadragesima fit Commemoratio Feriae.

Léctio Jeremíae Prophétae.

Jerem. 20, 9-13

FACTUS est in corde meo quasi ignis exaestuans, claususque in óssibus meis: et deféci, ferre non sústinens. Audivi enim contumélias multórum et terrórem in circúitu: Persequímini, et persequámur eum: ab ómnibus viris, qui erant pacífici mei, et custodiéntes latus meum: si quómodo decipiátur, et praevaléamus advérsus eum, et consequámur ultiónem ex eo. Dóminus autem mecum est quasi bellátor fortis: idcirco qui persequúntur me, cadent et infírmi erunt: confundéntur veheménter, quia non intellexérunt oppróbrium sempitérnum, quod nunquam delébitur. Et tu Dómine exercítuum, probátor justí, qui vides renes et cor ; vídeam, quaeso, ultiónem tuam ex eis: tibi enim revelávi causam meam. Cantáte Dómino, laudáte Dóminum: quia liberávit ánimam páuperis de manu malórum.

Graduale Exodi 15, 2 Fortitúdo mea, et laus mea Dóminus, et factus est mihi in salútem: iste Deus meus, et glori ficábó eum: Deus pátris mei, et exaltábó eum. **Vl. Ps. 17, 4** Láudans invocábó Dóminum: et ab inimícis meis salvus ero.

Tractus Isai. 58, 10 Cum effúderis esuriénti ánimam tuam, et ánimam afflíctam repléveris, oriétur in ténebris lux tua. **Vl.** Et réquiem tibi dabit Dóminus semper, et implébit splendóribus ánimam tuam. **Vl.** Et ossa tua liberábit, et eris quasi hortus irríguus, et sicut fons aquárum, cujus non deficient aquae.

+ Sequéntia sancti Evangélii secúndum Matthaéum.

Matth. 5, 1-12

IN illo témpore: Videns Jesus turbas, ascendit in montem, et cum sedísset, accessérunt ad eum discípuli ejus, et apériens os suum, docébat eos, dicens: Beáti páuperes spírítu: quóniam ipsórum est regnum caelórum. Beáti mites: quóniam ipsi possidébunt terram. Beáti qui lugent: quóniam ipsi consolabúntur. Beáti qui esúriunt et sítiunt justítiam: quóniam ipsi saturabúntur. Beáti misericórdes: quóniam ipsi misericórdiam consequéntur. Beáti mundo corde: quóniam ipsi Deum vidébunt. Beáti pacífici: quóniam filii Dei vocabúntur. Beáti qui persecutiónem patiúntur propter justítiam: quóniam ipsórum est regnum caelórum. Beáti estis cum maledíxerint vobis, et persecúti vos fúerint, et díxerint omne malum advérsus vos, mentiéntes, propter me: gaudéte et exultáte, quóniam merces vestra copiósa est in caelis.

Offertorium Ps. 49, 14 Immola Deo sacrificium laudis et redde Altíssimo vota tua.

Secreta

DEUS, invisíbilis fortitúdo certántium, adésto, quaésumus, munéribus nostris: ut qui beáti Mártiris tui Cároli passiónem recensémus, assídus ejus précibus contra spirituália nequítiae muniámur. Per Dóminum nostrum.

Communio Matth. 5, 7 et 10 Beáti misericórdes: quóniam ipsi misericórdiam consequéntur. Beáti qui persecutiónem patiúntur propter justítiam: quóniam ipsórum est regnum caelórum.

Postcommunio

CONCÉDE nobis, Dómine, per haec Sacraménta caeléstia grátiam in beáti Cároli Mártiris tui celebritáte múltiplicem ; ut de tanti agóne certáminis discámus et firma solidári patiéntia, et pia exultáte victória. Per Dóminum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 6 Martii
S. CHRODEGANI**

Episcopi et Confessoris

Duplex

Missa Sacerdótes, de Communi Conf. Pont. 2 loco, praeter Orationem sequentem:

Oratio

TIMÉNTIUM te, Dómine, salvátor et custos, avérte, quaésumus, ab Ecclésia tua, intercedénte beáto Chrodegángo Confessóre tuo atque Pontífice, mundánae sapiéntiae delectaménta fallácia: ne vánitas mendaciórum decípiat, quos ipsa Véritas illúminat et érudit, Jesus Christus Fílius tuus: Qui tecum vivit.

Et fit Commemoratio Feriae.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 14 Martii
B. HEVAE**

Virginis

Duplex

Missa Dilexísti, ut in Communi Virginum 3 loco, praeter Orationem sequentem:

Oratio

DEUS, qui beátae Hevae, Vírgini, ad augéndum in Ecclésia tua sanctíssimae Eucharístiae cultum incúmbere tribuísti: praesta, quaésumus ; ut qua ipsa in hoc divínium mystérium caritáte flagravit, eádem et corda nostra accénderé mereántur. Per Dóminum.

Et fit Commemoratio Feriae.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 17 Martii
S. GERTRUDIS**

Virginis

Duplex

Missa Dilexísti, ut in Communi Virginum 3 loco, praeter Orationem sequentem:

Oratio

INDULGÉNTIAM nobis, quaésumus, Dómine, beáta Gertrúdis Virgo implóret, quae tibi grata éxstitit et mérito castitátis, et tuae professióne virtútis. Per Dóminum.

Et fit Commemoratio Feriae.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA APRILIS

S. JULIANAE CORNELIONENSIS

Die 5 Aprilis

Virginis

Duplex majus

Missa Dilexísti, ut in Communi Virginum 3 loco, praeter Orationes sequentes:

Oratio

DEUS, humílium celsitúdo, qui beátam Vírginem Juliánam ad promovéndum sanctíssimi Sacraménti cultum mirabíliter inflammásti: tríbue, quaésumus ; ita nos humilitátis ejus vestígia sectári in terris, ut cum ipsa sublimári mereámur in caelis. Per Dóminum.

Et fit Commemoratio Feriae in Quadragesima.

Secreta

DEUS, qui ad sacrum redemptionis nostrae pignus recolendum, in beata Virgine Juliána exemplum nobis et praesidium praestare voluisti: concede propitius ; ut ejus méritis et precibus, quem velatum in terris colimus, ipsum revelata fácie videre mereámur in caelis. Qui tecum vivit.

Postcommunio

ADJUVENT nos, quaesumus, Domine, haec mysteria sancta quae sumpsimus, et beatae Juliánae Virginis tuae intercessio veneranda. Per Dominum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 27 Aprilis
S. FLORIBERTI**

Episcopi et Confessoris

Duplex

Missa Stáruit, de Communi Confessoris Pontificis 1 loco, praeter Orationem sequentem:

Oratio

OMNÍPOTENS sempitérne Deus, exáudi propitius orationem nostram, et tríbue nobis, intercedente beato Floribérto, Confessóre tuo atque Pontífice, misericórdiam tuam ; ut quaecúmque praecipis, te adjuvante, implére possimus. Per Dominum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 28 Aprilis
IN TRANSLATIONE S. LAMBERTI**

Episcopi et Martyris

Duplex majus

Missa Protexísti, de Communi Martyrum Tempore Paschali, praeter Orationes sequentes:

Oratio

INTERCÉSSIO, quaesumus, Domine, beáti Lambérto Mártiris tui atque Pontíficis, cujus venerándam Translationem celebrámus, tuam nobis non désinat placáre justítiam, et nostrum tibi devótum effícere famulátum. Per Dominum.

Secreta

ADÉSTO, quaesumus , Domine, famulórum tuórum hóstiis, adésto munéribus, sancti Lambérto, Mártiris tui atque Pontíficis, precibus placátus ac méritis: et ejus gaudéntes solemnitate, ab hóstium infestationibus cleménter tuére. Per Dominum.

Postcommunio

BEÁTI Pontíficis Lambérto, Mártiris tui, Domine, mérita gloriósa recoléntibus, da nobis per haec sacraménta, quae sumpsimus, ut a culpís ómnibus expiáti vitam consequámur aetérnam. Per Dominum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA MAJI

Die 1 Maji
Commemoratio

S. EVERMARI

Martyris

Missa Protexisti, de Communi unius Martyris Tempore Paschali 1 loco, cum orationibus ut infra:

Oratio

PRAESTA, quaesumus, omnipotens Deus: ut, qui beati Evermari Martyris tui natalitia colimus, intercessione ejus, in tui nominis amore roboreremur. Per Dominum.

Secreta

MUNERIBUS nostris, quaesumus, Domine, precibusque susceptis: et caelestibus nos munda mysteriis, et clementer exaudi. Per Dominum.

Postcommunio

DA, quaesumus, Domine Deus noster: ut, sicut tuorum commemorazione Sanctorum temporali gratulamur officio; ita perpetuo laetemur aspectu. Per Dominum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 7 Maji

**DEDICATIO
ECCLESIAE CATHEDRALIS**

Duplex I classis

Missa Terribilis, de Communi Dedicacionis. Credo.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 12 Maji

S. DOMITIANI

Episcopi et Confessoris

Duplex

Missa Stáruit, de Communi Confessoris Pontificis 1 loco, praeter Orationes sequentes:

Oratio

MISERICORDIAE tuae nos, quaesumus, Domine, sancti Pontificis tui Domitiáni pia commendet oratio, cujus hodie celebratur in tuo conspectu pretiosa confessio. Per Dominum.

Secreta

OBLÁTUM tibi, Domine, sacrificium, intercedente beato Domitiáno, Confessore tuo atque Pontífice, munímen in nobis operetur perpetuum. Per Dominum.

Postcommunio

SUMPTIS, Domine, redemptionis nostrae muneribus: praesta, quaesumus; ut, interventu beati Domitiáni, Confessoris tui atque Pontificis, haec eadem nobis impendant salutem mentis et corporis. Per Dominum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

LEODIENSIS**Die 13 Maji**
S. SERVATII

Episcopi et Confessoris

Duplex

Introitus **Ps. 131, 9-10**

SACERDÓTES tui, Dómine, índuunt justítiam, et sancti tui exsúltent: propter David servum tuum, non avértas fáciem Christi tui, allelúja, allelúja. **Ps. ibid., 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui pópulo tuo sanctum dedísti Servátium praedicatórem: concéde ut tanti Pontíficis intercessióne, et tuae pietátis defensióne, ab ómnibus liberémur advérsis, et tranqúilla prosperitáte in tua laude laetémur. Per Dóminum.

Léctio Epístolae beáti Pauli Apóstoli ad Hebraeos.

Hebr. 5, 1-4

FRATRES: Omnis pónlífex ex homínibus assúptus, pro homínibus constitúitur in iis, quae sunt ad Deum, ut offerat dona et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Allelúja , allelúja. **Vl. Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja. **Vl. Eccli. 45, 9** Amávit eum Dóminus, et ornávit eum: stolam glóriæ índuit eum. Allelúja.

+ Sequéntia sancti Evangélíi secúndum Matthaéum.

Math. 24, 42-47

IN illo témpore: Dixit Jesus discípulis suis: Vigiláte, quia nescítis qua hora Dóminus vester ventúrus sit. Illud autem scitóte, quóniam si sciret paterfamílias, qua hora fur ventúrus esset, vigiláret útique, et non síneret pérfodi domum suam. Ideo et vos estóte paráti: quia qua nescítis hora, Fílius hóminis ventúrus est. Quis, putas, est fidélis servus et prudens, quem constitúit dóminus suus super famíliam suam, ut det illis cibum in témpore ? Beátus ille servus, quem, cum vénerit dóminus ejus, invénerit sic faciéntem. Amen dico vobis, quóniam super ómnia bona sua constitúet eum.

Offertorium Ps. 88, 25 Véritas mea, et misericórdia mea cum ipso: et in nómine meo exaltábitur cornu ejus, allelúja.

Secreta

HAEC oblátio, Dómine, quaésumus, interveniénte beáto Servátio, Confessóre tuo atque Pontífice, nos ab ómnibus emúndet offénsis, et tota virtúte tuis fáciat servíre mandátis. Per Dóminum nostrum.

Communio Matth. 24, 46-47 Beátus servus, quem, cum vénerit dóminus, invénerit vigilántem: amen dico vobis, super ómnia bona sua constitúet eum, allelúja.

Postcommunio

SALÚTIS nostrae libántes mystéria, praesta quaésumus, omnípotens Deus, ut beáti Servátii, Pontíficis tui, nos ádjuset orátio, et tua nos semper custódiat protéctio. Per Dóminum.

MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**FESTA JUNII**

Die 16 Junii

S. IULIANNI

S. LUTGARDIS

Virginis

Duplex

Missa Dilexisti, de Communi Virginum 3 loco, cum Oratione ut infra:

Oratio

EXÁUDI nos, Deus salutáris noster: ut, sicut de beátae Lutgárdis Vírginis tuae festivitáte gaudémus ; ita piaie devotiónis erudiámur afféctu. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 21 Junii
S. MARTINI

Episcopi et Confessoris

Duplex

Missa Státuit, de Communi Confessoris Pontificis 1 loco, praeter Orationem sequentem:

Oratio

OMNÍPOTENS sempitérne Deus, fidélium tuórum indefíciens conservátor, qui hunc diem gloriósi Confessorís tui atque Pontíficis Martíni glori ficáre dignátus es solemnitate: exáudi preces supplicántis Ecclésiae, et praesta ; ut quod devóte éxpetit, eo suffragánte cónsequi mereátur. Per Dóminum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 26 Junii

S. PAPOLENI

Commemoratio

Abbatis

Missa Os justi, de Communi Abbatum cum Oratione ut infra:

Oratio

C

INTERCÉSSIO nos, quaésumus, Dómine, beáti Papoléni Abbátis comméndet: ut, quod nostris méritis non valémus, ejus patrocínio assequámur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA JULII

Die 3 Julii

**IN COMMEMORATIONE
OMNIUM SS. EPISCOPORUM DIOECESIS**

Duplex majus

Introitus Ps. 131, 16-17

SACERDÓTES Sion índuam salutári, et sancti ejus exsultatióne exsultábunt, dicit Dóminus: illuc producám cornu David, parávi lucérnam Christo meo. Ps. *ibid.*, 1 Meménto, Dómine, David: et omnis mansuetúdinis ejus. *Vl.* Glória Patri.

Oratio

OMNÍPOTENS, sempitérne Deus, qui per evangélicos labóres, beátos Pontífices nostros, in fide nobis Patres, ad immortalém glóriam evexisti: da nobis dignam pro eórum solemnitate laetitiam ; ut quos pia devotióne proséquimur, eórum précibus adjuvémur. Per Dóminum.

Léctio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praepositorum vestrórum, qui vobis locúti sunt verbum Dei: quorum intuéntes éxítum conversatiónis, imitámini fidem. Jesus Christus heri, et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilire cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo deserviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem, et communiónis nolíte oblivísci: tálibus enim hóstiis promerétur Deus. Obedíte praepósitis vestris, et subjacéte eis. Ipsi enim pervígilant, quasi ratiónem pro animábus vestris redditúri.

Graduale Ps. 131, 16-17 Sacerdótes ejus índuam salutári: et sancti ejus exsultatióne exsultábunt. **Vl.** Illuc producam cornu David: parávi lucérnam Christo meo.

Allelúja , allelúja. **Vl. Ps. 109, 4** Jurávit Dóminus, et non paenitébit eum: Tu es sacérdos in aetérnum, secúndum órđinem Melchisedech. Allelúja.

+ Sequéntia sancti Evangélii secúndum Joánnem.

Joann. 10, 11-16

IN illo témpore: Dixit Jesus pharisaéis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognóscó meas, et cognóscunt me meae. Sicut novit me Pater, et ego agnóscó Patrem: et ánimam meam pono pro óvibus meis. Et álias oves hábeo, quae non sunt ex hoc ovíli: et illas opórtet me addúcere, et vocem meam áudient, et fiet unum ovíle, et unus pastor.

Offertorium Levit. 21, 6 Sacerdótes Dómini incénsus et panes offerunt Deo: et ídeo sancti erunt Deo suo, et non pólluent nomen ejus.

Secreta

PRECES, quas tibi, Dómine, offérimus, intercedéntibus beátis Pontíficibus nostris cleménter inténde: et propugnatóres fidei sub tua protectióne custódi. Per Dóminum.

Communio Num. 16, 47-48 Obtulit Aaron thymiáma: et stans inter mórtuos ac vivéntes, pro pópulo deprecátus est, et plaga cessávit.

Postcommunio

REPLÉTI, Dómine, benedictióne caelésti, súplices te rogámus ; ut beátos Pontífices nostros, quos in caelis gloriósos fecísti, Ecclesiáe tuae constítuas perpétuos defensóres. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 4 Julii
S. LIBERTI**

Martyris

Duplex

Missa In virtúte tua, **de Communi unius Martyris 3 loco praeter Orationem sequentem:**

ADÉSTO supplicatió nibus nostris, omnípotens Deus: ut qui beáti Libérti Mártyris tui memóriam cólimus,

ipsius imitatione prospera mundi despícere, et nulla ejus advérsa formidáre valeámus. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 8 Julii

SS. LANDRADAE ET AMELBERGAE

Virginum

Duplex

Introitus **Ps. 148, 12-14**

VÍRGINES laudent nomen Dómini, quia exaltátum est nomen ejus solíus: conféssio ejus super caelum et terram. **Ps. ibid., 1** Laudáte Dóminum de caelís: laudáte eum in excélsis. **Vl.** Glória Patri.

Oratio

C

CONCÉDE, quaesumus, omnípotens Deus: ut qui beatárum Vírginum Landrádae et Amelbérgae puritátem húmili venerámur obséquo ; etiám piae conversatiónis imitémur exémplum. Per Dóminum.

Lectio Epístolae beáti Pauli Apóstoli ad Corínthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existímo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quaérere solutiónem. Solútus es ab uxóre ? noli quaérere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes, et qui utúntur hoc mundo, tamquam non utántur: praeterit enim figúra hujus mundi. Volo autem vos sine sollicitúdine esse. Qui sine uxóre est, sollicitus est, quae Dómini sunt, quómodo pláceat Deo. Qui autem cum uxóre est, sollicitus est, quae sunt mundi, quómodo pláceat uxóri, et divísus est. Et múlter innúpta, et virgo cógitat quae Dómini sunt, ut sit sancta córpore, et spírítu: in Christo Jesu Dómino nostro.

Graduale Ps. 44, 3 et 10 Speciósus forma prae fíliis hóminum: diffúsa est grátia in lábiis tuis. **Vl.** Fíliae regum in honóre tuo: ástitit regína a dextris tuis in vestítu deauráto, circúmdata varietáte.

Allelúja, allelúja. **Vl. Sap. 4, 1** O quam pulchra est casta generátio cum claritáte: immortalís est enim memória illíus. Allelúja.

* **In Missis votivis post Septuagesimam, omissis Allelúja et Versu sequenti, dicitur**

Tractus Ps. 44, 14-16 Omnis glória ejus fíliae Regis ab intus, in fímbris áureis, circumamícta varietátibus.

Vl. Adducéntur Regi vírgines post eam, próximae ejus afferéntur tibi. **Vl.** Afferéntur in laetítia et exsultatióne, adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Sap. 4, 1** O quam pulchra est casta generátio cum claritáte: immortalís est enim memória illíus. Allelúja. **Vl. Isai. 56, 5** Ego Dóminus dabo eis nomen mélius a fíliis et filiábus: nomen sempitérnum dabo eis, quod non períbit. Allelúja.

+ Sequéntia sancti Evangélíi secúndum Matthaéum.

Matth. 25, 1-13

IN illo témpore: Dixit Jesus discípulis suis parábolam hanc: Símile erit regnum caelórum decem virgínibus: quae accipiéntes lámpadas suas, exiérunt óbviám sponso et sponsae. Quínque autem ex eis erant fátuae, et quínque prudéntes: sed quínque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornávérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non sufficiat

nobis, et vobis, ite pótius ad vendéntes, et émite vobis. Dum autem irent émere, venit sponsus: et quae parátae erant, intravérunt cum eo ad núptias, et clausa est jánu. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, néscio vos. Vigilate itaque, quia nescítis diem, neque horam.

Offertorium Ps. 33, 6 Accédite ad Dóminum, et illuminámini: et fácies vestrae non confundéntur.

Secreta

C

MUNÉRIBUS tibi, Dómine, pro beatárum Vírginum Landrádae et Amelbérgae honóre dicátis, benedictiónem tuam propitiátus effúnde: ut per éadem, et a vítiis ómnibus emundémur, et caeléstibus delíciis impleámur. Per Dóminum.

Communio Matth. 25, 10 Venit sponsus: et vírgines, quae parátae erant, intravérunt cum eo ad núptias, et clausa est jánu.

Postcommunio

C

SUMPTA mystéria, quaesumus, Dómine, suffragántibus beatárum Vírginum Landrádae et Amelbérgae méritis, incitent nos júgiter et illústrent: ut digne advéntum Fílii tui praestolémur, et ad supérnas ejus núptias admittámur. Per eúmdem Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 9 Julii

SS. MARTYRUM GORCOMIENSIIUM

Duplex

Missa Intret in conspéctu, **de Communi plurimorum Martyrum 1 loco, praeter Orationem sequentem:**

Oratio

DEUS, qui beatórum Mártyrum tuórum Nicolái et Sociórum ejus, gloriósum pro orthodóxa fide certámen aeternitátis láurea decorásti: concéde propítius; ut eórum méritis et imitatióne certántes in terris, cum ipsis coronári mereámur in caelis. Per Dóminum.

Secreta

C

ADÉSTO, Dómine, supplicatióibus nostris, quas in Sanctórum tuórum commemoratióne deférimus: ut, qui nostrae justítiae fidúciam non habémus, eórum qui tibi placuérunt, méritis adjuvémur. Per Dóminum.

Postcommunio

C

QUSUMUS, Dómine, salutáribus repléti mystériis: ut, quorum solémnia celebrámus, eórum oratióibus adjuvémur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 16 Julii

S. VALENTINI

Commemoratio

Episcopi et Martyris

Missa Státuit, **de Communi unius Mart. Pontificis 1 loco, cum Orationibus ut infra:**

Oratio

C

INFIRMITÁTEM nostram réspice, omnipotens Deus: et, quia pondus própriae actiúnis gravat, beáti Valentíni Mártyris tui atque Pontíficis intercésio gloriósa nos prótegat. Per Dóminum.

Secreta

C

HÓSTIAS tibi, Dómine, beáti Valentíni Mártyris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

Postcommunio

C

REFÉCTI participatióne múneris sacri, quaésumus, Dómine Deus noster: ut, cujus exséquimur cultum, intercedénte beáto Valentíno Mártyre tuo atque Pontífice, sentiámus efféctum. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 21 Julii

SS. MONULPHI ET GONDULPHI

Episcoporum et Confessorum

Duplex

Introitus **Ps. 131, 16-17**

SACERDÓTES Sion induam salutári, et sancti ejus exsultatióne exsultábunt, dicit Dóminus: illuc producám cornu David, parávi lucérnam Christo meo. **Ps. ibid., 1** Meménto, Dómine, David: et omnis mansuetúdinis ejus. **V.** Glória Patri.

Oratio

EXÁUDI, Dómine, pópulum tuum, et sanctorum Confessorum tuorum atque Pontíficum Monúlphi et Gondúlphi solémnia celebrántem, temporális vitae tríbue pace gaudére, et aetérnae reperíre subsidiúm. Per Dóminum.

Léctio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praepositorum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Jesus Christus heri, et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilíre cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portántes. Non enim habémus hic manéntem civitátem, sed futúram inquirimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem, et communiónis nolíte oblivísci: tálibus enim hóstiis promerétur Deus. Obedíte praepositis vestris, et subjacéte eis. Ipsi enim pervígilant, quasi ratióne pro animábus vestris redditúri.

Graduale Ps. 106, 22 et 32 Sacríficent Dómino sacrificiúm laudis: et annúntient ópera ejus in exsultatióne. **V.** Et exáltent eum in ecclésia plebis: et in cáthedra seniórum laudent eum.

Allelúja , allelúja. **V. 2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja.

* **In Missis votivis post Septuagesimam, omissis Allelúja et Versu sequenti, dicitur**

Tractus Ps. 131, 8-10 Surge, Dómine, in réquiem tuam: tu et arca sanctificatiónis tuae. **V.** Sacerdótes tui induántur justítiam, et sancti tui exsúltent. **V.** Propter David servum tuum, non avértas fáciem Christi tui.

Tempore autem Paschali omittitur Graduale, et ejus loco dicitur:

Allelúja , allelúja. **V. 2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja. **V. Jerem. 31, 14** Ego Dóminus inebriábo ánimam sacerdotum pinguédine: et pópulus meus bonis meis adimplébitur. Allelúja.

+ Sequéntia sancti Evangélii secúndum Marcum.

Marc. 13, 33-37

IN illo t mpore: Dixit Jesus disc pulis suis: Vid te, vigil te, et or te: nescitis enim quando tempus sit. Sicut homo, qui p gre profectus reliquit domum suam, et dedit servis suis potestatem cujusque  peris, et janitori praec pit ut vigilet. Vigil te ergo, (nescitis enim quando dominus domus veniat: sero, an m dia nocte, an galli cantu, an mane) ne cum venerit repente, inveniat vos dormientes. Quod autem vobis dico, omnibus dico: Vigil te.

Offertorium Ps. 105, 3 Be ti, qui custodiunt iudicium, et faciunt justitiam in omni t mpore.

Secreta

S SCIPE, D mine, preces nostras et m nera: quae ut tuo digna sint conspectu, sanctorum tuorum Mon lphi et Gond lphi precibus adjuvemur. Per D minum nostrum.

Communio Marc. 13, 34 Homo p gre profectus reliquit domum suam, et dedit servis suis potestatem cujusque  peris, et janitori praec pit ut vigilet.

Postcommunio

REPL TI, D mine Deus noster, mun ribus sacris: quaesumus ; ut intercedentibus sanctis Pontificibus tuis Mon lpho et Gond lpho, in gratiarum semper actione maneamus. Per D minum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 24 Julii

B. CHRISTINAE MIRABILIS

Virginis

Simplex

Missa Dilexisti, **ut in Communi Virginum 3 loco, praeter Orationem sequentem:**

Oratio

IN be ta V rgine Christ na te, D mine, mirabilem praedicantes, majestatem tuam suppliciter exoramus: ut sicut ejus tibi grata sunt m rita, sic nostrae servitutis accepta reddantur officia. Per D minum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA AUGUSTI

Die 18 Augusti

S. ROCHI

Confessoris

Duplex

Missa Justus ut palma, **de Communi Confessoris non Pontificis 2 loco, praeter Orationem sequentem:**

Oratio

P PULUM tuum, quaesumus, D mine, continua pietate custodi: et, be ti Rochi suffragantibus m ritis, ab omni fac animae et corp ris contagi ne securum. Per D minum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 31 Augusti

BEATAE MARIAE VIRGINIS

BEATAE MARIAE VIRGINIS
OMNIUM GRATIARUM MEDIATRICIS

Duplex II classis

Introitus **Hebr. 4, 16**

ADEÁMUS cum fidúcia ad thronum grátiae, ut misericórdiam consequámur, et grátiam inveniámus in auxílio opportúno. (T. P. Allelúja, allelúja.) **Ps. 120, 1** Levávi óculos meos in montes: unde véniet auxílium mihi. **Vl.** Glória Patri.

Oratio

DÓMINE Jesu Christe, noster apud Patrem mediátor, qui beatíssimam Vírginem matrem tuam, matrem quoque nostram et apud te mediátricem constituere dignátus es: concéde propítius; ut quisquis ad te beneficia petitúrus accésserit, cuncta se per eam impetrásse laetétur: Qui vivis et regnas cum eódem Deo Patre.

Léctio Isaíae Prophétae.

Isai. 55, 1-3 et 5

OMNES sitiéntes, veníte ad aquas: et qui non habétis argéntum, properáte, émite et comédite: veníte, émite absque argénto et absque ulla commutatóne vinum et lac. Quare appénditis argéntum non in pánibus, et labórem vestrum non in saturitáte? audíte, audiéntes me, et comédite bonum, et delectábitur in crassitúdine ánima vestra. Inclínáte aurem vestram, et veníte ad me: audíte, et vivet ánima vestra. Ecce gentem, quam nesciébas, vocábis: et gentes, quae te non cognovérunt, ad te current propter Dóminum Deum tuum, et Sanctum Israél, quia gloriificávit te.

Graduale Eccli. 24, 25-26 In me grátia omnis viae et veritátis, in me omnis spes vitae et virtútis. **Vl.** Transíte ad me, omnes qui concupiscitis me, et a generatióne meis implémini.

Allelúja, allelúja. **Vl.** Salve, Mater misericórdiae, Mater spei et grátiae, o María. Allelúja.

* In Missis votivis post Septuagesimam, omissis Allelúja et Versu sequenti, dicitur

Tractus Ap. 22, 16-17 Ego sum radix et genus David, stella pléndida et matutína. **Vl.** Et spíritus et sponsa dicunt: Veni. Et qui audit, dicat: Veni. **Vl.** Et qui sitit, véniat; et qui vult, accípiat aquam vitae gratis.

Tempore autem Paschali omittitur Graduale, et ejus loco dicitur:

Allelúja, allelúja. **Vl.** **Isai. 60, 4** Leva in circúitu óculos tuos, et vide: omnes isti congregáti sunt, venérunt tibi. Allelúja. **Vl.** Fílii tui de longe vénient, et fíliae tuae de látere surgent. Allelúja.

+ Sequéntia sancti Evangélii secúndum Joánnem.

Joann. 19, 25-27

IN illo témpore: Stabant juxta crucem Jesu mater ejus, et soror matris ejus María Cléophae, et María Magdaléne. Cum vidísset ergo Jesus matrem, et discipulum stantem, quem diligébat, dicit matri suae: Múlier, ecce fílius tuus. Deínde dicit discípulo: Ecce mater tua. Et ex illa hora accépit eam discípulus in sua.

Credo.

Offertorium Jerem. 18, 20 Recordáre, Virgo Mater, in conspéctu Dei, ut loquáris pro nobis bona, et ut avértat indignatióne suam a nobis. (T. P. Allelúja.)

Secreta

MATRIS tuae ac mediátricis nostrae précibus, Dómine, quaésumus: haec hostiárum oblátio nosmetípsos, tua grátia largiénte, tibi perficiat munus aetérnum: Qui vivis.

Praefatio de beata Maria Virgine Et te in Festivitate.

Communio Esther 15, 17 Valde mirábilis es, o María, et fácies tua plena est gratiárum. (T. P. Allelúja.)

Postcommunio

SUBVÉNIAT nobis, Dómine, beátae Maríae Matris tuae ac nostrae mediatrícis orátio: ut per haec sacrosáncta commércia, tua grátia largiénte, ad redemptiónis aetérnae proficiámus augméntum: Qui vivis.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA SEPTEMBRIS

Die 3 Septembris

S. REMACLI

Episcopi et Confessoris

Duplex

Missa Státuit, de Communi Confessoris Pontíficis 1 loco, praeter Orationes et Evangelium.

Oratio

DEUS, mundi auctor et creátor, qui hodiérnam festivitátem beáti Remácli Confessóris tui atque Pontíficis migratióne in caelum consecrásti: praesta, quaésumus ; ut cujus ánnua celebritáte devótis exsultámus obséquii, ejus suffrágiis tuae pietátis consequámur auxiliúm. Per Dóminum nostrum.

+ Sequéntia sancti Evangélii secúndum Lucam.

Luc. 10, 1-9

IN illo témpore: Designávit Dóminus et álios septuagínta duos et misit illos binos ante fáciem suam in omnem civitátem et locum, quo erat ipse ventúrus. Et dicébat illis: Messis quidem multa, operárii autem pauci. Rogáte ergo dóminum messis ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta, et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiescet super illum pax vestra: sin autem, ad vos revertétur. In eádem autem domo manéte edéntes et bibéntes quae apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quae apponúntur vobis: et curáte infirmos, qui in illa sunt, et dícite illis: Appropinquávit in vos regnum Dei.

Secreta

INTERVÉNTU precum beáti Remácli Confessóris tui atque Pontíficis, Dómine, quaésumus, his munéribus oblátis benedictiónem infúnde caeléstem: et praesta ; ut per haec ómnibus careámus culpis, et caeléstibus inserámur gáudiis. Per Dóminum.

Postcommunio

EXÍSTAT, quaésumus, Dómine, beátus Remáclus Conféssor tuus et Póntifex pro nobis perpétuus intercéssor: ut mystéria quae sumpsimus, non sint nobis reátus ad poenam, sed sint fortitúdo nostrae infirmitátis, et ad vitam capesséndam aetérnam praeparátio salutáris. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 7 Septembris
S. MADELBERTAE**

Virginis

Duplex

Missa Dilexísti, de Communi Virginum 3 loco, praeter Orationem sequentem:

Oratio

DEUS, innocéntiae auctor et amátor, qui beátam Madelbértam Vírginem tuam hodiérna die ad caelos transvexísti: concéde nobis fámulis tuis, ipsíus sacra solémnia celebrántibus, ejúsdem pia intercessióne

nostrorum véniam cónsequi peccatórum. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 10 Septembris
S. THEODARDI**

Episcopi et Martyris

Duplex

Missa Státuit, ut in Communi unius Martyris Pontificis , praeter Orationes sequentes:

Oratio

DEUS, qui nos beáti Theodárdi Mártyris tui atque Pontíficis gloriósa solemnitáte laetíficas: sólita pietátis tuae largitáte concéde benígnus ; ut cujus victóriae triúmphum pio amóre venerámur in terris, societátis ejus laetítiam adipísci, te largiénte, mereámur in caelis. Per Dóminum.

Secreta

HANC in conspéctu glóriae magnitúdinis tuae oblatiónis hóstiam, quaésumus, Deus Pater omnipotens, beáti Mártyris tui atque Pontíficis Theodárdi comméndet orátio, qui sanctae caritátis tuae devíctus amóre, própriam sui córporis hóstiam in odórem suavitátis tibi óbtulit vivam. Per Dóminum.

Postcommunio

SANCTA nos, quaésumus, Dómine, sacraménti caeléstis participátio et ab hóstium tueátur incúrsu, et sancto intercedénte Theodárdo Mártyre tuo atque Pontífice, animárum nobis remédia cónferat sempitérna. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 14 Septembris
S. MATERNI**

Episcopi et Confessoris

Duplex majus

Introitus **Eccli. 45, 30**

STÁTUIT ei Dóminus testaméntum pacis, et princípem fecit eum: ut sit illi sacerdotíi dígnitas in aetérnum. **Ps. 131, 1** Meménto, Dómine, David: et omnis mansuetúdinis ejus. **Vl.** Glória Patri.

Oratio

DEUS, qui pópulo tuo sanctum dedísti Matérnum praedicatórem: concéde ; ut tanti Pontíficis intercessióne et tuae pietátis defénsióne, ab ómnibus liberémur advérsis, et tranquílla prosperitáte in tua laude laetémur. Per Dóminum.

Léctio Epístolae beáti Pauli Apóstoli ad Romános.

Rom. 10, 10-18

FRATRES: Corde enim créditur ad justítiam: ore autem conféssio fit ad salútem. Dicit enim Scriptúra: Omnis, qui credit in illum, non confundétur. Non enim est distíctio Judaéi et Graeci: nam idem Dóminus ómnium, dives in omnes, qui ínvocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt ? Aut quómodo credent ei, quem non audiérunt ? Quómodo autem áudient sine praedicánte ? Quómodo vero praedicábunt, nisi mittántur ? Sicut scriptum est: Quam speciósi pedes evangelizántium pacem, evangelizántium bona ! Sed non omnes obédiunt Evangélio. Isaías enim dicit: Dómine, quis crédidit audítui nostro ? Ergo fides ex audítu, audítus autem per verbum Christi. Sed dico: Numquid non audiérunt ? Et quidem in omnem terram exívit sonus eórum, et in fines orbis terrae verba eórum.

Graduale Eccli. 44, 16 Ecce sacerdos magnus, qui in diebus suis placuit Deo. *Vl. Ibid., 20* Non est inventus similis illi, qui conservaret legem Excelsi.
 Allelúja, allelúja. *Vl. Ps. 109, 4* Tu es sacerdos in aeternum, secundum ordinem Melchisedech. Allelúja.

+ Sequéntia sancti Evangélii secundum Marcum.

Marc. 16, 15-18

IN illo témpore: Dixit Jesus discipulis suis: Eúntes in mundum univérsum, praedicáte Evangélium omni creatúrae. Qui crediderit, et baptizátus fuerit, salvus erit: qui vero non crediderit, condemnábitur. Signa autem eos, qui crediderint, haec sequéntur: In nómine meo daemónia ejicient: linguis loquéntur novis: serpéntes tollent: et si mortíferum quid bíberint, non eis nocébit: super aegros manus impónent, et bene habébunt.

Offertorium Ps. 88, 21-22 Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum.

Secreta

SANCTI Confessóris tui Matérni nos, Dómine, quaésumus, ánnua festívitás pietáti tuae reddat accéptos: ut, per haec piaae placatiónis officia, et illum beáta retribútió comitétur, et nobis grátiae tuae dona concíliet. Per Dóminum.

Communio Luc. 12, 42 Fidélis servus et prudens, quem constituit dóminus super famíliam suam: ut det illis in témpore trítici mensúram.

Postcommunio

SANCTI Matérni Confessóris tui atque Pontíficis supplicatió nibus, Dómine, tríbue nos fovéri: ut cujus solemnitétem ánnuo celebrámus obséquo, ejus apud te intercessió nibus commendémur et méritis. Per Dóminum.

MISSAE PROPRIAE SANCTORUM ECCLESIAE CATHEDRALIS ET DIOECESIS LEODIENSIS

Die 17 Septembris

S. LAMBERTI

Episcopi et Martyris Dioecesis Patroni

Duplex I classis

Introitus

GAUDEÁMUS omnes in Dómino, diem festum celebrántes sub honóre beáti Lambértil Mártiris: de cujus solemnitéte gaudent Angeli, et colláudant Fílium Dei. **Ps. 32, 1** Exsultáte, justí, in Dómino: rectos decet collaudátió. *Vl. Glória Patri.*

Oratio

INTERCÉSSIO, quaésumus, Dómine, beáti Lambértil Mártiris tui atque Pontíficis, tuam nobis non désinat placáre justítiam, et nostrum tibi devótum effícere famulátum. Per Dóminum.

Léctio Epístolae beáti Pauli Apóstoli ad Hebraeos.

Hebr. 5, 1-6

FRATRES: Omnis pónitífex ex homínibus assúptus, pro homínibus constitúitur in iis, quae sunt ad Deum: ut offerat dona et sacrificia pro peccátis: qui condolére possit iis, qui ignórant, et errant: quóniam et ipse circúmdatus est infirmitáte: et proptérea debet, quemádmódu pro pópulo, ita étiam et pro semetípso offerre pro peccátis. Nec quisquam sumit sibi honórem, sed qui vocátur a Deo, tamquam Aaron. Sic et Christus non semetípsum clarificávit ut pónitífex fieret: sed qui locúsus est ad eum: Fílius meus es tu, ego hódie génui te. Quemádmódu et in álio loco dicit: Tu es sacerdos in aeternum, secundum ordinem Melchisedech.

Graduale Eccli. 44, 16 Ecce sacerdos magnus, qui in diebus suis placuit Deo. *Vl. Ibid., 20* Non est inventus

símilis illi, qui conserváret legem Excélsi.

Allelúja , allelúja. *V/. Joann. 10, 14* Ego sum pastor bonus: et cognóscó oves meas, et cognóscunt me meae. Allelúja.

Sequentia

CHRISTI nómine laetémur,
Et Lambérto gratulémur,
Inclyto Pontífici.

Cujus fidem, passiónem,
Tot labóres et agónem,
Digne decet récoli.

Hic ad glóriam paréntum
Pulchrum dedit ornaméntum:
Sanctus ab infántia.

Clarus per progenitóres,
Cláruit per pios mores,
Amplióri grátia.

Ad honórem praesulátus
Est Trajécti postulátus:
Fungens sacerdotio.

Gregem salvat, splendet signis,
Tungros lustrat vir insígnis
Novae lucis rádio.

Cum de sede deturbátum,
Septem annos exsulátum
Pellit hostis ívidus.

Monachórum petit aedem,
Post in primam redit sedem
Suo juri rédditus.

Reprobátus et abjéctus
Lapis iste nunc eréctus
Ad se traxit ómnia.

Taxándriam illustrávit,
Idolórum quam mundávit
Ab omni spurcítia.

Turba credit, fides crescit,
Error cedit, et claréscit
Nomen tanti Praésulis.

Qui constrúcto Dei templo,
Verbo docens et exémplo,
Corúscat miráculis.

Tandem orans immolátur:
Hasta dum transverberátur,
Subit caeli gáudia.

Mox Trajecti fuit curae
Dare corpus sepultúrae,
Terra procul ália.

Angelórum dulce melos
Audítur, dum intrat caelos
Cum palma victóriae.

Amen dicat plebs devóta,
Psallat ei mente tota
Qui triúmphant hódie.

Clerus omnis jucundétur,
Et Lambértus commendétur
Solémni melódia.

Légia quem venerátur,
Cujus sacri decorátur
Córporis custódia.

Mors est justi pretiósa,
Quam praecéssit gloriósa
Vitae conversátio.

Hujus actus imitémur,
Ut ne frustra gloriémur
Ejus patrocínio.

Tu nos ex hac mortis valle
Duc ad vitam recto calle
Ejus per vestigia.
Jesu, nobis da benigne,
Ut cum sanctis te condigne
Laudemus in pátria.
Amen. Allelúja.

+ Sequéntia sancti Evangéllii secúndum Joánnem.
Joann. 10, 11-16

IN illo témpore: Dixit Jesus pharisaéis: Ego sum pastor bonus. Bonus pastor ánimam suam dat pro óvibus suis. Mercenárius autem, et qui non est pastor, cujus non sunt oves própriae, videt lupum veniéntem, et dimíttit oves, et fugit: et lupus rapit, et dispérgit oves: mercenárius autem fugit, quia mercenárius est, et non pértinet ad eum de óvibus. Ego sum pastor bonus: et cognóscó meas, et cognóscunt me meae. Sicut novit me Pater, et ego agnóscó Patrem: et ánimam meam pono pro óvibus meis. Et álias oves hábeo, quae non sunt ex hoc ovíli: et illas opórtet me addúcere, et vocem meam áudiant, et fiet unum ovíle, et unus pastor.

Credo.

Offertorium Ps. 20, 4-5 Posuísti, Dómine, in cápíte ejus corónam de lápide pretiósó: vitam pétiit a te, et tribuísti ei, allelúja.

Secreta

ADÉSTO, quaésumus , Dómine, famulórum tuórum hóstiis, adésto munéribus, sancti Lambéрти, Mártýris tui atque Pontíficis, précibus placátus ac méritis: et ejus gaudéntes solemnitáte, ab hóstium infestatióibus cleménter tuére. Per Dóminum.

Communio Joann. 10, 14 Ego sum pastor bonus: et cognóscó oves meas, et cognóscunt me meae.

Postcommunio

BEÁTI Pontíficis Lambéрти, Mártýris tui, Dómine, mérita gloriósa recoléntibus, da nobis per haec sacraménta, quae súmpsimus, ut a culpís ómnibus expiáti, vitam consequámur aetérnam. Per Dóminum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**MISSA VOTIVA
S. LAMBERTI
Episcopi et Martyris**

Missa ut in festo, sed omittitur Sequentia. Introitus, et post Septuagesimam etiam Tractus sumuntur e Missa Státuit, de Communi unius Martyris 1 loco. Tempore autem Paschali Introitus sumitur e Missa Protexísti, de Communi Martyrum 1 loco, et post Epistolam, omissó Graduali, dicitur:

Allelúja , allelúja. V/. Joann. 10, 14 Ego sum pastor bonus: et cognóscó oves meas, et cognóscunt me meae. Allelúja. V/. Ps. 109, 4 Tu es sacérdos in aetérnum, secúndum órđinem Melchisedech. Allelúja.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 22 Septembris
SS. MAURITII ET SOCIORUM**

Martyrum

Duplex

Missa Intret, de Communi plurimorum Martyrum, praeter Orationes et Epistolam.

Oratio

ANNUE, quaesumus, omnipotens Deus: ut sanctorum Martyrum tuorum Maurítii et Sociorum ejus nos laetíficet festíva solémnitas ; ut, quorum suffrágiis nítimur, eorum natalítiis gloriémur. Per Dóminum.

Léctio libri Apocalýpsis beáti Joánnis Apóstoli.

Apoc. 7, 13-17

IN díebus illis: Respóndit unus de senióribus, et dixit mihi: Hi, qui amícti sunt stolis albis, qui sunt ? et unde venérunt ? Et dixi illi: Dómine mi, tu scis. Et dixit mihi: Hi sunt, qui venérunt de tribulatióne magna, et lavérunt stolas suas, et dealbavérunt eas in ságuine Agni. Ideo sunt ante thronum Dei, et sérviant ei die ac nocte in templo ejus: et qui sedet in throno, habitábit super illos: non esúrient, neque sítient ámplius, nec cadet super illos sol, neque ullus aestus: quóniam Agnus, qui in médio throni est, reget illos, et dedúcet eos ad vitae fontes aquárum: et abstérget Deus omnem lácrimam ab óculis eorum.

Secreta

RÉSPICE, quaesumus, Dómine, múnera, quae in sanctorum Martyrum tuorum Maurítii et Sociorum ejus commemoratióne deférimus: et praesta ; ut, quorum honóre sunt grata, eorum nobis fiant intercessióne perpétua. Per Dóminum.

Postcommunio

CAELÉSTIBUS refécti sacraméntis et gáudiis: súplices te rogámus, Dómine ; ut, quorum gloriámur triúmphis, protegámur auxiliis. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA OCTOBRIS

Die 1 Octobris
Commemoratio

S. BAVONIS

Confessoris

Missa Os justi, de Communi Confessoris non Pontificis 1 loco, praeter Orationem sequentem:

Oratio

DEUS, qui beátum Bavónem Confessórem tuum, calcáto mundo, crucifíxo Fílio tuo militáre tribuísti: da nobis, quaesumus, ejus patrocínio, ab ómnibus hóstibus prótegi ; et post peráctam felíciter hujus vitae militíam, aetérna glória coronári. Per Dóminum.

Secreta

C

LAUDIS tibi, Dómine, hóstias immolámus in tuorum commemoratióne Sanctorum: quibus nos et praeséntibus éxui malis confidimus et futúris. Per Dóminum.

Postcommunio

C

REFÉCTI cibo potúque caelésti, Deus noster, te súplices exorámus: ut, in cujus haec commemoratióne percépimus, ejus muniámur et précibus. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 2 Octobris

Commemoratio

S. BEREGISI

Abbatis

Missa Os justi, de Communi Abbatum, praeter Orationem sequentem:

Oratio

DEUS, quo vocante, beátus Beregísus quae retro erant oblítus est: fac nos, ipso intercedente, ad destinátum pórsequi bráviúm supérnae vocatiónis, in Christo Jesu Dómino nostro: Qui tecum vivit.

Secreta C

SACRIS altáribus, Dómine, hóstias superpósitas sanctus Beregísus Abbas, quaésumus, in salútem nobis proveníre depóscat. Per Dóminum.

Postcommunio C

PRÓTEGAT nos, Dómine, cum tui perceptiõe sacraménti beátus Beregísus Abbas, pro nobis intercedendo: ut et conversatiónis ejus experiámur insígnia, et intercessiõnis percipiámus suffrágia. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 8 Octobris

Commemoratio

S. AMORIS

Confessoris

Missa Justus, de Communi Confessoris non Pontificis 2 loco, cum Orationibus ut infra:

Oratio C

ADÉSTO, Dómine, supplicatiõibus nostris, quas in beáti Amóris Confessóris tui solemnitate deférimus: ut, qui nostrae justítiae fidúciam non habémus, ejus, qui tibi plácuít, précibus adjuvémur. Per Dóminum.

Secreta C

PRAESTA nobis, quaésumus, omnípotens Deus: ut nostrae humilitátis oblátio, et pro tuórum tibi grata sit honóre Sanctórum, et nos córpore páriter et mente puríficet. Per Dóminum.

Postcommunio C

QUSUMUS, omnípotens Deus: ut, qui caeléstia aliménta percépimus, intercedente beáto Amóre Confessóre tuo, per haec contra ómnia advérsa muniámur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 11 Octobris

In Ecclesiis consecratis excepta Cathedrali

**DEDICATIO
PROPRIAE ECCLESIAE**

Duplex I classis

**Missa Terríbilis, de Communi Dedicatiõnis. Credo.
Festum Maternitatis Beatae Mariae Virginis fit die 12 Octobris.**

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 12 Octobris

In Ecclesiis consecratis excepta Cathedrali

MATERNITATIS
BEATAE MARIAE VIRGINIS

Duplex II classis

Missa Ecce Virgo, ut in Missali.

MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS

Die 21 Octobris

SS. URSULAE ac SOCIARUM
Virginum et Martyrum

Duplex

Missa Deus meus, de Communi plurium Virginum et Martyrum, ut infra, praeter Orationes sequentes:

Oratio

DA nobis, quaesumus, Domine Deus noster, sanctarum Virginum et Martyrum tuarum Ursulae et Sociarum ejus palmas incessabili devotione venerari: ut, quas digna mente non possumus celebrare, humilibus saltem frequentemus obsequiis. Per Dominum.

Secreta

INTENDE, quaesumus, Domine, munera altaribus tuis pro sanctarum Virginum et Martyrum tuarum Ursulae et Sociarum ejus festivitate proposita: ut, sicut per haec beata mysteria illis gloriam contulisti; ita nobis indulgentiam largiaris. Per Dominum.

Postcommunio

PRAESTA nobis, quaesumus, Domine, intercedentibus sanctis Virginitibus et Martyribus tuis Ursula et Sociabus ejus; ut, quod ore contingimus, pura mente capiamus. Per Dominum.

MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS

Die 23 Octobris

S. ODAE

Viduae

Simplex

Missa Cognovi, Domine, de Communi nec Virginis nec Martyris, praeter Orationem sequentem:

Oratio

DEUS, qui beatam Odam genere nobilem, sed virtutibus nobiliorem, viduali sanctimonia decorasti: da nobis, quaesumus, ipsius meritis et exemplis, sic fieri virtutibus divites, ut ejus hic patrocinium sentiamus, et gloriae, qua fruatur in caelis, participes esse mereamur. Per Dominum.

Secreta

C

ACCÉPTA tibi sit, Domine, sacratae plebis oblatio pro tuorum honore Sanctorum: quorum se meritis de tribulatione percepisse cognoscit auxilium. Per Dominum.

Postcommunio

C

SATIÁSTI, Domine, familiam tuam munéribus sacris: ejus, quaesumus, semper interventióne nos réfove, cujus solémnia celebrámus. Per Dominum.

MISSAE PROPRIAE SANCTORUM

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Eadem die 23 Octobris

Commemoratio

S. SEVERINI

Episcopi et Confessoris

Missa Státuit, **de Communi Confessoris Pontificis 1 loco, praeter Orationem sequentem:**

Oratio

DEUS, qui beátum Severínum, Confessórem tuum atque Pontíficem, hodiérna die suscepísti atque remunerásti: concéde propítius ; ut qui ejus gaudémus méritis, provocémur exémplic, et ejus intercessióne véniam et vitam mereámur aetérnam. Per Dóminum.

Secreta C

SANCTI tui, quaesumus, Dómine, nos ubique laetíficent: ut, dum eórum mérita recólimus, patrocínia sentiámus. Per Dóminum.

Postcommunio C

PRAESTA, quaesumus, omnipotens Deus: ut, de percéptis munéribus grátias exhibéntes, intercedénte beáto Severíno Confessóre tuo atque Pontífice, beneficia potióra sumámus. Per Dóminum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

Die 24 Octobris

Commemoratio

S. EVERGISLI

Episcopi et Martyris

Missa Sacerdótes Dei, **de Communi unius Martyris Pontificis 2 loco, cum Orationibus ut infra:**

Oratio C

DEUS, qui nos beáti Evergísli Mártyris tui atque Pontíficis ánnua solemnitate laetíficas: concéde propítius ; ut, cujus natalítia cólimus, de ejúsdem étiam protectióne gaudeámus. Per Dóminum.

Secreta C

MÚNERA tibi, Dómine, dicáta sanctífica: et, intercedénte beáto Evergíslo Mártyre tuo atque Pontífice, per éadem nos placátus inténde. Per Dóminum.

Postcommunio C

HAEC nos commúnio, Dómine, purget a crímine: et, intercedénte beáto Evergíslo Mártyre tuo atque Pontífice, caeléstis remédii fáciat esse consórtes. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

FESTA NOVEMBRIS

Die 3 Novembris

S. HUBERTI

Episcopi et Confessoris
Patroni Civitatis Leodiensis

In Civitate: Duplex I classis
In Dioecesi: Duplex majus

Missa Státuit, ut in Communi Confessoris Pontificis 1 loco, praeter Orationes sequentes.

Oratio

DEUS, qui perénnem glóriam sanctíssimi Confessoris tui atque Pontificis Huberti animae contulisti: praesta, quaesumus; nos ejus apud te ita patrocíniis adjuvári, ut cum eo vitam possideamus aeternam. Per Dóminum.

In Civitate dicitur Credo.

Secreta

OBLÁTA, quaesumus, Dómine, múnere fidélis pópuli méritis beatíssimi Huberti reddántur accépta; ut abjécta cogitátione peccáti, eísdem quibus famulámur mystériis, clementer emundári mereámur. Per Dóminum nostrum.

Postcommunio

MENSAE caeléstis participátione vegetáti, súpplícés te rogámus, omnípotens Deus; ut sicut de beáti Huberti perpétua glorificátione gaudémus, ita ipsíus apud te intercessióne ab omni mereámur adversitaté deféndi. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 4 Novembris
S. PERPETUI**

Episcopi et Confessoris

Duplex

Missa Sacerdotes tui, ut in Communi Confessoris Pontificis 2 loco, praeter Orationem sequentem:

Oratio

PROPITIÁRE, quaesumus, Dómine, nobis indígnis fámulis tuis, per sancti Perpétui, Confessoris tui atque Pontificis, mérita gloriósa; ut ejus pia intercessióne, ab ómnibus semper protegámur advérsis. Per Dóminum nostrum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 5 Novembris
SS. RELIQUIARUM**

quae in Ecclesiis Dioecesis asservantur

Duplex majus

Introitus **Ps. 33, 20-21**

MULTAE tribulatiónes justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus ejus in ore meo. **Vl.** Glória Patri.

Oratio

AUGE in nobis, Dómine, resurrectiúnis fidem, qui in Sanctórum tuórum Relíquiis mirabília operáris: et fac nos immortalis glóriae partícipes; cujus in eórum cinéribus pignora venerámur. Per Dóminum.

Léctio libri Sapiéntiae.

Eccli. 44, 10-15

Hi viri misericórdiae sunt, quorum pietátes non defuérunt: cum sémine eórum pórmanent bona, heréditas sancta nepótes eórum, et in testaméntis stetit semen eórum: et filii eórum propter illos usque in aetérnum manent: semen eórum et glória eórum non derelinquétur. Córpora ipsórum in pace sepúlta sunt, et nomen eórum vivit in generatióem et generatióem. Sapiéntiam ipsórum narrent pópuli, et laudem eórum núntiet Ecclésia.

Graduale Ps. 149, 5 et 1 Exsultábunt sancti in glória: laetabúntur in cubílibus suis. **VI.** Cantáte Dómino cánticum novum: laus ejus in ecclésia sanctorum.

Allelúja, allelúja. **VI. Ps. 67, 4** Justi epuléntur, et exsúltent in conspéctu Dei: et delecténtur in laetitia. Allelúja.

+ Sequéntia sancti Evangélii secúndum Lucam.

Luc. 6, 17-23

IN illo témpore: Descéndens Jesus de monte, stetit in loco campéstri, et turba discipulórum ejus, et multitúdo copiósa plebis ab omni Judaéa, et Jerúsalem, et marítima, et Tyri, et Sidónis, qui vénerant, ut audírent eum, et sanaréntur a languóribus suis. Et qui vexabántur a spirítibus immúndis, curabántur. Et omnis turba quaerébat eum tángere: quia virtus de illo exíbat, et sanábat omnes. Et ipse elevátis óculis in discipulos suos, dicébat: Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum, propter Filium hóminis. Gaudéte in illa die, et exsultáte: ecce enim merces vestra multa est in caelo.

Offertorium Ps. 67, 36 Mirábilis Deus in sanctis suis: Deus Israël, ipse dabit virtútem et fortitúdinem plebi suae: benedíctus Deus, allelúja.

Secreta

IMPLORÁMUS, Dómine, cleméntiam tuam: ut Sanctorum tuórum, quorum Relíquias venerámur, suffragántibus méritis, hóstia, quam offérimus, nostrórum sit expiátio delictórum. Per Dóminum.

Communio Ps. 32, 1 Gaudéte, justí, in Dómino: rectos decet collaudátio.

Postcommunio

MULTÍPLICA super nos, quaésumus, Dómine, per haec sancta, quae sumpsimus, misericórdiam tuam: ut, sicut in tuórum solemnitate Sanctorum, quorum Relíquias cólimus, pia devotióne laetámur; ita eórum perpétua societáte, te largiénte, fruámur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 6 Novembris
S. LEONARDI**

Confessoris

Duplex

Missa Os justí, **de Communi Abbatum, praeter Orationem sequentem:**

Oratio

MAJESTÁTI tuae, quaésumus, omnípotens Deus, nos sanctíssimi Confessóris tui Leonárdi pia comméndet orátio: ut quem venerámur officio, ipsíus suffrágiis sublevémur. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 23 Novembris
S. TRUDONIS**

Confessoris

Duplex

Missa Os justi, de Communi Abbatum, praeter Orationes sequentes:

Oratio

SANCTI Trudónis Confessóris tui nos, Dómine, precátio sancta tueátur: ut quod consciéntia nostra non merétur, nobis ejus qui tibi plácuít oratióne donétur. Per Dóminum.

Secreta

IN conspéctu tuo, Dómine, quaésumus, tália nostra sint múnera, quae intercedénte beáto Trudóne, Confessóre tuo, et placáre te váleant, et nos tibi placére perficiant. Per Dóminum nostrum.

Postcommunio

SÚPPLICES te rogámus, omnípotens Deus: ut quos donis caeléstibus satiásti ; intercedénte beáto Trudóne, Confessóre tuo, perpétua protectióne custódiás. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**Die 26 Novembris
S. JOANNIS BERCHMANS**

Confessoris

Duplex

Introitus **Ps. 118, 167**

CUSTODÍVIT ánima mea testimónia tua, Dómine: et diléxit ea veheménter. **Ps. ibid., 1** Beáti immaculáti in via: qui ámbulant in lege Dómini. **Vl.** Glória Patri.

Oratio

CONCÉDE, quaésumus, fámulis tuis, Dómine Deus: ea innocéntiae ac fidelitátis exémpa in tuo servítio sectári ; quibus angélicus júvenis Joánnes aetátis suae florem consecrávit. Per Dóminum.

Léctio libri Sapiéntiae.

Eccli. 51, 17-25, 27-28 et 35

CONFITÉBOR, et laudem dicam tibi, Dómine Rex, et benedicam nómini Dómini. Cum adhuc júnior essem, priúsquam oberrárem, quaesívi sapiéntiam palam in oratióne mea. Ante templum postulábam pro illa, et usque in novíssimis inquíram eam. Et efflóruit tamquam praecox uva, laetátum est cor meum in ea. Ambulávit pes meus iter rectum, a juventúte mea investigábam eam. Inclinávi módice aurem meam, et excépi illam. Multam invéni in meípso sapiéntiam, et multum proféci in ea. Danti mihi sapiéntiam, dabo glóriam. Consiliátus sum enim ut fácerem illam: zelátus sum bonum, et non confúndar. Colluctáta est ánima mea in illa, et in faciéndó eam confirmátus sum. Animam meam diréxi ad illam, et in agnitíone invéni eam. Possédi cum ipsa cor ab inítio: propter hoc non derelinquar. Vidéte óculis vestris quia módicum laborávi, et invéni mihi multam réquiem.

Graduale Sap. 4, 13-14 Consummátus in brevi explévit témpora multa. **Vl.** Plácita enim erat Deo ánima illíus: propter hoc properávit educere illum de médio iniquitátum.

Allelúja , allelúja. **Vl. Ibid., 16** Condémnat autem justus mórtuus vivos ímpios, et juvéntus celérius consummáta longam vitam injústi. Allelúja.

* In Missis votivis post Septuagesimam, omissis Allelúja et Versu sequenti, dicitur

Tractus Ps. 70, 17 Deus, docuísti me a juventúte mea: et usque nunc pronuntiábo mirabilia tua. **Vl. Ps. 118, 103 et 101** Quam dúlcia fáucibus meis elóquia tua, super mel ori meo ! **Vl.** Ab omni via mala prohibui pedes meos: ut custódiám verba tua.

Tempore autem Paschali omittitur Graduale, et ejus loco dicitur:

Allelúja, allelúja. *Vl. Ps. 118, 106* Jurávi, et státui custódire iudícia justítiae tuae. Allelúja. *Vl. Ibid., 74* Qui timent te vidébunt me, et laetabúntur: quia in verba tua supersperávi. Allelúja.

+ Sequéntia sancti Evangélii secúndum Matthaéum.
Matth. 19, 16-21

IN illo témpore: Ecce unus accédens ad Jesum, ait illi: Magíster bone, quid boni fáciam ut hábeam vitam aetérnam ? Qui dixit ei: Quid me intérogas de bono ? Unus est bonus, Deus. Si autem vis ad vitam íngredi, conserva mandáta. Dicit illi: Quae ? Jesus autem dixit: Non homicídium fácies: Non adulterábis: Non fácies furtum: Non falsum testimónium dices: Honóra patrem tuum, et matrem tuam, et díliges próximum tuum sicut teípsum. Dicit illi adoléscens: Omnia haec custodívi a juventúte mea, quid adhuc mihi deest ? Ait illi Jesus: Si vis perfectus esse, vade, vende quae habes, et da paupéribus, et habébis thesáurum in caelo: et veni, séquere me.

Offertorium Ps. 115, 16-17 O Dómine, quia ego servus tuus: ego servus tuus et fílius ancíllae tuae: dirupísti víncula mea: tibi sacrificábo hóstiam laudis.

Secreta

RÉSPICE, miséricors Deus, dona quae offérimus, recoléntes ánimo caritátem: qua beátus Joánnes inter haec mystéria flagrábat. Per Dóminum.

Communio Cant. 6, 2 ; 3, 4 Ego dilécto meo, et diléctus meus mihi, qui páscitur inter lília. Invéni quem díligit ánima mea: ténui eum, nec dimíttam.

Postcommunio

CAELÉSTI épulo reféctis praesta nobis, quaésumus, miséricors Deus: ut, beáti Joánnis vestígia sequéntes, viam mandatórum tuórum dilatáto corde currámus. Per Dóminum.

MISSAE PROPRIAE SANCTORUM ECCLESIAE CATHEDRALIS ET DIOECESIS LEODIENSIS

Die 27 Novembris
S. ALBERTI

Episcopi et Martyris

Duplex

Missa Sacerdótes Dei, *de Comuni unius Martyris Pontificis 2 loco, praeter Orationem sequentem:*

Oratio

DEUS, qui beátum Albértum Pontíficem martýrii coróná decorásti, et ecclesiásticae libertátis constituísti defensorém: ejus méritis nobis concéde ; ut per hujus vitae tribulatiónes ad promíssam perveníre valeámus felicitátem. Per Dóminum nostrum.

MISSAE PROPRIAE SANCTORUM ECCLESIAE CATHEDRALIS ET DIOECESIS LEODIENSIS

COMMUNE PLURIUM
CONFESSORUM PONTIFICUM

Introitus *Ps. 131, 16-17*

SACERDÓTES Sion induam salutári, et sancti ejus exsultatióne exsultábunt, dicit Dóminus: illuc producám cornu David, parávi lucérnam Christo meo. (*T. P. Allelúja, allelúja.*) *Ps. ibid., 1* Meménto, Dómine, David: et omnis mansuetúdinis ejus. *Vl. Glória Patri.*

Oratio

DEUS, qui nos beatórum *N.* et *N.* Confessorum tuórum atque Pontíficum confessiónibus gloriósis

circúmdas et prótegis: da nobis, et eórum imitatióne profícere, et intercessióne gaudére. Per Dóminum.

Alia Oratio

ECCLÉSIAM tuam, Dómine, beatórum **N.** et **N.** Confessórum tuórum atque Pontíficum contínuá protectióne custódi: ut, sicut illos pastorális sollicitúdo gloriósos réddidit ; ita nos eórum intercessio in tuo semper fáciat amóre fervéntes. Per Dóminum.

Léctio Epístolae beáti Pauli Apóstoli ad Hebraeos.

Hebr. 13, 7-17

FRATRES: Mementóte praepositórum vestrórum, qui vobis locúti sunt verbum Dei: quorum intuéntes éxitum conversatiónis, imitámini fidem. Jesus Christus heri, et hódie: ipse et in saécula. Doctrínis váriis et peregrínis nolíte abdúci. Optimum est enim grátia stabilíre cor, non escis, quae non profuérunt ambulántibus in eis. Habémus altáre, de quo édere non habent potestátem, qui tabernáculo desérviunt. Quorum enim animálium infértur sanguis pro peccáto in Sancta per pontíficem, horum córpora cremántur extra castra. Propter quod et Jesus, ut sanctificáret per suum sánguinem pópulum, extra portam passus est. Exeámus ígitur ad eum extra castra, impropérium ejus portátes. Non enim habémus hic manéntem civitátem, sed futúram inquírimus. Per ipsum ergo offerámus hóstiam laudis semper Deo, id est, fructum labiórum confiténtium nómini ejus. Beneficéntiae autem, et communiónis nolíte oblivísci: tálibus enim hóstiis promerétur Deus. Obedíte praepósitis vestris, et subjacéte eis. Ipsi enim pervígilant, quasi ratióne pro animábibus vestris redditúri.

Graduale Ps. 106, 22 et 32 Sacríficent Dómino sacrificium laudis: et annúntient ópera ejus in exsultatióne. **V/.** Et exáltent eum in ecclésia plebis: et in cáthedra seniórum laudent eum.

Allelúja , allelúja. **V/.** **2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja.

Post Septuagesimam, omissis Allelúja et Versu sequenti, dicitur

Tractus Ps. 131, 8-10 Surge, Dómine, in réquiem tuam: tu et arca sanctificatiónis tuae. **V/.** Sacerdótes tui induántur justítiam, et sancti tui exsúltent. **V/.** Propter David servum tuum, non avértas fáciem Christi tui.

Tempore autem Paschali omittitur Graduale, et ejus loco dicitur:

Allelúja , allelúja. **V/.** **2 Paral. 6, 41** Sacerdótes tui, Dómine Deus, induántur salútem, et sancti tui laeténtur in bonis. Allelúja. **V/.** **Jerem. 31, 14** Ego Dóminus inebriábo ánimam sacerdotum pinguédine: et pópulus meus bonis meis adimplébitur. Allelúja.

+ Sequéntia sancti Evangélii secúndum Marcum.

Marc. 13, 33-37

IN illo témpore: Dixit Jesus discípulis suis: Vidéte, vigiláte, et oráte: nescítis enim quando tempus sit. Sicut homo, qui pégre proféctus relíquit domum suam, et dedit servis suis potestátem cujúsque óperis, et janitóri praecépit ut vígilet. Vigiláte ergo, (nescítis enim quando dóminus domus véniat: sero, an média nocte, an galli cantu, an mane) ne cum vénerit repénte, invéniat vos dormiéntes. Quod autem vobis dico, ómnibus dico: Vigiláte.

Offertorium Ps. 105, 3 Beáti, qui custódiunt judícium, et fáciunt justítiam in omni témpore. **(T. P. Allelúja.)**

Secreta

MÚNERA nostra, Dómine, sacris altáribus offeréntes, quaesumus cleméntiam tuam: ut éadem, suffragántibus beatórum **N.** et **N.** Pontíficum méritis, et suprémam tibi glóriam operéntur, et ubérrimam nobis grátiam assequántur. Per Dóminum.

Alia Secreta

HANC nostrae oblatiÓnis hóstiam, Deus, gratam óculis tuae majestátis effíciant beatórum **N.** et **N.** Pontíficum expetíta suffrágia: qui digne in hoc saéculo sacrificia tibi, ac preces in salútem pópuli obtulérunt. Per Dóminum.

Communio Marc. 13, 34 Homo pégre proféctus relíquit domum suam, et dedit servis suis potestátem cujúsque óperis, et janitóri praecépit ut vígilet. **(T. P. Allelúja.)**

Postcommunio

REFECTIÓNE sacra enutrítos, fac nos, omnípotens Deus, vestígiis beatórum **N.** et **N.** Pontíficum semper insistere: qui studuérunt pépeti devotióne te cólere, et indeféssa ómnibus caritáte profícere. Per Dóminum.

Alia Postcommunio

MENSA caeléstis, omnípotens Deus, intercedéntibus beatórum **N.** et **N.** Pontíficum méritis, supérnas in ómnibus vires firmet et áugeat: ut et fídei donum íntegrum custodiámus, et per osténsus salutis trámitem ambulémus. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

**COMMUNE PLURIUM
CONFESSORUM NON PONTIFICUM**

Introitus **Ps. 144, 10-11**

CONFITEÁNTUR tibi, Dómine, ómnia ópera tua, et sancti tui benedícant tibi: glóriam regni tui dicent, et poténtiam tuam loquéntur. (**T. P.** Allelúja, allelúja.) **Ps. ibid., 1** Exaltábo te, Deus meus Rex: et benedícam nómini tuo in saéculum, et in saéculum saéculi. **V.** Glória Patri.

Oratio

CONCÉDE, quaésumus, omnípotens Deus: ut ad meliorem vitam beatórum **N.** et **N.** Confessorum tuórum exémpla nos próvocent ; quátenus, quorum memóriam ágimus, étiam actus imitémur. Per Dóminum.

Alia Oratio

DEUS, qui nos beatórum **N.** et **N.** Confessorum tuórum méritis et intercessióne laetíficas: concéde propítius ; ut, qui tua per eos beneficia póscimus, dono tuae grátiae consequámur. Per Dóminum.

Léctio libri Sapiéntiae.

Eccli. 2, 7-13

METUÉNTES Dóminum, sustinéte misericórdiam ejus: et non deflectátis ab illo ne cadátis. Qui timétis Dóminum, crédite illi: et non evacuábitur merces vestra. Qui timétis Dóminum, speráte in illum: et in oblectatióne véniet vobis misericórdia. Qui timétis Dóminum, dilígite illum: et illuminabúntur corda vestra. Respícite, filii, natiónes hóminum: et scitóte quia nullus sperávit in Dómino, et confúsus est. Quis enim permánsit in mandátis ejus, et derelíctus est ? aut quis invocávit eum, et despéxit illum ? Quóniam pius et miséricors est Deus, et remíttet in die tribulatiónis peccáta: et protéctor est ómnibus exquiréntibus se in veritáte.

Graduale Ps. 30, 24-25 Dilígite Dóminum, omnes sancti ejus, quóniam veritátem requíret Dóminus, et retribuet abundánter faciéntibus supérbiam. **V.** Viríliter ágite, et confortétur cor vestrum, omnes qui sperátis in Dómino.

Allelúja , allelúja. **V.** **Ps. 9, 11** Sperent in te qui novérunt nomen tuum: quóniam non dereliquísti quaeréntes te, Dómine. Allelúja.

Post Septuagesimam, omissis Allelúja et Versu sequenti, dicitur

Tractus Ps. 33, 9-11 Gustáte, et vidéte, quóniam suávis est Dóminus: beátus vir, qui sperat in eo. **V.** Timéte Dóminum, omnes sancti ejus: quóniam non est inópia timéntibus eum. **V.** Dívites eguérunt et esuriérunt: inquiréntes autem Dóminum non minuéntur omni bono.

Tempore autem Paschali omittitur Graduale, et ejus loco dicitur:

Allelúja , allelúja. **V.** **Ps. 9, 11** Sperent in te qui novérunt nomen tuum: quóniam non dereliquísti quaeréntes te, Dómine. Allelúja. **Ps. 139, 14** Justi confitebúntur nómini tuo, Dómine: et habitábunt recti cum vultu tuo. Allelúja.

+ Sequéntia sancti Evangéllii secúndum Lucam.

Luc. 12, 35-40

IN illo tēpore: Dixit Jesus discipulis suis: Sint lumbi vestri praecincti, et lucernae ardentes in mánibus vestris, et vos símiles homínibus exspectántibus dómīnum suum, quando revertátur a nuptiis: ut, cum vénerit, et pulsáverit, conféstim apériant ei. Beáti servi illi, quos, cum vénerit dómīnus, invénerit vigilántes: amen dico vobis, quod praecínget se, et fáciet illos discumbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfámīas, qua hora fur veníret, vigiláret útique, et non síneret pērfodi domum suam. Et vos estóte paráti: quia qua hora non putátis, Fílius hóminis véniet.

Offertorium Ps. 67, 4 Justi epuléntur, et exsúltent in conspéctu Dei, et delecténtur in laetítia. (T. P. Allelúja.)

Secreta

HÓSTIAS ad altáre tuum offeréntibus, Dómīne, da nobis illum pietátis afféctum, quem beátis N. et N. Confessóribus tuis infudísti: ut pura mente ac férvīdo corde rei sacrae attendámus, et sacrificium tibi plácitum nobísque profícuum immolémus. Per Dómīnum.

Alia Secreta

MÚNERA, Dómīne, obláta sanctífica: et intercedéntibus beátis N. et N. Confessóribus tuis, nos per haec a peccatórum nostrórum máculis emúnda. Per Dómīnum.

Communio Luc. 12, 37 Beáti servi illi, quos, cum vénerit Dómīnus, invénerit vigilántes: amen dico vobis, quod praecínget se, et fáciet illos discumbere, et tránsiens ministrábit illis. (T. P. Allelúja.)

Postcommunio

TRÍBUAT nobis, omnípotens Deus, suffragántibus beatórum N. et N. Confessórum tuórum précibus, reféctio sacra subsidium: ut et castitátis mundítiam observémus in córpore, et lumen veritátis exhibeámus in ópere. Per Dómīnum.

Alia Postcommunio

SÚPPLICES te rogámus, omnípotens Deus: ut, quos tuis réficis sacraméntis, intercedéntibus beátis N. et N. Confessóribus tuis, tibi étiam plácitis móribus dignánter tríbuas deservíre. Per Dómīnum.

MISSAE PROPRIAE SANCTORUM ECCLESIAE CATHEDRALIS ET DIOECESIS LEODIENSIS

COMMUNE PLURIUM VIRGINUM

I Pro Virginibus et Martyribus

Introitus **Ps. 17, 31**

DEUS meus, impollúta via ejus: elóquia Dómini igne examináta: protéctor est ómnium sperántium in se. (T. P. Allelúja, allelúja.) **Ps. ibid., 2-3** Díligam te, Dómīne, fortitúdo mea: Dómīnus firmaméntum meum, et refúgium meum, et liberátor meus. **V.** Glória Patri.

Oratio

DA nobis, quaesumus, Dómīne Deus noster, beatárum N. et N. Vírginum et Mártyrum tuárum palmas incessábili devotíone venerári: ut, quas digna mente celebráre non póssumus, humílibus saltem frequentémus obséquīs. Per Dómīnum.

Alia Oratio

OMNÍPOTENS sempitérne Deus, qui beátas N. et N. virginitátis et martýrii glória decorásti: da nobis eárum précibus ita córporis et mentis seváre puritátem ; ut nec blandítiis carnis, nec malórum acerbitáte vincámur. Per Dómīnum.

Léctio Epístolae beáti Pauli Apóstoli ad Corínthios.

2 Cor. 4, 6-11 et 16-17

FRATRES: Deus illúxit in córdibus nostris ad illuminatiónem sciéntiae claritátis Dei, in fácie Christi Jesu. Habémus autem thesáurum istum in vasis fictílibus: ut sublímitas sit virtútis Dei, et non ex nobis. In ómnibus

tribulatióem pátimur, sed non angustiámur: aporiámur, sed non destitúimur: persecutióem pátimur, sed non derelinquimur: dejícimur, sed non perímus: semper mortificatióem Jesu in córpore nostro circumferéntes, ut et vita Jesu manifestétur in corpóribus nostris. Semper enim nos, qui vívimus, in mortem trádimur propter Jesum: ut et vita Jesu manifestétur in carne nostra mortáli. Propter quod non defícimus: sed licet is, qui foris est, noster homo corrupátur: tamen is, qui intus est, renovátur de die in diem. Id enim, quod in praesénti est momentáneum et leve tribulatióis nostrae, supra modum in sublimitáte aetérnum glóriæ pondus operátur in nobis.

Graduale Ps. 43, 8-9 Salvásti enim nos, Deus, de affligéntibus nos: et odiéntes nos confudísti. **Vl.** In Deo laudábimur tota die: et in nómine tuo confitébimur in saéculum.

Allelúja, allelúja. **Vl. Apoc. 12, 11** Vicérunt dracónem propter sánguinem Agni, et propter verbum testimónii sui. Allelúja.

Post Septuagesimam, omissis Allelúja et Versu sequenti, dicitur

Tractus Ps. 144, 5-7 Magnificéntiam glóriæ sanctitátis tuæ, Dómine, loquéntur: et mirabília tua narrábunt. **Vl.** Et virtútem terribílium tuórum dicent: et magnitúdinem tuam narrábunt. **Vl.** Memóriam abundántiæ suavitátis tuæ eructábunt: et justítia tua exsultábunt.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Apoc. 12, 11** Vicérunt dracónem propter sánguinem Agni, et propter verbum testimónii sui. Allelúja. **Vl. Sap. 4, 1 et 2** Casta generátio in perpétuum coronáta triúmphant, incoinquinatórum certáminum praémium vincens. Allelúja.

+ Sequéntia sancti Evangélii secúndum Matthaéum.

Matth. 25, 1-13

IN illo témpore: Dixit Jesus discipulis suis parábolam hanc: Símile erit regnum caelórum decem virgínibus: quæ accipiéntes lámpadas suas, exiérunt óbviæ sponso et sponsæ. Quinque autem ex eis erant fátuæ, et quinque prudéntes: sed quinque fátuæ, accéptis lámpádibus, non sumpsérunt óleum secum: prudéntes vero accepérunt óleum in vasis suis cum lámpádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviæ ei. Tunc surrexérunt omnes vírgines illæ, et ornavérunt lámpades suas. Fátuæ autem sapiéntibus dixérunt: Date nobis de óleo vestro: quia lámpades nostræ exstinguúntur. Respondérunt prudéntes, dicéntes: Ne forte non sufficiat nobis, et vobis, ite pótius ad vendéntes, et émite vobis. Dum autem irent émere, venit sponsus: et quæ parátæ erant, intravérunt cum eo ad núptias, et clausa est jánuæ. Novíssime vero véniunt et réliquæ vírgines, dicéntes: Dómine, Dómine, áperi nobis. At ille respóndens, ait: Amen dico vobis, nescio vos. Vigilate itaque, quia nescitis diem, neque horam.

Offertorium Ps. 88, 16-17 Dómine, in lúmine vultus tui ambulábunt, et in nómine tuo exsultábunt tota die: et in justítia tua exaltábuntur. (T. P. Allelúja.)

Secreta

INTÉNDE, quaésumus, Dómine, múnera altáribus tuis pro beatárum Vírginum et Mátyrum tuárum **N.** et **N.** honóre propósita: ut, sicut per hæc sacra mystéria illis glóriam contulísti, ita nobis indulgéntiam largiáris. Per Dóminum.

Alia Secreta

HÓSTIA nómini tuo, Dómine, reverénter exhibita, glorióso beatárum Vírginum et Mátyrum tuárum **N.** et **N.** suffrágio commendétur: quæ se tibi gratas pudóris et fidei víctimas immolárunt. Per Dóminum.

Communio Matth. 25, 4 et 6 Prudéntes vírgines accepérunt óleum in vasis suis cum lámpádibus: média autem nocte clamor factus est: Ecce sponsus venit, exíte óbviæ ei. (T. P. Allelúja.)

Postcommunio

PRAESTA nobis, quaésumus, Dómine: intercedéntibus beátis Virgínibus et Mátyribus tuis **N.** et **N.**; ut, quod ore contíngimus, pura mente capiámus. Per Dóminum.

Alia Postcommunio

CAELÉSTIA sacraménta, quaésumus, Dómine, suffragántibus beátis Virgínibus et Martíribus tuis **N.** et **N.**, sua nos virtúte commúniant: ut, quarum pie venerámur in fídei confessióne victóriam, imitémur in morum puritáte constántiam. Per Dóminum.

**MISSAE PROPRIAE SANCTORUM
ECCLESIAE CATHEDRALIS ET DIOECESIS
LEODIENSIS**

COMMUNE PLURIUM VIRGINUM

**II
Pro Virginibus tantum**

Introitus **Ps. 148, 12-14**

VÍRGINES laudent nomen Dómini, quia exaltátum est nomen ejus solíus: conféssio ejus super caelum et terram. (**T. P.** Allelúja, allelúja.) **Ps. ibid., 1** Laudáte Dóminum de caelis: laudáte eum in excélsis. **Vl.** Glória Patri.

Oratio

CONCÉDE, quaésumus, omnípotens Deus: ut qui beatárum Vírginum **N.** et **N.** puritátem húmili venerámur obséquo ; étiam pie conversatiónis imitémur exéplum. Per Dóminum.

Alia Oratio

FIDÉLES tuos, quaésumus, Dómine, intercedéntibus beátis Virgínibus **N.** et **N.**, ita córpore et mente purífica: ut a nóxiis delectatióibus elongéntur, ac tua júgiter suavité pascántur. Per Dóminum.

Léctio Epístolae beáti Pauli Apóstoli ad Corinthios.

1 Cor. 7, 25-34

FRATRES: De virgínibus praecéptum Dómini non hábeo: consílium autem do, tamquam misericórdiam consecútus a Dómino, ut sim fidélis. Existímo ergo hoc bonum esse propter instántem necessitátem, quóniam bonum est hómini sic esse. Alligátus es uxóri ? noli quaérere solutiónem. Solútus es ab uxóre ? noli quaérere uxórem. Si autem accéperis uxórem, non peccásti. Et si núpserit virgo, non peccávit: tribulatiónem tamen carnis habébunt hujúsmodi. Ego autem vobis parco. Hoc itaque dico, fratres: Tempus breve est: réliquum est, ut et qui habent uxóres, tamquam non habéntes sint: et qui flent, tamquam non flentes: et qui gaudent, tamquam non gaudéntes: et qui emunt, tamquam non possidéntes, et qui utúntur hoc mundo, tamquam non utántur: praéterit enim figúra hujus mundi. Volo autem vos sine sollicitúde esse. Qui sine uxóre est, sollicitus est, quae Dómini sunt, quómodo pláceat Deo. Qui autem cum uxóre est, sollicitus est, quae sunt mundi, quómodo pláceat uxóri, et divísus est. Et múlier innúpta, et virgo cógitat quae Dómini sunt, ut sit sancta córpore, et spírítu: in Christo Jesu Dómino nostro.

Graduale Ps. 44, 3 et 10 Speciósus forma prae fíliis hóminum: diffúsa est grátia in lábiis tuis. **Vl.** Fíliae regum in honóre tuo: ástitit regína a dextris tuis in vestítu deauráto, circúmdata varietáte. Allelúja, allelúja. **Vl. Sap. 4, 1** O quam pulchra est casta generátió cum claritáte: immortalís est enim memória illíus. Allelúja.

Post Septuagesimam, omissis Allelúja et Versu sequenti, dicitur

Tractus Ps. 44, 14-16 Omnis glória ejus fíliae Regis ab intus, in fímbris áureis, circumamícta varietátibus. **Vl.** Adducéntur Regi vírgines post eam, próximae ejus afferéntur tibi. **Vl.** Afferéntur in laetítia et exsultatióne, adducéntur in templum Regis.

Tempore autem Paschali omittitur Graduale, et ejus loco dicitur:

Allelúja, allelúja. **Vl. Sap. 4, 1** O quam pulchra est casta generátió cum claritáte: immortalís est enim memória illíus. Allelúja. **Vl. Isai. 56, 5** Ego Dóminus dabo eis nomen mélius a fíliis et filiábús: nomen sempitérnum dabo eis, quod non períbit. Allelúja.

+ Sequéntia sancti Evangélii secúndum Matthaéum.

Matth. 25, 1-13

IN illo témpore: Dixit Jesus discípulis suis parábolam hanc: Símile erit regnum caelórum decem virgínibus:

quae accipiéntes lámpadas suas, exiérunt óbviám sponso et sponsae. Quinque autem ex eis erant fátuae, et quinque prudéntes: sed quinque fátuae, accéptis lampádibus, non sumpsérunt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavérunt omnes, et dormiérunt. Média autem nocte clamor factus est: Ecce sponsus venit, exíte óbviám ei. Tunc surrexérunt omnes vírgines illae, et ornavérunt lámpades suas. Fátuae autem sapiéntibus dixérunt: Date nobis de óleo vestro: quia lámpades nostrae exstinguúntur. Respondérunt prudéntes, dicéntes: Ne forte non suffíciat nobis, et vobis, ite pótius ad vendéntes, et émite vobis. Dum autem irent émere, venit sponsus: et quae parátae erant, intravérunt cum eo ad núptias, et clausa est jánuá. Novíssime vero véniunt et réliquae vírgines, dicéntes: Dómine, Dómine, áperi nobis. At ille respóndens, ait: Amen dico vobis, nésco vos. Vigilate itaque, quia nescitis diem, neque horam.

Offertorium Ps. 33, 6 Accédite ad Dóminum, et illuminámini: et fácies vestrae non confundéntur. (T. P. Allelúja.)

Secreta

MUNÉRIBUS tibi, Dómine, pro beatárum Vírginum **N.** et **N.** honóre dicátis, benedictiónem tuam propitiátus effúnde: ut per éadem, et a vítiis ómnibus emundémur, et caeléstibus delíciis impleámur. Per Dóminum.

Alia Secreta

OFFERÉNTES tibi hóstiam laudis, miséricors Deus, apud majestátem tuam beatárum Vírginum **N.** et **N.** suffrágio commendémur: quae cónsonis opéribus in sua virginitáte jucúndum tibi habitáculum praeparárun. Per Dóminum.

Communio Matth. 25, 10 Venit sponsus: et vírgines, quae parátae erant, intravérunt cum eo ad núptias, et clausa est jánuá. (T. P. Allelúja.)

Postcommunio

SUMPTA mystéria, quaésumus, Dómine, suffragántibus beatárum Vírginum **N.** et **N.** méritis, íncitent nos júgiter et illústrent: ut digne advéntum Fílii tui praestolémur, et ad supérnas ejus núptias admittámur. Per eúmdem Dóminum.

Alia Postcommunio

CÓRPORIS et ságuinis tui sacra libátio, Dómine, intercedéntibus beátis Virgínibus **N.** et **N.**, ab ómnibus nos cadúcis rebus avértat: ut valeámus tui et sincéra in terris caritáte profícere, et perpétua in caelis visióne gaudére: Qui vivis.